

3.85





Diap #

25

ADPARATVS
AD
HISTORIAM
HUNGARIAE,

SIVE
COLLECTIO MISCELLA,
Monumentorum ineditorum partim,
partim editorum, sed fugientium.

Conquisuit, in Decades partitus est,
& Præfationibus, atque Notis illustravit,
MATTHIAS BEL.

Cum Censura Ampliss. Senatus Posoniens.



Sumtu Philohistorum Patriæ.
POSONI, Typis Joannis Paulli Royer,
A. MDCCXXXV.

AD PAVLVS
ND
HISTORIA
HUNGARIE
COLLECTIO MISCELLA

*Patriam prodere nefas ;
scelus contra ,
cum possis , nolle illustrare.*

119572

III



1283. c. 34/31-

CELSISSIMO AC REVERENDISSIMO
SACRI ROMANI IMPERII PRINCIPI,
DOMINO DOMINO

EMERICO,

E COMITIBVS ESZTERHÁZY DE
GALANTHA, ECCLESIAE METROPOLI-
TANAE STRIGONIENSIS ARCHIEPISCOPO, SACRAE
SEDIS APOSTOLICAE LEGATO NATO, PRIMATI REGNI HVNGA-
RIAE, EIVSDEMQUE SVMMO ET SECRETARIO CANCELLARIO, CO-
MITATVS STRIGONIENSIS SVPREMO AC PERPETVO COMITI,
SACRAE CAESAREAE REGIAEQVE MAIESTATIS ACTVALI
INTIMO STATVS ET CONSILII REGII LOCVMTENEN-
TIALIS HVNGARICI CONSILIARIO,

Nec non,

VNI E IVDICIBVS TABVLAE SEPTEMVIRALIS, &c.

DOMINO DOMINO

BENIGNISSIMO,

PROSPERITATEM!

CELSISSIME PRINCEPS,
DOMINE, DOMINE
BENIGNISSIME!



St hoc in virtutibus TVIS, quæ & multæ sunt, & dignæ, eo, ad quod TE euexerunt, fastigio, prorsus eximium; quod, sicuti percultum melioribus literis animum, ab ingenio & industria, nactus IPSE es: ita, singulari beneuolentia, complecti soleas hos, quibus labor omnis ætasque, in cultu bonarum artium, collocatur. Longus sim oportet, si benignitatem hanc TVAM, oratione velim explicare: adeo, & multifaria est, & plurimis passim locis, cumulatissime prodita. Nemo est enim vero, eruditorum, qui se TIBI, intimauit penitus, & cuius studia, ad communis vtilitatis procurationem adtinent; quin eum, bene liberaliterque acceperis, iuueris ad hæc consilio, quemadmodum Musis, dura hac tempestate, cum fructu queat operari.

Quo-

Quoties in animum venit, reminisci; venit autem
sæpe ac multum; qua, **CELSISSIME PRINCEPS!**
bonitate, destinationum mearum rationes, impedi-
menta item & remoras, explicantem, non audiueris
modo; sed viam quoque, expediendarum difficulta-
tum, commonstraueris: non possum non, iucundam
habere eam recordationem, & coniunctam cum ta-
cita quadam grati animi significatione: vt non sint
mihi e longinquo arcessendæ causæ, quibus, siue ex-
cusem, siue defensum, hanc audaciam meam, quod
sustinuerim, chartaceo cum munere, in TVVM, BE-
NIGNISSIME PRINCEPS! conspectum venire.

Diu, profecto est, cum cepi consilium, palam pro-
fitendi, quantum TIBI, Benignitatisque TVAE, debe-
am, in illo potissimum opere, quo res Hungaricas, eo
illustratum. Præterquam enim, quod non vno mo-
numento, ex diplomatibus, tabularii TVI, deprom-
to, exaggeratiora esse voluisti commentaria mea: spem
mihi haud dubiam facit, mirifica TVA virtus, cumu-
latiorem in dies fore, Bonitatem TVAM, erga studia
hæc mea, vnice, ad res patriæ eruderandas ornandas-
que, comparata.

Atque istud est, **CELSISSIME PRINCEPS!** quod
inuitauit me, immo coegit, vt, qualicunque hac, de-
mississimi obsequii testificatione, ad posteros perscri-
berem, quantum munificentia TVA profecerim, in
vasto illo instituto, quod DEI, & CAESARIS benefi-
cio, moliri pergo. Nunc, **CHRONOLOGIA** est, *Rerum
Hungaricarum & Transiluanicarum*, quam TIBI, BE-
NIGNISSIME PRINCEPS! venerabundus offe-
ro; ab homine, non indocto, & apud STEPHANVM BA-
THORY, gloriosissimum deinde Poloniarum Regem,
gratioso, missa in compendium.

Suscipe

Suscipe eam, **CELSISSIME PRINCEPS** ! dum
maiora suppetant, more **TVO**, benigne; & tenuitatem
meam, in his porro habe, qui, cum litterarum, in **TE**
amorem, pro eo, ac decet, dilaudare nequeunt; gesti-
unt tamen, eum, qua se cunque dat occasio, posteri-
tati cognitum facere, atque suspiciendum. **DEVS**
TE, commendatum Sibi habeat, magno, cum vni-
uersæ patriæ, tum meliorum artium, ornamento. Ita
vouet ex animo,

CELSITVDINIS TVAE,

DOMINE DOMINE,

BENIGNISSIME!

obsequentissimus,

MATTHIAS BEL.

SERENISSIMO PRINCIPI,
DOMINO, DOMINO
FRANCISCO III.
DEI GRATIA,
DVCI LOTHARINGIAE, REGI
HIEROSOLYMAE, MARCHISIO, DVCI CALA-
BRIAE, BARRI, GELDRIAE, MONTIS -- FERRATI, IN
SILESIA TESCHENAE, &c. PRINCIPI CAROLOPOLIS, MARCHIONI
MYSSIPONTI ET NOMENAEI &c. COMITI PROVINCIAE, VAL-
DEMONTIS, ALBIMONTIS, ZVTPHANIAE, SARVER-
DENAE, SALMAE, ET FALKENSTEI-
NAEI, &c. &c.

PER INCLYTVM REGNVN HVNGARIAE,
LOCVM TENENTI REGIO,
EXCELSI CONSILII LOCVM TENENTIALIS
P R A E S I D I,
Atque Vnitorum Comitatum,
PEST, PILIS, SOLTH,
SVPREMO COMITI, &c.
DOMINO, DOMINO
C L E M E N T I S S I M O,
FELICITATEM,
PERPETVITATEM!

SERENISSIME DVX,

DOMINE, DOMINE

CLEMENTISSIME!



Vam de benignitate TVA, Orbis Hungaricus, spem concepit, cum ei, ab Augustissimo CAESARE, Patre Patriæ, LOCVMTENENS datus esses; eam TV sane, pro mirifica virtute TVA, non expleuisti tantum cumulatissime; sed fecisti etiam expectationi locum, fore, vt testatam, aduersus Gentem nostram, sub Excelsi huius muneris exordia, clementiam, progressu temporis, non vna locupletaturus sis accessione. Atque ita omnino hucdum euenit perpetuo, vt, luculentam in dies singulos, inusitatae bonitatis TVAE significationem, cum vniuersim erga cunctos, tum hos potissimum, qui se totos, TVAE clientelæ permiserunt, adeoque HVNGARIAM omnem, ederes quam liberalissime.

Ab-

Absum equidem ab adsentatione , cum in toto vitæ meæ genere, tum præcipue, in hac demissa obsequii testificatione; fatear tamen, necesse est, non potuisse, hac temporum difficultate, HUNGARIÆ suæ, exquisitius consulere, Sapientissimum CAROLVM, quam, cum TE, rebus amplissimi Regni, in Sanctiore illo Concilio, S VI vice, & cum cura moderandis, indulgentissime præfecit. Non est hæc mea vnus existimatio: in ore omnium versatur; cum diuinum istud CAESARIS facinus, tum virtutes TVAE, quas, ad summarum rerum procurationem, adtulisti. Mirantur hi, in tanto fastigio, comitatem; suspiciunt alii, in agendo industriam; alii laborum patientiam in expediendo, dilaudant; iustitiam prædicant plerique omnes: mihi, post singularem benignitatem TVAM, amor, in elegantiores litteras, se in primis admirabilem fecit. Loquuntur eum, quos penitus, Augustali peregrinatione, cognitos habes, Angli, Bataui, & nullus non Germaniæ populus. Neque possunt aliter eruditi HUNGARI, quam vt TE, DVX SERENISSIME! quemadmodum Musæ, Apollinem suum, suspiciant, colant, venerentur: quippe quos, dum se hucusque dabat occasio, & accepisti clementer, & effecisti benigne, vt ne eos, in Musarum egisse contubernio, iure queat poenitere.

Hac TVA, SERENISSIME DVX! in meliores litteras, eas potissimum, quæ adtinent ad publicam vtilitatem, propensione atque gratia, extra modum insigni, allectus, in conspectum venio TVVM, mecumque HUNGARIAM adfero, quam TIBI dedicem consecremque; ritu eo sanctiore, quo magis iubare TVO illustrandam, defendendam benignitate, cupio. Opus est, NICOLAI OLAHI, summi quondam, inter

Hungaros, viri, noctibus Batauis, ante hæc duo secula, elucubratum; a me vero, ex tenebris iam erutum, atque Serenissimo Nomini TVO, non alia magis fiducia inscriptum; quam, quod probe cognitum habeam perspectumque, in oblectamentis TE ponere, quidquid, ad penitio-rem rerum Hungaricarum cognitionem, vtile existimas atque profuturum.

Accipe ergo, DVX SERENISSIME! quam TIBI cernuus trado, HVNGARIAM; & qua es, erga Regionem vniuersam, benignitate, eadem, hanc eius imaginem, prisco quidem, sed scito profecto adumbratam penicillo, bonus complectere. DEVS, iniquissimorum temporum, Arbiter & Reparator O. M. TE, gentis nostræ delictum, cum HVNGARIA, fidei TVAE credita, non incolumem minus, quam ad inuidiam usque felicem, seruet. Ita precatur,

SERENISSIME DVX,

DOMINE, DOMINE
CLEMENTISSIME!

REGIAE SERENITATIS TVAE,

deuotissimorum minimus,

MATTHIAS BEL.



P R A E F A T I O.



On putavi committendum, quin Te docerem, *Lector Beneuole*, de praesentis instituti ratione, antequam ad lectionem, *Adparatus* nostri, accederes. Neque enim dubito, haud paucos fore, quibus destinatio haec omnis, aut superuacua videbitur, aut fructus exilioris, quam, ut quidpiam accessionis, sperari inde possit, ad Historiam Hungaricam. In priorum numero, illi fere nomina profitebuntur, quibus, extra *Thúróczii*, *Bonfinii*, atque *Istvánffii* commentaria, vix vnquam aliquid in manus peruenit, quique ideo existimabunt, Iliada post Homerum scribere velle hos, qui, seu parant edere sua, seu aliena. In posterioribus, censebuntur homines Sufeni, & quibus solemne est, alienos conatus, etiam honestissimos, vtilissimosque, ex eo maxime capite, contemnere, quod non sint ab ipsis praecipui. Ergo, aduersus vtrosque, praemuniendus es, *Lector Amice!* paucisque docendus, quæ, siue occasio fuerit, siue spes, quæ me, ad edendum *Adparatum* hunc, induxerit.

Diu est, cum illustrandis Hungariæ rebus, & animum adieci, & admoui manum; eo utique consilio, ut, qua videbam desertam a scriptoribus patriam, pro virium tenuitate, quodammodo decori suo vindicarem. Quam vero arduum opus, ac refractarium, elaborandum mihi delegerim, praeuidebam equidem facile; reuera autem tunc demum, mea quadam culpa, expertus sum, ubi plurium annorum sollicitudines, lucubrationes, & factas impensas, tenuitate mea, propemodum maiores, in irritum cadere videbam. Quomocunque autem successit illa destinatio; nam, quæ DEI, & CAESARIS est clementia, successit tamen; id fructus, ex ea diligentia, operosa profecto, & vasti ambitus, retuli; ut monumenta colligerem non pauca, quæ, partim edita sunt nondum,

Præfatio.

dum, partim, longa retro ætate procusa, e doctorum manibus, diffugerunt, Quæ, ex istiusmodi cimeliis, in rem meam verterim, ex *Hungaria Noua*, quæ iam in Lucinæ sinu est, condiscet Lector. Atque, potueram omnino, mea hæc bona, & reliquo tempore, quod eruditorum permulti faciunt, mihi habere propria. At enim vero, cum Musarum, quæ me, bono sub Apolline, enutruerunt, liberalior sit indoles, quam quæ,

In cumulatis, undique chartis,

ritu auarorum, incubare consueissent; non potui non, qualemcunque *Adparatum* hunc, iuris publici facere; eo id quidem promtius, quo certior me spes sustentebat, fore, vt non modo ciues mei, honestissimi propositi rationes, comprobent, ac pro sua quisque virili, adiuuent; sed exteri etiam, non plane auersentur, susceptam eorum imitatione, collectionem, ex se quidem ieiunam, haud tamen inutilem futuram, his, quibus volupe est, res Hungaricas, penitus cognoscere. Quia enim, non ita felici hucusque, licuit esse Hungariæ, vt suos ea *Pistorios, Freberos, Goldastos, Schardios, Lindenbrogios, Reineccios, Räüberos, Meibomios, Schilteros, Menckenios, Struuios*, atque *Pezios*, cum Germania; cumque Italia *Muratorios; Chesneos, Labheos, Baluzios*, cum Gallia; cum Anglia, *Cambdenos, Seldenos, Fellios, Galeos*; cum Hispanis, *Schottos*; cum Belgis, *Grotios*, ostentare, eorumque, collectionibus, gloriari posset. qui, cum omnes, tum singuli, compilatis variorum scriptorum monumentis, gentium suarum res gestas, ab interitu, non vidicarunt modo, sed fecerunt etiam illustriores. Vnius *Jacobi Bongarsii*, hominis, quod constat, peregrini, opera nobis, qua vtamur, superest: nam Cl. *Schmeitzelii* collectio, inde ab anno MDCCXIII, in expectatione est adhuc. Haud ergo, præter rem fecisse existimandi sumus, quod a paruis coepisse maluerimus, quam inchoauisse numquam, exterorum eam solertiam æmulari: non, quod ea simus confidentia, proficisci a nobis posse, vel vmbra tantarum molitionum; sed, quod credamus illud Poetæ:

In magnis, voluisse sat est.

Hæc instituti mei occasio, *Lector Beneuole!* auctoramenta que fuere: quid porro spondeam, ni graue sit, accipe. In promptu est, *Decas* vna alteraue *Monumentorum*, de quibus iam diximus. Hæc, ita publica luce donare placuit, vt singula edantur sigillatim; illustrentur, si opus sit, notis; doceaturque in præfatione
Lector,

Præfatio.

Lector, vnde nobis, huius alteriusve monumenti, facta sit accessio. Continuabitur autem collectionis excusio, ad eum modum, vt & *Alphabetorum* serie cohæreat, & paginarum numero. Proinde, eo vsque, in exprimendis Monumentis, pergendum erit, dum iustæ molis volumen, conficiatur. Quod vbi factum est, index volumini subtexetur, rerum memorabilium. Iam, *Lector Erudite!* si ciuis es, fac age, promoue, sustenta, locupleta institutum, vni- ce eo comparatum, vt gentis TVAE decus, & res præclare gestæ, augustiores reddantur. Nam, pertinet hoc omnino, ad bonum ciuem, vt, quacunque potest re honesta, & utili, iuuet, ornet, illustret patriam.

Id vero, vt commodè possis facere; fontes TIBI adape- riam, saltem designabo sollicitius, vnde queas, non tam Adpa- ratum nostrum, iuuare; quam locupletare historiâ patriæ. In his sunt: *I. Diplomata*, Regum, Ducum, Archi-Episcoporum, cetera. Da mihi, duorum Monarchiæ Hungariæ, seculorum, ducenta admodum, ex regum serie, collecta diplomata, tantum inde Tibi prouentus, ad augendam arcaniorem historiam, red- dam, quantum, tota BONFINI Decade, haud repereris. Atque, ita ecquidem existimaui semper, quod *S. Biblia*, Theologo; Jure Consulto, *Legem scriptam*; Philosopho, *Sanam rationem*: id esse, Historico, *Diplomata*. Utinam ergo, referemus tandem auara scrinia! Istiuc retuleris *II. Acta Publica*, Diatarum, Paci- ficationum, Legationum, Denuntiationum belli, Promulgatio- num pacis, reliqua. In eodem censu habendæ sunt: *III. Litteræ*, Regum, Palatinorum, Judicum Curia, Banorum, Magistrorum Tauernicalium, Ducum belli, Legatorum. *IV. Sigilla* vetera, quæ, & regum referunt effigies, & ostendunt regnorum, quibus imperabant, insignia. *V. Numi*, memoriales potissimum, qui in euentus tristes, felicesque, cusi sunt. *VI. Lapidés* sepulcrales, vexilla emortualia, & inscriptiones antiquæ, passim, per ædifi- ciorum, publicorum & priuatorum, parietes, ruinas item, arcium, castellorum, templorum, & cœnobiorum, obuiæ. *VII. Lauda- tiones* funebres, seu, clarorum virorum, feminarumque panegy- ricos, pompas nuptiales, & exsequiales: in quibus obeundis, mira priscorum Hungarorum, eluxit obseruantia. *VIII. Cantilenæ*, seu carmina vernacula, quibus, & clades lugebant prisci Hungari, & prædicabant victorias. *IX. Templorum & Cœnobiorum fun- dationes*, adtributæ his dotes, & latifundia. *X. Religiosorum Or- dinum,*

Præfatio.

dinum, historia domestica, quæ, eorum doceat ortus in Hungaria, progressus, decrementa & instaurationes. *XI. Synodorum* nationalium acta, occasiones, causæ, decreta & euentus. Denique, *XII. Priuatorum Archiua*, & in his, familiarum annales, diaria, genealogiæ, schedæ veteres, quibus actus insignes, illustrium virorum, casus tristes lætique, & id genus alia, perscribuntur.

Hoc opus, hoc studium, parui properemus & ampli,

Si patriæ volumus, si nobis viuere cari. a)

Sin vero, mi *Lector*! peregrinus es, & forte alienus etiam a gente nostra, vt neque probare institutum velis, neque possis; iis ad vtendum permitte, qui, procul odio gratiaue, labore alieno, ita fruuntur, vti est, eruditioni sobriæ, consentaneum.

Plura fuere, de quibus Te, amice *Lector*! in hoc aditu, monendum volui: quod iam facere supersedeo; ne nimius videar. Istud silendum non est; cumulatam iri in *Adparatum* nostrum, non ea tantum monumenta, quæ stilo soluto, in litteras sunt relata; sed illa etiam, quæ carmine complexi sunt, auctores haud ineruditi. Qua re, id consequemur apud doctos *Lectores*, vt, & vtilitatem, e nostra hac diligentia, capiant, & oblectationem. Primo autem omnium, *Hungariam, Nicolai Olábi*, placuit exhibere, vt de habitu regionis ante constet *Lectori*, quam ad pernoscendas res, in ea gestas, animum adiiciat. Sequetur inde, *Chronologica* designatio: tunc, monumenta alia, ad res Hungaricas, & connexarum ei prouinciarum, adtinentia. Nam ita omnino comparatum est cum historia vniuersa, vt cæca sit, saltem caliget, sine Geographiæ & Chronologiæ luminibus. Facile autem hinc animo præcipiet *Lector*, id nos, in tota hac destinatione acturos, quod solent, domos ædificaturi. Non his, ad educendam molem, adparatus, aut e secto lapide, aut e transmarino marmore, cedroue congestus semper est; laterculus, & nulla non tenuis materies, compingendis parietibus tectisque, sufficiat oportet. Ad eum modum, nostra se habebunt monumenta. Erunt in iis, quæ ad Cleanthis lucernam sunt elucubrata; sed erunt etiam, quæ profluxere exiliore e calamo: vtraque autem, eo comparata, vt, quibus volupe fuerit olim, Historiam Hungaricam, pleniorum condere, exaggeratioremque, in suam singula rem, cum fructu possint vertere. Vale, & age feliciter. Pisonii, Anno MDCCXXXV. Pridie Kal. Febr.

a) HORATIVS, Epistol. Lib. I, 3, versu 28.

NICOLAI OLÁHI
Archi-Episcopi Strigoniensis
HUNGARIA,

S I V E

De Originibus Gentis, Regionis Situ,
Diuisione, Habitu, atque Oppor-
tunitatibus,

LIBER SINGVLARIS,

Nunc primum in lucem editus.

DECADIS I. MONVMENTVM I.

Accessit,

Eiusdem, Compendiarium Aetatis Suae

CHRONICON.

Ad Lectorem Philohistora.



NICOLAI OLAHI, summi viri, natales, iuventutis studia, & perpetuos honorum gradus, per quos ad Archi-Episcopen vsque Strigoniensem, mira virtute, & in agendis rebus, prudentia, dexteritateque, elatus est, non est opus recognoscere. Occupauimus eam operam, alibi, *a*) non minus prolixè, quam ad historiarum fidem. Accedit, hanc eandem HUNGARIAM, *b*) quam nunc, post duorum fere seculorum, cum est conscripta, lapsam, luce publica donamus; *Chronicon* item NICOLAI *c*) compendiarium; & ortus eius palam facere, & designare variarum dignitatum accessiones, quibus, inde a prima iuuenta, ab optimis Regibus, cumulatus fuit. Ergo, superest, vt de hoc, quem edimus commentario, nonnihil moneamus.

Concinnauit eum, *Bruxellis* apud Batauos, A. MDXXXVI. Ita habet, Augustæ Bibliothecæ Vindobonensis, codex; *d*) in cuius frontis pagina interiore, ista legas, *Olábi* manu exarata. *Hæc, scripta a me fuere, Bruxellis, XVI. Maii, Anno 1536. dum essem Serenissimæ Reginae Mariæ, viduæ Domini Ludouici Regis Hungariæ, sororis Caroli & Ferdinandi Imperatorum, a secretis & consiliis.*

Neque id, de HUNGARIA hac sola, verum & de ATTILA, cuius res, egregia vsus adcuratone, descripsit, accipiendum est. Eodem enim tempore, hos ingenii partus, natos ei fuisse, ex Belgarum, qui familiariter utebantur *Nicolao*, laudibus, libro vtrique circumpositis, condidicimus. *Petrus* certe *Nannius*, in Regina ministerio, collega suus, doctus non minus, quam ingenuus, *Olábi* lucubrationum, existimator, ita ad nostrum: „ De „ tvo Attila, & Hungariæ descriptione, quid sentiam, sæpius „ litteris meis testatus sum. Cuius me iudicii, numquam pœ „ nitebit; nisi quod malignius videor, & nimis parce, rei lau „ datissimæ, laudes impertiisse. Olim carmine testabimur, „ quantus mihi videare. Proinde, iidem, cum Attila, Hungariæ huius, natales fuere: manu scriptum certe, quo vsi sumus, exemplar, continua Capitum serie, vsque ad XXXVII. decurrit, & tractatum vtrumque, vno fasce complectitur.

Illud mirari subit, quod, quum ATTILA, semel iterumque recusatus, in doctorum sit manibus; latere tamdiu, in scriniis potuerit, præsens ista HUNGARIA. Nempe, ita reor; non potuisse
Olá-

a) HUNGARIÆ NOVÆ, Cis - Danubianæ, Tomo I. Parte Spec. Memb. I. Sect. I. in *Hist. Urbis Pisoniens.* Cap. V. Artic. VI. §. IV. p. 472. sequ.

b) Cap. XII. §. III. p. 23. sequ.

c) Vide SAM. TIMON, Soc. I. in Noua Synopsi Chronol. ad an. 1531.

d) In *Historiis Latinis, MScptis*, N. CCXVII.

Ad Lectorem Philohistora.

Olábum, supremam manum apud Batauos, scito ex se operi, imposuisse: saltem noluisse, id publici iuris facere, quod de patria, extra patriam, solius memoriæ adminiculo nixus, conscripserat: sedit profecto animo, ea destinatio, ut redux ad lares, ductas peregre lineas, partim ex locorum obtutu, partim ex peritorum sermonibus, domi, diligentia, quam posset maxima, ad iustam molem educeret. Id vero, si per publicorum munerum, uti varias, ita graues occupationes, facere potuisset; librum, ad posteros transmisisset, infinitis modis, quam nunc est, & copiosiore, & adtentione elaboratum cumulatior.


Neque hæc, eo dicta volumus, ut, seu diligentiam, seu fidem, in elegantissimo Scriptore, desideremus; sed, ut testemur, nihil non consummati, a *Nicolao*, expectari potuisse. Alioquin, nemo, nisi ultra modum rudis sit, derogaturus quidpiam, *Olábiane* huic operæ, censendus est. Profecto, ignorare nos oportuisset, quis *Budæ*? quis *Vissegradi*? atque *Strigonii* habitus? quæ, Bibliothecæ Coruinianæ cimelia, ornatus, & copia fuerit; dum *Matthias*, & post hunc *Ladislaus*, denique *Ludouicus II.* rebus præesent: ut multa alia, sicuti memoratu dignissima, ita nusquam obuia, silentio prætereamus.

Confidimus ergo, fore, ut non apud gentem modo nostram; sed apud externos quoque, gratiam ineamus, dum ab interitu vindicandas, has summi viri lucubrationes, suscepimus. At enim, voles forte cognoscere, *Benevole Lector*, vnde nobis, utilissimi scripti copia? Paucis dicam. *Stephano* id *Zitkovszkyo*, Fisci Regii Aduocato, viro, rerum patriarum curiosissimo, & nostri studio: hic, amico *Francisco Barinay*, Proto-Notario Locumtenentiali: iste, ammanuensi, qui illud in scrutario foro, an taberna casearia, fato meliore, repererat, in acceptis referimus.

Quod ad nostras, in edendo, curas adtinet, recensuimus scriptionis genus, nil quidquam contemeratis auctoris verbis; sed collatis etiam, cum codice MSCto alio. Capita singula, idoneis lemmatibus instruximus, in paragraphos, pro materiarum ratione, sollicitè dispertita: adiecimus notas, non quæ potuissent, debuissentue; verum, quæ concordarent, cum instituti rationibus. Compendiarium eiusdem auctoris *Chronicon*, schedæ *Ostrositbiane*, quas, iure optimo possidemus, suppeditauerunt. Qua nostra opera, si uti voles, *Lector Benevole*, operam dabimus; ut Deo propitio, vitaque superstitè, proxime, Monumentum secundum, a nobis accipias. Vale.

NICOLAUS OLÁHVS,


Ad Lectorem.



I nihil in nostro est lepidi a) gratiue libello,
 Anxia me grauius scribere cura vetat.
 Mens etenim duro patriæ confecta periclo
 Torpet, & est longo nunc bebetata malo.
 Nec mea doctiloqui coluerunt arua Catones,
 Hinc sterilem messem terra relicta tulit.
 Hac mea quum cernes gracili contexta Minerva
 Splendidiora negant aulica pensa dare.
 Fontibus haud semper placidis Parnassia Musa,
 Aut Heliconiadis regia prata rigat,
 Non tersus loquitur comptas Ptolemæus, ad aures
 Describens radio quidquid in orbe fuit.
 Non etiam celebris lepidi facundia Crispi,
 Non tibi vel Trogus maximus ore tonat.
 Nec gratum resonat Patauina natus in vrbe
 Liuius, ingenio splendidus arte potens.
 Sed qui Castalium parco bibit ore liquorem,
 Et quem non gremio docta Thalia fouet.
 Et cui non studii requies sed multa laborum,
 Sollicitique fuit temporis anxietas.
 Nomina sed prodat calamus, quod barbara noster,
 Scilicet hæc Scythica voce referre iuuat.
 Si dederò nostris Romana vocabula rebus,
 Non bene conuenient nomina cuique loco.
 Sic sua dum condunt multi monimenta latini,
 Non nisi barbarice barbara verba sonant.
 Materiam tribui tantum, qui docta requiris
 Scribere me multo, cultius ipse potes.
 Si quid inest mendæ topicis, ignosce precamur,
 Nam procul a Gethico littore cymba mea est.
 Quum dulces b) repetam portus patriosque Penates,
 Singula tunc referam candidiore fide.
 Interea magni precibus deuictus amici,
 Hæc tibi nunc subito qualiacunque dedi,
 Nam licitis decuit votis parere potentum,
 Quæ magni nobis ponderis instar erant. Vale!

a) Manu scriptus codex, quem cum
 nostro hoc contulerunt amici, loco
 lepidi, habet sapidi.

b) Istud est, quod pagina superiore,
 monuimus.



NICOLAI OLÁHI
HUNGARIAE,
CAPVT PRIMVM.

De Scythia vetere, & Originibus Scytharum.

SCYTHIAM veteres duplicem prodidere: vnam in Europa, alteram in Asia sitam, Tanai flumine vtramque dirimente. Quæ vltra Tanaim est, *Asiatica* dicitur, atque a Riphæis, & Hyperboreis a Septemtrione montibus incipiens, Orientem versus, citra & vltra Imaum montem contenta, atque innumeras rituum diuersorum, morum ac legum, complexa nationes barbaras, tandem per littus Hircani maris, in Occidentem recurrens, ad paludem Mæotidis, & Pontum Euxinum, circa Caucasum montem, terminatur. Altera vero, citra Tanaim est, quam *Europæam* dicunt. Hæc, a locis Septemtrionis fere incognitis initium sumens, per iuga Riphææ & Hyperborea, meridiem versus ad Thraciam finitur, & a monte & flumine Alano, olim Alania dicta, eiusque populi Alani. Nostra ætas, hanc, Sarmatiam, Lithuaniam, Russiam, Moscouiam appellat. Siue ergo, ex Asiatica, quod multi pro vero dixere, siue ex Europæa Scythia, Hungari originem ducant, haud multum interesse crediderim. Satis certe constat, eos ex Scythia ortos.

§. II. De Scytharum vetustate, & quo parente sint geniti, varia est auctorum sententia. Trogus Pompeius, a) Aegyptios, & Scythas, generis antiquitate diu contendisse, atque Scythas, veluti in regione, ad homines, & alia quoque animalia, in initio rerum producenda, aptiore commodioreque, quam Aegyptus est, prius natos, victoriam contra sententiam Herodoti, consequutos fuisse tradit. Alii, fabulam Scytharum origini iniiciunt. Herculem, b) Gergonis pecora pascentem, ob vehementis pluuiæ, atque frigoris incommoda fatigatum, leonina pelle substrata, alto sopitum somno, illis interim

Decad. I. Monument. I.

A

aber-

a) IUSTINVS, Trogi epitomator, Lib. II. Cap. I, 5. sequ. p. 16. edit. Joh. Georgii Grauii, Amsterod. An. 1694. for. oct.

b) HERODOTVS, *Melpomene*, siue Lib. IV, 8. 9. p. 224. sequ. edit. Jacobi Gronouii, Lugd. Batav. A. 1716. fol.

aberrantibus, experrectum, e virginis cuiusdam admonstratione, Telluris filiæ, ad femur vsque mulieris, reliqua parte in viperam definente, illa recepit, virginemque præmium a se indicati armenti, Hercules concubitum habuisse: ex quo, tres filios, *Agathyrsum*, *Ge-*
Scytharum no- *lonum*, & *Scytham* esse natos. *Scytham*, ex suo postea nomine, & re-
men: gno *Scytharum* nomen indidisse, & regibus ac populis originem fuisse.

§. III. JORNANDES EPISCOPVS c) refert; se ex antiquitate com-
Episco- perisse, Filimirim regem Gothorum, Gandarici Magni filium, quum
pus Jor- in Scythiam ingressus fuisset, quasdam magas feminas in populo suo
nandes, reperisse, patria lingua *Alirumnas* vocatas, hasque ab exercitu de-
in origi- pulsas, & in solitudinem longe fugere coactas, ab immundis qui-
nes Hun- busdam spiritibus compressas esse, ex quo coitu, Scythas fuisse or-
norum tos: res certe indigna Episcopi relatu. Qui, cum scire debuerit,
iniurius: spiritum, nec carnem, nec ossa habere, nec alium quempiam, qua

hominem, ex naturali commixtione generare posse; ipse tamen, aut odio gentis Scythicæ, quia fuerat a Gothis, per Hunnos expulsus, oriundus; aut simplicitate quadam alia, hæc tam ridicula, quæ etiam alii post eum asseuerarent, in monumenta publica referre non sit veritus. Nonnulli tradunt, *Noe*, cuius tempore diluuium orbem opperuerat vniuersum, tres genuisse filios, *Sem*, *Cham*, & *Japhet*.
Tres Noe Hunc *Japhet*, post diluuium ex *Enech* vxore, *Hunor* & *Magog* filios,
fili: quos tamen *Chronica Hungarica*, filios *Nemroth*, filii *Chus*, qui ex *Cham*, *Noe* filio genitus erat, fuisse tradunt. Hos igitur, *Hunor* & *Magog*, quum in tabernaculo, prope a patre, siue *Nemroth*, siue *Japhet*, vitam agerent, ceruam d) quampiam, studio venationis, traditum est persecutos: quam dum longius persequerentur, ad paludes vsque *Mæotidis*, amissa ob filiarum densitatem cerua, progressos fuisse. Et cum ea loca pascuis, lignis, feris, auibus, & piscibus, rebus tam hominum, quam pecorum vsui necessariis, opportuna vidisset, facultate eo migrandi a patre accepta, in eadem *Mæotidis* regione consedisse tradunt. Quos, quinque ibi annis quiete confectis, sexto demum anno, cupiditate venandarum ferarum ductos, a loco habitationis, ad loca deserta *Mæotidi* conterminata, longius egressos, nostra dicunt *Chronica*; atque ibi quasdam feminas, absque viris & tentoriis, tunc festum diem in tympano & choreis celebrantes, reperisse, easque comprehensas, ad paludes *Mæotidis*, quas incolebant, abduxisse. Inter quas forma, decore & corporis habitu, duas fuisse præstantes: quarum alteram *Hunor*, alteram *Magog*, duxerit vxorem.

§. IV. Ex quo connubio *Hunnos* tandem traxisse originem, & *Hun-*
Vnde *garos*, ab *Hunmor*, a *Magog* autem *Magyarokat*, quod *Hungarica* lingua
dicti *Hungaros* sonat, appellatos. Hinc multiplicatam progressu temporis
Hungari gentem *Hunnicam*, subito furore dominandi percitam, sub rege *Vala-*
Gothi per *miro*, ingenti exercitu, Gothos, quibus *Ermanaricus*, vel vt alii re-
Hunnos, ferunt, *Emenricus*, *Amalus*, *Vitulfi*, siue *Achiulphi* filius, ea tempe-
e sedibus state
suis ex-
pulsi
sunt:

c) De Rebus Geticis Cap. XXIV. p. 66. |
 edit. Lugdun. A. 1618. for. oct.

d) CALLIMACHVS, hunc cella persequuto-

rem, *Baudetem*, nominat. Hæc, in
 margine, codicis illius, quem dixi-
 mus, leguntur.

state præerat, ob seditionem Persarum, & Amnium, propter necem Sunielis sororis, contra Emenricum regem concitatam, inuasisse deuicisseque, atque ad loca Sarmatiæ interiora propulisse, auctores reliquere. Qui postea Emenrico; tum ob senectutem: quippe qui, centum & viginti annos iam natus esset; tum propter vulnus in ipsa seditione e) acceptum, mortuo, sub Vinitario duce eorum, contra Hunnos recurrere, ac primo prælio superiores facti, postremo, dum Vinitarius sagitta prostratus interiisset, bifariam diuisi, pars citra Danubium permansere; pars vero sub Alatheo, Fridigerno, & Saphraco, suis regulis, pertransito Danubii flumine, Valentis Imperatoris permissu, in Mysia inferiore confedere. Polliciti enim Valenti fuerant, se Christianos futuros, & Danubii ripam, ab Hunnorum, & aliorum barbarorum incursionibus, tutam reddituros. Vnde rursus in Italiam progressi, eamque depopulati, primum in Gallia Aquitania, deinde viribus paulatim aucti, in Hispania, sedem fixere. Hi Vissogothi, illi vero Ostrogothi appellati sunt. Qui quidem Ostrogothi, una cum populis, ea tempestate ipsis parentibus, Hunnis postea subiecti fuerunt, & tributa penderunt. Operæ pretium hic videtur, paucis repetere, qui reges Scythis bellum intulerint.

Sigebertus in Chronicis suis.

C A P V T S E C V N D V M.

De Bellis & Propaginis Scytharum.

SCYTHAS, imperium Asiæ, ter quæsiuisse; eosque ab imperio alieno, aut intactos, aut inuictos fuisse; Darium regem Persarum, ex Scythia, præter decorem regium, fugatum; Cyrum, cum vniuerso suo exercitu deletum; Zopiriona item, Alexandri Magni ducem, cum omnibus copiis trucidatum, auctor est Trogus Pompeius: Vexores rex Aegyptius, primus omnium bellum Scythis intulit. Sed is, derelicto omni suo apparatu bellico, trepidus in Aegyptum pedem retulit. Quem infecuti Scythæ, vniuerso imperio priuassent, ni Aegypti paludes prohibuissent eos, longius ducere exercitum. Hinc magna gloria reuersi, vniuersam Asiæ, armis, sibi tributum pendere coegerunt. In qua annos quindecim commorati, ab vxoribus, virorum absentiam ægre ferentibus, reuocantur. Quæ, vocationi minas addunt, ni mariti redeant, se nolle eos amplius præstolari; sed in animum induxisse, a finitimis populis, spe procreandæ sobolis, connubium petere, & nequaquam pati, vt per absentiam maritorum, genus Scythicum, per vniuersum orbem formidolosum, deficiat. Quibus postea reuersis, Asia, per mille & quingentos annos, vsque ad Nini regis tempora, vectigalis fuit.

Quos reges Scythia deuicerunt.

Asia, Hunnis tributaria:

§. II. Superfluum esse arbitror, quum alii scriptores latissime historiam hanc sint persecuti, hoc loco recensere, quæ bella Tlino, & Scolopitbo, f) regis apud Scythas adolescentulis, conspiratione eorum populorum, qui Cappadociæ, fluuioque Thermodoonti, finitimi erant, trucidatis, gens Amazonum, mulieres Scythicæ, duce Martesia, & Lam-

Amazones mulieres Scythicæ:

A 2

e) In ipso tumultu, legit laudatus co-
dex: quod idem est.

f) Apud IUSTINVM, Lib. II, Cap. IV.
I. sequ.

pedone, in *Europa*, & *Asia*, feliciter gessere. Taceo & illud, quod *Darius* rex *Perfarum*, ob negatas, filiæ *Lantini* regis *Scytharum*, nuptias, bellum *Scythiæ* intulerit: ad quod, exercitu septingentorum millium hominum ingressus, & ex his nonaginta mille militibus amissis, magno cum dedecore retrocesserit. Quæ omnia, cum ab aliis, maxime a *Trogo Pompeio*, late sint tractata; hoc silentio præterire nolui: primum *Gothos*, quos *Scythiæ*, vt dictum est, regno priuarunt; tum *Hunos*; postremo *Vandalos*, quos omnes ex *Scythia* originem ducere plerique tradunt auctores, vniuerso orbi formidini, & terrori fuisse.

Turca, a
Scythis
originem
habere
dicun-
tur:

Pazaietes
rex Tur-
carum, a
Tamerla-
no captus.

§. III. Sunt, qui gentem etiam *Turcicam*, cuius imperium non solum in *Asia*, verum etiam iam in *Europa*, Christianorum nostrorum Principum simultate, odio, discordia & bellis intestinis, longe lateque nunc patet, a *Scythis* originem habere testantur. Quidam, *Parthos* etiam g) memorant, *Scytharum* exsules fuisse. Quorum rex *Tamerlanus*, transmissis Euphrate, & equitum quandringentorum, perditum vero sexcentorum millium exercitu, vniuersa *Asia minore* in potestatem redacta, *Pazaietem* regem *Turcarum*, eius temporis potentissimum, pari copiarum numero, regnum defendentem, deuicit, atque in caueam, veluti feram quampiam inclusum, per vniuersam *Asiam* circumuexit; *Soldanum*, *Aegypti* regem, armis deuictum, vltra *Pelusium* fugere coegit.

CAPVT TERTIVM.

De Hunnis, & horum Aduentu in Europam.

Aëtus
Hunno-
rum:

Sex Du-
ces:
Jornan-
des dicit
patrem
Athila
fuisse
Mund-
zuicum:
Callima-
chus vero
Vala-
mërum,
Kadâr,
iuris &
iustitiæ
admini-
strator.

A Vtis locupletatisque in *Scythia Hunnis*, quum eorum multitudinem, ea, quæ tunc incolebant loca, vix caperent, decreuere, eos, qui ad occidentem degunt, populos inuadere. Hisque superatis, sedem, quæ humano vsui commodior, vberior & fertilior esset, sibi quærere. Ex omni tribu, quas centum & octoginta habebant, sex Duces b) delegere, viros, & animi corporisque virtute, & generis vetustate, inter suos insignes. *Belam*, *Keme*, & *Kaditsa*, filios *Chelæ*, ex tribu *Zemen*; ex tribu autem *Kadâr*: *Athilam*, *Keve*, & *Budam* filios *Bendegutz*. Hi, ex singulis tribubus, numero, decem millium armatorum conscripto, decies centum & octoginta millium hominum fecere exercitum. Ne autem tanta multitudo, quæ vxores, liberos, omnem familiam, gregem & armenta, quærendi sibi regni gratia, secum ageret, absque legibus viueret, atque, vt inter eos iuris & æqui præfectus esset, quendam virum *Kadârum* nomine, præ ceteris prudentia, industriaque præstantem, crearunt; qui administrandæ iustitiæ præesset, motas lites, aut componeret, aut de-

g) Idem, ibid. Cap. I, 3. Adde Lib. XLI. Cap. I. initio: *Parthi*, inquit, *Scytharum* exsules fuere. Hoc etiam ipso- rum vocabulo manifestatur: nam *Scythico* sermone, *Parthi*, exsules dicuntur. En, *Hungariæ* linguæ exstans vesti-

cide-
gium! *Parthos* enim, hodieque *seditionem* significat.

b) Vide, *Chronica Hung. M. JOHANNIS THÚRÓCZ*, Parte I. Cap. X. p. 12. seq.

cideret, flagitiosos, sicarios, prædones, maxime vero fures, qui Hunnis, æque, ut hostes sunt exosi, mulctaret. Præterea, ut Duces, ad ea, quæ belli sunt munia, solertiores, diligentiores, & cautiores facerent, atque ipsum etiam *Kadárum*, ad ferenda in plebe iura, iniquitatem tollendam, iustitiam, absque odio & favore, administrandam, incorruptiorem & attentiores redderent, publico decreto sanciverunt: ut tam ius, a *Kadáro* male administratum, aut corrigere, aut abrogare; quam Duces, legitima ex causa, magistratu priuare possent.

§. II. Edictum deinde est, ut si quod ipsi bellum aliis indicturi essent, aut quispiam regum populorumue, bellum parare, exercitum contra eos ducere conarentur, gladius sanguine tinctus, per præconem, in castris Hunnicis præferretur, hæc verba proclamantem: *Vox DEI, & publicum Hunnorum mandatum est, ut quisque armatus, vel, ut cuiusque est vis, die & hoc loco, quem nunc statuo, compareat, statutum publicum intellecturus.* Huius edicti contemptoribus, duplex propositum supplicium; ut si quispiam ad circumlationem gladii sanguinolenti, & vocem præconis, die, & loco designato, aliqua iusta causa non allegata, minus comparuisset, is, quem atrocius puniri cuperent, cultro medius discindi; is vero, cui pœnam morte leuiorem vellent irrogare, in perpetuam seruitutem redigi deberet. Hic mulctandi mos, multis postea seculis inter nostros fuit obseruatus. Quo factum est, ut, quum antea omnes, æquo nobilitatis iure censerentur, hi, qui edictum transgressi fuerant, serui efficerentur & ignobiles; quo nobilitas, a plebe secerneretur. Nostra quoque tempestate, hæc circumlatio ensis, vel pali, cruore aspersi, obseruatur, i) dum hostis quispiam externus Hungariam inuadit, & Hungari subitaneum militem conscribere volunt. At pœna, eos, qui edicto non sunt audientes, aut discindendi, aut in seruitutem redigendi, exoleuit. Verum, & nunc, in manibus situm est Regis, qua, ex decreto nobilium, mulcta, rebelles adficiat.

§. III. His ita in Scythia ordinatis, relicta domi in custodiam Scythiæ, reliqua, & ad tam longam expeditionem inutili plebe, quæ autum imperium, ab hostili impetu tutaretur: Duces ipsi, anno a natali k) Domini, CCCLXXIII. *Valentiniano* in occidente; *Valente* vero in oriente Imperatoribus, ac *Damaso* primo, Romanæ Ecclesiæ Pontificatum gerente, cum exercitu memorato, præteritis Mæothidos paludibus, & deuictis populis. Alipzaris & Alcidzuris, Itamaris, Tuncassis, & Boiscis, ripæ Mæothidos accolis; Gotthos, quorum mentionem supra fecimus, gentem fortem bellicosamque, regno priuarunt, tributumque sibi pendere coegerunt. Qua elati victoria, arbitrati, nullum sibi usquam deinceps obstaculum occursurum, quod

Signum conuocandorum Hunnorum, gladius sanguine tinctus.

Egressus primus Hunnorum ex Scythia, fuit Anno Domini 373.

Decad. I. Monument. I.

B

ab

i) Loquitur de sua ætate *Olábus*. Hodie, nihil de eo ritu superat; nisi forte apud Siculos Transilvaniæ.

k) Triplex, *Hunnorum* in Pannoniam aduentus fuit: id quod, primus, quantum sciam, FRANCISCUS FORIS

OTROKOSI, in Originibus Hungaricis, Parte I. Cap. III. sequi fuisse non minus, quam docte, monstrauit. Fuere autem: *Hunnorum* primus; secundus *Abarum*; *Hungarorum* tertius.

Rutheni
olim
Rhoxola-
ni, vel
Ruxola-
ni.

ab occupando omni occidente eos remoraretur, subactis prius finitimis Barbaris populis, per Bessos, Cumanos Albos, Suddalos, Ruthenos, ferro sibi viam aperientes, in Cumaniam Nigram, quæ nunc Moldauia dicitur, peruenere; vnde per eam Hngariæ partem, quæ olim Daciæ pars occidentalis vocabatur, progressi, ad aquilonarem ripam Tibisci amnis, castra sunt metati.

§. IV. Tradit vetus nostrum Chronicon, Daciæ huius Hungariæ regionem, olim Danos coluisse, hosque metu postea Hunnorum aduenientium percussos, ad ea maritima septentrionis loca, vbi nunc Dania est & Noruegia, cum suis migrasse. Quod, vti satis pro comperto sit, ita non pro certo, inficias iuerim. Nam ipsa Daciæ, & Daniæ symphonia, non paruam mihi fidem præstat, Daniæ, quæ nunc septentrionalis est, a Dacia Hungariæ, quam forte olim Dani coluerunt, nomen esse inditum. Danorum tamen Chronicon refert, eos a Gothis originem ducere, & a *Dan*, primo eorum rege, *Danos* vocatos. Nunc res admonet, vt breuissime, quam fieri poterit, descriptioni Hungariæ generali, manum admoueamus.

C A P V T Q V A R T V M.

De Nomine, Situ, & maioribus Hungariæ Fluminis.

Hungaria, vnde
nuncu-
pata:

Situs, &
diuisio:

Danu-
bius:

HUNGARIA, siue ab *Hunor*, & *Magog*, vt supra dictum est; siue ab *Hunnis*, & *Garis*, vt plerisque videtur, populis, qui vna olim militarunt; siue ab *Auaris*, quos CAELIVS, ^{l)} Hunnos fuisse tradit, nomen sortita sit, aliorum esto iudicium. Hac tempestate nostra, a quadagesimo primo, ad quadagesimum nonum gradum, in longitudinem porrecta; in latitudinem vero, a quadagesimo tertio, fere vsque ad quinquagesimum primum eleuata, multas completitur regiones, quæ in quatuor potissimum diuidi potest partes: de quibus paulo post dicemus. Hungaria igitur ipsa, inter alios quam plurimos amnes, flumina habet quatuor insignia, variis & multiplicibus piscibus abundantia: *Danubium*, *Tibiscum*, *Drauum*, *Sauum*.

§. II. DANUBIVS, circa siluam Herciniam, siue Nigram, non longe a pago Duenesthingen ^{m)} in Rhetia, Sueuiæ finitima, in planitie fontem habet, duobus vt dicitur, milliaribus, a Rheni ripa distantem; qui per latos Germaniæ fines, Vindeliciam, Bauariam decurrens, Austriam primum diuidit, deinde Hungariam. Hinc longo & sinuoso lapsu, Daciam a Miscia superiore, (quæ nunc Seruia & Bosnia appellatur) determinans, infra Mysiæ inferioris, quæ nunc est Bulgaria, terminos, sexaginta, vt *Plinius* ⁿ⁾ refert, amnes, & horum

^{l)} Intelligit CAELITVM CALANVM DALMATAM, qui vitam ATTILAE, compendio dedit, progressu operis, a nobis edendam.

^{m)} Veros Danubii fontes, haud quidem, vti creditum est hætenus, *Don-Eschinga* tantum, sed alibi etiam quærendos, integro tractatu, qui

Fons Danubii Primus & Naturalis, inscribitur, docuit, M. FR. WILHEL. BREÜNIGER. Tubingæ A. 1719. 8uo.

ⁿ⁾ Libro IV. Cap. XII. p. m. 159. ostiorum nomina sunt: *Peuce*, *Naracustoma*; *Calostoma*; *Pseudostoma*; *Boreostoma*; & *Spireostoma*.

rum medium ferme numerum, nauigabilem, secum deferens, in Pontum Euxinum, sex vastis ostiis exoneratur. Per hæc ostia, *Antacei* pisces, quos Plinius *Mariones*, nunc vero vulgus *Vzones* appellat, creduntur in aduersi Danubii alueum, ex Ponto ascendere fere Posonium vsque urbem: de quorum captura infra dicemus. Danubius hic intra Hungariam a Borca, hos accipit fluuios: citra Posonium, *Marchiam*, vel *Morauam*, qui nunc *Moravia* dicitur; vltra *Tyrnauiam* riuulum; circa Comaricium, nunc Comaron arcem; ad oppidum Gutta, *Vágum*, in montibus Septentrionalibus ortum; paulo inferius sub pago Nyárhida, *Nitriam*; deinde circa Strigonium, *Granam*, siue *Garamum* & *Ipol*; postremo non procul a Titulio, ex ripa opposita oppido Zalonkemen, *Tibiscum*, multa secum deuehentem flumina. A meridie vero, his crescit amnibus: circa Ovár, siue Altenburgum, *Laytha*, citra Bregætium, quod nunc Jaurinum nominatur, *Rabnicza*, *Bregætium*, qui nunc *Rapcza* & *Raba*, ante Narabone. Citra Bátham oppidum, *Sauaros* amne; tum ad Drazad, quod ante Teutoburgum fuisse creditur, *Daro*, nunc *Drauo*; postremo circa Taurunum, *Sauo* augetur. *Jaurinum*; *Narabo*

§. III. Qui quidem Danubius, inter alias insulas, quas Taurunum vsque facit quamplurimas, duas habet, & magnitudine, & fertilitate maxime præstantes; altera infra Posonium urbem initium sumens, porrigitur ad arcem vsque Comárom: hæc tredecim longa est, lata vero, nunc duorum, nunc trium miliarium nostratium: frumenti, hordei, siliginis, leguminumque aliorum feracissima. Ab arce Comárom, & huic insulæ, & comitatu, qui in ea est, nomen o) est inditum. In hac sunt oppida: *Eberbárd*, *Pisþöky*, *Zeliste*, *Samorja*, *Syl*, *Afoantó*, *Padan*, *Megyer*, *Várkony*, & alia pleraque. Alterius, paulo infra Budam incipientis, nomen est *Chepel*. Hæc cum aula, quæ ibi extructa est, ac oppidis *Chepel*, *Thekel*, *S. Martino*, *Kewy*, quod *Rafsciani* incolunt, ac nonnullis aliis pagis, Reginæ Hungariæ p) est, iure donationis propter nuptias. Auibus, phasianis, perdicibus, turdis, gallinis siluestribus, ac aliis diuersi generis auiculis, ceruis, apris, damis, leporibus, abundantissima. Ad hæc, siluis, nemoribus, vineis, pascuis, frumento, & aliis ad vsum mortalium necessariis leguminibus, adeo insignis, vt nihil, quod siue ad necessitatem vitus, siue ad voluptatem pertineat, huic deesse videatur. Quæ sola, & LVDOVICO II. regi, & MARIAE reginæ, Principibus meis, tam in venationibus, & aucupiis, quam aliis rebus, animum recreantibus, dum nonnunquam ab aliis absoluti grauioribus negotiis, animi gratia eo diuertere, magnum amœnumque præbuit oblectamentum. Hæc, longa est in meridiem nouem miliarium, lata vero trium aut quatuor.

§. IV. TIBISCVS, aliis tribus longe piscosior, ducit ortum ex occidentalibus Carpathici montis radicibus, qui multis aliis auctus, superioris, vt vocant, Hungariæ, & etiam Daciæ fluminibus nauigabili-

B 2

bili-

e) Vulgatius nomen est hodie, *Csal-lóköz*. Tres Comitatus partem insulæ capiunt: *Posoniensis* maximam; non plane nullam *Comaromienfis*; *Jaurienfis* fere minimam.

p) Est iam in potestate Principis EVGENII, ad pristinum cultum, quodammodo instaurata.

Bregætium,

nunc

Jaurinum;

Narabo

fluuius;

Insula

Comárom

& *Comi-*

tatus.

Chepel

insula

Danubii

Fertilitas

Chepel.

Tibiscus;

bilibus, non longe, vt superius dictum est, a Titulio, & Salon-Kemen oppidis, infra Taurunum, quod Nándor-Alba nunc dicitur, in Danubium influit.

Draus : §. V. DRAVVS, ex Cæcio monte, vt traditur, Carinthiæ oriens, perque Styriam fluens, *Muram*, & alios plerosque accipit fluuios, atque Hungariam a Sclauonia Hungarica, ad meridiem, orientem versus diuidens, oppidum Eßfzek alluit, vltra quod, non longe ab oppido Drazad, Danubio miscetur.

Sauus : §. VI. SAVVS, vt quibusdam placet, in radice eiusdem Cæcii montis, vel, vt *Aeneas Syluius* tradit, in Carniola irrigua, non adeo procul ab Arnolstain Carniæ, tribus a Villaco milliaribus, Libonothum versus, initium habet. Is, multis admissis, Sclauoniæ Hungariæ, Croatiæ, Mysiæque superioris, siue Seruiæ, & Bosniæ, fluminibus, per fines Seruinos labitur, & mœnia arcis Sabacz alluens, Sempliniumque, sub q) Tauruni mœnibus, qua occidentem respiciunt in Danubium sese exonerat. Hæc quatuor flumina, quæ cum duplicata cruce alba, e monte viridi enata, insignia sunt Hungariæ, quantam habeant piscium copiam, paullo inferius dicemus. Verum iis iam recensitis, ad institutam Hungariæ diuisionem, animus properat.

*Insignia,
sive arma
Hunga-
ria.*

C A P V T Q V I N T V M.

De Hungaria Occidentali, Regia Buda, & huius Bibliotheca.

*Prima
pars
Hunga-
ria :*

PArs igitur eius prima, quæ, Cis-Danubium, occidentalis pars erat Pannoniæ Superioris, a flante Fauonio, initium habet ab Austria prouincia, olim Pannonia superiore; ab Euro, Drauum attingit occidentalem: subsolanum vero versus, porrigitur ad ostia eiusdem Draui; a Borea, vbique vicina est Danubio. In hac parte Comitatus sunt: Sopronium, Mosonium, Jaurinum, Strigonium, Castriferrei, Saladinum, Simigium, Vesprimium, Alba Regalis, Tolna, Baronya. Duæ paludes, tum magnæ, tum piscosissimæ: altera *Fertho*, prope oppidum Mariæ reginæ, *Neyfidel*, & *Rust*; altera *Balathon*, quæ Vesprimium a Simigio, distinguit. Ea pars continet, *Archiepiscopatum Strigoniensem*, cuius Antistes, Primas, Legatusque natus, & Supremus regni Hungariæ, ex Regum veterum instituto, est semper Cancellarius. *Episcopatus*: Quinque Ecclesias, Vesprimium, Jaurinum: *Abbatias*: Sancti Martini, Sexárd, Sömeghuár, Péch-Váradiam, Zalavár, Bátham: *Ciuitates* munitas, BVDAM, a qua, veluti metropoli, initium sumam.

*Buda
regia.*

§. II. Hæc Regum Hungariæ est regia, quæ tota in saxo, ad altitudinem satis magnam enato, sita, & a septentrione in meridiem protensa, in fronte meridionali arcem habet, non magno intervallo ab vrbe dissitam, egregie, omni munitionis genere, instructam. Adhæc ædificiis insignibus, artificiosis fornicibus, tabulatisque, auro & coloribus depictis, ad admirationem vsque splendidam. Hæc, præ-
ter

q) Vetus Nándor-Alba, seu Belgrádi | situm, sicuti infra monebimus.
nomen, a Tauriscis populis, arces- |

ter situm atque architecturam tam regiam, tum, corpore *Diui Joannis Elemosinarii*, insignis fuit, tum, ob Bibliothecas *Matthiae Coruini* Bibliotheca Regis Matthiae Coruini: Regis, memorabilis & admiranda. Qua itur ad stationem, ex latere interioris Bibliothecæ, ad sacellum *Diui Joannis* perforatum, vnde rex sacrum audire consuevit, duæ obuiæ sunt ædes concameratæ; quarum altera voluminibus Græcis, partim e medio Græciæ, partim ex aliis orientis regionibus, per Regem, non minori cura, quam labore eo congestis, referta erant; altera interior, continebat codices totius linguæ Latinæ, a primis rudimentis, ad arcem vsque omnium scientiarum, per capsulas, & loculamenta, ordine quosque suo distinctos. Tegebat horum quodlibet, velum sericeum, coloribus auroque variegatum, cum indice disciplinæ, & professionis, in quas libri erant discreti. Maxima voluminum pars constabat membranis, colligata serico, vmbilicis, fibulisque argenteis, auro lucidis. Audiui a maioribus, MATTHIAM regem, dum viueret, aluisse semper ad triginta seruos amanuenses, pingendi peritos, quorum ego plerosque, illo mortuo, noueram. Horum erant opera, omnes fere, & Græci & Latini codices, conscripti. Præfectus his FELIX RAGVSINVS DALMATA, & ipse iam senex, mihi cognitus, qui non modo Græce & Latine, sed Chaldaice & Arabice doctus: præterea in ipsa quoque pictura exercitatus, sedulo aduertebat, ne quis error in describendis libris committeretur. Præter has, & aliæ duæ erant Bibliothecæ, in locis diuersis arcis, sed prioribus inferiores, quas omnes Turca, post Ludouici regis, ad campum Moháts, interitum, qui Anno MDXXVI. 29. Augusti contigit, *Buda*, Septembris sequentis, octaua die, postea capta, partim dilacerauit, partim in alios vsus, argento detracto, dissipauit. Annus interitus Ludouici Regis.

§. III. Ad orientem, *Buda*, Danubium respicit, radices vrbs alluentem; vltra quem, oppidi Pesthi, e regione siti, latam diffusamque planitiem, quæ in omnem partem ad tria & vltra nostratum milliaria patet. Eius planitiei initium, quod hæret moenibus fere oppidi, appellatur *Rákos*, qui campus designatus est electioni regum Hungariæ, & Palatinorum. Vterque enim, more veteri hic eligitur, in quo alii etiam conuentus Hungarorum publici aguntur. A meridie obiicitur altissima præruptaque rupes, *Diuo Gerhardo*, ex eo sacra, quod hinc biga alligatus, per quosdam *Hungaros*, in præceps actus erat. Rákos campus ad Pesthum: Rupes Diui Gerhar-

§. IV. In huius radice, a Danubii ripa, ad viginti fere passus recedente, scaturiunt thermæ, ægris corporibus, præsertim pustulis, & tabo infectis, maxime salutare. Inter quas sunt & aliæ, quæ *Regiæ* nominantur, ob Regis in his balneum, in quibus natære possis. Occidentem versus, regii, & alii amoeni sub moenibus horti, in planitie visuntur. Supra, interstitio viginti passuum, vineæ in montibus sunt consitæ, amoena visu spectacula. Therma regiæ, & horti:

§. V. Ad Septentrionem, *Ferarium* est regis, cui nomen est *Nyék*, Nyék cingens vallo, non tantum siluosum montem, sed prata etiam lætissima, in ambitu quatuor milliarium Hungaricorum, feris variis abundans. Lateri huic adnectitur aula, magnificis extructa ædificiis. Regis Ferarium:

pra mons cernitur *Diui Paulli* siluosus, monasterio Fratrum Eremitarum, & corpore *Paulli Primi Eremitæ*, r) clarus.

Montes
vitiferi:

§. VI. Ad ipsum vero aquilonem, partim alii exsurgunt montes, frugiferi vitibus, in quorum radice monasterium est *Eremiticum Diuæ Virgini* sacrum, quam *Albam Mariam* appellant; partim *Sicambriæ* urbis, de qua infra dicemus, reliquæ adhuc cernuntur. In-

Vetus
Buda:

trorsus meridiem versus est oppidum, *Vetus Buda*, in quo fundata est Ecclesia Collegiata, Præpositura, & aliis Sacerdotiis insigne. Supra hoc oppidum, ex eodem tractu est Xenodochium Sancti Spiritus, in quo thermæ salubres erumpunt. Paulo longius est aliud oppi-

Felbéviz.

dum Sanctæ Trinitatis quod Hungarice *Felbéviz* vocatur, Collegiata Ecclesia, & thermis eleganti domo conclusis, pariter inclytum. Sunt & aliæ, in tribus aut quatuor locis thermæ, omnes mirum in modum salubres. Aliquæ ex his a ripa Danubii, vix decem absunt passibus, sub dio patentes, in queis rustici, vinearumque cultores, lauari consuevere, capite & humeris tenus extantes. Quod intuentibus speciem quodammodo præbet picturæ resurrectionis generalis, in parietibus ædium sacrarum pictæ.

Buda ce-
lebritas:

§. VII. Oppidum ipsum Budense celebre est, Italis, Germanis, Polonis, & nostra hac ætate, Turcis quoque, mercatoribus eo con-

Amenitas
fitas.

fluentibus, veluti ad totius Hungariæ emporium. Quacunque ex parte, oppidum & arcem, extrinsecus longe prospexeris, magnam capies ex situs amœnitate voluptatem: vt ædificia non ex materiis facta, sed insignem quandam videaris picturam conspiciere. Contra, si ex oppido loca amœnissima illi subiecta despexeris, in maximam ducaris admirationem, sic utrobique oculi reficiuntur. Rupes ipsa, in qua consistit oppidum, excavata est, propter cellas vinarias, vt non minus, sub qualibet domo operis, intra ipsius rupis viscera, quam ædificii sub dio videas; qua ex causa, terræ motus maxime illic formidantur.

C A P V T S E X T V M.

De Urbibus, Castris, & Oppidis, in Budæ vicinia.

Alba
Regalis
ciuitas:

Alba Regalis s) ciuitas, a Buda ad occidentem, octo abest milliari-
bus, paludibus, orientem præsertim versus, circumdata. Hæc inclyta est diuorum, *Stephani*, & *Emerici* corporibus, tum etiam aliorum Regum sepultura. In huius Ecclesia Collegiata, *Diuæ Virgini* sacra, Præpositura scilicet maiore (cuius possessor præest ecclesiæ & custodiæ siue thesauriatui) aliisque deinceps optimis Sacerdotiis insigni, Reges per Archi-Episcopum Strigoniensem inungi, ac diademate insigniri debent; alioquin non habentur legitimi. Nundinis Boariis

r) Vitam S. PAVLLI Primi Eremitæ, leges, Annalium Eremi-Coenobiticorum, Lib. I. Cap. II. p. 6. seqq. Viennæ Austr. A. 1663. fol.

s) Frustra est BONFINIVS, Dec. I. Lib. I. p. 23, 39. quando, huius, & reli-

quarum urbium, quas *Albas* dicimus, nomen, a priscis, nescio quibus populis, deriuat. FEJER-VAR dixerunt Hungari, siue ob arcis recentis alborem, siue, boni ominis gratia.

riis & vinariis, quæ ex Simigio eo aduehantur, aliisque mercimoniis, est hæc vrbs celebris. Citra hanc urbem, ad radices Vérthes siluæ, de qua paulo post dicemus, sunt arces *Palotba*, *Oroszlánkő*, infra quos oritur *Sáros* †) fluuius.

§. II. *Vissegrád*, quod Germani *Plintenburg* vocant, oppidum, abest Buda, occidentem versus quinque miliaribus, conditum ad ripam Danubii, in radicibus siluæ vastissimæ, pardorum aliarumque ferarum altricis. In fronte oppidi, ad plagam orientalem, aula extructa, plusquam dici potest, & situ decora, & impensis magnifica, & palatiis, aliisque ædificiis, vere regiis, præstantissima: utpote, quæ vnica, quatuor regibus, u) cum suis ordinariis, ut vulgo vocant officariis, eodem tempore commodum præbuit hospitium. Dicitur enim continere, trecentas quinquaginta & ultra ædes. Porta huius patet in Danubium, a se bis centum circiter passus recedentem: quo interstitio, per id spatii, quod est inter oppidum & portam, consistæ sunt arbores. Altera ex parte, orientalis aulæ hortus est: vitibus & arboribus fructiferis amœnus. Oculis ingredientium portam, offertur statim area spatiosissima, in omni parte viridis, floribus pratenribus vernans. Ad centum & ultra e porta passus introrsus, incipit gradus ex quadratis lapidibus, septem aut octo latus vlnas, altus vero quadraginta circiter passus. Hic area est quadrupensis, fornicibus siue cellis vinariis, pro regio sumptu, & amplis & magnificis, insidens instructaque, lapidibus pariter quadris strata: in qua, iuxta æquam dimensionem, plantatæ sunt tiliæ arbores, & odoribus verno tempore fragrantissimæ, & aspectu placidissimæ. Huius in meditullio, exurgit fons, miro artificio, ex rubro fabricatus marmore, cum sculptis Musarum imaginibus. Ex cuius cacumine, effigies Cupidinis, vtri marmoreo insidens, aquam exprimit, quæ non minus sapida, quam frigida, ex vicini montis fonte, per canales eo deducta, cum iucundissimo strepitu, in lancem ex siphunculis defilit marmoream, hinc in labrum orbiculare. Hic fons, MATTHIÆ illius *Corvini* Regis iussu, (cuius vniuersa hæc ædificia, quæ narro, sunt opus) dum plerumque triumphum ageret, vino, & ut a maioribus accepi, nunc albo, nunc rubro fluebat, superius in radice montis, arte canalibus immisso. Hoc in loco Rex ipse, verno æstiuoque sole, florentibus floribus, solebat apricari, auram capere, prandereque, nonnunquam etiam legatos audire, & dare responsa.

Arx, & oppidum Vissegrád:

Descriptio aula:

Fons Musarum.

§. III. Narratur res, non minus risu digna, quam memorabilis, olim, eo loco contigisse. Turcarum quidam legatus, dum, ut moris est, ab aulicis Regis, ex oppido, legationis suæ exponendæ gratia, in aulam deduceretur, & in porta, vnde rectus patet ad hanc pensilem aream aspectus, parumper substitisset, circumspiciens tantam loci illius amoenitatem splendoremque, & aulicorum, tam in infe-

Lepida, de Legato Turcarum, narratio:

C 2

riore

†) Hodie *Sár-Víz* Hungarice adpellamus, ob cœnoscas, quas vehit, aquas.

u) Confer BONFINIVM, Decadis II. Lib.

IX. p. 323, 23. Item, vitam CAROLI

IV. in Rerum Bohemicar. antiquis scriptoribus, p. 96, 22. Edit. Hænouiens. A. 1602. fol.

Aulico-
rum
Matthia
ornatu,
& Regis
obitu,
percul-
sus, ob-
mutescit:

riore, quam superiore, vbi Rex erat, area, infinitam multitudinem, serico, argento, auroque contextis indumentis, atque non ex minima sui parte baltheis (vt moris est nostrorum Hungarorum) ensibusque argenteis, ac torquibus aureis ornatam, tanta subito admiratione stuporeque perculsus est, vt totius suæ legationis obliuisceretur, & dum per gradus in conspectum Regis ascendisset, propter eius aspectum, qui ob magnos oculos cruore veluti perfusos, terrorem insipientibus incutiebat, conceptus, iam antea timor, ita magis ac magis hominem occupauit, vt post diuturnum silentium, nihil aliud proferre potuerit, quam; *Cæsar salutat! Cæsar salutat!* Quem, cum Rex interrogaret; an quid ultra vellet? ille nihil respondit. Rex, viso, hominis tam nihili, stupore, ad suos qui adstabant, purpuratos x) conuersus: *Videte, inquit, quales belluæ nostros, & aliorum Principum Christianorum fines, negligentia nostra publica, incurserunt: verum, quantum in me erit, curabo fræna his belluis imponere, ne tam licenter excurrant. Si alii etiam Principes, socordia & internis dissensionibus sepositis, hoc idem præstare curarint, agetur bene de rebus Christianis.* Iubet deinde legatum reduci ad hospitium. *Vade, inquit, respira, resipisce!* Ei, post multum temporis, reuocato significatum a Rege est; vt domum rediret, nunciaretque domino suo, alium mitteret, qui legatione fungi sciret. Ita ille, pro regis dignitate, magnifico nihilominus munere oneratus, coactus est cum rubore reuerti. Hæc, quamuis in rem præsentem minus pertinebant, nolui tamen silentio præterire.

Continu-
atio de
scriptio-
nis aula.

§. IV. Introrsus ad latus aræ, in radice montis, qua paulo eleuatio est, extat facellum amœnissimum operibus musaicis, vt aliæ etiam pro maiori parte ædes, stratum, in quo instrumentum est musicum pretiosum, quod vulgus *Organum* vocat, fistulis nonnullis argenteis ornatum. Præterea reseruaculum Corporis Dominici, & tria altaria, cum structuris & tabulis, ex alabastro purissimo inaurato fabrefactis. Hinc orientem versus, palatia regia, tabulatis inaurata, bifariam protenduntur, miro artificio fabricata. Altera via ascenditur in palatium oblongum, cui mons ipse imminet; altera descenditur ad inferiores ædium partes. Hic quoque in medio areolæ, fons est, ex alabastro exsurgens, quem ambit ambulatio, columnis marmoreis sustentata, quæ a solis æstiuæ ardore tuta est. Tum ædes ipsæ recurrunt in Septentrionem; postremo occidentem versus redeunt: quarum omnium fenestræ, in decurrentem latissimo alueo Danubium, proiciuntur. Quod maximæ est prospicientibus amœnitati; præsertim, cum e regione ultra Danubium, ex colonis Germanis cernatur *Maros* oppidum: supra quod, mons exsurgit, longus magis, quam altus, vineis totus confitus.

Maros
oppidum,
Vissegrá-
do opposi-
tum

§. V. Hæc aula, y) præter situs amœnitatem, tam prætiosis ædificiis ornata est, vt sine controuersia plurimorum regnorum ædificia

x) Habebat hoc in more positum MATTHIAS; vt comiter quidem haberet legatos exterorum; sed pertentaret etiam lubenter, essentne rebus agendis idonei: id quod, cum Turcis

potissimum factitasse, certum est. y) Post tot arcis obsidiones, ad eum modum detrita nunc sunt omnia, vt vix splendissimi palatii, vestigium possis obseruare.

ficia superare videatur, & nusquam viderim, quidquid regnorum *Aula*
in hunc diem peragrarim, ædes paribus ornamentis structas. In *præstan-*
ipsa sola Lutetia Parisiorum, vrbe, eo loci, quem vulgus *Aulam Par-* *tia:*
lamenti vocat, in qua ius dicitur, negotiumque tractatur regis, vni-
cam vidi cameram, in similitudinem harum, & Budensium ædium,
tignis tabulisque inauratis, fabrefactam. Supra aulam, in altissimo *Arx*
montis prærupti cacumine, lateribus vndique siluosis, exstructa su- *monti*
spicitur, veluti quispiam nidus, arx fortissima. Huic præficiuntur *immi-*
more maiorum ex regni proceribus, non solius Regis arbitrio, sed *nens:*
totius regni electione. In ea custoditur Corona, quam nos sacram *Vbi ser-*
vocamus, cum priuilegiis & aliis regni iuribus. Hæc parietibus vn- *uetur sa-*
dique conclusa sunt. Duo hi Proceres, firmissimo adiguntur iura- *cra Coro-*
mento, &) ne perfractis parietibus, diadema regium ex ea arce ali- *na Hun-*
ter educant, quam ad totius regni & Regis, vnanimem deliberatio- *garia.*
nem, quæ non aliis temporibus fieri consuevit, quam in corona-
tione Regis & Reginae. Per hos Proceres substituuntur alii duo ar-
cis præfecti, quorum alter, per totum semestris temporis spatium
diademati regio custodiendo incubat, nec toto hoc tempore, sub
vitæ periculo pedem efferre audet, donec collega in eius succedat
locum. Ab ea arce demissus est murus, per montis præcipitium,
ad aliam vsque arcem, fluctibus Danubii obnoxiam, quæ aquatica
vocatur. Hæc mœnibus suis, & hortum, mira amœnitate lateri
aulæ adnexum, & eandem aulam, oppido coniungit confirmatque.

C A P V T S E P T I M V M.

*De reliquis Vltioris Hungariæ Urbibus,
& Opportunitatibus.*

HÆc silua, quæ ex arcis nomine denominatur, in ripa aduersi *Silua*
Danubii in Zephyrum retrahitur, in spatio quinque milliarium *Vissegra-*
nostratum. In huius medio est *Præpositura Demes*, & dignitate, & *dienses:*
reditibus insignis. Danubii ripam prospectans, & in eiusdem circa
finem radice, aula alia est exstructa, quam amœnissimus hortus, &
ferarium Archi-Episcopi Strigoniensis, ad vnum milliare Italicum, a
Strigonio distans, ambit. Exsurgit hinc mons, cuius in latere, vineæ *Situs ar-*
porriguntur, arci & ciuitati Strigonio imminens. In ipsa ripa Da- *cis Stri-*
nubii, rupes satis alta in orbem enata est, ex ea parte, qua Da- *goniensis:*
nubium prospicit prærupta, vndiquaque tercentum circiter passus
lata. Hic condita est arx, sedes Archi-Episcopi, & loco, & muni-
tione fortissima, palatiis atque ædificiis, præter situm loci, maxime
decora. Hæc natiuitate atque baptismo D. *Stephani*, primi Regis
Hungarorum, est memorabilis. Occidentem versus, Danubium, late,

Decad. I. Monument. I.

D

&

&) Iuris iurandi formulam geminam, |
qua se obstringebant, Coronæ Cu- |
stodes, dum *Vissegrádi* adseruaretur, |

PETRVS de REVA nobis adseruauit, in
Comentario, de S. Corona Reg. Hung.
p. 59. Edit. Tyrnauienfis.

Sacellum
Thomae
de Ba-
kocz,
Cardina-
lis Stri-
goniensis:

Therma.

Vérthes
silva va-
stissima:
Abbatia
S. Mar-
tini:
Sabaria
Diui
Martini
patria:

Strido
Hierony-
mi pa-
tria.

& leni murmure defluentem, prospicit. In *a*) orientem, ruinas, ædium magnificarum Capituli, anno ab hinc *b*) quarto exacto, propter obsidionem arcis, ad solum vsque dirutarum; tum montes vinearum; ad meridiem vero ciuitatem prospicit. Fundata est in arce ecclesia Cathedralis, Diuæ Virgini Sacra, *c*) in Hungaria Metropolitana: in qua, præter alia sacella & ornamenta, duo sunt maxime præstantia. Alterum sacellum in latere Ecclesiæ meridionali, a fundamento, ad summum vsque intrinsecus ex rubro marmore, eoque politissimo, per Thomam Cardinalem, Patriarcham Constantinopolitanum, maximis impensis exstructum. Hoc superne in orbem coarctatur, & cupro inaurato concameratur, opus sane magnificum & pretiosum. Alterum ad plagam aquilonarem, supra sacrarium fabricatum est, opus testudineum, multifariis picturis exornatum: in quo est bibliotheca codicibus veteribus, omnium facultatum referatissima. In arcis radice, in ipsa Danubii ripa, est turris fortissima, quæ ob custodiam aquæ, aquatica dicitur, in qua thermæ tanto impetu erumpunt, vt molam circumagant. Auditu res admiranda; eodem tractu fere contiguo, iisdemque venis aquam gelidam Danubii decurrere, & thermas erumpere.

§. II. Ab arce semota est ciuitas, quadringentorum fere passuum spatio, quod similiter thermæ in aliquot locis irrigant. Ea, ad meridiem in ripa Danubii, qua in insula opposita, Monialium est Cœnobium, protenditur, mœnibus Danubio connexa. In fine dictæ siluæ, quæ ciuitati huic imminet, initium habet alia silua vastissima, versus meridiem vsque ad terminos paludis *Balatbon* australes, longe protensa. Huic nomen est *Vérthes*; in tota Hungaria nominatissima. Ad latus huius occidentale, *Abbatia S. Martini*, redditibus opulentissima, in monte qui appellatur, *Sacer mons Pannonia*, editissimo amœnissimoque sita est, ad omnes plagas, oppida & latos campos prospiciente, per *D. Stephanum Regem* exstructa.

§. III. Hinc meridiem versus *Sabaria* arx, *D. Martini* patria. Deinde magis ad Austrum, *Præpositura Vassvár*; arx *Monyorókerék*, quam Teutones *d*) *Eberau* vocant; oppidum *Kermend Arczberg*. Tum ad latus siluæ vastissimæ, quæ decurrenti Murauo adiacet, in rupe difficili, exstructa est arx *Németh Vjvár*, siue Nouum Castrum. Non longe ab hac abest meridiem versus inter siluas, arx *Felső-Lindva*, & oppidum *Mura Szombath*. Hinc intra Murauum & Drauum fluuios, est *Strido*, *D. Hieronymi* patria; arx *Csák-Tornya*. A *Felső-Lindva* non ita multum distat, *Sanctus Gothardus*. Item, arx *Alsó-Lindva*, *Némethi*, castellum *Buzászigeth*: supra quæ *Berzentse* arx. Hinc ad

orien-

a) Hunc locum, ita legit, P. SZENTIVÁNY, in Dissertat. Paralipomen. Rerum Memorab. Hung. p. 16. Ad meridiem vero prospectus fuit, in magnificas Canoniarum e regione sitas ades; ad septentrionem autem in montes vinearum; ac demum ad meridiem, in subiacentem ciuitatem. Nos, fidem manuscripti gemini, sequimur.

b) Fuit is, annus 1532. obsidio autem, GRITTO duce, irrita.

c) Laudatus Szentivány, interfecit: Et D. Adalberto Episcopo & Martyri.

d) De eius conditore, legendus omnino, WOLFFGANGVS LAZIVS, de Migrat. Gent. Lib. VIII. p. 477. alioquin, ignari simus, oportet, de Germanica nominis origine.

orientem *Babolcza* arx, oppidum *Kalmanchel*, tres mei vici, *Dobzæ* Leveld
habitacula, centum & ultra colonorum. Ad *Vérthes*, non procul Cænobi-
a *Veszprimio*, est *Leivöld*, Cænobium fratrum *Charthusiensium*, mul- um Car-
tis oppidis & redivibus opulentum. thusien-

§. IV. Citra *Balathon* lacum, ad radices siluæ, est arx *Váson*, cui sum.
vicinum est oppidum meum, *Mernye*, & *Dergitze*, cum suis vicis, Balathon
in quæ, bona & sapida nascuntur vina; cuiusdam procuratoris, lacus:
quem *Hispanum* vulgus vocat, suspendio famosum: quia hic *Hispanus*,
colonos iniquis cruciabat exactionibus. Ab hac, non multum abest
Abbatia Titbonium, e) in amœno loco sita, arx *Sigligeth*, *Abbatia Sza-*
lavár, arx munitissima, & prouentibus ampla. Alius item conuen-
tus religiosorum in *Kapornak*. Supra *Váson*, ad boream est *Vesprimium* Episcopa-
Episcopatus; *Berenbyda*. Hinc non longe a ripa meridionali, tus Ve-
Sáros Ladan Urbida, *Lepsin*, arces *Ozora*, *Simon-Tornya*; oppida *Bikad*, primien-
Szerdabely. Ad orientem ripam *Balathon*, *Szántó*, *Keresztbely*, *Czepel*, sis.
Tard; mediterranea, *Simegb-Vár*, *Abbatia*, tum colonis, tum redivibus
vinariis, opulenta: *Osztbopan*, *Korpád*.

C A P V T O C T A V V M.

Continuatio Descriptionis Hungariæ Vltioris.

AD occidentem, (vt eo, quod prius omiseram, reuertar) *Sopronium* Sopro-
vrbs, a *Vienna* vrbe, decem circiter milliaribus, ultra pa- nium,
ludem *Fertbó*, meridiem versus distans. In ea parte, qua muro cingi- ciuitas
tur, in valle, qua vero mœnibus ipsis Septentrionalibus coniungitur, Libera:
in monte condita est. Accolæ eius Alemanni sunt. Ager & frumenti
& vini ferax, vna ex septem ciuitatibus Hungariæ liberis. Sopronio
huic, Septentrionalis est ad octo circiter millaria arx *Ovár*, quæ a Ger- Arx
manis *Altenburgum* nuncupatur. Hæc in loco sita est palustri, agge- Ovár,
ribus, vallisque fortissimis, & duplici fossa aquatica circumducta, in sue Al-
quarum exterior, quadraginta & ultra passus latam, a meridie tenbur-
influit *Laitba* flumen. A septentrione pars *Danubii*, qui insulas ibi gum:
tres facit mediocres, feris, & maxime apris abundantes, præterla-
bitur: ex quo, ad interiorem arcis fossam, *MARIÆ* Reginae impensis,
cuius ea est arx, non longo ante tempore, aqua deducta fuit, vt
arcis aer viuo flumine, fieret temperatior salubriorque.

§. II. *Jaurinum*, olim f) *Bregætium*, arx, sedes Episcopi *Jauri-* Jauri-
nensis in ripa *Danubii* (qui eo quoque loci insulam facit) meridio- num:
nali sita est: infra quam, occidentem versus olim *Rabnicza*, nunc Rabni-
Rábca flumen, prope *Abdam* pagum in *Danubium* exoneratur. Sub- cza, &
ipsa vero mœnia arcis, aliud flumen, olim *Narabo*, nunc *Rába* dictum, Narabo
in eundem *Danubium* rapitur. Hinc *Tata*, arx regia, inter *Strigo-* flumini:
nium & *Jaurinum*, ad latus meridionale sita occurrit, medio milliari Tata
a ripa *Danubii* distans, insignis *MATTHIÆ* regis ædificiis. Alluit hu- Arx.

e) Peninsulam lacus *Balathonis* esse,
norunt, vna nobiscum, situm gnari.

f) Non est pronum, vetera Geogra-
phorum nomina, quibus vrbes in-

Piscina ad Tatam ius muros orientales, latissimum viuarium, piscibus multigenis memorabile, in orientem ad vnum milliare protensum. Ad austrum imminet arci oppidum situm in monte, qui marmor rubrum continet. Infra Budam meridiem versus, *Tbétén*, *Erd*, *Adon*, *Paksium*, *Abbatia Pétsáradya*, *Tholna*, *Sexárd*, *Abbatia*, & *Báttha* oppida, ripæ Danubii adjacent. Infra quam *Báttham*, quæ Abbatia est satis opulenta, & sacramento miraculoso celebris, flumen *Sáros* Danubio miscetur. Ultra hanc *Báttham*, Quinque Ecclesias versus, est alia Abbatia, quæ *Pétsáradya* appellatur, redditibus amplis insignis.

Arx & Episcopatus Quinque Ecclesiarum: §. III. Hinc occurrunt g) *Quinque Ecclesiæ*, quarum arx in radice *Metsek* montis ardui, cuius latera & verticem procera cingunt robora, est condita, sedes Episcopi Quinque Ecclesiarum. Hæc, tam templo Cathedrali, *D Petri*, quam ædificiis, per *Georgium Zathmárum*, eius loci tunc Episcopum, (qui b) postea Strigoniensis Archi-Episcopus fuit, summæ pietatis & iustitiæ, rectique consilii, atque non parvæ eruditionis virum,) magno arcis decore exstructis, inclyta est. Ad Septentrionale latus templi, est collegiatum Sacellum *D. Virginis Auratæ* sacrum, in quo sepulcrum visitur *Nicolai*, olim Episcopi Quinque Ecclesiensis, exempli veri Episcopi: huic affixum est cilicium, vestis pilis contexta, quam viuens deferebat. Hic dicitur, interdum suam plebem verbo DEI pauisse, noctu vero, profectus ad siluam vicinam, humeris ligna detulisse, & pauperes fouisse, hisque inseruiuisse, ut etiam ex manuum suarum laboribus pauperibus subueniret, nedum Episcopatus redditibus. Huic arci, subiicitur ex radice montis prædicti, meridiem versus in planitiem porrecta ciuitas, nec situ, nec opere satis munita, accolarum tamen comitate, & ciuilitate præstans, Canonicis ac Præbyteris referta, fluminis & aquæ indiga. Est hortus, ad Septentrionale latus dicti montis, in quo scaturit fons, cuius fluor ciuitatem versus, quadraginta circiter molas, ex ordine circumagit. Erumpunt & alii, ex montis latere, fontes, quorum per canales deductione, ciuitas reficitur: agro fertilis, vini optimi multum abundans, piscium indiga; præterquam eorum, qui recentem a captura mortui, aliunde eo aduehuntur.

Arx Solos: §. IV. Huic vicina est, ad tria milliaria, *Soclosium*, i) arx, & munitione, & natura fortissima, ædificiis vero insignis. A Quinque Ecclesiis abest ad quatuor milliaria, orientem Septentrionalem versus, *Mohács oppidum*. oppidum *Mohács*, ad ripam Danubii situm, ex opposito oppidi insulam ferarum altricem facientis; clade *LVDOVICI*, Regis mei, funestum: de qua, cum hic scribendi locus non est, ita silendum potius, quam pauca dicenda arbitror. CAPVT

g) Hungari, *PETS* adpellant; etymo, ab Illyriis petito: quibus, *Peth*, significat *quinque*. Alias notum est prouerbiū: *Németnek BETS*; *Magyar-nak PETS*. Id est: Quod est Germano *Vienna*, id sunt *Quinque Ecclesiæ Hungaro*. Tanta, prisca illa ætate, urbis, & celebritas fuit, & ad degendam vitam, commoditas,

b) Tota hæc parenthesis, deest, in fragmento, quod *SZENTIVANY*, loco citato, p. 17. exhibet: quin & reliqua urbis descriptio, a manuscritorum nostrorum textu, discrepat nonnihil.

i) Illustrem fecerunt arcem, *SIGISMUNDI* Regis carceres: de quibus consule *BONFINIUM*, Dec. III. Lib. II. p. m. 379.

CAPVT NONVM.

De Secunda Hungariæ Parte, citra & ultra
Sauum sita.

SECUNDA pars Hungariæ, partim *Drauo* & *Sauo* fluminibus includi-
tur, partim trans *Sauum*, ad alpes fere vsque, quæ Adriaticum
respiciunt mare, porrigitur. Trans *Sauum* sunt regna *Croatia*, &
Bosyna, Episcopatus *Bosnensis*, arx *Taurunum*, k) siue *Nándor Alba*,
cum oppido eiusdem nominis, metropoli *Seruiæ*. Huius mœnia al-
luit *Sauus*, qui paulo supra oppidum, in *Danubium* exoneratur. Hæc
arx, murus fuit Hungariæ; qua, anno nati Domini, millesimo
quingentesimo vigesimo primo, *Lydovico* rege imperante, per *Va-*
lentinum Theïrek, qui ei arci præfuerat, amissa, *Turcis*, hostibus fidei,
ad Hungariæ dirreptionem, patuit traiectus. A *Tauruno*, legendo
ripam, aduersi fluminis *Sauis*, in latere, quod spectat meridiem, sunt
ex ordine positæ, *Sabacz*, *Wyvár*, *Barka*, *Mybalócz*, *Arky*, *Dobor*, *Do-*
botzitz, *Slobotzina*, & e regione *Arky*, in *Bosyna*, *Grayacz*, *Maglay*,
Zrebernik arces, ante annos circiter viginti, per *Turcas* interceptæ.

Secunda
pars
Hunga-
riæ:
Arx Tau-
rorum,
siue Nán-
dor Alba:

Sabacz
Arx:

§. II. Quæ vero regio, *Sauo*, & *Drauo*, fluminibus, inclusa est,
nostra ætate bifariam nominatur. Ea pars, quæ ad occidentem hy-
bernum, vsque ad fines *Carniolæ*, & *Carinthiæ*, (quæ antea *Carina*
nominabatur) & *Comitatum Ciliæ* vergit, appellatur *Sclauonia Hun-*
garica. In hac sunt *Comitatus Zagrâbia*, *Várasd*, *Posega*, *Valpó*, *Valto*,
& plerique alii. Episcopatus *Zagrâbia*, dignitate & redditibus insignis.
Chasina, *Posega*, Ecclesiæ Collegiæ, & situ, & prouentibus præstantes.
Arces: *Varásdinum*, *Gerebes*, *S. Gregorius*, *Rabócza*, *Monoczló*, *S. Deme-*
trius, *Valpó*, non longe a meridionali ripa *Draui* sita, natura & mu-
nitione fortissima, ædificiis vero præstantissima. *Eszek*, ad ripam
pariter eiusdem amnis condita. *Erdőd*, l) in monte sita, *Danubium*
prospectans septentrionalem, ad meridiem vero campos latissimos.

Sclauonia
Hunga-
rica:
Zagrâbia
Episcopa-
tus:

Erdőd.

§. III. Ea vero pars, quæ inter ostia *Draui*, & *Sauis*, orientem
versus porrigitur, vocatur *Sirmium*; in ea sunt, arces *Wylak*, *Sirimii*
initium & caput, quæ in monte *Danubio* imminente non absimili
situ, quam *Buda*, iacet, regalibus exstructa ædificiis, tum sepultura
Joannis Fratris Capistrani inclyta. *Sylsege*, *Bánmonosra*, sedes Episcopi
Sirmiensis; *Kamánecz*, *Varadinum Petri*, *Karom*, *Zalom-Kemen*, in ripa
Danubii omnes sitæ. Circa Septentrionalem vero ripam *Sauis*, a me-
ridie, orientem versus, sunt ex ordine arces: *Diako*, sedes Episcopi
Bosnensis, *S. Laurentius*, *Maróth*, *Racza*, *S. Demetrius*, *Bancz*, *Sempli-*
nium, & pleræque aliæ. Hic tractus olim *Sauia*, m) siue *Sauen*sis
regio appellabatur. Hæc itaque, secunda Hungariæ pars, vt supra

Sirimi-
um in
quo Wy-
lak arx:

Episcopa-
tus Siri-
miensis:

Sedes
Episcopa-
tus Bos-
nensis:

Decad. I. Monument. I.

E

docui

k) *Taurunum*, a *Tauriscis*, *Pannoniæ*
populis, & nomen accepisse, & ori-
ginem, docti existimant. Vide *OR-*
TELII, *Thefaur. Geograph.* in vtra-
que voce.

l) *Slauoniæ* istud *ERDÖD*, confunden-
dum haud est, cum *ERDÖD*, castro &

oppido, quod est in *Comitatu Szat-*
mariensi, originibus *COMITVM ERDÖ-*
DI, in primis nobilitato.

m) Notum omnino *Pannoniæ Sauia*,
apud auctores, nomen; de quo vide
ORTELIVM, in voce, *Pannonia*.

docuimus, Sauo intercisa, ab ortu Mysos, Triballos, qui nunc Rasciani vocantur, contingit; ab occidente, Austriæ prouincia; ab Austro, monti *Scardo* est conterminata; ad Septentrionem vero Drauripis finitur.

CAPVT DECIMVM.

De Tertia Hungariæ Parte, quæ Danubium
& Tibiscum interiacet.

Tertia
Hunga-
ria pars.

Archi-
Episcopa-
tus Co-
locensis.

Pesthum
ciuitas :

Rákos
campus :

Electio
MAT-
THIÆ
in regem,
super gla-
ciali pon-
te facta.

TERTIAM Hungariæ partem, quæ inter *Tibiscum*, & *Danubium* fluuios, Boream versus & Carpathum vsque montem, est protensa, ac inter Septentrionem, & occidentem, Morauiae fines; ad orientem vero Tibisci in Danubium decurrentis, ostia attingit. Si PTOLEMAEO *n*) credimus, olim Jazyges Metanastæ incolebant. In eadem est Archiepiscopatus *Calocia*, qui & *Bácia* dicitur. Episcopatus *Agria*, *Nittria*, *Váczia*: multa adhæc Monachorum, Prælatorum, diuersi ordinis Monasteria. Comitatus, Scepusium, Sáros, Uyvár, Trencinium, Nittria, Pesth, Bodrog, Bácha, multique alii.

§. II. PESTHVM ciuitas, vt ab ea descriptionem exordiar, ad orientalem Danubii ripam, e regione, vt supra memorauimus, arcis Budensis conspicitur, mœnibus in latum orbem circumductis, Danubio vtrinque compacta; incolis, partim *Hungaris*, partim *Germanis* frequens, & ex vtraque parte longis suburbiis insignis: vinis exoticis, non Sirmicis modo optimis, atque perinde ac Cretica sunt, dulci sapore præstantibus; sed etiam Baroniaicis, Somodinis, & alterius *o*) generis; præter hæc, mercaturis quoque omnibus celebris. Mercatorum magnus est eo concursus. Poloni, Silesitæ, & pleræque exteræ nationes, in ea vinum mercantur. Ager arenosus sterilisque, nullius frumenti magis, quam peponum, rapæ, & raphani minoris ferax. Campum vndiquaque habet longe diffusum: cuius latus septentrionale appellatur *Rákos*, de quo supra memorauimus. Inter hanc urbem, & Budam interfluens Danubius, sicuti in aliis quoque locis multis, quibus quieto delabitur flumine, quolibet fere anno, circa finem Decembris Mensis, & initium Ianuarii, ponte, non ex roboribus aliaque materia, sed frigore constricto, consternitur. Nam, pro hyemis rigore, tanta glacie, ad vnum plerumque cubitum alta; subito consistit, vt perinde, ac in latissimo firmissimoque ponte, plaustra onerata, & quæuis alia pondera, nunc vnus mensis, nunc longioris temporis spatio, sine periculo transuehantur. In huius pontis *p*) glacialis medio, memoratur, MATTHIAS ille rex *Coruinus* absens, fuisse in regem electus, dum detineretur iussu *Ladislai* regis, in carcere Pragensi, per *Georgium Pogyebratium*. Alia etiam flumina Hungariæ, eadem ratione gelu consistunt; quo tempore maxime formido-

n) Geographiæ Lib. III. Cap. VII. p. 44. edit. Basileensis, A. 1540. fol.

o) Nondum, scilicet, ad eam celebritatem, laudemque Tokaiensia vina, peruenerant, qua sunt hodie. Sir-

mienti & vicinis, præcipua tunc gloria fuit.

p) Nihil eius, in electionis historia, quam BONFINIVS, Decad. III. Lib. IX. exhibet, obseruari: præterquam,

midolosi antea nostris fuerant Turci, ne hac vtentes occasione, pertransito *Sauo* diriperent Sclauoniam, quam anno præterito, fere totam; tum propter Christianorum Principum internas dissensiones, ob quas Hungariæ, immo suis periculis prospicere non curant; tum propter nostram negligentiam & factiones, quibus regna magna periclitari consuevere, in ditionem suam redegerunt. Conspiceres in prædicto *Danubii* campo, multos homines, iacentes interdiu, qui *Bacchum*, *Pesthi* dulcissimum, præter rationem exhaustum, decoquant, & in longas moras despument, destinantque.

§. III. *VACIA* ciuitas, sedes Episcopi, ad ripam pariter *Danubii*, qui insulam illic mediocrem circumluit, sita est; a *Pestho* Boream versus, quinque milliaribus recedens. Locus, propter montem q) arboribus plenum & supereminentem, & ex alio orientis latere, propter viridaria, & campum late diffusum, non modice amœnus. Hinc, sub radice eiusdem montis, occidentem versus, ad aliquot milliaria, longe porrecti, aduerso *Danubio*, non commode, ob viam angustam & fragosam peruenitur, ad *Maros* oppidum, *Vissegrádo* obiectum. Tum, traiectis per ordinem, *Ipola*, *Grano*, & *Nitria* fluuiis, quos in *Danubium* infundi, supra memorauimus, recurritur ad *Guta* oppidum, quod ad ostia *Vagi* fluminis, (circa quæ loca, piscatio fit r) antaceorum piscium) situm est. Hinc magis ad occidentem, circa ripam eiusdem *Vagi*, quæ est ad *Zephyrum*, constructa est arx fortissima, *Alexii Thurzonis*, *Semtbe*, inclusaque vtrinque oppidis, aliquo interuallo ab ea dissitis.

§. IV. Eo ex loco semipalustri, & aliquando profunde lutofo, relictis ad dextrum latus, aliquot pagis, & *Tyrnauia*, *POSONIVM* tenditur. Hæc vrbs, adiacet ripæ *Danubii*, quæ, & loco, & munitione est fortissima. A sinistro, campi satis lati, spatio, incumbit ei mons, cuius latera vinetis confita sunt. A fronte, arx pariter validissima, inter montem, a sinistro satis siluosum, inferiore vero vineis confitum, condita est in loco editissimo, ædificiis splendidis decora. Quæ, ex ea parte, quæ *Austriæ* fines respicit, & *Morauam* fluuium, (in cuius ripa orientali, in edito monte arx *Deuén* exstructa est, duobus a *Posonio*, occidentem versus recedens milliaribus,) murum habet, circiter viginti pedes latum; qua vero urbem & *Danubium* prospicit, ambulationes, cum quietis amœnisque interstructis ædiculis, ad quas, ex regiis cubiculis patet transitus. Mea hæc ætate, supra mœnia ædificatæ fuerunt, per *Joannem Bornemissam*, eius loci Comitem, Secundi

E 2

LYDO.

quod, *Danubius*, quarto Idus Februarias, subito rigidoque gelu concretus, & quasi pauimento contractus, perterruerit factionem *Corutno* contrariam, vt relictæ *Buda*, *Pestum* concederet. Tum vero, facile poterat euenisse, vt occurrentes sibi mutuo procures, dextras, in medio, glaciali hoc ponte, iungerent, inque *MATTHIAM* eligendum, consilia anticiparent.

q) *NASZALY* ei nomen est, quasi *Nagy Szál*, dictum; eo quod termini instar, excelso vastoque iugo, surrectus, late regionem despicit.

r) Legi in diplomatibus, Reges Hungariæ, antaceorum viuarium hic olim habuisse, per oram fluminis, roboreis palis circumclusum: quorum trunci, decresciente ætate, notari possunt hodieque.

Wáci-
ensi
Episcopa-
tus:

Maros
oppidam:

Arx
Semtbe.

Posoni-
um, vrbs
& arx,
cum de-
scriptio-
ne.

IVDOVICI regis nutricium, virum, non minus strenuum, fortisque & animi magni, quam ingenio, consilio, fide, & religione præstantem, mihi certe veluti alterum parentem. Apud quem tamen, licet 'A' TEKNON 'ONTA, (improlem existentem,) nec captarim, nec acceperim, vt plerique alii, hæreditatem. Hic, ad Danubium & campos Trans-Danubiales prospectus, magnam præbet oculis intuentium delectationem.

Arx

Stompha,

Bozyn,

S. Georgius:

Tyrna-

uia ciui-

tas:

Nitria

Episcopa-

tus,

Trinci-

nium

arx:

Galgócz,

& Te-

metvén:

Bistricia,

& Bay-

mócz,

arces.

Septem

montana

Ciuitates:

Præposi-

tura Bo-

zok,

Sáagh:

§. V. Ultra Posonium, intra viscera montis prædicti, ad orientem æstium, est arx *Stompha*; & Monasterium Heremitarum *Tbal.* In radicibus vero, porrectæ sunt arces, *S. Georgius*, optimis & dulcissimis vinis memorabilis; *Bozyn*; *Vereskó*; præterea, aliquot oppida. Hinc ad orientem visitur ciuitas *TYRNAVIA*, natura minus, quam arte munita. Ad huius mœnia, fluuiolus eiusdem nominis, ingens facit piscium viuarium: ex quo iterum effluens, prope *Vizkelet*, Danubio miscetur. Hanc incolunt Germani, Hungari, Bohemi, mercimoniis, aliisque rebus vsui hominum, necessariis, abundantem. *NITRIA* dehinc, sedes Episcopi, ad Septentrionalem partem, orientem versus vergens, transmissio Vago fluuiio, in ripa *Nitriae* fluminis, sita est. Arx, & situ & arte munita, a qua distat *Trincinium*, in Cæciam, nouem miliaribus, & loci amœnitate, propter alluentem Vagum, & munitione memorabilis: inter quam, & Nitriam, sunt arces *Galgócz*, & *Themetvén*, atque nonnulla oppida. Supra *Trincinium*, *Ilauai* tum, ad radices filuosi montis, est castrum fortissimum, *Bistricia*, orientem versus *Vb-rovecz*, & deinde *Baymócz* ad fluuiolum *Thurócz* sita. Ultra montem arx *Letana*, & citra Vagum magis ad Septentrionem, *Sztreczen*, *Oraua Likava*. Ultra Vagum, *Suczán*, *Blatnicz*, *Sklauina* arces.

§. VI. His ad orientem Brumalem, vicinæ sunt Septem Ciuitates montanæ, filuis, & locis asperis, interseptæ: s) *Cremnicia*; *Schemnicia*; *Bistricia*; *Bucanum*; *Mons Regius*; *Dilenum*, & *Libeta*: quarum caput est, t) arx *Vetufolium*. Hinc arces, *Saskôv*, *Dobrouina*, *Végles*, *Lyptse*, supra quam *Garanus* u) oritur: harum incolæ vtuntur Hungarica, Germanica, & Slauonica, lingua; auri, & argenti, fodinis, atque aliis metallis, vt infra dicetur, diuites. Hæ sunt Reginarum Hungariæ, titulo Donationis, propter nuptias, per Reges & Proceres regni, iam olim, a maiorum nostrorum temporibus, eis destinatæ. Inter hos, quibus ciuitates hæ inclusæ sunt, montes, ac *Ipolum* fluuium, qui supra x) *Schemnicium*, in radice montis oritur. Ad siluam, quæ *Agriae* adiacet, sunt: oppidum *Rima-Szombath*, *Ozdien*; arces *Fylekvár*, *Loffsoncz*, *Salgó*, *Taryán*, *Kalonda*; Præpositura *Bozok*; Oppida *Carpona*, *Lythva*, *Hydvég*; Præpositura *Sáagh*, ad *Ipolum*: a qua arx orientalis *Drégel*, oppidum *Oroszy*, quod incolunt omnes liberi. Hi nihil aliud

s) Hungari: *Körmözt-Bánya*; *Selmetz-Bánya*, *Besztertz-Bánya*; *Baka-Bánya*; *Uj-Bánya*; *Bela-Bánya*; *Libét-Bánya*; vocamus: vbi vox *Bánya*, fodinam significat.

t) Non quod accensum reuera sit *Vrbibus* montanis; sed quod Regum esset sedes, cum huc accederent,

tenereturque præsidio, defensandis montanis destinato.

u) In Comitatu *Gömörjensi*, *Granus* capita habet, quinque, plus minus, milliaribus altius: qua de re, alibi.

x) Aliter se res habet. Distant fontes *Ipole*, minimum octo milliaribus, in æstium orientem, *Schemnitzio*.

subeunt oneris, quam quod tenentur e suo gremio, Regi, & Reginae, ianitores dare. Populus fidus, nunquam proditio eorum ministeriis facta fuisse, cognita est; quamvis libere ingrediantur, Regis, & Reginae cubiculum.

§. VII. Ab his recurritur CASSOVIAM, quæ ipsis montanis civi- Cassovia
tatibus est Septentrio-orientem versus. Hæc ciuitas, non minus pul- ciuitas.
cra, quam munita est, ciuilitate & incolarum comitate, incluta,
olim frequens emporium, quo, non modo Hungari, sed etiam Po-
loni, & pleræque aliæ Septentrionis nationes, confluebant. Lingua
vtuntur pene Saxonica. Hanc iuxta labitur, *Hernándus* fluuius, me-
ridiem versus, qui postea iunctus *Sajóni* amni, infra cum *Bársonos* exo-
neratur, non adeo procul a *Moby*, oppido Reginae, in Tibiscum.

CAPVT VNDECIMVM.

De Residua, eiusdem Hungariæ Parte.

Hvic Cassouiæ, vicinæ sunt Ciuitates aliæ liberæ: *Eperies*, *Leuco-* Vrbes
uia, *Barthfa*, *Sibinium*: omnes inter loca montosa sitæ, qua- Libere
rum incolæ eadem, qua *Cassouiani*, vtuntur lingua. Harum, Septen- Regia-
trionalius est oppidum, *Rybnov*; arces *Scepusium*: inter montes *Thárkô*; que:
citra y) *Vagum*, *Kesmark*; *Rosnauia* vero, & *Smilnicia* oppida, inter Arces:
Hernádum, & *Sajónem* fluuios; tum citra eundem *Olsoua*. Hinc in-
ter montes, *Murány* arx, ad meridiem, occidentem versus sita. In-
ter *Sajónem* & *Hernádum* fluuios sunt oppida: *Vámos* *Sykő*; tum Szikő
Cassouiam versus, *Gradua*, *Syna*: arx *Nagy Hida*. Intra autem *Her-* oppidum:
nádum, & fluuiolum, qui ex montibus Septentrionalibus, diuersis
fontibus ortus, ad Tibiscum influit, sunt arces, *Sórár*, *Czieena*, *Vng-*
uar, *Vjbely*, *Terebes*, aggere extra mœnia circumducta fortissimo: *Fy-* Terebes
zér, *Buldo-Kô*, *Thálya*: oppida, *Zánto*, *Lyska*, vini optimi feracia, arx:
Arx *TOKAY*, in ripa occidentali Tibisci sita, qua traiectus est ad re- Arx To-
liquam Hungariæ partem: de qua paulo post dicemus; locus, non kay
minus situ amœnus, quam munitus. In vltiore fluminis parte, vs-
que ad ripam Tibisci, orientem versus multæ sunt, arces & oppida,
quæ longum esset omnia recensere. Inter quas est, *Sáros-Patak*, arx,
& *Munkács*, reginæ redditibus, vini & porcorum, situsque amœnita- Munkács
te, insignis: a qua non longe abest, oppidum *Berepzsáz*, Parochiali arx.
templo memorabile.

§. II. Infra *Sajónem* fluuium, meridiem versus, vt eo redeamus,
vnde digressi sumus, *Dyósgyeör*, arx reginæ, cum oppido eius nomi- Dyósgyeör
nis, ei subiacente, magis amœna, quam munita occurrit. (Meri- arx.
dionalis iste *Cassouia*, situs est, amœnitate & omnium rerum copia,
merito memorabilis.) Hæc, exstructa est, in latere montis, ab oriente
& meridie, siluis cincti. Cantus philomelarum, & aliarum auicularum,
in ramis vicinarum arborum concinentium, verno tempore, eorum

Decad. I. Monument. I.

F

ares,

y) Immo, pluribus milliaribus, supra
fontes *Vagi*, positum est *Kásmarkinum*,
ad *Popradi* amnis ripam orientalem.
Alioquin, *Hungaria* hunc tractum,

minore, quam reliquos, adcuratio-
ne, descripsit noster. quod ætati illi
condonandum est.

Chorea
ciuium
Mys-
koltz :

aures, qui in ipsis cubiculis arcis agunt, mirum in modum oblectant. Infra arcem, fluit riuus, trutis, & aliis piscibus delicatioribus, sca- tens. Ad medium hinc milliarium est oppidum *Myskoltz* (incolarum choreis z) iam olim famosum) subditum arcis, vinis optimis & omni com meatuum genere, abundans.

Agriensis
Episcopa-
tus :
Szegedi-
num op-
pidum.

§. III. Ab hoc, meridiem versus, ad quatuor milliaria, *AGRIA*, sedes Episcopi, dissita est; non solum redditibus amplis; sed etiam loci situ, & alimentorum copia, maxime insignis. Arx, ad montis radi- cem, in loco editiore, condita est, in qua Ecclesia Cathedralis, cui subiacent in planitie ædes Capitulares, & oppidum. Hinc, in ripa Tibisci, orientem versus labentis, sunt inter alia plurima oppida, *Szolnok*, *Varkon*, *Körtvélyes*, *Szegedinum* oppidum, tam Camera salis, quod ex Transylvania, vt infra dicetur, nauigio vectum, eo loci de- ponitur; quam loci commoditate, maxime memorabile. In ripa vero Danubii, e regione meridionali defluentis, sunt, prætermis- aliis, oppida *Körtvélyes*, *Patthal*.

Colocia,
Archi-
Episcopa-
tus :
Bácsia,
sedes Co-
locensis :

§. IV. Hinc *COLOCIA*, sedes Archi-Episcopi Colocensis, Ecclesia Cathedrali incluta; *Zeremlyem*, *Bakmonostra*, *Bodrog*, *Apáthy*. Hinc *Bácsia*, alia Archi-Episcopi Colocensis sedes, ad vnum milliarium a ripa Danubii; sita est in planitie, omnibus com meatibus, maxime piscibus, copiosa. Narratum mihi est, a fide dignis viris mille circi- ter pisces lupos, siue lucios, mistos carpionibus, quorum longitudo mediam vnam, breuitas vero, vnam palmam non excefferit, hoc, in aliisque locis ei vicinis, vno ducato emtos fuisse, & nunc quo- que, pro temporis conditione, emi posse. Tum ad ostia fere Tibisci, in Danubium se exonerantis, est *TITVLIVM* Præpositura, olim redi- tibus quatuor millium ducatorum diues: deinde *Kysdy*, *Cabol*, & aliæ plurimæ arces, partim in ipsa ripa Danubii, partim non procul sitæ.

Titu-
lium
præposi-
tura.

Campus
Cuma-
nus :

§. V. In his, inter Danubium & Tibiscum, locis, ad Septentrio- nem *Campus* est *Cumaronum*, in quo *Cumani* per sedes, siue, vt ipsi vocant, sessiones diuiduntur. Inter quas sunt vici, *Halás*, & pleri- que alii, regio fisco addicti. Alunt pecora, & equorum greges, ex quibus opes, non paruas sibi comparant: aquæ, & lignorum sunt inopes; nisi quod ad aquandum pecora, puteos, non a) sapidam præbentes aquam, effodiant. Ager, non vllius leguminis commo- dius ferax, quam peponum. Ad ignis vsum, vtuntur arundinibus, fimo b) animalium, & modicis lignis, procul aduectis. Supra quos in orientem, aliquot milliarium interuallo, dissitus est alius tractus cam- pestris, perpetuo campo, qui *Báchiensis* regio appellatur: in qua, mul- ta sunt oppida, quorum descriptionem, breuitatis causa, consulto prætereo; quia non est animus, totam nunc Hungariam depingere; sed eius saltem situm, & nonnullorum locorum positionem. Hic tra-

Regio
siue tra-
ctus Bá-
chiensis.

z) Quale chorearum genus fuerit, ne- mo nos docere potuit hucusque: ta- met si recordentur, aliqui prouer- biorum: *Miskoltzi Tántz*; item, *Tántzos Miskoltziak*.

a) Putrescunt nonnunquam, & scatent vermibus, non tam laticis vitio, quam

neglectu. Nam, vbi frequenter hau- riuntur, vigescunt, & sunt potui haud inutiles.

b) Bubulum stercus est, recens illud, & stramini illitum, postea ad solem duratum, & ignis tenax.

tractus, tritici, frumenti, leguminumque, quam aliarum rerum, est feracior. Vino vtuntur accolæ *Sirmico*, a quo, Danubius interfluens, eos dirrimit. Nascuntur hic, equi, & velocitate, & fortitudine, non contemnendi; sed quod magna ferant capita, vulgi dictis, pene ridiculi.

C A P V T D V O D E C I M V M.

De Hungaria Trans-Tibiscana.

QUarta illa HUNGARIÆ pars, quæ ultra Tibiscum est fluuium, PRO-
LEMÆO c) referente, olim *Dacia* appellabatur. Hæc, ad Se-
ptentrionem, Sarmatiæ partem attingens, a Carpato monte, vsque
ad flexionem Tyræ fluuii, porrigitur. Ab Austro vero Danubio, vbi
Ister vocari incipit, ab occidente Tibisco, & Jazygibus Metanastis,
terminatur. In ea sunt prouinciæ: *Valachia* magna, quæ & Trans-
alpina vocatur. *Moldavia*, *Transylvania*, *Maromarusium*, *Sámoskôz*, *Transal-*
Kéreskôz, *Nyir*, & *Temeskôz*. *Transalpina*, quæ olim a Flacco, qui co-
loniam Romanorum eo deduxerat, *Flaccia* vocata esse dicitur, ab
alpibus, quibus a Transylvanis disjuncta est, incipiens, ad Euxinum
fere pelagus extenditur. Terra plana aquarumque indiga. A Se-
ptentrione *Roxanos*, qui nunc *Rutheni* vocantur; ad meridiem Hunga-
riæ eam partem, quæ arcem *Temesvár*, & campum Maxons respicit;
ad orientem vero *Danubii* flumen, *Myssiam* inferiorem, ab ea diui-
dens, contigit.

§. II. Huius Princeps *Vajuoda* appellatur, opibus, & imperio po-
tens; qui sedem habet in ciuitate *Tragauistya*. Dum exigit necessi-
tas, ad quadraginta hominum millia armatorum conscribere, & in
aciem deducere, intra suos fines, posse dicitur. Subditus est Regi,
cui per legatos præstat iuramentum fidelitatis seruandæ. In hac
prouincia, a maiorum nostrorum temporibus, ad nostram ætatem,
duæ fuerunt familiæ, in initio ex eadem domo ortæ; altera *Dana*,
a *Dano* *Vaiuoda*, altera, a *Dragula*, *Dragulana*: quarum etiam *Aeneas*
Sylvius, in Europa capite secundo meminit. Ex his, legitimi *Vajuo-*
dæ creantur, nunc Regis nostri, nunc Turcarum Cæsaris, promoti viri-
bus.

§. III. JOANNIS HUNYADIS, *Vaiuodæ* Transylvani, postea vero Gu-
bernatoris Hungariæ tempestate, *Dragula* *Vaiuoda* d) partim interfe-
ctis, partim expulsis his, qui e *Dani* erant sanguine, Regnum occu-
pauerat. *Mamzillæ*, ab *Argyes*, ex vxore *Marina*, eiusdem Joannis
Vaiuodæ sorore, e) duo erant inter alios filii: vni nomen fuerat *Stan-*
tzul, qui *Danum*, & *Petrum* filios suscepit; alteri *Stojam*, hoc est *Stepha-*
nus. Is me, & *Matthæum*, filios; *Vrsulam*, & *Helenam* filias genuit. *Dragula*
Potitus igitur rerum *Dragula*, *Stantzulum* patrum meum insidiis in-
F 2

c) Lib. III. Cap. VIII. p. 44. b.

d) DRAGVLARVM, siue *Dracularum*, faci-
nora poenasque, leges, apud BON-
FINIVM, Decad. III, Lib. VI. extre-
mo; & Libro VII. p. 469, 2. Item,

Decad. eiusd. Lib. X. p. 532, 39.

e) Ergo, ab inuidis, dubitationem, de
illustri adeo OLÁHI genere, motam
fuisse oportuit: nobis summi viri, po-
tior est fides, quam eius æmulorum.

Vajuo-
dæ sedes
& poten-
tia:

Dua, in
Transal-
pinia fa-
miliae:

Oláhi
genus:

Dragula
Vaiuoda
ter-
tyrannis.

terceptum, securi percussit. *Stephanus* vero, puer adhuc, DEO sibi propitio, illius euadens tyrannidem; confugit ad *MATTHIAM* regem: qui, ut ab ipsomet patre, & *Joanne Bornemisza*, ac *Ambrosio Sárkán*, Comitibus in Hungaria, qui cum patre, vna sub rege militabant, postea audiui, decreuerat eum sæpe numero, ad regnum, cum exercitu reducere; sed pater videns rerum mutationes, quæ imperii gratia illic fiunt, periculosas esse; maluit in Transyluania matrem meam *Barbaram Hunzár* ducere uxorem, vitamque agere priuatam, quam in tyrannide & imperio, mille periculis subiecto, instar maiorum suorum, interfici.

Mors
Myhnæ
Vayuoda
violenta:

§. IV. Succedente deinde tempore, *Myhnæ*, propingua nobis iunctus sanguinis necessitudine, utpote ex *Danorum* natus gente, vir consilio magnus, & manu strenuus, Vayuoda creatur. Qui cum circa annum millesimum quingentesimum decimum, a nato Christo, cum uxore, & *Mirtze* filio, ac filia, postea per Vayuodam Moldauensem (ut accepi,) ducta uxore, a Bojaronibus perfidis, coniunctis Turco, fuit regno pulsus; data ei per regem *Vladislaum*, Ludouici patrem, publica fide, ad Cibinium Transyluaniæ ciuitatem confugit. In qua, non multo post tempore, dum quodam die ex templo, a Patre meo, & *Joanne Horuáth* a Vingaris, honoris causa ad hospitium deducetur, quidam *Demetrius Jaxith*, natione Rascianus, ex insidiis subito erumpens, eum incautum, nihilque mali, sub fide publica, metuentem, tribus aut quatuor vulneribus, inter fere manus deducendum, & magnum numerum iussu eiusdem, *Myhnæ*, ne videretur publicæ fidei diffidere, inermium aulicorum, confodit. Hic quoque perpetrato facinore, ad hospitium propinguum, magno tumultu, & plebe, propter regiam & publicam fidem violatam, in furorem concitata, a quodam, e plebea multitudine, quæ ædes oppugnabat, bombardâ petitus, miserabiliter periit.

Petrus,
Stantzulis
filius:

§. V. Hæ duæ familiæ, in hunc diem mutuo conflistantur. Quælibet omnibus curat viribus, e sua familia creari Vayuodam, nunc Turcarum, nunc Hungarorum auxilio. Qui potentior est, alium non modo aduersæ factionis; sed etiam ex sua familia hominem, de imperio ambiendo suspectum, interficit, captumque, sæpe naribus, aut aliis membris, truncat. Quod cum sæpe alias, tum nuper contigit. *Petrus ab Argyres*, Stantzulis filius, de quo mentionem feci, Patruelis meus, scripsit ad me f) his diebus, ex Hungaria, se creatum fuisse in Transalpina Vayuodam, per Mahumetum Imperatoris Turcarum Bassam: & quum regno præesset, missum esse, aliquo post tempore, a Turca alium, aduersæ factionis, cum exercitu, qui se expulso, regnum occuparet: se vero, inter duos exercitus, cum hoste, singulari congressum certamine, illumque a se vulneratum equo deiecisse: quem, dum interficere vellet, Barones Transalpinæ, qui sua lingua adiectis duabus litteris *Boiarones* g) vocantur, perfidia vsi, victum liberasse, & se cepisse, par-

f) Bruxellis, apud *Batauos*, agebat, dum hæc scriberet, OLÁHVS.

g) Sarmatica vox est *Bojar*, a *Boj*, quod pugnam significat, ducta, & his, cum

nobilitari prærogatiua, ad tributa, qui se viros in bello præstiterunt: quæ apud eas gentes, vnica fere nobilitatis origo fuit.

Caput Decimum Tertium, & Decimum Quartum. 25

partequē narium truncata, expulisse: sperare tamen se in DEI clemētia, quod expulso hoste, ignominiam acceptam, armis vindicaturus, regno, virtute potiatur. Ita spes hominem trahit, rerumque humanarum conditiones, mutari consuevere. Sed, vix alicubi tuta esse potest regni societas, multo minus in *Transalpina*, nostra ætate, iam pro maiori parte, Turcarum tyrannidi subiecta. *Valachi*, Christiani sunt; præterquam, quod Græcos sequuti, in Spiritus Sancti processione, & quibusdam tolerabilioribus articulis, ab Ecclesia nostra dissentiant. Hæc obiter volui inserere, vt mores Transalpinorum essent cognitiore.

CAPVT DECIMVM TERTIVM.

De Moldavia.

Moldavia regio, ab oriente coniungitur Transalpinæ; ad Septentrionem, occidentem versus Polonis; ad Boream, interposita *Moldavia regnum.* Podolia, non longe absunt a Tartaris, qui vicini sunt Ponti *b)* Mæothidis. Eius etiam regionis Princeps vocatur *Vayuoda*, non tantis mutationibus periculosis, quam Transalpini, obnoxius. Haud aliter tamen hic quoque, quam ille, iuramentum præstat Regi Hungariæ, fidelitatis exhibendæ. Qui, vt in fide permaneant, liberalitate Regum Hungariæ, in Transylvania aliquot arces possident. Lingua, ritu, religione, eadem *Moldavi* vtuntur, qua Transalpini; vestitu, aliqua saltem ex parte differunt. Judicant se, Transalpinis esse, & generosiores, & magis strenuos; equis præstant. Sæpius a Rege Hungariæ defece- runt; sæpius cum Polonis bellum gessere. Ad quadraginta, & ultra, millia armatorum hominum, dicuntur cogere posse. Sermo eorum, & aliorum *i)* Valachorum, fuit olim Romanus, vt qui sint coloniæ Romanorum: nostra tempestate, maxime ab eo differt; præterquam quod multa eorum vocabula, latinis sint intelligibilia.

CAPVT DECIMVM QVARTVM.

De Transylvania.

Transylvania, vndeque cincta est altissimis alpibus, ex ea maxime parte, qua a Transalpinis secernitur: vno saltem ex latere, quo Septentrionem, & Moldauos respicit, patentiorem habet adiuturum. Ex Hungaria, tres ad eam patent viæ, hæque difficiles & salebrosæ. Vna appellatur via *Mezer*, ex ea parte, qua *Sámos*; alia *Keres* dicitur, qua *Keüres*; tertia *Porta Ferrea* dicitur, qua *Maros*, labuntur flumina. Ex Transalpina, angustus & arduus est ingressus. Hanc ob rem, Turcæ, qui hinc inuasērunt Transylvaniam, magnam sæpe a parua manu, acceperē cladem. Facilius ex Transylvania, quæ triginta vel circiter, milliaria Hungarica longa est, & lata fere totidem, aut paullo

Decad. I. Monument. I.

G

minus,

b) Malim legere: *Paludi Mæotidis.*

i) De Valachorum Lingua, vide, LAV-
RENTII TOPPELTINI, Origines & Occa-

sus Transylu. Cap. VIII. Et, de Valachorum Origine, Cap. VI. *Lugdu-
ni*, A. 1667. forma duod.

minus, totam Hungariam subigere possis, quam ex Hungaria Transyl-
uaniam. Nam, itinera eius, roboribus succis, facile coarctari possunt.

Gentis §. II. Gens adhæc, membris bene compacta, bellicosa, armata, &
habitus: equis robustis bonisque prouisa. Regio tota, nunc planitiem, nunc
Regionis syluas, alternatim habet: aquarum diuortiis, flexionibusque, vt paullo
ingeni- post dicemus, intersecta, agri fertilis: vini ferax, auri, argenti, ferri,
um: aliorumque metallorum, præterea salis plena; bouum, ferarum, vrsor-
um, piscium abundantissima; vt naturam accusare non possis, quin
omnia vitæ commoda, in eam contulerit regionem. In hac sunt, qua-
Quatuor tuor diuerso genere nationes: *Hungari*, *Siculi*, *Saxones*, & *Valachi*:
in Tran- inter quos, ineptiores bello putantur *1) Saxones*. HUNGARI, & SICULI,
sylvania eadem lingua vtuntur; nisi quod Siculi quædam peculiaria gentis suæ
nationes: habeant vocabula: de quibus, in fine operis latius dicemus. SAXONES,
Saxonum *m)* dicuntur Saxonum Germaniæ esse coloniæ, per *Carolus Magnum*
Transyl- eo traductæ: quod verum esse arguit, linguæ vtriusque populi con-
uanorum sonantia. *Valachi*, Romanorum coloniæ esse traduntur. Eius rei ar-
origo. gumentum est, quod multa habeant communia cum idiomate Ro-
mano, cuius populi, pleraque numismata, eo loci reperiuntur; haud
dubie, magna, vetustatis imperiique Romani, istic indicia.

Flumina §. III. In hac Transyluania, Sajó, Sámos, duo Keüres, olim *Cusus*
Transyl- dictus, albus & niger: Marus, qui olim *Amoriois*, *Marisus*, vel *Morof-*
uania. *sus* vocabatur: Aranyas, Kiklöd, Ompay, & Bistricia flumina, oriuntur.
Quæ postea diuersis aucta fluuiis, tam intra, quam extra Transylua-
Sajó: niam, maiori eorum parte fiunt nauigabilia. *Sajó*, in finibus Siculiæ,
Septentrionem versus, ortum habet; qui, mixtus primum *Bistricia*
amne, ciuitatem, & opibus & ciuium multitudine, satis potentem al-
Sámos: luente, supra oppidum *Deés*; in cuius montibus sal foditur; *Sámosum*
fluuium, ex radice alpis *Kalata*, ad meridiem sitæ, supra oppidum *Vá-*
sárbely ortum, admittit. Hinc, inter duos montes arduos decurrens,
Tibisco, supra vicum *Naddi*, *n)* miscetur. Inter fontem *Sámosi*, &
alpes Valachorum, sunt: *Gyalu*, *Almás*, *Iklod*, *Németbi*, *Alpreth*, *Kereszt-*
Albus *úr*. Inter has ipsas alpes, exurgit etiam *Albus Keüres*, qui in angu-
Körös: stiis montium, crebris reflexionibus gyrisque, vt non secus, quam sæ-
pius reuersus, vno die quindecies circiter transmeetur, cum magno
inter filices strepitu, primum pagum *Feketeteü*, tum extra Tran-
sylvaniam, *Reüv* & *Thelegd* arces, deinde *Varadinum* ciuitatem præ-
Niger terlabens, recta meridiem versus decurrit, admissoque *Nigro Keüres*
Körös: fluuiio, in Tibiscum exoneratur. Huius nigri Keüres fons, in Sicu-
Eius lia fertur ortum habere, non procul a *Gergya*. Hinc, acceptis aliis
Fons: riuulis, eodem fere tractu ortis, ad viscera penetrat Transyluanie:
vbi non longe a *Gberend* oppido, duos facit alueos; altero flectitur
occidentem versus, & penes oppidum *Thorda*; in cuius montibus

k) Non sunt inter nationes Transylua-
niæ censendi *Valachi*, ex hodierno
prouinciæ habitu: quod norunt Iu-
ris Publici periti.

l) Aliter legas, apud BONFINIUM, Decad.
IV. Lib. VI. p. 614, 29. vbi, Sa-
xones, loco, difficillimo, primas, in

pugna partes, sibi viriliter deposcunt.
m) Eleganti compendio exhibet TOR-
PELTINVS, doctorum, de *Saxonum*
originibus, controuersias, loco cit.
Cap. III.

n) Rectius, ad *Számosfzeg*, vnde & vici
nomen.

sal est; delabens, *Aranyas* vocatur. Hic fluuius, quod de *Tágo* Hispaniæ, & *Paſtolo* Lydiæ scribitur, aureas vehit arenas: qua ex re, illi nomen hoc est inditum, *Aranyas*, o) id est, aureus. Hinc ex-currens, inter alpes, alluit oppidum *Keresbánya*, vbi nomen *Keñres* accipit, longoque postea fluxu, miscetur *Albo Keñres*. Altero ipsius alueo, orientem versus vehitur, nomenque accipit *Marusi*, atque ad-missis super *Albam Juliam*, (quæ sedes est Episcopi Transylvaniensis, Ec-clesia Cathedrali, multisque opulentis sacerdotiis, ac sepultura *Joan-nis Hunyadis* inclyta) *Kikeülö*, *Ompay*, & aliis fluuiolis, sui partem, ad *Aranyas*, veluti insulam faciens, transmittit. Alia autem sui parte, oppida, *Vyncz* & *Borberek*, dirimens, meridiem versus, inter oppidum *Zásváros*, & *Rapolth*, (a quibus spatio duorum milliarium, *Hunyad* arx fortissima, sub radice montis meridionalis sita distat,) haud procul a *Demia*, arce in altissimo monte condita, penes *Kapronczam*, & *Vár-alyam*, inter montes vtrinque eminentes, qui riuulos illi infundunt plerosque, labitur; deinde prætergrediens *Lippam* arcem, *Orodium* Præposituram & Ecclesiam collegiatam, *Nagylak* arcem, ad *Zegedinum* oppidum, *Tibisco* miscetur.

Ciuitas
Aba In-
lia, sedes
Episcopi.

Hunyad,
& De-
mia, ar-
ces:

Zegedi-
num op-
pidum.

§. IV. Inter hos alueos, qui speciem insulæ præbent: sunt, *Ghe-rend*, Sanctus Rex, *Szék*; vbi sal effoditur; *Detzeh* oppidum; vbi naues sale onerantur; *Toroczko*, *Diód* arx, & oppidum *Lupsá*, *Ketz-kerotth*, *Somkerék*, *Bontzida*, *Ludas*, *Kolos*; vbi sal e montibus ex-trahitur; *Kolosvár*, Teutonice Clausenburg, quæ olim *Zeugma* fuisse traditur. Ciuitas, & situ, & opibus, & rerum omnium copia, mer-catoribusque inclyta. Abbatia *Colosmonosfor*, *Thorda* oppidum; penes quod similiter sal scinditur; & multa alia. Ultra diuisionem dicto-rum alueorum, sub Siculia, intra alpes, quæ orientem versus *Trans-alpinæ* imminet, & quibus ad meridiem Transylvania, ab Hungaria disiungitur, sunt oppida: *Regen*, *Vásárhely*, *Zakad*, *Terem*, *Nagylak*, *Saaros*, *Vduarhely*, *Réhalom*, arx *Kikeleü*, non minus munita, quam amœna. Ciuitates: *Megyes*, situ & arte munita, ac vsui hominum commodissima; altera ciuitas, *Brassouia*, siue *Corona*, ante *Zermige-thusa* p) appellata, ad fines Transylvaniæ, orientem versus sita est, tum munita, tum ciuium, & mercatorum frequentia, celebris, victu vero commoda. Adhæc, Transalpinorum, & aliorum externorum hominum emporium. Huic vicina est arx *Thertz*, fortissima, clau-strum veluti, & porta Transylvaniæ, quæ Transalpinis est introitus, in asperrimo loco sita.

Kolosvár
ciuitas:

Thorda
oppidum:

Brassouia
ciuitas:

Thertz
arx.

CAPVT DECIMVM QVINTVM.

Continuatio Descriptionis Transylvaniæ.

Hinc sunt septem Ciuitates, quas *Sedes* vocant *Saxonicas*: *Cibi-nium*, *Sázsebes*, siue *Millembach*, olim *Sabesus*, *Segesvár*, *Saf-város*, *Saxonica*.

G 2

o) Igitur, concordat, cum veterum *Chryso*, vocabulum: quod itidem ab auro petatum est.

p) Videndus de hac vrbe est, ne anti-

quiores sollicitemus, *STEPHANVS ZA-MOSIVS*, *Analectorum Lapidum Da-cia*, Cap. V. p. 33. Prodiit libellus *PATAVI*, A. 1593, forma duodec. mai.

város, siue Brofz, Vyntz, Bertalom, & Holtzonia. Harum quarumlibet præfecturam; quæ *Iudicatus Regius* vulgo vocatur, Rex confert. Subsunt his singulis, multa oppida & vici.

Cibi.
nium
ciuitas.

§. II. CIBINIVM, q) caput septem Sedium Saxonicalium, qua orientem & meridiem respicit, in colle; qua vero alias plagas, in ipsius collis lateribus exstructa est. Fons est in loco vrbs editiore, ex quo aqua, per canales eo ducta, in labrum decidit: hoc magna incolarum pars vtitur. Qua ab occidente intratur, in loco vrbs humiliore, admissum est brachium *Cibini* amnis, qui pleno alueo extra mœnia delabens, in fluuium *Altum*, complures riuulos, ex septentrionalibus Siculiæ plagis ortos, prius admittentem, non procul a turri rubra, exoneratur. Hoc brachio, molæ frumentariæ, & aliæ intra mœnia, ad ciuium vsum fabricatæ, aguntur. Magna est hæc vrbs, atque potens, & non solum magnificis ædificiis decora, sed omnibus negotiationibus, aliisque rebus florens. Adhæc, munitissima præter mœnia, quæ & lata sunt, & turribus crebris robusta, fossa ex omni parte, præterquam ab oriente, aquatica, & lata, & profunda, circumducta est. Quam extrinsecus, in omnem vrbs partem latissima & altissima viuaria, in triplicem & quadruplicem ordinem, alicubi ad vnum fere Italicum miliarium, circumcingunt: ob quæ, non patet aliunde hostibus ad mœnia accessus, quam per vias, quæ ducunt diuersis e regionibus, ad vrbs portas. Hæ quoque vallo, claustris & aliis munimentis satis firmatæ sunt, vt vix alia ratione expugnari vrbs possit, præterquam inedia, aut ciuium negligentia, vel discordia: quibus potentes sæpe vrbs, periclitatæ fuere. Non procul hinc ad radicem alpium, quæ sunt Transalpinam versus, est turris fortissima, sub ditione Cibirensium existens, quæ *Rubra* vocatur. Hac Turcæ, per ardua alpium itinera sæpe inuasere Transylvaniam, cum maxima sui clade.

Campus
Kenyer.

§. III. A Cibirio, non longe distitum est oppidum Vizakna, prope quod sal effoditur. Ciuitati ZAZVAROS; cuius præfectura, nobis hæreditaria, *Matthæus Olábus*, frater fungitur, in loco amœno & fertili sita, & propter propinquum illi flumen, ad incolendum commoda; subest ad vnum miliarium, septentrionem versus, vicus quidam, cui nomen est *Kenyer*, latine *Panis*. Huic adiacet campus eiusdem nominis, r) planus longeque diffusus: qui memorabilis est, Turcarum & Hungarorum quoque, magna internecione. MATTHIÆ regis tempestate, dum *Stephanus Bathoreus* Transylvaniæ præfesset, Turci, duce *Balibego*, alpibus superatis, numero, vt traditur, sexaginta millium equitum, inuasere Transylvaniam. His *Stephanus*, coactis subito omnibus, quæ potuere, Transylvaniæ copus, accersito etiam in auxilium, *Paulo Kynisy*, Comite Temesiensi, præter Turcarum spem, in eo campo occurrit: vbi vtrunque, tanta comissa est cædes, vt riuulum,

q) Est & in Hungaria, CIBINIVM, seu *Sibinium*, Comitatus Sárosiensis, Libera Regiaque Ciuitas, cum hac Saxonum Transylvaniæ Metropoli, haud confundenda: de qua supra, p. 21.

r) Hungaris, *Kenyer-Mező*. Pugnae historiam, legere est apud BONFINIVM, Decad. IV. Lib. VI. p. 614. sequent.

Caput Decimum Quintum, & Decimum Sextum. 29

uulum, qui in campi medio labitur, sanguine mixtum fuisse, ab his, qui praelio interfuere, audiuerim. *Balibegus*, cum paucis, per alpes, difficulter euasit: nostrorum maxima pars interiit. *Stephanum Bathorem* Vayuodam, equus ab hostibus vulneratus deiecerat, qui tamen adiutus a suis, incolumis euasit: in eo, quo deciderat loco, sacellum postea ædificauit. Huius rei, perpetuum monumentum, Episcopi Transyluani eius temporis, ducenti equites cataphracti, in ea pugna desiderati sunt. Ad horum corpora conquirenda, ipsemet profectus, ea, *Albam Juliam*, quæ tribus circiter milliaribus ab eo distat campo, cum pompa funebri reduxit. Tanta fuit boni huius viri, erga suos, in defensione ab hostibus patriæ, trucidatos pietas.

§. IV. Censui habent *Saxones*, statutos, quos Regi conferunt. *Saxorum indoles.* Sæpe tamen, maior legitimo ab eis exigitur. Agriculturæ, & aliis laboribus sunt mirum in modum dediti: fœminæ perinde opus faciunt, ac mares, quæ patientissimæ sunt laborum. His ex causis *Saxones* opulenti sunt, hospites honorifice excipiunt, & lautissime tractant.

§. V. *FOGARAS*, arx munitissima, ad radices alpium, quæ Transyluaniam, a Transalpinis diuidunt, condita: riuulis, qui ex alpi- *Fogaras arx.* bus delabuntur; in quibus truttæ sunt, & alii pisces deliciores; aliisque rebus amœna. Hæc arx est, veluti quidam paruus, *Ducatus.* Subiecti sunt ei etiam *Bojarones Valachi*, qui arcis dominum obseruant, vt Principem.

CAPVT DECIMVM SEXTVM.

De Reliqua, ultra, & infra Tibiscum, Hungaria.

*S*Vpra *Sámos* fluuium, qui, vt ante memorauimus, inter duos montes, in occidentem primum labitur, ad montes septentrionales est oppidum, *RIVVLVS DOMINARVM*, *t*) circa quod auri, argenti & aliorum metallorum sunt fodinæ. Ad septentrionem inter ipsum *Sámos* fluuium, & fontem *Tibisci*, est *Maromarusium*; in quo prope *Róna* oppidum sunt salis fodinæ, ex quibus sal perinde atque saxa in lapicidinis, ferro excinduntur: quæ, cum arce *Huszt*, *Vysk*, *Maromarusium* *Co-* ac oppidis his subiectis, pertinent ad reginas Hungariæ, iure donationis propter nuptias. In hoc tractu sunt *Zigeth*, *Váralya*, *Medyes*, *Egry*, *Paled*, *Forgola*, *Vári*, *Selenus*, *Dolha*, *Salak*, & multa alia oppida.

§. II. Hinc meridiem versus occurrit *Sámos-Keŭze*, inter *Sámos*, *Sámos-Keŭres* fluuios. Sunt hic oppida: *Zehota*, *Zathmár*, *Némethi*, *Keŭz*, *Darócz*, *Domanhida*, *Karol*, *Báthor*, *Sancta Margaretha*, *Belthek*, *regio:* *Decad. I. Monument. I.* *H* *Zékel-*

s) Terra *Fogaras*, in diplomatibus audit; in titulis, inclutæ gentis *COMITVM NADASDY*, relata: quibus iuribus, alibi dispiciemus.

t) Nomen latinum, inde traxit originem, quod *Dominarum*, seu *Regi-*

narum olim fuerit, vna cum metallorum redditibus. Hungari, a fodinarum, siue amplitudine, siue prouentu diuite, *Nagy-Bánya*, vocauerunt. Censetur in *Liberis Regiisque* ciuitatibus.

Riuulus Dominarum, oppidum: Maromarusium Comitatus:

Ciuitas
Várad-
ensis.

Zékelhida, Zalárd, Isthar: infra quæ, orientem versus, est ciuitas VARADINVM, sedes Episcopi, Ecclesia Cathedrali, sepultura Diui LADISLAI Regis miraculis clari, & SIGISMVNDI Imperatoris inclyta: in qua, diu noctuque, ex eiusdem Cæsaris fundatione, Psalmi Daudici, ad eius tumbam, mutatis per vices personis, concinuntur. Arx huius conspicua est, tum statua equestri, Diui Ladislai ærea, ingentis molis, tum ædium magnificentia, quas Sigismundus Turzo Episcopus, meus olim nutricius, ædificauerat. Ciuitatem eiusdem nominis, a septentrione Keüres, pleno alueo interfecat. A meridie, supra arcem, exoneratur ad fluuiolum Petze, brachium ipsius Keüres.

Debre-
czen op-
pidum.

§. III. Hinc sunt vicina: Pöspeky, Bihorium, Keresztes, & pleraque oppida. Occidentem versus, latissimi sunt campi, alendis pecoribus commodissimi. In quæis est oppidum DEBRECZEN, u) ciuium opulentia, sex nundinis annuis, pecorum mercatura, & aliis rebus, insigne. Inferius sunt: Angelháza, Nádudvar, Ostupal, aquæ & lignorum indiga. Utuntur accolæ in fomentum ignis, arundinibus, cespitibus, & lignis, procul eo aduectis. Inter hos mihi fuit cognitus, quidam ciuis, cuius nomen erat, Caspar Biró, qui decem circiter milia x) boum sæpe alebat venalia. Hinc versus ostia Keüres, in Tybisci ripa: Bala, Sanctus Nicolaus, Varfán; in aduersa ripa Keüresii: Sanctus Andreas, Alba Ecclesia, Bekyn. Inter vtramque Thúr oppidum.

Thúr
oppidum.

Gyula
arx.

§. IV. Inter duos Keüres, qui tractus Kereskeüz vocatur, est arx, Fekete Báthor, Ireg, Chefa, Zudan, Mezeügyan, Kelesér, Gyarmad, Sarkád oppida. Hinc magis ad orientem, arx munita Gyula, Bezely, Theleky, Miske, Talpas, Félthóth oppida. Quæ inter Nigrum Keüres, & Maros fluuios, Septentrionem versus sita est regio, Nyr-keüz vocatur. In ea sunt arces: Solymós, Lyppa, tum Pankotha, Zarád, Kerék: tum ad meridiem tendunt oppida: Simánd; vici: Paly, Kouwátsháza, Perek, Bozzás, Sanctus Ladislaus, & alii plerique.

Solymós,
Lippa.

CAPVT DECIMVM SEPTIMVM.

De Prouincia Themensi, & huius vicina.

Themes-
amnis:

Themes-
vár arx.

EX rupe, quæ oppido Karanfésbes imminet, oritur amnis Themes, qui adluens castellum & oppidum Lugas, cuius incolæ sunt fere omnes equites, militiæ dediti, ac Possa meridiem versus attingit: Themesvár arcem fortissimam ab ipso amne ita denominatam. Hæc arx obstat Turcis, ne a Samandria pertransito Danubio Temesium, traicere, ac Hungariæ fines inuadere possint. Locus populosus, & omni genere comeatumum maxime piscium, copiosus. Hic amnis, per latissimos primum defluens campos, partim in Danubium sese euomit, medio inter Samandriam, & Taururum, siue Belegradum, a Septentrionali fluminis ripa, interstitio; partim, non nihil ad occidentem,

factis

u) Anno MDCCXV. Artic. CVIII. in Liberis Regiisque vrbibus relatum.

x) Nolim summo viro fidem derogari; numerus tamen hic, maior videtur,

quam pro hominis priuati opibus. Ergo, copiosum adeo armentum, integræ societatis fuit, cui Biró iste, qua ditissimus, forte præfuerat.

factis aliquot insulis, conuersus, prope Titulium orientali Tibisci ripæ se infundit; sicque, sui partem in Danubium quoque perducit. Inter hunc Temesium, & Maros fluuium, quæ sita est regio, *Themeskeüz* Themeskeüz regio.

3) vocatur. §. II. In ripa occidentali Themesy sunt: Garád, Tzona, Belegza, Czokoan; occidentem versus sunt, ex ordine: Bizere, Zeüdy, Zeündlin, Egres, Sanctus Michael, CSANADIVM Episcopatus, Ecclesia vetusta, & loci commoditate spectabilis; Zombár, Deesk, Zeüurek; mediterranea vero: Zetzen, Zakan, Kenetz, Horogszek, Zenthel, Drozlan, Monosthor, Czóka. Magna est in hoc tractu piscium copia, quam facit trium fluminum piscosorum propinquitas. *Cornelius Duplicius Scepperus*, eques auratus Cæsaris CAROLI a secretis, & consiliis, quocum mihi est, ob eius virtutes, arctissima familiaritas, dum anno exacto, apud Turcarum Imperatorem legatione functus, per Hungariam, hoc itinere huc ad Belgas rediisset, inter alia nostra amica colloquia, interrogatus a me; equid de *Hungaria* ei videretur; dixit: se reuertisse per hunc tractum Temesiensem, desertum quidem, & nunc vastatum a Turcis, sed piscibus abundantem. Temesium fluuium se vidisse, præ multitudine piscium, veluti nigricantem & turbidum. Quendam etiam molitorem, suum immeruisse flumini rete, & veluti e viuario quopiam, tantam exhausisse piscium 2) multitudinem, vt rete vix eos continere potuerit. Qui ex eo numero omni, non plures, quam vnum delegisset piscem, aliis maiorem, cæteros proiecisset, in continentem; quo facto, se molitori non parum succensuisse, propter tot optimorum piscium iacturam.

§. III. Inter hunc Temesium flumen, & Danubium, est campus, qui *Maxons* appellatur, in cuius medio siluoso arx est, *Ersömlyo*, alia item Temesvár versus, campestris arx, *Somlyó* cernitur. In hoc vasto campo, a Temesvár arce, vsque ad ripam Danubii, e regione cuius *Samandria*, arx Turcarum ad meridiem sita est, in latitudinem duodecim & amplius milliarium Hungaricorum protensa, sæpe vitus esse dicitur grex ceruorum, ceruarum & damarum, trium quatuor & plurius millium. Quarum venatio, nec nostris tuta est a Turcis, nec illis a nostris, præterquam cum trecenti pluresue egressi fuerint equites. E regione Samandriæ, in ripa Danubii septentrionali, sunt ex ordine ad Boream: Kevyni, Dombó, Haram, Buthotzin, Sanctus Ladislaus, Peth, iam a multis annis per Turcas occupatæ.

§. IV. Hinc SEVERINVM, arx infra Traiani pontem, cum tribus aliis Orsoua, Peth, Miháld, illis subditis. Harum præfectus vocabatur BANVS, magistratus inter nostros magni nominis. Sedecim, vel circiter nunc aguntur anni, quod hunc *Banatum* incuria nostrorum amiserimus. Non procul a Seuerino, fons dicitur scaturiens, quem accolæ *Sanctæ Crucis* nominant: cuius aquam, multis accepi conferre corporibus

9) Ita Hungari adpellant, regiones annibus interfitas, siue insulæ sint, siue peninsulæ. Tale fuit nomen: Sámos-Köz; Kóros-Köz; & citeriore vltioreque Hungaria. Csalló-Köz; Rába-Köz, Mura-Köz, reliqua.

2) Haud vero perpetua est hæc, seu in Tibisco, seu in reliquis Hungariæ fluuiis, piscium copia. Peregrinantur non raro, & nunc in hunc, nunc in alium amnem se infundunt: quod nos rerum istiusmodi curiosi, docuerunt.

ris languoribus; nihil immundi intra se continere, mortuorum animalium cadauera, experiendi gratia eo proiecta, paulo post eiecisse; faces, nescio quas, ardentes, noctu isthic videri. Has ob res etiam Turcis, fontem in magna esse veneratione. Hæc ego olim audiui, a seruis *Barnabæ Belay*, Bani eius loci, penes quos fides rerum habetur.

§. V. Pons TRAIANI, ^{a)} cuius mentionem fecimus, magnificis exstructus fuit operibus. Quod licet, ex his, DIONIS CASSII, quæ subieci, verbis cognoscere: „Per ea, *inquit*, tempora, Traianus lapideum pontem in Istro fecit, opus sane mirandum, & maxime memorabile, cui cætera illius opera vix adæquare possis. Viginti stant ex quadrato lapide pilæ, quarum altitudo centum & quinquaginta pedum, præter fundamenta habetur: latitudo sexaginta pedes continet: distant inter se, centum & septuaginta pedibus, fornicibus vero coniunguntur. Impensa profecto ingens, & vix credibilis. Sed illud mirari conuenit, quam ratione, & quibus viribus, quoue artificio in illa gurgitum altitudine, tamque præcipiti fluuio, tum singulæ columnæ exstrui valuerint, tantarum molium fundamenta stabiliri: vada præterea limosa erant, neque amnis alio auerti poterat. Quanta vero sit altitudo aquæ, & quam latus pateat amnis, haud equidem enarrauerim: diffunditur, per ea loca, spaciosus atque interim mole concitatus, ripas longius sub mouet. Alibi vero duplo, atque interim triplo, priori sui parte maior aut restagnat aut defluit. Qua vero arctatur, vorticosus & ferox, ædificia & pontes non patitur, & rursus liberatus angustis, in pelagi formam totus exspatiatur, iterumque coit, quasi retentus profundior, & rapidus fertur. Arduum itaque & maxime laboriosum fuit, in ea fluminis parte, pontem ædificare. Hunc pontem postea, *Adrianus* ^{b)} demolitus est, alia, quam qua *Traianus* ædificauerat, ductus ratione. Hic, ut omnibus anni temporibus Romano exercitui esset contra Barbaros, securus per Danubium transitus; ille, ne Barbari pertransito, commoditate pontis, Danubio, Romanam ditionem incurfare possent. Extant etiam nunc aliquot pilæ, pontis ipsius reliquiæ. Huic ponti, hæc erant inscripta: PROVIDENTIA AVGVSTI, VERE PONTIFICIS, VIRTVS ROMANA, QVID NON DOMAT? SVB IVGVN ECCE RAPITVR ET DANVBIVS.

Pons
Traiani
Impe-
ratoris:

Rescindi-
tur ab
Hadria-
no.

CAPVT

^{a)} De PONTE hoc TRAIANI, non eadem est doctorum omnium sententia. LIPSIVS, *Dionis Cassii* fidem sequutus, extra modum molem dilaudat, in, *de Magnitudine Romana*, Libro III. Cap. XIII. p. 163. edit. Antwerp. Plantinianæ, A. 1605. forma quadrip. Idem facit, in *Analectis Daciæ Lapidib.* SAMOSIVS quoque, Cap. IV. p. 22. seqq. ut alios taceamus. Derogat fidem omnibus, Co-

mes MARSIGLIVS, cum peculiari ad MONTFAUCONEM epistola, quæ existat, apud SALLENGRE, *Thesauro Antiquitatum Rom.* Tomo II. num. IX. p. 989. tum, *Operis Danubialis*, Tomo II. p. 25. seqq. Fig. XXXIII. & reliquis: ubi locum Dionis præclare excussum legas.

^{b)} Videndi sunt in hanc rem, *Historia Augusta Scriptores*, quos iam non moramur.

CAPVT DECIMVM OCTAVVM.

De Hungariæ Opportunitatibus variis.

Nunc tempus admonet, vt, quæ in hac descriptione, a me superius prætermiffa sunt, in vnâ veluti omnia summam, contraham, & ob oculos ponam. HUNGARIAM igitur ipsam, rerum omnium, quæ tum ad vsum mortalium, tum ad opes comparandas, necessariæ esse putantur, non exiguam gignere copiam, satis constat. Terram habere nigram, pinguem, succi plenam: quæ scilicet non magno cultorum labore, vberes producat fructus, stercorationis, nec ad arua, nec ad montes consitos vitibus, instaurandos, nullus admodum, (exceptis pauculis montosis quibusdam locis,) est vsum. Arua, semel vel bis leuiter arata, seminataque, copiosum ferunt tritici frumentiue, & aliorum leguminum, fructum. Sunt certa, vt accepti loca, in quibus, si sementem farris feceris, ad tertium dein annum, ob terræ succulentæ bonitatem, vertatur in electum tritici granum.

Hungaria vberitas:

De frumentis, & leguminibus:

§. II. Vini copia tanta, vt omnes fere Hungariæ regiones, (exceptis campis, qui citra & vltra Tibiscum, Varadinum versus sunt, atque tractu Bácsiensis, & pauculis aliis locis,) vina generosa, dulcia, styptica, media inter vtraque, fortia, leuia, temperata ferant, multo maiorem tamen albi, quam rubri copiam. Vsum cereuisiæ, ob vini abundantiam, minima regni pars nouit. In campis Cumanicis, præter vina aduectitia, vsum habent Cumani, cuiusdam liquoris, ex milio, & aqua, suo more expressi, quem *Bozam* vocant. Contingit plerumque, vt aeris temperies, & bona anni tempestas, tantum vini suppeditet, vt vix reperiantur dolia, vino condendo necessaria; quod ego in Comitatu de *Baranya*, dum essem *Quinque Ecclesiis*, hisce vidi oculis; sed coguntur vasa, ad alios vsum domesticos præparata, in vsum, vinorum infundendorum, conuertere, & pro vase vacuo, alterum vas, vino repletum, rependere. Vinorum melius est & nobilius, primum quod in Sirmio, tum Simigio, Baronya, Posoniensi, Soproniensi, Agriensi, Borsodiensi, Vjuariensi, Vesprimiensi, Szaladiensi Comitatibus; postremo, in Transyluania, & Sclauonia, c) nascitur. Vites siluestres, maiores, & botros, & acinos, in plerisque locis, maxime in Sirmio producant, quam non paucis in locis domesticæ cultæ; neque, quod ex iis vinum exprimitur, minus sapidum est, quam quod apud *Belgarum* quosdam, natiuo in solo productum, habitumque ab incolis, pretio expositum vidi atque expertus sum.

De vinis:

De Cereuisia:

De Boza liquore:

Vinorum species.

Vinum Siluestre.

§. III. Fructuum omnis generis infinita copia. Peponum & melonum, varia genera, vt frumentum, in campis seminantur, Italicis, siue magnitudinem, siue saporem dulcem consideres, non inferiora. Ad vina, aquas & fructus, sub diebus caniculæ refrigerandos, vbi defunt cellæ vinariæ frigida, vtuntur nostri glacie, in cauernas ab hyeme

De fructibus variis:

Decad. I. Monument. I.

I

con-

c) Mireris, nullam fieri *Tokaiensis* mentionem. Nimirum, nondum eius, seu cultura inualuerat, seu fama. Alioquin, meminit supra, Cap. XI,

p. 21. oppidorum *Szánto*, & *Lyska*, vini optimi feracium. Ergo, tardius, post amissum *Sirmium*, celebre esse cœpit *Vinum Tokaiense*.

De auibus in genere.

coniecta conseruataque. Phasianorum, perdicum, gallinarum siluestrium, turdorum, & aliarum quoque nobilium diuersarumque auium, ea abundantia, vt in his, Hungariæ nihil omnino deesse videatur. Nonnullæ aues, quæ in Belgio, Gallia, & aliis regnis in pretio atque deliciis habentur, vt ardeæ, & rostratæ, quas Galli, *Becasses*, Germani vero *Schneppas*, vocant, aliæque id generis, nihili *d)* in Hungaria penduntur, neque earum est vsus: tanta est aliarum delicatiorum copia.

De pascuis:

§. IV. Amplitudo, & satietas tanta est pascuorum, vt multa milia equorum, bouum, ouium, caprarum, & aliorum id genus pecorum, alat. Fœni tanta vis, vt campis primo vere, ob neglectum in eis, non recisum fœnum, ignis iniici soleat, quo herbæ nouellæ repullulare possint. Visum est, vehementia ignis, campis sæpe iniecti, temeritate, seu incuria bubulcorum & pecuariorum, magnam siluarum quantitatem aliquando consumtam.

De Silvuis:

Silvæ tot & tantæ, vt & coloni, *e)* nullo impento pretio, ad quotidianos vsus, lignorum abunde sat habeant; lucri etiam causa, quotiescunque illis visum fuerit, ad vicina deuehant oppida, ibique vili pretio venalia exponant. Apum & mellis magna

De equis:

copia. Equi optimi, celeres, decori, & pulcritudine insignes, inter quos meliores æstimantur, quos Transylvania, Siculia, & Valachia educat. Horum multi, etiam Turcicis, qui & perniciosissimi sunt, & pulcri, præstant.

De bobus, ouibus, & feris.

§. V. Nec minus, tot greges bouum, caprarum, ouium, tantaque copia ferarum omnis generis, vt non modo Hungaria, earum sentiat commodum; verum vicinæ etiam prouinciæ harum sint participes. Boues, partim omnem illam Italiam, quæ est circum Venetos, partim Austriam, Morauiam, Bauariam, Sueuiam, & populos Germaniæ, quam lata est, ad Rhenum vsque, alunt. Audiui ego pluries a publicanis, quos vulgus *Tricesimatores* vocat, in singulis nundinis boariis, quæ, circum loca Viennæ ciuitatis Austriæ, bis quotannis aut pluries celebrari consueuere, sese a bouum triginta aut circiter, millibus, vectigalia, siue tricesimas, Regi exegisse. Taceo hic eorum numerum, qui alio, per Styriam, & Carinthiam, itinere, anno quolibet, in Italiam aguntur; quem non minorem eo esse constat; magna ipsius parte, vt supra dictum est, horum vsum habente. Eorum quoque bouum numerum, qui in Morauiam quotannis agitur, prætereo. In locis fere singulis Hungariæ, ea est ferarum, tam maiorum, quam minorum, omnis generis copia, vt, sicuti aues qualescunque, ita feras, tam nobilitas, quam plebs passim venentur, *f)* aucupenturæ, quisque in suum, tum vsum, tum voluptatem.

De piscibus variis.

§. VI. Piscium præterea, Antacæorum, non ossibus, sed cartilaginibus compactorum, quos Hungari lingua patria *Vyzam*, Germani *Huzones* (*Hausen*) vocant, Sturionum, *Tok*, *Keczeg*, quos PLINIVS *g)* Pelamides forte appellat; item, Silurum, quem nos *Harcſam* vocamus; Syl-

d) Nunc magni fiunt, ab his etiam, qui sunt palati delicatioris.

e) Adductior iam lignatio esse incipit, vt nimirum prouidentia, populo, passim per Hungariam, augescante.

f) Venandi ea & aucupandi licentia, publicis legibus coercita iam est. Vide, Anni MDCCXXIX. Articulus XXII.

g) Libro IX. Cap. XV.

Syllen, Trutarum & aliorum omnis generis fluuiatilium, quos etiam alia ferunt regna, quanta sit abundantia, vicini populi, pro comperto habent. Sæpius hoc visum est, & nunc videri potest, Danubii, Tibisci, Themessii, Draui, & aliorum aliquot inundationibus, tantam vim piscium, aqua tandem refluyente, in alueis riparum hæsisse, vt negligentia colonorum, & mortuis porci pasti fuerint, & ex relictis, aer caloribus infectus, nonnunquam accolis luem inuexerit. Si quispiam retia habuerit, non deerunt ei pisces, absque pretio, modo abstineat a paucis locis prohibitis. Cancrorum etiam, in omnibus fere Hungariæ locis, competens est sufficientia. Verum in pagis, præsertim *MARIÆ Reginæ*, *Dominæ meæ*, ad arcem *Altenburg* pertinentibus, tanta eorumprehenditur *b)* copia, vt coloni soleant, multis plaustris, Viennam, vicinam eis ciuitatem, venundandos inuehere.

§. VII. Antacæorum piscium, quorum supra meminimus, hoc modo fieri consuevit piscatio. Inter *Taurunum*, & *Posonium* ciuitatem, sunt pleraque loca in Danubii alueo, vbi aqua est altior & vorticofior. In his Antacæi suum veluti diuersorium habent. In mense Nouembri, *i)* antequam glacies appareat, trabibus, tota Danubii latitudo, paribus interuallis compingitur, relicto in medio ipsius aluei loco vacuo, qui nassa vel reti, ad id parato, communitur. Infra trabes, piscatores e nauiculis sua tendunt retia. In ripis interim Danubii, iaculationibus machinarum, veluti tonitrua emittuntur, quibus Antacæi ex suis latebris exciti, & vi quodammodo expulsi, Danubium circumnatant, quos postea piscatores, in retia delapsos, tam facile ad ripas trahunt, vt nihil oneris sibi adesse sentiant. Nonnunquam, in loco & piscatione vna, Antacæi, demptis aliis minoribus piscibus,prehenduntur, ad numerum mille, & ultra. Ex quibus reperiuntur nonnulli, duodecim & ultra pedum longi.

De piscatione Hungarorum.

§. VIII. Thermæ quoque quam plurimæ *k)* sunt diuersis in locis, tanta vehementia alicubi erumpentes, vt molas circumagant frumentarias. Hæ, ad omne fere genus morborum curandorum suauissimæ, ex experientia habentur; maxime, quæ sunt *Budæ*, *Varadini*, *Trenchinii*, & in *Sclauonia*.

De Thermis.

CAPVT DECIMVM NONVM.

De Residuis Hungariæ Commoditatibus.

Auri, argenti, ferri, cupri, stanni, *l)* vitrioli, marmoris, & rubri, & albi, maxima ibi copia. Alabastrum quoque est Hungaris pa-

De Auro, & aliis metallis, atque lapidibus:

I 2

b) In amne *Leytha*, qui ex Austriæ finibus adlapsus, Comitatum *Mosoniensem*, vbi est *Altenburgum*, siue *Ovár*, interluit.

i) Compendiosior hodie Antacæorum est captura. Neque enim, vel de pastis trabibus, vel machinarum tonitru, opus habent, ad proliciendos eos, piscatores. Satis est, designatam Danubii oram, quam Hungarice

Tanya vocant, a stipitibus repurgatam habere, vt & iaci, & subduci sine offensa, retia possint. Qua de re alibi prolixè egimus.

k) Plerasque omnes recensuit *GEORGIVS WERNHERVS*, De Admirandis Hung. Aquis. quem vide, dum nostra de iis commentaria possis legere.

l) De Stanno ambigo.

Triplex
auri ge-
nus.

Aquæ
Cypriæ.

Montes
salis.

trium, qui aliquantum etiam plumbi habent, non tamen ad necessitatem regni ex omni parte sufficiens, quod hac de re ex Polonia aduehitur. Montes minerarum, metallorum, & ferri per Hungariam plurimi, qui non coluntur. At fodinæ aurariæ, & argentariæ, quarum nunc est usus, primum sunt, ut memoravi prope *Ciuitates*, quas *Montanas* vocant, nempe: *Cremniciam*, *Schemniciam*, *Bistriciam*, & loca eis vicina: tum in *Rybnou*, *Rosnauia* & *Smelnitia*; dein in *Riuulo Dominarum*; postremo in Transyluania. *Cibinii*, *Cremnicæ*, & *Cassouiæ*, Hungariæ Ciuitatibus, cuduntur aurei, quos *Ducatos* vocant; monetæ autem argenteæ puræ, tum in his iisdem semper, tum ubicunque, & in quot Regi, pro tempore commodum esse videtur, locis. Aurum est triplex, vnum reperitur inter lapides solidum, in massæ formam, natura satis defecatum, & purum. Quod alii quidem diuersa in magnitudine; ego vero ad quantitatem habui oui gallinacei, ponderis supra centum ducatorum. Reperitur idem etiam magnitudine nucis & lapillorum. Alterum extrahitur artificio ex mineris, aurum, argentum, & cuprum simul complectentibus. Quod vero est tertium, ex fluuiolorum (qui præter *Aranyas* fluuium, de quo supra meminimus, sunt plures) alueis arenosis expurgatur, quod *arenosum*, siue *lauatile*, ex ipsa re vocant. Primum, & vltimum genus, gignit Transyluania; medium, aliæ Hungariæ, *m*) ut supra relatum est, partes. Qui videntur, certo dicunt, in *Scepusio*, *n*) in quo etiam vitriolum destillat, esse fluuiolum, qui ferrum iniectum, in speciem & materiam cupri transmittat. Nec hoc taceo, esse in Hungaria terram viscosam, in modum ceræ, ex qua luminaria, facesque & lucernæ fiant, insuauiter tamen olentes.

§. II. Montes salis fossilis sunt plurimi: inter quos, qui nunc coluntur in Transyluania, sunt quinque, prope oppida: *Vizakna*, *Thor-da*, *Dees*, *Seek*, *Kolos*: in Maromarusio vero vnus & alter prope *Róna* oppidum. Loca hæc vocantur *Camera*, præfecti vero *Camerarii*. Alteræ vero sunt in Transyluania, quæ spectant ad *Fiscum Regium*: alteræ in Maromarusio sunt, *Reginæ Hungariæ*, ex donatione propter nuptias. Cæteri salis montes, qui plurimi sunt, ut lucrum Regi, & Reginæ ex iam dictis accrescat, vetiti sunt sub graui pœna coli, præter Regis consensum, atque arbitrium. Idem fit etiam in montibus, aurum, argentum, & mineras producentibus, qui vltra prædictos sunt plurimi. Sal, qui in *Transyluania* effoditur discinditurque, per duo flumina, *Maros* & *Sámos*, nauigio vsque Tibiscum amnem euehi, hinc ad varias *Cameras* Regias per totam Hungariam distribui, venundarique solet. *Maromarusius* vero, partim curribus, quorum quemlibet boues in sedecimum, & vltra iuncti ordinem, partim naui, ad superiores Hungariæ

m) Sunt & *Danubii*, atque *Grani*, & aliorum fluuiorum arenæ, auri feraces, sed fere neglectæ. Ut taceamus *Germinans* illud *Aurum*, quod in vineis *Tokaiensibus*, viti; in agro *Vetusoliensi*, culmis hærescit quandoque.

n) Aquæ nimirum *Cypriæ Smelnitzen-ses*, eximii reditus. Quibus merito accensueris, eas, quæ in *Valle Dominorum*, ad *Neosolium* scarent. *Aquas* autem *Cyprias*, ab ære *Cyprio* dicimus, quo sunt saturæ. Metallici, *Czimment Wasser* vocant.

gariæ partes, quæ sunt citra Tibiscum superiorem, ad *Cameras Reginales*, in usum earum, & illis vicinarum regionum, aduehitur. Hoc sale Hungarico, non modo Hungari, sed & Seruiani, Bosneni, & Turcæ ytuntur. Sunt & in Transyluania prope *Kolos*, riuuli o) falsi, ex montibus decurrentes, quorum aqua vtuntur rustici, in condimento ciborum, manifesto argumento, optimum exinde sal, si paululum adniti velint, coqui posse. quod ne tentare quidem cogitant, alterius satis magna copia exuberante.

§. III. Totius huius Hungariæ Regnum, continet in se, nostro hoc tempore, diuersas nationes; Hungaros, Alemannos, Bohemos, Sclauos, Croacos, Saxones, Siculos, Valachos, Rascianos, Cumanos, Jazyges, Ruthenos, & iam postremo Turcas: quæ omnes, differenti inter se vtuntur lingua, nisi quod aliqua vocabula, propter diuturnam consuetudinem, atque mutuum commercium, aliquam habere videantur similitudinem & symphoniam. In valle Agriensi, aliquot pagi incoluntur, habiti pro coloniis *Eburorum*, qui nunc *Leodienses* dicuntur, olim eo traductis. Horum incolæ, in hodiernum diem *Gallicam* solinant. Quo autem tempore, aut eo traducti sint, aut sponte migrarint, haud satis p) compertum habeo.

Quot lingua, & nationes, sint in Hungaria tota:

Eburorum colonia.

§. IV. Alius est etiam pagus, inter Maros & Keüres fluuios, extra q) Transyluaniam, cui nomen est *Simánd*, qui accolæ fere omnes habet claudos, cæcos, homines, vel cruribus, vel brachiis contortis, vel alia corporis fœditate insignes. Eo sanum neminem admittunt: qua re, & quod sint corporis deformitate conspicui, maxime gloriari videntur. Non id quidem, ferente natura, sed quod fama est, infantes r) recenter natos, a parentibus, aut excæcari, aut ipsorum ossa, compaginesque membrorum, quo sint ipsis, deformitate corporis, non inæquales, interuerti. Hi ab initio, vt quemadmodum corporis habitu, ita etiam idiomate, ab aliis differrent, propriam sibi linguam, qua inter se loquerentur, a nemine externo, nisi suo ciue intelligibilem, quam nostri, *Cæcorum Linguam* vocant, confinxerunt. Hacque vtuntur prærogatiua, vt sint ab aliis oneribus cæterorum Hungarorum perferendis, liberi, atque per omnes regni partes, canticionibus mendicalibus, victum, quæstumque sibi, & suis faciant. Hominum genus, turpe, infame, & omnibus cruciatibus dignum: qui naturæ humanæ decorem, facto suo scelesto, dedecorant. A quo a Principibus nostris, siue aliis, maioribus rebus deditis, siue in amplo regno, id non aduertentibus, hætenus prohibiti non fuere; alioqui generi humano, non tantam infamiæ, deformitatis-

Cæci, & claudi, in pago Simánd, propriam habent linguam.

Decad. I. Monument. I.


K

tatis-

- o) Eiusdem naturæ, tametsi originis forte diuersæ sal est, qui in *Só-Vár*, apud Sárosienses, excoquitur.
- p) Ecquidem, reliquias fuisse crediderim, *Vallonum*, qui FERDINANDO I. aduersus Regem IOHANNEM, milita-

- bant: nisi aliud nos, diplomata, aut eius ætatis schedæ, docuerint.
- q) Accolarum nomine, *Incolas* vult dicere auctor; sicuti habuimus superius. *Simándi* locus, superat hodieque; non item monstra.

tatisque notam, inuoluri. His a nobis, breuius modestiusque, quam Hungariæ est fertilitas, expositis, rem iam s) institutam adgrediamur.



NICOLAI OLÁHI,

Compendiarium suæ Aetatis

CHRONICON,

Ex manuscripto, nunc primum editum.

*Sorte noua redit Hunnorum clarissima quondam,
Tempore quæ fuit Atilæ victoria Regis.*

Lli clarissimo Regum fideri, MATTHIÆ de Hunyad, JOANNIS quondam, inclyti regni Hungariæ Gubernatoris filio, per Dionysium Cardinalem, Archi-Episcopum Strigoniensem, regalis corona imponitur, Anno CHRISTI MCCCCLXIV. Die 29. mensis Martii.

ANNO CHRISTI MCCCCLXV. Die 1. Februarii, DIONYSIVS de Zeech, Archi-Episcopus almæ Ecclesiæ Strigoniensis, obiit.

Anno Domini MCCCCLXVII. die 1. Julii, Venerabilis Magister D. D. Cantor & Vicarius Strigoniensis obiit: qui alias fuit auditor caussarum Socii Concilii Basiliensis.

Anno Domini MCCCCLXXII. IX. die mensis Augusti, JOANNES Archi-Episcopus Strigoniensis, obiit.

Anno Domini MCCCCLXXIII. die XVIII. Julii, Martinus de Pesth, Canonicus Quinque Ecclesiarum, spiritum exhalauit.

MATTHIAS Rex, mortuus Viennæ, Anno MCCCCXC. & sepultus in Alba Regali.

NICOLAUS OLAHVS, Archi-Episcopus Strigoniensis, natus est Cibinii, ciuitate principali Saxonum Transyluaniæ, in mense Ianuario, Anno Domini MCCCCXCIII.

LVDOVICVS, Vladislai Regis filius, natus Budæ, ex ANNA Regina, Anno MDVI.

MARIA Regina sponsa eius, nata fuit Anno MDV.

Dictus NICOLAUS OLAHVS, Anno MDX. in mense Maio, venit ad aulam Vladislai Regis.

Anno MDXIV. Bellum cruciatum, siue rusticum, ortum fuit.

r) Crederes, imitatione Hunnorum, id fecisse Simándienses; de quibus AMMIANVS MARCELLINVS Lib. XXXI. Cap. II. p. 473. edit. Iac. Gronouii, Lugduni Batav. An. 1693. fol. sic scribit: Quoniam, ab ipsis nascendi primitiis, infantum altius sulcantur gena, ut pilorum vigor tempestius emergens, corrugatis cicatricibus hebe-

VLA-
tetur, &c. Sed contra se res habet. Nam, Hunni quidem, lacerabant infantum genas, ut truci essent adpectu: Simándienses, corrumpebant suos, deturpabantque, ut mendicabula facerent.

s) ATTILAM intelligit: qui, quod in omnium est manibus, editione nostra, iam quidem non eget.

VLADISLAVS, Rex Hungariæ, mortuus est Budæ, Anno MDXVI. & sepultus in *Alba Regali*. Quo anno NICOLAVS OLAHVS, factus est Secretarius *Georgii Zathmár*, Episcopi Quinque Ecclesiensis.

Idem NICOLAVS OLAHVS, Anno MDXVIII. creatus in Canonicum Quinque Ecclesiensem, in mense *Julio*.

THOMAS BAKOCZ de *Erdeödi*, Cardinalis Strigonienfis, mortuus in mense Iunio, An. MDXXI. cui successit GEORGIVS *Zathmár*, eodem anno.

Eodem anno, MARIA Regina, deducta in Hungariam, excepta fuit *Budæ*, a Rege LVDOVICO, in mense *Iunio*.

SOLYMANNVS Imperator Turcarum, primo in Hungariam, eodem anno venit, & *Nándoralba*, siue Belgrádium, ab eo obsessum, a *Blasio Oláb*, & *Joanne Morgay*, propter victualium inopiam, *Vigesima nona Augusti*, ei deditum est. Qui tamen detruncati fuere, contra fidem eis a Turca datam.

NICOLAVS OLAHVS, An. MDXXII. creatus est in Ecclesia Strigonienfi, Archi-Diaconus Comaromienfis, & Canonicus Strigonienfis.

Anno MDXXIV. *Georgius Zathmár*, Archi-Episcopus Strigonienfis, *Budæ*, septima die Aprilis mortuus, cui successit LADISLAVS *Zalkanus*, VI. Maii.

Dictus NICOLAVS OLAHVS, d. XVI. Martii An. MDXXVI. creatus est in Secretarium, & Consiliarium LVDOVICI Regis; & postea eiusdem Regis voluntate, similiter *Mariæ* Reginae XXI. Martii.

LVDOVICVS Rex, in conflictu ad *Mobách*, cum Solymanno Turca habito, periit anno eodem MDXXVI. Die XXIX. Augusti; ubi simul perierunt: *Ladislavus Zalkanus*, Strigonienfis; *Paullus Tomory*, Colocensis Archi-Episcopi; *Franciscus Beréni*, Waradiensis; *Philippus Moræ*, Quinque Ecclesiensis; *Blasius Paxxy*, Jaurinensis; *Georgius de Zápolya*, Comes Scepusienfis, Frater *Joannis* Regis; *Joannes Drágfy*; *Thomas Zeechy*, & *Matthias Zluny*, Comes de Zlun; ac infiniti nobiles potiores in Hungaria.

Eodem anno, *Solymanus* victor, post conflictum ascendens, ciuitatem Budensem, cepit, combussit, & arcem, integram quidem, sed vacuum reliquit, in mense Octobri.

Eodem anno, Serenissimus FERDINANDVS, Archidux Austriæ, electus & coronatus est in regem Bohemiæ: & in Hungaria quoque *Posonii* electus in regem Hungariæ.

Eodem similiter anno, JOANNES Rex, in *Tokay*, per alteram factionem, præelectus est in regem, qui antequam coronaretur, corpus Regis LVDOVICI, quod Regina MARIA *Albam Regalem* deduci fecerat, in mense Nouembri, ibidem fecit sepeliri.

ANNO MDXXVII. præfatus Serenissimus Rex FERDINANDVS, in mense *Julio* ingressus Hungariam, cum exercitu exceptus est in *Ovár*, prima die mensis *Augusti*. quo die natus filius suus Viennæ, Serenissimus *Maximilianus*, nunc Rex Bohemiæ; & postea *Buda* ei tradita, vigesima Augusti, & in *Alba Reginali*, die Dominico, ante Festum *S. Martini*, in mense Nouembri, coronatus est.

Eodem anno, NICOLAVS OLAHVVS, factus est Custos, & Canonicus Ecclesiæ *Albæ Regalis*.

Anno MDXXIX. reuersus *Solymannus* secundo, *Buda* rursus capta, *Viennam* frustra obsedit.

Anno MDXXXI. Serenissima regina MARIA, voluntate CAROLI V. Imperatoris, fratris sui, ex Lincio fuit profecta, in mense *Martio*, ad gubernationem Flandriæ suscipiendam. Cum qua etiam NICOLAVS OLAHVVS simul profectus fuit.

Anno MDXXXII. *Solymannus*, tertio in Hungariam reuersus, *Crisium* ciuitatem, Hungarice *Keüszegh* vocatam, frustra obsedit, discessitque vigesima quinta die Septembris, non expectato aduentu Caroli V.

Anno MDXXXVIII. *Solymannus* cum exercitu contra Vayuodam Moldauiensem, quarto venit, in mense Augusto.

Anno MDXXXIX. NICOLAVS OLAHVVS, rediit ex Flandria *Viennam*, & Hungariam.

Anno MDXL. *Carolus*, Filius Cæsaris nostri FERDINANDI natus est: quo anno, etiam *Joannes* Sigismundus filius, JOANNIS Regis natus est.

JOANNES Rex, eodem anno mortuus in *Szászsebes*, vigesima prima Julii. cuius corpus, *Frater Georgius* Episcopus Varadiensis, XV. die Septembris, *Budam* adducens, postea sepeliuit in *Alba Regali*.

Anno MDXLI. *Solymannus*, Turcarum Imperator, quinto in Hungariam reuersus, *Budam*, e manibus Reginae *Isabellæ*, pro se occupauit, vigesima sexta Augusti.

Idem *Solymannus*, An. MDXLIII. reuersus sexto in Hungariam, arce *Walpó*, XXIII. Junii, occupata, ingressus *Budam*, XXI. Julii; *Strigoniensi* arce, nostrorum turpi deditioe, potitur, IX. die Augusti.

Serenissimus Rex FERDINANDVS, nunc Imperator, eodem anno, & mense Augusti, creauit NICOLAVM OLAHVVM, Pragæ in Episcopum Zágrabiensem, & Cancellarium Hungariæ.

Eodem anno, die IV. Septembris, *Alba Regalis* capta per Turcam.

Anno MDXLVII. Serenissima Regina ANNA ex partu *Joannæ* filiae suæ, moritur Pragæ, die XXV. mensis Ianuarii, & ibidem sepulta, trigesima eiusdem mensis.

Serenissimus Rex FERDINANDVS, profectus Praga, tertia die Februarii eiusdem anni, ad expeditionem Saxoniam, conueniensque Fratrem suum Carolum V. Imperatorem, in oppido *Hirsham*, intrauit in ciuitatem *Egram*, & illinc XIII. die Aprilis discedentes, auxilio mille equitum Hungarorum, profligauimus & cepimus, vulneratum in facie, *Joannem Fridericum Ducem Saxonie*, vltra oppidum *Mylpergh*, XXIV. die mensis Aprilis, quæ fuit dies *S. Georgii*. Ac deinde IV. die sequentis mensis Maii, *Vittembergam* ciuitatem obsedimus, ac XXIX. eiusdem mensis cepimus; ac reuersi Pragam, II. die Julii, *Pragenses*, vt aliæ ciuitates Bohemiæ rebelles, cum Baronibus aliquot, & Nobilibus, octaua die eiusdem mensis Julii, iuridico processu, per Maiestatem regiam, bene fuerunt castigati, decollatione non nullorum, & priuatione omnium bombardarum, & rerum bellicarum, ac confiscatione bonorum suorum.

Anno

Anno MDXLVIII. prima Aprilis, mortuus est *Sigismundus* Rex Poloniæ, Frater Vladislai Regis olim Hungariæ, patris *Ludowici* Regis.

Eodem anno MDXLVIII. creavit Serenissimus Rex FERDINANDVS Posonii, NICOLAVM OLAHV in Episcopum Agriensem, XXVIII. Nouembris; & postea ibidem publicauit, XII. Decembris.

Anno MDXLIX. Serenissimus MAXIMILIANVS Archidux Austriæ, electus est Pragæ in Regem Bohemiæ, XIX. die Februarii.

Eodem anno D. PAVLLVS de *Varda*, Archi-Episcopus, Strigoniensis XII. die Octobris, annum agens Sexagesimum sextum, *Posonii* mortuus est, & ibidem sepultus.

Anno MDLII. Vesprimium, prima die Junii Turcis proditum; & *Dregbel*, IX. Julii, per Turcas expugnata; *Themesvár* quoque XXVII. eiusdem mensis, decollato ibidem *Stephano Lossónczy*, Comite & Capitaneo eiusdem arcis.

Eodem anno, capto fortalitia *Zolnok*, arx Agriensis, per *Am-bath Passam*, & *Beglerbegum* obsessa est, & oppugnata, quadraginta duobus diebus, virtute tamen & fortitudine *Stephani Dobó* de *Ruska* ac *Stephani de Mebke*, Capitaneorum, ac aliorum seruatorum NICOLAI OLAHI Episcopi Agriensis, cæterorumque militum regionum, viriliter defensa.

Anno MDLIII. die VII. Maii, Sacra Maiestas Romanorum & Hungariæ Rex, *Sopronii*, in publica dieta, creavit & publicauit NICOLAVM OLAHV, Archi-Episcopum Strigoniensem: quo anno, XXV. Junii, Serenissimam etiam Dominam *Catharinam* filiam suam, viduam Ducis Mantuæ, Serenissimo Regi Poloniarum, *Sigismundo Augusto*, desponsauit, *Viennæ*, ministerio ipsius Archi-Episcopi, in Monasterio Fratrum *B. Augustini*.

Dominus *Thomas Nádasdy*, Posonii creatus in *Palatinum*, & nomine regio publicatus, per NICOLAVM OLAHV, Archi-Episcopum Strigoniensem, VX. die mensis Aprilis, An. MDLIV.

FRANCISCVS WYLAKY, Episcopus Agriensis, mortuus *Posonii*, prima Februarii, Anno MDLV.

Caposvjvár periit, die XIV. Septembris, Anno Domini MDLV.

Anno Domini MDLVI. die XIII. Junii, obsessa *Szygeth* frustra, & vigesima septima Julii, fuit obsidio soluta.

Eodem anno, MATTHIAS ZABERDINVS Episcopus Varadiensis, vir bonus, & militaris, mortuus est XII. die mensis Augusti, Varadini.

Eodem anno, Cæsar CAROLVS V. quinquagesimum agens annum, ex *Hollandia* discessit in *Hispaniam* XVII. die mensis Septembris, qui-
eturus in monasterio.

MATTHIAS, filius Maximiliani Regis Bohemiæ, natus *Viennæ* XIV. Februarii anno MDLVII.

Diuus FERDINANDVS, Carolo Quinto, fratre eius cedente Imperio Romano, *Franckfordiæ*, electus Imperator est in locum fratris, XIV. Martii anno MDLVIII.

*Ad Emtozem,
Monitiuncula.*

CVm Monumenta huius collectionis singula,
temporis successu, sigillatim edenda erunt;
e re emtoris cuiusque fuerit, non ante, Biblio-
pego tradi chartas, quam integrum, iustæ mo-
lis, volumen, conficiatur.

MICHAELIS SIGLERI
CHRONOLOGIAE
RERVM HVNGARICARVM,
TRANSILVANICARVM, ET VICI-
NARVM REGIONVM,
LIBRI DVO,

*nunc primum in lucem
editi.*

DECADIS I. MONVMENTVM II.

*Temporum vicissitudines ,
ex vero cognovisse ,
Gradus est ad prudentiam.*

MICHAELIS SIGLERI,
CHRONOLOGIAE

*Rerum Hungaricarum, Transylvanicarum
 & Vicinarum Prouinciarum,*

LIBER PRIMVS.

CAPVT I.

*Res gestæ Pannonum, Vicinarum Gen-
 tium, & Hunnorum.*

ANNVS,
 CHRISTI
 366.

IMPERATO-
 RES Romani.



VNNI, sub Valembero Rege, traiecta
 ad Cimmerium Bosphorum, Mæotidis pa-
 lude, sedibus Gothos eiecerunt, & vni-
 uersam Scythiam European, assiduis ir-
 ruptionibus, domitarunt.

VALENTI-
 NIANVS, &
 VALENS.

373.

Primus ingressus a) Hunnorum, ex Scythia in Pan-
 noniam, sub sex *Ducibus*, seu *Capitaneis*, quorum I. AT-
 TILA; II. CHEME; III. BVDA, & hi fratres *Bendegufi*, vel
 vt alii volunt *Mundizici filii*, Cadarum genere nati fue-
 runt; IV. BELA, *Chyele filius*, ex *Zomeiarum* familia pro-
 genitus; V. CHEVE; VI. KADICHA; *Bela* fratres. Ex
 centum & octo tribubus, decies centena & octo millia
 hominum coacta, Pannoniam, eiectione Gothis, occupa-
 runt. Primum enim Gothi, deinde Vandali, & postre-
 mo *Hungari*, in Hungariam, ingressi sunt: & hi postre-
 mi, terram retinuerunt, vnde & *Hungariæ* appellatio-
 nem, tractus ille accepit.

378.

SARMATAE Pannoniam vastant.

380.

HVNNI, in Gothos exarserunt. Gothi, traiecto

381.

Danubio, a *Valente* Imperatore, sedes acceperunt.

395.

Hunni, Antiochiam obsederunt.

399.

Armenia, & partes Orientis, ab *Hunnis*, misere va-
 stantur.

THEODOSIVS
 Senior.

401.

HVNNI, *Cheua* duce, Pannoniam tranquille possi-
 dent, publico tandem omnium consensu, (*Cheua*, &
 reliquis *Capitaneis*, in præliis superioribus absumptis.)

ARCADIVS,
 & HONO-
 RIVS.

ATTILA, frater *Budæ*, vir acris ingenii, & rei mili-
 taris peritissimus, in supremum *Capitaneum* creatus
 est; & Ducis nomen, quinquennio habet.

447.

ATTILA, interfecto fratre *Buda*, solus Regno potitur.
Decad. I. Monument. II. L Is

a) BARONIUS, Annal. Tomo IV.
 ad annum CCCLXXVI.
 num. VII. coll. ad annum
 CCCCXLIV. & CAROLVS
 SIGONIUS, de Occidentali

Imp. Lib. VIII. initio, p. m.
 174. edit. Basil. A. 1579. for.
 quadrip. ad annum CCCL
 XXVI. primum Hunnorum
 egressum, referunt.

ANNVS,
CHRISTIIMPERATO-
RES Romani.

MARTIANVS.

Is ex Hungaria, exercitum quingentorum trecentorum millium, duxit in Germaniam, & quam plurimas Vrbes potentissimas; *Basileam, Augustam, Argentoratum, Vornatiam, Coloniam*, & plures alias, diripuit. Inde, in Galliam progressus, *Aureliam*, Galliae Lugdunensis urbem, obsidione cinxit. Erat tum, in parte Galliae citerioris, Romanus dux, *Aetius*, qui, suis copiis, Francorum, (quorum Rex *Maroveus*,) & Gotthorum, (quorum Rex fuit *Theodoricus*,) vires coniungens, apud Tolosam, urbem Galliae, cum ATTILA, acri praelio, in campis Catalaunicis, *b)* conflixit. Pugna, ab exortu solis, in noctem usque duravit. ATTILA, amissis centenis octoginta millibus, in fugam conuersus, *Aetio*, Francis, & Gotthis, victoriam reliquit. *Theodoricus*, Rex Gotthorum, in eo praelio cadit. Postea *Attila*, collectis in Hungaria viribus, & reparato exercitu, Italiam inuadit, *Aquileiam*, post longam obsidionem, diruit, *Tergestum*, *Paduam*, *Veronam*, *Mediolanum*, & *Ticinum*, vastat, & se, *flagellum DEI* nominat, usurpato sibi hoc titulo:

Attila, Bendeguz filius, magni Nemroth nepos, in Engaddi nutritus, DEI gratia, Rex Hunnorum, Medorum, Gotthorum, Dacorum, metus Orbis, Flagellum DEI.

VRSVLA, Virgo Britannica, cum XI. M. comitibus, ab Hunnis, Coloniae interficitur.

4 5 7.

ATTILA, qui primum, *Valentiniani* filiam, in uxorem habuit, confecto bello Italico, in Pannoniam reuersus, alteram uxorem, *Micholdim*, Baetrianorum Regis filiam, duxit. Nocte vero nuptiali, *Attila*, temulento atque alte stertenti, maxima vis sanguinis, per nares erupit, atque ita supinus, multitudine cruoris suffocatus, fato concessit, anno, ab ingressu Hunnorum in Pannoniam, LXXXV.

Filii Attilae: ALADAR, mortuus est, nulla post se relicta prole; CHABA, post obitum patris, relicta Pannonia, reuersus est in Scythiam; ERNACVS, succedens patri, regnat annis III.

4 5 8.

ERNACVS, & DVRICHVS, filii Attilae, Hunnis praesunt; sed, de successione inter se dissidentes, ab *Ostrogothis*, bello superati, se cum Hunnis, ex Pannonia, in Scythiam recipiunt; in vltima vero *Dacia*, quae *Transylvania* vocatur, ora, remanserunt tunc, quaedam Hunnorum reliquiae, se *Siculos*, pro *Scythulis*, nominantes.

b) De Catalaunicis campis, infra, in IUVENCI Attila, erit disputandi locus. Neque enim, tam facile est eos de-

CAPVT
signare, quam cum vulgo creditur. Quid? quod tota *Attila* historia, tam est intricata, quam quae maxime.

ANNVS,
CHRISTI

CAPVT II.

IMPERATO-
RES Romani.

*Ostrogothi, Rege Valamiro, deuictis Hun-
nis, Pannoniæ imperant, Annis LXVIII.
quorum Reges fuerant:*

460.

VALAMIR, Ostrogotthorum Rex, pulso *Ernaco*, Pan-
noniam obtinet. Regnavit ibi, annis. IV. Est in
fede *Zazváros* adhuc hodierna die, pagus *Valamir*, quem
ab hoc rege nomen accepisse, volunt.

LEO I.

464.

THEODOMERVS, qui aliis *Tindemerus* vocatur, fratri
Valamiro, in regno successit; imperat Annis XI.

475.

THEODORICVS, filius Theodomeri, Ostrogotthorum
Rex, annis L. Is, *Odoacrum*, Herulum, siue Saxonem,
qui Regis nomen, in Italia assumpserat, ad Veronam
vincit, & Italiam, annis XXXIII. obtinet.

488.

THEODORICVS, a Zenone Imperatore, consulari di-
gnitate, ornatur.

497.

THEODORICVS Rex, Rauennam ingressus, *Odoacrum*,
molientem sibi insidias, interemit.

515.

HVNNI, Caspias portas egressi, Armeniam, Cappa-
dociam, Galatiam, & Pontum, populati sunt.

IUSTINVS.

523.

ZELIOBES, Hunnorum Rex, accepta pecunia, Roma-
nis & Persis, auxilia fert; & a *Cauade*, Rege Persico, oc-
ciditur.

Longobardi, expulsis Ostrogotthis, Pannonia potiti,
Annis XLII.

539.

HVNNI, Europam inuaserunt, & ad Byzantium
vsque, omnia depopulati, Potidæam euerterunt, &
CXXM hominum captis, domum rediere.

544.

HVNNI, Illyricum inuadunt.

551.

HVNNI, Romanorum terras vastant, Macedoniam
& Thraciam populantur.

567.

HVNNI, Thuringiam inuadunt, sed a Sigiberto, Fran-
corum Rege, victi, & expulsi sunt.

IUSTINVS II.

568.

LONGOBARDI, Pannonia Hunnis relicta, Italiam in-
trant. Pannonia, Calend. April. Longobardi exeunt.

569.

AVARIVS, Hunnorum Rex, Pannoniam a Longobar-
dis, ex pacto accepit. Regnat annis XXIX.

577.

HVNNI, iterum a Sigiberto victi, foedus cum eo pa-
ciscuntur.

581.

CHAIANVS, qui, & aliis Chacamius (Bajanus, Cha-
ganus,) dicitur, Rex *Auarum*, seu Hungarorum, vir ma-
gnæ potentæ, & magno usu, militiæ celebris. Hic,
occupato *Sirmio*, ad *Anchyalum*, quæ aut *Varna* est, aut
oppidum vicinum Varnæ, processit; sed a Mauricio,
recepto *Anchyal*, repellitur.

MAVRICIVS
Cappadox.

583.

588.

CHAIANVS, Mysiam, Scythiam, & Thraciam inuadit,

ANNVS,
CHRISTI

& Commentioli, Orientalis præfecti perfidia, duodecim millia Romanorum, capit, templa delet, & ossa Martyrum, ex monumentis eiicit.

IMPERATO-
RES Romani.

593.

CHAIANVS, Thraciam denuo populatur.

600.

Idem CHAIANVS, Dalmatiam inuadit, XL. vrbes diripit, a Prisco præfecto superatus, amissa præda & exercitu, ad propria redit.

602.

CHAIANVS, tertia vice, hoc vnico anno victus, quarta tandem clade accepta, regno Pannoniæ exuitur. Atque ita Pannonia, tandem Orientis imperio subiecta, variis, per annos CXLII. est agitata casibus.

PHOCAS.

623.

Regnum Saracenorum cæpit. *Mabometh* Arabum, Saracenorum dux & propheta, potens fit.

HERACLIVS.

677.

HVNNI, Constantino Copronymo imperante, septem itineribus, totidemque exercitibus & ducibus, ex Scythia iterum emigrantes, per longum iter, in Transylvaniam veniunt, ibique, tentoria figunt; ex quo facto, quidam volunt *Transylvaniam* vocari, regionem septem castrensem. Postea Pannoniam repetunt, & *Zuatopolugem*, (qui & *Suaten* dicitur,) cum Polonis, in Pannonia late regnantem, bello, duce ARPAD vincunt, atque ita, priores sedes occupant.

CAPVT III.

Secundus Ingressus Hunnorum, in Pannoniam, sub Septem Ducibus, quorum hæc sunt nomina:

ARPAD, filius Almi, prognatus ex Elendo, filio Vgek, qui ex Edo, Edus autem, ex Chaba, filio Attilæ, genitus.

II. ZABOLCHVS, dux alter, vnde *Chákiorum* familia. Hic, in Pannoniæ agro, confedit, vbi antiquitus, oppidum *Chákvár* fuit, *Andreae*, *Bela*, & *Leuentæ*, temporibus, dirutum. Ab hoc, Comitatus de Zabolch, nomen accepit.

III. GYVLA, a quo *Albam Juliam*, in Transylvania restauratam, & familiam *Gyulay*, propagatam adserunt.

IV. CHVNDVS, aliis KEVVD, ad amnem *Nyrin*, castra fixit, a quo gens *Kendia* deducta.

V. LEHEL, qui eiectionis *Bulgaris*, Mysiam occupauit, & ab hoc, *Zuardorum* familia promanasse dicitur.

VI. VERBVLCVS, ad lacum Pannoniæ, quem *Balatbonem* appellant, confedit.

VII. VRSVS, septimus dux, in agro *Sejó* constitit. Cæteræ Hunnorum familiæ, pro arbitrato suo, sedes, ultra citraque Danubium, sibi inuenere.

Genea-

Rerum Vngaricarum Lib. I. Cap. III.

47

ANNSV,
CHRISTI

Genealogia, Præcipui Ducis, Arpad.

IMPERATO-
RES RO-
mani

ATTILA.
|
CHABA.
|
EDVS.
|
VEGECVS, alias *Vgek*.
|
ELENDVS.
|
ALMVS.
|
ARPADVS.
|
ZOLTHAN.
|
TOXIS.

GEYSA.

MICHAEL.

Hic primus, inter Vngaros fi-
dem Christianam amplexus,
& a S. Adalberto Episcopo, ba-
ptisatus est. Ex eo natus.

S. STEPHANVS,
Rex Hungariæ.

LADISLAVS CALVVS,
& Vasul; ex Ladislao,
Andreas: Bela: Leuente.

750.

HVNNI, Bohemiam & Morauiam regiones, quas
dux *Vratislaus* regebat, inuadunt.

791.

Bellum *Caroli Magni*, cum Hunnis c) grauissimum,
quod octo fere annis durauit. Vbi vires Hunnorum,
ita sunt adtritæ, vt, viuenti Carolo Magno, & posteris
suis, obsequia præstiterint.

865.

Hunni, d) & Bulgares, Christianum nomen susci-
piunt.

903.

HVNGARI, excusso tam longæ seruitutis iugo, rebel-
les fiunt, Morauiam subigunt, Bauariam diripiunt,
omnia crudeliter vastant, & in terrorem, sanguinem in-
terfectorum, potant. Sed, a Ludouico III. quarto Idus
Augusti, continenti trium dierum prælio, cæduntur.

906.

Hungari, in Morauia, grauissime cæsi.

908.

Bauariam, Vngari, iterum diripiunt, assiduis de-
populationibus, & cædibus, omnia late replent.

909.

Saxonia, & Thuringia, ab Hungaris crudeliter va-
statur.

Decad. I. Monument. II.

M

HVN-

c) Abares fuerunt, sed Hun-
norum consobrini.

post subactos hostes, pro-
curata; sed temporaria tan-
tum, ob infidæ gentis in-
constantiam.

d) Fuit hæc, *Abarum ad Christum*
accessio, CAROLI M. pietate,

CAROLVS
MAGNVS.

LVDovi-
CVS, Lota-
rii filius.

LVDovi-
CVS III.

ANNVS,
CHRISTI

9 1 3.

9 2 2.

HUNGARI, apud Enum fluuium, a Germanis & Ba-
uaris, profligantur.

HUNGARI, post finitas nouennales inducias, excur-
sionibus Saxoniam depopulantur. His occurrit, Hen-
ricus Auceps, ad oppidum Mersburgum: vbi amplius
40000. Hungarorum, internecone deletis, reliquos fu-
gatos, tota Germania exegit. Alii, hanc Victoriam ac-
cidisse volunt, anno 934. a nato Christo, Hungaris vi-
delicet, a Saxonibus, & Thuringis, tributum postulan-
tibus.

9 2 6.

Salardus, Hungarorum dux, Italiam ingressus, Pa-
pam, igne cremauit.

9 4 8.

Toxis, Hungarorum dux, diui Stephani Regis auus,
cum incredibili copiarum adparatu, Italiam inuasurus,
acceptis a Berengario decem modis pecuniæ, Italia pe-
percit, &, in Hungariam rediit.

9 5 5.

HUNGARI, Otthonis Imperatoris potentiam, assiduis
bellis adritam rati, copiis denuo, quantis antea nun-
quam, per Bauariam, duce Geysa, in Germaniam, po-
pulabundi, irrumpunt. Ottho cum his, ad Lycum flu-
uium, non procul ab Augusta, congreditur, quarto Idus
Augusti, totumque hostilem exercitum, insigni strage
afficit. Tres Hungarorum duces, capti & suspensi. Con-
radus, dux Bauariæ, gener Imperatoris, cum aliis præ-
stantibus viris, in eo conflictu, occubuit.

CAPVT IV.

*Post Geysam Ducem, Res Hungariæ, quæ
per annos CCIV. fere per Duces, seu Capitaneos,
tantum administratæ fuerant, facta innoua-
tione, deinceps per Reges gubernari
cæperunt.*

9 6 9.

S. STEPHANVS, qui fuit primus Rex Hungariæ,
Auo Toxe, Patre vero Geysa, nascitur Strigonii, & a S.
Adalberto Episcopo, & Theodato Comite, de Sacro Ba-
ptismi fonte lauatur.

9 8 4.

Boleslaus, Dux Bohemiæ, vxorem ducit Judith, Fi-
liam Geysæ Ducis Hungariæ.

9 9 7.

GEYSA moritur. Stephanus filius, Ducatum accipit
Hungariæ, annis tribus.

1 0 0 0.

STEPHANVS, Rex Hungariæ I. Is Christianæ fidei fun-
damenta in Hungaria iecit, & varias leges & edicta tu-
lit, de sicariis, homicidis, adulteris, latrocinis, & de
furtis, capitalia supplicia promulgauit. CVPAN Ducem
Simigiensem, profligauit. A religiosa in fide Christiana
perseuerantia, cognomentum Sancti accepit. Regnauit
Annis XXXVII. integris, & aliquot mensibus.

Ecclesia

IMPERATO-
RES RO-
mani.
CONRAD. I.
HENRICVS
Auceps.

ANNVS,
CHRISTI

IMPERATO-
RES RO-
mani.

Ecclesia Strigonienſis fundata, nomen metropoli-
tanæ accepit.

Templum Diuæ MARIAE Virginis, in Alba Regali, vbi
Reges coronantur, & vbi Regum Hungarorum corpora
ſepeliuntur, fundari cœpit.

1002.

Bellum ciuile, inter Regem *Stephanum*, & *Gyulam*,
auunculum, ob religionem. Hoc tempore *Transylua-*
nia Hungariæ adiecta eſt, *Gyula* Duce, cum vxore &
liberis, capto.

GISELA, Henrici Imperatoris ſoror, *Stephano*, Hun-
gariæ Regi, in vxorem deſponſata. Cum ea quam plu-
rimæ ex Germania e) nobiles familiæ, in Hungariam
ingreſſæ ſunt. Inter quas, *Hermannum* quoque, quem an-
nales Hungarorum vetuſtiſſimi, Noremburgenſem fuiſſe
tradunt, vna veniſſe conſtat. A quo *Hermanno*, ciui-
tatem *Cibiniensem* primum fundari cœptam, & a funda-
toris nomine, VILLAM HERMANNI appellatam eſſe, veri-
ſimile eſt. Huic ſententiæ ſuffragatur inſcriptio auten-
tici ſigilli, quo *Cibiniensis Respublica*, adhuc hodie vtitur,
ſic ſonans: SIGILLVM CIVIVM DE VILLA HERMANNI.

1031.

Bellum *Stephani*, cum *Conrado* Imperatore.

EMERICVS S. *Stephani* Regis filius, moritur.

1032.

STEPHANVS Rex, per legatos cum Imperatore pa-
cem fecit.

1038.

S. STEPHANVS, ex febre moritur, in feſto *Assumptio-*
nis Mariæ, in Baſilica Albenſi, ab ipſo condita, ſepultus.

1039.

PETRVS, cui cognomen *Alemanno* fuit, filius *Guilbel-*
mi, fratris *Sigismundi* Burgundiorum Ducis, & S. *Stephani*
ex ſore nepos, vir crudelis, & ſuperbus, Hungariæ
Rex II. Ann. III. Hic Hungariam, dici voluit *Anga-*
riam, quaſi perpetuo angore, eam angi oporteret.

HENRICVS
III. alias
Niger.

1042.

ABA, (quem alii *Albinum*, plerique *Otthonem* f) no-
minant) ſororius S. *Stephani*, pulſo *Petro*, Hungariæ rex
creatur, Anno I. *Petrus* regno eiectus, ad Imperatorem
confugit.

1043.

HENRICVS Imperator, Hungariam ingreſſus, *Petrum*
Regem reſtituit. Regnat Ann. IV.

1044.

Idem Imperator I. Hungariam denuo ingreſſus, *Hun-*
garos ad firmandam pacem cogit.

1045.

Idem Imperator Hungariam tertio ingreſſus, *Abam*,
cum omni familia fugat, reſtituto *Petro*.

Quinque Eccleſiæ, Ciuitas Hungariæ, condita.

1047.

ANDREAS, Calui *Ladislai*, patrui D. *Stephani* filius,
M 2 Hun-

e) De his, videndus eſt, M.
IOH. THYROCZIVS, Chron.
Hung. Parte II. Cap. X. ſeq.
f) *Ouonem*, non plane nulli.
Reuera autem Hungaricum

nomen ABA fuit: quod re-
tinet hodieque, rudus ca-
ſtri, & Comitatus *Aba-Uj-*
váriensis.

ANNVS,
CHRISTIIMPERATO-
RES RO-
mani.

Hungarorum Rex IV. Ann. XII. Ab hoc Hungarica gens, quæ ad Scythicam profanitatem reciderat, iterum ad *Christianam* fidem conuertitur. Bohemos, Australes, & Polonos, tributarios fecit. Bello a fratre *Bela*, ad amnem *Tisiam* victus, moritur, & in *Cænobio Tyboniensi*, iuxta lacum *Balathonem*, quod ipse fundauerat, sepelitur. Ex *Agmunda*, Ruthenorum Ducis filia, genuit *Salomonem*, & *Davidem*: ex pellice vero, *Georgium* suscepit.

1060. *BELA* I. Hungariæ Rex V. *Andreae* frater fuit, a *Boleslao* Poloniæ Rege, in regnum restitutus, regnavit Ann. III. in Oppido *Themefio* moritur, ac in monasterio *Zeg-zardino* sepelitur. Tres filios, *Geysam*, *Ladislaum*, & *Lampertum*, post se reliquit.

Primus, in Hungaria, ex argento monetam signavit, forum & pretia rebus sanxit, mensuras & pondera constituit.

HUNGARI, iterum in religione claudicant.

1063. *SALOMON*, *Andreae* filius, Rex Hungariæ VI. Is, cum a *Bela* Regno exactus fuisset, ab Imperatore, affine suo *Henrico*, magna strage copiis *Bela* fufis & disiectis, in regnum reponitur. Regnat ann. XIII.

1064. *SALOMON*, anno secundo regni sui, *Albæ* Regiæ coronatus, *Geysa*, *Ladislaus*, & *Lampertus*, Duces Hungariæ, ad *Boleslaum* Regem Poloniæ fugiunt.

1074. Bellum inter *Geysam* & *Salomonem*. *Henricus*, pulso *Salomoni*, frustra auxilia tulit; victoria, *Geysa*, & *Ladislaus*, Duces potiti.

1075. *GEYSA*, superato & fugato *Salomone* patruo, VII. Rex Hungariæ, annis III. Huius tempore, Hungaria bellis civilibus grauitè afflicta est. Moritur *Geysa*, septimo Calend. Maii, relictis post se, *Colomanno*, & *Almo* filiis, & *Vaciæ*, in templo *Beatæ Virginis*, quod ipse construxit, sepultus iacet. Anno primo regni *Geysæ*, durissima fame, Hungaria laborauit.

1078. *LADISLAUS*, eius nominis I. frater *Geysæ*, VIII. Hungariæ Rex, princeps, fortitudine, pietate, & vitæ sanctimonia, clarus, cognomen *Sancti* accepit. Regnavit ann. XVIII. & menses aliquot.

Dalmatia & *Croatia*, g) Regno Hungariæ adiecta.

CHVNI, seu Rutheni, frequentibus incursionibus Hungariam vexantes, insigni victoria prostrati.

Rutheni, & Poloni, domiti. Ciuitas *Cracouiensis*, Polonorum regia, expugnata.

1082. Templum *Beatæ Mariæ Virginis*, *Varadini* fundatur. *Boleslaus*, regno Poloniæ, in Hungariam excedens,

g) Conferendus omnino est, IOHANNES LVCIVS, de Regno *Dalmatiæ* & *Croatiæ*, Lib.

III. Cap. I. sequ. p. 105. edit. Amstel. 1668. fol. scriptor, fide dignissimus.

at

ANNVS,
CHRISTI

1095.

& ob exilii difficultates, in amentiam lapsus, a canibus suis voratus est.

S. LADISLAUS, Hungariæ Rex, moritur, quarto Calend. Augusti. Varadini, in templo *Beatae Mariæ Virginis*, a se fundato, quiescit.

COLOMANNVS, Geysæ regis filius, Rex Hungariæ IX. atroci & crudeli ingenio præditus, fratrem *Almum*, vna cum filio infante *Bela*, excæcari fecit. A Ruthenis grauer bello superatus. Iste *Colomannus*, primus Episcopus Varadiensis, qui permissu summi Pontificis, deposito sacerdotio, tandem in regem creatus fuisse dicitur. Mortuus est, cum regnasset ann. XIX. completos, & mensem vnum, Albæ Regiæ, Nonis Februar. sepultus. Reliquit post se, *Ladislaum*, & *Stephanum* filios.

Simultas, inter *Colomannum*, & *Almum*, fratres, exorta. *Almus*, priuatus sua dignitate ducali, ad *Henricum* Imperatorem confugit.

Hungariæ & *Poloniæ* reges, fœdus contra Imperatorem feriunt.

Dalmatia, a Venetis, qui eam occupant, erepta, b) & Hungariæ adiecta.

1114.

STEPHANVS II. adolescens, patri *Colomanno* successit superbia, feritate, & crudelitate, patri similis, regnavit annis XVIII. Is a vulgo fulmen dictus, quod omnia subito furore animi, sine consilio & matura deliberatione, aggrediebatur.

1118.

STEPHANVS, Rex Hungariæ X. Roberti Guischari filiam vxorem duxit: cum Cumanis perpetuam pacem habuit: cum Imperatore Constantinopolitano *Calo-Ioanne*, ad Carasum amnem, infelicitèr pugnavit. Abdicato regno, factus est monachus, Agriæ mortuus, & Varadini sepultus.

1131.

1132.

BELA II. filius *Almi*, fratris Stephani, a *Colomanno* oculis priuatus, & ideo *Cæcus* appellatus, XI. Rex Hungariæ. Vir, in consultationibus & deliberationibus acutissimi ingenii, ac iudicii, probitate & sapientia celebris. Regnavit Ann. IX. Mensibus XI. Diebus 12. Ex *Helena*, Comitissæ Seruiæ filia, suscepit filios: *Geysam*, *Ladislaum*, *Stephanum*, & *Almum*.

Post *Borichum*, *Colomanni* regis filium, qui regnum affectabat, memorabili clade profligatum, pie decessit, Albæ sepultus.

1141.

GEYSA II. primogenitus *Belæ cæci* filius, Hungariæ Rex XII. Princeps pius, & humanus, regnavit ann. XX. Mens. III. Genuit filios: *Stephanum*, *Belam*, *Geysam* & *Arpad*. Vicit Teutones, Saxones, & Bauaros, qui *Posonio* occupato, Hungariam populabantur, Eam vero

Decad. I. Monument. II.

N

victo.

b) Idem, inibi, Cap. V. & VI.

IMPERATO
RES RO.
mani,

HENRICVS
V.

LOTHA-
RIVS.

CONRA-
DVS II.

- victoriam, grauiſſima in Hungaria fames ſubſecuta eſt. Mortuus, anno Domini, 1161. in Alba Regali ſepultus. SAXONES Tranſilvani, & ſedes, & privilegia, a Rege *Geysa* acceperunt, ſicut id teſtantur diplomata regia, genti *Saxonica* conceſſa.
- Expediſio magna in Terram Sanctam.
1162. STEPHANVS III. filius *Geysæ*, Hungariæ Rex XIII. Regnavit ann. X. mens. IX. diebus 3. ſine hærede deceſſit. Fuit is Venetis in Dalmatia, & Emanueli Imperatori Conſtantinopolitano, valde infeſtus, contra quos multa geſſit. In Arce *Zemlyen* moritur, ac in templo Strigoniienſi ſepelitur.
1172. LADISLAVS, Belæ Cæci filius, cum anno dimidio regnaſſet, moritur. Huic ſuccedens STEPHANVS, eius nominis IV. frater *Ladislai*, regnat menſibus quinque. Hunc, *Bela III.* frater ſuperioris *Stephani*, bello vincit, & regnat in Hungaria. XIV. Rex, annos XVIII. mens. I. dies 19.
1188. Bellum, inter Polonos, & Hungaros, ob *Vladislaum* Ducem Halicienſem, qui ad *Belam* Hungariæ Regem transfugerat, & ab eodem in Ducatum reſtitutus fuerat.
1190. BELA III. Rex Hungariæ, Calend. Maii. Albæ moritur, ac ibidem ſepelitur. Filios habuit, *Emericum*, & *Andream*.
1191. EMERICVS, Belæ filius, Hungariæ Rex XV. regnavit ann. VIII. Mens. 7. Dies 6. ex Conſtantia, Regis Arragoniæ filia, *Ladislaum* genuit.
1193. Pax perpetua, inter Polonos & Hungaros, firmata.
1200. LADISLAVS, Emerici filius, regnat menſes ſex, coronatus 24. die Septembr. Mortuus, Albam Regiam delatus eſt.
1201. ANDREAS II. Belæ III. filius, XVII. Rex Hungariæ. Hic, ab expeditione in Terram Sanctam, vna cum Imperatore *Friderico II.* & aliis Chriſtianis principibus, aduerſus Babyloniorum Sultanum ſuſcepta, cognomen *Hierofolymitani* habuit. Regnavit annis XXXIV. Ex *Gertrude*, filia *Bertholdi Bauari*, Dalmatiæ & Hiſtriæ Ducis, ſuſcepit: *Belam*, *Colomonnum* & *Andream* filios, & *S. Eliſabeth*, quam *Ludovicus*, Landgravius Thuringiæ, vxorem duxit, ſæminam, a pietate celeberrimam.
1223. CIBINIENSIS Ciuitas, ab *Andrea* Rege priuilegiis donata, & circa hoc tempus adhuc *Villa Hermann* nominata. Ab eodem rege, Hungarica nobilitas, ſuæ libertatis priuilegia obtinuit, & in huius regis conſtitutiones i) omnes Hungariæ reges, tempore inaugurationis, iurare ſolent.

IMPERATOR
RES ROMANI.FRIDERICVS I.
Barbaroſſa.

HENRICVS VI.

PHILIPPVS
Barbaroſſæ Filius
OTTO IV.FRIDERICVS II. Bar-
baroſſæ Filius.

Memo-

i) Abrogatum eſſe, certa ſui parte, & quæ offeſſæ habebat plurimum, notius eſt, quam vt monere ſit neceſſum.

ANNVS
CHRISTI.

IMPERATO
RES RO-
mani.

1228.

Memorable, antiquæ grauitatis & sapientiæ exem-
plum. Post discessum *Andree* regis, in expeditionem
Hierosolymitanam, *Ottbo* frater reginæ *Gertrudis*, venit
in Hungariam, sororis salutandæ gratia. Is, cum ex fa-
miliari consuetudine adamatam coniugem *Bancabani*,
præcipui gubernatoris, cui regni & coniugis, ac libero-
rum curam, rex *Andreas*, demandauerat, vel consensu,
vel ope reginæ, stuprasset; *Bancabanus*, contumeliosam
iniuriam ulturus, reginam *Gertrudem*, iteratis vulneri-
bus obtruncavit. Ab hac cæde, eum *Andreas* Rex, e
Terra Sancta reuersus, publico iudicio absoluit.

1233.

TARTARI primo deuastarunt Regnum Hungariæ.

1236.

BELA IV. *Andree* Hierosolymitani filius, Hungariæ
Rex XVIII. annis 35. probus fuit princeps, sed bella-
tor infelix, Ex *Maria*, Imperatoris Constantinopoli-
tani filia, genuit *Belam*, qui uiuo patre decessit, & *Ste-
phanum*. A BATHI, Tartarorum rege, qui denuo ma-
gnis viribus, Poloniam & Hungariam ingressus, popu-
latione, igne & cæde, omnia late compleuerat, funesta
strage victus, & ad insulas maris Adriatici fugatus est.
Atque ita Tartari, Hungaria triennio potiti; quo com-
pleto, Tartarisque ex Hungaria abeuntibus, *Bela* Rex,
Rhodianorum militum, quos *Crucigeros* vocant, & Fran-
gepannum Comitum auxiliaribus copiis, regno restitu-
tus est. Sepultus *Strigonii*.

CONRADVS
IV. Scius.

C A P V T V.

*A Stephano Primo Rege, vsque ad Deua-
stationem Tartaricam, sub Bela IV. factam,
elapsi sunt Anni CCLVII. tempus dimidiæ
Periodi, valde fatalis.*

1259.

BOLESLAUS rex Poloniæ, metu Tartarorum, in Hun-
gariam fugit.

1260.

Bellum, cum *Ottbocaro* rege Bohemiæ, die *S. Marga-
rethæ*.

1271.

STEPHANVS V. *Belæ* quarti filius, Hungariæ rex
XIX. regnauit ann. II. Bellator felix. *Ottbocarum* vicit;
Budam k) cepit; *Bulgaros*, & vniuersam *Mysiam*, impe-
rata facere coegit. In insula *Budenti* moritur, super-
stitibus liberis, *Ladislao*, & *Maria*, quæ nupsit *Carolo*
Claudo, regi *Siciliæ*.

RVDOL-
PHVS
CÆSAR.

1273.

LADISLAUS IV. qui *Kún László* appellatus est, patri
succedit, XX. rex Hungariæ. Regnauit ann. XVII.

N 2

in-

k) Nihil rei STEPHANO, cum
Buda fuit: quippe patri, si-
bique obnoxia. *Bodum*, Bul-
garorum metropolis fuerat,

quam cepit. Vide, BONFI-
NIUM, Dec. II. Lib. VIII. p.
303, 22.

ANNVS, CHRISTI		IMPERATO- RES RO- mani, & Turcici.
	interfectus a suis famulis, iuxta castellum <i>Kereſzegb</i> , sine hærede decessit, Chánadini sepultus.	
	Tartari iterum Hungariam inuaserunt, omnia, usque ad <i>Pestum</i> , longe lateque vastantes.	
1290.	ANDREAS III. nepos <i>Andree</i> II, cognomento <i>Venetus</i> , eo, quod matre <i>Veneta</i> natus, & <i>Venetiis</i> educatus fuit, Rex Hungariæ XXI. regnavit ann. XII. Austriam, secundo anno regni sui, bello domuit. Mortuus <i>Budæ</i> , nulla post se relicta sobole, in templo <i>S Joannis Euangelistæ</i> sepelitur.	
1299.	Circa hæc tempora <i>Bonifacius VIII.</i> Papa, efflagitantibus Hungariæ principibus, <i>Carolum Robertum</i> , <i>Caroli Martelli</i> , Siciliæ regis filium, nepotem vero <i>Caroli Claudi</i> , & <i>Mariæ</i> , ac pronepotem <i>Stephani V.</i> Hungariæ regis, in Hungariæ regem declarat. Is statim, <i>Venceslaum</i> , Bohemiæ regis filium, & <i>Otthonem</i> Ducem Bauariæ, competitores habuit. Prima fuit hæc perniciēs, & initium mutationis & ruinæ regni Hungariæ.	
1300.		<i>Ottomanus</i> I. Turcar. Imperat. Regnat annis XXVIII.
1302.	VENCESLAUS, quem Hungari <i>Ladislauum</i> appellant, per factiosos quosdam Episcopos, in regem Vngariæ eligitur, regnat ann. III.	ALBERTVS I.
1305.	OTTHO, Dux Bauariæ, a <i>Vesprimienſi</i> & <i>Chánadienſi</i> , Episcopis, apud <i>Albam</i> Rex salutatur. Regnat annis IV. fere.	
1308.	OTTHO, a <i>Ladislao Vaiuoda</i> Transyluano captus, in carcerem coniicitur. Hungari, ob non receptum <i>Carolum Robertum</i> , a Papa <i>Clemente V.</i> excommunicati.	
1310.	CAROLVS I. omnium Hungarorum consensu, rex Hungariæ factus. Regnavit solus ann. XXXII.	
1315.	MARIA, regis Poloniæ <i>Casimiri</i> filia, vxor regis <i>Caroli</i> , in <i>Temesvár</i> mortua, <i>Albæ Regiæ</i> sepelitur.	
1318.	BEATRIX, filia Regis Romanorum, vxor <i>Caroli</i> secunda, eodem, quo regi nupserat, anno, moritur. <i>Varadini</i> sepulta.	
1320.	CAROLVS, Rex Hungariæ, <i>Elisabetham</i> , <i>Vladislai</i> regis Poloniæ filiam vxorem duxit, ex qua <i>Carolus</i> , qui intra annum mortuus, & <i>Ladislauum</i> , quem pater, exacto fere lustro, amisit: item, <i>Ludouicum</i> , & <i>Andream</i> , suscepit.	<i>Orchanes</i> , II. Turcar. Imper. Regnat annis XXII.
1328.		LVDOVICVS Bauarus.
1332.	EXPEDITIO <i>Caroli</i> regis contra <i>Bazaradum</i> <i>Vaiuodam</i> Valachorum, infelix.	
1335.	Conuentus in <i>Vissegrádo</i> , <i>Joannis</i> Bohemiæ, <i>Casimiri</i> Poloniæ, & <i>Caroli</i> Hungariæ Regum.	
1342.	CAROLVS Rex Hungariæ, princeps, pace, & bello felix, posteaquam fines regni plurimum auxisset, adiecta Hungariæ <i>Dalmatia</i> , 1) & <i>Croatia</i> , <i>Bosna</i> , <i>Bulgaria</i> , Ser-	
	1) Vide LVCIVM, de Regno Dalmatiæ & Croatiæ, Lib. IV. Cap. X. sequ. p. 186.	

ANNVS; CHRISTI		IMPERATO- RES RO- mani, & Turcici.
	<i>Serua, Ladomeria, Russia, Comania &c.</i> 16. die Augusti in <i>Vissegrádo</i> , moritur. Inde <i>Budam</i> , postea <i>Albam Regiam</i> , translatus, honorifice & magnifice sepultus est.	
1343.	LVDOVICVS I. Caroli filius, Rex Hungariæ. Regnavit annis XL. mense vno, diebus 22. In finibus Transylvanis Saxones domuit. <i>Alexandrum</i> Vaiuodam Transalpinum, item <i>Moldauos</i> , & <i>Rutbenos</i> , ad præstanda obsequia coegit.	
1350.		
1353.	TARTARI Duce <i>Atlaño</i> , Hungariam & Transylvaniam populantes bello superantur. Dalmaticum bellum. m) Neapolitanum bellum.	I. <i>Amurathes</i> , III. Turcar. Imperat. regnat annis XXIII.
1357.	LVDOVICVS contra Venetos bellum mouet, & plusquam XLM equitum in Italiam ducit, <i>Taruissum</i> obsidet.	CAROLVS IV.
1359.	VENETIS pacem petentibus, <i>Ludouicus</i> humaniter concessit, & vrbes, Marte prius occupatas, pacta pace, eisdem restituit.	
1371.	LVDOVICVS Hungariæ Rex, etiam Poloniæ Rex declaratur, regnat annos XII.	I. <i>Bajazetes</i> , IV. Turc. Imp. reg. an. XXVI.
1376.	Seditione orta, centum & sexaginta Nobiles Hungarorum, <i>Cracouia</i> trucidati.	
1379.	<i>Veneti</i> , iterum a rege Hungariæ, graui bello afflicti. Anno secundo post, pax, inter <i>Venetos</i> , & <i>Ludouicum</i> facta.	VENCES- LAUS Bo- hemus.
1382.	LVDOVICVS, cum <i>Sigismundum</i> , ex <i>Carolo IV.</i> progenitum in filium adoptasset, promissis ei filiæ <i>Mariæ</i> nuptiis, & regno in dotem, adhuc antequam <i>Sigismundus</i> annos pubertatis attigisset, ex hac vita decessit, XI die Septembr. relictis post se filiabus <i>Maria</i> , & <i>Hedwige</i> , quarum illa, <i>Hungariæ</i> ; hæc vero <i>Poloniæ</i> regina facta est.	
1383.	MARIA Ludouici regis filia, Hungariæ Regina annis duobus.	
1385.	CAROLVS Neapolitanus, fraude primatum, regnum Hungariæ occupat. Sed in arce <i>Budensi</i> , vidua <i>Ludouici</i> hunc veneno interim curauit, vt futuro genero, <i>Sigismundo</i> , regnum pacatum traderet. Necem <i>Caroli</i> ultus est, <i>Joannes Horuáth</i> , Banus, qui reginam in aquas demersam suffocauit.	
	NICOLAUS <i>Gára</i> ob fidem erga reginam clarus.	
1387.	SIGISMUNDVS, Caroli IV. filius, Marchio Brandenburgensis <i>Mariæ</i> reginæ maritus, Hungariæ Rex XXVI. regnavit ann. LI. Statim, susceptis ornamentis & insignibus regiis, & nuptiis celebratis, de <i>Joanne Horuáth</i> , parricida, & aliis triginta duobus, apud urbem <i>Quinque Ecclesiensem</i> , supplicium sumsit.	
	Decad. I. Monument. II.	O CROA-
	m) Res LVDOVICI, pro <i>Dalmatia</i> , <i>Neapoli</i> , & cum <i>Venetis</i> gestas, omnium adcuratissime, quia ex Diplomatribus,	& cœuis schedis, descripsit LVCIVS. Loco cit. Cap. XV. sequ. & Lib. V. Cap. I. p. 238.

ANNVS, CHRISTI		IMPERATO- RES RO- mani, & Turcici.
1389.	CROATIAM & Bosnam, <i>Sigismundus</i> suæ potestati subegit.	
1390.	MOLDAVIA domita & recepta, <i>Vaiuoda Stephano</i> iurare coacto, se regi Hungariæ tributum quotannis de more soluturum.	
1392.	Expeditio <i>Sigismundi</i> contra Valachos, qui Turcas euocauerant. Victor rediens, <i>Mariam</i> vxorem mortuam inuenit.	
1395.	SIGISMUNDVS, cum Turcis ad <i>Nicopolim</i> (quæ monumentum est victoriæ, quam <i>Trajanus</i> de Dacis deuictis retulit) in vigilia <i>S. Michaelis</i> , infelicissime, ob <i>Gallorum</i> leuitatem, petulantiam, & insolentem præripiendæ pugnæ cupiditatem, confligit, & accepta ingenti clade, per Danubium paruo nauigio traicit, & fuga elapsus, primo <i>Constantinopolim</i> , deinde <i>Rhodum</i> , demum <i>Dalmatiam</i> , <i>Croatiamque</i> peruenit.	
1399.	SERVIA, & <i>Valachia</i> , Mahometi Imperatori facta tributaria.	
1400.	LADISLAVS, ex Apulia, in regnum Hungariæ euocatur.	RUPERTVS.
	<i>Sigismundus</i> , regnum repetens capitur, & in castro <i>Soklós</i> , ad exquisitam corporis pœnam custodiendus, feminae viduæ, cuius maritum, e nobili <i>Garaorum</i> familia, inter factiosos supplicio affecerat, traditur.	
1402.	SIGISMUNDVS, e vinculis placato, promissis amplissimis iratæ viduæ animo, diuinitus liberatur, & in <i>Morauiam</i> deducitur, nec multo post recepto præfidiisque firmato regno, <i>Stephanum Vaiuodam</i> autorem coniurationis, capitali supplicio afficit.	I. Mahometes, Turc. V. Imper. reg. an. XIV.
1408.	PANNONIAE, & Apuliæ regna, variis procerum cædibus turbantur.	
1410.	SIGISMUNDVS Rex Hungariæ, in Ruperti Imperatoris Germani successorem creatur, imp. ann. XXVIII.	SIGISMUNDVS.
	STEPHANVS, Valachiae Princeps, Alexandro succedit.	
1412.	Pax inter <i>Sigismundum</i> , & <i>Jagellonem</i> Polonum facta.	
1416.	SIGISMUNDVS Imperator, conciliandæ pacis causa, tam Francorum, quam Anglorum regem, sed frustra conuenit.	
1419.	ALEXANDER, Moldauiae Vaiuoda, regi Poloniæ fidelitatem iurat.	II. Amurathes Turc. VI. Imper. reg. an. XXXI.
	SIGISMUNDI Imperatoris & Jagellonis conuentus, vbi bellum in Cruciferos Prussiæ conclusum & resumptum.	
1421.	SIGISMUNDVS Imperator, Pragam obsedit, qua relicta in castro <i>Sancti Venceslai</i> , coronam regni Bohemiæ accepit.	
	Eodem anno, <i>Amurathes</i> Turcarum Imperator, terram Bar-	

ANNVS
CHRISTI.

Barcensem n) deuastat, senatum *Coronensem* abducit, re-
siduo populo, in arce *Coronensi*, seruato.

Stephanus Lossonezius, in regione *Transalpina*, in præ-
lio contra *Danum Vaiuodam* cadit.

1432.

Idem *Turcarum* Imperator iterum terram *Barcensem*,
& urbem *Coronensem*, ferro & igne populatur.

1433.

SIGISMUNDVS, ab *Eugenio IV.* Papa, Imperiali Corona
donatur.

1437.

SIGISMUNDVS, in vrbe *Morauiae Znoyma*, IX. die De-
cembr. annum agens septuagesimum septimum, placide
decessit: anno imperii XX. regni *Hungarici* LI. regni
Bohemici XVII. Cadauer, regio apparatu, *Varadinum*
translatum, & ibi honorifice sepultum est. Coniuges
habuit duas: prima fuit *Maria*, *Ludouici* regis *Hunga-*
riae filia, quam amisit primo a nuptiis anno. Altera
Barbara, *Hermani* Comitis *Ciliae* filia, profligatissimæ
impudicitiae & lasciuiae femina. Ex ea vnicam filiam
genuit, *Elisabetham*, hæredem regni, quam *Alberto Au-*
striaco, desponderat.

1438.

ALBERTVS *Austriacus*, gener *Sigismundi*, cum Impe-
rio Romano, simul duo potentissima regna, *Hungari-*
cum, & *Bohemicum*, anno vno, obtinuit, *Alba*, Calendis
Januariis, *Hungariae* Rex salutatus, imperat annum I,
mensis VIII.

Sabesus, Ciuitas *Transyluaniae*, ab *Alba Julia* vrbe ve-
tustissima, stadiis distans XXXII, a copiis *Amurathis*
obsessa, capitur. Vastata tunc est ferro & igne, *Hun-*
garia, *Bosnia*, *Albania*, *Gracia*, *Valachia*, & *Transyluania*,
quam plurimis in tristissimam captiuitatem abductis.

1439.

ALBERTVS Rex *Hungariae*, ex perniciofa dissenteria,
in quam ex nimis assiduo peponum esu inciderat, non
procul a *Strigonio*, in festo *Simonis & Iudae*, decessit, re-
lictæ *Elisabethae* coniuge grauida.

1440.

LADISLAUS, Alberti filius, 22. die Februarii *Comorae*
nascitur, & vix quatuor mensium infans, per Archi-
episcopum *Strigonensem*, in *Hungariae* regem, coro-
natur. Eodem quoque tempore, scissione procerum
Hungariae, in partes facta, *Vladislaus*, rex *Poloniae*, in
Hungariae regem eligitur. Regnat ann. IV. Ea res in
bellum graue & perniciosum erupit; parte procerum
Vladislaum deposcente, nonnullis vero, reginae, & regis
posthumi, partes tuentibus.

Eodem anno, *Amurathes*, superiorem *Myfiam*, quam
nunc *Rasciam* vocant populatur, & *Theffalonica*, *Ve-*
netis per vim adempta, in *Aetoliam* & *Epyrum*, castra
mouet.

O 2

JOAN-

n) Prouinciola est, *Corona* vrbi
confinis, ab annonae fertili-

tate, opportunitatibusque
aliis, celebris.

IMPERATO-
RES RO-
mani, &
Turcici.

ALBERTVS
II.

FRIDERI-
CVS III.

ANNVS
CHRISTI.
1442.

JOANNES Hunyades, Comes Bistriciensis, & Vaiuoda Transylvanus, pater *Matthiae* regis, cum *Amuratbe*, qui Belgradum, seu Albam Græcam, prius Taurunum dictam, & ad Danubii & Sauis fluentia sitam, obsederat, configit, & eum magna clade afficit; *Seruiam*, *Bulgariam*, & *Moldauiam* recipit. In eo bello Hunyades, uno & eodem die quinquies, cum Turcis congressus, quinque victoriis, sextam quoque addidit, sub noctem *Anatoliae Bassa*, cum triginta millibus Turcorum, ad internecionem caesis.

IMPERATO-
RES RO-
mani, &
Turcici.

1443.

HUNYADES in Transyluania, *Bassam Mezetum*, circa villam S. Emerici, & *Bassam Sabatinem*, circa Vaskapu, fundit.

Terræ motus, Hungariam, Poloniam & Bohemiam concutit.

Carambeius, quem Hunyades in bello ceperat, precio quinquaginta millium ducatorum redemptus, dimittitur.

AMVRATHES, tot acceptis cladibus, a *Vladislao* rege Hungariæ pacem petit, quibus victor vellet conditionibus. *Vladislaus* præscribit condiciones, ut *Amurathes* cedat tota *Seruiam*, præsidia ex arcibus & oppidis, quæ adhuc tenebat, deducat, reddat *Georgio Despotæ*, liberos & fortunas ereptas, omnibus iniuriis deinceps abstineat, neque *Moldauiam*, neque amissam *Bulgarie* partem, repetat. *Amurathes* solam sibi *Bulgariam* integram relinqui petit. Qua concessa, pax, in annos decem, conclusa, & iureiurando sancita est.

1444.

Pax inter *Vladislaum*, & *Amurathem* facta, rumpitur. Nam *Julianus Cesarinus Cardinalis*, & *Eugenii* Papæ legatus, ad regem, sacri belli suadendi causa, a Pontifice missus, audiens inducias cum Turca factas esse, persuadet *Vladislao* regi, ut cum Turcis percussa fœdera disrumpat. Non posse enim cum Turca, tanquam totius Christianitatis hoste pacem fieri, sine consensu Papæ, & nulla omnino esse vincula, quæ Christianos obstringant, ut infidelibus fidem seruare teneantur. Sperabat autem legatus Pontificius, Turcas facile vinci posse, cum *Vladislaus*, & Hungarorum, & Polonorum copiis esset instructissimus. *Vladislaus* itaque *Julianum* audiens, fœdus violat, fidem fallit, & exercitum octoginta millium militum, contra *Amurathem* ducit, ad *Varnam*, *Bulgarie* urbem usque, quæ ab antiquis *Dionysiopolis* vocata est, & ibi subsistit; etiamsi *Hunyades*, qui populi sui vires, & Turcarum potentiam satis perspectam habebat, bellum vehementer disuaserit. Fertur quoque, *Draculam*, *Valachie* *Vaiuodam*, *Vladislao* auxilia petenti, bellum disuasisse, & per filium suum, quem cum viginti mille equitibus auxiliatum miserat, *Vladislao* nunciasse,

ANNVS
CHRISTI.

ciasse, donare se ei acrem & velocissimum equum, qualem item & filio dedisset: se enim non cogitare aliud, quam vincendos & feriendos esse eos; ideo, ad manum habendos esse hosce equos, ut urgente necessitate, equorum celeritate, periculum euadant. Hunyades, regis exercitum o) disponit. Eductis X. die Nouembris utrinque copiis, totos tres dies & noctes, ancipiti fortuna pugnatum est, & iam victoria ad Christianos inclinante, *Varadiensis* & *Strigoniensis* episcopi, fugientem hostem intempestiuus secuti, deserta statione sua, Turcis aditum perrumpendi castra regia præbuerunt. Et quamuis Christiani strenue se defenderent, trucidatis Turcis quamplurimis, tamen Turcæ, multitudine superiores vicerunt.

VLADISLAVS Rex iuuenis, post acerrimam pugnam, equo prolapsus, interficitur. *Julianus Cardinalis*, in fuga quoque occiditur. *Hunyades* per montes, paludes, & silvas inaccessas fugiens, euasit. Facta est hæc strages in *D. Martini profesto*, scilicet X. die Nouembris, cum maximo totius Christianæ Reipubl. detrimento.

1445. LADISLAVS, Alberti Romani Imperatoris filius, regno Hungariæ præficitur; sed in tenella adhuc ætate, *Joannem Hunyadem*, tutorem accipit.

1448. Pugna Vaiuodæ Joannis Hunyadis in *Campo Merula*,
1450. Hungaris *Rigómezô* vocato, circiter festum *S. Lucæ* Evangelistæ.

1452. Athenæ, per Mahometem, solo æquatæ.

1453. Constantinopolis, post longam obsidionem, a Mahomete, filio Amurathis, XXIX. die Maii capitur.

1456. JOANNES Hunyades, strenuus totius Reipubl. Christianæ propugnator, *Mahometem*, Amurathis successorem, a Belgradi obsidione, VI. die Augusti, fortissime depulit, fuis circiter *quadraginta mille* Turcarum, ubi victor *Hunyades*, ex continui duarum dierum prælii laboribus, in aduersam valetudinem coniectus, X. die Septembris, placide *Zemlini* moritur, relictis post se, *Ladislao*, & *Matthia*, filiis.

Joannes Capistranus, Hunyadis, in propugnando *Belgrado* collega, monachus minorita, a Papa *Nicolao*, in Germaniam & alias regiones, ad prædicandam obedientiam missus, ut suæ doctrinæ auctoritatem faceret, ludos, aleam, conuiuia, saltationes &c. prohibuit. Ob quam seueritatem, & alios insignes actus, a multis pro sancto

Decad. I. Monument. II.

P

DEI

o) Fertur, Agriensem Episcopum, virum acrem & militarem, *Hunyadyo*, castra curribus præmuniendi, identidem dictitasse: non curru-

bus, sed curribus, præmuniri aciem oportere; Lacedæmonios æmulaturus, quibus viri, pro muris erant.

IMPERATO-
RES RO-
mani, &
Turcici.

II. Maho-
metes,
Turc. VII.
Imp. reg.
annos
XXXII.

ANNVS CHRISTI.	DEI homine habetur, etiam hoc anno moritur, in oppido <i>Vjlak</i> sepultus.	IMPERATO- RES Ro- mani, & Turcici.
	VLRICVS, Ciliæ Comes, a <i>Ladislao</i> Comite, Joannis Hunyadis filio, in Albenſi arce obtruncatur.	
1457.	LADISLAUS Rex Hungariæ, annum XVIII. ætatis ingreſſus, dum ſe ad nuptias parat, <i>Pragæ</i> , veneno extinguitur, anno coronationis ſuæ, decimo ſeptimo.	
1458.	MATTHIAS Hunyades, alias Coruinus, Rex Hungariæ XXXI. electus & declaratus. Regnat annis XXXIII. Corinthus hoc anno a Turcis capta.	
1460.	Ingreſſus MATTHIÆ regis in Moldauiam.	
1462.	DRACVLA, Vaiuoda Tranſalpinenſis crudeliſſimus tyrannus, per regem <i>Matthiam</i> capitur.	
1463.	MAHOMETES II. ſuperiorem Myſiam & Illyricum adgreſſus, <i>Stephanum</i> regem, vrbe <i>Juicza</i> , totoque regno expulit, & viuum excoriauit. Sed Boſnenſe regnum, vna cum vrbe, paullo poſt, <i>Matthias Coruinus</i> , Hungariæ regnum adeptus, fuſo, fugatoque ingenti exercitu, qui venerat populatum Sirmienſes agros; item multa alia in vicina Croatia & Dalmatia, prius a Turcis occupata, recepit, & Mahometem reuerſum ad alteram obſidionem, caſtris atque impedimentis omnibus exutum, repulit.	
1464.	MATTHIAS Coruinus, <i>Alba Regali</i> , in frequentiſſimo, omnium Procerum & Magnatum conuentu, circa diem Paraſceues, regio diademate coronatur.	
1465.	MICHAEL ORSZÁGH, ſapientia, fide, & militaris rei peritia, & ſingulari in rebus agendis felicitate celebris, in generali optimatum regni Hungariæ conuentu, <i>Szegedini</i> celebrato, a rege, Palatinus declaratur.	
1466.	MATTHIAS Rex, ob rebellionem, autore quodam <i>Benedicto Vöröſs</i> , tentatam, & quia <i>Joannes Comes de S. Georgio</i> , Vaiuoda Tranſylvanus, a rebellibus Tranſylvanis in regem ſalutatus erat, Tranſylvanos inuadit, eos grauiſſime puniturus; ſed <i>Joannes Comes</i> , & reliqui totius Tranſylvaniæ primarii iudices, <i>Matthiæ Regi</i> occurrentes, & ſupplices facti, veniam & gratiam impetrant. Eodem anno, <i>Stephanus</i> , Moldaviæ Vaiuoda, ad Turcas deficit, a Mahomete totam <i>Moldauiam</i> regendam, ſub tributo ſuſcipit, & urbem <i>Kilia</i> , quæ veteribus <i>Achillea</i> fuit, excluſis Hungaris, occupat.	
1467.	Tranſylvaniæ rebus pacatis, MATTHIAS Rex, cum <i>Michaele Országh</i> , regni Palatino, <i>Stephano Bâtory</i> , <i>Nicolao Bánffy</i> , cæterisque magnatibus, rebellantes Moldauos, iuxta oppidum <i>Moldvabánya</i> , atrociffimo prælio adoritur, in quo conflictu rex, circa ſpinam dorſi, ſagitta ſauciatus, de loco certaminis, in lectica elatus eſt. Anceps aliquamdiu fuit victoria. Cæſa Moldauorum ſeptem millia,	

ANNVS
CHRISTI.

millia, atque ita *Stephanus*, ad fidem & obedientiam præstandam, adactus.

IMPERATO-
RES RO-
mani, &
Turciei.

1468.

MAHOMETES, in celeberrimo Hungarorum conuentu, per legatum suum, inducias petit. In eo conuentu, de bello duplici, altero contra Turcas, altero contra Bohemos suscipiendo, deliberatum est.

MATTHIAS Rex Hungariæ, bellum Bohemis & Morauis illaturus, exercitum suum, circa oppidum Austriæ *Laua*, in loco paludinoso collocat, cui *Georgius Podzebradszky*, Bohemiæ rex, cum numero peditum & equitum satis magno, obuiam procedit. Tractatum ibi de pace fuit. Bohemus deinde fame premente, campum deserens, re infecta domum reuertitur.

Morauia, Silesia, & Lusatia, prouinciæ, regno Hungariæ adiectæ.

1469.

MATTHIAS, Olomutii, quæ est metropolis Morauie, in Regem Bohemiæ, & Marchionem Morauie, coronatur.

STEPHANVS Vaiuoda Moldauie, Matthia rege, rebus Morauie & Silesie occupato, cum mille octingentis equitibus, Transyluanie fines populatur; & *Petrum*, suum aduersarium, qui patrem eius occiderat, & quem rex *Matthias*, in ora Transyluanie fouebat, intercipit, & capite truncat.

1470.

GEORGIVS Podzebradszky, rex Bohemiæ, moritur. Huic, *Vladislaus*, filius *Casimiri* regis Poloniæ, in Cuthna vrbe rex salutatus, substituitur. Ea res occasionem præbuit, vt *Matthias*, Hungariæ rex, hoc anno, bellum septennale cum Bohemis, ob regnum Bohemiæ, feliciter adgrederetur.

1471.

CASIMIRVS, *Casimiri* Poloniæ regis filius, per factiosos quosdam episcopos, ac proceres, rex Hungariæ declaratur; *Nitria*, a Matthia rege obsidetur, & tandem, per nuncios impetrata salua abeundi licentia, in Poloniam regreditur.

1472.

Poloniæ fines, crebris Hungarorum incursionibus, ob Hungariæ regnum, a *Casimiro* Polono affectatum, longe lateque vastantur.

1473.

VARADINVM, per Turcas deprædatum & vastatum.

1474.

STEPHANVS, Comes de *Zápolya*, ob res in bello Bohemico & Polonico, præclare gestas, *Trentschinio*, a Matthia rege, donatur.

1475.

Pax, inter *Matthiam* Hungariæ, & *Ladislaum* Bohemiæ reges, die XII. Febr. firmata, his conditionibus; vt *Ladislaus*, pars *Silesie*, quæ Bohemiæ & montibus *Sudetis* adiacet, & vtraque *Lusatia* accederent. Reliquam *Silesiam* & *Morauiam*, *Matthias* possideret; sed ea cautione, vt, si absque masculo hærede decederet, rediret ad *Ladislaum*. Si gigneret hæredem, liberum esset *Ladislaus*,

ANNVS,
CHRISTIvel illi relinquere prouincias, vel eas redimere *ducentis millibus* aureorum.IMPERATO-
RES Ro-
mani, &
Turcici.

1476.

BEATRIX regina, *Matthiae* regis sponsa, filia vero *Ferdinandi* regis Apuliae, per Rudolphum Vratislauensem, & Joannem Varadiensem, Episcopos, & Joannem, Ducem Opoliensem, & cæteros in comitatu sexingentorum equitum, in Hungariam deducitur, & *Alba*, in die *S. Lucae* Euangelistæ, coronatur. Inde Budam, ad nuptiarum solennitatem, magna pompa proficiscitur.

1477.

MATTHIAS, Hungariæ Rex, Austriam, & Stiriam ad Bauariam vsque vastat, & Bohemiæ coronam, Imperatori Friderico III. extorquet.

1478.

MATTHIAE Regi, a Papa & Venetis, stipendia & pensiones, ad expeditionem contra Turcas antea collatæ, negantur: paullo post, Turcis omnia in ditione Veneta diripientibus, Veneti, destituti Matthiæ regis societate, cum Mahomete fœdus percutiunt.

1479.

STEPHANVS Báthorii, Vaiuoda Transylvanus, *sexaginta quinque millia* Turcarum, in campo *Kenyér*, memorabili clade prostrauit, XIII. die Octobris, quæ est *D. Colmanno*, martyri sacra.

1480.

Turcæ, Rhodum ciuitatem obsident, machinis partes murorum rumpunt, & mœnia conscendunt. Pluribus vero, ex vtraque parte cadentibus, repulsi, cum maximo ditionis illius damno, discedunt, in Apuliæ regnum traiciunt, multam cladem faciunt, & *Hydruntum* ciuitatem expugnant.

1481.

Mahometes Turcarum Cæsar, non sine hausti veneni suspicione, die III. Maii, Constantinopoli moritur, ac ibidem sepelitur, relictis post se filiis, *Bajazetbe*, & *Zolyabo*, quorum ille natu maior, patri in imperio succedit, iste vero in exilio extinctus est.

II. Bajazetes, Turc.
VIII. Imp.
reg. ann.
XXXI.

1482.

Bajazetbes II. Turcarum Imperator VIII. an. XXXI. Pestis grauissima in tota Hungaria grassatur.

MATTHIAS Rex, Hamburgum, in confiniis Hungariæ & Austriæ situm, pridie Calend. Octobris expugnat.

Paullus Kynisy, & Petrus Dóczy, tria millia Turcarum, in campo *Becskereke*, p) victoria insigni, fundunt.

1483.

Pruck, Claustro Neiburgum, Oppidum *S. Hypoliti* & aliæ vicinæ ciuitates, ditionis Austriacæ, iubente *Matthia* rege, a Stephano Dáuidházy, post aliquot mensium obsidionem, capiuntur, & omnis ager Viennensis, ab Hungaris plurimum infestatur.

Turcæ, per Croatiam, circiter 7000. equites, in Carinthiam & Carnioliam excurrunt, omnia ferro & igne vastant,

p) Fuit olim *Becskerek* oppidum Comitatus *Torontbál*: nunc, tota ea regio, *Temesuariensi*

prouinciæ admensa est. Hic ergo quærendus est, Comitatus *Torontbál*.

ANNVS
CHRISTI.

1503.

1506.

1510.

1512.

tum venerat, in angustiis alpium, iuxta *rubeam turrim*, duobus, a Cibinio milliaribus, per pastores caesus.

Turci, castrum *Jaicza* obsidentes, ab Hungaris caesi.

MAXIMILIANVS, Hungaros rebelles, q) capto Posonio, ad suas partes retraxit, & pacem fecit.

Eodem anno, *Ludouicus*, Vladislai Vngariæ regis, & Bohemiæ filius, prima die Augusti nascitur.

MICHNE, r) filius *Draculæ*, ob summam crudelitatem & tyrannidem; regno Transalpinensi pulsus, in ciuitatem Cibiniensem transfugit, vbi, per insidias cuiusdam *Demetrii Jachsith*, sub arcu, iuxta myropolium vrbis Cibiniensis, ex improviso trucidatur, die XII. mensis Martii, festo, *Gregorio Papæ* dicato. *Jachsith* parricida, cum aliis suis complicibus, a ciuibus Cibiniensibus, orta seditione, misere cæduntur.

Michne, in templo *S. Crucis*, fratrum Prædicatorum, honorifice tumulatur, cum inscriptione sequentis epitaphii:

Heu res humana fragili^o quam flamine pendent.

Quam ruit aligero gloria nostra gradu.

Regnabam nuper multo cumulatus honore,

Sede parentali splendida sceptrum gerens.

Militia notus, qua Cynthius astra subumbrat,

Quaque terit gelidum Parrhasis vrsa polum.

Ante meam faciem prouincia nostra tremebat,

Me quoque finitima pertinuere plagæ.

Prædonum fueram domitor, furumque flagellum,

Iustitiam rigide fortiter ense colens.

Christigenis volui sociata iungere signa,

Inque Byzantinos arma mouere lares.

Jam mihi non vires, auri neque copia fului

Defuit, aut quicquid principis aula tenet.

At breuis hora graui mea subruit omnia casu,

Omnia, ceu paleas disiecit aura leues,

Dum mea gens patrio pepulit me perfida regno,

Turcarum immensa concomitata manu.

Cibinium fugi, insignem dum incedo per urbem

Sepositis armis omnia tuta putans.

Irruit hostis atrox, multoque satellite cinctus,

Vitam furtiuo surripit ense meam.

Exoritur clamor, vulgus cita corripit arma,

Horrendique reos criminis ense ferit.

Flebat luctifico populus mea funera planctu;

Sed nequit ad dulcem me reuocare diem.

IMPERATO-
RES Ro-
mani, &
Turci.I. Selimus,
Turc. IX.
Imp. regn.
ann. VII.

Sic

q) Nequiuerunt ita dici Hungari, eo quod numquam, consummato iure, MAXIMILIANO fuerunt subiecti.

r) Relege, supra, OLACHI Hungariani, Cap. XII. §. IV. p. 24.

ANNVS
CHRISTI.

Sic quasi momento volucris cecidere ruina:

Noster bonos, regnum, gloria, robur, opes,
Corpus humo tegitur pius athera spiritus intrat
Et clarum toto nomen in orbe manet. s)

IMPERATO-
RES RO-
mani, &
Turcici.

1514.

THOMAS, Cardinalis Strigoniensis, cum *Selimus*, Turcarum Imperator, bello Persico implicitus esset, suadet, vtendum esse occasione, rei bene gerendæ contra Turcas, ob Imperatoris absentiam, & consulit regi, vt sub signo crucis, exercitus cogatur, qui spe veniæ, pro peccatis admissis, gratis militet. Consilio diuulgato, immensa subito, eaque promiscua ex variis gentibus, multitudo confluit, quæ oblita plane belli Turcici, confestim latrociniis grassari, villas & oppida populari, nobiles & sacerdotes capere, ac exquisitis suppliciis interficere, incipit. Eius multitudinis ducem, se facit quidam *Georgius Zékel*, vna cum fratre suo *Gregorio*, & quodam *Laurentio Pap*. Nobilitas, summo in discrimine constituta, *Johannis Zápoliensis*, Vaiuodæ Transyluani, opem implorat, qui cruciatam multitudinem, difficilimo, & periculossimo prælio, prope flumen *Temes*, ex aduerso oppidi *Temesvár*, ad internecionem delet. Ducem cum fratre, viuum capit, nudum, & catenis vinctum, ac corona ferrea candente, redimitum, equo imponit, & venis incisis, sanguis fratri *Gregorio Zékel*, potandus præbatur: postea, a viginti sociis, tridui inedia maceratis, dentibus laceratur, & deuoratur. *Gregorii Zékel*, & *Laurentii Pap*, corpora, extractis visceribus, frustulatim concisa, verubus affixa, & tosta, militibus comedenda apponuntur. Atque ita, ad vnum omnes, immanibus suppliciis, pœnas seditiosi conatus, dederunt. Ob hanc tumultuariam *insurrectionem*, subditi, nobilibus suis dominis, perpetua rusticitate & seruitute, subiiciuntur.

1515.

JOANNES CEPVSIENSIS, Vaiuoda Transyluanus, a Turcis, ad oppidum *Sarno*, victus.

Congressus trium vicinorum principum: Imperatoris *Maximiliani*; *Ladislai* Hungariæ & Bohemiæ; *Sigismundi* Poloniæ, regum, Viennæ Austriæ, mense *Julio*. Vetera inter hos pacta, sublati omnibus simultatibus, noua comprobatione, & nuptiis, inter liberos, & nepotes, contractis, firmata sunt. *Maria*, Maximiliani neptis, *Ludouico*, *Vladislai* filio; *Anna* vero, filia *Vladislai*, & soror *Ludouici*, *Ferdinando*, nepoti Maximiliani, desponsata, cum certa successionis spe, in regno Hungariæ, si *Ludouicus*, absque hærede masculo, ex hac vita decederet.

1516.

VLADISLAVS, rex Hungariæ & Bohemiæ, Dominica die Palmarum, pie moritur. *Albæ Regali* honorifice sepultus.

Q 2

LVDO-

s) JOHANNES SALIVS, Doctor | Medicinæ faciebat.

ANNVS
CHRISTI.
1517.

LVDOVICVS II. patri, in Hungariæ, & Bohemiæ, regnis, successit, anno æt. X.

IMPERATO-
RES RO-
mani, &
Turcici.

CAPVT VI.

Periodus Regni Hungariæ, hoc anno completa. Ab electione, Diui Stephani regis, in primum Hungariæ regem, quæ facta est, anno Domini 997. vsque ad coronationem regis Ludouici, quæ accidit, anno Domini 1517. completi sunt anni 517. singuli vero, anni 500. regnis iudicantur esse fatales.

Nuptiæ, Sigismundi Regis Poloniæ, cum Bona, ex Arragonum regum, Mediolanensiumque ducum familia.

1518. JOANNES Vaiuoda Transylvanus, Scytulos, qui Siculi vocantur, & concitata tumultuaria seditione, contra coronam regni insurrexerant, insigni victoria reprimunt, & ad obedientiam compellit.

1519. BONA, vxor Sigismundi, regina Poloniæ creatur.

1521. FERDINANDVS Cæsaris Caroli frater, Austriæ Princeps, Ludouici regis Hungariæ sororem, Annam, in matrimonium ducit, nuptiis Lintzæ celebratis.

LVDOVICVS Hungariæ & Bohemiæ Rex, cum Maria sorore Caroli, & Ferdinandi, Budæ, nuptias celebrat.

Alba Græca, alias Belgradum, vel *Nándor Alba*, fortissimum regni Hungariæ propugnaculum, a Solymanno capitur, opere & præsidio munitur.

Moldauia & Transalpina prouinciæ, Turcis eodem anno, tributariæ factæ sunt.

1522. RHODVS, a Turcis Junio mense, magna vi obfessa, septimo tandem mense, die 25. Decembris, deditione capitur.

1523. Terræ motus magnus, in Transyluania, in die festo S. Elisabeth.

Eodem anno, noua in Hungaria moneta cuditur, *Elenkesch* vocata.

1526. LVDOVICVS Rex Hungariæ, agens annum ætatis 20. Solymanno Imperatore, cum ducentis millibus Turcarum, Hungariam ingressus, non expectatis vicinorum, & præcipue Transylvanorum, vna cum Joanne Cepusiensi, Vaiuoda, aduentantium auxiliis, cum exiguis copiis pedum, & equitum viginti quinque millibus, inter Budam, & Quinque Ecclesias, occurrit, & procerum suorum, præcipue Paulli Tomorii, Archi-Episcopi Colocensis, importunis sollicitationibus, ad pugnam compellitur.

Con-

*) Solymannus, vt proximo mense post Carolum V. natus;

ita proximo anno post Carolum, salutatus est imperator.

CAROLVS,
Solymannus *)
Turc. X.
Imp. reg.
annis
XLVII.

ANNVS,
CHRISTI

IMPERATO-
RES Ro-
mani, &
Turcici.

Confligitur in campo *Mohács*. Rex, equitatu & præsidio suo, plane nudatus, prostrato & dissipato vndique, a Turcis exercitu, fugit, & in proxima palude, reflectente se equo, resupinus, cum equi, tum armorum pondere, suffocatur & opprimitur, die festo *Decollationis S. Joannis*. Desiderata sunt in eo prælio Christianorum *quindecim millia*. Ex proceribus vero *Ladislaus Salcan*, *Strigoniensis*; *Paullus Tomory*, *Coloczen*; *Franciscus Perenny*, *Varadien*: Episcopi. *Georgius Cepusius*, frater Joannis *Vaiuodæ Transylvani*; *Ambrosius Sárkány*, *Anthomius Paloczi*, *Thomas Szétsi*, *Joannes Drágffy*, & alii quamplurimi. Regis cadaver, post menses duos, decedentibus hostibus, indicio *Cetriscbi* armigeri, in loco palustri, in riuulo *Cælepataka*, repertum, tumultuario funeris honore, ad *Albam Regalem*, tumulatum est. Atque ita *Buda*, antiqua Hungarorum regum sedes, per deditionem occupata est: ex qua *Solymanus*, pro trophæo *Pannonicæ* victoriæ, tres æneas statuas, *Herculis*, *Apollinis*, & *Dianæ*, in vestibulo regiæ, a *Matthia* rege constitutas, inter cetera sustulit.

1526.

JOANNES de *Zápolya*, Comes *Cepusiensis*, & *Vaiuoda Transylvanus*, *Ludouico* rege miserabiliter extincto, in festo *S. Emerici*, per *Paillum*, *Strigoniensem* *Archi-Episcopum*, & *Stephanum Brodaricum*, præfulem *Vácziensem*, magno præcipuorum procerum, *Stephani Verbóczy*, *Paulli Artándy*, *Gregorii Pesthény*, *Nicolai Glessa*, *Joannis Dóczy* &c. applausu, in festo *Martini*, rex appellatus, & ad *Albam Regalem*, coronatus.

Emericus Czibak, Episcopatu *Varadiensi*, a *Joanne* rege donatur.

1527.

FERDINANDVS *Austriæ* Princeps, & *Maximiliani* Imperatoris nepos, *Ludouici* regis sororem, in matrimonio habens, ex pacto, quod *Maximilianus*, cum *Vngaris*, & *Vladislao* rege fecerat, regnum sibi adferere nititur, & quorundam primatum *Hungariæ* consensu, *Posonii*, rex *Hungariæ* designatur. Ex hac scissione, civilia bella exorta, quibus vires *Hungariæ* conciderunt, & *Turcis* ianua, ad vastandam, & occupandam *Hungariam*, aperta.

FERDINANDVS, ab *Hungaris Alba*, *XXVIII.* die *Octob.* regio diademate ornatus, bellum infert *Joanni* regi, & eundem, ad arcem *Tokay* vincit. *Joannes* rex, superato *Tibisco*, arcem *Germanis* occupandam relinquit. Tunc facta regni *Hungarici* scissio infausta, istis *Ferdinando*, aliis *Joanni* regi, adhærentibus.

Eodem anno, vir *Niger* grassatur, a quo, *Petrus Perenny* *Vaiuoda*, profigitur.

1528.

JOANNES, rex *Hungariæ*, collectis *Transylvanorum*, & *Polonorum* viribus, iuxta *Cassouiam*, castra ponit; *Decad. I. Monument. II.* R sed,

ANNVS,
CHRISTI

1529.

sed, a Valentino Török, copiisque Ferdinandicis, victus, in Poloniam transfugit.

SOLYMANNVS Turcarum Imperator, a Joanne rege, per Hieronymum Laskum Polonum, Vaiuodam Siradiensem, sollicitatus, cum magno exercitu, per Hungariam profectus, Viennam Austriæ, XVII. die Septembris obsidet; sed ob hyemis asperitatem, & inclementiam, soluta obsidione, 15. die Octobr. & amissis amplius octoginta millibus, reuersus, Joannem regem, qui anno superiore, per Ferdinandum, regno eiectus erat, Budæ, regem constituit.

ARADVL Vaiuoda Transalpinen: vna cum filio, per proceres suos, IV. die Januarii, dolose capite plectitur.

Nicolaus de Gerend, Episcopus Transylvanus, Valentinus Török, Comes Temessien: Stephanus Maylárb, consiliarius, & Marcus Pemfflinger, Judex regius Cibirien: iuxta oppidum Meremburg in Barcia, infeliciter configunt, cum Petro, Vaiuoda Moldauix, qui Siculiam & Transylvaniam populatum venerat. Clades ista, XXII. die Junii accidit.

STEPHANVS Báthory de Somlyó, Vaiuoda Transylvanus, posteaquam Segesuárinum, Medyes, & reliquas omnes, in Transylvania ciuitates, (solo Cibirio excepto,) ferro & igne, ad deditionem & obedientiam, Joanni regi præstandam, compulisset, capit castellum in Stoltzemburg XII. die Octobris. Huic fortalicio, Martinus Húnn, alias Kakas, præficitur. Coloni Stoltzemburgenses, ad castellum, intus vallo muniendum, coguntur; sed non plures, quam decem personæ initio, ad opus fabrilis intromissæ; tandem, cum structura tardius procederet, coloni præfecto persuadent, enumeratis prius variis incommoditatibus, se, plures numero, intra triduum, castellum intus vallaturos, & opus perfecturos. Intromissi, rustico stratagemate, V. die Nouembr. præfidiarios castelli adoriuntur, securi obuios quosque trucidant, & omnes, in arce captos, palis affigunt, atque ita castellum recipiunt.

1530.

PETRVS, Vaiuoda Moldauix, prouinciam Barcensem igne vastat, & vrbis Coronnensis fortalicium, in montis cacumine situm, expugnat.

Pestis horrenda, per totam Hungariam & Transylvaniam, grassatur.

MOYSES, Vaiuoda Transalpinus, eodem anno, XIII. die Februarii, sorore sua, Bano Transalpinensi desponsata, præcipuos magnates & nobiles, (quos Bojerones vocant,) ad nuptias inuitat. Conuiuio peracto, eosdem, ob prodicionis notam, capitali pœna afficit. Dragan-tan, & alii, qui nuptiis non interfuerant, Turcicis adductis auxiliis, Moysen regno eiiciunt. Is, in fuga a Siculis spoliatus, Cibirium venit. Postea XVIII. die Augusti, auxi-

IMPERATO-
RES Ro-
mani, &
Turcici.

ANNVS,
CHRISTI

1532.

auxiliaribus copiis, Episcopi Transylvaniæ, & Caspari Horuáth, ac Stephani Mailáth, in regnum restituitur.

SOLYMANNVS Imperator, Belgradum veniens, defle-
xit ad leuam, & oppidum *Günck*, vna cum arce, oppu-
gnare frustra tentat, deinde prædatum emissis, circiter
quindecim mille equitibus, duce *Casson Bassa*, Linczium
vsque, supra Viennam, agris longe lateque vastatis, omne
genus immanitatis exercet; sed in reditu, a *Sebastiano*
Schertel, Germanicarum cohortium duce, ceditur & in-
terficitur *Casson-Bassa*. Cæsar vero, oppidum Styriæ
Gratz petit, inde ad Viennam castra positurus; sed ob
ingruentem hyemem, & *Caroli* Imperatoris aduentum,
mutato consilio, & re infecta, pedem refert.

1533.

Exundationes maximæ per Transylvaniam. Dimidia
pars *Turris Rubæ*, quæ infra oppidum *Talmatsch*, in an-
gustis alpium, fortalicii loco, sita erat, torrentium &
Alutæ impetu, corruit.

1534.

LYDOVICVS GRITTVS, Andreæ Gritti, Venetæ Reipu-
blicæ ducis, filius nothus, Byzantii susceptus & educatus,
comparata, ob summam liberalitatem, & assiduas largi-
tiones, sibi, per *Ibraimum Bassam*, præcipuum apud *So-*
lymannum, gratia quam maxima, eius partis Illyrici, quæ
Venetis est proxima, ac inferioris Hungariæ, cuius ca-
put est Bellgradum, dominus & princeps, constituitur.
Maximo cum apparatu, & splendore, per Hungariam in
Transylvaniam venit, ac ibidem, ob interfectum *Czybak*,
Episcopum Varadiensem, in festo *Venceslai*, die XLVIII.
a nece *Emerici Czibak*, in ciuitate Megyes, vniuersis opi-
bus suis prius misere direptis, trucidatur.

Magna annonæ caritas in Transylvania. Cibinii mo-
dius tritici, tribus & dimidio floreno venditur. Anno
sequente, modius tritici, denariis quatuordecim emitur.

1536.

CASSOVIA, a militibus *Joannis* regis capta, vniuersis
priuilegiis, & tota iurisdictione priuata, præcipuis ciui-
bus & optimatibus in exilium missis, ducem, seu *Capi-*
taneum, supremi magistratus loco, accipit.

1537.

CATZIANER, Octobri mense, Ferdinandi regis exer-
citum, ex Germanis, Bohemis & Hungaris, coactum,
iuxta oppidum *Eszek*, in Comitatu Valkonensi, ad Dra-
uum flumen situm, in tantas angustias traducit, vt in-
edia, & rabie Turcica, magna ex parte omnes concide-
rint, multi in hostium potestatem venerint, pauci vero,
vna cum duce *Catzianer*, fuga salutem quæsiuerint.

1539.

JOANNES rex Hungariæ, Sigismundi regis Poloniæ,
ex Bona regina, filiam *Isabellam*, vxorem duxit.

1540.

JOANNES rex Hungariæ, in Transylvania *Sabesi* mori-
tur.

Eodem anno, *Joannes secundus*, *Joannis* regis Hun-

IMPERATO-
RES RO-
mani, &
Turcici.

ANNVS, CHRISTI	gariæ & Isabellæ filius, VII. die Julii, dimidia hora post quartam pomeridianam, <i>Budæ</i> nascitur: Tutores, fratrem <i>Georgium Monachum</i> , & regni Thesaurarium, & <i>Petrum Petrouitb</i> accipit, Turcaque donis missis, pupillo patrociniū pollicetur.	IMPERATO- RES Ro- mani, & Turcici.
1541.	STEPHANVS <i>Mayládt</i> , Vaiuoda Transyluaniae, a Moldauorum Vaiuoda, sub induciarum pactionibus, perfidiose capitur, & a Turcis, in perpetuos carceres abducitur.	
	FERDINANDVS, Isabellam, Joannis regis vxorem viduam, cum eius filiolo, <i>Joanne</i> , Budæ obsidet; tutores infantis & regni proceres, Turcicum auxilium implorant; <i>Solymannus</i> cum suis copiis, mense Julio, Budam venit; Germani obsidionem, ob aduentum Turcarum, ingenti accepta clade, relinquunt. Turca, missis donis, nunciat reginae, se cupere videre nouum regem hæredem, & eum in castra mitti petit. Deductum in castra puerum, <i>Joannem</i> , cum <i>Solymannus</i> perhumaniter excepisset, & cum valde sibi molestum, & sumptuosum esse diceret, subinde in Hungariam cum exercitu redire, neque reginam, cum suis proceribus, defendi posse affereret, <i>Budam</i> , & <i>Pestum</i> capit, & <i>Isabellam</i> reginam, cum filiolo, in Transyluaniam relegat.	
1542.	JOANNES <i>Statilius</i> , Episcopus Albenfis, moritur. Locustæ in Transyluaniam, maximo numero transuolant, & omnes res, terra nascentes, affligunt.	
	MOLDAVI, circa Coronam, cum Turcis, Transyluaniam deprædatum egressi, cum passim multum damni dedissent, circa <i>Bistriciam</i> reuertuntur.	
	JOACHIMVS Brandenburgicus Elector, in conuentu Ordinum Imperii, Spiræ celebrato, auxiliis, in expeditionem contra Turcas, ab Imperio Romano decretis, præficatur. <i>Pestum</i> obsidione, sed frustra cingitur, & cum plurimus miles, pestis contagione, interiisset, aduersus Turcas, nihil feliciter agitur. In reditu, <i>Petrus Perénny</i> capitur, & perpetuo carcere damnatur.	
1543.	Alba Regalis, Strigonium, Quinque Ecclesiæ, Castrum Valpó, Siklós, cum aliquot vicinis castris & oppidis, in potestatem Turcarum rediguntur.	
	Terræ motus in Transyluania, Dominica <i>Quasi modo geniti</i> notatus.	
1544.	Locustæ rursus, turmatim Transyluaniam peruolant.	
1546.	Hungari, ductore illustri <i>D. Petro Bakytb</i> , bello Saxonico occupantur.	
1547.	ANNA, regina Hungariæ, vxor <i>Ferdinandi</i> regis, ex partu <i>Joannæ</i> , XXVII. die Januarii, moritur, Pragæ sepulta.	
1548.	Expugnatio munitissimæ arcis <i>Murány</i> per milites Ger-	

Rerum Vngaricarum Lib. II. Cap. I.

71

ANNVS,
CHRISTI
1549.

Germanicos, duce supremo Nicolao Comite a Salmis.

Matthæus Basso, rebellis, captus, capite plectitur.

JOANNES HONThERVVS Coronensis, vir, omni genere eruditionis, & morum probitate clarus, restaurator honestarum disciplinarum in Transylvania, XXIII. Januarii, *Coronæ* moritur.

Eodem anno, quinque soles, seu parælia, *Cibinii*, & multis in locis, tota fere die *Fabiani*, & *Sebastiani*, visa.

IMPERATO
RES RO-
mani, &
Turcici.

~~~~~\*~~~~~

*Chronologia rerum Hungaricarum, Transylvanarum, & vicinarum Prouinciarum.*

LIBER SECVNDVS.

CAPVT I.

1550.

**H**ELIAS, Vaiuoda Moldauiensis, cum magna Turcarum manu, in *Ciculiam* erumpens, ingentem tritici, & pecoris prædam, secum abducit. Homines multi, non solum interfecti, sed etiam, in tristem seruitutem, ad quinque millia fere, a Turcis abacti, sub initium brumæ.

Turcæ, iterum erumpunt, circa *Braniczka*, & *Transalpinensis*, circa *Haczak*. Hæ autem, tam crebræ eruptiones, fiebant propter dissidium, inter fratrem Georgium Monachum, & Thesaurarium, ac reginam *Isabellam* viduam Joannis regis.

1551.

*Frater Georgius*, & Thesaurarius, in pago *Báthor*, habet colloquium, cum *Nicolao Graff*, Ferdinandi præfecto, & a Turca deficiens, *Ferdinando*, Transylvaniæ gubernationem offert.

STEPHANVS *Mayládt*, Vaiuoda Transylvanus, a Moldauo, sub induciarum pactioibus, anno Christi MDXLI. perfidiose captus, & a Turcis, in perpetuos carceres abductus, moritur *Galatæ*, ad Constantinopolim.

JOANNES Baptista Castaldus, Italus, quem Cæsar *Carolus V.* vna cum *Sffortia*, & aliis præstantibus viris, in Hungariam miserat, vt *Ferdinandum* regem, & ope, & consilio iuarent, in Transylvaniam venit.

*Isabella* regina, (postquam Germanica præsidia, cum tormentis bellicis, & magna omnis generis armamentorum copia, per Thesaurarium, ad occupandam, & subiiciendam regi *Ferdinando*, Transylvaniam, accersita essent,) cum filio suo *Joanne Sigismundo*, ex Transylvania in Poloniam reuertitur, & pactam prius cum *Ferdinando* rege, summam administrationis, eidem permittit, XVIII. die Julii,

*Felix*, & *Baptista* Comites ab Arch: Augusti mensis die XVII. cum tribus signis militaribus, & *Andreas Brandis* Comes, vndecim signorum ductor, & præfectus, *Cibi-*

*Decad. I. Monument. II.*

S

*nium*



ANNVS,  
CHRISTI  
1551.

*nium* veniunt. Quinque signa equitum Bohemicorum, Hispanorum, & Silesitarum, in Barciam proficiscuntur.

Septembris die XVIII. castellum *Aratba*, & XXI. die eiusdem mensis *Bechkerek*, item XVIII. Septemb. Episcopatus *Chanád*, sine aliqua oppugnatione, a Turcis in deditiorem accipitur.

*Lyppa*, praesidiis destituta, & ex improviso, Turcicis copiis obfessa, ab *Vlmanbek Bassa*, capitur VIII. die Octobris.

*Achmat Bassa*, XVI. die Octobris, *Temesvár*, fortissimum in finibus Hungariae propugnaculum, milite petit, re tamen infecta discedit.

*Lyppa*, auxilio Germanorum & Italicorum, quos *Baptista*, in Transylvaniam deduxerat, & virtute Hungarorum, ac Transylvanorum militum, quos frater Georgius, Andreas Báthory, Franciscus Patochy, & Saxonum universitas conscripserant, Turcis vicissim eripitur, XXVIII. die Nouembris. In vrbe & arce, 4000. Turcarum fuerunt; sed post factam oppugnationem, 2300. desiderati sunt. Portae arcis occupantur, & Germanica, ac Hispanica praesidia imponuntur. *Vlmanbeck Bassa*, cum 300. fere Turcis, a Monacho, saluum conductum impetrans, ex arce discessit; sed in itinere, a Melchior Balassa prohibitus, leuibus aliquot praeliis vtrunque commissis, exiguis copiis, ad suos reuertitur.

BEGLERBEGVS, Solymanni, Turcici Imperatoris consiliarius, supremusque *Capitaneus*, XV. die Decembris, arcem *Beische*, in inferioribus Hungariae partibus sitam, obsidione cingit, & machinis bellicis, tota fere nocte vexatam, mane capit, die XIX. eiusdem mensis.

Frater Georgius *Dalmata*, ordinis Eremitarum Paullinorum, qui ob fidem singularem, a Joanne rege, in Thesaurarium, Episcopum Varadiensem, & post obitum regis, in supremum Locumtenentem filii regii, in Transylvania, electus fuerat, vir magnae in Hungaria auctoritatis, & sub Idus Octobris, a Pontifice Romano, Cardinalis creatus, ob suspicionem Turcicae societatis, & regni affectationem, in arce *Vyncz*, a *Sffortia*, & aliis Italicis militibus, ictu bombardae, u) percutitur, XVII. die Decembris mane, circa horam quartam. Sepultum est cadaver, iam grauitur olens, Albæ Juliae. Pontifex Romanus, de eius nece, quaestionem habere iussit.

1552.

*Szegedinum*, virtute Michaelis Thót, & pastorum, (quos *Hajducos* vocant,) Turcis eripitur, sed cum potita victo.

u) Non *bombarda*, sed gladii ictu, saepius repetito, caesus est Monachus, vti auctor est BETHLEN, Hist. Lib. IV. p. 173. Laudes, & vitia, vi-

ri summi, JOHAN. MICHAEL BRVTVS, Epistolarum Lib. II. Epist. XXII. p. 89. sequ. ad Martinum Berzeuitzium, facunde expromit.

IMPERATO-  
RES RO-  
mani, &  
Turcici.



ANNVS;  
CHRISTI

IMPERATO-  
RES RO-  
mani, &  
Turcici.

victoria nescirent vti, & omnia improuide agerent, a Turca, vicissim oppressi sunt, III. die Martii.

GEORGIVS Comes ab Heluenstein, cum fratre Sebastiano, & decem signis Germanorum militum, XVIII. die Julii, Colosuarinum venit, & ibidem, milites reficiendi causa, octo diebus moram facit, XXIV. Julii. Cum ciues, sese inhumanos exhiberent, neque ab iniuriis inferendis sese continerent, auctores fiunt magnæ seditionis. Ciuitas obsidetur, tormentis bellicis petitur, & multum damni, foris & intus, a Germanis accipit; agnoscens deinde peccatum, & regis copiis cedens, veniam petit, ac impetrat.

TEMESVAR, auxiliis & com meatu carens, ab *Abmaz-Bassa* expugnatur: periit tunc præstantissimus belli dux, *Stephanus Loffonczy*, & *Petrus de Aldano*, quem alias *Kiskampo* vocarunt.

ALEXANDRI Vaiuodæ Moldauiensis copiæ, oppidum *Tartlen*, in Barcia obsident, finitimum agrum populantur, & multa mala dant toti Barciæ. Postea, cum proprius ad arcis mœnia accessissent, vt quæ essent oppidanorum vires, tentarent, magna clade repelluntur.

*Lyppa*, cum a Germanorum, ac Hispanorum prædiis esset deserta, ac noua fama expugnati *Temesvár* percussâ, a Turcis deditione capitur, & recuperatur.

Obsidio castri *Bettlen*, in Transyluania, *Stephano Dobó*, & *Francisco Kendy*, Vaiuodis Transyluaniæ, res administrantibus.

1553.

Inchoata est ordinatio, ministrorum euangelii, in ecclesia Cibiniensi, Superintendente, *Paullo Viener*, pastore eiusdem ecclesiæ vigilantissimo, XXII. die Martii.

*Petrus* PETRASKO, a Solymanno Turcarum Imperatore, fit Vaiuoda Valachiæ, pulso *Myrche*, crudelissimo tyranno: præfuit prouinciæ annis III. mens. IX. & eam satis pacifice rexit. Tandem vero, anno MDLVII. die XXIV. Decembr. in oppido Valachiæ *Bokoresd*, moritur.

HERRELT Bassa, Baly-Bassa, cum Matthia Ordög, ductore exercitus regis Ferdinandi, (quem Germani Erasmus Teuffel nominarunt,) configit, eius vires & copias fundit, & castella Dregell, Gyarmat, Secsént, Holokövet, & alia plura occupat.

AMHAD Bassa, Baly-Bassa, Beglerbek, & Cassonbek Turcarum manu, *Agriam*, insidiis adoriuntur, & XXXVIII. diebus obsident; sed summa *Stephani Dobó*, *Stephani Mechkey*, & oppidanorum virtute repulsi, fugam, non sine magna clade suorum, dare coacti sunt.

FRANCISCVS Stancarus, Mantuanus, Theologiæ & Medicinæ Doctor, ex Regio Monte, nobilissima vrbe Bruffiæ, in Transyluaniam ingressus, primum *Clandiopoli*, spargere



ANNVS,  
CHRISTI

cœpit, impium & blasphemum dogma; *Christum, humani generis Redemptorem, ac Mediatorem esse, non secundum utramque naturam, sed secundum humanitatem tantum*: fundamentum sui furoris constituens, dictum D. Paulli: VNVS EST MEDIATOR DEI, ET HOMINVM, HOMO CHRISTVS IESVS.

IMPERATO-  
RES Ro-  
mani, &  
Turcici.

1554.

Pestis, (cuius semina *Coronæ* primum, sub initium anni MDLIII. deinde *Cibinii*, circa festum Martini eiusdem anni, sparsa sunt,) cum in omnes Transylvaniæ partes, sese effudisset, ibidem crudeliter grassata est.

Nobilis, ac magnæ integritatis matrona *Despina*, relicta *Bassarabi*, *Vaiuodæ* quondam Transalpinensis, peste correpta, *Cibinii* moritur.

1555.

Hoc toto anno, pestis in Hungaria, & Transylvania crudeliter seuit; *Cibinii*, circiter 3200. hominum, mortui sunt.

1556.

Conuentus omnium ordinum regni, x) in oppido *Zékelvársarbely*, vbi præcipue actum est, de suscipienda legatione, ex singulis nationibus, ad regem *Ferdinandum*, & facienda abrenuntiatione.

*Joannes Sombory*, *Ladislaus Kemény*, a nobilibus, ac *Thomas Bomelius*, ab vniuersitate Saxonum, missi legati, Febr. die IX. coram *Ferdinando* rege, *Viennæ* constituntur, & commemoratis Hungariæ, & Transylvaniæ calamitatibus, quas proximis annis, partim a Turca, partim a subitariis, & intercisis auxiliis Germanorum, in Hungariam missis, acceperint. Primum orant, vt via quærat, ne Transylvania, & illæ regni Hungariæ reliquæ, a Republ. Christiana diuellantur; deinde ostendunt, Turcam omnes ineundæ pacis, cum rege, conditiones recusare, nisi Transalpina & alia potiora regni loca, filio regis *Joannis* tradantur. Postremo supplices petunt, vt *Ferdinandus* rex, habita ratione, extremæ necessitatis totius Hungariæ & Transylvaniæ, fieri permittat, quo filius *Joannis* regis, in prouinciam y) introducatur.

*Visus est Cometes*, III. die Martii, circa horam IX. vespert. in vndecimo gradu  $\approx$  coloris fusci turbidi, & ad rubedinem tendentis, motus velocissimi. Martii die V. erat iuxta  $\approx$  partibus 60. ab æquinoctii circulo declinans, toto quadriduo, 75. partibus, ab oriente, in occidentem, & 30. partibus, a meridie, in septentrionem processit, ita, vt deinde supra horizontem manserit. A fine Martii, subsecuta est perpetua serenitas, vsque ad 27. Aprilis, & tantus calor, vt Junio mensi similis esset, illius

mensis

x) Ita, *Zápoliorum* temporibus, ac postea, Transylvaniam adpellabant, eius prouinciæ scriptores.

y) Prolixe, legationem hanc, comitiaque describit, *WOLFG. BETHLEN*, Hist. Lib. IV. p. 195. sequ.



ANNVS,  
CHRISTI  
1556.

IMPERATO-  
RES RO-  
mani, &  
Turcici.

mensis constitutio. Significauit autem astrologorum iudicio, dissidia circa leges, controuersias in causa religionis, & morbos pestiferos, propter colorem, crines, & motum: praesertim in Germania, Pannonia, Asia & Graecia, & Boreales apud nationes.

*Martii XIII.* Legati a *Ferdinando* responsum ferunt; ne posthabito iuramento, quo sese ad perpetuam fidem & obedientiam obstrinxissent, alicuius in regno innouationis auctores esse velint; nullum nouum principem quaerant; nihil in Prouincia tentent, pendente adhuc pacis tractatu cum Turcis, rege Poloniae, & Isabella regina inito, neque peruersis priuatorum quorundam consiliis se patiantur seduci, quo, posthabita regia auctoritate, aliquid suae ipsorum fidei, & pristinae constantiae contrarium faciant.

PETRVS PETROVICH, qui, a rege *Ferdinando* proscriptus erat, propter notoriam rebellionem, ex oppido *Lugas*, communibus procerum suffragiis, in regnum reuocatur. Legati mittuntur ad *Vaiuodas*, *Transalpinensem* & *Moldauensem*, pro impetrando subsidio, ad introducendum filium *Joannis* regis, electi quoque regis insignia, vbique eriguntur.

STEPHANVS DOBÓ, *Vaiuoda Transyluaniae*, & *Ladislavus* \*) nuncius regis *Ferdinandi*, variis argumentis, subditos in officio retinere, conantur, & tam per legatos, quam per litteras, *Saxones*, ad praestandam *Ferdinando* fidelitatem, hortantur.

SOLYMANVS, *Turcarum Imperator*, & eius consiliarii, quos *Ballas* vocant, missis litteris omnes regni status hortantur, vt *Joannis* regis filium, pro vero domino agnoscant, & in regnum reuocent. *Cibiniensibus*, qui soli nondum in nouam principis electionem consenserant, extrema mala, nisi pareant, & *Turca*, & *Vaiuodae*, *Transalpinensis* & *Moldauiensis*, minantur.

SENATVS *Cibiniensis*, missis ad *Petrouich* legatis, fidem & obedientiam, *Joannis* regis filio, nomine vniuersorum *Saxonum*, deferunt, cum his conditionibus; vt nulla praesidia, in aliquam ciuitatem, ante aduentum electi regis, collocentur; vt vniuersa *Saxonum* priuilegia, iura, & collationes regiae, inuiolatae habeantur; vt tormenta bellica regis *Ferdinandi*, *Cibinii* existentia, ibidem relinquuntur, nec vsquam, nisi prius, omnibus rebus in regno bene compositis, abducantur; denique, vt omnium dictorum, vel factorum, hoc tempore innouationis, amnistia, et iniuriarum impunitas, constituatur.

Haec postulata *Cibiniensium Petrouichius*, fide inter-

Decad. I. Monument. II.

T

posita,

\*) LADISLAV Bányffy fuisse, | *Bethlen* auctor est, l. cit. p. 197.



ANNVS,  
CHRISTI  
1556.

posita, & litteris datis, rata & firma se habiturum promittit.

PETRVS *Petrouich*, constituitur locumtenens, vt ipse, vniuersa regni negotia, vsque ad aduentum reginæ Isabellæ, & filii JOANNIS II. administret. Hic Melchiori Balassa Capitaneo committit, vt *Albam Juliam*, ( in qua Paullus Bornemisza Episcopus, partium Ferdinandi erat, ) obsidione cingat: præsidia Moldauorum, ad arcem *Vjvár*, & Bettlen mittuntur, quo excursions militum *Stephani Dobó* prohibeant, donec Alba capiatur.

GEORGIUS *Machkássy*, XXI. die Martii, a *Petronich* locumtenente, *Cibinium* mittitur, vt 300. pedites pixidarios, bombardas & instrumenta, pro suffossione mœniorum, petat. Præbuit ea res occasionem magnæ seditioni in vrbe, cum ciues, contra prius datam fidem, & assecurationem locumtenentis, machinas bellicas postulari, & tantum sibi ipsis præsidia, in tam turbulento regni statu, eripi iudicarent. Pedites mittuntur, bombardas & machinas negant bellicas.

Martii die XXXI. ( quæ fuit feria tertia, a festo Palmarum ) circa horam II. post meridianam, *Cibinium*, metropolis Transylvaniæ, diuersis locis incenditur, & plus dimidia parte ciuitatis, cum tribus monasteriis, conflamat. Postridie eius diei, scilicet prima Aprilis, per quosdam factiosos ciues, mota est seditio, in qua *Joannes Vörös a*) iudex regius, vir grandæuus, ante suas ædes, in publico vrbis theatro, ictu bombardæ, traicitur. Auctores seditionis & cædis factæ, aliqui fuga in Germaniam, ad regem *Ferdinandum* elabuntur, alii tres, habita inquisitione, *Cibinii* XI. die Maii, capite plectuntur. Cadaver *Joannis Vörös*, extra urbem, propter metum noui tumultus sepelitur, ac sedato rerum motu, denuo effossus, in ecclesia maiori, humatur.

CASSOVIA, & Leutschouia, ac aliæ aliquot vrbes vicinæ, circa festum Paschatis, incendiis misere vastantur.

Obsidio *Albensis*, circa festum S. Georgii, soluitur. Præsidia, quæ intus erant, impetrata abeundi incolumitate, & dedita vrbe, ad episcopum discedunt. Copiæ Locumtenentis sub arce *Vjvár*, ad obsidendum *Stephanum Dobó*, mittuntur.

Mensis Maii XXI. die, capitanei Turcici, videlicet: *Dernysbek*, Quinque Ecclesiensis; *Amanbek*, Babocliensis; *Nazbek*, Coppaniensis; & alii: *Zanchagy*, cum suis copiis, castra, ad arcem *Sziget*, in Hungaria ponunt, accessum adimunt, & vicinos, ab omni com meatu suppeditatione, arcent. Die Junii XXI. circa meridiem, Turcæ ad oppu-

a) BETHLENIUS, *Johannem Rufum* vocat, dum iisdem his

*Sigleri* verbis, cladem vrbis, & seditionem describit.

IMPERATO-  
RES RO-  
mani, &  
*Turcici*.



ANNVS,  
CHRISTI  
1556.

IMPERATO-  
RES Ro-  
mani, &  
Turcici.

oppugnandum oppidum accurrunt, & fossas lignis repletas, magnis clamoribus, transcendunt, & quater in oppidum ingressi, quater repulsi sunt; quinto demum incurfu, oppidani in arcem cesserunt. Ita oppidum a Turca capitur, vallum & fossæ exstruuntur, ac signa militaria, ex opposito arcis, eriguntur; sed *Szigetienses*, clanculariam eruptionem facientes, commisso prælio, Turcam repellunt, & vallo, oppidoque eiiciunt. *Aga*, seu Capitaneus Janitscharorum, tunc captus est. Turcarum XXIX. in arcem inducti; ceciderunt hostium amplius DCCC. vna cum *Zanchayo* Coppaniensi. *Achmanbek* Babotiensis vulneratus. Ex *Szigetiensibus*, *Benedictus Thopordy*, Capitaneus peditum, globo traiectus. Ac *Demetrius Moháchy*, decurio, cum aliis XII. occubuit. Julii XXIX. cruentum vtrinque prælium committitur; sed Turcicæ copię, singulari virtute *Marci Horuáth*, arcis *Szigetiensis* Capitanei profligantur. Reliquię exercitus, cum suis *Zanchagis*, sequenti die, re infecta Quinque Ecclesias proficiscuntur.

*Iunii mensis die I.* conuentus, ex trium nationum ordinibus, agitur, in quo, de regina *Isabella*, cum filio adducenda, de pecunia, ad iter faciendum necessaria, & milite præsidario, decernitur. Legationi, ex nobilibus *Franciscus Kendy* præficitur. Ex Saxonibus, *Augustinus Hedwig*, *Joannes Tartler*, *Petrus Renner*, *Stephanus Schefer*, vna mittuntur. Julii die VI. *Collofvarino* egressi, *Leopolim*, quæ est ciuitas Ruffiæ, in confinibus *Moldauię* sita, veniunt, die VIII. Augusti, reginam adeunt, & dicendi data copia, b) quantam ruinam tota *Pannonia*, a Turcicis, & Germanicis prælidiis acceperit, quam cum summo totius patriæ malo, regina, ante annos sex, ex *Transylvania* dimissa sit, quam tragicis ærumnis, arte, & suasu *Fratri Georgii Monachi*, expositi fuerint, ordine recensent. Errati veniam petunt, & vt regina, in *Transylvaniam* redeat, & totius regni, administrationem suscipiat, orant, debitamque fidem & obedientiam, totius patriæ nomine, reginæ offerunt.

ALEXANDER *Vaiuoda* *Moldauię*, ex sua prouincia, per *Rodnam*, in *Hungariam* descendit. PETRVS *Vaiuoda* *Valachiæ*, circa *Brassouiam* egressus, per *Transylvaniam* in *Hungariam* proficiscitur: vbi tandem, coniunctis viribus *Vaiuodæ*, castra ad *Szakmár-Németi* ponunt, & iter, quod alias propter exercitum Germanicum, supra *Tibiscum* vagantem, erat periculosum, venienti reginæ, tutum reddunt. Milites suos, populandi causa

T 2

emit-

b) KENDII orationem, responsum item reginæ, legis

apud BETHLENIVM, p. 200. sequ.



ANNVS,  
CHRISTI  
1556.

emittunt, qui ferro & igne omnia late vastant, & pagos, plusquam 300. exurunt.

ISABELLA regina XXIII. die Septembris *Leopoli* egreditur, & per Hungariam, magno comitatu *Vaiuodarum*, sibi obuiam venientium, Polonorum, Rascianorum, Hungarorum, Transylvanorum, deducta, *Collovarinum* XXII. Octobris, hora secunda postmeridiana, splendido apparatu c) venit. Hic, plus vno mense commorata, cum sese, ex longo itinere refecisset, *Albam Juliam*, proficiscitur, ubi, de pacando regno, & componendis optimatum diffidiis, deliberat.

STEPHANVS DOBÓ, virtute, & rei militaris peritia insignis, partium *Ferdinandi* in arce *Vjvár*, se obsideri, & aliquamdiu, frustra vexari patitur. Pactus deinde cum locumtenente, vt ipse, & sui omnes, ex arce, saluis rebus & personis, tuto abire possint, die XXVIII. Nouembris, ex arce egreditur; sed ex itinere, in Germaniam suscepto, per *Gabrielem Perénny*, iussu reginæ, retrahitur, & quasi contra fidem datam, aliquot bombardas, cum puluere tormentario, auexisset, in arcem *Vjvár* captius, vxor autem, cum infante *Dévam*, custodienda, mittitur. Ipse tamen paullo post, deceptis nocte custodibus, ex vinculis liberatus, ad partes superiores, magna celeritate contendit.

1557.

STANCARVS, apud senatum Cibirniensem, litteris diu intercedit, vt in urbem recipiatur, & aliquem, in vrbe habitandi, locum habeat, sancte promittens, se ciuibus, neque grauem, nec vllius seditionis auctorem, per noua dogmata, futurum. Venit *Cibinium*, cum coniuge & liberis, & ibidem, menses aliquot delitescens, suum illud doctrinæ genus, de *Mediatore*, profitetur. Cum autem quosdam, in suam sententiam pellexisset, vrbe eiicitur. Postea *Claudiopolim* reuertitur, illinc etiam, paullo post extrusus, *Bistriciam* sese contulit. Inde ad *Antonium Kendy* profectus, interdum medicam facultatem exercuit, interdum castra sequutus est.

FRANCISCUS *Bebek*, ampla spe dominandi ductus, partes reginæ potius, quam *Ferdinandi*, sequendas statuit. Venit ad reginam, & cum imbecillum eius ingenium, & pueri regii, intempestiuam adhuc regno ætatem videret, multis verbis initio, sua studia, pericula, & labores, in ipsa reducenda, enumerat. Deinde *Vaiuodatum*, id est summam præfecturam, & arcem *Gyula*, sibi dari petit. Regina autem hominis inconstantiam, & animum ambitiosum, considerans, postulata ipsius reiicit; sed hic ob repulsam passam, indignabundus, *Alba Julia*, ad *Buden-*

c) Ingressus pompam, BETH- | historia comitiorum, ibid.  
LENIVS descripsit, vna cum | p. 201. sequ.

IMPERATO-  
RES Ro-  
mani, &  
*Turcici*.



ANNVS,  
CHRISTI  
1557.

IMPERATO-  
RES RO-  
mani, &  
Turcici.

denssem Bassam, hinc Constantinopolim, ad Solyman-  
num imperatorem, proficiscitur. Vbi primum verba  
facit: *Isabella quidem reginæ regni gubernationem, in aliquot  
annos commendatam; sed nihil muliebri imperio, vel impoten-  
tius, vel alieno magis obnoxium arbitrio esse; altera parte  
orationis exponit; se, communibus optimatum totius Tran-  
sylvaniæ suffragiis, in gubernatorem electum esse, vsque ad iu-  
stam & maturam pueri regii ætatem, & honestam sui con-  
firmationem petit. Cæsar, hominem beneuole excipit,  
vexillum gubernatoris, ipsi confert, & milite præsi-  
dariario, Vaiuodarum, Valachiæ & Moldaviæ, ipsum deduci in  
prouinciam iubet.*

DOGMA, Berengarii, Zuinglii, Caluini, Bullingeri &c.  
de Cœna Domini, diu in Galliis, Italia, & Germania iacta-  
tum, recens in Transylvania spargitur, auctore *Marti-  
no Kalmanchay* claudo, pastore ecclesiæ Debretiensis, &  
*Ludouico Szege-  
dino*, ac *Laurentio Perek*: contra quos, Syn-  
odus Clausenburghi indicta, XIII. die Junii. Ac post  
varias contentiones, confessio, de Cœna Domini ædita,  
ac publice in eam sententiam decretum. Vt singuli  
ecclesiarum Saxonicarum pastores, veram de Sacramen-  
tis doctrinam, in ecclesia Vittembergenſi sonantem,  
& amplectantur, & per omnia retineant, neque vllum  
nouum dogma, in suas ecclesias admittant.

ISABELLA regina, animum & practicas *Bebeky* cogno-  
scens, missa statim legatione, verbis & donis Cæsarem  
placat. *Bebekium*, infidelem & seditiosum esse ostendit.  
Cæsar re intellecta, *Bebekium* magistratu abdicat, & ad  
reginam captiuum reduci iubet. Verum, longa Molda-  
ui intercessionem, *Bebekius*, reginæ reconciliatur, in gra-  
tiam recipitur, domumque in arcem suam reuertitur.

FERDINANDI regis copiæ, quas habebat in agro Cas-  
souiano, crebras excursions in ditionem reginæ faciunt,  
ac aliquot castellis expugnatis, arcem *Munkács* obsident.  
Mittitur contra eos Melchior Balassa, & Franciscus Be-  
bek, cum tumultuario exercitu, & auxiliis, a Moldauo &  
Turca, impetratis. Soluitur obsidio, exercitu Germani-  
co sese, ad tutiora loca Tibisci recipiente. Postea fiunt  
induciæ paucorum dierum, quibus expletis, vterque  
exercitus confligit, ac ab vtraque parte, multis desidera-  
tis, æquo Marte discessum est. Germani in hiberna di-  
scedunt, Balassa cum suis domum redit, Francisko Bebek,  
cum paucis militibus, in Szakmár relicto.

PETRVS PETROVITS Transylvaniæ gubernator, & san-  
guine iunctus regio puero, cum iam annum septuage-  
simum excessisset, *Colloſvárini* XIII. die mensis Octobris  
moritur.

PETRVS, Vaiuoda Valachiæ, XXIV. die Decembris.  
*Decad. I. Monument. II.* V oppi-



ANNVS,  
CHRISTI

oppido *Bokeresd*, non sine veneni dati suspitione, mortem obiit. Magna fit rerum mutatio, in tota prouincia Transalpinensi. Nobiles, cum intellexissent, praefecturam prouinciæ *Myrche*, priori domino collatam esse, & singularem hominis ferociam & crudelitatem, iam pridem experti, in Transyluaniam plurimi, cum suis opibus profugiunt.

*Ultima die Decembris*, ministri ecclesiæ Clausemburgensis, cum *Stancaro* colloquium habent, in quo primi, suarum ecclesiarum sententiam, de *Mediatore*, scripto proponunt, in hanc formam: *Se credere & fateri, IESVM CHRISTVM Filium DEI vnigenitum, verum Deum & Hominem, generis humani Mediatorem esse, non secundum humanam naturam tantum, sed secundum diuinam, & humanam simul.* Huic sententiæ, *Stancarus*, e diametro contrariam, opponit, videlicet: *Christum, nostrum esse Mediatorem, non secundum utrasque naturas, sed secundum humanitatem tantum.* Addit etiam, se non valde dimicare cum quoquam, ratione doctrinæ Communicationis Idiomatum, neque vnquam de ea re disputasse; sed de hoc quærere in absoluto, vtrum diuina natura possit intercedere, supplicare, orare &c. Ad hoc axioma, *Stancarus* responsum accipit, & de Communicatione Idiomatum, ex libello Philippi Melanchtonis, de controuersiiis *Stancari* edito, statim conuincitur. Tandem conclusum, vt mutua scripta, indicio ecclesiarum Saxonicarum in Transyluania, subiiciantur. *Stancarus* indignabundus, Váßárheli-um abitum parat.

1558.

STANCARVS, die XXV. Februarii Váßárhelio, dat litteras ad *Isabellam* reginam, & proceres regni Transyluaniae, quibus hæc capita præcipue tractat: omnibus regibus & principibus, immo toti generi humano, diuinitus commissum esse studium, amplectendi & retinendi puritatem doctrinæ cælestis, iuxta Scripturæ testimonia: *Audi Israel præcepta Domini &c. Primum quærite regnum DEI. Cauete vobis a pseudo prophetis &c.* Ad hæc, mandare DEVM, vt omnes veræ doctrinæ deprauatores, & phanatici spiritus, quales essent *Caspar Helthus*, *Franciscus Davidis*, *Matthias Hebler*, & alii, qui IESV Christo filio DEI, cum patre & SS. aperte bellum indixerint, e medio tollantur. Se igitur hortari, & rogare, vt prædicti, cum suis complicibus, mandato reginæ, & auctoritate gladii, ad iudicium synodale cogantur, suæ hæreseos conuincantur, & iuxta leges puniantur. Iuris diuini esse; vt ipsi cum suis facultatibus comburantur; iure canonico, hæreticos igni, omnia autem ipsorum bona, fisco tradenda esse; iure ciuili, eadem postulari & requiri.

IMPERATO-  
RES Ro-  
mani, &  
*Turcici.*

Myr-



ANNVS,  
CHRISTI  
1558.

*Myrche*, *Vaiuoda* Valachiæ, summa nobilium, ( quos Bayerones vocant ) pestis, ac inauditæ crudelitatis homo, post mortem Petri *Vaiuodæ*, intercessione & precibus *Bustan-Bassæ*, summi consilarii, in aula *Solymani* imperatoris, vicissim Valachiæ prouinciæ præficitur; cuius gubernationem, summa cum tyrannide suscipit XXV. Januarii.

APOLOGIA, aduersus maledicentiam & calumnias *Francisci Stancari*, iussu & voluntate omnium recte docentium, in ecclesiis Transylvanicis, per ministros ecclesiæ *Clausemburgensis*, conscribitur, in qua initio acta colloquii præcedente anno, cum *Stancaro* habiti, summatim recitantur. Deinde, firmis rationibus, doctrinam ecclesiarum in Transyluania, non commentitiam & hæreticam, vt *Stancarus* vociferabatur, sed veram, & voci Propheticæ, & Apostolicæ consentientem esse, ostenditur. Postremo, breuiter & modeste, ad calumnias *Stancari* respondetur.

*Mense Junio*, conspectus est cometa in plaga mundi septentrionali, inter vtramque vrsam, iuxta lucidas stellas, anguis, vel draconis, rutilus, & coloris fere plumbei, naturæ ♀ & ♂. Visus est alius cometes, die VIII. Augusti, cursus velocissimi, ab oriente in occidentem, durauit integro mense.

CLARISSIMVS & doctissimus vir *Philippus Melancton*, deliberatione & voluntate, inclytæ Academix *Vittembergensis*, scriptum, de cœnæ Domini controuersia, die XVI. Januarii editum, ad ecclesias Transylvanicas, sub finem Iulii transmittit.

*Franciscus Némethy*, præfectus arcis *Tokay*, quæ ad confluentem *Tibisci*, & *Bodrog* iacet, die XX. Iulii, Germanicas copias, crebris Hungariam excursionibus molestantes, ad castellum, *Szerencz*, inuadit, & acerrima pugna multis vtrinque desideratis, profligat.

Synodus pastorum ecclesiæ Hungaricæ nationis, in Transyluania I. die Maii, in oppido *Tborda*, agitur: illic contra *Stancarum*, de persona & beneficiis CHRISTI, & contra eos, qui negant veram, realem, & substantialem præsentiam corporis & sanguinis CHRISTI in S. Cœna. Statuitur, vt ceremoniæ ecclesiasticæ, etiam per se adia-phoricæ, quales sunt: introductio nouarum nuptiarum, puerperarum, vsus cereorum, & vestis lineæ, propter disciplinam, & bonum ordinem, retineantur. Mandatur annua ecclesiarum visitatio, & decernitur, vt contumaces, officium non facientes, & ministerio ad quæstum abutentes, ex numero piorum pastorum, secludantur.

FRANCISCVS *Kendy*, cum fratre, *Antonio Kendy* & *Francisco*

IMPERATO-  
RES RO-  
mani, &  
*Turcici*.

CAROLVS V.  
IMPERIVM  
FRATRI FER-  
DINANDO  
RENVNCIAT.  
FERDINAN-  
DVS, IMPE-  
RIVM TRA-  
DITVM,  
XXIV. die  
MAII OCCU-  
PAT.  
CAROLVS V.  
XXI. die  
Septembr.  
MORITVR.



ANNVS,  
CHRISTI

*cisco Bebek*, a regina vocati, quasi cum ipsis aliquid de salute reipubl. tractandum foret, Albam Juliam, vltima die mensis Augusti, veniunt, & ea vespera, simul cum aliis reginæ familiaribus, in multam noctem, læti conuiuantur. Septembris die II. circa horam XII. noctis, ab Hungaricis & Polonicis militibus, duce *Melchiore Balassa*, & *Casparo Pereffit*, ad hoc, a regina clam ordinatis, interficiuntur. *Franciscus Kendy*, in suo cubiculo, acceptis aliquot vulneribus, & lancea traiectus, cadit. *Bebekio*, qui in hospitio *Antonii Kendy* ea nocte latitabat, stanti, per militem *Rascianum*, cervix abscissa. *Antonius Kendy*, podagricus, cum tam tristem cædem ex lecto spectaret, & vt cognitioni se reseruarent, frustra peteret, crebris quoque ictibus, trucidatur. Res quas secum habebant, prædæ militum, ceteræque opes, & bona, *cisco* regio cedunt.

IMPERATO-  
RES Ro-  
mani, &  
*Turcici*.

GEORGIUS Bebek, & Emericus Telekessy, Ferdinandi exercitus Capitanei, XIV. die Nouembris, cum *Veltzembego* munitissimæ arcis *Filek*, quæ in iugis *Carpathi* sita est, præfecto, fines oppidi *Sixó*, & Comitatum *Abaujváriensem* depopulante, hostilibus signis congregiuntur, & progressi ad oppida *Galgócz*, & *Kazon*, *Turcicas* vires, memorabili prælio superant.

1559.

REGINA ISABELLA, sub finem anni LVIII. statim aduersa valetudine laborare incipit, cumque de vita ipsius in tota prouincia dubitaretur, eamque mortuam asseruari diceretur, duas simul virgines, e suo gynecæo, Polonicis iuuenibus desponsatas, in matrimonium elocat, ac sese iis, qui ad nuptias venerant, videndam præbet.

Induciæ vnus anni cum Ferdinandicis. Hoc anno nihil actum est, mediocris enim fuit vbique tranquillitas. Annus tamen iste turbulentissimus fuit insolitis tempestatibus, procellosis ventorum flatibus, crebrisque tonitruis & fulgetris, quæ tantam annonæ caritatem effecere, vt in plurimis *Transylvaniæ* locis, auena homines, pro tritico vsi sint.

ISABELLA, d) Sigismundi regis *Poloniæ* filia, vxor quondam *JOANNIS Vaiuodæ*, regis *Hungariæ*, superstite relicto filio *Joanne II.* *Albæ Julæ*, die XX. Septembris, tempore pomeridiano moritur. Sepelitur ibidem in templo *Michaelis Archangeli*, die VIII. Octobris.

## E P I T A P H I V M.

Non potuit generi virtus præstantior addi,  
Nec donis, quibus hæc diua *Isabella* nitet.  
Edidit infantem *JANI* de sanguine regis,  
Quo duce *Pannonii* secula tuta gerant.

CAPVT

d) Laudes feminæ, ex *JOHANNES*  
*MICHAELE BRVTO*, recitat*BETHLEN*, Lib. IV. p. 211.



ANNVS,  
CHRISTI

## CAPVT II.

IMPERATO-  
RES RO-  
mani, &  
Turcici.*De rebus gestis, sub Johanne Sigismundo,  
Transylvaniæ Vaiuoda.*

1559.

**M**YRCHE, Vaiuoda Transalpinus, princeps crudelis & immanis, die XXV. Decembris moritur, non sine veneni haulti suspicione. Huic successit filius PETRVS.

1560.

Pastores ecclesiarum Saxonicarum, cum magistratu politico dissident, & ei grauius se opponunt, ob iurisdictionis ecclesiasticæ negotium, illi litteris priuilegiis, ab *Isabella* regina impetratis, freti, diiudicationem causarum Matrimonialium, Testamentorum, Tutelarum, Decimarum, iuxta Canones & decreta Pontificia, sibi relinqui volunt. Politici e contra, suis priuilegiis nituntur. Actio, neutris quidquam de iure suo concedentibus, diu protracta est. Tandem, re diu multumque deliberata, inter ambas partes, transactio firmatur, & ita conuenitur; vt iudicium, de casibus matrimonialibus, de gradu affinitatum, & consanguinitatis, & de diuortiis, ad forum ecclesiasticum, pertineat. In ceteris articulis, ecclesiasticæ personæ, litteris suis priuilegiis renuntiarunt.

1561.

In vrbe *Megyes*, iussu Serenissimi Principis Ioannis II. electi regis Hungariæ, die VI. Februarii, disputatio de Cœna Domini, inter *Franciscum Davidis*, & reliquos *Caluini* sententiam amplectentes, instituta, cum ministris, & pastoribus ecclesiarum Saxonicarum, illic per aliquot dies vtrinque, res, magna contentione fuit, multisque scriptis, agitata. *Franciscus Davidis*, cum suis complicitibus, *Zuinglii*, & *Caluini*, aliorumque opiniones sequuti sunt: *Corpus & Sanguinem CHRISTI spiritualiter, non corporaliter, nec ore, sed corde, seu fide sumi.* Saxones, *Lutheri* sententiam, & *Augustanam Confessionem*, probarunt. Acta huius disputationis, & ambarum partium scripta, ex principis decreto, præcipuarum Germaniæ Academiæ iudiciis, & censuræ subiiciuntur. Durauit hoc diffidium aliquot annis, studiis hominum huc illuc inclinantibus.

*Szkalka* castellum, a militibus *Ferdinandi*, obsidione capitur, & succensa arce, præsidiariisque omnibus interceptis, solo æquatur, mense *Februario*.

*Ecclesiæ*, & *Reipublicæ Saxonicæ*, die X. Octobris, ad *Vittembergensem*, *Lipsiensem*, *Rostochiensem* & *Frankfordiensem* ad *Oderam*, & reliquas *Saxonie*, *Mysniæ*, & vicinarum regionum academias, legatos suos: *Nicolaum Fuchsum*, *Georgium Christianum*, & *M. Lucam Vn- gleich*, in negotio articuli, de Cœna Domini, mittunt, &

Decad. I. Monument. II.

X

de



ANNVS,  
CHRISTI  
1561.

de sua, & aduersariorum sententia, academiarum iudicia petunt.

JACOBVS Heraclydes Basilius, Despota, qui se insularum, Sami, Phari, & Dorydis, verum hæredem, & dominum regni Moldaviæ, atque Palatinum finium terræ Transalpinensium, ac vindicem libertatis patriæ scripsit, collecta hinc inde, non vltra MDC. virorum manu, Moldaviam prouinciam adoritur, ac XVIII. Nouembris iuxta villam *Verbyt*, septem milliaribus a Socziouia, Vaiuodarum regia distantem, cum *Alexandro* concreditur. Alexandrum Vaiuodam, principatu & regno eiicit, qui initio ad oppidum *Jaas*, inde ad *Hús*, tandem *Kyliam*, & Constantinopolim vsque profugit.

OLCZOVA, ad fluuium Szomos, non procul vbi Zomos in Tibiscum influit, castellum & oppidum, a militibus *Ferdinandi* obsidione cingitur, & secunda die Ianuarii capitur.

DESPOTA, Vaiuoda Moldaviæ, in feriis Epiphaniarum, diademate regio, cum maximo omnium prouincialium & optimatum applausu, & lætitia coronatus est, & vocatus JOANNES. Neque vlli Vaiuodarum ante ipsum permissum est, vt corona vteretur. Primus quoque hoc anno, *taleros* argenteos, in ea prouincia, cudi fecit.

*Melchior Balassa*, copiarum regiarum in Hungaria, supremus Capitaneus, dum castellum *Olczoua*, a Germanis occupatur, in oppido Szakmár cum exercitu hybernat, & mense Ianuario, a Joanne II. rege Hungariæ, ad partes *Ferdinandi* deficit, Szakmár, Riuulos Dominorum, & alia oppida, & castella vicina, pro se occupat, & milite præfidiario munit.

MICHAEL *Gyereöffy*, nona die Ianuarii, & post hunc Iacobus Pockay, die X. eiusdem mensis, cum mandatis regiis, *Cibinium* veniunt, & significant: Germanos castellum *Olczoua* obsidione cepisse; *Balassium* defecisse; regem petere præsidia, tormenta, & bellicos omnis generis apparatus. *Cibinii*, & in reliquis vrbibus, milites conscribuntur, & ex pagis, tertius quisque in expeditionem bellicam, vna insurgit. *Sabesus* occupatur, collocatis ibidem Nicolao Orbay, & Stephano Kessereö, cum aliquot regiis cohortibus. Ipse princeps, cum reliquo exercitu, *Dyód*, & *Letha*, quæ erant Melchioris Balassii, in Transyluania, castella obsidet.

LEGATI ecclesiarum Saxonicarum, in celebriores Academias, in negotio religionis missi, die XII. Ianuarii redeunt, ac iudicia, partim ad serenissimum principem JOANNEM II. partim vero ad ecclesias, & Respubl. Saxonicas, ab Academiis scripta, vna adferunt. Per ea Academiarum iudicia, confessio ecclesiarum Saxonicarum, reti-

IMPERATO-  
RES Ro-  
mani, &  
Turcici.



ANNVS,  
CHRISTI  
1562.

retinens τὸ 'PHTON, seu proprietatem verborum institutionis Cœnæ Domini, & in argumentis, ab vnione personali, & omnipotentia filii DEI sumptis, simpliciter acquiescens, vt vera & orthodoxa approbatur. Præstigiæ vero, & sophismata aduersariorum, immensurabilem Christi virtutem, disputando inquirere conantium, plane damnantur.

*Dyód*, castellum Melchioris Balassii, die IV. Februarii deditionem facit. Augustinus Nagy, Nicolaus Zegedy, & Balthasar Horuáth, eius loci præfecti, a principe, saluam & liberam, cum vniuersis rebus suis, abeundi facultatem, impetrant. Castellum funditus diruitur, & solo æquatur.

LETHA, alterum eiusdem Balassii castellum, die XII. Februarii obsessum, exorta inter præsidarios intestina discordia, deditione capitur. Ex militibus regiis, circiter quinquaginta, castellum ingressi, frustulatim, a puluere tormentario, in fornicibus subterraneis accenso, discerpti pereunt, & castellum, eiusdem pulueris impetu, funditus dirutum.

*Hadad* castellum Melchioris Balassii, ductore regii exercitus Francisco Némethy, & Simone Pauer, Senatore Coronensi, ac Matthia Seler, iudice regio Segesváriensi, Saxonorum sclopetariorum præfectis, sub finem mensis Februarii, capitur. Sed die IV. Martii, a *Balassio*, cum copiis Ferdinandicis aduentante, & in victores incautos, ex improviso irruptionem faciente, vicissim recipitur. Franciscus Némethy, cum equitatu regio, in fugam conuersus, pedites Saxonicos, sparsim hosti trucidandos, reliquit. Simon Pauer, cum paucis aliquot sclopetariis Saxonis capitur; sed pacta tandem fide, se contra Christianos arma non sumpturos, ipse, & captiui omnes, dimissionem impetrant, & salui domum redeunt.

JOANNE II. in firmanda, contra Germanorum, & Melchioris Balassii, irruptiones, prouincia occupato, Siculi seditionem mouent, sub initium Aprilis. Ad oppidum *Vdvarhely*, indictis comitiis, conueniunt, & iurant singuli, se patriam, suamque libertatem, contempto omni periculo, defensuros, neque susceptis vsuros armis, nisi aduersus hostem, reipublicæ, & toti patriæ, seruitutem adferentem. Hoc sacramento, vsque adeo deuinctis animis, circiter sexaginta millia hominum, consociata sunt, vt vel mori, vel suas libertates & priuilegia, salua esse velint. Ducem *Georgium Nagy* de Paalfalua, renuntiant, & ad oppidum *Vásárbely*, in planitie campi *Vayadt*, iuxta fluuium *Nyáradt*, castra ponunt.

SZAKMAR, a Bassa Budensi, & Bego Temesváriensi, &

X 2

copiis

IMPERATO-  
RES Ro-  
mani, &  
*Turcici.*



ANNVS,  
CHRISTI  
1562.

copiis *Joannis II.* die XXV. Aprilis, obsidione cingitur, intus incluso *Melchiore Balassa*, *Antonio Székell*, *Francisco Zay*, & *Dominico Dobó*. *Némethy*, oppidum, e regione Szakmár, vltra fluuium Zámos situm, Turcae igne funditus vastant, & spe potiundi Szakmár abiecta, captaque, in tota ea vicinia, immensa hominum multitudine, re infecta discedunt.

GEORGIVS *Bebek*, & *Caspar Makóchy*, partium Germanicarum, cum Bassa Budensi, infelici praelio congressi, capiuntur, & sub custodia, ad Solymanum Imperatorem, Constantinopolim captiui mittuntur.

JOANNES II. die XIV. Maii, per legatos in castra Siculorum missos, de causa tumultuariæ istius insurrectionis, & cur Siculi, aduersus communem patriæ & regni hostem, sua auxilia coniungere noluerint, percontatur. Siculi, detentis aliquamdiu legatis regiis, tandem die XXV. Maii, principi & optimatibus regni, se, ob asserendas antiquas suas libertates, arma cepisse, respondent. Paulo post Siculi, mittunt nuntios in vrbes, & sedes Saxonicas, causam insurrectionis exponunt, & minantur, se omnia igne & ferro vastaturos, & infantibus & feminis nolle parcere, nisi Saxones suas copias coniungant, & de priuilegiorum recuperatione, bellum moueant. Eo tempore, *Matthias Antalfy* & *Joannes Ember*, Cibinium quoque, a Siculis veniunt, qui duos Senatores in castra mitti, & se consilio iuuari petunt, in recuperandis, & asserendis pristinis suis libertatibus. Senatus Cibiniensis, de capiendis eiusmodi nuntiis, mandata habens a principe, re prius principi exposita, officium facit. Nuntii, in vincula postulantur, & abducuntur.

*Gabriel Mayládt*, XXXI. die Maii, coacto exercitu, ex toto districtu Fogaras, Siculos, leui praelio primo adoritur, accensum sensim acrius & ardentius praelium, quando multo frequentiores, quam Mayládtius putasset, equites & pedites Siculorum confluebant, pugna eo deducta, vt Mayládtius, amissis præcipuis aliquot Capitaneis, & equo, cui ipse insidebat, lancea percussus, in magnum discrimen perductus videretur. Victor tamen *Vdvárbelyum* ingreditur, monasterium occupat, & firmiter munit. Dum hæc aguntur, interea alia ex parte, princeps, capta præcipua Siculorum nobilitate, & impositis hinc inde præsidiis, Siculos domitat, & imperata facere cogit. Reliquus exercitus, ad principis aduentum, sua sponte dilabitur. In huius insurrectionis memoriam, in oppido *Vdvárbely*, castellum *Székeltámad*, & in vicinia quoque, aliud castellum *Székeltánya* nuncupatum, fundatur. Auctores seditionis aliquot, vna cum duce

IMPERATO-  
RES RO-  
mani, &  
Turcici.



ANNVS,  
CHRISTI  
1562.

duce Georgio Nagy, in ciuitate Szegesvár, capite ple-  
ctuntur.

JOANNES TÖRÖK, gener Melchioris Balassii, die VII.  
Junii moritur.

1563.

Maii XXVIII. die, in comitiis Thordensibus, decretum,  
anni MDLVII. in religionis negotio, a regni ordinibus,  
repetitur & firmatur; ut quisque eam, quam mauult reli-  
gionem, amplectatur, sine omni coactione, & in alendis suæ fidei  
concionatoribus, & usu Sacramentorum, quisque liber sit, &  
neutra partium, cum altera, iniuriis, aut vi, certare debeat.  
Ista libertas, & impunitas, multis in Transyluania sectis,  
& nouis dogmatibus, occasionem dedit.

DESPOTA, in nuptias, cum filia Zboroufszky Palatini  
Cracouiensis, celebrandas, intentus, dum rem suam, quasi  
in vado esse putat, religionis statum in Moldauia muta-  
re, monasteria & templa spoliare, occipit. Eo facto,  
ingens odium, prouincialium suorum, incurrit. Clam  
itaque, ex Russia, Demetrius (quem illi Demetrasko vo-  
cant,) qui antea, cum Alberto Lazky, Palatino Syradiensi,  
& Kesmarkensi Barone, ad expellendum Despotam coniu-  
rauerat, litteris euocatur: mortuum esse Despotam; ve-  
niret cum honorifico comitatu, & felicibus auspiciis,  
gubernationem adiret. Moldani, dum hoc clancularie  
moliuntur, excitant quoque rumorem, Tartarum excur-  
siones facere, in Moldauiae fines. Despota persuasus, (fato  
scilicet huc vocante,) mittit eo CCC. leuis armaturæ  
equites, quos Huszarones nominant, quibus maxime fide-  
bat, & cum his, circiter septem milia Moldauorum, du-  
ctore Stephano, curiæ Magistro, (quem illi supremum  
Vornick appellant,) ubi eo ventum, ne musca quidem  
hostis. Noctu itaque communicato consilio, Moldau  
inuadunt semisopitos, ac CCC. illos equites opprimunt,  
præter paucissimos, qui inter cadauera oppressorum la-  
titantes, euaserunt. Potiuntur aliquot tormentis ma-  
ioribus, quæ præsidio data erant, equitibus. Stephanum  
Vaiuodam salutant, atque ita paulatim omnes, a Despo-  
ta deficiunt. Multa passim crudeliter facta, sæuitum in  
omnem sexum, qui Despotam principem agnosceret. Fi-  
lia Despotæ, ex Græca concubina nata, strangulatur,  
matre in cœnobium relegata.

Soczovia, sedes Vaiuodæ, in quam Despota se cum  
paucis Hungaris, Moldauis, & Græcis, receperat, die  
XXX. Julii, a Demetrio Rutheno, & Pyassoskio, ipsius  
Lasky præfecto obsidetur. Hoc Stephanus, nuper Vai-  
uoda salutatus, audiens, ex inferiori Moldauia, concitata  
tota prouincia, reuertitur, & ad flumen Seredt, castra  
ponit: Demetrium, cum CCC. equis leuissime armatum  
adoritur, sed ab illis, effusissime toto Moldauorum exer-  
citu fugiente, opprimitur. Stephanus princeps, cum  
Decad. I. Monument. II. Y pau.

IMPERATO-  
RES RO-  
mani, &  
Turcici.



ANNVS,  
CHRISTI  
1563.

paucis quibusdam in collem fugit, vnde contemptissimum numerum speculatus, quod iam, non centum ex hostibus superessent, eos, de integro instaurato prælio, pellit. *Demetrius*, qui rheda vehebatur, quod esset paralyticus, cum alio *Lasky* præfecto *Pyassoskio*, captus, & ad Imperatorem Turcicum est deductus, vbi vterque, ab vnco ferreo, lateri iniecto, suspensus, misere perit. *Stephanus* victor, continuata obsidione, a vicinis, & *Joanne II.* Hungariæ rege, auxilia petit. Mittuntur eo a rege, *Michael Rácz*, & *Thomas Daczó*, cum aliquot selectissimis peditum, & equitum cohortibus. Duravit obsidio XIV. hebdomadas. Interea, venit ad oppidum proximum *KOTHNAR*, quod sex milliaribus a *Soczovia* distat, legatus Turcicus, qui *Despota* incolumitatem promittit, & si arce egrederetur, pollicetur ipsum, sub fide Imperatoris Turcici, regis Hungariæ, & Stephani Vaiuodæ, saluum futurum.

IMPERATO-  
RES Ro-  
mani, &  
*Turcici.*

*DESPOTA*, dum de facienda deditioe sollicitatur, intus in arce *Soczovia*, Petrum Déuay, Capitaneum Hungaricorum peditum, ob tentatæ proditiōis notam, vel, quod inscio principe, colloquium cum hoste instituisset, priuatim, auxilio Græci Atrientis, confodit, atque inter aulea abscondit, donec guttæ quædam sanguinis, cædis indicia, deprehensæ, militem præsidarium ita concitarunt, vt impetrata prius, a Stephano principe, sui incolumitate, diutius stipendia sub *Despota*, facere noluerint; sed eum optionem habere iusserint, an viuus in hostium potestatem deduci, vel frustulatim dissectus, per murum proiici vellet. *Despota*, cum præsidarios, nec prece, nec pretio, videt exorari posse, indutus iis vestibus, quibus in solennibus pompis vti consueuerat, eques arce egreditur, ab equo descendere iussus, renuit, sed cum inter intentas duorum ordinum cuspides incederet, destitutus omnibus suis satellitibus, & auxiliis, tandem obsequitur, & pedes, inter duos nobiles, ad *Stephanum* Vaiuodam, deducitur, exploratis diligenter vestium laciniis, ne quid fraudis subesset. Vbi primum in conspectum venit, claua ferrea percussus a *Stephano*, ictus est leuiter in humero, repetito ictu, quem pectore exceperat, prosternitur, omnibus vestimentis spoliatur, & diu quæsito carnifice, tandem a Tartaro, aliquot ictibus, capite amputato, expirat, quinto die Nouembris. Cadauer, manibus & pedibus abscissis, tri-duo, tristissimum humanæ fortunæ spectaculum, in publico iacuit. Caput vero excoriatum, missum est ad Imperatorem Solymannum. De morte *Despota*, versus, annum & diem exprimens :

*Despota sVb nonas hostILI obIt ense noVeMbres.*

F I N I S.



*Ad Lectorem Philohistora.*

**D**E MICHAELE SIGLERO, cuius CHRONOLOGIAM nunc edo, non habeo dicere amplius, quam quod ille, de se, in epistola nuncupatoria, ad STEPHANVM BATHORIO, Transilvaniae Principem, postea Regem Poloniae laudatissimum, professus est. Fuit nempe, *Syndicus Cibirniensis*, uti eam adpellat, *Reipublicae*: vir utique doctus, & rerum patriae, non amans minus, quam gnarus. Vfus est, manu exarato eius codice, WOLFFGANGVS BETHLENIVS, in Libris Historiarum, quos, de rebus potissimum Transilvanicis, conscripsit. Enim vero, eadem, non raro, verba, in rem suam vertit, quae in SIGLERO leguntur: quod indicio est, fuisse hanc eius opellam, non plane nullius pretii, apud scriptorem, oppido sagacem & adcuratum. Ea vero, BETHLENI, de nostro, existimatio, in spem me vocat, fore, ut gratam acceptamque sint habituri, eius editionem, docti, atque in his, cum primis Transilvani. Nam, civiles, iuxta & ecclesiasticos motus, infelicis tunc regionis, ex vero describit. Ergo, cum fidem sequi debeat historia, non fauorem; SIGLERVS noster, nulli non Philohistori, maiorem in modum se adprobabit.


Jam & illud dicendum est, quemadmodum se nostris cime-  
liis, insinuauerit. Accepimus eum, a SAMVELE BOHVSS, caus-  
arum patrono, & docto, & celebri, nostri item, a primis pueritiae  
annis, amico, eodem illo exemplari, quod STEPHANO BATHO-  
RIO, auctor dedicauerat. Notas cumulare, superuacuum putaba-  
mus, ne breuitatem doctam, oneraremus explicatione non ne-  
cessaria.

Reliquum est, ut TE rogem, in maiorem modum, *Lector*  
*Erudite*, velis hos nostros conatus, æqui bonique consulere. Pa-  
triae causa suscepti sunt; communem patriam neget oportet, qui  
eos non iuuerit. Vale, & cœptis faue, accepturus proxime,  
*Decadis huius Primæ, Monumentum Tertium.* PISONII, Pridie  
Calendas Apriles, Anno MDCCXXXV.



ILLVSTRISSIMO PRINCIPI,  
AC DOMINO, DOMINO  
STEPHANO BATHORI,  
DE SOMLYO,  
VAIVODAE TRANSYLVANO, ET SICVLORVM  
COMITI, &c. &c.  
PRINCIPI ET DOMINO SVO CLEMENTISSIMO.

MICHAEL SIGLERVS, Notarius Reipubl. Cibiniensis,  
S. P. D.



Vm viderem, ILLVSTRISSE PRINCEPS, omnium Statuum Ordinumque homines, nuper, sub felicissimum, *Celsitudinis* Tuæ, in urbem Cibiniensem ingressum, variis rationibus, iustam suam, cum publice, tum priuatim, lætitiā, contestari, ac sua studia & voluntates, Tibi, tanquam Principi, diuinitus de patria merito, quam officiosissime, probare. Volui & ego, velut vnus de populo, qui in ditione & vrbe illa, natus ac educatus sum, non tantum *Celsitudini* Tuæ, de felici ingressu, deque salute, & incolumitate *Celsitudinis* Tuæ, toto pectore congratulari, sed etiam, propter admirationem sapientiæ, & virtutis Tuæ, *Celsitudinem* Tuam, omni officii genere colere, meamque obedientiam, gratitudinem, & pietatem, *Celsitudini* Tuæ, multis nominibus, iam olim debitam, obseruanter declarare. Huius vero meæ voluntatis, si specimen aliquod illustrius, *Celsitudini* Tuæ, vel tunc, exhibere potuissem, aut modo quoque possem, & perlubenter fecissem, & iamque lubentissime facerem. Nunc, cum præter istas, ingenioli mei primitias, nihil aliud, quod præstem habeam, *Celsitudini* Tuæ, CHRONOLOGIAE huius duas partes, qualicunque studio & diligentia mea, contextas & elaboratas, dedicare statui, nulla quidem doctrinæ fiducia, sed duntaxat, meæ pietatis, obedientiæ, atque officii significandi, gratia, præsertim cum sciam, Te, non solum ea humanitate esse, vt officia Tuorum subditorum, quantumuis exigua, boni consulas, sed etiam ea sapientia, vt statuas, iuuenilia ingenia, facilitate & benignitate Tua, excitanda esse: vt intelligant, tibi spes studiorum suorum amplissimas, in bonis principibus esse positas. Obsequenter itaque, *Celsitudinem* Tuam, obsecro, PRINCEPS Illustrissime, vt libellum hunc, in quo præcipue, res gestæ, tam Hungarorum, quam vicinarum gentium, ac provinciarum, compendiosè adnotantur, clementer accipias, tanquam testimonium, mei, erga *Celsitudinem* Tuam, studii atque obedientiæ. Quodsi *Celsitudinem* Tuam, nostris istis studiis, fauere cognouerit, (Domino DEO auxiliante) & reliquas compendii historiarum patriæ nostræ partes, diligenter pertexemus. Interea me *Celsitudini* Tuæ, commendo, ac oro, vt *Celsitudo* Tua, me, studia & conatus meos honestos, clementer tueatur, siquidem, suo favore dignos esse, iudicauit. Bene & feliciter *Celsitudinem* Tuam, valere cupio. Datæ Cibinii, prima die mensis Martii, Anno Domini, MDLXXII.

Illustrissimæ Celsitudinis Tuæ,

Subditus,

MICHAEL SIGLERVS,  
Cibiniensis.

MICHAEL



IVVENCII COELII CALANI  
DALMATAE

**A T T I L A,**

*Post Venetam & Ingolstadiensem*  
editionem,

Tertium recusum, recognitus,

*E T*

Notis vberimis

*illustratus.*

DECADIS I. MONUMENTVM III.







EXCELLENTISSIMO, REVERENDISSIMO,  
ILLVSTRISSIMO

V I R O

DOMINICO PASSIONEIO,

Archi-Episcopo Ephesino,

PONTIFICIS MAXIMI

*Ad Augustissimum*

ROMANORVM IMPERATOREM,

CAROLVM VI.

Legato Grauiissimo,

S. P. D.

MATTHIAS BEL.



Terer excufatione, non æqua minus,  
quam proluxa; quod celeberrimum no-  
men TVVM, EXCELLENTISSIME  
PASSIONEI! tenui opusculo præfi-  
gere sum aufus; nifi, & de TVA fin-  
gulari bonitate, qua me, anno fupe-  
riore, accepifti, probe mihi constaret, & illuftris *Pius*  
*Nicolaus Garellius*, ingens ftudiorum meorum præfi-  
dium, plane mihi adfirmaffet, optime cafuram desti-



nationem hanc meam, apud virum, qui, pro mirifica eruditione sua, & subacta, longo maximarum rerum usu, prudentia, egregie norit, Musarum istiusmodi, quibus operor, sacra, ab religionis mysteriis, discriminare.

Quod vnum argumentum, tametsi potuit, coeptas consilii rationes confirmare, apud animum, fui conscium; tamen, ita rebar, non posse, notam ingrati animi declinari a me, si non TIBI, Vir Excellentissime! sacrum nuncuparem libellum, qui nunc, magno TVO beneficio, emendatior in lucem prodit lautiorque. Fui, sicuti recordaberis, in errore, de *Iuueno Coelio Calano Dalmata*, quasi, qui latuerit hucusque in membranis, editus nunquam. Hunc TV, Eruditissime Vir! non modo animo meo, promptus exemisti; sed, nauasti etiam operam sollicitam, ne me lateret quidquam, quod auctori, non vndiquaque consummato, seu farciendo, seu illustrando; utile futurum existimabas.

Proinde, accipe, bonitatis illius TVAE, fructum hunc, pro more TVO, benigne, habeque, in iis monumentis, quæ TIBI, maximo TVO merito, passim video posita: non, quod id mihi tribuam, quasi a me edi possit quidpiam, virtute TVA, & inusitata dignum eruditione; sed, quod tantilla hæc, deditæ TIBI voluntatis, significatio, ab homine peregrino, erga TE profecta, documento futura est orbi litterato, quantum, ubique gentium, & optima fama valueris, & bonitatis præconio. Feliciter age, & studia mea, opis eruditæ, quod nosti, indiga, quo potes modo, potes autem efficacissime, porro adiuua. PISONII, apud Quados. A. MDCCXXXVI. IV. Idus Iunii.

PRÆ-





## PRAEFATIO.

Lectori Erudito, Salutem !

**A**TILAM, *Iuenci Caelii Calani Dalmatæ*, edimus, libellum, fama, quam habuit hucusque, multis modis inferiorem; interferendum tamen, *Adparatui* huic nostro, partim, vt eruditorum voluntati obsequeremur, partim, vt res *Attilæ* gestas, nullo fere ordine, ab historicis relatas, quomocunque illustraremus. quod, quam præstiterimus feliciter; tametsi lectorum fuerit existimare, docendos tamen putamus hos, qui nostra hæc adtrectabunt, quemadmodum, in re quantiuis momenti, versati, quaque vti fuerimus fortuna.

Venit, nec opinantibus, in manus, ante duo hæc lustra, ἀπόγραφον *IUVENCI*, ex codice *Rebdorffensi*, a *Martino Schedelio Pisoniensi*, a) viro docto, & rerum patriarum studioso, cum apud *Matthæum Bernegerum*, insigne Academiae Argentoratensis decus, studiorum causa ageret, cum cura exscriptum. Difficile dictu est, quam simus lætati, de reperto hoc cimelio, cuius causa, multis retro annis, doctissimos quosque viros, frustra sollicitaueramus: prorsus in errorem inducti; latere adhuc, intra auara scrinia *Iuencum*, neque adspexisse vnquam lucem publicam. quod non vnis litteris adfirmatum nobis est, ab his etiam, quibus & eruditio exaggerata, & studium est incomparabile, nosse τῶν ἀνecdότων historiam.

Atque, idem hic error, auctoramento nobis fuit, vti libellum, ex se tenuem, & sine adcuratatione compositum, notis illu-

)

stran-

a) Huic debemus Schediasma, quod moderante MATTHÆO BERNEGERO, de HVNGARIA, Argentorati prodiit forma quadrid. partita, quodque postea, IOAN. FERDINANDVS

BEHAMB, sub titulo, NOTITIE REGNI HVNGARIE, Antiquo Modernæ, perpetuis observationibus condecoratum, edidit, Argentorati, An. MDCLXXVI. form. 8.



### Præfatio.

strandum edendumque, apud animum, eo confidentius statuere-  
mus, quo magis persuasi fuimus, primos nos fore, qui orbem  
eruditum, diuat frustra, exquisito auctore, donaturi simus. Pro-  
inde, cœpimus commentari in nostrum hunc, sic satis scrupulose,  
ac forte etiam prolixius, quam meruisse videbitur, scriptor, ne-  
que scitus, neque antiquus. Vti vero labor is, impeditus sane,  
sed iacundus tamen, eo celerius conficeretur, vocandum in eius  
partem censuimus, virum doctum. cuius ille *b)* dulcedine ad  
eum modum captus fuit, vt nihil nobis residui fecerit, quam  
recognoscendarum obseruationum, quas diuite adparatu con-  
gessit, curam ac studium.

Iam vero excudebatur libellus, cum *Vindobonæ* tunc diuer-  
santi, ita licuit esse felici, vt, ab DOMINICO PASSIONEIO, Pontificis  
Maximi, apud Augustam Aulam, legato, viro, in historia littera-  
ria, ad prodigium vsque erudito, ad colloquium beneuole admit-  
terer; PIO NICOLAO GARELLIO, conatuum nostrorum patrono  
optimo, id vt faceret, amice procurante. Fit ergo, more doctis-  
simi PASSIONEI sermo, de meliorum litterarum studiis, & proli-  
xus sane, & eruditionis exquisitæ: cum operis mei, quod tunc  
Augustissimo, CÆSARI, auspicato dedicaueram, mentio incidit.  
Percunctanti humaniter, quid, præter vastam illam molitionem  
porro occiperem? Adparatum me edere ad Historiam Hungariæ,  
 respondi, qui decades aliquot sit complexurus, eorum monumen-  
torum, ex quibus *Notitiam Hungariæ* ditauerim; nunc, monu-  
mentum tertium, ineditum adhuc, sub prælo sudare, puta: LVVEN-  
CI COELII CALANI DALMATÆ, vitam ATTILAE. Adrisit mihi, vir  
summus, comiter ac blande, cum audiret, in ineditis me habere  
*Iuencum*, simulque adfirmavit serio, visum sibi aliquando fuisse,  
auctorem, ad calcem Vitarum PLVTARCHI, latine, Venetiis, ante  
duo secula, excusum; elaboraturum se liberaliter spondens, vt  
saltem ἀπογράφω potiri possim: suspenderem ergo operas, dum  
*Roma*, ab amicis, quos per litteras moniturus sit, eius copiam  
nactus fuerit.

Accepi, mirificam eam bonitatem, lubens non minus, quam  
gratus: quum ad Musas, Posonienfes reducem, amicus, ex inte-  
riore Germania, eiusdem erroris, de *Iuenco*, commonefacit, vna-  
que

---

*b)* Est is, ne quid dissimulem, Cl. Io- | alumnus laudatissimus; nunc, in Hun-  
HANNES TOMKA, olim nostræ disciplinæ, | garie litteratis, haud postremus.



### Præfatio.

que nuntiat, in sua potestate esse Venetam editionem *Plutarchi*, cui adtexta sit *ATTILAE* vita: qua, si vellem, adiuturus sit, destinationem meam. Vfus sum eo beneficio, &, quia in manibus fuit, *Rebdorffense* exemplar, sollicita cura, cum *Veneto* illo, contuli: typographo, tantisper ferari iusso. Neque cessabat interim *PASSIONEIVS*, quam diligentissime conniti, uti, quam mihi indiderat, spem, pro virili sustentaret: quin immo, cumulum addidit promissis, quum, nec opinanti, aliam quoque, ac toto recentiore seculo, *Iuueni* editionem, subministrauit.

Dabo, ea de re, ἀποσπασμάτων epistolæ optimi *GARELLII*, ut palam sit, quanta, propensæ voluntatis significatione, elaborarint summi viri, in promouendo instituto nostro. Ita vero habet: *Peropportune* accidit, V. C. ut postremam, eandemque humanissimam epistolam Tuam, eo fere tempore, fuerim nactus, quo & *Roma*, ab Ill<sup>mo</sup>. *Fontanino*, *Archi-Episcopo Ancyrano*, quæsitis, de *Iuueno Cælio Calano Dalmata*, responsum, &, ab Ex<sup>mo</sup>. *PASSIONEIO* (qui nunc in *Mellicensi* cœnobio, ut quotannis solet, recreandi animi gratia, moratur) de eodem argumento epistolam accepi. Gaudeo, Te nuper ab amico certiore factum, vitam *Attilæ Hunnorum Regis*, a *Iuueno Cælio Calano* conscriptam, iam anno 1502, ab *Hieronymo Squaricafico Alexandrino*, typis *Donini Pincii*, ad calcem *Vitarum Plutarchi*, *Venetis* vulgatam fuisse; ut fretus memoria, qua pollet, eximia, eruditissimus *PASSIONEIVS*, Tibi, me coram, indicauerat. Nunc Te certiore facio, eandem *ATTILAE* Vitam, a *CANISIO* editam fuisse, in Apparatu suo Ecclesiastico, anno 1608. *Ingolstadii* edito, & quidem ex MS. codice monasterii *Rebdorffensis*, ignorata, ut credere fas est, integro seculo, antiquiore editione. Huius *Canisianæ* editionis exemplar, nuper ad me, ex *Bibliotheca Mellicensis Cœnobii*, misit, idem eruditissimus *PASSIONEIVS*, quod nondum a me visum, auidis oculis, perlegi. Quia vero significas, Tibi ab amico, *Venetæ* editionis ἀπόγραφον promissum fuisse, mearum esse partium duxi, *Canisianæ* quoque editionis exemplar, quam fieri poterit, exactissime descriptum, Tibi procurare, ut collatis ambobus exemplaribus, cum Tuo, forte recentiore, noua, quam adornas, editione, erudito orbi, cumulatissime satisfacias. reliqua. Quis non laudibus in cælum vehat, hanc, tantorum virorum, in promouenda re litteraria, curam sollicitudinemque? quam, si æmularentur nostri homines, facile foret, in immensum proficere, circa res *Hungariæ* illustrandas.

Atque




### Præfatio.

Atque hæc sunt, de quibus docendus eras, erudite Lector! Iam de ætate, & reliquo *Iuenci Cæli Calani Dalmatæ* habitu, sic accipe: recte doctissimum GARELLIVM, ex eorum indicio auctorum sentire, quos in rem suam citauit scriptor, ad seculum XII. eundem referendum esse. Sunt in promptu, diplomata, quæ CALANVM, ad annum MCXCVII. sub EMERICO Rege, in Episcopis Quinqueecclesiensibus referunt. Si hic is est, quem SZENTIVANIVS c), CALANVM PALEATVM, Dalmatiæ & Croatiæ gubernatorem adpellat, res in vado fuerit, cur *Calanus Dalmata* adpelletur. Tunc vero, IUVENCVS COELIVS, prænomen erunt, siue patronimica ea, siue aliunde petita. Adfirmat nobis fidem BERNEGERVS, in Schödeliano manuscripto; adfirmant *Deereta Regni*, quæ *Calanum*, itidem in episcopis Quinqueecclesiensibus recensent. Plura non habemus dicere; nisi istud forte sit: duos *Calanos*, in Episcopo Quinqueecclesiensi, semet, mutuo forte excipientes, sedisse. nos, priori adserendum opusculum existimamus. Certe CVLANVS, cuius magna cum laude meminit, RATKAY d,) in huius laudis partem vocari nequit; tum, quod *Bosnæ Banus* dicatur, tum, quod ætate maior est, quam id poscit, CALANI nostri opusculum. Sed de his viderint alii.

Quod est, de CALANO, reliquum, Illustris Viri, PII NICOLAI GARELLII epistola, sicuti eruditionis, ita humanitatis, & præcipui, erga gentem nostram, amoris plena, vbertim, & summa cura, disputat. quam ideo, bona eius in nos voluntate vsuri, opusculo prætexendam, existimaui. Tu interim, erudite Lector! hanc, incomparabilis viri, ad iuuandos nos, bonitatem, oppido lætam pronamque, vti nobiscum, gratus meminisse velis, est, quod abs Te, etiam atque etiam, petimus. Vale, & nostris conatibus faue. Pisonii, An. MDCCXXXVI. Pridie Nonas Iunii.

---

c) Catalogo Episcoporum, in Dissertatio. | d) Memoria Regum & Banorum Dalmatæ &c. Lib. II. p. 51. sq.





PIVS NICOLAVS GARELLIVS,  
CLARISSIMO VIRO,  
MATTHIÆ BELIO SVO,  
S. P. D.

**I**Nter multiplices atque assiduas, quibus distineor, occupationes, tandem aliquando, obstrictam Tibi fidem, de, *Iuueno Caelio Calano Dalmata*, eiusdemque Historia ATTILÆ, liberare concessum est. Habes hic, Vir Clarissime! quod promisi ἀπόγραφον *Historiæ Attilæ Hunnorum Regis*, ab eodem conscriptæ & ab *Henrico Canisio*, in Promptuario suo, Ecclesiastico, typis Ederianis, apud Andream Angermarium Ingolstadii, anno quidem 1608. editæ, ex MS. codice monasterii Rebdorffensis: quam tamen Cœlii Iuueni Calani Attilæ Historiam (quod sat mirum est) frustra quæras in quamplurimis Promptuarii Ecclesiastici *Canisiani* exemplaribus impressis, quanquam, in omnibus eandem adnotatam inuenies in Indice contentorum, qui Index, immediate in parte auersa tituli huius operis impressus est, & his verbis legitur: *Iuueni Cœlii Dalmatæ Historia de Attila Hunnorum Rege*: deest autem, vt dixi, in pluribus, vt in huius operis exemplari, quod olim ad Bibliothecam Hohendorffianam pertinuit, nunc Cæsareæ iunctum est, expertus sum, in cuius indice, ad allata verba, manu adscriptum inuenitur: *deest hic & in V. tomo*. Huius notæ ratio hæc est, quia sat celebris Antiquorum Monumentorum Collectio, sub nomine *Antiquarum Læctionem Henrici Canisii*, sex voluminibus seu tomis completur, cuius quintus, qui bipartitus inscribitur, & anno 1604. editus est, eadem continet, quæ Promptuarium Ecclesiasticum, quod anno 1608. vt titulus operis præfert, solitarie prodiit; si tamen antiqua quatuor monumenta excipias, quæ in Promptuario Ecclesiastico, ab initio conspiciuntur, desunt vero in tomo V. *Antiquarum Læctionum*; hic enim quintus Tomus incipit a libro Serapionis, Episcopi Thmuos, aduersus Manichæos, interprete *Francisco Turriano* S. I. & desinit in Synodum Ingilenhemensem, cum admonitione de Alcuino & notis ad vitam S. Cutberti; de *Iuueni* vero *Calani* Historia Attilæ, nulla prorsus mentio fit in indice contentorum eiusdem tomi quinti: quapropter certum est, Iuueni hoc schediasma, in Tomo V. *Læctionum Antiquarum Canisii* nunquam reperiri. Si viueret Ingolstadiensis bibliopola Angermarius, ipse commodam forte rationem reddere posset, cur mutata inscriptione, Tomum V. *Antiquarum Læctionum*, quatuor munumentis auctum (quæ simul viginti integras paginas non complent) in Promptuarium Ecclesiasticum conuerterit, & cur in fronte huius Promptuarii, adscriptus sit annus editionis 1608. ad calcem vero eiusdem operis, solitaria hæc Epigraphe legatur; *Ingolstadii, ex officina typographica Ederiana, apud Andream Angermarium Anno 1604.* quæ auersam faciem vltimi folii, sola occupat, eodem prorsus modo, ac in tomo V. *Antiquarum Læctionum*; denique, cur *Iuueni Calani Historia Attilæ*, quæ in indice codicum in Promptuario Ecclesiastico contentorum, vltimo loco adnotatur, cur, inquam, in omnibus eiusdem operis exemplaribus, non reperiatur; in iis vero, in quibus bono fato inuenitur, eandem



*Pii Nicolai Garellii Epistola,*

dem, ad calcem voluminis, post ultimam solitariam epigraphen, sine numero paginarum, quasi *παράγραφον* τι superadsutam videre sit, hac inscriptione notatam: *Iuenci Caelii Calani Dalmatæ Historia de Attila Hunnorum Rege incipit feliciter*, ex codice manuscripto monasterii Rebdorfensis; quod nuper oculis meis, nunquam antea visum, in exemplari huius Promptuarii Ecclesiastici, ex instructissima bibliotheca celeberrimi Mellicensis monasterii, ab Excellentissimo & de re literaria meritissimo Viro, DOMINICO PASSIONE, a) ad me curato, perlustrare datum fuit. Accedit porro, huic Iuenci Historiæ, a Canisio editæ, nullos esse adscriptos numeros, a quibus paginæ distinguantur: nam si ultimum locum inter Monumenta Promptuarii Ecclesiastici occupare debuisset, prout ultimo loco in indice contentorum collocatur, ejusdem prima pagina, numero 1064. notari debuisset, cum notæ in vitam S. Cutberti, quod ultimum est, tam Promptuarii Ecclesiastici, quam Tomi V. Antiquarum Lectionum Monumentum, in paginam 1063. desinant, eandemque mediam exacte non compleant; si tamen hæc omnia accuratius disquirere, aut diuinare velle, aliquod operæ pretium esset, quod mea quidem sententia nullum est. Quapropter, de *Canisiana* Historiæ Attilæ, a Iuenco Caelio Calano conscriptæ, editione, quæ, ut vides, certa est, adhuc dicta sint, satis.

Aequæ certa est, & integro sæculo antiquior ejusdem, *Iuenci Historiæ* editio Veneta, ut dicant, in fol. iam anno 1502. per Dominum Pincium typis vulgata. Cum enim is, *Plutarchi* vitas latinas, curante *Hieronymo Squarciafico Alexandrino*, prælo suo in lucem dare constituisset, idem *Squarciaficus* in sua, ad Ioannem Franciscum Bragadinum, dedicatoria epistola monet, se vitis Plutarchi, tres alias addidisse, nempe *Socratis*, *Epaminondæ*, & eam, de qua nobis est sermo, Regis ATTILÆ, per *Iuencum Cælium Calanum Dalmatam* conscriptam, quæ folio huius editionis CXLIV. sequi reperitur. Cum vero me nuper, per epistolam certiore feceris, Tibi, hanc eandem Iuenci editionem ab amico assertam fuisse, & præterea spem tibi esse ab eodem *ἀπόγραφον* indispiscendi, plura de hac editione non differam, nisi quod eadem illa sit, quam literatissimus, *Passioneus* in familiari colloquio, solius memoriæ subsidio indicauerat, & quam eruditissimus Anciranus Archiepiscopus, *Iustus Fontanus*, epistola ad eum data confirmat. Tuum nunc erit videre, an cum illo exemplari, quod manuscriptum in tuas manus peruenerat, eodem modo respondeat, & quid intersit differentiae inter utrumque, & *Canisianam* editionem, cuius Tibi in hunc finem exemplar, accuratissime descriptum transmittitur. Scire autem Te volo, notulas margini adscriptas & asteriscis notatas, non meas esse, sed editoris *Canisii*, rursus numeros, 2. 3. 4. &c. indicare initia paginarum *Canisianæ* editionis in Quarto, quæ tamen in impresso exemplari desiderantur; denique, voculam sic, manifesta indicare typographica sphalmata, quæ immutare vel corrigere mihi religio fuit, ut exactissimum haberes *Canisianæ* editionis *ἀπόγραφον*.

Vides igitur, Optime BELI, ipsum *Canisium*, talium minutiarum, quas anecdotas reputasset, acerrimum inuestigatorem; ipsum, dico, *Canisium*, dum in monasterio Rebdorfensi, Attilæ vitam, a *Iuenco Caelio Calano* conscriptam detexisset, eandem ineditam credidisse; quam tamen Dominus Pincius, *Venetis*, integro sæculo prius, vna cum vitis *Plutarchi*, splendida satis & magnifica pro tempore forma, typis vulgauerat.

Idem

a) Sedis Apostolicæ nunc ad Aulam Cæsaream Legato.



## Ad Editorem Iuenci, M. Belium.

Idem accidit, eodem ferme tempore, Togatorum Galliæ Clarissimo Iu-  
mini, Nicolao Claudio Fabricio de Peirese, vt in eius vita testatur Petrus Gassen-  
dus, b) cuius verba sunt: Hæc inter varia officia, qua prope, qua procul literatis  
exhibuit, & cum anxie requisivisset ex Paulo Seruita, ex Scaligero, ex Casaubono, ex  
eruditiss aliis, ecquid novissent de Iuenco Cælio Calano Dalmata, cuius codicem MS.  
de Attila vita Venetiis absportauerat, is vt ederetur animum adplicuit. Huius  
adcuratæ, Peireskii diligentia, a Gassendo in eius vita commendatæ, autenti-  
cum nobis seruavit testimonium, Iacobus Reuins, vulgo Iaques de Reves, in  
sua collectione epistolarum Gallicarum illustrium & doctorum virorum ad  
Iosephum Iustum Scaligerum, c) Quæ enim libro secundo recensentur, epi-  
stola, num. XXXIX. Peireskii est ad Scaligerum, in qua pag. 246. legere est:  
*J'en attends encores vostre resolution, & ensemble vostre opinion touchant vn manu-  
script antique trouvé nouvellement à Venise, intitulé, IUVENCII CÆLII CAL-  
LANI DALMATÆ ATTILA, par ce qu'on desire sçavoir avant que l'imprimer  
s'il s'est jamais veu ailleurs.*

Hoc idem factum memorat, multæ & exquisitæ lectionis vir, Paulus Colo-  
mesius, in suis Paralipomenis ad Guil. Cavei Chartophylacem, de Scriptoribus  
Ecclesiasticis, d) vbi post pauca de Iuenco, qui Historiam Euangelicam exa-  
metris versibus reddidit, mox proseguitur: Alius ab hoc Iuenco fuit, Iuencus  
Cælius Calanus Dalmata, Attilæ Hunnorum Regis Historiæ scriptor. Exstat is in  
Antiquis Lectionibus Henrici Canisii ex Codice MS. monasterii Rebdorffensis, quod  
puto nesciuit incomparabilis Peireskius, qui referente Gassendo in eius vita, anxie  
requisiuit ex Paulo Sarpio, Scaligero, & aliis, ecquid novissent, de hoc Iuenco  
cuius codicem MS. Venetiis absportauerat.

Paucis mutatis, in eundem sensum differit idem Colomesius in suis ani-  
maduersionibus ad Lillii Gregorii Gyraldi, de Poetarum Historia dialogos, dia-  
logo V. pag. 286. Integrum locum vide tomo secundo operum Gyraldi Lugd.  
Batav. curante Io. Iensio anno 1696. editorum in fol. Sed bona pace ma-  
nium eruditissimi Colomesii dixerim, inter opera Henrici Canisii sub titulo  
Antiquarum Lectionum edita, Iuenci Cælii Calani Historiam Attilæ, nun-  
quam prodiisse; bene vero in Promptuario suo Ecclesiastico, vt vidimus.  
quod sub hoc titulo, demum anno 1608. lucem vidit, & in cuius Indice no-  
tatur Attilæ Historia a Iuenco conscripta, quamuis in pluribus huius prom-  
ptuarii exemplaribus desideretur, vt superius indicaui. Non potuit igitur  
incomparabilis Peireskius, Canisianam Iuenci editionem vidisse, quæ de-  
mum anno 1608. prodiit in lucem. Peireskius vero de reperto suo manuscri-  
pro, viros doctos sollicitauerat, iam anno 1604. vt epistola sua ad Scaligerum,  
a Iacobo Reuio nobis seruata euidenter demonstrat: hæc enim data est Aquis  
Sextiis, 25. Februarii 1604. Vidisse quidem potuerat, Peireskius, integro sæ-  
culo antiquiorem Iuenci editionem, nempe Venetam, Domini Pincii, anno  
1502. vulgatam; sed eandem videtur cum plurimis aliis viris doctis ignorasse  
Colomesius ipse; quod tamen illi vitio vertere bono iure is solum poterit,

)( 2

qui

b) Editionis tertiæ, quæ auctior & corre-  
ctior dicitur, in 4to. Hagæ Comitum, ex  
Typographia Adriani Vlacq, anno 1655.  
lib. 2. pag. 50. & in antiquiore editione  
in 16to. anni 1651. pag. 119.  
c) Epistres Francoises des Personnages Il-  
lustres & doctes, a Mr. Ioseph Iuste de la

Scala, mises en lumiere, par Iaques de  
Reves, a Harderwyck 1624. in 8vo.

d) Vide opera Colomesii, theologici, critici  
& historici argumenti, iunctim edita, cu-  
rante Ioan. Alberto Fabricio, Hamburgi  
1709. in 4to. pag. 702.



## Pii Nicolai Garellii Epistola,

qui se minutias omnes, quæ typis vulgatæ sunt, vidisse inaniter gloriari audeat. Quale tulerit ab eruditis viris responsum, solertissimus *Peireskius*, non constat; certum est, *Attilæ* Historiam, a *Iuuenco* conscriptam, se curante, non prodiisse.

*Ioannes Albertus Fabritius*, cuius indefessæ diligentiae, in conquirenda scriptorum notitia nemo est eruditorum, qui se eidem obstrictum fateri detrectare possit; hic, inquam, laboriosissimus vir, in sua Bibliotheca Latina, cuius quartam iam vidimus editionem, tom. I. pag. 702. de *Iuuenco* presbytero Hispano verba faciens, post allegatam *Colomesii* animaduersionem ad *Gyraldum*, de qua supra, his paucis contentus est: *Historiæ Iuueni de Attila lucem viderunt Ingolstadii 1604. in 4<sup>to</sup>. neglecta antiquiore Veneta editione*, quam æque cum multis ignorauit.

Illustris *Leibnitzius*, *Iuueni* vitam *Attilæ*, a *Pigna*, in *Historia Estensi* citatam, plane supposititiam arbitratus est, vide *Otium Hanoueranum*, siue *Miscellanea Leibnitziana*, a *Ioachimo Friderico Feller*, collecta, pag. 417. §. 18. & quæ ibidem *Fellerus* notat, quod indicasse sufficiat.

Manuscriptum codicem *Historiæ Attilæ* se vidisse, diserte testatur *Thomas Bartholinus*, in *Schedio* suo de *Armillis veterum*, pag. 73. editionis *Amstelædamensis* *Henrici Vettstenii* anni 1676. *Mortuo Attila*, *Proceres Regni* militesque post ferales epulas *armillas* eius protraxerunt ut filo suo pertexuit *Iuuenus Cælius Callanus MS. in Historia Attilæ: Armillas & armorum diuersa genera, equos, faleras, diuersosque ornatus in medium producentes, noctem totam crapulis, ebrietatibus ac dissolutionibus expenderunt*: quæ verba cum codice *Canisiano* exacte conueniunt.

*Caspar Barthius*, pluribus in locis suorum *Aduersariorum*, e) *Historiam Attilæ* a *Iuuenco* *Cælio Calano* conscriptam allegat f) quibus in locis, etsi nullius editionis expresse meminerit; tamen a *Canisio* editam se vidisse alibi testatur, nempe, in *Animaduersionibus* ad *Claudianum*, *Francofurti* anno 1650. editis, vbi pag. 1176. de ἀποσπασματίῳ, *Iuueni* *Calani* *Dalmatæ*, eadem commemorat huius scriptoris verba, quæ in *Aduersariis* suis, lib. LVI. Cap. XV. allegauerat, atque in mendo cubare animaduerberat, hic vero, post immutatam verborum dispositionem aperte asserit: *Ita collocanda sunt verba eius scriptoris (Iuueni) confusa in editione H. Canisii*: quod sane ita esse, si vterque locus conferatur, luculenter apparet. Quomodo hic idem locus, cum antiquiore *Veneta* editione consentiat, Tu videbis, cum illius exemplar ab amico nactus fueris; nam mihi eam videre adhuc non licuit.

Plura citato loco allegat *Barthius* ex *Prisco Rhetore*, seu, vt alii volunt, *Sophista*, *Græco* scriptore, *Attilæ* coæuo, apud quem *Theodosii Iunioris*, nomine *Legati* functus est, vt omnes eruditi ex *Suida* fatentur. Ab hoc *Prisco* suam *Attilæ* vitam compilasse *Iuuenum*, probabilis admodum eruditissimi *Fontanini*, præeunte *Bernardo Iustiniano*, suspicio est. Non possum tamen quin hac occasione velut in transitu & quasi vno spiritu Te moneam, immanis flagitii, quo veteres *Hunnos*, huius *Prisci* autoritate insimulat *Barthius*, eodem loco, pag. 1177. cuius verba sunt: *Inter reliqua Hunnorum immania, discimus ex eodem Prisco, filias quoque suas duxisse uxores, vti exemplo Asca & Attilæ*

e) Editionis *Francofurtensis*, typis *Wecheliani*, apud *Danielem & Davidem Aubry* &c. 1624. in fol.

f) Lib. XV. Cap. XIII. lib. XIX. Cap. XII. lib. XLVIII. Cap. III. lib. LVI. Cap. XV. & forte alibi in eodem opere.



## Ad Editorem Iuenci, M. Belium.

*tile demonstratur. Verba Prisci sunt: ὡς τῆς Ἀττήλας ἐς κώμην τινὰ παρεσσομένης, ἐν ἣ γαμῆν θυγατέρα Ἐσκάμ ἐβέλετο, πλείστας μὲν ἔχων γαμῆλας, ἀγόμενος δὲ καὶ ταύτην κατὰ νόμον τὸν Σκυθικόν.*

Equidem, nefanda filiarum cum patribus, filiorumque cum matribus coniugia, barbaris populis vſitata quondam fuiſſe, imo & legibus probata, non ignoro, de quibus B. Hieronymus aduerſus Iouinianum g) *Perſæ, Medi, Indi & Æthiopes, regna non modica, & Romano regnò paria cum matribus & auis, cum filiabus & nepotibus copulantur*: quod flagitium Perſis fuiſſe, *Herodotus, Diogenes Laërtius, Philo, Plutarchus, & alii* teſtantur, ſanctique Eccleſiæ Patres, & Græci & Latini, pluribus in locis execrantur; inter quos *Clement Alexandrinus* h) *Caprinam, (vel potius Aprinam i) vt ipſe vocat, Perſarum libidinem acriter exagitat; hæc, inquam, non ignoro, nec me ignorare ſi neret Barnabas Briſſonius, qui de regnò Perſarum Lib. 2. k) horrendæ & abominandæ huius libidinis vndiquaque teſtimonia congeſſit; ſed an ex his Priſci verbis, enorme illud & horrendum flagitium, quod Barthius vult, exſculpi poſſit, ego quidem vehementer dubito; ſuſpicor potius ex analogia linguæ Græcæ, Ἐσκάμ, non eſſe nomen alicuius filiæ ipſius Attilæ, ſed potius proprium & indeclinabile Patris illius virginis, quàm ducere in vxorem Attila cupiebat: intelligendaque eſſe verba Priſci, ac ſi articulo adpoſito, ita ſonaſſent, ( vt ad veram linguæ Græcæ analogiam ſonare debuiffent ) ἐν ἣ γαμῆν θυγατέρα τῆς Ἐσκάμ ἐβέλετο: latine verò ſonaſſent: quo in loco filiam Eſcam in vxorem ducere voluit; quæ verò de lege Scytharum habet Priſcus, naturali al-latorum verborum ſequela, polygamiàm reſpiciunt, non thygaterogamiàm l) vt attente legenti patet; nec tempus, quod non ſuper-eſt, neque huius epiſtolæ ratio mihi permittunt, hoc argumentum vltèrius proſequi: ideo tamen probabilem hanc coniecturam Tibi paucis indicare, mearum eſſe par-tium duxi, vt ſi eandem calculo tuo probaueris, antiquos *Hunnos* Tuos, quo-rum mores & viuendi inſtituta multis aliis titulis, apud aliarum gentium ſcri-ptores, tam male audiunt, ab hac ſaltem calumnia vindicare poſſes: interea, dum hæc nondum maturata præmitto ( ne expeſtatam epiſtolam diutius mor- rer ) huius coniecturæ ſolidiora fundamenta, dum otium fuerit, inquirere non deſinam, eandem paratus relinquere eadem facilitate, qua mota eſt, ſi falſam comperero. Allatum Priſci locum legere poteris apud *Davidem Hæſchelium*, qui primus Græcè edidit, Aug. Vindel. anno 1603. & *Parifis* anno 1609. poſtea *Philippus Labbeus*, in ſuo *Protreptico*, de Byzantinæ Hiſtoriæ Scri-ptoribus recudi curauit, Paris. 1648.*

Quæ de *Sidonio Apollinari* allegantur, prorsus ieiuna ſunt, & ad vberio-rem *Iuenci Cælii Calani* notitiam nihil faciunt.

De *Ioanne Baptiſta Fulgoſo*, non habeo, quod affirmem, niſi eundem *Attilæ* Hiſtoriam, a *Iuenco* conſcriptam certo quidem vidiffe, cum exul a patria li-brum ſuum, de dictis factisque memorabilibus, conſcripſerit: in cuius limine, dum auctores recenset, a quibus ſua mutuatus eſt, inter reliquos *Iuencum Cælium* memorat; cæterum, quæ in toto opere, ſiue facta, ſiue dicta allegan-tur, nullo indicato auctore, a quo deſumpta ſint, referuntur. Cum vero tri-

)(

ſtia,

g) Lib. 2. pag. 201. col. a. ex edit. Ioh. | dem edit. eod. loco.

Martianay. Paris. 1706. tom. 4.

h) Lib. 1. Pædagogi Cap. VII. Pag. 131. edit.

k) Pag. 231. edit. Commelianæ, anni 1595, in 8vo.

i) Vide latinam verſionem & notas eius.

l) Si fas eſt vocabulum fingere.



*Pii Nicolai Garellii Epistola,*

stia, illustris illius viri fata ( vt turbida erant, quibus vixit, Reipublicæ Genuens temporibus ) notiora sint orbi, quam definitus eius vitæ terminus, nil certi statui potest, quanquam exeunte sæculo XV. vel incipiente XVI. eundem contigisse, valde probabile est, ac propterea editionem *Venetam Iuueni* anno 1502. typis vulgatam, vix videre potuisse.

Idem dicendum est de *Marco Antonio Coccio Sabellico*, qui Enneade 8. m) hæc habet: *Erat iam Pannonia Hunnorum sedes facta, unde recens nomen sortita videri potest, ut ab Hunnis & Garis, qui cum ea gente militasse dicuntur, Hungaria sit ad posterum dicta. Cælius Hunnos fuisse ait, qui & Auares, unde id nomen factum videri potest, ut duplex vox in unam, coaluit.* Cum vero *Sabellicus*, *Vossio* teste, ex *Leandro* vitam usque ad annum 1507. protraxerit, eandem *Venetam* editionem illustrare quidem potuit; sed mihi probabilius videtur, notitiam *Cælii* ex manuscripto aliquo codice potius hausisse, cuius apographa non admodum rara fuisse, & vndique dispersa, ex hucusque cognitis, luculenter apparet.

Ita *Bernardus Iustinianus*, Patritius Venetus, (quem cum certum sit, ante annum 1492. decessisse) quæ in sua de Origine urbis Venetiarum Historia, quam morte præuentus *Benedicto Brognolo* curandum, & typis vulgandum reliquerat, quæ, inquam, de nostro auctore non sine diligentis encomio commemorat, non potuit nisi ex apographo manuscripto illorum notitiam hausisse: verba *Iustiniani* paulo ante finem libri primi, hæc sunt: *Iuuentius Cælius, Athila vitam ex Prisci & Iordanis Historia excerptam (is fuit magister epistolarum Theodosii Iunioris, & ad ipsum Athilam legatus) cæteris, ut mihi quidem videtur diligentius scripsit. Refert is Cælius vixisse Athilam annos sex & quinquaginta. Hæc Iustinianus.* Quorum verborum sensus, si prout iacent, attendantur, videtur *Iustinianum* intellexisse, *Iuuentium Cælium* Magistrum epistolarum Theodosii junioris, eiusdemque ad ipsum *Athilam*, Legatum fuisse, quod falsum est, & aliquot sæculorum parachronismum inuoluit; cum autem *Prisco* hæc eadem quamoptime conueniant, in intricata illa verborum structura *Prisci* nomen repetendum erat hoc modo (*fuit is Priscus Magister epistolarum &c.*) sed hoc quaecunque παρόρρητα, non sine iniuria, ut mihi quidem videtur, ipsi *Iustiniano* imputari potest, quem constat, morte præuentum, laborem hunc suum imperfectum & necdum expolitum, *Benedicto Brognolo* reliquisse, quo etiam curante, lucem vidit, ut ipse *Brognolus* in epistola sua ad *Laurentium Iustinianum*, Bernardi filium data, & operi præfixa, disertis verbis testatum reliquit.

Hæc de antiquioribus auctoribus, qui *Iuueni* Historiam, vel nouerint, vel ignorauerint impressam, hucusque dicta sint satis. Mirandum potius, ne dicam vitio vertendum, nouissimo *Lectio*num *Antiquarum Canisii* editori, *Iacobo Basnagio*, cuius nomen in republica literaria, non dudum celebre, mirandum, inquam, in recusa splendidis Amstelædamensibus Wettstenianis typis, *Henrici Canisii* *Lectio*num *Antiquarum* collectione, quam sub nouo titulo: *Thesauri Monumentorum Ecclesiasticorum & Historicorum*, ad sæculorum ordinem digestam variisque opusculis auctam, præfationibus historicis, animaduersionibus criticis, & notis in singulos auctores ornatam, quatuor amplis voluminibus, ut aiunt, in fol. curauit, & anno 1725. magna eruditorum expectatione vulgavit; mirandum, repeto, *Iuueni Cælii Calani Dalmatæ*, Historiam

m) Lib. I. p. 5. Parisiensis edit. apud Ascensium 1509.



*Ad Editorem Iuenci, M. Belium.*

storiā ATTILÆ, ne vno quidem verbo indicari, præsertim cum in *Præfatione* sua generali, septem agnoscat *Lectionum Antiquarum* Tomos, quorum orbis literarius sex tantum sub *Lectionum Antiquarum* titulo hucusque viderat. Proclive igitur erat iudicare, clarissimum virum solitarium illud *Canisii* volumen, titulo *Promptuarii Ecclesiastici* insignitum, sed nullo tomorum numero distinctum (de quo supra plus quam satis differui) pro septimo tomo *Lectionum Antiquarum* reputasse; sed (præter quam quod mutatae inscriptionis, & reliquorum, quæ circa hoc volumen animaduertimus, mentio aliqua facienda erat, de quibus ne verbum quidem) id non voluisse *Basnagium*, eo luculentius apparet, quod quatuor illa exiguae molis Antiqua Monumenta, solis viginti paginis in 4<sup>to</sup>. comprehensa, eique Tomo V. *Antiquarum Lectionum* præmissa, nouum illud solitarium volumen sub nouo titulo *Promptuarii Ecclesiastici* constituunt, in hac noua *Basnagii* editione, vna cum *Iuenci Cælii Calani Dalmatæ* Historia ATTILÆ desiderantur: sunt vero hæc monumenta quæ sequuntur:

1.) Capitulare Gregorii II. Pontificis Romani datum Legatis in Boiariam proficiscentibus à pag. 1. ad 4.

2.) Libellus Theodori Lauræ Rbaitu Presbyteri, de variis circa Incarnationem hæresibus, interprete Francisco Turriano S. I. a pag. 5. ad 16.

3.) Expositio B. Athanasii Alexandrini, de Incarnatione a pag. 17. ad 18.

4.) Expositio B. Athanasii, Archi-Episcopi Alexandrini de diuina Incarnatione Verbi DEI congruens cum synodo Nicæna. a pag. 19. ad 20.

Incipit deinde nouus paginarum numerus, ab vnitæ vsque ad 1063. cum omnibus illis Monumentis repetitis, quæ tomum V. *Lectionum Antiquarum Canisii*, qui tomus bipartitus inscribitur, constituunt, vt supra vidimus.

Quid, si Clarissimo *Basnagio* id accidisset, quod mihi hisce diebus contigit, dum in *Iuenci* Attilam pleniorē notitiā inquirerem? adiueram nempe instructissimam æque ac splendidissimam Illustrissimi Comitæ Pertusari, singulari humanitate inter ceteras virtutes ornatissimi viri, bibliothecam, & dum in Corpus Antiquarum *Lectionum Canisii* (quod olim Colbertinam ornauerat) oculos coniicio, septimum Tomum *Lectionum Antiquarum* video, mole quidem, reliquis comparatum, valde exiguum, eadem tamen Epigraphe *Antiquarum Lectionum Canisii* aureis litteris, vt a librariis fieri solet, in dorso distinctum, & nota VII. TOMI insignitum. Miratus nouitatem, dum librum penitus inspicio, video solam hic lusisse, vel possessoris, vel compactoris librarii voluntatem; liber enim sola quatuor continet monumenta ab Henrico *Canisio* collecta, & simul edita Ingolstadii, anno 1600. vnico volumine, vt dicunt, in Quarto, paginarum 148. cum sex volumina *Antiquarum Lectionum*, anno 1601. prodire cœperint; eorundem vero editio, anno 1604. ad finem peruenerit: sunt vero, quæ in hoc volumine continentur sequentia:

1.) Chronicon Episcopi Tununensis.

2.) Chronicon Ioannis Biclarensis, Episcopi Gerundensis.

3.) Legatio Luitprandi Episcopi Cremonensis, ad Nicephorum Phocam, Græcorum Imperatorem, nomine Ottonis Magni Imperatoris Augusti.

4.) Synodus Bavarica sub Tassilone, Bavarie duce, tempore Caroli Magni.

Horum vero quatuor monumentorum, cum nulla exstet, in nouissima *Canisii* editione, memoria, vt septimus *Antiquarum Lectionum* Tomus emergat, vnicum coniectandum manet; clarissimum editorem, quintum *Canisii*



*Pii Nicolai Garellii Epistola,*

tomum, qui bipartitus inscribitur, pro duplici reputasse; sed hæc ὡς ἐν παρόδῳ.

Patet hucusque, binas *Iuenci Cælii Calani Dalmatæ*, typis vulgatas editiones de Historia ATTILÆ, fato quodam suo, viris eruditius minus cognitæ fuisse, quam quidem fuerint eiusdem Historiæ manuscripta exemplaria, quæ variis & inter se diffitis locis, bono numero sedulis indagatoribus, ut vidimus, se obtulerunt: nec possum, quin recentissimum huius euentus exemplum, casu mihi nuper, dum in hæc inquirerem, oblatum, quasi pro coronide recenseam. Adiueram hisce diebus, *Straubii* nostri librariam officinam, ut eidem postremam epistolam meam, ad te curandam traderem. Dum varii sermones miscuntur, obtulit ille mihi, recentissimum opusculum, hoc anno lingua Germanica *Hala*, typis vulgatum, sub hoc titulo: *Rechtliche Erleütherung der Reichs-Historie vom ersten Ursprung / bis 1734. zum algemeinen Gebrauch des Iuris Publici, Canonici, und Feudalis S. R. I. nach dem Zusammenhang der Ludewigischen Lehren / und Nutzen seiner Zuhörer* &c. cuius opusculi dum monita prooemialia, curioso oculo obiter lustrarem, incidi in §. 13. pag. LXXI. cui rubrica adnotatur: *Von Beschaffenheit der Historie des Königreichs Hungarn*. Integrum auide perlegi, & pag. LXXIII. Tui nominis, æque ac meditati operis historici mentionem, cum laude factam vidi; denique pag. LXXVII. de Hungaris verba faciens, hæc habet: *Unter ihren ersten und ältesten Scribenten / hat man des Iuenci Cælii Callani Dalmatæ Attilam, längst zu lesen gewünscht: Nunmehr aber berichtet der Pater de la Porte, daß er Griechisch geschrieben / und Ponticus Beluinus ihn erst in das Latein übersetzt habe / da es schwerer halten wird / hinter dessen rechtes Alter zu kommen* &c. Ad hæc verba, duas affert notas, num. videlicet 85. & 86. prima sic habet: *Nicol. FABRY, in epist. XXIX. ad Scaliger. lib. III. pag. 412. schreibt: On a trouvé n'a gueres à Venise un MANUSCRIPT, intitulé: Iuenci Callani Dalmatæ ATTILA*. Si hæc epistola eadem est, quam supra memorauimus, ex recensione *Revii*, mendose allegatur; certum enim est, per *Nicol. FABRY* alium hic intelligi non posse, quam celeberrimum *Peireskium*: epistola enim Gallice scripta, & a me supra, ex collectione *Iacobi Revii*, fideliter allegata, hanc habet Gallicam subscriptionem: *Vostre tres humble & tres affectionné Serviteur N. C. FABRY*. id est latine: *Nicolaus Claudius Fabricius*; de hoc autem familiæ nomine, in Latinum vertendo, consule *Gassendum*, in *Peireskii* vita, ubi videbis, & *Fabrum*, & *Fabrium*, & *Fabricium*, verti posse, seu verti consueuisse: quomodo autem sic volente patre, cognomentum *Peireskii*, antiquo familiæ nomini adsciuerit, diserte ipse *Peireskius* narrat, in Appendice epistolæ allegatæ, ad *Scaligerum*, quam in laudata *Revii* collectione legere poteris pag. 247.

Magis ad rem nostram facit nota, quæ num. 86. legitur, & sic habet: *In diurnis, TREVOLTIANIS 1715. mens. Octobr. art. 134. Le Pere de la Porte, a parcouru l'Italie & la France, & tiré de l'obscurité des bibliothèques & des archives, un grand nombre de chartres, de bulles, de lettres, de procès verbaux, de memoires inconnus jusqu'ici*. Und hierauf folgen in den dem Druck gewidmeten Stücken *Iuenci CELLII Dalmatæ Attila, conuersi ex Græco in Latinum, a Pontico BELVINO*, ex Cod. Msc. Bibliothecæ Ambrosianæ.

Non sunt mihi nunc ad manus *Acta* eruditorum *Trevulsentium*, ut allegatum locum penitus inspicere & examinare possim, nec calamitas temporum permittit, ut ex *Ambrosiana* bibliotheca, de hac *Pontici Belvini* Latina *Cælii* versione, per amicos *Mediolani* degentes, aliquid rescire possim; cum  
tamen



## Ad Editorem Iuenci, M. Belium.

tamen hucusque, solidorum videlicet viginti annorum spatio, R. P. de la Porze, (quod ego quidem sciam) fidem suam apud eruditos non liberauerit, eandem, ut dici solet, penes auctorem relinquo, contentus, hæc Tibi indicasse; quin immo, *Straubium* monere, opportunum duxi, ut quanto citius allegatum *Ludewigi* opusculum, ad te curaret, quod spero factum; plura enim ad rem tuam fortasse in eo inuenies, quæ me obiter tantum proœmialia perlustrantem, fugere potuerunt. Probabilior tamen videtur mihi, eruditissimi *Fontanini*, opinio, qui, præeunte Justiniano, *Iuencum Cœlium Calanum Dalmatam*, ATTILÆ vitam, quam habemus, latino sermone scripsisse credit; plurimum vero in ea conscribenda adiutum fuisse, a Prisco Sophista, in sua Historia Græce vulgata; pluries enim de ea, tanquam suo tempore existente & vulgata, mentionem facit.

Quod vero ad ætatem ipsius *Iuenci Cœlii Calani* attinet, (ut de hac quoque paucis loquamur) quantum coniectura assequi licet, non valde antiquum esse scriptorem ex multis apparet. Citat *Eutropium*, seu potius continuatorem eius *Warnefridum* monachum, Pauli Diaconi nomine notum; ita & passim *Iordanem*, p. 7. Canisianæ editionis, *Mediolanum*, Liguriæ Metropolim asserit, in quo conuenit cum *Guntero* poeta, in suo *Ligurino*, pag. 6.; de *Utino* oppido mentionem facit, tanquam ab ATTILA constructo, quod ipse primus asserit; de *Marchia* loquitur formula, ut Grammatici aiunt, antonomastica, quæ alia esse non potuit, quam *Anconitana*, illis temporibus hac formula celebris, atque ob inuasionem & bella a *Friderico Enobarbo*, vulgo *Barbarossa* illata, nimis nota; non ita *Marchia Tarvisiana*, quæ nunquam *Marchia avtorovaxiav* adpellabatur. Denique, eadem pag. 6. editionis *Canisiana*, legitur opera quasi proditoria *Helinandi Antistitis*, & *Araicii*, vel potius *Artvici Tempestæ*, in potestatem Attilæ venisse; quæ familia, antiquissima illa quidem, a *Campo Sancti Petri* olim dicebatur, da *Campo San Piero*, & inter præcipuas *Tarvisianæ* ditioris familias reputabatur; tractu autem temporis, antiquum hoc cognomen mutauit, & a *grandine*, Italico idiomate, *Tempesta* dicta fuit, a quodam illius familiæ bellicosissimo viro, nomine *Vinciguerra*; quæ eadem familia tandem *Avogaria* dicta est, quia ab *Episcopis Tarvisiensibus*, in Ecclesiæ tutelam, quasi aduocati, huius familiæ potentiores assumebantur, ut vult eruditissimus *Fontaninus*: hæc omnia distincte refert *Io. Bonifacius* in sua Historia Tarvisiana, Italico sermone conscripta n) Lib. 4. pag. 197. a quo euincitur, cognomen *Tempestatæ* circa XII. sæculum, in hanc familiam irrepsisse.

De *Helinando Tarvisiano* Antistite, rem aliter narrat *Bonifacius*, o) (quem ipse *Helviandum* vocat) paulo probabilius, quam *Iuencus* noster: non enim ab eo proditum *Tarvisium* asserit; sed concione ad populum facta, deditionem urbis, ad vitandum excidium persuasisse. De *Artvico* nulla mentio apud *Bonifacium*, postquam vero Senatus populusque Tarvisianus in sententiam *Helviandi* Episcopi, de tradenda vrbe consenserant, duos elegerunt præcipuos ciues, nempe *Gibertum Mezzaluna*, & *Salomonem de Uderzo*, qui spontaneam urbis deditionem ad *Attilam* deferrent. In allato *Bonifacii* opere, mentio quidem fit, de quodam *Artico* inter illustres *Tempestatas*; sed, quod affert, ad *Tarvisianam* deditionem plane non pertinet.

)( )( )(

Hæc

n) Historia Trivigianadi Gioavanni Bonifacio, | 1591. in 4to.  
 cio, divisa in dodici Libri &c. Trivigi, | o) Lib. 2. pag. 51. eiusd. operis.



*Pii Nicolai Garellii Epistola,*

Hæc omnia vero, dum crasse admodum cum ATTILÆ chronologia pugnant; tamen, evidenter demonstrant, *Iuencum Cœlium Calanum Dalmatam*, post sæculum XII. & forte multo serius, atque sine multo iudicio, scripsisse.

De *Philippo Callimacho Experiente*, non loquor, nec de *Nicolao Olábo*, Metropolitæ Strigoniensi, qui ambo vitam ATTILÆ conscripserunt: duo enim hæc opuscula *Bonfinii* decadibus, de rebus Hungaricis, adiecta sunt, quas Tibi perspectas nullus dubito.

Jam video, quantum nugarum, de *Iuenco Cœlio Calano Dalmata*, tumultuario, & centies interpolato labore, congefferim. Quas tamen Te, pro Tua facilitate, æqui bonique consulturum, confido; quod si autem, Tuis laboribus adiuuandis, vel minimo vsui futuræ sint, multum quoque mihi operæ pretium accessisse putabo.

Vides igitur, Doctissime BELI! ex hucusque allatis *Iuenci Cœlii Calani Dalmatæ* ATTILAM, etsi typis iterato vulgatum, plures tamen magni nominis eruditos viros, & in scrutis litterariis excutiendis, ad stuporem assiduos, latuisse. Quod Tibi, extra commercium literarium degenti, & in tenebris Hungariæ latitanti, si vti viris doctis, in magna luce accidit, solatio esse poterit. Tantum igitur abest, vt Te a noua huius schediæsmatis editione, *Adparatui* tuo ad *Historiam Hungariæ* inferenda, dehortari velim; quin potius Tibi auctor sim, vt hoc, qualecunque opusculum, a mendis, quibus antiquæ editiones scatent, purgatum, & notis, quas Te iam paratas habere significaueras, ornatum, denuo in lucem prodire sinas: quod idem, ante plures annos, *Upsaliæ* præstare meditatus fuerat, *Henricus Benzelius Suecus*, qui dum in *Iuencum*, e tenebris, in quibus latuerat, eruendum, incumberet, datis ad *Clarissimum* virum *Fontaninum* literis, eundem sollicitauerat, vt si quid de hoc scriptore haberet, secum communicare non detrectaret. *p*) Nullus dubitat, idem doctissimus *Fontaninus*, in sua, ad virum eximium, *Dominicum Passioneum*, responsoria epistola, Tui causâ conscripta; non dubitat, inquam, Tibi commodam in *Historia Hungariæ* recensenda, occasionem futuram; quinimmo putat, studio quærendam esse, vt in verum & exactum *Patriæ D. Hieronymi* situm, maiore diligentia inquiras, quam hucusque factum sit; cum nihil certi & explorati, de *Stridone* habeamus, quo in oppido natum esse *D. Hieronymum*, se ipso locupletissimo teste, nemo est qui dubitet; sed, quo in situ topographico collocandum sit, mirum, quantum inter se dissentiant eruditi; vide *Tillemuntium*, Tom. XII. suæ *Historiæ Ecclesiasticæ*, pag. 6. & in notis, pag. 617. *D. Chitreum* in epistolis, & *Robertum Papasavam*, de situ Carniolæ, Carinthiæ, Styriæ & Epeiri. *Melchior* quidem *Inchoffer*, in suis *Annalibus Ecclesiasticis Regni Hungariæ*, pag. LXXXII. & LXXXIII. præuii *Chronici*, ad annum Christi 341. se vidisse locum asserit, & euersæ vrbis antiquas reliquias, curiose perlustrasse; sed, maiorem accurationem geographicam, e Tuis commentariis, hausturum se sperat *Fontaninus*; quod ideo Te ignorare nolui, vt scires, quantum apud viros doctos, expectationem concitaueris: cui adimplendæ, vt, quas dedit ab ingenio vires, omnium bonorum largitor DEUS, Tibi fartas tetâsque, sano in corpore, quam diutissime conseruare velit, orare atque obsecrare non desinam. Vale, & me ama.

Dabam Vindobonæ, Prid. Cal. Septembres MDCCXXXV.

Finita

*p*) De hac meditata *Benzelii* editione, mentio quoque fit a *Fabritio*, loco superius | allegato, suæ *Bibliothecæ Latinæ*.



### *Ad Editorem Iuenci, M. Belium.*

Finita iam epistola, dum *Tbygaterogamiam* ATTILÆ & Scythis, a Barthio imputatam, animo versarem, incidi in *Origines Hungaricas*, Francisci Foris *Otrokocsi*, q) & vidi, eruditum hunc scriptorem, primo volumine sui operis, pag. 125. & 126. eandem difficultatem in verbis *Prisci* exponendis, reperisse; paragrapho enim XV. Cap. IV. de quadam vxore *Attilæ*, nomine *Creca*, ex *Prisco* verba faciens, hæc habet: *Ceteras eius uxores nominatim non exprimit, præter Escam, quam tunc volebat ducere; saltem dicit in genere in mentione Escæ, eum plures etiam habuisse.* Adducit postea verba *Prisci* latine reddita, græcis ad notas relegatis: *Attilas interea (inquit) in quodam vico substitit, in quo filiam Escam in uxorem, etsi plures alias haberet, Scytharum legibus id permittentibus, ducere voluit.* Ad quæ verba, hoc notat laudatus *Otrokocsi*: *Videtur hic aliquid deesse, forte cuius Herois illa filia fuerit; nam non dicit aperte Priscus, eam Attilæ propriam fuisse, nec ratio adiecta id docet, sed potius pluralitatem uxorum licitam apud veteres Scythas.* Ex his verbis apparet *Otrokocsi* agnovisse *Escam*, pro quadam puella, sed non pro *Attilæ* filia; quapropter, vt bonum sensum ex verbis *Prisci* eruat, putat in serie orationis deficere nomen proprium *Herois* putatæ puellæ patris. Ego *Εσκάμ*, puto nomen illud proprium patris esse illius puellæ, quam ducere cupiebat *Attila*, & quam *Priscus*, non proprio (quod forte ignorabat) sed appellativo *θυγάτρα* appellat. Hanc meam suspicionem, quam in epistola, prout se mihi obtulit, indicaui, sola fretus græci sermonis analogia, mente concepi. Solebant enim Græci, exterarum nationum nomina propria, quæ inusitatam Græcis terminationem haberent, & quæ solito gentis supercilio, ab illis, barbara dicebantur; solebant, inquam, Græci, ea nomina indeclinabilia facere, & eorundem casus obliquos, sola motione articuli indicare, vt passim docent Grammatici. Quapropter, vt mea coniectura locum habeat, ad omnem tollendam, in verbis *Prisci*, æquiocationem, sola vocula *τῆ* deficit, qua apposita, clarus sensus emergit, nempe: *θυγάτρα τῆ Εσκάμ γαμεῖν ἐβέλετο*: quanquam non desint, quinimmo abundant exempla priorum nominum indeclinabilium, quorum casus obliqui, sine articulo reperiuntur, vt *Genesis* X. vers. 23. υἱοὶ Ἀβραμ, & XI. vers. 31. γυναῖκα Ἀβραμ, & XXIV. vers. 40. θυγατέρ Βαδυέλ εἰμι ὅς Νάχορ. & alia plura. Accedit, quod salua proprietate Græci sermonis, hoc vocabulum, *θυγάτηρ*, nunquam sumi potest pro puella, virgine, vel alio simili *absoluto*; sed semper habet relationem ad patrem, & idem valet, quod *Filia* apud Latinos: vnde nata est æquiocatio, quæ vitari non potest in verbis *Prisci*, siue *Εσκάμ* sit filia *Attilæ*, siue sit nomen proprium patris puellæ, ab *Attila* concupitæ. In primo enim casu, ad orationis perspicuitatem, deficit pronomen *ἐαυτῆς*, in altero articulus *τῆς*, quem abesse quidem posse, allatis exemplis vidimus; vitiose tamen semper omittitur, vbi æquiocationi locus esse potest, vt in allatis *Prisci* verbis, quæ in re graui & magni momenti, alterutra ex his vocibus omissa, dubium sensum efficiunt, apposita vero, sensum totius orationis determinant. Quis vero hanc oscitantiam ipsi *Prisco*, eidemque *Rhetori*, non inepto alias scriptori, imputare sustineat? cuius integram Historiam, non habemus, sed excerptam, neque de ignoti excerptoris fide, diligentia & iudicio, constare cum fundamento aliquid potest. Vale iterum.

Moni-



## Monitio ad Lectorem.

Ne inanis pagina hæc diffugiat, placuit, alteram, Illustris Viri, epistolam, adtexere, qua, potestatem nobis facit, prioris illius edendæ. Est autem istiusmodi:

*Pius Nicolaus Garellius,*

Viro Clarissimo, *Matthiæ Belio* Suo,

S. P. D.

Quod tumultuarie congestas, de *Iuueno Cælio Calano Dalmata*, nugas, Tu, vir Clarissime! & eruditi illi viri, qui eas legerunt, aliquid esse putaveritis; id, singulari Vestrum omnium, & Tuæ præsertim humanitati, non sine tacita quadam animi delectatione, facile tribuerim: hocque titulo, maximæ mihi vobis agendæ gratiæ forent. Quod vero easdem, publica luce dignas; quin immo, proxime edendo opusculo Tuo, aliquali ornamento futuras arbitramini; atque meam, ut ita dicam, verecundiam, binis iam datis epistolis, quo in id consentiam, officiosissime sollicitas; id demum est, quod me anxium, & in ipsa deliberatione, iure merito ambiguum tenet. Vereor enim, ne, si perspecta mihi operis tenuitate permotus, pertinacius abnuero, iudicio Vestro aliquid detraham; sin facilis concessero, urbanitate Vestra, mei oblitus, abutar. Iterum enim, & candide fateor, me hanc epistolam, eo animo non conscripsisse, ut, quæ in ea congesta sunt, meo nomine prodirent; sed, ut Tibi, in recudendo, *Iuueni Cæli Calani Dalmatæ* opusculo, usus essent; nimirum, ut ex farragine, si quæ forent, quæ placerent, deligeres, & notis Tuis, quas paratas Te habere, olim significaueras, data opportunitate, interfereres, vel Tibi reseruares. Quod, si re adhuc integra, facere decreueris, scias, rem mihi quoque gratissimam esse futurum; sin vero in sententia permanseris, hanc nimirum, qualemcunque epistolam meam, opusculo Tuo, vel affigere, vel præponere, inurbane nimis seuerus forem, si eruditorum virorum iudicio, & Tuo maxime, diutius repugnarem. Quapropter, quam ad Te dedi, epistolam, Tuam puta, eademque utere pro arbitrio Tuo: dum, vel prefatiuncula constet, me, ut prodiret in lucem, non affectasse, vel, quod dici solet, laureolam in mustaceo, non quæsiuisse. Reliqua. Vale, & me ama. Dabam Vindobonæ, ad d. XIII, Cal. Decembres, A. MDCCCXXXV.

IVVEN.





IVVENCII COELII CALANI DALMATAE  
A T T I L A,  
*feliciter incipit.*  
CAPVT I.

**H**VNNI, *a*), qui & AVARES, nunc autem HVNGARI *b*), in vltima Mæotide *c*), quæ est palus Scytharum, inter glaciam

*a*) HVNNOS & AVARES vnam fuisse gentem, cum auctore nostro, nihil dubitamus adfirmare; tametsi non desint, qui in contrariam sententiam abeant. Recte SCHVRTZFLEISCHIVS, in disputatione, quam *Vngarica*, inscripsit, ad §. VIII. \*\* Hunni & Auares, vna gens, neque origine, neque natione distincta fuerunt. Ex quo non possunt non errare admodum, qui Auares, Hunnorum socios, & tamquam sede ac sanguine discretos, censent. Torquent hic se multi, & inter hos nouitii quidam, intricantque adeo, ut non habeant, quemadmodum extricent. Quod ego quidem valde miror, quod refragentur scriptores medii æui, & habeant pro iisdem. Ex reliquis Aimoinus, alterum explicat per alterum, de vna eademque notione, & cum paria faciunt copulat, atque a Dalmatis, vnius alioquin regni societate iunctis, distinguit. Lib. IV. de Gestis Francor. cap. 24. Hactenus ille. Sunt omnino scriptores, propemodum infiniti, iique notæ optimæ, qui Hunnos & Auares, gentem faciunt eandem. Legant, quibus volupe est, MENANDRVM de Legat. p. 117. edit. Parisiens. THEOPHILACTVM SIMOCATTAM, Histor. Lib. VII. cap. 8. collato Lib. I. c. 3. PAVLLVM WARNEFRIDI de Gestis Longobard. Lib. I. cap. 27. p. m. 40. Lib. II. cap. 10. p. 56. Lib. IV. cap. 12. p. 129. GREGORIVM TVRONENSEM de Gestis Francor. Lib. IV. cap. 29. THEOPHANEM, in Chron. p. 263. edit. Paris. anni 1655. ADONEM VIENNENSEM, in Chron. Aetat. VI. ad an. D. 564. 604. 783. & 804. HISTORIAM MISCELLAM, Lib. XVIII. FREDEGARIVM, in Chron. Tom. I. Hist. Franc. edit. Paris. Anni 1636. p. 761. atque his multo recentiore, SIGEBERTVM, in Chron. ad An. D. 804.

*b*) Neque istud controuersia caret: An Hungari, iidem cum Hunnis sint atque Auaribus? Negotium facessunt viri docti, & opinionis, quam elegere, tenaces. In his SCHVRTZFLEISCHIVM nominasse sufficiat, prioris sententiæ patronum, huius vero acrem aduersarium. Verba eius, loco citato, ad §. x. \* legi poterunt, quæ huc redeunt: Hungaros ab Hunnis nomine & natione diuersos, perperam confundi, sicuti habet Propositio I. Disputationis LXI. quam sub eius præsidio, celeberrimus IOH. FRANCISCVS BVDDEVS, Anno MDCXXCVII. defensauit. At enim vero, nihil moramur, summa isthæc nomina, quin prorsus cum auctore nostro faciamus, Hungaros non minus consobrinum Hunnis populum fuisse, quam fuerunt Hunni Auaribus. Data id opera, in Hungaria disputabimus Antiqua. quæ dum prodeat, lectorem ad chronographos dimittimus consulto.

*c*) Constans hæc, optimorum auctorum, sententia est, neque nisi his, qui rerum omnium sunt ignarissimi, incognita. Vt mirari subeat animum, non deesse, ingenii, multarum rerum notitia, exaggerati, viros, qui negent, Hunnos a Scythis profectos esse. Opinionis origo, nisi error, dicendus sit, hæc est, quod arctius Scythas com-



lem d) Tanaim, & Massagetarum immanes populos, vt perhibent plerique chronographorum, habitauerunt. Hi, mortuo ALEXANDRO Macedone, qui eos intra e) montes artificissimos cohibuerat, equis infidentes velocissimis, & a Caucaſo monte irrum-

pen-

pingant, quam & res ipsa fert, & ſcriptorum teſtimonia. Adde nimiam Scythici nominis, apud gentes ſeptentrionales adfectionem. Ab hoc capite manauit, quod JORNANDES, & qui hunc incauti ſequuntur, Scytharum actus, ad Gothos ſuos retulerint. Tacemus reliqua. Egrege profecto, ſummus LEIBNITZIVS *Miscellaneorum* numero XVII. p. 45. Ego Scythica, inquit, malo vocare, non quæ Scandica, ſed quæ Sarmatica, Huniaca, Vgrica ſunt.

d) Aliter IORNANDES, de Reb. Geticis cap. V. p. m. 21. Tanaim, inquit, hunc dico, qui ex Ripais montibus deiectus, adeo præceps ruit, vt quum vicina flumina, ſeu Maotis, gelu ſolidentur, ſolus amnium confragoſis montibus vaporatus, numquam Scythico dureſcit algore. Plane MELAM exſcripſit Lib. I. cap. 19. lin. 127. vbi eadem legas: Ipſe Tanais ex Ripais montibus deiectus, adeo præceps ruit, vt cum vicina flumina, tum Maotis & Boſporus, tum Ponti aliqua, brumali algore durentur, ſolus æſtus biememque iuxta ferens, idem ſemper, & ſui ſimilis incitatusque decurrat. Hæc MELA, quæ non alia re, a JORNANDE diſcrepant, quam quod hic Tanaim gelu expertem dicat, quia ſolus amnium, confragoſis montibus vaporetur, hoc eſt ſuapte natura ob halitus, quos eructet, glaciem reſpuat; MELA vero, expertem glaciei idcirco dicat, quod præceps incitatusque decurrat, an ruat? Nam quo perniciores ſunt aquæ, eo frigoris vi adſtringuntur difficilius. Ergone abeſt a vero CALANVS noſter, quod Tanaim glaciale vocauit? Nolim id ipſi impingi. Legerat, procul dubio, MARCELLINVM, qui Lib. XXXI. cap. 2. p. m. 473. Hunnos, ultra paludes Maoticas, glaciale oceanum aſcoluiſſe, ſcribit. Itaque & Tanaim ab iis regionibus delapſum, ex climatis indole, haud male glaciale dixit. Adde CLAUDIANVM Lib. I. v. 323. in RVFFINVM, vbi de Hunnis ſic canit:

*Eſt genus extremos Scythiæ vergentis in ortus,  
Trans gelidum Tanaim. - - -*

Atque SIDONIVM carmine XI. verſu 95. p. m. 138.

*Glacies vbi Caucaſum auget  
Strinxit Hiperboreis, Tanaitica cruſta pruinis  
Naturam ſumens gemmæ, quia perdidit vndæ.*

En glaciale Tanaim! qualem, vt diceret noſter D. Hieronymi, adductus auctoritate eſt: cuius verba iam ſequentur. Ceterum *Iſaacus Voſſius* e lacu, quem vaſta vndique cingit planities, oriri Tanaim obſeruat, in notis ad hunc locum MELAE p. 415. edit. *Abrahami Gronouii*.

e) Imitatus eſt auctor D. HIERONYMVM, paſſim Hunnorum impreſſiones & damna, deplorantem. Neque enim apud vetuſtos chronographos, quidquam horum legas. Et de Alexandri quidem clauſtris, in epitaphio *FABIOLAE* Tom. I. Epistol. ſic habet: Ecce ſubito diſcurrentibus nunciis, oriens totus intremuit, ab vltima Maotide, inter glaciale Tanaim, & Maſſagetarum immanes populos, vbi Caucaſi rupibus, ſeras gentes Alexandri clauſtra cohibent, erupiſſe Hunnorum examina, quæ pernicipibus equis huc illucque volitantia, cadis pariter ac terroris cuncta complerent. Adde, quæ in epitaphio *NEPOTIAN.* ad *HELIODOR.* item quæ in epiſt. ad *OCEANVM* leguntur. *PAVLLVS OROSIVS* Lib. VII. cap. 33. p. m. 576. Gens Hunnorum, diu inacceſſis ſecluſa montibus, repentina rabie percita, exarſit in Gothos, eoſque ſparſim conturbatos, ſedibus expulit. Nulla hic clauſtrorum Alexandri mentio eſt. Ceteroquin, de Muro Caucaſeo, & huius veſtigiis, hodieque exſtantibus, quidque id rei fuerit, legendus omnino eſt, *THEOPHILVS SIGEFREDVS BAYER*, Acad. Petropolit. Profeſſor, amicus noſter, *Commentariorum Academia Scientiarum Imperialis Petropolitanae*, Tomo I. p. 425. ſequ.

f) Ita



pentes, Aethiopes & Arabes, totumque orientem, depopulati sunt. Posthæc ingressi loca, quæ hodie inhabitant, *Hunni*; deinde *f)* *Auares*, a quodam eorum rege, dicti, postremo, ex vtraque denominatione sumto vocabulo, *Hungari g)* nuncupati sunt, quod sic inditum nomen eis, usque hodie perseverat.

CAPVT

*f)* Ita PAVLLVS WARNEFRIDI, iis locis, quæ supra citauimus: *Alboin*, inquit, cum *Auaribus*, qui primum *Hunni*, postea de regis, proprii nomine, *Auares*, adpellati sunt, fœdus perpetuum iniit. Lib. I. de Gestis Longobardor. cap. 27. p. m. 40.

*g)* Gentem eandem esse, *Hungaros*, *Auares* & *Hunnos*, nunc diximus. Iam de nomine *Hungarorum* dicendum aliquid est. Audacter laudatus SCHVRTZFLEISCHIVS, loco citato, ad §. X. Nulla, inquit, huius gentis mentio existit ante IX. seculum: non quod non fuerit; sed quia tali nomine, sub hoc seculo, primo venire cœpisset. Verum meminisse *Hungarorum* debuerat, quorum luculenta apud Iornandem, VI. seculi scriptorem, exstat mentio, de rebus Geticis Cap. V. p. 17. vbi, cum *Hunnorum* gentes recenset, *Hunugari*, inquit, hinc sunt noti, quia ab ipsis pellium murinarum venit commercium. Sola hic syncope r̃ V. post primam syllabam, opus, ut *Hun-gari*, ipsissimum hodiernæ gentis nomen, inde emergat. Ista veritatis sunt exploratæ. Itaque, necessum haud est, dicam, optimis auctoribus, scribere, quod *Hunnorum*, *Auarorumque* gentem, *Hungaros*, multo, ante seculi IX. exordia, adpellent; cum id non ignorantia, sed iusta ducti ratione, faciant.

C A P V T II.

**H**I, ex *a)* horribili *Scytharum* gente *b)* creti, *Gothos c)* armis & virtute bellica, de sedibus propriis, depulerunt, &

*a)* Recte ad *Scythas* *Hunnorum* originem refert, interiores illos, & ultra *Tana-im* colentes. Quod amicorum meorum decus laudatus nunc BAYERVS, data ad me epistola, negare visus est. Quam postea opinionem suam, facunde non minus, quam scite, adfertum ibat, *Commentariorum Acad. Scientiar: Imperial. Petropolit. I. c. p. 385. in dissertatione: De originibus & priscis sedibus Scytharum.* Nobis interea, stat sententia vetus. Neque vero parentes tantum, sed ipsi quoque *Hunni* horribiles fuere. Nam, & quos bello forsitan minime superabant, vultus sui terrore, nimium pauorem ingerentes, terribilitate fugabant, eo quod erat eis species pauenda nigredine, sed velut quadam, si dicere fas est, deformis offa, non facies, habensque magis puncta, quam lumina. Verba sunt IORNANDIS Cap. XXIV. p. 69. Haud vero tam nativa hæc fuit deformitas, quam immani quadam arte, a teneris inducæta. sic MARCELLINVS: Ab ipsis nascendi primitiis infantum ferro sulcantur altius genæ, ut pilorum vigor tempestiuus emergens, corrugatis cicatricibus hebetetur. Senescunt imberbes, absque ulla venustate, spadonibus similes: compactis omnes firmisque membris, & opimis cervicibus: prodigiosa forma & pan, ut bipedes existimes bestias, vel quales in commarginandis pontibus effigati hipites dolantur incomite. Lib. XXXI. cap. 2. p. 472. Eadem IORNANDES quoque habet, loco, quem nunc citauimus, ex MARCELLINO, vti adparet, exscripta. Ceterum, legis ad hunc AMMIANI locum, notam VALESII, deformitatis *Hunnorum* & hanc adferentis causam, quod luctum testaturi, cultris genas conciderint. Confer SIDONIUM carmine II. v. 245. seqq.

*b)* Exsecrandus merito IORNANDIS error est, an conuitium; dum nihil dubitat, *Hunnorum* originem, ad impuros spiritus referre. Cap. XXIV. p. 67. *Aliorumnas*, inquit, *Filimer* habens suspectas, de medio sui proturbat, longeque ab exercitu suo fugatas, in solitudinem coegit terræ. Quas spiritus immundi, per eremum vagantes dum vidissent,



& quandoque, sic casus variante fortuna, a Gothis & ipsi superati, *d*) & victi sunt. His reges plures fuisse traduntur, e quibus præcellentes fuisse memorantur *e*) SVBTHARVS & MANDLVCHVS fratres; ATILA & BLEDA, Madluchi filii. Qui propriis non contenti, efferata rabie Romanum *f*) intendentes diluere

& earum se complexibus in coitu miscuissent, genus hoc ferocissimum edidere. Tali ergo stirpe Hunni creati, Gothorum finibus aduenere. Apage istas nugas, longe omnium malevolentissimas. quas, quod postea, gentis odio, etiam non mali scriptores, suas fecerunt, non tam nostri, quam ipsorum causa impense dolemus.

*c*) Hoc vero in confesso est, apud omnes, Gothos, partim subactos ab Hunnis fuisse, partim regione depulsos. Fatentur id, præter IORNANDEM, luculentissimi scriptores, ZOSIMVS, PROCOPIVS, MARCELLINVS, alii: vt in re pueris nota, superuacuum sit, testimonia adgerere. Gothi autem, Hunnos fugientes, quomodo accepti fuerint a Romanis, ZOSIMVS prolixè tradit, atque PAVLLVS OROSIVS Lib. VIII. cap. 33. p. m. 576. seqq.

*d*) Euenit hoc, ATILA fatis functo, cum filii eius, de principatu inuicem dimicarent. Vide IORNANDEM, Cap. L.

*e*) Fratres utique Suphtarum & Mandluchum fuisse, IORNANDES testis est Cap. XXX. p. 99. sed nomina eorum aliter reddit: Attila, inquit, patre genitus Mundzucco, cuius fuere Germani Ostar & Roas, qui ante Attilam regnum Hunnorum tenuisse narrantur, quamuis non omnino cunctorum; Itaque Subtharus, auctoris nostri, Ostar est IORNANDI. Sic & eum SIGEBERTVS, de regno Hunnorum nominat; tametsi anno MCCCXXXIII. Suphtar legat. In Gallia, cum SVPTAR rex Hunnorum, Burgundiones nimis opprimeret: illi in Deum Christianorum spem suam ponentes, se baptizari petierunt. Et statim cum Hunnis congressi, pauci, multa millia eorum peremerunt, & sic rabiem ipsorum refrænauerunt. Hæc SIGEBERTVS, quæ apud CAROLVM SIGONIVM in Historia de Occident. Imperio, Lib. XII. p. m. 285. multo sunt relata luculentius: sed qui Suphtarem, Optarem vocat, & ante pugnam Burgundiacam, cibo nimio disruptum, scribit. Itaque, Optare, Hunnorum rege, vita functo, regnum ad filios, Mundzucci fratris, Attilam & Bledam delatum est: verba sunt SIGONII. Vnde cognoscas, neque patris Attilæ nomen varietate carere. Mandluchum, ac postea constanter Madluchum auctor noster vocat, quem IORNANDES Mundzuccum, PRISCVS RHETOR Mundiuchum, denique Hungarici Annales BENDEKVTZ, adpellant. Quin & Roas, quem omisit CALANVS, varie scribitur, Roa PRISCO Rhetori est: Rugila, sequioris ætatis Chronographis. Nos alicubi Rubas scribere maluimus, vt vocabuli redderemus significationem; quod commode vestitum notat. De Mandulcho, vide, infra, Cap. III. nota d.)

*f*) Loquitur auctor, cum de ATILA, tum de reliquis etiam, quos nominauerat, regibus. Quod ideo monemus, quia Hungarorum annales, omnem rerum, domi forisque gestarum, gloriam, vni ATTILÆ, adscribunt: cum tamen palam sit, obscuro adhuc ATILA, multa per orbem terrarum facinora, Hunnos edidisse, non minus euentibus insignia, quam inusitata feritate, atrocia. Nam Hunnis, ante ATTILAM, complures fuisse, ex Græcorum Latinorumque, annalibus elucescit. Horum antiquissimum Balamberum seu Balamirum IORNANDES in Rebus Geticis Cap. XXIV. XLVIII. p. 71. 139. edit. Lugd. 1618. 8. nominat, quem e Cadarum familia clarissima prognatum, Chronicon Hungaricum THVROCZII tradit. Balambero successit Mundzuccus, pater Bledæ, & Attila, de quo IORNANDES in Reb. Get. cap. XXXV. p. 99. adscito in societatem regni, procul dubio, Vldi, quem ZOSIMVS Hist. Lib. V. cap. XXII. Hunnorum principem dicit. Crescente enim imperio Hunnico, quum vnus, tantæ multitudini non suffecisset: principes duo, regia potestate, ornabantur. Vtroque mortuo, Ostar & Roas, fratres Mundzucci, Hunnicum populum, teste IORNANDE l. c. rexere, quibus extinctis, ATILA, cum Bleda fratre, successit. PRISCVS Rhetor in Excerptis, p. 81. edit. Paris. 1609. 8. IORNANDES l. c. SIGONIVS de occident. impe-



luere imperium, Gallias, Pannonias, Illyricam & Liburnorum regiones, Germaniam & Italiam miris congressibus, depopulati sunt.

imperio lib. XIII. p. 304. edit. Basil. 1579. 4. Regisne, an Ducis titulo, principes Hunnorum ornati fuerint, disquirat BERNEGERVS. Notit. Hung. P. I. §. 19. 20. p. 27. PRISCVS RHETOR, & JORNANDES, reges adpellasse videtur, quando rempublicam Hunnorum, regnum adpellat. Quorum ATTILAM, inde ab exitu, numero quintum, non vero quartum, vti CALLIMACHVS, adnotauit, obseruare est. THVRÓCZVS P. I. c. 10. seq. Duces nominat, cuius sententiam, BONFINIVS, OLAHV & alii, rerum Hungaricarum scriptores, suam faciunt. SIGEBERTVS, ad an. 389. *Duces*, & Reges Hunnorum recenset, atque post *Balamberum*, *Gnama*, & *Melga*, duces collocat.

C A P V T III.

SVBTHAR igitur, & a) MADLVCHVS, cum harum gentium reges essent, multa aduersus Scythas b) ingentia bella gesserunt c) & multis claris persæpe aduersus eos victoriis habitis; Madulchus

a) *Subthar*, non cum *Mandlucho*, verum cum *Roa* fratre, vti JORNANDES cap. XXX. scribit, Hunnis imperauit. Ante eos quippe, *Mandluchum*, cum *Vldi* principe, Hunnorum imperium tenuisse, commonstratum est, ad Cap. II. not. e.

b) Scytharum nomine *Gothos*, *Alanos*, ceterosque Scythiæ Europææ populos, quos HERODOTVS Istro, & Tanai concludit, ex mente JORNANDIS intelligit.

c) Res Hunnorum præclare gestas, quas CALANVS prætergressus est, succincte & iusto ordine, ex annualibus veterum supplebimus. Hunni, anno a C. N. CCCLXXV. Valente, Gratiano & Valentiniano iuniore imperantibus, Gratiano autem A. III. & Aequitio Coss. ex Scythia egressi, superata palude Mæotide, duce *Balambero*, *Alipzuros*, *Adcidzuros*, *Itamaros*, *Tuncassos*, & *Boiscos*, qui ripam paludis tenebant, primum opprefferunt. JORNANDES Cap. XXIV. p. 69. deinde, *Alanos*, partim armis, partim fœdere sibi iunxerunt. MARCELLINVS Rerum gestarum Lib. XXXI. Cap. III. f. 478. edit. Lugd. 1693. Junctis cum Alanis viribus, *Gothos* adgressi, eorum partem vnâ, *Vestrogotos* puta, in Thraciam reiecere, partem alteram, *Ostrogotos* scilicet & cum *Gepidis*, potestati suæ subiecere. MARCELLINVS l. c. JORNANDES Cap. XXIV. XLVIII. Stabilitis in Scythia & Sarmatia sedibus, anno CCCLXXVII. *Gothis*, aduersus Valentem imperatorem, auxilio fuere. SIGONIVS de occident. imperio Lib. VIII. p. 177. cum iisque, anno sequente, Daciam & Pannoniam, occupauere, SIGONIVS Lib. VIII. p. 181. a Theodosio imperatore, annodemum CCCLXXIX. & cum reliqua, *Gothorum* *Alanorum*que multitudine, non tam bello, quam beneficio victi, Romanisque conciliati. OROSIVS Lib. VII. Cap. XXXIV. p. m. 579. JORNANDES de Rebus Geticis Cap. XXVII. SIGONIVS Lib. VII. p. 185. HERMANNVS CONTRACRVS ad an. 382. fol. 150. & an. 1736. ALBERT. STADENSIS an. 382. f. 164. VRSPERGENSIS in Chronico ad an. 382. f. 112. Ita benignitate Theodosii allecti *Hunni*, anno CCCLXXXVIII. & CCCXCIV. manum delectam, Alanis & *Gothis* permixtam, Romanis auxilio misere, in quorum castris illi, ducibus *Gaine*, *Saule*, & *Bacurio* militabant. Horum priorem, *Huldin*; Hunnorum cis Istrum in Scythia princeps, anno CCCC. interfecit, eiusque caput Arcadio imperatori misit. SIGONIVS lib. IX. p. 208. 220. At vero, Alarico quoque regi *Gothorum* in expeditione Italica, an. CCCC. suppeditas tulere, & Stilichonis copias, an. CCCCII. apud Pollentiam, dissipauere. PROSPER AQVITANICVS, Chron. apud *Canisium* p. 137. M. AVRELIVS CASSIODORVS, Chronic. Arcadio & Honorio. Coss. V. mutuis cædibus, inter Hunnos, *Gothos*, *Alanos*que subortis, teste OROSIO attenuati. Eorum manus altera, *Vldin* & *Sáro* ducibus, Honorio imperatori, anno CCCCIV. adfuit, qua stipatus, Stilicho, Radagaisio, mascule



chus *d*), vt alii ferunt, morbo, & vt plurimi, lassitudine præliorum, rebus humanis exemptus est, duos filios, relinquens: *Bledam* *e*) natu maiorem *f*), ATTILAM iuniorem. quos fratri suo SVBTHAR cum regno in portione, studiosius commendauit. SVB-

THAR

obstitit, eumque cum ducentis millibus ad internecionem vsque deleuit. OROSIVS Lib. VII. cap. XXXVII. p. 591. 592. FRECVLPVS Chron. T. II. Lib. V. Cap. V. p. 151. PROSPER AQVITANICVS Chron. in lection. *Canisi* Tom. I. p. 168. TIRO PROSPER, in Chronico, ibidem. Tom. I. p. 151. VRSBERGENSIS, ad an. 399. f. 118. Adeo, se tum, Hunni, Stilichoni, & magnanimitate, & fidelitate, commendauerant: vti etiam, in custodiam corporis adhiberentur, quorum postea omnes, Sárus dux Honorii, Stilichonem comprehensus, anno CCCCVIII. opera militum suorum interemit, SIGONIVS Lib. X. p. 251. Anno sequente, iuncti, parte quadam, Alarico Gotho, in Italiam irrumpunt, & vrbis Romanæ expugnationem, promouent, quorum millia decem, ea tempestate, ab Honorio imperatore, aduersus Gothos arcessita, in castris Romanorum militauere, SIGONIVS Lib. X. p. 253. 257. 258. Delituerant illi hucdum in Scythia, iuxta Tanaim, & paludem Mæotidem. Tum vero, teste HIERONYMO, vbi Roma a Gothis capta fuerat: per angustias Caucaſi, in Asiam erupere, indeque præda onusti in Thraciam penetrauerunt; vnde, Gothi ex Illyrico, in Italiam & Galliam emigrantibus, facto cum Honorio imperatore foedere, in Pannoniam & Daciam transiuerunt, in eaque, datis acceptisque obsidibus, anno CCCCXI. sedes posuere. SIGONIVS Lib. XI. p. 269. Horum reliquiæ, facta anno 424. ex Scythia in Thraciam impressione, Romanis graues esse coeperunt, quibus sedatis, Johannes, qui post obitum Honorii, imperium occupauerat, misso in Pannoniam Aetio, ingenti auri pondere, Hunnorum auxilia conduxit, quæ tamen, Aetius, capta demum Rauenna, Johanne in Italiam perducto, inito cum Aspare pacto, persolutaque, quam promiserat mercede, ad suos redire iussit. PROSPER AQVITANICVS, & TIRO PROSPER apud Canisum, p. 154. 155. HERMANNVS CONTRACTVS apud Canisum T. I. p. 459. ad an. 425. MARIANVS SCOTVS Lib. II. ætat. 6. anno 426. f. 412. SIGEBERTVS GEMBLACENSIS ad annum 425. f. 498. SIGONIVS Lib. XI. p. 378. 379. 380. His in Pannonia & Italia gestis, Hunni anno 428. Burgundiones adgrediuntur, aduersus quos, quoniam multitudo ingens emigrauerat: eos, hoc plane tempore, posteaquam annos 50. Pannoniam tenuerant, inde depulſos fuisse. SIGEBERTVS ad an. cit. scribit.

*d*) *Madulchum*, Mundzuccum adpellat JORNANDES de Rebus Geticis, Cap. XXXV. & SIGONIVS de Occid. Imperio Lib. XIII. p. 304. *Mundiuchum*. PRISCVS RHETOR, in Excerptis Legationum. CHRONICON Hungaricum, & OLAHV, in Hungaria, Cap. III. §. I. p. 4. edit. Posoniensis, *Bendegutz*, vel *Bendegitz*. CALLIMACHVS in Attila f. 631. *Mundruthum* & *Mazuchum*; ANTONIVS BONFINIVS Rer. Hungar. Decad. I. Lib. III. f. 35. edit. Coloniensis. *Mundiziccum*; THEOPHANES, *Omnudium*, Msc. Vat. *Omundium*. Alii *Nazuchum*, & *Madluehum*.

*e*) ATTILAM tamquam natu maiorem, Bledæ anteponunt, JORNANDES de Reb. Get. cap. XXXV. SIGONIVS de occid. imp. Lib. XII. CALLIMACHVS item, & alii, quam CALLANVS noster, nescio quo perductus auctoramento, natu minorem exprimit. *Bletanz* JORNANDES nominat. PROSPER Aquitanicus & TIRO PROSPER, apud Canisum p. 147. 172. cum BEDA, Hist. Eccles. Angl. Lib. I. c. 13. & SIGEBERTO ad an. 449. *Bledam*, pro quo erronee apud HERMANNVM Contractum, ad an. 444. in edit. Pift. *Bledam* legitur. Eos sequitur etiam CALLIMACHVS in Attila suo. *Belanz* vero COM. MARCELLIN. Chron. f. 1952. in Bibl. Patrum T. VIII. & THVRÓRTZ. c. 14. exprimunt. Reliqui, vti MARIANVS Scotus ad an. 445. & OTTO FRISING. Lib. IV. c. 25. cum BONFINIO & OLAHO *Budanz* adpellant.

*f*) Nomen ATTILAE, per duplex, vel simplex T. rectiusne scribatur, inter auctores dissensio est. Duplicant litteram *Attilam*que exprimunt: PRISCVS RHETOR, JORNANDES, PROCOPIVS, PROSPER AQVITANICVS, SIDONIVS, PROSPER, FRECVLPVS, SIGONIVS, Sig-



THAR g) ergo rex, fratre defuncto, solus b) regnum obtinuit; sed cum filios non haberet, BLEDAM i) & ATTILAM, ex fratre nepotes, sibi adoptionis iure filios, quandoque Imperatorum Romanorum more, constituit, & regni k) sui adsciuit sibi consortes.

SIGEBERTVS, CALLIMACHVS, THVRÓTZIVS, & alii plures: quæ scribendi ratio, & in nummis conspicitur, & a HVGONE GROTIÓ in Hist. Gothorum, alibique retinetur. Simplex T. sine adspiratione, OTTO Frisingensis, BONFINIVS, OLAVVSQUE, cum adspiratione vero, CHRONICON Weingartense, ceterique adhibent: & illi quidem ATILAM, hi vero ATHILAM, quasi vox primitiua, *Ethele*, foret, exprimunt, quos etiam FRANCISCVS FORIS OSTROKOTSY Orig. in Hung. P. I. Cap. 4. §. I. sequitur. qui ATTILAM in lingua vernacula, gemino ll. ad exemplum villa, valla, alla vocum Hungaricarum exprimendum esse arbitratur. ceterum ATTILAM, Hungarico idiomate *Ethele* adpellatum fuisse THVRÓTZIVS P. I. c. 13. tradit. Græcis apud PRISCVM & CALLISTVM *Αττίλλας* dicebatur. A. Germanis, vti LAZIVS de Migr. Gent. ex fragmento Annal. Veter. allegat, ETZEL, vel, vti, LVCKIVS in nummis legit WETZEL, adpellabatur. conf. BERNEGERVS in Notit. Hung. p. 125. §. 249. seqq. RVD. ROHT. Dissert. de Attila. 9. 14.

g) *Ottarem* nominat JORNANDES de Reb. Getic. cap. XXXV. Optarum, SIGONIVS Hist. occid. imp. L. XII. p. 285. & SIGEBERTVS in Chronogr. de regno Hunnorum; quem tamen in Chronologia ad an. 433. *Suphtarem* adpellat. *Hottarem* CALLIMACHVS in Attila f. 631. *Ottarem* ANTONIVS BONFINIVS Dec. I. Lib. III. f. 35. exprimit.

b) Non solus Suphtar, regno præfuit: teste enim JORNANDE, cap. XXXV. *Ostar & Roas ante Attilam, regnum Hunnorum tenuisse* narrantur, quamvis non omnino cunctorum. Omisit Roam CALANVS, qui etiam varie scribitur; Roua PRISCO RHETORI est, Roas JORNANDI. Rugilam vocat PROSPER in Chronico, quem sequitur SIGEBERTVS, cum chronographis, ætatis sequioris. Nos alicubi Ruhas scribere maluimus: vt vocabuli edere remus significationem, quod commode vestitum notat.

i) Ita testatur JORNANDES l. c. *Is namque Attila, patre genitus Mundzucco cuius fuere germani, Ostar & Roas.* Nescio, vnde ANTON. BONFINIVS suam acceperit opinionem: is enim, Attilam & Bledam, fratres Suphtaris fuisse, incerto prorsus testimonio adfirmat.

k) Neque adoptionis iure, Attila & Bleda Hunnorum principes, in regno Hunnorum succedere, neque a Suphtare, vti CALANO videtur, consortes regni adsciti fuere. Jure eo, quo Suphtari, Mundzucco quoque fratri, eiusque filiis Attilæ & Bledæ regnum Hunnorum debebatur. Ceterum Suphtar, minorennibus, tutor a patre dictus fuerat, qui teste PRISCO & JORNANDE, post obitum Suphtaris & Roæ, regnum occupauere. Nullo iure Attilam, in annalibus veterum, regem adpellari BERNEGERVS l. c. §. 257. p. 129. existimat; eo, quod a Romanis *Romanorum exercituum dux* non vero rex, teste PRISCO vocabatur. At vero ex loco Prisci, Attilam in gente Hunnorum regis, in subsidiis autem Romanorum, quæ ex Hunnis legebantur, *Romanorum exercitum ducis* titulo ornatum fuisse, luculenter elucet.

## CAPVT IV.

POst SVBTHAR rex, cum innumerabili Hunnorum exercitu, Germaniam a) inuadens, quacunque iter arripuit, omnia ferro

a) Germaniam intellige, Sarmatiæ conterminam, Vistula amne conclusam, quo loco hodie Polonorum ditio sita est. Hic enim, non solum intra, Gothini, Burgundiones, & Logiones, verum extra Vistulam etiam amnem, Gepidæ, Gothi, Bastarnæ, populi Germanorum, sedes habebant. CLVVERVS, German. antiquæ Lib. III. cap. XXXVI: CHRISTOPHORVS CELLARIVS, Geographiæ antiquæ Lib. II. cap. V. p. 479. 480.



ferro flammisque subiecit. Deinde Burgundiam *b*) procedens, omnemque præliis & rapinis exponens, depopulatus est. Burgundiones *c*) autem sic oppressi, viam salutis quærentes, cum nullam inuenirent, tandem diuinitus inspirati *d*), paganos ritus funditus abnuentes, Christiani facti sunt, putantes, sicut & subsequen-

*b*) BURGUNDIA, quam Hunni, duce Subtharo infestarunt, non in Gallia, vti SOCRATES & SIGEBERTVS opinantur, verum in Germania, inter Vistulam & Viadrum amnes, teste PTOLEMAEO Geograph. Lib. II. Cap. XI. quærenda est. Eo loco, hodie, CLYVERVS Germ. antiquæ Lib. cap. XXXVI. CHRISTOPHORVS CELLARIVS Geograph. antiquæ l. c. SPENERVS, Notitia Germaniæ antiquæ, Lib. V. cap. v. Poloniam sitam esse, doctissime commonstrarunt. Huc itaque Hunni, ex Scythia Daciaque, quam hac tempestate tenebant, facili modo, per medios Sarmatas, & Germanos, nullo prorsus resistente, impressionem facere poterant. Lapsus itaque SOCRATEM in Hist. Eccl. Trip. Lib. XII. Cap. IV. p. 585. edit. Basil. an. 1539. crediderim, qui Burgundiam, quam Suphtarum cum Hunnis adgressus est, ad Rhenum quærit. Ita vero ille: *Quadam insula ultra Rhenum fluvium est, Burgundionum. Isti vitam quietam agunt & pene omnes fabri lignorum sunt, ex qua mercede pascuntur. quorum regionem Hunni, crebra inuasionem vastabant, & plurimos occidebant.* Atqui, nondum regnante Suphtare, fines Sarmatiæ & Germaniæ, egressus fuerat Hunnorum populus.

*c*) EOS PLINIUS Hist. naturali L. IV. Cap. XIV. inter Vandalos numerat. Hi, ætate Probi imperatoris, cum Longionibus & Vandalis ad Rhenum, vti ZOSIMVS, Hist. L. I. cap. LXVII. LXVIII. p. 108. 109. edit. Cizens. tradit, ex Germania emigravere, & teste OROSIO L. VII. cap. XXXII. portionem Galliæ occupavere. Haud exilis tamen eorum pars, sedibus priscis remansit, qua a CLAUDIO MAMERTO Paneg. Maximiani Cap. V. cum Alemannis & Herulis, Germaniæ ad Vistulam incolis, coniungitur. Ii, ab Hunnis demum victi, sub signis Attilæ, teste SIDONIO Paneg. C. VIII. p. 95. militabant. Hinc CAROLVS SIGONIVS Hist. de occident. imp. L. XII. p. 285. edit. Basil. 1570. Burgundiones, inquit, qui in Germania remanserant, quotidianis impressionibus ab Hunnis exagitati, ad Christum Deum, opem implorantes confugerunt. Deceptum itaque SOCRATEM, l. c. & qui eius auctoritate nititur, SIGEBERTVM GEMBLACENSEM ad an. CCCXXXIII. f. 710. edit. 1726. observare est. Qui ignorantes reliquias Burgundionum, auitis sedibus adfiduas mansisse, erronee Burgundiones in Gallia a Suphtare pressos, & occasione hac, ad Deum conuersos fuisse, scribunt. Nihilo rectius VALESIVS Rer. Franc. Lib. I. p. 50. Burgundiones Germaniæ ad Rhenum, a Burgundis Sarmatiæ discernit.

*d*) Non tam diuinitus, inspiratos, vti CALANVS tradit, quam a popularibus, qui conuersi ad Deum, Galliam infederant, commonitos fuisse, existimaverim. Quum enim impressione Hunnorum, in has angustias coniecti, ad Burgundiones Gallos confugerant: procliue est colligere, istos non in hominibus, sed in DEO auxilium quærendum, populares suos docuisse. Ita rem hanc SOCRATES l. c. confirmasse videtur: *At illi licet anxietate constricti, ad nullum se tamen hominum contulerunt, sed alicui DEO se committere cogitabant. Tum audientes, quod Romanorum DEUS fortiter adiuvat se timentes, communi consilio ad credulitatem Christi confugiunt, venientesque in unam civitatem Galliarum rogabant, ut ab Episcopo Christianorum baptisma mererentur. At ille eos septem diebus faciens ieiunare & imbuens fide, baptizatos octavo die abire precepit.* Hæc Socrates, ex quo, eodem prorsus modo, Burgundionum ad Christum conversionem, SIGONIVS recenset. Burgundiones qui in Germania remanserant, quotidianis impressionibus, ab Hunnis exagitati, post agros suos incensos, hominesque fœde occisos, ceteris desperatis auxiliis, ad Christum Deum opem implorantes, confugerunt, atque episcopo ex Gallia repetito, se sacro tingi lauacro postulaverunt.

*e*) CARO-



sequenter factum est, quod ex hoc, omnipotens DEVS, eos in suam tutelam receptos, ab impetu gentis Hunnorum, & ab imminentibus periculis liberaret. Quorum votis DEVS omnipotens adnuit. Nam dum Rex *Subthar*, post annum, cum ingentibus Hunnorum copiis, ad loca Burgundiæ remeasset, ut reliquias Burgundionum, efferata rabie absumeret, spe salutis imbuti Burgundiones, audacter contra Hunnos, eorundemque regem *Subthar* e) eductis militum peditumque copiis, prælium instruxere, pugnatumque utrinque est, tanta Hunnorum strage, ut decem millium f) numerum, & eo amplius gladius, DEO adiutore absumerit.

e) CAROLVS SIGONIVS de Occident. imp. Lib. XII. ex Socrate refert, SUPHTAREM, seu OPTARVM regem Hunnorum, cibo nimio sumto se diripuisse, atque Hunnos sine duce pugnavisse.

f) Idem SIGONIVS ex Socrate refert, Burgundios, facto impetu, tanta felicitate impugnavisse: ut Hunnorum decem millia, a tribus sint Burgundionum millibus occisione occisa. SIGEBERTVS ad an. 433. cæsorum numerum non definit. Statim inquit, Hunnis congressi, pauci, multa millia eorum peremerunt, & sic rabiem ipsorum refrenauerunt. Eapropter & CALLIMACHVS, in suo *Attila*, Hunnos, fuis copiis, e finibus Burgundionum, exurbatos fuisse, scribit.

## CAPUT V.

Mortuo igitur ea clade a) *Subthar* rege, Bleda & Attila fratres, b) Hunnorum regno, pari omnium consensu præ-

a) Clades, qua Suphtar rex a Burgundionibus cæsus, occubuit, contigit iuxta computum SIGONII, circa annum CCCCXXVIII. a quo imperii *Attiliani*, principium petendum est. Cladem hanc, & cum successione ATTILAE tardius, ad an. scilicet 433. accidisse, existimat SIGEBERTVS, qui *Bledam*, anno demum 436. *Rugila* surrogatum fuisse, erronee tradit. Perperam itaque annales Hungarorum, & cum iis *Abraham Bakshai*, imperii *Attiliani* principium, ad an. CCCC. locant. Eorum enim, viuentem *Mundzucco*, nondum *Attila* *Bledaque* nomen innotuerat, prouti ad Cap. III. not. (d.b.) expositum est. Hinc vero enatum fuisse errorem annalium putauerim: quod primas Hunnorum sedes in *Pannonia*, (de quibus SIGEBERTVS) ab occupatione *Pannoniæ*, haud distinxerint. Vid. not. (b.) ad Cap. III.

b) De successione ATTILAE, & BLEDAE, differebant rerum Hunnicarum scriptores. PRISCVS Rhetor in Excerptis p. 81. edit. lat. Paris. 1609. *Roua*, quem alii *Roam* & *Rugilam* vocant, solum *Attilam*; SIGEBERTVS vero ad annum 436. f. 405. edit. Pift. *Bledam*, SIGONIVS autem, Hist. occid. Imper. Lib. XII. p. 285. cum CALANO nostro, utrumque *Optaro* regi successisse, adfirmant. Ita vero ille: *Optaro Hunnorum rege, vita functo, regnum ad filios Mundzucci fratris, Attilam Bledamque peruenit.* Rem hanc omnium euidentissime exponit JORNANDES de Reb. Get. cap. XXV. Eorum itaque post obitum *Attila* cum *Bleda* fratre germano, Hunnorum successit in regnum. Verisimile est, *Attilam* primum, uti PRISCVS tradit, *Roua* mortuo, fasces imperii summis, posteaque extincto *Suphtaro*, *Bledam* fratrem germanum, in societatem regni admissum fuisse; id quod & THYRÓTZIVS P. I. cap. 14. observat, *Belam*, inquit ille, fratrem suum, sui regiminis effecit participem. Toto hic, ut aiunt, cælo, ab istorum sententia, CHRONICON Hungaricum Decad. I. Monument. III.



præficiuntur *c*). Hi Bleda & Attila fratres, viuentē Theodosio iuniore Augusto, collecto grandi *d*) Hunnorum exercitu, pacatis *e*) Burgundionibus, in dies, ceteras *f*) finitimas regiones, nunc

M. Iohann. THVRÓTZII, P. I. c. 10. dissidet, quod Anton. BONFINIVS, OLAHVS, ceterique rerum Hungaricarum scriptores, imitantur. Præterquam enim quod *Suphtar*, & *Roua* regum, nulla ab iis fiat mentio, belli tantummodo duces, *Keve*, *Bela*, *Keme* & *Kadicba*, enumerantur. Quibus in prælio ad *Potentianam*, & *Tulnam* extinctis, ATTILAM, Hunnorum consensu, regem proclamatum fuisse, fide dubia traditur. Vid. Chron. THVRÓTZ. P. I. cap. XI. XII. XIII. f. 13. 14. 15. collect. BONGARSII.

*c*) ATTILAM, cum BLEDA non electum fuisse, verum iure hæreditario successisse, ex PRISCO Rhetore & JORNANDE, constat. Ille quidem, in *Excerptis de Legat.* p. 81. obscure, Hunnorum regnum ad Attilam peruenisse; hic vero post obitum Octaris & Roæ, Attilam cum Bleda germano, Hunnorum successisse in regnum, in Reb. Get. cap. XXXV. exponit. Idem sentiunt SIGEBERTVS, ad an. 436. & CALLIMACHVS, in Attila. Minus itaque recte THVRÓTZIVS in Chronico P. I. c. 13. ATTILAM, ab Hunnis *unanimes* voto pariter & consilio, regia dignitate elatum fuisse scribit, quem sequuntur, ANTON. BONFINIVS Dec. I. Lib. III. OLAHVS in Attila, Cap. III. Successuum profecto, Hunnorum fuit imperium, non minus ante ATTILAM, quam post eius obitum; ad quod reges e *Cadâr* stirpe, mutuo sibi succedentes, contestantur. vid ad Cap. III. not. (*c*)

*d*) Hunnorum exercitum, ex quingentis armatorum millibus, constitisse referunt: JORNANDES de Reb. Get. cap. XXXV. & SIGEBERTVS, ad an. 433. quem AVCTOR Hist. Miscellæ, ad septingenta millia extendit, & CHRONICON ALEXANDRINVM, ad Olym. CCCVII. p. 735. millia multa fuisse scribit. Certe maiores, quam vel Germania, vel Gallia ferre potuit, ATTILAM copias contraxisse, ex SIDONII Carm. VII. p. 95. edit. Paris. 1609. 4. constat. Ita vero ille:

*Et iam terrificis diffuderat ATTILA turmis.*

*e*) Clade Burgundica, nequaquam Hunnorum rabies, veluti SIGEBERTVS, ad an. 433. scribit, refrenata fuit. Reliquiæ enim *Burgundionum*, postea Hunnis subiectæ, teste AGATHIA, de regno Justinian. Lib. V. p. 149. edit. græca. in castris Hunnicis militabant. Sed & Burgundii, qui ex Germania in Galliam transuerant, anno demum CCCXXXV ab Hunnis, occumbente in prælio Gundicaro rege, partim deleti, partim deuicti fuere. PROSPER Aquitanic. Tom. I. collect. Canisii p. 157. HERMANNVS CONTRACTVS ad an. 435. f. 268.

*f*) Res Hunnorum, post mortem *Suphtar*, & *Roua* gestæ, breuiter a Calano, exponuntur. Paulo ante mortem, *Roua*, Amaldsuris, Ichamaris, Tancassis, Boiscis, ceterisque gentibus, quæ Istrum accolunt, bellum inferre decreuit. propterea, quod cum Romanis societatem inierant. Quin, Romanis etiam, per *Elam* denunciauerat, se a fœdere recessurum: nisi omnes Scythæ, qui ad eos confugerant, reddantur. Tum ergo mortuo *Roua*, THEODOSIVS imperator, Maximinum legatum, cum PRISCO RHETORE, ad ATTILAM misit, non minus subortas, inter Hunnos Romanosque controuersias compositurus, quam fœdus initum reparaturus, PRISCVS RHETOR in *Excerptis* p. 80. seq. ATTILA, Reparato cum Theodosio fœdere, teste Callimacho in Attila, f. 631. Gepidas, quos *Suphtar* sæpius tentauerat, in potestatem suam redegit, postea autem Romanis, aduersus Visigothos auxilio fuit. Ea tum, inter Hunnos Romanosque amicitia coaluit: uti etiam Attila, teste PRISCO, dux Romanorum exercituum adpellaretur. Eorum Aetius Romanorum dux, anno CCCXXXII. in Hunnorum sinum confugit interuentu Attilæ, non Rugilæ, uti SIGEBERTVS ad an. 435. existimat, imperatori reconciliandus. PROSPER AQUITANICVS in lectione Canis. Tom. I. p. 143. TIRO PROSPER ibidem p. 156. HERMANNVS CONTRACTVS ad an. 432. Longe plura bella, auspiciis Attilæ gesta fuere, antequam Hunni, in Germaniam & Galliam impresserant, quam, annalibus veterum connotata, leguntur. Eorum enim armis, Gundaricus rex Burgundionum, & cum gente sua, post annum CCCXXXV. deletus est. PROSPER AQUITANICVS in Lectionib. Canisii Tom. I. p. 143. HERMANNVS CONTRACTVS ad an.



an. 435. Valentiniano quoque imperatori, Hunni, aduersus Theodoricum regem Gothorum, auxilio fuere. quorum copiis, stipatus, Lithorius dux Romanorum, non solum, anno CCCXXXVI. Narbonensibus obsessis, suppetias tulit, verum, redactis etiam in ordinem Aremericis, anno CCCXXXVII. Gothorum populationem, in Gallia compressit. PROSPER AQUITANICVS l. c. p. 143. HERMANNVS CONTRACTVS ad an. 439. p. 268. MARIANVS SCOTVS Lib. II. æt. 6. ad an. 438. Huius subsidii SIDONIVS quoque meminit:

*Lithorius Scythicos equites, dum forte subacto  
Celsus Armerico, Geticum rapiebat in agmen  
Per terras Aruerne tuas, qui proxima quæque,  
Discursu, flammis, ferro, feritate, rapinis,  
Delebant pacis, fallentes nomen inane.*

ubi vero Lithorius, pugna, anno CCCXXXIX, imprudenter commissa, in potestatem Gothorum peruenisset: Romani, properante, ad Rhodanum Theodorico rege, Hunnos præsidio oppidorum imposuere. Edocet hoc iterum SIDONIVS, Carm. VII. p. 93.

*- - Capto, terrarum damna patebant,  
Lithorio, in Rhodanum, proprios producere fines  
Theodoridæ fixum. Nec erat pugnare necesse  
Sed migrare Getis, ravidam trux asperat iram  
Victor, quod sentit Scythicum pro mœnibus hostem  
Imputat, & nihil est grauius, si forsitan vnquam  
Vincere contingat, trepido.*

Tandem Attila, fœdere, quod Hunni, cum Theodosio inierant, disrupto, ingentique ex Hunnis, Ostrogothis, Gepidisque, exercitu coacto, anno CCCXXLI. orientale inuasit imperium, Mœsiam solus, superato Istro ingressus est, Thraciam, Bledæ fratri vastandam commisit. PROSPER AQUITANICVS l. c. p. 146. CHRONICON ALEXANDRINVM Olymp. CCCV. Ind. X. Beda de sex æt. mundi p. 114. HERMANNVS CONTRACTVS ad an. 442. MARIANVS SCOTVS Lib. II. æt. 6. ad an. 443. Hoc tumultu accepto, Theodosius, Arnegislum & Joannem vtrumque magistrum militum, Hunnis, cum delecta manu occurrere iussit, quorum Arnegislus, acri prælio, cum Attila decertauit, Joannes autem dum Bledæ occurrerat, fraude Arnegisli peremtus occubuit. SIGONIVS Lib. XII. p. 304. anno sequente, Hunni, vastata Thracia, Græciaque, omnia oppida, inde a sinu Ionico, vsque ad Constantinopolim diripuerunt, ac duas munitissimas in Illyrico arces, urbemque Cassandream, vt PROCOPIVS auctor est, exciderunt. In Thracia certe, omnia oppida, præter Adrianopolim, & Heracleam, furore Hunnorum disiecta fuere. SIGONIVS l. c. Hoc bello, quum duces Romani, varijs præliis irritarant, quam representerant potius, Hunnorum multitudinem: Theodosius, bellum Hunnicum expauescens, missis anno CCCXLIII. de pace, ad Attilam legatis, sex millia pondo auri, pro recessu, mille autem minas, si suis finibus imposterum foret contentus, spopondit. SIGEBERTVS Gemblacens. ad an. 447. SIGONIVS de occid. imp. Lib. XII. ad an. 443. Interemto vero, ex insidiis anno CCCXLV. Bleda fratre, subactisque, qui ei parebant populis, Attila, bellum Romanis, anno CCCXLVI. indixit, qui, superato sub initium anni sequentis, frigore, congelato Istro, exercitum, in Daciam citeriorem, seu Mœsiam, populatum immisit, castrisque apud Marcianopolim, Anthemio & Arnegislo militum magistris, grassatus per Daciam, Mœsiam, Illyricum, Thraciam, vsque ad Thermopolim, inter Thessaliam & Macedoniam penetrauit, JORNAND. de Regn. success. Cap. 98. FRECVLPVS, Chr. T. II. Lib. V. c. 14. p. 126. coll. Vulcan. Hac expeditione, septuaginta minimum ciuitates in oriente, Hunnorum deprædatione subuersas fuisse TIRO PROSPER p. 172. coll. Canis. T. I. ed. Pith. & SIGEBERTVS, ad an. 450. narrant. Vnde SIDONIVS, ad Anthemium Carm. II. p. 23. sic de HUNNIS.

*Gens ista repente  
Venerat, & sectas inciderat orbita lymphas  
Hanc tu directus, per Dacica rura vagantem*



nunc vna, deinde altera, variis & innumeris præliis lacefferunt. Et exinde per Germaniam g) transeuntes, Gallias b) in-

*Contrabis, aggredieris, superas, includis & ut te  
Metato spatio castrorum Sardica vidit,  
Obsidione premis, quæ te sic tempore multo,  
In vallo positum stupuit, quod miles in agros,  
Nec licitis nec furtivis excursibus ibat.  
Cur deesset, cum sæpe Ceres semperque Liens  
Disciplina tamen non defuit inde propinquo  
Hoste magis timuere ducem, sic denique factum est:  
Ut socius tum forte tuus, mox proditor illis.  
Frustra terga daret, flexo pede cornua nudans  
Tu stabas acie solus, te sponsa fugaci.  
Expetiit ductore manus te Marte pedestri  
Sudantem repetebat eques tua signa sequutus  
Dux fugit, insequeris, renouat certamina, vincis;  
Clauditur, expugnas, elabatur, obruis atque  
Sarmatica paci pretium sua funera ponis.  
Partitur, iussu subit iam transfuga letum,  
Atque peregrino cecidit tuo victima ferro.*

Minus itaque recte LVCIVS de regno Dalmat. & Croat. Lib. III. c. IV. f. 120. ATTILAM nunquam Illyricum vastauisse obseruat: cum tamen copiarum Hunnorum, & a depopulatione Mœsiæ Græciæque, teste PROCOPIO, & ab obsidione Aquileiæ, in Illyricum excurrerint. His actis, Theodosius, tantum bellum auersatus, legatos ad ATTILAM de pace acturos, in Scythiam misit, & annum vectigal auxit. In hanc legationem, PRISCVM historicum missum fuisse, elucet, ex eius *Excerptis de Legat.* p. 83. edit. Paris. & JORNANDE, de rebus Get. Cap. XXXIV. Qua re cognita, Valentinianus, & ipse, oratores ad pacem petendam, CASSIODORVM, & CARPILIONEM misit. vid. CASSIODORVS epist. Theod. PRISCVS *Excerptis Legat.* Pace concessa, tributoque aucto, Agatziros primum, duce Onesegio, perdomat, postea vero, bellum, aduersus Persas molitur. PRISCVS l. c. p. 108. 121. THVRÓTZIVS, Chron. P. I. c. 14. Hæc, ante Gallicam & Germanicam expeditionem. Quo tempore, Pannoniam quoque, cum Mœsia, ceterisque Romanorum prouinciis, sub iugum missam fuisse, ex euerfione *Sirmii*, apud PRISCVM p. 104. luculenter elucet. ceterum, ante subiugatas orientis prouincias, haud infessam fuisse ab Hunnis Pannoniam, vel inde colligere licet; quod ATTILA, Romanorum, aduersus *Vestrogotos* exercituum, dux & socius, accepto a Theodosio annuo stipendio, intactas Romanorum prouincias reliquerit, sedemque imperii, *Daciam Ripensem*, & regionem *Iazygum Metanastarum*, delegerit. PRISCVS Rhetor *Excerptis Legat.* p. 169. seq. Non igitur ad ann. CCCCI. veluti annales Hungarorum adnotaue-  
re, verum ad CCCXLI. vel CCCXLVII. quo ATTILA, orientale inuaserat imperium, occupationem Pannoniæ referendam, eaque, quæ CHRONICON Hungaricum, de præliis, cum Macrino & Detrico apud Potentianam & Kefmawr commissis, eo quod scriptores Romanorum, ea de re taceant, prorsus incerta & dubia esse, existima-  
uerim.

g) Ex Pannonia, & Iazygum Metanastarum regione, consilio, vti THVRÓTZIO placet, Detrici, occidentales adgreditur prouincias. Et primum quidem, subactis Quadis, & Marcomannis, in Noricum irrumpit. Vbi, cum Theodorico Veronensi, & Macrino Anthemio, limitis Danubiani præsidibus, pactus, itineris aduersus *Vestrogotos* faciundi facultatem, clausis oppidis, accepit, atque per *Vindeliciam*, & *Rhetiarum Rauracorum*que fines, ad lacum *Brigantinum*, peruenit. Vnde, subuersis vrribus, caësisque Gundarico & Sigismundo, Burgundiæ Regibus, quorum posteriorem THVRÓTZIVS, Regem Con-



b) inuaserunt, i) omnia ferro & igni subiicientes, & hostili more vniuersa quoque diripiunt, plerisque tamen ciuitatibus k) & oppidis captis, multis & in deditionem receptis, secus Aurelianum

Constantiæ vocat, ad Rhenum vsque penetrat. AVENTINVS, Annalibus Boiorum Lib. II. f. 164. edit. Basil. an. 1580. Expeditione hac, omnes, sine dubio Germaniæ populi, veluti SIGONIVS L. XIII. p. 316. opinatur, se, ATTILAE, ad Gothorum, vt præ se ferebat, excidium, contendenti, adiunxerunt: *Quadi*, inquam, *Marcomanni*, *Heruli*, *Turcilingi*, *Burgundiones*, *Thuringi*, *Bructeri*, *Saxones*, & qui in Germania remanserant, *Franci*. Cum hac igitur, diuersarum gentium multitudine, ATTILA, vniuersam Germaniam, subegit.

b) Galliam puta Belgicam, Lugdunensem, & Aquitanicam. ATTILA quippe, tantarum gentium stipatus multitudine, superato lintribus Rheno flumine, exercitum in Belgium primum infudit; inde in Lugdunensem & Aquitanicam regionem, nullo impediante, libere progressus. Expeditionem, in hunc modum describit SIDONIVS, ad Auitum Carm. VII. p. 96.

*Cedit cito secta bipenni*

*Hercinia in lintres & Rhenum tessuit alno*

*Et iam terrificis, diffuderat ATTILA turmis,*

*In campos se Belga tuos.*

Causam, cur Attila Galliam inuaserit, PRISCVS Rhetor Excerpt. Legat. p. m. 63. exponit: Itaque Attilas in varias distrahebatur sententias, & illi in dubio habebat animus, quos primum adgrederetur. Tandem melius rem se habituram visum est, ad periculosius bellum sese conuertere, & in occidentem exercitum educere. Illic enim sibi rem fore non solum cum Italis, sed etiam cum Gothis & Francis; cum his vt Honoriam cum ingentibus diuitiis in uxorem acciperet; cum illis vt Genferichi gratiam promereretur. At Francos bello laceffendi, illi causa fuit Regum ipsorum obitus, & de regno inter liberos controuersia. Seniori Attilas studebat, iuniorem Aetius tuebatur, quem Roma vidimus legationem obeuntem.

i) Vniuersam Germaniam, inaudita crudelitate, inde a Pannonia, vsque ad Heduos deuastatam fuisse HVLDERICVS MVTIVS Chronic. Germ. Lib. IV. T. II. p. 644. Collect. Pistorii edit. an. 1726. obseruauit; erronee tamen calamitatem, quæ anno CCCC. XLIX. & CCCCL. acciderat, ad an. CCCCLV. retulit. Memoratu digna est, cum primis *Argentina*, & *Colonia Agrippina*, depopulatio. Et Argentinam quidem, ATTILA propterea, quod sola, conatibus suis, obsistere audebat, solo æquauit, atque propter diuersas vias, *Strasburgum* adpellari iussit. THVRÓTZIVS Chron. Cap. XV. OLAVVS, in Attila, Cap. IV. Testatur id icon ATTILAE, in vertice, portæ Argentoratensis, anaglyphice sculpta apud SCHÖDELIVM, in Notit. Hung. Part. I. §. 245. seq. Apud Coloniam vero Agrippinam, *Gyula Dux Hunnorum*, XI. M. virgines, quæ duce *Vrsula*, Roma, in patriam, secundo Rheno, reuertebantur, interceptas, crudeliter enecauit. SIGONIVS Lib. XIII. p. 317. & THVRÓTZIVS l. c. Cap. XVII. Conf. de vndecim mille virginibus, *Valesiana* seu *Meditamenta Critica Historica* cet. Hadriani VALESII Parisiis 1694. in 12. & *Acta Erudit.* Lips. ad an. 1694. Mens. Iul. p. 309.

k) Nullam ciuitatem, nullum castellum, nullumque oppidum Galliæ, a furore ATTILAE, qua ille ducebat exercitum, tutum fuisse, ex FRECVLPHI Chron. T. II. L. V. cap. 14. p. 154. cognoscitur. GREGORIUS Turon. Lib. II. cap. 7. multas Galliarum ciuitates, pressas fuisse adnotauit. Superato enim, Rheno, *Tungros*, & *Coloniā* deleuit, *Treueros* diripuit, *Metas* succendit, *Attrebatum* excidit, *Aurelianum* obsedit. AIMONIVS de gestis Francorum, Lib. I. cap. 6. p. 286. GREGORIUS TVRONENSIS Lib. II. cap. 6. SIGONIVS Occid. Imp. Lib. XIII. p. 317. Trecas tamen, in Senonia, virtute S. *Lupi*, Episcopi percitus, nullo maleficio adfecit. HINCMARVS, Epist. V. cap. 17. PETRVS Equilin. Lib. VI. cap. I. Hac tempestate *Lutetia* quoque Parisiorum, pietate S. *Genoueue*, seruata fuerat. vid. HIST. S. *Genoueue*. Ceterum, *Tungrorum* excidium, a *Sernatio* præfule prædictum fuisse, tradit FREDEGARIVS, de gestis Francorum, Cap. I. p. 93. collect. Freheri. Decad. I. Monument. III.



num *l*) castra metati sunt *m*). Sed meritis *n*) B. ANIANI, eiusdem urbis episcopi, DEVS omnipotens, ciuitatem ab incurſu hoſtium protexit; quamuis *o*) multa grauiâ perpeſſa ſit. *p*) Hoc audiens *Valentinianus Publius*, huius nominis tertius, qui (*q* cum

*Theo-*

*l*) Ciuitas eſt Galliæ Lugdunenſis, ad Ligerim ſita, quæ ab reſtitutore Aureliano, nomen accepit. CHRISTOPH. CELLARIUS Geogr. Antiqu. Lib. II. cap. 2. p. 204. quam Sangibanus rex Alanorum, aduerſus Hunnorum impetum defendebat. JORNANDES de Reb. Get. cap. 37. p. 107. Ea; GREGORIO TURONENSI Lib. V. cap. 33. & AIMONIO Lib. I. cap. 6. Aurelianenſis; JORNANDI I. c. ciuitas Aureliana; NOTIT. Prouinc. & in præfat. Concil. Aurelian. I. ciuitas Aurelianorum; OTHONI Friſingenſi Lib. IV. c. 41. & BEDÆ XV. Kal. Decembris, aliisque, Aurelianis dicitur.

*m*) Hunnos urbem Aurelianenſem obſediſſe, elucet ex AIMONIO Lib. I. c. 6. SIGBERTO ad an. 453. PETRO item Lib. X. cap. 71. cuius oppugnationem, GREGORIUS TURONENſIS, Lib. II. cap. 7. deſcribit.

*n*) B. ANIANVS, præſul fuit Aurelianenſium, FRECVLP. Chr. T. II. Lib. V. c. 14. AIMONIVS L. I. cap. 6. HISTOR. S. Aniani, cuius meritis Aurelianum obſidione liberatum, numeroſumque Hunnorum exercitum, in campis Cathalaunicis, fuſum fuiſſe, annales Francorum tradunt. Ita enim GREGOR. Turon. L. II. c. 7. Itaque liberata, obtentu B. Antiſtitis ciuitate, & alibi: Nam nullus ambigat Chunorum exercitum, obtentu memorati Antiſtitis fuiſſe fugatum. AIMON. I. c. Cuius meritis & orationibus, immaniſſimas Hunnorum phalanges, omnipotentia Chriſti ita proſtruit: ut quibus profugi habitent in terris, hucusque ſit incognitum. Liberationem urbis, ab inſultu Hunnorum, meritis B. Aniani, SIDONIVS quoque, Epiſt. Lib. VIII. ep. 15. p. 553. tribuit, quam, IDACIVS Chron. Mſc. & qui eum ſequitur, SIGONIVS Lib. XIII. f. 318. orationibus beatiffimi præſulis, ciuiumque adſcribunt. Ita enim iſte: Ea re territi ciues, cum quidnam conſilii caperent, in incerto haberent; Anianum conſuluerunt. Ille monuit, ut ſpem in DEO figerent, atque opem eius ſupliciter implorarent. Quod cum illi humi proſtrati feciſſent, &c.

*o*) Aurelianum, maximo arietum impulſu, oppugnatum fuiſſe. GREGOR. Turon. Lib. II. cap. 7. ſcribit: Attila vero Chunorum rex, a Metenſi urbe egrediens, cum multas Galliarum ciuitates premeret: Aurelium adgreditur, eamque, maximo arietum impulſu, nititur expugnare. Ab oppugnatione in urbem demum, Hunnos irruptionem feciſſe, onuſtoſque ſpoliis, in caſtra rediſſe, AVCTOR Hiſt. S. Aniani, & PETR. EQVILIN. Lib. VII. cap. 71. referunt. Ita vero iſte: Dum autem epiſcopus ad eos exiuiſſet, & pro populo intercedens, ab ATTILA nihil penitus obtinere potuiſſet, ſed, die ſequenti aduerſarii urbem violenter intrantes, plauiſtra eorum, ſpoliis onerarent, &c. Neque tamen Hunni, facta irruptione, urbem diripere: ſuperuenientes quippe Aetius patricius, Meroueus item, Francorum, & Theodoricus, Gothorum reges, eos fugarunt, & ab Aurelianis recedere, relictis ſpoliis, adegerunt. GREGOR. Turon. Lib. II. c. 7. & Hiſt. S. ANIANI. Ea propter, SIDONIVS Lib. VIII. ep. 16. de obſidione Aurelianenſi, hunc in modum: Exegeras mihi, ut promitterem tibi ATTILAE bellum, ſtilo me poſteris intimaturum, quo videlicet Aurelianenſis urbis obſidio, oppugnation, irruptio, nec direptio, & illa vulgata exauditi calitus ſacerdotis vaticinatio, continebatur. Oppugnationis Aureliani, haud meminit JORNANDES, qui ante aduentum ATTILAE, demolitum fuiſſe, memoriæ prodidit.

*p*) Prius *Valentinianus Imp.*, exercitum Romanum, duce Aetio, proficiſci iuſſit: quam ATTILA, ſuperato Rheno, in Gallias irruerat. Is enim, in omnem ATTILAE actionem intentus, cognito, legationis, quam anno CCCCL. ad Oſtrogothos exmiſerat, fuco, Theodoricum, Gothorum, Gundaricum, Burgundionum, Sangibanum, Alanorum, & Meroueam, Francorum Reges, in ſocietatem belli adſciuit, eiſque ſummam Aetio dedit. JORNANDES de Rebus Get. cap. XXXVI. FRECVLPVS Chron. T. II. Lib. V. c. XIV.

*q*) THEODOSIVS II. intelligit, qui, cum VALENTINIANO III. ad annum vſque CCCCL. imperauit, & ſub Gallicana Hunnorum expeditione, obiit. JORNANDES de Regn. Succeſſ. p. m. 126. CVSPINIANVS in Cæſaribus, in Theodoſio II.

*r*) Dux



*Theodosio* iuniore Romanum Imperium tenebat, Etium patricium, virum utique *r*) rebus bellicis apprime eruditum *s*.) cum magno suo exercitus, adparatu, direxit in Gallias *t*), ut Bledæ ATTILAEQUE, & *u*) gentium, quas secum duxerant, tumultibus & anfractibus contraheret.

*r*) Dux fuit, uti SIGONIVS, Lib. XIII. p. 315. scribit, ea ætate, & manu, & consilio, promptissimus, atque in barbarorum bellis exercitatissimus. quem eapropter, BEDA de Sex ætat. mundi. p. m. 114. terrorem Attila nominat. Erat enim hac ætate Aetius, solus ex principibus, famosissimo Attila, formidabilis. MARIAN. SCOTVS. Lib. II. æt. VI. ad an. 455.

*s*) Exercitus, consilio Aetii, ATTILAE obiectus, ex Romanis, Vest-Gothis, Alanis, Francis, Burgundionibus, aliisque Celtarum, & Germanorum nationibus, collectus fuit. In adparando quippe bello, tanta fuit Patricii Aetii prudentia: ut undique bellatoribus congregatis, aduersus ferocem, & infinitam multitudinem, non impar occurreret. His enim adfuere auxiliares Franci, Sarmatae, Armoritiani, Litiani, Burgundiones, Saxones, Riparioli, Ibriones, quondam milites Romani, tunc vero, iam in numero auxiliorum exquisiti, aliaeque nonnulla Celtica, vel Germanica nationes. JORNAND. de Reb. Get. cap. XXXVI. p. 105. 106. FRECVLPVS, Chron. T. II. Lib. V. c. 14. p. m. 154.

*t*) Impegit hic IUVENCVS noster, ignarus Bledam, ante susceptam in Galliam expeditionem, Theodosio XVIII. & Alboino Coss. adeoque anno CCCCXLIV. necatum fuisse. PROSPER Aquitan. Coll. Canisii p. 147. vid. infra ad cap. XI.

*u*) Exercitus ATTILAE, ex incondita Hunnorum, Scytharum, Germanorum, & Sarmatarum multitudine, conflatus fuit. Et Hunnorum quidem, qui tot præliis exhausti erant, haud magna fuit multitudo. Longe maior auxiliorum copiarum numerus. Ex Scythis quippe: Ostrogothi, ducibus Valamiro, Theodomiro, & Vindemiro; Gepidæ item, duce Ardarico, & Sarmatae, Gelones, Neuri, Alani, Bastarnæ, ceterique Scytharum bellicosissimi populi, in castra ATTILAE confluerant. Ex Germanis vero: Quadi, Marcomanni, Rugi, Heruli, Turcilingi, Burgundiones, Thuringi, Brueteri, Saxones item, & qui in Germania remanserant, Franci. Enumerat eos, qui his rebus interfuit, SIDONIUS, in Panegyri. Carm. VIII. p. 95.

- - - Subito cum rupta tumultu

Barbaries tota in te transfuderat arcus

Gallia pugnacem Rugum, comitante Gelono

Gepida trux sequitur. Scerum Burgundio cogit,

Chunnus, Bellonotus, Neurus, Bastarna, Thuringus,

Brueterus, vluosa, quem, vel Nicer alluit vnda

Prorumpit Francus

In Sarmatarum numero, Jazyges Metanasta intelligendi sunt, quos STRABO Lib. VII. & MARCELLINVS Lib. XVII. euidenter Sarmatas nominant. Diuersi ab iis fuere Sarmatae, & JORNANDE inter subsidia Romanorum relati. quorum nomine, Burgundiones forte, qui e Sarmatia, in Galliam emigraverant, intelligit.

## C A P V T VI.

ET quoniam sermo incidit de VALENTINIANO III. inferendum est memoriae, notitiaeque posterorum, qui & *a*) quis fuerit Valen-

*a*) Valentinianus III. filius fuit Constantii, Romanorum Patricii, & Theodosii Magni, ex Placidia filia nepos. Ea enim, anno CCCXVIII. post mortem Athaulfi regis Gothorum, Constantio comiti, Romanorumque Patricio nupsit. quem Honorius



Valentinianus. hic fuit filius CONSTANTII Imperatoris, huius nominis tertii, *b*) & Galliæ Placidæ, filiæ maioris Theodosii, sororis Honorii & Arcadii, patris minoris Theodosii. Hic Valentinianus ex *c*) vxore *Licinia Eudoxia*, genuit duas filias, quarum maior natu *d*), *Honorio* nomine, Thrasimundi, Regis Vandalorum fuit sortita connubium; Junioris vero natu *e*) *Placidia* nomine, virginis clarissimæ, Veronæ corpus in Ecclesia *S. Stephani* conditum requiescit.

Imp. sublato Constantino tyranno, anno CCCCXX. collegam imperii legerat. OROSIVS Lib. VII. c. 41. SOZOMENVS Lib. VII. c. 13. seq.

*b*) PLACIDIA, quam *Placida*, rectius scribitur, sicuti & noster paullo inferius. Fuit ea Theodosii M. filia, atque Arcadii, Honoriique Imp. soror, & Athaulfi Regis Gothorum, qui Gallias tenebant, vxor. ISIDORVS Chron. Goth. ad an. 448. quam propterea CALANVS cum NICEPHORO, Galliam Placidam vocat. Ea, interfecto a Valia Athaulfo, rege Vestgothorum, Honorio reddita, & Constantino Patricio matrimonio iuncta, Valentinianum III. Imp. peperit. JORNANDES, de Reg. Success. p. m. 124. NICEPHOR. Hist. Eccl. Lib. XIV. c. 6.

*c*) EUDOXIAM alii, matris nomine, adpellant. Fuit enim Valentiniani III. vxor & Theodosii II. ex Eudoxia, filia. EVAGRIVS Lib. I. c. 21. ZONARAS Tom. III. p. 91. edit. Franc. an. 1587. JORNANDES de Regn. Success. p. m. 125.

*d*) Natu maior, VALENTINIANI III. filia, non Honorio, sed Eudoxia, quæ Hunerico, regi Vandalorum nupserat, adpellabatur. Honorio enim soror fuit Valentiniani. III. PRISCVS Rheor in Excerpt. Legat p. 64. quæ ATTILAM, libidine inflammata, ad in-eundum secum connubium, in Italiam inuitauerat. JORNANDES de Regn. Success. p. m. 125. SIGONIVS, de Occ. Imp. Lib. XII. ad an. 434. p. 295. conf. ad Cap. XXII. not. c. Ceterum, Eudoxiam, & cum sorore Placidia, Genfericus Rex Vandalorum, expugnata Roma, in Africam abduxit, eamque filio Hunerico in matrimonium dedit. ISIDORVS in Chronico Vandalorum p. m. 227. 228. JORNANDES de Regn. success. p. m. 127. NICEPHORVS Hist. Eccles. Lib. XIV. Cap. XI.

*e*) Placidia natu minor Valentiniani III. filia, quæ, cum Eudoxia sorore, a Genferico rege Vandalorum, in Africam abducta fuit, remissa Constantinopolim, Olybrio Patricio, postea vero Romanorum imperatori nupsit. PROCOPIVS Lib. III. Bell. Vand. ISIDORVS Chronic. Vandalorum p. m. 227. NICEPHORVS l. c.

## CAPVT VII.

ETIVS *a*) ergo Patricius, vir, vt antea diximus, strenuus *b*) ter

*a*) Actium JORNANDES, PROSPER Aquitanicus, FRECVLPVS, FREDEGARIVS, alique plures expriment. Actium scribit SIDONIVS. Aethium vero AVCTOR. Hist. S. Aniani, Patricius ille fuit Romanorum, qui ea tempestate Galliis præerat. FRECVLPVS, Chron. Tom. II. Lib. v. c. 14. quem JORNANDES de Reb. Get. Cap. XXXVI. tantæ prudentiæ virum fuisse indicat: vti etiam, ei, hac tempestate innitebatur respub. Hesperia plaga. Natus ille est in Mysia, in Dorastana regione, qui, initio, ob insignem rei bellicæ peritiam, ab Honorio Imp. in locum Constantii, copiis præfectus, post hac vero, quod cum Alanis, Vandalis, ac Sueuis, haud conflixerat, dignitate priuatus, ad Hunnos transit, ATTILAE & RVGILAE, vt SIGEBERTVS putat, ob insignes animi doctes, cum primis carus; a quo is, rerum Italicarum statum, didicit. Mortuo Honorio, interuentu Hunnorum, Valentiniano reconciliatus, & Romam reuersus, dignitati pristinae restituitur. PROSP. Aquit. T. I. p. 143. HERM. CONTR. ad an. 432. OLAVVS in ATTILA cap. V. Maximi Patricii fraude, post multa præclare edita facinora, peremptus. JORNANDES de Regn. Success. p. m. 127.

*b*) Pri.



b) ter Consul, & qui, quidquid bellorum erat, solus nouerat, collecto Romanorum exercitu, c) *Theodoricum* regem d) Gothorum - - - qui Hunnis, habitis ex præcedentibus diffidiis, & e) innumeris conflictibus offensi, aduersus eos ulturi suas, suorumque graues iniurias, Etio, de facili f) consensere, sibi adsumsit, certaminis, aut profecto ingentis g) futuri belli collegam. Cuius belli consortio, & b) Wallamir & Theodomir, quondam i) Tria-

b) Primum Anno C. 432. cum Valerio, deinde Anno 437. cum Fl. Sigenulte, inde An. 446. cum Q. Aurelio Symacho. vid. FAST. CONSULAR.

c) Theodoricus JORNANDI, Theodoridus ISIDORO, Theodorus FRECVLPHO; AVCTORI vero Chron. Alexand. Allaricus, erronee tamen dicitur.

d) Gothorum puta occidentalium rex, quos JORNANDES & RICOBALDVS Ferariensis, Vesegothos; CHRONICON Reg. Wisigot, & SIGEBERTVS Wisigothos; ISIDORVS autem, FRECVLPVS, SIGONIVS, ceterique plures, Gothos simpliciter vocant. Facta illi, ex Scythia emigratione, indultu *Valentis* Imp. in Thraciam primum, inde per Illyricum & Pannoniam, in *Italiam*, & hinc, duce *Athaulpho*, in Gallias effusi, regnum Gothicum, quod in Hispania floruerat, condidere. JORNANDES de Reb. Get. Cap. XXV. seq. ISIDORVS Chron. Goth. ad an. 416. seq.

e) HUNNORVM, aduersus Gothos, diuersa prælia, recensita, vide, ad Cap. III. sequ.

f) Notanda hic est, in concitanda, inter Gothos Romanosque, dissensione, sollicita ATTILÆ industria. Is enim legatos in *Italiam*, ad *Valentinianum principem* misit, serens Gothorum Romanorumque discordiam: ut, quos praelio non poterat concutere, odiis internis elideret, adferens se reipub. eius amicitias in nullo violare, sed contra *Theodoricum Vesegothorum regem* sibi esse certamen, unde eum excipi libenter optaret. Pari etiam modo, ad regem *Vesegothorum Theodoricum* erigit scriptum, hortatus, ut a Romanorum societate discederet, recoleretque prælia, quæ paullo ante, contra eum fuerant concitata, sub nimia feritate. JORNANDES de Reb. Get. Cap. XXXVI. OTTO FRISING. Lib. IV. Cap. 26. His itaque, prudentia *Valentiniani*, artibus ATTILÆ detectis, ultro citroque Gothi, in societatem armorum abiere.

g) Tres maiorum gentium principes, belli collegæ, Aetio auxilio fuere. *Theodoricus* Gothorum, & *Sangibani* Alanorum Regis, JORNANDES de Reb. Get. Cap. XXXVI. XXXVII. meminit, istumque conceptæ in vrbe Aurelianensi perfidiæ accusat. His, *Meroueam*, Francorum Regem, GREGOR. TVRON. Lib. II. Cap. 7. AIMON. Lib. I. Cap. 6. SIGEBERTVS item ad an. 453. & reliqui adiiciunt. THÚRÓRZIVS Chron. P. I. Cap. 15. decem occidentales reges in auxiliis Aetii, aduersus Hunnos, numeratos fuisse, ex vetustis Hungarorum annalibus refert. qui, quemnam, *Soldani* nomine, Galliae principem, intelligat, cum omnes tres, regionem Galliarum tenuerant, diuinari nequit.

b) Non *Vallamir*, & *Theodemir*, verum *Thorismundus*, & *Theodoricus*, in castris *Vesegothorum*, aduersus ATTILAM, militabant. JORNANDES de Reb. Get. cap. XXXVI. *Vallamir* namque, & *Theodomir*, reges fuere Ostrogothorum, Hunnorum potestati subiecti. JORNAND. l. c. cap. XLVIII. Per errorem igitur IUVENCVS, reges Ostrogothorum, cum principibus *Vesegothis*, confudisse, ex cap. XX. p. m. 105. cognoscitur.

i) Nullus vnquam huius nominis rex, vel apud *Vesegothos*, vel apud Ostrogothos imperauit, veluti ex IORNANDE & ISIDORI Chronico constat. Triarius namque, *Gothus*, cuius filius *Theodericus*, regnantibus in Pannonia Ostrogothis, apud Marcianum imperatorem florebat, neque regia dignitate ornatus, neque *Theodorico* *Vestrogothorum* regi propingua cognatione coniunctus fuit; quippe quod, ex alia, quam *Amala* stirpe regia, procreatus. IORNANDES de Reb. Get. Cap. LII. p. 153. 154. Filius tamen eius *Theodericus*, cognomento *Strabo*, Rex Gothorum adpellatur. IORNANDES de Regn. Success. p. 131. Crediderim, iniuria scribarum deceptum esse IUVENCVM, qui abrais ex nomine *WANDILARII* regis Ostrogothorum, primis litteris, per Decad. I. Monument. III.



i) Triarii regis filios, & k) Theodorici fratres, tum l) in Gothorum regionibus imperantes, m) fœderatos Romanis principibus, modicis, & vt res postulabat, ex tempore alloquiis, adiungere.

## CAPUT

errorem, pro *Dilarii*, legerunt *Tirairi*. Fuit autem *Wandilarius*, pater, regum inter Ostrogothos, *Vallamiri*, & *Theodomiri*, IORNAND. l. c. cap. XLVIII.

k) Qui in comitatu Theodorici regis, Gothorum principes numerabantur, non fratres, sed filii, natu maiores, fuere. IORNANDES de Reb. Get. cap. XXXVI. IUVENCVS eos, immemor sui, cap. X. filios, cap. vero XX. fratres *Theodorici* vocat.

l) Regiones intellige *Vesegothorum* in Gallia & Hispania. *conf. not. d.* Ostrogothorum, namque, qui ex Scythia, cum Hunnis emigrauerant, sedes, hac tempestate, in Pannonia & Dacia fuerant.

m) Elucescit hinc, non *Ostrogothorum*, verum *Vesegothorum* principes intelligi: quippe qui, fœdus cum Romanis, aduersus ATTILAM inierant. Ostrogothi contra, ATTILÆ imperio suberant. IORNAND. l. c.

## CAPUT VIII.

FACTIS igitur, inter tot & tantas, tantorum victorum exercitus, ingentibus & a) variis præliis, nunc victor Romanus exercitus, tunc etiam sæpe victus, repertus est. Demum, cum neque victrix, aut victa pars, quorum ius iudicio nosceretur, signis collatis dimicatum est, b) in campis *Catalaunicis*, in qua pugna

a) Ante pugnam *Catalaunicam*, nullum, vel cum Gothis, vel cum Romanis, Attilam commisisse in Gallia prælium, propterea, quod *diffidens suis copiis, metuebat inire conflictum*, IORNANDES de Reb. Get. cap. XXXVII. auctor est. FRECVLPVS tamen. Chron. T. II. Lib. V. cap. 14. Attilam, primum ad Ligerim, cum Aetio & fœderatis, manus conseruisse, indeque in campos *Catalaunicos*, pugnam transfulisse adferit. Superueniens certe Aetius, cum Theodorico & Meroueo regibus, Attilam fugauit, atque ab Aurelianis, in campos *Catalaunicos* recedere coegit GREGOR. TVRON. Lib. II. cap. 7.

b) Campi *Catalaunici* vocantur, CASSIODORO in Chron. ad Marcian. A. & Adelphico Coss. IORNANDI de Reb. Get. cap. XXXVI. XXXVII. XLIII. DIACONO Lib. V. ISIDORO in Chronico Era CCCCLXVII. FRECVLPVS Lib. V. cap. XIV. OTTONI FRISING. Lib. IV. cap. XXVI. SIGEBERT. in Chronic. ad an. CCCCLIII. OLAHO cap. IV. THYRÓTZIVS P. I. c. 15. & CALLIMACHVS, *Cathalanicos*; BONFINIVS Dec. I. Lib. IV. *Catalonicos* exprimunt. Quibusdam, campi *Mauriaci* audiunt: ita IORNANDES l. c. cap. XXXVI. *campos Mauricii*, FRECVLPVS, Lib. V. cap. XIV. *campos Mauriacos*. GREGORIUS TVRONENSIS, Hist. Lib. II. cap. XII. *campum Mauriacum*, & *Mauriacensem Campaniam* vocant. Vnde, *Mauriacensis pugna*, in Legibb. Burgund. *Catalaunici* adpellantur, a *Catalauno* oppido *Belgica Secunda*, de quo NOTIT. PROVINC. & AMMIAN. MARCELLINVS lib. XV. cap. X. fol. 79. Huic inquit *adnexa secunda est Belgica, quæ Ambiani sunt, urbs inter alias eminens, & Catalauni & Remi*. Fuit quidem *Catalanus campus*, Tholosæ proximus, & *Catalacum* in montanis Aruerniæ situm, quod HIST. S. EGIDII M. S. indicat: pugnam tamen hanc, non in his, verum in Belgicis *Catalauniæ* campis commissam fuisse, auctoramentis multis ostenditur. Iuvat hanc in rem, JOAN. SAVARI Claramontensis, notas in CAII SOLII Apollinaris Sidonii, Aruernorum Episcopi, Carmen VII. p. 96. 97. edit. Paris. 1609. 4. adicere. Vbi gentium sint, campi *Catalaunici*, adhuc ambigitur. Ne restet locus ambigio: campi *Catalaunici*, non a *Catalanis* campis, Tho.



pugna, vel quod verius, in quo bello, *centum sexaginta millia*  
c) pu-

Tholosæ proximis, vt quidam sentiunt; nec a Catalaco in montanis *Aruernia* sito, de quo Hist. MS. S. Egidii. Cui posteriori sententiæ, loci natura a JORNANDE descripta c. 38. mire concinit. *Erat positio loci declini tumore, in modum collis excrefcens, & postea, Attila suos dirigit, qui cacumen montis inuaderent.* Est autem in planitie illa *Catalacensis*, collis, in cuius apice fixa est crux, quæ vulgo, *Croix des Batailles*, vocatur. In illa planitie, vici positi dicuntur. De Catalaco inter ceteros, est vetustissimus, qui in pan-chartis, de *veteribus campis*, dicitur. Alter est *Entiliacus Catalacensis*, quem ab ATTILA nomen sumfisse, peritiores indigenæ credunt. Riuius etiam præterlabitur, qui planitiem, in duodecim Aquitanicas leugas protensam interfecat. Riuium, in campis *Catalaunicis* fluxisse, PAVLLVS DIACONVS L. IV. tradit, & quod his omnibus validius est argumentum, tractus dicitur *Mauriacus*; vulgo *Prouoste de Mauriac*; vrbes, burgi, villulæ, in illa planitie sitæ, a Mauriaco vrbe, huic planitie adiacente, quæ quondam fuit in montanis præcipua vrbs, HIST. S. AVSTREMONII mss. a qua *Mauriacus campus*. GREG. ARUER. *campi reliquis Mauriaci.* Quodque hoc verisimile iuuat: non sunt procul diffiti, ab Aureliacensi vrbe, quæ vulgo *Auriliac*, de qua Odo in Hist. S. Geraldi Comitit. Quæ res me impulerunt: vt cum Myrone, totius humanitatis senatore, & præside V. C. probo, & antiquitatis studio montana conscenderem, & in disputationis campum descenderem, cum Sarraſte Aureliacensi Confiliario, & Caldaqueo caufidico, viris eruditis, qui in ea sententia, adeo fixi sunt, vt ab illa remouere non potuerim, his rationibus, quibus facile conuincam illos, & huius sententiæ secuteleios, non tamen sine ratione errare, atque etiam SIGEBERTVM PARADINVM, BARO A. C. 451. Hactenus SAVARVS, in conuincendis iis, qui campos Catalaunicos, in Aruernis quærunt, occupabatur. Nunc euidentibus offendit rationibus, campos, in quibus Attila conflixerat, in Belgica esse inquirendos. Ac primum quidem, Attilam, e Pannoniis, in Belgicam venisse, vero verius, vide supra citatos auctores, Metensis vr-bis euersio, & incendium GREG. TYRON. l. II. c. 6. Treuironum direptio AIMON. L. I. c. 6. Tricassium obsidio S. e. 15. l. 8. ad extremum Aurelianis irruptio ibid. neque direptio, satis adstruunt. Attilam non vltra Aurelianam promouisse exercitum s. e. 12. l. 7. et. e. 15. l. 8. a cuius direptione Aurelianensis Aniani meritis, & superuentu Aetii, Theodori, Merouei, repulsus & fugatus, quomodo in montana centum, ab Aurelianensi vrbe leugis diffita profugerit. Non video, nec ratione percipi potest, Attilam se præcipitem dedisse, in hunc tractum, qui Romanarum partium erat. Præsertim cum illi & exercitui quingentorum millium traiciendi essent, non semel Liger, Alanio, & Elauer, loca etiam confraga & inuia peragrandæ, priusquam ad montana perueniret. Quod, vt factum difficile, sic creditu difficillimum est. Primam belli molem, circa Ligerim fuisse tradit. IDA. & ex eo FRECVLP. l. 5. c. 14. T. 2. Attila autem a tractu Ligeris repulsus fuit. vnde Aetius, Sidonio. c. 12. l. 7. *Ligeris liberator*, ibidemque Attila *Rheni hostis* vocatur, atque ita Attila ad Belgas profugit IDAC. In Belgica quærendi sunt campi Catalaunici, sic a Catalauno, Catalaunici dicti. Est autem Catalaunum ciuitas Belgicæ secundæ NOTIT. Prouinc. AM. MARCEL. l. 15. sub finem, quo loci planities latissima est, & præliis memorabilis, AM. MARCEL. l. 27. de Iouino: & *maturato itinere, omen prope Cathalaunos inuenit, ad congregiendum promptissimum, & vallo oportune metato, suisque pro temporis copia, cibo recreatis & somno, primo aurora exortu in aperta planitie composuit aciem cet.* De qua etiam PANEG. Flauensium Constantino dictus, & EVTROPIVS in Aureliano, cuius longitudo & latitudo, montanis nostris non posset aptari, apte vero conuenit, his, quæ de his campis IORNANDES & ex eo DIACONVS l. 5. *centum laugas in longum tenentes, & septuaginta in latum*, quorum amplitudo camporum, Campaniæ nomen fecit, GREG. TYRON. l. 9. Hist. c. 14. & l. de Glor. Confess. c. 67. vnde & Belga, Campanensis eidem Gregorio dictus est. l. 2. de mira. c. 32. eiusdem Appendici c. 57. & a Catalauno, *Catalaunensis Campania.* Append. c. 41. AIMON. l. 4. c. 1. quoque Belgicæ II. Metropolis est ciuitas Remorum. *Rhemensis Campania.* GREG. ibid. & in Appendice Marcellini comitis sub finem. Indict. IV. XV. P. c.



c) pugnatorum siue bellantium, d) vtrinque cæsa sunt gladiis. Ibi & e) *Theodoricus* rex inter cæsos occubuit.

## CAPVT IX.

**N**Ec ab re est inferere, cum a) vtrinque b) aruspices de belli exitu

P. c. BASILII V. quæ *Campania Mauriacensis* IDACIO, qui pugnam illam in Campania, id est, Belgica secunda, factam fuisse testatur. Si adhuc ambigitis, verba hæc Iornandis attendite, de Thorismundo Gothorum rege: *relictis Hunnis redit ad Gallias* cet. atque etiam illa Diaconi & Sigeberti, qui aiunt Attilam ad Pannonias repedasse, & vt loquitur SIGEBERTVS repatriasse. PROSPER, in Chron. *Attila Gallias ingressus, quasi iure debitam poscit uxorem, ubi graui clade inflicta, & accepta, ad propria recedit.* PARAD misere fallitur, qui Lugdunum ab Attila & Hunnis euersum, & a Maioriano A. restitutum scribit. Neque minus BARON. Anno 451. T. 6. qui Regium S. Prosperi, patriam conflagrasse hac Attilæ clade, ex Prosperi versibus colligit. Dinamius patricius in hist. S. Maximi Regiensis, vbi de Regio: *vt sicut hætenus nullos hostium incursus, longo temporum intervallo pertulit* cet. Verum ne id meritis S. Maximi tribuatur, qui non longe tamen ante *Vrbicum Regiensem*, ad quem Dinamius scribit, scias, Regium, ante ATTILAM incensum fuisse, atque etiam *Vasatensem* urbem, quæ longa obsidione vallata est a Chunis, non tamen ab ATTILA, vt BARONIVS scribit; sed a *Ganferico* rege. GREG. TURON. L. I. de mirac. c. 13. & ex eo, SIGEBERT. An. 453. suppresso regis nomine, de qua Hunnica clade SALVIAN. l. 4. Da veniam loquacitati, *Lector candide!* Errat hic *Chronicon Alexandrinum*, Olymp. CCCVII. p. 737. dum bellum *Hunorum* in Gallia describendo, pugnam *Catalaunicam*, ad Danubium contigisse adserit. Ita vero illud: *E* vestigio ergo, *impressione in illum facta, vt ad Danubium castra posuerat, multa millia de exercitu eius ceciderunt, atque ad fidem faciendam Allaricus ipse, sagitta ictus, accepta plaga, occubuit.*

c) De numero cæsorum in campis *Catalaunicis*, non conueniunt scriptores. IORNANDES, de Reb. Get. Cap. XLI. CLXII. millia cæsa adnotauit, exceptis XC. millibus *Gepidarum & Francorum*, qui ante congressionem publicam, noctu sibi occurrentes, mutuis concidere vulneribus, Francis pro Romanorum, Gepidis pro Hunnorum parte pugnantibus. FRECVLPVS, l. c. CLXV. millia cæsorum ex vtraque parte refert exceptis XV. millibus *Francorum & Gepidarum*, qui mutuis vulneribus conciderunt. DIACONVS L. V. SIGEBERTVS, ad an. 453. & cum eo THVRÓTZIYS vniuersim CLXXX. vtrinque interfectorum millia numerat; CHRONICON ALEXAND. Olymp. CCCVII. p. 736. numero indefinito, *χιλιάδας πολλὰς* millia multa exprimit.

d) IORNANDES l. c. ab vtrisque partibus CLXII. millia cæsa referuntur. PROSPER Aquitan. Collect. Canisi p. 161. *Pugna facta in Galliis inter Actium & Attilam, regem Hunnorum cum vtriusque populi cade.* FRECVLPVS l. c. CLXV. millia ab vtrisque partibus cæsa referuntur. HERM. Contract. ad an. 500. *grandi vndique cade pugnautes.*

e) Inter densissima cæsorum cadauera, *Theodoricum* occubuisse, IORNANDES de Reb. Get. Cap. XLI. testis est, quem inter cæsorum millia pariter referunt, FRECVLPVS l. c. SIGEBERTVS l. c. Occubuit vero, sagitta ictus, CHRON. Alexandr. l. c. dum hac illacque ad exhortationem suorum discursisset. OTTO FRISING. Lib. IV. cap. 26. f. 94.

a) Non vtrinque, de belli exitu, per aruspices consultatum fuit: *Romani* enim eorum, quin *Vesegothi* etiam, atque *Franci*, superstitionem ethnicam ciurauerant. De solo refert Attila. IORNANDES in Reb. Get. cap. XXXVII. *Igitur Attila, statuit per haruspices futura inquirere.* Primum tamen ex eremita infaustum belli exitum, cognitum fuisse THVRÓTZIYS, Chron. P. I. cap. 15. auctor est.

b) Varia fuisse apud ethnicos diuinationum genera, CASPAR PEVCERVS, *Comment. de Principis generibus diuinat.* Cap. 1. seq. ostendit. Earum insigniora fuere, augurum & aruspicum portenta. Aruspices, seu Haruspices, a victimis in ara inspectis, vel ab haruga, seu hostia dicti, ex victima, ante mactationem, & post eam, ex extis, flamma,



exitu consulti dixissent, finem belli huius futurum, magno exercituum viro, gladiis interemto; c) vterque exercitus de suo principe timuit. Romanorum autem exercitus Etium interimi suspicabatur, Gothi autem Theodericum, d) Hunni vero Attilam autumabant. Denique, cum dies bello præfixus esset, Hunni e) per duces pugnare decreuerunt, f) Attila, in castris manente, ne quid sibi fatale, ex auspiciū sententia, contingeret. Qui licet in castris, tamen suorum parens consiliis atque sententiis, mansit: g) Etius

ma, fumo, aliisque rebus, occasione sacrificii, forte accidentibus, futura prædicebant, ac deinde, ea portenta explicabant. PLAVT. Amph. 5. 2. 2. Extæ fuere duplicis ordinis, tristioris, CVRT. Lib. VII. Cap. 7. n. 8. & lætioris, IDEM l. c. n. 29. ostentum tetrum, & pestiferum colligebatur: si cor, sine quo animal nequit vivere, in parte extorum, minime reperiatur. PLVT. Cæsar. p. 737. Cor autem, non semper in parte extorum habitum fuisse, ex APPIANI, B. C. XI. p. 501. & CAPITOL. cap. XI. constat. Qua de re, suborta est apud PLINIVM XI. 37. quæstio, Potueritne, sine ullo viscere, hostia vivere, an ad tempus amiserit. Sed & ex diuersa iecoris constitutione triste vel lætum omen eliciebatur. Commonstrat id VALER. MAXIMVS Lib. 1. 6. Marcelli factum narrans: Cum summo, inquit, studio, niteretur, ut Pænorum exercitum aut in Italia prosterneret, aut Italia pelleret. Solemnique sacrificio voluntates Deorum exploraret: quæ prima hostia ante foculum decedit, ejus iecur sine capite inuentum est, proxima caput iecinoris duplex habuit: quibus inspectis Haruspex, triste vultu non placere sibi exta, quia prima tam triptia, secunda nimis lata apparuissent, ostendit. Hæc tamen, quantopere Cæsar riserit, & Domitianus condemnauerit, SVETONIUS in Cæsaribus p. 132. 1047. edit. Pitisci 1714. refert. Ceterum, aruspices futura non semper per ænigmata, verum adperte etiam prænidisse PLVTARCHVS notauit. Hoc genere diuinationis ex extis, Attilam vsum fuisse, IORNANDES de Reb. Get. cap. XXXVII. & ex eo, OTTO FRISINGENS. Lib. IV. cap. 26. atque SIGONIVS Lib. XIII. ad an. 451. tradunt, quam, non a Scythis, verum, a Romanis, ad Hunnos transisse, vel inde conicere licet: quod hæc, ex victimarum extis diuinandi ratio, ab Hebræis, ad Romanos translata fuerit. CICER. Philip. III. 8. c) Non vterque exercitus de suo principe timuit. Haruspices enim, teste IORNANDE, Hunnis infausta denuntiant: tamen, quantum prædixere solatii, quod summus hostium ductor, de parte aduersa occumbet. Quod autem huius tetri portenti indicium? Haruspices more solito, nunc pecorum fibras, nunc quasdam venas, in abrasis ossibus intuentes, exta vtrique exercitui tristitia portendere, obseruarunt, IORNANDES, OTTO Frising. SIGONIVS l. c.

d) Hunni, cognito e numero hostium, ducem exercitus periturum, non Attilam, verum Aetium, cuius virtutem ac prudentiam maxime formidabant, casurum credebant. IORNAND. OTTO Frising. SIGONIVS l. c.

e) Attila, non per duces, vti IUVENCVS tradit, prælium in campis Catalaunicis commisit, verum, ipse etiam, inter viros fortissimos, in media acie stetit. Hoc autem instructa fuit vtræque acies, ordine: In exercitu Romano, dextrum cornu Theodoricus, sinistrum Aetius, mediam aciem Sangibanus obtinuit: vt, qui suspectæ fidei, turba esset fidelium sepiendus. Apud Hunnos contra, hic ordo in vfu fuit: vt in medio, Attila, cum suis fortissimis locaretur. Cornua vero, multiplices populi, & diuersæ nationes, quas ditioni suæ subdiderat, ambiebant. IORNANDES de Reb. Get. cap. XXXVIII. OTTO FRISING. l. c. SIGONIVS l. c.

f) Primo impetu Attila, non in castris, sed in acie, suos ad pugnam excitabat. Primus ille, inquit, apud IORNANDEM cap. XXXIX. in hostes tela coniciam. Si quis potuerit Attila pugnante, otium ferre, sepultus est. Inclinate demum acie, in castra reuersus, suos ad prælium, si quod ex castris aduersus hostes faciendum esset, noua oratione cohortabatur. Vid. not. l. m.

Decad. I. Monument. III.

E e

g) FRE



g) Etius vero, Romanorum fortitus morem, quidquid auspicii futurum esset, per se pugnare, non per duces, decreuit. Hoc idem, & Theoderico a Gothis factum est. Commisso itaque bello, dum hic inde h) acerrime pugnaretur, Hunnorum gens, quasi i) duobus exercitibus impar, & Romanorum & Gothorum, cum k) ducem sui Attilam non haberent, quasi victa, longo cum esset fessa certamine, l) terga dabat. Quod, ubi Attilae nuntiatum est, continuo m) ex castris proripuit, nunc sudibus, nunc n) cassulis, nunc equorum fellis, omnique materia, aggerem, seu

g) FREDEGAR in gest. Franc. cap. 1. f. 93. coll. Freher. Cum inisset certamen cum Hunnis, (Aetius) quae gesserit, IDACIVS sua historiae huius volumina narrat. Nam his diebus oratione uxoris suae, ad limina beatissimorum Apostolorum Petri & Pauli, ieiuniis & vigiliis discurrentis, intercedentibus Apostolis, Aetius a periculis liberatur. Reuelatum est cuidam pauperi nuntianti uxoris Aetii orationibus fuisse saluatum. Quod cum a pauperibus proditum fuit, pauper caecitate percutitur.

h) Bellum atrox multiplex, immane, pertinax, cui simile, nulla usquam narrat antiquitas. IORNANDES de Reb. Get. cap. XL. & DIACONVS Lib. V. adpellant. Tale fuisse, pertinax Attilae Hunnorumque animus, & expedita Romanorum foederatorumque pugnandi ratio, indicant. ATTILA certe, ubi perturbatum, infausto rei auspicio, exercitum, oratione confirmauerat: signo pugnae, circa nonam diei horam dato, usque ad noctem, tanto ardore, tantaque pertinacia depugnauit; ut maiore dimicari non potuerit. SIGONIVS Lib. XIII. ad an. 451. Praeter labentem in campo Martio riuulum, manante e vulneribus sanguine auctum, & in cruorem conuersum torrentem fluxisse, IORNANDES adserit. Tanta enim multitudo caesa est: ut amplius, centum & nonaginta hominum millia, vtrinque perierint. Vid. not. c. ad cap. VIII.

i) Diuisis Hunnorum copiis, impar videbarur esse Attila. Tertia namque exercitus pars, ad diripiendos Hispaniae fines emissa, a praelio abfuit, auditaque clade suorum, metu Attilae percita, nunquam ad castra Hunnorum reuertit. THYROTZIVS Chron. P. 1. cap. XV. OLAVVS in Attila cap. V. VIII.

k) Ductu Attilae, & aciem instructam, & praelium factum fuisse, IORNANDES cap. XXXVIII. tradit, atque cap. XXXIX. orationem Attilae ad milites refert. conf. not. c)

l) Repugnat id, generosae regis magnanimi indoli, quem IORNANDES cap. XL. cum leone venabulis pressus, comparat. Inique itaque, MARIANVS SCOTUS Lib. II. æt. VI. ad an. 452. & HERMANVS Contractus ad an. 450. Attilam in acie victum, in superiorem Galliam fugisse, & OTTO Frising. Lib. IV. cap. 26. in fugam versum, victum se prodidisse tradunt. Gothorum namque impetu pressus, ubi iam nox impendens, dirimebat praelium, exercitum singulari prouidentia, in castra retulit. IORNANDES l. c. FRECVLPVS Chron. T. II. Lib. V. cap. 14. SIGONIVS Lib. XIII. ad an. 451.

m) Hunnorum acie inclinante, ATTILA non ex castris se prorupit, verum, ex acie in castra, semet cum exercitu, retulit. Vid. not. l) atque hic die sequenti, veluti IORNANDES scribit, strepens armis, tubis canebat, incussionemque minabatur, velut leo venabulis pressus, spelunca aditus obambulans, nec audet insurgere, nec desinit fremitibus vicina terrere. Sic bellicosissimus rex, victores suos turbabat inclusus. Habebat autem castra, plaustris obuallata, quae quamuis fragile munimentum, tamen opportunum fuit vitae subsidium. IORNANDES. DIACONVS. FRECVLPVS. SIGONIVS l. c.

n) IORNANDES de Reb. Get. cap. XL. & SIGONIVS de occid. imp. Lib. XIII. sellas equorum. DIACONVS Lib. V. sellas equitatorias, CALLIMACHVS in Attila strata equorum. ANT. BONFIN. Dec. I. Lib. 4. clitellas iumentorum. NIC. OLAVVS in Attila cap. VIII. equorum ephippia & alia impedimenta adpellant. Cassum SOLINO Polyh. cap. 65. fragmentum signi.



feu o) pyram construi e vestigio iussit, & fecit, propriis manibus ipse opus iuuans. Tunc p) aurea veste amictus, structum aggerem conscendit, conspectusque ab omnibus, & suis terga cedentibus, educto e vagina gladio q), voce magna clamans ait: Quid de vobis video, commilitones mei, quibus hic vincentibus Romanorum orbem polliceor. Mecum pugnare noluitis, sed r) nouis ducibus. Ecce adsum! Me duce pugnate, nihil est, quod me duce pugnantes vos terreat. Dii vos, & me pauent, victores estis. Retroferte vultus hostibus; mihi vero terga ostendite. Quisquis vultus hostibus visendos præbere sciet, is hostium victor profecto est. Tum Hunni, verecundia ducti, animatique ducis sui visu, s) ad bella reuersi sunt.

## CAPVT

significat. *Lychnis gemma aut palearum cassa, aut chartarum filla, ad se rapit.* Hinc itaque CALANVS vocem *cassulis* diminutiuam traxit, quam PITISCVS in Lexico, Ant. Rom. voce *Cassula*, de stragulis aliisque impedimentis explicat.

o) IORNANDES de Reb. Get. cap. XL. *Fertur autem desperatis in rebus, prædictum regem, adhuc & in supremo magnanimum, equinis sellis construxisse pyram, seseque, si aduersarii irrumperent, flammis iniicere voluisse: ne, aut aliquis eius vulnere lataretur, aut in potestatem hostium, tantorum hostium, gentium dominus, perueniret.* In more id apud sapientes Indorum positum fuisse, ut ignibus ingesti, vitam in rogo finiant, POMPONIUS Mela de situ orbis tradit; quod Attilam, non tam sapientum exemplo permotum, quam, *ne aut aliquis eius vulnere lataretur, aut in potestatem hostium, tantarum gentium dominus perueniret, fecisse censendum est.* IORNANDES, DIACONVS, SIGONIVS, CALLIMACHVS & OLAHV in Attila.

p) IUVENCO repugnat PRISCVS Rhetor in Excerpt. Legat. p. 127. *Frugalis, inquit, admodum illius (Attilæ) vestis, nihil, quo ab aliorum vestibus dignosci possit, habebat, nisi quod erat pura, & impermixta.* Veste splendida usum fuisse CALLIMACHVS est auctor: putabat enim, id ad maiestatem pertinere. Scilicet indumenta eius fuerant, lintea munda, vel pelles murium siluestrium confarcinatae, quibus Hunni. teste AMMIANO MARCELLINO Lib. XXXI. operiebantur. Ea CALLIMACHVS, pelles Scytharum hirsutas, & VALESIVS ad Marcell. l. c. ex HELMOLD. Chron. Sclau. Lib. II. pelliculas odoratas explicat. Ceterum, aurea veste usum fuisse, inde colligit CALANVS: quod CHRONICON Hung. P. I. cap. XIII. omnem adparatum regium ex auro constituisse autumer, cuius PRISCVS Rhetor Excerpt. de Legatione, & IORNANDES de Reb. Get. cap. XLIX. mentionem faciunt.

q) Noua, post cladem oratione, Attila, animos militum eorum confirmavit: quando Thurismundus, ulturus necem parentis, impetum in castra Hunnorum, renouato prælio, facere voluit. OLAHV in Attila cap. VIII. Ceterum sermonem horridum & minacem, ac propter barbaram pronuntiationem, auribus grauem, CALLIMACHVS in Attila obseruat.

r) PRISCVS Rhetor. Excerpt. Legat. p. 123. *Attila dicebat exercituum duces suos esse seruos; qui quidem Attilæ, non tamen imperatoribus Romanis, erant honore & dignitate pares.*

s) Hunni, Attilæ oratione confirmati, non in castris, verum in acie, alacriter in hostem inuehuntur: neque enim, redeuntibus in castra Hunnis, concursus est amplius, neque Attila in castris ab hostibus oppugnatus. IORNANDES de Reb. Get. cap. XLI. DIACONVS Lib. V. SIGONIVS Lib. XIII. ad an. 451.



## CAPVT X.

**T**antum autem res bellica processerat, ut victi, victorum partibus fungi, *a*) nulloque casu corrumpi viderentur: quamquam Hunnos remeantes, satis redintegrare bellum potuisse, quidam non *b*) leues historici adtestantur. Fuerat autem animus Attilæ, cum aggerem conscendit, hoc, quod suis districtius iusserat, ut si quid inemendabile suis contigisset, ignem aggeri immitterent, quo ille, cum omni adparatu regio, quem, secum detulerat, *c*) cremaretur, ne vnquam tantus vir in hostium potestatem perueniret. Etius ergo Patritius, cum auxilio Gothis venisset, Attilam in summo aggeris conspiciens, animum eiusdem Attilæ, *d*) ut reor, ratus tenuit, ne male Romanorum Rei-

*a*) De victoria Catalaunica, in duas abeunt Historiographi sententias. Sunt, qui eam, Romanis Gothisque adscribunt. Ita PROSPER AQUITANICVS p. 161. in collect. Canisii. *Attila fugatur in Gallias superiores.* TIRO PROSPER collect. Canisii p. 173. *Attila grani clade inflata, & accepta, ad propria recedit.* Cum iis Annales Francorum, & præterea, MARIANVS SCOTVS Lib. II. æt. 6. ad an. 452. SIGEBERT GEMBLAC ad an. 453. alique plures idem sentiunt. Superatum non tamen fugatum fuisse Attilam, DIACONVS Lib. V. refert: *In quo prælio, quamuis neuter cessisset exercitus: constat tamen Attilam fuisse superatum.* THYROTZIVS contra, Chron. P. I. Cap. XV. Attilam superiorem ex prælio rediisse, reliqui autem scriptores Aetianos, cognita Theodorici morte, primos se fugæ commississe adfirmant. Quidquid in hac sententiarum diuersitate adfirmetur: utrinque profecto, veluti OLAVVS in Attila Cap. VIII. obseruauit, *aquo Marte pugnatum est*, imo pugna hæc, extremo utriusque populi periculo, cade ac interuisione contigit. Eapropter IORNANDES de Reb. Get. Cap. XL. & qui eum imitatur SIGONIVS Lib. XIII. ad an. 451. p. 320. *Postera, inquit, die luce orta, quum cadaueribus plenos campos conspicerent, nec audere Hunnos erumpere, suam arbitrantur (Aetiani) esse victoriam.* Attila certe, ubi nox diremerat prælium, in castra redux, non ut victus, turpem fugam meditabatur, verum, ut victor, bellum, resumtis viribus, proseguaturus, classicum canebat. IORNANDES l. c. DIACONVS l. c. Nequaquam igitur Attila, veluti PROSPER AQUITANICVS tradit, *in Gallias superiores fugatur, neque Hunnorum phalanges ita fuere protritæ, ut quibus profugi, habitent in terris, huc vsque sit incognita*; id quod AIMONIVS de gestis Franc. L. I. c. 6. reliquit.

*b*) Colligitur id ex IORNANDE & DIACONO l. c. qui tradunt: Attilam in castra e prælio reducem, *strepentem armis, tubis cecinisse, incussionemque minatum fuisse, veluti leo venabulis pressus.* Idem SIGONIVS ex IORNANDE repetit. FRÉCVLPVS autem Chron. T. II. L. V. c. 14. eo fini, Hunnos in castra rediisse adserit, *vti noctis præsidio vires resumerent.* Recte igitur SIGEBERTVS Attilam in castris, *spem resumisse*, memoriæ prodidit: nam & hostem, intra septa castrorum conclusus, crebris ictibus reiecit, & metum Aetianis inusitata magnanimitate incussit. IORNANDES. SIGONIVS.

*c*) Causam, cur Attila, in extremo rerum Hunnicarum discrimine, igni comburi voluerit, ad Caput IX. not. o) exposuimus. Elucet hinc excelsus eius animus, *qui, ne aliquis eius vulnere lataretur, aut in potestatem hostium perueniret, flammis exuri peroptavit.* IORNANDES, DIACONVS, THYROTZIVS, CALLIMACHVS, OLAVVS, SIGONIVS.

*d*) Locus CALANI iniuria temporis mutilatus, & corruptus, hoc modo restitui, emendarique potest: *Etius ergo Patritius, cum auxilio Gothis venisset, ATILAM in summo aggeris conspiciens, Hunnorumque gentem pene victam esse comperiens, animum eiusdem ATILÆ, ut reor, admiratus, timuit; ne male reip. fieret, si ATILA sis victus, occumberet.*

*e*) CON-



Reipublicæ fieret, si Attila sic victus occumberet. Signum itaque receptui dedit, atque inde *e*) a bello cessatum. Tunc compertum est primum apud Gothorum exercitum, *f*) Theodoricum in bello extinctum. Cumque de regno esset inter Walamir & Theodimir, *g*) Theodorici filios non minima contentio, suadente Etio Patricio, a bello discessum est. *h*) Timuit enim Etius, ne victo Attila, Gothi, qui sibi superiores erant, *i*) infœuissent, & solito more Romanis Principibus rebelles, existerent. *k*) Huius ergo in dies pace & fœdere habitis, inter Eium Patricium, Gothos, Bledam & Attilam, in Pannonias Attila cum *l*) Bleda *m*) reuertitur.

CAPVT

*e*) Conclufum in castris commeatuque priuatum ATTILAM, obsidione fatigare decreuit Aetius: magnanimitate tamen regis percitus, & crebris Hunnorum ictibus reiectus, ab incepto destitit. IORNAND. de Reb. Get. Cap. XL.

*f*) Inter turmas militum discurrentem Theodoricum, equo delapsum, pedibusque suorum conculcatum, vitam, matura senectute conclusisse, memoriæ prodidit IORNANDES l. c. Nihil de mortis genere ISIDORVS Chron. Goth. Aera CCCCLXVII. reliquit: superatum tamen in campis Catalaunicis occubuisse tradidit; id, quod DIACONVS, FRECVLPVS, SIGEBERTVS, alique rerum Gothicarum & Francicarum scriptores adfirmant. Iaculo ictum, in prælio cecidisse CHRON. ALEXANDR. Olymp. CCCVII. incerta relatione tradidit. Vtramque sententiam, OLAVVS in Attila Cap. VII. hunc in modum explicat: Theodoricus rex, Thrasimundi pater, dum equo circumuectus, suos ad pugnam hortatur: deiectus per quenepiam Hunnorum in terram, a pugnantibus conculcatur. Sunt, qui dicant, cuiusdam audacis Ostrogothi telo confixum, exhalasse animum.

*g*) Emendandus hic est Calanus: Cumque de regno esset, inter Thorismund, & Theodoric, Theodorici filios, non minima contentio. Wallamir namque & Theodimir, reges fuere hac tempestate Ostrogothorum, conf. Cap. VII. not. *i*) *k*) Thorismund vero & Theodoric, filii Theodorici regis Vestrogothorum ISIDORVS Chron. Goth. Aera CCCXC. Tametsi vero Thorismundus, sepulto patre, rex, in campis Catalaunicis proclamatus fuerat: principio tamen imperii, non minus fratrum, quam optimatum dissensiones experiri, necessum habuit. IORNAND. de Reb. Get. Cap. XLI.

*h*) Quod Aetius, conclusum castris Attilam adgredi noluerit, non tam Gothorum vires, quam Hunnorum, spe renouata erectum animum, & insignem Attilæ in extremo periculo magnanimitatem timuisse, ex verbis IORNANDIS colligere licet: quippe qui, Aetium, Attilæ in defensione castrorum magnanimitatem, admiratum fuisse scribit.

*i*) Emendetur, in se fœuissent.

*k*) Locus est corruptus, quem ego hunc in modum emendandum putauerim: Huius ergo prudentia, de pace & fœdere, inter Eium Patricium, Gothos, Bledam & Attilam habitis consiliis, Attila cum Bleda, in Pannonias reuertitur.

*l*) Bledam ante prælium Catalaunicum interiisse, neque bello Gallico interfuisse, ad CAPVT XI. certis indiciis notatur.

*m*) Quidnam Attila post prælium Catalaunicum suscepit, dissident inter se, qui de rebus eius gestis, nonnulla scripsere. Sunt, qui, e campo Catalaunico reiectum, in Galliam superiorem confugisse autumant. Ita PROSPER AQUIVITANICVS, TIRO PROSPER, HERMANNVS CONTRACTVS, MARIANVS SCOTVS. Alii, eum, metu ingenti liberatum, vastata Gallia, in Pannoniam, vt comminutas strage copias, supplemento & auxiliis instauraret, reuertisse existimant. Hoc modo scribit CHRONICON HUNGARICVM THVRÓTZII, CALLIMACHVS & OLAVVS. Et isti quidem Attilam, peracto, post cladem Catalaunicam, Decad. I. Monument. III.



in honorem *Martis* sacrificio, in Tungros mouisse, indeque Treceas venisse, & Lupum Episcopum, usque ad Rhenum secum duxisse, auctores sunt. Treceis, Tholosam, expeditionem ab eo susceptam fuisse, CHRONICON HUNGARICVM adfirmat, quod tamen OLÁHV in dubium vocat, atque Rhemos, isthinc profectum fuisse, deletisque cum *S. Nicasso*, ciuibus, ad Rhenum reuertisse, contendit: dum interea *Gyula*, dux Hunnorum, Coloniam Agrippinam diripit, atque diuam VRSVLAM, cum duodecim mille virginibus interficit, cuius cædem nonnulli, ad alterum bellum Gallicum reiciunt. Calamitatem hanc Galliæ, scriptores rerum Francicarum, ante pugnam Catalaunicam enarrant, cum quibus SIGONIVS etiam, nosterque IUVENCVS sentiunt. conf. ad Cap. V. not. k. seq. Alii Attilam regem, reparatis legionibus, Galliam repetiisse, commemorant. In hac sententia est SIGEBERTVS GEMBLAC ad an. 453. *Attila resumta spe, rex Ætii discessu, repatriauit, mature rediturus suppleto exercitu.* Ceterum, admodum a vero istos aberrare ostendit ANTON. BONFINIVS Dec. I. Lib. V. neque enim, vel honor, vel commodum, regem, ad eas oras reuocare potuit, quas, incensas vastatasque reliquerat. Nihilominus tamen IORNANDES de Reb. Get. Cap. XLIII. Attilam e bello Italico redeuntem, in Galliam iterum Narbonensem, contra Visigothos castra mouisse, refert, qua de re in sequentibus. Nobis in tanta historiographorum dissensione, SIGONII ex Iornandis Cap. XLII. sententia placet: *Quod ubi Attila audiuit, diuini parari putans, sese per aliquot dies intra castra continuit: at vero, postquam exploratam rem habuit, latitia summa perfusus, bene de se sperare instituit, ac Romanum dissolutum iam cernens exercitum, securus e castris excessit, ac ducto secum, usque ad Rhenum Lupo Tricassino Episcopo, atque cum honore remisso, Rhenum traiecit, atque per Germaniam in Scythiam retro incolumis abiit.* Ante vero, quam in Pannoniam redierat; Normannos quoque, cum Frisiis, Cimbris, Pruthenis, Lithuanis, ceterisque in septentrione populis, ATTILAM per legatos denicisse, atque indictis *Isenacum* Thuringiæ comitiis, omnium gentium legatos, auditos fuisse, CHRONICON HUNGARICVM, cum OLÁHO, & BONFINIO tradit. Redux in Pannoniam, curam, partim administrandæ reipublicæ, partim obseruandorum regni limitum, in se suscepit, atque exploratores, in quatuor extremis imperii partibus, tamquam in specula collocauit, *Colonia*, inquam, *Agrippina*, in Lithuania, apud Tanaim, & Jadræ in Dalmatia. THVRÓTZIUS Chron. P. I. c. 17. BONFINIVS Dec. I. Lib. V. Anne vero redux e Galliis quinquennium, in otio & quiete, veluti ANNALES Hungarorum adnotant, transegerit, dubitauerim. Id profecto, cum rebus præclare gestis ab Attila, eiusque obitu, minus conuenit: anno namque CCCCLI. Marciano, & Adelphio Coss. Galliam vastauit, anno sequente *Asporatio*, & *Herculano* Coss. Aquileiam obsedit. Quomodo igitur ante expeditionem Italicam, quinquennium in Pannonia quiescere potuit?

## CAPVT XI.

a) **M**odico vero temporis post hoc spacio interiecto, Attila  
b) solus

a) Cædem Bledæ minus recte, CALANVS noster, post prælium Catalaunicum narrat. Eam, anno CCCCLIV. accidisse, omnes propemodum Chronographi tradunt. PROSPER AQVIT. in Collect. Canisii T. I. p. 147. *Theodosio XVIII. & Albino Coss. Attila rex Hunnorum, Bledam fratrem & consortem suum peremit, eiusque populos sibi parere iussit.* Eum sequuntur TIRO PROSPER in collect. Canisii p. 172. HERMANNVS Contractus ad an. cit. SIGONIVS Lib. XII. ad an. cit. SOLUS COMES MARCELLINVS Chron. in Biblioth. Patrum T. VIII. f. 1952. edit. Paris. 1689. eam, in annum sequentem CCCCLV. reiciit, cuius calculum, etiam MARIANVS SCOTVS Lib. II. æt. 6. ad an. cit. retinuit; BEDA vero, in Hist. Eccles. Angl. Lib. I. c. 13. ad an. XXII. imperii Theodosiani, qui est CCCCLXXX. errore forte scribarum retulit. Reliqui, uti SIGEBERTVS, VRSPERGENSIS & ALBERTVS STADENSIS internecionem Bledæ, ad an. CCCCLIX. adnotant. Omnes itaque communi consensu, necem Bledæ, ante cladem Catalaunicam contigisse adfirmant, quibus CALLIMACHVS etiam in Attila, & ANTON. BONFINIVS Dec. I. Lib. III. adfentiuntur. Soli Annales Hungarorum apud THVRÓTZIUM Chron. P. I. cap. 17. post cladem Catalaunicam interfectum tradunt, quos OLÁHV in Attila Cap. XII. & CALANVS noster sequuti sunt.

b) Di-



b) solus cupiens imperare, c) Bledam fratrem dolo interemit: ut quidam tradidere, veneno; alii percussoribus immixtis, qui eum continuo interimerent. Sed, licet de specie mortis in historiographis dissensio sit, de nece, insidiis facta, nulla discrepantia est. Regnum igitur Hunnorum, interemto fratre, Attila d) solus obtinuit.

CAPUT

b) Diversas alii fraterna mortis causas referunt, aut, quod mitioris ingenii vir, formidolosas expeditiones inhiheret, aut, quia cum eo saepe contenderet, & liberius argueret, quod Gepidarum & Ostrogothorum reges, in societatem adscitos, pro subditis ille tractaret, aut, quia se cum Scythiis immitius ageret. ANTON. BONFIN. Dec. I. Lib. III. Annales Hungarorum propterea, manu fraterna interfectum perhibent: quod imperium Hungaricum solus, excluso fratre, occupare voluerit. Cuius rei indicium fuisse, THYRÓTZIVS Chron. P. I. cap. 17. & OLAVVS in Attila Cap. XII. adserunt: quod arcem, quam Attila prope Sicambriam aedificari, & e suo nomine Attilam vocari iusserat, sprete voluntate fratris, Budam adpellauerit. Ceterum, quaecunque demum internecionis fraternae causa, sin ea euinci potest, adferatur: incerta est. Procliue tamen est ex IORNANDE, & aliis colligere, Attilam regni cupiditate flagrantem, Bledam, uti subiugatis eius populis, solus imperaret, ex insidiis interfecisse.

c) Quonam mortis genere Bleda interierit, & ane ab Attila interfectus fuerit, nec ne, PRISCUS RHETOR haud prodidit, IORNANDES tamen de Reb. Get. Cap. XXXV. Bledam, Attilae fratris fraudibus peremptum scribit, quem TIRO PROSPER in collect. Canisi p. 172. VRSBERGENSIS ad an. 449. ALBERT Stadenfis ad an. 449. sequuntur. Ex insidiis occisum COMES MARCELLINVS l. c. tradit. Cui BEDA & OLAVVS adfentiuntur. Sunt, qui veneno vel a percussoribus interemptum, apud CALLIMACHVM autumant. PROSPER nihilominus AQUITANICVS, cum HERMANNO CONTRACTO, MARIANO SCOTO & SIGEBERTO, ab Attila quidem peremptum refert, at mortis genus non indicat. Prudenter proinde CALLIMACHVS in Attila, inter tot varias historiographorum sententias, Bledam omnino ante expeditionem Thracicam interiisse, adfirmat, & quia mors acciderat subita, vulgo dictum fuisse, a fratre veneno necatum, ut aut socium regni, aut amulum submoueret.

d) Hæc ex IORNANDE de Reb. Get. Cap. XXXV. Bleda fratre fraudibus perempto, qui magna parti regnabat Hunnorum, uniuersum sibi populum subiugauit. Huic suffragantur PROSPER Aquitanicus in collect. Canisii T. I. p. 147. TIRO PROSPER, ibid. p. 172. HERMANNVS CONTRACT. ad an. 444. MARIANVS SCOTVS Lib. II. æt. 6. an. 445. SIGEBETVS Gemblacens. ad an. 449. SIGONIVS, Lib. XII. ad an. 444.

CAPUT XII.

POTitus igitur solus Hunnorum regno, reliquarumque finitimarum gentium, a) quas antea cum fratre domuerat, b) Dacorum, c) Pan-

a) Attila, cum fratre Bleda, amplissi nos, Scythiæ, Daciæ, & Pannoniæ, populos subegit, atque imperium orientale perdomuit. CHRONIC. ALEXAND. Olymp. CCCV. Ind. X. SIGEBERTVS Gemblac. ad an. 447. Ut igitur esset, qui suo nomine, tam vasto imperio præesset: Budam fratrem toti illi regioni, quæ a Tibisco, usque ad Tanaim amnem, ad septentrionem protenditur, præfecit. OLAVVS in Attila Cap. III.

b) Daci, Istro, Tibisco, & Boristhene fluminibus conclusi, genuina Getarum soboles, IUSTIN. Lib. XXXII. Cap. III. & idem cum Getis populus, PLIN. Lib. IV. cap. 12. a Gothis, genere Germanico prognatis, cum quibus eos IORNANDES in Reb. Get.



c) Pannoniorum, d) Nigorum, e) Curalorum, f) Arorum,  
g) Turcilingorum, b) Germanorumque, ac pene totius  
i) orien-

Get. Cap. V. sequ. confundit, probe discernendus, imperante rege Roua, sub Hunnorum venerunt potestatem. Iam enim, eorum, Hunni, ut tradit PRISCUS EXCERPT. Legat. sedes in Dacia Ripensi, & regione Jazygum Metanastarum posuerant.

c) Quando Pannonii, inter Danubium, Sauum, & montem Cetium, Hunnorum subiecti fuerint imperio, ambigitur. Nisi geminam Pannoniæ occupationem statueris: latentibus, in rebus Hunnorum, dubiis, nullo modo explicaberis. Hunni profecto, Gothis permixti, Pannoniam parte quadam, circiter annum CCCCXV. vel CCCC. Arcadio & Honorio imperantibus, potestati suæ subiecerant. Eam enim, imperante Gratiano, cum Gothi, Hunni & Alani, Daciam Thraciamque iam possederant, in ditioe Romanorum fuisse, ex DIACONI Historia Miscella Lib. XII. in Gratiano elucet. Sententiæ nostræ suffragatur etiam FRANC. FORIS OTROKOTSIUS Orig. Hung. P. I. cap. 3. §. 8. seq. geminam tamen Pannoniæ occupationem inficiatur. Vnius peræque occupationis Annales Hungarorum meminere, quam illi ad an. CCCCI. SIGONIVS autem ad an. CCCCXI. refert. Quocunque demum anno, Pannonia, parte quadam, ab Hunnis fuerat occupata: profecto, circiter annum CCCCXXXVIII. rursus est deperdita. Hac etenim tempestate, Hunni, accepta a Burgundionibus clade, amissoque, in prælio rege Oðtare, facile, armis Romanorum Gothorumque, ut SIGEBERTVS ad an. 428. tradit, de Pannonia depelli potuerunt. Eapropter sub initium regiminis Attilæ, quod, mortuo demum Roua & Oðtare, subsequēbatur, Hunnorum domicilium, non in Pannonia, verum in Dacia, & Iazygum Metanastarum regione, a PRISCO RHETORE in Excerpt. Legat. describitur. Recuperatam ab Hunnis Pannoniam, tum demum existimauerim: cum vastato oriente, Thraciam Moesiāque inuaserant. conf. ad Cap. v. n. f)

d) Pro Niconiorum, Nigorum seu Nicorum, contracte scribit CALANVS. Niconia seu Niconium, vrbs est, Ponti ad Istri ostia. STEPHANVS in Diction. Hist. Geograph. Niconiam hoc tractu, STRABO quoque Lib. VII. ad Tyram locat fluuium. Niconium vero PROLEMÆVS in Moesia inferiori. Niconiam itaque, ad Istrum, ambientes Scythiæ populi, Niconii dicebantur, quos CALANVS noster, contracte, Nicorum, in casu genitino exprimit.

e) Curalli vel Coralli, gentes barbaræ, ad Istrum & Pontum, in Sarmatia Europea. Horum meminere OVIDIVS Pont. Lib. IV. Ep. II. v. 37. FLACCVS Argonaut. Lib. VII. v. 89. STRABO item & APPIANVS, conf. ABRAHAM ORTELIVS in Thesauro Geographico, voce Coralli.

f) Pro Arorum, Aroterum legendum censuerim. Hoc nomine, Aroteres procul dubio Scythas, CALANVS intelligit, qui circa Dionysopolim, Thraciæ urbem, ad Euxinum agebant, de quibus HERODOTVS & PLINIVS. Erant & Aorsi Scythiæ quoque, circa Tanaim, incolæ. PROLEMÆVS Geogr. Lib. III. Tab. VIII. STRABO item & PLINIVS. Aotii item Thraciæ versus Istrum populi. PLINIVS.

g) Turcilingos, inter populos Germaniæ PAVLLVS VARNEFRIDVS de Gest. Longob. Lib. I. cap. I. refert. Gothi siquidem Vandalique, Rugi, Heruli, atque Turcilingi, nec non etiam alia feroces, & barbaræ nationes, e Germania prodierunt, quos ORTELIVS propterea, quod in Scythia commorabantur, ex JORNANDE, & Hist. MISCELLA, Scythiæ gentes adpellat. Eos, Sciris & Herulis, sub rege Odoacro immixtos JORNAND. de Reb. Get. cap. XLVI. recenset. Thuringos vocant THVRÓTZIVS Chron. P. I. cap. 14. & ANTON. BONFINIVS Dec. I. Lib. IV. SIDONIUM nisi fallor & CASSIODORVM sequutus, qui Thuringorum, inter subiectas Atrilæ gentes, meminere. Tungros seu Turlingos, DIACONVS Lib. V. nominat.

b) Germanos, qui Attilæ subiecti parebant, SIDONIUS Paneg. Carm. VIII. p. 95. enumerat. Fuere vero præter Gothos & Gepidas, Quadi, Marcomanni, Rugi, Heruli, Turcilingi, seu Bructeri, Burgundiones, Thuringi, Saxones, & qui in Germania remanserant, Franci. conf. DIACONVS.

i) Ea-



i) orientis fultus auxilio, k) potentissimus l) intrauit Italiam: & vt narrat m) Priscus historicus, vt eam sibi cum Romano imperio n) subiugaret. Erat autem Attila rex, vt narrat o) Iordanis, &

i) Eadem tempestate, Hunni imperium orientale, in Asia inuasert: quum ii, in Europa, Daciam, Thraciam & Moesiam adfligebant. Obseruat id S. Hieronymus T. I. Epist. in Epitaphio Fabiolæ. Ecce, inquiens, subito discurrentibus nuntiis, oriens totus intremuit, ab ultima Maotide, erupisse Hunnorum examina. Horum progressus in oriente, describit Philostorgius Lib. II. §. 8. Hunni autem orientales, traiecto amne Tanai, in orientis prouincias effusi, per maiorem Armeniam, in regionem, quæ Melitene dicitur, irruerunt. Exinde Euphratensem adgressi, ad CoeleSyriam usque penetrarunt, & percussa Cilicia, incredibilem hominum cædem perpetrarunt.

k) Attilam, interfecto fratre, non minus potentem, quam insolentem factum fuisse, ex JORNANDE de Reb. Get. Cap. XXXV. constat. Is enim uniuersum sibi populum subiugauit, aliarumque gentium, quas tunc in ditioe tenebat, numerositate collecta, primas mundi gentes, Romanos Vesegothasque subdere peroptabat, cuius exercitus quingentorum milium esse numerus ferebatur. Insolentiam eius, BEDA Hist. Eccles. Lib. I. Cap. 13. describit. Quumuis Bleda Attila fratris sui sit interemptus insidiis, Attila tamen ipse adeo intolerabilis reipub. remansit hostis: vt totam pene Europam, excisis inuasissq; ciuitatibus, atque castellis corroderet.

l) Hunnos, Italiam, duce Attila, repetitis vicibus, ante & post cladem Catalaunicam intrauisse, FRANCISCUS FORIS OTROKOSI Orig. Hung. P. I. Cap. IV. §. 18. ostendit. Bellum nihilominus, quod, Attila, adparatu magno, aduersus Italos suscepit, in annum CCCCLI. incidisse, ex COMITE MARCELLINO elucet. Ita enim ille: Aquileia ab Attila deletur Ind. V. Spunatio & Herculino Coss. vel, vt alii legunt, Asporatio & Herculano Coss. qui, anno CCCCLII, vrbi Romanæ præfuerant. Ceterum, PRISCUS Rhetor in Excerpt. Legat. p. 64. expeditionem hanc, paucissimis verbis exposuit: Attila, vastata Italia, ad sua se retulit.

m) Priscus Rhetor & Sophista C. Pol., imperante Theodosio iuniore vixit, admisusque in partem curarum imperii, cum legatis imperatoris, apud Attilam, in regione Jazygum Metanastarum fuit. Is, a HENRICO VALESIO in Notis ad Priscum p. 210., merito, scriptor valde bonus & utilis dicitur, quem, BARTHIVS quoque Aduers. Lib. XI. c. 32. hoc nomine commendat. Quando enim Attilam regem, & vidit, & cum eo epulatus est, Excerpt. Legat. p. 125. seq. non potuit non omnium optime, cum ingenium & mores, tum vero corporis habitum eius describere. Prostant eius excerpta legationis ad Attilam. Reliqua, quæ, de bello aduersus Attilam conscripta fuere, non sine insigni reipub. litterariæ intertrimento, inter deperdita connumerantur. JOAN. ALBERT. FABRICIVS Biblioth. Græcæ Vol. VI. Lib. V. c. 5. n. 4.

n) Causa susceptæ in Italiam expeditionis, eadem fuit, quæ in Gallia ad Cap. V. n. h) obseruatur. Scilicet: vt Honoriam cum ingentibus diuitiis, & parte imperii, in uxorem acciperet. PRISCUS Rhetor in Excerptis Legat. p. 62. 63.

o) Jordanis nomine, JORNANDEM Gothum, CALANVS intelligit. BARTHIVS Lib. LVI. c. 15. Fuit is, regibus Gothicis in Italia, a secretis primum, posthac, imperante Justiniano Seculo VI. episcopus Gothicus, Rauennæ. Scripsit de Rebus Gothicis & de Regnorum successione, quæ prostant in Bibliotheca Patrum, & in Collect. Script. Gothicorum VULCANII, HVGONIS GROTHII, & inter MYRATORII Scriptores rerum Italicarum. Ceterum, fabulas eum narrare, cum primis de Hunnis, BEAT. RHENANVS Rer. Germ. Lib. I. & CLVVER. Introd. Geograph. Lib. III. c. 2. obseruant. Minime igitur credibilia esse, ea, quæ de Hunnis conscripsit, propterea, quod a homine ea gente oriundo, qui minime poterat, Hunnorum rebus fauere, profecta sunt, BARTHIVS Adu. Lib. LVI. c. 15. existimat, cui vt nostrum adiiciamus calculum, conceptum auctoris, in Hunnos Attilamque odium, certis indiciis suadent.



& præfatus Priscus, historici, *p*) superbus incessu, huc & illuc circumferens *q*) oculos, ita in omnibus suis arrogans, ut eius iactantiæ superbia, ex *r*) corporis gestibus quibuscunque, etiam incognitis facillime cognosceretur. Bellorum siquidem amator erat, sed consilio & temperantia circumspectus, ingenio sagacissimus, propitius, & exorabilis his, quos semel in fidem recepisset. Sin autem fidem irritam aliquis ei fecisset, numquam ei parcere volens: detestabatur enim ut immanes belluas, qui vel patriam,

*p*) Ambitionis & iracundiæ documentum est, superbus incessus. BARTHIVS Lib. XLVIII. cap. 3. Hinc EMANVEL PALÆOLOGVS Cap. LXX. iracundorum celsitudinem hoc modo describit: *Superbos & iracundos mores, quales cadunt in homines iniuriosos, equorumque more calcibus perentes, & insolentes incessus, & aliorum contumeliones, & inflexas ubique ceruices, & quos delicatos vocant gressus, ab egregiis & probis moribus alienos ducit.* Ceterum, superbus Attilæ incessus, teste PRISCO, cum grauitate fuit coniunctus, qualis incessus ad maiestatem compositus, a IOANNE BARCLAIIO *Icone Animorum* cap. VIII. in viris Hungariæ nobilibus, laudatur.

*q*) Motum oculorum in ATTILA, cum quadam grauitate fuisse coniunctum, id, quod est maiestatis documentum, ex PRISCO elucet.

*r*) Nos, ex moribus actionibusque ATTILÆ, quando veram eius imaginem, haud licet contueri, natiuam tantæ principis indolem, præmissis certis animi indiciis, eliciamus. PRISCVS RHETOR, qui Attilam, in regia conspiciatus est, *constantem vultus grauitatem, cum ambitione, seueritate, & iracundia coniunctam, in eo obseruat, & præterea humanitatem, cum quadam comitate & affabilitate, in eo admiratur.* Excerpt. Legat. p. 119. 129. 120. 95. 96. Hæc vero certa sunt complexionis cholerico sanguineæ, qua hodiernum, gens Hungarorum potissimum gaudet, documenta. Vid. LEÜTMANN. *Nosce te ipsum.* p. 70. GVNDLINGVS *Discurs von dem heutigen Zustand der Europäischen Staaten* Cap. XIII. §. 18. Talem JORNANDES de Reb. Get. Cap. XXXV. describit. *Erat namque superbus incessu, huc atque illuc circumferens oculos, ut elati potentia, ipso quoque motu corporis adpareret. Bellorum quidem amator, sed ipse manu temperans, consilio validissimus, supplicantibus exorabilis, propitius in fide semel receptis.* Eam animi indolem, BONFINIVS quoque, Dec. I. Lib. III. in Attila adnotauit: *Quamuis nimia seueritate atrox, ac dirus videretur: benignius tamen externos admittit, & non modo suos, verum etiam alienos, præ nimia liberalitate sibi conciliauit. Quanto formidolosior hostibus, tanto suis carior erat.* CALLIMACHVS sane, ipsi tractabile, miteque ingenium fuisse scribit, & AVENTINVS Lib. II. Annal. Boicorum f. 165. auctor est, complura se vidisse de virtutibus Attilæ carmina, patrio sermone, more maiorum conscripta, & quidem in bibliotheca B. H. Merani, de Rebus ab Attila gestis, reperisse opus, heroico versu, & latina lingua, non inelleganter factum, ex quo duos istos versiculos descripsit:

*Foedera supplicibus donat, sternitque rebelles;*

*Vltra millemos, fertur dominariæ annos.*

Inique igitur, Gothici Romanique scriptores, Attilam non superbum solum, sed & sæuam adpellant bestiam. Ita ERYCIVS PYTEANVS Hist. Insubr. Lib. I. I. edit Helmsstad. p. 9. ad Attilam, dum bella in Italia gesta recensuisset: *Quo ruis immanissima bellua? ad crudelitatis famam hæc iam satis.* Ceterum, ea singula, quæ iurati nominis Hunnici hostes, de vitiis, horridoque Attilæ ac Hunnorum animo, confinxerant, concepto Gothorum Romanorumque odio, cum BARTHIO Aduers. Lib. LVI. c. 15. & RVDOLPHO ROHTIO in Attila §. 18. tribuendum putauerim. Multa, profecto, animi bona, CALLIMACHVS in Attila obseruauit: erat enim prudens, grauis, temporibus callidissime parens, peritus belli, religioni suæ cumprimis addictus, frugalis præterea, laboriosus, & otio luxuique insensissimus. Sed de his alibi in PRISCO RHETORE.

*s*) Habi-



patriam, vel se superantem, lusione quadam decipere satagebant.  
*s)* Corpore fuit brevis, *t)* statura tamen prope iusta, *u)* lato pectore, *w)* capite grandi, *x)* oculis minutis, *y)* longisque acutisque auribus, *z)* hirsutis & hispidis crinibus, ut fere ab omnibus *aa)* caninae dicerentur: rara *bb)* barba, sed more suo

*s)* Habitum corporis Attilae, CALANVS, ex JORNANDE de Reb. Get. Cap. XXXV. verbis quodammodo immutatis delineauit. Ita vero ille: *Forma brevis, lato pectore, capite grandiori, minutis oculis, rarus barba, canis aspersus, simo naso, teter colore, originis suae signa restituens.* Eum, iisdem fere verbis, VRSPERGENSIS Chron. ad an. 377. CALLIMACHVS in Attila, BONFINIVS Dec. I. Lib. 3. & OLÀHVVS Cap. 3. depingunt. Fragmentum hoc CALANI, quo habitus corporis Attilae describitur, BARTHIVS Lib. LVI. Cap. XV. emendauit, & verba, ut ab omnibus fere caninae dicerentur, non de crinibus, verum de labiis pendentibus, explicuit. Ita vero ille: *Erat autem Attila rex superbus incessu, huc & illuc circumferens oculos, ita in omnibus suis arrogans, ut eius iactantia superbia, ex corporis gestibus, quibuscunque, etiam incognitis facile cognosceretur. Corpore fuit brevis, statura tamen prope iusta, lato pectore, capite grandi, oculis minutis, longisque & acutis auribus, hirsutis & hispidis crinibus, rara barba, sed more suo demissa, canis quidem aspersus, simius naso, colore subrufus, moribus ferus, audacia pronus, & vera originis suae barbara, signum vel lineamenta demonstrans, ore paruo, latis tamen labiis, ut fere ab omnibus, caninae dicerentur, uno dentium, qui foris eminebat, plus iusto faciem dehonestante.*

*t)* JORNANDES, Attilam forma breuem; CALLIMACHVS, statura corporis infra mediocrem; OLÀHVVS vero cum CALANO, statura media fuisse scribit. Hæc vero Hungaris est potissimum propria, eaque ad perficiendam rem bellicam, aptissima. LEÜTMANNVS Nosce te ipsum. §. 32. 38. seq.

*u)* Non minus pectus, quam humeri lati, robur corporis insigne, cum fortitudine significant.

*w)* Ita JORNANDES, CALLIMACHVS, & BONFINIVS, de capite Attilae. Illud tamen ceteris corporis membris proportionatum fuisse, OLÀHVVS in Attila Cap. 3. obseruauit.

*x)* Orbis oculorum, in Attila, ad Sauromatarum speciem paruos fuisse, CALLIMACHVS auctor est. Minutiores quidem oculi, teste LEVTMANO l. c. excessum in vitiis denotant; adpectus nihilominus grauioris, qualis in Attila deprehenditur, moderatam animi indolem testantur.

*y)* Acutas aures, acre iudicium, quale in Attila fuerat, designare, BARTHIVS Aduers. Lib. XI. C. VII. ex CALPURNII Eccloq. 1. obseruat.

*z)* Crines promissi laxique, signum sunt mollitiei. BARTHIVS Lib. XXIV. C. XXV. hirsuti contra & hispidi, animi duri, & inexpugnabilis.

*aa)* Vocem hanc, BARTHIVS, ad labia Attilae reiiicit. Caninas namque buccas, Martialis Lib. X. epigr. 5. in rogatoribus notat, & ADAMANTIVS SOPHISTA Physiognomic. Lib. II. Cap. 17. labia pendentia, canina adpellat.

*bb)* Barbæ, apud plures gentes, magnam fuisse venerationem & religionem, BARTHIVS Lib. LI. Cap. 6. indicat. Apud Gothos & Francos veteres, cum in fœdera arctiora, & durabilia conuenire volebant, veluti pignore sacro interueniente, barbam alter alteri tangebant. ANONYM. Hist. Franc. Lib. III. ex Idatio. AIMOIN. de Gest. Francorum Lib. I. C. 20. Apud orientales quoque populos, in tanto barba fuit pretio: ut pro pretiosissimo pignore, eam oppignorauerint. BARTHIVS l. c. Inter Hunnos, barbam pariter, in magno honore positam fuisse, vel inde colligere licet: quod, dum reliqui Hunni, teste AMMIANO, imberbes fuerant, solus Attila, eam alere consueuerat. Ad cultum proinde regium, eam pertinuisse, haud leuibus auctoramentis inductus, existimo.



fuo demissa, canis quidem adpersus, *cc*) fimiis naso, *dd*) colore subrufus, *ee*) moribus ferus, *ff*) audacia pronus, & vere originis suae barbarae *gg*) signa vel lineamenta demonstrans; *bb*) ore

*cc*) IORNANDES habet, *simus naso*, seu depressa nare. Ita legit BARTHIVS quoque, in fragmentis Calani l. c. Est vero nasus simus plerumque, magni animi documentum. Hinc MARTIALIS 6. epigr. 39. *Sima nare, turgidis labris.*

*dd*) Forte *subfuscus*, IORNANDES namque habet, *reter colore*; BONFINIVS colore *subniger*; OLAHVVS *fusca facie*. Colorem hunc, qui genti Hungaricae, propemodum natiuus est, *agreste Attilae originis genus* indicauisse, minus recte CALANVS adnotauit. Ceterum BARTHIVS, in emendatione CALANI l. c. colore *subrufus* seruauit.

*ee*) Repugnat CALANO, PRISCVS RHETOR, qui in Attila, vultus grauitatem constantem, & comitate ciuilitateque temperatam, cumprimis commendat. Ita vero ille in Excerpt. Legat. p. 119. *Attila, inquit, egressus habitatione, grauis vultu, omnium oculis quaquauerfus in se conuersis, incedens, cum Onesegio sedit praedibus.* Et alibi p. 96. *Attila comis & blandus visus esset.* item p. 132. *Per totum conuiuii tempus, nos blandis sermonibus adpellans.* Haec vero, non feros, sed cultos Attilae mores subindicant, de quibus in PRISCO prolixius.

*ff*) Magnanimum, quam audacem, rectius dixeris. VIRG. Aen. 6. v. 647. *magnanimos heroes* OVID. Trist. 3. 5. v. 33. *magnanimos leones*, CIC. off. 1. 19. *viros fortes & magnanimos adpellant.* Audacia vero, interdum in malam partem accipitur. CIC. de Inuent. l. 3. *Cum ad gubernacula reip. temerarii atque audaces homines acceperant.* & Cat. 2. 5. *in ludo gladiatorio paullo ad facinus audacior.* Magnanimum fuisse Attilam, non minus ex PRISCO, quam ex IORNANDE elucet. Ita vero iste: *Qui, quamuis huius esset naturae, ut semper magna consideret.* Testatus id est, cum vultus gestuumque grauitate, tum vero incessu quoque composito. Vnde apud Romanos, Gothosque, teste CALLIMACHO, superbissimi animi contraxerat infamiam.

*gg*) Mores Hunnorum feros, cultumque Hunno Scythicum, AMMIANVS MARCELLINVS Lib. XXXI. describit. Certe Romani, eos, non pro hominibus, sed pro monstris & centauris habuerunt, eo, quod equis prope affixi, muneribus consuetis, teste AMMIANO fungebantur. Hinc CLAUDIANVS Lib. l. in Rufin.

*Est genus extremas Scythiae vergentis in oras  
Trans gelidum Tanain, quo, non deformius ullum.  
Arctos alit, tristes habitus, obscenaque visu,  
Corpora, mens dura, nunquam cessura labori.*

Ex istorum aliorumque traditione, IORNANDES, nominis Hunnici hostis acerrimus, hunc in modum, habitum corporis, faciemque Hunnorum, in Reb. Get. Cap. XXIV. delineat: Hunni, quos bello, forsitan minime superabant, vultus sui terrore nimium, pauorem ingerentes, terribilitate fugabant: eo quod erat eis, species paenenda nigredine, sed velut quadam, si dici fas est, deformis offa, non facies, habensque puncta, quam lumina. Quorum animi fiduciam, toruus prodis aspectus, qui etiam in pignora sua, prima die nata desauunt. Nam maribus ferro genas secant, ut antiquam lactis nutrimenta percipiant, vulneris cogantur subire tolerantiam. Hinc imberbes senescunt, & sine venustate ephobi sunt: quia facies ferro sulcata, tempestiuam pilorum gratiam, per cicatrices absumit. Exigui quidem forma, sed arguti, motibus expediti, & ad equitandum promptissimi. Scapulis latis, & ad arcus sagittasque parati, firmis ceruicibus, & in superbia semper erecti. Hi vero sub hominum figura, viuunt belluina sauitia. Iisdem verbis Hunnorum speciem, SIGEBERTVS GEMBLACENSIS Chron. de Reg. Hunnorum, Collect. Pistor. T. I. f. 694. ad an. 1726. & VRSPERGENSIS Chron. ad an. 377. p. m. 98. describunt. Quam OTTO FRISING. de gestis Frid. I. Imp. Lib. I. c. 31. Hungaris quoque, iure suo attribuit. Hungari, inquit, facie terri, profundis oculis, statura humiles, moribus & lingua barbari, & feroces.

*bb*) Os



*bb*) ore paruo, *ii*) latis tamen labiis, *kk*) vno dentium, qui foris eminebat, plus iusto *ll*) faciem dehonestante quantillum.

CAPVT

*bb*) Os paruum, ad venustum corporis habitum, referunt nonnulli. Verba hæc, depromsit CALANVS, ex ADAMANTIO Sophista Physiognom. Lib. II. c. 17. vbi paruum os in feminis commendatur.

*ii*) BARTHIVS Animadu. Lib. LVI. c. 15. locum hunc ita emendauit: *latis tamen labiis, ut fere ab omnibus, canina dicerentur.* Hæc vero ex ADAMANT. SOPHIST. Physiog. Lib. II. c. 17. Calanum emaculauisse, idem existimat; meminit enim, & *oris parui, & caninorum labiorum.* Ceterum *Canis*, obseruante BARTHIO Lib. XLI. cap. 9. opprobrium est hominis sanguinari. Hinc etiam APVLEIVS Lib. VIII. *per animos canum*, iracundiam bestię indicat. Hæc vero de Attila, quem PRISCVS, *blandum & humanum* vocat, accipi nequeunt.

*kk*) Ita, BARTHIVS quoque, in fragmentis CALANI legit. Tacent ea de re, IORNANDES, alique rerum Hunnicarum scriptores.

*ll*) Attila, ex singulari corporis vultusque, quam descripsimus symmetria, non deformatus, veluti CALANVS autumat, verum forma grauis & venusta, cum maiestate quadamprehenditur. Iniurii proinde sunt in tantum principem, qui eum, facie prodigiosa, tamquam immanem quandam confingunt belluam. Fuit omnino, Attila, teste BONFINIO, *forma egregia, & præterea, vultu grauis*, proptereaque hostibus terribilis. Eapropter PAVLLVS JOVIVS, Illust. vir. Elog. Lib. I. Attilæ imaginem, *terribilem & immanem Hunnorum sauitiam spirantem* descripsit. Talis profecto, in nummo triumphali adparet, quem MARTINVS SCHOEDELIVS in Notit. Hung. P. I. ad §. 238. ex cimelio LVCKIANO, & RVDOLPHO ROHT. in Attila ex musæo Bosiano, depromfere. Eam nos quoque, Exercitat. de Vet. Litt. Hunno-Scyth. Sect. III. Tab. IV. exhibuimus. Icon hæc Attilæ anaglyphice sculpra, figura circulari, Argentinae, in vertice portæ, lapidi incisa, teste SCHOEDELIO conspicitur. Anne vero, imago Attilæ in nummis, & quæ, inter heroas Hungariæ, in Mausolæo regum fol. 27. alibique pingitur, genuinam eius faciem, habitumque corporis repræsentet, aliis disquirendum relinquimus.

C A P V T XIII.

**H**ic, vt idem historicus refert, Bleda fratre interemto, Dacos, Sarmatas & Pannonios, multis præliis *a*) superauit, collectoque, suarum, & earum, quas vicerat, gentium, grandi & immenso adparatu, processit *b*) in Scythiam, *c*) re-

*a*) Ante mortem Bledæ, Dacos, Sarmatas, & Pannonios superatos fuisse, ex PAVLO DIACONO constat. Ita enim ille Hist. Miscell. Lib. XV: *Rex Hunnorum Attila, quum cum fratre Bleda (Bleda) regnum intra Pannoniam Daciamque gereret: Germanum suum, regniq; consortem interemit.* Sarmatæ autem ante, deuictis Alanis, Gothis, Gepidis & Burgundionibus, quam, vel Daci, vel Pannonēs, in potestatem Hunnorum peruenere.

*b*) Verba hæc, C. BARTHIVS Adu. Lib. LXIX. cap. XII. f. 954. ex IUVENCO adducit: *Processit in Scythiam*, cetera. Scythiam intellige Europæam Istro adiacentem, de qua HERODOTVS Lib. IV. Ceterum Scythiam quoque, ante mortem Bledæ, armis Hunnorum subactam fuisse, ex PRISCO Rhetore in Excerpt. Legat. euidenter elucet. *Pace cum Romanis facta*, (nempe circa annum 428.) *Attilas & Bleda, ad subigendas gentes Scythicas profecti sunt, & contra Sorosgos, bellum, communibus opibus, & viribus mouerunt.*

Decad. I. Monument. III.

H h

*c*) Scy-



c) regemque Scytharum sibi tributarium reddidit. d) Apud quem inuenit gladium Martis, qui fingitur e) DEVS fuisse bellorum, eo quod truculenter bellator f) Scythas perdomuit, & apud eos regnasse perhibetur. Cuius gladii munere gratulatus, ut erat magnanimus, quasi sibi totius orbis g) offerretur imperium, Mar-

c) Scythas intelligit CALANVS Europæos, Istri accolæ, *Amaldzuros*, inquam, *Ithamaros*, *Tancassios*, *Boiscos*, ceterosque Istri accolæ, quos Attila, mortuo Roua, cum Bleda fratre, bello adgressus, Hunnorum subesse imperio coegit. PRISCVS RHETOR in Excerptis Legat. p. 80.

d) C. BARTHIVS Aduers. Lib. LXIX. cap. XII. f. 954. *Bellicosissimi quondam Thracum regis gladium fuisse, obseruauit. Martis ille fuit simulacrum, quod, teste HERODOTO Lib. IV. c. 76. 77. vni & soli Marti solebant erigere. Sub hoc, inquit ille, aggestu, acinaces ferreus, qui singulis, cui vetustus est, statuitur, idque est Martis simulacrum, cui annuas hostias offerunt. Cum HERODOTO, consentit CLEMENS ALEXANDRINVS, Admonit. ad Pagan. p. m. 29. 42. 43. Deperditum tandem lapsu temporis, & multis seculis haud visum fuisse, ex eadem PRISCI narratione constat. Neque parua, inquit, illi (Attilæ) potentia accessio contigit, ex eo, quod Martis ensis erat detectus. Hic tanquam sacer, & DEO bellorum præfidi dedicatus, a Scytharum regibus, olim colebatur, & multis antea seculis non visus, bouis ministerio fuerat, tunc temporis erutus. BARTHIVS vero, usque ad tempora Attilæ, apud Thracos conseruatum fuisse opinatur. Tali autem occasione repertum fuisse, in Scythia, JORNANDES de Reb. Get. Cap. XXXV. ex PRISCO RHETORE refert: Quum pastor quidam gregis, vnâ buculam conspiceret claudicantem, nec causam tanti vulneris inueniret: sollicitus vestigia cruoris insequitur, tandemque venit ad gladium, quem, depascens herbas bucula, incaute calcauerat, effossumque protinus ad Attilam deferret. Ensem hunc sacrum, ab Hunnis ad Abares, & ab his, ad Hungaros transmissum, & vtrique cultum fuisse, ex prisca eorum religione elucet. Chaganus enim rex Abarum, fidem Romanis stipulaturus, per ensen, ritu Abarico, iusiurandum præstitit. Ense educto, & in altum sublato, sibi & Abarorum genti, dira est imprecatus: si quid mali comminisceretur Romanis. MENANDER in Excerpt. p. 128. Haud secus Hungari, qui, quoties expeditionem, populo indicebant: toties, circumlato per castra ense, cruore adsperso, vox populi vox DEI, conclamabant. THVRÓTZ. Chron. Part. I. cap. 10. Eum, interuallo temporis, vt SCHAFNABVRG de Reb. Germ. ad an. 1071. Collect. Pift. T. I. f. 348. edit. 1726. adnotauit: Regina Vngarorum, mater Salamonis regis, duci Bavariorum Ottoni, dono dederat, cum, eo suggerente atque annitente, rex, filium eius in regnum paternum restituisset. Cumque eum Dux Otto, filio Dedi Marchionis, Dedi iuniori, in argumentum pignusque, indiuidua dilectionis, ad tempus præstitisset, illo, ut prædictum est, perempto, regi & per regem Lupoldo huic duci de Merspurge, casu obuenerat, quo etiam ruentem de equo, transfossam fuisse scribit.*

e) Inter Deos, & idola veterum Scytharum, quæ HERODOTVS in Melpom. Lib. IV. c. 59. describit, potissimum, Mars colebatur. Hinc etiam, nulli, præterquam Marti, simulacra, aras & delubra putabant exstruenda. Conf. FRANCISC. FORIS OTROKOCSE, Orig. Hung. P. I. cap. I. §. 25. 26.

f) Scythiæ nomine, CALANVS Thraciam intelligit. Huc enim Mars, arte Vulcani, a Veneris amplexibus solutus, teste HOMERO Lib. Θ Odyssæ concessit.

*Hicque, ubi sunt illis durissima vincla soluta,*

*Discedunt subito. Thraces mox ille petiuit*

*Ipsa Venus Cyprum petit, alma nata Dione.*

Eapropter Mars, ut LYCOPHRONIS enarrator ait, Deus fuit Thracum, a quibus ille, eximie colebatur. NAT. COMES Myth. Lib. II. cap. 7.

g) PRISCVS in Excerpt. Legat. p. 123. *Neque parua illi potentia accessio contigit ex eo: quod Martis ensis erat detectus. Et JORNANDES de Reb. Get. cap. XXXV. Quo ille munere*



Martis gladium *b*) præ se, quocunque iter arripuisset, ferens. Aquilonis iam magna parte domita, vt *i*) Romanos opprimeret, ad partes Italiæ, festinus conscendit. Cumque *k*) Thracias, a Pannoniis veniens, & omne *l*) Illyricum depopulatus esset, *m*) Aquilegiam,

nere gratulatus, vt erat magnanimus, arbitrabatur se, totius mundi principem constitutum, & per Martis gladium, potestatem sibi concessam esse bellorum. Cur autem Attila, ex detecto ense Martis, hunc animum sumferit, OLAVVS in Attila Cap. III. hunc in modum tradit: Dum quadam nocte, per quietem vidisset, se a Marte armari: postero die, quidam ex gregariis militibus, detulit ad eum ensen, in campo patenti repertum. Huic accedit, obseruante BARTHIO Aduers. Lib. LXIX. Cap. XII. f. 954. veterum regum religio, qui paternas hastas & gladios, velut sanctorum vice, seruabant.

*b*) Tacent ea de re, PRISCVS, IORNANDES, Hungarorumque Annales. Ceterum, gladium cruore adpersum, quotiescunque, expeditio bellica, indicebatur populo, per castra Hunnorum, fuisse circumlatum, THVRÓZIVS Chron. P. I. cap. x. refert, quod nunc diximus.

*i*) Hæc fuit Attilæ, expeditionem in Italiam molientis, intentio: vti, cum Honoria, sorore Valentiniani imp., partem imperii occidentalis occuparet. Exponit rem hanc PRISCVS RHETOR in Excerpt. Legat. p. 64. Sed Attilas, antequam in eam expeditionem ingrederetur, rursus legatos in Italiam misit, qui Honoriam poscerent. Etenim secum matrimonium pepigisse, cuius rei, vt fidem faceret: annulum ab ea ad se missum, per legatos, quibus tradiderat, exhiberi mandauit. Itaque, imperii parte sibi Valentinianum cedere, æquum censebat, quam pater Honoriam reliquisset, sed, hac illam frater, quæ eius erat auaritia, priuarat.

*k*) Attila, bellum quidem Marciano imperatori minabatur, propterea, quod promissum a Theodosio II. tributum, cum consuetis muneribus, sibi negaretur: non prius tamen illud Thraciæ, & imperio orientali, quam, dum vastata Italia, in Pannoniam reuerterat, denuntiavit.

*l*) Expeditione Italica, Hunnos, Illyricum quoque, subuersis vrbibus, deuastauisse, non minus ex eorum profectione, quam, ex oppugnatione Aquileiæ, euidenter constat. Præterquam enim, quod Callimachus atque Bonfinius, Attilam, prius in Illyricum, quam in Italiam penetrauisse, diserte adfirmant: pronum etiam est colligere, si non vniuersum exercitum, saltim delectam Hunnorum manum, ab oppugnatione Aquileiæ, ad deuastandum Illyricum emissam fuisse. Illatam ab Hunnis Illyrico calamitatem, prolixè describit, ANTON BONFINIVS Dec. II. Lib. III. vbi etiam complures ab Hunnis expugnatas Illyrici vrbes, enumerat, Tragurium, inquam, Scardonam, Beloradum, Sicum, Coronam, Salonas, Iadram aliaque Dalmatiæ oppida. Ex Illyrico in Japydiam & Istriam, & hinc, in Carnos, ad Aquileiam penetrasse Attilam, IDEM contendit.

*m*) Aquileia, antiqua Romanorum colonia, cuius originem, LIVIVS Lib. XL. cap. 34. describit: Aquileia, colonia latina, eodem anno, in agro Gallorum est deducta, & STRABO. Lib. V. p. 148. Opus Romanorum est Aquileia, munitum, aduersus supra illam habitantes barbaros. Aucta coloniis nouis, post aliquot annos, teste LIVIO, Lib. XLIII. cap. 17. celeberrimum fuit emporium. HERODIAN. Lib. VIII. Cap. II. PRÆFAT. Nouell. XXIX. & AVSON. de claris vrbibus. Nomen, JULIANVS orat. II. de Gestis Constantii, ab aquila augurio, quum conderetur, impositum dixit. ISAACVS VOSSIVS ad Melam, ab aquarum copia, quasi Aquilegiam. Portum enim habuit in Natifonis ostio, LX. stadiis ab vrbe distantem. MELA Lib. II. cap. 4. cuius fluiui IORNANDES quoque, de Reb. Get. Cap. XLII. meminit. Vrbs fuit ampla, & sede Patriarchæ clara, de quo PAVL. WARNERFIDI Lib. II. Cap. X. hunc in modum: Aquileiensi quoque ciuitati, eiusque populis, beatus Paulus Patriarcha præerat.



legiam, quæ *n*) Venetiarum *o*) Metropolis est, sitam *p*) in litore maris Adriatici, sibi rebellem neque obsequentem inuenit: ubi & ut eam in deditionem acciperet, *q*) castra metatus est.

## CAPVT

*n*) Venetia regio est Italiæ, quam Veneti, antiquus Italiæ populus, inhabitabant. LIVIUS Lib. XXXIX. cap. 22. PLIN. Lib. II. cap. 72. Jacuit ea, a Pado, vsque ad Histriam protracta, cuius limitem, CLYVERIVS in Italia antiqua, in Tilauentio Carnorum fluuio, quærit.

*o*) Aquileia, teste STRABONE Lib. V. *extra Venetorum fines sita est*. Hinc PLINIUS Lib. III. c. 18. post narrata, Tilauentum, Alsam, Natisonem fluuium, & Aquileiam coloniam, Carnorum hæc, inquit, regio cunctaque Iapydum. Carni etenim, Alpina gens, vel partem hanc oræ vltiorem, Venetis eripuerunt, vel a victoribus Romanis, in eam ducti fuerunt regionem. CELLARIUS geogr. ant. Lib. II. c. 9. p. 694.

*p*) Aquileia a portu, quem in Natisonis ostio habebat, LX. stadiis seiuncta iacuit. STRABO Lib. V. MELA Lib. II. c. 4.

*q*) Modus castra metandi, apud Hunnos peculiaris fuit, longeque a consuetudine Romana diuersus. Romani namque castra, vallo ex aggere & sudibus congesto, & pedes tres vel quatuor alto, muniebant, valloque, fossam plerumque nouem pedes altam, & duodecim latam, prætendebant. LIPSIVS de antiqua Romanorum militia. Hunni contra statua sua, quæ propter celerem expeditionem, haud diuturna esse poterant, plaustorum ordinibus sepiebant, id, quod ex castris Catalaunicis, apud JORNANDEM & FRECVLPVVM, luculenter elucet. conf. ad cap. x. not. m) Communiendis igitur castris, Attilam decem millia falcatorum currum habuisse, THVROTIVS Chronic. Hung. P. I. Cap. XIII. tradit.

## CAPVT XIV.

**E**Rat autem, & ibi, & in finitimis ciuitatibus Romanorum *a*) præsidium, ab Valentiniano & Theodosio transmissum, quo *b*) ab ingressu Italiæ, quantis fieri potuerit, Attila, viribus arce- retur. Attila tamen, sæpe & sæpius Aquilegienses, & ciuitates finiti-

*a*) Non a Theodosio, iam enim, teste PAVLLO DIACONO, de gestis Romanorum Lib. XV. p. m. 371. anno CCCCXLIX. viuere desierat, verum a Marciano, qui ei in imperio successerat, auxiliares copię submitti poterant. Nullam tamen submissi ex oriente auxilii, mentionem facit PROCOPIVS, Gothos, ducibus Alarico & Anthalamo, ad solita Italiæ munimenta, a Valentiniano imperatore euocatos fuisse tradens. Hoc itaque modo Valentinianus, prouti SIGONIVS Lib. XIII. p. 325. obseruat, concussos trepidatione Italiæ fines, communiuit. *Alpes Julias, per quas, e Pannonia, in Italiam transitus, nouo præsidio communiuit, Aquileiam, quæ prima erat, superatis Alpibus, occursura, rursus militibus, turribus, commeatibusque firmavit, neque ceteras, per quas, ad Padum amnem rectus est aditus, rebus necessariis communire neglexit. Aetium autem, ad urbis Roma defensionem, & ad omnem arripiendam, aduersus Attilam occasionem, citra Romam paratum, cum validissimo adesse exercitu iussit, atque ipse se in urbe continuit.*

*b*) Quo itinere, Attila Italiam inuaserit, triplex est Historiographorum sententia. CALLIMACHVS cum OLÁHO contendit, Attilam, superatis, Norici, Rhætiaeque asperis montibus, cum iam Italiam, exiguo seiunctam interuallo, vidisset: aditu interclusum, in Illyricum primum, & inde, iuxta mare Adriaticum, per Carnos, in Foro Iulium irrupisse. ANTONIVS BONFINIVS Dec. I. Lib. VI. contra ea, ne a tergo a Græcis videretur, redituque, si quid aduersi pedem referre cogeret, intercluderetur: ex Pannonia, in Illyricum primum, & inde, ad mare Adriaticum penetrasse perhibet. Iter bre-



finitimas, *c*) per suos legatos alloquutus, ne sibi Romam adgre-  
di intendenti, molesti essent: nihil profecit, cum eis fidem &  
immunitatem polliceretur: &, si prospera sibi, Deo propitio  
gradienti contingerent, *d*) eas ciuitates facturam, quæ ipsa Ro-  
ma fecisset. *e*) Taruissum tamen, auctore *f*) Helinando An-  
tistite, & Araico Tempesta: item *g*) Verona, *h*) Diaterico tra-  
dente, Attilæ partibus se dederunt. Tum *i*) Altinum ciuitas,  
*k*) Op-

breuissimum, per fauces Alpium Iuliarum seu Pannoniarum, amnemque Sontium, Si-  
gonius describit: iis enim superatis, facilis est, ad Aquileiam in Carnis transitus. Hoc  
vero, perficiendæ destinationi iter est, vti rectissimum, ita commodissimum, per quod,  
non minus Galli, quam Romani, expugnatis Iapydorum oppidis, in Pannoniam pene-  
trauerunt. SCHÖNLEBENS in Carniola Antiqua Cap. IV. §. 1. Ita vero illud, ANTONI-  
NVS in Itinerario p. 128. seq. edit. Amstel. 1735. delineauit.

|                   |              |
|-------------------|--------------|
| Aquileja ciuitas  | M. P. XXXI.  |
| Fluuium frigidum  | M. P. XXXVI. |
| Longatica mansio  | M. P. XXII.  |
| Hemona ciuitas    | M. P. XXIII. |
| Adrante Mansio    | M. P. XXV.   |
| Celeia ciuitas    | M. P. XXIV.  |
| Ragondone         | M. P. XVIII. |
| Patauione ciuitas | M. P. XVIII. |

Ceterum, proficiscente, per fauces Alpium, exercitu Attilæ, copiarum pars altera,  
in Noricum & Rætiarum, altera in Illyricum, non minus prædæ & populationis caus-  
sa, quam, ut vires Romanorum diuiderentur, irrupit, in Carnis demum, prostrato  
Romanorum præsidio, reliquo corpori adserta.

*c*) Ira percitum, ciues Aquileiæ adloquutum fuisse Attilam, cum SIGONIO credide-  
rim: quod copiis suis resistere, susceptæque in Italiam expeditioni, moram iniicere  
ausi fuerint; cumprimis, quod præda opima, quam sperauerat, primo impetu potiri  
nequiuertat. Urbem eapropter acriter urgere, & quam expugnare nequiuertat, diu-  
turna obsidione premere coepit.

*d*) Emendandus hic est CALANVS: ea se ciuitati facturum, quæ ipsa Roma fecisset. Scilicet:  
Romanorum, in expugnandis urbibus, quæ armis suis obsistebant, consuetudinem  
respicit. Urbes enim deuictas, dirutis mœniis turribusque, solo æquabant, cæsisque  
partim, partim in seruitutem reductis ciuibz, principes populi, cum spoliis in trium-  
pho, Romam ducere solebant; id quod, ex subuersione Hierosolymæ elucet, apud  
IOSEPHVM de Bell. Iud. VII. 18. EGESIP. Excid. Hierosol. V. CEDREN. p. 179.

*e*) Taruissum, oppidum in ditioe Venetorum, ad Sile fluuium. Meminere eius,  
PROCOPIVS Lib. II. B. Gotth. Cap. XXIX. & PAVLLVS DIACONVS Lib. IV. cap. III. alii.

*f*) CALLIMACHVS in Attila, Helundo Antistite legit. Quin & Araici nomen, Artuici  
legi oportere, Illustris Pivs NICOLAUS GARELLIVS monet, in eruditissima, quam præ-  
mittimus, de Iuueno, epistola: ubi, quinam hic fuerit TEMPESTA, doctissime edisse-  
ritur. quorsum lectores eo dimittimus lubentius, quo magis nostra interest, momen-  
ta auctoris singula, illustrari quam luculentissime.

*g*) Verona, antiqua vrbs Italiæ, Brixienfium, teste CATVLLO Veronensi Carm. LXVII.  
colonia, quam Rætorum & Euganorum simul fuisse, PLINIUS Lib. III. cap. XIX. tradit.

*h*) Pro Diaterico cap. XVI. Dietherico scribit, quem CALLIMACHVS Diamericum vocat.

*i*) Altinum in regione Venetorum, ad fluuium Silis positum. PLINIUS Lib. XII.  
cap. XVIII. quod STRABO Lib. V. p. 148. in palude locat.

Decad. I, Monument. III.

I i

k) Oppi-



k) Oppitergium, sed & l) Cenetense pulcherrimum oppidum, puoniam m) Tarnisensibus quandodue infestæ fuerant, iubente Attilæ, & quia partibus eius non fauerant, dirutæ sunt n) Vincentia, itemque o) Patauium, p) manentibus adhuc ad Aquilegiam castris, vbi & q) Vtinum oppidum, mira imaginatione construxit.

## CAPVT

k) Oppitergium, vno p. PLINIVS Lib. III. cap. XIX. exprimit, illudque, coloniam Venetorum fuisse scribit, idque, inter Taruisium & Forumiulii locat, PAVL. DIACONVS Lib. IV. cap. XLVII.

l) Ceneta, teste FORTVNATO Lib. IV. de vita S. Martini, Venetorum est oppidum, & municipium antiquum. m) lege Taruisensibus.

n) PLINIO & TACITO, Vicetia, PTOLEMAEO Vicenta, seu Vicentia, DIACONO Vincetia dicitur. Municipium fuit, inter oppida Venetorum, a PLINIO connumeratum.

o) Patauium Antenoris, in opulentissimis Venetorum oppidis, POMPONIVS Mela Lib. II. cap. IV. numerat, STRABO Lib. V. p. 147. prope paludes locat, omniumque eius regionis vrbium, præstantissimam vocat.

p) Alii, non nisi expugnata Aquileia, vrbes has, imperium Hunnorum suscepisse, autumant. Ita PAVLLVS DIACONVS Lib. XV. p. m. 386. OTYO FRISINGENSIS Lib. VI. cap. XXVII. f. 95. SIGONIVS Lib. XIII. p. 427. Quo ordine, & quo tempore, cæ, in potestatem Attilæ peruenerint, curatissime CALLIMACHVS & OLÁHV in Attila adnotauere. Scilicet, ne sub obsidione Aquileiæ, miles otio torpeat, aut facta seditione soluatur: Taruisium, ac Veronam, ceteraque vacua præfidiis oppida, expugnata fuisse. Reliqua a IUVENCO euumerata, capta demum vrbe, in Hunnorum dirionem peruenere. Multo plures, hoc tempore occupatas vrbes, ANT. BONFINIVS Dec. I. Lib. VI. recenset, quæ, a nobis, suo loco adducentur. conf. cap. XVI. n. 1.

q) Montem adpellat OTTO FRISINGENSIS Lib. IV. cap. XXVII. f. 95. testis huius rei oculatus. Tanta, inquit ille, in obsidione huius vrbis, & mora & multitudo fuit, ut miræ magnitudinis montem, Vtinum dictum, quem ipse vidi, in modum aggeris, ab exercitu comportatum, incolæ usque hodie adfirmant. Alii tamen, a Iulio Casare, eundem montem factum tradunt. Othonem sequitur SIGONIVS Lib. XIII. p. 326. Oppidum ab Attila erectum fuisse putant: CALLIMACHVS atque OLÁHV in Attila. Prostat omnino hodiernum, Vtinum seu Vdine oppidum, in regione Foroiulii, probe munitum, & Patriarchæ Aquileiæ domicilio clarum: at vero ab agro Aquileiensi, vno alteroue lapide distitum. Quod forsitan, recedente Attila, ex ruinis Aquileiæ postea enatum, congesti ab Hunnis, proximi montis Vtinæ, nomen retinuit. Hungarica profecto origine prognatum esse videtur. Vt enim, Hungaris, viam, Vton cum suffixa particula, in via, significat. Verisimile est, eo fini collem Vtinum excitatum fuisse, partim, ut memoriam Attilæ, si Aquileia, potiri non potuisset, apud posteros iuxta vitam sustineat, partim, ut demigrantibus in Italiam, remigrantibusque Hunnis, collis in itinere, heremæ loco fiat. Errant igitur, qui apud PALLADIUM Rer. Forojul Lib. X. Vdinum, ab Huldin, duce Hunnorum, conditum fuisse arbitrantur. SCHÖNLEBEN. ad an. 405.

## D A P V T XV.

a) CUMQUE diu ciuitatem Aquilegiam obsedisset, aut eam capere non posset, his, qui intra erant, fortissime resisten-

a) Nullius ciuitatis obsidio, usque adeo priscorum scriptorum silentio inuoluta est, atque Aquileiæ. Neque enim, per quos duces defensa, neque, quibus casibus, &



stentibus, exercitus milites, omnisque gens murmurare coeperant, ut tandem fatigatus ab obsidione recederet. Attila autem, cum *b*) murmura militum, vulgique sensisset, & anxius deliberare coepisset, firmaretne in dies castra, an tolleret, cum paucis ex militibus electis adequitans, una dierum muros ciuitatis Aquilegiæ circumirent, conspexit *c*) ciconias, aues, quæ in altis vrbis turribus nidificauerant *d*) ex more naturæ, exportantes pullos suos de nidis earum, foris ciuitatem ad loca *e*) campestria, & in arboribus nidos contra morem exstruere. Quod videns Attila,

& quamdiu oppugnata sit, SIGONIVS, etiam apud locupletem scriptorem, inuenire potuit. IORNANDES de Reb. Get. cap. XLII. urbem diu obsessam fuisse scribit, quod spatium, PAVLLVS DIACONVS Continuat. Eutropii Lib. XV. intervallo triennii dimensus est, quem deinde omnes, qui de rebus Attilæ scripsere, potissimum vero Annales Hungarorum, sequuti sunt. Hoc ille unde acceperit, cognosci nequit. Certe, M. AVRELIJ CASSIODORI, & MARCELLINI COMITIS in *Chronic.* atque IORNANDIS in Reb. Get. cap. XL. XLI. testimoniis, satis liquet, Attilam, anno CCCCLI. Marciano & Clodio Adelpho Coss. Ind. IV. in Gallia, cum Aetio concertauisse, anno autem CCCCLII. Fl. Asporatio L. Herculano Coss. Aquileiam euertisse. Colligere hinc licet, non triennium, sed aliquot menses, Aquileiam ab Hunnis obsessam fuisse. Neque enim rex, gloriæ cupidus, tantam moram perferre, neque miles prædæ inhians, tantum otium tolerare potuisset. Recte igitur tempus oppugnationis, ex congesto colle Vtino, OTTO FRISINGENSIS l. c. colligit. *Tanta autem in obsidione huius vrbis, & mora & multitudo fuit: ut miræ magnitudinis montem Vtinum dictum, quem ipse vidi, in modum aggeris, ab exercitu comportatum, incolæ utique hodie adfirmant.* Id vero, non triennii, verum propemodum trium mensium, intervallum exposcit.

*b*) Hæc ex IORNANDE: subortum fuisse in castris Hunnorum murmur, ex inopia commeatus, & continua militum defatigatione, ex THVRÓTZIO, BONFINIO, & OLÁHO prout est colligere.

*c*) IORNANDES, aues candidas nominat, crediderim, ab albis pennis, quas, nigris immixtas habent. Eapropter Græcis *πτελαγῆ*, albis nigrisque pennis distinctæ aues, dicuntur. Hinc OVIDIVS Met. VI. v. 96.

*candida pennis*

*Ipsa sibi plaudit crepitante ciconia rostro.*

*d*) Ciconia auis, teste PVBLIO MIMO & PHÆDRO fab. XXVI. auis peregrina, in altissimis turrium ædiumque tectis, nidos ponit, quos PERRONIVS cap. LV. ex Publio Mimo, factos in cacabo, explicante BARTHIO Aduers. Lib. LIV. Cap. XXII. f. 256r. ad luxuriam hominum adplicat.

*Ciconia etiam grata, peregrina, hospita  
Pietati cultrix, gracilipes crotalistris,  
Avis exul hyemis titulus tepidi temporis  
Nequitie nidum in cacabo fecit tuo.*

Attila, quorsum, DIACONVS in Continuat. Eutrop. Lib. XV. respicit: *cernite*. inquit (Attila) *in adificiorum fastigiis nidificare solitas, quæ ciconiæ vocantur.*

*e*) Ciconia, quam PVBLIVS pietatis cultricem vocat, non solum erga parentes gratitudinem, verum etiam erga pullos, insignem testatur amorem. Nunquam profecto deserit parer, filium, aut filius patrem, sed mutuas gerunt curas. BOCHARTVS in HIEROZOICO. P. II. lib. II. cap. XXIX. FRANTZIVS Hist. Animal. P. II. Cap. VIII. §. 4. Ciconias Aquileienses, IORNANDES de Reb. Get. cap. XLII. pullos per rura forinsecus comportasse,



tila, cum esset *f*) sagacissimus, & augurandi peritissimus, diu substitit, rem, quæ gerebatur, solerti perquisitione considerans, demum ad suos coequitantes sermonem direxit: Ecce signum ruituræ vrbs. Aues liquidem, quarum natura est, summis in vrbiū mœnibus nidificare, vi quadam naturæ futurorum *g*) præscias respicere, casuras arces, periculo imminente, deferere. Confestim inuadenda vrbs est. Instat enim exitium; nec expugnatio differenda est, ne fatalis hora pertranseat. Quo dicto reuersus ad castra, recitatisque his, quæ viderat, cunctos, omine fausto inuitauit ad prælium. Tunc igitur, omni telorum *h*) armamentorumque genere, ad expugnationem vrbs concursus est; *i*) nec

THVRÓTZIUS Chron. P. I. cap. XVIII. ad arundinetum ipsi ciuitati propinquum detulisse, BONFINIVS atem Dec. I. Lib. VI. per pagorum culmina nidos instaurasse, auctores sunt.

*f*) Singularis, in coniectandis rerum euentibus, prudentia, multis documentis, in Attila observatur. Nitebatur ea nihilominus, pro ratione superstitionis Hunnicæ, non minus *haruspiciis*, quibus Attila, ante prælium Catalaunense vsus est, IORNANDES de Reb. Get. cap. XXXVII. conf. ad cap. IX. not. *a*), quam *auguriis*, *auspiciis*, & ceteris *ominibus*, ac *prodigiis*. Auguria, ab auium obseruatione, Romani vocabant, eaque, ex inuolatu auium, cantu oscinum, & tripudiis solistimis captabant, vt breuiter, CICERO Fam. VI. 6. complexus est. DIONYSIVS vero HALICARNASSEVS XI. augurii nomine, omnis diuinationis species, qua ipsi vtuntur periti, comprehendit, tam eius, quæ in signis cœlestibus & sublimibus, quam eius, quæ in terrestribus versatur.

*g*) IORNANDES: *Respicite aues, rerum futurarum prouidas.* OTTO FRISINGENSIS. *Hæ inquam aues futura cladis præsagæ.* DIACONVS, *Aspicite*, inquit, *ad suos, iam aues futurorum præscias, perituram relinquere ciuitatem.* THVRÓTZIUS: *Aspicite auem, futurorum præsciam.* Ciconiæ, temporum quidem vicissitudines cognoscunt, Ierem. VIII. 7. impendentem tamen calamitatem haud præuident. Quando igitur nidum, quem semel occupauerant, teste WOLFGANGO FRANTZIO Hist. Animalium P. II. cap. VIII. nonnisi coacte relinquunt: vel ventorum asperitate, vel pugnantium clamore, & tumultu, e nidis excitæ, pullos in loca campestria extulere. Quæ res, ab Attila conspecta, in omen, sagacitate principis, conuersa fuit.

*h*) IORNANDES. *Qui machinis constructis, omnibusque tormentorum generibus adhibitis, nec mora inuadunt ciuitatem.* Iisdem fere verbis, OTTO FRISINGENSIS. Ita & DIACONVS, statimque, *adhibitis machinis tormentisque, hortatur suos. Acriter expugnat urbem.* Elucet hinc modus expugnandi vrbes & castella, Hunnis vsitatus. BONFINIVS, in oppugnatione Aquileiæ, obseruat, Attilam obsessis vrribus, arte primum & astutia vsu fuisse, deinde, quæcunque expugnationi necessaria fuerant, *turres ligneas erexisse, muniuisseque pluteis, & coacta ad complendam fossam materia, mœnia, admotis machinis tentauisse, neque unquam, sine magna suorum cade rediisse.* Vbi autem neque vi, neque adaectis vndique *cuniculis*, neque quauis arte, urbem capi posse viderat: *fame*, obsessos expugnare contendebat. Modum, vrbes expugnandi, a Romanis, in quorum castris, Hunni militabant, accepit Attila, qui in acie quidem, Asiatico more, *telis, hastis, gladiis, & falcatis currubus* præliabatur; veluti ex pugna Catalaunica constat: in expugnatione tamen vrbiū, *turres, pluteos, arietes & catapultas*, exemplo Romanorum adhibuit. vid. LIRIVS de Militia Romana. Artem expugnatae Aquileiæ, prorsus singularem, sed quæ expugnandis vrribus, haud conuenit, THVRÓTZIUS Chron. P. I. cap. XVIII. hunc in modum tradit. *Cumque rex Attila, eo die, se nihil profecisse potuisse conspexit: die altera, aliud genus periculi, in ipsam ciuitatem excogitauit. Præcepit enim, ut omnis suæ expeditionis innumera multitudo, sellas, de quatuor quantaxat equi-*

tibus,



i) nec diu protracta pugna est: vrbs enim continuo capta est, quam Hunni inuadentes, omnia, quæ reperta, diripuerunt, ferro flammisque cuncta subiecere; non ætati, non k) sexui parcen-tes, eamque ita deleuere, ut vix hodie insignia, vel vrbs l) vesti-gia videantur. Cæsa, eo conflictu traduntur, cuiuscunque eti-am ætatis, circiter m) triginta septem millia capitum, iuxta tra-ditionem n) Prisci Historici, qui eam in litteras retulit.

## CAPVT

tibus, unam afferrent, & illas iuxta muros, obpressa ciuitatis proiicerent. Fit igitur ingens congeries, cui tandem ipse rex ignem supponi mandauit. Quibus ardentibus, ciuitatis eius-dem murus, ex ignis vehementia in ea parte debilitatus, & præcipiti ruina datus fuisse, di-citur. Quibus visis, rex ipse, rursus cooptato ad bellum innumerabili populo, miseram, & pauitantem ciuitatem adgreditur.

i) Ita IORNANDES: nec mora, inuadunt ciuitatem, spoliant, diuidunt, vastantque crude-liter. Hoc modo, DIACONVS etiam: Statimque adhibitis machinis - - acriter expugnat urbem, ac sine mora capit, diripiuntur opes, captiuantur vel trucidantur ciues. THVRÓTZIVS vero in Chronico l. c. biduum, in prælio, sub moenibus Aquileiæ, extractum fuisse scribit. Primo ille die, urbem, ab Hunnis comminus impetitam, altero, de-bilitatis igne moenibus, per insultum expugnatam fuisse, scribit. Primus omnium At-tila, murum, teste BONFINIO, conscendit, militesque suo exemplo, in occupandis tur-ribus confirmavit; id quod, insigne est ducis fortissimi documentum.

k) Annales Hungarorum, feminas, execrandæ voluptati seruatas fuisse, adfirmant; quarum, pudicissima Dina vel Dugna, videns, non alia via, præterquam morte, im-pollutum seruari posse corpus, e summis ædibus, in subiectum Natisonium seu Na-tissam fluuium, præcipientem se dedit. DIACONVS l. c. cap. XV. THVRÓTZIVS Chron. P. l. cap. XVIII. CALLIMACHVS in Attila, BONFINIUS Dec. I. Lib. VI. OLÁHVS in Attila Cap. XIV.

l) IORNANDES de Reb. Get. cap. XLII. Vastantque crudeliter ita, ut vix eius vestigia, ut appareant, reliquerint. DIACONVS l. c. Reliquum direptionis, igni supposito, flamma con-sumsit. OTTO FRISINGENSIS Lib. IV. cap. XXVII. Captamque funditus, ut vix vestigia ma-neant, deleuit. FRECVLPVS Chron. T. II. L. V. cap. CLV. quam captam ita penitus dele-vit: ut vestigia eius ruina vix appareant. Istos, sequuti Annales Hunnorum, funditus dirutam, & solo æquatam urbem, uti ceteris metus incuteretur, reliquere.

m) CALLIMACHVS in Attila, XXXVII. millia cæsorum vtriusque sexus, cum CALANO numerat. BONFINIUS, sub moenibus, X. Aquileiensium millia cecidisse, expugnata-que vrbe, omnes ad vnum cæsos fuisse, auctor est. Reliqui, rem gestam alias tradunt. Dicunt Aquileienses, fame laborantes, dispositis per moenia armatis statuis, quæ custodum ordinem mentirentur, ex vrbe, clam, in insulam Gradum confugisse, Hun-nosque, ex ciconiis, quæ statuis infederant, cognouisse, se esse illusos, & urbem desertam. Id vero, merito in dubium vocat, BONFINIUS l. c.

n) Oppugnatio Aquileiæ, quam CALANVS ex Prisco refert, conformis est traditio-ni IORNANDIS in Reb. Get. cap. XLII. Vterque igitur, Priscum de rebus gestis Attilæ, consuluit.

## CAPVT XVI.

INde digressus Attila a,) Veronam iter arripuit, vbi & aliquibus diebus perstitit, a Dietherico, qui eam urbem, sibi tradide-rat,

a) Sub obsidione Aquileiæ, Veronam cum Tarvisio captam fuisse, ad Cap. XIV. not. (e) obseruatum est. Hunni igitur, resumpto, expugnata Aquileia, animo, per Decad. I. Monument. III. K k reli-



rat, honorifice susceptus, cui & b) Mantua confestim paruit: Exinde autem progrediens, c) Cremonam, d) Placentiam, e) Pergamum, f) Mediolanum, quæ & Liguriæ metropolis est, pari sorte protriuit, atque diripuit. g) Ticinium quoque, ac ceteras Italiæ vrbes, quæ sui deditionem non fecerant, funditus diruit. Denique h) Tusciam ingressus, quacunque iter fecerat, castella & vrbes, pari sorte i) deleuit.

## CAPVT

*reliquas Venetum ciuitates habebantur.* IORNANDES de Reb. Get. cap. XLII. & HERM. CONTRACT. ad an. 451. adgressique Italiam, omnes pene eius ciuitates, aut diruunt, aut diripiunt, aut incendunt. SIGEB. GEMBLAC. ad an. 454. Deleta namque Aquileia, vrbum Italiæ potiri, haud magni admodum negotii fuit. SIGONIVS de Occident. Imp. Lib. XIII. ad an. 452.

b) Mantua Italiæ, ad Mincium fluuium iacuit, cuius famam, vel solus VIRGILIUS clarissimam fecit. Describit ille originem eius, AENEID. Lib. X. 198. seq.

c) Cremona ad Padum, infra Adduæ confluentem sita, opibus & mercatu fuit celebris. TACITVS Hist. III. cap. XIX. XXXII.

d) Placentia, antiqua Romanorum colonia, metu belli Punici, & cum Cremona condita. POLYBIUS Lib. III. Cap. XL.

e) Bergomum PLINIO & PTOLEMÆO, Pergamum PAVLO DIACONO, dicitur. Oppidum est Cenomanorum in Italia. hodie Venetorum ditionis, non confundendum cum Pergamo Thraciæ. vid. ORTELIVS *Thesauro Geographico*, voce Bergomum & Pergamum.

f) Mediolanum Liguriæ, metropolim & urbem regiam adpellat, IORNANDES de Reb. Get. cap. XLII. Ea, per deditionem Hunnis tradita, ciues rogauisse Attilam, vti Mediolani regiam statuatur, BONFINIVS Dec. I. Lib. VI. adnotat.

g) Ticinium oppidum Italiæ ad Padum, a Gallis, teste PLINIO conditum, sub Cæsaribus clarum fuit. TACIT. Annal. III. Cap. V. Æuo medio Papia, vel Pabia dicebatur. PAVLLVS WARNEFRID. Lib. II. Longob. cap. XV. vnde Pavia nomen enatum est.

h) Tuscia hodie Toscana, a Tuscis accepto nomine, Romanis Etruria, Græcis, a Tyrrheno rege, Tyrrhenia dicebatur. Protracta fuit a Macro fluuio, Liguriæ sine, ad Tiberim. CELLARIUS *Geograph. antiqu.* Lib. II. cap. X. p. 710.

i) IORNANDES de Reb. Get. Cap. XLII. pene totam Italiam deletam fuisse refert. Confirmat SIGEBERTVS GEMBLAGENSIS ad an. 454. *Attila, Italiam adgressus, omnes pene eius ciuitates, aut diruit, aut diripuit, aut incendit.* Calamitatem hanc Italiæ, prolixè describit, SIGONIVS de Occid. Imp. Lib. XIII. ad an. 452. *Maritimis his oppidis expugnatis, non recto cursu, sicut opinio fuerat, ad Padum processit, ut Romam, quod in sermone iactabat, appeteret, credo, quod Aetium armatum ibi obuium extimuerit: verum, ad dextram conuersus, sese intra Padum continuit, atque vni pradationi, ac vastationi, ut videbatur, urbium deditus, mediterranea Venetiæ oppida, Taruisum, Vicetiam, Veronam, Mantuam, Cremonam, Brixiam, Bergomumque petiuit, & capta, ac pariter militari populatione exhausta subuertit. Transmisso inde Addua, Liguriam ingressus, eandem urbibus eius intulit labem, Laudi, Como, Nouaria, Vercellis, Eporoedia, Taurino, Mediolano ac Ticino, quarum omnium populi formidine consternati, relictis oppidis, ad montes ferme, & loca situs difficultate munita, confugerant. Inde, ut addit DIACONVS, ineunte iam, ut opinor, hieme, Padum sine impedimento traiecit, atque occurrentes Aemiliæ vrbes, Placentiam, Parmam, Regiumque, subinde adortus, nullum item in eas exemplum hostilis feritatis amisit. Iam omnia, quæ intra Apenninum, & Alpes erant, fuga, populatione, cade, seruitute, incendio, & desperatione repleta erant, nullaue mali facies aberat, nefaria per omnes ordines, sexus & aetates barbarorum auaritia, crudelitate, ac licentia peruagante, cum vir, illa tempestate vnicus, ac bello princeps, Aetius, opportunum auxilium, reliquæ iam iam peritura Italiæ, attulit. Is maximus iam pridem exercitus, ex Romanis, barbarisque contractus, habebat, ita, ut ex*

aquo,



## CAPVT XVII.

Cum vero a) Romam festinus accederet, ut eam caperet, b) sui milites, quibus rerum cura præcipua fuerat, a proposito reuocarunt: non Romanæ urbis interitu, quam oderant, eius potentia stomachati; sed c) Alarici, quondam regis Gothorum proponentes exemplum, qui capta & depopulata vrbe ipsa, paucotempore superuixit. Cuius exemplo audito, perterritus Attila, quasi urbem Romanam ingredienti diripientique fatale quoddam esset exitium, spoliata & d) vastata omni Tuscia, & e) Marchia, ac flammis tradita, retrocessit.

## CAPVT

*æquo, cum Attila iusto conflagrare pralio posset. qui copias, iam præda graues, ac fame, morbis, atque algore afflictas, & domum repetere cupientes, traheret. Itaque, cum iam alter annus præcederet, quo Opilio Vineomalusque, consulatum gesserunt, cernens illum, recta per Aemiliam, incitato Romam versus impetu, contendente, superiora Alarici tempora, quibus adhuc, nihil fuerat tristius, auersatus, ad præuinciae fines occurrit, summo pralio, si opus esset, decertare paratus, atque Aemilienses campos, non minus, quam Catalaunicos, clade Hunnica insignes, posteris proditurum confisus. Attila interim, relicto Regio, Mutinam victoriam, insolentemque exercitum, VII. Kal. Februarias duxit. Expectabant ciues nostri, suspensis ac tropidantibus animis, ultimum in horas, ipsorum urbis excidium, atque omni humano deplorate auxilio, imminentem pestem auertere, supplicibus solis ad Deum fuis precibus, contendebant, eum repente, quasi calo auditi, præter opinionem omnium, voti sui compotes sunt effecti. Si quidem Attila, ut Tricassibus, in Gallia, virtute Episcopi S. Lupi pepercit, sic Mutinam in Italia, meritis S. Geminiani, intactam præterit, neque hostili ullo detrimento affecit. Itaque, Ecclesia Mutinensis, merito hodie quoque, festum accepti huius a sancto suo antistite beneficii, die VII. Kal. Februarias, solemnè pompa concelebrat, præclaro pietatis ac religionis exemplo, iam pridem a maioribus instituto.*

a) Attila, subuersis, Italiæ cis & trans Padanæ, urbibus, Mutina aliquantulum progressus, pedem præter omnium expectationem, retulit, atque exercitum, ad Padum reduxit, Aetio acriter in tergis instante, atque extremum agmen, cædibus ac terrore premente: SIGONIVS de Occid. Imp. Lib. XIII. ad an. 452. Vbi iam, traiecto ea parte Pado, qua in ipsum Mincius influit, castra trans flumen reduxerat: animum ad occupandam Romam, teste IORNANDE de Reb. Get. cap. XLII. adiecit.

b) Hunnorum proceres, non tam amore urbis permoti, quam diuturnæ expeditionis pertæsi, Attilam ab oppugnatione Romæ, auocant. SIGONIVS l. c.

c) Alaricus rex Gothorum, postquam Romam diripisset: foedo naufragio, in fretto Siculo fractus, paucos dies superuixit. IORNANDES de Reb. Get. cap. XXX. ISIDORVS Chron. Got. Era. 449. THVRÓTZIVS Chron. P. I. cap. XX.

d) Ultra Mutinam, haud progressum fuisse, cum exercitu Attilam, ex IORNANDE & SIGONIO constat. THVRÓTZIVS tamen Chron. P. I. cap. XIX. auctor est, maximam partem Hunnorum, duce Zowardo, in Apuliam penetrauisse, vniuersamque regionem, cum Campania & Lucania, quam ille terram laboris, & Calabriam adpellat, igni ferroque depopulatos fuisse. Tusciam hodie Toscanam, olim Etruriam adpellatam fuisse, ad cap. XVI. not. (h) obseruari est.

e) Marchiæ nomine, agrum Taruifinum seu Taruifium in ditioe Venetum, cuius meminit CASSIODORVS Lib. X. Variarum Lect. Calanus intelligit. Hanc enim regionem, Marcam Trauifanam vocari, ORTELIVS Thes. Geograph. voce Euganiæ notat.



## CAPVT XVIII.

CUM autem adhuc arderet urbem, Romanam, sibi subiicere, eamque finali exitio tradere, hæsitaret tamen tunc, rediretne, an a concepto desisteret: ecce *a*) Leo, Romanorum Papa, *b*) imperante tunc principe, Martiano, cum nobili senatorum *c*) urbis comitatu *d*) ad Attilam venit in agro Mantuano, ubi Mincius fluuius, qui de Penaco lacu egreditur, *e*) intra Padum, quo in loco Attila castra metatus erat. Cuius aduentu audito Attila, paucis sociatus, paullulum processit. Leo autem Papa, viso Attila, de equo descendit. Cui *f*) occurrit Attila, & eum gra-

*a*) Leo I. cognomento Magnus, summus Romanorum Pontifex, ea gaudebat, cum eloquentia, tum auctoritate etiam: ut non solum Attilam, Hunnorum, verum Gensericum etiam, Vandalorum, reges, a depopulatione Romæ auerterit. VRSBERGENSIS Chron. ad an. 453.

*b*) In oriente Marcianus, in occidente Valentinianus III. cuius iussu Leo Pontifex, ad Attilam venerat, imperium, summa cum potestate tenebant.

*c*) De comitatu Leonis Pontificis, nihil IORNANDES adnotavit. SIGONIVS l. c. *bonestum ei comitatum adiungit*. Præsto enim fuit, teste SABELLICO, alteruter Consul, cum parte senatus Romani. Dubitauerim itaque, defuncturum legationis munere Pontificem maximum, sacris ornatum vestimentis, & venerando sacerdotum cinctum collegio, ad modum religiosæ obambulationis, cum labaris & reliquo adparatu sacro, Attilæ occurrisse. Id vero THVRÓTZIVS Chron. P. I. cap. XXI. fide tamen incerta, hoc modo refert: *Tandem Leo Papa, cum Cleri multitudine, multoque adparatu ecclesiastico, diuinis illum præcedentibus vexillis, ad Attilam venit, quem sequutus BONFINIVS Dec. I. Lib. VII. & OLÁHO in Attila Cap. XV. venerandum sacerdotum collegium, sacris indutum vestimentis adiungit.*

*d*) Iussu Valentiniani imp., venisse ad Attilam, Leonem Pontificem, SIGONIVS de Occid. Imp. Lib. XIII. ad. an. 452. HERMANNVS item CONTRACT. ad an. 451. & MARIANVS SCOTVS Lib. II. æt. 6. ad an. 453. tradunt. A populo Romano exoratum fuisse, THVRÓTZIVS Chron. P. I. cap. XXI. cum OLÁHO cap. XV. auctor est. Vtriusque, Valentiniani, inquam, Imp. & Senatus, Populique Romani precibus, permotum, legationem ad Attilam suscepisse, ANTON. BONFINIVS. Dec. I. Lib. VII. adfirmat. IORNANDES, contra, de Reb. Get. cap. XLII. Leo, inquit, *Papa per se ad eum accedit*. Neque aliter DIACONVS l. c. cap. XV. *Nam per se vir sanctissimus Leo Papa, ad eum accessit*. Et FRANCISCVS PHILELPHVS Epistolar. Volum. II. Lib. XVIII. fol. CCXXIV. *Hunni, inquit, rege & duce Attila, in Italiam, manu prædatoria descenderunt, Leone, viro illo sanctissimo, & urbis Romane Pontifice. Is, audita eruptione hostis, tam formidabilis, tam horrendi, tam truculenti, nullo retardatus metu, quin fretus diuina ope, bonæque spei plenus, Attilæ ipsi, in ordine & ornatu pontificali occurrit ad Padum, cum iam esset in transitu.*

*e*) IORNANDES de Reb. Get. cap. XLII. *Nam Leo Papa per se ad eum accedit, in Acrouento Mamboleio, vel, uti ORTELIVS in Thesauro Geogr. voce Acrouentum, ex Lectione Forneri obseruat: in agro Venetum Ambuleio, ubi Mincius amnis, commeantium frequentatione transitur.* Eo loco, ubi Mincius amnis, e lacu Panaco, in Padum delabitur, Leonem Attilæ occurrisse, BONFINIVS adnotat. Cum enim tot regnorum victor, Mutinam vsque progressus, ambigere coepit, Romamne adgredi, an in Pannoniam redire debeat: exercitum, instante in tergis Actio, ad Padum, qua parte in ipsum Mincius influit, reduxit. SIGONIVS de Occid. Imp. Lib. XIII. ad an. 453.

*f*) Nihil hac de re IORNANDES, vel SIGONIVS, ceterique Attilæ rerum scriptores. Solus THVRÓTZIVS cum OLÁHO, Attilam, Leoni obuiam processisse, incerto argumento com.



gratanter excepit. Cumque allocutus eum esset Leo Papa, g) post multos sermones habitos, quidquid voluit, h) impetrauit. Fertur autem, inter alia i) Leonem Papam dixisse: Rogo, Attila, ut facta nobiscum pace, Italiam exeas; in ipsam de cetero nullatenus reuersurus. Quod se facturum rex, proprio ore spondit. Soluta colloquio, Leo Papa cum suis, Romam reuersus est; & Attila iuxta sponsonem, quam fecerat, omni furore deposito, retrocedens cum suis, k) Danubium pertransiuit.

CAPVT

commemorat: id enim, elato regis animo, prorsus aduersum fuisse videtur. Honorifice nihilominus, venerandum antistitem excepisse, & liberaliter, quæ petierat, expromere iussisse, recte, ex IORNANDE colligit SIGONIVS l. c. Ita enim ille: *Qui mox, deposito exercitus furore, & rediens, qua venerat, id est, ultra Danubium, promissa pace, discessit. Fuit profecto Attila, perhumanus, & supplicibus exorabilis, cuius ingenium mite & tractabile, prolixè ad Cap. XII. not. r) descriptum est. Hinc etiam FRANCISCVS PHILELPHVS Epist. Volum. II. l. c. Quod Attila cum audisset: non substitit modo, sed, aduenientem Pontificem reuerenter excepit, eumque dicentem perhumaniter audiit, & quod petierat, perbenigne concessit.*

g) SIGONIVS l. c. *Quibus tam verbis Pontifex, non solum optimus, sed etiam disertissimus, causam Italiæ, urbis atque ecclesiæ Romanæ orauerit, ac quemadmodum regis barbari pectus, dicendo versarit, nemo prodidit antiquorum, neque ad ea ex ingenio confingenda, nobis veritatem sectantibus, suppetit animus: cum hætenus nihil, nisi ex vetustis sumtum auctoribus, attulerimus.* Lepide igitur, pro more suo, ANTON. BONFINIVS Dec. 1. Lib. VII. qui elinguibus Hunnorum Hungarorumque ducibus, subinde disertissimas confingit orationes, grauissimis refertum auctoramentis, Leonis Pontificis, ad Attilam sermonem, verbis prolixis recitat.

h) Pacem vrbi & vniuersæ Italiæ, oratione grauissima, impetrauit ab Attila, antistes optimus. IORNANDES de Reb. Get. Cap. XLII. SIGEBERTVS Gembl. ad an. 454. HERMANVS Contractus ad an. 451. MARIANVS SCOTVS Lib. II. æt. 6. ad an. 453. annum pollicitus tributum, SIGONIVS Lib. XIII. ad an. 453. OLAHVS in Attila Cap. XV. & præterea cum portione regalium opum, Honorie, Valentiniani imp. sororis connubium, quod nisi tempore iusto præstitum fuerit: rex multo grauiorem, vniuersæ Italiæ interminabatur calamitatem. IORNANDES l. c.

i) FRANCISCVS PHILELPHVS l. c. *Petierat autem aliud nihil, præter id vnum, ne Padum traiceret. Considerauerat enim Pontifex sapientissimus, sibi atque Italiæ satis fore, si ab homine, sauitia efferato, atque prædæ auido extorqueret: ne interius Christianos populos discerperet. Iam enim post incredibilem hominum, omne genus cadum, Aquileiam urbem nobilem ac vetustam, solo æquarat, & vniuersam ferme Venetiam diripuerat ac vastarat.*

k) IORNANDES de Reb. Get. Cap. XLII. *Qui mox deposito exercitus furore, & rediens, qua venerat, id est, ultra Danubium, promissa pace discessit. Scilicet, in Scythiam, in qua sedes Attilæ, apud Tisiam annem, teste PRISCO RHETORE de Legat. p. 106. posita fuit. Ante vero Rauennam, solutis castris diuertisse, ac archipræsulem, Ariana foedatum improbitate, in captiuitatem traxisse, THVRÓTZIVS l. c. tacentibus reliquis scriptoribus, auctor est. Causa reditus in Pannoniam, non tam auctoritas, & perfluatoria Romanorum antistitis oratio, quam, quod Hunnorum exercitus, fame, peste, morbo, cadibusque insuper ab Aetio attritus fuerat, a IORNANDE & HERMANO Contracto ad an. 451. in collect. Canisii p. 463. adfertur. Neque vero, quo irruperat in Italiam, eodem domum reuerterat itinere. Noricum versus, castra mouit: ne per loca ruinis strata, agrosque, recenti adhuc igne fumantes, atque ab omni genere alimentorum inopes, exercitum præda onustum reduceret. SIGONIVS l. c.*

CAPVT



## CAPVT XIX.

**I**N litteras autem a plerisque historicis *a)* relatum est, cum Attila a suis argueretur: quod vni sacerdoti inermi, tam potentissimus obedisset, cuncta quoque, quæ petiuerat, indulgisset; Attilam dixisse hunc sermonem: Vidi ad latus sacerdotis illius *b)* stantem virum miræ magnitudinis in veste candida, euaginato gladio, mihi mortem minitantem, nisi continuo, quæ peteret ipse, fecissem: vnde territus, feci. Igitur, Attilam, *c)* admirati milites vidisse, quem cum præsto essent ipsi, non viderant, numen recte arbitrati, fuisse, quo territus Attila, qui numquam antea terreri potuerat, obsequens pontifici fuisset, factum eius laudare: quippe *d)* cælesti infusione, præuisum.

## CAPVT

*a)* PRISCUS Rhetor. de Legat. p. 64. verbis paucissimis, res gestas Attilæ in Italia refert. *Attilas, vastata Italia ad sua se retulit.* Nihil itaque de adstante, Leoni Pontifici, genio, vel ipse, vel IORNANDES retulit. SIGONIVS de occid. Imp. Lib. XIII. ad an. 453. rem hanc mirabilem, maiorum traditione auditam fuisse, adnotat. Eam profecto, nulli alii magis, quam Hungarorum referunt annales. THVRÓTZIVS inquam Chron. P. 1. Cap. XXI. ANTON. BONFINIVS Dec. I. Lib. VII. RANZANVS Iad. V. CALLIMACHVS in Attila, OLAVVS in Attila Cap. XV. cuius tamen INCHOFERVS in Annalibus Ecclesiast. ad an. 1451. seq. nullam, quod mirum est, mentionem facit.

*b)* SIGONIVS, vnus tantum habitu sacerdotali, a tergo adstantis, & forma augusta, atque canicie venerabili præditi, principis Apostolorum genii, meminit, quem THVRÓTZIVS veneranda canitie, aspectu seuerum, & manu frementem, dentibusque stridentem; CALLIMACHVS contra, forma iuuenili & humana specie augustum depingit. Duos, BONFINIVS cum RANZANO, numerat, & alterum quidem Petri, alterum autem Paulli, duorum Apostolorum genium fuisse, scribit. Vtrumque RANZANVS cum OLAVO, supra caput Leonis volentem, SIGONIVS vero cum reliquis, antistiti a tergo adstantem, conspectum fuisse referunt. Qua in re, levis inter historiographos controuersia, obseruatur.

*c)* Hac occasione, vulgo inter Hunnos sermo percrebuit: Attilæ ferociam, a duabus tandem feris fuisse perdomitam, Lupo in Gallia, & Leone in Italia, cum Lupum, Tricassinum episcopum, & pontificem significare vellent Leonem, SIGONIVS. OLAVVS l. c.

*d)* Vetustam, de Iaddi summi pontificis occursum, quo ille, inflammatus ira, M. Alexandrum placuit, prælectisque Danielis vaticiniis, genti Iudaicæ conciliauit, Ebræorum traditionem, pia Historiographorum meditatione, ad interuentum Leonis M. applicatum fuisse existimauerim. Ea de re, legi poterunt: IOSEPHVS Antiquit. Lib. II. Cap. VIII. EVSEBIVS in Chron. Augustus TORNIELIVS in Annalibus sacris & profanis, ad A. M. 3721. n. 1. f. 241. 242. Ceterum, rem, de adstante Leoni Pontifici genio, in dubium vocat, piisque commentis accenset. Rudolphus ROTH in Attila, §. 44.

## CAPVT XX.

**R**euersus ergo de Italiæ iam fusæ, iam laceratæ, iam ad vltimum deductæ, partibus, Attila, *a)* in Pannoniam venit, & in-

*a)* IORNANDES de Reb. Get. Cap. XLIII. *Reuersus itaque Attila in sedes suas, quas PRISCUS Rhetor Excerpt. de Legat. p. 106. in regione Iazygum Metanastarum, SIGONIVS vero* Lib



ingenti coacto exercitu, *b*) Alanos bello adgreditur. *c*) Alani autem tunc erant *d*) sub imperio Theodomir Ostrogothorum Regis, filii Triarii regis, Fratris autem Walamer, qui *e*) cum Theodorico eorum fratre, qui in bello, de quo supra mentio habita est, pugnante Etio Patritio, cum Gothis, quorum auxilio ab Romanis principibus missus fuerat contra Attilam, pugnans interemtus fuerat, pace in dies - vt Etius auctor fuerat, Gothorum regnum post multas varietates obtinuerat, ab interiori Scythia egressus, Alanorum Prouinciam occupauerat. Hic Theodomir, genuit *f*) Theodoricum Magnum, cognomine Walamer, qui post Ravnennæ sedens, totam vsurpans possidebat Italiam *g*)

## CAPVT

Lib. XIII. p. 130. in Scythia exstitisse scribunt. Annales contra Hungarorum, regiam Attilæ, communi nomine in Pannonia, & quidem Sicambriæ quærunt. Qua de re alibi in Prisco.

*b*) Reuersus ex Italia in Scythiam Attila, Martiano, orientis imperatori, bellum denuntiat: propterea, quod, promissum sibi a Theodosio tributum, minime soluebatur. Priscus Rhetor Legat. p. 64. IORNANDES de Reb. Get. Cap. XLIII. sed & nouam in Asiam & Africam expeditionem, animo suo agitasse eum, THYRÓTZIVS Chron. P. I. Cap. XXII. cum BONFINIO Dec. I. Lib. VII. & OLAHO in Attila Cap. XVI. auctor est. Mox, immutato consilio, in Alanos, Ligeris accolæ, si IORNANDI fides habenda est, arma conuertit. Relationem tamen hanc IORNANDIS in dubium vocant, BONFINIVS, CALLIMACHVS, OLAHVS.

*c*) Haud confundendi, cum Albanis Asiæ populis: a PLINIO & PTOLEMÆO in Sarmatia Europæa, iuxta Tanaim fluiuium locantur. Eorum pars altera, aduenientibus Hunnis in Europam emigravit, atque iuxta Ligerim, cum Sangibano rege confedit. IORNANDES de Reb. Get. Cap. XXXVII. XLIII. altera, iugo Huunorum in Sarmatia subiecta, auctore Alberto Vtjukio KOIALOWITSIO, in Hist. Lithuan. Dantisci 1650. 4. in Lituorum gentem transit.

*d*) Error Calani de Theodomiro, quem, cum Thorismundo rege Vestrogothorum confundit, supra ad Cap. VII. not. *i*) *k*) Cap. X. not. *g*) obseruatus est. Neque vero Alani, vel Thorismundi, vel Theodomiri & Valamiri, potestati suberant. Sangibanum enim iis imperauisse, eumque nullius imperio subiectum fuisse, ex IORNANDE de Reb. Get. Cap. XXXVII. elucescit. Thorismundus igitur, rex Vestrogothorum, Alanis sociis in auxilium venisse dicitur: vti fraudem Attilæ, artibus bellicis subuerteret. IORNANDES l. c. Cap. XLII.

*e*) Theodoricus, Thorismundi regis Vestrogothorum frater, perperam, cum Theodorico patre, qui in prælio Catalaunico occubuit, a Calano confunditur. Vid. IORNANDES de Reb. Get. Cap. XLIV.

*f*) Theodoricus M. seu Dietericus Veronensis, rex Ostrogothorum, qui e Pannonia in Italiam cum Ostrogothis emigravit, filius fuit, omnino, Theodomiri regis Ostrogothorum, quem tamen CALANVS, Alanis imperauisse, cum Thorismundo permiscet, IORNANDES de Reb. Get.

*g*) Totum istud Caput saucium est, cui ex IORNANDE de Reb. Get. Cap. XLIII. & SIGONIO Lib. XIII. p. 330. hoc modo medebimur: Reuersus ergo de Italiæ prorsus confusæ & laceratæ, atque etiam ad vltimum exitium deductæ partibus, Attila in Pannoniam venit, & ingenti coacto exercitu, Alanos bello adgreditur. Alani autem tunc erant sub imperio Theodomir regis Ostrogothorum, filii Triarii regis, fratris autem Valamer, qui cum Theodorico, eorum fratre, qui in bello, de quo supra mentio habita est, pugnante Etio Patricio, cum Gothis, quorum auxilio, a Romanis principibus missus con-



## CAPVT XXI.

**R**Ex igitur *a*) Theodomir, collecto vndique Gothorum exercitu, aduersus Attilam perrexit in prælium. Inter quos varia fuere certamina & bella grauissima, in quibus nunc Attila inferior, nunc Theodomir, (vt se ostendant bellorum euentus) fuisse dicitur, vt scribit horum *b*) Iornandes historicus. Demum vt idem refert, in campis Catalaunicis vltimum factum est bellum, vbi paullo ante Etius Attilam, & fratrem eius Bledam, superauerat. In quo prælio, tanta *c*) multitudo exercitus Hunnorum occubuit, vt vix pauci cum Attila euadere potuissent. Theodomir vero Gothorum rex, victoriam assecutus, Hunnorum graui persecutione exercitum depopulans, de finibus Alanorum eiecit. Sic ergo, vt dicit *d*) Iordanis, Attila rex, multarum gentium dominus, vt antea orbi terrarum terror, inuisus, dum proditoris famam, qua aspersus fuerat, quærit abiicere, (nam in prædictis campis, ob quondam Etio Patricio & exercitu Romanorum & Gothorum fuerat superatus) gemina tum est passus confusionis opprobrium. Nam inde recessit inglorius in Pannonias.

## CAPVT

tra Attilam pugnans interemtus fuerat, *pacate in dies multos*, vt Etius auctor fuerat, Gothorum regnum, post multas varietates, obtinuerat. Igitur ab interiori Scythia & Pannonia, in qua tunc Hunni, cum diuersis subditis nationibus infidebant, egressus Attila, Alanorum provinciam occupauerat.

*a*) Thorismundum scribit IORNANDES de Reb. Get. Cap. XLIII.

*b*) Solus IORNANDES de Reb. Get. Cap. XLIII. alterum, aduersus Alanos susceptum in Gallia bellum Attilæ recenset. SIGONIVS Lib. XIII. ad an. 453. p. 331. quod merito in dubio relinquunt, BONFINIVS Dec. I. Lib. VII. CALLIMACHVS in Attila, OLAHVS in Attila, Cap. XVI. eo, quod non solum CHRONICON Hungarorum apud THURÓCZIUM, verum reliqui etiam rerum Hungaricarum scriptores, tantam cladem, tantumque dedecus, illatum Attilæ, reticeant.

*c*) Nihil de clade IORNANDES: dum alterum in campis Catalaunicis commissum prælium recenset. Ita vero ille: *Sed Thorismundus rex Vesegothorum, fraudem Attilæ, non impari subtilitate persentiens, ad Alanos tota subtilitate prius aduenit, ibique superuenientis iam Attilæ motibus, preparatus occurrit, confertoque prælio, pene simili eum tenore, vt prius in Catalaunicis a spe remouit victoriæ, fugatumque a partibus suis, sine triumpho remittens, in sedes proprias, fugere compulit.* de Reb. Get. Cap. XLIII.

*d*) IORNANDES l. c. *Sic Attila famosus, & multarum victoriarum dominus, dum quærit famam proditoris abiicere, & quod prius a Vesegothis pertulerat, abolere, geminam sustinuit, ingloriusque recessit.*

## CAPVT



**I**Taque reuersus Attila rex, modico postea tempore viuens, tali morbo defecit, *a*) vt apud Priscum *b*) Eutropiumque, & plures historicos in litteras relatum inuenio. *c*) Post innumeras siquidem vxores, quas ex more habere licuerat, *d*) formosissimam admodum nobilem iuuenem, *e*) Hildico nomine vxorem

*a*) Nihil de morte Attilæ apud PRISCUM in scriptis, quæ hodie exstant. Ex EVAGRII tamen Hist. Eccles. Lib. I. cap. XVII. colligitur, Priscum in libris deperditis, huius rei mentionem quandam fecisse. Ita vero ille: *Isdem temporibus bellum illud, multorum sermone celebratum, ab Attila, Scytharum rege, excitatum est. Quod quidem Priscus Rhetor accurate simul ac diserte conscripsit, singulari elegantia nobis exponens, quomodo ille, aduersus orientalis & occidentalis imperii partes, expeditionem suscepit, quotque & quantas vrbes captas, sub ditionem suam redegerit, quibus denique rebus gestis ex hac luce migrauerit. Idem elucescit, ex IORNANDE de Rebus Get. Cap. XLIX. p. 142. Attila, vt Priscus historicus refert, extinctionis suæ tempore, Ildico nomine sibi in matrimonium socians.*

*b*) Eutropius Sophista Italus, vt eum vocat SVIDAS, voce Eutropius f. 912. ed. Cantabr. 1725. probe ab Eutropio presbytero, de quo GENNADIUS, in illustrium virorum Catalogo, discernendus, Breuiarium rerum Romanarum ab V. C. vsque ad Flauium Valentinum Augustum, cui & opus suum dicauit, stilo parum concinno, produxit. Compendio Eutropii, PAVLLVS DIACONVS, monitu Adilbergæ, Desiderii Longobardorum regis filia, sua inferit, vt liquet, ex vndecim primis Historiæ miscellæ libris. Gerh. Ioan. VOSSIVS de Historicis Græcis. Ioh. Albert FABRICIVS Biblioth. Lat. Lib. III. cap. 9. §. 6. 7. Ea igitur, quæ de rebus Attilæ, in Additamentis Eutropii leguntur, DIACONO debentur.

*c*) Attilam, more gentis, complures habuisse vxores, IORNANDES de Reb. Get. Cap. XLIX. refert, quas nonnulli, e filiarum etiam numero, lectas fuisse, ex PRISCI Legat. p. 100. incerta opinione colligunt. Hinc vero, non tam thygateromiam, seu nuptias filiarum, quam polygamiam, quæ apud plerasque gentes in vñ fuerat, ingeniosissime elicit, Attilamque, pro insigni in gentem Hungaricam amore, a tam enormi & execrando flagitio, doctissime vindicat, illustris PIVS NICOLAUS GARELLIVS, Archiater Cæsareus & Augustæ Biblioth. Vindob. Præfectus, in eruditissima, quam ad me, nuper admodum, de IUVENCO dedit, epistola. Quæ, vt CALANO præmitteretur, non minus, incredibile in promouendis studiis Hungaricis, illustris viri studium, quam singulare, de Iuuenico, rebusque Hunnorum, argumentum, iure quasi suo imperauit. Ceterum, annæ nuptiæ agnatorum cognatorumque, si quas, lege Hunnica permissas fuisse, euinci potest, iuri naturæ conueniant, apud PRISCUM, loco suo, examinabitur. Eas, profecto, iure naturæ minime prohiberi nonnulli censent. conf. CHRIST. THOMASIVS Iurisprud. diuina Lib. III. Cap. II. §. 203. 221. Sed hac de re alibi in Prisco. His itaque, quas ante expeditionem Gallicam & Italicam, domi suæ aluit, vxoribus, Honoriam quoque, Valentiniani III. imp. sororem accenseri voluit, eo potissimum fine: vt cum ea opes ingentes, & imperium Romanum accipiat. PRISCVS RHETOR de Legat. p. 62. 63. Ea dum Valentiniani III. auaritia negatur: non solum imperium occidentale inuadit, PRISCVS I. c. TIRO PROSPER, apud Canisium, T. I. p. 173. verum grauiora etiam, redux ex Italia, Romanis minatur, IORNANDES de Reb. Get. Cap. XLII.

*d*) IORNANDES, & ex eo Paullus DIACONVS, valde decoram notat, vnde IUVENCVS, omnium formosissimam fuisse colligit, forte propter formam corporis candidam, qualis sub cælo Germanico, puellis contingit. qua, adestas solis ardore feminas Hunnicas, facile, sponsa Attilæ, superasse censebatur.

*e*) IORNANDI ex Prisco, Ildico dicitur. Eo nomine, & ANTON. BONF. Rer. Hung. Dec. I. Lib. VII. eam adpellat. Hildiconem vocant, CALLIMACHVS in Attila, & SIGONIVS de Occid.



rem superinduxerat. In cuius nuptiis, *f*) cum in ipsius amorem exardesceret, maxima gentium aulicarum exterarumque *g*) lætitia fuit. Ipse ergo conuiuio dissolutus, cum & interdiu ludis plurimum intendisset, aliisque variis luxuriarum generibus, quæ hominum mentes oblectant; dum nocte adueniente, cubiculum, in quo puella virgo nobilis Hildico se posuerat, solus intrasset  
*b*) vino

cid. Imp. Lib. XIII. p. 332. *Hyldegundam*, AVENTINVS de Reb. Boiorum Lib. II. f. 237. edit. Basil. 1580. Annales Hungarorum apud THVRÓTZIVM Chron. P. I. cap. 22. & OLAHVS in Attila cap. XVI. *Mykoltham*; RITIVS vero de Rebus Hungariæ Lib. II. f. 234. MILZOTHAM nominant, quam PAVLLVS DIACONVS in Continuat. Eutropii Lib. XV. p. 386. edit. Amstel. 1625. in 12. *indicto nomine* exprimit, & CHRONICON Alexandrinum Olymp. CCCVII. p. 737. *pellicem Hunnam* vocat. Eam, regis Bactrianorum fuisse filiam, nescio, unde acceptum tradidere Annales Hung. apud THVRÓTZIVM, quos etiam sequuntur, ANTON. BONFINIVS, OLAHVS, RITIVS. Rectius certe AVENTINVS l. c. eam, Herrici reguli Francorum filiam nominat. Eius crediderim Errici, cuius pater Sigebertus, in demigratione Francorum, regulus, cum vndecim proceribus, electus fuerat, AVENTINVS Lib. II. p. 238.

*f*) IORNANDES, non amore, sed *magna hilaritate*, *resolutum* fuisse Attilam, reliquit. Nulla profecto, vel veneris, vel intemperantiæ indicia, die hoc, in Attila observantur: quidquid de utroque, Annales Hungarorum, referant crimine. Hunc enim in modum THVRÓTZIVS Chron. P. I. cap. XXII. *Mulier*, inquit, *illa ad latus ipsius iacens, de somno eugilans, dum in dominum suum amplexibus uti voluisset: corpus exanime, rigidum pariter & in frigidatum tangendo, persensit.* Et BONFINIVS Dec. I. Lib. VII. *Comparatis pro regis dignitate nuptiis, per omnem intemperantiæ licentiam, in coniugali conuiuio sibi indulgit, Baccho ac Venere, corpus ita ea nocte confecit: ut inter dormiendum, supino corpore, profluvio sanguinis, e naribus, continuo suffocatus interierit.* Vtrumque repugnat integerrimis, grauissimisque Attilæ moribus, quos PRISCVS Rhetor. Excerpt. Legat. p. 129. potissimum in conuiuio admiratur.

*g*) Quo ritu nuptiæ Hunnorum peractæ fuerint, nihil hac de re adnotatum reperimus. Quando autem Hunni, omnia a re diuina occipiebant: verisimile est, Haruspices quoque, cum primis in nuptiis regiis, exta victimarum inspexisse, ex iisque, de felici & infelici matrimonio, prædictiones accepisse; id, quod, apud Hunnos, in omni re ardua, frequentatum fuisse, ex IORNANDE colligitur. Superstitionis huius, haud exilia, hodie num supersunt, in gente Hungarica, vestigia. Die enim connubio Sacra, apud rudiores, non minus sponsa, ritu superstizioso, aduersus quasvis incantationes magicas præmunitur: verum, diuersa etiam, ex rebus actionibusque diuersis, de futura matrimonii conditione, omnia capiuntur. Haruspicinam, conuiuium, & istud, ludi Circenses, excipere. Conuiuia Attilæ, pro more gentis, opipare instruebantur. Nihil enim, quod vel ad luxum, vel ad magnificentiam pertinere videtur, prætermittebatur. Fercula, aureis argenteisque vasis, diuersis vicibus, triclinio inferebantur, concertantesque inter se poculis conuiuæ, ad seram vsque noctem, luxuriosius epulabantur. Sublatis epulis, victoriæ primum, virtutesque Hunnorum bellicæ, lætis carminibus, ab incentoribus recitabantur. Post cantus & carmina, Histriones & Mimi prodibant. qui, vel arguta & ingeniosa, vel absurda & prodigiosa dictione, perfusos lætitia conuiuas, in risum & cachinnos prouocabant. PRISCVS. Excerpt. de legat. p. 126. 127. 128. 129. Nihil hic, quod mirere de choreis, nihil de computationibus, & intemperantiæ. Ceterum, ludi Circenses, vel ante cænam peragebantur, vel, in diem sequentem, sin exiguum temporis spatium supererat, trans mittebantur. Præcipua eorum genera fuerunt: *Cursus*, *pugna equestris*, *hastiludium*, & *sagittatio in hyppodromo*. quorum priora duo, cum Romanis communia, vid. ROSINVS Antiquit. Rom. Lib. V. cap. XI. posteriora, Scythiis potissimum propria fuere. Currebant autem equis, *vsque ad pernecitatem leues*, MARCELLINVS Lib. XXXI. c. 2. colludebantque, partim *circumequitando*, partim *excurrendo*, & *opportune re-*  
*ceden-*



b) vino repletus & cibus, lassitudine, quantam numquam antea contraxerat, dissolutus somno, ut & sic pressis naturaliter euenit, ingrauatus se super cubiculum supinus, ut erat, iniecit, & ore aperto graui somno oppressus accubuit. Repente igitur laborante onerolitate naturæ, exundans eius sanguis de naribus, qui sæpe solitus erat effluere, in os iacentis defluens copiosius, non sui iam compote corpore, obstruso vitali spiritu, iacentem regem supinum e vestigio præfocauit. Igitur, taliter i) suffocatus,

*cedendo.* ZOSIMVS Lib. IV. p. m. 747. Subinde, pugna equestris instituebatur, qua, vel fugientes, ab insectatoribus, recta effuso cursu, vel insectatores, a fugientibus, ex aduerso, maximo impetu oppugnabantur. Hac arte pugnandi exercitati, cum hoste quoque, pro sua consuetudine dimicabant. AGATHIAS Lib. V. Cum pugna equestri, *bastiludium & sagittatio*, quibus Hunni cum primis excellebant, coniungebatur. Erant sane, Hunni, optimi in equo sagittarii, qui inter equitandum, etiam peritissime iaculabantur. PROCOPIVS Lib. II. Gothic. conf. PRODROMVS Hungariæ Lib. II. Sect. I. Cap. I. §. 17. sequ. Vestigium vetusti huius ritus, hodiernum, inter Hungaros, in nuptiis obseruare est. Aduentante enim sponso, delecta equitum turma, adpenso victoriæ præmio, in spatiosum effunditur campum, diuisaque in duas sponsi sponsæque factiones, velocissima, pro consuetudine gentis, pernicitate, edito cursus indicio, scopum versus prouehitur. Qui primus, absoluto curriculo, metam contingit, victor, reportato præmio, pronuntiatur. quæ res, haud leuè, sponso, gloriam conciliat: quodsi factio eius, quæ summa contentione, cum factione sponsæ, de laude præmioque contendere solet, victoriam reportauerit.

b) Non tam vino, ciboque grauatus; erat namque frugalis, PRISCVS Rhetor. Excer. Legat. p. 129. quam effusa lætitia, teste IORNANDE defatigatus, lassata somno membra, in thalamum coniecit. Recte proinde FRANCISCVS FORIS OTROKÓCSI Orig. Hung. P. I. cap. 4. §. 19. incerta ea esse censet, quæ, de temulentia temperantissimi principis, inuidia Chronographorum tradita sunt.

i) Auctor, IORNANDEM Scriptorem, sane Hunnis iniquum sequitur. Ita vero ille in REB. Get. Cap. XLIX. de morte Attilæ eiusque in nuptiis magna hilaritate resolutus, vino somnoque grauatus, resupinus iacebat, redundansque sanguis, qui ei solite de naribus effluebat, dum consuetis meatibus impeditur, itinere ferali faucibus illapsus eum extinxit. Eadem PAVLVS DIACONVS Continuat. Eutropii Lib. XV. recenset. ob cuius nuptias, profusa conuiuia, exercens, dum, tantum vini, quantum nunquam antea, insimul bibisset, cum supinus quiesceret, eruptione sanguinis, qui ei de naribus solitus erat effluere, suffocatus & extinctus est. Ex Iornande, Gotthicæ, hoc est, dubiæ fidei scriptore, sua depromere CHRONOGRAPHI Hungarorum, qui mortem Attilæ, communi sententia, turpissimo temulentiae vitio, adscribunt. Tantum vero abest, ut princeps temperantissimus, in quo frugalitatis virtus, cum primis eminebat, intemperantiae & ebrietatis argui possit: ut potius crimen hoc, a cœna regia conuiuioque prorsus exulauerit; id, quod, ex PRISCO ad notam f.) demonstratum est. Prognatam igitur e liuore Iornandis, de morte Attilæ sententiam, prorsus reiicimus, sed, ne MARCELLINI quidem Comitis Illyricani relationem, adprobamus. Refert ille in Chronic. Indict. VII. Attilam iussu Aetii a muliere cultro confossum. *Attila rex Hunnorum, Aetii hortatu, noctu, Prouinciæ mulieris manu cultroque, confoditur.* Quod, quia dubium esse auctori videtur, *Sanguinis reiectione necatum*, ex aliorum traditione adiicit. At vero, quodsi mulier, proterua temeritate, tantum principem enecare ausa fuisset: non ferro, palam, sed veneno, clam, impiam destinationem, perfecisset, quod Franc. FORIS OTROKÓCSI. Orig. Hung. P. I. Cap. IV. §. 19. callidissime coniecit. *Puellam, nihilominus, de nece Attilæ suspectam*, primo impetu fuisse, auctor CHRONICI Alexandrini, Olymp. CCCVII. p. 737. edit. Monach. 1624. in 8. notauit. Reiecto



tus, in bellis gloriosissimus, & potentissimus Hunnorum rex Attila, diuersarum gentium, victor occubuit. *k*) cui ebria impudentia, pudendum finem dedit.

## CAPVT

itaque turpissimo, quod per temulentiam, acceleratum censent nonnulli, mortis genere *hemorrhagia narium*, quam somno sepultus princeps, minime senserat, extinctum fuisse Attilam, facile IORNANDI concesserimus. Laborabat enim Attila sæpius, reiectione cruoris, cum primis vero, ubi sanguis, motu vel adfectu vehementiore, in profluvium concitatus fuerat; id, quod IORNANDES, atque ex traditione eius, Paulus DIACONUS & CALANVS obseruauere. Nobiscum sentit CHRONICON ALEXANDRINVM, nullam temulentiae causam adducens: *Attila sanguine, ex naribus prorumpente extinctus est, noctuque cum pellice Hunna, qua puella de nece suspecta fuit, dormiens, in tabernaculum delatus est.* Et MARCELLINVS comes, ex mente aliorum: *Quidam, sanguinis reiectione eum necatum, perhibent: Quoniam vero, subito rebus humanis, teste Paulo Diacono. Hist. Miscellæ. Lib. XV. excessit: SIGEBERTVS Gemblacensis ad an. 455. apoplexia extinctum reliquit. Ceterum, iusto DEI iudicio, mortem Attilæ accidisse, vltro OTTONI Frisingensi, Chronic. Lib. IV. Cap. XXVIII. f. 96. largimur: ut qui, semper humanum sanguinem sitiuerat; proprio quoque sanguine, suffocatus interiret.* Quod dum, euidentibus probari potest testimoniis, nescio, quam ob rem, OTROKÓCSIVS l. c. ex funebri quadam cantilena, expunctum velit: *őđ-mének első napján meg fuladott vala*, id est: die primo sui genialis gaudii suffocatus fuit.

*k*) Verba sunt IORNANDIS l. c. Ita, glorioso per bella regi, temulentia, pudendum exitum dedit. Vindicatam ex PRISCO a temulentiae crimine, subitam Attilæ mortem vide not. h. i.

## CAPVT XXIII.

**P**Uella autem, quæ timens valde, *a*) ab vna parte cubiculi latebat, exspectans regis imperium, dum diu sustinuisset, neque a rege sensim ad oblectamentum aliquod vocaretur: verecunda tamen ad cubiculi partem, qua se rex iniecerat, pedetentim accessit, & ut vidit eum mortuum iacere ore operto, & a decursu e naribus sanguine, ingemuit, mouens tamen & quatiens persæpe, si vel grauitur obdormiscens, excitari potuisset. Sed quid? frustra tentabatur, immobile iam & exanimatum corpus, perpetuoque somno traditum, excitari non poterat. *b*) Sequenti sane die, elapsa tamen magna diei parte, ministri regis admirati, quod

*a*) Dissentiant a PRISCO, quem IORNANDES & CALANVS sequuntur, Annales Hungarorum. Iis enim, absque omni veterum auctoritate, adnotatum est, sponsam in thalamo regis cubauisse, Attilamque, confecto Baccho ac Venere corpore, mortem turpissimam opetiuisse. vid. THVRÖTZIVS Chron. P. I. Cap. XXII. BONFINIVS Dec. I. Lib. VII. Hæc vero ex CHRONICO Alexandrino depromta esse videntur: *Attila, sanguine ex naribus prorumpente, extinctus est, noctuque, cum pellice Hunna, qua puella de nece eius suspecta fuit, dormiens, in tabernaculum delatus est.* Olymp. CCCVII. p. m. 737. Nihil horum apud IORNANDEM: neque enim rex, post diuinam corporis defatigationem, aliud, quam quietem nocturnam quæsiuit.

*b*) Hæc, cum relatione IORNANDIS conueniunt. Sequenti vero, ait ille, luce, quum magna pars diei fuisset exempta, ministri regii, triste aliquid suspicantes, post clamores maximos, fores



quod non aperiretur cubiculum, validis ad vltimum clamoribus vociferare coeperunt, & cum neque vlla vox aut sonus ederetur, vehementius admirati, ostiis infractis intrauere cubiculum, & eleuata cortina, viderunt regem Attilam supinum ore aperto iacentem, inundatione sanguinis, qui de naribus effluens, os eius intrauerat interemtum: c) Puellam quoque iuxta cubiculum sedentem, demisso vultu, sub velamine lacrymantem. Tunc ministri, vocatis omnibus proceribus, & exercitus d) principibus, ostenderunt eis, Attilæ, sine vulnere, decursu sanguinis præfocati corpus. Illi ergo, vt est mos Hunnorum, e) crinium parte truncata,

*fores effringunt.* de Reb. Get. Cap. XLIX. Cum Iornande, SIGONIVS de Occid. Imp. Lib. XIII. ad an. 454. p. 332. alique Chronographi sentiunt. Annales contra Hungarorum, ea nocte, qua extinctus est, experrectam mulierem, fatum regis, elato luctu, promulgauisse, & cubicularios, succensis lucernis, exsanguie corpus reperiisse, memoriæ prodidere. THYRÓTZIVS Chron. P. I. cap. XXII. BONFINIVS Dec. I. Lib. VII. OLAVVS in Attila Cap. XVI. Hæc vero, ex CHRONICO Alexandrino profluxere: ea namque nocte, qua extinctus est, in *tabernaculum delatum* fuisse, ibidem connotatum legitur.

e) Hunc in modum IORNANDES quoque l. c.: *inueniuntque Attila sine vulnere necem, sanguinis effusione peractam, puellamque demisso vultu, sub velamine lacrymantem.* Mos hic feminarum, mortuos in gente Hunnica lugendi, cum consuetudine conuenit. Persica, quod, e luctu deslentis Alexandri M. mortem Sisygambis, apud CVRTIVM Lib. X. Cap. V. p. 784. edit. Lugd. 1724. si qua ei antiquitatis auctoritas, concedenda est, luculenter est cognoscere. *Abscissa ergo veste, qua induta erat, lugubrem sumsit, laceratisque crinibus, humi corpus abiiecit. Adsidebat ei altera ex neptibus, nuper amissum Hephestionem, cui nupserat lugens. Ad vltimum, dolori succumbit, obvolutoque capite, accidentes genibus suis, neptem nepotemque auersata, cibo pariter abstinuit & luce.* En vitam luctus Hungarici imaginem! qua hodiernum, in illustribus Hungarorum feminis, conspiciere est. Lugent eæ mortuos, obuoluto capite, amarissime, indutæque veste squalida, luce ciboque abstinent pariter, neque, nisi transacto anno, pristinam induunt faciem. Vestis iis est, stola flammeumque cannabeum. Vtraque squalida, & natio induta colore: neque enim matronæ pullatæ, vestem mundant, neque consuetum induunt ornatum, vti recordatæ squaloris, tanto acerbius lugeant.

d) Præter Attilæ filios, Hunnorumque principes, præsto erant, Theodemir, Walemir, Vuidemir, Ostrogothorum; Thorismundus item, Gepidarum reguli. Vt reliquos, diuersarum gentium, quæ Hunnis suberant, quæue in eorum castris militabant, dynastas præteream.

e) Morem reges lugendi mortuos, a Scythis, ad Hunnos transiisse crediderim: Expressit eum HERODOTVS Lib. IV. f. 244. ed. Lugd. 1716. f. *Quod (cadaver regium) qui excipiunt, eadem agunt, quæ regii Scythæ: aurem decidunt, crinem circumtendent, brachia circumcidunt, frontem nasumque consauciant, sinistram manum sagittis traiciunt.* Comas in luctu radere, apud Persas pariter, in more fuit positum. Qua de re CVRTIVS Lib. X. Cap. V. p. 783. BRISSENIUS de regno Persico Lib. III. In sacris quoque litteris, eius moris vestigia prostant. Jobi I. 20. Esaïæ XV. 5. confer luctum ob mortem Germanici, in SVETON. Calig. V. 3. p. 519. Communis hic est mos Barbarorum. In graui enim luctu, viri, barbam ponebant. Hæc est causa, cur Priamus, in illa calamitatum & malorum Illiade, faciem cute tenus rasam habuisse, legitur. Sed & feminæ, præter naturæ legem, capita radebant. Hinc EVRIP. Alcestid. n. 426. *Iubeo communem esse luctum huius mulieris, casarie rasa, & nigra veste.* Et ACCIVS Amphit. ap. Non XI. 850.



cata, faciem regis *f*) profundis replevere vulneribus, & se lanceolis *g*) & phlebotomiis concidentes, vulnera, quæ regio cadaueri intulerant, *h*) repleuerunt, vt præliator & tantus rex, non femineis lachrymis, sed virili sanguine lugeretur.

## CAPVT

*Sed, quamam hæc est*

*Mulier, funesta veste, tonsu lugubri.*

Vid. MEVRS de Fun. C. XLVI. KIRCHMAN. de Fun. Rom. XI. 13. 14. Hunni, quandoquidem teste MARCELLINO Lib. XXXI. c. 2. imberbes fuerant, neque alii, præterquam rasisse, saltem comas vellere solitos fuisse, existimauerim. Id enim, obseruante BARTHIO Animaduers. Lib. XXI. c. XI. f. 1042. haud leue fuit luctus indicium, quod, & MARTIALIS Lib. V. Epigr. 39. notauit.

*Pietasque pulsans, pariter, & comam vellere,  
Deflere non te vernula pudet mortem.*

Hunni, profecto, perinde, ac Hungari, caput barbamque, more Scythico demebant; id, quod e ritu Scythicis impio, ad quem Hungari, sub Andrea I. prolapsi sunt, THVRÓTZ. Chron. P. II. Cap. XXXIX, quemue, regnante Ladislao IV, a Cumanis acceperant, Comes de REVA. Cent. III. f. 18. liquido elucet. Comas igitur barbasque prolixas, non prius, quam vbi ad Christum conuersi sunt, ad exemplum Europæorum, promittebant. Resecabantur eæ, more Scythico, neque, nisi ad significandam luctus funebri acerbiter, promittebantur. BONFIN. Dec. II. Lib. IV. Quæ res, adeo in consuetudinem, lapsu temporis abiit: vt etiam SIGISMUNDVS, ad promerendam Vngarorum gratiam, barbam in deliciis nutriuere, & gestauerit. BONFINVS Dec. III. Lib. III. f. m. 292. Ceterum, coma capitis, semper, inter Hunnorum feminas, in honore fuit. Eam itaque, a feminis, in communi dolore, non tam rasam, quam effusam existimauerim: crinium enim solutio, haud exilis est, adnotante BARTHIO Lib. XLVI. cap. XV. luctus significatio.

*f*) Nihil de inflictis faciei regis vulneribus, apud IORNANDEM ceterosque Chronographos occurrit. Idcirco, crediderim, regio cadaueri, addit CALANVS vulnera: ne inter arma natus educatusque, & in armis versatus princeps, sine vulnere occubuisse, a suis iudicaretur.

*g*) Hunni grauiorem tristitiam significaturi, informes facies, canis turpauere vulneribus: vt præliator eximius, non femineis lamentationibus & lacrymis, sed sanguine lugeretur virili. IORNAND. de Reb. Get. Cap. XLIX. Ritus hunc lugendi mortuos, vetustum fuisse, in Asia, ex LEVITIC. XIX. 28. liquido constat: Neque casuram, pro vilo mortuo inditote carni vestram, & inscriptionem signatis, ne imponite vobis, quem, inter Scythas etiam, vsu receptum fuisse, ex HERODOTO, nota e. expositum est. Adhibebatur vero, non solum in luctu funebri, verum, in concilianda etiam idolorum clementia. Hoc igitur modo, pronocaturi, opem idolorum, Baalitæ, incidebant se, ritu suo, cultris & lanceolis. I. Reg. XVIII. 28. Fuerant vero cadauerosæ facies, apud Hunnos, non minus luctus & ærumnarum species, id, quod BARTHIVS Aduersar. Lib. XXIII. Cap. XV. f. 1141. ex TERENCE. Act. III. Scen. IV. de aliis etiam gentibus obseruat; verum, signum etiam virtutis bellicæ. Qua de causa ii, genas infantum, ab ipsis nascendi primitiis, ferro sulcabant. AMMIAN. Marcellin. Lib. XXXI. c. 2.

*h*) Mancus est hoc loco IUVENCVS, hunc in modum, ex Iornande supplendus: vulnera, quæ regio cadaueri intulerant, sanguine repleuerunt: scilicet, vt præliator eximius non femineis lamentationibus & lacrymis, sed sanguine lugeretur virili. IORNANDES de Rebus Get. Cap. XLIX.

## CAPVT



## CAPUT XXIV.

**S**Tatim ergo in mediis *a*) campis, pretiosa *b*) tentoria, & pallia, auro texta gemmataque, in medio campo, statuerunt. In quibus cadauer regis, *c*) more regio indutum, *d*) in-

*a*) Non in Sicambriæ campis, veluti annales Hungarorum, incerta referunt traditione; verum in regione Iazygum Metanastarum, in qua regia Hunnorum, a PRISCO de Legat. p. 106. describitur, & mortuum & sepultum Attilam, certum est. Hoc enim ille loco, sedem regni posuerat, quam in Pannoniam, ubi hodie Buda iacet, translata fuisse, nullius compertum est auctoritate. Etiam si vero Buda, iussu Attilæ regis, id, quod CHRONICON Hungarorum notauit, condita fuerit: inhabitatam tamen ab eo, vel propterea negauerim, quod, urbem fraterno adpellatam nomine, inuisam habuerit. Cum Hungarorum Chronographis, AVENTINVS Annalibus Boior. Lib. II. f. 167. sentit, *Cantatur*, inquit, *apud nos antiquis carminibus, Sicambria, quam nos Ophen, Vgri Budam vocare solent, Attilam habitauisse & opetiisse*: quod tamen, dum in dubio relictum esse videtur, recte nonnulli, Attilam, intermissa Budæ mentione, in sedibus suis, extinctum, connotauere. TYRO Prosper Chron. in Lect. Canisii T.I. p. 173. HERMANNVS Contractus ad an. 452.

*b*) Videre hinc est funeris magnificentiam, quam Hunni, in efferendis regum cadaueribus, seu Scytharum ritu, seu aliarum gentium exemplo, adhibebant. Neque enim splendor, quem Scythæ, in regum vsurpauere funere, vel Græcorum magnificentia, quam Alexander, in Hephæstionis sepultura, Babylone expressit. PLUTARCH. in Alex. XXXVII. f. 332. edit. Paris. 1558. vel Romanorum fastui, qui ex Neronis funere, apud SVETONIUM Ner. Cap. L. n. 1. elucet, vilo modo cedere potest. Præterquam enim, quod cadauer regium, ad Gerrhos vsque, amplissimo, inter administrorum militumque cohortes, efferebatur funere: pretiosis etiam indumentis, & præterea, aurea argenteaque contegebatur suppellectile. HERODOT. Lib. IV. f. 243. sequi Scytharum ritu, Hunni quoque, auratas gemmatasque stragulas, in mediis campis, & intra tentoria sericea. IORNAND. de Reb. Get. Cap. XLIX. p. 144. regio Attilæ cadaueri, substernere haud dubitarunt, siue, ut regis magnificentia indicaretur, siue, ut diuini, tanto heroi, honores exhiberentur. Hoc namque modo, gentes, defunctorum corpora, qua deos honorabant, LACTANTIUS II. 4. iisque immortalitatis semen inesse, tacite innuebant. quam rationem, cur plerique mortales, studiosi sepeliendorum corporum fuerint, SCALIGER, vir summi ingenii, summæque doctrinæ. Poet. Libr. III. cap. 20. ad signauit. Hinc vero colligi potest, Hunnos, Scytharum ritu, curam magnifice sepeliendorum corporum adhibuisse: tametsi plerique mortales, leuem sepulturam, magnificæ, anteferre consueverint. Sic Cyrus apud XENOPHONTEM, Pædia III. sufficere ait, si terra, tegantur mortui. Et LUCIANVS, plurimis locis, sollicitam cadauerum curam, ironiis irridet, sarcasmis lacerat, rationibus & argumentis confodit, sicut & SENECA. Epist. XCII. & STOBÆVS XXXIIX. Serm. hæc omnia, quæ inusitato sumtu, in funere adparantur, luculenta contemnunt grauitate.

*c*) Mos hic, e prisco Scytharum ritu profluxit, qui exentratum, habituque regio ornatum corpus regium, ritu solemni efferebant. HERODOT. Lib. IV. f. 244. Mirum, quod in funere Attilæ nulla, vel exentrationis, vel condimenti fiat mentio. Quando enim Scythæ, dissecto, ritu Ægyptiaco, cadauere, interanea eximebant eiiciebantque, reliquum vero corpus iam quodammodo depuratum, abiectis, quæ maxime feculenta sunt, condimentis curabant, atque *filere contuso, & thymiamate, apique semine & anisi, infurciebant*. HERODOT. l. c. non possum non in eam induci sententiam; quin, idem moribus quoque Hunnorum vsitatum fuisse, adfirmem. Depuratum hoc modo ablutumque cadauer, veste ferali amiciebatur. quam ego, non Græcorum Romanorumque consuetudine, *albam*, de qua HOMERVS Illiad. XVIII. v. 353. & SVETON. in Neron. cap. 2. n. 1. verum, *rubram & puniceam* fuisse, arbitror. Hæc namque militaris esse censetur, quali



d) inaurato feretro positum e) extulerunt. Mox igitur nobilissimi milites, f) in modum Circensium, feretrum ambientes, hos funereos

& Spartani, defunctos indui volebant. vid. ÆLIANVS Var. Hist. Lib. VI. c. 6. Ceterum, feralem regum vestem, auro intertextam, esse oportuit, cum adsignificandam regii funeris magnificentiam, tum, ad immortalitatem, quam Scytharum sapientes, defunctorum tribuebant animis, indigitandam. Quæ consuetudo, inter Romanos non fuit inusitata, quod ex SVETONII l. c. & HIERONYMO in vita Paullæ, elucet; quin, ab Hunnis, ad Hungaros etiam translatus fuisse, ex ferali Caroli I. amictu, apud THVRÓTZIVM Chron. P. II. cap. XCIX. luculenter patet. Hunc vero, ille, feralis in corpore regio amictus imaginem, sistit: Tandem die sequenti, ob præceptum dictæ dominæ reginæ, Archiepiscopis, Episcopis, Prælatiis, Baronibus, Præbyteris, Fratribus, Clericis omnibus, simul conuenientibus, & lachrymabiliter processive pergentibus, ad dictum castrum deuenitur. Vbi pretiosissimum caput eius, iuxta decentiam regni sui, honoris corona aurea, corpusque ipsius splendidissimum, tunica scarletina, ac etiam caligis salutaribus gemmis pretiosissimis contextis, & desuper calcaria aurea, pulcherrimis pedibus sua excellentia annectendo induentes.

d) Feretrum, cui defuncti Scytharum reges imponebantur, erat *plaustrum*. Huic enim impositum cadauer regium, ad Gerrhos ferebatur. Eius loco, quod in Gerrhis adhibitum fuerat, hunc in modum depingit, HERODOTVS Lib. IV. f. 244. Quem, postquam in locutis posuerunt super torum, mucronibus, hinc atque hinc defixis, desuper ligna extendunt, ac deinde palliis contegunt.

e) Non Scythico, sed Romano ritu, elatus fuisse videtur Attila. Apud Scythas namque, depuratum, plaustroque impositum regum cadauer, ad diuersas, quibus imperitabant, ferebatur gentes, non sine insigni optimatum, qui funus comitabantur, frequentia. quod per diuersas circumlatum regiones, in Gerrhis, qui extremam Scythiæ partem inhabitabant, in regum deponeretur sepulchris. HERODOT. Lib. IV. f. 244. Alii contra ea Scythæ, quum decesserunt, a proximis in plaustro collocati, per amicorum circumferebantur tuguria. qui defunctorum excipientes cadauera, transactis quadraginta diebus, terræ mandabant. RHODIGINVS Lect. Ant. Lib. XVII. cap. 21. At vero Attila, e regia, in campum, ritu Romano, in lectica, pretiosis stragulis strata, a viris summis elatus, in eum primum locum deferrebat, in quo, & castra facere, & publicas instituere consueuerat consultationes: uti res eius præclare gestæ, funebri carmine, a lectissimis equitum, laudarentur. IORNANDES de Reb. Get. cap. XLIX. Pompam funebrem, qua Attila rex efferebatur, *spectaculum admirandum & solenniter exhibitum*, adpellat. Comitabantur namque funus, præter Hunnorum proceres, fortissimi subiectarum gentium reguli, cum delecto, e diuersis populis equitatu, præeuntibus, qui nænam canebant, siticiniibus. In pompa funebri, ferebantur maiestatis regię insignia, spolia hostium, & similia. Sequebantur filii, propinqui, alique Hunnorum heroes, & aulae administri, habitu lugentium, hoc est: ornamentis positis, capillo raso, conscisso vultu, in veste pulla, siue atra.

f) Talem decursionem LIPSIVS in Tacit. Annal. II. n. 29. explicat. Ludorum namque Circensium, qui a circo Tarquiniano nomen acceperunt, sex potissimum fuerant genera: cursus, lucta seu certamen gymnicum, ludus Troiæ, venatio, pugna equestris & pedestris, & denique naumachia. Præcipue tamen Circensium adpellatio, hypodromiis id est equorum cursibus, adhæsit. ROSINVS Antiquit. Lib. V. Cap. II. quales PAVSANIAS, in Azanis filii Arcadis, & IORNANDES de Reb. Get. Cap. XLIX. in Attilæ exequiis, adhibitos fuisse, notauerunt. De tota, inquit iste, gente Hunnorum electissimi equites, in eo loco, quo erat positus in modum Circensium cursibus ambientes, facta eius cantu funereo, tali ordine, referebant: nisi decursionis nomine, agona, certamen cruentum, quale in monumento Mausoli, quod diis manibus ab Artemisia regina dicatum fuerat, AVL. GELLIVS Noct. Att. Lib. X. cap. 18. commemorat, intelligi velis. Scythæ namque, non minus, quam Hunni, in honorem demortui, siue placandis defuncti manibus, siue alia de causa, lectissimos quosque ministrorum contrucidare solebant. HERODOT. Lib. IV. f. 244. IORNAND. de Reb. Get. Cap. XLIX. pag. 145. 146.

g) Voce



neros versus g) decantabant: Præcipuus Hunnorum rex Attila,  
b) patre

g) Voce tibiisque cantare, apud Hunnos Hungarosque, in laude fuit positum. Pueri namque & puellæ, inde ab infantia, hymnos & Pœanes, præscriptis cantare numeris, discebant; & non minus viri, in castris, aulis principum, vitæque rustica, quam feminæ, virginesque in lanificiis, diuersa occinere carmina consueuerant. Ita apud PRISCVM de Legat. p. 128. in conuiuio Attilæ, adueniente vespere, sublati epulis, duo viri Scythæ, coram Attila prodierunt, & versus a se factos, quibus eius victorias & bellicas virtutes canebant, recitarunt. Quinimo, puellæ etiam Scythicæ, redeunti ab expeditione, Attilæ regi, in vico quopiam, tamquam Syrenes Scythicæ, obuiam prodibant, sub linteis tenuibus & candidis, & dum iter pergerent, odas & cantilenas Scythicas canebant. PRISCVS. l. c. p. 107. Quæ consuetudo, non domi solum, verum in castris etiam, a militibus sedulo obseruabatur. Hinc septem Hungarorum duces, teste THVRÓTZIO Chron. Part. 2. Cap. 9. de se ipsis cantilenas fecerunt, inter se decantari, ob plausum secularem, & diuulgationem sui nominis. Mos hic diuersa occinendi carmina, in gentem transiit Hungarorum, apud quos, nostra etiam ætate, plerumque, non inter plebeios solum, verum, inter quosdam etiam viros illustres, bellicæ duces clarissimos, res fortissimorum virorum præclare gestæ, vetusta consuetudine, partim voce, partim tibia decantari solent. quod, & GALEOTVS MARTIVS, in aula MATTHIÆ Coruini obseruauit. Semper enim, inquit ille, in eius conuiuio disputatur, aut sermo, de re honesta, aut iucunda habetur, aut carmen cantatur. Sunt enim ibi musici & cytharædi, qui fortium gesta, in lingua patria, ad mensam in lyra decantant. & Cap. XXXI. Semper enim in eius domo, aut oratur, aut studetur, aut carmen cantatur ad lyram; & AVGERIVS MVSBEQVIVS Epist. III. inter plebeia conditionis homines, militesque notauit. Occurrebat, inquit, modo horridus aliquis, a finibus Hungaricis, cum suis gregalibus, miles, qui flebili in chelyde, mœstum quiddam, tristis ipse ululabat verius, quam cantabat. Pronuntiabantur autem hæ cantiones, voce magis, quam chelyde, vel tibia, a phonascis & hilarodis, cum quibus choraulæ interdum concinebant: tamen vtrumque instrumenti genus, genti Scythicæ familiare fuisse, ex gente Slauorum cognoscere est. quorum legati, dum ad Hunnos Abares, ex Scythia, in Pannoniam, imperante Mauritio, contenderunt; chelydis, seu cytharæ dulcedine, molestiam longinquioris itineris leuabant. LANDVLPHVS Miscel. Lib. XVII. Cap. 24. Inter instrumenta musica, tibia fuit apud Hunnos clarissima, qua, choraulæ, cum in castris, tum in conuiuiis, occinere solebat. Namque adfirmante Pratina, apud ATHENÆVM, Deipnosoph, Lib. XIV. Cap. 2. f. 617.

*Tibia commessationum administra est,  
Spectaculis commoda, quibus pugnant  
Ardentibus animis pugiles,  
Et vt quasi temulenti apud se non sint,  
In conflictibus bellicorum agminum duces.*

Huic, decursu temporis, chelis, loco illustri adiecta est, sicuti inter agrestes, tibia vtriculariorum, horrifonis stridens modulis. Cantabatur inter Hunnos Hungarosque, cum domi, in conuiuiis, nuptiis, natalitiis, funeribus, & inter diuersas gentis occupationes; tum foris etiam, in castris, & in acie. Vnde demum diuersa enata sunt cantilenarum genera: modi, inquam, & cantica, inter pocula, GALEOTVS MARTIVS l. c. hymenæus & nomion, hoc est, carmen amatorium, in nuptiis, catabaucaleses in natalitiis, quæstus & lamenta, in funeribus. IORNAND. de Reb. Get. cap. XLIX. bucolica item aliaque carminum genera, quæ ATHENÆVS Deipnosoph, Lib. XIV. cap. 3. f. 618. 619. enumerat, inter diuersas occupationes. Militibus proprium fuit, pœan in castris, quo illi, ducum, heroum, militumque laudes, virtutes bellicas, & victorias recitabant, PRISCVS & THVRÓTZIVS l. c. classicum in acie, & ouatio in triumphis. cuius imaginem, in Hunnicis Syrenibus, ex PRISCO ostendimus. Vt odas hymnosque, qui in Deorum laudes concipiebantur, hac vice præteream. Neque vero, solius tantummodo voluptatis, delectationis, & vel proliciendi, vel sedandi doloris causa, cantiones occinebantur: verum, res etiam, Hunnorum virtute, domi forisque præclare gestæ, iis comprehendebantur.



b) patre genitus Madlucho, fortissimarum gentium, i) fortissimus Dominus, qui, inaudita ante se k) potentia, solus  
l) Scy-

Tales sunt versus illi, in Attilæ conuiuio recitati, quibus victoriæ virtutesque Hunnorum, audiente PRISCO Rhetore, enumerabantur; & septem ducum cantilenæ, quibus res Hungarorum fortiter gestæ, in posteritatem transmittabantur. THVRÓTZIUS Chron. Part. II. cap. 9. Earum concentus, inexplicabilem, in audientum animis, concitabat commotionem. Alii namque, teste PRISCO, versibus delectabantur, aliis bellorum recordatio, animos exsuscitabat, aliis manabant lachrymæ, quorum ætas affecta, reddiderat corpus effretum & imbecillum. Vtinam earum rudera quædam, ad nostram transmissa fuissent ætatem; quo, & deperditæ Scytharum musicæ, modos cognoscere, & mancæ huiusmodi rerum Hunnicarum notitiam, ex iis supplere liceret. Hunni namque & Hungari, vsque ad Geyzæ tempora, res bello paceque gestas, ad modum historicum, concelebrabant carminibus antiquis, quod vnum apud illos memoria & annalium genus erat. WERBÖTZ. Op. Trip. Iuris. Præfat. SCHOEDELIVS Notit. Hung. Prooem. p. 6. sequ. Quæ in exsequiis Attilæ regis, cantu funereo, partim voce, partim tibia, recitata erant carmina, non modo quæstu & lamentis, verum laudum etiam & virtutum victoriarumque Attilæ enumeratione, absoluebantur. Laudem namque mortuo dicere, non minus apud Hunnos, quam apud Græcos Romanosque, in more fuit positum. quam, in castris, delecti ex Hunnorum equitatu, milites, heroicis concipiebant versibus, IORNANDES l. c. Qui laudes defuncti ad funera canebant, siticines GELLIVS Lib. XX. Cap. II. KIRCHMAN. de Funerib. Rom. II. & lingua Hungarica, énekesek, hoc est, cantores seu modulatores, dicebantur. Apud sitos namque canere soliti erant, hoc est, vita functos, & sepultos, quo sensu, LIVIVS Lib. I. Cap. 2. situm, de sepulto dixit, & CIC. de Leg. II. 22. Hic est ille situs. Vere. Nam siti dicuntur ii, qui conditi sunt. Hinc vero elucescit, conceptam in laudem mortuorum nãmiam etiam sepultis cadaueribus, partim ante sepulcrum, partim in visceratione, de qua capite sequenti, a siticine, cantatam fuisse, reliquis, qui funus efferebant, cognatis, voce mœsta plangentibus, & laudes demortui, verbis inter singultus interruptis, recensentibus.

b) Diuersa patris Attilæ nomina, quibus is, cum a Græcis, tum a Latinis scriptoribus cognominatus est, ad Cap. III. n. d. exposuimus.

i) Domini adpellationem, OCTAVIUS CÆsar, vt maledictum & opprobrium semper exhorruit. SVETONIVS in OCTAV. Cap. LXII. p. 276. edit. Pitisci. TERTVLLIAN. Apol. Cap. XXXIV. ne ciues, pro feris habere, adeoque tyrannus videretur. Qua de causa, Tiberius quoque, se ita adpellari vetuit, TACIT. Annal. II. 87. & Alexander SEVERUS, LAMPRIDIO teste, eius vita Cap. IV. Primus ex Romanis imperatoribus, Caligula vsurpauit hoc nominis, AVREL. VICTOR de Cæsar. Cap. III. f. 13. qui in epistolis suis, vt SVETONIVS eius vita Cap. XIII. obseruat, præscribere solitus fuit: Dominus Deus noster. Postea vero ita inualuit, vt Dominum & Imperatorem seu Principem dici, idem esset propemodum, id, quod ex PLINII Epistolarum ad Traianum Lib. X. passim elucet. Quo sensu, Hunni etiam Attilam, quia pro arbitratu suo insolenter longe lateque imperitabat, Dominum, hoc est, principem seu imperatorem fortissimum ac potentissimum adpellabant, sicuti hodie Hungari, imperantem principem, Ur, Galli Sire, hoc est, Domine, compellare solent. Quæ adpellatio, Attilæ Hunnorum regi, iusto adscripta est titulo. Fuit namque, omnium post hominum memoriam principum, & potentissimus, & fortissimus.

k) Perpauca in orbe terrarum sita imperia, isthoc, quod Attila, longe lateque per Asiam & Europam protenderat, ampliora vnquam fuisse existimo. Illud equidem Græcorum dominationem vix excessit, diffusum tamen per Europam, Asiam & Africam, Romanorum principatum, cum prouinciis, potentatu suo absorpsit, & præterea, per vtramque Scythiam, Sarmatiam, & Germaniam porrectum fuit. Eius fines, ex THVRÓTZII Chron. Part. I. Cap. XVII. quodammodo cognoscuntur: Speculatores ad cunctas sibi necessarias partes, prout suis expediebat rebus, ordinasse dicitur. Quorum vna statio, Colonia in Germania, altera in Lithuania, tertia iuxta fluvium Tanain, & quarta in Iadria Dalmatia



l) Scythica & Germanica regna possedit, nec non vtraque m) Romanæ vrbis imperia, calcatis ciuitatibus, terruit, & post, ne reliqua subderentur, placatus summi Romanorum antistitis, n) precibus, annum vectigal accepit. Dum hæc omnia, pro- uentu felicitatis gerit, non vulnere hostium, o) non fraude suo- rum, sed gente incolumi, inter gaudia lætus, p) sine sensu do- loris occubuit. Quis ergo hunc dicat exitum, quem nullus æstimat vendicandum?

## CAPVT

matia ciuitate, constituta erant. Hinc vero est colligere, quænam Attilæ Hunnorumque, regnante Attila, fuerit potentia. Quingenta ille, in aciem educebat millia, IORNAN- DES de Reb. Get. Cap. XXXV., vel vti Auctor Hist. Miscel. existimat, septingenta, conf. ad Cap. V. n. d, sub cuius signis, potentissimi, Ostrogothorum, Gepidarum, Ala- norum, Marcomannorum, aliarumque gentium, militabant reguli, reliquis, qui Hun- norum castra subsequi volebant, pendendo vectigali, obnoxiiis redditis.

l) Regna Scythica intellige, quæ partim per *Asiam*, vsque ad Serres prolata iacebant, partim in *Europa*, per *Scythiam Sarmatiamque Europaam*, *Daciam* item, & *Iazygum Meta- nastarum* regionem, vsque ad Cusum & Vistulam protracta, in occidentem diuergebant. Discedimus hic ab eorum sententia, qui Scythiam, Daciæ limitibus, & Patisci ripis terminant, atque Iazygum regionem, a Scythiæ complexu excludunt. vid. CELLARIUS Geogr. Ant. Tom. I. Lib. 2. cap. 6. p. 395. edit. 1231. Germanorum contra ea ditio, a Vistula & Cuso amnibus, ab oriente, in occasum, vltra Rhenum exibat, & amplissimos, Quadorum, Marcomannorum, Sueuorum, Boiorum, Alemannorum, Thurcilingorum, Herulorum, ceterosque Germaniæ populos, nomine suo continebat. vid. CELLARIUS Geogr. Ant. Tom. I. Lib. II. Cap. III. p. 358. 412. ed. 1731. In quorum numerum, Ostro- gothi etiam, Gepidæ, Bastarnæ, alique, qui Hunnorum castra sequebantur, Germaniæ populi, referri debent.

m) Hinc iam, quodnam sit, Hunnorum imperii, territorium, videre est. *Principale*, a palude Mæotide, vsque ad Cusum Vistulamque amnes, per *Scythiam, Sarmatiam Euro- paam*, prolatum fuit, in eoque, Attilæ regia, haud longe a Patisco remota stetit. quod demum, superato Danubio, per vtramque *Pannoniam* protractum, ad Norici & Italiae fines diuergere cœpit. *Principali, accessorium*, multo amplius fuisse videtur. Namque per utramque *Asiaticam* atque *Europaam Scythiam*, prorogatum, & *Germaniæ, Chersonesi Cim- bricæ, Galliæ, Italiæ, Illyrici, Mesiæ, Thraciæ, Graciæ, Asiæque Romanæ* accessione auctum, vtrumque Romanæ vrbis imperium, orientale inquam atque occidentale, vectigalis nomine, ambitu suo comprehendisse, ex diversis rerum Attilæ scriptoribus, euidenter elucet. Qua de re alibi copiosius.

n) Recte itaque ad Cap. XVIII. & XIX. obseruatum est, Attilam, non tam cœle- stium geniorum adparitione, quam disertissima summi Pontificis oratione permotum, vrbi populoque Romanæ pepercisse. Lege, quæ hac de re, ad Cap. cit. copiose com- mentati sumus.

o) Fraudis omnis suspicionem ab Attilæ obitu ad Cap. XXII. n. 1, prorsus remou- mus. Tametsi enim Attila, teste BEDA, Hist. Eccl. Lib. I. cap. 13. pro arbitratu suo, insolenter cum Hunnis, tum ceteris populis dominabatur. qua de re ad Cap. XII. n. K. amorem tamen sui, timore & reuerentia temperatum, cum insigni, suspiciendæ maië- statis opinione, incredibili quadam vi, animis omnium impresserat. Erat namque At- tila, vti vultu grauis, ita supplicibus benignus. conf. ad Cap. XII. n. r. sequ.

p) Scilicet, quia mors insperata, quæ vigilantem superare nequiverat, dormientem, seu hæmorrhagia narium, seu apoplexia, sicuti ad Cap. XII. n. 1, expositum est, oppres- serat. Hoc namque casu, omnis sensus & motus, interne ac externe cessat.



## CAPUT XXV.

CONFESTIM igitur *a*) in noctis ipso crepusculo, corpus, honore, quo decuit, *b*) sepeliuerunt. Denique mensis adpositis

*a*) Nihil de sepulturæ tempore, vel apud IORNANDEM, vel apud Hungarorum chronographos. Funera Hunnorum ignobilia, eorumque, qui in prælio occubere, postridie obitus, efferri fuisse solita, ex gentis Hunnicæ ducum, qui in acie occiderant, sepultura, apud THVRÓTZIUM Chron. Part. I. Cap. 11. 12. hodiernaque Hungarorum consuetudine, quodammodo comprobari potest. Quod autem a prisco Scytharum more, qui defunctos die quadagesimo efferebant, secesserint, incerta sedes & continuæ in castris expeditiones, huius rei causa fuisse. Procerum tamen ducumque cadauera, partim propter adparandi funeris magnificentiam, partim propter luctum acerbiorum, longiore interiecto temporis intervallo, contumulabantur, quod, ex Scytharum sepeliendi ritu, apud HERODOTUM Lib. IV. f. 245. colligitur. Apud eos namque, homines priuati, quadraginta diebus circumaguntur, dein humanantur. Quidni principes, ceterique loco illustri nati viri? Anne vero, cum Græcis, ante solis ortum, vel cum Romanis, interdiu sepeliebantur, incertum est. Attilam tamen, IORNANDES de Reb. Get. cap. XLIX. nocturno tempore, vel, sicuti CALANVS, in noctis crepusculo, propterea sepultum refert; uti ignotus tanti regis tumulus redderetur, & curiosa hominum industria ab inquirendo eius loculo auocaretur, IORNANDES l. c.

*b*) Vti priscus inter Hunnos sepeliendi ritus, debito exponatur ordine: videndum est primum sepulcrum eiusque altitudo, locus & modus sepeliendi, deinde munera, quæ cum demortuo in tumulum inferebantur, ornamenta item custodesque sepulcri. Sepulcra in Scythis Hunnisque sacra fuisse, ex HERODOTI Lib. IV. f. 244. & IORNANDIS de Reb. Get. cap. XLIX, elucet, quæ, quocunque demum modo violasse, summum fuisse scelus, indicio sunt pleraque. Et profecto, nulla fere tam efferata gens fuerat, quæ non habendam sepulcrorum rationem senserit: sin quosdam barbaros exceperis populos, qui demortuos, in iisque etiam reges, vel in mare, vel in sterquilinia, neglectis loculis, reiciebant. RHODIGINVS: Lect. Antiqu. Lib. XVII. cap. XIX. Alta vero spatiosaque fuisse, indicant munera, in reliqua loculi parte cum rege contumulata. Quorum altitudinem PLATO Leg. 12. quinque virorum, totidemque dierum labore dimetitur. Vetat namque altius extrui sepulcrum, quam viri quinque, diebus totidem excitare possint. Quibus reges Scytharum inferri solebant, tumuli, in Gerrhis extremam regionis oram inhabitantibus, struebantur; forsitan, quia locus ad cetera inutilis, & ad id tantum commodus, viuentibus nil prorsus inferebat emolumenti. Nullum enim PLATO l. c. in loco fecundo, & agro ad cultum parato, fieri struere sepulcrum iubet: ne a mortuis, terræ matris fecunditas præpediatur. Ceterum, quoniam reges heroesque, quarundam gentium consuetudine, vel in vertice, vel ad radices montis, conditores autem urbium, in ciuitatis medietate, obseruante RHODIGINO, l. c. Cap. XIX. sequi sepeliebantur: Regum Scythiæ, in montibus apud Gerrhos, Attilæ contra ea, ceterorumque Hunnici populi principum sepulcra, in centro Hunniæ, iuxta viam, Romanorum ritu, inquirenda existimauerim; neque tam in Pannonia, veluti THVRÓTZIUS Chron. Part. I. cap. 11. 22. existimat, quam in Iazygum Metanastarum regione, in qua, & Hunnorum regiam stetit, & Attilam mortuum esse, ex IORNANDE, suo loco ostendimus. Dubitauerim vero, in regum ducumque monumentum, quod THVRÓTZIUS l. c. in Keweháza constructum adfirmat, Attilam illatum fuisse; quandoquidem Hunnorum proceres, recondito, clam, nocturno tempore, cadauere, contrucidatisque vespillonibus, ignotum, teste IORNANDE, volebant esse Attilæ tumulum. Quod si tamen curiositati quidpiam, dandum esset: Attilæ sepulcrum, in agro Iász Birinyiensi, in quo, FRANC. FORIS OTROKOCSE Orig. Hung. P. I. C. IV. 4. Hunnorum regiam stetit condocet, inuestigandum, existimauerim. Sed dum in re incerta, nihil definiri potest: videndum potius, quonam modo regum sepeliebantur cadauera. Non Romanorum cremabantur more, sed inhumabantur, cum quibus, Scythæ Hunnique, seruos, equos, aureaque vtenfilia, aliaque demortuorum manibus



tis mixtum dolori gaudium faciunt. Nam epulas c) diuersi ad-  
para-

nibus consecrata munera, inferebant. Qua de re, hunc in modum, HERODOTVS l. c. In reliqua loculi spatiositate, aliquam eius pallacam strangulatam sepeliunt, & pincernam, & cocum & equisonem, & ministrum, & internuncium, nec non equos, & aliarum rerum omnium primitias, quin etiam phialas aureas, nam argentum, aut aes, in usu non habent. Seruorum animantiumque in Attilæ sepulcro, IORNANDES non meminit: Arma tamen, hostium cadibus adquisita, phaleras vario gemmarum fulgore pretiosas, & diuersi generis insignia, quibus colitur aulicum decus, addita enumerat. Munera hæc sunt, mortuorum manibus sacra, quorum meminit VIRGIL. Aen. III. 66.

*Inferimus tepido spumantia cymbia lacte,  
Sanguinis & sacri pateras.*

Loculum Attilæ sumtuosum fuisse, ex IORNANDE est cognoscere. Primum namque auro, secundo argento, tertio ferri rigore communitus erat. Qua re significabatur, hæc omnia potentissimo regi conuenisse; id quod loco suo exponetur. Cui, in sepulcro super toro collocato, defixisque ex utroque latere mucronibus, Scythæ, obseruante HERODOTO, humum certatim atque auide iniiciebant, cupientes tumulum quam maximum efficere. Quam, in sepeliendis demortuis, construendisque sepulcris, Hungarorum, alacritatem, ingenti cum admiratione, plus vice simplici, hodiernum conspeximus. Illato namque in tumulum cadauere, vltimum demortuo contestaturi amorem familiares, humum certatim auideque loculo ingerunt, tumulumque quam maximum, congesta terra efficiunt, cognatis ceterisque amicis, qui contumulatum desceant, confertim adstantibus, ceterisque, qui funus comitantur, funebrem occinentibus neniā. Constructus hoc modo, illato cadauere, tumulus, suis ornabatur monumentis. Scythæ namque, strangulatos quinquaginta equites, qui super exentrata, paleaque impleta, equorum cadauera, in ambitu sepulchri regii, transactis stipitibus locabant: siue, vt deos manes placarent, siue, vt conceptam post mortem dominationis spem indicarent. Lubet ea, ex HERODOTO l. c., vti priscus gentis mos ostendatur, adducere. E famulis reliquis aptissimos sumunt. Sunt autem hi ingenui Scythæ, illi enim seruiunt, quos ipse rex iusserit. Nam pecunia emptos seruos non habent. Horum ministrorum quinquaginta quam strangulauerunt, ac totidem præstantissimos equos, alio eorum exempta & expurgata, paleis implent ac consuunt: & ubi dimidium fornicis super duo ligna tali modo defixerint, multa illa tum oblonga ligna crassa, per equos ad ceruicem usque, quam traiecerunt, adiollunt eos supra fornices, quorum priores fornices sustinent armos equorum, posteriores vero, iuxta femora suscipiunt ventres, utrisque cruribus superne dependentibus. Equos autem infrenant, eorumque habenas anteriora extendunt, & mox ad palos alligant: dehinc super eorum singulos statuunt, singulos quinquaginta iuuenum strangulorum, hunc in modum. Vnicuique eorum, rectum stipitem, præter spinam, ad ceruicem usque transfigunt: quod inferius extat aliquid stipitis, id infigunt foramini ligni alterius, quo equus traiectus est. His equitibus sepulchro circumpositis, abeunt. Hunc in modum reges sepeliunt. Hunni contra ea, a prisco delciscetes more, solas super congestum terræ tumulum, columnas sepulcrales cipposque, erigebant, his crediderim de causis; vti demortuorum, ceteris eminentius fastigium indicaretur, & insculpto cum elogio contumulatorum nomine, sempiternum, memoriæ causa, poneretur monumentum, THYRÓTZIS Chron. P. I. Cap. 11. 12. Ita enim ex sepulcris facta sunt monumenta, quæ Aegyptii, tanquam sempiternas defunctorum domos, insigni magnificentia construebant. RHODIGINVS Lib. XVII. Cap. 20, Græci autem & Romani, quinimo, Scythæ etiam Hunnique, fornicibus substruebant. Hinc plebs Romana, vastata vrbe incendio a Nerone, ad monumentorum bustorumque diuersorium compulsæ fuit. SVETON. in Neron. Cap. XXXVII.

c) Sepulcrales Hunnorum epulæ, Romanis Silicernium, LIPSIVS ex Nonio & Festo ad Taciti Annal. Lib. VI. not. 19; Hunnis, Strava dicitur. IORNANDES de Reb. Get. Cap. XLIX. Postquam talibus lamentis est deflectus: stravam super tumulum eius, quam adpellant ipsi, ingenti commensatione concelebrant. Quam vocem, rectius LAZIVS in der Chorographischen Beschreibung Hung. Cap. de Hunnis, ad linguam Sarmaticam, quam SCHÖEDELIVS Notit. Hung. P. I. §. 180. seq. ad Scytho Hunnicam referendam esse autumat. Tametsi enim



paratus, & generis affluentissimas parauerunt. Cuius cœnæ  
d) fer-

Hunnorum idiomate, struam dici, IORNANDES obseruauit: ex Sarmatico tamen, in Hunnicum sermonem, prouti complures dictiones alias, deriuatam fuisse, pronum est colligere; quum vox ipsa, natiua sua origine, *consumtionem, commessationem*, indigitet. Quo nomine, recte WORMIUS in Monumentis Dacicis Lib. I. Cap. VI. p. 36. *conuiuium in honorem defuncti celebratum* intelligi, adserit, quod super demortui *tumulum*, teste IORNANDE instituebatur, eique constructa ex hostium exuuiis moles, adiungebatur; id, quod LACTANTIUS ad Statii Lib. XII. Thebaidos, ex barbararum gentium consuetudine notauit. Ita enim ille, ad vocem aceruos: *Aceruus exuuiarum hostilium moles. Exuuiis enim hostium exstruebatur regibus mortuis pyra: quem ritum sepultura, hodie quoque, barbari seruare dicuntur, quem, strabas dicunt, lingua sua.* Lactantii obseruationem, IORNANDES l. c. illustrat: *Addunt inquam, ad conuiuium exequiale: arma hostium cadibus acquisita, phaleras vario gemmarum fulgore preciosas, & diuersi generis insignia, quibus colitur aulicum decus.* quæ, ubi in modum pyræ structa fuere: cum corpore regio contumulabantur. Priscus hic est in exequiis commessandi ritus, inter Romanos, perinde, atque inter Scythas usitatus. Illi namque funus exsequiati, cum plausu, ad sepulcrum, silicernium conficiebant, pransique dum discederent, alii aliis, Vale dicebant. VARRO ap. Nonium I. 224. KIRCHMAN. de Rom. Funer. 4. Hi, ante exequias, *epulum, cadauer comitantibus præbent, tam propinquis, quam ceteris.* HERODOT. Lib. IV. f. 245. quorum nonnulli mortuos, inter epulas, honoris causa, deuorauisse perhibentur. RHODIGIUS Lect. Antiq. Lib. XVII. Cap. XIX. Traducta ad posteros, Scytharum Hunnorumque cœna funebris, hodiernum, inter Hungaros, more antiquo instituitur. Illato namque in tumulum cadauere, propinqui & familiares, in defuncti ædes conuocantur, liberaliterque, adpositis dapibus, pro demortui conditione habentur, interdum ad luxum etiam, cumprimis in illustrium familiarum exequiis. Qualibus epulis, scæpenumero, inter Hungaros, non sine iucunda venerandæ antiquitatis recordatione, interesse licuit. Vbi, cum Hunnis ad tumulum Attilæ, commessari nos credideramus. Ita enim funereo hoc epulo, tamquam per imaginem, priscam Hunnorum silicernii consuetudinem, repræsentare nobis poteramus. Scilicet: dispositis ad exequiale triclinium amicis, seclisique a virorum consortio feminis, altum fit, quale nocte profunda esse solet, post contestatam doloris significationem, inter funebres conuiuas, silentium. Mœret quilibet, tacitusque communem, mente recolligit, & vultu indicat tristitiam. Quorum alii, manantes ex oculis abstergunt lacrimas, singultus sedant inter epulas alii. Tum, propinato, verbis conceptis, poculo consolatorio, demortui manibus vino verbisque parentatur, & solennes, partim pro æterna animæ quiete, partim pro beata corporis reparatione, comprecationes Dei, inter singultus & suspiria effunduntur. His dictis, ubi iam collapsi mœrore artus, mero incaluerunt: pedetentim lugentium errigitur animus, & insperatum miscetur dolori gaudium. Tametsi vero, sicut TIBULLVS III. 7. 2. ait:

*Difficile est tristi fingere mente iocum;*

obliti tamen, inter commessandum, luctus mœrorisque, funebres conuiuæ, modo in locos liberales, facetiis vrbansque sermonibus, prorumpunt; modo res serias, easque magni ponderis, in medium proferunt; modo doloris & tristitiæ recordati, in amaras colliquefcunt lacrymas. Namque vinum Horat. Lib. I. ep. 5. teste,

*Sollicitus animis onus excimit,*

quo dum luctus, tamquam dulci hilaritatis seminario diluitur:

*Tunc veniunt risus*

*Tunc dolor & curæ, rugaque frontis abit.* OVID. de Arte am. Lib. I.

Dum ita vino epulisque, ad seram vsque noctem, satis superque parentatum est: Deo amicisque, exequiales conuiuæ, bene precati, domum reuertunt. Si ditior fuerit, & non consanguinitate modo, sed clientelis etiam valens, cui iusta persoluta sunt, pluribus sæpe tricliniis discumbitur, at ducenti subinde epulatores, numerantur. Meminimus paucos ante annos, emortuali istiusmodi conuiuio, boves duodecim, vitulos complures,



d) fercula, primo in e) vasis aureis; secundo in argenteis, tertio in f) æreis, quarto in ferreis delata sunt. g) Significare autem

ex

plures, porcorum & altilium immanem numerum, vini præterea, dolia aliquot consumpta fuisse. Neque enim heri tantum & digniores quique in conuiuium adhibentur, sed vilissima etiam ministeria, uti sunt agazones, rhedarii, & cetera famulorum turba, demensum accipiunt suum, quasi ideo venerint, uti alieno dolore gulæ perlitarent. Ista filicerniorum apud Hungaros ratio est, ne Romanis quidem ignorata, sed nostris profecto hominibus, suo quodam iure a prima gentis origine propria, quod in NOTITIA Hung. in Comitatu Neograd. Memb. II. Politic. §. 2. expositum est. Hoc ritu fortissimi Hungarorum heroes, Stephanus Bathorius, & Paulus Kinifius, cæsis in campo kenyer mező hostibus, olim parentauerant, quem ANTON. BONFIN. Dec. IV. Lib. 17. verbis exprimit prolixis, hunc in modum: *Super cadauera strata mensa: quippe quæ usque adeo frequentia densaque iacebant, ut per uniuersum campum, quoquo versus, in stadia pene sedecim, in cadauer profilire potuisses. Appositis ergo dapibus accubuerunt milites. refecta satis superque corpora; & animi latitia, vinoque plus æquo exhilarati; captiui, qui prospecta dudum victoria hostilia castra populari caperant, ibi quoque opulentissime discubuerunt: cæna non sine militari cantu transacta in composito extemporalique carmine ducum procerumque laudes concinnare; mox incalcescente Bacho, militarem pyrrichiam saltarunt. Cum adhuc armati Martiales choreas agerent, elatis in numerum clamoribus, cuncta complebant, item cum in publica hilaritatis monumentum, quotusquisque miles gestu motuque corporis aliquid ageret, quo risum a ceteris exigeret: Paulus saltare iussus, in media corona, ita subsiliit, medium sublimemque casum hostem humo porrectum, dentibus sine ullo manuum adminiculo, plane corripuit, mox in orbem, admirantibus potius, quam ridentibus spectatoribus, numerose saltauit, choream, se & Herculeo quoque viro dignam, edidit. Ea nox præ latitia gestiente, insomnis acta.*

d) Pro ferculis, coöpercula, apud IORNANDEM l. c. unde CALANVS sua accepit, SAVARO not. in Sidonii. ep. XII. Lib. 3. p. 209. legit, sine causa tamen. Fercula namque proprie, *regatia* sunt, quæ feretra TERTULLIANVS dixit, seu gestamina ex ligno, quo pompa, apud Romanos deferri solebat. Ita SVETONIVS in Cæsare Cap. XXXII. *Inter pompæ fercula, trium verborum prætulit titulum, veni, vidi, vici.* CIC. Offic. I. 13. *Cauendum est ne tarditatibus utamur in ingressu molioribus, ut similes pompæ ferculis videantur.* ASCON. in Cic. p. 85. *Ferculis, signa ante triumphantem vehi, per pompam.* Et SENEC. Herc. Oetæo V. 110.

*Nec pompæ veniet nobile ferculum.*

Perperam igitur CALANVS noster, vocem fercula, ad cœnam refert funebrem. Non enim cœnam, sed loculum Attilæ, IORNANDES, hoc loco respicit: *Nocturne secreto cadauer est terra reconditum. Cuius fercula primum auro, secundo argento, tertio ferri rigore communiunt.* Quo sensu, D. AMBROS. ep. 34. *tabulas porphyricas pretiosissimas, quibus vestiebatur operculum, quo regales exuuiæ clauduntur, accipit.*

e) Verba hæc, non tam de vasis, quibus diuersa esculentorum genera, triclinio adponebantur, quam de loculo & feretro Attilæ accipienda esse, IORNANDIS lectio monet. Ceterum, aurum & argentum cælatum, quod prisca ætate, teste ATHENÆO Lib. VII. f. 230. rarum fuerat, PRISCVS de Legat. p. 127. in Attilæ tricliniis admiratur. Ceteris quidem barbaris & nobis, cœna omni eduliorum genere referta & instructa, præparata erat, & in discis argenteis reposita; Attila in quadra lignea, & nihil præter carnes. Conuiuiis aurea & argentea pocula, quibus bibebant, suppeditabantur. Attila poculum erat ligneum.

f) Triplicis metalli, auri inquam, argenti & ferri, IORNANDES meminit. Superfluum itaque est, in æreis: nisi verba hæc ad vasa tricliniorum referre volueris. Quoniam enim aurum & argentum, hac ætate fuit rarum: in poculis æneis qui bibebant, doctissimi credebantur. ATHENÆVS. Lib. VI. f. 230. sequi.

g) Quidnam, diuerso metalli genere, Hunni indicabant, exponit IORNANDES: *Significantes tali argumento, potentissimo regi omnia conuenisse: ferrum, quo gentes edomuit, aurum & argentum, quod ornatum reipublicæ utriusque acceperit.* Scilicet: aurum, rubiginis atque



ex hoc Hunnorum Principes voluerunt, hæc omnia regi potentissimo conuenire. Denique armillas, & *b*) armorum diuersa genera, *i*) equos *k*) faleras diuersosque *l*) ornatus in medium *m*) pro-

corruptionis experts, non solum est metallum pulcherrimum, verum mortalibus etiam carissimum, quod, *Ioue prognatum*, SAPHO dixit, & RHODIGINVS Lib. VII. f. 271. soli sacrum fuisse, obseruauit. Eius itaque imagine, Hunni, in Attila, *maiestatem cum sapientia, gloriam, magnanimitatem, potentiam, victorias, diuinumque*, quos manibus regis attribuebant, honores, indigitasse videntur. Auri namque nomine, SOCRATES in Platonis Phædro, *sapientiam*, PROCLVS Diadochus, *imperturbatum mentis statum* intelligit. RHODIGINVS Lib. VII. cap. 24. XIII. Cap. 21. Quod Lacædemonii, propterea Delphico dicauerant Apollini. ATHENÆVS. Lib. VII. f. 283. *vti maiestatem in eo diuinam diuinumque* indicarent cultum; Romani vero, in torques, armillas, phialas, phaleras, monilia, coronas, aliaque dona militaria transfusum, militibus præmii nomine donauerant, SVETON. in Octau. Cap. XXV. TACIT. Annal. XI. 9. 4. *vti victoribus, reportatæ de hoste victoria, perpetua essent documenta.* Argento, contra ea, quod Lunæ sacrum, *prudencia militaris, & insignis rei bellicæ peritia*, significabatur. Etenim viri sapientes, argentum symbolice, *scientiam rerum a Deo conditarum*, signare tradunt. quomodo ORPHEVS, homines qui *rationis puritate* viuunt, *argenteos* nuncupauit. RHODIGINVS. l. c. FERRI autem nomine, quod Marti dicatum, iis tantum, qui militari obstringebantur iure iurando, portare licuit, PITISCVS ad Sueton. Octau. Cap. XXXII. not. 7. *inuitatum Attilæ robur, armorumque*, quibus Asiam & Europam perdomuerat, *studium* ostendebatur. Illud namque fortissimos frangit populos, *principemque tuetur*. SENECA Octau. v. 456. Ceteroquin, quoniam spiritus diuinus apud DANIELEM II. 32. sequi. in colosso Nebuchadenezaris, auro, Babyloniorum gloriam, argento, Persarum maiestatem, ære, Græcorum potentatum, ferro, Romanorum robur expressit: nihil dubitamus adfirmare, Hunnos, symbolis istis indigitare voluisse, Attilam, non Romanorum solum imperii, verum reliquorum etiam, quæ ante eos, florebant regnorum, gloriam, maiestatem, potentatum, roburque, si non superauisse, saltem æquauisse. RANZANVS Ind. V.

*b*) *Arma hostium cadibus acquisita*, apud IORNANDEM & SIGONIVM nominantur, scilicet: gladii, conti, hastæ, scuta, clypei, parmæ, galeæ, cassides, pilæ, lorica, arcus, iaculæ, aliaque armorum genera, quibus partim Romani, partim ceteri populi dimicare solabant. Hunni namque eominus ferro, & laqueis; eminus, hastis, sagitta, sine galea sine lorica, sine scuto, conflegebant. quod ex MARCELLINO, in Prod. Hung. Lib. II. Sect. I. Cap. I. §. 19. obseruatum est.

*i*) Equorum, inter dona manibus Attilæ destinata, nullam mentionem facit IORNANDES. Scytharum nihilominus ritu, equos cum regibus inhumatos fuisse, HERODOTVS Lib. IV. f. 244. tradit.

*k*) Phaleras scribunt CIC. Verr III. 80. Liuius XXII. 52. alique, non faleras. SVIDÆ sunt frontis ornamenta, scutula, id quo frons equorum ornatur. SERVIO ad Virg. Æneid. VII. 278. monilia, seu *prapendentia a collo equorum ornamenta*. quæ tamen GELLIVS V. 5. a monilibus distinguit: *Inducebat equitatum frenis ephippiis, monilibus, phaleris præfulgentem.*

*l*) Diuersi generis insignia, quibus colitur aulicum decus IORNANDES nuncupat. Quod PRICVS de Legat. p. 127. hunc in modum exprimit: *Conuiuia aurea & argentea pocula, quibus bibebant suppeditabantur Attila poculum erat ligneum. Frugalis admodum illius vestis, nihil quo ab aliorum vestibus dignosci posset habebat; nisi quod pura & inpermixta. Neque eius ensis erat, aliqua illustri elegantia conspicuus, neque calceorum barbarorum ligamina, neque eius equi fræna, vt reliquorum, Scytharum, auro aut lapidibus, & aliis huiusmodi pretiosis gemmis erant ornata.* Hinc vero est cognoscere, quisnam, Attilæ Scytharumque ornatus fuerit. Tametsi enim MARCELLINVS tradat, Hunnos, dum ex Scythia demigrauissent; *lintheis*, vel *pellibus & obsoleti coloris tunica* conuestitos fuisse: ditati tamen, per tot tantasque victorias Romanorum aliorumque gentium spoliis, vsque ad luxum, decursu temporis, & amictu, armisque & phaleris, cimeliisque, comiti fuere. Præterquam enim, quod



*m*) producentes, *n*) noctem totam crapulis, ebrietatibus, ac dissolutionibus expenderunt.

## CAPVT

quod vestes, arma, frena, ephippia phaleræque, auro, argento, gemmis, & lapidibus pretiosis, refulserant, armillæ etiam, annuli, torques, phialæ, monilia, aurum item & argentum cælatum, Romanorum exemplo, passim inter Hunnorum proceres, in usu erat. Quæ singula, quæ & quantæ Hunnorum opes sint, quæue cum Attila contumelatae fuerint, euidenter indicant. Ceterum, hæc omnia, aliaque, quæ enumerauimus, dona fuisse demortui manibus sacra, quæ ad officium, quod mortuis debetur, pertinere existimabantur, alibi indicauimus. Duplicis ea apud Scythas sunt ordinis: exuuiæ, inquam, diuersæ, & homines. Postquam enim mortuum, in loculo posuerunt: in reliqua loculi spaciositate, aliquam eius pellacum strangulatam sepeliunt, & eum, qui vina miscebat, & cocum, & equi agasonem, & ministrum, & qui erat a nunciis, nec non equos, & aliarum rerum omnium primitias, quin etiam phialas aureas. HERODOTVS Lib. IV. f. 244. Quorum consuetudinem imitati Hunni, Attilæ loculo, addunt arma hostium cadibus acquisita, phaleras vario gemmarum fulgore pretiosas, & diuersi generis insignia, quibus colitur aulicum decus. Et, ut tot & tantis diuitiis, humana curiositas arceretur; operi deputatos detestabili mercede trucidarunt. IORNANDES de Reb. Get. Cap. XLIX. Hoc itaque modo Hunni regum manibus iusta perficiebant, iisque, non hostium solum exuuiis, verum humano etiam sanguine litabant. BONFINVS. Dec. I. Lib. VII. fol. m. 23. sicuti Æneas apud VIRGILIUM Æneid. Lib. X. v. 518. sequi. Pallantis memoriæ, captiuum immolauerat sanguinem.

*Quatuor hic iuuenes, totidem quos educat Vfers,  
Viuentes rapit, inferias quas immolet imbris,  
Captiuoque regi profundat sanguine flammæ.*

Cognoscitur hinc, sepulturam, speciem cultus fuisse diuini, quem Scythæ, transacto anno repetebant, virosque ex administris quinquaginta, cum equis totidem, ad tumulum regis demortui, denuo litabant, HEROD. l. c. conf. n. c. Ceterum, destinata inferis dona, spolia fuere Hunnorum hostibus detracta. Romani namque, milites, torquibus aureis vel argenteis, armillis, coronis, phaleris, atque monilibus donauere. PLIN. XXXVIII. 2. TACIT. Annal. XI. 9. 4. GELLIVS V. 6. quæ singula, sicut & alia virorum feminarumque ornamenta, in prædam Attilæ cessere, eorumque pars maxima, cum armis hostium, eidem, cum Attila, sepulcro iniecta est.

*m*) Antequam hostium exuuiæ, ceteraque cimelia, in tumulum inferebantur: Hunnorum consuetudine, in acruum congesta, in modum pyræ struebantur. Qualem acruum, LACTANTIUS l. c. Strabam, lingua barbarorum adpellat, eumque, STATIVS Thebaid. Lib. XII. venuste describit.

*Sic bellicus ager.*

*Curribus & clypeis Graiorumque omnibus armis,  
Sternitur. Hostes super ipse ut victor acruos,  
Pacifera lauro, crimen vittisque decorus,  
Accubat.*

*n*) Nocturnam in exsequiis commessandi consuetudinem, perducti ad Christum Hungari, in laudes DEI, & piam mortalitatis recordationem conuerterunt. Abluto namque, & sepulchrali amictu ornato cadauere, coacti in ædes demortui hymnistæ, carmen funestum, quod Christianorum pietate, in recordationem mortis transfusum est, noctu & interdiu, voce modulantur lugubri, cognatis vicinisque, qui impositum funereo pegmati corpus, circumstant, inter singultus & suspiria, collacrymantibus. Ne vero præficines, luctu cantuue continuo, prorsus contabescant: identidem, designator funeris, adpositis triclinio dapibus, plenis prælibat vinum cantharis. Tum vero,

*Pars epulis onerant mensas & plena reponunt,  
Pocula Pancheis adulescunt ignibus aræ.*

Decad. I. Monument. III.

Q9

VIR.



**E**A nocte, qua Attila mortuus est, vt dicunt *a)* Iordanis & Priscus, historici, Martianus Imperator, dum in Constantinopolitana degens ciuitate, Romanum gubernaret Imperium, *b)* in somniis vidit arcum Attilæ fractum. Vnde, (quod mirum dictu est) *c)* mane, dum surrexisset, ab aulicis, incerto auctore, cognouit: Attilam rebus humanis exemptum: quo post multos dies clarius probato, *d)* vota, omnium consensu, DEO reddita sunt.

VIRGIL. Georgic. Lib. IV. v. 378. subinde, ne, cantu & singultibus defessi modulatores, prorsus, in tristi noctis silentio obmutescant: vel pericope quædam, ex codice sacro, aliisque libellis moralibus, lectitatur; vel de rebus seriis differitur; vel ænigmatibus concertatur. Hæc in ciuium funeribus. Alia est in illustrium virorum feminarumque exequiis ratio. quod in Comitatu Neogradensi l. c. obseruauimus.

*a)* IORNANDES de Reb. Get. Cap. XLIX. De quo id accessit mirabile, vt Martino principi orientis, de tam feroci hoste sollicito, in somniis diuinitus adsistens, arcum Attila in eadem nocte fractum ostenderet, quasi quod gens ipsa, eo telo multa præsumat. Hoc Priscus historicus vera se dicit adtestatione probare. Ex Prisco & Iornande, rem hanc depromere, PAVLLVS DIACONVS Lib. XV. SIGEBERTVS in Chron. ad an. 455. OTTO Frising. Lib. IV. Cap. XXVIII. THVROTZIUS Chron. P. I. Cap. XXII. BONFINIVS Dec. I. Lib. VII. alique plures.

*b)* Plura obitus Attilæ præfagia recensentur, apud CALLIMACHVM, & OLIVM in Attila Cap. XVI. Plurima mortem eius prodigia præsignauere. Nuptiali eius die, equus, quo in praliis, & optimo & sibi fidissimo utebatur, nullo signo præcedentis morbi apparente, subito est mortuus. Mycoltha etiam sponsa, ingressura cubiculum, tam fortiter pedem dextrum limini impegit: vt ex dolore nimio, aliquamdiu desidere fuerit coacta, auditaque est adnotante Callimacho, eius vox dicentis, si tempus est veniam. Cometes ante eius mortem, viginti circiter noctibus, ad ortum solis vnum visus. Ad hoc traditur, quædam mulier fanatica, equo inuecta, Attila redeunti ex Italia, in Pannoniam, sub traiectum Lyci amnis, inter Rhetos & Vindelicos defluentis, ter frementi voce acclamauisse: Retro Attila: Hæc vero vana, atque ex ethnicorum superstitione profecta, videntur esse præfagia, qualia SVETONIUS in Cæsaribus, passim, pro more superstiosæ gentis Romanæ, connotauit. Eadem est, & præfagientium somniorum, quæ a diuinis probe distingui debent, ratio. Ea enim, quum sint euentuum picturæ: multa sunt in hoc genere, magis scite de euentis coniecta, quam vere significata, multa anticipia, incerta, dubia, pleraque, prorsus fallæ & detestanda. PEVCERVS Comment. de Præcipuis generibus Diuinat. Cap. X. Hinc OVIDIVS

*Somnia fallaci ludunt temeraria nocte,*

*Et pauidas mentes, vana timere iubent.*

Si qua PRISCO Rhetori, ex quo Iornandes sua accepit, fides habenda est: somnium Martiani de obitu Attilæ, præfagiens magis, quam diuinum fuisse colligitur. Eo enim, non minus mors, quam clades Attilæ, per coniecturam significatur: nisi rationibus certis educere velis, mortem Attilæ, iussu Numinis, fuisse, non per imaginem solum prædictam, verum in regia etiam, primo diluculo, a cœlesti genio pronunciatam. quod tamen, Græcorum commentis, quæ Byzantinis scriptoribus cumprimis sunt familiaria, quodammodo adfingenda esse existimaui. Nihil itaque moramur PAVLLVM DIACONVM, qui Lib. XV. Dominum, in somniis Marciano apparuisse, eique fractum Attilæ arcum, ostendisse, incerta tradit relatione.

*c)* Nihil hac de re apud IORNANDEM. Quodsi tamen rumor quispiam, de morte Attilæ, primo diluculo, Constantinopoli percrebuit: ex somnio ille Marciani imp. per incertam præfagientium coniecturam, promanauit.

*d)* IORNANDES de Reb. Get. Cap. XLIX. Nam in tantum magnis imperiis, Attila, terribilis habitus est: vt eius mortem, in locum muneris, superna regnantibus indicarent.

*e)* De



sunt. Vixit autem Attila e) annos LVI. vt plerique historico-  
rum,

e) De ætate Attilæ, haud leuis inter Chronographos lis intercedit. Annales Hungarorum, eum, annos centum & viginti quatuor vixisse, quatuor autem & quadraginta, rebus Hunnorum præfuisse, perhibent. Ita THVRÓTZIUS Chron. P. I. Cap. 22. BONFINIUS Dec. I. Lib. VII. SABELLICUS contra ea, cum CALLIMACHO & CALANO, non nisi ad *seximum supra quinquagesimum annum*, vitam eius protrahit. quam sententiam BVCHOLTZERVS etiam, alique sequuntur. Litem hanc componere, reiectæque Sabellici sententia, veritatem annalium, quodammodo adstruere contendit, OLAVVS in Attila, Cap. XVI. At vero, quam incertum & dubium, supputationis posuerit fundamentum: non potest non, quam inde eduxit, annorum series, dissoluto nexu concidere. Nos, difficultati huic, ex Hunnorum Attilæque gestis, quodammodo occurremus, eaque, ex quibus, vera Attilæ annos supputandi ratio colligitur, præmittimus. De primo Hunnorum ex Scythia Asiatica exitu, nihil superest dubietatis. Accidit ille, Gratiano, Valente, & Valentiniano II. imperantibus. IORNANDES, de Regn. Successione in Grat. p. m. 118. adeoque, non ante annum 373, vti hoc SCHÖNLEBENS Annal. Carniol. P. III. ad an. 374. sequ. colligit. quod, & SETHVS CALVISIVS in Chronolog. ad an. 374. ex Ammiano Marcellino concludit: quidquid tandem, de Hunnorum, ante Valentem imperatorem, in Pannonia inferiore sedibus, INCHOFFERVS Appar. f. 5. sentiat. Præerat hoc tempore, rebus Hunnicis, BALAMIRVS, & post eum, MUNDZVCCVS, pater Attilæ. IORNANDES de Reb. Get. Cap. XXIV. XXXV. quos, OCTAREM & ROVAM fratres, excepisse, adeoque quatuor hos principes, annos 55, regno Hunnorum in Europa præfuisse, certum est. ATTILA namque, ante annum 429. Hunnorum imperium, nondum tenebat. quod ex PRISCO Rhetore de Legat. p. 80. 81. luculenter demonstratur. Romanis vero, inquit ille, *consilium de mittendis ad Hunnos legatis capientibus*, Plinthus & Dionysius, hic ex Thracia, ille ex Scythia oriundus, ambo exercituum duces, & qui consulatus dignitatem apud Romanos gesserant, hanc legationem obire voluerunt. Quod si itaque Plinthus & Dionysius, susceptam ad Hunnos legationem, post peractum consulatus munus obire: ante annum 429, id muneris suscipere haud poterant. Plinthus namque A. C. 419. Dionysius 429, consulatus dignitate ornati, claruerunt. vid. PETAVII Ration. Temp. T. III. p. 501. 502. ed. Venet. 1733. 8. Atqui, his ad Hunnos, vti munus legationis obeant, contendentibus, Attila, Rouæ mortuo, teste PRISCO l. c. adeoque an. 429. vel 430, in regno Hunnico successerat. quod etiam ex bello Burgundico, anno 428, obseruante SIGONIO, gesto, euidenter cognoscitur. Eo-tum namque, occiso Suphtare rege, solus Rouas, vsque ad annum 429. vel 430. imperauit, mortuoque, Attila, PRISCVS de Legat. p. 81. cum Bleda fratre, IORNANDES de Reb. Get. Cap. XXXV. successit. conf. ad Cap. V. n. a. b. Cognito, imperii Attiliani principio, videndum iam, quonam ille anno fatis functus est. Nihil moramur, vel Hungarorum annales, qui Attilæ obitum, ad an. 445. referunt; vel Græcorum Latinorumque Chronographos, quorum nonnulli, vt NICEPHOR. Hist. Eccles. Lib. XIV. f. 954. ed. Francos. eum, in prælio Catalaunico; alii, vt HERMANNVS CONTRACT, anno 452; alii, vt SIGEB. GEMBLACENSIS, ceterique, anno 455. mortuum fuisse perhibent. Optime, Attilæ rebus præclare gestis, horum congruit sententia, qui eum, anno a salute mundi 454, decessisse tradunt. Ita, Comes MARCELLINVS Chron. ad Ætii & Studii consulatum, hoc est ad an. 454, & SIGONIUS de Occid. Imp. Lib. XIII. ad an. cit. Namque anno 450. & 451, Germaniam atque Galliam, anno 452, Aquileiam & Italiam, inuaserat. conf. ad Cap. XV. not. a. Hinc iam prouum est colligere, Attilam, qui anno 429. imperare cepit, & anno 454. decessit, non quatuor & quadraginta, vti Hungarorum Historici adnotarunt, verum quinque & viginti annos, in populo Hunnico regnauisse. Quod si vero Attila, nonnisi annos quinque & viginti, sicuti euidenter demonstratum est, rebus Hunnorum præfuit: quis credet tantum heroem, maiestatem suam, vsque ad annum ætatis nonagesimum nonum, occultare potuisse, relictumque a Mundzucco patre regnum, Octari atque Rouæ patris, cessurum fuisse. Quod, quia post mortem patris, accipere nequiverat: vicenario inferiorem eum fuisse, & dum ad clauum imperii sedere occeperat, annum quadagesimum superauisse, existimauerim. Comprobat id, apud PRISCVM de Legat.



154 *Iuueni Coelii Calani Dalmatæ Attila, Caput XXVI.*

rum, in litteras retulerunt. Ea *f*) die, qua Iulius Cæsar, qui primus Romanorum singulare arripuit imperium, natus est, & ea *g*) nocte, fluxu sanguinis interemtus, qua mensis die, idem Cæsar, in senatu, acceptis vulneribus, confossus interiit.

131. non solum *Oerbarsius* Attilæ patruus, quem adultus iam, *patris loco*, ducebat, verum filii etiam annis florentes, quorum ætas integra, in patre, si non *sextum*, supra *quingagesimum*, certe annum *septuagesimum* indicasse videtur. Nihil iam de Attilæ robore, viribus, corpore vegeto, vsuque veneris, proferam, quæ singula, anno supra *centesimum quarto & vigesimo*, vix ac ne vix quidem conueniunt: quocunque demum modo ea, *OLAHVS* in Attila Cap. XVI. *ROHR.* in Attila 5. 48. regum septentrionalium exemplis, adstruere, vitamque Attilæ, incerta supputatione, ad annum centesimum quartum & vigesimum, prorogare adlaborent. Neque vero sententiæ nostræ obstat, Attilam, teste *PRISCO*, *canis adpersum fuisse*. Festinata etenim hæc senectutis insignia, sæpenumero in iuuenes incidisse, Numæ, Traiani, aliorumque historiæ testantur. His de causis, res est clarissima, Attilam, annos *quinque & viginti*, *quingagenario* tamen *maiorem*, at, *octogenario inferiore*, imperauisse, atque adeo, non in Asiatica, verum in Europæa Scythia, seu Dacia, in Engadi, regnante inter Hunnos, Mundzucco patre, natum fuisse, & ingrauescente quidem, non tamen præcipitata ætate, obiisse. Ceterum, qui ætatem Attilæ, sex & quinquaginta annis metiuntur, Iulii Cæsaris inducti exemplo, id faciunt, quem anno hoc periisse, *SVETON.* in Cæs. cap. 87. reliquit. Quod si euinci posset: Attilam, sicuti Cæsarem, anno occidisse climacterico, nullum superesset dubium; annus enim *sextus & quingagesimus*, inter *climactericos* est, qui vitæ mortalium periculosi esse produntur. Hunc namque octo hebdomades conficiunt, & septem octies multiplicata, componunt. *CIC.* de Repub. VI. *PITISCVS* ad *SVET.* Cæs. Cap. 88. n. 1.

*f*) Iulius Cæsar natus fuit a. d. IV. Idus Quintiles, hoc est d. 12. mensis Iulii, auctore *MACROB.* Sat. I. 12. C. Mario VI. & L. Valerio Flacco Coss. siue, anno ab. V. C. 653. v. *PIGH.* Ann. Rom. III. p. 200. Incertum vero est, Attilam, eodem die in lucem editum fuisse, quod *OLAHVS* l. c. ex aliorum refert traditione: quum ne annus quidem natiuitatis eius, tanto minus dies, deficientibus Hunnorum fastis, cognitus esse possit.

*g*) Idibus Martiis, Iulium Cæsarem, a coniuratis, tribus & viginti plagis confossus, in curia occidisse, *SVETONIVS* in Cæs. Cap. 80. sequi reliquit. Quo die, quoniam *Annae Perennæ* festum erat, in quo Romani, largioribus poculis indulgebant, & pro cyathorum numero, annos mutuos sibi precabantur: *PITISCVS* in *Suet.* Cæs. Cap. 80. n. 37. facile rerum Hunnicarum scriptores, dum Attilam cum Iulio Cæsare comparare contenderant, eumque post coenam nuptialem extinctum obseruarant, in eam, læti funestique simul temporis similitudine, inducti sunt opinionem: vti Attilam, non solum eodem die, quo Cæsarem, & natum & mortuum fuisse, verum, producta ad annum sextum & quingagesimum, ætate firmata, pari etiam mortis genere interiisse, adfirmare nulli dubitauerint. Hæc itaque est causa, quare *CALANVS*, Attilam anno ætatis sexto & quingagesimo obiisse, ceteri vero, ex vulnere, vel in prælio, vti *NICEPHORVS*, vel in thalamo, sicuti *MARCELLINVS*, occubuisse existiment: quoniam Iulius Cæsar, hac quoque ætate, tribus & viginti plagis enecatus, periit. *SVETON.* in Cæs. cap. 87: quamuis

*P. MANVTIVS* non hoc, sed septimo & quingagesimo ætatis anno, eum periisse, contendat. Hæc de Attila.

F I N I S.

SYLLA.



SYLLABVS  
VARIARVM LECTIONVM

ex Cod. MS. Rebdörffensi, ed. Veneta & Canisii, in vitam ATTILÆ  
IUVENCI COELII CALANI DALMATÆ.

MS Rebd. Manuscriptum Rebdörffense.  
Ven. Codex Venetus.  
Can. Canisiana editio.  
p. pagina.  
l. linea.

TITVLVS.

p. 89. l. 1. *Iuenci* cet. MS REBD. Attilæ vi-  
ta per Iuencum Celium Calanum Dal-  
matam edita. VEN. Historia de Attila  
Hunorum rege incipit feliciter. CAN.

CAP. I.

p. 89. l. 5. *Hunni* MS REBD. Hunnique te  
Auares. VEN.  
ibid. *Hungari*. MS REBD. Vngari. CAN.  
p. 90. l. 2. *Chronographorum*. MS REBD. Cos-  
mographorum. VEN.  
l. 3. *Alexandro* MS REBD. Alexandro Phi-  
lippi. VEN.  
ibid. *artissimos*. MS REBD. arctissimos. VEN.  
p. 91. l. 2. *inhabitant Hunni*. MS REBD. In-  
habitant primo Hunni. VEN. CAN.  
l. 5. *quod sic*. MS REBD. quod & sic indi-  
tum. VEN. CAN.

CAP. II.

p. 92. l. 2. *His reges*. MS REBD. Horum re-  
ges. VEN. CAN.  
l. 3. *Mandluchus*. MS REBD. CAN. Madlu-  
chus VEN.

CAP. III.

p. 93. l. 3. *Madulchus* MS REBD. Madluchus.  
VEN. CAN.  
p. 94. l. 3. *Attilam*. MS REBD. CAN. & At-  
tilam. VEN.  
l. 4. *cum regno, in portione*. MS REBD. CAN.  
cum regni portione. VEN.  
p. 95. l. 3. *adoptionis iure filios* quandoque  
imperatorum Romanorum more consti-  
tuit. MS REBD. adoptionis filios princi-  
pum quandoque Romanorum more con-  
stituit. VEN. adoptionis iure filios, quan-  
doque principum Romanorum more con-  
stituit. CAN.

CAP. IV.

p. 95. l. 1. *Post Subthar rex*. MS REBD. Post  
quæ Subthar rex. VEN. CAN.  
p. 96. l. 2. *omnemque* MS REBD. eamque.  
VEN. CAN.  
ibid. *rapinis* MS REBD. CAN. rapinis & cæ-  
dibus. VEN.

p. 96. l. 5. & *subsequenter*. MS REBD. CAN.  
subsequenter. VEN.

p. 97. l. 2. 3. *periculis*. MS REBD. exitiorum  
periculis. VEN. CAN.

l. 6. *efferrata rabie absumeret*. MS REBD. ef-  
frenata rabie ductus absumeret. VEN. CAN.

l. 10. *Deo adiutore*. MS REBD. CAN. De o  
adiuuante. VEN.

ibid. *absumeret*. MS. Quæ defunt, supplen-  
da sunt ex VEN. & CAN. ed. Capta cir-  
citer tria millia fuerunt, reliqui salutem  
fuga quæsiuerunt. Inter cæsos, & ipse  
Subthar tribus confossus vulneribus re-  
pertus est. vbi VEN. Cod. pro confossus  
confessus habet.

CAP. V.

p. 100. l. 1. *nunc una, deinde altera*. MS  
REBD. CAN. scilicet expeditione. nunc  
vnam deinde alteram. VEN.

p. 101. l. 3. *Aurelianum*. MS REBD. CAN.  
Aureliacarium. VEN.

p. 103. l. 4. *secum duxerant*. MS REBD. CAN.  
secum duxerat. VEN.

CAP. VI.

p. 103. l. 1. *inserendum est*. MS REBD. CAN.  
inserendum esse. VEN.

p. 104. l. 1. *huius nominis*. MS REBD. VEN.  
huius nomine. CAN.

l. 2. *Galliæ Placidæ*. MS REBD. CAN. Galliæ  
Placidæ. VEN.

l. 3. *Arcadii* MS REBD. VEN. Archadii. CAN.

l. 4. *Eudoxia* MS REBD. CAN. Eudofia. VEN.

l. 4. *Thrasimundi*. MS REBD. CAN. Thrasemun-  
di. VEN.

CAP. VII.

l. 1. *Etius ergo*. MS REBD. Etius igitur. VEN.  
Ecus igitur. CAN.

p. 105. l. 1. *solus nouerat*. MS REBD. solus  
præcipue nouerat. VEN. CAN.

l. 3. *Gothorum*. Deest regum, alter, qui cum  
Etio, aduersus Attilam, bellum gessit in  
Galliis. Eum IORNANDES de Reb. Get.  
Cap. 36. Sangibanum, GREGOR. Turon.  
Lib. II. Cap. 7. alique rerum Francica-  
rum scriptores, Meroueam adpellant.  
Hoc itaque modo, locus hic supplendus  
est: Sangibanum Alanorum, & Meroueam  
Francorum principes.

R r

Ibid.



*ibid. ex precedentibus.* MS REBD. & præcedentibus. VEN. ex præcedenibus. CAN.

l. 4. *conflictibus.* MS REBD. VEN. conflictib. CAN.

l. 5. *sibi adsumsit.* Deest nomen ducis bellici.

l. 7. *Walamir.* MS REBD. Walamer. VEN. Walamar. CAN.

p. 106. l. 1. *Theodorici.* MS REBD. CAN. Theodonti. VEN.

*ibid. tum in Gothorum regionibus.* MS REBD. tunc etiam in Gothorum regionibus. VEN. tunc & in Gothorum regionibus. CAN.

## CAP. VIII.

l. 1. *victorum.* MS REBD. CAN. virosum. VEN.

l. 3. *tunc etiam.* MS REBD. CAN. nunc etiam. VEN.

p. 108. c. 2. *occubuit.* MS REBD. VEN. accubuit. CAN.

## CAP. IX.

p. 109. l. 1. *magno exercituum viro, gladiis interemto.* MS. REBD. CAN. magno ex exercitium viro gladiis interempturo. VEN.

l. 3. 4. *suspiciabatur.* MS REBD. CAN. suspicabantur. VEN.

p. 110. l. 3. *factum est.* MS REBD. suatum est. VEN. CAN.

l. 4. *dum hic inde.* MS REBD. dum hinc inde. VEN. CAN.

l. 8. *ex castris proripuit.* Scilicet, se.

l. 9. *Sellis.* MS REBD. CAN. sellulis. VEN.

p. 111. l. 3. *conspetusque ab omnibus, & suis terga cedentibus.* MS REBD. CAN. conspectusque à suis terga cedentibus. VEN.

l. 7. *novis ducibus.* MS REBD. vobis ducibus. VEN. nobis ducibus. CAN.

*ibid. me duce pugnate, nihil est, quod me duce pugnantes vos terreat.* MS REBD. CAN. me duce pugnante, nihil est, quod me duce pugnante, vos terreat. VEN.

l. 8. 9. *victores estis.* MS REBD. victores estis, solum velitis, immo & si non vultis, victores estis. VEN. CAN.

l. 9. *terga ostendite.* MS REBD. terga vestra ostendite. VEN. CAN.

l. 10. *quisquis vultus hostibus visendos præbere sciet.* MS REBD. Quisquis vultus hostibus visendos præbere sciet. VEN. Quisquis vultus hostibus visendis præbere sciet. CAN.

l. 11. *Tum Hunni* MS REBD. tunc Hunni. VEN. CAN.

## CAP. X.

p. 112. l. 2. *nulloque casu, corrumpi videntur.* MS REBD. nullo quoque casu videntur. VEN. nulloque casu viderentur. CAN.

l. 6. *contigisset.* MS REBD. CAN. accidisset. VEN.

l. 10. *in summo aggeris conspiciens.* MS REBD. supple ex ed. VEN. & CAN. Hunnorum gentem pene victam esse comperiens.

l. 11. *ratus tenuit.* MS REBD. VEN. CAN. lege, admiratus timuit. conf. ad Cap. X. not. d.

p. 113. l. 4. *inter Walamir & Theodomir Theodorici filios.* MS REBD. inter Vualamer & Theodomir fratres, Theodoricque filios. VEN. CAN.

l. 6. *discessum est.* MS REBD. supple ex VEN. & CAN. & in dies cum Attila pacificatum.

l. 7. *qui sibi superiores erant.* MS REBD. CAN. qui & ibi superiores erant. VEN.

l. 9. *Huius ergo in dies, pace & fœdere habitis.* MS REBD. CAN. Huiusmodi ergo indies pace ac fœde habitis. VEN.

## CAP. XI.

p. 114. l. 1. *post hoc spacio interiecto.* MS REBD. CAN. post hæc spatio interiecto. VEN.

p. 115. l. 2. 3. *quo eum continuo interimerent.* MS REBD. supple: eo quod quædam recusauerat, quæ Attila fieri absolute mandauerat. VEN. eo quod recusauerit. CAN.

l. 3. *in historiographis.* MS REBD. CAN. inter historiographos. VEN.

## CAP. XII.

p. 115. l. 1. *reliquarumque finitimarum gentium.* MS REBD. VEN. reliquarum finitimarumque gentium. CAN.

p. 116. l. 1. *Nigorum.* MS REBD. CAN. Rugorum. VEN. Nos not. d. ad Cap. XII. Niconiorum, legimus.

*ibid. Curalorum.* MS REBD. CAN. Curulorum. VEN.

*ibid. Arorum.* MS REBD. VEN. CAN. Nos Aroterum legendum censuimus. not. f. ad Cap. XII.

p. 116. l. 3. *quibuscunque etiam incognitis facillime cognosceretur.* MS REBD. CAN. quibusque etiam incognitis facillime nosceretur. VEN.

l. 117. l. 4. *hispidis crinibus.* MS REBD. CAN. crinibus, omisit. VEN.

l. 5. *canina dicerentur.* Vocem hanc, non de crinibus, verum de labiis pendentibus, explicuit BARTHIVS conf. not. 5. ad Cap. cit.

p. 118. l. 1. *simius naso.* MS REBD. simus naso. CAN. IORNAND.

l. 2. *moribus ferus.* MS REBD. CAN. moribus ferreus. VEN.

l. 3. *lineamenta.* MS REBD. CAN. illiniamenta. VEN. & αὐτόγραφοι. MS REBD.

p. 119.



p. 119. l. 1. *latis tamen labiis*. MS REBD. CAN. *latis cum labiis*. VEN.

## CAP. XIII.

p. 119. l. 1. *idem historicus*. MS REBD. *idem Priscus historicus*. VEN. CAN.

l. 3. *collectoque*. MS REBD. VEN. *collocatoque*. CAN.

l. 4. *immenso adparatu*. MS REBD. *innumero exercitu apparatu*. VEN. *innumero apparatu*. CAN.

p. 121. l. 2. *magna parte domita*. MS REBD. CAN. *magna parte perdomita*. VEN.

l. 3. *ad partes Italiae festinus conscendit*. MS REBD. VEN. *vel partes Italiae festinus conscendit*. CAN.

p. 122. l. 1. *sitam in littore maris*. MS REBD. CAN. *sitam in lingua maris*. VEN.

l. 3. & *ut eam*. MS REBD. CAN. *ut eam*. VEN.

## CAP. XIV.

p. 122. l. 2. *Valentiniano & Theodosio*. MS REBD. *Valentiniano Theodosioque*. VEN. CAN.

l. 3. *quantis fieri potuerit*. MS REBD. *quantis fieri poterat*. VEN. *quantis fieri potuit*. CAN.

p. 123. *per suos legatos alloquutus*. MS REBD. *allocutus*. VEN. *alloquitur*. CAN.

l. 4. *eas ciuitates facturas*. MS REBD. VEN. CAN. *emendandus est locus: eas ciuitates futuras. vel, ea se ciuitati facturum*. conf. not. d. ad Cap. XIV.

*ibid. quæ ipsa Roma fecisset*. MS REBD. *quæ ipsa Roma subisset*. VEN. *quæ ipsa Roma fuisset*. CAN.

l. 5. *Helinando Antistite & Araico tempesta*. MS REBD. CAN. *Heluiando antistite & Atturco tempesta*. VEN.

l. 6. *item Verona*. MS REBD. CAN. *deest in ed.* VEN.

p. 124. l. 1. *Oppitergium, sed & Cenetense*. MS REBD. CAN. *Opitergiumque & Cenetense*. VEN.

l. 4. *ad Aquilegiam*. MS REBD. *apud Aquilegiam*. VEN. CAN.

## CAP. XV.

p. 124. l. 1. *ciuitatem Aquilegiam*. MS REBD. CAN. *ciuitatem Aquilegiam ciuitatem*. VEN.

p. 125. l. 3. *deliberare cepisset*. MS REBD. CAN. *cepisse*. VEN.

l. 4. *an tolleret*. MS REBD. CAN. *vel tolleret*. VEN.

l. 6. *circumirent*. MS REBD. *circuiret*. VEN. *circuirent*. CAN.

*ibid. in altis vrbis turribus*. MS REBD. VEN. *in altias vrbis turribus*. CAN.

p. 126. l. 6. *respicere casuras arces*. MS REBD. CAN. *respicite casuras sine arces*. VEN.

l. 7. *instat enim exitium*. MS REBD. CAN. *eius exitium*. VEN.

*ibid. nec expugnatio differenda est*. MS REBD. CAN. *nec expugnando differenda est*. VEN.

l. 9. *recitatisque his*. MS REBD. CAN. *recitatis his*. VEN.

*ibid. omine fausto*. MS REBD. CAN. *hoie fausto*. VEN.

p. 127. l. 2. *Hunni inuadentes*. MS REBD. CAN. *humi inuadentes*. VEN.

*ibid. omnia quæ reperta*. MS REBD. CAN. *omnia quæ repererunt*. VEN.

l. 3. *flammisque cuncta subiecere*. MS REBD. CAN. *flammis subiecere*. VEN.

l. 5. *casa eo conflictu*. MS REBD. CAN. *conflictu*. VEN.

*ibid. cuiusque etiam ætatis*. MS REBD. *utriusque sexus cuiusque etiam ætatis*. VEN. *cuiusque etiam ætatis*. CAN.

## CAP. XVI.

p. 128. l. 3. *Pergamum*. MS REBD. CAN. *Bergamum*. VEN.

l. 6. *denique Tusciam*. MS REBD. CAN. *deinde Thusciam*. VEN.

## CAP. XVII.

p. 129. l. 3. 4. *eius potentia stomachati*. MS REBD. CAN. *cuius potentia stomachati*. VEN.

l. 5. *depopulata vrbe*. MS REBD. CAN. *spoliata vrbe*. VEN.

l. 7. *quasi urbem Romanam ingredienti*. MS REBD. CAN. *quasi sibi urbem Romanam ingridienti*. VEN.

## CAP. XVIII.

p. 131. l. 5. *Quod se facturum, rex*. MS REBD. CAN. *quod rex se facturum*. VEN.

## CAP. XIX.

p. 132. l. 1. *in litteras*. MS REBD. CAN. *in litteris*. VEN.

l. 7. *admirati milites vidisse*. MS REBD. CAN. *admirati milites*. VEN.

l. 8. *præsto essent*. MS REBD. VEN. *præsto esse*. CAN.

l. 11. *prauisum*. MS REBD. CAN. *prouisum*. VEN.

## CAP. XX.

p. 133. l. 2. *sub imperio*. MS REBD. CAN. *sub dominio*. VEN.

l. 3. *fratris autem Walamer*. MS REBD. VEN. *fratris: at Walamer*. CAN.

l. 3. *Theodorito eorum fratre*. MS REBD. CAN. *Theodorico fratre*. VEN.

l. 7. *pace in dies*. MS REBD. CAN. VEN. *Hiatum hunc, ad Cap. cit. n. 9. hoc modo expleuimus: pacate in dies multos.*



l. 10. *Walamer*. MS REBD. CAN. Vullames. VEN.

*ibid.* qui post *Ravenna*. MS REBD. CAN. qui postmodum *Rauennæ*. VEN.

## CAP. XXI.

p. 34. l. 7. *ubi paulo ante Etius*. MS REBD. *ubi paulo ante, prius, Etius patricius*. VEN. *ubi paulo ante Etius patricius*. CAN.

l. 10. *Hunnorum graui persecutione exercitum depopulans*. MS REBD. *Hunnos graui persecutione exercitum depopulans*. VEN. *Hunnorum graui persecutione depopulans*. CAN.

l. 13. *ut antea orbi terrarum terror inuisus*. MS REBD. CAN. & *ante orbi terrarum terror immensus*. VEN.

l. 14. *quarit abiicere*. MS REBD. VEN. *quærit obiicere*. CAN.

l. 15. *ob quondam Etio*. MS REBD. *ab quondam Etio*. VEN. *ab quondam Etio*. CAN.

l. 17. *in Pannonias*. MS REBD. & CAN. *referunt ad verba præcedentia: nam inde recessit in Pannonias*. VENET. *edit. ad. sequentia, In Pannonias itaque reuersus*.

## CAP. XXII.

p. 135. l. 2. *tali morbo*. MS REBD. *tali morte*. VEN. CAN.

p. 136. l. 2. *gentium aulicarum*. MS REBD. CAN. *gentium militarium*. VEN.

l. 6. *intraisset*. MS REBD. *intrauisset*. VEN. CAN.

p. 137. l. 1. *lassitudine, quantam nunquam antea contraxerat*. MS REBD. *lassitudine & ebrietate, quantam nunquam antea contraxerat*. VEN. *lassitudine & ebrietate, quantum nunquam ante contraxerat*. CAN.

l. 2. *ut sic pressis*. MS REBD. CAN. & *ut sic pressis*. VEN.

l. 3. *super cubiculum*. forte, *super cubile*.

l. 4. *oppressus accubuit*. MS REBD. *depressus accubuit*. VEN. CAN.

l. 6. *copiosius*. MS REBD. CAN. *corpus suis*. VEN.

l. 6. 7. *non sui iam compote corpore, obstruso vitali spiritu*. MS REBD. CAN. *non sui iam corporis obstruxo vitali spiritu*. VEN.

p. 138. l. 1. *Hunnorum*. MS REBD. CAN. *Hunorum*. VEN.

## CAP. XXIII.

p. 138. l. 6. *decurso è naribus sanguine*. MS REBD. CAN. *decurso è naribus sanguine*. VEN.

l. 6. *quatiens persæpe*. MS REBD. CAN. *quatiens persæpe eum*. VEN.

p. 138. l. 8. *frustra tentabatur*. MS REBD. CAN. *temptabatur*. VEN.

*ibid.* *exanimatum corpus*. MS REBD. CAN. *examinatum*. VEN.

p. 139. l. 1. *adperiretur cubiculum*. MS REBD. CAN. *periculum*. VEN.

l. 2. *vociferari*. MS REBD. CAN. *vociferare*. VEN.

*ibid.* *sonus redderetur*. MS REBD. *sonnus redderetur*. VEN. CAN.

l. 3. *ostiis infractis*. MS REBD. *ostiis effractis*. CAN. *hostiis effractis*. VEN.

l. 5. *de naribus effluens*. MS REBD. CAN. *de naribus eius affluens*. VEN.

p. 140. l. 1. *lanceolis*. MS REBD. *lanteolis*. VEN. CAN.

l. 2. *phlebotomiis*. MS REBD. *phlebotomiis*. CAN. *phobothomiis*. VEN.

l. 3. *repleuerunt*. MS REBD. CAN. *sanguine repleuerunt*. VEN.

l. 4. *femineis*. MS REBD. *fæmineis*. CAN. *feminiis*. VEN.

## CAP. XXIV.

p. 141. l. 3. *campo statuerunt*. MS REBD. CAN. *strauerunt*. VEN.

p. 142. l. 1. *milites*. MS. REBD. CAN. *milites eorum*. VEN.

p. 143. l. 1. *hos funereos versus*. MS REBD. CAN. *hos funere versus*. VENET.

p. 145. l. 3. *antistitis precibus*. MS REBD. *precibus, deest in ed.* VEN. & CAN.

l. 8. *nullus æstimat*. MS REBD. CAN. *nullus existimat*. VEN.

## CAP. XXV.

p. 146. l. 2. *denique mensis adpositis*. MS REBD. CAN. *deinde mensis appositis*. VEN.

p. 149. l. 1. *in argenteis*. MS REBD. CAN. *in argentiis*. VEN.

p. 150. l. 2. *denique armillas*. MS REBD. CAN. *deinde armillas*. VEN.

l. 3. *fuleras*. MS REBD. CAN. VEN. *Phalcrasi*. MS REBD.

p. 151. l. 1. *noctem totam*. MS REBD. VEN. *noctam totam*. CAN.

## CAP. XXVI.

p. 152. l. 2. 3. *in Constantinopolitana*. MS REBD. CAN. *Constantinopolitana*. VEN.

l. 7. *clarius probato*. MS REBD. CAN. *clarius prolato*. VEN.

p. 153. l. 1. *vixit annos*. MS REBD. CAN. *annis*. VEN.

p. 154. l. 1. *Iulius Cæsar*. MS REBD. CAN. *Caius Iulius Cæsar*. VEN.

l. 4. *confossus interiit*. MS REBD. CAN. *confessis interiit*. VEN.



HIERONYMI LASKY;  
Palatini Siradiensis,  
**HISTORIA ARCANA**  
Legationis,

Nomine JOHANNIS Regis,

Ad

SOLYMANNVN TVRCARVN IMPERATOREM

susceptæ,

*nunc primum, ex manu exarato codice,  
in lucem edita.*

ADPARATVS AD HISTORIAM HVNGARIAE,  
DECADIS I. MONVMENTVM IV.



EXCELLENTISSIMO, ILLUSTRISSIMOQUE  
COMITI, DOMINO,

JOHANNI PÁLFFY  
ab ERDÖD,

PERPETVO IN VÖRÖSKÖ, BAJMÓCZ, SZ. GYÖRGY &, BAZIN,  
IVDICI CVRIAE REGIAE, COMITATVS POSONIENSIS  
SVPREMO ac PERPETVO COMITI, ARCISQVE REGIAE NOMINIS  
EIVSDEM, SVPREMO ac HAEREDITARIO CAPITANEO;

SACRATISSIMI PRINCIPIS,

<sup>AC</sup>  
DOMINI DOMINI,

CAROLI SEXTI,

DEI GRATIA, ELECTI ROMANORVM  
IMPERATORIS SEMPER AVGVSTI, ac GERMANIAE,  
HISPANIARVM, HVNGARIAE, BOHEMIAE, DALMATIAE,  
CROATIAE, SCLAVONIAEQVE &c. &c. REGIS,  
ARCHIDVCIS AVSTRIAE, &c. &c.

ACTVALI INTIMO, & CONSILII LOCVM TENENTIA-  
LIS REGII CONSILIARIO, GENERALI CAMPI MARSCHALLO,  
VNIVS REGIMINIS CATAPHRACTORVM COLONELLO, PARTIVM  
CASSOVIENSIVM, PER SVPERIOREM HVNGARIAM, GENE-  
RALI, TABVLAE SEPTEM VIRALIS ASSESSORI,

EXERCITVS CAESAREI, PER HVNGARIAM  
GENERALI COMMENDANTI,

FELICITATEM!





Abis id, TVAE, atque maiorum TVO-  
RVM, EXCELLENTISSIME COMES!  
virtuti, quod, dum res patriæ, erudere  
pergo, Illustri TVO, & toto celebrato or-  
be, Nomini, honestæ destinationis partem  
hanc, inscribere sustineam. Siue enim TE  
ipsum, HEROS fortissime! contueor; siue memoria Auos re-  
colo TVOS, ea sunt VESTRA, cum omnium, tum singu-  
lorum, de HVNGARIA, & sago, & toga, patrata merita, qui-  
bus, cum dignitate expromendis, vix vlla orationis copia,  
suffectura videatur. Nam est hoc, genti TVAE, partim a  
natura insitum, partim, conciliatum ab educatione; vt Regi-  
bus fidem, nulla vnquam contemeratam labe, integram  
patriæ caritatem, per retroacta hæc secula, infinitis documen-  
tis adfirmavisse, in hærediis VESTRIS censeatis.

Longus sim oportet, si, belli tot fulmina, tot columi-  
na HVNGARIAE, quæ INCLVTA DOMVS TVA, nunc de-  
fensandis, ac reparandis in melius, nunc sustentandis fortiter,  
rebus PANNONIAE, suffecit adhuc, neque cessat, porro  
sufficere, velim commemorare. Quod, tametsi ita habet;  
haud tamen, ingrati notam animi, facile euitarim, nisi deco-  
ra TVA, quando, pro eo, ac merentur, celebrari a me ne-  
queunt, qua se dat occasio, posteritati, æquissimis laudibus,  
commendarem.

Feci id equidem, HEROS MAGNANIME! per com-  
mentaria mea, sæpius, & professa opera; nunc autem, eo fa-  
cio



cio promptius; quo magis, & CAESARIS, REGISque indulgentissimi, & HVNGARIAE totius interest; vti, auita illa virtus, quæ TE, summis belli ducibus, pridem æquiparauit, non superet tantum diutissime; sed bene etiam vertat, Christianæ Reipublicæ, capiatque, ex præsentis temporum habitu, auctoramenta, rei, si locus & occasio poscat, viriliter non minus, quam feliciter administrandæ.

Atque hinc profluxere, EXCELLENTISSIME DOMINE! consilii huius mei rationes; vt, ARCANAM hanc, LASKYANAE, ad Solymannum, LEGATIONIS, HISTORIAM, TIBI nuncuparem: quippe quæ, post accisas, apud MOHACSVN, vires HVNGARIAE, cruentas illas tempestates coegit, inque patriam effudit nostram: in quibus propulsandis, disliciendisque, cum primis emicuit, Progenitorum TVORVM, dextera fides, fortitudo mirifica, & iuuandæ patriæ, ardor diuinissimus.

Accipe proinde, EXCELLENTISSIME COMES! hoc tantillum, meæ, de summis TVIS virtutibus, existimationis, & obseruantiae monumentum, procliui animo, TIBIque, velim persuade, in toto eo scriptionis genere, cui, SACRATISSIMIS AVSPICIIS, adhuc insudo, id me, cum cura elaborare, ne lateat posteros, quantus, & bello fueris, ætate nostra, & pace. Diu, & ex animi sententia vale, ac viue! Ita precatur,

EXCELLENTIAE TVAE,  
ILLVSTRISIME COMES!


Cliens obsequentissimus

MATTHIAS BEL.





## Lectori , Rerum Hungaricarum studioso, Salutem!



ARCANAM, *Laskiana*, ad *Solymannum*, legationis, HISTORIAM, edenti in lucem, animo primum federat, notis eam exornare locupletioribus; vti, & his lectu esset expeditior, quibus eius tempestatis calamitates, haud satis sunt cognitæ; sed, cum ea diligentia, facile in offensam verti potuisset, a rerum ignavis, & suo ingenio metientibus, labores alienos; refricandus item sæpius fuisset dolor, perditæ, nefariis consiliis, HUNGARIAE; migrandam censui, utilem alioquin futuram destinationem, vt iam satis putem, si de HIERONYMO LASKIO partim, partim de legationis suæ tragœdia, breuiter edoceam lectorem.

II. Fuit HIERONYMVS, a) gente Polonus; dignitate Palatinus Siradiensis; ingenio, in rebus administrandis, nulli ciuium suorum, ætate illa, secundus: eo infelix, quod maximo, & reipublicæ Christianæ, & suo ipsius malo, rebus IOHANNIS de ZAPOLYA, semet implicuit. Atque, ingenii quidam laudem, nemo, quod sciam, scriptorum, *Laskyo* detraxit, tribuerunt contra plerique omnes. SLEIDANVS b) certe, alienissimus ab adsentationis labe, auctor, excellentis ingenii virum, nihil dubitauit vocare. Satis quidem ad encomium! Liberalius tamen multo, PAVLLVS IOVIVS, c) quando, virum, inter Sarmatas, ab illustri nobilitate, eruditæque virtutis nomine, clarissimum adpellat; & paullo post: excelsæ solertique ingenio, grauissimarum rerum consilia, agitare, atque terminare solitum, scribit. Vtrique scriptorum, ISTVANFYVS d) noster consentaneæ: HIERONYMVS LASCVS, inquit, Siradiensis Palatinus, vir, & bello bonus, & consilio, ac rebus agendis, prudentia ac experientia singulari.

III. Hæ illi virtutes, cum regum ac principum gratiam, tum doctorum beneuolentiam obseruantiamque, conciliarunt. Supergrederer præfationis, quam breuem esse oportet, modum, si vellem singula expromere, quæ in vtroque hoc laudis genere e) succurrunt. Illud, silendum haud est, vsum fuisse, perquam familiariter, ERASMO, quod ex epistolis eius addidimus. quam quidem inter eos coniunctionem, non eruditio tantum, quæ insignis erat in LASKIO, sed etiam Christianæ studium religionis, contemptravit. Neque enim dubitauit ROTERODAMVS, librum suum, *De Modo adorandi DEVM*, nostro huic HIEROSLAO, dedicare; f) biennio fere ante, quam se fluctibus *Zápolitani* permisisset.

))

IV. Fuit

a) ERASMVVS, passim in Epistolis, HIEROSLAVM, quomodo forte Poloni *Hieronymum* vocant, adpellat.

b) Ad annum MDXXIX. Lib. VI. p. m. 174.

c) Historiar. Lib. XXVIII. p. 274. edit. Basil. ann. 1568. oct.

d) Histor. Lib. X. initio, p. 151, 23. Vtimur, edit. Colonienfi, An. 1622. fol.

Adde WOLFFGANGVM BETHLENIVM Lib. I. p. 48.

e) Adeat, si volet, eruditus Lector, Bibliothecam Bremensem passim; vbi multa de HIERONYMO, memorabilia leget.

f) Prodiit liber idem, seorsim primum. Iam, in splendidissima Opp. ERASMI editione Batava illa, exstat, Tomo V. p. 1099.



## Præfatio.

IV. Fuit *Laskio*, germanus IOHANNES, multarum & ipse laudum adolescens, ideoque, admissus in summorum virorum familiaritatem. ERASMVS: *iuuenem, citra arrogantiam eruditum, citra supercilium magnum & felicem, moribus præterea, adeo candidis, amicis, iucundis, vocat, g)* ut per eius amabilem consuetudinem, pene repubuerit, alioquin iam morborum, laborum, & obrectatorum radio, marcescens. Ergo, tria tunc, summa ingenia, e *Laskiis*, Poloniam illustrabant. In his, præcipuo loco, IOHANNES senior, Archiepiscopus Gnesnensis fuit; vir, non doctrina minus, quam pietate insignis; cuius laudes prolixè memorat ERASMVS, in ea epistola *b)*, qua ei sacrum nuncupauit editum curis suis, S. AMBROSIVM. Et hic quidem patruus fuit, HIEROSLAI & IOHANNIS iunioris; de quo ingenue illic ROTERODAMVS: *Iuuenis inquit, senem sic exprimit, ut in eo velut renatus videri queas. Is Tui simulacrum, quoties mihi depingebat oratione, toties agnoscebam, in narrante, imaginis expresse antitypon. Adeo, dum patruum depingit, seipsum depingebat imprudens. Hunc mihi conuictorem, pauculos licet menses, contigisse, non in extrema parte felicitatis pono. Utinam mihi liceret, per adulationis inuidiam, prædicare, DEI dotes, quas in illo, & amavi, & veneratus sum. Illud non possum non fateri, senex, iuuenis conuictu, factus sum melior, ac sobrietatem, temperantiam, verecundiam, linguæ moderationem, modestiam, pudicitiam, integritatem, quam iuuenis a sene discere debuerat, a iuvene, senex didici. O gentem, pietati natam! Ita, de Iohanne suo Erasmus. qui utinam ætate hac nostra, ruente sensim in deterius, plures in iuuenibus æmulos nancisceretur. Ceteroquin, Johannes quidem cœlibatui vitam addixit; HIERONYMVS, vxore ducta, operam dabat, ne pereat humanum genus; uti habet ERASMVS, *i)* eadem illa epistola, qua Matrimonium Christianum, foetum suum, ad nostrum hunc comitabatur. Et reliquit sane filium ALBERTVM, herum postea *Kesmarkiny*, quod alibi *k)* meminimus.*

V. Sed, non est instituti nostri, siue in laudes *Laskiorum* diffundi, siue in eorum gente enarranda, scrupulosius elaborare: quum id, partim ab auctoribus *Bibliothecæ Bremensis*, præstitum sit passim; partim confidamus fore, ut amicissimus nobis, FRIDERICVS JACOBVS BEYSCHLAG, insigne eruditorum Sueviæ decus, pro singulari, qua pollet, doctrina, adcuratoneque, vitam HIERONYMI, conscribat. in quam spem, ante hæc duo lustra nos vocare visus est, *l)* quando, suas, in eadem hac re, obseruationes, liberali manu & animo, mecum communicauit: quod palam gratique prædicamus. Nunc ad propositum.

VI. Quod legationem, cuius ephemerides exhibemus, suo potius, quam IOHANNIS consilio, obierit *Lasky*; BETHLENIVS *m)* auctor est. Ab hor-

*g)* Epistolarum Lib. XVIII. p. 576. ad *Leonhardum Cassimbrotium*, quam ei laudem, & in sequente Epistola, ad Hieroslaum fratrem exarata, circumponit: & passim. vtor edit. Epistolar. Basiliensi An. MDXL. fol.

*b)* Lib. Epistolar. XXVIII. p. 1128. quam lege omnino.

*i)* Lib. XXI. p. 812. fine.

*k)* PRODROMO Operis, p. 92. 93. vbi erro-

nee, *Leonhardum*, adpellauit. Vnicus is e Polonis est, quem MAXIMILIANO II. commendante, Status & Ordines, publicis in comitiis, sanctione perscripta, ciuitate Hungarica donauerunt, anni MDLXXV. Art. XVIII. quem adi.

*l)* Scripta est epistola, HALÆ Sueuorum, Anno MDCCXXVI. Cal. Julii.

*m)* Historiar. Lib. 1. p. 48. seq.



## Præfatio.

horruisse enim, a periculosissima ea destinatione, ait, dum penitus in sententiam suam pertraheretur ab HIERONYMO. Huc inductus, nihil dubitavit, illud VIRGILII, ferociter usurpare:

*Flectere si nequeo superos, Acheronta movebo!*

Tametsi, n) ne TARNOVIVS quidem, cuius hospitio fruebatur exsul JOHANNES, partes suas, in persuadendo, desiderari passus sit. BETHLENIVS, feliciter iter confecisse *Laskium* scribit; de quo tamen ipse queritur apud *Solymannum*, o) quod latrociniiis habuerit infestum, ac propemodum exitiabile. Nemo vero non bonus, lapsui huic virtutis *Laskianæ*, aut indoluit, aut pessima quæque ominatus est. ERASMVS p) certe: HIEROSLAI, inquit, *fortitudinem obiurgarem, nisi iam serum esset*. Atque q) iterum: HIEROSLAO a LASCO, precor, *ut felix sit sua fortitudo, cui tamen nonnihil metuo, ne in neruum*. Fortitudinem, adpellat, quam temeritatem, dicere voluit. Ac inerat sane, multum inconsultæ destinationis, ac præcipitis vitii, tantis ausibus. quod euentus, vndiquaque tristes, condocere postea.

VII. Ipsa legationis capita, quia fuscæ expromta sunt, in *Arcana* eius *Historia* hac, nihil opus est recognoscere. Id satis adparet, dedisse, bimestri eo labore, virilis, atque imperteriti animi, constantiæ, libertatis, & subactæ prudentiæ, documenta, *Laskium*; ut dolendum sit, contentionem hanc eius, haud æquiore loco causaque, in commune collocatam fuisse. Atque, habebunt sane, exemplar in *Hieronymo*, quod contueantur legati, quibus agendum erit cum barbaris, rerum successu ferocientibus: quemadmodum superbia eorum, sine offensa retundi; exsatiari, sine impensa auiditas; crudelitas emolliiri; eludi minæ; ingeri periculorum metus; ac non durities tantum expugnari; sed fauor etiam conciliari queat, gentis impotentissimæ. quæ singula, tanta industria, tamque adcurate perfecit *Siradiensis*, ut dubium fecerit, iudicione magis, ac propositi tenacitate, in toto eo negotio profecerit, an fatorum? in re, omnium iniquissima, permissu, æquo ac iusto.

VIII. Auxit, *Laskianæ* huius legationis, difficultatem, uti satis adparet, cum SOLYMANNI fastus, tum iniqua JOHANNIS, qua tunc erat, fortuna. Accessit, purpuratorum asperitas, & simulatio, fere ultra gentis indolem, ad illaqueandum legatum, comparata. Atque in his quidem, princeps fuit IBRAHIM BASSA, tyranni Achates r) fidissimus: quippe qui, & gratia apud eum valuit, & auctoritate. Homo, quod videre est, blandus is quidem, & tractandis cum cura rebus, apprime idoneus; sed, qui sciuerit, nunc, per verborum ambages circumducere, nunc, quasi in sinum admittere, iterumque iniecta formidine, territare LASKYVM. quibus rebus, honori in primis

X 2

SOLY-

n) Lege consultationis momenta, apud ISTVANFFYVM, Lib. X. p. 150. seq. & apud JOVIVM Lib. XXVIII. p. 274. seq.

o) Historiæ huius *Arcanæ*, p. 184.

p) Epistolarum Lib. XIX. p. 654. ad Johannem a Lasco, Præpositum Gnesnensem, Hieronymi germanum.

q) Ibidem, p. 655. ad Antonium Medicum. Scripta est epistola utraque, Anno M. DXXVII. adolescente iam Decembri,

adeoque, post abitum *Laskii*, ad Turcos. Quid prouerbiali locutione, *in neruum*, velit ERASMVS, vide eius *Chiliada*, p. m. 206.

r) Eleganter, IBRAHIMI, ortus, educationem, honorum item, & fortunarum accessiones, descripsit IOVIVS, Lib. XXXIII. p. 584, sequ. foedum item exitum, Libro eod. p. 608. sequ. quæ non legisse, est peccauisse in historiam.



## Præfatio.

SOLYMANNI consultum volebat. quem, quia modo ferocius, lenius postea, mox cum gravitate quadam; ac barbarico supercilio, tuebatur, multum HIERONYMO facessuit negotii, dum & his cardinibus emotus Turca, penitus admitteret legatum. Austerius, MVSTAFFÆ, purpuratorum alteri, ingenium fuit, siue insitum a natura, siue, ad instruendam scenam hanc, adscitum consulto. Neque enim se conuitiis abstinuit, quibus in *Laskium* inueheretur: credo, cum adfinitate *Solymanni* fretus, tum inductus, paupere & inglorio, legationis *Hieronymi*, habitu: quodque videret, in obsequio suo fortunam Turcos habere. Vtrique, nihil prius, nihil antiquius fuit, quam tributarium facere, cum Hungaria, JOHANNEM. quod quidem, quanta oris libertate, & propositi constantia, amolitus sit LASKYVS, quaque industria, barbarorum sibi animos conciliarit, lectores ex procliui iudicabunt. Certe, in euincendis duobus his purpuratis; nam AYAS quidem BASSA, nullis machinis, vir placidior, quam ferocior, indiguit; nihil fecit residui HIERONYMVS, quod a prudente, & adtento ad rem legato, solertia potuit expectari.

IX. Hac ergo, cum, in administrandis rebus sollicitudine, tum in lucrandis barbaris, prudentia, inclinauit *Solymannum*, ad partes JOHANNIS, omni postea ope, ac studio propugnandas: egregie, ab *Aloysio Gritto*, sicuti liquet ex arcana historia, adiutus. Vniuersum de legatione hac: *Consilium*, inquit *Jovivs* s), ut usu adparuit, JOHANNI maxime salutare, atque honestissimum, si expulsi atque exsulantis conditionem respiceres; sed in causa Christiana, non obscure nefarium; postquam privati commodi nomine, respublica in longe maximum atque horribile discrimen adduceretur. Scilicet, tanti, & JOHANNI constitit, & LASKIO, cum Hungariam in exitium præcipitare, tum se ipsos perdere. De *Johanne* res est palam; *Polonus* autem, in quam se induerit fortunam, infra adtractabimus.

X. Infelici hac legatione, ex animi sententia, defunctus *Laskius*, alterius subire labores, eo putauit honestius, quod ad Regem Christianissimum, in Gallias, destinabatur. De ea, MARTIN du BELLAY. t) eius ætatis, saltem auctor suppar, ad annum MDXXXI, ista retulit: *Ce temps pendant arriverent deux Ambassadeurs vers le Roy, l'un par le Roy JEAN de Hongrie, qui fut le Seigneur HIEROSME de LASCO, principal homme de sa Cour ---- Celuy de Hongrie demandoit alliances de mariage, & secours d'argent, pour subvenir aux necessitez de son Royaume, qui par les guerres passees avoit esté grandement destruit, & les places desmolies. reliqua. quæ Latine sic reddimus: sub idem tempus, duo ad regem legati aduenere: quorum alter, a JOHANNI Rege Hungariæ, HIERONYMVS a LASKO fuit, aule suæ vir præcipuus ---- Et hic quidem ex Hungaria, fœdera poscebat matrimonii, & pecuniarum suppetias, ad succurrendum regni sui necessitatibus, quod, bellis superioribus, atrocem in modum desolatum fuerit, castra item solo æquata. Non vacat, de legatione hac plura cumulare.*

XI. Ad eam veniamus, quam auspiciis iterum JOHANNIS, ad Comitia Ratisbonensia, anno MDXXXII. sed conatu irritò, suscepit. Eius memoriam,

s) Libro XXVIII. p. 275. vbi, & GRITTI characterem legas. p. 281.

t) Livre IV. des Memoires, edit. Parisiensis, An. MDLXXII. fol. p. 97. 98. Indice, laudato supra BAYSCMLAGIO. Pro-

diit liber idem, interprete latino Hugone Surao, Francof. An. 1574. Vide SECKENDORFF. Loco mox cit. Sect. III. §. 5. Additionis I. initio, p. 14. b.



## Præfatio.

moriam, VITVS LVDOVICVS a SECKENDORFF *u)* prodidit, cuius verba, nostra fecisse, haud piget. Aderant, ait, legati, a JOHANNE Vayvoda, sine Rege Hungariæ, Hieronymus a Lasko, & Nicolaus a Minkwitz, Solymanni etiam, Turcarum Imperatoris litteris instructi, quibus profitebatur, se eosdem amicos & inimicos *v)* habiturum esse, quos JOHANNES haberet. Nihilominus, in auxilia, pro FERDINANDO, consenserunt Euangelici. Landgravius quidem, eidem Nicolao Minkwitzio, & aliis, ex nobilitate, negotium dederat, ut aliquem equitum numerum conscriberent, & JOHANNI in Hungariam adducerent, rogauitque Electorem, die VI. Julii, ut transitum illis præberet; prætexcens, melius esse, ut suppetiis istis inuaretur JOHANNES, quam destitutus ab aliis, ad Turcarum societatem compelleretur; sed Elector transitum denegauit. Atque, hic quidem legationis eius fuit successus.

XII. Hæc foris, pro JOHANNE gerebat LASKYVS, dum, maturescentibus domi fatis, propemodum in perniciem traheretur. Non fert instituti ratio, conuersiones, summi viri, & harum causas omnes, excussisse: prolixè eas dedere, eius ætatis scriptores, atque in his, PAVLLVS JOVIVS potissimum. ex quo, sua pleraque, NICOLAUS ISTVANFFYVS noster, hausit, recognouit post eum, WOLFFGANGVS BETHLENIVS. Nimirum, *x)* vocatus a JOHANNE rege, in suspicionem *z)* cædis Emerici Cibaci, Budam arcessitur, inopinatoque capitur. Ambigo, verene satis JOVIVS, captum Budæ Lascum, sub tormentis, Gritti consiliorum rationes, explicare fuisse coactum, *y)* scribat.

XIII. Aliter, & prorsus ex ingenio JOHANNIS, eam captiuitatem, BETHLENIVS *z)* memorat. Expeditis, inquit, ad captiuum, tribus de sanctiore consilio, viris, eius agrum animum consolari iussit, declarareque: Regem maxime inuitum, tam seuerè in eum animaduertere; fateri, eius dexteritate, regnum & patriam se recepisse, ideoque, eximium sibi præstitum officium, nulla temporis iniuria, obliuioni tradendum; sed potius omni gratitudinis genere esse referendum. Tantæ seueritatis culpam, tribuendam esse temporis potius, quam sibi, cuius *a)* ingenium, prout ab omni saeuitia & crudelitate, etiam in eos, qui pœnas meruissent, exercenda, alienissimum semper fuisse; ita, vel in primis, ab ingrati animi crimine, in optime de se meritos, nunquam non abhorruisse; vel ipsimet Laskyo esse perspectissimum. Persuasum itaque sibi habeat, rationes regni, in vnus cæde, summe periclitantis, non vero offensam aliquam, debuisse auocare aliquantisper regis animum, ab insita ipsi clementia: certa tamen spe se ipsum erigat; breui, sarcindi istius incommodi, voluntatisque regis erga se propensissimæ, adfuturam parem facultatem, magno cum suarum, tum fortunarum, tum dignitatum, incremento, credat. Ita BETHLENIVS. Sunt tamen, qui pœnas daturum fuisse aiant, vel conscientia tantum, perpetrata, a Gritto, necis causa, nisi JOHANNIS TARNOVII, & Matthæi Tarlonis, quorum beneficiis subleuatum se

)(

*v)* Comment. H. L. Lib. III. Sect. IV. §. IX. additionis III. fine, p. 28.

*x)* Erronee in textu legitur: habituros. Leges ISTVANFFYVM, Lib. XII. p. 201. 6. Ignarum eius fuisse, JOVIVS pronunciat, Lib. XXXIII. 72. 537. qui legendus est omnino: quippe qui, fœdum

Gritti exitum, scita oratione descripsit.

*y)* Eiusdem Libri extremo.

*z)* Inibi, p. 74.

*a)* Eleganter id, & ex vero, expressit JOVIVS, Lib. XXXIX. p. 233. & BRVTVS, apud BETHLENIVM, p. 102.



## Præfatio.

in Polonia, rex nondum dememinerat, præsentissimis precibus, tempestiue in libertatem fuisset vindicatus. In quorum demum comitatu, tutus sane, non fugiens, vti vult IOVIVS; sed inglorius, tametsi, liberalibus donis *b)* excultus a JOHANNES, in Poloniam rediit.

XIV. Vt in patria requieuit aliquantisper, recrudescente, iniuriarum, quas sibi intulisse rebatur *Zápolitánum*, dolore, apologiam *c)* pro se, aduersus JOHANNEM, validissimis quidem refertam rationibus; sed acerbissime tamen conceptam, scripsit, eamque, ad ingratum regem, & tot laborum, sui causa, feliciter exantlatorum, turpiter immemorem, dimisit. Sed &, præter SIGISMUNDVM Polonum, Galliae Rex FRANCISCVS, qui *Hieronymum* paullo ante, in torquatorum ordinem cooptauerat, eius, apud JOHANNEM, causam egit, exprobratoque, ingrati, aduersus summum virum, animi vitio, monuit serio, vti *Laskium*, editis publice tabulis, infontem pronunciaret, inustamque famæ notam, abstergeret. Atque id quidem haud grauate JOHANNES præstitit. HIERONYMI tamen exulceratum animum, sanare haud potuit; quin impulit etiam, vt in contrarias FERDINANDI partes, destinato consilio, transfret, non vna difficultate res JOHANNIS, apud Turcam, postea intricaturus; suo tamen, quam regis vtriusque, periculo maiore. Ista nimirum, præmia fuere, *Laskianarum* legationum. quæ, quia vergebant in reipublicæ Christianæ exitium, non poterant non, auctori ipsi perniciabilia fieri; iuxta illud: *Malum consilium, consultori pessimum. d)*

XV. Quem se postea, in partibus FERDINANDI, præstiterit, quamque ei fidem adprobarit suam, quia ad *Arcanam* hanc *Historiam*, nihil adtinet, superfedemus recensere. Illud nequimus filere, nouam, FERDINANDI nomine, legationem, ad *Solymannum*, obiisse; verum, successu, quam fuit *Zápolitana* illa, multo iniquiore: cum non iter tantum, morbo habuerit impeditum; sed *Solymannum* etiam, cum ob transfugii crimen, tum ob nimiam oris libertatem, expertus sit, & sibi, & legationi, infensum: quamobrem, in vincula coniectus, parum aberat; quin supplicio adficeretur, Rusthane, *Solymani* genero, iuvene elato atque iracundo, sententiam ferente: dicebat enim, *ultimo supplicio dignum, qui insolenti orationis libertate, sereni vultus maiestatem offendisset, ludificatusque regem regum, amicitiam peteret, quum interim impudenter in Pannonia bellum gereretur*, ait IOVIVS *e)* Et ita sane fuit: *Velsius* enim, reginam viduam, cum pupillo, arcta obsidione Budæ cinctam, intempestiuo consilio, oppugnabat; sub idem istud tempus, cum de pace, apud tyrannum, ageret *Laskius*. Alioquin, impotentius, legationem eam, quam res poscebat, administratam ab *Hieronymo* fuisse, idem IOVIVS, *f)* numquam non in eius laudes effusus, haud diffiteatur. *Ferunt*, ait, *Hieronymum Lascum*, pro FERDINANDO suscepta legatione, *Constantinopolim* contendisse, detexisseque omnia *Solymanno*, publicatis inter *Basas*, criminosis legibus, quibus pacem, duo reges, inter se confecissent. *Tantum,*

*b)* KESMARKINVM fuisse, alibi docuimus, Prodro-mo Operis, p. 92. fine.

*c)* Eius argumentum, lege apud BETHLI-NIVM. p. 75.

*d)* Originem prouerbii, legis, in Chi-

liadibus ERASMI. p. m. 487. a.

*e)* Lib. XXXIX. p. 251. Iunge ISTVAN-RYVM, Lib. XIV. p. 23, 41.

*f)* Ibid. p. 227.



## Præfatio.

tum, vir ille, multis alioqui excimæ virtutis ornamentis, valde conspicuus, iniuria dolorique dederat, quum a cade Gritti, custodia traditus, vixque dimissus, Sigis mundi regis precibus, a JOHANNIS amicitia discessit. Hoc vero est, se ipsum, in pessimam fortunam induere.

XVI. LASKII hæc captiuitas, quemadmodum rebus FERDINANDI, damnosa; ita exitiabilis, vti adparuit postea, legato ipsi fuit. Tametsi enim, profectus in bellum Solymannus, Laskium in gratiam receptum, secum duxit; interuertit tamen hanc eius felicitatem, turbo inopinatus. quem Antonii Rinconis cædes, concitauerat. Solymannus, noua offensus iniuria, Laskium, Belgradi reliquit custoditum, scribit Jovivs; g) cum ex Speculatorum litteris, Antonium Rinconem, veterem apud se Byzantii legatum, remittente, cum mandatis, Francisco rege, e Gallia redeuntem, in Pado amne, a Cæsarianis interfectum accepisset. Diluit tamen, obiectum FERDINANDO, crimen, Laski, iterumque in libertatem adsertus, ac donis etiam honestatus a tyranno, in Sarmatiam, Ferdinando, ob vim morbi, intimis visceribus iam tum concepti, nequidem salutato, corpore & animo æger, rediit. Nam, eam Turcarum, qui Belgradi, liberali detentum custodia, obseruabant, iniquitatem fuisse aiunt, vt nihil dubitarint, lentum ei venenum, clam propinare. Ita ISTVANFFYVS h) Neque Lascvs, inquit, diu vitam producere potuit; quum in Poloniam patriam reuersum, letifer morbus, non sine suspitione veneni, corripuisset. quod ei a Turcis, in lacte, cuius frequenti usu delectabatur, præbitum fuisse, fama erat. Gemina his, si lactis potiones excipias, Jovivs i) in litteras retulit: Lascbus, diu, eo beneficio vti non potuit: regressum enim in Sarmatiam, conceptus antea vehemens oppressit morbus; ita, vt plerique ex aula Germani, factum ad inuidiam vertentes, non tabifico quidem fluentis alui vitio, quo diu laborasset; sed lentis tyranni venenis omnino, sublatum contenderent k): quum vir ille, omnis virtutis, ac elegantie laude insignis, & longiore vita dignus, in ea reipublicæ fortuna, vel ab ipso rege lugebatur. Hic valet illud PERSII:

O curas hominum! o quantum in rebus inane!

XVII. Alioquin, certum est, indoluisse, plerosque Europæ principes, maturo huic, atque iniquo, Laskii fato: quippe cui, ætate illa, pauci, per regum aulas, pares putarentur; siue, in explicandis consiliis prudentiam; siue, in exsequendis, constantiam, & imperterriti robur animi, æstimaueris. Quibus rebus, inuitati eruditi, non vnis laudibus, mortuum sunt prosequuti. PHILIPPVM certe MELANCHTONEM, orationem edidisse, ab homine ingenioso, de Hieronymi conscriptum encomiis, ex epistola

X X 2

sua,

g) Lib. XL. p. 305. Adde, SLEIDANI Commentarior. Lib. XIV. p. m. 391. ad annum MDXLI. vbi Cæsarianorum facinus illud, per POLINVM, Galliae regem FRANCISCVM, nunciauisset Solymanno, legas. De POLINI, legatione hac, ad Turcam, vide Jovivm, Lib. XLI, p. 398. sequ.

h) Loco, nunc citato, p. 243, 23.

i) Inibi, & pagina eadem.

k) Lege, si datur; nam nobis quidem non est ad manus liber; MANLI Collectedanea Locorum Communium, p. 743. vbi memorabilis locus est, de misero morbi genere, quo Hieronymus extinctus fuit: indice iterum, Cl. BERSCHLAG.




## Præfatio.

sua, 1) ad fratrem, *Jobannem Laski*, perscripta, condiscas. quam, si potuissimus indipisci, mantissæ loco, *Arcana* huic *Historiæ*, nihil dubitavissimus adicere. Sed forte, plus satis de *LASKIO*; dum consummatoria dederit, *Cl. BEYSCHLAG*: a quo id, publice, ac nostro quodam iure, & petimus, & exspectamus auide.

XVIII. Ad manu scriptum codicem, quod adinet, ex quo *Historiam* hanc, summa adcuratone, depromsimus; nam ne id quidem ignorare Lectorem volo; habeo eum in cimeliis, ita exaratum, ut non vno indicio prodat, calamo ipsius *Laskii*, partem maximam, conscriptum esse. quem, qui volent videre, promptum me in ostendendo habebunt; ut fides, ad posteros sit adprobatio securiorque. Vale, Amice Lector! & conatibus nostris faue, iisque vtere. *Pisonii*, An. MDCCXXXVII. XV. Cal. Apriles.

1) Exstant litteræ eæ, in Tomo Epistolarum *MELANCHTONIS*, Lugduni Bata- | uorum edito, An. MDCXLVII. pag. 321.







ACTIO  
HIERONYMI LASZKY


apud Turcam,

nomine

REGIS IOHANNIS.

Die *Vigesima secunda Decembris*, veni Constantinopolim, orator ad Turcarum Imperatorem, a Serenissimo Principe IOHANNE HVNGARIÆ REGE &c. &c. missus, A. MDXXVII. Audientia, non sine molestificatione apud Ibraimum, a) conciliata, & salutatione præmissa:

*Ibraim Bassa, ad Laszky.*



Vdiuimus, tuum Dominum esse virum magni ingenii ac industriæ, & multis hoc verum esse indicis, cognouimus; sed tunc obdormiuit, cum coronari debuit, quia non quæsiuit regnum a magno Domino nostro. Nam, quicumque attigerit Domini nostri manicam, per nullam potestatem mundi frangi potest. Quare Dominus tuus non cogitauit, videns ciuitatem Regalem *Budam* exultam, & Domum Regis intactam, quid hoc sibi vellet. Dominus etenim noster, eam ob rem arcem reliquit integram, quia breui ad illam redire statuerit. Debuit hoc diu fecisse Dominus tuus & non nunc, sed antequam adhuc coronam capiti suo imponeret; nunc, quia aliter non potest, pressus ab *Archiduce*, quærit gratiam, quærit pacem: vbi, si non fuisset illi cum *Ferdinando* bellum, certe nos ab illo, aliud, quam pacem expectabamus. Scimus, quia laborauit per *Radich*, apud *Czár Joan.* Tu venisti huc, vbi totius mundi certa noua semper sunt: scitur hic, quid *Archi Dux* est; scitur, quid tuus Dominus; scitur, quid alii Principes Christiani &c.

*Laszky, ad Bassam.*

Certum est, quæ dicis, b) quia Dominus meus singulari polleat industria, qui non se solus coronauit, sed coronauerunt eum Domini & Status Regni, eo intuitu,  
Decad. I. Monument. IV. S s

a) Perperam PAVLLVS IOVIVS, post primum statim aduentum, SOLYMANNVN adiuisse scribit LASKYVM, posteaque ad purpuratos fuisse reiectum. Longa ei, vti adpareret, mora colluctationeque opus erat, dum ad solemnem audientiam admitteretur.

b) Sine interprete, cum *Bassis* egisse LASKYVM, Auctor est IOVIVS, idque lingua Illyrica: quod *sea lingua*, omnibus fere in aula esset familiaris. Historiarum sui temporis, Libro XXVIII. p. 276.



tuitu, ut ipse, per industriam suam, per opes & vires suas, afflicto a vobis regno subueniret. Actumque est hoc per longam electionem eorum, qui ius libertatemque eligendi Reges habent; eamque ob consuetudinem, Dominus meus satis habet in electione & coronatione eorum, quorum in manibus, in defectu hæredis, electio est privilegiata. Ego tunc *Vngaria* non fui, cum Imperator Turcarum illam inuaserat, nec cum Dominus meus coronaretur; communis tamen vox est, quod Dominus vester, hoc moris habet, ut domum inimicorum, modo in illa comedat, vel quiescat, saluam semper relinquat. Dicunt alii, quia timore *Budam* reliquisset; alii referunt, quod ob commeatus penuriam: & ita, alia est apud *Vngaros* opinio, quam tu dicis. Quare, non me misit huc Dominus meus, ad tangendam manicam Imperatoris; sed ad salutandum eum, & ad dandam illi manum, ut moris est, & ad conficiendum cum illo talem pacem & confederationem, quæ duraret & vera esset. Dominus enim meus, cum adhuc minorem conditionem egisset, semper Regibus suis suadebat, ut cum Turcarum Imperatoribus amice pacificeque viuerent; sed aliorum tunc sententia præualebat: ubi nunc Dominus meus Rex existens, quod Dominis & prædecessoribus suis suadebat, solus est facere pronus & paratus, videlicet bonam amicitiam, arctam coniunctionem atque certam confederationem. Quod autem huc noua ex omnibus partibus adferantur, non miror, quia hoc mercatores faciunt potissimum; sed, quod mercatores omnia sciant, vel si sciunt, vera dicant, hoc non semper fit, nam timent hic vos, & adulantur, timoris causa. Certum tamen est, maximos apud nos reges esse ac potentes, nisi ad inuicem nunc aliquomodo discordes essent.

*Bassa, ad Laszky.*

**A**duentum tuum aperiam magno Domino nostro, cuius ego sclauus sum, dicamque tibi, quomodo de te gratus fuerit, & dicam, quod venisti ad faciendam pacem & amicitiam.

*Laszky, ad Bassam.*

**D**ominatio tua, nihil mihi respondeat, si vult esse grata fraternitas, per regem meum illi oblata, ad quam conficiendam ego plenum habeo mandatum mecum. Cupit enim Dominus meus, non solum cum Imperatore coniungi, sed etiam tecum, qui Imperatorem gubernas.

*Bassa, ad Laszky.*

**S**ubridendo, dixi, *inquit*, dixi tibi, quia sclauus sum Domini mei; probus autem sclauus, nihil facit absque scitu Domini sui. Itaque, licet ut sclauus Domini nostri, nihil plus indigemus, quam salute Domini nostri, cuius capite saluo, omnia nobis fideliter seruientibus bona sunt: gratissimus tamen ego sum certe, huius Domini tui affectionis; opus tamen est, ut prius dicam Domino nostro magno, aduentum tuum, ex cuius mente elicere debebo, modo quo gratus erit de aduentu tuo hic. Dic tamen mihi, *inquit*, *Ferdinandus*, quot gentes habet; audiuius, quia *viginti quinque mille*: estne hoc multum, contra tuum Dominum? qui, existens *Erdeleyben* c), faciebat in duplo maiorem exercitum; sed verum est, quia potestas Domini nostri, attriuit & minorauit vires *Vngaricus*. Certe nos credebamus *Vngaros* præcipuos viros; sed, non inuenimus eos bonos pugnatores, qui regem suum, non a nobis, sed a parua d) aqua liberare neglexerunt: & nos tali morte, nec infimum hominem nostrum mori admitteremus. Et hic commendabat operam & industriam suam, tragœdiam belli replicando.

*Laszky*

c) ERDELY, Hungaris, *Transilvania* dicitur, cuius *Vajvoda* fuit IOHANNES, Wladislai Poloni, regis Hung. beneficio creatus.

d) Palustrem lacunam intelligit, in qua suffocatus est LVDOVICVS II.



*Laszky, ad Bassam.*

**V**erum est, quia FERDINANDVS, æque, vti dicis, non magnum habet exercitum; gens est minor, quam eius potentia exigit, sed gens electa. Equitum armatorum *decem millia*; equitum levis armaturæ *quinque millia*; peditum electorum *decem millia*; inter quos, *archibuserii*, & *sclopetarii*, vsque ad *quatuor mille* sunt: omnes deinde bellicos apparatus, optime habet instructos. Bombardas maiores & minores habet 200. Pontem secum assidue ducit. Scis, quia talis exercitus, in vno die potest pugnare cum maxima potentia. Quia non omnes, qui ad prælium veniunt, simul pugnant. Profecto, si Rex *Ludovicus* habuisset istum exercitum, non pugnasset adeo infelicitè. Dominus autem meus, eam ob rem minor erat vsque huc viribus, quia diuissim exercitum tenere cogebatur. In *Slauonia* vnum magnum exercitum, ductore *Comite Christophoro* alebat, propter vestras ex *Bosna* incursiones. In *Vngaria*, quam *Tissia* perfluit, *Radich*, multa millia hominum, ob *Sandzakum Semendricum*, gubernabat; sed nunc opinor, dante Domino, audietis breui bona noua, quia se Dominus meus ad coniungendum cum gentibus, ex *Transilvania* & *Polonia* venientibus, ac cum *Radich*, in discessu meo contulit.

*Bassa, ad Laszky.*

**H**ic cœpit prædicare potentiam Domini sui, & multa de illa iactitare: cui ego me opponere nolui, cumque iam tanti fecisset Dominum suum, & seipsum, dixit, tarda iam hora est, alio tempore liberius tecum agam. *Bona nox.*

*Laszky, ad Bassam.*

**H**abeo, inquit, literas, ad alios *Bassas*; at Dominus meus eas illis tradendas non iussit, absque licentia tua. Rex enim meus scit, quia tu omnia facis, omnia gubernas, & omnia potes, nec aliud dicturus sum *Bassis*, quam salutationem.

*Bassa, ad Laszky.*

**B**ene scio, tuus Dominus, quia scripsit & aliis literas. Vade cras, & saluta eos.

*Die XXIII. Decembris.*

**V**ocatus ad *Mustaffa Bassam*, veni, vbi parua reuerentia mihi facta, qui exaudita salutatione mea, simplici & non compta, dixit mihi:

*Mustaffa Bassa, ad Laszky.*

**T**V fuisti heri apud *Ibraim Bassam*, omnia ille, quæ locutus es, nobis aliis *Bassis* aperuit; sed dic tu mihi, quæ forsitan præ pudore *Ibraim Bassæ* non dixisti, ad quid venisti huc ad Dominum nostrum? quia hic nullus oratorum adfert aliquid ad Dominum nostrum, quod nobis prius non faceret cognitum; dicas igitur mihi, quid vult Dominus tuus?

*Laszky, ad Mustaffa Bassam.*

**M**isit, inquam, me Dominus meus, huc ad Imperatorem visitandum, & salutandum, cupiens cum illo amicitiam, & coniunctionem arctam & perpetuam.

*Mustaffa Bassa, ad Laszky.*

**N**ihil plus, inquit, tibi commissum, quam hoc est, quod dixisti, non portasti munera meo Domino?

*Laszky, ad Mustaffa Bassam.*

**Q**vando, inquam, tractabunt mecum de amicitia & foederibus, erunt alia, quæ subinferam; sed antequam sciam, an sit talis Domini mei affectio & voluntas, grata Imperatori, nihil aliud, vel agere, vel dicere possum. Munera nulla attuli, quia mihi nulla data sunt.



*Mustaffa Bassa, ad Laszky.*

**E**Rgo tu, *inquit*, venisti quærere amicitiam? tu non venisti quærere amicitiam, sed venisti quærere gratiam, & commendare seruitia Domini tui, Imperatori nostro: tarde tamen venisti, sique gratus apud nos esse voluisses, debuisti venire, ante tui Regis coronationem. Dic mihi, quo ausu Dominus tuus *Budam* intrauit, locum per Imperatoris nostri equi ungulas calcatum, Domum Regiam relictam in integritate, propter reditum Domini nostri; quod si non fuisset in dorso nostro hiems, quæsiuissemus istum tuum Dominum in Transilvania, & docuissemus illum aliud, quam amicitiam, cum nostro Domino tractare. Lex nostra est, ubicunque caput Domini nostri quiescit, ubi semel caput equi sui intrat, hoc iam perpetuo titulo spectare debet ad Dominum nostrum. Quare, tuus Dominus leuipendit Imperatorem, cum sua amicitia. Frater! tu venisti, sicuti a seruitore; si non venisti cum tributo, non amplius loquere mecum.

*Laszky, ad Mustaffa Bassam.*

**V**eni, *inquam*, huc, credens, me gratam rem, & Imperatori, & vobis ferre, portans vobis amicitiam & coniunctionis studium. Quid credis? quod fuso Rege *Ludouico*, & aliquibus occisis, iam regnum *Hungaria* nihil sit? Parumne huc porto, cum post acceptum a vobis damnum, non vindictam minor; sed pacem & amicitiam offero? Existimas, opinor, iam *Vngaros*, *Valachos* esse: faciam aliam Regis, & Regni *Vngariae*, rationem, quam *Moldauorum*, qui serui Domini mei sunt. Dixisti, si non portem tributum, ut nihil plus agerem tecum: tributum non porto, & bene valeas.

*Mustaffa Bassa, ad Laszky.*

**D**icemus, *inquit*, Domino nostro, quæ dixisti: postea poteris discedere: quia eo modo non admitteris ad magnum Dominum nostrum. Sed, quare tam diu celas? credis tu, quod nos nesciamus tui Regis necessitatem? nonne *Radul Vayuoda*, omnia nostra scit negotia, quæ nobis, sicuti tributarius, perscribit. Certumque est, quia tu venisti rogare auxilium, contra *Ferdinandum*, & portas tributum, aut securitatem fugiendi huc Domino tuo parare: quia *Ferdinandi* maior est potentia, quam vestra.

*Laszky, ad Mustaffa Bassam.*

**D**E tributo locutus sum semel, quia Dominus meus, e) nec somniat de illo: & ita de illo silendum est. Sed, quod attinet auxilium contra *Ferdinandum*, suo tempore dicam: quia, omnes amicitiae, & coniunctiones, matura hominum prouidentia, contrahuntur; non ob præsentaneas tantum necessitates; sed etiam ob futuras. Securitatem autem Domino huc fugiendi, non veni parare, rogoque ne illam detis, cum non eam quæsierim; sed parare vellem, si possem, amorem inter Dominum tuum, & meum, & quod Dominus meus, loco patris Imperatorem deinceps iam haberet.

*Mustaffa Bassa, ad Laszky.*

**Q**uomodo, loco patris? Sed dic mihi, cujas es tu? non es, video, *Vngarus*. Ego dixi, *Polonus sum*. Vbi didicisti *Italice*? *Italia*, respondi. quid ibi fecisti? fui & in studio ibi, & videndi gratia. *Bassa* dicit: Frater! multa studuisti, sed certe parum intelligis! Tu dixisti nunc verbum, non sapientiae; quia dixisti, quod Dominus tuus, imperatorem patris loco haberet. Vide, quia bonum est loqui prius apud nos *Bassas*, quia, si hoc Imperator audiret, nescio quid tecum faceret; certe non stares bene

e) Emendandus hinc est *Iovivs*, quando, spondisse ait *LASKYVM*; tributa, quæ imposeret, quotannis persoluendo, | mitte clientelæ nomen cunctis gentibus, | declaraturum *IOANNEM*, loco cit. p. 277.



bene cum tuo capite. Nonne scis, quia magnus Dominus noster, primus est post diuinam potentiam, & uti vnus sol per cælum vagatur, sic totius mundi Imperator, noster Dominus est; & tu, existens *Bani Transilvania* cursor, ausus es vocare magnum Dominum nostrum, patrem parui Domini tui.

*Laszky ad Mustaffa Bassam.*

**D**lu, *inquam*, fecissem bene, si abiuissem; quia, non audiuissem Dominum meum ita leuipendi, nec etiam me ipsum. Estne hoc malum? quod *Rex Vngariae*, qui scribebat Imperatori, amico & vicino dilecto, scriberet tanquam Patri honorando. Si vos honorem non cupitis, culpa vestra est; nonne filiorum est? patres, quadam singulari obseruantia prosequi? cum itaque apud vos hoc male sonat, tollamus id ipsum; non sit alter alteri, nec pater, nec filius. Ergo, propter istam potentiam, quam asseueras, si hoc apud Imperatorem dicerem, male stare cum capite meo! credis tu forsitan, quod caput meum, capræ esset, vel quod Imperatoris prudentia ac humanitas, eadem, ut tua esset. Non miror ego, quia potestatem tui Domini, vix tantum prædicas; quia quilibet ita seruus & sclauus facere debet. Omnis etiam apud Reges nostros subditus, semper maiorem Domini sui, quam alterius potentiam facit. *Galli*, præferunt vires suas omnibus aliis: *Hispani*, hoc ipsum de se asseuerant: Idem *Alemanni*: idem, *Poloni*, idem *Vngari* sentiunt de viribus suis: vestri, per se, multi vires suas faciunt, ita etiam & vos vestras. Dominus autem meus, nihil de se præsumptuosi prædicare permittit, sciens, potentiam mundi, non in manibus esse vestris, sed stare illam in Diuina voluntate ac in suo iudicio. Quare, tu, Dominum meum *Erdélybanum*, quare me cursorem vocas? sed verum est, sicut mihi Dominus tuus (cum eius subditus non sim) Imperator non est, sed tuus; ita, Dominus meus, Rex mihi est, tibi autem non est. Cursorem me vocasti, si ob id, quia cum paucis aduenerim. Moris est apud nos, ut, quando equum aliquem nostrum, ad vsum armaturæ impedit cauda, abscindimus illam breuissime; & ita equus est, eoque modo melius seruit. Sic etiam oratorem, non facit longus equitum tractus, non equi, non vestes, non famuli; sed confidentia de illo, Domini eius, & materia commissa. Male eo modo honorasti Dominum meum Regem, potuisti me ad hanc ignominiam non vocare.

*Mustaffa Bassa, ad Laszky.*

**R**ex, *inquit*, tibi Dominus tuus sit, sed nobis non erit; quia non quæsiuit a nobis licentiam regnandi; tu tamen bene aduenisti; gratulor tibi, *cursorem* te vocari; quia ad Dominum nostrum non veniunt Oratores, absque muneribus: non quod munera poscamus; sed, quia per munera, maioritas honoratur Domini nostri. Certus sis, quia, cum venisti absque muneribus, non videbis Imperatorem, nec ei osculaberis manum.

*Laszky, ad Mustaffa Bassam.*

**F**estinabam, *inquam*, huc, credens me acceptum fore, multaque damna ac discrimina, veniendo huc, perpeßus sum, ita, ut me reuertendi summa vrgeret necessitas. Cum tamen perpendebam, *Ambassadam* meam, non redii; sed huc in hac incommoditate mea venire constitui. Expectabam a vobis honorem, expectabam munera; sed video, vos solos munera quærere, quorum apud me nihil est, sique aliquid fuisset, ademptum esset, cum aliis meis rebus.

*Mustaffa Bassa, ad Laszky.*

**N**on propter munera, *inquit*, dantur dona Domino nostro; sed propter honorationem. Si itaque voluisti honorem, id est videre Imperatorem nostrum, & osculari illi manum, debuisti portare munera; sed Dominus tuus, fecit, non sicuti Rex, quia factus non est Rex.



## Laszky, ad Mustaffam.

**M**Vnera non f) adtuli, sed veni ad tuum Dominum Orator, non portans res, sicuti asini faciunt; sed portans commissa fidei meæ, verba transmandata, & id genus rerum, Oratorem demonstrantium. Vocas Dominum meum non Regem. Dixi tibi iam, quia tuus Dominus non mihi est Imperator, quia ego Regem meum recognosco, & non alium; sic etiam Rex meus, tibi Rex non est, sed mihi est.

## Mustaffa, ad Laszky.

**B**Ene, inquit, facit, qui Domini sui honorem tutatur ac observat. Quæ tecum Regi, cras sciet Imperator noster, & bona nox! Frater! cum ista tua amicitia, quam portas, nescio quid habebis responsi, tamen non timeas, sis boni animi, quia, in aduersis vir cognoscitur.

## Die XXIII. Decembris.

**V**Ocatus ad Ayas Bassam, humanam habui audientiam, qui me interrogauit, de statu Regis mei, de potentia eius, & FERDINANDI, & aliis rebus extraordinariis negotii mei.

## Ayas Bassa, ad Laszky.

**E**GO, inquit, tecum ad magna non descendam, quia tarde venisti. Erimus tamen tecum omnes tres nos Bassæ, breui, & tunc libere omnia communicabimus. Sed, dic mihi, Radul Vayuoda miseratne Balaor, ad Regem tuum, significandum illi, quæ consulebam ego? nam mihi, cum dicto Vayuoda, summa est coniunctio, & ita per medium eius, consilium meum, Domino tuo aperire volui. Miror tamen, quod diu non adueneris, ad hanc Domini nostri portam.

## Laszky, ad Ayas Bassam.

**N**ihil horum, inquit, a Domino meo percepi, multotiesque audiui & vidi, Dominum meum mirari de Radul Vayuoda, qui beneficium a Domino meo acceptum non ita refert, sicuti deberet; sed de consilio tuo nihil intellexi. Rogat te tamen Dominus meus, ut sis bonus structor pacis, amicitiae ac coniunctionis, cum Imperatore & Domino meo, faciendæ. Tale autem officium tuum, gratia sua ac liberalitate, Serenissimus Dominus meus Rex, recompensabit.

## Ayas Bassa, ad Laszky.

**M**iror, neglexisse Vayuodam consilium meum; sed dic mihi ille Domini nostri sclauus, qui in Oratorem ad Ludouicum Regem missus erat, scimus quia sedebat in Tata, viuitne, g) vel in cuius manibus nunc est?

## Laszky, ad Ayas Bassam.

**N**escio, inquam, certe, quia nouus sum Vngariæ homo: certum tamen est, si esset in manibus Domini mei, fuisset diu liber: quia non sunt Oratores culpandi, cum

f) Ergo, minus ex vero scripsit Iovius, Historiar. Lib. XXVIII. p. 275. sequi. Primo omnium, inquit, allatis muneribus, quæ elegantia potius, quam pretio placitura, grataque vxoribus futura, non absurde existimarat, purpuratorum non modo, sed ianitorum etiam amicitiam mouerint. Ita & ISTVANFFYVS: Libro X. p.

151, 28. IOVIUM exscripsit WOLFFGANGVS BETHLEN, Hist. Lib. I. p. 49.

g) BERHAMVS fuit, SOLYMANNI legatus, ad LVDVICVM missus, ISTVANFFYVS Lib. VI, p. 90, 5. Taram, in vincula datus, ibique, cum vniuerso comitatu, clam interfectus. Idem, Lib. VII, p. 92, 38. Egregium, si superis placet, facinus! Hungarico, breui post, cruore eluendum.



cum voluntatem & mandata Dominorum suorum exequuntur. Omnino, hoc ipsum, quia detentus erat, fuit Domino meo aduersissimum, semperque factum illud vituperabat. Interrogauit postea, an Regia Maiestas, habeat vxorem? interrogauit, de fratre eius *Georgio*, dixitque, corpus suum non esse inuentum, quod ipse ex industria quærendum commiserat: & quæsitis a me communioribus rebus, finem, cum *bona nocte*, fecit verbis.

Eadem die, Dominus *Ludouicus*, *b)* habuit a me literas Regias, per vnum *Turcam* transmissas.

Die sequenti, qui fuit XXIV. Decembris, in aliam me domum transtuli, vbi adhibuerunt mihi custodiam: semper vnus *Chauz* in die, alter de nocte, ante cubiculum sedebat, neminem ad me admittendo, neque aliquem meorum exire permittendo, & omnia fere sumptu meo emebam, ad viuendi meam, & equorum necessitatem.

Die XXV. Decembris, qui fuit festum NATALIS CHRISTI, in diuersorio, vbi equi stabant, duos agazones, *Turca* ægre percusserunt, & mihi magnam custodes mei ingratitudinem ostendebant.

Die XXVI. Decembris, ibidem in eadem miseria, huc venit ad me, Dominus *Ludouicus de Gritti*, correptis custodibus; & docuit, quomodo mirarentur aduentum meum cum ista legatione: vbi solabatur me, & vt non curarem, quæ fierent, rogabat. Constituimusque inter nos, vt literas Regias, quas illi miseram, monstraret *Bassæ*, & quod quæretet licentiam audiendi commissionem Regiam, cui non apperui singula, solummodo dixi; Dominus meus intellexit, hic te agere, & pollere hic apud *Bassas* gratia: quare rogat, vt sis mihi consilio in ista porta, cuius ego consuetudinem nescio. Tamen, maius erit officium Domino meo, monstrando in transferendis præmiis ex *Venetis*, quæ singulis mensibus, Christianissimus Rex, Domino meo, vi confederationis, sub nomine auxilii mittit *Venetias*, pro quolibet mense scilicet XXX. Millia coronarum dando. Haec pecunia propter bellum cum *Ferdinando*, per nullam aliam viam tutiorem *Vngariam* conduci, quam per hanc, aut per *Aragusam* possunt; tamen, tutior mihi ista videtur. Sed postquam habueris licentiam, publice huc ad me veniendi, & sciueris, si hic pacem conficiam, tunc de præmiis hisce melius consulamus. Retulit mihi, officium patris sui Ducis; retulit illius Reipublicæ sollicitudinem, quam hic habuerunt apud *Bassas*, & medio sui, ac oratoris hic agentis, dixitque, *Turcas*, diu *Vngariam* lapsa æstate inuasuros fuisse, nisi hoc modo, per ipsum & Oratorem *Venetorum* retinerentur; dixitque, non futuram alio modo pacem, quam per tributum conditionem: cui ego, longis verbis, impossibilitatem exposui; nec me desuper habere mandatum: quia hoc nunquam cogitasset Dominus meus. Rogavi demum, vt exploraret mentes hominum, & mihi subiiceret; si autem licentiam veniendi, & me visendi non haberet, vt scriberet, scriptaque, arte aliqua transmitteret.

Die XXVII. Decembris, ibidem in conclaui habui pollicem *i)* a Domino *Ludouico*, vbi scribit, se non obtinuisse licentiam veniendi ad me, nec illam habiturum, nisi adhuc semel apud *Bassam* fuerim, significauitque, cras me apud *Bassam* futurum, & quod certum sit, vt si cum tributo non veni, quod male tractabor, nec Imperatorem videbo. Admonuit tamen, vt cum a *Bassa* tentatus fuerim, fortis sim in proposito meo &c. plura non audeo scribere; scripsit mihi.

Die XXVIII. Decembris, qui fuit dies Sabbathi, vocauit me *Ibraim Bassa*. Est enim consuetudo apud Cæsaris portam, vt in septimana, quatuor diebus, Imperialis teneatur audientia, Sabbatho, die Dominico, die Luna, & die Martis, iisque, & non aliis diebus audientia datur Oratoribus; vocatur autem hoc audientiæ tempus, lingua illorum *Deuan*.

T t 2

Ibraim

*b)* GRITTVS nimirum strenuus, cruentæ structor scenæ, quam postea reclusit tyannus, vltra modum sanguinolentus.

*i)* Schedulam intelligo, ad modum pollicis complicatam.



Ibraim Bassa, ad Laszky.

**A**ffectionem Domini tui, & mutuam fraternitatem, *inquit*, coniunctionemque grato excipio animo, & volo illi minoris esse loco fratris; sed, frater fratri, amicus amico, ita debet esse obnoxius, ut res utriusque, unus sint, eadem voluntas, unum studium ac unum consilium. Quare, ego talem cupiens, cum tuo Rege, habere fraternitatem, quæ certa & constans maneret, & quæ esset grossa, non tenuis, quæ facile rumpitur, dico tibi, quia non mihi licet, nec possum eiusmodi inire fraternitatem, nisi prius sciuerō, omnia tui Domini negotia, & maxime, quid apud nostrum Imperatorem postulet? modo quo illi se exhibeat? nam ego plus Domino meo, quam patri, plus, quam soli debeo. Nam, si tuus Dominus taliter se Domino nostro exhibere nollit, quod illi esset honorificum, perpendere debebo, aliquid in vestris visceribus esse, quod tempore suo, contra nos repullularet, & hic mihi ignorare debet tuus Dominus, si fraternitatem non exceperim.

Laszky, ad Ibraim Bassam.

**C**onsiderare, *inquit*, potes, quia grossam vult tecum Dominus meus inire coniunctionem. Nam alios Bassas, uti Oratores assueuerunt, nec salutare, nec illis literas, absque tua voluntate, offerre iussit: Tu autem iussisti, ut eos inuiserem, ubi, cum ad *Mustaffa Bassam* venissem, indigne ab eo tractatus sum. Serenissimus Dominus meus Rex, non Rex nominatus; ego *cursor* vocatus. Quid prodest, ista tua humanitas, quam tu mihi exhibes? cum me solus honorifice excipis & audis; Regem vero meum, & me, admittis leuipendi. Si sciuissem ego hoc, non iuissem ad illum certe. Nam ego non veni ad iurgia, nec ad contentiones, nec veni ad eum, ad quem me pridie præmiseras; sed veni ad te. Credo id per industriam abs te factum extitisse, aut in leuipendium Domino meo, vel certe, ut cognoscerem, quantum benignitas tua, ab illius distet inhumanitate. Omnia mihi perplacent, cum tecum ago, quia video me loqui cum corde Domini sui. Agnosco acutiem (*ακμωεν*) industriæ & virtutis tuæ. Scio, quia scias mores hominum, & modos, scias quid in mundo tractetur, quæ sit curiarum Regum, Principumque diuersitas, cognoscis. Hæc tua prudentia, hæc auctoritas, & humanitas, per totas regiones nostras, maximum nomen habet. Nunquam ego audiui, *Mustaffa Bassæ*, nunquam *Ayas Bassæ* nomen: obque tales tuas præclaras dotes, Rex meus Serenissimus, honore & fraternitate sua dignatur Te, & non alium quempiam. Nec miror, quia hanc coniunctionem inire nolueris, nisi certitudo, modo, quo erit Domino meo cum Imperatore tuo, tibi prius foret cognita; si enim aliter faceres, & ego crederem te aliquid aduersi Domino tuo penitare, qui te, cum illius inimico coniungeres? Veni ad te, tanquam ad cardinem, qui fores amicitiae principum nostrorum, regeres & gubernares, permanendo in fideli obsequio Domino tuo, & Regi meo, in sincera & arcta fraternitate: ubi Dominus meus hoc suum studium & consilium, quod semper Regibus suis, *Vladislao*, & *Ludouico*, suadebat & consulebat, nunc solus, cum Rex sit, exequi cupit, videlicet, pacem, amicitiam, coniunctionem, ac confederationem, cum Imperatore tuo. Hæcque ipsa, finire & perficere, medio tui, cupit & optat.

Ibraim Bassa, ad Laszky.

**F**rater mi! *inquit*, de magnis & diuersis rebus tractando, oportet grata, ingratissimè admiscere, stantibus præsertim ita rebus nostris, & vestris. *Mustaffa Bassa*, bonus vir est, antiquus huius Imperialis Domus sclauus & Secretarius; quilibet tamen more suo agit & viuit. Cum itaque, Dominus tuus, hoc fraternitatis vinculo, me suum esse cupit, cumque, ut dicis, te huc in meam mitteret confidentiam; obsequere consilio meo, videbis, quia rectum consilium, & bonum me fratrem Domino tuo cognosces. Rex tuus coronatus est, non ex Regio sanguine existens, neque per successionem; sed electus, & coronatus, per partem; habet inimicum FERDINANDVM, qui potentior illo est, quem alia *Vngarorum* pars, duxit in *Vngariam*. Et ut vere dicam,



dicam, si aliam iustitiam non haberet, nisi eam; quia Sororem habet Regis LUDOVICI, potior eius iustitia apud DEVM est, quam tui Domini. Nos autem Regem LUDOVICVM occidimus, sedem eius regalem occupauimus, comedimus in ea, & dormiuimus. Regnum illud nostrum est. Quia, stulte dicunt, qui asserunt, Reges propter coronam Reges esse. Non aurum, vel gemmæ, imperant; sed ferrum, sablya, qua conficitur obedientia. Itaque, semel sablya quæsitum, sablya teneri debet, vique occupatum ac potentia, non potest eripi, nisi aut alia potentia, aut tractatibus. Quare, consulo tibi, vt Domino meo, quam maximum honorem faceres; nam illud Regnum suum est, quia frustra tempus perdis. Scimus potentiam Domini tui; scimus, quomodo Vngariam expilauimus, quæ nulla pecuniarum auxilia ferre potest; scimus maiorem Baronum, ad FERDINANDVM, defectionem; scimus, quia tuus Dominus retrocedere coactus est, cum videret illius fortiolem exercitum. Quare, accipiat tuus Dominus, manicam Imperatoris nostri, recognoscat illum pro Domino, habebit Regnum a nobis, habebit tale auxilium, quod non FERDINANDVM solum; sed & Ferdinandum amicos, quando tuus Dominus voluerit, vertemus in pulueres. Montes illorum, vngulis equorum nostrorum, reducemus ad planitiem. Eo igitur modo, Domino tuo, certitudo regni facienda est, certitudo Imperatoris amicitiae, certitudo fraternitatis nostræ; ista conditione, status Domini tui, stabiliendus est. Vide! si non fuissent Oratores Veneti, & filius illius Reipublicæ Ducis, (ad quem etiam, tu, scio, literas attulisti) hac elapsa æstate, gustassemus, & Ferdinandum, & Dominum tuum; quia, non potest esse melior pro tertio, nisi quando duo dissident, commoditas. Quid fuisset, cum ego, cum Romania, & cum Janiesarorum parte, per hanc Danubii partem iuissem contra Ferdinandum; & per aliam partem, socius meus Agas Bassa, opposuisset se Domino tuo, ductis secum utique Moldauis, & aliquot millibus Tartarorum, vterque nostrum, superaret Centum Mille virorum numerum. Tartaros, in Poloniam, tot mitteremus, quot sufficerent; sed nos, ad Venetorum, qui nostri sunt amici, postulationem, supersedimus hac æstate; non tamen dormiuimus: si erit opus, veniemus breui, inueniemus vtrumque lassum, sine opibus; facilis erit cum eis tragicædia. Quare, consulo, poscas a Domino meo Regnum, & roges, vt moram istam Domini tui boni consuleret. Dic, quia tuus Dominus, vult sub illius manica & umbra esse: promittas tributum, summam non nomines, quia ego hanc moderabor; si facies hoc, habebis omnia quæ volueris. Nam, si huic thesauro suo, quem habet Dominus tuus confidit, Frater! Frater! facile ex illo puteo aqua extrahitur, in quem non insuit, chorda, quæ assidue pulsatur, rumpitur.

## Laszky, ad Ibraim Bassam.

Sermonem, inquam, longum fecisti, & vix omnia memoriæ imprimere potui. Dixisti tamen inprimis, Regem meum non per successionem, neque ex regio stemmate; sed per partem esse coronatum. Verum dicis, nullam Dominum meum habuisse successionem, quia non e regali domo esset; sed eius talis coronatio laudabilior est, quam per hæreditatem; quoniam plerumque hæredes prauos, tyrannos atque ineptos, vidimus & audiuius; sed Dominus meus, in defectu regiae prolis masculæ, per longam electionem, tandem vnanimi omnium applausu, exaltatus, & coronatus est. Coronantur autem apud nos Reges, a subditis, vt corona, fidelitatem & obedientiam suam testificentur. Regnum autem Vngaria, si per successionis lineam deuolui debuisset, non alii, tali iure cederet, nisi Poloniae Regi, qui Patruus Ludonici erat. Tamen, Poloniae Rex, libertatem Vngaricam opprimere noluit; immo misit oratores suos ad coronationem, moderni Domini mei Regis, congratulando illi. Nam, fenella, apud nos, k) sicuti & apud vos, non hæreditant. Pro tanto, & apud DEVM, & apud homines, melior est nostra, quam FERDINANDI iustitia. Dixisti præterea, quia Ferdinandum alia pars, & potior Baronum traxit in Hungariam.

Decad. I. Monument. IV.

U u

Verum

k) Falsissimum est, de successione in regno, apud HUNGAROS; verum, & legi Salicæ congruum, in Gallia; vbi Lilia non nent. Idem fit apud TVRCAS, quibus LVNA sua, nunquam est Serenissima.



Verum est, quod sunt aliqui, qui timent, de male gestis, poenam. Mox, post mortem *Ludouici*, ad FERDINANDVM fugerunt, qui Regem defunctum, male gubernabant, qui plus propria, quam communia amarunt, qui cum vestro Domino, pacem facere dissuadebant. Isti, metu seueritatis *Vngarica*, salutem sibi apud FERDINANDVM quaesierunt. Latrones isti, & non Barones <sup>1)</sup> sunt. Est vnus ille claudus quondam Palatinus, cui, ob latrocinium, dignitas Palatinatus adempta erat. Est alter Thesaurarius, qui ob furta & fraudes, captiuus sedebat; sunt & alii istorum complures: isti, non pars regni sunt, sed vnum membrum, & id apostematum, quod si non aufugisset, abscissum per plebem fuisset. Vos, hic etiam habetis transfugas Persas: nonne, quilibet illorum, aut ob metum, aut ob lucrum venit; de hoc nobis nulla ratio est. Dixisti etiam, quia Regem occidistis, *Budam* occupastis, quod per hoc regnum vestrum esset. Si vos habere voluissetis *Budam*, non ita illam relinquere debuissetis, sicuti reliquistis; sed ita, sicuti *Cairum*, sicuti *Damascum*, sicuti *Rhodum*; sed, comburendo, omnia inde auferendo, nihil suorum ibi relinquendo, non praesidiis muniendo, non destructum reaedificando, repenteque recedendo; quis est? qui non dicat, hoc vos metu fecisse. Per hanc talem occupationem, nihil magni factum est. Quia *Buda*, res est, quae facile capitur; nihil esset omnino turpius, ut propter hoc, Reges *Hungariae*, deberent recognoscere Imperatorem vestrum. Consilium autem tuum, quod das, honorificum est, non meo tamen, sed tuo Domino, cum suades, ut sub manicam & umbram Imperialem, Rex se meus committat. Quid hoc? propter vniam excursionem vestram, & aliquot in *Seremio*, castellorum occupationem, iam Rex *Hungariae*, a vobis dependere deberet, iam vobis tributarius, qui inter Reges Christianos, tertius loco est, opibus autem & viribus primus, qui antea, Imperatores vestros, & nostros, multoties rupit; qui Venetos Tributarios sibi reddidit; qui Bohemiae regnum; qui Austriam, & alias Prouincias, suae subiecerat ditioni. Is nunc deberet esse vester Tributarius? tandem, fuit quondam inter Regem MATTHIAM, & FRIDERICVM Imperatorem, contentio, resque MATTHIAE, peiorem habuere conditionem, quam nunc Domini mei habent; superauerat tamen MATTHIAS breui singula, quid hoc est, cum FERDINANDI exercitum; alterius sortis, quam nostrum vidimus, quod consulto retrocedebamus, arte cum illo agentes, & cupientes equos illos magnos, diuturna fatiga, homines vero assiduo armorum onere, emacerare atque debilitare: eamque ob rem, retro cedebamus. Actum ita sapius extitit apud antiquos Romanos, & apud alios rei militaris gnaros; nunc tamen audietis alia noua, & maiora audietis, dante Domino. Ego huc veni, ut ex ista parte Vestra, certus & mutuus inter nos esset amor, pax, amicitia, & confederatio, quam habentes, integra manu, arcum in FERDINANDVM tenderemus, quia hucusque illum duobus tantum digitis traximus, habentes Vestri, sicuti hostium, maiorem, quam FERDINANDI, rationem. Volumus igitur esse amici, amicis Vestris, inimici inimicis. Estne hoc vobis paruma Rege *Hungariae*? cum sumus fide diuersi, cum regnum a vobis illud, recentem videat iacturam ac offensionem, eo modo *Vngaricam* coniunctionem assequi? Profecto, credidi ego hic me habiturum aliam, quam video gratitudinem, cum pro paruitate industriae meae perpendebam, tot & tantam rem vestram ex hac amicitia futuram; sed vos adhibuistis tot mihi custodes, tanquam illi, qui fugam metiretur. Non veni huc ad fugam, non veni, ut aliquid explorem. Veni, ut dixi, ea spe, quia gratus esse debuisssem. Creditis, iam apud nos non esse vires; creditis, non esse maximos Reges? non esse id curae, & apud magnos, & apud paruos, quia res Vestra, tam breui tempore, in immensum creuerunt? confiditis Vestrae potentiae, plus quam diuinæ voluntati? recordari *Alexandri Magni* potestis. Romanorum potestate, nulla maior fuit; ubi nunc illa, quo initio creuere, eo sine interiere. *Sapiens quisque est, qui in maxima fortuna, minimam habet licentiam.* Domina vestra omnia sunt licentia. Viunt

1) Putide dictum! Inuehitur vero, in Palatinum, STEPHANVM BATHORI, atque ALEXIVM THVRZO, & reliqua patriæ columnina. quorum nomina actusque, leges

apud ISTVANFFIVM, Libro IX. p. 137. initio: collato, PAVLLI IOVII, Histor. Libro XXVIII, p. 270. ubi videre possis, detorta, Hungarorum procerum, cognomina.



Viuunt omnes, quorum patres, fratres, & alios consanguineos, occidistis. Nouum est imperium vestrum; omnia tyrannide gubernatis. Multoties iam in Syria, ac Aegypto, rebellionem vidistis. Regna longinqua habetis, ad quæ nostris paruus labor nauigandi est. Persa est, qui bellum habet vobiscum; nulla ramen ex parte, maior vobis ruina imminet, quam per nostram Hungaria partem, quam, si amicam vobis feceritis, nihil maritima bella timeatis: nam equites, nauibus duci non possunt; cum peditibus vero, leuis comœdia est. Hungari autem vobiscum amicitiam habentes, tutabuntur vos semper ab suis oris, & non soli solum, sed & Dominus meus. Si hoc gratum Imperatori esse deberet, induceret Serenissimum Polonia Regem, ad faciendam, & quærendam vobiscum pacem, qui Poloniae Rex, omnibus aliis Regum nostrorum equitatu potentior est, quos, si amicos habueritis, nunquam hanc partem tueri debebitis. Erunt enim isti Reges, & soli amici Vestri, & alios illorum amicos, semper ita manutenebunt, & nunquam aliquid hostile molientur. Quia autem Venetiarum Orator, & filius Ducis, vos, ab inuadenda Hungaria, retraxit, fecerunt ut amici, & regno illi obnoxii. Sed mihi non placet, hæc Vestrae potentiae confidentia, & iactantia. Dicis enim, irem & facerem &c. Futura namque, male quilibet facit, si sibi certa promittit, maxime autem in rebus bellicis, quorum euentus in manibus DEI, & non pugnantium est. Confiditis multum numero & multitudini Vestrae, quasi nesciatis, quia, cum ad certamen deuenitur non omnes illi pugnant, qui ad praelium veniunt; victoria enim, vel ruina, semper per aliquot virorum millia, inprimis pugnantium sequitur. Et sic non tantum fidatis vobismet ipsis, ut reliquos parui faciatis. Scitis, quia a nobis, omnes artes bellicae & ingenia bombardarum ac mitionum, traxere originem. Vos, si vultis habere bonos machinarum fusores, si illarum iaculatores, a nobis, multo impendio, quaeritis. Itaque, temere sibi futura pollicendo, superbe loquendo, nihil id facit aliud, quam, quod incerta spe pascis expectationem tuam. *De tributo autem iam saepius esse silendum dixi; nam Serenissimus Dominus meus Rex, non solum, nunc inimico suo; sed & agazoni suo, citius Regno cederet, quam illud vobis redderet tributarium.* m) Quare, si non cupitis eam coniunctionem vobis esse gratam, quam attuli, faciatis mihi saluum reditum ad Dominum meum, per eam, quam veni, viam.

## Ibrahim Bassa, ad Laszky.

Sedebat longo satis tempore pensitando, demum dixit: iungamus nos subselliis, ut liberius tractemus, sed absque fastu agamus. Dic mihi quaeso, ob quem finem Domino tuo, Hungaria cedere debemus, ob quam vtilitatem, cum eo, hanc coniunctionem facere? quia cum semel Dominus noster aliquem sibi adiungit, ita eum fouet in gremio benignitatis & amicitiae suae, ut nec vno puluere illum labefactari admittat. Regnum, si tuo Regi dabimus, coniunctionem, si cum illo faciemus, tum erimus amici amicorum eius, tum inimicorum inimici. Nonne ad quamlibet eius requisitionem, illi subueniendum erit? subueniendum autem, nunc contra FERDINANDUM, & gentem Germanicam, Vestri orbis potiore, quibus Imperator Vester, quibus Rex Francia, quibus Veneti, cum aliquid magni volunt facere, vtuntur. Perspice, quantum impendium Domino meo faciendum erit; impendium non vnus mensis, nec vnus anni. Cur hoc Dominus meus facere deberet, propter Dominum tuum, absque aliquo fructu, honoris, superioritatis, atque tributi: tantum hoc esse deberet propter Domini tui amicitiam? Cara est hæc amicitia, per Dominum meum non emitur. Dominus tuus, contra quem nobis suppetias laturus est? contra Kiczel Bassam? remote vestris est. Nos vero, quid auxilii egemus contra illum, cuius medietatem regni subiecimus? Mesopotomia iam tota nostra est, sedimus in Deuris, sede

U u 2

m) En! quanta animi & oris libertate | cari id LASKY o potuisse, a IOVIO, &  
constantiaque, negatum sit barbaris, ab | ISTVANFFIO, atque horum sequacibus,  
Hungaro, tributum, ut mirum sit, adfri-



ac ciuitate illius regali, per dies duodecim, actumque iam diu esset de illis, nisi essent de fide nostra. Ergo, Dominus tuus, ubi nobis subueniet? Igitur, propter eius amicitiam, *Hungariam* illi nostram dare, ac tot gentibus & impendio auxiliari debemus? Dic mihi, si vos essetis, sicut nos, in ista potentia, in istis opibus, viribus & facultatibus, & nostros Oratores, hoc, quod tu habes, quærentes haberetis, quid faceretis cum eis? suspenderetis eos certe! quia recordamur, quid fecit *Ludouicus*, vni sclauo nostro, a tanto Domino eunti, nihil mali portanti; tulit tamen pro facto illo, talem, ut scis, bonus Rex, pœnam, & certe ego doleo de persona sua. Miror tuæ prudentiæ, quod huc adueneris, absque saluo conductu, cum ista tua durtia, & cum tui Domini, tam cara amicitia, quam nobis ad vendendum exhibes. Obsequere consilio meo, fac Domino meo honorem, nomine Regis tui, promitte *tributum*, stabit Dominus tuus eo melius, quam alias. Nam aliter, nec Domino tuo, nec *Ferdinando*, *Hungaria* cedemus. Vidisti viam, per quam nouissime in *Hungariam* iue-ramus. Verumne, quia pauca herba nunc ibi est? Nunc, si erit opus Domino meo, ibimus multo maiori apparatu, quia tunc ibamus contra vnum; nunc autem ire debemus, contra duos Reges, faciemus ex *Buda*, *Constantinopolim* ibi, - - - ibi agemus. *Tartarorum* omnes *Czaros* in *Poloniam* cum aliquibus nostris, delegabimus; monstrabitque Dominus noster, talem potentiam, qualem nullus hominum vidit, nullus, nec legit nec audiuit. Sed ego nunc tecum alio sum locutus modo, quam *Turcico*, qui breuiter loquimur, n) & longe facimus. Risitque cum hæc diceret.

*Laszky, ad Ibraim Bassam.*

**L**ætatus fueram, inquit, quia nos propinquius iungebamus subfelliis; credidi enim, quia satisfacere velles Domini mei, quam de te habet, confidentiæ, famæque tuæ, quæ apud nos maxima est; sed eadem offa, quæ & prius, tibi in ore est: semper *TRIBVTVM* lingua volutas; honorem assidue Domini tui, & nostrum perpetuum dedecus; deberemque non amplius hanc terere paleam; sed agam, more, ut dicis, vestro, breuiter. Quilibet paterfamilias, qui in æstate ligna colligit, non facit hoc vnico præsentaneæ necessitatis respectu, sed de tempore prouidet, hybernali frigori arcendo: seminando, non eodem momento fructus tollimus, moriuntur multi, talem laborem manuum suarum non degustantes. Eo modo tamen, quicumque viuere vult commode, necesse est, ut res suas curet. Dominus meus, quia nunc auxilii, amicitia, & confœderationis habet cum Domino tuo necessitatem, ob idque contemnenda esset talis, tanti Regis *Hungariæ*, affectio, quia in præsentia non frugi vobis esse videtur; quis esset fructus amicitia & confœderationis, si solum vnus temporis, subito per eam consuleretur necessitati? certe nullus. Nam, eo modo, vna pars haberet commodum, & alia minime. Amicitia igitur & confœderationes, propter futura conficiuntur, eamque ob rem, literis munimentitiis, iuramentisque firmantur. Dixi prius, quia apud nostros magnos Reges, & principes, & ab illis, vsque ad minimos, magna hæc & breui contracta potentia Vestra, cum magno Christianæ nostræ fidei: Dominorumque nostrorum damno, missa est. Dicerem tibi aliqua, nisi timerem, ne forsitan crederes, me velle vos, ad hanc coniunctionem, minis pellicere; vel crederes conficta commentaque esse, quæ ego communicauero; & sic forsitan succenseres mihi. Ita, ut dixisti, verum est, o) absque saluo conductu venienti, poteris mali, quantum volueris exhibere, quæ res, non esset ex virtute & fama tua; quia ego de bonitate humanitateque tua confisus, huc ita veni, absque ista salutis certitudine. Cum enim in *Galliis* essem, audiui te aliquot captiuos manumisisse, qui cum sua *Sablga*, in caput Domini tui, ac tuum, ibant, Regi suo *Ludouico*

n) Utuntur omnino, *Laconico* potius, quam *Asiatico* dicendi genere, *Turcæ*; sed sunt tamen eo prolixiores malefactores, quod nos, tot retro acta secula, condonere.

o) Fallitur ergo, credulus auditionum, *Iovivs*, quando *SIGISMVNDI*, *Poloniæ* regis, diplomate præmunitum commendatumque, *Byzantinum* concessisse ait. *Hist. Lib. XXVIII. p. 275.*



amico assistentes, eos tu libertate non solum, sed equis, vestibus, pecuniisque, condonasti ac prouidisti, quæ res maxime apud nos insonuit; nam hoc de vobis nunquam antea auditum extitit, commendabantque omnes hanc tuam benignitatem, parastique per id tibi apud nostros maximum nomen, & singularem quandam affectionem. Confusus itaque ego tantæ probitati, generositati, ac humanitati tuæ, veni huc absque saluo conductu; non portans *Sablyam* in manibus, sed portans tibi in corde sinceram coniunctionis & amicitiae affectionem, certoque mihi promittens, id tibi gratum esse debuisse. Audiisti paruo ante tempore, regem *Francia* apud Imperatorem captiuum, nunc iam esse liberum, relictis in obsidibus duobus filiis suis. Is nunc nihil magis laborat, quam ut filiolos suos haberet. Is etiam nunc duxit *Angliae* regis filiam, ut hac amicitia & coniunctione fortiolem se faceret Imperatore, miserantque ambo hoc Septembre lapso, videlicet, *Francia* & *Anglia* reges, oratores suos ad eundem Imperatorem, hoc modo, quia ipsi fauent sibi honorem & titulum Imperialem, rogantque eum, ut filiolos obsides daret in redemptionem. Postquam *Francia* rex promissa *Burgundia*, atque *Piccardia*, propter leges cedere non posset, & quod rex *Francia* paratus sit dare paratos tres auri milliones, redimendo promissas prouincias, & filios liberando. Quod si Imperatori parum videretur, monent, ut arbitri, rem recognoscerent, quorum duo vnius partis, & duo alterius esse deberent, regemque *Polonia* pro arbitro nominant, si autem illi, ceu Imperatori indignum videtur, filiis regis *Francia* mercari, mittat illos de liberalitate sua ac virtute Christiana, & cedetur illi tota Italia, coronabitur in verum Cæsarem. Rex autem *Francia*, propter talem amicitiam perpetuo se *Mediolano*, & *Neapolitano* regno abdicabit, habitisque filiis suis, mox maiorem regno *Francia* præficiet, & solus sibi, nouum regnum, ex manibus *Turcarum* eripiendum quæret, hocque ipsum, per decennium, omnibus viribus suis, terra ac mari conari promittit. qui rex *Francia*, in illo regno portus & stationes habet mille quadringentas, ubi tot habebit vela, si ex quolibet portu vnâ duxerit nauem; qui ordinarie prouentuum regni scilicet, multos habet coronarum milliones, qui deinde extraordinarie tot habet, quot a subditis postulat. Sciunt hoc amici vestri *Veneti*, quanta illius est potentia, quanta opulentia. Rex autem *Anglia*, in eam rem, duos auri milliones quotannis promittit. Quæ res, si fortietur effectum, credo & mortuos, ut ita dicam, contra vos surrecturos; quia cum rege *Francia* ibunt infiniti, qui cum alio ire etiam nec cogitassent. Rex *Anglia* idem, Imperatorem debiti duorum millionum, & sexcentum millium ducatorum, liberum facit, si eo modo filios *Francia* regis dimittet. *Abissini* mittunt oratorem; *Persæ* rogant, admonentque, ne caput leuare, ab hac nostra parte, tuum Dominum admittamus. Promittunt *Aegyptum*, & *Terras* marinas, illas regiones vestras, se paruo labore erepturos, si ex hac parte tuus Dominus incessetur. Sed, quid ego hæc, quæ tibi melius sunt cognita, enumero? credes forsitan, hisce minis meis, te & Dominum tuum, ad coniunctionem cum Rege meo, torquere me velle; non feci hoc, ut te, qui aliis terrori fuisti, terrerem, & hoc modo ad amicitiam nostram inducerem; sed ut videres, quia tecum, & cum Domino tuo, sincere & vere viuere constituimus, illique potius adesse & auxiliari, quam aduersari. Itaque, securis iam ad radicem est, & sicuti non nego, præsentaneam nunc nobis esse necessitatem (quia & cum tuo Domino, & *Ferdinando*, vno tempore pugnare, magnus esset labor) sic etiam perspicio, breuissimo tempore vos laudaturos & experturos coniunctionem nostram. Potentia vestra magna est, ut dicis, & vtut eam omnibus præponis; tamen, non ex vestra voluntate, sed ex diuina dependet. Potens erat *Darius*, contra *Alexandri* paucitatem; potens *Cræsus* contra *Cyrum*; tamen diuina voluntas alia est, quam humana præsumptio. *Darium* enim, cum innumerabili exercitu ad prælium venientem, *Alexander Magnus*, parua manu, profligauit. Allegas *Tartaros*, & multa de tua potentia iactitas; sed crede mihi, quod cum in vnâ diem omnis conducitur potestas, non sit hoc consulto; sed hæc extra propositum nostrum. Dixisti insuper *Turcas*, breuia verba, sed longas manus habere, & quod extra consuetudinem tuam esset, tantum de vna re, idest tributo, differere. *Dixi iam multoties, vos nullum a nobis tributum habituros.* Sed, si vultis a nobis honorari, quia, ut



dicis, Dominus tuus plus honorem, quam commodum postulat; reddatis Domino meo, quod sub rege *Ludouico*, usque huc, in *Hungaria*, in *Sclauonia*, *Croatiaque* ademptum est; honorabit Dominus meus, Dominum tuum, semperque illi *maiori*, & *honorando*, scribet, tutorem recognoscet, ob beneficium datum: eo modo, & non alio per nos honorabimini; *sed de tributo non cogitetis, quia, frustra ex lana securim cudetis*. Si autem Dominus tuus, loca surrepta, nobis reddet, trinum sibi faciet commodum. *Primo*, quia obsequii, & integræ amicitiae, habebit cum *Hungaris* perpetuam certitudinem. *Secundo*, quia reges *Hungariae* illum pro suo maiore, & tutore recognoscent. *Tertio*, quia talis tua liberalitas, magnum habebit nomen apud omnes *Christianos*, qui reducent asperitatem cordium suorum, pacemque forsitan facient, vobiscum praesertim, quando sic Dominus meus, hoc confitendo beneficium se interposuerit. Quare prudens es, polles apud istum Imperatorem, tanta gratia & auctoritate, ut dicaris esse *Imperator Imperatoris*; bene & male facti, omnis ex te manat finis. Perspice, longe plura, quam quæ ipse aperui, vestro capiti minantia. Animum Regis mei excipito, affectionemque suam. Et mihi de multiloquio ignosce.

*Ibraim Bassa, ad Laszky.*

**F**orsan, inquit, miratus es, quia risi. Risi, inquam, cum repeteres e manibus nostris ademptas regiones vestras. Scito, nos magis aduncos ungues habere, quam falcones: ubicunque manus nostras implicamus, non soluimus, nisi abscindantur. Sed ita oportet esse, omnis pluuia cadens, per terram excipitur; sic etiam nos, maxime Oratoris verba necesse est ut audiamus. Sed, ut nos longas manus, sic vos longe videntes oculos habetis. Poscitis loca erepta in tot regionibus. *Bellgradum*, vel *Gradum Bell* somnatis, mi Frater! Ego, uti quilibet nostrum *Bassa*, verbum minimum, malum sit, vel bonum, Domino meo referre teneor, cum maximo timore; profecto hæc Imperatori meo dicturus sum; tamen, tu non timeas, postquam tu ita in meam confidentiam aduenisti. *Bona nox!*

Die XXIX. Decembris, qui fuit dies Dominicus, venit ad me Dominus *Ludouicus de Gritti*, habita a *Bassa* veniendi licentia, retulitque mihi omnia, modo quo cum *Bassa* tractarim, cui idem *Bassa* in commissis dedit, ut tractaret mecum de tributo, qui actis mecum multis rebus, dixit: *Bene facitis, quia duri in hac materia estis, ego cras cum Bassa ero, & omnibus rationibus ab tributo reducere eum conabor*. Et ita terminauimus multas rationes, de TRIBUTI IMPOSSIBILITATE. Inprimis, amicitiam & auxilium *Gallicum*, quia eo modo perderemus, omnium subditorum amorem, omnium aliorum amicorum affectionem amitteremus, multaque ad allegandum proposuimus. *Tricesima Decembris*, ibidem Constantinopoli.

Die XXXI. eius Mensis ultima, venit ad me Dominus *Ludouicus*, ubi dixit, se cum *Bassa* non potuisse tractare, quia in ipso tractationis initio, febris illum inuaserat; tamen *Bassa* dixit: Dicās Oratori, quia non sum ausus, regiones per nos ademptas, referre Domino nostro, timui enim Domini iram.

*Anno MDXXVIII.*

**P**rima mensis *Januarii*. Commendit mecum Dominus *Ludouicus*, quem mox ad se vocauit *Ibraim Bassa*, cum quo stetit usque ad noctem, redeundoque domum, intimauit, ut bono animo essem, quia cras mihi bonum nouum portaturus esset.

Die II. mensis *Januarii*. Venit ad me Dominus *Ludouicus*, longissimumque *Ibraim Bassa*, de tributo dando, sermonem retulit, dixitque, quia *Bassa*, de solo *Seremio p)* restituendo suavit, & quam hoc pessime audierit, summarieque dixit; a tributo esse reductum *Bassam*, hoc tamen poscente, ut annis singulis, Oratorem, Reges *Hungariae*

p) Nihil, de LASKYANAE legationis hoc | legas. Laudanda, si successisset, apud capite, apud IOVIVM, vel ISTVANEFFVM, | auarissimos barbaros, contentio.



riæ mitterent, cum donis, *Decem* Millium florenorum ad Imperatorem. quod si facere vellem, tunc eo modo, pax & amicitia tractabitur, & concludetur. Auxilia dabuntur, & gentium, & munitionum. &c. Adiecitque *Bassa*, & iussit, ut bene deliberes, quia, quod semel dicitur, vel promittetur abs te, iam hoc iure & iustitia nobis debetur. Respondi ego, quia nulla egeo deliberatione. Nam idem est fere; dare singulis annis dona pro tempore deputato, ac de tanto valore, quantum esset, dare tributum; quæ res, ceu tributum indigna esset Domino meo, quia puerilem metamorphosin faceremus, cum tributum vocaremus dona; & sic, nequaquam me id facturum respondi. Rogavi *Dominum Ludouicum*, ut iræt ad *Bassam*, & proponeret sibi Regis mei affectionem, fraternitatem iucunde oblatam, & quod hoc modo faciendo, nullam faceret gratitudinem, nec se talem exhiberet, qualem speraret Dominus meus, ac qualem apud omnes de se haberet famam. Rogavi, ut de *Seremio* vrgeret, proponenda; nunquam certam futuram amicitiam, absque *Seremii* restitutione, quia vtrunque incolæ diffidebunt, semperque hinc & inde querelæ audientur. Barones Hungariæ, quorum quilibet in *Seremio*, ob vini bonitatem possessiones habuerunt, nunquam illam commoditatem amissam dabunt obliuioni. Apud Statum spiritualem, *Archi-Episcopatus Coloczensis*, nunquam memoriam perdet. Turcas, nihil inde commodi perpetuo laturos, semperque plus exposituros. Non esse ibi tales arces, quarum fortitudo, vel munitio rationi esset. Nec aliquando futuram integram amicitiam, nisi ista dominia dimittat. His, & aliis verbis, rogavi, ut adhuc *Bassam* stimulare. Nam idem *Bassa* significauit mihi, quia nollet mecum colloqui, nisi comportatis prius nostris differentiis, per eundem *Dominum Ludouicum*. Itaque, ego, quia interprete carui meo, potius duxi rem per hunc bonum virum agere, quam per alium quempiam. Cui ob laborem, & eius operæ fructum, si *Seremio* potiremur, promisi vnum *Episcopatum*, & interim conditionem trium vel quatuor millium florenorum &c. & desuper dedi illi chirographum meum. Vidi enim virum pollentem in porta Cæsaris gratia & auctoritate, pollentem ingenio, virtute, opibus, patrem Ducem Veneratorum habentem, qui illud dominium totum pro nostra parte regeret.

Die III. mensis *Januarii*. ibidem Constantinopoli.

Die IV. *Januarii*. qui fuit dies *Sabbathi*, & dies *Deuân*, fuit *Dominus Ludouicus*, cum *Bassa*, qui retulit; *Bassam* nolle aliquid de *Seremio* tractare, mirarique de durtia mea, & quod impossibile esset aliter pacem fieri, nisi cum donis cuiuslibet anni. Allegabat *Bassa* varia; Regem, *Dominum* meum, ex *Buda* pulsum, ex *Transilvania* pulsum, quodque ei adiuuando, maximum impendium faciendum sit, & quod rationalius esset, pro illis solis hoc impendium effundere, quam pro Domino meo; allegauit, quia iam in *Seremio*, fides Turcica radicata est. Iam illorum ecclesiæ multæ erectæ, quas *Dominus* illorum, ad manus nostras nunquam daturus esset; quia esset fidei defensor, & *Dominus Mecha*, ubi sedes & potestas est fidei illorum, tanquam vobis vestra *Roma*; & quod per id ipse sit *Vicarius Prophetæ*, & fidei defensor. Dixit præterea, *Drænum* fluium distincturum dominia mutua, & per eam contiguitatem, nihil futurum iniuriarum &c. & cum isto fine venit ad me *Dominus Ludouicus*, cum quo longam deliberationem consultationemque habui, tandemque ita constitui; quod, si non restitueretur nobis *Seremium*, ut tunc pro tali amicitia & coniunctione Imperatoris, singulis quinque annis, Rex *Hungariæ*, oratorem mitteret, & valorem donorum non nominando, portaret Imperatori, dona ipsa, qualia Rex meus voluerit; & cum hac conclusione, iuit *Dominus Ludouicus*, ad eundem *Bassam*, inprimis pro *Seremio* quam maxime vrgendum.

Die V. mensis *Januarii*. qui fuit dies *Dominicus*. *Bassa*, cum Imperatore mansit, & *Dominus Ludouicus*, eum colloquendi commoditatem non habuit.

Die VI. *Januarii*. iuit Imperator venatum, & *Bassa* cum illo. Eodem die, stetit mecum *Dominus Ludouicus*, & retulit, noua, de victoria Regis mei allata, non esse vera, quia *Vlaci* venissent de *Semendria*, *Ferdinandum* esse *Strigoni* nunciando. &c.

Die VII. *Januarii*. ibidem in Constantinopoli.



Die VIII. *Januarii* in Constantinopoli.

Die IX. *Januarii*. Imperator rediit Constantinopolim ex venationibus.

Die X. *Januarii*. Bassa domum rediit, & vocavit *Dominum Ludouicum*, quem iste modis omnibus inducebat ad *Seremii* restitutionem, cui tacendum de re ipsa, spopondit. Aperuit illi demum, quod ego paratus essem facere, ut quinquennio semper Orator Hungarus veniret cum muneribus; dixitque *Dominus Ludouicus*; Domine Bassa! Jam ego in tantum laboravi, ut inducerem Oratorem, quod eo modo promittat de Oratore & muneribus mittendo, feci hoc cum maximo labore, itaque rogo iam me habeas excusatum, quia considero, quod dictus Orator non bonam habebit de me confidentiam. Vocetis eum ad vos, & ego vtrunque comportata referam. Nam aliter cum illo tempus perdes, quia cognoscas duritiem & rationes eius, & si ego tibi illas dicerem, ires statim in altum, quia hucusque non dixi ego oratori modo quod tu iussisti, quia sciui quod commoueretur. Nec etiam tibi dixi argumenta sua, ne & tu commouearis, & ita vtrique effeci, ut consentiat, Oratorem mittere singulis quinque annis; iamque differentia inter vos est de tempore, & de munerum valore. Voces illum igitur & conclude cum illo, & consule, absque bono fine illum non dimittas: vides, quia non est Hungarus, habet multorum principum gratiam, quid ille curat, si Hungariam Ferdinandus subiiciet, nihil certe! Itaque, cum eo fine rediit ad me, quod cras ad Bassam vocari deberemus.

Die XI. *Januarii*. qui fuit dies *Sabbathi* & dies *Deuan*, vocavit Bassa, *Dominum Ludouicum*, stetitque cum eo usque ad noctem.

Eodem die XI. *Januarii*. Venit *Vlab Absandzako* Semendriensis, dicendo, quomodo fuisset ad occupandam arcem Mokouicz, quam cum habere non posset, depopulatus est villas, & ultra ter mille animarum abduxit. De Rege autem meo, nihil se potuisse intelligere dixit, quid faciat.

Die XII. *Januarii*. Venit ad me *Dominus Ludouicus*, & docuit, quomodo Bassa, de suo proposito, nec per vnguem recedat, dixitque, quia me esset grauibis & feneris verbis admoniturus, de promittendo Oratore, quotannis cum muneribus; sed ego, ut patienter agerem, admonuit, quia plus humanis verbis efficere deberem, quam rationibus apud illum.

Eodem die, steti cum Bassa, per aliquot horas, qui solitis rationibus, Regnum Hungaria spectare ad *Dominum* suum, asserbat, & quod miraretur, quod ego nollem eam conditionem, mittendi, quolibet anno cum donis oratores, concludere: cum aliter non esset possibile pacem & amicitiam futuram cum Domino magno; cui ego solitis respondi solutionibus, & dixi, me nullo modo posse descendere ad talem, tanquam indignam coniunctionem, per quam Dominus meus reputationem suam, affectionem & amorem Regum, Principum & subditorum suorum, erga se lucidam, amitteret, sibi ex amicis redderet inimicos. Sed dixi, si vultis eum a nobis honorem, reddatis *Seremium*, quo habito, mittetur orator cum muneribus singulis annis; tamen, eo, quo bellum nobis cum FERDINANDO esset, tempore, mittere dona non esset possibile.

### Ibraim Bassa, ad Laszky.

JAm credidi, inquit, te *Seremii* oblitum fuisse; sed video, quia bibisti aliquando vinum <sup>q)</sup> illud, & sic sapor eius tibi dulcis est. Allegasti mihi multas rationes, cur pro nobis bonum esset, ut vobis dictum *Seremium* redderemus. Inter alia tamen dixisti, quia semper plus impendii, obseruando loca illa, faciemus, quam caperemus commodi. Verum est, quia nunc quolibet trimestri expendimus viginti octo *argenti summas*, ad rationem vestram, facit hoc, quinquaginta sex *Millia Ducatorum*, quæ summa,

q) Fuit omnino vinum SIRMIESE, omnino generosissimum. quo, ob incuriam barbarorum, cessante, TOKAYENSE inualuit.



summa, per annum facit *Ducentum viginti quatuor millium Ducatorum*; & vide, nondum habuimus *aspræ* commodum: quid hoc tamen est Domino meo, & si decies tantum exponeremus, eam ob rem non cederemus illa? certe ego hucusque loquendi cum Domino meo non potui habuisse animum. Nam, etsi tantum apud illum polleam gratia, ita, quod nemo alius vnquam apud Imperatores alios tantum valuit; opus tamen est mihi loqui, sicuti cum Domino, sicuti cum benefactore. Cras itaque intrabo domum eius, ibi stabo cum illo, sique inter ambulandum per hortos, non erit talis eius materiæ mouendæ commoditas, alio die ducam illum ad venationem, & ibi aperiam, & persuadebo, tuis omnibus rationibus; tamen, non credo ego illum hoc facturum, quia est defensor & vicarius fidei nostræ. Et quia nunc venerunt *Vlaci*, qui nunciant *FERDINANDVM* ad illa loca descendere, & ita Dominus meus cedere illa in manus Domini tui recusabit, ne diceretur, hoc metu illius fecisse; faciam tamen omnem diligentiam, quod si obtinere non poteris, tunc istum Oratorem promitte quolibet anno mittendum; si autem *Seremiam* reddemus, non munera, sed tributum volumus.

*Laszky, ad Ibraim Bassam.*

**P**ostquam ita Dominus meus constituit, vt vobiscum contraheret coniunctionem, per quam, amicis amicus, inimicis inimicus esse vult; miror, quia aliquot castellorum, tantam rationem habeas, vt pertimesceres desuper cum Domino tuo disserere. Credis, quod ego nesciam auctoritatem tuam, quam hic habes. Omnia hæc in *Galliis* de te sciui adhuc, quæ hic audio & video; & certe istam tuam tantam gratiam, tanti facit Dominus meus, vt se tibi fratrem coniungat. Ego autem, si mihi omnes adhiberes torturas, non credam, nec dicam, quod tu non posses, quod fieri velles; tamen in ea fortuna tua plurimum commendo modestiam, virtutemque tuam, per quam nullam tui licentiam prædicas. Accipe igitur hanc materiam *Seremii*, pro suo labore paruum, & pro tuo Domino laudabilem, facque vt illam rehabeamus. Nam, inter amicos omnia debent esse communia; si nobis reddetis illam, amicis beneficium facietis, qui semper, & cum *Seremio*, & cum reliquis multis regnis & provinciis, ad vestram se aptabunt necessitatem. Hoc enim habito a vobis beneficio, certo nos scias, nulla re alia differre, quam fide. Sed amorem, studium, obsequium, amicitiam, auxilia, semper a nobis habebitis, sincera ac fidelia, & non solum nostra, sed & amicorum nostrorum. Regem *Poloniae* cupit Dominus meus, cum Imperatore vestro coniungi, quia equitibus omnibus aliis principibus potentior est, qui si vester erit, nunquam ex hac parte vobis timendum erit: quare, & eius amicitiae apud Dominum tuum facito mentionem, *Seremiumque* redde, & tributum non posce, sed munera.

*Ibraim Bassa, ad Laszky.*

**E**Ro, vt dixi, cum Domino meo, & de *Seremio* fideliter agam. De rege autem *Poloniae*, bis mihi loquutus es, iam filui primo, sed nunc tibi respondebo. Fuit hic nouissime Orator suus, inducias quærendo, quem cum audiuissemus, egimus cum illo de tributo. Vidique ego in vultu & oculis ipsius, quia si vrissemus hominem, tributum promississet. Cum induciis tamen trium annorum illum remisimus, iamque exspirabunt breui. Rex tuus, magnificat regem illum, quem *Tartari* ita expilant, vt miremur nos, adhuc esse in illo regno homines. His annis lapsis, non bellum cum illo agentes, habuit Dominus meus regni eius plus quam quinquaginta millia ducatorum commodum. Nam *Tartari* omnes captiuos, quos educunt, *Turcis* vendunt. Vbi telonium, in *Kilia* & *Capla*, his duobus annis lapsis, plus solito triginta millia ducatorum inuexit, vbi, si gentes nostræ per *Bohdanos* irent, caperent illud regnum, & ibi cum *Tartaris* hibernarent, & æstiuarent, illa campestria & deserta loca, longioribus deprædationibus implentes. Exspectes, inquit, non recordor nomina terrarum, vbi incursiones faciendæ sunt, clamauitque *Cybayam* suum, quod officium magistri domus ita vocatur, iussitque illi adferri literas in thassul, vbi legit *Cracouiam*



inprimis, postea legit Petrkouiam, Opatov, Radom, dixit deinde: istæ regiones sunt plenæ, & ex eis mox post lapsas inducias trahemus sclauos. *Tartari* nobis seruiunt, itaque, r) non ex se faciunt *Tartari* incursiones, in illa dominia; sed ex mandato nostro, quibus rex ille tributum dabat. Attamen quodocunque illis mandauimus, ibant, de tributo nullam facientes rationem, & faciebant illi regno damna: quare ergo deberemus seruis nostris *Tartaris* facere hoc damnum? quare nobis perdere hanc sclauorum commoditatem, absque aliquo honoris & commodi fructu? Maximeque indignum pro Domino meo esset, coniunctionem cum rege illo facere absque tributo, cum ipse seruorum nostrorum tributarius esset, quos, nos esse vult tuus Dominus, si cum eo pacem habemus, & si cum rege Poloniæ etiam esset, iam nos torperemus, equi nostri, homines nostri, iam priuarentur militia, quia in *Hungariam*, ita amicam, non iremus. *Polonia* etiam adiuncta, vbi nobis esset bellandum? quia militia vsu viget, viresque capit, non multitudine. Itaque simplicem amicitiam illius regis nolumus; sed si tributum dare voluerit, & esse sub manica Domini nostri, habebimus cum pro amico.

*Laszky, ad Ibraim Bassam.*

**R**ex meus, affinitate & fœderibus coniunctus est regi illi *Poloniæ*, cuius regnum, vt dicis, *Tartari* assiduus incursionibus expilant, mirarisque adhuc aliquid posse ibi gentium esse, asserisque, per vestros leui labore regnum illud occupari posse. Verum est, quia *Tartari* multoties faciunt excursiones sed illi non sunt similes viris; sed sicuti lupi, nam apprehendendo aliquid, fugiunt, nec nobiscum congredi volunt. Sed si ita, essent magnanimes, vt nos, & plus honorem belli, quam vacas quærerent, diu iam interiissent, actumque cum illis esset, sicuti cum *Moscis*, & cum *Prussis*, ad eum modum quo cum illis, egregie faceremus; fugiunt tamen. Nunc annus vnus est, cum eorum XXII. Millia, vsque ad vnum interiere, opera tantum aliquot *Lithuanie* Baronum, Ducis *Constantini*, & aliorum, qui regi illi *Poloniæ* seruiabant ex stipendio a multis annis. Nam, cum regno *Poloniæ* esset cum tota *Almanica* natione bellum, rex *Poloniæ*, stipendio *Tartaros* contra eos trahebat, & sic veniebant, quando Rex ille iubebat. Nouissime etiam, cum illi cum *Mosco* esset bellum, utebatur eorundem *Tartarorum* seruitio, & soluebat illis stipendium. Sed, cum Imperator noster, nunc ad componendam hanc differentiam inter regem & *Moscum* se interposuit, iamque a decennio semper induciæ renouantur, non habet eorundem *Tartarorum* amplius necessitatem, neque illis stipendium dat. Itaque, non tributum illud erat, sed seruitii precium. Quare, quomodo erit certa amicitia inter vos, & *Hungaros*, cum *Hungari* *Polonis*, a multis annis, arctissima confœderatione iuncti sunt, incerta erit talis confœderatio; quia, cum vos bellum faceretis in *Poloniam*, *Poloni* ducerent fratres *Hungaros*, vigore confœderationis, contra vos. Eamque ob rem, Rex meus mihi commisit tractare hanc pacem, quia vellet sinceram habere vobiscum & perpetuam amicitiam; & quod videt, si vobis *Hungariam*, & *Poloniam*, certam facietis, quia ex hac Christianorum parte, nihil vobis timendum erit. Certum tamen est, illum regem nequaquam aliquid vobis daturum, quia potens est, & viribus, & opibus, nec ipse aliquid de hac opera Regis mei scit, qua vobis illum iungere cupit. Quare, *Tartarorum* non miremini excursiones, quas ob prædam, & non ob honorem faciunt, statim enim rapiunt aliquid, etiam minimum, fugiunt & semper se a prælio subtrahunt. Fuerunt vestri ante triennium in *Polonia*, qui expectare nostros, etiam *Tartarica* labe infecti, noluerunt, nec facientes cum *Polonis* prælium, vnus diei debitum, omnes continuis *schermucis*, interiere. Nunc, in isto prælio, quod vobis nouissime cum rege *Ludouico* erat, pauci ex *Polonia*, pecuniis Pontificis ducti fuere; vidistis, quia egregie pugnabant. Nos habemus alium pugnandi morem, quam *Hungari*, quia armatura graui, maxime equitatu pollemus, pollemus peditibus, & innumerabili *artilleria*: ob quos respectus, Rex meus *Hungaria*, cupit hanc inter vos, & *Polonos*, amicitiam confici.

r) Aduertat Lector! *Tartaros*, in faciendis impressionibus, iam tum imperia | *Turcarum* sequutos.



*Ibraim Bassa, ad Laszky.*

**F**Rater! inquit, confice prius vnam Regis tui, cum magno Domino nostro coniunctionem; suo deinceps tempore, tractetur de *Polonis*, qui non bene inducias iuratas obseruant, & qui incursiones facientes sub induciis, abigunt pecora pastori- bus nostris. Paruum nobis damnum faciunt, vobis ipsis autem magnum dedecus. Paruus tamen erit labor, referendo, quia *Vninisza*, & *Breslav*, non *Rhodus* est. Con- feram etiam de eis cum Domino meo, & faciam tibi cognitum.

*Laszky, ad Ibraim Bassam.*

**N**on habeo commissionem aliter facere confederationem, nisi habita certitudine, de amicitia inter vos & *Polonos*. Cur cunctaris super hoc negotio, nonne dicis, eo modo Dominum tuum, & meum debere facere coniunctionem, vt alter alterius amicorum amicus, inimicorum inimicus esset. Qui autem, rex ille *Poloniae*, inde- bite inducias obseruet, miror admodum, quia princeps fidei bonae est, & quia, ex virtute & prudentia sua, ita apud omnes principes nostros magnifit, quia suas diffe- rentias, cum illas inter se habent, semper iudicio & cognitioni regis *Poloniae* subii- ciunt, stantque illius sententia per totum. Certoque scias, *Poloniae* regem hanc ab- actionem pecorum non solum non commisisse, sed & hucusque nescire; sed faciunt hoc *Kozacz*, qui praeda viuunt, & hodie hic, cras in alio loco furantur, accipiunt- que tantum nostris *Polonis*, quantum vestris. quos, cum consequimur, non occidi- mus gladio, sed fune suspendimus. Rogo igitur, habeto horum cum tuo Domino rationem, & quantocius absolue: & eo modo habebitis amicitiam grossam & non tenuem, sicuti illam expostulas, cum vobis, arcta coniunctio, cum istis duobus re- gibus interueniet.

Die XIII. *Januarii*, ibidem, Imperator venatum iuit, in *Natoliam*, comitante illum *Ibraim Bassa*.

Die XIV. *Januarii*. Stetit Imperator in venatione, & *Ibraim Bassa* cum Imperatore.

Die XV. *Januarii*. Imperator in venatione, & *Ibraim Bassa* cum illo venabantur.

Die XVI. *Januarii*. Data est mihi licentia, videndi *Arsenatum* & *Artilleriam* Im- peratoris, vbi centum & vnam galeam s) vidi, inter quas triginta & vna galea grossae sunt. *Artilleria* autem, infinitus, vt ita dicam numerus, insignes tamen spe- cie, & debite accommodatae paucae; continuo tamen funduntur, & ad nostrum vsum adaptantur. Quae autem post interitum *Ludouici* fusae sunt ingenti habentur numero, ostingentae, & omnes ad instar *Cartaginis* t) factae, pulchro certe labore. Eadem die, comedi cum Domino *Ludouico Gritti*, nam ibi armamentaria sunt, in *Galata*, vbi dictus Dominus *Ludouicus* agit.

Die XVII. *Januarii*. Imperator rediit ex venatione, vbi, vocato ad se Domino *Ludouico*, *Ibraim Bassa* respondit; Imperatorem renuisse *Seremii* restitutionem, non castrorum, vel prouinciae ob respectum, sed quia *Ferdinandus* publicaret, se illa loca eripere velle, & quod iam ad reuendendas illas misisset certos suos; vbi, si Imperator illas restitueret, diceretur, hoc timore *Ferdinandi* fecisse, vel si eas restitueret, & *Ferdinandus* adueniret, potiretur illis. Duplex ignominia esset, & Imperatori & Re- gi, & insuper damnum; sed maneat, dixit, illa prouincia in nostris manibus, & cum finis belli erit cum *Ferdinando*, agat tunc Dominus tuus cum Imperatore, accipiet amicabilem expeditionem. Orator ergo vadat ad alios *Bassas*, iamque nihil aliud agat, quam confederationis coniunctionem & auxilii necessitatem aperiat. Sitque vti mecum fuit comptus in verbis.

Die XVIII. *Januarii*. Iui ad *Mustaffa Bassam*, languidum & podagra laborantem, qui me humaniter excepit. Cui dixi, iam plus quam viginti dies praeteriere, vbi te-

Y y 2

cum

s) Naves bellicas intelligit, quas in | t) Tormenta nimirum grandiora, qui-  
portu instructas habuere Turcae. | bus *Cartauna* nomen est.



cum fueram ; non feci tamen hoc in contemptum tuum, vel ob id, quia me primo aduentu, satis intemperate tractasses ; sed nolui tibi ægroto molestiæ esse. Lex enim nostra est, sicuti scis, vt etiam pro inimicis DEVM exoremus : quare, Deus te faciat incolumen, & Domini mei rebus studiosum, quodque hucusque te non inuiferim, feci hoc ipso, vti dixi, intuitu.

*Mustaffa Bassa, ad Laszky.*

**G**Ratias tibi ago, quia ægroto hæc dixeris, rogo igitur boni consulas priorem materiæ tragœdiam, quia antequam homo cognoscitur, magno tempore agendum est cum illo : te ego non noui, ita, sicuti iam ex *Ibraim Bassa*, collega meo, cum me pridie visitasset, cognoui. Itaque, illam inimicitiae squamam abradamus mutuo, & ita alter alteri fratris loco erit. Dictus *Bassa* retulit mihi omnia, quæ cum illo tractasses, qualibus verbis, & quali humanitate. Eo modo, cum aliquis nobiscum tractat, non solum id, quod expostulat consequitur, sed capit ita corda nostra, vt illi non minus, quam nobis ipsis debeamus. Tributum, bonis rationibus, eradicasti ex animis nostris, iamque in paruo puncto differentia est, videlicet : nos volumus, vt Orator singulis annis veniret ad inuisendum Dominum nostrum, & portaret illi certi valoris munera. Tu hoc renuis, nec facere vis, quam, quod Orator veniat singulo quinquennio cum muneribus non æstimatis, sed qualibus & quantis Dominus tuus voluerit. Frater ! perpende regnum illud, iure belli nostrum esse, quia regem illius occidimus, sedem regiam occupauimus, quod nec tuus Dominus, nec *Ferdinandus* tute a nobis, absque tractatu, tenere posset. Ex quo, Dominus tuus nunc pulsus, magno impendio nostro, restitui debet, impendio non vnus mensis, & certe non vnus anni. Consideres eapropter hoc, & non tardes facere finem, sinque ego mediator eius nostræ differentiae ; facito ita, mittat singulis duobus annis Dominus tuus Oratorem, cum muneribus decem millium florenorum, & isto modo, si promiseris, habebis Dominum nostrum amicum Domino tuo.

Dixisti etiam *Ibraim Bassa*, regem tuum cupere, vt Dominus noster, *Polonia* regem, ad suam amicitiam accipiat, & quod illi duo semper erunt amici amicorum nostrorum, & tempore necessitatis, auxiliabuntur nobis. Tu scis, quia rex *Poloniae* longe inferior est, tuo Domino, quomodo itaque cum illo facienda est amicitia, absque tributo ? quia ille nunquam nobis nocere potest, nos autem illi semper ; quia *Tartaros*, & *Bohdanos* in nostra manu habemus. Ante duos annos fuit hic illius orator, inducias expostulans, quas semper omni industria sibi præparat. Vidimus ex Oratore, quia rex ille magnam de potentia nostra habet æstimationem, cognoscimusque, quia nos timet ; nam etiam Oratorem illum si modico plus vrgere voluissimus, induxissimus illum ad promittendum tributum. Et ita volumus facere, quod eum absque induciis remitteremus, significando illi, si pacem vellet, vt tributum daret, & simul cum Oratore misissimus *Romania Beglerbeg*, cum quinquaginta millibus hominum, qui se in *Moldauia*, cum *Tartaris* iungere debuerant, & ita simul expectare ab illo *Poloniae* rege responsum ; sed ita visum erat postea, vt prius regnum *Vngariae*, quod opulentum & potens erat, aggredieremur ; deinde *Poloniam* ita tentaremus. Rex, & tu, vnus nationis sumus ; ego *Bosnensis* sum, & tu *Lech*, naturæ autem affectio talis est, vt natio suam plus, quam aliam nationem amet. Profecto condolebam ego illi regno, quod adeo continuis *Tartarorum* abactionibus expiletur. Et licet inde, & Dominus noster, & nos omnes, magnum commodum & ingentem sclauorum molem, & commoditatem habeamus ; tamen quærebam, vt illud regnum, aut per tributum, aut per occupationem nostram, a *Tartaris* vindicaretur. Dabat prius *Tartaris* rex ille tributum, sicuti ab ipsis *Tartaris* intelleximus, seruis nostris ; sed nunc rex iste modernus sustulit illud, elatus de vna *Mosci* victoria. Si seruis nostris dabat, quare Domino nostro non deberet dare ? Et ita, tuus Dominus munera & oratorem, in duobus annis mittat, & rex *Poloniae* tributum.

*Laszky,*



## Laszky, ad Mustaffa Bassam.

Commendaſti, *inquit*, verba & humanitatem meam, quibus cum *Ibraim Bassa* traſtaſſem, dixiſtiſque, eo modo, non poſtulata ſolum a vobis conſequi; ſed & effici, vt nobis non minus, quam vobis ipſis, debere debeatis. Nihil ego doleo humanitatis meæ, nihil doleo, quia affectio tanta, tanti regis mei, apud vos eo modo æſtimetur; cum conditiones conſöderationis tales, per vos exigantur, ob quas conſöderatio nullo modo conſici poſſet, & ſi conſiceretur, non duraret, ſicuti inhoneſta, & faceret hæc res Domino meo ruinam magnam; perderet amicitiam Gallicam, & alias coniunſtiones abſcinderet; perderet apud ſubditos ſuos omnes, amorem, & apud totam Chriſtianitatem, perpetuum \*) dedecus conſequeretur. Magnum enim eſſet, Regem Vngariæ, hoc nomine munerum, tributarium eſſe. Nec certe, ſi oculos aperire vultis, pro vobis bonum videtis: quia, bos iugo carens, alacer eſt, equus, in dorſo ruptus, libentiſſime, cum poteſt, inſeſſorem deiicit; ita etiam, ſi ob hanc neceſſitatem, quæ Regi meo, cum *Ferdinando* eſt, vos Dominum meum ad indignas conditiones inducit, nihil certe aliud per hoc facitis, quam quod ſemper non integram in nos collocabitis fidem, & quod alii Reges Hungariæ huic turpitudini aduerſabuntur, illamque omnibus modis excutere nitentur, qui ad faciendum hoc animabuntur ab aliis regibus, & ita nihil boni & certi fieret. Ego huc veni abſque ſaluo conductu, confidens in virtute, prudentia ac humanitate veſtra, vbi omnia, quæ mihi promittebam tunc incognita, nunc video ac manibus ipſis palpo. Video hic eſſe ſumma ingenia, induſtrias, benignitatemque hanc, quam ſperabam excipio, forſitan plus, quam perſona mea hic mereatur; quod etiam ſperabat Rex meus; qui non credidit eo modo ſecum tractari debere, perpendens, per iniquas ſuas conditiones, Imperatori nihil commodi, nihil honoris, ſibi autem perpetuum dedecus futurum; quid opus eſt iſtis muneribus? quid iſtis Oratoribus? ſcit Rex meus, Dominum veſtrum primum eſſe, & omnibus mundi principibus potentiorẽ. Pluris eius amicitiam, quam reliquorum facere ſtatuit, maiori illum, quam reliquos omnes, honore proſequi, ac perpetuo obſervare cupit, contra quemlibet illi adeſſe deliberavit, cum iſtaque ſua ingenti affectione, me huc miſit, exiſtimans hunc victorioſiſſimum Imperatorem veſtrum, pro bonitate & humanitate ſua, talem propenſionem ſuam, grato ſuſcepturum animo. Cur tanto labore quæſiuiſtis tributum? cur idem mutato tributi in munera nomine, a me exigitis, me ita excipitis? proſecto, Magnifice Baſſa, Dominus DEVS virtutum, Imperatorem veſtrum & vos exaltat, licetque fide differamus; DEVS tamen nobis & vobis, & ei dominatur, qui ingrati tudinem & ſuperbiam edit, credoque, niſi Imperator talem gratitudinem Domino meo exhiberet, qualem tantum magnum Dominum decet, & qualem Rex meus expectat, offeſurum illum, diuinam Maieſtatem. Daud, noſter & veſter propheta cantavit: *Depoſuit potentes de ſede, & exaltauit humiles &c.* itaque, Imperatorem ita in conſilium trahatis, ne rumpatur eius ſedes.

Quod autem *Polonia* regem attinet, opus eſſet longa demonſtratione, quare hoc Dominus meus conſicere nititur, qui nunquam *Tartaris* dabat tributum; ſed dum illi cum *Alemannis* eſſet bellum, cum aliud cum *Moſeis*, ducebat illos ſtipendio, ſoluen do contra ſuos hoſtes: vbi perfectis feliciter rebus & bellis ſuis, non habuit opus *Tartarorum* ſeruitio, ſtipendiumque illis abſtulit. Video, quia regni illius paruam rationem facis, quod in duplo maius eſt, quam hoc veſtrum in Europa dominium, & quod etiam duplo maius eſt, quam *Vngariæ* regnum, in equo vno, in duobus menſibus, ægre tranſcurri poteſt. Equitum & peditum omnis generis infinita potentia. *Poloniis*, & non aliis, Rex *Matthias*, contra hoſtes ſuos ſemper præualebat, quorum ſemper XII. Millia alebat ſtipendio. *Poloni* nouiſſime nationi *Alemannicæ*, totam prouin ciam *Pruſſiam*, victrici manu abſtulere. *Poloni*, non ſemel *Moſcum*, vt dicis, (ſed di-

Decad. I. Monument. IV.

Z z

ctum

\*) Ita ſane euenit; vt habeat, quod | Facilis deſcenſus auerni; ſed renocare gra-  
doleat, non Hungaria modo; ſed vni- | dum, hoc opus, hic labor eſt.  
uerſus etiam orbis Chriſtianus. Nempe: |



Etum sit bono animo) semper ad internecionem fudere. Ac vndique *Poloni*, ubi commodè militiam suam ducere possunt, non ducunt illam in cassum. *Tartari*, si viri, & non lupi esse voluissent, diu iam per *Polonos* ad internecionem deleti fuissent. Sed *Tartari* non veniunt, ut honorem haberent belli, sed ut vaccas subducerent. Veniant, quantumcunque maximo numero, semper prælum fugiunt: quos nos in campestria sequi non possumus, quia non eo modo viuimus, quo ipsi: equi nostri, nobiliores illorum equis sunt; & vos certe qui leuiore equos habetis, nec vos soli, nec equi vestri talem incommoditatem sufferre possunt, sicuti *Tartari*. Certumque est, eo illorum modo, & tali furto, multos homines ex *Russia* eductos esse. *Polonus* sum, uti scis, tamen mendacium luridum, quid opus est asserere? facile hæc vera esse, ex mercatoribus cognosces, facile ex *Moldauis*. Quare Rex & Dominus meus, cupit simul hanc suam, & regis *Poloniæ* cum Domino vestro, amicitiam & confederationem confici, ut ex ista parte certam haberetis amicitiam. Nam, & Rex meus, cum regno illo confederatus est: quomodo ergo Regi meo faciendum esset aliter? Nunc ab illo rege habet contra *Ferdinandum* auxilia, habet cum illo arctam confederationem, vobiscum aliam nunc coniunctionem indissolubilem facere cupit. *Poloni* illum, vigore foederum, contra vos traherent, vos contra *Polonos*, & hoc modo vnum Rex meus efficere cogeretur.

Quare, cum prudens es, verba mea breuia, industria tua perpende, & circumstantias rerum perspice. Considera, quia tanta vestra brevis contracta potentia, non solum Christianis aduersa est; sed etiam *Persis*, qui vobiscum eandem fidem obseruant. Namque, inter principes Christianos, non faba certe, sed claua cuditur in vestrum caput; ubi, per affectionem Regis mei, video vobis DEVM esse propitium, qui ad multas persuasiones principum Christianorum, cum *Ferdinando* concordiam inire noluit, quam paruo labore habuisset; potiusque duxit vestram, quam illius sequi amicitiam. Quid cogitaret Rex meus, si hoc apud vos ingratum esset, si iis tractatibus vestris videret affectionem suam, ita parui pendi: Certe, *Magnifice Bassa*! hic tua prudentia, hic humanitas cognoscetur, si non secundum cupiditates vestras, quas soli indicare, sicut proprias, non potestis; sed secundum dignitatem Maiestatis tanti Domini vestri, hæc mecum negotia transigetis: quod, si facere vobis videretur alienum, multum de illius bonitate & humanitate decederet. Et certe, apprehensa veste eius, non auellar, donec omnia perfecero debite, vtriusque Domini mei & vestri, cum honore ac commodo. Scio enim quemlibet Imperatorem ita esse magnanimum, ut plus honorem, quam commodum amet a subdito. Non honor est, illa obseruantia, quam Domino exhibet, sed est coacta per timorem reuerentia. Sed quando aliquis, a sibi simili honoratur, reputatur, sponteque recognoscitur, ille verus honor est. Hoc Dominus meus facit, hoc perpetuo facere vult. Quare, *Dominiones Vestre*, vel mecum aliter agant; quia, si vultis, potestis omnia facere; vel me admittatis ad vestri principis Celsitudinem.

#### *Mustaffa Bassa, ad Laszky.*

SEdebat diu, partim ridendo, partim cogitando, demum dixit: Frater! fecisti me multo saniores hisce verbis tuis, & certe talis tua persuasio, adeo me cepit, ut tibi nunc respondere non possim, quia nouo modo, & nouis rationibus me obruisti, ut profecto vix videam præ ardore, quo tuo Domino afficio, & credo omnia esse vera quæ dixisti: cum *Ibrahim Bassa* eo modo es loquutus?

#### *Laszky, ad Mustaffam Bassa.*

Dixi materiam, sed non ita aperte, inquam. Cras tamen ibo ad illum, & referam illi eadem, quæ tibi, rogaboque ut expediar. Iussit deinde adferre cassidem, quam vulgariter *Helmelin* vocamus, & interrogauit: eo modo, armatos equites, quot *Ferdinandus* habere potest? Dixi, tot, quot habuerit pecunias; quia *Ferdinandus* non habet eam subditorum obedientiam, ut irent, quando iuberet, absque stipendio; tamen magnos habet redditus ex dominiis suis, opinorque, quia eo modo decem millia equitum



*equitum* tenere potest. Dixit: *omnes ita armatos?* Respondi, omnes; quia mos Ale-  
mannis, Gallis, Polonis, Bohemisque est, ut eo modo, quo se armant, ita etiam ser-  
uitores suos arment. Dixit, *quot pedites nunc habet?* dixi, *decem millia*; *quot equites*  
*levis armaturæ?* dixi, quinque. Certe *iste campus*, inquit, *commodus & pulcher est. Dominus*  
*tuus, quo in loco cum illo congredi statuit?* Respondi ego; cuperet Rex meus, ut tran-  
siret Danubium, ubi illum ducere vellet ad illam desertam regionem, quam desola-  
tis, inter Tisiam ac ipsum Danubium, & ibi prius defatigaret illum exercitum conti-  
nuis huc & illuc factis profectionibus, & commeatum illi adimeret, cum multitudine  
equitum suorum, qui leues sunt; facile demum cum eis conferere manus posset. Nos, si  
iremus, *essemusne simul vobiscum, vel seorsim?* respondi; non bonum fore, si vno exer-  
citu aggrediendus esset; tum etiam, quia fide differamus, semperque aliquid alter de  
altero suspicaretur, & esse posset, ut sequerentur etiam inter consultandum differen-  
tiæ. Vos nostræ rationi non obediretis, nec nos vestræ; sed Dominus meus quo-  
tidianam vobiscum semper habebit intelligentiam, adiungetque certos viros, gnaros  
prouinciæ, ac scituros artem nostram militarem, qui vestros ducent, & sua consilia  
modo, quo agendum esset, docebunt. *Conficiamus*, inquit, Bassa, *prius bonam ami-*  
*citiam, & postea erunt nobis omnia communia.* Cogitabo ad singula hæc tua argumen-  
ta, & cras, si aliter non possem, faciam me cum hoc grabato ad Dominum nostrum  
ferre, & licet Ibraim Bassa, ut vides, magnam gratiam principis habet, utpote qui, cum  
Domino nostro assidue in venationibus ac familiaritate est; tamen, quod attinet  
republicam, is plus in negotiis iis valet, quia scit dare salubrius consilium, certis  
rationibus sustentatum. Ego sum senex, & sororem Domini nostri habeo in uxorem,  
possum etiam aliquid apud Dominum nostrum, & ita curabo res Domini tui, bono  
modo absolui.

Die XIX. Januarii. Steti cum Ayas Bassa, qui nihil mecum singulariter in rem  
meam tractauit, solummodo quæsiuit, quomodo mihi placeret Ibraim Bassa, Mustafa  
Bassa? quomodo mos Turcicus? quomodo Arsenatus? quomodo Artilleria? Cui ego  
semper respondebam, bene. Quia Bassa factus est ex persuasione Ibraim Bassæ, ut ille,  
sicuti non est vir admodum industrius, pedibus semper iret in sententiam Ibraim  
Bassæ. Commendatur tamen de magnanimitate, & quod aliquoties virum se esse  
monstrarit.

Die XX. Januarii. Fuit Imperator venatum, & Ibraim Bassa cum illo.

Die XXI. huius. Rediit Imperator ex venatione, & Ibraim Bassa intimauit ad me,  
ut sibi ignoscerem, quia mecum tractare non posset; nam parabat conuiuium pro Im-  
peratore in domo sua.

Die XXIII. huius. Iuit Imperator in domum Ibraim Bassæ, secreto modo.

Die XXIV. huius. In domo Ibraim Bassæ epulabatur.

Die XXV. huius. Exiit ex domo Bassæ, Imperator publico modo, & inde in  
Moscheam Sanctæ Sophiæ, cum ceremoniis ad orandum iuit.

Die XXVI. huius, qui fuit dies Sabbathi, & dies Déuan, id est audientiae illo-  
rum, vocauit me ad se Ibraim Bassa.

### Ibraim Bassa, ad Laszky.

Verumne, quia alium inuenisti pridie Mustaffa Bassam, quam antehac? laudauit  
dicta tua in facie Imperatoris, & optime fecisti, quia hoc modo feceris cum  
illo communicationem veram.

### Laszky, ad Ibraim Bassam.

Certe alius mecum pridie erat, quam credere potuissem. Sed non miror, ipse  
est talis, qualem tu illum esse vis, quia video illum ex te totaliter dependere:  
quod autem laudarit dicta mea, coram Imperatore, paruum fructum hucusque ego  
affectum.



affectionis Domini mei video, parvam de vobis gratitudinem experior. Nam, & *Mustaffa Bassa*, eodem pulsu obtundit aures meas, quo & tu hucusque obtundebas. Nec satis mirari possum, de vestra duritia, dum credentes, magnam vos rem facere mecum, tot dies in cassum absumentis, elicere a me cupientes in singulos annos munerum cum oratore promissionem. Verum est, quia quælibet gens mores suos habet. Apud nos tamen turpe esset, ab eo aliquid indignum petere, quem volumus, ut nobis committat se, cum omnibus suis. Omnino, *Illustrissime Bassa*! minus æquam rem, tanta Imperatoria vestra Maiestate exigitis, & longe a fama humanitateque tua alienam. Estne iste Domini mei, quem in te collocauit amor, per te eo modo remensus? estne hoc fraterni vinculi indicium? cum ita res Domini mei trahis, nescio ad quem finem. Dixi enim, quia hoc nequaquam promissurus essem, ut munera cum oratore mitterentur. Itaque & hoc ipsum assevero nunc, sit spontanea nostra affectio, grata nobis, maiorque Domino vestro honor erit: cum ultro Dominus meus, talem se exhibebit Imperatori vestro, qualem vos vestris argumentis cogere vultis. Dominus meus, principem vestrum vult recognoscere potentiorum esse totius mundi principibus; dicit, ut si cognouerit, Domino vestro, gratam esse suam affectionem, quod non solum regnum Vngariæ, sed dimidium sui patrimonii, & quod maius est, vitam & corpus, semper ad vota vestri Imperatoris locabit, semper vestrum Dominum honorabit, maiorem recognoscet, ex spontanea affectione sua. Quid plus ab eo Rege vultis? qui destructum per vos regnum ingressus est, qui hoc anni curriculo fratrem suum, per vos occisum, nigris suis vestibus contestatur, nec illum sicuti unicuique obliuisci potest.

Aduertite itaque affectionem Domini mei, accipite potius spontaneam eius in Dominum vestrum obseruantiam, quam si feceritis illam coactam. Cessatis iam a tributo, desistite a muneribus, quæ nomine submutato, tributum sunt. Faciat Dominus vester, rem tanta sua amplitudine dignam, accipiat affectionem Regis mei, ut vobis videtur sterilem nunc, sed breui mille palmites & fructus daturam. Expedite me, quem Dominus suus utroque oculo venientem prospicit, quem expectat cum desiderio, certam vobiscum coniunctionem portantem. Ergo, *Illustrissima Dominatio tua*, iam me ad Imperatorem hunc vestrum nobilissimum mittat, cuius certe manicam utraque manu accipiam, nec remittam, quoad perfecero singula. Scio ego animos principum, qui leonum ad instar, sponte se humiliantes, non calcant, sed extollunt & fouent. Non veni ego huc cum illa furia & superbia, sicuti alii oratores asseuerunt *Vngari*, quæ res, Domino meo semper displicebat; sed veni honorare eum, qui honorem meretur, qui si etiam pacem & coniunctionem non confecerim, non tamen, ob id veritati aduersari potero; nam Dominus meus, scit Imperatore vestro nihil esse inter mortales insignius. Itaque, quomodocunque egeritis nobiscum, semper ita vos cognoscemus; si amici erimus, optabimus nobis plura, si inimici, prouidebimus rebus nostris, forsitan aliter, quam aliquis credet; tamen, id coacte faceremus, sicuti ante spretæ amicitiae, inimici. Rogo iterum, det mihi *Dominatio tua Illustrissima*, cum Cæsarea Maiestate loquendi copiam; opinor, illius Celsitudinis, aliam esse benignitatem, quam aliqui existimant.

*Ibraim Bassa, ad Laszky.*

**E**Rgo, tantum confidis, *inquit*, Imperatoriæ benignitati, ut ad verba tua talia, sterilem tui Domini amicitiam complectatur? magna est tua confidentia, & profecto, laudabilis: nescio, quis te spiritus docuit naturam principis nostri, humanus enim est, benignus, ac in sui studiosos ita affectus, ut plus eorum rebus, quam suis incumbat. Itaque, iam te amplius tenere nolo, faciam te cras alloqui Dominum nostrum. Cum fueris apud illum loquuturus, non timeas aliquid, facito reuerentiam, quam scis meliorem, & verba honoris compta dicito, ego ero, qui secundo loco interpretabor. Itaque, accingas te pro crastina die, & sis paratus, cum te vocaero, faciam te eum omnibus *Zauissis* comitari, pro maiori honore Domini tui.

*Laszky,*



*Laszky, ad Ibraim Bassa.*

**A**B hoc tempore, quo pueritiam superaui, semper apud curias principum versatus sum, & ita scio illorum magnanimitatem, minusque cum illis, quam cum aliis, loqui vereor. Et videbis me coram Domino tuo non titubantem, quia mos est mihi libere cum principibus loqui.

Die XXVII. *Januarii*. Venerunt omnes *Zaussi*, ad conducendum me in palatium Imperatoris, ubi descenso equo, ductus sum ad *Bassas*, qui duo tantum erant, scilicet; *Ibraim Bassa*, & *Ayas Bassa*, & tertius *Beglerbek Natolia*, ubi ab illis interrogatus sum de multis rebus familiaribus. Deinde, quæsitus, quomodo sim cum Imperatore loquuturus.

*Laszky, quærentibus respondi.*

**L**Audo Dominum DEVM meum, x) qui Reges nostros incolumes quam diutissime conseruet, & qui me huc, ad hunc vestrum confessum nobilissimum, venire voluit. Cum limina portæ ascendebam, dextro pede ingressus sum, boni ominis gratia. Faxit igitur Omnipotens, hic me conficere optima quæque, inter vestram, & nostram, tot bellis, tanto sanguine, sugillatam gentem. Dominationes autem Vestræ, hoc laudabile opus, deprecor, pro sua auctoritate, atque industria, vtraque manu ut fulciant. Iam quadragesimus y) fere dies est, quo huc attigi, & quo aulas vestras visitare atque vobiscum tractare cœpi. Non regredior de auditis propositionibus meis, quas exaudiri, per Inuictissimum hunc magnum Dominum, cum magno feruore expecto. Quod autem attinet, verba qualia Domino Vestro dicturus sim, & quo honore acturus, facile elicere potestis, ex tot mutuis nostris argumentationibus, quantum ego faciam Victoriosissimam Domini Vestri Maiestatem, quidque expostulem ab illa, iam diu etiam est a vobis cognitum; ubi, si repeterem, quid facerem aliud, quam perderem tempus. Porro vobis Vngariæ Regis indicibilem affectionem, qua non solum Vngariæ Regnum, non solum Dominia patrimonii sui; sed & personam suam propriam, non suam esse vult, sed vestram, neque aliqua re alia aliquando vobiscum differet, quam fide ipsa. Itaque eamus! quia nescio quis spiritus me stimulat, ita, ut nihil magis postulem, quam videre hanc Excellentissimam Cæsaream personam, in qua consistit virtus, benignitas, & præcipua humanitas.

*Ibraim Bassa, ad Laszky.*

**M**Os erat in tali congressu, cum oratoribus, omnia prius discutere, quam admitterentur ad pedes Domini nostri: quia illi tractatus, quos faciebas, singulatim apud nos, in conclavi, non tantum ligant, quantum hic in horum, quos vides, præsentia, ligarent. Sed postquam eam abs te audimus tui Domini affectionem; ommissa antiqua consuetudine, quam Turcæ non libenter negligunt, vadamus ad Dominum magnum, quem, non erras, dum incognitum laudas, dumque cum videris, nescies ubi initium, & ubi finis est illius virtutum. Iuimus itaque ad Imperatorem, *Ibraim Bassa*, *Ayas Bassa*, *Beglerbek Natolia*, ego, & interpres.

*Laszky, ad Imperatorem Turcarum.*

**V**ENIO ad Excellentissimam Maiestatem Tuam, missus a Serenissimo Principe Domino meo JOANNE Vngariæ &c. electo & co-

Decad. I. Monument. IV.

A a a

ronato

x) Huic forte colloquio, per fenestellam despiciens auscultabat Solymannus: id quod meminit ISTVANFFYVS Lib. X. p. 157, 43. Nam ipsa quidem audientia, Turcarum ritu peracta est.

y) Itaque, non triduo, post quam Constantinopolim venerat, admissus ad Solymannum fuit, uti habet ISTVANFFYVS loco cit. p. 151, 37.



ronato Rege, ab omnibus illius Regni Statibus, qui in defectu masculae Regiae prolis, ius & libertatem habent, ex illorum medio unum, probatae virtutis, ac industriae, in Regiam sedem, exaltare ac eligere. Vbi post victoriosissimum illud praelium Tuum, quo Ludouicum fudisti, & ad interitum deduxisti, quo Budam occupasti, & deinde absque custodia relicta, discessisti: Barones Regni, & totus populus, non cito in unum congregatus, matura & longa deliberatione, tandem Dominum meum, ad Regia trophaea inuitarunt, qui, uti est Maieitati Tuae cognitum, Transsilvaniae dominabatur, & magnas alias regiones sui habebat patrimonii, tot precibus monitus atque inuitatus, suscepit hanc exaltationem, id apud se praecipue statuendo, ut mox ad Te mitteret oratores, gratam Tibi esse cupiendo talem coronationem suam, & offerendo se & sua dominia, tibi ad mutuam confederationem coniunctionemque futuram, prona. Cumque mox, post suam coronationem, in eum modum ad Maiestatem Tuam suos oratores bis delegasset, quorum primus occisus, secundus vero per hominem Nigrum <sup>2)</sup> impeditus erat, eamque ob rem, ita diu visitasse Maiestatem tuam fuit neglectum. Ergo, postquam ego ex Galliis, hoc Septembre redii, ubi orator eram missus, admonitus sum, ut me hac, huic officio accingerem. Dumque expeditus in via essem, & cum in Transalpinam descendere voluissem, opposuere se mihi aliquot centum pedites, qui, cum vita non potuerunt, omnibus me bonis, quae mecum erant, spoliauerunt; parumque absuit, quin turpiter interierim. Malui tamen ego in hac incommoditate, ad tantam Tuam amplitudinem, cui scio neque equitatum, neque apparatus oratoris esse miraculo, potius venire, quam reuerti. Quam ob rem, licet iam ex ordine oratorum tertius sum, hac ad Maiestatem tuam missus, tamen ego sum primus, qui gratia DEI, hanc Tuam praesentiam conspiciere valui. Vbi, salutat te Dominus meus Rex, ex postulans, ut diutissime valeres, & felicissime imperares, cupit que, ut grata tibi esset talis exaltatio sua, coronatioque, offertque se Tibi, non solum cum Regno Vngariae, non solum cum prouinciis patrimonii sui; sed cum sua persona, & cum amicorum suorum assistentia, semper Tibi esse ad vota; ita, ut certo apud Te haberes, illum, Regnumque eius, & patrimonia sua, non sua esse, sed Tua, & quod se Tecum iungere vult, ita, ut sit Tibi obno-

<sup>2)</sup> Legendus de eo est ISTVANFFYVS, | Lib. IX. p. 139. sequ.



obnoxius, contra Tuos omnes inimicos adesse: qui in omni aduersitate sua, non alibi se committere decreuit, quam ad benignam Tuam personam. Itaque, habes Dominum meum, & Regem Hungariæ, cum regno, omnibusque facultatibus suis, Tuum, quem non aliter, quam pro Tuo, vt Regem recognosceres, cum omnibus suis, quam demississime rogat. Sunt mihi multa alia, quæ cum Illustrissimis Bassis, ne tibi sint tædio, discutiam. Ita, de amicitia Regis Poloniæ faciam nota; sicuti & de bello, quod Domino meo, cum Ferdinando est, & alia. aa)

## Imperator Turcarum, ad Laszky.

**G**Rato excipio animo, talem Regis tui affectionem, cuius Regnum hucusque meum erat, & non suum, sicuti iure belli & *Sabla* conquistum; cum tamen audiuius, talem eius propensionem, iam sibi non solum regno illo cedo, sed contra istum Australem Ferdinandum, ita sibi subueniam, vt iam secure, in utroque latere, Dominus tuus possit dormire. Cuius talem applicationem, & eam de me confidentiam, accipio grato animo, omnesque suas necessitates, meas esse reputabo.

## Laszky, ad Imperatorem.

**P**RO tanta tua humanitate ac bonitate, Dominus meus perpetuo Tibi debitor erit, qui ita munifice illum exceperis, qui sponte auxilium ferre promiseris. Fecisti, sicuti verus & magnanimus Imperator, quem Dominus DEVS in infinitum secundet. Et dictis hisce, exiui, & iui in hospitium, iisdem Zaullis concomitantibus & ducen-  
tibus me.

Die XXVIII. Januarii. Interrogatus sum ab Ibraim Bassa, quomodo mihi placeret Cæsarea persona, quam ego, multis laudibus vsque extuli supra sydera.

## Ibraim Bassa, ad Laszky.

**F**Rater! iam Dominum tuum ab hinc Regem vocabimus, & non *Erdébanum*, iam cum pro Domino nostro reputabimus, iam illi subueniemus. Dominus meus ibit in persona sua contra eius hostem. Nunc, quid agendum iam plus est? *non postulamus iam tributum, non munera.* bb) Consulere volumus de tranquillo statu Domini tui, cui rogo, vt scribas, vt quam maxime a prælio abstineat. Namque, eius minima aduersitas, eius ignominia, communis iam cum Imperatore est. Itaque, scribentur sibi literæ fœderis, & absoluam te cito.

A a a 2

Laszky,

aa) Nulla heic tributi mentio, quam factam meminit loco cit. ISTVANFYVS: tamen actum longe omnium iniquissime, quod regnum, se suaque omnia, turpi vsus consilio, tyranno deuouerit.

bb) Præclare factum! nisi arte hac audacitatem occulisset barbarus, non Hungariæ tantum, sed toti orbi Christiano inhiantem.



## Laszky, ad Bassam.

**N**on videretur mihi, *inquit*, ut iam Maiestas Cæsarea reuera, suo ductu, in *Ferdinandum* iret; sed meum est consilium, *cc*) ut progrediretur in *Adrianopolim*, & ibi venaretur, parando tamen & struendo se, cum iam aliter esse non posset, atque tunc tardaret minime. Nunc autem iam præmittatis *Janicsaros*, ut illa castra in *Seremio*, illis munitiora faciatis: utque omnes *Sandzaci* parati cum gentibus iam congregatis, expectent informationem Serenissimi Regis mei, quid illis faciendum, significaret, ut si opus esset, adiungere se Domino meo, ut se coniungant; vel si alibi guerram monstraerint, ut illam faciant. Mecum autem faciatis ire *Sandzacum Nicopolensem*, *Vayuodam Transalpinam*, & *Vayuodam Moldavia*, & ibi defectoribus reductis ad obedientiam, deducam hunc exercitum usque ad Dominum meum; tu autem deberes esse in quinquaginta diebus in *Sophia*, in *Epiro*, & in aliis locis. Præterea, Rex meus, bombardas non habet in tanto numero, quot sufficerent; detis nobis in mutuum viginti pecias bonas, & puluerem ac saletre, ut hoc per *Tissiam*, facile deduci possit, usque ad Regem meum. Et hoc modo videtur mihi esse pro nunc fore bene consultum, &c.

## Bassa, ad Laszky.

**O**mnia mihi placent, quæ dixisti: tamen Dominus meus cupit hunc Australem ira experiri, quod præ ardore nullum nunc locum habet. Proposui sibi ego hoc, & dixi, quia non habere commeatum poterit, cum tot gentibus. Respondit, se velle monstrare, quid possit. Iussit *Vlacos* currere in *Moream*, iussit in *Bosnam*, ut frumenta versus *Semendriam* ducerent. Ducet per Danubium mille quingentis *Csajkis* & *Nassade*, annonam, usque ad *Seremium* portantes, & ibi illas aptabit ad usum belli. Ego non discedam, ut voluisti, a Domino meo, quia ire contra incertam necessitatem nolo, sed ita præmittam *Beglerbeg Romaniam*, & solus cum Imperatore manebo. Non dormiam tamen in rem Domini tui. Nunc ad omnes *Sandzakos* scribam, inueniet eos tuus Dominus paratos. Tibi dabo *Sandzakum Nicopolicum*, at nisi cum aliquot millibus hominum. *Vayuoda Radul*, faciam ut vadat, & ita & *Bohdanos*. Bombardas quas vis in mutuum, donabo tuo Domino, non XX, sed L. Donabo D. centenarios *saletre* & pulueres; cum amicis omnia debent esse communia. Bono affectu hic venisti, omnia habes videsque; & sicut nos fecisti, facere quæ vis, ita facias, ut ista amicitia constans sit. Quia, si videremus postea, alienationem & altercationem, perpende quomodo commouebimur, pro tanta vestra ingratitude. Nihil tamen ego dubito in constantia vestra. Itaque bombardas & saletram, *Tissiam* usque deduci faciemus, quas ibi accipere Rex tuus committat: & ita Regem informes.

## Laszky, ad Bassam.

**G**ratias ago, de oblatis hisce gentibus & bombardis, ac *saletre*, Dominus meus Rex, omni munificentia & amicitia id tibi recompensabit; sed vnum mihi rogitaui, quia *Valachi*, & *Bohdani* sunt tributarii, nec ire tenentur extra dominia sua, maxime absque Imperatoris præsentia; quare, si vultis ut vadant, relaxetis eis tributum, & mittatis mecum hunc filium *Radul Vayuoda*; quia oportet, ut in sede sit vel Pater, vel Filius. Tum præterea, cum Rege Poloniae inducias protrahito, ut eo commodius Regi meo possit subuenire.

## Bassa, ad Laszky.

**D**ic mihi, *inquit*, *Valachi* & *Bohdani*, semperne sub ditione nostra & vestra fuerunt, Vbi, si aliquando vestra non exequiebantur mandata, in nostri spem faciebant; ita etiam, cum nobis non indigebant, vestro hoc intuitu erat. Sed nunc, post-

*cc*) Animus, nimirum, prælagiebat | suscipienda dictu SOLYMANNI, expedi-  
LASKYO, quantum malorum datura esset, | tio.



postquam nos commitemus, postquam mandabit Dominus tuus, necesse est, ut eant, quia iam non habent, quo se excusent; itaque tributum non relaxabimus. Filium autem *Radul Vayuoda* non possumus ex porta alienare, quia loco obsidis est; sed oportet, ut vadat Pater. Cum Rege vero Poloniae, faciam inducias in duos annos prolongare, ut auxilium tuo Domino ferat. Ego postea omnibus viribus conabor euincere filium *Radul Vayuoda*, & efficere ut permissus hic, mittatur ad Patrem suum.

Die XXIX. Januarii. Iuit venatum Imperator. Eodem venit ex Semendrio, *Thurek Mihály*, seruator *Thurek Bálint*, qui dixit FERDINANDUM esse in *Strigonio*. Regem autem JOANNEM in *Pobroziani*, & quod tota Transilvania dependet ab ipso.

Die XXX. huius. Ibidem Imperator venatur.

Die XXXI. Januarii. Inuitatus ab Oratore Venetiarum, cum eo pransus sum, qui & Oratoris, & Judicis mercatorum hic agentium, munus habet.

Anno Domini MDXXVIII.

Die I. Februarii, rediit Imperator ex venatione.

Die II. Februarii, qui fuit dies Sabbathi, & *Dévan*, attulerunt mihi vestimenta ab Imperatore, pro me, & quatuor seruatoribus, & aspearum decem millia etiam oblata sunt mihi.

Die III. Februarii. Iui ad valedicendum Imperatori, ubi ingressus sedi ultra horam, in loco, ubi oratores expectant audientiam, & demum ductus ante faciem Imperatoris, dixi hæc verba:

Nescio, qua lingua, vel quo orationis preconio, gratias Tibi referam, Inuictissime Imperator! pro Tua tanta Regis & Domini mei amicitiae gratitudine, quem pro Tua genuina humanitate, gratus & benignus excepisti, verbis in honorem Domino meo factis. Vbi certa sit in perpetuum Celsitudo Tua, Dominum meum, omni officio & obsequio, tali Tuae benevolentiae responsurum, & facturum in honorem Tuum & commodum, omnia, etiam cum vitæ, & omnium suarum facultatum iactura: faciatque DEVS omnipotens, ut diutissime valeas, & felicissime imperes. Ex me autem suo sclauo, quem hic in cunctis non solum benigne tractasti, sed etiam vestisti & condonasti, assiduum habebis stimulum, apud Dominum meum, ut talis nostra amicitia & coniunctio, quam diligentissime obseruetur & augeatur.

Imperator, ad Laszky respondit.

SCis, inquit, quo opus erit ad certificandam talem Domini tui coniunctionem & affectionem. Nam omne eius negotium, iam meum erit, meum etiam, suum esse debet. Itaque, licet sciam, has nubes se multoties ingurgitasse in caput prædecessorum meorum, ac populum Dei Mahometicum; nunquam tamen fulgur emisisse, istos Christianos principes: hocque ipsum, nisi fuisset, maioribus meis, ac mihi cognitum,



fuiſſet diu ab humano ſanguine temperatum ; ſed conſultius ſemper extitit, eorum vires per omnem occaſionem infringere, qui ſe contra nos attollere conabantur. Proinde, Dominus tuus faciat nos ſemper certos, omnium Chriſtianorum negotiorum, magnorum & paruorum, & hoc modo radicabitur certa inter nos amicitia. Ego autem volo tuo Domino amicus eſſe, ac confœderatus verus ac integer, perpetuoque, & contra omnes hoſtes illi in perſona, & cum omnibus viribus noſtris, adeſſe promitto, per Prophetas, per magnum & Deo charum Prophetam noſtrum, Mahometum, per *Sablyam* meam &c.

*Laſzky, ad Imperatorem.*

**H***Abebit Tua Celſitudo, ſemper noua a Domino meo, non communia, quæ mercatores ſcire aſſueuerunt ; ſed arcaniſſima. Ego etiam iuro per DEVM viuum & vnum, ac noſtrum JEſum, qui idem DEVS eſt, Redemptorem, ac promitto, Regem & Dominum meum, excipiendo Poloniæ Regem, amicorum Tuorum amicum, inimicum inimicorum futurum. Hic autem ad pedes Tuæ Celſitudinis relinquo, ex mandato Domini mei, Dominum Ludouicum de Gritti, loco oratoris, & rerum negotiorumque curatoris, cui Maieſtas Tua, in omnibus æque, ac mihi fidere velit.*

Die IV. *Februarii.* Juſſit me *Baſſa* facere certioſorem, quia literæ confœderationis, & aliæ, ſcribentur breui. Eodem iuit *Baſſa* cum Imperatore ad venandum.

Die V. & VI. *Februarii.* Imperator venatur.

Die VII. *huius.* Comedi cum Domino Ludouico, vbi deinde iuimus ad videndum *Bombardas*, quas innumeras vidi.

Die VIII. *huius.* Rediit Imperator & *Baſſa* ex venatione.

Die IX. *huius.* Qui fuit dies *Déuan*, primo iui ad *Baſſam*, & rogaui, vt me abſolueret. qui dixit mihi: non opus eſt vt feſtines, quia *Vlachi* iuerunt parare gentes, & melius eſt, quod hic ſubmoreris, quam in alio loco expectares congregationem gentium, quæ tecum ituræ ſunt. Rogauit deinde vt abſoluerer, & dixi, quia me, ad *Moldauum Vayuodam*, Rex meus ire etiam iuſſit, & ibi facere alias gentes: ad id vero conficiendum, nihil eſſet melius, quam vt mecum iret inſimul vnus *Zauſs*, vt ipſe *Vayuoda* obſequeretur mandatis Regis mei. Promiſitque *Baſſa* hoc ipſum facturum.

Dies X. *Febr.* fuit dies Dominicus.

Die XI. *Febr.* magnus in ciuitate furor fuit, propter ignem ac incendium.

Die XII. *huius.* Iuit Imperator venatum, & *Baſſa* cum illo.

Die XIII. *huius.* Rediit Imperator, pulſus imbre ac acri intemperie.

Die XV. *huius.* miſi ad *Baſſam*, rogando audientiam, qui mihi illam reſuſcit, & tertia die venire iuſſit.

Dies



Dies XVI. *huius*. fuit dies *Sabbathi*, & dies *Déuan*.

Die XVII. *huius*. Misi ad me *Bassa* recusando audientiam, quam mihi propter negotia multa accidentia, præstare non posset.

Die XVIII. *huius*. Misi ad *Bassam* rogando, ut me absolueret, proponendo illi, periculo rebus Domini mei, hic moram esse meam: maxime, cum iam nihil amplius mecum tractetur. qui respondit, non esse possibile, ut discedam, nisi debito ordine res Imperatoris componerentur; quæsiui quales? respondit, nihil mihi ad illas. Dixi, si nihil mihi, vel Domino meo interest, cur me tenes? Respondit, eam ob rem, ut diutius maneres nobiscum, & ne per eum ad Dominum tuum reditum, *Ferdinandus* percipiat, Imperatorem nostrum illuc iturum. Dixi, quid opus est? ut Imperator vadat, priusquam sit a Domino meo requisitus. Dixit, venit his diebus vnus noster Turcus, qui in campo *Ferdinandi* erat. Is dicit quod *Ferdinandus* vult venire expugnare arces nostras, ubi nos, tacendo vellemus tentare muros ipsius, priusquam ille nostros. Itaque, paucis diebus te absoluiam; nam quinto aut sexto die abscedes.

Eodem die, cum primum veni in hospitium febris me inuasit.

Die XIX. *eius*. ibidem febre me macerante.

Die XXII. III. IV. V. *Febr.* ibidem.


Die XXVI. febris relaxata aliquantulum, & vlcus cum sex capitibus supra dorsum factum.

Die XXVII. *eius*. tantam passionem ab ulcere habui, ut vix viuerem, medici autem nolebant me mederi, donec ille morbus solus maturaret.

Die XXVIII. *eius*. misit mihi *Bassa* duos equos, & vestem dedit, vocabatque me, ut venirem ad illum, ad quem ire ob dolorem non potui.

Die XXIX. *Febr.* Morbus maturior factus est, & iui ad *Bassam*, accepique ab illo literas, & iuramentum, in veram fraternitatem, Regi meo, & solus etiam nomine Regis mei præstiti &c. &c.

F I N I S.





CICERO, de Oratore, Lib. II. 9.

**H**ISTORIA, testis temporum, lux veritatis, vita  
memoriæ, magistra vitæ, nuntia vetustatis.





RITVS  
EXPLORANDAE VERITATIS,  
SEU  
IUDICIUM  
FERRI CANDENTIS,

quo in dirimendis controuersis,

GENS HVNGARA

olim utebatur.

*Editio, post Claudiopolitanam A. MDL.*

Secunda, vberimis Notis illustrata.

ADPARATVS AD HIST. HVNG.  
DECADIS I. MONVMENTVM V.



EXCELLENTISSIMO ILLVSTRISSIMOQVE  
COMITI AC DOMINO

DOMINO LVDOVICO

de BATTYÁN,

Perpetuo in Német Ujvár, Incluti Comitatus Ca-  
striferrei Perpetuo Supremo Comiti, Sacræ Cæsareæ Regiæque  
Majestatis Actuali Intimo Consiliario, Camerario,  
Pincernarum Regalium per Hungariam  
Magistro,

&

REGIO AVLICO HVNGARICO CANCELLARIO,

Domino longe Gratosissimo,

animo obsequentissimo,

sacrat, dedicat,

editor.



EXCELLENTISSIME COMES,  
ILLVSTRISSE DOMINE!



Vm multa sunt, eaque inusitata vetustissimæ gentis TVAE decora; tum istud præcipuum semper existimaui: quod inde ab retrusa ætate, vsque ad nostra hæc, quæ viuimus, tempora, & sago, sicuti palam est hodieque, perpetuo valuerit, & toga. Longus sim oportet, si, vel præclara Maiorum TVORVM nomina, qui Regnum Hungariæ, non illustrarunt modo; sed periculosis etiam quibusque temporibus, mascule, & cum sanguinis impendio, defenserunt, occipiam designare. Præterquam enim, quod plurium retro seculorum, res gestæ, quarum attavi TVI, EXCELLENTISSIME DOMINE! pars eximia fuerunt, penitus recolendæ essent, & in luce publica collocandæ; ea me, clarissimarum virtutum, quas, & bello ediderunt, & pace, lumina circumfunderent, quibus, ex æquo celebrandis, non minus tempus me deficeret, quam orationis vbertas.

Accedit, inusitata illa TVA modestia, qua, cum gentis TVAE laudes cumulatissimas; tum culmen istud TVVM, in quo TE, Cæsaris Regisque sapientissimi benignitas, iuxta & TVA ipsius virtus, & in administrandis rebus, cura, studium, atque integritas, collocavit, ita tueris; vt pulchrius ducas, auorum atauorumque vestigiis solerter insistere, incorruptam eorum, in reges fidem, nudum, erga patriam, amorem, in vtrisque autem constantiam, & herculeum animi robur, viriliter æmulari; quam solida illa, qua emicuerunt, gloria, ex ætatis more, seu efferri, seu, quod apud multos fieri videas, molliter, & cum segni quadam animi voluptate, perfrui.

Quæ, cum in TE, ILLVSTRISSE COMES! penitus existimo, recordorque simul, grauissimæ illius TVÆ monitionis, qua me, in laudes Maiorum TVORVM, pronum, atque etiam, TVO mirifico patrocinio, insigniter obstrictum,  
hac



hac vsus præfatione, retentaſti: *deſinerem elaborare, in re, vera ea omnino; ſed quam ſua luce radiare præſtet, quam adſcita ſcriptorum facundia.*

Et ſane, locum adhuc dedi, æquiſſimæ huic TVAE voluntati: quippe qui, malis abſtinere TE a laudum auitarum uſura; quam TVARVM fructu carere: nequiu tamen, ab animo, TIBI, DOMINE EXCELLENTISSIME! ob præclara TVA, de meis ſtudiis merita, longe omnium deuinctiſſimo, impetrare; quin deuotiſſima hac mentis ſignificatione, propalam teſtarer, quantum, conſiliis, ope, curisque TVIS, in vaſto illo, & refractario opere, quod inter ſexcentas difficultates, edere haud deſino, profecerim hucusque.

FERRI CANDENTIS IUDICIUM eſt, quod EXCELLENTISSIMO NOMINI TVO ſuſtineo inſcribere: rem, ſicuti nihil diffiteor, obſoletam, & quadamtenus etiam funeſtam; ſed quæ tamen digna eſt, quam memoria recolamus, ſummi imique ciues: tum, quod priſci rigoris illius, & abhorrentis ab hodierna legum æquitate, documenta contineat, tum, quod antiquitatum Hungaricarum ſementem habeat, vix alibi facile occuſuram.

Id TV, EXCELLENTISSIME COMES! quod conceptiſſimis TE precibus, oro rogoque; ſi pro TVA ſapientia, & in meliores litteras propenſione ſingulari, bonus acceperis, efficiam proſecto, vt vel inuito TE, intelligat reſpublica literaria, quantum TIBI debeat, ſtudiorum meorum cauſſa. Quæ, vti porro, & tueri pergas, & ornare; tam abs TE peto demiſſe ac vehementer, vt in re, ad patriæ decus, vnice adtinente, nequeam, ſeu demiſſius, ſeu vehementius. *Feliciter age!* Ita precatur ex animo,

EXCELLENTISSIME DOMINE,  
COMES ILLVSTRISſIME!

*aliens obſtriſtiſſimus*

MATTHIAS BELIVS.



## A D L E C T O R E M

**I**UDICIUM FERRI CANDENTIS, pridem id quidem, in gente nostra abrogatum, neque usquam gentium, nisi barbaræ forte sint, & toto cælo a nobis diuisæ, frequentatum amplius, in ADPARATVM hunc ad *Historiam Hungaricam* referre, multis de causis, visum est. Et primo quidem, quod nondum mihi liber occurrerit; tametsi, ad hæc istiusmodi curiosa, sic satis adtento; qui vberiore sementem *Antiquitatum Hungaricarum*, præbeat his, quibus volupe est, non ignorare, quid prisca illi homines, seu cum laude egerint, seu cum vituperio; quibus præterea institutis, moribus, quaque integritate iniquitateue, mutuo conuixerint; quibus ritibus innocentiam illorum, istorum maleficia, iuerint detectum. Tanta enim, horum omnium, in libello hoc seges est, quam quæ potest esse maxima. Deinde, ita existimo, illustrando *Iuri Hungariæ Publico*, materiam hinc, non idoneam minus, quam selectam etiam, decerpi posse: si quis sua interesse putet, vetera cum nouis, & hæc, cum illis, contendere, ex utrisque autem, aduersaria facere, quorum ope, prisca regum decretis, lux adfundi; explicari obscura; incerta adfirmari; refelli fabulosa; expediri intricata possint.

Postea, cum hic, veterrimorum *Nominum Hungaricorum*, copiam reperi, quæ vel sola mereatur, in luce iterum collocari, ut argumentum inde capi queat, cum de gentis nostræ, tum de linguæ, qua sæculo duodecimo utebatur, indole. Rudis nempe tunc nostris hominibus sermo fuit, & ex Scythicæ linguæ contagio, quod recens adhuc erat, etiam inficetus: ut habeant omnino, quod, seu scrutentur philologi *Hungari*, seu obseruent exteri. Denique, & istud in libello hocce, animum nostrum aduertit; quod infinita fere oppidorum, castrorum, villarum vicorumque vocabula contineat, egregie eius ætatis *Geographiam* illustratura; si sint, qui diplomatibus in consilium vocatis, vetera illa, vel cum hodiernis conferre, vel suis singula parochiis, conuentibus, seu *Comitatibus*, assignare potuerint. Nam, & hoc, in *Desideratis Hungaricis*, referre soleo; quod ignoremus hucusque, quemadmodum se prima omnium, post constitutum regnum, *Hungariæ Partitio*, habuerit; quibus, per singulas regionis plagas, parochias, conuentus, quos postea *Comitatus* dixerunt, arcibus, oppidis, pagis vicisque, culta fuerit. Quæ in hanc rem, ex M. IOHANNIS de THVRÓCZ, vnici ac genuini prisca, Hungariæ rerum scriptoris, *Cronicis*, erui possunt, pauca ea sunt, & in his dubia quædam atque incognita: ut haud omnino lusus esset operam, qui nostrum hunc libellum, ita excuteret, ut indice locorum conscripto, tam diu per tabularia, & quæ, in his, ex tot cladibus superant, diplomata, reptaret: dum, non vocabula modo locorum; sed horum etiam situs, ex vero & indubitate, detegeret, designaretque. Fateor, laborem hunc, ex se quidem molestum futurum; sed quem tamen leniret, immo iucundum quodammodo faceret, si eadem hac opera, ad rerum nexus, qui in diplomatibus perscribi solent, actus item, seu regum, seu priuatorum quorumuis, horum item, natales ac propagines, sollicitius attenderetur. *Vtinam sint, qui hanc viam insistant, ad res Hungaricas collustrandas!* Et hæc quidem de causis libelli editi.

Accessit ad singula hæc, quod, nimium apud nostros, rarus, inde a primordio, liber fuerit, adeoque, & his ignotus, qui rerum patriæ in primis gnaros se existimant. Sed, vnde quæso, tanta libelli ignoratio? dicam, quod sentio, & quod reuera est. FRATER GEORGIUS, beneficio IOHANNIS de Zápolya, regis Hungariæ, *Varadiensis Episcopus*, libellum, ex sacrarii ecclesiæ suæ, monumentis, compilatum, bonaque descriptum fide, suo sumtu, in typographeo *Colosvariensi*, anno MDL. excudi, luceque publica donari curauit.



rauerat. Tunc vero iam, non vno turbine, res monachi versabantur, (a) quando fluxa fide, viduam nunc *Isabellam*, mox *Solymannum*, iterumque *Ferdinandum*, nequiter deludebat. Factum iis rebus est, vt, quemadmodum cladem Transilvaniae; ita sibi cruentum exitium, acceleraret. Sequuto enim anno, funesta caede e medio sublatus est; quam praeter *ISTVÁNFYVM*, *BETHLENVS* (b) quoque describit. quidquid thesaurorum coegerat, partim in fiscum relatum, partim, quod in his casibus proclive fit, a milite, & qua non colluione alia, direptum est. Eadem ergo tempestate, accidisse reor, vt nuperus adhuc libellus, neque, ob res calamitosas, in plures sparsus, *Colosvárii*, vbi lucem adspexerat, ante emoreretur, quam vitam sentiret. Haec ita sunt omnino.

Habet tamen libri huius nostri mentionem, *IOHANNES KITIONICH*, (c) loco opportuno satis. Cum enim Processum, qui hodie obtinet, Iudiciarium, e Gallia, sub Caroli I. initia, petiit fuisse, ex *WERBÖCZIO* recognouisset: *Hic tandem*, inquit porro, cessauerunt duo illa gentilitia iudicia: *CANDENTIS FERRI & FERVENTIS AQVAE*; quibus gens Hungara, contra id, quod dicitur: Noli tentare Dominum Deum tuum: ab anno 969. quo *S. STEPHANUS Rex natus est*, vsque ad annum 1309. quo *CAROLVS Rex coronatus est*, per annos CCCXL. vsa est; vt adparet ex antiquo quodam libro intitulato; *RITVS EXPLORANDAE VERITATIS* in dirimendis controuersiis, in sacario summi templi *Varadiensis* reperto, & (d) *recuso Colosvárii*, anno MDL iam autem praemanibus generosorum dominorum. *Francisci Loránth de Inke*, & alterius *Francisci Nagy-Mihály de Petröz*, *Sacrae Caesaris & Regiae Maiestatis*, inelyta *Camera Hungarica consiliariorum* habito. Ex quo, qui volet, diuersa barbara nomina Hungarorum, plus quam satis cognoscere poterit, certis iudiciariis exemplis, ab anno MCCXIV. vsque ad annum MCCXXXV. quod facit, viginti & unum annos, circa aetatem potissimum *Andreae II. regis*, comprehensa. Alibi, nec quidquam libelli mentionem quaesieris; neque ego, in eruditis *Hungaris* noui quemquam, qui vel a nomine famaue, habuisset cognitum; nisi forte fortuna, apud me oculis vsurpatum. Quod ideo monendum putavi, vt eo insignius reddam, *ANDRAE CZE-MANKA de Tarnócz*, viri, apud *Tbíróczienses*, nobilis, & praeter morem nostrorum, praclare docti, beneficium: quippe qui, cum ipsam *Hungaria Notitiam*, non vna accessione, tum hoc in primis libello, reliquos adparatus meos, liberaliter non minus, quam promte, locupletauit. (e)

Ceteroquin, ne obsoletus liber, nudus, immo sordidatus, in lucem prodiret, *Cl. IOHANNES TOMKA SZASZKY*, in lycæo nostrate, Conrector longe meritissimus, elaboratum suapte voluit. Nempe, notis eum illustrauit, non vberibus modo; sed etiam lectionis multifariae; quibus, cum variae antiquitates, tum praecipua *Iuris Hungariae Publici* capita, passim, diligentia haud superuacua, eruderantur. Mihi certe, in toto hoc laboris genere, nihil, bonus ille, residui fecit; quam, vt adnotationes suas, recognoscerem, & nunc adductiores redderem, nunc iterum locupletiores; quod iam, eo gratiore mente profiteor, quo magis proprium mihi est: *suum cuique tribuere*.

An vero, in hac rei litterariae, qua sumus in *Hungaria*, difficultate, ADPARATVM hunc nostrum, pluribus alioquin *Decadibus* constitutum, porro in lucem publicam edere licebit; id equidem, neque spondere ausim, neque negare. Tu interim, *Rerum Hungaricarum* auide Lector! PENTADE hac, feliciter vtere, & vale. PISONII, Anno MDCCXL. Calendis Septembris.

a.) Lege, si est in protestate, *WOLFGANGI BETHLENI Historiarum Libri III. extrema, & Libri IV. exordia*, ac porro.


b.) Ibid. pag. 173. sq.

c.) In *DIRECTIONE IURIS HVNG. METHODICA*, Czp. I. Quæst. IX. num. quarto, p. 10. Adde ibid. Quæst. XV. vbi abrogati eius iudicii tempus definit iterum.

d.) Non recus; sed ex manu exarato codice, primum eo anno, illic editus fuit.

e.) Dum meum hoc exemplar, typis destinabam, aliud detexit, *ENGELBERTVS de KEMPELIN*, vestigillum *Pisoniensium* praefectus, *Antiquitatum Hungaricarum*, ultra quam reris, curiosus. quod ego exemplar, *LOZANDIILLIUS*, & *NAGY-MIHÁLY*, quorum *KITIONICH* meminit, fuisse suspicor.





# RITVS

## EXPLORANDAE VERITATIS, PER IUDICIUM FERRI CANDENTIS.

### §. I.



Nno Dominicæ Incarnationis. (a) *Millesimo ducentesimo decimo nono*, (b) PRISTALDO regis nomine *Martinus*, de villa *Shama*, in provincia *Suprutus*, veniens cum curiali comite *Moyad*, comitis nomine *Fiod*, & clerico *Vrcondon*, filii *Dionisii* comitis, contestatus est nobis, diuisionem terræ *Hene*, ipso mediante factam, inter *Moyad* comitem, & *Nicolaum* nepotem eius, ex vna parte, & *Vrcultus*, filium *Dionisii* cum fratribus suis, hoc modo. Quia cum locus villæ *Hene*, in diuisione, *Mayad* comiti accidisset: *Vrcultus* volens satisfacere, terram in *Thoufo* mensurando, *Mayad* Comiti pro eo dedisset. Sed *Mayad* Comes, eundem locum villæ, *Vrcundino* & fratribus suis, gratis concessisset. Ipsa vero terra *Hene* tali ordine (c) metarum diuisa inter prædictas partes perhibetur.

C c c

Prima

a.) Regnante ANDREA II, qui inde, ab anno MCCI. vsque ad annum MCCXXXV. Hungariæ rebus præfuit. THVRÓTZIUS *Chron.* p. II. cap. 72. seq. p. 77.

b.) PRISTALDVS, in S: LADISLAI & COLOMANNI decretis; *Præstaldus*, in ANDRÆ II. edictis, scribitur. Arbitrum fuisse inter litigantes, & cum Regis, tum iudicum, Dynastarumque ministrum, ex iisdem legibus elucet. Hinc, alius est *Prisfaldus* regis, S. Lad. *Decr. lib. II. cap. 18. lib. III. cap. 13.* alius *Episcopi*, S. LAD. *lib. I. cap. 40.* *Comitis Curia* alius, ANDR. II. *Decr. an. 1222. art. 9.* alius *Comitis Parochialis*, S. LAD. *lib. I. cap. 40.* *Iudicum* item alius, COLOM. *lib. I. cap. 28. 29. 30. 31.* alius *Dynastarum*, S. LAD. *lib. III. cap. 12.* quem, siue a *pereft öldó*, id est, litigantes soluente, cum JOAN. SZEGEDI S. I, in *Rubricis Juris Hung.* p. 42. not. a. siue, a *Slauonica* voce, *pristogim*, *adstere*, deriuaueris: arbitrum fuisse inter litigantes, vel conciliatorem, vtrunque patebit. Vide reliquas opinionationes nostras, Hungariæ Nouæ, Tomo III. *Hist. Vrbis Pestiens.* Cap. III. §. VIII. p. 103.

c.) Metarum, inter castra, oppida, villasque, primam institutionem, ad S. STEPHANI tempora refert VERBÖTZIUS, *Trip. P. I. tit. 84.* Dotum namque secreta sunt a terris regalibus prædia, partim sacerdotibus, partim nobilibus, per regiam collata donationem, cumulis terreis, vel lapidum acerbis, vel positis a natura limitibus, IDEM *l. c. tit. 85. 86.* Ex earum neglectu, si confundantur fines, *causa metalis reambulationis*, nascuntur, CONST. A. 1542. art. 5. *Decad. I. Monumentum V.*

d.) Ter-



Prima itaque meta egreditur de terra (d) *Bogdan*, & vadit ad *Thoufo*, & inde transit ultra *Veyzlo*, & inde versus domum *Vrcultus*. &c.

§. II. *Yrgolin*, de (e) villa *Fon*, impetiit conuillanā suā, uxorem *Cheka*, de veneficio. Quos *Gregorius Comes de Potok* discutiens, misit *Varadinum*, ad examen ferri candentis, per *Pristaldum* nomine *Thomas* de villa *Kaboi*. Sed cum illa, præ nimia senectute ferrum non posse portare videretur; idem iudex dispensans cum ea, filium suum *Modam* nomine, portare ferrum pro matre sua præcepit, qui portato ferro, iustificatus est.

§. III. *Choma* de villa *Petri*, impetiit (f) convillanos suos, nomine *Fugod*, & *Aegidium*, de damno rerum suarum, ad æstimationem octo (g) marcarum, iudice *Laurentio*, Curiali Comite de villa *Terebus*, prædicti viri, *Fugod*, & *Aegid*, portato ferro combusti sunt.

## §. IV.

d.) Terræ *BOGDAN* nomine, agrum *Maramorosium* intelligi, ex *THVRÓTZII P. III. cap. 48. p. 108.* colligitur: ubi regnante *LYDOVICO I. Bogdan* *Vajuoda* *Valachorum* de *Maramorosio*, floruit. Alioquin *Bogdai*, vox est *Sarmatica*, idem significans, quod est Latinis; *Faxit DEVS*; Germanis, *Gott geß*.

e.) *VILLA*, non quomodo apud *Latinos*, prædia rustica, sed complurium in agris mansionum, vel ædium collectionem, interdum significat. *CAROLVS du FRESNE glossario med. lat. voce Villa.* Quo nomine, non vici solum, sed & oppida, immo ciuitates, plerumque intelliguntur. Hinc *LAMB. SCHAFNAB ad an. 1073.* Villam, viris fortibus, vallis & feris undique munitam incurfare, haud satis tutum putabatur. Et *RUTILIUS NUMATIANVS* in *Itiner.* Nunc villa ingentes, oppida parua prius. Ceterum, villa, æuo medio, aliæ fuerant priuata, aliæ publica, quæ & regia villa. Priuata, vici fuerunt nobilium, *LAD. lib. I. cap. 9. II. lib. II. cap. 4. 5.* quæ & villa seruientium, *AND. III. art. 3. 15.* dicebantur. Villa publica, vel ob palatium regium, ibidem constructum; vel quia fisco regio adscriptæ fuerunt, etiam villa regia adpellabantur, in quibus, quoniam conuentus publici, vel negotia publica, exceptiones puta legatorum, concessiones, & confirmationes priuilegiorum celebrabantur, Villa publica, publica item palatia, dicta sunt: quamuis interdum, sub nudo loci, aut villæ nomine, sine Regii, vel publici adiectione, compareant. *GODEFRED. ABBAS, Chronic. Gottuicens. Lib. III. cap. I. f. 444. 446.* Hinc *HENRICVS VALESIVS, Rer. Francic. Lib. XI. ad an. 584.* Has villas, auctores rerum nostrarum, nunc villas publicas, vt distinguat a priuatis, nunc quod ad fiscum pertinerent, fiscos & fisci Regii villas, adpellant. Non pauci etiam eas Villas Palatii, vel Palatia cognominant, propterea, quod Reges Francorum, ibi palatia habere consueuerant.

f.) *VILLANI* proprie, apud scriptores æui inferioris dicuntur, qui villæ, seu glebæ adscripti sunt, & vilis seruilisque habebantur conditionis, quique vt serui, in commercio erant, & cum villis atque prædiis vendebantur. *S. LADISL. Lib. I. cap. II. 19. Lib. II. cap. 4. 5.* distincti ab hospitibus, qui sæpe, in vna villa simul cohabitauerunt. *C. 25.* quibus, qui præerant, *Villici*, id est villarum prouisoires, *cap. eod.* dicebantur. Conf. *du FRESNE gloss. voce Villanus, Villicus.* In Regum Hung. Diplomatis, non raro, prætores urbium, seu consules, *Villicorum* nomine insigniuntur.

g.) *MARCA*, pondus est auri, vel argenti, quo vtuntur omnes ii, qui adpen-  
sas merces venditant, *du FRESNE glossar. voce Marca.* Pro regionum ratione, di-  
uersa est, a qua marca *Hungarorum* discrepat. Marca namque auri, adpendit 72.  
florenos. *TRIP. P. II. tit. 73.* argenti vero, si grauioris est ponderis, florenos 4.  
*Tit. 28.* sin leuioris, florenum vnum, *Tit. 82.* Hinc marca *Hungarorum* homagiales 50,  
florenos 200. efficiunt. *Tit. 70, Transiluanorum* autem 66, totidem florenos, exceptis  
iuridicis grauaminibus in processibus octaualibus, in quibus, marca vna, 400. de-  
nariis, seu 4. florenis, *Hungarorum* more, redimi solet. *TRIP. P. III. Tit. 3.*  
sicut & apud *Siculos.* *Tit. 4.*



§. IV. *Basilus Abbas* (h) de *Curru*, impetiit quosdam pro furto, scilicet *Baztbu* de *Peles*. Item *Adrianum*, *Laurentium*, *Bubtem*, *Micon*, *Tekze*, *Vduor*, *Ambrosium*, *Bencü* de *Vecber*, de villa *Cbeke*. Item *Homodoy*, de villa *Horz*. Qui, *duma* (i) *Nicolao* Comite Palatino facta discussione, ad iudicium ferri candentis, *Varadinum* essent, in septimana, *Domine in tua misericordia*, per *Pristaldum*, nomine *Chepanum*, de villa *Ladan*, directi, non venerunt, & præ-nominatus iudex rescripsit de eis, quod scriberentur pro condemnatis.

§. V. *Reynold*, de villa *Sucta*, impetit *Joannem* & *Acbyamanum*, *Vilalmum*, & *Ornoltum* de villa *Buntii*, de occisione sui filii, iudicibus *Martino*, *Curiali* Comite de nouo Castro, & *Gipolto*, *Teotomeo*, (k) hospite reginæ, *Pristaldis*, alio *Acyamano* de villa *Buntü*, & *Laurentio*, de villa *Hensy*. Prædicti homines, *Joannes*, *Acbyamanus*, *Vilalmus*, & *Ornoltus*, portato ferro iustificati sunt.

§. VI. *Priatus* de villa *Iuren*, impetiit *Vocam* de villa *Pereznek* pro furto, iudice *Tobia*, (l) *Curiali* Comite de *Zolnuk*, *Pristaldo Giliano* de villa *Voznad*. Fur *Voka*, portato ferro combustus est.

§. VII. Villani de *Nyr*, qui sunt (m) pistores castri *Zolnuk*, impetierunt quosdam (n) liberos homines eiusdem villæ, scilicet, *Fecieten*, *Agya*, *Michaëlem*,

C c c 2

h.) Abbatia de CVRRV, iuxta fluvium KÖRÖS, SZENTIVÁNY Dissertat. Paralipomenon Catal. 34. meminit, atque ante eum, PETRVS PÁZMÁNY Cardin. in Decretis Synodæ Diæces. Strigoniens. Appendice II. p. 107. inter Abbatis incerti Ordinis. CVRRV, inquit, in Varadiensi Diœcesi iuxta flumen Kôrös vigit 1216.

i.) NICOLAVS, regni Hungariæ Palatinus, & Comes Soproniensis, qui anno 1220. regnante ANDREA II. floruit, intelligendus est. Alter namque NICOLAVS Comes peræque Soproniensis, & Julæ frater, ad annum 1226. referri debet. JONGELINVS Catalog. Palatin. apud RÉVAM f. 153.

k.) HOSPITES apud Hungaros dicuntur, partim inductæ, ex vicinis regionibus, coloniae, S. STEPHAN. Decr. Lib. I. tit. 6. ANDREAE II. Decr. an. 1222. art. II. partim villarum oppidorumque incolæ, quos alii mansionarios vocant, qui scilicet domos incolunt, sub censu annuo, S. STEPHAN. Decr. Lib. II. tit. 22. S. LADISL. Decr. Lib. I. cap. 25. Differunt ii a servis, seu glebæ adscriptis, colonisque accensentur. du FRESNE Glossar. voce, Hospes. Crebrius, in diplomatibus regum Hung. vocabulum, in primis, dum liberatum villarum, oppidorum, vrbiumque privilegia perscribuntur.

l.) COMITES CVRIALES ii sunt, qui hodie aula præfecti, adeoque indices aulici, probe, a Comitibus Curia, seu aula regis iudicibus, qui apud ANDREAM II. Decr. an. 1222. art. 6. per excellentiam, Comites curiales dicuntur; sicut & a Comitibus Parochianis, qui Comitatum erant præsides, ibidem art. 5. distinguendi. Testatur id Charta BELAE regis, Archiabbat. S. Martini concessa.

m.) Cuilibet castro, sua adscripta fuisse ministeria, ex BELAE Regis privilegio, quod Archiabbatia S. MARTINI datum est, cognoscitur. Recensentur in his 1.) Jobbages equestres, qui serviebant equis. 2.) Vduarnici. 3.) Coqui. 4.) Equestres servientes, qui portabant currus oneratos monasterii. 5.) Pelliparii, qui in officina monasterii servitium faciebant pellipariorum. 6.) Tornatores. 7.) Thauernici. 8.) Pracones. 9.) Pistores. 10.) Sutores. 11.) Qui parant marcium, alias Braxatores dicti. 12.) Fabri. 13.) Carpentarii. 14.) Stratores. 15.) Jobbages liberi. 16.) Agazones. 17.) Sacriferi. 18.) Buckari. 19.) Vinitores. 20.) Pulsatores. 21.) Pastores ovium. 22.) Libertini. 23.) Piscatores. 24.) Subulci. 25.) Venatores. En! vnius cœnobii ministeria.

n.) LIBERI homines dicuntur, qui nulli servituti obnoxii sunt. Duplex fuit eorum ordo. Quidam erant liberi & nobiles, quibus libertas a S. STEPHANO concessa,

cessa,



lem, & alios ejusdem generis, dicentes eos (o) extorres. Illi autem e contra dixerunt se habere terram communem, cum castrensibus, a prima occupatione sui generis, iudice Nicolao Palatino Comite, Pristaldo Dettre de villa Maysa. Homo castrensium, portato ferro, iustificatus est.

§. VIII. Gugus Pristaldus, vt ipse dixit de se, Jacobi Vacienfis Episcopi, statuit ante nos quendam nomine Ipolitum de villa Sáp, asserens, quod ipse Ipolitus impetiisset conuillanos suos, scilicet, Jacob, Paulum, Moynolt, Crispem, Martinum & Dominicum, dicens; quod arassent per violentiam terram suam emptitiam. Illi autem respondissent, eandem terram ad tria aratra, non emptione, sed (p) vadio ipsum Ipolitum possedisse. Præfatus itaque Episcopus, ipso videlicet Gugus Pristaldo constituto, misisset vtramque partem Varadinum, ad examen ferri candentis, dato termino in octava S. Regis Stephani, & Ipolitus quidem, cum prænominato Pristaldo suo Gugus, Varadini fuit, paratus candens ferrum portare. Aduersarii autem ejus in eadem septimana non compa-  
ruerunt.

§. IX. Abbas de loco (q) Triskaj monasterio, litigavit cum Abbate monasterii Porozló, & (r) patrono eiusdem Ecclesiæ, scilicet Boroskun, pro viginti  
mar-

cessa, DECRER. Lib. I. cap. 4. & ab ANDREA II. Decr. an 1222. præfat. confirmata fuit. qui, quoniam omnium sunt præstantissimi, Nobiles regni, ANDREAE II. præf. & art. 8. & quia in bello regi regnoque seruiunt, seruientes, ANDREAE II. art. 1. 2. 3. 4. 5. 7. 10. 15. 18. vocabantur. Hinc liberi homines apud Alemannos nobiliores, Frey-Herren dicuntur, BRUNO, de bello Saxonico. Alii, liberi quidem erant; at, non nobiles, qui sub patrocínio alicuius degebant, neque omnino sui iuris erant. S. LADISL. Lib. I. cap. 27. 30. Proprie autem liberi dicti videntur, qui ex seruis manumissis, originem traxerant. S. LAD. l. c. quorum conditio, vbique, etiam in iudiciis, longe melior fuerat, quam seruorum, S. LAD. Lib. II. c. 14. Istos hodie libertinos adpellare, moris est, CONST. 1542. art. 24. 1554. art. 4.

o.) EXTORRES, apud CYPRIANVM Epist. 19. 20. dicuntur, qui, vt CHRISTI fidem saluam custodirent, neue religionis dispendium paterentur; bona sua, fisco possidenda dimittebant, carosque suos, dulcemque patriam relinquentes, in externas regiones migrabant.

p.) VADIVM, vel Wadium, seu Quadium, vadimonium, pignus, vel fideiussionem, siue rem, quæ pignori dabatur, significat, du FRESNE Glossar. voce Vadium. Hinc enatae sunt in iure formulæ: vadiare, id est pignorare. CONCILIUM INSVLANVM an 1224 c. 9: inuadiare id est, pignori ponere. LEGES EDVARDI Reg. Angl. c. 35. disuadiare, id est, rem oppignoratam redimere. CHRONOL. Augustin Cantorber. Terra itaque vadio quæsitæ, opponitur emptitiæ. Ceteroquin, frequens, in decretis mentio est, inuagationis & abuagationis pecorum. De qua re, nobilis vir, & iuris patrii consultissimus, PAVLLVS PRILECZKY de eadem, peculiari, eoque pragmatico tractatu, egit. Posonii, 1735. forma quadrip.

q.) Abbatia TRISKAI, alias de Tereskő, fuit ordinis S. Benedicti, vti adserit PETRVS PAZMÁNY, Append. I. p. 86. vt mirum sit, retulisse eam postea, Append. II. p. 107. in illarum catalogo, quæ sunt incerti ordinis: nisi reuera differant Triskai, & Tereskő, quod alii disputent. De Abbatia POROSZLÓ, idem, ibidem, in Comitatu Marmaros viguit anno 1216. hoc est, ætate ANDREAE II. Adde, MARTINI SZENTIVÁNY S. I. Dissert. Paralipom. Catal. LII. 117. b.

r.) PATRONVS Ecclesiæ dicitur, cui ius honorificum, onerosum, & utile, in Ecclesia competit, propterea: quod eam, indultu aut consensu dicecesani, fundauerit, dotauerit, vel construxerit. MATTHÆVS VILLANEVS Lib. I. cap. 33. Lib. IX. cap. 98.

s.) COMITES



marcis, coram *Bacione* (s) Comite, Iudice a rege (t) delegato, *Pristaldo Primus* de villa *Vosyan*, qui ad examen ferri candentis directi, taliter conuenerunt; quod *Abbas de Poroszló*, & *Borokun*, darent Abbati monasterii *Triskaj*, sex marcas, & idem conuenerunt dare vnam marcā *Pristaldo*, partem vero iudicis, *Abbas Triskaj* persolvere teneretur.

§. X. *Petrus* Joubagio (u) castri *Borsod*, impetiit castrenses eiusdem castri, scilicet de villa *Beleta*, & de villa *Lanczū*, & de villa *Mulcbun*, & de villa *Zudestban*, & de villa *Sbazka*, dicens, quod officium eorum esset (v) carceres custodire. Illi autem e contrario dixerunt, quod (x) milites quidem castri essent ad belligerandum, non ad carcerem custodiendum. Quos *Theodor* Comes eorum discutiens, per *Pristaldum* nomine *Stephanum* de villa *Németb*, misit ad examen ferri candentis *Varadinum*, vbi prædictus *Petrus* renunciavit iudicio ferri candentis, dicens etiam, castrenses de prænominatis villis, falso de custodia carceris impetuisse.

D d d

§. XI.

s.) COMITES aulæ Romanæ, ac imperatorii palatii proceres, a comitando primum dicti sunt: quod ii principem sectarentur, eiusque lateri adhærent; seu domi maneret, seu in expeditionem proficisceretur. SPARTIANVS in *Hadriano*. Postea, cum ex eorum numero adsumerentur, qui, ad regendas provincias mittebantur; Comites quoque provinciales dicti sunt. SALMASIVS ad *Spartianum* p. 47. 48. Capit. I. CAROLI M. ad an. 802. qui, quoniam iudicia, in provinciis, oppidis, castris, villisque exercebant, interdum Comites iidem dicuntur, qui & iudices. Hoc sensu THEODOR, Comes militum castrensiū de *Borsod*, §. 10. & MERTH, comes *Theutonicorum* §. 37. adpellantur.

t.) Iudices delegati, in causis extraordinariis, iussu regio solent delegari. CONSTIT. an. 1715. Art. 17.

u.) Castra vocabant, scriptores æui medii, oppida, a quibus, comitatus Hungariæ, potissimum sumebant denominationem. Ita apud THVRÓTZIVM P. II. cap. 60. castrum *Zemlin*, castrum *Poson*. cap. 65. & in ANDREAE II. art. 14. comes & populi castri, quo nomine, cæteræ quoque vrbes, quæ cinitatis, id est, episcopatus ius non habebant, intelliguntur: sicuti est *Castrum nouum*, apud eundem cap. 6. & in ANDREAE II. Decr. art. 19. castrorum lobagyones. Interdum hoc nomine principis palatia, vel regiæ potestati subiecta oppida, exprimuntur, du FRESNE glossar. voce *Castrum*.

vv.) CARCERVM custodia, inter castri refertur officia. vid. ad §. 7. not. m. Scilicet, carceris custodes, coniectos in vincula, vel custodiam, obseruabant, adpellabanturque æuo medio, carcerarii, in lege WISIGOTH. Lib. VII. Tit. 4. §. 3. quo nomine, interdum ipsimet rei, carceri inclusi, nominabantur, GREG. TVRON de vitis Patrum, cap. 8. & custodes captorum. ad quam tenebantur ex lege, non solum vrbium, & oppidorum incolæ, verum castrorum etiam homines. Du FRESNE glossar. voce *Custodia captorum*.

x.) MILITES, apud scriptores inferioris ætatis, ii sunt potissimum, qui militari accincti erant cingulo, & vulgo *Cheualier* adpellantur. FVLCHERIVS CARNOTENSIS, Lib. II. Hist. Hierosol. cap. 31. Ceterum, omnes illi, qui principi, in quolibet officio, seu in qualibet dignitate palatina, ciuili aut militari, seruebant, eius milites esse, eique militare dicebantur. SELDENVS, de titulis honorariis, P. II. cap. 5. §. 33. Postmodum militia ista ciuilis, ad militarem vnice relata est dignitatem; ita, vt, qui alicui in bellis militaret, ac mereret, eius esse miles diceretur; maxime vero, qui beneficii seu feudi alicuius ratione, seruitio militari obstricti erant. LVITPRAND. in Chron. Lib. 5. cap. 14. Tales fuere castri milites, qui partim præsidio fuerant in castro, partim belli tempore, pro castri domino militabant, & propterea, fundos in castri dynastia liberos, possidebant. Hinc *Pradialistarum*, in Hungaria origo. Vide operis nostri Tom. II. p. 284. Decad. I. Monumentum V.

y.) CA-



§. XI. CASTRENSES (y) *Dubukaj*, de villa *Mochy*, coadiuvantibus eum castrum (z) *Joubagionibus*, scilicet: *Queduelen*, *Tynta* & *Petrus*, impetierunt *Cunpurdinum* filium *Teleguen*, dicentes, quod ipse esset extorris, & terram eorum vi occupasset. Ille autem dixit, dimidiam partem ejusdem terræ iure hæreditario sibi attinere. Quos *Demetrius* (a) Magister, præcepto Regis discutiens per *Pristaldum* nomine *Adrianum* de villa *Scil*, ad examen ferri candentis misit *Varadinum*, ubi prædicti Castrenses, cum nominatis *Joubagionibus* eorum, subterfugerunt iudicium ferri candentis, dicentes, dimidietatem supradictæ terræ, præfato *Cunpurdino* iure (b) patronatus, sicut ipse astruebat, attinere.

§. XII. *Zugna*, de villa *Fecie*, impetiit *Zemert*, de villa *Vraka*, de (c) furto, iudice *Cumazan*, Curiali Comite de *Zobolch*, *Pristaldo Karachun*, de villa *Ekulch*, Prædictus fur *Zemer*, *Varadini* portato ferro combustus est.

§. XIII.

y.) CASTRENSES, & *castrensiæ*, ministri erant castrorum, & aulæ regiæ, CODIC. THEOD. Leg. 12. TERTULLIANVS de corona cap. 12. quibus LAMPRIIVS in SEVERO accenset fullones, vestitores, pictores, pincernas, cet. Hoc nomine, ævo inferiore adpellabantur, vel, qui castrum feuda possidebant, Ivs FEVDALIS SAXONIC. cap. 37; vel castrum incolæ, qui a ciuibus, id est oppidi, vel *burgi* incolis, distinguuntur, GOLDASTVS Constit. Imperial. Tom. I. p. 314. in Decreto RVDOLPH. Imper. ad an. 1285; vel milites in castro præfidiarii, du FRESNE, glossar. voce *Castrensis*. Singulæ hæc significationes, occurrunt in *Diplomatibus*, & *Decretis* Hungaricis.

z.) JOVBAGIONES, *Jobagiones*, seu *Jobagiones*, Hungaris dicuntur coloni, rusticolæ, atque adeo ipsa mancipia, LVDOVIC. I. Decr. an. 1351. art. 16. SIGISMUND. Decr. V. an. 1435. art. 2. ALBERTVS MOLNÁR, & FRANC. PARIZ PAPAI voce *Jobbágy*. quæ vox, anne a *Jobb ágy*, melior est lectus, vel, a *Jobb adj*, melius si dederis, rectius deriuetur: lectoris beneuoli iudicio permitto. Certe nomen hoc, in populo Hungarico, tunc subortum est, quum imbelles, prælia & certamina subterfugientes, in perpetuam coniecti fuerunt seruitutem. THVRÓTZIUS Chron. P. I. cap. 10. VERBÖTZIUS Trip. P. I. Tit. 3. qui, isto nomine, hac potissimum de causa adpellati sunt: quod, vel quies, vel tributum, multo iis gratiora fuere, quam belli molestia. Sunt vero *Jobagiones* iidem, qui serui. LVDOVIC. I. Decret. art. 6. iique diuersi; *JOBAGYONES*, inquam, ad regiam, vel reginalem celsitudinem pertinentes, LVDOVIC. I. Decret. art. 16. *JOBAGYONES* Ecclesiastici art. 6. *JOBAGYONES* castrorum, seu dynastiæ, ANDR. II. Decr. an. 1222. art. 19. *JOBAGYONES* item nobilium, ALBERT. Decret. art. 28. Ceterum, *Nobiles* quoque Hungariæ, *Jobagiones*, hoc est, Regis seruientes, seu vassalli adpellantur. ANDR. II. Decret. art. 10. 13. quo nomine, *Barones* regni potissimum intelliguntur, art. 30. 31. subindeque, *Jobagiones habentes honorem*, dicuntur, *ibid.* art. 10.

a.) MAGISTRI nomine veniunt, apud Hungaros; partim, qui officia in palatio regio præstant, sicuti, MAGISTER Thauernicorum, Janitorum, Pincernarum, Dapiferorum, Cubicaliorum, Curiarum, & Agazonum, quibus locus inter *Barones* regni conceditur, VERBÖTZIUS Trip. P. I. tit. 94; partim iudicum regni vicem gerentes, qui & *Magistri* Protonotarii. CONSTIT. 1681. art. 40. Interdum *Magistro-*rum nomine, alia, in regis vel optimatum curiis, officia exprimuntur, de quibus *infra*.

b.) De iure patronatus & Patrono, supra, §. 8. not. r.

c.) Nullum scelus, apud Hungaros, tam seueris, ævo medio, coercitum erat legibus, quam furtum. Gens namque, bello, & rapinis adsueta, quum inuectis in regnum Christianis moribus, a ferocitate, ad mansuetudinem prouocaretur: tantum abest, ut protinus barbarum impiumque exuerit animum; ut, sub incunabilis etiam Christianismi, in furta, rapinas, & latrocinia fuerit prona. Hæc igitur causa est, quare S. STEPHANVS, S. LADISLAVS, & COLOMANVS, tantas, aduersus furta, leges tulerint, & grauissimas in fures dictauerint poenas, de quibus ad §. 18. not. s.

d.) MAN-



§. XIII. *Paul*, Sacerdos de villa *Duba*, impetiit conuillanā suā vxorem *Lodmer* dicens, quod cum ancillā quandā (d) vendiderat, illa nondum pretium perfoluit. Quoniam eadem ancilla, instinctu eiusdem viduæ, res ipsius furtim subripiens aufugerit, cuius facti, cum præfata vidua se ignarā esse contendens, *Curialis Comes de Zounuk*, nomine *Vitalis*, de ancilla, & rebus subreptis, de *Paulo sacerdote*, valentibus quatuor marcas, & quatuor (e) ponda argenti, discutiens per *Pristaldum Numbiz*, de villa *Chumburd*, misit ad examen ferri candentis *Varadinum*, vbi (f) homo *Pauli sacerdotis*, portato ferro, iustificatus est.

§. XIV. *Matthias Comes*, impetiit *Benedictum*, de villa *Cheby*, pro (g) furtiuo equo, quem equum prædictus *Benedictus* dixit ab eodem Comite pro (h) seruitio suo possedisse. Quos *Forcasius*, curialis Comes de *Bichor* discutiens per *Pristaldum suum Hegud*, de villa *Bichor*, misit ad examen ferri candentis *Varadinum*, vbi *Benedictus* portato ferro iustificatus est.

§. XV. *Fabianus*, de villa *Beka*, impetiit *Samsonem*, de genere (i) *Opour*, de damno triginta marcarum, iudice *Fila*, (k) comite vicario *Nicolai Palatini comitis*, *Pristaldo Paulo* de villa *Tnata*. Prædicti aduersantes *Varadinum* ad examen ferri candentis directi, taliter ibi conveniunt, quod præfatus *Samson*, redderet aduersario suo tria (l) capita hominum, quos abstulerat, & decem

D d d 2

bo-

d.) MANCIPIA, seu *seruos*, qui Romanorum more vendebantur emebanturque, fuisse apud *Hungaros*, ex vetustis regum legibus est cognoscere, quorum discrimen ad §. 20. not. u. exponitur vberius. Ceterum, inter causas, propter quas puellæ in seruitutem redigebantur, præcipuæ sunt: concubinatus, & furtum. Si quis autem *Presbyter*, ancillam suam, uxoris in locum, sibi associauerit: vendat, & si noluerit, venundetur, & pretium eius, ad Episcopum transferatur. S. LAD. Lib. I. cap. 2. Item: Si quæ innapta puella furtum fecerit, venundetur, & nunquam ad libertatem redeat. S. LAD. Lib. III. cap. 7.

e.) PONDO, & *pondum*, promiscue æuo dicitur medio, adhibeturque fere semper, in veteribus tabulis, de argenti libra, sicuti libra, de auri. Id quod obseruat du FRESNE glossar. voce *Pondo*, *pondagium*.

f.) HOMINES, cadente latinitate, generatim dicti sunt, qui alterius dominio, quauis ratione fuerant subiecti, seu essent ii, seruilis conditionis, seu ingenuæ, seu obsequii ac seruitii nexu, adeoque ratione debitæ fidelitatis, superioribus dominis subditi, du FRESNE glossar. voce *Homo*.

g.) Equorum furta, fure esse punienda, communis Hungarorum lex decreuit. Fur ille, si dixerit in foro libero, & communi, vel alibi, se equum emisse, & exitorem non potuerit statuere, neque hospitem, vel alium quempiam, qui merci potum, hoc est, victimam emtionis & venditionis, more solito benedixisset, producere, patibulo reus erit. TRIP. P. III. tit. 34. quam legem consuetudinariam, inde manasse credo, quod equorum ministerio cum primis vterentur *Hungari*, in expeditionibus bellicis.

h.) Mos hic hodie, apud illustres, in *Hungaria*, & *Transilvania* viros obseruabatur, vti dimissis exacto triennio, ab aula, seruis fidelibus, equus phaleratus, in fauoris testificationem, donaretur, qui tamen, post admissa ministeria Germanica sensim euanuit.

i.) Vetus haec est stirps, a duce *Opour*, qui in expeditione græca, ante *Toxum*, ad portam vsque Constantinopolitanam penetrauerat. THÚRÓTZIUS Chron. P. I. cap. 26.

k.) COMES Vicarius Palatini, qui §. 20. *Vice-Palatinus* dicitur, Palatini in iudiciis vices supplebat. CONST. 1518. art. 40. Talis fuit *Fila*, *Nicolai Palatini*, qui an. 1220. floruit, teste JONGELINO, Catal. Palat. f. 153. in iudiciis vicarius.

l.) CAPVT dicitur, quodcunque in recensione numerum efficit, CAROLVS du FRESNE



boues , & quadringentos ( m ) cubulos vini , de cubulo de *Sumugy* , & quinquaginta cubulos filiginis , quatuor ( n ) palmorum , & idem satisfaceret iudici : partem autem Pristaldi , *Fabiano* dare conuenit.

§. XVI. *Scymcha* ( o ) procurator *Desiderii* Episcopi de villa *Tomona* , litigauit cum quodam de eadem villa , nomine *Kezed* , dicens , quod pecuniam fratris sui sine hærede mortui , centum ( p ) pensas valentem , occultasset , iudice *Desiderio* Episcopo , *Pristaldo Scema* de supradicta villa , prænominatus *Kezed* , portato candenti ferro *Varadini* iustificatus est.

§. XVII. ( q ) AGAZONES Regis , de villa *Zecul* , scilicet *Teka* , *Tobias* , im-

FRESNE glossar. Latin. med. voce *Caput* f. 822. Præcipue , ea vox usurpatur , in armentis & gregibus. GREGORIUS M. lib. X. ep. 12. *In peculio capita 15. armenti capita 2. ferramenta numero 5.* Maxime autem omnium , de hominibus , vti hoc loco.

m ) CUBVLVS vini , mensura est vinaria , apud Hungaros *Vödör* , lingua vernacula dicta , & amphora , seu vrna , multo amplior. vid. INNOC. III. P. P. lib. 15. ep. 7. Ceterum , amphora *Sümegiensis* , reliquis multo est amplior , cuius adhuc in vinetis *Balatoniensibus* vsus est.

n.) PALMVS maior , duodecim ; minor , quatuor digitorum est. Maior *Spithama* vocatur , & *dedrans* Latinis : minor , *Eine Spannen* , einer Hand breit , vier Zoll. Vid. VITRUV. 2. 3. & 7. 4.

o.) PROCVRATOR , vicarius est , seu locumtenens , qui alterius vices gerit. PETRVS BLESSENSIS , ep. 47. *Nunquam tibi exhibuit se dominum , siue regem , sed quasi procuratorem regni tui.* Subinde PROCVRATOR est , qui conuiuio excipit , vel conuiuium adparat ; interdum magistratus publicus , qui procurator reipublicæ dicitur. Quo sensu Episcopi quoque procuratores ecclesiarum suarum , se se inscribebant. CAROLVS du FRESNE glossar. voce *Procurator* f. 435. Ergo , non semper *aduocatum* notat.

p.) PENZA , vel pensum , pondus est , quod ex Charta DAGOBERTI Regis apud *Doubletum* p. 661. elucet. *Auri purissimi decem libras , ac argenti probatissimi pondo viginti , ad pensum nostri palatii , soluere cogatur.* Vbi Charta *LYDOVICI Pii* , apud eundem p. 736. habet : *ad pondus nostri palatii.* Ponderabat ea , pro diuersitate ponderum , vel libram , vel vnciam. Ita LEO OST. lib. I. cap. 57. *Cochlearia argentea tria , penso libra vnius aestimat.* Apud Hungaros , PENZA vnam vnciam , seu *lothones* duos æquabat , quod ex CAROLI I. Decreto p. 46. cognoscitur. Vbi : *De vna marca fini argenti , duodecim pensa incidantur ( denariorum ) & octo pensa ex iisdem , & non plures.* Scilicet , regnante CAROLO I. *Marca argenti montana* , duodecim ; *Budensis* , octo pensarum , seu vnciarum , erat. Nunc , *Montanorum* marca , septem ; *Budensis* etiamnum , octo pensas valet. Vid. Not. margin. ad CAROLI I. Decret. p. 46. Ceterum , *Pensa* nude posita , pensam argenti significat. Cuius pretium , sicuti argentum est rude , vel depuratum , a 40. ad 100. denarios excreuit. Nunc puri argenti pensa , valet 120. denarios , id est , *lothones* duos. Vid. Not. ad Corpus Juris. p. 27. Quomodo intelligenda sunt regum decreta , apud S. LAD. lib. I. cap. 14. 2. §. 29. 42. lib. 2. cap. 3. 4. 5. 6. lib. III. cap. 2. 3. 5. 9. 10. 15. 18. 20. 21. 23. 25. 26. 28. 29. Ea , in S. STEPHANI legibus , *Pensa auri* dicitur , scilicet a denariis aureis , quibus vnius floreni pretium statutum est , CAROLI I. Decr. p. 45. Hinc homicidium casuale , duodecim ; S. STEPHAN. Decr. lib. II. cap. 13. *voluntarium* 110. pensis , cap. 16. redimebatur , hoc est : illud 12. hoc 110. florenis.

q.) AGAZONES , ex græco ἀγάζων deriuati , ministri sunt & serui , qui curant & agunt iumenta. LIVIUS , 43. 5. Horum , apud Hungaros , quidam ad Regis , quidam ad Optimatum spectabant curiam. Hinc , alii sunt Agazones regii , & regina , ANDR. II. Decr. an. 1222. art. 15. alii Procerum Regni , de quibus ex *transsumto* BELAE Regis ad §. 7. not. m. dictum est. Prioribus , *Magistri Agazonum* regionum , & reginalium , præerant. LVD. I. Decr. art. 25. quæ dignitas , Regni Baronibus est adnumerata. VERBÖTZ TRIP. P. I. Tit. 94.



impetierunt (r) Tavernicos Regis, de eadem villa, scilicet Zotam & Thomam, dicentes, quod extorres essent. Quos Demetrius Magister, præcepto Regis discutens, per Pristaldum suum Martinum de villa Edelen, direxit ad examen ferri candentis Varadinum, ubi prædicti Agazones conveniunt dare Tavernicis medietatem terræ illius metis impositis, & iudici communiter satisfacere, Pristaldi vero partem soli Tavernici persoluerent.

§. XVIII. Touanka, filius Barlay, impetiit Joubagiones Sebastiani de Pou, scilicet, Michaëlem & Kepam, filios Nicolai, de (s) furto, iudice Nicolao Palatino comite, Pristaldo Cepam, de villa Ladan. Prædicti fures, portato ferro, combusti sunt. Sed Michaël confugit ad Ecclesiam.

§. XIX. Nixa, de villa Nema, impetiit quendam nomine Budev, de alia villa Nema, pro furto, iudice Nicolao Comite de Geuru, Pristaldo Gregorio de Ciuitate (t) Geuru, prædictus Budev, portato ferro, antequam solueretur, aufugit.

§. XX. Fel, filius Scema de villa Eel, genus Capatani, impetiit quendam de villa  
Eee

r.) TAVERNICS, seu Tauornicus, Hungaris Tárnok, a voce tár descendit. Promtuarium, seu ærarium, hoc nomine exprimitur. Vnde enata sunt vocabula: Tár ház, penu, ærarium; Tár szekér, currus, quo commeatus conuehantur. Quorum, quia in castris usus est maximus; non dubitavit JOAN. SZEGEDI S. I. in Rubricis Iur. Hung. ad TRIP. P. I. tit. 10. p. 25. Tauernicum, quasi Tábornicum, a voce tábor, id est, castris, derivare; sicuti etiam tauernici, & tábornici, promiscue scribuntur. Elucet hinc, Tauernicos eosdem esse, qui & Camerarii. Quod cognoscitur ex ROGERIO, de Destruct. Hung. per Tart. cap. 10. Qui autem potentiores erant, sicuti Tauernicus, qui & Camerarius. THVROTZIO item, Chron. P. V. cap. 67. ubi ærarium, seu cameram MATTHIÆ regis, domum adpellat tauernicalem. Domus inquit ille, tauernicalis, & mensa regis huius, tantis ornatibus & clenodiis, tantis apparatus, tantis aureis & argenteis nitet vasis & poculis: ut nullus regum Hungaria, in his rebus tam gloriosus fuisse credatur. Erant vero Tauernici duplicis conditionis. 1.) Regis & Regina, §. 20. 21. Ita in Charta ANDRÆ II. An. 1291. Saul & Saulus, filii Salamonis de villa Padan, Theber, Elias & Hareus, filii Ioka de eadem, regii nominantur Tauernici. Quibus, qui præerant, Magistri Tauernicorum regionum & reginalium, dicebantur. LUDOVIC. I. Decr. art. 25. 2.) Optimatum, in quorum curiis, inter reliqua castris ministeria, Tauernicos fuisse, ex transumpto BELÆ regis, ad §. 7. not. m. obseruauimus.

s.) Quanto crebriora, inter Hungaros, hac ætate, furta contingebant; tanto grauioribus pœnæ, furibus, vel pro rerum, vel pro personarum conditione, dictabantur. Communes autem fuerant furti pœnæ: Sublatæ rei Restitutio in duplo, S. STEPH. Lib. II. cap. 42. 44. Venundatio, adeoque seruitus, S. STEPH. Lib. II. art. 39. 40. S. LAD. Lib. I. cap. 14. Lib. III. cap. 6. 7. Nasi, aut manus mutilatio, S. STEPH. Lib. II. art. 39. 40. S. LAD. Lib. II. cap. 10. III. cap. 6. Vnius oculi amissio, S. LAD. Lib. III. cap. 8. vel, Mutilandorum membrorum, datis, pœnæ loco, quinque iuuenicis, redemptio. S. STEPH. Lib. II. cap. 39. Ad pœnæ exasperationem, regnante S. LADISLAO, patibulum est adiectum. Lib. III. cap. 12. Quando Clerici, hoc semet contaminabant scelere, moderata, quoad rem vilem, castigatio; quoad pretiosam vero, exauktoratio. S. LAD. Lib. III. cap. 13. Adi. §. 12. not. c.

t.) IAVRINVM, olim, Geuru, & Geoeuerinum dictum, inter villas regias locum habuit: sicut id, ex vetustis oppidi priuilegiis est cognoscere. Quod tamen, quia domus, in territorio collegii sacerdotum excitata, eidem fuerant innexa; censum capitulo annuum, in signum dominii, soluebat; id quod, eadem oppidi condocent priuilegia.

u.) SER.



villa *Custa*, nomine *Oldurub*, dicens, ipsum (u) seruum suum esse, ille autem dixit se non esse suum seruum, sed *Tauornicorum* Regis, & duxit conuillanos suos, cum *Joubagionibus* *Tauernicorum*, *Viniano*, *Gregorio*, & *Ombud*, qui eum dixerunt suum esse contribulem, quorum vnus nomine *Daba*, specialius dixit, eundem *Oldurub* suum esse cognatum, & portato pro illo ferro *Varadini*, iustificatus est, Iudice *Maurino Vicepalatino*, *Pristaldo Nicolao* de villa *Arpás*.

§. XXI. *Vrbanus*, *Martinus*, *Santus*, *Petrus*, & alii (vv) castrenses de *Bursod*, impetierunt quosdam, scilicet, *Tum*, *Pousam*, *Forkos*, *Manciam*, dicentes illos suos esse (x) contribules. Isti autem responderunt se Regis esse *Tauernicos*, & tenuerunt causam eorum *Tauornici* Regis, scilicet *Forkos*, & *Moynolt* de villa *Tord*. Item, *Sixtus*, & *Hunda* de villa *Tauornuk*. Quibus a Comite *Gyula*, per *Pristaldum* nomine *Christophorum*, ad iudicium ferri candentis *Varadinum* destinatis, prænominatus *Moynolt*, secundum sententiam iudicis, portato ferro, combustus est.

§. XXII. *Camb* impetiit *Paulum*, de duabus marcis, & portato ferro, *Varadini*, iustificatus est, iudice *Martino Comite*, *Pristaldo Domino Budud*.

§. XXIII. *Medue* de villa *Kal*, impetiit *Alexandrum* de villa *Zub*, cum tribus (y) seruientibus eius. Item *Legerum*, *Vitalem*, & *Gyroltum*, de villa *Libe-*

---

u.) *SERVOS*, a seruientibus, seruatoribus, vetustæ Hungarorum leges, probe distinguunt. *Seruiantes* namque, seu seruitores, erant ingenui, *TRIP. P. I. tit. 84.* & subinde, vel in regis, vel in optimatum curia, *S. STEPH. lib. II. cap. 21.* ministri, de quibus suo loco. *Servi* contra ea, in mancipiorum referebantur conditionem, erantque, vel inter *seruitia* coniecti, *STEPH. lib. II. cap. 27.* vel castro, *AND. II. art. 19.* aut *gleba adscripti*. *COLOM. lib. I. cap. 41. 44.* qui postea, *coloni*, *TRIP. P. III. tit. 26.* *SIGISM. Decr. II. art. 6.* id est, *homines proprii*, seu subiecti, adpellantur: quamquam hoc nomine, seruiantes, etiam ætate sequente, exprimuntur. *CONST. 1543. art. 8. sequ.* Vtriusque conditionis serui, *Jobagiones* dicuntur. *AND. II. art. 19.* vid. ad §. II. not. z. Seruitutis origo, partim, a primis gentis incunabulis, *TRIP. P. I. tit. 3.* partim, a Religionis Christianæ exordio, *ANDR. I. leg. I. 9.* deriuanda est. Quæ, propter feros & indomitos gentis mores, longo temporis tractu fuit in vsu. Causæ seruitutis erant diuersæ, scilicet 1.) *Contemptus militiæ*, *TRIP. P. I. tit. 3.* & *Christiana Religionis*, *ANDR. I. leg. I. 9. 2.) Scelera publica*, veluti homicidium, *S. STEPH. lib. II. cap. 36. 37.* *Furtum*, *S. STEPH. II. cap. 41.* *S. LAD. lib. II. cap. 12.* *Concubinitus*, *S. LAD. lib. I. cap. 2.* *Iudicium* item in iudiciis iniustitia *S. LAD. lib. II. cap. 6. 3.) Nuptiæ*, cum seruo, vel ancilla initæ. Redi ad §. 13. not. d.

w) *Castrenses*, seu ministri castri *Borsod*, a *Jobagyonibus* castri, probe distinguendi. vid. ad §. II. not. y.

x.) *Contribules*, vel *contribunales*, seu *contribuni*, non dicuntur hoc loco consanguinei seu cognati, sicuti *Glossar. Isidori* hanc vocem explicat; verum, consocii, quasi, qui ex eadem tribu, ita, *Tauernicorum* contribules, a cognatis differunt.

y.) *Seruiantes* sunt ministri, a seruis, qui mancipiorum habebantur loco, curate distinguendi. Illi namque erant ingenui & liberi, *Trip. p. I. tit. 84.* hi, dominicæ subiecti potestati, vid. ad §. 20. not. u. Sunt autem seruiantes diuersæ conditionis, qui domino, vel domi, vel in militia seruiebant. Hinc seruiantes erant, vel famuli, *FORTUNAT. ep. 2. ad Mumolenum lib. 10. Poem.* vel vasalli, *MATTH. PARIS. p. 396.* vel milites pedites, *GESTA FRANC. expugnat. Hierosol. cap. 46.* vel milites equites, *ROGERVS HOUED. in Richard. I. S. STEPH. lib. 2. cap. 21.* quorum Domini seniores dicebantur. *S. STEPH. I. c.* Hoc nomine, nobiles etiam *Hungari* adpellantur propterea, quod partim in palatio regio, administri, partim in castris,



*Libecii*, pro occisione Patris sui *Forcastii*, coram *Myca* comite *Bicoriensi* scilicet iudice, ab *Andrea* Rege delegato. Quos idem iudex, per *Pristaldum*, nomine *Gylhanum*, de villa *Vrus*, misit ad iudicium ferri candentis *Varadinum*. Vbi impetrata licentia Regis, & prænominati iudicis, pacificati sunt, & mutuo iuramento pacem firmauerunt, & *Alexander* conuenit satisfacere iudici, & in Festo omnium Sanctorum dare aduersario suo, nouem marcas, & tres *Pristaldo*, *Varadini* simul pro se & pro feruiantibus suis. Item, *Leger*, duas marcas aduersario eidem, & vnam *Pristaldo Gyrolt*, quatuor marcas dimidia minus, & vnam *Pristaldo*, & satisfacere iudici, sicut *Legar*; *Vitalis* quoque septem marcas aduersario, ex quibus tres iam dedit, quatuor autem daturus est in prædicto Festo, sicut alii tenentur. *Pristaldo* vero iam satisfecit. Et si prædicto die, hæc omnia non persoluerent, duplo dare tenerentur.

§. XXIV. Quidam nomine *Hubugunitbu*, vt ipse dixit se vocari, (z) *Pristaldus*, *Nicolai* Palatini Comititis, vt ipse perhibuit de se. Statuit ante nos quendam nomine *Absolonem*, de genere *Ratba*, de villa (a) *Tolna*, dicens, quod *Joubagiones* de *Zemlun*, scilicet, *Scema*, *Hodunogio*, *Mocud*, *Centurio*, *Degus* & *Chepanus*, Præfectus castri, requisuissent terram ipsius *Absoloni*, nomine *Ság*, & terram eiusdem ad quatuor aratra in *Tolna*, pro terra castri, & exhibuit quendam de *Joubagionibus* eiusdem castri, nomine *Scentus*, quem supradictus iudex, vt ipse dixit, iudicio ferri candentis addixerat. Qui cum transacto (b) triduo ieiunio, sicut *Mosen*, ad portandum candens ferrum accessisset, quidam nomine *Sumpon* præcedens, dixit se a prænominatis castri *Joubagionibus* esse directum, & ex parte illorum subterfugit iudicium ferri candentis, & memoratam terram, memorato *Absoloni* remisit, dicens, illam non esse terram castri.

§. XXV. *Chepanus*, de villa *Cbula*, impetiit *Petrum* de villa *Vásárbel*, dicens, quod cum equus suus furto esset sublatus, apud illum inuenisset, & cum vellet equum ab eo recipere, & ipsum capere. *Conuillani* eius, & præcipue *Ipsa*, eum violenter (c) prohibuerunt. Quos *Olodarus*, curialis comes de *Zemlun*, discutens per *Pristaldum*, nomine *Cosmam* de villa *Velchea*, ad iudicium ferri candentis transmisit *Varadinum*, vbi prænominatus *Chepanus*, cum præfato *Pristaldo*, & homine suo ferrum portaturo, in septimana, qua Festum S. Galli est celebratum, fuit *Varadini*. Aduersarii autem eius, scilicet *Ipsa*, & *Petrus*, & *conuillani* eorum non comparuerunt.

E e e 2

§. XXVI.

stris, sunt milites: quippe qui, pro rege ac regno militant. ANDR. II, an. 1222. art. 3. 4. qua de re dictum sapius.

z.) *PRISTALDVS* *Palatini*, minister fuit comitis *Palatini*, in iudiciis, & interdum, arbiter inter litigantes, conf. §. I. 201. 224. 225.

a.) *Villa TOLNA*, caput est comitatus *Tolnensis*.

b.) In probatione ferri candentis, legitime accusati, triduum, in ieiuniis, & oratione consumere solebant, *Boxhornius Hist. Vniuers. p. 583. ex MS. Codic. Anglic.*

c.) Fures atque latrones, canum trassantium, id est, vestigia prosequendum adminiculo, peruestigabantur. Elucet id, ex lege Reg. Maiest. lib. 4. c. 32. Nullus perturbet aut impediatur canem trassantem, aut homines trassantes cum ipso, ad sequendum latrones, aut ad capiendum malefactores. Præmittebatur in villas nuncius; ne, inuestigatores sceleratorum vestigia sequuti, impedirentur. Alioquin, quinquaginta quinque pensis mulcrabantur, qui furta atque latrocinia peruestigantes; seu ex villanorum, seu ex militum numero, prohibuerant. S. LAD. Lib. II. cap. 5.

d.) *Mos*



§. XXVI. *Irou*, de villa *Fulian*, citauit *Marianum* de villa *Barana*, pro (d) eruitione oculorum suorum, ante *Nicolaum Palatinum Comitem*, vbi cum essent quidam boni homines de prouincia *Zounuc*, scilicet *Michael Comes* de villa *Mortun*, & *Modorus* de villa *Pou*, & alii boni homines, impetrata licentia prænominati iudicis, reformauerunt inter eos pacem, & memoratus *Irou* dimisit aduersario suo *Martino* omnem inimicitiam suam, & pepigit, quod deinceps super exoculatione sua, nunquam esset litigaturus.

§. XXVII. Vxor *Scilak*, nomine *Cincea*, impetiit *Paulum* seruientem *Vbudu*, curialis *Mica* Comitis, de occisione (e) mariti sui, iudice *Mica* Comite de *Bibor*, *Pristaldo Fulcho*. Præfatus itaque *Paulus*, cum Domino suo & *Pristaldo* fuit *Varadini*, ferrum candens portaturus, memorata vero aduersaria non comparuit, neque excusatorem misit.

§. XXVIII. *Chepanus* de villa *Bogdán*, impetiit *Petrum* coram Comite *Oladaro*, de quatuor equis, & vno fure violenter ablato, prædictus *Petrus* venit *Varadinum*, aduersarius autem non comparuit.

§. XXIX. Anno Dominicæ Incarnationis Millesimo ducentesimo decimo septimo, in septimana, Factus est. Jobagio *Beli*, venit *Varadinum*, probaturus sororem suam, iudicio candentis ferri, non esse (f) meretricem, & sigillata manu expectauit vsque diem veneris aduersarios suos, scilicet (g) raptorem sororis suæ, nomine *Nicolaum*, & *Paralimphum*, videlicet *Karacbinum* alium, & alios sodales sponsi, videlicet, *Tecam*, *Muchoriam*, *Vrbanum*, *Porcan*, *Petu*, *Koch*, *Michedeum*, *Jacob*, *Michal*, *Nican*, sed aduersarii eius prænominati in prædicto termino non venerunt. Iudex huius causæ *Teca*, Vicearchidiaconus, *Pristaldus Horb*.

§. XXX.

d.) Mos, luminibus priuandi, seu aduersarium, seu scelere quodam contaminatum, frequentissimus erat inter Hungaros. Ita *GISELA S. Stephani* coniux, *Vazulem*; *STEPHANVS II. Almus* ducem, & *Belam* eiusdem filium, visu, erutis oculis, priuauerat. *Thúrótz. Chron. P. II. cap. 33. 62.* vti, ad regendum Hungariæ Regnum, minus idonei redderentur. Subinde, furibus etiam oculi eruebantur: quodsi liber, furto obnoxius, ad Ecclesiam confugerat. *S. LAD. Lib. II. cap. 12.* vel seruus profugus, in furto comprehensus fuerat.

e.) Homicidii, & pro destinationis ratione, & pro occisorum conditione, diuersæ distabantur poenæ. Namque, quod casu inopinato accidit, duodecim, *S. STEPH. Lib. II. cap. 13.* quod ex ira præcipite, centum & decem pensis, & præterea vtrumque, ieiunio expiabatur *cap. 16.* Voluntarium, contra ea, puniebatur poena capitis, *cap. 46.* aut bonorum & libertatis amissione, *S. LAD. Lib. II. cap. 8.* Qui seruum occidit, seruum loco interfecti, Domino reddidit. *S. STEPH. Lib. II. cap. 13.* seruus, contra, qui liberum interfecerat hominem, ad compensandum interfecti lytrum, vel vendebatur, *cap. 36.* vel centum & decem iuuenis redimebatur, *cap. 37.*

f.) Ita, *Cunigundam*, *HENRICI II.* vxorem, adulterii suspectam, vomere candente, quem nudis calcauerat pedibus, innocentiam suam adprobauisse, memorat *HVLRICVS MVTIVS, Chron. Lib. XIV. f. 733. 734. in Collect. Pistor. an. 1726.* Ceterum, meretrices, pro æquo, Episcopi vel Archidiaconi, arbitrato, iudicabantur, *S. LAD. Lib. I. cap. 34.*

g.) RAPTORVM nomine veniunt, latrones publici, *ORDERICVS VITAL. Lib. 9. in Concil. Claramont. an. 1095.* & qui, virgines, inuitis vel insciis parentibus, aut cognatis, per nuptias eripiunt clandestinas. *Concil. Tros. an. 909. cap. 8.* *S. STEPHANI* decreto, lex est statuta: vti erepta parentibus puella, etiamsi vis fuerit illata, restituitur, & raptor, si ampliorum est facultatum, decem, sin tenuioris conditionis, quinque iuuenis, raptum expiet. *Lib. II. cap. 25. COLOM. I. cap. 59.*

h.) ARBI.



§. XXX. *Cholmuk* Jobagio castri *Houmik* de villa *Mon*, impetiit suum conuillanum nomine *Mocium* pro furto, iudice *Juan* curiali Comite *Benedicto* filio *Samum*, *Pristaldo Tupas*, de villa *Cocil*. *Mociu*, portato ferro, iustificatus est.

§. XXXI. Villani *Holmy*, scilicet, *Hemequei*, *Lynthes*, & *Bertholon*, impetierunt conuillanum suum nomine *Teluk* pro furto. Prædictus *Teluk* portato ferro iustificatus est. Iudex autem huius causæ *Isov*, Comes de *Vgosi*, *Pristaldus Thomas* de villa *Martin*.

§. XXXII. *Genfe*, de villa *Senmartin*; siue prædio *S. Petri* de *Sasvár*, impetiit *Cbecbam*, de villa *Ceumand* & Jobagionem eiusdem Ecclesiæ pro furto. Qui *Cbeca* portato ferro, iustificatus est, iudice *Chepan*, filio *Primi*, *Pristaldo Choma* de villa *Iond*.

§. XXXIII. *Tuca* impetitus de *Eded*, & *Teca*, pro marca & tribus fertonibus. Qui *Tuca* portato ferro, iustificatus est, (h) arbitris *Cbesario* & *Georgio*, *Pristaldo Budon* de villa *Jarun*.

§. XXXIV. *Paulus* Comes, filius *Eufemie*, impetiit *Letem* Diaconum *Forcasium*, *Macarium*, & *Benczem* de sexaginta marcis. Quorum *Lete* purgavit se (i) iuramento, iudice *Simone* Episcopo. Reliquos vero *Henka* Comes *Bichoriensis*, discutiens, misit *Varadinum* ad candentis ferri iudicium, ubi cum essent, *Vendegu* curialis Comes prædicti *Pauli*, exemit *Farcasium* & *Benczem* a ferro candenti, dicens: Dominum suum suspicionem suam ab eis remouisse. *Macarius* vero portato ferro iustificatus est. *Pristaldo Bota* existente.

§. XXXV. *Petrus*, de villa *Tos*, impetiit de quatuor marcis *Ebberum*, prædictus *Ebber* portato ferro iustificatus est. Iudice *Simone* *Voyanada*. *Pristaldo Fener* de villa *Marab*.

§. XXXVI. *Andreas*, de villa *Porozka*, cepit apud quendam nomine *Gnyntbei* equum sine signo, dicens illum sibi furtim sublatum, e contrario prædictus *Gnyntb* ei dixit eundem esse suum equum, pullum scilicet currigeræ suæ. Iudice *Bank*, Comite de *Budruh*, *Pristaldo Rodolpho* de *Theothonicis* *Pazthuchii*: præfatus *Gnyntber* portato ferro *Varadini* iustificatus est.

§. XXXVII. *Mertb* (k) Comes *Theothonicorum*, litigauit contra vniuersos villa *Sudan*, pro sex marcis a seruitrice sua per ipsos violenter ablati, Iudice *Bedeck* curiali Comite Comitis *Martini*, *Pristaldo Fachia*. Homo itaque *Mertb* *Varadini* combustus est.

§. XXXVIII. (l) *Ismaëlita* de *Nyr*, *Elias*, & *Peter*, coadiuantibus aliis, impetiere *Joannem*, *Coslam*, & *Mikorum*, de villa *Salamonis* de latrocinio, Iudice

F f f

h.) ARBITER est, qui iudicis partes sustinet, & qui cognoscit ordinario iudicio, sicut iudex, cuius sententia appellari non potest, & sententia eius dicitur arbitrium. du FRESNE Glossar, voce *arbitr*, Hinc LVCIVS de Regno Dalmat. Lib. 4. p. 183. Iudex arbiter.

i.) IURAMENTVM erat species purgationis Canonice, du FRESNE voce *Iurament*. quod, Deus, ubi in iure dicundo testimonia, aliæque probationes desunt, præstat omnis controuersie constituit. VOETIVS Dissert. Select. P. III, p. 1201.

k.) IUDEX erat Theutonum, sicuti *Pazthuchien*sum, de quo §. 36. aut *Theothonicorum* de decem villis, qui Regine hospites fuere, in Prouincia noui castri §. 114. Nam, qui Teutonibus hospitibus præponebantur, Iudices regum, Comites, seu *Landgrauii* dicebantur. quales sunt Comites *Saxonum* terræ *Scepusiensis*, quod elucet, ex diplomate gentis, a STEPHANO V. concessi.

l.) ISMAELITÆ seu PHILISTÆI, mercatores erant Sarraceni, sectæ addicti Mahometanæ, S. LADIS. Lib. I, cap. 6. qui, S. LADISLAI, & COLOMANNI industria, ad

CHRI-



ce *Bank Comite*, *Pristaldo Bola*. Prædicti *Joannes*, *Costa*, & *Mikon*, combusti sunt. Similiter filius *Pose*, seu *Sentes*, & frater eius vterinus *Petur*, eodem Iudice, & eodem *Pristaldo*, & aduersariis eidem existentibus, combusti sunt. Similiter *Hernicus*, & *Gregorius* de villa *Bis*, combusti sunt.

§. XXXIX. Cum *Neuca* (m) *Vajuoda* direxisset ad iudicium ferri candentis *Laurentium* de villa *Belud* contra (n) Capitulum *Albensis Ecclesiæ Transiluanicæ*, per *Pristaldum Laurentium* de villa *Poznan*, prædictus *Laurentius* conuenit dare Capitulo marcas duodecim, & seruum qui requirebatur dimittere fratri suo *Nicolao*, super iuramentum suum. Qui si non iuraret, seruus sibi, scilicet *Laurentio* redderetur.

§. XL. *Nogud*, Jobagio monasterii (o) *Debreu*, portato ferro pro facto contra Jobagiones *Agriensēs*, scilicet *Ved* & *Vacy*, Iudice *Bank*, *Pristaldo Paulo*, iustificatus est.

§. XLI. *Ismaëlita* de *Nyr*, *Iliaz*, & *Pentek*, coadiuantibus aliis impetiere Jobagiones *Martini* Comitis de villa *Vámus*, de latrocinio, scilicet *Egud*, *Boryka*, *Zobocba*, *Karajun*, *Torka*, *Zekus*, *Joacyn*, *Tukay*, *Irosson*, *Jacobum*, & item Jobagiones monasterii de (p) *Taplucia* pertinentis ad genus *Mizidaczii* de eadem villa. Quorum nomina sunt hæc, *Benedic*, *Nunige*, *Zobozló*, *Boratbe*, *Henuk*, *Lusutba*, *Zamacziomut*, *Buchi*, *Tomas*, pro iis omnibus, *Egud* & *Benedictus* pro se ipsis & aliis, portato ferro, iustificati sunt. Iudice *Bank*, *Pristaldo Bola*.

§. XLII. Joubagiones (q) de *Bekues*, scilicet *Sungut*, *Bot*, *Bus*, *Chysce Paul*, *Nefaut*, *Dionis*, *Tomas*, *Petber*, *Orocha*, *Viur*, *Bochyur*, *Elias* & *Vsud*, item Jobagiones de castrensibus exempti, scilicet, *Reche*, *Banus*, *Ambo*, & *Tbycus*, & postea vniuersi castrenses, scilicet *Mogud*, *Eva Vsud*, *Pous*, & omnes alii, conquæsti sunt Domino Regi *ANDRÆ*, super *Sab* & *Sycund*, dicentes, quod iniusti iobagiones essent, & dilapidatores rerum populi & depauperatores omnium castrensium, & auctores mortis trium hominum: supradictus autem Rex commisit *Iliæ*, Comiti eorum discutiendos, qui damnis castrensium computatis, & in trecentis marcis eos damnificatos esse comperiens, per *Pristaldum*, nomine *Andreas* de villa *Egneg*, misit eos *Varadinum*, vbi homo prædictorum castrensium nomine *Pous*, portato ferro, contra *Sab*, & *Sycund* mundatus est.

§. XLIII. Villani de *Ponkata*, impetiere conuillanos eorum, scilicet, *Rolandam* & *Laurentium* dicentes, quod eorum peccatis exigentibus duarum marcarum

---

CHRISTVM conuersi, & per matrimonium *Hungaris* immixti, *COLOM. Lib. I. cap. 46. 47. 48. 49* sedem inter *Jazyges* *Metanastas*, in terra *Nyir* occupant.

m.) *Neuca Vaiuoda* *Transiluanicæ*, inter *Andream* & *Colomannin*, quorum *SZENTIVANY Dissert. Paralipom. Catal. 98. p. 226. meminit*, td an. 1217. est ponendus.

n.) Pro Capitulo *Albenſi*, in *Transilvania*, *Cibiniense*, recenset *SZENTIVANY Dissert. Paralip. Catal. 36.*

o.) *DEBREV*, seu *Debró* monasterium, cuiusnam ordinis fuerit, incertum est. vid. *PETR. PAZMANI Decret. Synod. Strigon. Append. II. p. 430. SZENTIVANY Dissert. Paralip. catal. 53.*

p.) *TAPÓLTZA* vel *Tapocza*, Abbatia fuit *Benedictinorum*; vnde *Miskolez* in *Dicecesi Agriensi*; *Toplicza* *Cisterciensium*, in *Zagrabiensi* *Dicecesi*; a *Tapalocz*o prope *Crisium*, in *Slauonia*, monialium cænobio, probe distinguenda. *PETRVS PAZMANI Decret. Synod. Strigon. Append. II. p. 104. 106. 131. SZENTIVANY Dissert. Paralip. Catal. 34. 53.*

(q.) Jobagyones, a Castrensibus differunt. Illi namque erant rustici seu serui, hi castrorum ministri, conf. §. 44. nota sequente.

r, Diuer.



carum damna pertulissent, iudice Abbate de eadem villa, & Andrea Parono eiusdem, Pristaldo Georgio de Chunad. Rolanda & Laurentius iustificati sunt.

§. XLIV. Vincentius, Vendegu, Voca de villa Roba, impetiere conuillanos suos, scilicet, Esaum, Torcum, Petrum, Botam dicentes, quod eorum falsa suggestione, quidam potens nomine Vaiauoda, in sex marcis eos damnicassset. Illi responderunt, quod prænominatus Voiauoda, non eorum suggestione quidquam eis subtraxisset, sed cum esset eorum centurio, & ipsi castrenses, castrensi (r) pensione debitores, pro debito censu, tantum vel forte plus ab eis accepisset, illi autem econtra dixere, se non castrenses esse, sed castri Jobagiones. Tobias igitur Curialis Comes de Zounuk, eos & pro damno, & pro conditione discutiens misit Varadinum, per Pristaldum nomine Stephanum de villa Mire Acnaya. Voca, portato ferro, pro se & fratribus suis, mundatus, probauit se & fratres suos, & sex marcarum damna pertulisse, & se non castrenses, sed Jobagiones castri extitisse.

§. XLV. Absolon, & Gyuri filii Joachin, & Solomun gener eiusdem, impetierunt Numicolobod Archidiaconum, & filium eius Ladislaum, & fratrem eiusdem Numbium, & filium eiusdem Tiburcium. Hos omnes de villa Vosuári; item Jacobum de villa Achya, Mikulam de villa Sadan, cum filio suo; Andream de villa Popi, Michaëlem de villa Chicu, Cornelium, de villa Merluz; Tenkam de villa Maria, cum duobus seruientibus, Andream & Felten de villa Monor, Demetrium, & Narad, & Toul de villa Tlye, & omnes villanos Uduornicorum (s) de Er, pro quibus portaturus erat ferrum Thepsa, hos inquam omnes impetierunt de occisione prænominati Joachin, quos Nicolaus Comes Palatinus discutiens, per Pristaldum Regis Temam de villa sui nominis, & per Pristaldum suum Moulam nomine, misit ad iudicium ferri candentis Varadinum, ubi omnes prænominati aduersarii taliter conuenerunt, quod Absoloni & Gyurkoni persoluerent septuaginta & vnam marcas, coram Capitulo Agriensi, scilicet, viginti quattuor in festo Mariæ Magdalene, & totidem & ibidem in festo Natiuitatis Sanctæ Mariæ. Item viginti tres in festo omnium Sanctorum, sed cum eis non crederent prænominati Numuolobod, Nubu, Mikula, Tenka, & idem Soppou, de villa Achya, Abraham, de villa Kupanchi, & Nuodum Archidiaconus pro illis fide iusserunt. Postea iidem aduersarii conuenerunt satisfacere iudici, partem vero Pristaldi, Absolon & Gyurko, tenentur persolvere. Item sæpe iam memorati Numuolobod & Nubu, deberent constituere Chenadini, homicidam Oponidum.

§. XLVI. Guthfredus Præpositus (t) Ordinis impetiit villanos de Berente de XV. bobus violenter ablati, & de percussione vnus hominis gladio, iudice Nicolao Palatino Comite, Pristaldo Zuma de villa Janus. qui venientes Varadinum, taliter conuenerunt, quod villani de Berente darent prædicto Præposito quatuor marcas, & Pristaldo dimidiam, iudici vero Præpositus satisfaceret. Hæc autem persoluerent in festo Mariæ Magdalene, in villa cruciferorum, nomine Pop.

F f f 2

§. XLXII.

r.) Diuersa fuit CASTRENSIVM conditio. Vel enim ministeria in castro præstabant, sicuti milites, pistores, &c. de quibus ad §. 7. not. m. vel castrum eiusque fundum incolebant, sicuti ciues castri §. 76. vel feuda castri possidebant. du FRESNE voce *Castrenses*. Non, qui ministrabant, sed, qui vel fundum, vel feudum castri tenebant, censu obstringebantur annuo. Vide §. XI. not. y.

s.) VDWORNICI, a voce Hungarica *Vdvar*, Slaus *Dvor*, deriuantur. Aulici SAMBVCO. Ita apud S. STEPHANVM Lib. 2. cap. 55. Si quis illorum, qui vulgo *Vdvarnyck* vocantur, furtum commiserit, lege liberorum diiudicetur. Hinc villæ, quas incolebant, villæ Vduarnicales dicuntur in Decretis LVDOVICI I. art. 6. Vide §. XVII. not. r.

t.) Præpositura Orodiensis S. Martini vocatur, apud PETRVM PAZMANI, Append. II. Decr. nod. Strigon. p. 108. u. BENE.



§. XLVII. *Seucha*, de villa *Tilos*, impetiit conuillanos suos, scilicet, *Pou-sam*, *Matbiam*, *Thomam*, *Michaelem*, *Gabrielem*, *Jonam de Abram*, *Matthæum*, *Didou*, *Bartholomæum*, *Vs de Villa Luen*, de destructione & direptione rerum suarum, coram *Benedicto* (u) *Bano*, Iudice à Rege delegato, qui summa damni computata, & in quadraginta marcis constituta, misit vtramque partem *Varadinum* ad iudicium ferri candentis, per *Pristaldum* nomine *Gurk*, de Villa *Chaz*. Quo sex de aduersariis, scil. *Poufa*, *Matthias*, *Toma*, *Michaël*, *Gabriel*, & *Jonas* venientes, conuenerunt dare aduersario suo, scil. *Seuchæ* quatuor marcas, *Fertone* (vv) minus, ac satisfacere iudici. Ius autem *Pristaldi Seucha* dare teneretur, alii autem quatuor, de aduersariis, non comparuerunt. Quos nominatus Iudex, vt *Pristaldus* dixit, condemnauit, & pro condemnatis scribi præcepit.

§. XLVIII. Comprouinciales (x) noui castri, & horum specialiter *Teotonici* de *Felnémet*, scilicet *Michael*, *Jakon*, & alii impetiere homines *Sapbin* & *Ethened*, de villa *Kuzka*, scil. *Paulum*, *Zalduba*, *Sune*, *Stephanum*, *Buchst*, *Tomam*, *Rasun*, *Banlum*, *Merk*, *Michaëlem*, *Budam*, *Milos*, *Buldu*, *Donk*, *Obusk* & *Herye*, de furto. Iudicibus *Banko*, (y) & *Benedicto* Comitibus, *Pristaldo Vgrun* de villa *Sap*, *Varadini*, *Paul*, *Zalduba*, *Sune*, *Stephanus*, *Buchuk*, *Tomas*, *Rasun*, *Banlus*, & *Merk*, portato ferro iustificati sunt; *Michaël* vero *Buda*, & *Milus*, combusti sunt, *Buldu* autem *Obusk*, & *Herye*, dato termino non comparuere. Iudices vero habuere illos pro condemnatis.

§. XLIX. *Tomas*, de villa *Tuka*, impetiit *Martinum*, de villa *Abara* pro furto. Iudicibus, *Bank*, & *Benedicto* Comitibus, *Pristaldo Sula*, de villa *Cheb*. *Martinus* in septimana, *Respice Domine*, (z) non comparuit, & prædicti Iudices, vt *Pristaldus* dicit, habuere eum pro condemnato.

§. L. *Basilius*, Abbas de *Curru*, (a) & Curialis Comes eius *Lucas*, impetierunt *Joannem* filium *Salomonis* de genere *Gledguth*, pro destructione prædii Ecclesiæ, siue damno, ad æstimationem viginti quinque marcarum. Iudice *Nicolao Palatino* Comite, *Pristaldo Chepan*, de villa *Ladan* in Prouincia (b) *Heugd*. Qui cum venisset *Varadinum*, prædictus *Joannes* conuenit dare sex marcas *Abati*, & satisfacere iudici. Abbas vero *Pristaldo* satisfacere conuenit.

§. LI.

u.) BENEDICTI Bani, nulla inter Croatiae & Dalmatiae Banos fit mentio apud RATTKAIVM & SZENTIVANIVM. Præfuit ille rebus Croatiae sub ANDREA II. incertum tamen, quo anno, & quo tempore. Eum ego, inter PETRVM Benko, & Bánffium Bazardum, adeoque, inter annum 1217. & 1233. collocandum censuerim; nisi Benko idem sit, qui Benedictus, quod proum fuerit suspicari.

w.) FERTVM, vel Fierito, seu Ferto, quarta pars est marcæ, vti GVNTHERI Hist. C P. cap. 8. ostendit du FRESNE Glossar. voce Ferto. SAMBVCVS in calce ad Bonfin. fertonem 84. denariis, qui vnum florenum Hungaricum conficiunt, ait constare. Est vox origine Germanica, a Viertel.

x.) COMPROVINCIALES dicuntur, qui in eadem, seu Archi-Episcopi, seu Dynastiae, vel comitatus prouincia, degunt. Prouincia namque, vel Diocesim, vel Comitatum significat. du FRESNE Gloss. voce Prouincia.

y.) Bank & Benedictus Comites, forsitan iidem sunt, qui & Bani Croatia. vid. §. 47. not. u.

z.) Respice Domine. Dominica est.

a.) Abbatia de CVRRV, vbi sita fuerit, expositum est ad §. 4. litt. h.

b.) PROVINCIA, non solum Diocesim metropolitani significat: quemadmodum du FRESNE voc. cit. adnotauit: verum, certum etiam regionis tractum, sicuti est h. l. Prouincia Heugd; vel comitatum etiam, veluti est prouincia Zounuc. Nau-grád. reliquæ.

c.) Iv.



§. LI. *Basilus* Abbas, & curialis Comes (c) eius *Lucas*, impetierunt *Indiam* de villa *Peles*, de occulta retentione possessionum sui fratris, scil: *Paxtub* de furto condemnati, scilicet, duodecim capitibus hominum, tribus equis quinquaginta ouibus, duodecim bobus, sex aceruis segetum. Iudice *Nicolao Palatino Comite*, *Pristaldo Chepan*, de villa *Ladan*, homo supradicti *India*, *Varadini*, portato ferro combustus est.

§. LII. *Vitun*, de villa *Petur*, impetiit conuillanum suum, scil: *Crisium* pro furto, iudice *Paulo*, comite de *Ogocha*, *Pristaldo Marco*, de villa *Lunen*. *Crisius* portato ferro mundatus est.

§. LIII. *Petur* de villa *Viis*, impetiit conuillanum suum nomine *Cugt*, pro sexaginta (d) ponderibus. Iudice *Stephano Comite*, *Pristaldo Dema* de eadem villa *Viis*, *Cugt* portato ferro combustus est.

§. LIV. *Joannes* de villa *Veytech*, impetiit quosdam de villa *Bagad*, *Syenend*, *Bodam*, *Cyomoy* & *Barlabam*. Item, de villa *Mebus*, *Mattbaum* & *Laurentium* de furto. Iudice *Fila* vicario *Palatini*, *Pristaldo Chyeka* de villa *Zibemur*. Prædicti fures *Varadini*, portato ferro sunt iustificati. Postea *Sceta*, de eadem villa *Bogad*, qui vt *Pristaldus* dixit, citatus fuit & ipse venire *Varadinum*, non venit.

§. LV. *Bot*, filius *Laurentii* de villa *Horuáth*, impetiit quendam de villa *Ufa*, nomine *Sirund*, pro verberatione matris suæ ad mortem, quod scilicet misisset verberantes & de damno suarum rerum iuxta æstimationem quinquaginta marcarum, iudice *Petus*, vicario *Nicolai Palatini Comitis*, *Pristaldo Andrea* de villa *Qecher*. Prædictus *Sirund* portato ferro *Varadini*, combustus est.

§. LVI. *Andreas*, de villa *Pa*, impetiit Jobagiones *Dionysii*, scilicet, vtrumque *Forcasium* & *Bogdanum*, de damno vnius marcæ, iudice *Dionysio* filio *Simonis Comitis*, *Pristaldo Manogy* de villa *Cana*. *Hon Andreas*, portato ferro, iustificatus est.

§. LVII. *Ecyul*, de villa *Perl*, impetiit *Leopoldum* Jobagionem *Schomæ Comitis* pro furto, iudice *Biloto* (e) regis de *Zounak*. *Pristaldus Nicolaus* de villa *Mochii*. *Leopoldus* portato ferro, iustificatus est.

§. LVIII. *Stephanus*, Eubagio *Georgii* de villa *Torcan*, impetiit *Timan* de villa *Chüpu* pro furto. Iudice *Gextub*, curiali Comite de *Zothmar*, *Pristaldo Zomoy*, de villa *Euchetii*. *Timar* fur, portato ferro, combustus est.

§. LIX. *Cbequez*, & frater eius Jobagiones *Petri filii Philippi Comitis* de villa *Mark*, impetierunt Jobagiones *Mikou*. sc. *Turbuzam*, *Jacobum*, & *Narad*, de latrocinio, iudice *Hunt*, Comite de *Borsua*, *Pristaldo Cyob*, de villa *Tumpa*. Prænominati itaque latrones, directi *Varadinum*, portato ferro iustificati sunt. De quibus *Pristaldus* dixit, quod tredecim capita hominum fuissent cum vxoribus & filiis.

G g g

§. LX.

c.) Iudex erat fiscalis Abbatis de Curu, quod cognoscitur ex Leg. Ripuar. tit. 55. Si quis iudicem ffealem, quem Comitum vocant, interfecerit.

d.) Pondus abusive dicitur pro vna libra, vel vnus as est. Ita *PAVLVS WARNFRIDI*, lib. 3. cap. 25. Cum sub monte quodam introisset, ubi multa auri pondera adspexisset. Et in vita S. DEODATI Abbatis n. 5. Ac magnificentia amphoris muneris donauit viginti sex pondera auri argentique.

e.) *BILOTVS* regius idem est, qui *Bilochus* regalis in Decret. *ANDRÆ II.* art. 5. Iudices nobilium, hoc exprimebantur nomine, qui furum & latronum causas discutebant. Fures & latrones, *Bilochi* regales discutiant, ad pedes tamen ipsius Comitum. *ANDR. I. c.*

f.) For.



§. LX. *Cyegl* Abbas de *Zeploc* (f) impetiit *Benam* de villa *Scerepin* nouo castro, de latrocinio, iudice *Nicolao* Palatino Comite, *Pristaldo Aegidio* de villa *Osa*; cumque *Bena* Varadini portare ferrum esse paratus, prænominatus Abbas subterfugit iudicium ferri candentis, dicens, quod falsa opinione prædictum *Benam* de latrocinio impetiisset.

§. LXI. *Tekma* & *Poufa* de villa *Chybur*, impetierunt *Andream* conuillanum suum de furto. Iudice *Tobia* curiali Comite de *Zounuk*, *Pristaldo Timtur* de villa *Tibur*. Qui cum directi essent Varadinum, prænominati *Tekma* & *Poufa* subterfugerunt iudicium ferri candentis, dicentes, quod falsa opinione prædictum *Andream* de furto impetiissent. Pro bono tamen pacis, *Andreas* fur, promisit satisfacere iudici.

§. LXII. *Senk*, de villa *Obonik*, impetiit *Texcam*, *Erdeum*, *Bizam*, *Cesare* & *Salat* de alia vila *Obonik*, pro quattuor marcis, iudice *Benedicto* Comite, *Pristaldo Azaria* de villa *Tinod*. Prænominatus *Senk*, portato ferro iustificatus est.

§. LXIII. *Joannes*, *Nebol*, *Bensa*, de villa *Neugii*, impetierunt *Stephanum*, de villa *Scela* pro homicidio, & de damno octo marcarum. Iudice *Tibacio* Comite a Rege delegato, *Pristaldo Samus*. *Stephanus* portato ferro, mundatus est.

§. LXIV. *Milucy*, de villa *Guneg*, impetiit *Vanam*, de villa *Heten*, de damno suarum rerum ad æstimationem vnus marcæ & dimidiæ, iudice *Alexandro*, Comite de *Zobolchy*, *Pristaldo Quesa* de villa *Dubos*. *Vanna* portato ferro iustificatus est.

§. LXV. Abbas *Cegl* de *Zeploc* impetiit villanos *Meduözü*, scilicet *Zuuzo*, *Péntek*, *Brta*, *Forcasium*, *Matthæum* & *Galum*, pro latrocinio. Iudice *Nicolao* Palatino Comite, *Pristaldo Aegidio* de villa *Osa*. Cum ventum esset Varadinum, prædictus Abbas renunciauit iudicio ferri candentis, dicens, quod falsa opinione homines supradictos de latrocinio impetiisset.

§. LXVI. *Cantus*, de villa *Cocot*, impetiit *Niculam* de villa *Janust*, pro suspicionem furti, eo quod cum prædictus *Cantus* apud ipsum *Niculam* pernoctaret, quinque porci, quos emerat, furtim sunt sublati. *Nicula* ergo ad examen ferri candentis a *Mica* Comite *Bicoriensi*, per *Pristaldum* nomine *Burz*, Varadinum destinatus, portato ferro se purgauit.

§. LXVII. *Jordan*, de villa *Keze*, & *Keiguez* de villa *Sbol*, impetierunt *Ugudut*, *Obudut*, *Seccam*, & *Scembegit* seruos *Thoma*, & *Andrea*, & *Dudork*, & *Benczium* libertinos (g) eorundem de furto. Iudicibus, *Elia* Comite de *Békes*, & *Biloto Zeuen*. *Pristaldo* de *Macbya* de villa *Méb*, prænominatorum furum quatuor, scilicet, *Vgud*, *Bunczii*, *Obud* & *Secca*, portato ferro combusti sunt & suspensi. *Dodor*, veniens præ nimia infirmitate ferrum portare non potuit. *Szembegi* in eadem septimana scilicet, *Exurge Domine*, non comparuit.

§. LXVIII. *Petrus* curialis Comes de *Beruczyo*, impetiit vxorem *Ckuburd*, de beneficio (h) iudice *Lek*, Abbate de *Berucio* (i) *Pristaldo Marcello* de villa *Marcusii*. Prædicta mulier Varadini combusta est.

§. LXIX.

f.) Forfitan Abbas de SZEPLAK in Diœcesi Agriensi, vid. PETR. PÁZMANY *Append. II. ad Decret. Synod. Strigon.* p. 102. SZENTIVANY *Dissert. Paralip. Catal.* 34. Adde §. 65.

g.) LIBERTINI, seu Liberti, seruis hoc loco opponuntur. Erant namque liberto, a seruitute manumissi; sed qui, sub obsequii conditione, in familia manebant, & ex familia Patroni fuerant, du FRESNE *Glossar. voc. Libertus*.

h.) VENEFICIUM, non solum pro artificio venenum conficiendi, verum, pro magia etiam accipitur. Ita *Appendix Codic. THEODOS. Const.* 8. Non aliquos in astra peccantes, non uenenarios, aut magos.

i.) ABBATIA de Berucio viguit an. 1217. PETRVS PÁZMANY *ad Synod. Prouincial. Decret. Append. II. p.* 107. SZENTIVANY *Dissert. Paral. Cat.* 34.

k.) Cv-



§. LXXIX. Domina *Macya*, vxor *Agbae* comitis, impetiit *Petrum* & fratrem eius *Sbyrinchym*, Jobagiones *Miska* Comitis de villa *Gnezted*, & Jobagiones Transyluani Episcopi *Vilelmi*, scilicet *Palanum*, & *Zulupkum*, de villa *Felcopusi*, de occisione seruientis sui, & pro rebus suis quadraginta marcas valentibus violenter ablati. Iudicibus *Shekedz*, curiali Comite *Myska*, & *Herbort* curiali Comite iam dicti Episcopi, & *Simone* socero supradicti Comitis. *Pristaldo* *Shama* de villa *Cuzeplok*, & *Hyuet*, de villa *Shulustb*. Homo praedictae dominae portato ferro, mundatus est.

§. LXX. *Niclous* filius *Jokannis* de villa *Tumas*, impetiit Jobagiones *Martini*, scilicet, *Nemel*, *Miklous*, *Eguch*, *Bibies*, *Rubuzo* & *Tekam*, de villa *Strang*, pro latrocinio, & de damno rerum suarum, ad aestimationem duodecim marcarum. Iudice *Culqed* curiali Comite de *Bichor*, *Pristaldo* *Paul* de villa *Heydeb*. Praedicti latrones portato ferro, mundati sunt.

§. LXXI. *Paulus* & *Tena* de villa *Caybas*, & *Mogodiam* de villa eadem *Tled*, pro rebus suis, duas marcas valentibus violenter ablati. Iudice *Tobia* curiali Comite de *Zounuk*. *Pristaldo* *Bota* de villa *Mochii*. Supradictus *Paulus*, pro se & pro fratre suo, portato ferro combustus est.

§. LXXII. *Cheka* & *Leseu* de villa *Solumus*, impetierunt *Forcasium* de villa *Gyrok*, pro furto. Iudicibus *Culqed* curiali Comite, & *Forcasio* *Biloto*, *Pristaldo* *Matthia* de villa *Culcbii*. Fur *Forcasius*, portato ferro iustificatus est.

§. LXXIII. *Joannes* de villa *Mochy*, impetiit conuillanum suum, scilicet, *Otoqur* de furto. Iudice *Tobia* curiali Comite de *Zounuk*, *Pristaldo* *Macobio* de villa *Elep*. *Otoqur*. portato ferro iustificatus est.

§. LXXIV. *Gabriel*, de villa *Folth*, litigauit cum villanis *Bapya*, scilicet: *Pet*, *Terpe*, *Joanne*, *Sycia*, pro occisione sui filii, coram iudice *Nicolao* *Palatino* Comite, quos discutiens per *Pristaldum* suum, nomine *Tmarad*, de villa *Seureg*, misit *Varadinum* ad examen iudicialis ferri. Qui in loco taliter conuenerunt, ut eorum tres, scilicet: *Pet*, *Terpe*, *Joannes*, darent *Gabrieli*, decem & septem marcas in die S. Joannis Baptistae in loco *Varadiensi*: qui, si non persoluerent in eodem die, duplo persolvere tenerentur, & idem satisfacere iudici. *Gabriel* vero *Pristaldo* satisfaceret. *Sycia* tamen, cum filio suo *Paulo*, in loco *Porozlou*, iuramento suo se purgaret, terram autem, quam praefati villani a *Bugard* in commune emtam habebant, cuius occasione homicidium perpetratum est, ex aequo diuiderent, ita, quod aequali partitione, vterque sibi partem contiguam acciperet. Participes autem eiusdem homicidii, qui castrenses sunt, praedicti quatuor homines, expellere de cohabitatione sua tenerentur.

§. LXXV. *Ambrosius*, curialis Comes (l) Ecclesiae *Vaczensis*, impetiit *Sunadum* de villa *Sunad*, pro duodecim bobus & quadraginta ouibus violenter ablati a *Benedicto* seruo (m) eiusdem Ecclesiae. Iudice *Gyula* curiali Comite, *Pristaldo* *Penthek* de villa *Ratolt*, qui venientes *Varadinum* ad iudicium ferri, taliter conuenerunt, ut praedictus *Sunad*, daret vnam marcam *Ambrosio*, & idem iudici satisfaceret. *Pristaldo* vero *Ambrosius* satisfacere conuenit.

G g g 2

§. LXXVII.

k.) CURIALIS Comes *Myske*, iudex fuit comitatus. *Herbort* autem curialis Comes Episcopi, iudex erat fiscalis Episcopi Transylvaniae.

l.) Iudex est fiscalis Episcopi *Vaczensis* vid. ad §. 51.

m.) SERVVS Ecclesiae idem est, qui homo proprius, seu rusticus.

n.) Fiscus



§. LXXXVI. *Pisco*, de villa *Scecen*, impetiit conuillanos suos, scilicet: *Lodomer*, *Boroch*, *Odus*, *Joannem*, *Furces*, *Alben*, *Vruz*, pro quinque marcis, dimidia minus. Iudice *Ambrosio* curiali (n) Comite, *Ladislai* Magistri. *Pristaldo Damiano* de villa *Orscy*, qui missi ad iudicium ferri *Varadinum*, taliter conuenerunt, vt impetiti iam dicti, darent tres fertones supradicto *Pisco*, & satisfacerent iudici, *Pristaldo* etiam communiter satisfacerent.

§. LXXXVII. *Michal* de villa *Sunad*, impetiit homines (o) Ecclesiæ *Vacensis*, scilicet: *Fiachiam*, *Bolosoit* de villa *Pispukii* pro furto. Iudice *Gyula* (p) curiali Comite Regiæ *Aulæ*. *Pristaldo Péntek* de villa *Ratolt*. Qui fures *Varadini* cum leuato ferro ad solutionem cogerentur, supradictus *Michal* renunciavit iudicio ferri, dicens, se prædictos fures falso impetiisse pro furto. Pro bono tamen pacis, *Ambrosius* curialis Comes Ecclesiæ *Vacziensis*, iudici & *Pristaldo* satisfaceret.

§. LXXXVIII. *Petb* de villa *Bagya*, impetiit *Pousam*, de villa *Sceguen* pro furto, Iudicibus *Paulo* curiali Comite, & *Pet* & *Bulsu* *Bilotis* (q) de *Heues*. *Pristaldo Scenka* de villa *Chazii*. Prædictus fur *Varadini* portato ferro combustus est. Cui rei exitu ita consumato, *Pristaldus* idem dixit, quod fratres furis combusti, qui fratris eorum partem tenuerant, a venditione tam ipsi, quam omnis eorum possessio, per sententiam iudicis in ipso casu fratris sui jam excepisset.

§. LXXXIX. *Ciuiles* (r) castri *Borsod*, scilicet: *Mauritius*, *Petur*, *Chyul*, de villa *Oym*, & *Martinus* *Hodnog*, *Sandus* Centurio, *Petrus* vrbis (s) Præfectus, & omnes alii impetiere *Cykirk*. & fratres suos, scilicet: *Nemelt*, *Petrum*, *Paulum*, & *Alexcium*, quod essent eorum (t) contribules, sed illi negauerunt, sed dixerunt se esse de genere (u) Equestri, scilicet: militum (vv) Regis, & dixerunt quosdam de genere suo, scilicet: *Petb* & *Siciam* de villa *Baga*. Quibus idem constanter asserentibus, *Gyula* Comes, frater *Ratolt*, vicarius iudex Regis, iudicauit quod homo duorum adductorum, ferrum portaret *Varadini*, dato, inter eos *Pristaldo Christophoro* de villa *Damian*. Cum *Varadinum* venissent, prædicti ciuiles & Jobagiones castri. Refugerunt iudicium ferri candentis, recognoscentes se reddiderunt culpabiles & coram *Varadiensi* Capitulo terram eis ad duo aratra in villa *Oym* reddere conuenerunt, cum metis vndique circumpositis.

§. LXXX.

n.) Fiscus itidem erat, seu iudex aulicus, in bonis *Ladislai* Magistri.

o.) Hoc nomine, vasalli & clientes adpellabantur, qui ratione beneficiorum, dominis, fidem & seruitium, seu militiæ vel placitorum, aut quoduis aliud, debebant.

p.) FISCVS regius, qui & caussarum regiarum director, hoc exprimitur nomine. *ANDR. II. art. 9.*

q.) *BILOTI* de *Heues*, iudices erant nobilium comitatus *Heuesiensis*.

r.) *CIVILIVM* nomine, incolæ castri *Borsodiensis* intelliguntur. Id namque, ciuilitas & ciuitatenses, apud *Dom. du FRESNE* significant.

s.) *VRBIS* præfectus dicitur, qui erat vrbi præpositus, sicuti sunt hodie Magistri Ciuitatum.

t.) *CONTRIBVLES*, contribuni, quasi ex eadem tribu, id est consanguinei, cognati, hoc loco intelliguntur, distincti a consociis.

u.) *NOBILES* *Hungariæ*, equestri genere sunt pugnati. Omnes namque, belli tempore, equo merent stipendia. Qua de caussa, milites illi vocantur. *S. STEP. Decret. Lib. I. cap. 4. vid. §. 10. X.*

vv.) *MILITES* intelliguntur, qui ad regium pertinebant banderium. Elucet id, ex charta *ANDRÆ II. an. 1291.* in qua, *Theber*, *Elias*, & *Hareus*, filii *Joka*, inter regios referuntur milites.

x. *VICA-*



§. LXXX. *Ægidius* Abbas & curialis comes eius, scilicet: *Nicolaus* de *Páztub*, impetierunt *Dezmert*, *Vioteflig*, de villa *Vogoluptuan*, quod essent (y) *Selliferi* agazones Ecclesiæ de *Páztub*, qui responderunt se esse *Jobagiones* bellatores prædictæ Ecclesiæ. Iudicibus *Banco* Comite, & supradicto *Ægidio* Abbate, *Pristaldo* *Pernen* de villa *Necar*. *Dezmert*, pro se & pro aliis, Varadini portato ferro, iustificatus est. Item, idem Abbas *Ægidius*, & curialis Comes eius, sub eodem iudice & *Pristaldo*, impetierunt *Zub*, de villa *Tur*, quod esset *Sellifer* Agazo Ecclesiæ *Páztub*. Qui *Zub*, cum vellet se probare esse *Joubagionem* bellatorem (z) eiusdem Ecclesiæ, portato ferro combustus est.

§. LXXXI. *Eureus*, *Jobagio* *Ægidii* Comitis de villa *Moiota*, impetiit *Paulum* & fratrem eius *Bechleem* de occisione fratris sui. Iudice eodem *Ægidio* Comite. *Pristaldo* *Buke* de villa *Moiota*. *Paulus* prædictus, portato ferro iustificatus est, *Bechleem* vero combustus est.

§. LXXXII. *Scegen*, de villa *Geken*, impetiit *Andream*, de villa maioris *Geken*, quod filiam suam nepoti suo *Michaëli* violenter (a) rapuisset, & hæc idem, filia illius astruxit. *Andreas* autem respondit, quod non violenter, sed legitime filiam illius nepoti suo in uxorem adduxisset, & similiter hoc perhibuit testimonium ei, *Lucas* sacerdos, de villa maioris *Geken*. *Ambrosius* itaque, curialis Comes, *Magister* (b) *Ladislai*, præsentem Archidiacono *Paulo*, discutiens, misit utramque partem per *Pristaldum* nomine *Nicolaum*, de villa *Reuel*, Varadinum, ubi prænominatus *Scegen*, portato ferro pro filia sua, combustus est.

§. LXXXIII. Ministeriales (c) Regis, quorum officium est (d) *Bactinia* porta-

H h h

x.) VICARIVS, iudex regis dictus est, qui vice regis, iudicis partes exsequitur, vel inter milites regios, vel in villis regiis.

y.) SELLÆ equinæ gestatio, pœna fuit, apud Francos & Suevos, quæ viris potissimum nobilibus dictabatur, non vero plebeis, & obnoxia conditionis hominibus. OTTO FRISING. de gesti. Frid. lib. 2. cap. 28. Hoc loco tamen, *Selliferi* agazones intelliguntur, qui sella, seu ephippio instructos equos, hoc est, parhippos, ducebant, proficiscentes in bellum cum domino.

z.) Jobagiones, bellatores Ecclesiæ dicuntur, qui, libera, infundo Ecclesiæ, possidebant prædia, solo militiæ nomine, Ecclesiæ obstricti. Quales sunt hodie, nobiles *Prædialistæ*, in ditione Archiepiscopi Strigoniensis, & passim. Ex iis, Episcoporum, atque Abbatum banderia, potissimum constabant.

a.) Raptus VHOTIONI, & JOANNI de JANVA, nuptias occultas & clandestinas, concubitus item illicitum, denotat. Hinc Concil. TROSLIANVM an. 909. c. 8. *Determinamus, ut nullus occultas nuptias, vel raptum faciat.* vid. §. 29. f.

b.) Præter magistros, quos, inter regni Barones relatos esse, dictum est §. 11. a. fuerant quoque, in regis atque ducis curia, magistri epistolarum, qui & *Cancellarii*, *Secretarii*; *Magistri* rationales, qui rationibus, seu principiis ærario præerant. Ab his distincti fuere, *magistri* in Optimatum domibus, qui, vel servorum curam gerebant, sicuti aulæ præfecti, vel scribæ, seu secretarii erant, qualis h. l. *magister Ladislai* dicitur.

c.) MINISTERIALES regis adpellati sunt: quod regum ministeria, seu officia, ab iis iniuncta, exsequebantur, quales sunt: tabellarii, *cet.* Erant illi, non ex servis, neque ex nobilibus, verum ex libertinis, quibus, ad eiusmodi exercenda obsequia, prædia a dominis concedebantur, quæ *ministeria* adpellabant. conf. du FRESNE voc. *ministerialis*.

d.) Rectius, *Buctinia*, vel *Buttinia*, id est vasa vinaria, vel vnguentaria. *Buttis* enim, *Βέρτιον*, vel *Buttion*, aut *Button* *Βέρτον*, vas vinarium, aut vnguentarium, id est, cupam, lagenam, in *Gloss. Græc.* denotat. Hinc demum *butta*, *buta*, *butica*, *butina*, vocabula, & Gallorum *bouteille*, id est lagena, & Hung. *Putton*, sunt enata. du FRESNE *Glossar* voce *Buttis* sequ.

Decad. I. Monumentum V.

c.) Qui



portare, conquesti sunt, super (e) Comitem eorum scilicet: *Vz*, quod institutum debitum eorum excedens, indebitam super eos fecisset exactionem, scilicet, ad æstimationem centum marcarum, quos Magister (f) *Dionysius*, præcepto Regis discutiens, misit ad examen ferri candentis, per *Pristaldum* nomine *Beke*, de Prouincia *Puchia*, *Varadinum*, vbi vnus pro omnibus, (g) *Budiniferis*, portato ferro, combustus est.

§. LXXXIV. *Philippus Predan*, & mater eorum de villa *Rabay*, impetierunt *Eculium*, Joubagionem *Drug*, pro tribus equis, valentibus duas marcas, arbitris, *Salomone*, *Elia* & *Tumpa*, *Pristaldo Sicula*, feruiente *Helia* de *Rabay*. *Eculius* pro violentia, *Varadini* portato ferro, combustus est.

§. LXXXV. *Adamus* de villa *Nata*, impetiit *Begedum*, & fratrem eius *Scemedum*, Joubagiones *Benedicti* de villa *Modin*, de occisione sui generi per latrocinium. Iudice *Gyula*, curiali (h) Comite Regis, *Pristaldo Giróltb* de villa *Libik*. *Bedeg* latro, portato ferro combustus est.

§. LXXXVI. *Fejér* de villa *Borozlou*, impetiit *Arnam*, & fratrem ejus, *Lucam* de villa *Senguer*, pro rebus suis sex marcas valentibus, quas frater eorum nomine *Neuer*, pro quo fide iusserant, furtim surripiens a supradicto *Fejér*, fugerat. Iudice *Demenó* Comite de *Zothmar*. *Pristaldo Fermenó*, de villa *Hódosio*. Homo jam dicti *Fejér*, *Varadini* portato ferro, iustificatus est.

§. LXXXVII. *Arnoldus*, procurator (i) hospitalariorum (k) de *Serrach*, & *Salomon* frater, impetierunt quosdam Joubagiones castri *Zemlum* scilicet: *Petrum*, *Michaëlem*, *Dugus*, *Chepanum*, *Vetbam*, *Tumpam*, *Mocodinum*, *Mozu*, & *Hyscen*, & item castrenses, scilicet: *Villam*, *Chyan*, *Bezegu*, *Poiznan*, *Retzel*, *Homár*, *Zurnob*, *Torsa*, & *Horkyan*, de destructione prædii hospitalaris, secundum

e.) Qui ministerialibus regis præerat, & qui, subortas inter eos lites componebat, Comes dicebatur.

f.) *Dionysius*, Magister fuit officiorum, in aula regia, qui subortam, inter *Budiniferos*, & Comitem *Vz*, litem, iussu regis, diiudicauit quidem, non tamen *Budiniferis* præfuit.

g.) Rectius *Buttiniferi*. Quibus potus regii cura demandata erat, *Buticularii* vel *Buttelarii*, id est, pincernæ regis ita cognominabantur. HINCMARVS de ordine Palatii cap. 23. Qui autem *butinia*, seu lagenas ad regium portabant triclinium, seu domi, seu foris, *buttiniferi*, quam *budiniferi*, rectius dicebantur. Elucet id, ex ALCVINI Poem. 221.

Et Nemias, græco infundit sua pocula Bæcho.

Qui secum, tannam semper portare suescit.

h.) Curialis Comes regis, in curia regia, causas ministrorum maiorum regis cognoscebat. COLOM, lib. I. cap. 12. ANDR. II. Art. 9. qui, & Iudex curia dicitur. TRIP. P. I. nr. 30.

i.) PROCURATOR hospitalariorum, est vicarius & locumtenens, qui Prioris hospitalariorum vice, res gessit in conuentu de *Serrach*, in diocæsi Agriensi.

k.) CRUCIFERI, S. Joannis Hierosolymitani, qui & Hospitalarii, postea Rhodii, & nunc Melitenses equites nuncupantur, duos, sub corona Hungariæ, Prioratus habebant, *Dubica*, in Croatia, & *Aurana* in Dalmatia. Conuentus vero permultos, quos illi Perceptoratus nominabant. vid. PETR PÁZMANY Append. II. Decret. Synod. Strigon. p. 113. SZENTIVÁNY Dissert. Paral. Catal. 44. Res eorum gestas HENRICVS PANTALEON, integro volumine expromisit, cui titulus: Militaris ordinis, Johannitarum, Rhodiorum, aut Melitensium equitum, rerum memorabilium, terra marique, a sexcentis fere annis, pro Republ. Christiana, in Asia, Africa, & Europa, contra Barbaros, Saracenos, Arabes & Turcas, ad præsentem vsque 1581. annum, fortiter gestarum. Historia noua, Lib. XII. comprehensa &c: Basil. MDLXXXI. fol. Non sunt ergo cum TEMPLARISTIS, qui & tardius nati, & deleti dudum sunt, confundendi: quippe qui, vix aliquando in Hungaria sedes habuere.

l.) GYULA



eundem æstimationem triginta marcarum duabus minus. Quos Gyula (l) Comes de Keue, iudex curiæ, discutiens, misit Varadinum ad candentis ferri iudicium, per Pristaldum nomine Tpolitum, vbi prænominati Jobagiones castri, & castrenses de præfatis villis, pepigerunt dare prædictis hospitalaribus vndecim marcas, in festo sancti Regis Ladislai, coram Capitulo Agriensi, & idem satisfacere iudici, partem autem Pristaldi hospitalares conuenerunt persolvere.

§. LXXXIII. Nicolaus, curialis (m) Comes Ecclesiæ (n) de villa Páztib, cum (o) Agazonibus eiusdem Ecclesiæ, scilicet: Ambrosio, Mouchi, & aliis de villa Crisi, impetierunt quosdam de Joubagionibus eiusdem Ecclesiæ, scilicet: Ilmerum, cum genere suo, de villa Vylok, & Elust, cum genere suo de villa Olup-tivan, qui dicentes, quod essent Agazones præfatæ Ecclesiæ. Ipsi autem dixerunt se bellatores Joubagiones, iudicibus Banco, Comite, & Aegidio Abbate eiusdem Ecclesiæ, Pristaldo Peruen, de villa Olnémet, qui portato ferro iustificati sunt.

§. LXXXIX. Martinus, sacerdos & Canonicus Varadiensis, impetiit Joubagiones Vgud, scilicet: Senkam & Vodad, iudice Mica Comite, Pristaldo Petrus. Senka fur, portato ferro iustificatus est. Vodad autem combustus est.

§. XC. Gregorius, filius Salad, impetiit Tilekam seruum Cosmæ Comitis, de occisione sui seruiantis, arbitris Jacob, Marcens, Herne, & Abbate Siephano de Petbur (p) in Prouincia Shung, Pristaldo Feud, de villa Noen. Cum Fileka, propter infirmitatem in locum venire non posset, Simon frater ejus pro illo, portato ferro, mundatus est.

§. XCI. Teleguen de villa Tegyed, & Laurentius sacerdos de Vylok, impetierunt Matthiam Joubagionem Joannis de villa Pauli de Nyr, pro furto, iudice Culged curiali Comite Bichoriensi. Pristaldo Andrea de Bichor. Matthias portato ferro, iustificatus est.

§. XCII. Penquez, & Laurentius de villa Sobt, impetierunt quatuor homines Arbila, scilicet: Georgium, Visam, Vyrsint & Milum, & postea vnum hominem Ber, scilicet Petrum de prædio Atbila, de furto, iudice Nicolao Palatino Comite. Pristaldo Martino de villa Vera. Prædicti fures cum in die Dominico portato ferro solui deberent, vnus eorum nomine Georgius combustus est, manus vero trium, scilicet, Visam, Virsint, & Mil, fracto (q) sigillo Capituli, falso sigillo fuerant sigillatæ. Qui pro iniustis habiti sunt. Petrus vero fur, propter infirmitatem ferrum leuare non potuit.

H h h 2

§. XCIII.

l.) GYULA, vel Jula Comes de Keue, recensetur inter iudices curiæ, apud LONGELINUM in Catalago Judicum curiæ, ad an. 1221. vid. de Réva f. 163.

m.) CURIALIS Comes Ecclesiæ, idem est, qui bonorum Ecclesiæ procurator seu præfectus. Is vero non solum bona Ecclesiæ curat, sed etiam iudex est inter subditos Ecclesiæ. Vide supra §. 80.

n.) ECCLESIA de PÁZTHV nomine, Abbatia Cisterciensium, olim in eo oppido Heuesiensi, intelligenda est. De ea PÁZMÁNY, Append. II. p. 106. Abbatia de Páztó, B. M. Virginis, in Diocesi Agriensi, fundata Anno 1190. Sedet oppidum, ad Zadeyvan amnem, sub montibus Mátra, in Neogradienfium confinio, ostentatque adhuc Abbatia, vasta quædam rudera. Quæ vidimus.

o.) AGAZONES Ecclesiæ, bellatoribus Jobagionibus opponuntur. Illi namque, equos Episcoporum, vel Abbatum, quoties ii in castra proficiscebantur, agebant; hi, inter banderia Ecclesiæ militabant.

p.) PÉTVR, Abbatia in Prouincia Simeg, (ita Sung corruptum legendum) vigit A. 1218. PÁZMÁNY loco cit. p. 107.

q.) SIGILLVM communitatis frangitur, vel per vetustatem, vel propter peccatam, in communitatem dictatam. Quod, vbi fractum, vel perditum fuerit: non nisi



XCIII. Quidam nomine *Petrus*, coadiuantibus suis, scilicet: *Paulo* & *Henrico*, dixit se esse cognatum *Marci* de villa *Marcu*, in Prouincia (r) *Barona*, coram *Nicolao* Comite Palatino. Qui prædictus *Marcus* negabat esse suum cognatum. Quos jam dictus Comes discutiens per *Pristaldum* suum, nomine *Petrum*, misit ad candens ferrum *Varadinum*, vbi supradictus *Petrus* portato ferro, combustus est.

§. XCIV. *Fabianus* de villa *Cumbuk*, & frater eiusdem nomine *Gala* de *Bestoron*, impetierunt quinque homines de villa *Oron*, scilicet: *Scentukam*; *Simonem*, *Sebreum*, *Marcum*, & *Bot*, pro damno decem marcarum violenter facto, iudice *Maurouice*, Comite *Nicolai* Palatini Comitum, *Pristaldo Paulo* de villa *Jobannis*, qui *Varadini* taliter conuenerunt, ut prædicti quinque homines, darent supradictis duobus, duas marcas, & fertonem, & iidem satisfacerent iudici & *Pristaldo*.

§. XCV. *Metfa*, de villa *Fede*, impetiit hospitem cuiusdam *Zounuk*, de villa *Voda*, nomine *Joannem*, de furto, iudice *Mauriano*, curiali Comite de *Zounuk*, & *Biloto Bulfu*. *Pristaldo Atanasio*, de villa *Dumbul*. Præfatus *Joannes Varadini*, portato ferro, combustus est.

§. XCVI. Minister (s) Regis de villa *Tiuau*, & de villa *Tót*, & tota Prouincia de *Quemei*, vociferati sunt coram *Nicolao* Palatino Comite, contra fures, ex quibus tres homines *Shak*, scilicet: *Voda*, *Queren*, & *Andreas* de villa *Scerep*, fuerunt *Varadini* cum *Pristaldo* eorum, nomine *Toma*. Quorum *Voda* combustus est. *Queren* mundatus est. *Andreas* vero infirmitate præpeditus ferrum portare illa vice non potuit, sed recepta sanitate, ab eodem iudice per eundem *Pristaldum*, ad portandum candens ferrum destinatus, *Varadinum* non venit, & aduersarii eius, dato suffragio, recesserunt.

§. XCVII. Villani *Kenesy*, scilicet: *Kereu*, *Vruz*, *Micus*, & omnes alii de Prouincia *Doboka*, litigauerunt coram *Turdemetz*, curiali Comite de *Canar*, cum villanis *Peleka*, scilicet: *Turuzo*, *Jolequen*, *Gyok* & aliis, pro terra ad duo aratra, & ducentis (t) capetiis frugum, dicentes, quod illam terram violenter occupantes coluissent; villani vero de *Pelenka* responderunt: Quod terra castri, & propria terra eorum esset. Quos prædictus iudex *Turdemetz* discutiens per *Pristaldum Ochby* de villa *Scenta*, misit ad examen ferri *Varadinum*, vbi homo villanorum *Kenesi*, nomine *Petrus*, combustus est.

§. XCVIII.

nisi publico regis regnique indultu, reparatur; sicuti ætate nostra Comitatu *Thurrotziensi*, illud lege publica est redditum auctumque. CONST. 1715. art. 46. & Operis nostri Tomo II. p. 313. sq. Heic, signum, inuolucro manus impressum, violasse dicuntur fures.

r.) Prouinciæ *BARONA* nomine, comitatus *Baranyensis* est intelligendus, Hungariæ *Transdanub.* in orientem, intra *Danubium*, & *Dráuum*, extremus.

s.) MINISTRI regis duplicis erant ordinis: maiores & minores, vtrique ad regis, vel ducis aulam pertinebant. COLOM. lib. 1. cap. 9. 11. Illorum causæ, in synodo, vel coram comite & iudice, horum, coram iudice, cognoscebantur. cap. 11.

t.) CAPETIÆ, Hungaris dicuntur, partim quindenæ nummi aurei; partim aceruuli manipulorum frumentariorum. Quatuordecim namque capetiæ, adæquant nummum aureum vnum, seu centum denarios. MATTHIAS, CONST. an. 1481. Art. V. sin per 200. obulos diuidantur. 15. in diuisum resultabunt, quæ, vnâ, aurei nummi quindenam conficiunt. Hinc seruus vagus, non nisi capetio vno vendi præcipitur, in decretis COLOMANI lib. I. cap. 44. Alioquin, capetiæ sunt etiam frugum aceruuli, quod elucet ex INNOCENT. III. PP. lib. 5. epist. 7. ad Colonicensem Episcop. Inhibens sacerdotibus, ne recipiant capetias aliquas, vel cubulos vini, a regis vel reginæ conditionalibus, qui vulgo regales serui vocantur.

u.) Si



§. XCVIII. *Guttredus* Præpositus, impetiit *Simonem* & *Briccium* pro damno quindecim marcarum violenter facto. Iudice *Tobia* curiali Comite de *Zounuk*. *Pristaldo Matthia* de villa *Dobur*, qui ad ferrum *Varadinum* directi taliter conuenerunt, vt *Simon* & *Briccius* darent Præposito *Guttredo*, tres marcas, in die natiuitatis Sanctæ Mariæ in loco *Zanpro*, & idem satisfaceret iudici. Præpositus uero *Guttredus* *Pristaldo* satisfacere conuenit.

§. XCIX. *Scyrni*, & *Gira* de villa *Bice*, impetierunt villanos de tota villa *Borsy*, coram *Forcasio* Comite de *Potok*, dicentes, quod cum iuissent ad (u) testificandum pro eis in causa eorum, duarum marcarum fecissent expensam, qui cum hoc negarent, a dicto iudice, per *Pristaldum Urbanum* de *Potok*, (Varadinum destinati sunt) hi venientes ad ferrum *Varadinum*, vbi *Scyrin* pro se & socio suo *Gira*, portato ferro, iustificatus est.

§. C. *Vduornici* (vv) Regis de villa *Fonchol*, impetierunt quosdam de (x) prædio *Guerus* filii *Nanæ* Comitis, quorum nomina sunt hæc: *Nubu*, *Vidu*, *Andream*, *Fatam*, *Mogdut*, dicentes, quod eorum essent conserui, illi autem dixerunt, se esse liberos, & hoc idem dominus eorum contestatus est. *Nicolaus* itaque Comes Palatinus, dato *Pristaldo* nomine *Cyama*, misit vtramque partem *Varadinum*, vbi prædicti *Vduornici* seipsos recognoscentes coram curiali Comite (y) ipsorum nomine *Mekeyn*, & *Pristaldo* iam dicto, memoratum *Nunbu* subterfugerunt, dicentes, quod non esset de conseruitute eorum, sed falsâ opinione ipsum impetiissent. *Vid* autem portato ferro iustificatus est; reliqui vero tres, scilicet: *Andreas*, *Fata*, & *Mogd*, combusti sunt.

§. CI. Comprouinciales (z) de *Bêkes*, versus *Scegubolm*, vociferati sunt contra fures, coram iudicibus a rege delegatis, videlicet: *Mika* Bihorienti Comite, & *Hylla* Comite, de *Bêkes*, qui missis *Pristaldis* eorum, scilicet: *Petro* de villa *Bokc*, & *Hectore* de villa *Hegy*, & citatis furibus, facto iudicio, *Varadinum* eos ad iudicium ferri candentis destinarunt. Vbi *Bata* de *Kaba*,  
Cibury,

I i i

u.) Si quis in testimonium adductus, alicuius rei veritatem, sua nititur adtestatione probare, huius testimonium sic recipi iubemus: si præsertim sit confessus peccata sua sacerdotibus. Si denique contrarium habeatur, & cautela sit veri testimonii per sacerdotem in confessione, & mendacis culpæ redemptio fiat, cum possessione. *COLOM. lib. I. cap. 26. & cap.* Nullus audeat perhibere testimonium, nisi confessus peccata fuerit. Cuiuscunque vero testimonium falsum inuenietur, eius testimonium amplius non recipiatur. Istiusmodi ergo operam nauarunt *Scyrin* & *Gira*, *Borsien*sibus. Quod sane, fieri nequiuisset, sine impensa in prosecutionem, quam eis tamen inique negarunt *Borsien*ses.

vv.) *VDVORNICI* regis, nobiles sunt prædiales vnius sessionis, in villis regiis beneficii nomine regi obstricti. Qua de causa, dicuntur ii etiam serui, distincti a liberis conf. §. 101.

x. Prædium idem est, quod allodium, possessio. Hinc *GVILHELMVS BRITO* apud du *FRESNE* Prædium dicitur possessio, villa, ager, seu perpetuum allodium, & dicitur allodium hereditas, quam vendere & donare possunt. Addit *BREVILOGVS*. Et proprie vocatur fundus, siue curia rusticalis, ad quem, agri vel mansus pertinent. Erat igitur prædium, non modo ab omni præstatione liberum, sed & a quolibet seruitio reali & personali, immune: licet illius possessor, dominum agnosceret, a quo illud tenebat, quasi feudum honoratum. Hinc filii *Nanæ* comitis de prædio *Guerus*, dicuntur fuisse liberi: tametsi agnouerint dominum h. l.

y.) *CYRIALIS* Comes *Vduornicorum* regis, iudex erat, qui subortas inter eos lites, dirimebat.

z.) *COMPROVINCIALES* de *Bêkes*, dicuntur, qui de eadem prouincia, seu comitatu *Beke*sensi fuerunt.



*Chibury*, & *Banus*, ac *Georgius* de villa *Zaar*, *Hiliacbin* quoque de villa *Turda*, item *Tnd* & *Mortun* de villa *Uduori*, omnes inquam isti portato ferro, iustificati sunt. *Bagbia* vero, de villa *Curbei* Joubagio germani, combustus est, & de Ecclesia non exiuit ad solutionem.

§. CII. Castrenses *Zathmar*, de villa *Voda*, impetierunt vxorem & filios *Andreae* Comitis filii *Jose*, scilicet: *Simonem* & *Michaelem*, dicentes, quod *Andreas* Comes occupasset terram de portione ipforum, ad septem (a) aratra & adiunxisset terræ suæ, quam Rex *Andreas* dedit illi, ad quindecim aratra. Præfata autem Domina & filii eius responderunt, quod illa portio iure emptio- nis attineret ad eos, quia parentes *Andreae* Comitis dudum emissent a *Cosma*, filio *Gyuna*. *Detbmar* itaque curialis Comes *Simonis*, quendam *Voionodem* nomine, Comitis de *Zathmar*, ex præcepto Domini sui Iudicis a rege delegati, per *Pristaldum* nomine *Petrum* de villa *Peto* discusso misit *Varadinum* ad candentis ferri iudicium, vbi prænominati Castrenses, scilicet: *Chepanus*, *Thomas*, & *Kusa*, præfente *Petro* ioubagione eius de castro; qui se ab omnibus ioubagionibus suis, scilicet: *Andrea*, *Chod*, *Nogione*, *Subret*, *Paulo*, & omni- bus aliis missum esse perhibuit, subterfugerunt iudicium ferri candentis, di- centes, quod falsa opinione prædictam *Dominam*, & filios eius, de iam dicta terra, impetiissent.

§. CIII. VDVORNICI (b) Regales de villa *Erubud*, impetierunt quosdam de prædio *Olodari* filii *Achillis* Comitis, scilicet *Potham* & *Cbumur*, dicentes, quod eorum essent *conduornici*. Illi autem dixerunt se esse liberos, & hæc idem astruxit dominus eorum. Quos *Nicolaus* Comes Palatinus, discutiens per *Pristaldum* nomine *Chanam*, misit ad iudicium ferri candentis *Varadinum*. Vbi homo *Uduornicorum* portato ferro, pro *Uduornicis*, iustificatus est, *Potham* & *Cbumur* de *Tobut*, remanserunt.

§. CIV. *Pousa*, de villa *Boroch* impetiit Joubagionem *Apa*, de villa *Sedan*, nomine *Scentum*, dicens, quod pedisequam (c) eius esset furatus, Iu- dice *Mouricio*, *Nicolai* Comitis Palatini Vicario. *Pristaldo* *Peta*, de villa *Acbad*. Præfatus *Sentus* *Varadini* portato ferro combustus est.

§. CV. Comprouinciales de *Bichor*, vociferati sunt contra fures, coram *Mica* Comite *Bichoriensi* iudice a Rege *Andrea* delegato, qui misso *Pristaldo* suo nomine *Zacheo* de villa *Nadudor*, & citatis furibus facto iudicio, misit eos *Varadinum*, vbi *Tunou* de villa *Kolond*, portato ferro, iustificatus est. *Ol- drub* de villa *Harsan*, combustus est, sed fugit ad Ecclesiam, *Murich*, de vil- la *Vcan* combustus est. *Moglon* de villa *Iratz*, iustificatus est. *Hollus* de vil- la *Pescera*, combustus est. *Calondus*, de villa *Bosold*, combustus est, sed de Ecclesia non exiuit ad solutionem. *Jacob*, de villa *Giontoy*, filius *Forcos* por- tato ferro, latenter fugit.

§. CVI. *Pousa*, de villa *Kerequi*, impetiit quendam nomine *Vnuca*, de combustionem domus suæ, & damno sex marcarum, iudice *Kulqued* curiali Comite de *Bichor*, *Pristaldo* *Fulco*. Præfatus *Vnuca* *Varadini* combustus est.

§. CVII.

a.) ARATRI nomine intelligitur tantum terræ, quantum interdū, vno arari potest aratro. WILL THORN. in Chron. an. 687. Idem rex, dedit eidem Abbatiſſa, terram duorum aratorum: & diplomatibus Regum Hungariæ paſſim.

b.) VDVORNICI regales iidem sunt, qui Vduornici regii §. 98. quorum socii, Conduornici dicuntur.

c.) PEDISEQVA, ancilla est libera, dominæ ministeriis addicta: quæ, quia do- minam sequitur euntem, pedisequæ, vel sequepedis nomen accepit, du FRESNE Glossar. voce sequepes.

d.) FILII



§. CVII. *Hisce*, seruus *Farcafii*, de genere *Katba* impetitus de furto, *Alodometro*, & comprouincialibus *Zounuk*. Iudice *Paulo* Comite de *Cbenadu* *Pristaldo Joanca*, portato ferro, iustificatus est.

§. CVIII. *Záuida*, de villa *Cbroath*, impetiit *Gecham* de prædio *Demetrii*, pro boue furtim sibi sublato. *Giecha* autem duxit quendam nomine *Saden*, de villa *Boka*, dicens, quod ab ipso bouem illum emisset, ille autem non contradixit, sed asseruit illum bouem esse filium (d) vacca suæ: cui cum non crederetur, *Vitalis*, curiales Comes de *Zounuk*, per *Pristaldum* nomine *Nun-ebiz*, ad examen ferri candentis misit *Varadinum*, vbi cum præfatus *Saden* ferrum esset portare paratus, prænominatus *Záuida* renunciavit causæ suæ, dicens, quod falsa opinione ductus, bouem illum pro suo boue cepisset.

§. CIX. *Vedus* de villa *Gyurb*, impetiit *Opochum*, de villa *Guez* pro furto, iudicibus *Quilqed* curiali Comite, & *Biloto Forcasio*. *Pristaldo Zugna* de villa *Uduory*. *Varadini Opoch* portato ferro, iustificatus est.

§. CX. Anno Dominicæ Incarnationis, Millesimo Ducentesimo Decimo nono, Joubagiones (e) castri *Karaznay*, scilicet: *Ruben* maior (f) exercitus, *Echilleus*, *Varnog*, *Euzud* & *Pinna*, centuriones, (g) & *Paradan*, & Ciues eiusdem castri, scilicet: *Byuncy*, *Vcyk*, *Mikus*, & cæteri, traxere in causam, *Lulan*, filium *Vaca* Comitis, pro parte terræ suæ, quæ vocatur *Poyas-potok*, dicentes, quod violenter illam occupasset. Prædictus vero *Lula* dixit, eandem terram iure hæreditario se possidere. *Martinus* igitur Comes, frater *Seud*, præcepto Regis eos discutiens, posuit super iuramentum *Lula*, qui super sepulchrum S. Regis *LADISLAI* coram *Pristaldo* Regis, nomine *Toma*, filio *Tup*, de villa *Mata*, & coram Capitulo *Varadiensi* iurans, (h) iustificatus est.

§. CXI. Joubagiones castri, *Carazna*, scilicet: *Ruben*, *Echilleus*, *Euzud*, *Pinna*, & *Paradan*, & ciues eiusdem castri, scilicet: *Buncy*, *Vcyk*, *Micus*, & cæteri, traxere in causam, *Altum*, *Leonardum* filium *Poneci*, pro quadam parte terræ suæ, quæ vocatur *Cesar*, dicentes, quod violenter occupasset. Præ-

I i i 2

dictus

d.) FILII vox usurpatur etiam in brutis. Nam, & *ISIDORVS*, filios de ouibus dixit; de hirundinibus vetus interpret. *IUVENALIS* Sat. 10. v. 230. vt & *HE-SYCHIVS* de ranis, & *SYNESIVS* de aliis animantibus. Videtur, phrasis esse, ab *Hebreis* petita, quibus *BEN BAKAR* filius *Vacca*, seu vitulus, dicitur. Conuenit hæc vituli denominatio, cum illa expressione, qua porcus in quodam germanico *Hungariæ* oppido, lingua *Slauonica*, adpellatur porcæ maritus, & porcellorum pater h. m. *Nass Swini Muži*, nassi *Praschy Dty*.

e.) Milites erant castro *Karazna* subiecti, & ad castri præsidium destinati, probe a rusticis seu seruis castri, distinguendi §. 40.

f.) MAIOR exercitus, militibus castrensibus, qui cum domino expeditionibus regni interesse, atque pro eo dimicare solebant, cum potestate præerat: sicuti maior domus, domui, seu famulis, du *FRESNE Glossar.* voce maior.

g.) CENTVRIONES iidem, qui & Centenarii, duplicis erant conditionis. In exercitu namque centuriones dicebantur, centum militibus præfecti. *VEGET.* lib. 2. cap. 8. 13. in iudiciis contra ea, iudices minores, qui per centenas ius dicebant, & comiti suberant. *CAPITVLAR. CAROLI M.* lib. 4. cap. 62. 63. Scilicet, quilibet pagus Comitis diuidebatur in vicarias, vicaria, in centenas, centena, in decanias, in quibus iudices erant vicarii, centenarii, decani, du *FRESNE Glossar.* voce centena. Huc respicit *THVRÓTZIVS, Chron. P. II. cap. 2.* Quando Hungarorum exercitus, Capitaneos, centuriones, atque decanos præfectos fuisse, tradit.

h.) In iureiurando varii obseruabantur ritus. Peragebatur id in ieiuniis, vt est in *CAROLI M. Capitular. I. an. incerti cap. 39.* In Ecclesia, vt est in *LONGOB. leg. lib. 2. tit. 55. §. 21.* Super crucem, *BEDA cap. 9.* In altari, *GREGOR. TYRON. Hist. lib.*



dictus vero *Leonardus*, dixit eandem terram iure hæreditario possidere. *Martinus* ergo Comes frater *Send*, præcepto regis discutiens, posuit super iuramentum *Leonardi*, qui super sepulchrum S. Regis *LADISLAI*, coram *Pristaldo* regis nomine *Toma* filio *Tup*, de villa *Mata*, & coram capitulo *Varadiensi*, iurans, iustificatus est.

§. CXII. *Eureus*, (i) & frater eius *Beda*, de villa *Chytmetu*, litigauerunt cum *Toma* & *Manog*, de eadem villa, coram *Smaraco* Comite de *Poson*, qui discutiens eos per *Pristaldum* suum *Cbequeum*, de villa *Gormot*, misit ad examen ferri candentis *Varadinum*, vbi prædicti *Tomas* & *Manog* conuenerunt dare aduersariis suis *Euresdino*, & fratri eius *Beda* vnam marcā, & idem *Pristaldo* satisfacere. Iudicis vero partem *Eureus* & *Beda* dare conuenerunt.

§. CXIII. *Ocy*, de villa *Solumus*, impetiit quattuor Jobagiones *Bela* de villa *Guolozka* de furto, quorum nomina sunt hæc; *Modoros*, *Bebae*, *Chymp*, & *Bud*, iudice *Tobia*, curiali Comite de *Zounuk*, & altero *Biloto Toma*, *Pristaldo Galus* de villa *Domlun*, *Varadini*, tres ex illis furibus portato ferro sunt iustificati. Scilicet: *Modoros*, *Cbebae*, *Chymp*. *Bud* vero in dato termino non comparuit.

§. CXIV. *Vnuca*, de villa *Zamtou*, impetiit conuillanum suum, scilicet: *Paulum*, de furto, iudice *Quilged* curiali comite de *Bichor*, *Pristaldo Agard* de eadem villa *Zamtou*. *Paulus* portato ferro, dum die *Dominica* (da (k) pacem) manum suam soluendam porrigeret, supradictus *Vnuca*, renunciauit iudicio ferri candentis, dicens, se falsa opinione inductum, supra nominatum *Paulum* de furto impetiisse.

§. CXV. *Bartholomæus*, de villa *Náduduor*, impetiit *Henricum* filium *Pois*, de eadem villa, dicens, quod seruum suum nomine *Fatam*, violenter ei abstulisset; at ille respondit, quia non, sed cum pater eius nomine *Saturninus*, teneretur ei in quinque marcis, duabus solutis, pro tribus dedisset ei seruum prænominatum, & super hoc adduxisset testes. Sed *Mica*, Comes *Bichorien*sis, testibus productis non contentus, misit vtramque partem *Varadinum*, ad examen ferri candentis, per *Pristaldum* nomine *Joannem* de villa *Apaty*, vbi prænominatus *Henricus*, seipsum (l) recognoscens, reddidit seruum *Bartholomæo*.

## §. CXVI.

lib. 3. cap. 14. Super sancta euangelia, PROCOP. de bello Vandalic. lib. 2. cap. 21. Ad Sanctorum reliquias, & tumulos. CHRONIC, LAVRISHAM. P. 75. GREGOR. M. lib. 2. epist. 23. Præstabatur autem eiusmodi Sacramentum, tactis sanctorum reliquiis, ANNAL. FRANC. Bertiniani ad an. 757. cuius formula fuit: Sic me Deus adiuuet, & illi sancti, quorum ista reliquia sunt, ut veritatem dicam. CAROL. M. Capitular. lib. 6. cap. 209. cui similis est formula, iuxta legem Romanam: Per hunc locum sanctum, & DEL reuerentiam. Vel, Per reuerentiam istius Sancti, & DEL altissimi. du FRESNE Glossar voce iurare f. 156. edit. Francof. 1681. Sacramenta hæc ad Sanctorum reliquias, certis & statis anni temporibus, in CONCILIO BVRDEGALENSI an. 1255. cap. 7. sunt inhibita. Scilicet: a Septuagesima, vsque ad octauas Pasche; ab aduentu Domini, vsque ad octauas Epiphania; & in ieiuniis quatuor temporum, & in litaniis maioribus, & in Dominicis diebus, & in diebus Rogationum. Quod *Varadini*, ad S. *LADISLAI* sepulchrum atque reliquias, fiebat iusiurandum, coram *pristaldo* regis, & sacro sacerdotum collegio, præstabatur. Conf. Jer. IV. 1. 2. c. V. 2. sequ.

i.) Rectius *Eureus*, sicuti in fine paragraphi exprimitur.

k.) *Dominica da pacem* dicitur.

l.) Scilicet, seipsum esse reum, recognoscens.

m.) Ad.



§. CXVI. Reginae hospites, de provincia (m) noui castri, scilicet: *Teutonici* de X. villis, quæ dicuntur *Felnémet*, *Cüzépnémet*, *Olugnémet*, *Puruen*, *Guncy*, *Vruzca*, *Visl*, *Igyházasvisl*, *Cece*, *Dubucya*, impetierunt (n) villicos suos, scilicet: *Sibretum*, & *Michaëlem*, de falsa villicatione, dicentes, quod oppressores essent populi, & dilapidatores rerum ipsorum: quorum causam, *Ocyus Barnes*, (o) ex præcepto & auctoritate Regis discutiens computando centum & decem marcas argenti in damno, & misit eos *Varadinum* ad examen ferri candentis, per *Pristaldum* nomine *Augustinum* de villa *Pel*. Vbi prædicti actores de X. villis remiserunt *Sibreto* & *Michaëli*, partem suam de damno, quod requirebant, ita tamen, quod ipsi eiicerentur de cohabitatione X. villarum cum vxoribus & filiis: sine spe reuertendi, & ipsi idem *Sibretus* & *Michaël*, iudici satisfacerent & *Pristaldo*. Executores autem huius causæ fuerunt *Nicolaus*, *Andreas*, & *Jacon* & *Elcy*, de X. villis.

§. CXVII. *Fulcus*, de villa *Megyer*, impetiit *Vosodum*, *Stephanum*, *Nicolaum*, *Pec*, & alios, de villa *Qestest* pro quatuor marcis, in eorum fideiussione, cuidam eorum conuillano accomodatis. Iudice *Forcasio* curiali comite de *Bichor*, *Pristaldo Bencya* de villa *Quenes*. Homo prædicti *Fulcus*, portato ferro iustificatus est.

§. CXVIII. *Bansa*, & *Tsou*, de villa *Nadudnor*, impetiere quendam conuillanum suum, nomine *Visatan*, de verberatione duorum seruientium: & damno octo marcarum violenter ablatarum. Iudice *Mica* Comite de *Bichor*, *Pristaldo Joanne* de villa *Apáthy*. Qui cum venissent *Varadinum* ad examen ferri candentis, pacificati sunt. Iudici & *Pristaldo* satisfacere conuenientes. *Bansa* vero & *Ison* pro bono pacis, supradicta, quæ requirebant, totaliter remittentes.

§. CXIX. *Pouca*, de villa *Buza*: impetiit conuillanum suum nomine *Munkách*, & omnes alios conuillanos eiusdem villæ, de conscientia & conspiratione homicidii. Quos *Mica* Comes de *Bichor* discutiens, per *Pristaldum* suum, scilicet: *Colondum*, de villa *Noozul*, misit ad iudicium ferri candentis, vbi *Munkách*, pro se, & vnus pro villanis, portato ferro, iustificati sunt.

§. CXX. Comprouinciales de *Dus*, & horum specialiter *Joubagio*, *Pauli*, filii *Mocou*, scilicet: *Martinus* de villa *Benea*, & *Abbas* (p) de *Zam*, & *Abbas*, (q) de *Ubod* & *Beque* de villa *Suma*, hi omnes impetiere fures, videlicet: *Lodut*, de villa *Irund*, *Simonem*, & *Botam*, de villa *Nozta*, *Eliam*, de villa *Uzlárj*, *Dionysium*, de villa *Vita*, *Stephanum*, & *Rupoum*, de villa *Gymey*: iudice *Mica*, Comite

K k k

m.) ADVENAE intelliguntur *Germani*, qui in *Noui Castri* provincia confederant. Hoc nomine, quoniam interdum, in diplomatibus, comitatus *Sarosiensis* adpellatur: procliue est colligere, hospites hos reginæ, cum decem villis *Teutonicis*, in comitatu *Sarosiensi* esse quærendos.

n.) VILICVS proprie, villæ gubernator est, & a villa nomen accepit. S. *HIERONYM.* Ep. 151. quæst. 6. Posterioribus seculis, pro eo accipitur, qui vulgo maior, seu Præfectus villæ dicitur, vti sunt consules, vel prætores, in ciuitatibus, id quod, ex *Hungarorum* diplomatibus elucet, vid §. 3. litt. f.

o.) Inter *Banos Croatia*, non occurrit eius nomen. Itaque *Machoviensem*, vel *Zevvriensem Banum*, fuisse oportet.

p.) ABBATIA de *ZAM*, alias *NAM*, Ordinis *Cisteriensium*, viguit A. 1219. *Pázmány*, Append. II. p. 106.

q.) *UHOD*, Abbatia refertur a *Pázmanio*, inter incerti Ordinis, ibid. p. 107.

r.) Abbatiam de S. *HENRICO* sub *ANDREA II.* floruisse, adserit *Petrus Pázmány* Card. Append. II. p. 107. ad Synod. *SZENTIVANY*, Dissert. Paralip. Catal. 34.



Comite de Bichor. Pristaldo Joanne, de villa Apátby. De nominatis furibus, Stephanus & Elias, combusti sunt; & Rupo fugit in ecclesiam, & ad solutionem non exiuit. Alii mundati sunt.

§. CXXI. Vacy, de villa Qezy, impetiit Nucam, Petrum, Urbanum & Vd, de prædio, Demetrii, videlicet Puse, sed tamen Castrenses Bichor, de latrocinio, iudice Qulged, curiali Comite, Pristaldo Agard, de villa Megyes, Nues portato ferro, fugit in ecclesiam, & ad solutionem non exiuit; Vd, iustificatus est; Petrus & Urbanus, Varadinum non venerunt.

§. CXXII. Abbas (r) de S. Henrico, & Patronus Ecclesiæ, impetiit filios Stephani scilicet: Michud, Aladarum, & Bazlou, pro centum marcis violenter ablatis. Iudice Benedicto Bano, Pristaldo Pouca, de villa Cokot. Qui cum Varadinum venerunt, filii Stephani, conuenerunt dare Abbati & Patrono Ecclesiæ, triginta marcas, & satisfacere Pristaldo; Abbas vero iudici satisfacere conuenit.

§. CXXIII. Juna, Joubagio Laurentii, de villa Irund, impetiit Gyomam, Jobagionem Erdey, de villa Pauli, pro damno (s) trium fertonum. Iudice Erde, Pristaldo Aegidio de villa Paul, qui cum venisset Varadinum, Gyoma conuenit dare prædicto Juna, (t) septem pondera argenti, & satisfacere iudici. Pristaldo vero, Juna satisfacere conuenit.

§. CXXIV. Vstras, frater Tubul, de villa Hongun, impetiit Joubagiones castri Sásvár, (u) scilicet: Zoboslou, Vtesam, Bagdanum, Chequeleu, Polouk, & castrenses de villa Drancy, scilicet: Kraznet, Coetan, Visatan, & alios de destructione prædii sui, scilicet: damno, secundum æstimationem, viginti marcarum argenti. Iudice Demetrio, magistro (vv) vice regis iudice, Pristaldo Adriano, de genere Kalatha, de villa Scily, quibus Varadinum destinatis, ad examen ferri candentis, homo prædicti Vstras, portato ferro, iustificatus est.

§. CXXV. Cum Eccy Comes, filius Eccy, emissit terram nomine Camana, a Lera, filio Cusyd, elapso aliquanto tempore, Michaël, filius Michaëlis, frater Edemen, requisivit eandem terram pro sua terra, & cum non posset ad probandum hoc, aliquod argumentum inducere, Ladislaus, (x) Comes Bachiensis, & iudex curiæ, posuit super iuramentum Eccy Comitis; sed consilio amicorum vtriusque partis, & licentia iudicis taliter conuenerunt. Quod Eccy Comes: daret Michaëli, viginti marcas, vna minus, & Michaël, dimitteret prædictam terram Eccy Comiti, pro iure emptionis, ita, quod si quando a quocunque eadem terra ab Eccy Comite, vel posteris eius requireretur, Michaël, vel eius hæredes, Eccy comitem iustificare tenerentur. Et ut exitus huius causæ indelebilis existat, nominatus Eccy Comes, cum Pristaldo huius cau-

s.) Damnum TRIVM FERTONVM, ad tres vnus marcæ quartas partes, seu 252. denarios extenditur. vid. §. 47. vv. nisi forte ad alios fertones respiciat actor.

t.) Septem pondera, seu septem libræ argenti, 276.  $\frac{1}{2}$  florenis *Casarianis* æquivalent. Namque, vnum argenti pondo 39.  $\frac{1}{2}$  floren. rhen. est æquale. conf. §: 13. not. e.

v.) SASVÁR, arx & oppidum est Comitatus Nitriensis, Slauis *Schafshiu*. Re- cole §. 32. inclaruit nuper, religiosis, ad B. V. MARIAE icona, processionibus.

vv.) VICE REX, qui regis vicem, aut locum tenet, *Palatinus*, aut *Gubernator* intelligitur. Cuius iudex fuerat, magister, seu doctor legis, qui eidem in iudiciis adfidere solebat.

x.) LADISLAUS, Comes *Báchiensis*, & Iudex curiæ, regnante ANDREA II. floruit. SZENTIVÁNY *Dissert. Paralip. Catal.* 96. Ergo, nondum *Episcopi*, illic *supremi Comites* fuisse.



causæ; nomine *Mycud*, filio *Azbae*, Varadinum veniens, persoluit nominato *Michaëli* viginti marcas, vna minus, Capitulo & *Pristaldo* præsentem.

§. CXXVI. *Cbyga*, & *Jacob*, filii *Buns*: euntes cum *Vnuca*, filio *Forcos* de *Békes*, *Pristaldo* scilicet: & seruo *Ladislai* Comitis de *Baach*, & iudicis curiæ cœperunt seruum suum nomine *Cucus*, apud *Budam* filium *Forcasi*: quomodo, dum *Buda* diceret liberum esse, illi probabant eundem seruum suum esse; sed consilio amicorum vtriusque partis & licentia iudicis, memoratus *Buda*, memoratum *Cucus* redemit (y) a seruitute, in absolutam libertatem, ita, quod quando ipse *Cucus*, & filius eius, & omnis generatio ab eisdem successura, ubicunque vellent, manendi fas haberent. *Cucus* autem reddidit *Budæ* pecuniam, quam scilicet *Buda* pro ipso dederat, scilicet: duas marcas & dimidiam.

§. CXXVII. Populus Ecclesiæ *Bistriensis* (z) de villa *Suptal*, impetierunt nomine *Tub*, de villa *Fines*, pro violentia, dicentes ipsum, quattuor equos & sex boues, ab eis violenter abstulisse. Præterea, quod tres viros, & vnam mulierem, graviter vulnerasset, & vnum virum quoque abductum, occulte retineret. Quæ omnia, cum memoratus *Tub* negasset; *Ladislaus* Comes *Báchiensis*, & iudex curiæ, per *Pristaldum* nomine *Gabrielem*, de villa *Oxtanca*, misit ad examen ferri candentis Varadinum, vbi vnus de prædicto populo, nomine *Bubcud*, portato pro se, & pro conuillanis suis ferro, iustificatus est. In eadem tamen septimana *Abbas* *Bistriensis*, cum deberet iurare, & soluere iudicium memorato aduersario populi sui, non fuit Varadini, nec iuravit, nec iudicium, quo tenebatur, persoluit. Porro, nominatus *Tub*, iudicium secundum sententiam prædicti iudicis, in quo tenebatur, condemnatus est erga populum *Bistriensem*, videlicet octo marcas & decem pensas, totaliter persoluit, nobis præsentibus in manus *Lytber* & *Pous*, procuratorum (a) de *Bistria*, quos ipsi cognovimus, ita quod ambo, in nullo tenerentur pro hac causa.

§. CXXVIII. *Bagba*, filius *Hodnogionis* (b) *Luca*, cum haberet seruum, nomine *Stephanum*, permisit eum redimi pro sex marcis & fertone, a quodam *Jobagione* suo, focero videlicet eiusdem serui, nomine *Crust*, cum vxore sua *Moxa*, & filio *Chegza*. De quibus duobus habetur in præcedentibus scriptis, in tantam autem libertatem sunt redempti, quod tam ipsi, quam omnis generatio ab eisdem successura, ubicunque vellent, (c) manendi fas habeant.

§. CXXIX. *Ladislaus*, Comes de *Baach*, & iudex curiæ, per suas nobis literas intimavit, quod *Lucas*, ministerialis Ecclesiæ de *Currud*: teneretur

K k k 2

pro

y.) SERVI, ex iusta seruitute liberabantur, per manumissionem & redemptionem. §. 128. Illa, sola domini benevolentia, hæc adiecto ad eam lytro, peragebatur: vtraque vero, vel propter serui fidele obsequium, vel propter alterius intercessionem.

z.) Populi Ecclesiæ *Bistriensis* nomine, villani de *Suptal*, vico Abbatiae *Bistriensis* subiecti, intelliguntur. Quæ, cuinam adscripta fuerit ordini, incertum est. Eam tamen an. 1222. floruisse, adnotauit *Petrus Pázmány* Card. *Appendic. II. ad Synod. Prouincial. p. 107.* & ex eo, *Szentivány Dissert. Paralip. Catal. 52. p. 117.*

a.) PROCURATORES de *Bistria*, Abbatis sunt locumtenentes, qui, pro eo, res populi *Bistriensis*, curabant. vid. ad §. 16. litt. O.

b.) HADNAGY, legendum, quod, centurionis legatum significat Hungaris: vocabulum, iam tum ætate *Andræ II.* notum. Confer. §. 211. vbi idem vocabulum corrupte legitur.

c.) Serui, glebæ fundoque adscripti, obtenta libertate, liberum quoque ius migrandi consequuntur.

d.) Ser,



pro quodam *Deguz* nomine, soluere *Varadini* in festo *S. Michaelis Jacou & Joanni*, quattuordecim marcas & decem & septem pondera, & acceptis tandem illis, idem *Jacou & Joannes* haberent ius requirendi (d) seruos suos. Prædictus itaque *Lucas*, in prædicto festo & loco, persoluit prædictis *Jacou & Joanni* summam prædictæ pecuniæ, nobis præsentibus, & *Sebastiano*, de villa *Baba*, *Pristaldo* huius causæ.

§. CXXX. Domina *Margaretha*, vxor quondam *Torcunca* comitis, habens terram hæreditariam nomine *Gilianus* ex donatione patris eius, videlicet *Forcassi*, & fratrum suorum, scilicet: *Joannis & Pauli*. Mortuo patre suo & marito, inconsultis fratribus suis, donauit eandem terram *Cruciferis S. Joannis Baptistæ* (e); fratres autem eius prædicti, duxerunt eam in causam ante regem *Andream*, dicentes, non licere ei quoquo modo alienare terram illam aliis, cum ipsi sint commetanei & ipsa terra sit eis hæreditaria. Rex itaque, cum principibus suis id ipsum sentiens, dato *Pristaldo*, nomine *Fonbuca*, fratre *Heym*, præcepit terram illam venundari prædictis: prædictæ Dominae fratribus. Qui cum iam dicto *Pristaldo* venientes *Varadinum*, dederunt cruciferis præfatis, pro sæpe iam dicta terra, præcium secundum æstimationem regni, viginti & duas marcas, fertone minus, & terram in eorum ius, regis auctoritate reuolutam, testimonio nostri capituli *Varadiensis* sibi fecerunt adscribi.

§. CXXXI. Cum Ecclesia *Sancti Protomartyris* de territorio *Varadiensis* quandam terram suam, nomine *Thomasci*, contulisset vsu fructuario *Raphaëli*, filio *Thomæ* comitis: *Raphaële* autem in persona: & in cunctis possessionibus suis pro quadam enormitate facinoris sui: contra *Comitem Both*, publice condemnato: prænominata terra, inter cæteras nominati *Raphaëlis* terras, in manus regis *Andræ* deuenisset. Rex vero, *Ladislao Comiti de Bâch*, & iudici curiæ, terram eandem contulisset. *Philippus*, Præpositus Ecclesiæ *Sancti Protomartyris*, cum priore *Adriano*, & *Cornelio* Custode, nec non vniuerso eiusdem loci *Capitulo*, requisierunt supradictam terram, dicentes & testimonio privilegii ostendentes, quod præfata terra Ecclesiæ *Sancti Protomartyris* esset, & præfato *Raphaëli*, vtpotè devoto Ecclesiæ filio, usu fructuario, collata, inter facultates ipsius *Raphaëlis*, ab Ecclesia non deberet alienari. Rex itaque, cum suis principibus de iam dicta terra, taliter definiuit. Quod supradicta *Sancti Protomartyris* Ecclesia, supradicto *Ladislao Comiti*, centum marcas persolueret, & sic supradicta terra *Thomasci*, ad ipsam, sine omni contradictione iure perpetuo rediret, & factum est ita. Nam præpositus eiusdem loci nominatus, cum nominatis fratribus suis, centum marcas, coram *Pristaldo* regis videlicet, *Petro*, filio *Lud*, præsentibus nobis persoluentes, sæpe iam dictam terram, in ius sæpeditæ Ecclesiæ redemerunt. Nos, *Conventus Varadiensis*, huius rei testes sumus.

§. CXXXIII. Cum *Scemer*, filius *Scemera*, in vltimo testamento dedisset Ecclesiæ *S. Georgii*, *Dusinicum* quendam de prædio *Joufa*, nomine *Dera*, vt in

d.) Serui, mancipiorum instar, in perpetuam coniecti seruitutem, siue relicto domino, profugerant, siue, inuito eodem, adserti fuerant in libertatem: repeti poterunt. Hinc demum enatum est, ius repetitionis colonorum, lege sancitum publica. TRIP. P. III. tit. 25.

e.) CRUCIFERI S. Joannis Baptistæ, iidem sunt, qui Hospitalarii. §. 87. nota k. Caue ergo, *Templaristas* fuisse credas; quod vulgo, & docti apud nos faciunt, *Cruciferos*, seu *Hospitalarios*, miscentes cum *Templaristis*.

f.) Femi.



in festo S. Michaelis celebraret exequias, cum vna oue competenti, triginta panibus, & quattuor idriis cerevisiæ; Ipso Scermer mortuo, quidam cognatus eius, nomine *Cosma*, detinebat eum apud se inuitum, nec permitebat eum explere seruitium suum. Filiae itaque prædicti *Scemar*, scilicet: *Benedicta*, & *Rosafa*, ad quæ omnia requisierunt coram *Joanne*, præposito Varadiensi, nominatum *Dusnicum* dicentes, quod memoratus earum cognatus, dimissum a patre suo *Dusnicum*, apud se inuitum detineret, & non fineret officium suum adimplere. Quod cum iam dicto Præposito constitisset, dato *Pristaldo*, scilicet: Sacerdote iam dictæ Ecclesiæ, nomine *Paulo*, nominatum *Dusnicum* restituit in officium, in quo ipsum Dominus suus stabiliuerat, mandans eidem *Dusnico*, vt a prædicto *Cosma* recedens, mansionem sibi secundum arbitrium magistri *Capellæ S. Georgii* eligeret, memoratus autem *Cosmas* daret ei iuuen- cum vnum, quattuor oues, & octo capetias frumenti, vt habeat ex his seminaria rerum, ex quibus possit exequias celebrare.

§. CXXXIII. Ciues (g) castri de *Nougrad*, de villa *Sembur*, scilicet: *Chepanus*, *Péntér*, *Rodus*, *Pousa*, *Domald*, *Stephanus*, *Oucus*, *Zunga*, & *Joannes*, coadiuuantibus eiusdem castri (h) ioubagionibus, scilicet: *Loudan* (i) principe Exercitus, *Nicolao*, *Bohmel*, *Paulo*, *Both*, *Tiburtio*, & *Michaële*, requisierunt terram cuiusdam (k) liberi hominis, de nomine *Peth*, quæ est ad quattuor aratra, dicentes, terram esse castri, & ab ipso violenter occupatam in eadem villa, coram *Ladislao* iudice curiæ, & Comite *Bachienfi*. Qui *Peth*, cum terram suam iure emptionis se possedisse respondisset, nominatus

L 11

iudex

f.) *DUSNICVS* seruus est, ecclesiæ testamento datus, qui sacra emortualia, pro remedio animæ demortui domini, quot annis celebrari curabat, eoque nomine esculenta atque poculenta, sacerdotibus, die emortuali offerre obligabatur. conf. §. 142. vel pecuniam etiam, quod ex vetustis elucet diplomatibus, vid. *Chartam Episcop. Chanad. an. 1330.*

g.) Ciues castri, subiectum castro oppidum incolebant, a *Jobagionibus*, hac potissimum distincti ratione: quod isti: *vasalagii* seu seruitutis, illi, *census* tantummodo nomine, suis deuincti erant dynastis. Eos *GVIBERT. Hist. Hierosolym. lib. 4. cap. 13.* ciuitatenses adpellat: eo quod *ciuitabant*, hoc est ciuitatem vel oppidum incolebant.

h.) *Joubagiones*, id est subiecti castri, diuersæ fuerant conditionis. Quidam enim, *militaria* in castro præstabant officia, inter quos, ducum alii, alii militum fungebantur munere. Nonnulli artes exercebant *sellularias*, sicuti fabri, pistores, &c. Reliqui, in villas & agros collocati, cum pecuariæ, tum rei agrariæ fuerunt dediti.

i.) Principes dicti sunt, quotquot in ordine aliquo primarium locum obtinent, quos ætas posterior *Primicerios* adpellauit. *CANGE du FRESNE, glossar voce princeps.* Erant namque apud Romanos principes legionum & cohortum. *VEGETIVS lib. II. cap. 8.* in principes officii; *SYMMACH. epist. lib. 1.* principes ciuitatis; *SEXT. RVFVS*, vocant, quo nomine, adpellabantur æuo medio, procures palatii *CAPIT. CAROL. c. tit. 6. S. STEPHAN. Decret. lib. 1. cap. castri vel oppidi domini. S. ANSELMVS lib. 3. ep. 8.* interdum episcopi, sicuti in *CANONIB. S. Patricii cap. 30.* est legere. Igitur *Loudan*, princeps exercitus castri *Nougrad*, dux erat militum, qui in castro, seu pedestri, seu equestri militia, sua præstare solebant officia.

k.) Qui nulli seruituti obnoxii erant, *liberi* dicebantur. Duplex liberorum fuit ordo, eorum scilicet, qui *liberi & nobiles*, & aliorum, qui *liberi* quidem essent, sed non nobiles. *Lex Frison. tit. II. §. 2.* Ceterum, liberi proprie dicti videntur, qui ab antiquo, ex seruis manumissis originem traxerant: sicuti nobiles, qui nulla originis ac seruitutis macula, coinquinati erant. Ea de causa liberi homines sub alicuius patrocinio esse debebant, nec omnino sui iuris erant. *Charta de diuisione imperii Caroli M. c. 3.*

Decad. I. Monumentum V.

1.) BRIC-



iudex vtramque partem, ad examen ferri candentis per Pristaldum nomine *Imurad* de villa *Sceureg*, transmisit *Varadinum*. Vbi cum sæpius *Dominus Petb* ferrum leuasset, & ad diem solutionis accessisset, nominati ioubagiones castri, sese recognoscentes, memoratam terram, nominato *Petb*: pro terra sua resignauerunt, quæ terra habet metas ab oriente de *Topka*, & a meridie habet terram *Sanctæ Ecclesiæ Partub*, inde graditur per vallem nomine *Potok*, ad montem *Grab*, inde ad *Sember*, & de *Sember* incedit, ad *Hogoua*, ibi desinit esse, vt nominatus Pristaldus dixit nobis, coram aduersa parte & idem asserente.

§. CXXXIV. *Paulus*, seruiens *Tibæ*, Canonici *Vacziensis*, impetiit quasdam mulieres, scilicet: *Mizla* & *Vtalou*, dicens, quod ancillam suam, nomine *Scereten*, clam abduci fecissent: quod, cum illæ negassent, memoratus *Paulus* induxit quendam, nomine *Paridem*, qui ei de facto illarum suggesserat. Quod cum ipse *Paris* constanter contra illas assereret, (l) *Bricius* Episcopus *Vacziensis*, prænominatam *Mizlam* & *Paridem* misit *Varadinum*, ad examen ferri candentis, vbi illa portato ferro, pro se & pro Domina *Utalou*, combusta est.

§. CXXXV. *Philippus*, filius *Cosmæ*, manu misit quendam libertinum suum nomine *Zup*, cum filiis suis, *Both*, & *Bata*, talem eis conferens (m) libertatem, vt quàm ipsi tam omnis generatio ab eisdem successura, vbicunque vellent, manendi fas haberent.

§. CXXXVI. Anno Verbi incarnati, *Millesimo ducentesimo trigesimo quinto*. Regnante gloriosissimo Rege ANDREA, Venerabili (n) *Benedicto*, Varadiensi Episcopo (o) *Dionysio*, Comite Palatino, *Stephano* Bichoriensi Comite existente, *Aniano* lectore, & Notario Varadiensi, factum est: Quod *Omoczæl*, filius *Joannis*, cum esset sine omni hærede, protestatus est nobis oretenus, quod filius fratris sui *Elia*, *Petrum* scilicet: & *Georgium*, atque *Matthiam*, & quendam eorum cognatum, nomine *Sedebur*, filios sibi faciens adoptiuos, portionem suam, quæ est versus ecclesiam *Sancti Petri* de terra *Cornust*, dedisset prænominatis tribus fratribus, filiis scilicet: *Elia* prænotati, & *Sedebur* in commune, ita, quod, quam diu ipse *Omoczæl*, vel vxor sua viveret, prædicta portio, sicut antea iuris eorum esset; vel si eos hæredem habere contingeret, in ius illius hæredis, hæreditario iure cederet. Si tamen ambo, sine hærede decederent, ea lege in ius nominatorum quattuor fratrum, nominata portio deuolueretur.

§. CXXXVII. *Ibrabin*, Archidiaconus de *Zobuslou*, quendam adolescentulum nomine *Paulum*, seruum suum, vt ipse dixit, emptitium manumisit, ita, vt quam diu ipse viueret, ei seruire teneretur. Post mortem autem ipsius, ita liber foret, vt & ipse *Paulus* & omnis generatio ab eodem successura, vbicunque uellet, manendi fas haberet.

§. CXXXVIII.

l.) BRICIUM vide apud SZENTIVÁNY *Dissert. Paralip. Catal.* 18. p. 77. Et Tom Operis Nostri III. p. 115. num. IV.

m.) Libertas a seruitute, apud Hungaros, coniuncta fuit cum libera migrandi facultate. conf. §. 137.

n.) BENEDICTVS præsul, ad annum 1232. inter Episcopos Varadienses locatur, apud SZENTIVÁNY *Dissert. Paralip. Catal.* 22. p. 82.

o.) DIONYSIVS de VIOLKA, ex familia de *Hederuára*, ad annum 1233. inter Regni Hungariæ Palatinos numeratur, apud JONGELINVM in *Catalog. Palatin.* fol. 153. non confundendus, cum DIONYSIO altero, comite Palatino, qui regnante BELA IV. aduersus *Bathum*, Tartarorum ducem, infeliciter pugnavit. THVROTZIVS *Chronica. P. II.*

p.) Pro-



§. CXXXVIII. *Teco*, filius *Thomæ*, de villa *Debrezin*, & *Sororius* eius, *Hemiricus*, filius *Mauricii*, de villa *Zeb*, protestati sunt nobis, quod cum esset controuersia inter ipsos de quadam ancilla, nomine *Chyncbola*, & duabus eiusdem filiabus, scilicet: *Ancilla*, & *Cecilia*, ita quod prædictus *Hemiricus*, diceret, cum vxore sua conductas. *Teco* vero assereret easdem a prædicto sororio suo, titulo emptionis redemptas, consilio arbitratorum videlicet: *Michaëlis*, filii *Matthiæ Comitis* & *Petri fratris Buch*, & aliorum conprovincialium: taliter inter se conuenerunt; quod prænominatus *Henricus* prænominatas ancillas, vendidit socero suo prædicto *Teco*, accipiens ab eo marcam & fertonem.

§. CXXXIX. Domina *Rosa*, filia *Briceii*, Archipresbyteri, mortuo marito suo, & filiis suis, oretenus nobis est (p) protestata, quod indulisset omnia (q) dotalia sua, & cuncta, in quibuscunque maritus suus *Lodomerus* ei tenebatur, & absoluit omnes cognatos mariti sui, & omnes, quicumque fideiusserant pro marito suo, scilicet: *Habrabam*, & *Ysabac*, & *Farcafium*, *Paulum*, & *Gregorium*.

§. CXL. *Pascha*, Pristaldus *Dionysii* Palatini Comitis, quod ex literis eiusdem Palatini percepimus, statuit ante nos *Gregorium Abbatem* de *Kuru*, ex vna parte, & (r) *Tunnarios Regales*, de villa *Tunnal*, ex alia scilicet: *Andream*, *Tupur*, *Chama*, *Thuch*, *Halad*, & *Bogy*, dicens, quod prænominatus *Abbas*, deberet iurare super sepulchrum *S. Regis Ladislai*, pro terra monasterii *Kuru*, nomine *Tumban*, quæ est iuxta *Crisium*, versus meridiem prope monasterium *S. Joannis Baptiste*. Cumque præfatus *Abbas* paratus esset iurare, placuit utrique parti, quod terra iam dicta prius metaretur. Quod cum factum esset, memorati *Tunnarii* se recognoscentes, terram quam requirebant, dimiserunt monasterio *Kuru*, pro iure suo, & reuersi protestati sunt, coram nominato Pristaldo, se iam dictam terram cum molendino, & ponte, sæpe iam dictæ ecclesiæ remisisse.

§. CXLI. *Stephanus* Clericus, filius *Hus*, protestatus est, quod cum quidam *Hagya*, ciuis *Culusiensis*, impetiisset nomine *Henguch*, de villa *Hem*, pro furto: & *Henguch* iudicio ferri fuisset iustificatus. Prænominatus *Hagya*, remansit in iudicio sex marcarum, & eo non habente, vnde sex marcas persolueret, iudex huius causæ, nomine *Nucden*, Curialis comes, per manum Pristaldi sui, nomine *Luxa*, de villa *Lomb*, posuit eum & vxorem eius & vnicum filium eiusdem, nomine *Abbeus* pro sex marcis, apud auum suum, nomine *Valderum*, hospitem de *Bichor*. Quo mortuo, remansit præfatus *Hagya*, titulo

L112

p.) Protestari, apud IUSTINIANVM Imp. Instit. prooemio, significat palam testari. Nunc, vulgata magis, quam latina significatione, idem est, quod Romanis, intercedere, contra dicere, & re nata, contra aliquid, testes facere, adpellare, wider etz was protestiren, sein Recht vorbehalten. Hungaris: Protestálni.

q.) DOTALITIVM, idem est, quod dos iure Romano denotat, nempe, omne id, quod datur marito a muliere, ad sustendenda matrimonii onera, DIGEST. lib. 56. §. 1. Iure Hungarico, donatio est propter nuptias, vxori legitimæ, propter debitum matrimonii, a marito facta. TRIP. P. I. tit. 93. quæ sicut ex rebus bonisque mariti ab vxore, iure suo quæri, ita pro arbitratu libero, remitti quoque potest. TRIP. P. I. tit. 109.

r.) Pincernæ erant regii, qui in tunnas, hoc est dolia, vinum, aut alium liquorem similem, tunnabant, id est infundebant. Alioquin tunnarii etiam dicuntur, qui tunnariam, id est vinaria, seu piscaria tynnorum, obsecrabant. Da FRESNE Glossar. voce Tunna, tunnaria.

s.) VADI.



titulo (s) vadimonii apud *Hus*, patrem suum, scilicet: filium prædicti *Valseri*; patre autem suo defuncto, idem *Hagya*, remansit ei, ab eo autem sæpe dictus *Hagya* redemit seipsum, & vxorem suam, & filium suum, redditus ei sex marcis, quas ab auro suo mutuauerat; & ita, debito plenarie absoluto, remansit & ipse & vxor sua & filius, liber in perpetuum.

§. CXLII. Ego, *Benedicta* vxor *Herczeg*, de genere *Borfa*, duabus filiabus meis iuxta natalium suarum dignitatem maritatis, & rebus meis eisdem legitime traditis, emi a cognato meo, *Valeriano* cantore, cum conscientia & consensu cognatorum eius, scilicet: *Vstaur*, fratris eius, & magistri *Aniani* auunculi eius, & aliorum, ancillam, nomine *Agnam*, cum duobus filiis eius, *Hetam* scilicet: & *Furtun*, & proponens dies viduitatis meæ, & filiorum, pro ecclesia de *Vgra* consummare, appropinquante iam termino vitæ meæ, prænominatam ancillam, dedi eidem ecclesiæ, vt singulis mensibus, det ad altare Beatæ Virginis, candelam unius cubiti, & hoc usque consummationem vitæ suæ. Alteram autem filiorum suorum, scilicet: *Hetam* constitui *Dusini* æm exæqualem, vt singulis annis, ad eandem ecclesiam, in festo *S. Michaëlis*, celebret exequias bienni boue, & panibus: quinque idris cereuiæ; alterum vero scilicet *Furtun*, dedi eidem ecclesiæ, in (t) Campanarium, & ambos, in constitutis officiis, de generatione in generationem permanere.

§. CXLIII. *Liter*, de villa *Hotuon*, impetiit *Dosum*, de villa *Dobur*, de conscientia perditionis equi sui, valentis marcam & dimidiam, perdit in bello: iudice, *Coma* Comite de *Zounuk*, *Pristaldo* *Ilegnen*, de villa *Vrsei*. *Liter* itaque, portato ferro *Varadini*, combustus est.

§. CXLIV. *Sunk*, de villa *Királ*, impetiit *Geruasium*, conuillanum suum, de duabus marcis & dimidia. Iudice (u) *seruo DEI*, curiali Comite de *Zobolch*, *Pristaldo* *Martino* de villa *Lopecur*; *Sunk*, & *Geruasius*, *Varadini* taliter conuenerunt, quod *Geruasius* daret aduersario suo marcam & fertonem, & idem *Pristaldo* satisfaceret, partem autem iudicis, *Sunk* teneretur persolvere.

§. CXLV. *Bechy*, impetiit de villa *Zuat* castrenses pro duabus marcis, iudice *Beken*, curiali Comite de *Clus*, *Pristaldo* *Petro*: prædictæ autem partes *Varadini*, taliter conuenerunt, quod castrenses darent *Bechy*, triginta & quatuor pondera, & idem *Pristaldo* satisfaceret, pro parte autem iudicis *Bechy*, teneretur.

§. CXLVI. *Hegun*, de villa *Sorloud*, impetiit omnes villanos de *Tuluold*, dicens quosdam violentos, quod dum fugiens ad eos confugisset, ipsi omnes ostia sua claudentes, eum violentis spoliandum exclusissent, & illis, spoliato ipso recedentibus, valens tres marcas eis commisisset. Iudice *Nuechlen* curiali Comite

s.) VADIMONIVM, est sponsio ad certum diem comparendi in iudicio, vel per se, vel per aduocatos. Hoc loco significat, sponsonem, persoluendi æs alienum, vel mulctam, ad certum diem, & sub certa conditione.

t.) CAMPANA vel Campanum, a Paulino Nolano, in Campania Italicorum Episcopo, primum inuenta, vel in Ecclesiam inuenta, a Campania Italia, nomen accepit. Hinc turris ecclesiæ, in qua, æta campana pendent, *Campaniarum*, LEO OSTIENS. lib. 3. cap. 28. vel *Campanile*, THVROTZIVS, custos autem *Campanarii*, qui Campanas pulsare solet, *Campanarius* adpellatur. MATTHÆVS VILLANEVS lib. 10. cap. 64. Alioquin, Joanni de Janua, Campanarius est is, qui æra fundit campana, du FRESNE, voce *Campanarius*.

u.) SERVI DEI, Clerici atque Monachi, in Concilio Liptinenfi c. 2. 7. & quod, an. 742, sub CAROLOMANNO celebrabatur, adpellari solent.



Comite de *Zaránd*, *Pristaldo* Benedicto. *Hegun* itaque, cum portato *Varadini* ferro, solui deberet, *Canonici* manum eius non inspexerunt, quia sigillum, non sanum inuenerunt.

§. CXLVI. Vniuersi castrenses, de *Cornust*, impetierunt villanos de *Sob*, pro concuiibus suis, coram *Mica*, *Bichorienſi* Comite. Illi autem dixerunt, se iobagiones esse a generatione, quiſcilicet: (vv) liberi *Sancti Regis* dicuntur, & semper hoc afferuerunt se alias etiam iustificatos esse contra uniuersos castrenses de (x) *centurionatu Sapuri*, ante *Siculam*, curialem Comitem de *Bichor*, præcepto item *Mica*, Comitis & auctoritate in eadem causa functum, & habere *Pristaldum*, nomine *Vodassam*, de villa *Nek*, qui cum iussi exhibere eundem *Pristaldum* tribuissent ciues de *Cornust*, non ausi sunt ei vitium falsitatis opponere, quibus supradictus iudex condemnatis, ipsos & idem villanos de *Sós*, per *Gilianum*, filium *Bocion* (y) contubernarium suum *Varadinum* transmisit, ubi præfatus *Gilianus*, ex parte *Mica* Comitis se transmissum esse dicens, coram prædictis partibus, & *Pristaldo*, præmissam causam eo ordine ac tenore quo scriptum est, enarrauit, & præsentibus literis fecit æternari.

§. CXLVII. *Bulsub*, (z) dux Exercitus, de castro *Zounuc*, & vt ipse dixit, alii iobagiones eiusdem caſtri, item *Bucicud*, & vt ipse dixit, alii castrenses, impetierunt *Felicianum*, & fratrem eius *Thomam*, atque *Georgium*, nepotem eorundem dicentes, quod essent castrenses de *Zounuk*. Iudice *Smaragdo* (a) Comite eiusdem caſtri, a rege *Andrea* delegato, *Pristaldo* *Andrea* de villa *Karil*. *Georgius* itaque pro se, & cognatis suis prænominatis, portato ferro, *Varadini*, cum solui deberet, non est permissus absolui a *Bulſu*, & *Bucicud*, quorum vterque vice & in persona aduersariorum suorum, se stare dicentes, resignauerunt prædictos, *Felicianum*, *Thomam*, & *Georgium*, esse omnino liberos, vt illi de se afferebant.

M m m

CXLIX.

vv.) LIBERI SANCTI REGIS, dicuntur etiam *Jobagiones naturales*, §. 174. 183. soli quippe regi subiecti. Quos diuus rex, ab omni seruitutis onere liberos fecit, a lege: vti tranſeunti ſibi per eorum fines, equos, currus ſubductuorios, & ſeruitia ſtipendiaria, ſuppeditent. COLOM. Lib. I. cap. 45.

x.) Pro iudiciorum & militiæ ratione, quilibet comitatus, & quælibet, cum caſtro coniuncta, dynaſtia, in *centurionatus* fuere diuiſa. Elucet id ex COLOMANNI Decret. lib. I. cap. 79. *Singuli Comites denarios, qui per vniuerſas Hungaria partes colliguntur, quantum ſuper vnoquoque centurionatu fuerit collectum, Strigonium mittant, neque prius regii Comites vel Centuriones partem accipiant.* Ceterum, *Centurionatus Sapuri*, ad caſtri *Cornuſtenſis* dynaſtiam pertinebat.

y.) CONTUBERNARIUS, ſeu contubernalis, ex *centurionatu Sapuri*, Hungaris, *Pajtás*, quaſi *Beit társ*, hoc eſt, prædæ ſocius, dicitur. Malunt alii, a *Baj*, quod *duellum* ſignificat, vocem Hungaricam, *Pajtás*, quaſi *duelli ſocium*, deriuare. qua de re alibi.

z.) DVX, apud *Francos*, ſub prima regum ſtirpe, dicebatur, qui multis ciuitatibus, quæ a Comitibus regebantur, cum poteſtate præerat. GREGOR. THYRON. Lib. II. cap. 20. Hinc, *Duces prouinciæ*, in *Lege Bajuvar. tit. 2. cap. 1.* & gradus, a Comitatu, ad Ducatum, apud CINNAMVM, Lib. II. num. 13. Hoc reſpectu apud Hungaros, qui diuiſo in plures *Centurionatus*, exercitui præerant, *duces exercitus* vocabantur. Qui titulus, propter ſingularem, inter Hungaros honorem, & auctoritatem cum primis, filiis fratribusque regiis, competeſcit. THÚRÓTZIUS Chron. P. II. cap. 45. 47. 49. 50. ſeq. Ceteroquin, exercitus nomine, vaſalli potiſſimum intelliguntur, qui, in dominorum expeditionibus, bellis intereſſe, atque pro iis dimicare tenentur. vid. Capitular. CAROL. M. 3. an. 811.

a.) COMES CASTRI, idem eſt, qui iudex vel præfectus caſtri, vid. ad §. 6. nos. I.

Decad. I. Monnmentum V.

b.) BILO.



§. CXLIX. *Buciur*, de villa *Puklusteluc*, impetiit conuillanos suos, *Lekam* & *Isoum*, de latrocinio, iudice *Paulo* curiali Comite de *Bichor* & *Ciboud* (b) *Biloto*, *Pristaldo Vica. Leka* itaque & *Isou*, portato ferro, *Varadini* iustificati sunt.

§. CL. Cum *Masa*, de villa *Sorou*, iudicio candentis ferri conuictus esset *Varadini* de furto, & in *Bichor*, vt *Pristaldus* asseruit, confugisset ad Ecclesiam. Aduersarii eius, *Kaled* & *Beta*, & *Pristaldus* ipsius *Honor*, præsente *Cesario* centurione, vendiderunt præfatum *Masam*, & uxorem eius *Felicitatem*, & filios ipsius, *Tbomam*, *Tanals* & *Gyonon*, & filiam scilicet: *Magnet*, & *Ilega*, pro decem marcis, *Absoloni*, filio *Hurt*, qui persoluit illas decem marcas, præsentibus nobis canonicis *Varadiensibus*, scilicet: *Valeriano* cantore, *Michaële* custode, *Gerardo* decano, *Petro*, *Sidrac*, & aliis, & idem scientibus, *Cesario* centurione, & aliis ioubagionibus castri *Bichoriensis*.

§. CLI. *Paul*, de villa *Urbud*, impetiit conuillanam suam, nomine *Vyes*, uxorem *Forcos*, de veneficio, iudice *Ponsa*, Archidiacono de *Bychor*, *Pristaldo Valentino*. Illa venit *Varadinum* cum *Pristaldo*. *Paul* non comparuit in termino, quem *Pristaldus* dixit se vtrique parti assignasse.

§. CLII. *Martinus*, de villa *Vitholm*, impetiit conuillanos suos, *Tyuand*, *Georgium*, *Fulcum*, & *Briccium*, filios *Vrbani*, de latrocinio, iudice *Lothardo*, Comite de *Zobolch*, *Pristaldo Matthia* de *Tumsansuna*. *Tyuand*, *Fulcus* & *Georgius*, iustificati sunt; *Briccius* combustus est.

§. CLIII. *Ellu*, filius *Joannis* Comitis, impetiit *Cunsudu* seruum *Adriani* de villa *Silu*, sororis eius uxoris *Vid*, de furto. Iudice *Paulo*, curiali Comite de *Bichor*, *Pristaldo Boncy*, *Cunsudu*, portato ferro, cum solui deberet *Ellu*, subterfugit, dicens, se illum falso impetiisse de furto.

§. CLIV. Vxor *Vid*, mortuo marito, cum esset sine hærede, manumisit quandam ancillam suam, nomine *Deraga*, vt quamdiu ipsa viueret, illa de ea non discederet, sed ei seruiret. Si autem *Dominæ* suæ superuiueret, vbi-  
cunque vellet manendi haberet libertatem, filiumque ipsius nomine *Cunsudu*, cum fratre suo *Adriano*, in idem consentiente, manumisit, ac tali libertate donauit, vt vbi-  
cunque vellet manendi fas haberet; si tamen in villa *Salu* ei placeret habitare, non nisi apud ipsam & fratrem suum *Adrianum* maneret. Filiam quoque eiusdem mulieris nomine *Kesam*, taliter liberauit, vt quam ipsa, tam omnis generatio ab eadem successura, libera foret omnino. Omnium vero aliarum rerum quæcunque habet eadem *Domina*, vel habitura est, supradictum fratrem suum *Adrianum* (c) hæredem constituit, ita tamen, quod ipsa dum vixerit eis vtatur.

§. CLV.

b.) *BILOTVS*, vel *Bilochus*, idem fuit, qui hodie, *Judex Nobilium*. Cuius munus erat, *furum atque latronum causas ad pedes comitis discutere*. *ANDREAE* Decr. an. 1222. art. 5. Dicuntur illi in *Ritu explorandæ veritatis* §. 149. 178. *Biloti*, 164. *Biloci*, in legibus Regni l. c. *Bilochi regales*: forte, a voce Hungarica, *Birák*.

c.) *BARONES* ac *NOBILES*, hærede legitimo destituti, de bonis rebusque omnibus, tam auticis, quam acquisitis, liberam testandi, adeoque in hæredem etiam adoptandi facultatem, lege *ANDREAE* II. habebant. Si quis seruient, sine filio decesserit, quartam partem possessionis filia obtineat, de residuo, sicut ipse voluerit, disponat, & si morte praeventus disponere non poterit: propinqui sui, qui eum magis contingunt, obtineant, & si nullam penitus generationem habuerit, rex obtinebit. *ANDR.* Decr. an. 1222. art. 4. Jam vero, nonnisi de acquisitis, libere disponunt; in reliquis, rex, vbi nullus superest hæres, tanquam, qui omnino *Baronum*, ac *Nobilium* regni, verus ac legitimus successor est, iure succedit, *TRIP. P. I. tit. 10.*

d.) *VILL.*



§. CLV. *Zoloc*, de villa *Rechel*, impetiit *Marcum*, *Juan*, & *Marcellum*, de villa *Botocun*, dicens, quod cum ipse, nec conuictus sit in lite, nec etiam quisquam litigauerit cum eo, ipsi, cum *Pristaldo* ignoto accepissent quatuor boues eius, quibus rem negantibus, *Tupa*, curialis Comes de *Karasma*, per *Pristaldum*, nomine *Golosa*, de villa *Bani*, misit *Varadinum*, ubi *Zoloc*, portato ferro, iustificatus est.

§. CLVI. *Perman*, de villa *Ip*, impetiit *Stephanum* & *Ægidium* iobagiones *Buncu* de villa *Coznis*, dicens, quod seruus suus nomine *Kugas*, clanculo accepisset pecuniam suam valentem octo marcas, & hoc ipsum dicebat seruus ille arbitris, Abbati de *Libbinii*, & *Ders* filio *Derseo*, & *Pogu* (d) villico, & *Dezuan*, & *Buncu*, & *Luzen*, de villa *Nog*. *Bolu* & *Joachim*, villico de *Ipu*, & aliis multis, *Pristaldo Metbel*. *Stephanus* autem & *Ægidius*, portato ferro, iustificati sunt.

§. CLVII. *Beda*, *Varnog*, *Igeben* *Hodnog*, *Isac* centurio, & *Vodasa* de castro *Clus*, coram iudice *Christophoro* Comite, *Pristaldo Fabiano* impetierunt *Bansam* de villa *Naduduor*, & fratres eius, scilicet: *Comam*, *Isoum*, & *Eleccium*, dicentes eos extorres; qui, cum missi iurare *Varadinum*, parati essent iurare, prænominati aduersarii, confessi sunt, eos terram habere ad tria aratra, nec adiurauerunt eos.

§. CLVIII. Ioubadiones *Ordinensis* castri, scilicet: *Basu* *Hodnogio*, *Nubu*, *Bayr*, *Belche*, *Kelenin*, centuriones, & omnes alii ioubagiones, cum castrensibus, impetierunt *Geruasium*, de genere *Chenad*, pro terra castri nomine *Bese-neu*, iudice *Nicolao Palatino* Comite, *Pristaldo Gongga*, de genere *Hudus*, vnus de castrensibus, portato ferro, pro terra iam dicta, iustificatus est.

§. CLIX. *Bota*, de villa *Pasturd*, iudicio candentis ferri probauit, quod villani de *Bonia*, scilicet: *Zotmaz*, *Chegun*, *Paul*, & omnes alii iuuissent, violentum quendam inuasorem & spoliatorem seruiantis sui, ad illos confugientis.

§. CLX. *Joabin* de *Lazdi*, impetiit *Keuam* de villa *Seusci*, quæ est apud *Kanar*, de furto, iudice *Nicolao* Comite Palatino, *Pristaldo Atmario* de villa *Boc*. *Keua*, *Varadini* iustificatus est, ferro portato.

§. CLXI. *Ereus*, de villa *Kamaras*, impetiit conuillanos suos, scilicet: *Tupam* & *Mauritium*, de vna Marca & fertone, iudice *Chepa* villico eorum, *Pristaldo* fican. *Mauricius*, portato pro se, & pro *Tumpa* ferro, combustus est.

§. CLXII. *Vutuk*, de villa *Inka*, manumisit quendam seruum, suum nomine *Figmoz*, cum omni generatione sua, quæ ab illo esset successura, ita, vt ubicunque vellet manendi fas haberet. Postmodum autem præfatus *Figmoz*, duxit uxorem liberam, cuius pater scilicet: *Juan*, & frater scilicet *Leustab*, impetierunt iam dictum *Vutuk*, de violento (e) raptu puellæ, & Dominum *Figmoz*, de indigno connubio, coram *Petro* Comite, scilicet: iudice a Rege delegato. *Vutuk* autem respondit, se iam dictum *Figmoz*, manumisisse prius

M m m 2

d.) VILICVS, de eo ad §. CXVI. not. m. Adde du FRESNE glossar. voce *Villicus*. Obserua, apud Hungaros omnes Prætores diuisos fuisse, in iudices *Clarissimos* & *Spestabiles*, *Pedaneos* item, & *Centuriones*, ac *Villicos*. Quod, ex *THVRÓTZII Chron.* P. II. cap. 35. elucet.

e.) CONNUBIUM, quod inter liberum & seruum contrahebatur; raptus fuisse speciem, adeoque lege publica, apud Hungaros vetitum, ex hoc §. euidenter elucet. Eius species est, connubium, quod ad *Morganaticam* dicitur. vid. *HUGO GROTIUS de Jur. bell. & pac. lib. 2. cap. 7. §. 8. n. 3.* *JOH. BRUNNEMANNVS in lre eccl. lib. 2. cap. 16. §. 6.* Mos tamen hic, quod lege adfirmatus non fuit, exoleuit dum;



& sic illum uxorem liberam legitime accepisse. Sed cum prænominati aduersarii non essent hac transitoria assertione contenti, supradictus *iudex*, per Pristaldum nomine *Leuam*, vtramque partem Capitulo Varadiensi fecit exhiberi, & præfatum *Fygmor*, per attestationem *Vltuk* Domini sui, titulo manumissionis, liberum cum omni successione prolis suæ assignari.

§. CLXIII. *Vetea*, impetiit *Solomonem*, *Kekam*, *Potur*, & *Isoum*, de occisione filii sui *Eecy*, iudice *Albeo*, vice Archidiacono, Pristaldo *Hadriano*. *Solomon*, *Keka*, *Potur*, & *Isou*, portato ferro, iustificati sunt.

§. CLXIV. Cum *Ereu* villicus de *Jánust*, impetiisset quendam de villa *Vosian* nomine *Zotmor*, pro porcis furto sublati, tres marcas valentibus, & inuenisset (f) carnes porcinas in domo *Zotmor* in præsentia conuillanorum *Zotmor*; sed *Zotmor*, constitutus ante *Paulum*, curialem comitem de *Bichor*, & *Forcos Bilocum*, negasset carnes inventas fuisse in domo sua, conuillani autem eius contestarentur carnes illas inuentas fuisse, prænominati iudices per Pristaldos, scilicet: *Titan*, & *Percustu*, miserunt dominum *Zotmor* Varadinum, vbi dominus *Zotmor* combustus est.

§. CLXV. *Paulus* opilio, (g) vice Comes in villa *Apa*, impetiit Dominum *Tengurd*, de villa *Pisiqui*, ioubagionem *Jacinti*, de furto, iudice *Nueclem*, curiali Comite de *Zar ind*, Pristaldo *Juan* de villa *Gyorocz*, dominus *Tengurd*, iustificatus est.

§. CLXVI. *Butba* de *Beruchyon*, impetiit Dominum *Cochi* de villa *Degust*, pro decem marcis, iudice *Teku*, (h) *Abbate de Beruchyon*, Pristaldo *Tarca*. Qui *Varadini* taliter conuenerunt; quod *Cochi* daret suo aduersario quinque marcas, & idem teneretur Pristaldo. *Butba* autem satisfaceret iudici.

§. CLXVII. *Opoy*, de villa (i) *Gourou*, viso quodam gladio apud *Andream* venatorem *Bubali*, de villa sancti *Martini*, impetiit eum de furto, iudice *Paulo* (k) Comite venatorum *Bubalinorum*, Pristaldo *Stephano* de villa *Vrisu*. *Andreas* itaque venit *Varadinum* in octavis omnium *Sanctorum* in termino, scilicet: quem Pristaldus dixit se vtrique parti præfixisse; *Opoy* autem non comparuit.

§. CLXVIII.

dum: vnde promiscua illa connubia, nobilis femina cum rustico, & rustica, cum nobili, in morem abiere; haud sine familiarum opprobrio.

f.) Carnis porcinae esus, *Ismaelitis*, qui in *Hungariam*, seculo XI. immigrauerunt, lege publica fuit præceptus. *COLOM. Decr. lib. I. cap. 46. 49.*

g.) VICECOMES, Vicarius est Comitis, qui vices Comitis exsequitur. *Capitul. CARLOMANNI tit. 2. cap. 9.* vel, in prouincia, & comitatu, vel in ciuitate, oppido, aut pago, ciuitati adiacente. vid. *Leg. Longob. Lib. II. tit. 30. §. 2.* Ab ipso ille eligebatur comite, præeratque in absentia comitum, iudiciis & rebus publicis. *Vetus Notit. Viennensis Ecclesia C. an. 863.* Interdum tamen Vicecomes idem erat, qui Castellanus, cui castellorum custodia iucubuit, du *FRESNE Glossar.* voce *Vicecomes*, Seculis demum sequentibus, *Vice Comitis* dignitas apud Hungaros, eo tantummodo loco, quo Comitis seruata est, hoc est, in *Comitatibus*, *VLAD. Decr. V. art. 2.* & oppidis quibusdam regiis, vtpote: *Scepusiensibus*, & *Transiluanicis*.

h.) *ABBAS de Beruchyon*, seu *Berucio*, cuiusnam fuerit ordinis, incertum, *Pázmány*, & ex eo *SZENTIVÁNY I. c.*

i.) Loca hæc in comitatu occurrunt *Jaurinensi*, vtpote: *Gourou*, *Györ*, Villa *S. Martini*, *Szent Márton*; Villa *Vrisu*, *Örs*.

k.) COMES VENATORVM BUBALINORVM, inter aulica refertur officia. Iudex erat venatorum *bubali*, seu *bubiorum*, hoc est *lixa* & *calonum* regionum, qui *bubalos* regios in nemoribus curabant. Vnde *bubii*, in *Chronic. Colmar. Part. II. ad an. 1300.* iidem, qui *lixa* & *calones*. Fiebat vero frequenter, vt aberarent ab armento *bubali*, fierentque, diuturno eiusmodi errore, prorsus *siluestres*. Ergo, venatorum opera fuit opus, vt erraticum & *siluescens* pecus, aut indagine clauderent, aut venabulo deicerent. Hinc ea ministeria.

l.) *Cocvs*



§. CLXVIII. *Discilon*, de villa *Borici*, impetiit *Glatillum*, (l) cocum regis, de villa *Susa*, de *Equizubada*. Qui, cum negaret se esse venditorem illius equi, praefatus *Discilon* adduxit ut *Mosen* fidei iussorem aduersarii sui, quo se fideiussorem prohibente, *Glatillo* vero constanter negante. *Martinus* Bilotus de *Borsod*, per *Pristaldum* nomine *Kelepc*, misit *Varadinum*. Quo *Discilon* primitius actor, & alius *Discilon*, scilicet: fideiussor, & *Pristaldus*, in octauis omnium Sanctorum, quas *Pristaldus* dixit se utrique parti pro termino assignasse, venerunt; *Glatillus* vero non comparuit.

§. CLXIX. *Febersa* de villa *Degust*, conuictus est de vna marca & dimidia contra villanos *Petur*, *Gregorio* de *Scili*, & *Pristaldo Zoufa*.

§. CLXX. *Petrus* & *Baban* de villa *Hot*, impetierunt *Gyrcum* conuillanum suum de furto: iudicibus, *Paulo* curiali Comite de *Bichor*, & *Cybout* Biloto. *Pristaldo Hyuad*, de villa *Iraz*, Dominus itaque *Gyure* combustus est.

§. CLXXI. *Cata*, de villa *Nec*, egit cum *Tecu* & *Bartholomao* & *Buttha*, iudice *Paulo* curiali Comite de *Bichor*, *Pristaldo Buda*, *Cata* itaque combustus est.

§. CLXXII. *Adam*, filius *Pote*, impetiit *Jacum* & *Modam*, de villa *Kerekz* pro furto, iudicibus *Paulo* curiali Comite de *Bichor*, & *Cybout* Biloto, *Pristaldo Orochby*, de villa *Boß*, *Jacus* & *Modan*, iustificati sunt.

§. CLXXIII. *Kereu* de villa *Ponoz*, impetitus de furto, portato ferro iustificatus est. Iudice *Paulo* curiali Comite de *Bichor*, *Pristaldo Laurentio* de *Bichor*.

§. CLXXIV. *Valerianus* Cantor, *Michaël* Custos, *Gerardus* Decanus, *Joacbin* & *Mouß* Archidiaconus *Varadiensis*, & omnes alii, vniuersis quibus literæ praesentes exhibentur. Salutem in Domino. Venit ad nos in septimana *Exurge*, quidam *Pristaldus*, ut ipse dixit de se, nomine *Bolosoy*, de villa *Bobona*, cum quibusdam villanis de *Iku*, scilicet: *Roma Syca*, *Sumoz*, & *Olodaro*, & dixit, quod vniuersi villani de *Horz*, & de *Erdeu*, & de *Zetbu*, & de *Bala*, & de *Quer*, & de *Zaka*, & de *Barca*, coadiuuantibus noui castri ioubagionibus scilicet: *Jordano* (m) praefecto castri, & *Poson* Archiprecone, impetiissent praenominatos quattuor villanos de *Iku*, & idem *Laurencium*, *Cyubam*, *Forkos* & *Somotam*, quod essent quidem ioubagiones sed de castrensis exempti. Illi autem dixerunt (n) naturales ioubagiones esse, qui scilicet: *Forcos*, Principe Exercitus, *Soma*, *Vidard*, *Joanne*, *Zolos*, *Leustach*, *Jacobo* Archiprecone. Quos *Michaël* curialis Comes de *Heues*, ex praeepto Domini sui *Alexandri* Comitis de nouo castro, ut *Pristaldus* dixit, discutiens misit *Varadinum*, ubi praedictus *Pristaldus*, & idem *Roma*, *Syca*, *Sumoz*, & *Olodar*, & qui-

N n n

l.) COCVS REGIS, ad aulica regis ministeria, de quibus supra actum est, pertinet. Quid vero sibi velit corrupta vox, *Equizubada*; vix diuinando adsequare. Ex crimine tamen, cuius accusabatur *Glatillus*, quod equum *Discilon* vendiderit, auguror, coalitum esse vocabulum, ex latino & Hungarico idiomate, quasi esset: *Equi sui eladás*: ubi, *el-adás*, Hungarice venditionem significat. Alioquin paragraphus hic, extra modum obscurus est & vitiat.

m.) PRAEFECTVS CASTRI, idem qui Castellanns, seu castri custos, cui praeter custodiam castri, incumberebat, castrenses regere, & in exercitum deducere.

n.) NATVRALES IOVBAGIONES, sunt liberi, soli regi subiecti, a iobagionibus castri, seu dynastiae probe secernendi. Horum conditionem loco suo recensuimus. Nunc iura eorum & priuilegia exponenda essent: nisi nos, sepultae dudum antiquitates hungaricae, manum de tabula iuberent demere. Ceteroquin, quod *Liberi Sancti Regis* dicuntur; satis patet, *S. Stephano*, peculiaria eorum iura, in acceptis ferri oportere. Vide infra, §. 183. not. p.

Decad. I. Monumentum V.

o.) Sr.



quidam ioubagio castri, nomine *Georgius* missus ut ipse dixit, a *Forcos* Principe exercitus, & coadiutoribus suis, fuerunt in termino, scilicet: hebdomada *Exsurge*. Aduersarii vero eorum non comparuerunt & supradictus *Pristaldus* dixit, quod iudex præfatus scilicet: *Michaël*, pro conuicta & condemnata parte haberi mandasset eam partem, quæ nos veniret; sed hoc nos nescimus.

§. CLXXV. *Thomas*, de villa *Vislu*, impetiit conuillanum suum, nomine *Mert*, de furto, iudicibus *Louchiad*, *Biloto*, & *Meuger* & *Mer* præfectis villæ, *Pristaldus Dirs* & *Sroub*, *Mert*, iustificatus est portato ferro.

§. CLXXVI. *Paulus*, de villa *Kabas*, filius *Petri*, impetiit *Paulum* filium *Sceresun* de alio *Kabas* pro furto. Iudice *Christophoro* Comite de *Zounuch*, *Pristaldo Voad*, de villa *Kers*, *Paulus*, filius *Sceresun*, combustus est.

§. CLXXVII. *Guda*, de villa *Zudurou* impetiit *Zot* & *Benum* de villa *Chaba*, pro damno octo marcarum violenter illato, iudice *Paulo* curiali Comite de *Bichor*, *Pristaldo Laurentio* de eadem *Bichor*. *Guda* itaque combustus est.

§. CLXXVIII. *Joannes* & *Miscba*, filii *Buchiku*, & *Tupa* filius *Pauli*, citauerunt filios *Hylary*, scilicet: *Ifou*, & nepotem eius, scilicet: *Isaac*, ante (o) *Simonem* *Bilotum* de *Bikes* pro furto, qui cum ad septem (p) terminos non venissent, prædictus iudex nuntiavit *Palatino* Comiti. Ille autem iussit eos (q) proclamari per fora comprouincialia sub ea interminatione, quod si non venirent, vel ad iudicium *Bilori*, vel ad iudicium candentis ferri *Varadinum*, pro furibus publicis & conuictis haberentur. Illi itaque venerunt ad *Bilotum*, *Bilotus* autem per *Pristaldum* nomine *Gabrielem*, misit ad candens ferrum *Varadinum*, sed in termino quem *Pristaldus* dixit utrique parti præfixisse, *Varadini* non comparuerunt.

§. CLXXIX. *Nicolaus*, filius *Angelus* impetiit *Juam*, filium *Joannis* de decem marcis & (r) vno capite hominis violenter ablati, quos *Heimu* Comes, iudex a rege *ANDREA* delegatus, discutiens, per *Pristaldum* nomine *Cbezer*, misit *Varadinum*. Vbi homo *Nicolai* portato ferro iustificatus est.

§. CLXXX. *Ceca* de villa *Curnad*, impetiit ioubagionem *Petri*, nomine *Geus*, & seruum eiusdem, nomine *Tomam* pro furto, iudice *Ecce* Comite de *Clus*, & *Bilotis Cberceg*, & *Petro*, *Pristaldo Vizozlou*, *Geus*, & *Thomas*, portato ferro, iustificati sunt.

§. CLXXXI. *Salta*, de villa *Sadan*, impetiit *Mogum*, de villa *Pagit* pro furto, iudice *Venceslao* Comite de *Zotbmar*, *Pristaldo Poufa* de villa *Ticud*,  
*Mogus*

o.) *SIMON* *BILOTVS* de *Bikes*, iudex est *Nobilium*, in Comitatu *Békesiensi*.

p.) *TERMINI*, nomine, iudicium intelligitur, cui certus dies, quasi limes quidam statuitur. Hinc *ALB. Decr. an. 1439. art. 33. Item alia facta potentiora minora*, pro quibus videlicet proclamata congregatio non datur, in tribus terminis seu octauis (iudiciis) finaliter in iudicio concludatur.

q.) *Proclamatio*, non tam est actio, qua quis, rem ablatam repetit, uti, du *FRESNE* in glossario obseruat, quam, terna in foris comprouincialibus, citatio, ab euocatione tamen distincta, intelligitur. *ALB. Decr. an. 1439. art. 34.* quæ deum, lege publica, *MATTHIA CORVINO*, & *VLADISLAO II.* regnantibus, est abrogata. *MATTH. Decr. VI. art. 17. VLAD. Decr. I. art. 38.* Neque vero confundenda est, cum *Proclamatione*, qua reus, adueniente die, siue præsens sit, siue absens, in tribunali, in iudicium vocatur. *KITTONICS. Direct. Methodica iuris Hung. Cap. 3. quæst. 8. II. confer, NOTITIAM HUNG. NOVAE TOMO III. Hist. vrbis PEST. cap. III. §. VI. p. 101.*

r.) *VNUM CAPUT* hominis, personam unam notat, vid. ad §. 15. not. l. siue sit vir, siue femina § 209.

s.) *CEN-*



*Mogus* in termino, quem *Pristaldus* dixit utrique parti præfixisse, *Varadini* non comparuit.

§. CLXXXII. *Ogyuz*, & *Tumulot*, iobagiones castri *Zounuc*, impetierunt quosdam de villa *Kezuga*, *Joab*, *Mocz*, *Meduen* & *Forcos*, & de villa *Pereznek*, *Tibam*, & idem iobagiones *Petri*, scilicet: *Kesam* & *Micon*, de damno decem marcarum facto per violentiam, iudice *Mica*, Comite *Bicoriensi* a rege delegato, *Pristaldo Jano*, de villa *Cbeydreh*. Homo *Ogyuz*, & *Tumulot*, nomine *Cherpha*, portato ferro combustus est.

§. CLXXXIII. *Endre*, *Hodnogio*, *Petrus* & *Sebrec* (s) centuriones, item *Vendég* & *Zenast* iobagiones castri de *Zotmar*, impetierunt *Voyzalom*, *Joubot*, *Potonam*, *Bodam*, *Bartoleum*, *Latum* de villa *Guernest*, dicentes, quod iobagiones essent de castrensibus exempti. Ipsi vero dixerunt se esse iobagiones naturales, qui scilicet: (t) iobagiones *S. Regis* dici solent. Quos *Vingiozlon*, Comes de *Zotbmar* discutiens per *Pristaldum* nomine *Kazmer*, de villa *Petus* misit *Varadinum* ad candentis ferri iudicium. Quo cum venissent *Vendég*, ex parte coaduerlariorum suorum se missum esse asserens, ex parte illorum & sua, subterfugit candentis ferri iudicium, dicens, aduersarios prænominatos *Naturales iobagiones* esse, scilicet: iobagiones *S. Regis*, & se, cum sociis suis, iniuste illos impetisse.

§. CLXXXIV. *Bacina*, de villa *Mogos Mõrtu*, impetiit uxorem *Simonis* de villa *Apa*, dicens, quod quidam seruus *Martini* Comitis, nomine *Vota*, filium suum occidisset, ipsa præsentem & consentientem in mortem filii illius. *Mica*, *Bichoriensis* Comes discutiens, per *Pristaldum* nomine *Prena*, misit *Varadinum*, ubi præfata mulier portato ferro iustificata est.

§. CLXXXV. *Hypolitus* de villa *Halap*, impetiit uxorem *Vogis*, de eadem, de damno trium marcarum. Iudice *Kelem* Comite, *Pristaldo Petro*, de eadem villa. Mulier portato ferro, iustificata est.

§. CLXXXVI. *Tiburrius*, de villa *Nádaft*, impetiit omnes villanos de villa *Domulim*, de quindecim bobus, & vno equo, violenter ablati, iudice *Gyula*, (u) *Bano*, *Pristaldo Sumboz* iustificatus est.

§. CLXXXVII. *Cusyd*, de villa *Ziloc*, impetiit conuillanum suum, scilicet: *Forcos*, de furto, iudice *Stephano*, curiali Comite de *Ziloc*, *Pristaldo Guezriva*. *Forcos* portato ferro, iustificatus est.

§. CLXXXVIII. *Viba*, de villa *Macra*, prædio *Lelez*, impetiit *Ibam*, & *Danum*, de occisione fratris sui per latrocinium, iudice, *Mika* Comite de *Bichor*, *Pristaldo Annania* de villa *Buc*. *Iba*, portato ferro pro se & fratre suo *Dano*, iustificatus est.

§. CLXXXIX. *Petrus*, de villa *Cbeuz*, & comprouinciales eius, impetierunt *Vitalem*, de eadem villa, pro furto, quos *Demetrius* curialis Comes,

N n n 2

præ-

s.) CENTVRIONES quinam fuerint, expositum est ad §. 110. not. g. Ceterum, *VINGYOZLOV*, Comes de *Zotmar*, idem est, qui §. 181. *VENCESLAVS*; vt credam, ita, vocabulum eius ætatis *Hungaros*, pronuncianisse.

t.) Elucet hinc triplex iobagionum, id est vasallorum, apud *Hungaros* conditio. (1.) *JOBAGIONES* castri, coloni sunt & ruricolæ, castro adscripti. vid. ad §. 11. not. z. (2.) *JOBAGIONES* de castrensibus exempti, bellatores castri erant, a colonis, & castrorum ministris seiuncti, & solo militiæ nomine, castro obstricti. vid. ad §. 80. not. z. (3.) *JOBAGIONES* naturales, liberi sunt, per natiuitatem, soli principi subiecti. vid. ad §. 142. not. r. §. 174. not. i. quorum obligatio, quoniam *S. STEPHANI I.* regis legibus est definita, iobagiones sancti regis h. l. & §. 174. liberi sancti regis; cognominantur.

u.) Cuiusnam Prouinciæ *Banus* fuerit *Gyula*, incertum est. *Banum* tamen *Croatia* ac *Dalmatia* fuisse, ex hoc loco, quodammodo colligi potest.

vv.) Con.



præcepto Regis discutiens, per Pristaldum nomine *Vrman* de villa *Gyurge*, misit Varadinum, ubi prædictus *Vitalis*, portato ferro confugit ad ecclesiam, dicens se esse combustum. Prædictus itaque *Vrman*, (vv) vendidit *Vitalem*, cum vxore sua, & filiabus suis, & cum ancilla, & filio ancillæ suæ, & cum omni possessione sua, *Laurentio*, filio *Martini*.

§. CXC. Notum sit omnibus Christianis, quod cum *Voca*, & *Kereu*, de villa *Tura*, imminente necessitate, sororem suam *Martinam* in (x) vadio posuissent apud sacerdotem de *Barban*, nomine *Moyse*, pro marca vna. Non habentibus illis vnde sororem suam redimant, prænominatus sacerdos pro remedio animæ suæ dimisit illam, & debitum dimisit ei.

§. CXCI. *Nicolaus*, de villa *Gbony*, impetiit conuillanos suos, scilicet: *Michaëlem*, *Texen*, *Burat*, & *Mecam*, de occisione filii sui, quos *Martinus* Comes, per Pristaldum, nomine *Scaden*, misit Varadinum ad examen ferri candentis: ubi prænominati rei de homicidio sunt conuicti.

§. CXCI. *Texa*, Ismaëlitica de *Nyr*, impetiit villanos, *Cegam*, pro marci duodecim, *Alexandro* Comite, iudice a rege delegato, qui per Pristaldum nomine *Stephanum*, Varadinum missi, taliter conuenerunt, quod prædicti villani, darent aduersario suo, quinque marcas, fertone minus, iidem iudici satisfacerent; ius autem Pristaldi, *Texa* persolueret.

§. CXCII. *Kusun*, de villa *Zupur*, cum conuillana sua matre, scilicet: *Seden*, quam de veneficio impetierat, taliter conuenit, quod ipse nihil acciperet, & iudici, scilicet *Thoma*, vicearchidiacono, tertiam partem persolueret. Pristaldo autem suo communiter cum illa satisfacerent, reliquas partes iudicis & Pristaldi, præfatæ mulieri reliquit persoluendas.

§. CXCIV. Vniuersi ioubagiones Bichorienfes, impetierunt ante *Micam* Comitem, eorum vniuersos castrenses de *Bichor*, dicentes, quod ipsi castrenses bis accepissent ab eis debita iudicia, in quibus ipsi ioubagiones, castrensibus tenebantur. Supradictus itaque iudex, dato Pristaldo nomine *Laurentio* de villa *Queferen*, ad iudicium ferri candentis misit Varadinum, ubi taliter conuenerunt, quod prædicti castrenses darent præfatis ioubagionibus, quinquaginta & tres boues. Iudici autem & Pristaldo, vtrique pars simul satisfaceret.

§. CXCV. *Bandu*, de villa *Gyan*, portato Varadini ferro pro (y) fractione dentis, & damno quadraginta ponderum argenti iustificatus est, contra *Guta Boyciud* & *Dominum Kekeu*, iudice *Ragnaldo*, præposito Varadinensi, & Pristaldo nomine *Georgio*.

§. CXCVI. *Stephanus* de villa *Perlu*, impetiit *Simonem* filium *Tecu*, pro furto, iudice curiali Comite de *Zounuk*, nomine *Angelo*, Pristaldo *Moys*. Prædictus *Simon*, portato Varadini ferro, combustus est.

§. CXCVII. *Choucad*, vxor *Tekudini*, serui *Fabiani*, conquesta est *Simoni* Varadiensi Episcopo dicens, quod cum ipsa sit libera, Dominus suus *Fabianus* velit eam redigere in seruitutem. At ille dixit eam suam esse ancillam.

Illa

vv.) Conuictorum in iudicio, pœna fuit, interdum venditio, adeoque seruitus. S. LADISL. Decret. lib. III. cap. 7. conf. ad §. 13. not. d. §. 20. not. u.

x.) VADIVM, idem est, quod vadimonium, adeoque pignus, seu fideiussio, de quo. ad §. 8. not. p. & ad §. 141. not. o) conf. du FRESNE Glossario vocab. Vadimonium Vadium.

y.) DENS pro dente, oculus pro oculo, iure exigebatur diuino Exod. XXI. v. 24. Iure Hungarico, pœna, pro læsi conditione, decernitur.



Illa vero dixit (z) *tutorem* suæ libertatis, nomine *Gumust*. Prænominatus itaque iudex, posuit eos ad iudicium ferri candentis, dans eis *Pristaldum* nomine *Farcaſium*. Sed interea prædicta *Cboucad*, se ipsam recognoscens, confessa est, se esse ancillam *Fabiani*, ut ipse assererat. *Fabianus* vero, ipsam quidem retinuit sibi in ancillam, sed filias eius dimisit esse liberas, cum omni generatione, quæ ab illis est successura, ut quam ipse, tam omnis earum progenies utriusque, ubi voluerint manendi habeant libertatem.

§. CXCVIII. *Sabud*, & *Kereu*, impetierunt *Tinam*, de occisione *nurus* suæ sororis ipsorum, iudice *Gabriele* Archidiacono, *Farcaſio* *Pristaldo*, qui cum *Varadinum* aduenissent, taliter contuenerunt; quod *Tiuandu*, daret aduersariis suis, duas marcas, & idem *Pristaldo* satisfaceret, pro parte autem iudicis, aduersarii sui tenerentur.

§. CXCIX. *Zada*, impetiit *Tecam*, pro tribus bobus, & quindecim cubitis pannorum pro tunica & pallio, iudice *Gereone*, *Pristaldo* *Vosor*. Prædictus *Zada* portato ferro *Varadini*, combustus est.

§. CC. *Hertueg*, de villa *Hertueg*, impetiit *Gregorium* de eadem villa, dicens, quod fratrem suum interfecisset, iudice *Joachin*, *Biloto*, *Pristaldo*, *Ibrachin*. Illi autem *Varadini* taliter conuenerunt, quod tam ipsi, quam omnis posteritas eorum, in hac causa pacem haberent. *Gregorius* autem daret aduersario suo, nomine *Hertueg*, tres marcas, fertone minus, & idem *Pristaldo* satisfaceret, iudici autem Dominus *Hertueg* teneretur.

§. CCI. Comprovinciales (a) *Noui caſtri*, & horum specialiter *Cenka* de villa *Gienda*, impetiit de furto, *Petrum*, filium *Nubu* de *Qecii*, iudice *Bank*, *Pristaldo*, *Gregorio*, de villa *Peta*. Præfatus *Petrus* portato ferro, iustificatus est.

§. CCII. Comprovinciales *noui caſtri*, & horum specialiter *Buba*, de villa *Tumur*, impetiere *Matthiam*, de villa *Loch* prædio *Martim*, pro furto, iudice *Bank* Comite, *Pristaldo* *Gregorio* de villa *Peta*: *Matthias* mundatus est.

§. CCIII. *Guthfreeus* (b) Præpositus *Orodinensis*, conquestus est *Nicolao* *Palatino*, dicens; quod in prædio ecclesiæ de *Pauli*, nomine, *Heyka*, occisus esset (c) seruus ecclesiæ, per seruientem *Bodun*, filium *Michaëlis* de *Kata* nomine *Bodou*, & dato termino, præfatus *Bodun*, a *Palatino*, ubi ipse cum provincialibus suis discuteret. Itaque, retento *Pristaldo*, *Palatini* nomine, *Zuma*, discusso misit *Varadinum*, ad examen ferri candentis, ubi (d) homo ecclesiæ de *Pauli*, combustus est.

O o o

§. CCIV.

z.) TUTOR LIBERTATIS, aduocatus erat, & defensor, qui liberos liberasque, aduersus libertatis oppressores, tutabatur & defendebat. Ita, *Charta* *HENRICI Regis Franc. an. 1043.* apud du FRESNE, Vocab. Tutor.

a.) COMPROVINCIALES noui caſtri, prouinciæ, *Vjár*, coloni dicuntur. Quo nomine, *Sarofienſium Comitatum*, adpellatum fuisse olim, nonnulli, ex chartis colligunt vetustis.

b.) PRÆPOSITVRAE ORODIENSIS S. Martini, meminimus ad §. 46. not. t.

c.) Seruus ecclesiæ, a seruiente, distinguitur. Ille namque fuerat, vel glebæ adscriptus ecclesiasticæ, vel inter ecclesiæ seruitia relatus, vid. §. 20. not. u. §. 75. not. m. hic, beneficii & clientelæ nomine, eidem, ad præstandum vasallagium obstrictus. conf. §. 23. not. y.

d.) HOMINES ECCLESIAE, quorum in LEG. RIPAR. tit. 10. §. 1. seq. in CAPITVL. CAROL. M. lib. 5. c. 151. alibique passim, fit mentio, diuersæ erant conditionis. Hoc namque nomine, interdum, famuli, actores, procuratores, alique adpellantur; interdum vasalli, & clientes, qui ratione beneficii, fidem & seruitium ecclesiæ debent. vid. du FRESNE glossar. vocab. Homo conf. §. 13. not. f.

Decad. I. Monumentum V.

e.) COOP.



§. CCIV. *Richya*, de villa *Tebektou*, impetiit Dominum *Forkos*, de villa *Kemesa* pro furto, iudice *Bank Comite*, *Pristaldo Miska* de villa *Hologd*. *Forkos* portato ferro, iustificatus est.

§. CCV. *Echillen*, de villa *Bulfu*, cum prouincialibus suis impetiit conuillanum suum *Mofud*, de furto, eodem iudice & *Pristaldo*. *Mofud* iustificatus est.

§. CCVI. *Telceu*, & *Bota*, de villa *Fegyernuc*, *Mogd*, *Michodeus* & *Petrus* de villa *Asu*, item alius *Michodeus*, *Paul*, *Zacheus*, *Georgius* de villa *Schmula*, impetiere quosdam de villa *Echek*, scilicet: *Bugy*, *Vrdan*, *Potetam*, *Veus*, *Beat*, *Vtam*, dicentes, quod essent eorum (e) coofficiales, & similiter centurionatui subiecti, illi autem dixerunt non esse subiectos centurionatui, sed debitores (f) liberorum denariorum. Et hoc idem dixerunt ioubagiones castri, scilicet: *Forkos*, *Poson*, *Ipolt*, *Lucus*, *Vhusa*, *Jacob*, *Matthias*. Quos *Petrus* Comes Vicarius *Dionisii* Comitis, misit *Varadinum*, per *Pristaldum* nomine *Moys*, de villa *Heten*, vbi prænominati castrenses *Heues*, non comparuerunt præter vnum, qui dixit se vocari *Forkos*, & vnum de aduersariis, & missum esse ex parte sociorum suorum, & subterfugit iudicium ferri candentis ex parte sociorum suorum, & ex parte propria, dicens, se & socios suos, falso prænominatos villanos *Echek*, de contribulatu peciisse.

§. CCVII. Vniuersi villani *Sagu*, & vniuersi villani (g) *Haláz* de Prouincia *Naugrad*, impetierunt ioubagiones eiusdem castri, scilicet: *Gilianum*, *Michaëlem*, *Hyuan*, *Paulum*, *Vlues*, *Tinthur*, *Shubancam*, *Heráicum*, *Paulum*, *Chepanum*, *Feketem*, *Tiburcium*, *Zemerem*, de destructione rerum suarum, ad æstimationem sexaginta marcarum, iudice (h) *Bolosoy* Comite de *Naugrad*, permissione & auctoritate *Nocolai* Palatini Comitis iudicante. *Pristaldo Micou* de villa *Belk*. Prænominati ioubagiones, in termino, quem præfatus *Pristaldus* vtrique parti se dixit præfixisse, scilicet: in octaua *Joannis Baptistæ*, *Varadini* non comparuerunt.

§. CCVIII. Anno ab incarnatione Domini *Millesimo ducentesimo decimo septimo*, regnante victoriosissimo Rege *ANDREA*. *Simone* *Varadiensi* Episcopo existente, *Gyula* Comite Palatino, *Nimcha* Comite *Bichorienfi*, *Anniano* Lectore & Notario, *Bichorienses* de centurionatu *Seculzaz*, & horum præcipue *Tenken*, de villa *Ebey*, impetierunt quendam liberum hominem, nomine *Deum*, dicentes, quod eorum esset conciuis. *Deus* autem dixit se liberum esse omnino. *Nimcha* itaque comes *Bichoriensem*, ex præcepto regis eos discutens, interrogauit responsa ioubagionum *Bichoriensem*, scilicet: *Luce* *Hodnogionis*, *Petri*, *Bibac*, *Tegegu*, & aliorum. Qui cum præfatum *Deum*, & ipsi castrensem esse dixissent, posuit hoc, super iuramentum eorum, quibus iurare non audentibus, castrenses condemnauit, & prædictum *Deum* liberum esse denuntiavit, atque

e.) COOFFICIALES, ministri sunt, seu serui, centurionatibus, in quos, Hungariæ prouincias, subdiuisas fuisse, ad §. 144. not. s. expositum est, subiecti.

f.) De singulis liberis, denarii octo, olim colligebantur, qui lege *Colomanni lib. I. cap. 45.* partim abrogati, partim limitati, tutandæ libertatis nomine, pendebantur. *cap. 80.* Erant autem liberi duplicis conditionis, utpote: *indigenæ*, cum regis, tum ciuium auctoritate, libertate donati, *cap. 45.* *extranei* item, qui, & *liberi hospites*, sicuti *Slau*, dicebantur, perficiendarum operarum causa, in agrum Hungaricum, demigrantes. *cap. 80.*

g.) Superat hodieum vicus *Halázi*, orientali *Ipola* margine, in Comitatu *Neogradensi*, modico intervallo, a *Szétsény* oppido, seiunctus. de quo illic.

h.) Floret adhuc, illustri *Comitum Balassa* stirps, in Comitatu *Neogradensi*, de qua, euolue *Notitiam Hung.* Tom. IV. in *Historia Opidi Ipoli-Gyarmath.*

i.) *PRISTAL.*



atque per *Joancham* Comitem, (i) *Pristaldum* regis, præsentibus prænominatis castri ioubagionibus, libertatem eius nobis fecit contestari.

§. CCIX. *Sol*, filius *Salomonis*, litigauit cum (k) *Abbate* de monasterio *Gabrielis Jobem*, de quinque capitibus hominum, tribus viris & duabus mulieribus, coram *Simone* Varadiensi episcopo, & quibusdam canonicis eius, *Martino* & *Vidone*, & coram *Nuncha* comite Bichorienfi, dicens illos, quod sui iuris essent, econtra præsatus *Abbas* asseruit eosdem, quod soror ipsius, *Sol* nomine *Sebe*, sub tali titulo ecclesiae *Gabrielis* dimisisset, ut vnus illorum nomine *Choloz* (l) seruiret ecclesiae *Sancti Michaelis*, annuatim cum sexaginta panibus, vno boue trienni, tribus anseribus, quinque gallinis, & sex cubulis cereuisiae, atque denariis ad tres missas, & duæ mulieres, scilicet: *Scepa* & *Vederey*, essent lotrices eiusdem ecclesiae. Duoque viri, scilicet: *Sekur*, & *Loto-más*, liberi quidem essent, sed (m) legatarii. Prænominatus itaque iudex, scilicet: *Neuca* Comes, posuit hanc causam super iuramentum *Decani*, de supradicta ecclesia, & fratris illius, quem aduersarius eligeret, & de comprouincialibus testibus super iuramentum *Joachin* de *Lazdu*. Qui cum parati essent iurare super (n) sepulchrum *Sancti Ladislai* Regis coram *Paulo* sacerdote, coram *Tumpa* & *Sidrac*, Archidiaconis & aliis. Supradictus *Sol*, adiurare eos recusauit, præsente *Pristaldo* nomine *Thoma* filio *Stephani* de territorio Bichorienfi.

§. CCX. *Detusa*, de villa *Sárus*, impetiit conuillanum suum nomine *Detreh*, de combustionem domus suæ, & de furto, quos *Petrus* curialis Comes, *Dionysii* Regiæ Maiestatis (o) camerarii ex præcepto Domini sui discutiens, misit *Varadinum* ad iudicium ferri candentis per *Pristaldum* *Sidizlou* nomine, *Detreh* itaque portato ferro *Varadini*, iustificatus est.

§. CCXI. *Helg*, de territorio Bichorienfi, impetiit *Petrum* & *Paulum*, filios *Botb* *Hodnogionis*, dicens, quod cum urgente necessitate, ad prædium illorum, cum tribus libertinorum capitibus confugisset, & postea cessante aduersitate, ad terram natalem redire disponderet, illi tres libertinos illos ab eo violenter abstulissent. Qui cum hoc se fecisse negassent, *Nuncha* Comes Bichorienfis

O O O 2

i.) PRISTALDVS REGIS quinam fuerit, indicatum est ad §. I. not. 6. Munere hoc, non solum nobiles, verum Comites etiam, defunctos fuisse, ex hoc loco euidenter elucet.

k.) ABBATIA S. GABRIELIS, in Varadiensi Diocesi, floruit circa annum 1217. PETRVS PÁZMÁNY *Append. II. p. 107.* MARTIN. SZENTIVANY *Dissert. Paralip. Catalog. 34.*

l.) Diuersa erant seruorum ecclesiae munia. Quidam enim glebæ fuerant adscripti, §. 203. not. y. quidam, in animæ refrigerium, ecclesiae donati, & *Du-jenici* dicti, §. 132. quidam, inter cœnobii ministeria relati, §. 7. not. m. Secundi generis est *Choloz*; tertii, *Scepa* & *Vederey*, monasterii *Gabrielis* lotrices.

m.) Sicuti legatarie sunt, res ac prædia, monasteriis, aliisque, mortis nomine, donata, FVLCVINVS de *gestis Abbatum Leobienſium*, cap. 4. ita, legatarii, personæ, cum liberæ, tum dominicæ potestati subiectæ, in quorum bonis, post mortem, ecclesiae, vel alteri, cui legantur, *mortarium*, id est, ius, in bonis demortui, competebar.

n.) IVSIVRANDVM, quod *Varadini*, ad sepulchrum S. *Ladislai* fiebat, contractatis sancti regis reliquiis, præstatur. vid. §. 110. not. b.

o.) CAMERARII dignitas est in palatio regio, cui CAMERAE regiæ, id est, *The-sauri* seu reddituum, & cimeliorum regis, cura incumberebat. Dignitate hac, ornatus erat magister IPPOLITVS CASTELLANVS de Arua, regnante CAROLO I. vid. *Decretum an. 1342.*

p.) De



*choriensis*, per Pristaldum nomine *Benedictum*, de villa *Vduori*, misit illos *Varadinum*: vbi præmemoratus *Helg*, portato ferro, iustificatus est.

§. CCXII. (p) Ministri Regis de prouincia *Zabolch*, scilicet: *Ina*, *Elea*, *Nicolaus*, *Forcos*, *Tomas*, *Isaac*, *Bol*, *Joannes*, *Absolon*, *Petur*, *Paul*, *Fequete*, *Primus*, *Egidius*, Archidiaconus, *Peth*, *Poufa*, *Ferqued*, *Leustach*, omnes isti cum cognatis suis, item populis *Agriensis* ecclesiæ, præterea curialis Comes de *Zabolch*, impetiere de furto *Dorcum*, de villa *Bala*, *Benedictum* & *Paulum*, de villa *Bulcan*, *Degam*, de villa *Petri*, *Homdeum*, de villa *Nanas*, & feruum eius nomine, *Marcellum*. Iudicibus *Banc*, & *Benedicto* comitibus, Pristaldo *Myska*, de villa *Hologd*. Prædictus *Homdoy* & feruus eius, *Marcellus*, portato ferro iustificati sunt. Alii vero non comparuerunt, & iudices rescripserunt, eos haberi pro condemnatis.

§. CCXIII. Comprouinciales de *Zabolch*, & horum specialiter *Paulus* & *Petrus* de villa *Eibe*, impetierunt *Homodeum*, de villa *Bolth*, de latrocinio, iudice *Banc* Comite, Pristaldo *Mysca* præfato, prædictus *Homoderus*, portato ferro, iustificatus est.

§. CCXIV. Comprouinciales de *Zabolch* & horum specialiter *Tump*, de villa *Petur*, impetierunt *Nicolaum*, *Beufam*, *Mantam*, *Joannem*, *Geyfam*, *Botonam*, & *Egidium*, de villa *Cyequen*, de furto, iudicibus *Banco* & *Benedicto*, Pristaldis *Myska* & *Sbazlon*. Ex illis *Manta* & *Joannes*, portato ferro, ad (q) solutionem non exiuerunt de Ecclesia, præterea prædicti *Geyfa*, *Botona*, & *Egidius*, combusti sunt. Præfati vero *Nicolaus* & *Beufa*, in dato termino, *Varadini* non comparuerunt.

§. CCXV. Comprouinciales de *Zabolch*, & horum specialiter *Ela*, de villa *Tbolna*, impetierunt *Bacam*. de villa *Tam*, de furto, iudicibus *Banc* & *Benedicto* comitibus, Pristaldis *Miska*, & *Sbazlou*, prædictus *Baka*, portato ferro combustus est.

§. CCXVI. Comprouinciales de *Zabolch*, & horum specialiter *Georgius* de villa *Vtholm*, impetiere de furto, *Jacobum*, de villa *Onuz*, & *Mocyodum*, de villa *Nanas*, iudicibus *Banc* & *Benedicto*, Pristaldis *Miska* & *Sbazlou*. Prædictus *Jacob* in dato termino non venit in locum. *Mocyod* vero, portato ferro, ante solutionem manus, fugit.

§. CCXVII. Cum quidam *Coloman* nomine, de villa *Vlozyghaz* assereret coram *Banco* comite, quod *Muboltum*, de villa *Shyub* quinque villæ impetiissent de furto. Quidam *Petrus*, de villa *Shazta* negauit ex parte quinque villarum, eundem *Mobultum* impetitum esse de furto. Præfatus itaque iudex misit prædictum *Colomannum* & *Petrum*, ad *Proudum*, vbi *Petrus* stetit ad iudicium ferri candentis, *Colomanus* autem non comparuit, & iudex mandauit per Pristaldum suum, nomine *Joannem* de *Bichor*, prædictum *Colomanum* haberi pro condemnato.

§. CCXVIII. *Cuta*, de villa *Sur*, impetiit conuillanum suum, scilicet: *Fintur* de furto. Prædictus *Fintur*, portato ferro iustificatus est. Iudicibus *Banc*, & *Benedicto*. Pristaldis *Misca* & *Sbazlou*.

§. CCXIX.

p.) De ministris regis dictum est, ad §. 83. not. c. §. 96. not. i. de populis ecclesiæ, ad §. 127. not. r. de ciuibus vero castri, ad §. 133. not. b.

q.) Ad solutionem, manus non exiuerunt de ecclesia. conf. §. 216. Nam, inuoluebatur, vel pannis, vel linteis, atque inuolucrum illud, sigillo Capituli obsignabatur: ne, seu magiæ naturali, seu dolo malo, fieret locus.

r.) Mona-



§. CCXIX. *Furcug*, & *Vilma*, de villa *Tam*, impetiit *Paulum* de furto, de villa *Nanas*, iudicibus *Banko* & *Benedicto*, *Pristaldis Miska* & *Sbazlou*. Præfatus *Paulus*, in dato termino *Varadini* non comparuit, & iudex habuit pro condemnato.

§. CCXX. *Teka*, de villa *Vod*, (cum) comprouincialibus de *Zobolch*, impetiit, *Kebeket* & *Bodolt* de villa *Zunuchy*, de furto, iudicibus *Banc* & *Benedicto*, *Pristaldis Miska* & *Sbazlou*. Prædicti fures *Kebeket* & *Bodol*, in dato termino *Varadini* non comparuerunt, & iudex habuit eos pro condemnatis.

§. CCXXI. *Nicolaus*, de villa *Erdei*, impetiit dominum *Ibad*, seruum (r) *Monasterii de Taplucya Miscocii*, de damno duarum marcarum, iudice *Banc*, *Pristaldo Gregorio* de villa *Petur*, qui *Varadini* taliter conuenerunt: quod *Ibad* daret vnum bouem & tres (s) pensas, *Nicolao*, & idem satisfaceret *Pristaldo*, dando marcam & dimidiam, & *Pristaldus* iudici satisfaceret.

§. CCXXII. *Nicolaus*, de villa *Ereded*, impetiit conuillanum suum, nomine *Shaman* de furto, coadiuuantibus comprouincialibus suis, iudice *Banc*, *Pristaldo Gregorio* prædicto. *Shama* portato ferro, iustificatus est.

§. CCXXIII. *Suda*, de villa *Gegy*, coadiuuantibus comprouincialibus suis, impetiit *Michaëlem* ioubagionem ecclesiæ *Debruenfis* de furto, iudice *Banc*, *Pristaldo Gregorio* prædicto. *Michaël*, portato ferro, iustificatus est.

§. CCXXIV. *Ibad*, de villa *Lad*, (cum) comprouincialibus suis, impetiit *Torsam*, de *Nylos* de furto, iudice *Banc*, *Pristaldo Gregorio* prædicto. Præfatus *Torsa*, ad solutionem manus non exiuit de ecclesia.

§. CCXXV. *Vrman*, de villa *Erdei*, impetiit conuillanam suam, scilicet: vxorem *Batur*, pro adulterio. Iudice eorum *Madian*, & iudice *Archidiacono Petro*, *Pristaldo Huldeg* de eadem villa, qui *Varadini*, pro bono pacis taliter conuenerunt: quod vxor *Batur*, iudicibus satisfaceret, *Vrman* vero *Pristaldo*.

§. CCXXVI. *Simon*, de villa *Gyad*, *Teca*, de villa *Tata*, impetierunt *Andream*, de villa *Seuryegu*, pro quinquaginta marcis, iudice *Nicolao Palatino* comite, *Pristaldo Ereded*. Prædictorum homines, scilicet: *Simonis*, & *Teke*, portato ferro, combusti sunt.

§. CCXXVII. *Laurentius*, de villa *Katay*, litigauit cum *Daniele*, *Petro*, & *Laurentio*, de villa *Dingonogu*, pro triginta marcis, iudice *Nicolao Palatino*, *Pristaldo Poufa*, de villa *Libicy*. Homo prædicti *Laurentii* de *Kata*, portato ferro, iustificatus est.

§. CCXXVIII. *Sumuracus*, (t) *Pofonienfis* comes, coram iudice delegato a rege, scilicet: *Aguz* comite, litigauit cum decem & octo hominibus, de villa *Sbut* (u) pro quindecim marcis, quos *Aguz* comes iudicans per *Pristaldum Tolnam*, de villa *Sen Niclous*, misit *Varadinum* ad candens ferrum, vbi homo prædicti *Sumuraci* comitis, nomine *Zakens*, portato ferro, iustificatus est.

P p p

§. CCXXIX.

r.) Monasterium de *Tapolrza*, penes *Miskoltzinum*, de quo, ad §. 41. not. o.

s.) De pensa. lege ad §. 16. not. p.

t.) *SVMVRACVS*, inter *Comites Pofonienfes*, ad annum millesimum ducentisimum septimum & decimum, §. 208. adeoque ad *ANDREAE II.* regimen est referendus.

u.) Villam *Sbut*, in *Cituorum* insula, quam *die Schütt* Germani, *Csalló-köz* Hungari adpellant, stetisse; sicuti *Sen Niclous*, in vicino *Mofonienfi* Comitatu, ex locorum hodiernorum cognomine, potest colligi.

Decad. I. Monumentum V.



§. CCXXIX. *Borokun*, filius *Gynle*, impetiit quosdam *Dusnicos* (vv) de villa *Jouan*, ad ecclesiam sancti *Petri* in eadem villa attinentes: scilicet: *Obuganum*, *Thecum*, *Cbemam*, *Cbemzam*, *Michaëlem*, *Petrum*, *Latamasum*, *Martinum*, *Cbedam*, & *Cozmam*, dicens, quod cum sint *Dusnici* a genere eius, scilicet: *Johan* manumissi, contra ipsum tamen superbiant. Illi autem responderunt, se *Dusnicos* quidem esse a præfato *Johan* cum terra sua dimissos, sed eundem *Johan* nulla consanguinitatis linea ad ipsum, videlicet *Borocum* pertinere, & ita se ipsos nullo penitus dominio, eidem *Borocum* esse obnoxios. *Banc* igitur comes de *Burg*, posuit super iuramentum *Martini*, & *Foncbukae* cognatorum *Borokun*, & super iuramentum duorum finitimorum, quos aduersarii eligerent, & misit vtramque partem *Varadinum*, per *Pristaldum* nomine *Stephanum*, de genere *Zachu* de villa *Berenta*, vt illis quatuor ibi iurantibus, memoratum *Johan* esse genus *Borokun*, constaret. Dato itaque eis termino in *Dominica*, factus est, nominati *Dusnici*, cum *Pristaldo* ipsorum *Stephano*, prænominatos testes, adiurati fuere *Varadini*; sed prædicti testes, non comparuerunt, præfatus tamen aduersarius, misso (x) seruiente, dixit eos fuisse citatos ad regem, & ideo ad terminum non potuisse venire. Dato item secundo termino, venit prænominatus aduersarius, & sicut prius per seruientem, ita per se ipsum dixit, iam dictos testes citatos esse ad (y) regem, & ideo ad terminum non potuisse venire. Sed cum hoc præfato iudici falsum esse constitit, præfatum *Borokun* condemnauit, & prænominatos *Dusnicos*, cum terra eorum iustificandos esse, secundum præscriptam assertionem eorum, & *Pristaldum* suum, testimonio capituli *Varadinensis*, fecit condemnari.

§. CCXXX. *Comprouinciales* noui castrî, & horum specialiter *Borz*, *Guzza Quere*, de villa *Alexandri*, impetierunt seruientem *Egidii*, de villa *Petur*, nomine *Kochum*, de furto, iudice *Banc*, *Pristaldo Gregorio*, de villa *Petur*. *Robus*, portato ferro, mundatus est.

§. CCXXXI. Tota villa *Tumr*, impetiit *Martinum*, filium *Mochou*, de genere *Beli Bani*, de damno quindecim marcarum, & de occisione duorum hominum, iudice *Banc*, *Pristaldo Alberto*, de villa *Nobcodi*, qui in loco taliter conuenerunt. Quod prædictus *Martinus*, persolueret septem marcas prædictæ villæ *Tumr*. Idem *Martinus* satisfaceret iudici; *Pristaldo* vero, villa *Tumr* satisfacere teneretur.

§. CCXXXII. *Petrus*, de villa *Gyon*, impetiit conuillanum suum *Domini* *Segym*, de occisione cognati sui per violentiam, iudicibus *Barraba* comite, *Magistro Fila*, *Pristaldo Omodoi*. *Seegyun*, portato ferro *Varadini*, iustificatus est.

§. CCXXXIII.

vv.) *DUSNICOS*, seruos fuisse ecclesiæ, testamento datos, obseruatum est ad §. 132. not. a. Ceterum, vox *Dusnik*, origine *Slauica* est *Sarmatisaue*; a *Dusse*, quod animam significat; nam, fiebant omnino ecclesiæ obnoxii, ab heris suis, vt remedio essent anima mortuorum. Nescio, annon, & a *Dluznik*, hoc est, *Debitor*, vnde *Dusnik*, eliso elemento, deriuare queam.

x.) Seruiens, hoc loco, non militem, sed famulum, seu pedisequum liberum, denotat. vid ad §. 23. not. y.

y.) Ante *BELAM III.* causæ quorumvis nobilium, coram rege examinabantur, in quorum conspectum, omnes promiscue admitti, ea de causa, solebant. *M. ROGERIVS*, in *Epistola in Carmen miserabile*, apud *Thürbiczium* cap. 6. p. 180. Abrogauit morem eum, *BELA III.* petitionum ac precum formulis, atque duobus precum ministris, *Referendarios* vulgo dicunt, institutis, *BONFINIVS*, Dec. II. Lib. VII. initio, p. 270, 40. *MATTHIAS* *Coruinus* postea, non tam lege perlata, quam popularitatis studio, ritum eum reduxit quodammodo, a sequentis regibus, iterum iterumque antiquatum.

z.) Sicut



§. CCXXXIII. *Mornic*, de villa *Baro* impetiit quendam nomine *Becum*, sine manibus de damno quinque marcarum, iudice *Gyula* comite Palatino, *Pristaldo Bertolom.* Homo *Mouricini*, portato ferro, iustificatus est.

§. CCXXXIV. *Agya*, & *Dionysius* comites, impetierunt ioubagiones *Priuarti*, qui sunt in villa *Vodozt*, scilicet: *Vs*, *Pascham*, *Leustacium*, *Petrum*, *Chekam*, *Scendu*, *Paulum*, *Bedur*, *Schechni*, *Rodum*, & *Sthanum*, dicentes, quod furati essent pecuniam matris ipsorum; quibus rem negantibus, *Smaragdus* comes, ex præcepto Regis *Andrea*: discutiens per *Pristaldum*, nomine *Andream*, de villa *Zumlun*, misit *Varadinum*. Vbi prædicti comites, candentis ferri subterfugerunt iudicium, dicentes, aduersarios suos iustos esse, & quod ipsi ignoranter eos impetiissent de furto; *Priuartus* autem & ioubagiones eius, pro bono pacis & intuitu cognationis, dimiserunt *Agye* & *Dionysio* comitibus debitum (z) talionis, in quantum ad ipsos attinet.

§. CCXXXV. *Michael*, *Paulus*, & *Zoulat*, dixerunt se teneri *Agye*, & *Dionysio* comitibus, in triginta marcis argenti, & debere decem persolvere in die *Ramis palmarum* (a), & alias decem, in festo *Ascensionis*, tertio decem, in festo *Joannis Baptista*.

§. CCXXXVI. *Cusid*, vxor *Dominici*, de villa *Sanctæ Crucis*, portato ferro contra *Ananiam* conuillanum suum, ostendit se non esse veneficam, iudice *Paldus* vicearchidiacono de *Zounuk*, *Pristaldo Laurentio*, de villa *Detreb*.

§. CCXXXVII. *Boncia*, de villa *Firu*, impetiit generum suum *Somham*, & matrem eiusdem, scilicet: *Rugam*, & Fratrem *Rugæ*, scilicet: *Moncau*, de suffocatione (b) sororis suæ, videlicet ipsius *Bontia*, iudice *Mica* comite, *Pristaldo Bartholomæo* de villa *Nyec*. Qui *Varadini* taliter conuenerunt, quod *Somha* habetur pro homicida, & *Ruga* persolueret quinque marcas fertone minus, vsque festum *Sancti Georgii*, & idem satisfaceret *Pristaldo*, partem vero iudicis *Boncia* persolueret.

§. CCXXXVIII. *Muncu*, de villa *Beruei*, impetiit conuillanum suum, scilicet: *Vidam*, de consensu & participatione atque prodicione rei furtiuæ, iudice *Villico* ipsorum, scilicet: *Vulchi*, *Pristaldo Lotomas*, de eadem villa; alium quoque de villa *Margneta*, nomine *Vulchim*, impetiit idem *Munc* de furto, *Pristaldo Herrico*, iudice *Tumpa* curiali comite de *Zounuc*. *Varadini* autem portato ferro, & *Vida*, & *Munc*, iustificati sunt.

§. CCXXXIX. *Simoun*, de villa *Semec*, vt ipse dixit de se, *Pristaldus Joannis* curialis comitis de *Bichor*, vt item de se dixit, contestatus est ex parte præfati comitis, & *Tupsa*, *Biloti Bichoriensis*, quod *Varou*, filius *Korochi* de villa *Iraz*, citatus a conuillano so nomine *Hyued*, & item a *Jacobo*, *Alberto*, *Teodoro*, *Forcost*, *Pentek*, *Guntu*, *Kemedu*, *Vruz*, *Chicou*, quod de villa *Sari*, pro furto (c) septies ante præfatos iudices, & ante prædecessores *Joannis*

P p p 2

comitis

z.) Sicuti talionis poena, poenam reciprocam, ita talionis debitum, debitum reciprocum, seu vicarium, vel reciprocum poenæ genus significat. conf. du FRESNE Glossar. voce Talionis poena.

a.) DOMINICA Palmarum, seu in ramis palmarum, denominationem ex textu accepit euangelico.

b.) Præter cardialgicas, hystericas, vterinas, & quæ punientium manu accidunt, suffocationes violentas; obseruantur in Hungaria, inter Serbios, aliasque gentes, nocturnæ Vampirorum suffocationes, quo nomine, exsanguium in sepulchro cadauerum, vmbra, intelliguntur. Sed de Vampiriis, viderint alii.

c.) TRINAM forensem proclamationem, tum demum adhibitam fuisse: quum septies ad iudicium citatus, non comparuisset, ex hac §. luculenter colligitur.

d.) Pro.



comitis non venisset; *Joannes* itaque curialis comes, & *Tupsa Bilotus*, ipsum furti reum condemnassent.

§. CCXL. *Andreas*, filius *Scerben*, dicens se habere votum eundi *Jerosolimam*, & nunquam inde reverti, absoluit (d) uxorem suam, dans ei nubendi licentiam alii marito, & dans ei duo capita hominum. Vxor autem sua contestata est per fratrem suum *Stephanum*, absoluisse maritum suum a coniugio suo, & ab omni dote omnique debito, in quo maritus eius ei tenebatur, asserens se contentam esse, duobus illis capitibus hominum, quos maritus suus ei contulit.

§. CCXLI. *Tuno*, & *Legyn*, castrenses *Bichorienses*, de villa *Gyan*, coadiuvantibus *Luca*, Principe exercitus, & *Matthia* centurione, impetierunt libertinos *Forkos* & *Kelemen*, scilicet: *Iseput*, *Bulsubut*, *Chimont*, *Sasbat*, *Meduet*, *Ilobarut*, hos omnes cum filiis suis. Item, *Belad*, *Egidut*, *Tadeusut*, pro conciuibus suis. *Kelemen* autem & *Forcos*, dixerunt eosdem iuos esse libertinos, & accepto iudice a domino rege *ANDREA*, *Smaragdo* comite, & *Pristaldo Julia*, filio *Vaca*, inter multos adduxerunt *Micam* comitem, in testimonium, cuius testimonio, cum præfatus iudex esset contentus, ex præcepto regis, posuit super iuramentum ipsius *Mica* comitis, ut scilicet: ipso super sepulchrum *Sancti Ladislai regis* iurante, prænominati libertini, prænominatis *Kelemen* & *Forcos*, redderentur. Cumque *Mica* comes staret ad sanctum sepulchrum iuraturus, prædicti castrenses reconciliati sunt, cum *Kelemen* & *Forcos*, ita scilicet: quod ipsi reddiderunt prænominatos libertinos præfatis *Kelemen* & *Forcos*, scilicet: in puritate promissa; compromiserunt enim *Kelemen* & *Forcos*, quod receptos libertinos suos, in inferiorem conditionis ordinem non deprimerent, sed in eodem statu, scilicet: libertinorum retinerent, generaliter de ipsis quoque castrensis alia ablata, non requirerent.

§. CCXLII. Vniuersus *Varadinensis Ecclesiæ* conuentus, vniuersis, præfentes literas inspecturis, salutem in Domino. Anno Domini Millesimo *Ducesimo Decimo sexto*, in septimana *Omnis terra*, *Farcaſius* filius *Gyama*, veniens cum *Martino* de villa *Guerdei*, *Pristaldo Gyula* comitis Palatini, ad iudicium ferri candentis, contra *Martinum* de villa *Zobolſu*, raptorem scilicet: filia suæ, & contra coadiutores illius, stetit per totam septimanam illam, sed nullus de aduersariis suis comparuit, præter quendam nomine *Scegium*, qui se nobis & postea iudici coadiutorem præfati *Martini* fuisse confessus, exoculatus est. Memoratus itaque *Farcaſius* ad præfatum iudicem reuersus, renuntiavit cum *Pristaldo* suo, aduersarios suos ad iudicium ferri non venisse: iudex igitur condemnauit illos. Nam per eundem *Pristaldum* suum, & *Farcaſium*, tales nobis remisit literas. *Gyula DEI* gratia (e) comes Palatinus, cuncto capitulo *Varadinensis Ecclesiæ* salutem & dilectionem. Notificamus vobis, quod aduersarii *Forcos*, quorum nomina hæc sunt: *Mortun*, *Zobolchi*, cum seruiantibus eorum, *Moruc*, *Joanus*, *Niclous*, *Stephan*, & frater eius *Joud*, & seruus suus *Scimad*, *Gyomoltb*, *Tyod*, *Petka*, & unus germanus eorum *Bena*, *Gyurg*, *Mogud*,

d.) Proficiscentibus in *Palastinam*, propter votum ultra marinum, ad liberandam terram sanctam, diuortium ad thorum, iure conceditur Canonico, c. ex multa. §. In tanta. de *Vot. & Voti redempt.* per ingressum autem religionis, etiam quoad vinculum. *Conc. Trid. sess. 24. can. 6. c. ex publico 7. de Conuers. Conjug.*

e.) De castrensis, vid. ad §. II. not. y. de principe exercitus ad §. 133. not. d. de centurione ad §. 110. not. g. de libertinis autem ad §. 208. not. g.



*Mogud*, *Abel*, *Olberth*, & seruiens suus *Chyma*, *Matthaus*, *Cecur*, *Scenter*, *Abram*, *Vece*, *Toluoy*, *Buc*, *Scumud*, in præsentia nostra remanserunt, & eos ferrum leuare in locum *Varadinum* misimus, quos termino præfixo, *Pristaldus* noster non dixit venisse: quod, si verum est, & vos scitis, quod prædicti homines ibi non fuerint, iam dicti *Farcaſii* causam literis assignate, & omnes prænominatos remansisse. Nos autem, sicut prædiximus, huius rei testes sumus, quod prænominati homines, in prædicta septimana, *Omnis terra*, *Varadini* non comparuerunt, præter iam dictum *Scegiu*.

§. CCXLIII. *Paul*, de villa *Beltuk*, impetiit omnes *Flandrenſes* (f) de *Batar*, pro occisione fratris sui *Benedicti*. Quod, cum prædicti *Flandrenſes* non diffiterentur, sed dicerent se illum in latrocinio occidisse; *Eſau* comes de *Hugoſa*, ex præcepto regis discutiens, per *Pristaldum*, nomine, *Martinum*, misit *Varadinum* ad candentis ferri iudicium; vbi *Paul* portato ferro, iustificatus est.

§. CCXLIV. *Pouſa*, requisiuit duos seruos vxoris suæ, filiæ *Hudus* comitis, scilicet: *Tutan*: & filium eius *Lucam*, coram *Neuka* comite *Bichoriensi* a *Canonicis* de *Sancto Protomartyre*: illi autem dixerunt, eosdem seruos donatos esse ab vxore ipsius, pro (g) remedio animæ prioris mariti sui, scilicet: *Boc*. Præfatus itaque iudex posuit super iuramentum vxoris *Pouſa*, quod scilicet: ipsa iuraret cum duobus filiis suis in ecclesia *Sancti Protomartyris*, & illos seruos positos in eadem ecclesia auderet educere de ecclesia. Assignato itaque termino, præfata mulier, cum filiis suis non venit, neque procuratorem (h) causæ suæ misit. Præmemoratus itaque iudex, condemnauit eam, & maritum eius *Pouſam*, & per *Pristaldum* nomine *Samam*, de villa *Burſa*, nobis contestari, & præſenti pagina fecit æternari.

§. CCXLV. *Michael*, filius *Deda*, impetiit *Vitalem*, de genere *Aba*, (i) dicens, quod per filium ipsius passus esset damnum, ad æſtimationem duarum

Q q q

marca-

f.) FLANDRENSES, e Flandria oriundi, iidem sunt, quos THÚROTZIVS Chron. P. II. cap. 22. RHENENSES nominat.

g.) Pro remedio animæ, serui, *Dufenici* vocabantur. §. 132. de quibus sæpius dictum.

h.) Quem *Hungari*, causæ Procuratorem adpellant, *Patronus*, vel *Aduocatus* apud Romanos dicebatur. Procuratores enim ærarii, aurariarum, officinarumque præfecti erant, ad quos, vel ærarii, vel aurarium, vel baphiorum, ceterarumque rerum, cura, pertinebat. vid. SAMVEL PITISCVS *Lexico Antiquit. Roman.* voce *Procarator*.

i.) Ex peruetusto genere de ABA, illustris de REDE stirps, succreuit: sicuti nobis, MICHAEL TELEKI de Szék S. R. I. Comes, Hungariæ & Transilvaniæ rerum peritissimus, ex diplomatibus demonstravit. Scilicet: prostant inclytæ familiæ de REDE litteræ gentilitiæ, quibus, in iudiciis, iure postliminii institutis, euicta est illustris stirpis, ex genere ABA, origo. Testantur id litteræ, Dominarum Annæ & Claræ, de genere ABA diuisionales, a LADISLAO Duce Apuliæ, & regni Hungariæ Palatino, exhibitæ. Hinc, regnante CAROLO I. tres, ex genere ABA florere: *Petrus*, cui CAROLVS I. anno 1338. nundinarum priuilegium, & anno 1340. iu *Zélyio*, venationis loco, donationem super possessione T. concessit. *Demetrius*, cui, idem rex, nundinarum hebdomadalium peræque priuilegium, in oppido T. anno 1330. largitus est; & *Magister Nicolaus*, Petri de genere ABA, filius, quod indicat, CAROLI I. priuilegium nundinarum, in possessione T. in comitatu T. anno 1338. datum, priuilegium item iuris gladii, Ordinum regni nomine, eidem *Nicolao* tributum. Hos vero, ex *Vitali*, de genere ABA, & ex eodem, illustrem de REDE stirpem, prognatam esse, pronum est colligere. Suffragantur litteræ precum, pro animabus familiæ REDEI vtriusque sexus, anno 1456. con-



marcarum & dimidiæ coram arbitris, videlicet, *Duda*, *Petro*, & *Tugza*, de villa *Vnga*. Qui discutientes eos, miserunt per *Pristaldum*, nomine *Zekei*, ad examen ferri candentis *Varadinum*, vbi homo prædicti *Vitalis*, portato ferro iustificatus est.

§. CCXLVI. *Roma*, de villa *Beu*, impetiit *Paulum*, de villa *Numcbuny*, de damno vnus marcæ & dimidiæ, quos (k) *Laurentius*, iudex curiæ, & Comes *Nitriensis* discutiens, misit per *Pristaldum*, nomine *Petrum*, de villa *Kér*, ad examen ferri candentis *Varadinum*: vbi homo *Romæ*, portato ferro, mundatus est.

§. CCXLVII. *Zabaria*, filio *Joannis*, de villa *Jarum*, sine omni hærede mortuo, vxor eius nupsit *Mico* filio *Nicolai*, qui *Mico* & *Paulus* frater vxoris eius, traxerunt in causam nominatum *Joannem*, & fratrem ipsius *Iromom* sacerdotem, pro dotaliciis, præfatæ mulieris, ante *Alexandrum* (l) *Varadiensem* Episcopum. Ipse autem eandem causam delegauit *Stephano* Archidiacono & *Oeconomo* (m) suo, debito fine decidendam. Illi vero coram illo constituti responderunt: se dotes illas totaliter perfoluisse coram idoneis testibus, de prouincia ipsorum: quod, cum iam dicti actores negarent; *Joannes*, & *Iromus* iussi sunt testes suos exhibere. Quibus exhibitis, præfatus iudex delegatus, posuit super iuramentum ipsius *Joannis*, & *Iromi*, & præterea decem testium, scilicet: *Lodi*, Abbatis de *Cholt*, (n) *Hesce*, de villa *Carol*, *Apae*, *Micæ*, *Joannis*, *Dominici* & *Balad*, de genere *Borsa*, *Leonardi*, de genere *Zuord*, *Beliamin*, sacerdotis, de villa *Zigholm*, & *Pauli* comitis de genere *Smagardi*, qui omnes, cum ad sepulchrum *S. Ladislai* regis iuraturi accessissent, sæpe iam dicti actores non ausi sunt eos adiurare, scilicet: aduersarios suos, pro iustis dimittendis: pacem eorum, interuentu amicorum, impetrarunt, præfente *Pristaldo* ipsius causæ, *Beniamin* Vicearchidiacono de villa *Nadan*.

§. CCXLVIII. Multitudo castrensiū de *Bursod*, & quidam ioubagiones (o) eiusdem castri, scilicet: *Petrus*, & *Colman*, vociferati sunt, contra *Demetrium*

---

scriptæ, & summi Romanorum Pontificis delictorum venia, *Paulo* de *Rède*, eiusdemque filio *Johanni*, sicut & consorti, ceterisque prolibus ac hæredibus, concessa.

k.) *LAVRENTII*, iudicis Curie & *Nitriensis* Comitibus, nulla fit in *JONGELLINI Catalogo Iudicum Curie*, ad calcem *Monarch. Hungar. de REVA*, mentio. Inferendus itaque est iisdem, & inter *DOMINICVM*, anno 1190. atque *MARCELLVM*, an. 1221. iudices Curie, ad annum 1217. referendus.

l.) *ALEXANDRVM* Præfulem *Varadiensem*, ab anno 1220. ad annum 1235. floruisse, obseruat. *MARTIN SZENTIVANY Dissert. Paralip. catalog. 22.*

m.) Vt, in vnaquaque ecclesia cathedrali, *OECONOMVS* e clero illius ecclesiæ, eligendus, institueretur; statutum est, in concilio *Chalcedonensi*, can. 22. & *Nicano II. can. 11.* ne cura rerum reddituumque ecclesiasticorum, Episcopos, Presbyteros & Clericos, a diuinorum officiorum executione, quodammodo auocaret. Qui, non tantum ecclesiarum bona, superstiti Episcopo administrabat, sed etiam illo excedente e viuis, eorum curam gerebat, de iis, Episcopo successorum rationem redditurus. *Concil. Chalcedonens. can. 25. Concil. Valentin. can. 2. Synod. Spalensis II. can. 9. Toletan. IV. cap. 47.* Id autem muneris fuit *Archidiaconorum*, de quibus ad §. 249. Confer. Actor. cap. VI. ver. 2. seqq.

n.) *Abbatia* de *CHOLT*, quæ anno 1217. floruit, cuiusnam fuerit ordinis, incertum esse scribit, *Cardin. PÁZMÁNY Append. II. p. 107.* & *MARTINVS SZENTIVANY Dissert. Paralip. Catal.*

o.) *Joubagiones* exemptos, bellatores castri fuisse, ostensum est, ad §. 80. not. 2. §. 179. not. p.

p.) *Tho-*



trium comitem ipsorum, Regi ANDREAE, dicentes, quod iniustis iudiciis, & indebitis exactionibus eos aggrauasset; praefatus autem comes, negavit hoc, quin imo adiecit, quod illi multa ei damna & iniurias intulissent, & hoc ipsum omnes alii ioubagiones, tam exempti, quam *liberi Sancti Regis*, & quadraginta homines de castrensibus, astruxerunt. Memoratus itaque Rex, delegavit causam eorum, *Thomae* (p) Agriensi Episcopo, & *Salomoni* (q) *Bano* decidendam. Qui verbis utriusque partis diligenter inquisitis, posuerunt super iuramentum comitis *Demetrii*, ut praestito sacramento, probaret se in nullo populum suum aggrauasse, immo per contrarium, sibi eundem populum iniuriam & damnum intulisse. Cum itaque comes, & *Demetrius* paratus esset iurare, memorati aduersarii se ipsos recognoscentes, non ausi sunt ipsum adiuurare, & coram *Pristaldo* huius causae, nomine *Bar de villa Harca*, reddiderunt se culpabiles, & damnum comitis sui restaurare compromiserunt. Comes vero eorum, ad preces nostras indulgit eis, ut tantum duas marcas, & dimidiam, de toto damno suo ei persoluerent. Nominati quoque duo ioubagiones, carcerem intrare tenerentur, ibi, quoadusque vellet comes, moraturi.

§. CCXLIX. Castrenses de *Orod*, scilicet: *Matthias*, & *Sorlondam*, impetierunt coram (r) *Desiderio* Episcopo, iudice a Rege ANDREA delegato, *Nicolaum* Archidiaconum & canonicum Chanadiensem, dicentes, quod terram eorum nomine *Bursorog*, violenter occupasset; ille autem respondit, eandem terram, titulo emptionis possedisse, dicens, quod quidam liber homo, nomine *Kelemen*, filius *Vgni*, eam sibi vendidisset. Qui, cum adductus ante iudicem eandem terram eidem *Nicolao* Archidiacono se vendidisse non negaret; sed eam haereditariam sibi astrueret constanter, iussus est a praefato iudice, ferum candens, contra memoratos castrenses *Varadini* portare, quo portato, iustificatus est.

§. CCL. *Stephanus*, de villa *Thepa*, cepit seruum fugitiuum suum, nomine *Morodeku*, apud *Bensam*, de villa *Tura*, qui *Bensa* respondit eundem seruum fuisse sororis suae, nouercae ipsius *Stephani*, coram arbitris scilicet: *Dominico Comite*, & *Belus*; sed cum neutra pars sufficiens testimonium posset adducere, nominati iudices, per *Pristaldum*, nomine *Albertum*, ad examen ferri candentis miserunt *Varadinum*, ubi talis inter eos facta est conuentio; quod praefatus *Stephanus*, praefato *Bensa* daret, viginti & duo pondera, *Bensa* vero, & seruum fugitiuum redderet, & nihil de cognatione serui illius a *Stephano* requireret.

Q q q 2

§. CCLI

p.) THOMAS I. Agriensis Praesul anno 1217. regnante ANDREA II. Episcopatu praefuit. quod ad MART. SZENTIVANY *Dissert. Paralipom. Catal. Episcop. Agriens. p. 69* addendum est.

q.) Cuius provinciae Banus fuerit *Salomon*, regnante ANDREA II. diuinari nequit. Plures namque tum Banatus, fuere in Hungaria, regnorum Croatia Dalmatia & Slauonia primus; secundus Bosnia; tertius Sirmii. Quorum prior in Regni, posterior in Ducatus conditionem transit; quartus Machouiensis, Regis & Ordinum Regni auctoritate, & quintus Seueriensis, Turcorum impetu, abrogatus. vid. SZENTIVANY l. c. *Catalog. 99. p. 227. 228.* Ab hoc, Comitatu, *Temesváriensi*, axioma BANATVS, haesit, nusquam adhuc lege publica, adfirmatum, quae Comitatum hucusque adpellauerunt.

r.) DESIDERIVM, Csanadiensis ecclesiae episcopum fuisse, euidentibus ex causis, colligitur. Huius enim nominis Praesulem, anno 1222. Csanadini, neque alibi, vixisse, cum ex clausula Decreti ANDREAE II. tum ex chartis vetustis, cognoscitur. vid. MART. SZENTIVANY l. c. *Catal. 23.* Adde, historiam nostram, Comit. Csanadiensis, Partis special. Memb. I. §. V. num. IV.

s.) Simon



§. CCLI. *Marcha*, de *Scylli*, impetiit *Dedum*, de villa *Tbepe*, pro clandestina traductione duorum seruorum ipsius, valentium sex marcas, coram *Stephano*, comite de *Zobolch*. Qui discutiens eos misit ad examen ferri candentis *Varadinum*, vbi prænominatus *Dedus*, portato ferro, mundatus est. *Pristaldo Pous*, de villa *Paul* existente.

§. CCLII. Domina *Paulia*, vxor *Perrus*, cum requisivisset a fratre suo, *Custodia* sacerdote, ancillam suam *Marguetam*, & ille non redderet eam, dicens, illam esse suam. *Joachin*, iudex ex præcepto (s) *Simonis Varadinensis* Episcopi, posuit eos ad iudicium ferri candentis, qui præsentem *Saph Pristaldo* eorum, taliter conuenerunt; quod Domina *Paulia* daret fratri suo, *Custodiae* sacerdoti, marcâ vnam. Ille autem daret ei ancillam, nomine *Huldbol*, pro *Marguetâ*; quia *Marguetam* dederat marito, & non potuit eam separare de iure a viro suo, & dare forori suæ.

§. CCLIII. *Gyobou*, *Gabrian*, *Buda*, *Tencus*, *Niclo*, ioubagiones castri *Zounuc*, impetierunt quendam nomine *Angelus*, de villa *Gyou*, filium *Durji*, fratrem *Martini*, & *Mica*, dicentes, quod eorum esset contribulis, & castri *Zounuc* ioubagio. Ille autem contendebat se filium (t) *Latini* hospitis esse & absolute liberum, & (u) defendebat eum *Petrus* conuillanus eius. Tunc *Poul*, curialis Comes de *Zounuc*, ex præcepto Domini sui *Smaragdi* comitis, eos discutiens ad (vv) *Praudam* per *Pristaldum* nomine *Georgium*, de villa *Babud*, misit *Varadinum*. Vbi cum esset prædictus *Angelus*, portare ferrum paratus, quidam nomine *Lengeii*, vt ipse dixit, de villa *Zumtou*, ex parte prænominatorum ioubagionum se ad hoc missum asserens, iudicio ferri candentis renunciauit, dicens, præfatos ioubagiones, per ipsum mandasse, quod supra dictum *Angelum*, de coniobagionatu iniuste impetivissent.

§. CCLIV. Castrenses de *Clus*, de (x) centurionatu *Agad*, scilicet: *Sunad*, *Vardou*, *Apa*, & alii, coadiuuantibus eos ioubagionibus eiusdem castri, scilicet: *Egeben*, Principe exercitus, *Isaac* centurione, *Beda* *Hadnogy*, *Bela* & *Vadasa*, impetierunt quosdam ioubagiones, *Nicus*, filii *Nidus*, scilicet: *Vedam*, & fratrem eius *Hyscem*, dicentes eos suos esse conciuies. Illi autem dixerunt se esse liberos omnino, & adduxerunt defensorem libertatis eorum videlicet: *Stephanum*, de villa *Natztha*. *Christophorus* itaque, Comes de *Clus*, per

s.) *SIMON* Varadiensis Præsul, legum doctor alibi nominatur. conf. *MART. SZENTIVÁNY* l. c. *Catal.* 22.

t.) *LATINORVM* nomine, Italos intelligi, cognoscitur ex *THVRÓTZII. Chron.* P. II. cap. 22. & *S. LADISLAI Decr. lib. I. cap. 31.*

u.) Quando nullus aduena, sine fideiussore in ciuitatem recipiebatur Hungaricam: *COLOM. Decret. Lib. I. cap. 4.* fideiussorem, adesse oportuit, vel aduocatum, qui hospitem defendebat libertatem. conf. ad §. 197. not. u.

vv.) *IUDICIUM* ad *PRAVDAM*, idem videtur fuisse, quod iudicium priuatum, in quo, iudex, causas litigantium, simpliciter, sine vlllo iudicario ordine, & sine testibus, ad solam actoris reique fidem interpositam, discutiēbat: iudicii priuati apud *Francos*, quod cum iudicio ad *Praudam*, conuenire videtur, meminit *DAGOBERTVS* in *Charta pro Monast. S. Dionisi*. Est autem vocabulum *PRAVDA*, *Slauicum*, quod veritatem, quin & iustum iudicium quandoque significat: vt in ea phrasi: *Podle Pravdy saudit*, id est: iudicare ex æquo & iusto, vt proum sit estimare, iudicii hoc genus, a *Slauis*, gente, æqui ac recti studiosissima, nostros accepisse.

x.) *Hungariam*, in Comitatus, & Comitatum, in centuriatus, pro census ratione, fuisse subdiuisam, ex *COLOMANNI Lib. II. cap. 79.* elucet. Hinc, qui Comitatus præerat, Comes, qui centurionatus, Centurio dicebatur. conf. ad §. 110. not. g. §. 147. not. a.

y.) Præ-



per Pristaldum nomine *Ela*, de villa *Zupur* misit eos ad candens ferrum *Varadinum*, quo *Nicus*, & ioubagiones eius, cum defensore libertatis, eorum & *Pristaldo*, venerunt stare iudicio. Aduersarii autem eorum non comparuerunt, nec per aliquem excusationem miserunt. *Nicus* itaque ad iudicem reuersus, iustitiam sibi de aduersariis fieri postulavit, quos iniustam impetitionem suam confitentes, iudex præfatus per iam dictum *Pristaldum*, mittens *Varadinum* iniustitiam suam conuentui fecit protestari, venientes enim *Bela*, *Vadasa*, & *Vardon*, pro semetipsis & pro coadiutoribus suis, vt ipsi dixerunt confessi sunt, prænominatos ioubagiones, *Nicus*, non esse suos conciuēs, sed iniuste illos esse impetitos.

§. CCLV. Paul Comes (y) venatorum impetiit *Feberam*, de villa *Solumus*, pro veneficio, iudice *Nicolao* vicearchidiacono de *Zatmar*, *Pristaldo* *Joanne*. *Febera*, itaque, portato ferro, *Varadini* iustificata est.

§. CCLVI. *Buchud*, de villa *Janust*, impetiit *Mecam*, de villa *Genta*, pro furto, *Paulo* curiali Comite de *Bichor*, & *Teca* Biloto, iudicibus, *Pristaldo* nomine *Vosos*, de villa *Janust*. *Meca* itaque, portato ferro *Varadini*, iustificata est.

§. CCLVII. *Matbel* impetiit, Dominam *Genuruch*, de veneficio, iudice *Nicolao*, (z) comite Transilvani Episcopi, ex præcepto Domini sui, *Pristaldo* *Mada*. *Matbel* vero renuntiauit *Varadini* iudicio candentis ferri.

§. CCLVIII. *Bosur* (a) Archipræco *Békesiensis*, de villa *Ica*, dum poneret rationem ex consuetudine sui officii de (b) bobus regiis, dixit se à *Joanne*, Præcone, de villa *Sceneu*, quattuor boues nondum accepisse. Ille autem dixit se eis scilicet *Bosur* dedisse. Iudice *Damiano* curiali comite de *Békes*. *Bosur* itaque, iudicio ferri candentis conuictus est.

§. CCLXIX. *Bothsa* curialis comes sancti Protomartyris, impetiit duos ioubagiones *Laurentii*, scilicet: *Paulum*, & *Kemam*, de bobus furtim ablati, & ostensa præsumptione, scilicet: carnibus in domibus illorum copio-

R r r

se

y.) Præcipua in palatio Regum Hungariæ dignitas fuerat, comitis venatorum: sicuti apud Francos, quatuor principales, venatores regii. vid *Chartam* *HENRICI Imp. an. 1014.* apud *VGHELLVM tom. IV. p. 1008.*

z.) Comes curialis episcopi Transilvaniæ est intelligendus. Quo nomine, curiæ episcopi præfectus, & aulicorum iudex iudicatur. conf. ad §. 6. not. l. §. 9. not. b.

a.) Prætoris vices interdum subibat præco, quod elucet, ex *SPECVL. SAXONIC. Lib. 3. art. 55.* Super vitam Bannitorum condemnatorum, nullus, nisi verus præco iudicabit; interdum, prætore erat inferior. Sicuti *GAUTERIVS* de bellis Antiochenis p. 443. Dux igitur Vicecomitem ad se vocari iubet, Vicecomes, Pratorem, Prator, Praconem, Praco iudicem. cet. Anne vero, accepta hoc sensu voce præconis, archipræco, idem sit, qui *őreg biró*, id est prator superior, præco autem, qui apud Hungaros *kis biró*, iudex inferior, aliis disquirendum omittimus.

b.) Reges Hungariæ, priuatam habuisse, ex re pecuaria oeconomiam, non minus ex hoc, quam ex 167. §. vbi bubalorum regionum fit mentio, luculenter patet. conf. legem *ANDR. II. art. 15.* de equis, art. 22. de porcis regiis. Ceterum, boues, quorum hoc loco fit mentio, regii, ii sunt, qui tributis, vel doni nomine, regi, ex quolibet castro, & comitatu, vt peculio regio, dabantur. Elucet id ex *ANDR. II. art. 29.* Comites, iure comitatus sui tantum fruuntur, cetera ad regem pertinentia, scilicet, cibiones, tributa, boues, & duas partes castrorum, rex obtineat. Ita *Siculi*, *Cumani*, & *Jazyges*, peculio adiecti regio, propterea, quod rem exercebant pecuariam, bouem vnum, nascente filio regio, pro familiarum domuumque numero, regi mittebant. *ISTVÁNEIVS Hist. Lib. IV. p. m. 53.*

Decad. I. Monumentum V.

c.) MEDIA-



se inuentis. *Nuetlen*, curialis comes de *Bichor*, sine talione, vt *Pristaldus* dixit, nomine *Lucas*, misit *Varadinum*, vbi *Paulus* iustificatus est. *Kema* vero confugit ad ecclesiam.

§. CCLX. *Rabina*, impetiit conuillanum suum, *Zaman*, de villa *Huruat*, pro furtiuo dolabro, iudicibus *Gabriele* Biloto, & *Sebe* curiali comite de *Carasna*, *Pristaldo Cuca*, *Varadini Rabina* subterfugit iudicium ferri candentis, dicens se iniuste *Zamam* impetiisse.

§. CCLXI. *Golsa*, de villa *Ban*, impetiit conuillanum suum, *Sedun*, de combustionem domus, & damno sex marcarum, iudice *Aggya* comite de *Carasna*, *Pristaldo Luca*, de villa *Kouácbi*. *Sedun* itaque portato ferro *Varadini*, iustificatus est.

§. CCLXII. *Georgius*, de villa *Bubt*, coadiuuante eum *Simone* sacerdote de villa *S. Martini*, impetiit *Micoum*, de villa *Katar*, de violento raptu filie suæ *Margarethæ*, & hoc ipsum illa astruxit; *Micou* vero dixit illam uxorem suam legitime ductam esse, & habere nuncium (c) mediatorem, nomine *Desc*. Qui cum fateretur se fuisse mediatorem & adduxisset super hoc & ipse quosdam testes, *Oltuman* Archidiaconus de *Zatbmar*, per *Pristaldum* nomine *Ecbireb*, misit *Varadinum*, vt *Desc* portaret ferrum, vbi taliter conuenerunt, quod prædicta mulier, redderetur a patre suo Domino *Micou* in uxorem, *Desc* satisfaceret iudici, *Georgius* *Pristaldo*.

§. CCLXIII. *Dema*, de villa *Solumus*, impetiit *Vrbani*, de villa *Gyon-ta* de furto, iudicibus *Paulo* curiali comite de *Bichor*, & *Teca* Biloto, *Pristaldo Honos*. *Vrbani* itaque *Varadini* combustus est.

§. CCLXIV. *Clemens*, comes filius *Haben*, impetiit quosdam castrenses scilicet: *Odun*, *Thomam*, *Thomum*, & *Ecust*, pro duabus marcis. Iudice *Codaba* centurione illorum, *Pristaldo Comad*, Prænominati itaque *Castrenses* *Varadini* iustificati sunt.

§. CCLXV. *Kalad*, de villa *Gest*, cepit aliquot oues suas apud *Betum*, de villa *Scecul*, dicens, triginta & vnam oues se amisisse per furtum; *Beta* autem dixit se emisse a *Masa*, de villa *Sorou*. Quos *Mica* comes *Bicoriensis*, & *Teca* Bilotus, discutiens per *Pristaldum* nomine *Hoils*, miserunt *Varadinum*. Vbi *Masa* portato ferro, combustus est.

§. CCLXVI. *Simon*, filius *Zela*, frater *Sebastiani*, comitis, impetiit *Libertinos*, *Ina*, & *Jouanc*, filiorum *Joannis*, scilicet: *Budam*, *Checham*, *Checlen*, *Pousam Dan* & *Dubam*, de furto, & ipsos dominos eorum, fautores & protectores esse furum. (d) *Banc* itaque *Palatinus Comes*, misit eos *Varadinum* vt, pro *Ina* & *Jobanc*, quattuor de genere ipsorum, quos *Simon* eligeret, iurarent ibi quod ipsi nescirent, *Juan* & *Jobanc* confocios furum, & defensores esse. Ipsi autem ad locum non venerunt, sed (e) excusatorem mittentes, di-

xerunt

c.) MEDIATOR, idem, qui præ, & sponfor, inter coniuges, cum nuptiarum conciliatore, non est confundendus. du FRESNE glossar. voce Mediator. Hungaris, *Náfnagy* hodie dicitur.

d.) BÁNKO sive BÁNK, regni Hungariæ Palatinus & comes *Köiönienfis*, ad annum 1221. apud JONGELINUM in *Catalogo Palat.* f. 153. locatur. conf. §. 48.

e.) Hoc loco, non reus, sed rei procurator, qui reum, vel a crimine, vel a iudicii contemptu, propter absentiam, excusabat, est intelligendus. Hinc excusati, iidem, qui in iudicio absoluti, vel libere dimissi, rei, dicebantur. du FRESNE glossar. vocab. excusare.

f.) EXER.



xertunt se esse in (f) exercitu & ideo *Varadinum* non potuisse venire; prædicti vero libertini, nec ipsi comparuerunt nec excusatorem absentiae miserunt. Quod cum præfatus iudex rescivisset, missis litteris suis per *Pristaldum* suum, nomine *Laurentium*, de villa *Libeci*, mandavit illos libertinos pro condemnatis describi; & factum est ita.

§. CCLXVII. *Zounuc*, impetiit *Gallum*, & *Valentinum*, de decem marcis, iudice *Simiragdo*, comite. *Pristaldo Chikou*, *Gallus* itaque combustus est, *Valentinus* autem iustificatus.

§. CCLXVIII. *Dirsig*, de villa *Dirsig*, impetiit *Georgium*, filium *Ponota*. Item *Gyulam*, & *Forcos*, filios *Casti*, de violentia. Iudice *Agya* comite de *Carasna*, *Pristaldo Lépe*. homo itaque *Dirsig*, portato ferro *Varadini*, iustificatus est.

§. CCLXIX. *Andreas*, de villa *Vitan*, impetiit *Georgium* ioubagionem *Tpoliti*, de villa *Hlap*, dicens; quod cum *Georgius* prius ioubagio ipsius fuerat, duodecim marcas pro causa eius, scilicet: *Georgius* expenderit, quos *Paul*, curialis comes de *Bichor*, ad iudicium ferri candentis per *Pristaldum* nomine *Gyugea* misit *Varadinum*: ubi taliter conuenerunt; quod *Tpolitus* daret *Andree*, pro iobagione suo, tres fertones, & capitulo quattuor pondera, & dimidium, & idem *Tpolitus* pro eodem *Georgio*, iudici satisfaceret, *Pristaldo* autem *Andreas* teneretur.

§. CCLXX. *Joannes*, de villa *Vansud*, impetiit *Andream* conuillanum suum, & *Tumen*, de villa *Guizar*, & *Georgium*, de villa *Viloc*, seruum *Samsonis* de combustionem domorum suarum, & matris suæ, cum sex capitibus hominum, iudice *Mice* Comite *Bichoriensi*, *Pristaldo* nomine *Don*, de villa *Gurba*. *Georgius* itaque portato ferro *Varadini* iustificatus est; *Andreas* vero, & *Tumen* sentientes se combustos esse, (g) confugerunt ad ecclesiam.

§. CCLXXI. *Mortun*, de villa *Dyuna*, accusauit conuillanum suum *Petrum*, de furto, iudice *Heym*, comite de *Borsoba*, *Pristaldo Milostb*, filio *Albei*. *Petrus* itaque *Varadini* portato ferro, iustificatus est.

§. CCLXXII. *Quidol*, de villa *Gyan*, impetiit *Tumpam* conuillanum suum de furto. Iudicibus *Mica* comite de *Bichor*, & *Teca Biloto*, *Pristaldo Halalus*, de villa *Sceuleus*. *Tumpa* itaque *Varadini*, iustificatus est.

§. CCLXXIII. *Stephanus*, de villa *Terepes*, impetiit conuillanam suam, nomine *Dedubam*, & filiam suam, scilicet: *Penam*, & filium suum *Pousam*, de maleficio. Iudicibus *Abel*, Archidiacono de *Herdeud*, & *Job* comite affessore, *Pristaldo Toma* de *Herdeud*. *Deduba* & *Pena* & *Pousa* portato ferro, iustificata est.

§. CCLXXIV. *Paulo*, filio *Hecy*, furtim bos est sublati, quem dum investigasset, inuenit in domo *Vnica* de villa *Dufunie*, prædio monasterii sancti *Joannis Baptista*, qui *Vnica* citatus ad iudicem cum conuillanis suis, absoluit

R r r 2

con-

f.) EXERCITVS nomine, nobilium indicantur banderia. Namque, exercitum debere, dicuntur vasalli: cum dominorum expeditionibus bellicis, interesse, ac pro iis dimicare tenentur. GARIELLVS in Episcop. Magalon. p. 276. Exercitum faciant D. Regi, sicut & ceteri, de parte regia.

g.) Adparet hinc, sacrum hunc ignem, quo candescebat ferrum, non in atrio, multo minus in ipso templo, sed extus, forte intra ambitum cœmeterii, locum habuisse; ubi prænsari portarique debuit. Inde vero, qui se combustos sentiebant, in ecclesia capiebant perfugium, dum litem, qua ceciderunt, cum aduersariis, per *Pristaldum*, dirimerent.

h.) Obser.



conuillanos suos, & statuit quendam nomine *Egiud*, de villa *Tatbarii*, prædio *Michaëlis*, dicens, quod ille cognatus suus esset, & ipse declinans in domum suam, ex consuetudine consanguinitatis, adduxisset illuc bovem illum. Quod cum ille negaret, *Demetrius*, curialis comes de *Bichor*, & *Tupsa* bilotus, per *Pristaldum*, nomine *Cozmam*, miserunt ad ferrum iudicabile *Varadinum*. Vbi *Egyud*, portato ferro, combustus est.

§. CCLXXV. *Boynuc*, de villa *Vofuarii*, impetiit generum suum, nomine *Tecus*, de villa *Catar*, pro occisione vxoris suæ, sororis scilicet eius. Iudicibus *Hisce*, curiali comite de *Zatbmár*, & *Gabriele*, Vicearchidiacono, *Pristaldo Forcos*, de villa *Gylian*, *Tecus* portato ferro, combustus est.

§. CCLXXVI. *Sama*, castrensis de *Zounuc*, de villa *Sugu*, impetiit *Pousam*, filium *Pauli*, de villa *Zolos*, dicens, illum quod suus esset conciuus, & vt ipse *Sama*, & *Pristaldus* suus *Abfolon*, dixerunt, iuuerunt ipsum *Samam* in hoc ioubagiones castri *Zounuc*; sed solus *Sama* fuit in executionem huius causæ *Varadini*. Ille autem dixit se esse liberum & *Teutonicum* genere, quos *Angelus* curialis comes de *Zounuc*, per prædictum *Pristaldum* misit *Varadinum*. Vbi præfatus *Sama* subterfugit candentis ferri iudicium, dicens, quod falso impetiisset *Pousam* pro suo conciuie.

§. CCLXXVII. *Varou*, de villa *Petri*, dum quidam mercatores falis de prouincia *Zala*, cepissent bouem apud eum pro furtiuo & (h) *Tributarii* reginæ, causam mercatorum illorum tenendam suscepissent. Iudice *Angelo*, curiali comite de *Zounuc*, *Pristaldo Rogero*. *Varou* missus a præfato iudice *Varadinum*, venit cum suo *Pristaldo*, *Aduersarii* eius non venerunt.

§. CCLXXVIII. *Vitalis*, de villa *Vedu*, impetiit *Saulem* de villa *Fegyerunc*, pro furto. Iudice *Mica* comite, *Pristaldo Zouislou*, de villa *Tulka*, *Saul* combustus est.

§. CCLXXIX. *Forcos*, de villa *Tauarnuc*, impetiit conuillanum suum *Suka*, pro furto, iudice *Iseph* (i) *Tauarnicorum* curiali comite, *Pristaldo Petus* de villa *Chemey*. *Suka* portato ferro, iustificatus est.

§. CCLXXX. *Tomas*, *Buga* & *Sumug* impetierunt, *Syguert*, *Scemus*, & *Votam*, de duabus marcis & vno fertone, iudice *Martino*, filio *Tumpæ* comitis, *Pristaldo Bratus*. *Scemus*, & *Vota* portato ferro, pro se & *Sigvert*, iustificati sunt.

§. CCLXXXI.

h.) Observat *CVIACIVS ad tit. Cod. de Agriculis*, censitis, & colonis *Lib. II.* tributarios esse adscriptitios, id est capitis censum siue capitationem præstare solitos: colonos vero non esse tributarios; licet redditus certos & pensiones, domino terræ præstant in pecunia, vel in speciebus, pro solo. Aevo medio, tributarii seu tributares, coloni erant liberi, obnoxii licet conditionis: vt qui ad tributa & seruales operas tenerentur. Hinc, in *LEGE SALICA tit. 43. §. 8.* & in *Recapitulat. ejusdem legis §. c. 4.* vetus Gallie incola, *Romanus* dicitur tributarius, scilicet, Francorum respectu, qui, ab omni tributo erant immunes. Apud Hungaros tamen, tributarii idem erant, qui *publicani*, & *vestigialiarii*, seu *teleniatores*, & *tricesimatores*. *SIGISM. Decret. VI. ad an. 1435. art. 22. 23.* *VLADISL. Decret. I. ad an. 1492. art. 87.* qui, pro dominorum in bonis diuersitate, alii erant regis, alii reginæ, alii comitum, nobiliumque tributarii. vid. *leges COLOM. Lib. I. art. 78. 82.* *SIGISMVNDI* item & *VLADISLAI II. l. c.* In diplomatibus certe regum Hungariæ, *vestigal*, *naulum*, *portorium*, *Tributum* dici solet.

i.) COMES CVRIALIS *Tauarnicorum* a Magistro *Tauernicorum* regionum, probe est distinguendus. Hic namque inter *Barones* regni connumeratus, summam in regios, vel reginales *Tauernicos*, potestatem exercuit *LVDOVIC. I. Decret. art. 25.* illum, subalterna præditum auctoritate, ius *Tauernicis* regis dixisse, ex §. hac colligitur.

k.) Dici.



§. CCLXXXI. Vilmos, & Temes, de villa Burs, impetierunt conuillanos suos, Scieum & Fitam pro quattuor marcis. Iudice curiali comite Episcopi Varadinensis, Pristaldo Deken. Scicus, & Fita iustificati sunt.

§. CCLXXXII. Joubagiones Petri, filii Pou, scilicet: Bulsu, Echi, Sce-mera, Loctu, Cbeka, Suluc, Michaël, cum missi essent pro latrocinio, Abeym iudice eorum, Varadinum ad iudicium ferri candentis, per Pristaldum nomine Catonem, dato termino in septimana: Dominus fortitudo: non venerunt; sed Petrus, Dominus illorum, tulit literas ex parte Abeym iudicis eorum, in quibus iuebatur Pristaldo, quod differet causam illam ad festum Sancti Regis, ad regem.

§. CCLXXXIII. Demetrius, de villa Nazalas, impetiit Joancam, de villa Simonis, & Vrbanum, de villa Ebes, dicens, quod cum Gloten suam, mortuo marito suo recepissent, etiam pecuniam suam, triginta marcas valentem, ei abstulissent. Quos Simeon Voiauoda, per Pristaldum nomine Andrean, de villa Cbengua, ad iudicium ferri candentis misit Varadinum, vbi taliter conuenerunt, quod Joanca, & Vrbanus, de tribus, quas acceperat redderet Demetrio vnam (k) Pedisequam, nomine Jobacecu, & seruum nomine Muncam. Gloti autem suæ traderent pedisequam, nomine Ticuram, & idem Pristaldo satisfaceret. Iudici autem Demetrius teneretur, pro (l) Dotalitiis vero, glotis Demetrii, nullus a modo, cum Demetrio agere posset, sed esset omnino absolutus, & si aliquis requireret, Joanca, frater glotis suæ, & Vrbanus maritus eius, tenerentur Demetrium expedire. Præterea Demetrius dederat gloti suæ (m) æquatiam, quæ furto sublata est illi, quam si Vrbanus inuenerit, Demetrius tenetur ex condicto eum iuuare in requirendo, si Vrbanus requisierit.

§. CCLXXXIV. Nouerunt vniuersi, quod Antonius, de villa Zupur, cum esset citatus Varadinum, ad candentis ferri iudicium, dato termino in septimana Dominus fortitudo, Salamone comite de Nitra, iudice a rege delegato, Pristaldo Nicolao, Antonius non venit, Heme vero, & Gyoma, aduersarii eius & Pristaldus venerunt.

§ § §

§. CCLXXXV.

k.) Dicitur etiam sequipes, quia alium, pedibus sequitur. ANASTASIVS, in S. Hadriano, pag. 103. quo nomine, sectatores & discipuli, interdum vocantur. Vita S. SVLPITII Pii. Episcop. Bitur. c. 6. Addebat etiam Beati sequipeda. cet. conf. ad §. 104. not. c.

l.) DOTALITIVM est merces (rectius donatio) feminarum legitime coniun-ctarum, ob debitum matrimonii, de bonis & iuribus possessionariis maritorum, iuxta status illorum exigentiam dari consueti. Si enim maritus officium Baro-natus gesserit: tunc mulier ipsa, centum marcas; sin vero Magnas, vel Baro, solo nomine fuerit, & officio Baronatus caruerit, aut insignis Nobilis, vel miles existi-terit, & quinquaginta sessiones iobagionales populosas, vel plures, habuerit: relicta eius, quinquaginta marcas, pro dote sua consequitur, marcam quamli-bet, per quatuor florenos Hungaricales, aut quadringentos denarios, præsentis monetæ, computando. Relictæ autem inferioris status & conditionis nobilium, de bonis & iuribus maritorum possessionariis, secundum magis & minus, iuxta scilicet bonorum quantitatem, æstimatione communi mediante, dotes suas re-habere poterunt. TRIPART. P. I. tit. 93. 94. conf. ad §. 139. not. q.

m.) ÆQVATIA, videtur esse æqualis ablatae rei retributio, seu compensatio: sicuti æquatio tributum erat, quod domino, pro rei æquitate præstabatur, CONCILIO TOLETAN. I. cap. 10. & æqualemtia hæreditatis, vel bonorum, per æquales partes, æqua lance, facta diuisio. MARCVLE, Lib. II. form. 14. Forge, EQVA fuit, stabulo, aut armento equino, subducta,

Desad. I. Monumentum V.

n.) CON-



§. CCLXXXV. *Georgius*, de villa *Babud*, veniens cum *Pristaldo* suo, nomine *Cubuchi*, dixit se litigasse coram *Angelo*, curiali comite de *Zornuc*, pro violenta ablatione ferui sui, cum *Somu*, de villa *Gyon*, qui *Somu* veniens in sexta feria eiusdem septimanæ, dixit, non stare se iudicio præfati iudicis in causa ista, eo quod alius esset iudex & *Pristaldus* eorum.

§. CCLXXXVI. *Egyud*, & *Smaragdus* comites, miserunt (n) contubernarium suum *Andream* & *Zomlun*, impetierunt *Laurentium*, de villa (o) *Latinorum* *Varadinensium* pro occisione feruorum eorum, iudice *Joachin* (p) *Oeconomo*, *Pristaldo Fulco* clerico; sed cum *Laurentius* paratus esset portare candens ferrum, *Andreas* renuntiavit iudicio ferri candentis, dicens illum esse innocentem.

§. CCLXXXVII. *Ægidius* de villa *Lazd*, impetiit (q) peliparium ecclesiæ, de *Igyed*, nomine *Kana*, de villa *Sasbad*, pro furto, iudice *Paulo*, curiali comite de *Bichor*, *Pristaldo Orochi*, de villa *Boðu*. *Kana*, portato ferro iustificatus est.

§. CCLXXXVIII. *Somzou*, *Sama*, *Cbegur*, de villa *Gyagya*, impetierunt quosdam, de villa *Orobag*, scilicet: *Cogy*, *Sceman*, *Ballum*, *Vros*, *Votam*, & de villa *Tuca*, *Vsam*, pro damno decem marcarum, arbitris *Georgio*, *Jano*, *Ambrosio*, *Gutbmar*, *Joachin*, *Pristaldo* autem *Bata*, in septimana *Ecce DEVS*: *Cogy*, *Scema*, *Balu*, *Vtros*, *Vota*, & *Vsa*, non venerunt; sed dominus eorum misit excusatorem, pro eis dicens, & quod ipse in prædicto termino debuit esse apud *Palatinum*, & ideo ioubagiones sui prænominati, sine ipso venire *Varadinum* non potuissent.

§. CCLXXXIX. *Beche*, de villa *Tarian*, impetiit prædictos *Balum* & *Scemam*, de damno vnus & dimidiæ marcæ, coram eisdem arbitris, & eodem existente *Pristaldo*, & eodem termino, sed vt prædictum est, *Balu* & *Scema*, non venerunt.

§. CCXC. *Volura*, litigauit cum *Petro*, dicens, quod *Petrus* debebat ei marcam vnā argenti, & cum repeteret illam, *Petrus* negasset se in aliquo ei teneri, insuper & vituperasset eum, & gladium super ipsum euaginasset. Quos *Joachin*, vicarius iudex *Ladislai* (r) comitis venatorum bubalinorum discutiens per *Pristaldum*, nomine *Stephanum*, misit *Varadinum*, vbi taliter pacificati sunt; quod *Volura* dimisit *Petro* totum quicquid requirebat, & idem ipse dabit *Petro* vnum fertonem. *Petrus* autem satisfaceret iudici & *pristaldo*, & ambo semper essent in pace.

§. CCXCI.

n.) CONTUBERNARIUS, idem, qui contubernalis, ex eodem contubernio, quod summum decem militibus constitisse dicitur. vid. GLOSSAR. RIGALTII conf. ad §. 146. not. y.

o.) LATINI *Varadienses*, hospites erant Itali, de quibus *THVRÓTZIVS Chron. P. II. cap. 22. conf. ad §. 253. not. q.*

p.) De *Oeconomo* ecclesiæ vid. ad §. 246. not. h.

q.) PELLIPARII, qui pelles parant, præparant, vendunt, Latinis sunt pelliones. Ita *Iter CAMERARII Scotie. cap. 23. Pelliparii seu pelliones -- corrumpunt pelles, sue coria in aquis.* Hinc *Fratres Pelliparii* in *Monasteriis*, quibus pellicearum *Monasticarum* cura incumberebat, in *statutis Ordinis de Sempringhan* p. 715. Inter *Archibbatie S. Benedicti* de *S. Monte Pannoniæ* ministeria, & pelliparii numerantur, conf. ad §. 7. not. m.

r.) PAVLO comiti venatorum bubalinorum, de quo §. 167. *LADISLAVS* successisse videtur.

s.) Arun-



§. CCXCI. *Misca*, *Joannes*, *Buču* & *Abraam*, filii *Bucanis* de *Boiano*, impetierunt *Joannem* filium *Opoy* de *Rabay*, & *Bichorienses* de alio *Boiano*, scilicet: *Chemem* & *Temem*, & omnes castrenses de eadem villa, dicentes, quod nullum haberent consortium cum eis, de (s) arundineto & insulis & paludibus & locis piscationis, illi econtra dixerunt se in omnibus prædictis vsibus, ex æquo esse consortes, (t) *Gyula* igitur Palatinus comes, discutiens eos per *Pristaldum* nomine *Gyurc*, filium *Moyša* de villa *Heldus*, misit ad examen ferri candentis *Varadinum*, vbi taliter conuenerunt, quod *Joannes*, & *Bichorienses*, de *Boiano*, æqualem haberent proprietatem & consortium generale de arundineto, in arundinibus & locis piscationum, cum filiis *Bučtonis*, de alio *Boiano*. Sed de insulis tantum duæ, scilicet: insula *Myskæ* & *Fecel*, quæ videlicet in interiori parte sunt arundineti prædicti *Joannis*, esset & *Bichoriensium*; aliæ vero insulæ, quæ in exteriori parte arundineti sunt filiis *Bučtonis* attinerent, in præmittendis autem extraneis, ad percipiendum aliquem vsu de arundineto sic commune ius & æquale haberent, vt neutra prædictarum villarum plures de aliis villis, sine consensu reliquæ, ad sumendum aliquid de arundineto permittendi fas haberet. De villa autem talis facta est compositio, quod quæcunque via arundinetum esset filiorum *Bučtonis*, eidem *Joannis* quoque & conuillanis eius *Bichoriensis*, sine contradictione teneretur.

§. CCXCII. *Varou*, de villa *Bud*, impetiit conuillanum suum *Emericum*, pro una marca & dimidia. Iudice *Leustachio* domino eorum, *Pristaldo Michæle*. *Varadini* taliter conuenerunt, quod *Varou* satisfaceret iudici, *Emericus* vero teneretur *Pristaldo*, & daret aduersario suo quindecim pondera.

§. CCXCIII. *Barabas*, impetiit ioubagionem *Aggya* comitis, nomine *Thomam*, dicens quod filium suum nomine *Sub*, qui fuit apud *Barrabam* in (u) seruitute pro pecunia, ipse *Thomas* furtim fugere ab eo fecisset. Quod cum *Thomas* negaret, præfatus *Aggya* discutiens per *Pristaldum* nomine *Cosmam*, misit *Varadinum* ad candentis ferri iudicium. Vbi iam dictus *Barrabas* accepit vnam marcam & fertonem a *Thoma*, & absoluit *Thomam* a causa sua, & filium eius a seruitute.

§. CCXCIV. Quidam, nomine *Luc* cum *Pristaldo* suo nomine *Santo*, veniens in septimana *Dicit Dominus*: Dixit se esse missum a iudice eorum, scilicet: *Bodum* filio *Bodum* ad portandum ferrum pro tribus marcis, contra quendam nomine *Christianum*, sed *Christianus* in prædicta septimana *Varadini* non comparuit.

§. CCXCV. *Furman*, accusatus de furto, non venit *Varadinum*, de quo tales literas misit iudex suus. (vv) Ego *Venceslaus*, DEI gratia sum Comes  
S s s 2 Zoth-

s.) Arundineta, insulæ, paludes, & loca piscationis, pertinentiarum nomine, in prædio, veniunt apud Hungaros. TRIP. P. I. tit. 24.

t.) GYULA, seu *Jula*, filius *Borz*, comes *Bodrogiensis* fuit anno 1222. Regni Hungariæ Palatinus, cui, anno 1225. post *Philippum* comitem de *Sepesujvár*, dignitas hæc, iterum fuit restituta. vid. JONGELINI Catalog. Palat. ad an. eit. Diverfusne ab eo fuerit *Gyula* comes de *Keve*, anno 1221. Iudex curiæ, de quo ad §. 87. not. l. aliis decidendum relinquimus.

u.) SERVI mercenarii, a mancipiis, de quibus ad §. 13. 20. probe sunt distinguendi. Ea namque eorum fuit apud heros conditio, quæ hodie, servorum.

vv.) Hæc est litterarum sententialium & adtestatoriarum, in iudiciis æui medii, formula apud Hungaros,

x.) Co-



Zothmariensis. *Tobol*, filius *Peta*, litigauit in præsentia mea cum *Furman* filio *Ber*, biloti *Hodosdiensis* asserendo ipsum esse furem. Iudicio inter eos constituto, misit eos ad locum *Varadinensem* per *Pristaldum Petrum*, filium *Marc. Tobol*, cum *Pristaldo* suo iuit & fuit in termino *Varadini* præfixo, sed *Furman*, contrarius suus, non iuit illuc. Istis literis nos istud addicimus, quod prænominatus *Furman*, in septimana *Exaudi Domine*, non comparuit *Varadini*, sed *Tobol* & *Pristaldus* fuerunt.

§. CCXCVI. *Forcos*, centurio, impetiit *Pousam*, filium *Matthie* de villa *Soluban* de tribus marcis, dimidia minus, violenter ablati, iudice *Nuetlen* curiali comite de *Zaránd*, *Pristaldo Jacob*, filio *Forcos*. Qui *Varadini* taliter conuenerunt, quod *Pousa* daret præfato actori vnam marcā & dimidiam, idemque iudici satisfaceret ac *Pristaldo*.

§. CCXCVII. *Nenecy*, de villa *Sum* impetiit conuillanum suum, scilicet: *Volotcu* de furto. Iudicibus *Mocud*, & *Jobanca* *Pristaldo Horogus*, filio *Suda*. *Nenecy* itaque & *Horogus*, fuerunt *Varadini* per totam septimanam *Exaudi*. *Volotcu* vero venit in die veneris, in eadem septimana, dicens, quod in sequenti septimana esset terminus ipsius.

§. CCXCVIII. *Kelian*, de villa *Beseneud*, impetiit *Budam*, *Petrum*, *Vendec*, *Borozlou*, *Poucam*, & *Buntam*, de villa *Vofian*, prædio *Simonis*, item *Pousam*, de villa *Numen*, prædio *Sebus*, de pecunia violenter ablata, iudicibus *Heymu*, (x) comite a rege dato, & *Alexandro*, *Pristaldis Minos* & *Danzlou*. *Varadini* autem talis inter eos facta est conuentio, quod *Keliano* darent aduersarii sui quinque marcas, & iudici idem satisfacerent, *Pristaldo* autem *Heim*, comiti *Kelian*, teneretur.

§. CCXCIX. *Forcos*, ioubagio *Laurentii*, de villa *Cups*, impetiit conuillanum suum *Pousam* libertinum eiusdem *Laurentii*, de combustione *Domus* & damno trium marcarum, iudice præfato *Laurentio*, *Pristaldo Gregorio* de prædicta villa. *Pousa*, portato ferro, iustificatus est.

§. CCC. Castrenses de *Carasna*, de villa *Ban*, scilicet: *Damang*, *Dub*, *Nusata*, & omnes alii de eadem villa, coadiuuante eos *Tumpa* centurione, vt *Pristaldus* astruxit, impetierunt quendam scilicet: *Jecur*, filium *Redea*, *Sol* & *Boudun*, filios *Sacicu*, *Sytecy* filium *Babuci*, dicentes, quod conciuēs essent eorum. Illi autem dixerunt, se esse liberos & genere *Ruthenos*, & adduxerunt defenforem libertatis suæ, nomine *Cbedur*, genere *Ruthenum* ioubagionem *Barnabæ*, qui dicens illos cognatos suos esse, tenuit libertatem eorum, iudice *Tupa* curiali comite de *Carasna*, *Pristaldo Donca*, de villa *Bogus*. *Cbedur* itaque portato ferro iustificatus est, probauit illos liberos esse.

§. CCCI. *Roda*, de prædio *Beken* impetiit conuillanum suum *Vreund*, de vna marca & dimidia, iudice Domina *Eufemia*, *Pristaldo Toca*. *Vreund* portato ferro, combustus est.

§. CCCII. *Micicu*, de villa *Bogus*, cum diceret (y) fideiussorem *Rusdonis* in venditione equi, qui furto sublati esse dicebatur domini *Rusdonis*. *Durfa* dixit esse maleficium, iudice *Complotto* Archidiacono de *Carasna*, *Pristalgo Buda*, de villa *Bogus*. *Micicu*, portato ferro, iustificatus est.

§. CCCIII.

x.) COMES a rege datus, iudex est delegatus; de quo ad §. 9. not. t.

y.) Rutheni, qui partim sub S. STEPHANO, partim sub ANDREA I. S. LADISLAO & COLOMANNO regibus, in Hungariam, ex Russia rubra demigrarunt. THVRÓ-TZIVS Chron. Part. I. cap. 22. Hospites sunt liberi, eadem, qua vel Slaui, vel Latini hospites, libertate donati.



§. CCCIII. *Petrus*, & *Bofu*, de *Alba*, vt *Pristaldus* dixit, impetierunt quendam de villa *Mon*, nomine *Vluen*, viginti & quinque marcis violenter ablati, & plaga gladii. Iudice *Pris*, curiali comite de *Zounuc*, *Pristaldo Forcos*, de villa *Tuka*. *Pangracii* feruiens, *Petrus*, & *Bofu*, combustus est.

§. CCCIV. Cum *Voionoda*, comes de *Doboka*, peruideret exercitum suum, quidam ex ioubagionibus eiusdem castris, nomine *Hereust*, stetit in ordine ioubagionum naturalium, qui scilicet: (z) ioubagiones *Sancti Regis* nuncupari solent. Tunc accesserunt quidam de ioubagionibus *Sancti Regis*, videlicet: *Vanoy*, & *Bocya*, & reiecerunt illum de ordine suo dicentes, quod ipse non esset de ordine & gradu ioubagionum *Sancti Regis*, & hæc idem dixerunt *Keuerug Hudunogio*, & *Kereu* ioubagiones. Prænominatus itaque comes, discutiens eos per *Pristaldum* nomine *Bocy*, de villa *Bofcu*, misit *Varadinum* ad examen ferri candentis, vbi præfati, *Vanoy*, & *Bocya*, se recognoscentes coram *Pristaldo* & *Theodoro*, qui dixit se vice *Keuerug Hudunogionis*, & *Kereu* ioubagionis venisse, coram capitulio *Varadinensi* confessi sunt, iam dictum *Hereust*, iniuste de ordine ioubagionum *Sancti Regis*, expulisse.

§. CCCV. *Vrcund*, portato ferro contra dominum *Rodam*, combustus est, iudice domina *Eufemia* & *Pristaldo Tica*.

§. CCCVI. *Miros* de villa *Dereg*, impetiit conuillanos suos, scilicet: *Elam*, *Poznanum* & *Enderem*. Item, de villa *Vndou Martinum*, & de villa *Fodot*, *Sumb* & *Scegam*. Impetiit autem de duabus marcis & dimidia. Iudice *Basu*, curiali comite de *Clus*. *Pristaldo Lka*. *Miros* portato ferro, iustificatus est.

§. CCCVII. *Pomel*, de villa *Pecbey*, impetiit vt *Pristaldus* dixit, conuillanos suos, scilicet: *Domum*, & *Tumpam*, & idem de villa *Saieu*, *Basam*, pro latrocinio, iudicibus *Tupa*, curiali comite, & *Ruben* biloto de *Crazna*. *Pristaldo Andrea*. *Basa*, & *Domus* iustificati sunt ferro portato. *Tumpa* vero non venit in septimana qua ferrum portare debuit; sed venit postea in Dominica die *Respice*, dicens, iustificatum ante iudices se, & ideo non venisse.

§. CCCVIII. *Pousa*, de villa *Nadal*, impetiit conuillanum suum, scilicet: dominum *Forcos*, pro damno quinque marcarum. Iudice *Boc*, comite, domino eorum *Pristaldo Matu*. Inter quos talis facta est conuentio, quod *Forcos* daret dimidiam marcam *Pousa*, & in tertia parte satisfaceret iudici & *Pristaldo*.

§. CCCIX. Vxor *Laurentii*, de villa *Dolman*, impetiit quosdam de villa *Colosa*, scilicet: *Naluc*, *Cecam*, & *Vid*, de furto, iudice *Neuetlen* curiali comite de *Zarand*, *Pristaldo Teca*, de villa *Seigueti*. *Vid*, portato ferro, iustificatus est. *Naluc* & *Ceca* manus non sunt inspectæ, quia sigilla eorum fracta sunt inuenta.

§. CCCX. *Virbar*, de villa *Fansol*, ioubagio *Barnaba*, impetiit Dominum *Bofz*, de villa *Ziloch*, pro furto. Iudice *Pers*, curiali comite de *Zonnuc*. *Pristaldo Sceraka*. *Bozc* portato ferro, iustificatus est.

§. CCCXI. *Deus*, filius *Sancti*, de villa inferioris *Quer*, impetiit conuillanum suum *Jobannem*, ioubagionem *Hus* pro furto. Iudice *Paulo* curiali comite de *Bichor*, *Pristaldo Gyuze*. *Joannes* portato ferro incombustam habuit manum, sed sigillum fractum.

T t t

§. CCCXII.

z.) De IOVBAGIONIBVS Sancti Regis, dictum est, ad § 146. not. vv. conf. §. 322.

Decad. I. Monumentum V.

a.) ARGHI.



§. CCCXII. *Michaël*, de villa *Musou*, impetiit *Gyuna*, de villa *Euse* pro furto. Iudice *Mica* comite de *Bichor*. *Pristaldo Micusa*, de villa *Gyoroc*. Dominus *Gyuna* combustus est.

§. CCCXIII. *Joannes*, filius *Turdis* comitis, impetiit ioubagiones ecclesiæ de *Clus*, scilicet: *Scelam*, & *Pousam* & *seruum* scilicet *Posu*, de prædio *Her*, pro latrocinio, iudice *Mica* curiali comite de *Bichor*, *Pristaldo Joanne*. *Sela* itaque & *Posu* iustificati sunt. *Pousa* combustus est.

§. CCCXIV. *Vadu*, de Otodibus filuæ *Beregu*, impetiit conuillanum suum *Vulcanum* pro occisione filie suæ per potionem. Iudice *Mescu* comite de *Beregu*, *Pristalgo Andrea*. *Vulcanus* iustificatus est.

§. CCCXV. *Martinus* (a) Archidiaconus, impetiit *Beluen*, & *Matthiam* de villa *Joubag*, & item *Gekam*, de villa *Zor*, & *Kelemen* de villa *Segu*, pro occisione filii sui, quos (b) *Nicolaus* comes Palatinus per *Pristaldum* nomine *Gougar* misit Varadinum ad candentis ferri iudicium, vbi *Kelemen*, portato ferro iustificatus est. *Belue* vero & *Matthias* taliter conuenerunt, quod darent aduersario suo viginti & quinque marcas, & iidem iudici satisfacerent & *Pristaldo*, & si compotes sui existerent, ieiunarent pro homicidio. Item *Geka* conuenit dare aduersario suo quatuor (c) marculas, & satisfacere iudici & *Pristaldo*.

§. CCCXVI. *Bolosi*, de villa *Bulkan*, coadiuuante patruo suo, scilicet: *Kyna* & aliis cognatis suis, videlicet: *Elur*, *Bot*, *Benedicto* & *Georgio*, impetierunt quosdam de alio *Bulkan*, scilicet: *Poth*, *Vilman*, *Detreb*, *Laurentium*, *Mazam* & *Thomam*, de occisione patris sui, scilicet: *Zuda*, iudice *Michaële*, curiali comite de *Zobols*, *Pristaldo Matthæo*, de villa *Bozt*. *Both* combustus est, reliqui iustificati.

§. CCCXVII. *Gyuna*, de villa *Dabra*, cœpit duos boues suos apud *Vosor* de villa *Torsa*, prædio *Angyolus*, dicens illos furto sibi sublatos. Ille respondit se emisse a quodam conuillano suo, nomine *Sogyon*. Qui cum negaret, *Vosor* impetiit alium conuillanum suum *Sumptam* nomine de fideiussione, qui cum

a.) ARCHIDIACONVS, primus inter Diaconos, Episcopi Vicarius dicitur, in ordine Romano, vt qui vices episcopi in illa diœcesi exsequitur, & ecclesiarum visitandarum curam, ipsius loco suscipiat. Ad eum olim spectabat ecclesiastica thesauri custodia, illiusque dispensatio, quod ex ISIDORO, PRUDENTIO, aliisque luculenter elucet.

b.) De NICOLAO Comite Palatino, expositum est ad §. 4. not. 1. conf. §. 321.

c.) MARCA, marcula, nomen est germanicum. Quæ tamen solidis ac denariis constiterit: non ideo tamen existimandum videtur, *Marcam* seu *marculam* fuisse numum casum ac signatum. Solidi enim & denarii, qui hic subinde recensentur, pondera sunt, quæ nusquam mutabantur. Quod de *marca* argenti atque *auri* pretio, dici non potest; id enim pro libitu Principum, minuebatur ac crescebat, pro ratione pretii, quod monetæ imponebatur. Ceterum aliud fuit, *Marca auri* aut *argenti* signati, aliud infecti prerium. Pluris enim semper valuit *Marca signata*, quam *infecta*, idque propter tributum, seu vectigal, quod Princeps ex vnaquaque monetæ signatæ, aut cusæ *marca* percipit. *Marca infecti auri* aut *argenti* duplicata, libram efficit, quæ diuiditur in 16. vncias, vncia in octo drachmas, vel 24. scrupulos, seu denarios; drachma, siquidem 24. constat denariis, & in 72. grana secatur, quorum 24. continet denarius. du FRESNE glossar. voce *Marca*. Signati metalli *marcam*, triplicem fuisse apud *Hungaros*, ex §. 3. not. g. elucet. quarum *minimam*, leuioris ponderis, quæ vnum tantum adpendit florenum, *marculam* dictam fuisse, ex hac §. est colligere.

d.) Incer-



cum & ipse negaret, *Vingizlou* comes de *Zothmar*, per *Pristaldum* nomine *Chentu*, misit *Varadinum*, ubi *Vos*, portato ferro, combustus est.

§. CCCXVIII. *Achus* & *Butba*, de villa *Chensci*, impetierunt *Gabum*, *Nicolaum*, *Tekum*, *Petrum*, & alium *Petrum* de *Humuroc*, pro latrocinio. Iudice *Paulo* curiali comite de *Bichor*, & *Biloto Cibout*, *Pristaldo Martino* de *Curmusd*. *Varadini* autem praedicti impetitores subterfugerunt iudicium ferri candentis, dicentes, se falso petiisse illos de latrocinio.

§. CCCXIX. *Mogus*, & *Scegu*, de villa *Vduori*, coadiuvantibus conuillanis eorum, impetierunt *Janum* conuillanum suum de furto. Iudice *Martino* comite. *Pristaldo Vois*. *Janus*, cum solui deberet, confugit ad ecclesiam, dicens se combustum.

§. CCCXX. *Paulus*, de villa *Zuna*, impetiit conuillanam suam, nomine *Scemam* de veneficio. Iudice *Farcasio* Archidiacono de *Zounuc*, *Pristaldo Stephano*. *Varadini Paulus* absoluit illam, spondens se satisfacere iudici. Illa vero satisfaceret *Pristaldo*, & *Capitulo*.

§. CCCXXI. Vxor *Teleguen*, & filius ejus *Cumpert*, impetierunt duos seruos *Olodarii*, videlicet: *Sal*, & *Bodun*, & duos ioubagiones *Joannis*, scilicet: *Sudan* & *Volcu*, & totidem seruientes *Beli*, scilicet: *Joannem* & *Petrum*, pro latrocinio, iudice *Nicolao* comite Palatino. *Pristaldo Philippo*, & illi quidem sex, *Varadini* portato ferro, iustificati sunt; sed praeter illos praenominati accusatores, impetierunt *Albeum*, ioubagionem *Johannis*, & Dominum *Scenezzeii*, ioubagionem *Abbatis* (d) de *Heuiuz*. Quorum *Albeus*, sentiens se esse combustum, confugit ad Ecclesiam. *Scenezzeii* vero combustus est.

§. CCCXXII. *Adam*, filius *Bolosoy*, de villa *Jeneu*, impetiit conuillanum suum nomine *Paulum*, dicens, quod unum seruum suum, nomine *Votam*, & alteram ancillam suam scilicet: *Scencam* sororem eiusdem, vi ab eo abstulisset. *Paulus* respondit, se emisse ab eo, non vi abstulisse illos, & adduci testes. Quos *Paulus* curialis comes de *Bichor*, discutiens per *Pristaldum* nomine *Ducam*, misit *Varadinum* ad iudicium ferri candentis: interea conuenerunt cum licentia iudicis, a quo etiam *Varadinum* transmissi, contestati sunt coram *Capitulo*, & *Pristaldo*, se ita conuenisse, quod *Adam* satisfaceret iudici, *Paulus* vero *Pristaldo*, & idem *Paulus* daret, *Adae* vnam marcam & dimidiam.

§. CCCXXIII. Filii ioubagionum *Sancti Regis* de villa *Gyan*, scilicet: *Tebu*, *Vnicus*, & *Matthias*, & filii ioubagionum descensum comiti persoluentium de alia *Gyan*, scilicet: *Dionis*, *Forcos*, *Joacin*, *Vruz*, *Endus*, *Fuc*, *Sypeii*, *Tsou*, & alii, & item de tertia *Gyan*, castrenses, scilicet: *Sama*, *Meckad*, *Obud*, *Medue*, *Ficed*, *Cibrian*, *Kidol*, & aliis coadiuvantibus castri *Bichorien* ioubagionibus, scilicet: *Luca* (e) Principe exercitus, *Forcasio*, filio *Symoud*, *Vros* filio *Sicon*, *Bibo* filio *Pascha*, & *Tegek* centurionibus, *Petro* quoque maiore (f) praconio, impetierunt clericum nomine *Magnum*, de eadem villa

T t t 2

filium

d.) Incertum est, cuiusnam ordinis Abbas de *Heuiuz* fuerit, vid. *Petrus Pázmány Card. in Append. ad Synod. & Szentivány Dissert. Paralip. l. c.*

e.) De Principe exercitus, videbis, ad §. 133. not. i. de Centurione, & de Maiore, ad §. 110. not. f. g. adde *Colom. Lib. III. cap. 1.*

f.) MAIOR PRAECONIO, praenatus, vel maioratus, praetor, seu iudex fuisse. ex du *Fresne glossario* colligitur.



filium *Galdu*, dicentes ipsum extorrem, nec habere aliquod (g) ius fundi nec agri. Ille autem respondit, se habere separatum ius fundi & ius agri ad tria aratra, & super hoc se iustificatum esse etiam alias, iudice (h) *Moch* comite Palatino & Bichoriensi, & *Pristaldo* nomine *Tupa* filio *Pauli* de villa *Gurbey*, quod cum aduersarii negarent, *Paulus* curialis comes de *Bichor*, ex præcepto domini sui *Mica* comitis, huius causæ iudex constitutus, iussit *Magno*, prænominatum *Pristaldum* huius causæ adducere, qui dato termino adductus & inquisitus, perhibuit testimonium iuxta omnia quæ *Magnus* assererat. Tunc aduersarii obiecerunt ei vitium falsitatis, dicentes, ipsum falsum esse *Pristaldum*. *Paulus* itaque iudex eorum præcepit (i) assessores iudicis, cuius se *Pristaldum* assererat, adducere. Dato igitur termino, adduxit *Joancam* comitem, filium *Jobannis* comitis, *Clementem*, cum fratre suo *Saul*, de genere Episcopi *Budlu*. Item alium *Clementem* de genere *Borsa*, *Germen* de villa *Sisol*, de Parochia *Sumugiensi*, *Salomonem* de ponte *Cepan*, & *Fira*, curiales comites *Dominæ Eufemiæ*, *Nicolaum* filium *Vgra*, *Pos* de villa *Vndoch*, & alios. Ex his itaque omnibus electi sunt secundum optionem aduersantium. *Jobanca*, filius *Jobannis* comitis, & *Salomon*, ut illi cum prænominato *Pristaldo* in monasterio *Vgra* iurantes, *Pristaldum* veracem esse comprobarent, ad prædictam autem ecclesiam venientes, *Pristaldo* & testibus iurare volentibus, aduersarii eorum noluerunt eos adiurare. Supradictus ergo iudex, serie totius causæ domino suo *Mica* comiti recitata, & auctoritate ipsius firmiorum accepta, sæpe iam memoratos homines de villa *Gyan*, iudiciali sententia condemnauit, & præfatum *Magnum*, in possessione terræ suæ confirmavit. Dato *Pristaldo* nomine *Dionysio* filio *Ompud*, de provincia *Zarind*, de villa *Vosian*. Ipse quoque præfatus iudex, cum eisdem aduersariis *Varadinum* deueniens, coram ipsis, *Simone* Episcopo, totique Capitulo, totam exquutionem huius causæ exaratam superius, oretenus fuit contestatus.

§. CCCXXIV. *Galaldu* & *Titoc*, de villa *Tuluoy*, item, *Ega*, de villa *Tka*, & *Teka* de villa *S. Georgii* ut *Pristaldus* dixit, nam solus *Teka* de illis fuit *Varadini* in executione huius causæ, impetierunt dominum *Bogui*, de villa *Tca*, pro homicidio. Iudice *Paulo* comite de *Bekes*, & *Pristaldo* *Pochiu*, de villa *Zucur*. *Boguir* itaque portato ferro, iustificatus est.

§. CCCXXV. *Tenlegyn*, *Trebus*, & *Vosos*, cum occisus esset quidam cognatus eorum, scilicet: *Somoc*, impetiit quosdam, scilicet: *Man* & *Budam*, de occisione illius; sed & *Pudu* & *Banalc* suspectui habiti sunt, quod & ipsi conscii occisionis extiterint. *Rachael* igitur comes de *Kuckelluu*, per *Pristaldum* nomine *Moncu*, misit *Varadinum*, ubi *Pudu* & *Banalc*, portato ferro iustificati sunt.

§. CCCXXVI. *Alexander* filius *Theodori* de *Tomoi*, impetiit *Paulum* fratrem *Heim*, de destructione trium prædiorum, id est damno sexaginta marcarum, iudice *Salomone* comite de *Bachu*, ex præcepto Regis *Andreae*, *Pristaldo* *Timodeu* de *Zala*. Homo itaque *Alexander*, portato ferro, iustificatus est.

§. CCCXXVII.

g.) EXTRANEIS omnibus, cum primis vero *Polonis* atque *Venetis*, ius fundi in agro Hungarico, lege publica negatur.

h.) *MOCH* Comitum Palatini, nulla fit in catalogo Palatinorum mentio. Post *NICOLAVM* ergo, ante *DIONYSIVM* de *Vialka*, adeoque inter annos 1228. & 1233. floruisse oportuit.

i.) ADSESSORES sunt in tribunalibus, partim supremis, partim subalternis, prætori additi iudices. VLAD. Decr. VI. art. 3. CONST. 1655. art. 51.

k.) PARO.



§. CCCXXVII. *Jacou*, filius *Pata*, impetiit *Cbekam* ioubagionem *Andreae*, de absconsione cuiusdam fugitiuæ ancillæ suæ, cum quinque marcis, & pro *Cbeka* fecit dominus suus *Andreas*. Damno itaque octo marcis (k) appretiato, *Paulus* curialis comes de *Bichor*, misit *Varadinum*, dato *Pristaldo*, nomine *Amando*, ubi homo *Jacou* portato ferro, iustificatus est.

§. CCCXXVIII. *Paul*, de villa *Sciguetii*, portato ferro iustificatus, probavit se duos equos in vadio acceptos, seruo *Mica* comitis, scilicet: *Scemel*, cum conscientia *Ereu* procuratoris, tradidisse. Iudice *Mica* comite, *Pristaldo Keue*.

§. CCCXXIX. Joubagiones de *Zoboslo*, scilicet: *Igeben*, dux (l) exercitus *Beda*, *Bela*, *Vodosa*, *Isaac* centuriones, item *Cicolou*, *Varnogio*, & *Peter* Archipreco, impetierunt *Cotlobam* & *Cepanum* de violenta occupatione terræ castri. *Cotloba* autem respondit, se terram eandem pro aliquo forefacto prius amisisse, & adepta venia, cum Rex reddi sua per *Cepanum* (m) Palatinum comitem præcepisset, nullus ei in eam terram redintranti contradixisset. *Niolaus* itaque Palatinus comes, iudex eorum, præcepit ei adducere *Pristaldum* restitutionis; & ille adduxit *Azariam*, de villa *Nechemér*, cui testimonium de restitutione perhibendi, supradicti aduersarii contradicere non audentes, condemnati sunt. Iudex itaque terram, de qua, scilicet, agebatur, prædictis *Cotlobæ* & *Cepano* fecit confirmare, dato *Pristaldo* nomine *Farcasio*, de villa *Loc*. Qui terra illa confirmata legitime, cum centurione *Isaac* nomine, qui se a sociis suis centurionibus transmissum esse perhibuit, rem gestam *Varadiensi* Capitulo contestatus, præsentibus literis fecit æternari.

§. CCCXXX. Venatores bubalorum (n) de villa *Tpu*, citauerunt filios *Gunter*, scilicet: *Anamiam*, *Azariam*, & *Michaëlem*, ante Regem *ANDREAM*, dicentes, quod terra nomine *Deudas*, iuris eorum esset, & illi violenter occupassent; Rex autem commisit causam eorum *Nicolao* comiti, scilicet, curiali & *Posoniensi*, discutiendam. Ante quem prædicti venatores se recognoscentes, confessi sunt, se præfatos fratres de terra illa iniuste impetiisse. Iudex itaque, dato *Pristaldo* nomine *Topazio*, de villa *Satar*, prædictam terram metari fecit & iam dictis fratribus confirmari. De terra autem eadem habet *Jacob*, filius *Opsa*, ius unius (o) funiculi ad dimidium aratrum. Ut autem excusatio hujus causæ sciatur a posteris, idem iudex, eodem *Pristaldo* misso & literis, coram *Mert* decurione (p) illorum venatorum, Capitulo *Varadiensi* fecit seriem hujus causæ, prædicto ordine contestari.

U u u

§. CCCXXXI.

k.) *PRETIUM*, multa est pecuniaria, homini imposita, qui alium occiderat, secundum eius destinationem, seu secundum eius natales. Hinc, appretiare est, pretium ponere vel æstimare. du *FRESNE Glossar.* vocab. *Pretiare*.

l.) De duce exercitus, conf. ad §. 147. not. z. de centurionibus, ad §. 110. not. g. de archiprecone. ad §. 258. not. x.

m.) *CHEPANVS* Hungariæ comes Palatinus de *Hedervara*, ex comite *Bachienfi*, floruit sub *ANDREA II.* anno 1206. *JONGELINVS. Catal. Palat.* p. 153. ad an. cit.

n.) De bubalorum venatoribus, euolue, ad §. 167. not. k. *Bubali*, seu *bubali*, *bussi*, boues sunt siluestres, de quibus, *ERRARDVS in gracismo c. 9.*

*Bos est camporum, bubalus est nemorum.*

*Bubalus est magnus, buculus est minimus.*

o.) *FVNICVLVS*, hoc est, diuisio quadam, quam fasciam vocant, in qua, miles quidam, habebat terra tertiam partem. Ita *Charta an. 1141.* apud du *FRESNE*, vocab. *Funiculus*.

p.) *DECVRIO*, decanus decennæ, seu decuriæ, id est, qui decem virali contubernio, vel collegio, præerat. vid. *THVRÓTZ. Chron. P. II. cap. 2.* *COLOM. Decr. lib. III. cap. 1.*

*Decad. I. Monumentum V.*

q.) *PRAECO*.



§. CCCXXXI. *Simon*, de villa *Siptul*, impetiit *Medeum*, *Farcastum* & *Ludugerum*, de villa *Botcu*, dicens, quod duas pedisequas eius, scilicet: *Mariam* & *Daragam*, & octo boues aratores, & triginta oues, & vnum equum, violenter ei abstulissent. *Tumpaica*, curialis comes (q) preconum Regis, ablata decem marcis apprecians, misit illos per *Pristaldum* nomine *Duntia*, de villa *Chegyen* ad iudicium ferri candentis *Varadinum*; vbi taliter conuenerunt, quod *Medea*, *Farcastus*, & *Ludugerus*, darent *Simoni* marcam & fertonem, & idem iudici satisfacerent, partem autem *Pristaldi* *Simon* persolueret.

§. CCCXXXII. *Cupes*, de villa *Neueg*, impetiit conuillanum suum dominum *Bubus*, de tribus fertonibus. Iudice *Apa* comite, *Pristaldo* *Peta*, de prædicta villa. *Bubus* autem, cum ferrum portare deberet, posuit (r) Corpus Domini de ore in manum, & reus est hinc iudicatus.

§. CCCXXXIII. *Antoneu*, iobagio de nouo castro, impetiit *Laurentium* & *Stephanum* de *Pon*, pro violentia & damno septem marcarum, iudice *Perro* (s) curiali comite *Reginæ*, *Pristaldo* *Acy*, de villa *Vsa*. Homo itaque *Antboneu*, portato ferro, combustus est.

§. CCCXXXIV. *Martinus*, filius *Grege*, impetiit ioubagiones *Etha*, filii *Achillis* comitis, scilicet: *Cheym*, *Tumpam*, *Olbrub*, *Olferih*, *Pacam*, *Tusam*, pro centum porcis violenter ablati. Iudice *Mica* comite de *Bichor*, *Pristaldo* *Janou*, filio *Siluestri*. *Martinus* itaque & *Pristaldus* eius in prima septimana; *Domine in tua*: fuerunt *Varadini*, prænominati autem ioubagiones non fuerunt. Sed quidam sacerdos veniens, dixit: quod dominus illorum esset in (t) curia, & sine domino eorum ipsi non essent iussi venire. *Martinus* itaque, & *Pristaldus* eius, vt ipsi dixerunt, ad iudicem præfatum redierunt, & a iudice ad nos reuersi dixerunt, quod iudex condemnauit illos, & etiam a Capitulo pro condemnatis haberi mandauit.

§. CCCXXXV. *Martinus*, filius *Cochid*, impetiit *Nunam*, de villa *Vofuarii*, pro quattuor marcis, iudice *Dumeno* comite de *Bodolou*, *Pristaldo* *Gusü* de villa *Solumus*, qui *Varadini* taliter conuenerunt, quod *Numa* daret *Martino* vnam marcam & dimidiam, & idem iudici satisfaceret, partem autem *Pristaldi*, *Martinus* daret.

§. CCCXXXVI. *Voda*, filius *Farcasti*, impetiit ioubagionem *Lamperti*, scilicet: *Hegun*, de (u) occisione patris sui, qui cum iudicati ab *Erachio* Yconomo *Varadiensi*, cum *Pristaldo* ipsorum *Micone*, starent ad iudicium ferri candentis, reconciliati sunt ita, quod nominatus actor dimisit, nominatum aduersarium suum pro innocente, iudici autem & *Pristaldo*, conuenerunt simul satisfacere.

§. CCCXXXVII.

q.) PRECONES REGII, iidem sunt, qui hodie apparitores, viatores, vel circulatores. du FRESNE, vocab *Praco*.

r.) Ferro ignito, innocentiam suam testaturus reus, Sanctissimum Domini Corpus sumebat primum. vid. §. 403. & 412. seq.

s.) CURIALIS COMES REGINAE, iudex fuerat aulicus, scilicet Comes curialis regius, ANDREAE II. Decr. an. 1222. art. 6. conf. ad §. 6. not. l. ad §. 85. not. h.

t.) CURIA REGIS intelligenda. Quo nomine, partim forum sæculare, seu tribunal, partim regius comitatus, vel solemnitas regni conuentus, exprimitur, & præsidio rustico seu possessioni opponitur. Consule du FRESNE *Glossar.* voce *Curia*. Alias Aula regia dicitur sæpius.

u.) PARRICIDAE, olim, notam infidelitatis incurrebant. Nunc poena capitis arbitraria puniuntur. *Const.* 1723. art. II.

vv.) De



§. CCCXXXVII. *Forcos*, filius *Ina* comitis, requisivit ante (vv) *Ladislaum* comitem de *Báčb*, & iudicem curiæ, quosdam, scilicet: *Albeum*, *Petrum*, *Endum* & *Abarcum* filios *Cepani*, dicens ipsos suos esse libertinos; Illi autem responderunt; se omnino esse liberos, & adduxerunt (x) assertorem libertatis ipsorum & defensorem, nomine *Stanunz*, filium *Joannis* cuiusdam hospitis. Qui cum & ipse liberos constanter asseret, nominatus iudex dato *Pristaldo*, nomine *Michel*, de *Urbay*, misit vtramque partem ad examen ferri candentis *Varadinum*, vbi, cum iam dictus *Stephanus* ferrum portare accessisset, talis inter eos facta est conuentio, quod ipse *Stephanus*, prædicto *Forcasio*, daret duas marcas, *Farcafius* autem illos quattuor, quos requirebat pro libertinis, reliquit pro liberis omnino, iudici autem & *Pristaldo*, communiter satisfacere conuenerunt.

§. CCCXXXVIII. *Petrus* filius *Moraz* de villa *Kad*, impetiit *Busu* sacerdotem, & fratres ejus, scilicet: *Jacob*, *Tibam*, & *Clanum* de villa *Kenesü*, dicens, quod dimidietas terræ, quam ipsi iure hæreditario insidebant, hæreditaria eius portio esset: quod cum illi negarent, *Ladislaus* comes *Bachiensis* & iudex curiæ, discutiens, per *Pristaldum*, nomine *Vosor*, filium *Boch* de villa *Pun*, misit eos ad examen ferri candentis *Varadinum*, vbi pacificati sunt. Iudicia, in quibus mutuo sibi tenebantur, inuicem sibi omnino indulgentes, & talem te terra fecerunt conuentionem, quod terram quam nominatus *Petrus* requirebat, remisit prædicto sacerdoti, & cognatis eius memoratis. Sacerdos autem & cognati ejus, dederunt ei vnam marcam. Iudici autem & *Pristaldo*, conuenerunt simul satisfacere.

§. CCCXXXIX. *Bodum* comes, quendam nomine *Chebam*, traxit in causam, coram (y) arbitris parochitanis, scilicet: *Adam*, *Farcafium* decanum, & *Zounuc*, dicens, quod vnum ioubagionem suum occidisset, & alium crudeliter flagellasset. Qui *Cheba*, cum peccatis illorum exigentibus hoc eis se fecisse affirmasset, prædicti arbitri, miserunt vtramque partem ad examen ferri candentis *Varadinum*, vbi homo *Bodum* comitis, portato ferro iustificatus est.

§. CCCXL. *Vfi*, (z) procurator villæ *Scaldubag*, statuit ante nos *Petenad*, & *Mih*, ex vna parte; *Andream*, *Michaëlem*, *Butbam*, *Scukam*, *Herceg*, *Gabrielem*, *Boton*, *Tekam*, *Scekam*, & *Benam*, ex alia, dicens: quod prænominati *Petenad* & *Mih*, dixissent coram Domino suo, *Ladislao* comite, iudice videlicet, hujus causæ, seipfos (a) conterraneos, cum prænominatis eorum aduersariis in terra *Kereky*. Aduersarii autem prædicti dixissent eos esse extorres, qui tandem seipfos recognoscentes, habita iudicis licentia, recepissent eos in consortium terræ prædictæ, excepto virgulto, de quo *Petenad*, & *Mih*, partem non habent.

U u u 2

§. CCCXLI.

vv.) De *LADISLAO* Comite *Bachienfi* & iudice *Curie*, vid. ad §. 125. not. x.  
 §. 338. 340. 345. 346. 347. 351. 356. 356. sequ.

x.) ADSECTOR, idem erat, qui tutor libertatis, vid. ad §. 197. not. z.

y.) ARBITER, iudicum iudicio, per legem opponitur, in *LVITPRANDI Regis Longob. Legibus tit. 21. §. 23.* Rectius *Arbitris Parochianis*: quippe qui, ad *Bodum* Comitis Parochiam, seu districtum, spectabant.

z.) PROCURATOR villæ, qui pro domino villam curat, hodie *Provisor* dicitur, conf. ad §. 16 not. o. ad §. 127. not. a.

a.) CONTERRANEI, vel conterrati, ex eadem contrada, seu terra, du *FRESNE* vocab. *CONTERRANEVS*.



§. CCCXLI. *Tecus*, filius *Dionysii* artificis, qui aperuit in (b) eleuatione sepulchrum *Sancti* *LADISLAI Regis*, & a gloriosissimo rege *BELA*, dato pro eo artifice, perpetua libertate donatus est, cum omni generatione ab eo successura, sentiens dissolutionem sui corporis imminere, quendam seruum suum, nomine *Vrug* constituit (c) *Dufinicum* exequialem, quam ipsum, tam omnem eius hæreditatem virilem, ita, vt singulis annis apud ecclesiam de *Beseneu*, celebrarent exequias cum duabus *Missis*, vna oue, triginta panibus, vno anfore, & vna gallina, & duabus (d) *Chybrionibus* cereuiiæ, & decimas, iuxta conditionem seruillem, det sacerdoti, scilicet: duos cubulos frugum suarum, & vnâ gallinam.

§. CCCXLII. *Vs*, filius *Tump*, de villa *Hoth*, ioubagio castri *Bichor*, vendidit seruum suum, nomine *Zumbot*, & vxorem eius *Gerquenam*, & filium eiusdem *Boxam*, *Theodoro* filio *Dionysii*, pro sex marcis, & vna vacca, præsentente *Jacob* cognato suo, filio *Hurt*, & non contradicente; & *Theodorus* persoluit sex marcas illas, & vaccam, nobis præsentibus, ad manus prædicti *Jacob*.

§. CCCXLIII. *Vsu*, filius *Pouse* de *Sucuroi*, impetiit *Martinum*, & *Petrum* fratrem eius, dicens, quod (e) hospes eorum habuisset damnum, ad æstimationem octo marcarum, quod cum illi negarent, cognati vtriusque partis, scilicet: *Nicolaus*, *Aba*, *Ambrosius*, vna cum *Bodun* comite, vtramque partem in ipsos arbitros consentientem, discutientes miserunt per *Pristaldum Petrum*, filium *Morodec* de villa *Bodun*, ad examen ferri candentis *Varadinum*. Vbi portato ferro, homo prædictorum *Martini* & *Petri*, mundatus est.

§. CCCXLIV. *Matthæus* de *Surcud*, impetiit cognatos *Pueri* sacerdotis scilicet: *Matthiam* & *Texam*, pro libertinis vxoris suæ, coram (f) *Desiderio* Episcopo *Chanadiensi*, qui tradidit eos iudicandos *Scumcho* comiti, procuratori prædiorum suorum. Deinde præfatus *Matthæus*, seipsum recognoscens, resignauit illos, quos requirebat pro liberis, cum omni generatione ab eisdem successura.

§. CCCXLV. Anno Dominicæ Incarnationis *Millesimo*, *Ducentesimo vigesimo nono*. Tales a *Ladislao* comite *Bachienfi*, & iudicæ curiæ, litteræ nobis sunt destinatæ. Vniuersitati vestræ significamus, quod inter *Gyopol* ex vna parte, & filios *Absolonis* ex altera, scilicet: *Joannem*, *Martinum*, *Paulum*, & *Absolonem*, talis facta est conuentio: quod prædium nomine *Lettha*, iuxta *Berucioii*, dederunt fratri suo *Gyopol* comiti, ipsi autem in concambium illius prædii acceperunt prædium campestre, nomine *Jobogi*, cum sexaginta marcis, quas memoratus *Gyopol* comes, nobis præsentibus, & coram *Pristaldo*

b.) *LADISLAVM* regem, regnante *BELA III.* in sanctorum relatum fuisse numerum, ex hac §. possis quodam modo colligere. Quo tempore, sepulchro aperto, ossa eius sunt collecta, eaque *VARADINI*, in basilica, conseruata, e quibus, diui *Regis* caluaria, *JAVRINVM*, temporis decursu, est translata. Vbi hodieum, in episcopo, conseruatur.

c.) De *DVSINICO* lege ad §. 132. not. f.

d.) *CHYBRIONES*, amphoræ seu hydriæ cereuiiæ, vid. §. 353. forsan ab Hungarico, *Csöbör*, quod capacem amphoram, aut mensuram significat. vid. *FRANC. PARIZ PAPAI, Diction. Hung. voce in eadem.*

e.) *HOSPES* est, ex *Slauis*, *Germanis*, *Latinis*. de quibus ad §. 5. not. k.

f.) *DESIDERII* Episcopi *Chanadiensis* meminimus §. 249.



do huius causæ, nomine *Tuba*, persoluit in die Natalis Domini totaliter, nominatis filiis *Absolonis*, & ita absolutus ab omni cambio, appropriauit sibi soli prædium, quod *Letba* vocatur. His ita gestis, utraque pars, præstito sacramento super sepulchrum & reliquias S. Regis *LADISLAI*, inuicem sibi iurauerunt, quod de cætero sint pacifici, nullum penitus malum vnquam illaturi.

§. CCCXLVI. Vniuersus Varadiensis Ecclesiæ Conuentus, vniuersis Ecclesiæ sanctæ filiis, salutem in salutis Auctore. Innotescat omnibus præsens scriptum inspecturis, *Ladislauum* comitem de *Bach*, iudicem aulæ Regiæ, talia nobis per literas suas, auctoritate iudiciali præcepisse, quod ea, quæ de exitu causæ *Simonis*, & fratris eius *Vodasii*, filiorum *Cbenke* in (g) Parochia *Bichoriensi*, ex vna parte, & filiorum *Natus*, scilicet: *Egidii*, & *Stephani*, in Parochia *Békes* ex altera. *Michaël* clericus eius, viua voce ediceret nobis, nos in registro nostro pro rato scriberemus, *Michaël* autem in præsentia vtriusque partis asseruit, prænominatos filios *Cbenka*, a prænominatis filiis *Natus*, nouem capita hominum requisuisse, videlicet: *Lench*, cum duabus filiabus suis, scilicet *Beda* & *Nuz*, & item *Iacam* cum duabus, scilicet: *Choma* & *Michaele*, *Tumpam* quoque cum filia sua, scilicet: *Mica* & *Penteca*, & cum causa eorum ad examen ferri candentis, a prænominato iudice, per *Pristaldum*, nomine *Micou* de villa *Cundurur*, in Parochia *Békes*, fuisset *Agriam* destinata. Filii *Natus*, seipso recognoscentes, *Simoni* & fratri eius, *Vadasi* se culpabiles reddidissent. Illi autem consilio & petitione proborum hominum inducti & inclinati, vnam ancillam de IX. capitibus, scilicet: *Pentekam*, præfatis eorum aduersariis dimisissent, reliquis in ius eorum deuolutis.

§. CCCXLVII. *Cesar*, princeps erat de *Békes*, *Petrus*, *Beda*, *Vse*, *Tiburtius*, *Laurentius*, *Paulus*, *Geysa* centuriones, litigauerunt pro quadam terra nomine *Kecken*, cum *Martino*, filio *Misca*, coram *Ladislao* comite *Bachien*si & iudice Curiae, dicentes terram *Kecken* esse terram Castri de *Békes*; *Martinus* autem respondit, eam esse terram suam hæreditariam, affirmans, quod eandem terram antecessores ipsorum, scilicet: *Chab*, *Sicund*, *Isungut*, *Buus*, & reliqui cum ciuibus eiusdem castri, à patre suo *Myska*, & cognatis eius, coram (h) *Gyula* comite Palatino, pro terra castri requisuissent, & iudicio ferri candentis *Orodini* fuissent condemnati, mediante *Pristaldo* nomine *Ensi*, filio *Elia* de villa *Dran*, & hoc ostendit testimonialibus literis *Orodiensis* Capituli. Quibus, cum prænominati aduersarii eiusdem *Martini* contradicere non auderent, præfatus iudex ipsos condemnauit, & vt huius causæ exitus indelebilis existat, vtramque partem, ad nos, per *Pristaldum* nomine *Menget*, filium *Cochu* de genere *Tét*, *Varadinum* destinauit, & executionem causæ, secundum omnem descriptionem, testimonio nostro fecit æternari.

§. CCCXLVIII. *Pangrati*us, filius *Petae*, de villa *Cupa*, traxit in causam quosdam conuillanos suos, scilicet: *Aruad*, & filios eius, scilicet: *Chicham* & *Monost*, coram (i) *Alexandro* Varadiensis Episcopo, discretissimo & vero iudice, dicens, quod fures essent Regis, eo quod (k) *Thesaurum inuentum*, cum de-

X x x

berent

g.) De PAROCHIA, diximus supra: hoc loco, *Comitatum* significat.

h.) De GYULA comite Palatino, confer antecedentia.

i.) ALEXANDRI Episcopi Varadiensis mentio facta est ad §. 247. not. l.

k.) INVENTVM THESAVRVM, sicuti detectas in solo *Hungarico* mineras, olim, ad Principis regalia pertinuisse, ex hac §. elucet. Hodie, detectus thesaurus, ad fundi pertinet dominum, secundum communem regni consuetudinem, parte quadam, repertori, præmii loco, adtributa.



berent Regi, non indicassent. Quorum causam prædictus Episcopus discutens, misit per Pristaldum & seruientem suum, nomine *Tiburtium*, ad examen ferri candentis Varadinum, vbi præfatus *Monos*, filius memorati *Aruad*, portato ferro, mundatus est.

§. CC. XLIX. Cum ignoraret homo finem dierum suorum, *Mauritius* sacerdos, se & omnia sua, Varadiensi ecclesiæ protectioni, dum adhuc viueret, commisit, & facultates suas taliter (l) ordinauit, & seruum suum nomine *Aruam*, constituit, vt post mortem suam sit (m) *pulsator Ecclesiæ* Varadiensis. Mulierem autem quandam emptitiam, nomine *Scepam*, dedit Ecclesiæ, vt post mortem ipsius det ecclesiæ massam ceræ, ponderantem duas marcas, Filius vero eiusdem mulieris, & duæ filiæ, quinimo, si quos ipsa eadem pareret, liberi forent omnino.

§. CCCL. *Dionysius Ysou*, & *Puk*, Patroni Ecclesiæ *Sancti Andrea* de *Zobodian*, traxerunt in causam *Dusnicos* eorum exequiales, scilicet: *Mour*, *Paulum*, *Laurentium*, *Ereust*, *Petam*, & alios, coram *Eractio Yconomo* & custode Varadiensi, dicentes, quod prædicti *Dusnici*, cum minoribus expensis, qui deberent, seruitium eorum celebrarent. Denique coram Capitulo Varadiensi, scilicet: *Joanne* Præposito, *Michaele* Cantore, & aliis, & præsentem *Micou* Pristaldo, & vicario nominati iudicis, controuersia prædictarum partium sic est sopita, quod sæpediti *Dusnici*, manere circa prædictam ecclesiam deberent, & annuatim in festo *S. Michaëlis* seruirent, infimul, quotquot essent, cum trienni boue, centum panibus, XII. Idris cerevisiæ, & singulæ mansiones, singulas missas celebrari facere tenerentur.

§. CCCLI. Nos Conuentus Varadiensis, contestamur omnibus, *Ladislauum* comitem de *Bach*, talia nobis auctoritate iudiciali mandasse, quod causam *Benjamin*, secundum tenorem litterarum, quas sub duplici sigillo nobis transmisit, in registro scriberemus. Est itaque tenor litterarum talis: LADISLAUS comes Bachiensis, & iudex curiæ, omnibus, ad quoscunque præsentia peruenierint. Salutem in Domino. Vniuersitati omnium notum esse volumus, quod cum *Jeremias*, *Bocou*, *Tocus*, & *Gegus*, citarent *Chomam*, pro quodam homine *Benjamin*, filio *Cusoy*, in præsentia nostra, dixerunt eundem *Benjamin* seruum esse eorum, & filium ancillæ suæ; supradictus *Choma* respondit, suum esse cognatum, & de genere suo. Adiudicauimus itaque, quod dictus *Choma* veritatem sui sermonis attestationibus suorum cognatorum, ostenderet, quod & honestissime probaret. Intelleximus igitur, vt sacramento duorum cognatorum eius, dictum *Benjamin* defenderet, iurauerunt inquam *Choma* & *Azarias*, iuper altare (n) *Sancti Ladislai* Varadini, & *Benjamin* liberatus est. Vnde, dedimus super hoc nostrum sigillum, cum litteris præsentibus, Pristaldo existente *Marco de Csep*.

§. CCCLII. *Clemens*, de villa *Irug*, oretenus nobis est contestatus, quod cum ipse cum Pristaldo *Ladislai* comitis, quendam libertinum suum fugitivum,

l.) SACERDOTIBVS, facultas, de bonis, sua conquisitis diligentia, non autem, de rebus ecclesiæ, testandi, iure competit canonico.

m.) PULSATOR, seu exequialis, apud INNOCENT. III. P. P. lib. 15. ep. 7. monitor est & mandator funerum; qui æra campana pulsat. Dicitur etiam *Matricularius* in ecclesiis, & *aditus*. du FRESNE vocab. *Pulsator*.

n.) IUSIURANDVM, iuper *Sancti Ladislai* reliquiis, ante eleuationem eiusdem, ad sepulchrum, post eleuationem vero, ad altare, in quo beati regis ossa conseruabantur, ritu consueto, peragebatur. conf. ad §. 110. not. h.



gitivum, nomine *Tadeum* vxoratum inuenisset, & nominatus iudex eundem libertinum, cum vxore sua ei appropriasset, ipse scilicet: *Clemens*, pro salute animæ suæ, taliter de vxore præfati libertini ordinasset, vt ipsa libera fieret, & quicquid fœminini sexus de ipsa (o) nasceretur, liberæ conditionis essent, & quicquid masculini sexus fieret, conditionem Patris sequeretur.

§. CCCLIII. *Augustino*, filio *Schemcha*, sine omni hærede mortuo, seruus ipsius nomine *Paul*, quem ipse *Augustinus* (p) *Dusnicum* exequialem, monasterio Sancti *Joannis Baptiste*, reliquerat, vt singulis annis daret ecclesiæ vnam ouem competentem, triginta panes, quinque idrias ceruiciæ, & in nullo penitus alio, vel ecclesiæ, vel cuiquam alii servire teneretur; ille inquam *Paulus*, vxorem suam, nomine *Bud*, & filiam nomine *Huga*, quæ in portionem duarum sororum iam dicti *Augustini*, scilicet: *Anna* & *Maria* cesserant, & illis mortuis, ad tertiam sororem præfati *Augustini*, nomine *Magdalenam* deueniant, cum sororem præfati *Augustini* consensu *Cumpurdini* & *Gocholini* cognatorum Domini sui, redemit a præfata *Magdalena*, non tam pro pretio tanto, quam pro anima sororum suarum, dimisit redimendas, quia sorores eius prædictas ancillas liberas reliquerant.

§. CCCLIV. *Joannes*, filius *Absolononis*, contestatus est oretenus, quod vendidisset quendam (q) fugitiuum libertinum suum, nomine *Sanam*, filium *Beg*, fratri suo *Paulo*, pro marca, vncia minus.

§. CCCLV. *Vsian* de villa *Pulgar*, litigauit coram *Ladisla* comite *Bachienfi*, & iudice curiæ, cum *Anthonio*, de villa *Bola*, pro clandestina traductione ferui sui, nomine *Michaëlis*, & duorum equorum. Quod cum ille negasset, nominatus iudex misit eos per *Pristaldum*, nomine *Gabrielem*, de villa *Gab*, *Varadinum*, ad examen ferri candentis: vbi talis facta est inter eos conuentio; quod memoratus *Anthonus* daret aduersario suo nominato, in festo *Sanctæ Mariæ Magdalene*, in villa *Vduori*, duas marcas fertone minus; iudici autem & *Pristaldo* simul satisfacerent. Si tamen supradictus *Vsian*, seruum suum fugitiuum illum alibi inuenire posset, pecuniam, quam acceperat, *Anthonio* reddere teneretur.

§. CCCLVI. *Stephanus*, de villa *Chueytora*, impetiit *Paulum* de villa *Paul*, & *Perrum* fratrem eius, coram *Betlem*, & *Stephano*, vicariis *Ladislai* comitis de *Bách*, & iudicis curiæ, de damno ad æstimationem duarum marcarum. Quod cum illi negarent, memorati iudices per *Pristaldum* nomine *Marcum*, miserunt *Varadinum* ad examen ferri candentis, vbi nominatus *Petrus*, portato ferro, pro se & fratre suo, iustificatus est.

§. CCCLVII. Cum hæreditaria portio *Nicolai*, filii *Endus*, de terra *Borozlou*, in ius *Petri*, filii *Petri*, ordine iudiciali celsisset, idem *Petrus* astruxit, quod prænominatus *Nicolaus*, in terra eadem, partem (r) emptitiam haberet, præter hæreditariam. Quod cum cohæredes eiusdem *Nicolai*, videlicet: *Cepanus* comes, *Petrus*, *Joannes*, & *Paulus* negarent; *Ladislaus* comes posuit

X X X 2

super

o.) FRUCTVS iure Romano, ventris sequitur conditionem. *IUSTINIANI imp. Institut. Lib. I. tit. 4.*

p.) DUSNICVS exequialis, quis fuerit, euolue ad §. 132. not. f.

q.) LIBERTINI, vtut ex seruili conditione fuerint exempti; in dominorum tamen erant clientela, qui fugitiuos, non solum in potestatem suam redigere, verum donare, & etiam vendere, aut durius quiddam, de iis statuere potuerunt.

r.) Bona hæreditaria, iure Hungarico, auitica; emptitia autem, adquisita, dicuntur. vid. *CYNOSURA Juris Hung. vocab. Bona.*

s.) PROCV-



super iuramentum eorundem condiiuiforum, & dato Pristaldo nomine *Becha* filio *Petri*, misit eos *Varadinum*, vbi cum iurare fuissent parati, (s) procurator *Petri*, nomine *Hubec*, iustitiam aduersariorum Domini sui recognoscens, non adiurauit eos, dimittens eis terram, quam Dominus eius *Petrus*, pro emptitia parte requisierat, conuenit etiam ille *Hubuc*, iudici satisfacere in toto, *Pristaldo* vero in parte. Præterea, supradictus *Petrus*, requisivit duas villas, scilicet: *Gurbuc*, & *Feketbe*, pro terra *Nicolai* ex donatione Regis, patri suo *Endo* collata; cui, cum prænominati quatuor homines contradicerent, asserentes eas ipsi *Nicolao*, cum ipsis esse hæreditarias, & hoc testimonio multorum bonorum hominum comprobassent, prædictus iudex, per iam dictum *Pristaldum*, misit eos *Varadinum* ad examen ferri candentis: vbi homo ipsorum, portato ferro, iustificatus est.

§. CCCLVIII. *Mog*, de villa *Poca*, cum aliis ioubagionibus castri *Clus*, scilicet: *Erden* (t) Principe exercitus, *Chicolou*, *Tenquen*, *Pouca*, Archipræcone, *Cbeycimam* & *Bulchu*, videntes de prædicta terra castri partem ad duo aratra, a quibusdam alienis, videlicet: *Gotsfredo*, *Farcasio*, *Vilo*, *Olberto*, *Petro*, *Andrea*, & *Fila*, iniuste occupari, citauerunt illos ante *Sebastianum* comitem de *Clus*, iudicem a Rege *Bela* delegatum, qui auditis responsis vtriusque partis, per *Pristaldum* nomine *Forcos*, filium *Choka*, de villa *Selden*, misit ad examen ferri candentis *Varadinum*. Vbi prænominati actores fecerunt portari ferrum; sed aduersarii eorum seipsos recognoscentes, subterfugerunt prædictam terram castri prænominatis actoribus, & idem actores conuenerunt satisfacere iudici & *Pristaldo*, & vt exitus huius causæ indelebilis existat, prædictæ partes, terram quæsitam, metis circumpositis fecerunt separari; quarum metarum vna est in monte nomine *Bursors*, inde per vallem *Kusol*, vadit ad *Agosholm*, & inde per vallem nomine *Er*, vadit ad metam *Visata*. Sed præterea extra metas illas, versus septentrionalem plagam, supradictus *Mog* habet ius sessionis ad spatium viginti iugerum.

§. CCCLXIX. *Absolon*, filius *Hurtu*, oretenus est nobis, scilicet: Capitulo *Varadiensi* contestatus, quod vendidisset dominæ *Justina*, vxori videlicet: *Micæ* comitis, septem (u) capita hominum, quorum nomina hæc sunt, *Matbka*, vxor eiusdem *Felicitas*, & filii eorum *Thomas*, *Tanalchu*, & filiæ eorundem, *Maged* & *Ilegu*.

§. CCCLX. Ciues (vv) castri *Bolondus*, de villa *Leginer*, *Motcu*, *Vnuca*, *Hertugug*, *Luchy*, *Vgud*, *Baldu*, *Bila*, & alii, impetierunt quosdam de eadem villa, filios (x) ioubagionis Sancti Regis, scilicet: *Serkenteu*, *Marcel*, *Acel*, *Mogya*, & *Vs*, dicentes, quod eorum essent conciues, simili officio, id est debito castrensi subiacentes. Illi autem dixerunt, se esse filios ioubagionum Sancti Regis, & hoc idem dixerunt, vt *Pristaldus* eorum perhibuit, ioubagiones eiusdem castri, videlicet: *Matba* princeps exercitus, *Cbichur*, *Sceret*, *Mogy*, *Peremus*, *Thomas*, *Ind*, *Albeus*, *Gyurca*, *Poula*, *Budius*, *Henchu*

s.) PROCURATOR *Petri*, in iudiciis idem est, qui mandatarius seu plenipotentarius.

t.) De PRINCIPLE exercitus, vid. ad §. 133. not. i. & §. 360. De ARCHIPRÆCONE ad §. 258. not. u.

u.) Septem capita, id est, septem personas, quod supra monuimus.

vv.) Ciues castri, castrenses item, qui fuerint, expositum est ad §. 133. not. g. ad §. 11. not. y.

x.) Ioubagionum S. REGIS conditionem, descripsimus ad §. 146. not. vv.

y.) ACTOR



*Hencbu*, centuriones & alii, quorum testimonio *Martinus* comes eorum non contentus per *Pristaldum* nomine *Nuetlen* de villa *Olsuc*, misit ad examen ferri candentis *Varadinum*, ubi prænominati (y) actores seipsos recognoscentes, candentis ferri subterfugerunt iudicium, dicentes prædictos aduersarios ipsorum esse filios ioubagionum Sancti Regis, & asserentes se falso de ciuili seruitio illos impetiisse.

§. CCCLXI. Humilis Conuentus ecclesiæ *Varadiensis*, omnibus præsentibus literas inspecturis, salutem in Domino. Vniuersitati vestræ notum facimus, quod Anno Dominicæ Incarnationis, *Millesimo Duecentesimo vigesimo primo*, cum esset (z) edictum a Rege *ANDREA*, quod terræ castrensiū requirerentur, ciues *Békesiensis* de villa *Mébes*, scilicet: *Otmar*, *Juan*, *Berta*, *Toma*, & alii, coadiuuantibus eiusdem castri ioubagionibus, scilicet: *Sungud*, *Hysce*, *Jordan*, *Petro* filio *Simonis*, & aliis, impetierunt *Solt*, filium *Solt*, dicentes, quod terram castri, nomine *Scilos*, cum prato & virgulto, cum medietate paludis, nomine *Fas*, violenter occupasset. Hanc causam *Tiburtius*, *Gyula*, *Alexander*, & *Helias*, comites, (a) vice Regia, discutiens per *Pristaldum* nomine *Paulum*, de villa *Terecha*, filio *Calanda*, direxerunt ad examen ferri candentis *Varadinum*, ubi prænominatus *Juan*, portato ferro, pro se & conciuibus suis, combustus est.

§. CCCLXII. Conuentus ecclesiæ *Varadiensis*, omnibus præsentibus literas inspecturis, æternam salutem in Domino. Vniuersitati vestræ notum facimus, quod cum *Becea*, de *Fokebeuu*, impetiisset quendam nomine *Heyma*, de damno quadraginta & duarum marcarum, facto per violentiam, *Bocha*, vicarius (b) *Pauli* *Vayuodæ*, discutiens eos, per *Pristaldum* nomine *Ceku*, misit ad examen ferri candentis *Varadinum*: quo cum venisset nominatus *Becea*, cum *Pristaldo* suo, quidam asserens se esse *Heymonem* illum, de quo res agitur, ferri candentis subterfugit iudicium, dicens, quod *Bocha* non esset iudex suus. *Bocha* itaque remandauit nobis per litteras suas, quod ipse & iudex huius causæ, & prænominatum *Heymon*, sicut decet, reum condemnasset. Huius rei testes sumus.

Y y y

§. CCCLXIII.

y.) ACTOR, in praxi iuris Hungarici, litera A. reus autem caractere I. solet exprimi; quod iste sit IN. CAUSSAM ADTRACTVS, ab ACTORE, quæ demum formula, & in sermone, & in scribendo, non raro in compendium mittitur, vt accusatus dicatur, INCATTVS.

z.) Edicto *ANDREAE* II. anno 1222. sancitum est: ne comes castri, seu castrenses opprimat, seu bona eorum occupet. Alioquin conuictus in tribunali, coram regno, dignitate spoliabatur, cum ablatorum restitutione. DECRET. an. 1222. art. 14.

a.) REX, quia est summus in regno *Iustitiarius*, *TRIP. Prolog. tit. 5.* vicarios habet in regni tribunalibus iudices: quorum quidam sunt ordinarii, vt *Palatinus*, *Iudex curiæ*, *Secretarius Locumtenens*, *MATTH. Decr. III. art. 12. & VI. art. 68.* quidam *pedanei*, vt *Vice-comites*, *Iudices nobilium*, & *ciuium*, cet. *KITTONICH. Direct. methodica Iuris Hung. cap. 10. quæst. 14.* *Priores*, vel per se, vel per sui vicem gerentes, iudiciis solent interesse. *CONST. an. 1645. art. 34.*

b.) *PAVLLVS* *Vaiuoda*, ad annum 1214. & sequentes, inter *Transiluaniam Vaj-uodas* est referendus. Nullam eius mentionem facit *SZENTIVÁNY Dissert paralip. Catal. 98.* inter *Transiluaniam Præfectos*.



§. CCCLXIII. Ioubagiones castri *Sumptey*, scilicet : *Nicolaus*, *Valentinus*, *Chug*, *Forcos*, *Ozorc*, & *Chunad*, cum comite eorum *Zobozlou*, impetierunt ioubagiones *Tauornicos* Reginæ, qui sunt in villa *Monunya*, scilicet : *Wot*, *Euzud*, *Vermet*, *Chunoz*, *Ilia*, *Teka*, *Cosna*, *Hata*, *Petrum*, *Micou*, *Vrbatum* & *Tbolomer*, dicentes, ipsos ciues castri *Sumtey*. Illi autem, & præterea ioubagiones *Tauornicorum*, scilicet : *Jardus* & *Caza*, dixerunt eosdem esse ioubagiones (c) *Tauornicos* Reginæ, quos *Gyula* (d) curialis comes Reginæ, discutiens per *Pristaldum Seruus DEI*, de villa *Tesa*, ad examen ferri candentis direxit *Varadinum*, vbi prænominati ioubagiones seipsos recognoscences, iudicium ferri candentis subterfugerunt, dicentes, se prænominatos ioubagiones *Tauornicos*, falso de ciuili conditione impetiisse.

§. CCCLXIV. Humilis conuentus ecclesiæ *Varadiensis*, omnibus præsentibus litteras inspecturis, æternam salutem in Domino. Vniuersitati vestræ contestamur, quod veniens ad nos, quidam nomine *Zoba* (vt ipse dixit) se vocari, statuit coram nobis duos ciues *Ferrei castri*, scilicet : *Miculam*, & *Crachium*, vt idem *Zoba* dixit de illis, asserens illos, & omnes eorundem conuillanos, de villa *Tbozar*, impetiisse quosdam (e) ministros Regis, scilicet : *Czunam* & *Gregorium* de villa *Caku*, pro iniusta occupatione terræ castri. Cuius terræ, N. est. Ipsos autem ministros Regis respondisse, eandem terram esse hæreditariam. *Nicolaum* vero comitem *Palatinum*, misisse vtramque partem, ad examen ferri candentis per *Pristaldum* nomine *Simeonem*, filium *Vid* de villa *Ság*, cuius ipse *Zoba* eat seruiens *Varadinum*, vbi taliter conuenerunt : Quod prænominati ministri satisfacerent iudici & *Pristaldo*, aduersariis autem eorum darent quartam partem terræ prædictæ, tres vero partes, in quinque portiones ita diuiderunt, quod tres de quinque acciperet, *Gregorius*, cum conditiuiforibus suis superius; duos vero inferius, *Czuna*, cum confortibus suis.

§. CCCLXV. *Micula*, *Crachun*, & alii, de villa *Tbazar*, traxerunt in causam *Obulganum*, de villa *Saden*, pro (f) *Fenili*, coram iudice *Nicolao* comite *Palatino*, qui discutiens vtramque partem misit per *Pristaldum*, nomine *Symeonem*, de villa *Ság*, ad candens ferrum *Varadinum*, vt homo *Obulgani* ferrum portaret. In die autem leuationis ferri, prædicti *Micula*, & *Crachun*, subter-

c.) Inter reginæ ministeria, numerantur, *TAVERNICI*, procurando reginæ ærario destinati, quibus *Tauernicalium reginalium magister*, cum auctoritate, præerat. vid. *LVDOVICI I. Diploma confirmat. ad an. 1351. art. 25.* vid. ad §. 17. not. r.

d.) Eadem in Reginæ, quæ in Regis curia, peragebantur olim ministeria. Supremo namque munere defungebantur illic : *IVDEX Curia*, seu curialis comes, *Tauernicorum* item, *Pincernarum*, *Dapiferorum*, *Agazonum*, & *Janitorum* reginalium *Magistri*. vid. *LVDOVICI I. Dipl. cit. art. 25.* Inter eos; prætoria gaudebat potestate, *CVRIALIS Comes*, qua summus, in reginæ, sicuti alter, in regis curia, prætor. *ANDR. II. Decr. ad an. 1222. art. 9.*

e.) Diuersa fuerant in curia regis ministeria, eaque partim suprema, partim subalterna. Supremo munere defungebantur : *PALATINVS Comes*, *IVDEX Curia*, (*Vaiuoda*, & *Bani*, inter regnorum gubernatores referuntur) *Tauernicorum* item, *Pincernarum*, *Dapiferorum*, *Agazonum*, & *Janitorum* regalium, *magistri*. Subalterna erant ministeria : *Tauernicorum*, *Pincernarum*, *Dapiferorum*, *Agazonum*, *Janitorum*, *Venatorum*, *Lanceatorum*, seu corporis regii custodum, *Buttiniferorum*, ceterorumque, de quibus, ad §. 83. not. c. d. g. & 96. not. 5.

f.) *FENILIS* nomine, non tam locus, quo scœnum ponitur, quam scœnificium, est intelligendum. De quo *COLVMEL. 2. 18. 19. VARRO de RR. 1. 17.*

g.) *IOUBA-*



subterfugerunt iudicium ferri, dicentes: quod non obsisterent, absque ioubagionibus castri absentibus, cum quibus causam leuauerant.

§. CCCLXVI. Cum esset edictum a Rege ANDREA, quod castrenses dispersos castri recolligerent. *Bichorienses*, cum ioubagionibus eorum, scilicet: *Luca*, *Paulo*, *Tita*, & aliis, impetierunt quosdam (g) inseparabiles ioubagiones ecclesiae, *Tedam*, scilicet: *Bellum*, *Fib*, & *Boguan*, de villa *Apatbi*, dicentes, quod ciues essent *Bichorienses* (h) *Abbas* autem de supradicta ecclesia, & *Vilc*, (i) patronus ecclesiae eiusdem, cum *Petro*, cognato *Vilc*, dixerunt quod ioubagiones essent Monasterii *Tordensis* inseparabiles. quos *Tiburtius*, *Gyula*, & *Helias* comites, auctoritate Regis, huiusmodi causas iudicantes, posuere super iuramentum memorati *Abbatis*, & praedicti patroni, cum praedicto cognato suo. Qui veniens coram *Pristaldo* eorum *Dominico*, de genere *Rusd*, iurauerunt super (k) sepulchrum Sancti *Ladislai* Regis, & sic probauerunt quod essent ioubagiones praenominati, de iure ecclesiae praedictae.

§. CCCLXVII. *Koeta*, de villa *Chokoba*, & *Churna*, de villa *Vmany*, ciues de *Bursod*, coadiuantibus eiusdem castri ioubagionibus, scilicet: *Zadur*, *Petro*, *Dedo*, & aliis, impetierunt quosdam de villa *Pelg*, *Cikam*, & item de villa *Tornua*, *Nonam* & *Belcheam*, hos inquam omnes impetierunt pro conciuibus suis. Illi autem dixerunt, se esse liberos & filios (l) hospitis *Boemorum*, quorum libertatem cum tenerent *Puska*, de villa *Simon*, & *Nuubu*, de praedicta villa *Mochuale*, praenominati castrenses dixerunt ipsos quoque suos esse conciuies, quorum causam iudices a Rege *Andrea* delegati, scilicet: (m) *Thomas* Episcopus, (n) *Pousa*, *Panus*, *Symeon* comes, per *Pristaldum Gutman*, ad examen ferri candentis miserunt *Varadinum*, ut praefati libertatum defensores, iudiciale ferrum pro se, & pro illis, quos liberos esse decertabant, portarent. Quo cum venissent, peracto triduo ieiunio, praedicti actores, candentis ferri subterfugere iudicium, dicentes, quod omnes praenominatos aduersarios eorum, iniuste pro conciuibus suis, impetiissent.

§. CCCLXVIII. Humilis conuentus ecclesiae *Varadiensis*, omnibus sanctae ecclesiae filiis, aeternam salutem in Domino. Vn.uerfitati vestrae notum facimus, quod, anno Dominicae Incarnationis, *Millesimo Ducentesimo vigesimo primo*,

Y y 2

mo,

g.) IOVBAGIONES ecclesiae inseparabiles, iure perpetuo, beneficio ecclesiastico obstringuntur. Hinc, collata ecclesiae bona, nullo vnquam modo alienari. S. LADIS. Lib. I. cap. 23. COLOM. Lib. I. cap. I. alienata, contra ea, restitui debent. S. LAD. Lib. I. cap. 24. CONST. an. 1550. art. art. 17. an. 1604. art. 22.

h.) ABBAS de supradicta ecclesia, quisnam fuerit, haud liquet. Nulla eius inter Abbates Hungariae, apud SZENTIVÁNYIVM l. c. vestigia: nisi *Tordensis* monasterii, cuius hoc loco fit mentio, fuisse, ex hac §. adfirmaueris.

i.) De patrono ecclesiae, conf. ad §. 9. not. r.

k.) De iureiurando, super S. LADISLAI regis sepulchrum, vid. ad §. 110. not. b.

l.) Inter hospites, Boemi pariter, atque Itali, & Teutones referuntur, apud THÚRÓTZIVM Chron. P. II. cap. 22. De eorum conditione, vide ad §. 5. not. k.

m.) THOMAS, Episcopus Agriensis dicitur infra §. 373.

n.) POUSA Banus, cuius provinciae praefuerit, lector ex his verbis nequit diuinare: nisi vetusta Regum diplomata in subsidium vocauerit. Quinque, hoc libello, BANI adlegantur, utpote: *Benko* §. 47. *Ocyus* §. 116. *Gyula* §. 186. *Salamon* §. 148. & *Pousa* §. 367. 373. quos diuersis regnis, cum potestate regia, praefuisse, alibi est obseruatum.

o.) AN-



mo, cum esset (o) edictum a Rege ANDREA, quod terræ castrorum, à quocunque violenter occupatæ, castris restituerentur. *Tiburtius*, *Gyula*, & *Helia* comitibus a præfato Rege in (p) parochia *Bichoriensi* delegatis, villani de *Vruz*, & de *Kolond*, & de *Gontoy*, coadiuvantibus eiusdem castri ioubagionibus, scilicet: *Luca* (q) Principe exercitus, *Tegeegu*, *Paulo*, & aliis, impetierunt filios *Bocion*, scilicet: *Georgium*, *Gylianum*, & alios omnes; dicentes, quod terram castri ad ipsos pertinentem iniuste occupassent. Illi autem responderunt, eandem terram esse sibi hæreditariam, & hoc testimonio comprouincialium probauerunt. Prænominati itaque iudices, vtramque partem, per *Pristaldum* nomine *Andream*, de *Pulos*, direxerunt ad examen ferri candentis *Varadinum*, vbi per triduanum ieiunium, cum deberet ferrum portari, supradicti actores, conuenerunt cum aduersariis ipsorum, dare eis terram metatam.

§. CCCLXIX. *Dominicus*, de genere *Sentemacus*, impetiit quendam (r) iuris militarem, nomine *Laribar*, dicens, quod sex capita feruorum, qui ab ipso fugerunt, apud ipsum inuenisset, & ipse eos occultasset: quod cum ille negaret, *Mauritius* (s) Vice-Palatinus per *Pristaldum*, nomine *Martinum*, de villa *Scilos*, ad examen ferri candentis misit *Varadinum*. Vbi homo *Dominici*, portato ferro pro Domino suo, mundatus est.

§. CCCLXX. *Ilabar*, & *Andreas*, ioubagiones *Laurentii*, filii *Pot*, impetierunt *Stephanum*, feruentem *Joanæ*, de furto. Iudice *Zakaria* (t) curiali comite de *Zathmar*. *Pristaldo Buchiba*, de villa *Euru*. Prædictus itaque *Stephanus*, portato ferro *Varadini* mundatus est.

§. CCCLXXI. *Joannes*, de villa *Isepu*, impetiit quandam mulierem, de villa *Potoc*, pro (v) veneficio, iudice *Zuga*, curiali comite de *Potoc*, *Pristaldo Petro*. Prædicta itaque mulier, portato ferro *Varadini*, combusta est.

§. CCCLXXII. *Andreas*, de villa *Volcaz*, impetiit *Laurentium* de villa *Bolu*, pro furto, coram *Mauritio* vice *Palatino*, *Pristaldo Stephano*, de villa *Kopri*. Præfatus itaque *Laurentius*, portato ferro *Varadini*, iustificatus est.

§. CCCLXXIII. *Scorcomer*, filius *Vrbani* Comititis, impetiit *Micum*, filium *Alexandri*, & præterea quosdam de genere *Misca*, scilicet: *Michaëlem*, *Chepa-*

---

o.) ANDREAE II. regis edictum, quo violenter ablatae terræ, castris restitui, disperlique, sub expeditione Hyerosolimitana, castrenses, colligi, §. 366. iubentur, ante annum 1222. adeoque, ante latam legem fundamentalem promulgatum est.

p.) PAROCHIA, est districtus iudicis, S. LADIL. Lib. III. cap. 16. Hinc, qui in vno districtu, seu comitatu, iurisdictionem exercet: comes, seu iudex parochialis dicitur. vid. §. 323.

q.) PRINCEPS exercitus, quinam fuerit, expositum est ad §. 133. not. I.

r.) Qui principi, in quolibet officio, seu in qualibet dignitate palatina, civili, aut militari, deseruiebat, ei militare dicebatur, eiusque esse miles. ABBAS FLORIAN. in Canon. c. 51. S. AVGVST. de Ciu. DEl Lib. V. cap. 6. Hinc, pro militiæ ratione, duplicia sunt inter Hungaros peculia, castrensia seu per militaria exercitia, & litterali scientia, conquisita. TRIP. P. I. tit. 5. Lique hinc, iuris militarem, eundem fuisse, qui & iure consultus, seu Causidicus dicitur. conf. du FRENE Glossar. voce Militare.

s.) Iudices regni ordinarii, suos habent in iudiciis vicarios, quales sunt: Vice-Palatinus, Vice-Iudex Curiae, Vice-Banus cet. CONST. 1545. art. 34. conf. ad §. 15. not. k.

t.) COMES curialis comitatus, quinam sit, dictum est ad §. VI. not. l.

u.) VENEVICIVM, species est magiæ illicitæ, quæ cum magia naturali, occulta quippe Physicæ scientia, non est confundenda. De veneficio, conf. ad §. 68. not. b.

vv.) De



*Chepanum*, *Vrbudinum*, & alios, de prædicto genere, dicens: quod currus ipsius inuadentes, duos de feruiantibus suis, occidissent, & res ipsius ad æstimationem triginta marcarum abstulissent, illis autem se innocentes esse fatentibus, *Thomas* Agriensis Episcopus, *Simon* quæque, & *Poufa*, atque *Mauritius* comites, (vv) Vice Regis iudices constitui, miserunt vtramque partem per *Pristaldum*, nomine *Paulum*, de villa *Galya*, ad examen ferri candentis *Varadinum*, vbi homo prædicti *Scorcomer*, portato ferro, pro domino suo combustus est.

§. CCCLXXIV. Anno incarnationis Domini M.CC.XIV. regnante gloriosissimo Rege ANDREA, (x) *Simone* Varadiensi Episcopo existente. *Jacon* filius *Pata*, emit a *Bodun* comite, filio *Eustachii*, tertiam partem terræ *Solumun*, portionem scilicet: ipsius *Bodun* comitis, loco (y) sessionis, & parte nemoris, ad eandem portionem pertinente distinctis, agro autem ab vna, tertia quidem parte data, sed indistincta, a parte *Petus*, filii *Chuley*, ad quem videlicet pertinent duæ partes eiusdem terræ. Idem etiam ab eodem emit super eandem terram, duos libertinos, scilicet: *Crachinum*, & fratrem eius *Bucham*; prænominatus autem *Bodun* comes testatus est, se vendidisse illa, & accepisse precium eorum taliter, videlicet viginti & septem marcas.

§. CCCLXXV. *Abram*, de villa *Kaba*, impetiit conuillanos suos, scilicet: *Cbekam* & *Modu*, de furto, iudice *Smaragdo*, comite de *Zounuc*, *Pristaldo Som*. Sed *Cbeka* & *Modu*, portato ferro, iustificati sunt.

§. CCCLXXVI. *Echy*, de villa *Moyzun*, impetiit conuillanos suos, scilicet *Gyndus* & *Suncud* de furto, coram *Zakeo*, curiali comite de *Doboka*, & idem matrem eorundem de veneficio, coram *Joanne* (z) Archidiacono, qui missi *Varadinum* per *Pristaldum* vnum nomine *Adam*, portato ferro iustificati sunt. Matrem vero eorum præfatus *Echy* subterfugit, dicens se falso illam impetiisse de veneficio.

§. CCCLXXVII. *Erricus*, de villa *Moyzun*, impetiit Dominum *Sumbug*, de furto, iudice *Zakeo* prædicto, *Pristaldo Christophoro*. *Sumbug* mundatus est.

§. CCCLXXVIII. *Vs*, *Hodnogy* impetiit *Maraz*, *Stephanum*, *Albertum*, *Peirum*, & *Vz*, de violentia, dicens se per eos septem plagis vulneratum, & quinquaginta marcas valens sibi esse ablatum. Quos (a) *Katapanus* Agriensis Episcopus, ex mandato Regis ANDRÆ, discutiens, ad candentis ferri iudicium, per *Pristaldum* nomine *Leus*, de villa *Scenues*, misit *Varadinum*: vbi taliter conuenerunt; quod prænominati aduersarii darent *Vs* *Hodnogy*,

Z z z

nogy,

vv.) De VICE-REGE, obseruatum est ad §. 124. not. vv. de Vicario regis iudice, ad §. 79. not. x. Anne is, sub ANDREA II. idem, qui Comes Palatinus, vel alter ab illo fuerit, ex §. §. citatis, est colligere.

x.) De SIMONE Varadiensi Episcopo, lege ad §. 252. not. o.

y.) SESSIONIS nomine, non tam synodi actio, sicuti du FRESNE voce Actio, vel ius suffragii in comitiis, de quo, CONST. 1715. art. 73. quam, pars prædii rusticani, in quo colonus sedet, hoc loco, est intelligenda.

z.) Habebant Archidiaconi iurisdictionem suam, quæ Audientia Archidiaconi dicitur. CAPITVL. Lib. V. cap. 174. Nam, ut ait ISIDORVS iunior. Epist. ad Leufred. Sollicitudo paræciarum & ordinatio, & iurgia, ad eius pertinent curam. Vnde, ab eorum sententiis appellatio procedebat, ad Episcopum, ab Episcopo, ad Archiepiscopum. &c.

a.) KATAPANVS, locandus est, post THOMAM I. cui successit, inter Episcopos Agrienses. SZENTIVÁNY, Dissertat. Paralip. Catalog. XIII.

Decad. I. Monumentum V.

b.) BANC



nogy, coram Capitulo Varadinensi in Dominica Reminiscere, decem & septem marcas, & idem iudici & Pristaldo satisfacerent, & si hæc non facerent, portarent regale iudicium.

§. CCCLXXIX. *Bubus*, ioubagio castri *Zatbmar*, impetiit ioubagionem de genere *Cupulon*, scilicet: *Crachinum* de villa *Malca*, pro furto. Quos (b) *Banc* comes Palatinus & *Posoniensis*, discutiens ad (c) *Praudam*, per *Pristaldum* nomine *Luger*, misit *Varadinum*: vbi *Crachinus* portato ferro, iustificatus est.

§. CCCLXXX. *Philippus*, de villa *Vulcboi*, impetiit ioubagionem *Stephani*, filii *Moruc*, scilicet: Dominum *Tochi*, de tribus marcis. Quos *Christophorus* curialis comes de (d) *Clus*, discutiens ad *Praudam*, per *Pristaldum*, nomine *Chepanum*, misit *Varadinum*: vbi homo *Philippi*, nomine *Geus*, portato ferro pro Domino suo, iustificatus est.

§. CCCLXXXI. *Mox*, ioubagio *Cofume*, impetiit hominem *Bartbolomai*, scilicet: dominum *Sorlout* pro vno equo, duas marcas valente, vñ *Pristaldus* dixit, quos *Bosou*, vice curialis comes de *Zobolcz*, discutiens ad *Praudam*, per *Pristaldum*, nomine *Micu*, misit *Varadinum*. Vbi Dominus *Mox* combustus est. Amen.

§. CCCLXXXII. *Sicu*, de villa *Perceu*, impetiit conuillanam, suam nomine *Benedictam*, uxorem *Vendég*, pro veneficio, iudice *Beniamin* (e) Vicearchidiacono, *Pristaldo Perta*. *Benedicta* combusta est.

§. CCCLXXX. *Solomun*, de villa *Achya*, impetiit conuillanum suum, nomine *Vendég*, de duabus marcis argenti & dimidia, iudice *Beken*, curiali comite, *Pristaldo Ela*. *Solomun*, portato ferro iustificatus est.

§. CCCLXXXIV. *Chekez*, curialis comes (f) *Misca* comitis, impetiit ioubagiones *Iordani*, filii *Ilarii*, scilicet: *Tecum*, *Dedemerum* & *Sumpou*, de duodecim marcis, singulos de quattuor. Quos *Iordanus* discutiens ad *Praudam*, per *Pristaldum*, nomine *Fyod*, misit *Varadinum*. Vbi *Tecus* conuenit dare aduersario suo marcam vnam, & idem iudici satisfacere, ita quod partem *Pristaldi Chekez* persolueret. *Dedemer* autem mundatus est. Dominus vero *Sumpou* combustus est.

§. CCCLXXXV. Ioubagio *Ioannis*, filii *Abfalonis*, impetiit *Zamam*, vitricum *Abfalonis*, dicens: quod uxorem suam, & ancillam suam, & vestes vxoris suæ, vi abstulisset. Iudice *Banco* comite Palatino, *Pristaldo Leger*. Cum autem ventum esset *Varadinum*, talis facta est inter illos conuentio; quod *Zama*, in festo *Sancti Georgii* redderet aduersario suo uxorem suam, in fide *Adæ*, filii *Pata*, quod nihil mali inferretur mulieri illi, redderet & ancillam suam, & tres vestes, & insuper vnam marcam, idem etiam satisfaceret *Pristaldo*. Iudici vero *Kaluz*.

§. CCCLXXXVI.

b.) BANC, seu Bancus, comes fuit Palatinus, & Posoniensis, vid. ad §. 266. not. a. §. idem 379. 385. 389.

c.) IUDICIUM ad PRAVDAM explicuimus ad §. 253. not. s. de quo conf. §. 380. 381. 384. 388.

d.) CHRISTOPHORVS, comes curialis, *Sebastiani* comitis, de castro *Clus*, iudicis a rege *BELA* delegati. §. 358.

e.) VICE-ARCHIDIACONVS, Archidiaconi vices, partim in ecclesia, partim in iudiciis, subibat. vid. du *FRESNE Glossar*.

f.) Comes curialis comitis quinquam fuerit, vid. ad §. VI. not. l.

g.) BILO-



§. CCCLXXXVI. *Honod*, impetiit seruum *Karolky*, nomine *Petrum*, de villa *Hot* pro furto. Iudice *Nuethlen* curiali comite de *Bichor*, & *Marca* (g) *Biloto*, *Pristaldo* vero *Stephano*. *Honod* renuntiavit actioni, cum ventum esset *Varadinum*, dicens: quod falsa opinione ducta, illum impetierat.

§. CCCLXXXVII. *Seraphin* de villa *Kourongy*, impetiit *Farsiu*, filium *Petii* conuillani sui, de quattuor ovibus, iudice *Iula*, filio *Vatae*, domino eorum, *Pristaldo Dica*, taliter conuenerunt; quod iudici, *Pristaldo*, & *Loco* simul satisfacerent, & domino ouium illarum, etiam simul satisfacerent.

§. CCCLXXXVIII. *Agya*, iobagio *Cesari*, filii *Legi*, impetiit Dominum *Engues* de *Kalatba* pro furto. Quos *Nuethlen*, curialis comes de *Bichor* discutens ad *Praudam*, per *Pristaldum* nomine *Lucum*, de villa *Lomb*, misit *Varadinum*. Vbi *Engues* iustificatus est.

§. CCCLXXXIX. *Quid*, filius *Olibrii* comitis, duxit in causam fratrem suum *Herbortum*, dicens: quod non deberet ipse *Herbortus* esse particeps cuiusdam (h) prædii nomine *Neuegy*, cum illud prædium pecunia matris suæ, scilicet: *Nouercae Herborti*, sit emptum, & ab eadem in morte sua, coram patre suo, *Olibrio*, & fratribus patris sui, nec non aliis cognatis eius, sibi soli, utpote vnico matris suæ, fuerit relictum, & adduxit in testimonium *Bos*, comitem, fratrem videlicet patris sui, aliosque cognatos & notos, & *Micam* comitem *Bichoriensem*. Quibus testimonium vnanimiter sibi perhibentibus, *Banco*, comes Palatinus, posuit super iuramentum *Bos* comitis, dato *Pristaldo*, nomine *Gyopol*, filio *Nicus*. Qui *Bos*, cum *Varadini* paratus esset iurare, prænominatus *Quid*, cum fratre suo *Herborto*, taliter conuenit, quod ipse portionem suam in prædio *Fegyuernuch*, quæ hæreditario iure ipsum contingit, fratri suo *Herborto* relinqueret, & ita prædium *Fegyuernuch*, a modo ipsius *Herborti* foret sine particepe; ita tamen, quod si quis de iam dicto prædio quicquam requireret, ipse *Quid*, datam a se partem tueri non teneretur. Præterea, idem *Quid* dimidium suæ portionis in terra *Baluc*, versus *Nesmer*, retento sibi iure molendini, dedit etiam *Bertoldo*, & ita pro his omnibus sæpe iam dictis, *Quid*, recepit solus consensu & pace fratris sui prædium *Neueg* totaliter. Amen.

Z z z 2

CCCXC.

g.) *Bilots*, vel *Bilochus*, iudex erat nobilium. vid. ad §. 57. not. e. §. 149. not. 6.

h.) De prædio, conf. ad §. 100. not. x.

i.) Post





Sequitur (i) Benedictio Episcopalis, super nouum Ferrum, ad manifestandum verum Iudicium præparatum.

Oratio.

(k) **B**enedic Domine Pater omnipotens! æternæ Deus! per inuocationem sanctissimi Nominis tui, & per aduentum vnigeniti filii tui, Domini nostri IESV CHRISTI, atque per donum Spiritus Sancti, ad manifestandum verum iudicium tuum, hoc genus metalli, vt sit sanctificatum & consecratum, vt omni dæmonum falsitate procul remota, fidelibus tuis, veritas veri iudicii tui, manifesta fiat, per Dominum nostrum IESVM CHRISTVM &c. &c.

§. CCCXCI.

Oratio.

**D**EUS Abraham, DEUS Isaac, & DEUS Jacob, DEUS omnium bene viventium, DEUS origo & manifestatio omnis iustitiæ, qui solus est iustus iudex, fortis & patiens! dignare exaudire nos famulos tuos orantes ad te, pro benedictione huius ferri. Vnde rogamus te Domine, iudicem vniuersorum, vt mittere digneris sanctam & veram benedictionem tuam super hoc ferrum, vt sit refrigerium illud portantibus & habentibus iustitiam, & credentibus in tuam iustitiam, & fortitudinem. Et sit ignis ardens iniquis & facientibus iniqua, & sperantibus in iniustitia sua, & pompa diabolica. Conuerte Domine incredulitatem iniustorum, per uirtutem & benedictionem tuam, & per inuocationem sanctæ Trinitatis, Patris, & Filii, & Spiritus Sancti. Et mitte in hoc ferrum vim virtutis ac veritatis tuæ, vt in eo semper per misericordiam & veritatem tuam, verissima iustitia, quæ tibi soli cognita est, fidelibus tuis, ad emendationem iniquorum, manifestissime declaretur, de quacunque quæstione ratio fuerit agitata, & nullam potestatem habeat diabolica virtus, veritatem tuam aut occultare, aut deprauare; sed sit feruis tuis in monumentum fidei, ad credulitatem diuinæ Maiestatis tuæ, ad certificationem misericordiæ ac verissimæ tuæ veritatis, per Dominum &c.

§. CCCXCII.

Tunc (l) aspergatur ferrum aqua benedicta, & dicat Episcopus.

**B**enedictio DEI Patris & Filii & Spiritus Sancti, descendat super hoc ferrum, ad discernendum Iudicium DEI. Amen.

§. CCCXCIII.

Sequitur (m) Benedictio ad locum, ubi ignem accendere, & consecrare debent.

**B**enedic Domine! per inuocationem sancti Nominis tui, hunc locum ad manifestandum verum iudicium, vt omni dæmonum falsitate procul remota, fidelibus tuis, veritas iudicii tui manifesta fiat. Per CHRISTVM Dominum nostrum, Amen.

§. CCCXCIV.

i.) Post accusationem legitime factam, & triduum in ieiuniis & oratione consumtum, sacerdos vestibus sacris, præter cauliam, indutus, ferrum ante altare positum, forcipe accipit, & hymnum trium puerorum: *Benedicite omnia opera &c.* decantans, illum ad ignem detulit, benedictione, super ferrum, super locum, & super ignem prius recitata, M. ZVERIUS BOXHORNIVS, Hist. Vniuers. p. 582. 583. edit. Lugd. 1652. ex MS. codice Anglicano.

k.) Benedictio super ferrum, iuxta ritum Anglicanum, post benedictionem super locum, & ignem, recitabatur, verbis propemodum iisdem: *Benedic Domine, Sancte Pater, omnipotens DEUS, per inuocationem Sanctissimi nominis tui, & per aduentum filii tui, atque per donum Spiritus paracleti, ad manifestandum verum iudicium tuum, hoc genus metalli, vt sit sanctificatum, vt omni dæmonum falsitate remota, veritas veri iudicii tui, fidelibus tuis, manifesta fiat, per eundem Dominum &c.*

l.) Hoc ritu, ferrum consecratum, inticiebatur in ignem, §. 394. & post, aqua adaspergebatur benedicta, §. 490.

m.) Benedictio ad locum, Anglicana, hunc in modum recitabatur: *Benedic Domine DEUS, locum istum: vt sit nobis in eo sanitas, sanctitas, castitas, virtus & victoria, & similia, humilitas, bonitas, lenitas, ex plenitudine legis, & obedientia, DEO Patri & Filio & Spiritui Sancto. Hæc Benedictio, fit super locum istum, & omnes inhabitantes in illo.* RITUAL. Anglic.

n.) Bene-



§. CCCXCIV.

*Benedictio ignis. (n)*

**D**omine Sancte Pater omnipotens æternæ DEVS, benedic hunc ignem, quem in nomine Filii tui Domini nostri IESV CHRISTI, & Spiritus Sancti, benedicimus & sanctificamus. Qui viuis & regnas. (o)

§. CCCXCV.

*Sequitur (p) Missa iudicii candentis ferri.*

*Introitus.*

**I**ustus es (q) Domine! & rectum iudicium tuum, fac cum seruo tuo secundum misericordiam tuam. *℣.* Beati immaculati in via, qui ambulant in lege Domini. Gloria Patri &c.

§. CCCXCVI.

*Oratio.*

**A**ctiones (r) nostras, quæsumus Domine! & aspirando præueni, & adiuuando prosequere, vt cuncta operatio, omnis oratio, & a Te semper incipiat, & per te cœpta finiatur. Per Dominum &c.

§. CCCXCVII.

*Lectio (s) Esaie Prophetæ.*

**I**N diebus illis, locutus est Esaia Prophetæ, dicens: Quærite Dominum, dum inueniri potest, inuocate eum, dum prope est. Derelinquat impius viam suam, & vir iniquus cogitationes suas, & reuertatur ad Dominum, & miserebitur eius, & ad Dominum nostrum, quoniam multus est ad ignoscendum.

§. CCCXCVIII.

*Grad:*

**C**ustodi me Domine! vt pupillam oculi, sub vmbra alarum tuarum protege me. *℣.* De vultu tuo iudicium meum prodeat, oculi tui videant æquitatem. *Alleluja!* Deus iudex iustus, fortis & patiens, nunquid irascetur per singulos dies? *Alleluja!*

§. CCCXCIX.

*Euangelium secundum Marcum. (t)*

**I**N illo tempore, respiciens Iesus in Discipulos suos, ait illis: Habete fidem DEI. Amen dico vobis, quia quicumque dixerit huic monti, tollere, & mittere in mare

A a a a

n.) Benedictio super ignem, formula, secundum ritum Anglicanum, fuit diuersa. Ita vero ea exprimitur: Domine DEVS, Pater omnipotens, lumen indeficiens, exaudi nos quia tu es conditor omnium. Benedic Domine hoc lumen, quod ante sanctificatum est, quo illuminasti omnem hominem, vel mundum, vt ab eo lumine, igne accendamus claritatis tue. Es sicut igne illuminasti Moysen: ita nunc illumina corda nostra, & sensus nostros, vt ad vitam æternam mereamur peruenire, per Christum &c.

o.) Absolutæ precationi super ignem, Angli subiiciebant, cum oratione dominica, brevia suspiria hoc modo: Pater noster &c. Saluum fac seruum &c. Mitte ei auxilium DEVS &c. De Sion tuere eum. &c. Domine exaudi &c. Dominus vobiscum &c. RITUAL. Anglic.

p.) Interea, dum ferrum incalescebat, sacerdos Missæ peragebat officium. BOXHORNIVS l. c.

q.) Conuenit cum introitu, qui, in Anglicano legitur rituali.

r.) Oratio, secundum ritum Anglicanum, aliis verbis fuit concepta, hunc in modum: Absolve quæsumus Domine, tui delicta famuli: vt a peccatorum suorum nexibus, quæ pro sua fragilitate contraxit, tua benignitate liberetur. Et in hoc iudicio, quoad meruit, iustitia tua præueniente, ad veritatis censuram peruenire mereatur, per Christum Dominum. RITUAL Anglic.

s.) De lectione ESAIÆ Prophetæ, ex Cap. LV. 6. 7. nihil in rituali Anglicano.

t.) Euangelium, quod apud Hungaros recitabatur, depromptum erat, ex MARCI XI. 22. 23. 24. quod autem apud Anglos, ex Marc. X. 17. 18. &c. In illo tempore, cum egressus

Decad. I. Monumentum V.

esse



mare, & non hæsitauerit in corde suo, sed crediderit, quia quodcumque dixerit, fiat, fiet ei: propterea dico vobis, omnia quæcumque orantes petitis, credite, quia accipietis, & fient vobis.

§. CCCC.

*Offertorium.*

**D**E profundis clamaui ad te Domine, Domine exaudi vocem meam!

§. CCCCI.

*Secreta.*

**O**Mnipotens sempiterne Deus, qui non sacrificiorum ambitione placaris, sed studio piæ deuotionis intendis; da famulis tuis, fidem rectam, spem inconcusam, & cor mundum, vt fides hæc tibi dona conciliet, & humilitas commendet. Per Dominum nostrum &c.

§. CCCCII.

*Communium.*

**A**Men dico vobis, quicquid orantes petitis, credite quia accipietis, & fiet vobis.

§. CCCCIIL.

*Tunc communicet Sacerdos criminatum (u) seu accusatum, his verbis:*

**C**Orpus (vv) Domini nostri JESV CHRISTI, sit tibi hodie ad probationem veri Iudicii. Amen.

§. CCCCIV.

*Oratio (x) post Communionem.*

**F**ideles tuos Deus! perpetua dona confirmet, & vota nostra, quæ præueniendo aspiras, etiam adiuuando proseguere. Per Dominum &c.

§. CCCCV.

*Peraçta Missa pergat Sacerdos cum cruce, & aqua benedicta, & plebe ad locum, vbi probatio fieri debet: imprimis dicantur VII. (y) Psalmi penitenciales cum Litanis, in qua interserantur hi duo versiculi:*

**V**T iustitiæ non dominetur iniquitas, sed subdetur nunc, & semper falsitas veritati tuæ. R. Te rogamus audi nos. Vt verum iudicium hodie nobis manifestare digneris. R. Te rogamus &c. Agnus Dei, Christe exaudi nos. Kyrieel. X. K.

§. CCCCVI.

*esset JESVS, in via quidam præcurrens, genu flexo ante eum, rogabat eum dicens: Magister bone, quid faciam, ut vitam æternam percipiam? JESVS autem dixit ei: Quid me dicis bonum. &c. RITVAL. Anglic.*

*v.) Sacerdos summa Eucharistia, hominem probandum, ad communionem prouocauit, & ne eandem, in condemnationem sui, si reus erat, ausu temerario acciperet; iureiurando prius obstringebat, hoc modo: Adiuro te, per Patrem & Filium, & Spiritum Sanctum, & per veram Christianitatem, quam suscepisti, & per Sanctas Reliquias, quæ in ista Ecclesia sunt, & per baptismum, quo te Sacerdos regenerauit, vt non præsumas illo modo communicare, neque accedere ad altare, si hoc fecisti, aut consensisti. &c. RITVAL. Anglic.*

*vv.) Præmisso examine, cum adiuratione, sacra eucharistia, his exhibetur verbis: Corpus hoc, & Sanguis Domini nostri JESV Christi, sit tibi ad probationem hodie. RITVAL. Anglic.*

*x.) Oratio post communionem, apud Anglos, his verbis recitabatur: Perceptis, Domine DEVS noster, sacris muneribus, supplices deprecamur, ut hujus participatio Sacramenti, a propriis nostris reatibus expediat, & in famulo tuo veritatis sententiam declaret. &c. Kyrie eleison. &c. RITVAL. Anglic.*

*y.) Deinde Kyrie eleison, & Litanis, & Psalmi. RITVAL. Anglic.*

*z.) Oratio-*



§. CCCCVI.

*Postea dicantur Orationes ad ferrum.*

**B**enedic (z) Domine Sancte Pater, per inuocationem sanctissimi nominis tui, & per aduentum vnigeniti Filii tui, Domini nostri IESV CHRISTI, atque per donum Spiritus Sancti, ad manifestandum verum iudicium tuum, hoc genus metalli, vt sit sanctificatum, & consecratum ad manifestandum verum iudicium tuum, vt omni demonum falsitate procul remota, fidelibus tuis veritas veri iudicii tui, manifesta fiat, per eum, qui venturus est iudicare viuos, & mortuos, & seculum per ignem, Amen.

§. CCCCVII.

*Alia Oratio.*

**D**EVS iudex iustus, qui autor pacis es, & iudicas æquitatem, te suppliciter exoramus, vt hoc ferrum ignitum, ad iustam examinationem cuiuslibet dubietatis faciendam, benedicere & sanctificare digneris. Ita, vt si innocens sit homo iste, de prænominata causa, vnde purgatio quærenda est, hoc ferrum ignitum, cum manu acceperit, illæsus appareat; & si culpabilis sit, iustissima sit ad hoc virtus tua, vt in eo veritas declaretur, quatenus iustitiæ non dominetur iniquitas, sed subdatur somper falsitas veritati. Per Dominum &c.

§. CCCCVIII.

*Alia Oratio.*

**O**Mnipotens DEVS! te suppliciter rogamus pro huius negotii examinatione, quod modo inter nos ventilamus, vt iustitiæ non dominetur iniquitas, sed subdatur falsitas semper veritati, & si hanc præsentem examinationem aliquis per aliquod maleficium, aut per herbas tegere, & impedire voluerit, tua sancta dextera, iustissime iudex, euacuare digneris, per Dominum nostrum. &c.

§. CCCCIX.

*Tunc aspergatur ferrum aqua benedicta.*

**B**enedictio DEI Patris & Filii & Spiritus Sancti, descendat super hoc ferrum, ad (a) manifestandum verum iudicium. Amen.

§. CCCCX.

*Oratio.*

**O**Mnipotens sempiterne DEVS! qui tua iudicia incommutabili dispositione iustus vbique iudex discernis, Tu clemens in hoc tuo iudicio, ad inuocationem sancti tui nominis, quod a te fidelium intentio deplorat, tua iustissima examinatione declara. Per Dominum &c.

§. CCCCXI.

*Alia Oratio.*

**D**EVS iudex iustus, fortis & patiens, qui sedes super thronum, & iudicas æquitatem, quoniam iustus es, & rectum iudicium tuum. DEVS, qui Susannam de falso crimine liberaisti, & tres pueros Sydrak, Misach, & Abdenago de camino ignis arden-

A a a a 2

z.) Orationem hanc, aliis exponit verbis, *Rituale ANGLICANVM*: DEVS, qui per ignem signa magna ostendis, Abraham puerum tuum de incendio Chaldaeorum, quibusdam pereuntibus eruisti, qui rubum ardere ante conspectum Moysi, & minime comburi permisti. DEVS, qui incendio fornacis, Chaldaicis plerisque succensis, tres pueros tuos illæsos eduxisti. DEVS, qui incendio ignis populum Sodoma inuoluens, Lotb famulum tuum, cum suis salute donasti. DEVS, qui in aduentu S. Spiritus tui illustratione ignis, fideles tuos ab infidelibus secreuisti, ostende nobis in hoc prauitatis nostra examine, virtutem eiusdem Spiritus &c. & per ignis huius feruorem, discernere fideles & infideles, et a tactu eius, cuius inquisitio agitur, conscius exhorrescat, & manus eius comburatur, innocens vero penitus illæsus permaneat, &c. DEVS, cuius notitiam nulla vnquam secreta effugiunt, fidei nostra, tua bonitate responde, & præsta, vt quisquis, purgandi se gratia, hoc ignitum tulerit ferrum, vel absoluitur innocens, vel rei noxius detegatur.

a.) Ad discernendum rectum iudicium Dei, *RITUAL. Anglic.*

b.) No-



ardentis per Sanctum Angelum tuum illæsos eduxisti, quique per aduentum vnigeniti tui Filii Domini nostri IESV CHRISTI, mundum saluasti, & per eius passionem, humanum genus redemisti; DEVS Pacis amator & auctor, qui respicis terram, & faciem tremere, respice quæsumus ad fidem, & preces supplicum tuorum, qui quærituræ suæ causas, ad tui iudicii examinationem deferre, & super hoc ferrum igne candens, ad dissoluendas eorum lites gratiam tuæ benedictionis infunde, ut per illius ministerium, & iustitia patefacta clarescat, & iniquitas victa succumbat. Tuam ergo omnipotentiam Domine! supplices deprecamur, & mente deuotâ fideliter imploramus, ut sicut olim supramemorati pueri, de succensa fornace illæsi, tua sunt dextera liberati, ita, quicumque innocens de hoc crimine, unde nunc iudicium agitur, in hoc ferrum igne candens, manum miserit, sanam inde atque illæsam, tua adiutus inuicta potentia reducat, nec habeat ignis virtutem lædendi, in eius corpore, quem de consensu huius facinoris conscientia non accusat, in mente. Ita etiam Dominator Domine! quicumque culpabilis incrassante diabolo, cor habens induratum, Maiestatem tuam tentare, & male sibi conscius, hoc ferrum ad tui iudicii examinationem paratum, manu sua attingere præsumserit, aut per aliqua maleficia, vel herbas diabolicas se tueri, & crimen suum celare, fidemque credentium illudere tentauerit, tua quæsumus Domine! inuicta veritas, per virtutem sanctæ crucis tuæ, quam apponimus, hoc totum euacuet, & manifesto visionis signo, occulti facinoris crimen detegat, ut reus hic per poenitentiam correctus, in futuri iudicii tui examine, a culpa inueniatur penitus absolutus. Per Dominum &c.

## §. CCCCXII.

*Postea (b) communicet eum Sacerdos, his verbis:*

**I**nterdico tibi, o homo! coram omnibus astantibus, per Patrem & Filium & Spiritum Sanctum, & per tremendum diem iudicii, per Mysterium Baptismatis, per venerationem omnium Sanctorum, ut, si de hac re culpabilis es, aut fecisti, aut sciisti, aut baiulasti, aut consensisti, aut propter actam culpam denominatam, sciens factoribus iuisti, ut ecclesiam non introeas, Christianæ societati non miscearis, si reatum nolueris confiteri admissum, antequam iudicio examineris publico.

## §. CCCCXIII.

*Tunc interrogetur sceleratus a Sacerdote, his verbis.*

**F**rater! es iustus ab hoc crimine, de quo accusaris? R. Iustus sum. Interrogetur, mundus? R. mundus sum.

## §. CCCCXIV.

*Tandem accusatus (c) accipiat ferrum ignitum, hæc verba sequentia dicendo.*

**P**er illud Corpus Domini nostri IESV CHRISTI, quod hodie sumsi, non confidens in ullum (d) maleficium, nec in virtutibus herbarum, accipio hoc ferrum.

**F I N I S.**

Impressum Colosvarini, per G. H. ANNO

SALVTIS HVMANAE.

M. D. L.

b.) Nouum sequebatur examen, ante ferri candentis contrectationem, cum eo, quod, ante *Sacra Eucharistia* functionem, fiebat, §. 403. haud confundendum.

c.) Mox accusatus, ad nouem pedum mensuram, ferrum perferat. BOXHORNIVS l. c.

d.) Ad omnem fraudem euitandam, manus sigillo munita, triduum obuelabatur, & si sinus crudebatur, in ferri reperiatur vestigio, reus, sin minus, iustus esse indicabatur, propterea laus DEO, iustissimo referebatur. BOXHORNIVS. *Hist. Vizers.* p. 584.

*Additamentum, ad §. CXXXI.*

FILII ECCLESIAE dicuntur, potissimum Imperatores, ac Principes, qui *Sedi Apostolica* venerationem quandam peculiarem impendunt, qualem filii patribus. Hinc, AMBROSIVS epist. 32. ad VALENTINIANVM Imp. *Quid enim honorificentius, quam ut imperator, Ecclesia filius esse dicatur.* Hoc nomine, Raphael Thomæ filius, ecclesiae Varadiensis filius nominatur, & quidem denotus; hoc est: qui se DEO vouerat, sicuti feminae & virgines, quæ castitatem vouerunt, ut est in *Concilio Valentino sub Damascio Cap. 2.*





DIARIVM  
JOHANNIS CVSPINIANI,  
DE CONGRESSV MAXIMILIANI I. CAESARIS,  
Cum VLADISLAO, LVDOVICO, ET SIGISMVNDQ,  
Hungariæ, Bohemiæ ac Poloniæ  
REGIBVS;

Et inita, ex gemino foedere matrimoniali,  
Anno MDXV. ad XXII. Iulii

ADFINITATE.

Accessit

JOHANNIS LISTHII  
DE INAUGVRATIONE MAXIMILIANI II.  
COMMENTARIOLVS

*ex coævis Schedis*  
nunc primum in lucem editus.

ADPARATVS AD HISTORIAM HVNGARIAE  
DECADIS I. MONVMENTVM VI.



EXCELLENTISSIMO ILLVSTRISSIMOQVE  
DOMINO COMITI,

DOMINO CAROLO ZICHY,

DE VÁSONYKÓ,

Hæreditario in Oroszvár Comitatus Mosoniensis  
Supremo Comiti, S. R. Maiestatis Actuali Intimo, & Consilii  
Locumtenentialis Regii, Consiliario, nec non, Cubiculariorum per Hungariam  
Regalium Magistro, & Sacræ Regni Hungariæ Coronæ  
DVVMVIRO.

Domino suo longe gratiosissimo.

FELICITATEM !



EXCELLENTISSIME COMES,  
DOMINE ILLVSTRISSIME!

**I**N more id positum habeo, vt Hos, quorum benignitate, in honestissimis quibusque destinationibus, releuatum me aduerto; non colam modo, priuati officii testificatione; sed venerer etiam publice, atque in eum modum, ne ignoret posteritas, quorum olim fauore ac patrocinio, in laboriosissimo, quod in collustrandis rebus patriæ sector, studiorum genere, fuerim sustentatus.

TE profecto, EXCELLENTISSIME DOMINE, COMES ILLVSTRISSIME! multis retro annis, & cum primo manum, innoxiiis, vastis tamen conatibus his, admoliri cœpi, nullo meo merito; sed TV A solius beneuolentia, & in meliores litteras, mirifica propensione quadam, adductum, in iis semper fuisse, pluribus documentis comperi, qui pulchrum ducunt honestumque, cum se dat oportunitas, viros, bene de patria mereri cupientes & tueri publice, & priuatim ornare beneficiis, in commune profuturis.

Atque his equidem auctoramentis inuitatus, eo iam prouehor audaciæ; si tamen audacia dicenda est, grati animi contestatio: vt nihil dubitem, TVAM, Excellentissime Domine! bonitatem illam, incomparabili cum munificentia coniunctam, tenuibus his monumentis, non modo propalam deuenerari; sed transcribere etiam, ad seram, memoremque beneficiorum, posteritatem.

Suscipe proinde, EXCELLENTISSIME DOMINE, COMES ILLVSTRISSIME! meam hanc, erga TE obseruantia significationem deditissimam, fronte placida, menteque, ad porro fauendum, prona. Ita TE ipsum, & quam a natura accepisti, beneficentissimam indolem, præclare æmulaberis; mihi contra stimulum subdes, vti animum inducam, cum se occasio dabit lautior congruentiorque, iterum, atque id adparatu exquisitiore, contestari, quam sim TVI, EXCELLENTISSIME DOMINE! ingenuus ac demissus æstimator. Vale, diu optimeque! quod animo obsequentissimo precatur,

EXCELLENTISSIMI COMITIS  
DOMINI ILLVSTRISSIMI,

*Clens deuotissimus*

MATTHIAS BELIVS.



## A D L E C T O R E M.



VM IOHANNIS CVSPINIANI, viri, sua ætate doctissimi, & ob rerum præclare administratarum vsum, apud MAXIMILIANVM I. Cæsarem, in primis gratiosum, DIARIVM istud, inter monumenta, *Adparatus mei, ad Historiam Hungariae*, refero, & Tibi, amice Lector! quasi in manus trado: eius quidem instituti, in promptu mihi, & rationes sunt, & inuitamenta.

Præterquam enim, quod inusitatum trium, Hungariæ, Bohemiæ, Poloniæque, VLADISLAI puta, LVDOVICI & SIGISMVNDI, Regum, in *Pisoniensi* hac vrbe, congressum; cuius similem, a CAROLI I. temporibus, (a) haud suspexit *Hungaria*; fide optima, adcuratatione summa, stilo simplici & aperto, retulit; præclare omnino de rebus *Hungariis* meritis est: quando, momentosum illud, geminati matrimonii, fœdus, cuius demum iuribus (b) in AVSTRIACORVM principum hæreditatem, auspiciato concessit *Hungaria*, aperte expromsit, & ex vero.

Atque id sane, vnus omnium, qui in grauissimo hoc negotio, quidpiam elaborauerunt; elaborauerunt autem plurimi; CVSPINIANVS facere poterat exquisitissime: quippe qui, obitis, totis quinque annis, *Budam*, XXIV. legationibus, tamdiu lapidem hunc, iussu MAXIMILIANI, voluit; dum res omnis, mascule ac prudenter, superatis, quæ se iniiciebant, remoris, magna cum CAESARIS, tum REGVM, adprobatione plausuque, feliciter consummaretur.

Depromsimus vero, DIARIVM ipsum, ex Cæsaribus CVSPINIANI, Basileæ apud *Oporinum* folio, impressis; sed rarioribus iam, ac fere locupletes etiam bibliothecas, fugientibus. Cum enim, vitam MAXIMILIANI sui, bonus ille, enarrauisset: pretium operæ futurum existimauit, si hunc eius actum, ad perpetuitatem, Serenissimæ DOMVS AVSTRIACÆ in primis adtinentem, eidem illi CAESARIS vitæ, subtexeret.

Iam equidem, tunc, in rem meam verteram, hanc CVSPINIANI diligentiam; dum vrbis PISONIENSIS historiam, pro eo, ac decuit, expromerem: (c) tamen, quia id a me ita factum est, vt, & in compendium mitterem, singulorum dierum actus; & orationem *Cuspinianeam*, non vndiquaque perpurgatam, ad meæ dictio- nis modum reuocarem; ita statui, æquitati maxime congruum fore, si, eodem hic habitu compareat libellus, quo, ab auctore suo, relatus fuit in litteras. A qua honesta destinatione, & istud fluxit; vt noluerim, notis haud forte inutilibus futuris, onerare scriptorem ex se ingenuum.

Adtexui porro, IOHANNIS LISTHII COMMENTARIOLVM, de MAXIMILIANI II. Inauguratione, quæ prima omnium, *Pisonii* concelebrabatur. Prodit autem, ex cœ- uis schedis, quas, laudatus, ad monumentum V. ANDREAS CZEMANKA, vir doctus, ante hæc tria lustra, locupletandis notitiis, atque adparatibus nostris, mecum, & lubenter communicauit, & liberaliter. Proinde, vtrumque, quod edimus, opu- sculum, ita comparatum est, vt multum inde lucis rebus nostris, sicuti se nunc habent, adfundatur.

Vltimum est, quod Te, Lector, *Hungaricarum* rerum cupide! obnixè rogarim; velis, tenui hac, ad ADPARATVM meum, accessione, ad eum modum perfrui, vt simul HUNGARIÆ, nouam nunc periodum, QVOD DEVS BENE VERTAT, inituræ; atque in pri- mis, Serenissimæ Reginæ, MARIAE THERESIAE, & IOSEPHO, PRINCIPI IUVENTVTIS, DELICIO NOSTRO, ex animo, bene preceris. Vale. *Pisonii*, Anno MDCCXLI. XV. Cal. Maii.


IACO-

a) Vide BONFINIVM, Decade II. Libro IX. p. 323. 23. Et operis nostri Tomum III. in *Historia WISSEGRADI*, §. VII. p. 479.

b) Vetera iam ante, & publicis vtrunque tabulis adfirmata AVSTRIACIS iura in *Hungariam* fuere; quæ videsis, apud BONFINIVM, Dec. IV. Lib. VIII. p. 655. Et in Appendice ION. SAMBUCI, p. 742. sq. Sed hinc tamen omnis eorum firmitas manauit. Vide, eadem Appendice, CONTRACTVM horum MATRIMONIORVM, p. 738. dum, anno MDCCXXIII. Articulo II. etiam SEXVI FORMINIO, in solidum adtribuerentur.

c) Tomo I. Operis nostri, *Historiæ vrbis Pisoniensis*. Cap. III. §. XLIX. p. 147. seq.





IACOBO VILLINGER,  
CAESARIS MAXIMILIANI  
THESAURARIO,

IOANNES CVSPINIANVS Præfectus Viennensis, felicitatem, ac  
S. P. D.



Emini inter Philosophos magnam esse altercationem: an conueniat sic viuere, vt nemo te vixisse sentiat, vt ille dixit: Crede mihi, bene qui latuit, bene vixit. Et illi potissimum qui ceteris volunt esse religiosiores, hoc suadent; quasi sic videantur humanam contemnere gloriam: cum ipsi sint ambitiosissimi & gloriæ auidissimi. Hi, qui etiam libellos de contemnenda gloria scripserunt, cum suum nomen proponunt, nunquid ipsi gloriam affectant? Nempe, hoc sudamus, ob hoc laboramus, ob hoc mille pericula & in mari, & in terra, subimus, vt quasi merces laborum gloria nos sequatur. Cur giture arbitrantur illi, sic esse viuendum, vt nemo nos vixisse sentiat? quasi omnia debeant ignorantia & tenebris occultari, cum nihil magis exoptet homo, quam scientiam, & natura scire desideret, & animi etiam nobilior pars sit lux ac lumen: quandoquidem planè omnibus insita est cupiditas cognoscendi, non modo mundana, sed & quæ supra nos sunt, ac quæ vix capere intellectu nostro possumus. Sed ex plebe nemo est tam excors, qui non velit aliorum regnorum ac prouinciarum non libenter indagare, & ritus, & mores, & res gestas, si habere copiam possit. Ob id, cum Plutarcho sentio; hominem nihil omnium æque refugere, ac ignorantiam & tenebras: atque ideo non esse viuendum, vt nemo nos vixisse sentiat; sed ita potius viuere, vt aliquo momento, si fieri potest, nos vixisse testemur. Hic post se liberos, hic libros relinquit, hic prædia, hic possessiones, hic ædificia, hic bonam famam: omnes bonum nomen conemur post nos relinquere, alioquin vita nostra mors potius est. Ego ita pro virili semper elaborauit, vt me vixisse testarer, quibusdam monumentis, quæ existant. Nec passus sum illud etiam ignorari, quod hic nobiscum iam actum est, quod certo scio, multi homines vtriusque sexus, libenter etiam in remotissimis regionibus vehementissime exoptabant. Quis enim bono ingenio præditus, nollet scire, quomodo ille celeberrimus Regum conuentus inchoatus, ac perfectus esset? & quo pacto mutuo sese amplexi essent, clementissimi illi Principes, qui se de facie prius non nouerant, etsi sanguinis vinculo prius erant astricti? Licet autem TV MI IACOB! tanquam consiliarius Cæsaris, non inter postremos numerandus, affueris, & oculata fide omnia intellexeris; tamen aliquando ea, quæ faciliora sunt, e memoria labuntur, quæ libenter in senectute relegimus. Amore tui omnia collegi, quæ & vidi, & quibus interfui. Quinque enim annis, vt scis, voluo hoc saxum, quibus vigesies & quater in Hungariam orator iui, atque hæc negotia tractaui. Quantum igitur potui, rem verissime, simpliciter tamen, sine turgida oratione, perscripsi. Quicquid id est, boni consules, & me, vt soles, amabis. Ex Vienna, vigesima Augusti.

Bbbb

DIA-





DIARIVM  
IOHANNIS CVSPINIANI,  
De Congressu Cæsaris MAXIMILIANI I. & trium Re-  
gum, Hungariæ, Bohemiæ, Poloniæ.

§. I.



AESAR MAXIMILIANVS, vt est ingenio singulari, ac prope diuino, animo voluens, nihil esse præclarius bono principi, quam prouincias & regna sua, solido aliquo robore stabilire: in omnes orbis angulos oculos suos coniecit, & nobilissimum quemque regem affinitate sibi deuinxit; vt inde prouinciis suis (a) perpetuam relinqueret quietem. Sic filium PHILIPPVM, in Hispaniam mittens, regem Aragonum sibi coniunxit. Cum autem diuus ille PHILIPPVS, numerosam post se prolem relinqueret, noluit Cæsar quamcunque amittere occasionem, ex quatuor filiabus, quæ secunda est post *Leonoram*, cui nomen ISABELLAE, regi desponsauit (*Dacia*) Daniæ: sed hoc aliquanto post. Ex septentrione, Cæsar, in orientem migravit, vt semen eius vndiquaque coalesceret. Vidit pientissimum Hungariæ & Bohemiæ regem, VLADISLAVM, nobilissimis liberis a DEO optimo maximo donatum, LVDOVICO & ANNA. Mox animo concepit, illosque sibi deuincire, Austriæque prouincias inferiores, robustissimo muro circumuallare. LVDOVICO Hungariæ & Bohemiæ regi, tertiam neptem MARIAM, in vxorem, & ANNAE vnum ex nepotibus, aut CAROLVM, aut FERDINANDVM, in maritum dare cogitavit; vt prouinciæ illæ contiguæ & regna, mutuis viribus robustiores essent, contra impetum *Turcorum*, & quorumcunque hostium. Id consilio & opera, tunc MATTHAEI *Episcopi Gurcensis*, hodie vero *Cardinalis*, qui & extremam manum huic operi imposuit, & Iohannis, *Varadiensis Episcopi*, professi ordinis S. FRANCISCI, primum inchoatum est. Accesserunt dehinc plerique oratores, quos Cæsar aliquot hinc annis in *Hungariam* misit. Qui inter cetera negotia, matrimonia hæc duplicia simul sollicita-

a) Ob hanc, dignam CAESARE, curam atque studium, merito, alterum *Sereniss. Domus Austriaca*, parentem, auctorem, statoremque, possis MAXIMILIANVM I. con-  
salutare. quippe qui, partem, a RVDOLPHO Habsburgico, dominationem *Austriacam*,  
per nobilissimam *Europa* partem, his istiusmodi artibus, feliciter propagarit.



citarunt, *Ianus Mracii* miles, præfectus arcis *Dronsdorff*, Comes *Leonardus de Hag*, *Wolfgangus de Rogendorff Baro*, *Ioannes de Pucham*. Hinc annis quinque continuis orator iuit in Hungariam, *Cuspinianus*, præfectus Senatus Viennensis, qui vulgo *Anabaldus* dicitur: postremo & *Laurentius Saurer*, vice dominus Austriæ, orator cum ceteris iuit. Interim *Cæsar*, licet grauissima bella gereret, & annis iam fere octo, superbiam *Venetorum* castigaret, nullam occasionem omittens, vt suum sortirentur finem, concepta iam dudum matrimonia, ex *Flandria*, in *Austriam* misit charissimam suam neptem *MARIAM*, Sponsam *LYDOVICI* regis, quæ Viennam apulit, duodecima die Iunii, anno *millesimo quingentesimo decimo quarto*, honorificentissime excepta, non tam a clero, quam vniuerso populo Viennensi, & deducta ad arcem Viennensem, vbi hodie adhuc habitat.

§. II.

Prius autem *Cæsar*, in *Austriam* descenderat, animo conueniendi regem Hungariæ *VLADISLAVM*, & tractandi, non tam de liberorum communium matrimoniis, quam de ceteris suarum prouinciarum, & regnorum necessitatibus. Sed insperato erupit quædam incondita rusticorum multitudo, quæ *Cruciatorum* appellabatur. Proximis enim ante mensibus, Cardinalis Strigoniensis, Legatus Apostolicus, *Cruciatam* detulerat in *Hungariam*, cum plenissimis indulgentiis, e qua re, vnde subsidium sperabatur, crudelissimum venenum ortum est. Nam, longe lateque defæuiit in *Hungaria*, hæc crudelissima pestis, & omni pestilentia sæuior, in vtrumque sexum indiscriminatim venenum iniiciens. Rapiebantur liberi ex matrum sinubus, truncabantur vt feræ, & abiiciebantur. Stuprabantur passim virgines, & matronæ, in parentum & maritorum conspectu. Sacra profanabantur, spoliabantur templa, ciuitates, oppida, arces, villæ, euastabantur & incendio corruebant: denique, nihil tam sanctum, quod ab iis *Cruciatas* non defœdaretur. Horum dux *Georgius* quidam *Ceculus* (gentis nomen est, (b) *Ceculi* enim prope Transiluaniam habitant) adsciuit hic sibi comitem *Laurentium* Presbyterum, qui crudelitate omnes superauit. Erat etiam ex ducibus quidam *Michael monachus*; ita hæc pestis nullum ordinem intactum reliquit. Ex minoribus ducibus multi erant, quorum nomina scribere est superuacaneum. Hi, quoscunque nobiles apprehenderant, palis affixerunt, mulieres ac liberos eiecerunt, prius tamen stupratis, bona surripuerunt. Erat animus illorum, vniuersam delere nobilitatem, & in toto regno, quod quatuor & decem habet Episcopales sedes, vnâ solam relinquere. Scribi non potest, qua crudelitate vsi sunt. Hoc satis sit indicii, cum auxilio diuino rabies hæc exstincta foret, ductu *IOANNIS* Comitis Zepusienfis, Veuodæ Transilvaniæ (qui ducem illorum, nouo quodam tormenti genere, a suis dentibus laniari iussit) & hinc decollari. Et de mense Nouembri illius anni, facta esset regnicolarum in Buda congregatio, patria lingua *Rakusch* appellatur. Hic publice narratum est, hoc tumultu rusticorum, qui vix quadrimestris erat, desiderata esse in Hungaria vtriusque sexus, septuaginta millia hominum, in quibus quadringenti fuerunt nobiles. Quod seculum mihi narrabit simile facinus? Quis vnquam talia aut

Bbbb 2

legit,

b) Nostri, latine *Siculos*, Hungarice, *Székel* adpellant: nefandum autem ducem hunc, *SZÉKELY GYÖRGY*. Habitant vero *Siculi*, non prope Transiluaniam, sed in Transilvania. De his vide *LAMRENTII TOPPELTINI*, *Originum Transilvanicarum*. Cap. V. p. 45.



legit, aut audiuit; sed longe maiora sunt, quam quæ scribuntur: multa enim ob pudorem scribere nemo audet. (c)

## §. III.

Fuit in ista congregatione siue conuentu, nomine Cæsaris, orator *Cuspinianus*: nomine Regis Poloniæ, Christophorus Schidlouiczki. Et cum illic etiam de concordia Cæsaris & Regis Poloniæ, inter cetera negotia, ageretur, visum est oratoribus differentias illas, facile non posse complanare, nisi simul coirent *Cæsar*, & vterque *Rex Hungariæ & Poloniæ*, fratres. Nam Cæsar iam a Rege *Hungariæ*, pro suo fratre rogatus, indulserat, quæ in eum fecerat, & ipsum arbitrum & mediatorem differentiarum delegerat, pro sedandis discordiis, quæ inter illos erant.

Remissus est itaque *Cuspinianus* a Buda ad Cæsarem, qui tum in *Ponte Oeni*, Iniprugk vulgo dicitur, morabatur; vt Cæsarem sollicitaret, pro conuentu tam sancto horum regum: qui non modo utilis suis regnis & provinciis; sed etiam hostibus plurimum formidolosus futurus erat.

*Cæsar* tum pluribus occupatus, venire ad finem *Februarii*, in *Posonium*, vt deliberatum erat, non potuit: tum propter *Heluetiorum* formidabilem inconstantiam; tum propter subitam & iniperatam mortem regis Franciæ *LYDOVICI*, qui prima Ianuarii Parisiis, anno decimo quinto, expirauit; tum etiam propter *CAROLVM*, Archiducem Austriæ ac Burgundiæ, nepotem, quem ex annis tutela Cæsar emancipauerat. Alijs quoque multis de causis Cæsar nequibat, quod vterque rex petebat, adimplere.

Decreuit itaque Cæsar, reuerendissimum in Christo D. MATTHAEVM S. Angeli Cardinalem *Gurcensem*, & coadiutorem *Salzburgensem*, mittere, qui cum pleno mandato, cum vtroque rege, omnia agenda perageret & tractaret.

Præmissus est itaque *Cuspinianus* Budam, qui hæc regi renunciaret. Et vt dies conuentus in diem Dominicam *Quadragesimæ*, qua in Ecclesia Romana cantatur: *Latere Hierusalem*, differretur. Placuerunt omnia regi Hungariæ, qui illico nuncium expedit, *Cracouiam* versus, vt hæc fratri regi Poloniæ referret. Ne tamen res tam sancta, vllius fraude interciperetur, D. *Ladislaus de Sternberg*, Cancellarius Bohemiæ, iter arripuit, & regem eduxit, persuasitque, vt nullis litteris inceptum iter deferret; sed ad *Posonium* vsque continuaret, expectaretque fratris regis & Cæsaris aduentum.

Narravit mihi *Georgius Thurso*, vir spectatæ fidei, & integritatis haud contemnendæ, regis Hungariæ Camerarius Montium: egressuro regi Poloniæ SIGISMUNDO, qui *Cracouiam* quinta Martii deseruit, *Matthiam Mebouitam*, singularem, tam in medendo, quam in prognosticando, magnæ eruditionis virum, annuissse: ipsum neque visurum Cæsarem, neque expediturum quidpiam. Quod cum miraretur rex, vt est animi inconcussi & firmi, constantissime perseverauit in proposito: *Eundum*, inquit, est, quo DEVS & fortuna vocat, promisi, promissum ratum seruabo, nemo me a proposito alienabit. Videbo Cæsarem, si DEVS volet, fratrem conueniam. Nihilominus interim per quosdam secretarios mandat, vt diligentius ab eodem doctore inquirant, serio ne? an ioco locutus fuerat. Afferit idem *Mebouita*, regem non visurum Cæsarem, nisi expectare velit Iunium. Et ante

c) Fuscæ, sanguinolentissimam hanc tumultuationem, descripsit NICOLAUS ISTVÁNFIUS, Libro V. toto, qui excutiendus est omnino. Adde huic, STEPHANI TAVRINI Olomucensis Stauromachiam, siue, Cruciatorum Seruile Bellum, Libris V. carmine Heroico, decantatum, ad GEORGIVM Marchionem Brandenburg. LYDOVICI II. tutorem. Prodiit anno MDXIX. fol. quadrip. estque in adparatibus nostris,



ante festum diui *Ioannis Baptistæ*, Cæsarem omnino non visurum: cum rex se rediturum, in mensibus duobus ad summum, speraret. Exiuit igitur rex bonis auihus, & cum tam longa mora traheretur, sæpe illius doctoris memoria subiit. Hoc idem *Mechouica*, *Andree Kostilitzki* thesaurario perscripsit, regem scilicet suum, vix Cæsarem ante festum *Alexii* visurum, quod & euenit, vt paulo post scribemus: decimo sexto enim *Iulii*, hoc est, in profecto *Alexii*, mutuo sese viderunt.

## §. IV.

VIGESIMA igitur *tertia Februarii*, anno præsentis MDXV. reuerendissimus dominus Cardinalis *Gurcensis*, applicuit *Viennam*, quam honorifice, ab vniuersa nobilitate, plebeque *Viennensi* susceptus: parumque quiescens, genio indulgit ad triduum: tum ad *Novam ciuitatem* profectus, conuentum prouincialium indixit, iussu Cæsaris. Interea, vt sui aduentus certior redderetur, rex *Hungariæ*, mittit D. Cardinalis, *Doctorem Virum de Furst*, *Budam*, vt regem excitaret ad *Posonium*, locum conuentus designatum. Nam quidam ex nobilioribus refragabuntur, ex quo Cæsar non veniret, facilius posse *Budam* conuenire regem *Poloniæ* & Cardinalem asserentes: sed sanior pars præualuit, & rex se *Posonium* venturum promisit. Continuato igitur itinere, firmatus iam animo rex *Poloniæ*, *Cracouiam* deferit, & *Posonium* versus pergit.

Cardinalis interim *Gurcensis*, conuocatis *Austriæ*, *Styriæ*, *Carinthiæ*, *Carniolæque* prouincialibus, res sibi a Cæsare commissas, strenue exsequitur; sed perficere non potuit, audiens regem *Hungariæ* decimo octauo *Martii*, *Posonium* venisse, crebris nunciis die noctuque singula indagat, vt est diligentissimus, nullam voluit occasionem amittere.

Tum XXII. *Martii*, ne vlla re indiligentiæ culparetur, mittit oratores ad regem *Hungariæ*, *Posonium*, qui se suaque offerrent, & aduentus sui diem exquirerent: Dominos, *Marquardum de Stein*, Præpositum *Bambergensis*; *Ianum Mraxii de Nascau* militem; *Cuspinianum* doctorem; *Wolfgangum Hemerle* secretarium Cæsaris. Hi iussa exsequuti, per nuncios singula D. Cardinali adaperiunt, & eidem in *Hamburgo* XXVII. *Martii* occurrunt, de singulis ipsum certiores facientes, quæcunque viderint aut intellexerint. Nam ante, vigesimo quarto scilicet die, Sabbatho illius dominicæ, qua canitur in Ecclesia: *Iudica me Domine*; rex *Poloniæ*, SIGISMUNDVS, cum celeberrima pompa ingressus est *Posonium*, quem ex *Ternauiâ* vsque conduxerunt, Episcopus *Quinque ecclesiensis Georgius*, & *Georgius Marchio Brandenburgensis*, iussu regis *Hungariæ*. Ipse autem rex *Hungariæ* VLADISLAVS, in curru ei, cum filio *Lvdouico*, occurrebat, sequentibus ipsos Episcopis, *Colocense*, *Vaciense*, *Bosnense*, *Sirmiense*, & vniuersa eius nobilitate, quæ ornatissime, more patrio, est instructa. In campo, vbi vidit fratrem aduentantem, iussit se ex curru in terram ponere in sella, quem rex *Poloniæ* fraterne amplexus, prouocauit in lacrymas. Rex *Lvdovicus*, miræ indolis, patrum exosculatus, benignissime excepit: repositus in curru, senior rex, filius *Ludonicus* equum ascendit, & in latere sinistro, cum patruo, urbem ingressus est, magno cum fastu, præcedentibus innumeris equitibus, nobilibus & curribus. Ducebat autem rex *Poloniæ*, plus mille quingentos equites, & partim more *Hungarorum*, quos *Hussiones* appellant, vestiebantur; partim habitu *Alemannico* ornati erant. Sed erant

Gecc

præter



præter *Polonos, Rutheni, Pruteni, Moschi, Turci* captiui, & *Tartari*, in suo equitatu, cum multis tibicinibus, qui tubas amplas sonoras, & a nostris dissonas, non sine horrore stridentes, vt in magno æstu solent vespæ & crabrones, inflabant. Erat & *Tureus* quidam cum tibia, qui nobis inauditam harmoniam & auribus nostris inacceptam, edebat, cum puero, tympanum ambabus violenter manibus percutiente. Sed & nostrates habebant tibicines, qui belle sonabant, & nostram musicam referebant.

Erat secum magna nobilitas, qui partim in equis anteibant deaurati, & torquibus aureis redimitti, partim peditibus ipsum cingebant, equo insidentem & veste purpurea amictum: *Veivoda Valachia*; *D. Nicolaus Virla*, Palatinus Sandomiriensis; *Nicolaus*, Palatinus Vilnensis, Palatinus Libliensis *Andreas*; Cancellarius *Schidlouiczki*; *Nicolaus* Palatinus Marburgensis; Thesaurarius *Andreas Cofiliczki*; *D. Lucas* capitaneus Poloniae, dominus *Raphael*, & multi alii, insignes & viri egregii vtriusque ordinis. Comitabantur vero illum tres Episcopi: *Matthias* Vladislauiensis, trium regum *Alberti, Alexandri & Sigismundi*, olim cancellarius; *Ioannes* Posnanien- sis, & *Petrus* Premisliensis, cum præpositis, secretariis & aliis prælatis.

Durabat hic ingressus, ab octaua, vsque ad primam horam, nam summo mane ingrediebantur currus, qui feruntur fuisse pene quingenti, in quibus quandoque quatuor niuei equi, quandoque rubei, quandoque alterius coloris, nunc sex, nunc octo in eodem cursu vehabantur: immixtæ erant & bigæ, licet paucae erant.

## §. V.

**VIGESIMA octaua Martii**, Cardinalis Gurcensis ex Hamburgo soluit nauis, & venit *Posonium*, horam circiter nonam. Cui omnis multitudo obuiam egressa, ripam Danubii ita adimpleuit, vt eques vix subsistere posset. Incessit ipse in habitu Cardinalium, quem Archiepiscopus Colocensis *Gregorius*, Comes de Frangepanibus, regni Hungariæ Cancellarius, in latere regis *LYDOVICI*, obuiam Cardinali, nomine patris & patrui missi, benigna & pulchra oratione suscepit. Ipse vero Cardinalis humanissime respondit. Aderant hic vtriusque regis procures, & consilarii, Episcopi & nobiles, ac summo cum honore ipsum quam honorificentissime, vsque ad hospitium conduxerunt, cum ingenti tubarum sonitu ac plausu.

Sequenti die, hoc est, **XXIX. Martii**, ingressus est urbem reuerendissimus Cardinalis Strigonien- sis *Thomas*, legatus de latere: cui & *D. Cardinalis Gurcensis*, cum omni curia sua (ductabat autem electam nobilitatem Austriæ & Styriæ) & vtriusque regis procures, occurrebant. Ipse sexingentos habuit equos, demptis curribus: magnæ vndique factæ sunt cerimoniae; quandoquidem maior pars omnis ætatis humanæ, in iis conteritur, Occurrebat & clerus cum pueris, & reliquiae sanctorum deferebantur obuiam tanquam *Metropolitano*.

**Prima Aprilis**, quæ erat solennis illa dies *Palmarum*, omnibus Christianis veneranda, Cardinalis Strigonien- sis in Ecclesia maiori *Diui Martini*, præsentibus tribus regibus, & *Anna* reginula, sacerdotale expleuit officium, cum cerimoniis debitis, ac cum indulgentiis plenariis; Cardinalis autem *Gurcensis* huic officio interesse non potuit, aduersa valetudine detentus: alia vniuersa nobilitas erat congregata.

Altera die, iterum conuenerunt in hoc templo tres reges, cum *Cardinalibus* ambobus: Strigonien- sis celebrauit officium de *Spiritu Sancto*. quo  
fipi-



finito, admonita est plebs per suffraganeum *Strigoniensem*, vt deuotissime pro concordia Cæsaris & Regum, DEO supplicarent: lingua Latina, Hungarica, Bohemica, & Alemannica: pronuntiatae sunt interim *indulgentiae plenariae*.

Recta inde via, tres reges, duo *Cardinales*, *Archiepiscopi* & *Episcopi*, procures & consiliarii, in domum regis Hungariae profecti sunt, & facto magno consilio, *Cardinalis Gurcensis*, oblatis litteris suae credentiae de more, latissime & profusissime, cur, & ob quam causam venerit, in summo silentio locutus est, bene audientibus regibus & consiliariis Cæsaris, ac vtriusque regis, qui omnes erant plus quinquaginta. Cui finita oratione, benignissime simul & elegantissime respondit, *Cardinalis Strigoniensis*. Durauit hoc consilium, ad horam circiter secundam, post meridiem.

## §. VI.

TERTIA Aprilis, *Cardinalis Gurcensis*, comitante ipsum curia sua, & pulchra nobilitate, venit ad hospitium regis *Poloniae*, qui ei egressus obuiam, humanissime ipsum excepit in plateis; ac vbi ambo in praesentia consiliarium refederunt, *Cuspinianus* iussus, litteras Cæsaris, cum quadam salutatione obtulit breuiuscula: ambo dehinc mutua colloquia, sed non diu, fecerunt.

Eodem die venit triste nuncium de obitu illustris ducis *Bartholomaei de Münsterberg*, qui a Cæsare festinans ad hunc conuentum, in Danubio, haud longe a *Hamburgo*, ab fluctibus obrutus, submersus est. Quod in primis affecit *VLADISLAVM* regem, & in lacrymas excitauit: Deinde *Cardinalem Gurcensem*, qui eum vnice amabat, vtpote virum bonum & strenuum. Ex cuius morte, quidam male de futuro conuentu augurbantur. Nam & pridie magnificus *Iohannes de Messeritz*, capitaneus Moraviae, qui etiam saepius orator in hoc negotio fuit, subita morte exspirauit. Et *Vitus de Furst*, qui regem plurimum ad hunc conuentum sollicitauit, *Viennae* mortem oppetiit. Ita tres oratores sese ex iis negotiis liberarunt, & superum conuentum adierunt.

Hinc iterum in hospitium regis *Hungariae* conueniunt, omnes hi principes, & tractatum incipientes; inueniunt rem esse morosam, in tanta multitudine, per tot suffragia esse consulendum: redigunt itaque ad minorem numerum singulorum regum consiliarios. Et D. *Cardinalis Gurcensis* accipit secum consiliarios Cæsaris, D. *Ianum Mrassii*, *Laurentium Saurer*, Vice dominum Austriae, *Cuspinianum Doctorem*, & *Gabrielem Vogt*, secretarium Cæsareum: nomine vero regis *Hungariae*, erat *Cardinalis Strigoniensis*, *Archiepiscopus Colocensis*, *Episcopus Quinqueecclesiensis*. Rex autem *Poloniae* misit, *Petrum* Episcopum *Premisliensem*, *Christophorum Schidlouiczki* cancellarium, & *Palatinum Vilnensem Nicolaum*.

Hi, quoties articuli propositi fuerunt, referebant ad reges; sed plene concordari non poterant, licet plerosque dies consumerent, & consilium, in tertiam vsque horam post meridiem saepius pertraherent.

Vndecima Aprilis, institutus est ludus pro cursu equorum. Primus brauium accepit argenteum deauratum poculum: secundus pannum aureum pro veste: tertius simplicem pannum pro tunica. Cucurrerunt vndequadraginta equi velocissimi & pulcherrimi; sed *Georgius Comes Zepusiensis* omnes praecessit.

Visa est hic res memoratu digna: quidam *Mosebus* insidebat equo *Tur-*



co, & de more ducebat alterum in manu dextra, cum autem vehementissime curreret cum ambobus equis, salit ex vno equo in alterum, in medio cursu, semper alterum manu seruans, ne discurreret. Erat pulchrum spectaculum, coram regibus & principibus. Nam tres reges egrediebantur pulchro ordine: similiter & *Cardinalis Gurcensis*, ac omnes Episcopi, cum vniuersa nobilitate. *Mosebi*, tum etiam, ac *Tartari*, artem suam iaculandi sagittas in aerem, miro ingenio ostentabant.

## §. VII.

DVODECIMA *Aprilis*, concluderunt interim, quædam esse renuncianda Cæsari. Et ideo data & accepta salute cum summa reuerentia, & exhibita munera regia, *Cardinalis Gurcensis*, *Posonium* relinquit; cum prius ex suis præcipui aulici, frater eius vterinus *Iohannes Lang*, magister domus *Ioannes Schenk*, *Wolfgangus de Keutzbach*, & *Christophorus Graff de Rattstat*, in die Paschæ, expleto diuino officio, quod a *Cardinale Strigoniensi* celebrabatur, essent militari cingulo & honore ornati a tribus Regibus, in tanta diei festiuitate.

Reuersus *Cardinalis Gurcensis*, *Viennam*, mox duos consiliarios Cæsaris, *D. Wilhel mum de Rogendorff*, & *Laurentium Saurer* vice dominum, per postam mittit ad Cæsarem, qui licet quatuor diebus ascenderint festinanter *Augustam* vsque, tarde tamen reuersi sunt, ob negotia emergentia quotidie: & interim vrbs *Posonium* inopinato & subito incendio, plus media, (d) comburitur.

VNDECIMA *Maii*, *D. Cardinalis Gurcensis* cum sex Cæsareis Consiliariis: *D. Marquardo de Stein* Præposito *Bambergeni*, *Wilhelmo de Rogendorff*, *Iano Mraxii*, *Laurentio* Vice domino, *Cuspiniano*, & *Gabriele Vogt* secretario, iterum in naui descendit *Posonium* ad vtrumque regem, tractaturus & concludurus, tam matrimonia, quam fœdera pacis & concordie. Et licet clam sine pompa intrare vellet urbem, mox tamen certiores facti antistites & principes, *LYDOVICVM* regem eduxerunt *Cardinali* obuiam, cum omni vtriusque regis familia. *Cardinalis* etiam *Strigoniensis*, quasi omnia neglexisset, festinabundus circa portam vrbs, cum omni sua familia, occurrit. Similiter & alii Episcopi & Archiepiscopi, somno exciti, obuiam prodierunt.

Septem hinc diebus ardue disputatum & tractatum est de singulis, & mature omnia deliberata sunt, in articulos redacta & scripta, ac vltro citroque pensitata. Nunc enim consiliarii vtriusque regis, in hospitio *Cardinalis* tractauerunt & consultarunt; nunc vero *Cardinalis* regem *Poloniae* adiit, & secretius quædam, amotis arbitris, tractauit; nunc vicissim dominum *Cardinalem* de suis negotiis sollicitant: nulla quies, nullum ocium, omnia labore plena erant.

VIGESIMA *Maii*, mane a septima hora, vsque in primam post meridiem, vterque Rex, cum duobus *Cardinalibus* & consiliariis deliberarunt, & deliberatis omnibus in præsentia consiliariorum, *Cæsaris*, & amborum Regum articulos legi fecerunt, qui fuerant ipsoꝝ manibus subscripti & sigillis muniti, cum omni fauore & plausu.

Sequenti die, *Rex Hungariae* instituit conuiuium regale, quo regaliter & opipare accepit fratrem suum *Regem Poloniae*, *Cardinalem Gurcensem*, & præfatos rex consiliarios *Cæsaris*.

## §. VIII.

d) Descripsit incendium hoc, & captata inde omnia, *ISTVÁNEFYVS*, Lib. VI. p. 78. II. & nos, operis nostri, Tomo I. p. 181, in huius congressus historia.



## §. VIII.

Reuersus *Viennam* Cardinalis *Gurcensis*, XXIII. & XXV. *Maii*, exiuit, vt prælocuta Cæsari narraret, ipsumque abduceret. Interim, ambo Reges, non sine ingenti fastidio, longam moram traxerunt in *Posonio* per totum Iunium; licet crebræ mitterentur litteræ, nunc a Cæsare, nunc a Cardinali *Gurcensi*. Quas Vice dominus, vt est suarum rerum diligens exsecutor, & nocte & die, mox regibus transmittit, vt impatientiam eorum leniret crebris litteris mittendis.

Sed, non contenti Reges, quod Cardinalis iuisset ad Cæsarem, miserunt ambo oratorem *Hieronymum Balbum*, Præpositum *Posoniensem*, vt per eum intelligerent, si Cæsar esset venturus, nec ne certo. Is Cæsarem in *Inspruck* apprehendit, sed responsum in *Rottenburg* ab eo accepit. Subsecutus est, hunc alius orator regum (tam impatienter longam hanc moram tulerunt) dominus *Protesilaus de Schmibau* Bohemus, quem Cæsar secum detinuit.

Post hunc alii duo missi, *Nicolaus Ceculus* (e) Hungarus, & *Petrus Polonus*, milites, ab utroque Rege ad Cæsarem, vt eius aduentum sollicitarent. Quibus honeste expeditis, promisit se venturum: & vt bono animo essent Reges, eosdem litteris & responsione hortatus est, fraterne & quam humanissime.

Vbi ergo Reges iam animo firmati, aduentum *Cæsaris* crediderunt, honestatis & emerendi fauoris gratia, oratores sex, singuli tres insignes viros miserunt. Rex Hungariæ, Episcopum Quinque ecclesiensem *Georgium*; *Ladislauum de Sternberg* Cancellarium Bohemiæ; & *Moysem de Buslai*, magistrum curiæ. Rex Poloniæ item tres, Episcopum *Ioannem* *Posnaniensem*; dominum *Lucam*, capitaneum regni Poloniæ; *Christophorum Schidloviczki* cancellarium, qui *Viennam* ingressi sunt, equis pene quingentis phaleratis, & more suo ornatis comite & eleganter, sexta *Iulii*; cum antea *CASIMIRVS Marchio Brandenburgensis*, cum Comite *Bertholdo de Hennberg*, cum equis centum & quadraginta sex cataphractatis, & nobilissime armatis, a Cæsare præmissus, urbem introisset splendidissime ornatus cum pinnulis, armis, simul etiam cum vexillis albis, paruis, ac maioribus; & *Thomas Fuchs*, cum centum quinquaginta equis, bene armatus more Germanico; *Ioannes Iacobus* item de *Landau* cum totidem, & alii multi nobiles ac aulici, qui Cæsarem præuenerunt & ibi eum expectarunt.

*Octaua Iulii*, rediit Cardinalis *Gurcensis*, cum Archiepiscopo *Bremenensi* *D. Christophoro*, Ducibus *Bauariæ* *Guilhelmo* ac *Ludouico*; Duce *Alberto de Meckelburg*; Duce *Vldalrico de Würtemberg*. quibus ad ripam *Danubii* occurrerunt, *Ioannes* Episcopus *Ratisbonensis*, *Palatinus Rheni*; Episcopus *Patauiensis* *Vigileus*, qui pridie aduentarunt, & quorundam principum oratores ac legati.

## §. IX.

DECIMA *Iulii*, Cæsar, circa horam noctis decimam, *Viennam*, sine pompa ingressus est. Cum biduo fere quieuiisset, fatigatus ex itinere, in castro quodam, circa filuam *Viennensem*, cui nomen est *Hecking*.

Dddd

Vnde-

e) Hungarice, SZÉKELY MIKLÓS, præcipue, cum nobilitatis, tum dignationis vir; cum infausto illo homine, cuius supra meminit *CYSPINIANS*, haud confundendus.

Decad. I. Monumentum VI.



*Vndecima Iulii*, Cæsar, præfatos sex oratores Regum, in arce *Viennense* audiuit in præsentia principum & consiliariorum, & *Episcopus Quinqueecclesiensis*, (f) longa oratione pro expeditione contra Turcos cohortatus est amplissimis verbis. Quibus benigne Cæsar, per doctorem *Petrum Mottam* Hispanum, respondit breuiter ac simul eleganter, illisque dimissis, iussit corpora sua curare, ac in hospitia redire.

*Duodecima Iulii*, vocatis in arcem oratoribus, eos absoluit ac abire iussit. Sunt cum summo honore per Episcopos ac Principes extra portam deducti quam honorificentissime sequenti die mane, hoc est *XIII. Iulii*.

Eodem die Cæsar, ad excipiendos Reges, misit obuiam oratores suos, Archiepiscopum *Bremensem*, *Christophorum*, Marchionem *Casimirum*, *Wilhelmum* de *Rogendorff*, & *Cuspinianum* Regi Hungariæ, qui *XIV. die Iulii* inuenerunt regem Hungariæ *Vladislaum*, cum liberis suis, in quodam castro *Kottsee*, (g) cui adiacet villa, prope Danubium; & facta salutatione, mandata sua executi sunt, inuitaruntque vt *Viennam* veniret.

Similiter ad regem Poloniæ, Cæsar misit oratores ad *Hamburgum*, (illic enim traiecerat Danubium rex Poloniæ, vt erat ordinatum, quo expeditius equi & currus Danubium in diuersis vadis superarent,) Ducem scilicet *Bauariæ Wilhelmum*, Episcopum *Labacensem Christophorum*, Præpositum *Baltasarem Mercklin de Waldkirch*, & *Mraxii*, qui similiter vt superiores exsequentes sua mandata, regem, nomine Cæsaris exceperunt ac inuitarunt.

*Decima quinta Iulii*, exiit *Viennam*, ac prodiit obuiam Cæsar Regibus, in lectica adornata, instructissimo & electissimo exercitu, cum multis equis cataphractariis, cum splendidissimis militibus, ac nocte, quinque milliaribus a *Vienna* in castro quodam *Trautmansdorff* pernoctabat. Cum Rex Hungariæ in oppido *Pruck*, prope *Leyttam* fluuium; Rex vero Poloniæ in *Hamburgo* eam noctem consumerent.

Nocte fere media, venit *Cuspinianus* ad Regem Hungariæ, a Cæsare missus, qui dabat ordinem conueniendi, ne fieret confusio. Iussus est rex manere in sua lectica: nam & ipse quoque vehebatur lectica, quam Cæsar pulchre adornatam, cum optimis equis regi donauerat pridie. Et reuersus, iussus est a Cardinale *Gurcense*, ire ad regem Poloniæ, vt idem ei narraret, quem reperit in campo haud longe a tentoriis, quæ illic extensa erant. Arbitrabantur enim nonnulli, Cæsarem, id quod maxime recusauit, disputaturum de prælocutis in tentoriis aut sub diuo. Cæsar autem arborem excelsam iussit in planitiem latam (*defigi*) quæ poterat ab longe conspici, sub hac voluit conuenire Reges. Et quasi felici captato augurio, sub diuo aperte voluit alloqui fratres Reges, & eos salutare, ac mutuis complexibus exosculari.

#### §. X.

Mane itaque horam circiter sextam, *XVI. Iulii* egressus est Cæsar cum omni suo exercitu a *Trautmansdorff*, ad locum illum designatum, in planitie quadam, iuxta siluam, cui nomen est patria lingua *Hart*. Hic erat collis

f) Ita *ISTVÁNYVS* quoque, Lib. VI. p. 28. 29. 35. Fuit autem, *GEORGIVS SACMÁRI*, præcipuæ, post *THOMAM* Cardinalem, in Clero Hungariæ, existimationis.

g) Vetus, & genuina apud Germanos *Köptsinii*, *Mosoniensium* oppidi, appellatio, a cœnoso situ, quem Danubii olim diluuiâ, talem faciebant, deducta: iam *KITSEÉ* vocant. Vide Operis nostri Tom. V. in Historia Comitatus *Mosoniensis*, Parte Spec. Memb. I. Sect. I. num. IV.



collis intumescens aliquantisper, a dextris silua, a sinistris vepribus ac modicis spinis consparsus monticulus. Ab hoc descendens Cæsar, poterat, tam ab *Hungaris*, quam a *Polonis*, latissime conspici, armis illuc escentibus, in meridie præsertim, iaculante sole radios vibrantes in exercitum.

Processit autem hoc ordine *Cæsar*: Capitaneus Nouæ ciuitatis *Melchior de Mansmunster* in equo cataphractato, & sui armati, rubeis vestibus induti, ipsum sequentes, ductabat aciem. Quem sequebantur in primis aulici & familiares Cæsar's inermes, ac provinciales, ceterique nobiles, & qui ad hoc spectaculum concurrerunt ciues & mercatores; sed ornati & bene vestiti ac elegantes; alioquin excludebantur & eiiciebantur. Multi aureis torquibus redimiti, & variis monilibus, conspectum reddebant amœniorem. In singulis membris quinque equitabant. Hos sequebantur *Ducis Wirtenbergensis* familiares armati, & sagitarii. Nec non domini reuerendissimi *Cardinalis Gurcensis* aulici, sine armis quidem, sed honeste vestiti, fuerunt circiter octingenti,

Pulchra dehinc serie progrediebantur equi *Cæsar's* tredecim, quos tredecim pueri equitabant, nigro veluto vestiti, perquam elegantes.

Post quos equitabant *Ervaldi*, (h) suo peculiari habitu amicti, cum duodecim tibicinibus, & duobus tympanis magnis.

Tum sequebantur Antistites: Archiepiscopus Bremensis *Christophorus*, ex domo Ducum de Braunschweig; Episcopus Ratisbonensis *Ioannes*, ex domo Palatinorum; Episcopus Patauiensis *Vigileus*; Episcopus Latacensis *Christophorus*; Dux Bauariæ *Ludovicus*; Dux de Mecklenburg *Albertus*.

Post hos succedebant *Cæsar's* Ianitores, cum albis virgis in manu, de more, præcedentes *Cæsaream* maiestatem.

Tum ferebatur in lectica CAESAR; quæ panno, & purpureo de scarlaco, & nigro veluto, forma quadrata erat cooperta: eodem habitu pueri & seruus, qui equos ducebant. Propè lecticam in latere dextro, *Cardinalis Gurcensis*, habitu suo ornatissime equitabat; in sinistro orator regis *Angliæ*. Multi vero nobiles, omnes veluto nigro vestiti, de equis descendentes, pedites circa lecticam ambulabant. Hos sequebantur in equis, pariter nigro veluto vestiti, aulici proceres, *Wilhelmus de Rapolstein*, magister curiæ; *Cyprianus de Serentein* Cancellarius; *Iacobus Villinger* thesaurarius; *Ioannes Schnaydpek*, Austriæ Cancellarius; & consilarii, & regentes *Iacobus Fucarus*, *Balthasar Mercklin*, Præpositus in Waldkirch; *Marquardus de Stein*, Præpositus Bambergensis; *Melchior Phintzing*, Præpositus Nurenbergensis, cum fratre *Vdalrico*, Præposito, & pluribus consiliariis & aulicis Cæsareis qui omnes, sericeis vestibus, & torquibus aureis, ac pretiosis monilibus, erant compti & ornati.

Tandem, ornata phalanx splendidissime incedebat, tota armis cooperta, cum tibicinibus & tubis ductilibus. Præibat cum equo cataphractato *Leonardus Rauber*, Cæsar's mariscalus, ducens secum familiares nigro habitu vestitos; quibus rota in brachio pro insigni erat: auream ipse vestem supra arma gerens. Tum serie pulchra sequebantur: *Wilhelmus* Dux Bauariæ, æreus totus cum equitibus suis, suo peculiari colore vestitis, qui canem in brachio pro insigni ferebant. Hinc *Casimirus*, Marchio Brandenburgensis, in equo cataphractato, veste aurea & rubea, cum electissima familia, quæ rubeis vestibus erat ornata, & pluribus aureis catenis ac pretiosis pinnulis, cum gemmis ac monilibus. Penes eum erat *Bertholdus Co-*

Dddd 2

mes

h) Latinis Caduceatores, Germanis hodie Herolds, dicti.



mes de Hennenberg, & nobilitas Franconia insignis, equites, cuspides albis vexillis parvis ornatas, duo pueri alba vexilla lata & pulchra, gerentes. Subsequebantur deinde Comites, suo quisque colore ornatus, sed cataphractatis equis; Comes Georgius de Montfort; Comes Georgius de Schaunberg; Comes Hoyr de Mansfeld; Comes N. de Vesterburg, Comes Iohannes de Hardeck; qui mirum in modum margaritis ac gemmis adornatus resplendebat: coopertus erat equus gemmis & perlis, & superbissime incedebat. Dehinc, nobilitas Austriae, supra Onasum, electissimo instructa exercitu, subsequebatur. Cataphractariis similiter equis, Wolfgangus Iörger, capitaneus in Lyntz, Sigismundus, Ludovicus de Polham, Ciriaceus de Polham, Rudolphus & Sebastianus fratres de Hobensfeld, Ioannes Iacobus de Landau, Thomas Fuebs, qui omnes erant excellenter ornati. Et agebant equos plus quam octingentos, in quibus erant cataphractarii LXXX. circiter. Hoc ordine incessit Caesarea maiestas, & ubi appropinquavit arbori terrae infixae, circa iactum bombardae, accesserunt Reges propius, cum suis cateruis & militibus, qui more suo erant simul ornati.

Hos antecedeat immensa multitudo Hussaronum, qui vexillis bipartitis, rubeo & albo colore, praebant.

Subsequebantur Moschovites, siue Moschi, caeruleo colore vestiti, cum albis longis pileis, ac arcubus armati. Tum Tartari, in quibus multi captivi, cum tubicinibus suis, de quibus superius scripsimus, qui sonabant horrendum.

E regione seorsum immensa multitudo Hussaronum, qui Regis Hungariae erant, pariter de more suo, albis & rubeis vexillis armati.

Quos succedebant utriusque Regis tubicines, in aëra usque clangentes, more Germanico, ornati & vestiti, cum tympanis sonoris.

Tum incedebant ornatissime instructi, vestibis, & torquibus aureis, & equis phaleratis multo argento, domini Barones ex Hungaria & Bohemia, in quibus erat: Marchio Brandenburgensis Georgius, frater Casimiri, habitu Hussaronum. Dux Carolus de Münsterberg, tres fratres de Sebmihau. Ambrosius Stherko, Michael Paluci, magister cubiculariorum, Petrus Carlacski, (i) Franciscus Ortzag de Gots, Banus Nándoralbensis, & Emericus Ortzag, magister cubiculariorum regis LUDOVICI; Ioannes Pethen de Gersse, magister curiae serenissimorum liberorum; Stephanus Perém, Ioannes Bornamissa; Moses de Bulsai, cum filio Ladislao, magistro curiae; Ladislavus de Caniza; Ioannes Bánffy de Lindua, pincerna regis; Ioannes Dóczy, cubicularius regis, & plerique alii nobiles ac magnifici ex Hungariae & Bohemiae regno. Qui mihi magis de facie, quam nominibus sunt noti; quandoquidem nomina horum, vix memoria teneo, quia difficile scribuntur haec nomina.

Post hos sequebatur LUDOVICUS rex iunior, aurea veste, rubea intertexta purpura, ornatus, capillis extensis, bireto ex veluto fusco, capite tectus, pulchro & phalerato equo insidens: quem undique cingebant, ex utroque regno, Barones & domini pedites incedentes ad obsequium.

Comitabatur hunc regina soror eius ANNA, aurea veste, & pulcherri-  
ma torque, mirum in modum, multis gemmis & monilibus, ornata, quae  
in

i) Cum fateatur auctor, difficilem, Hungarica nomina, scriptionem habere, emendabimus ea. Leges itaque: Petrus Korláthkői; Franciscus & Emericus Ország de Gots; Ioannes Pethen de Gersse; Ioannes Bornemissa, quod Hungaris abstemium significat; Moses Bulsai de Gergellaca; Ioannes de Kanisa.



in amplissimo curru deaurato, ac imaginibus exornato, octo equis candidis trahebatur, quam multi etiam nobiles pedites cingebant vndique. Inter quos erat, *Marchio Georgius Brandenburgensis*, & *Comes Petrus de Pöfing*, qui de equis descenderant pedites.

Tum rex Poloniæ *SIGISMUNDVS*, purpuratus & serico pileo tectus, pulchro equo vehebatur, vndique nobilioribus proceribus amictus, qui pedites circumdabant ipsum, vestibus & ornamentis splendidi.

Postremo, Rex Hungariæ, pariter ut *Cæsar*, lectica ferebatur, quæ veluto rubeo nobilissimo erat cooperta; quemadmodum pueri, qui hanc cum equis gestabant. Hæc nuper erat donata regi a *Cæsare*, cum equis & instrumentis.

Aderat hic ingens Prælatorum & Procerum caterua ex Hungaria, Archiepiscopi & Præfules, Cardinalis *Thomas Strigonienfis*, Archiepiscopus *Colocensis*, *Gregorius*; *Quinqueecclesiensis Georgius*; *Ladislavus Vacienfis*; *Michael Posnenfis*, cum suffraganeis, Præpositis, & Archipresbyteris multis. Ex Polonia, *Matthias Vladislavienfis*, *Ioannes Posnanienfis*, *Petrus Premisliensis*, cum Capitaneo, Cancellario, Thesaurario, Palatinis & Veiuodis, quos superius nominaui, spectabilis & elegantissima caterua.

Vndique strepitus & hinnitus equorum audiebatur, tubarum concertus, tympanorum sonitus: spectaculum sane dignum, quod omnis mirabitur posteritas.

## §. XI.

*CÆSAR*, ut appropinquare viderat Reges, iussit cooperimentum lecticæ deponi, quò palam ab omnibus videretur, & aperte omnes conspiceret: data dextra Regibus & Reginæ, perquam concinne inquit: *Hæc est dies, quam fecit DOMINVS, gaudeamus, exultemus, & letemur in ea!* Rex item Poloniæ respondit: *Vtinam felix ac faustus sit ille noster conuentus vniuersæ Reipublicæ Christianæ!* Paucula verba in similem sententiam rex Hungariæ prolocutus, quæ vix sine lacrymis efferre potuit. *LVDOVICVS* ut erat institutus, ex equo, summa cum reuerentia *Cæsari* dixit, & tamquam patrem salutavit, nec auertere faciem a facie *Cæsaris* potuit, quasi aspectu non posset saturari. Regina in curru surrexit, nam altus erat, & observantiam in *Cæsarem*, verbis, vultu, & gestis ostendit.

Fuerunt tum nonnulla disputata ab iis, qui inuiti ibant *Viennam*, & aliqua mora facta est, donec *Cæsar* inuitatis principibus ac Regibus, iussit secum secum migrare *Viennam*. Rex autem Poloniæ, ut est summæ dexteritatis princeps, suis & *Hungaris* dixit: *Sub confidentia Cæsaris, quem mihi multi gravissimum hostem prædixerunt, huc veni; sub confidentia ipsum sequar Viennam: quisquis mihi confidit, me sequatur: si quis timet, remaneat!* Fratremque cohortatus Regem Hungariæ, ut tuto simul veniret, qui alioquin *Cæsarem* semper amavit, incunctanter *Viennam* eundum esse concluderunt. *Cæsar* intelligens, tam promptam regis Poloniæ in se voluntatem: *Hic*, inquit, *Rex me compellit, ut quandoque (k) vros, siue bisontes, amore eius, in venatione videam.*

Eeee

Disso-

k) Voluit, his ferarum animantium nominibus, quæ tunc forte Poloniæ filius fuerunt familiaria, istud significare: redditurum se, pro hac comitatus facilitate, vicem, in Polonia; & vros bisontesque, cum *SIGISMUNDO* rege, venaturum, ubi eius visitandi causa, eo venerit.



Diffoluta conuentio forte post horam cum media, itum est ad venationem, capti aliquot cerui, iterum ingens excitus tubarum clangor. Plures enim erant tubicines, tot regum, principum, ac præsulum.

Ordinatum est, vt Rex *Hungariae* cum liberis, iret *Trautmansdorff*, vbi priore nocte *Cæsar* decubuit; Cardinalis Strigonienfis ad sanctam *Margaretham*; cæteri Episcopi ac proceres, ad *Suadorff*; Rex vero Poloniae cum suis decessit ad *Entzesdorff*; Cæsar ad *Laxendorff*, cum Cardinale *Gurcensi*. Multa sunt castra & villæ adiacentes, quæ familiares vtriusque regis capiebant, pars vero *Viennam* petebat, vt hospitia disponderet. Erat dies ille calidissimus & amœnissimus, pro huiusmodi spectaculo aptus, licet mane pluuiam minaretur nubecula quædam.

## §. XII.

Sequenti die, hoc est, *XVII. Julii*, Cæsar, ex *Laxendorff* versus oppidulum quoddam venit, cui nomen *Scheuchat*, (*Schwechet*) opperiendo illis Reges. Rex *Poloniae* citius, tardius Rex *Hungariae* venerat.

Ingrediebantur toto die *Viennam*, currus, quadrigæ, & bigæ *Hungarorum* & *Polonorum*: vehebantur multi in curribus illis velocibus, quibus nomen est patria lingua, *Kottsci*, magnaue omnium fuit expectatio illius ingressus, tot regum ac principum. Sed ne omni careret infelicitate, suborta est pluuia, quæ paulatim incepit, & primum tenuis, tota dehinc pene die durauit.

Ex vrbe sunt obuiam egressi *Cæsari*, & Regibus, electissimi pedites mille quingenti, quorum magna pars rubeis vestibus decorata fuit, ex ciuibus & filiis *Viennensium*, quos præcesserunt in equis sex senatores armati. Hos vrbs *Viennensis*, ante Cæsaris aduentum, diu in eius honorem præordinauit. Post hos trecenti alii pedites, quos *Cæsar* ex imperio huc præmiserat, fere omnes lanceati: pauci secures, aliqui bombardas manuales gestabant; sed electissimi erant omnes, & singulari ordine decori.

Ad portam vrbis vsque egressus est vniuersus Clerus. Primum, quatuor ordines mendicantium, Canonici regulares apud *S. Dorotheam*, monachi ordinis *S. Benedicti*, qui omnes reliquias Sanctorum deferebant. Exinde parui scholastici, ciuium *Viennensium* liberi, in magna multitudine, singuli deferebant vexilla, cum armis & insignibus, hi arma imperii, aquilas, hi insignia regis *Hungariae*, hi insignia *Poloniae*, hi insignia *Bohemiae*, illi arma *Austriæ*, illi *Burgundiae*. Hos sequebantur sacerdotes seculares, singulorum templorum vrbis *Viennensis*.

Tum, immensa multitudo studentum, studii generalis *Viennensis*: primum scholares; posthac baccalaurei; dehinc magistri; tum doctores singularum facultatum, medicæ, iuridicæ, ac theologicæ; postremo rector Vniuersitatis Doctor Theologicæ, *Christophorus Kulber*.

Egressa sunt etiam omnium artificum collegia, quæ *Zecbe* vulgo dicuntur, singulæ cum vexillis ac cereis, quæ numero sunt, *sexaginta* circiter, omnis generis artifices, qui vsquam in vna ciuitate reperiri possunt: fabri lignarii omnis generis, fabri ferrarii item omnis generis, feratores, fibulatores, acufices, & qui ferrum ac cuprum, & qui aurum argentumque fabricant, setarii & qui pectines faciunt, fullones, pileatores, pistores, molitores, piscatores, lanii, cerdones, sutores, phitigiones, calceatores, institores, vinitores, triplice ordine, calones, aurigæ, carbonarii, pelliones, venatores, pannifices, figuli, obsonarii, rasores, rotarii, mensarii,



farii, tornatores, balneatores, funifices, chirothecarii, & qui peras ac marsupia consuunt, fusores, gladiatores, tinctorum, pictores, & lapidæ, & lathomi, muratores, corarii, sufferratores, & id genus alii opifices, qui latinis vocabulis vix exprimuntur.

Pluuia autem effecit, ne omnes ordine pulchro ingrederentur urbem. Nam quandoque inualuit & multos coegit relicta statione sua ingredi: præterea, interuenerant currus, qui iter aliorum impediabant; tamen nihilominus, post quintam horam ingressa est: primum familia *Cardinalis Gurcensis*; deinde Ducis *Bauariæ Wilhelmi*, circiter centum sexaginta bene armati; post *Husserones*, tum tibicines, dehinc *Casimirus* Marchio, cum Comite de *Hennenberg*, ac suis familiaribus; tum equites lanceati Domini *Wilhelmi de Rogendorff*, & familiares *Leonardi Rauber* Marescalci. Post hac familia *Cæsaris*, Comites prænominati, de *Montfort*, de *Schaunberg*, de *Mansfeld*, de *Vesterburg*, de *Hardeck*. Qui omnes, ut supra scripsimus, fuerunt elegantissime ornati vestibus, gemmis, aureis torquibus, & monilibus. Hos sequebantur nobiles utriusque *Austriæ*, cum trecentis & quinquaginta equis. Et *Jobannes Jacobus de Landau*, cum nonaginta, ac *Thomas Fuchs*, cum centum quinquaginta, & alii plures.

Tum ingressi sunt urbem *Husserones*, cum equis tectis, & *Moschi* sagittarii, cum suis tibicinibus, ac *Tartari*. Post *Hungari*, cum suis vexillis, ut scripsimus, tum habitu *Turcali*, quidam rubeis vestibus vestiti, familiarique utriusque Regis, ac episcoporum, principumque, qui numerari non poterant, quod pluuia ordinem destruxit. Nunc enim *Alemanni*, nunc *Hungari*, nunc *Poloni*, nunc *Bohemi*, nunc *Moschouita*, & *Tartari*, promiscue ingressi sunt: quamuis certe magnus undique ornatus visus fuit. Multi pueri visi, qui brachia perlis onusta gesserunt. Multi *Poloni* habitu Germanico vestiti, a nostris nosci non potuerunt. Diuersus post habitus visus est, & magna caterua equitum regis *Poloniæ*; sed immixti & *Germani*, quoniam *Ludovicus* Dux *Bauariæ*, cum suis adequitabat. Iterum *Husserones* *Hungarici*, & tubicines *Hungarici*, post equi *Cæsaris*, & tredecim illi pueri, quos superius scripsimus, nigro veluto vestiti. *Leonardus Rauber*, *Cæsaris* Marescalcus in equo cataphractato, quem pone sequebantur: Archiepiscopus *Bremensis*; Episcopus *Patauensis*; Episcopus *Labacensis*; Episcopus *Kyemensis*; Episcopi quoque *Hungarici* prædicti: *Colonicensis*, *Quinqueecclesiensis*, *Vaciensis*; & *Polonici*, *Vladislauenses*, *Posnaniensis*, & *Premisliensis*; *Ludovicus* Dux *Bauariæ*, & *Vdalricus* Dux *Würtembergensis*. Subsequebantur oratores summi Pontificis, Episcopus *Veltrensis*, & regis *Arragonum*. Post duo ministri *Cardinalium*, quos vulgo *Matir* appellamus, qui sceptrum horum deferebant. Tum *Cardinales*, *Strigoniensis* & *Gurcensis*, simul in rubeo habitu *Cardinalium*. *Strigoniensem*, tanquam *Legatum de latere*, præcedebat quidam sacerdos cum cruce argentea deaurata (1), undique cingebantur ambo, suis parafrasariis & ministris.

Hinc ante reges, primores consiliarii ex utroque regno, optime ornati, tum *Cæsaris Erbadi*, cum tibicinibus optimis.

Hos sequebantur duo reges, *SIGISMUNDVS* *Poloniæ*, a dextris, & *LUDOVICVS* *Hungariæ* & *Bohemæ*, a sinistris, cincti *Baronibus* & nobilibus, qui pedites circa eos ambulabant.

E e e e 2

Hinc

1) Est hoc in præcipuis Archiepiscopi *Strigoniensis* prærogatiuis: id quod, ex bulla *NICOLAI* Papæ constat, quam exhibet *PÁZMÁNY* *Cardin.* *Append.* III. p. 149.



Hinc CAESAR, & REX Hungariæ, duabus lecticis ferebantur, & multa nobilitas circa hos ambulabat, optime tam vestibibus, quam monilibus ornata.

Deinde ANNA, filia regis vehebatur in pulcherrimo deaurato curru, in quo octo candidi equi incedebant. A latere eius equitabat *Marchio GEORGIUS*, & *Comes Petrus de Rösingen*. Currum antecede-  
bat dominus *Prothefilaus de Schmihau*, magister domus, cum fratre. Sequebatur hunc alius currus deauratus, cum sex niueis equis, & quatuor alii currus, in singulis quatuor equi vnus coloris, repleti virginibus & matronis, quæ reginæ seruierunt.

Comitabantur octoginta equites bene vestiti, in diuersis coloribus viridi, croceo & fusco, familiares *Marchionis Georgii*. Post quos, multi currus, varii equites, sine ordine, nam pluuia creuit, & quisque hospitium quærebat, iam madidus, necesse ideo fuit, ordinem inturbare.

Quando iam *Cæsar* cum Regibus, attigit templum *S. Stephani*, præteriens arcum domus, in qua quotannis solent ostendi reliquæ sanctorum, stabat in summitate huius Antistes Viennensis *Georgius*, in habitu Episcopali cum plerisque sacerdotibus, & dicens quasdam orationes, dedit benedictionem regibus & principibus. Capella autem Cæsaris concinne cantabat suauissimis concentibus carmicum illud, *Te DEVM laudamus*. Ascenderunt itaque simul ad arcem. Sed rex *Poloniæ* declinavit ad sinistrum & in hospitium suum, insignem domum, quæ vulgo *Leporum Domus* (m) dicitur, diuertit. Nam Rex *Hungariæ* cum liberis, recta via ingressus est arcem; *Cæsar* autem per hortum intrauit. Omnibus enim viribus *Cæsar* laboravit, vt summum honorem regibus ostenderet, nec vllis vnquam pepercit expensis, vbique sollicitus & circumspectus.

Duravit hic ingressus horis duabus, & numerati sunt equitum qui in ordine intrarunt, *tria millia quingenti*; præter hos, qui passim & sparsim ingressi sunt, qui plures fuerunt *sexcentis*. Nimirum, pulcherrimus ingressus & raro visus, etiam in pluribus seculis, si non pluuia ordinem conturbasset, & hanc solam felicitatem abstulisset.

### §. XIII.

DECIMA octaua Iulii, quieuerunt: sed CAESAR, qui parvam quietem habuit, vndique anxius & sollicitus, apertis cistis suis, thesauros suos recognouit, quos pretiosissimos aduexerat, regique *Poloniæ*, regi *LYDOVICO* ac *ANNAE* sorori, primum nobilissimum pannum aureum, hactenus raro visum, singulis pro veste amplissima, muneri mittit, vt eodem habitu omnes incederent.

Decima nona, mane circiter octauam, Reges, simul cum *Cæsare*, in arce conuenerunt cum suis consiliariis, & locatis tribus sellis ornatissimis, quibus duo reges, *Cæsar* vero in medio sedit, *LYDOVICVS* autem a latere patrum regis *Poloniæ*; in fenestra duo *Cardinales*; tum oratores summi Pontificis ac Regis *Arragonum*; tum *Archiepiscopi* & *Episcopi* vtriusque regis; deinceps proceres regni *Hungariæ*, *Poloniæ* ac *Bobemiæ*; a dextris principes & consilarii Cæsaris: erant omnes plus centum. Occurrebat mihi aspectus, qualis olim senatus Romanus, ex centum patribus fuit. Vbi factum est silentium, CAESAR loqui incœpit, & præter omnium expectatio-

m) Superat hodieque, domus hæc, in vico *Carneriano*, confertissimas leporum picturas referens. Ludicrum opus est: quippe quod, nihil non actionum humanarum, leporibus adtribuit, faceta gesticulatione, quasi delirantibus.



tionem Reges ita commouit, vt eos sibi maxime deuinciret. Gratias enim illis amplissimas egit, quod tantam moram, tam patienter tulissent, donec aduentaret: licet hoc DEO acceptum referret, qui voluisset eos tam diu expectare, quoad conuenirent, pro communi vniuersæ Re publicæ Christianæ commodo & tranquillitate. Deinde, aduersus impios *Turcos*, pro sumenda expeditione, prudentissime locutus, de modo & via, & nonnulla alia, quæ nunc referre importunum est. Tota autem fere hora loquebatur, non tam (*minus*) honeste, quam prudentissime, omnium in se oia atque oculos conuertit, eosque ita demulsit, vt multi, qui non boni Cæsareani fuerunt, sed ab eo multum alienati, iam se submitterent, palamque faterentur, eam humanitatem, prudentiam ac dexteritatem, nunquam in *Cæsare*, tanto principe, expectasse. Aperteque Cæsarem extollebant, ac eminentissime laudabant, non tam eius egregie res gestas; sed singula dicta factaque. Vbi perorauit *Cardinalis Strigoniensis*, vtrumque Regem adiens, & simul *Colocensis*, item *Quinqueecclesiensis*, vt ab eis, quid respondendum foret, intelligerent. Ac mox dehinc *Cardinalis Strigoniensis*, amborum Regum nomine respondit elegantissime, vt homo est, raræ prudentiæ & doctrinæ. Iussus est dehinc a Cæsare *Cardinalis Gurcensis*, vt verba faceret, qui etiam elegantissime diu loquutus eorum Cæsare, Regibus, & vniuerso senatu. Et reuera potuit hic senatus comparari, centum patribus Romanis, dum olim Roma floruit: tam honestus erat senatorum ac principum aspectus. Dimisso senatu, quisque in ædes suas diuertit.

Eodem die, post cœnam hora sexta, facta est chorea in arce. Iussit CAESAR, vt singuli reges quinquaginta tantum secum afferrent, viginti quinque spectatores, & totidem qui choreas ducerent; ne ex multitudine nimia fieret perturbatio. Sed principes indiscriminatim cum suis irruebant, & maxima, præter spem, conuenerat multitudo; licet omnes ianuæ diligentissime custodirentur. Fuit autem hæc chorea instituta, vt domina MARIA Archiducissa Austriæ, filia regis PHILIPPI, & Cæsaris neptis, susciperet reges & dominam ANNAM, quos nondum viderat. Vbi ergo CAESAR, Rex *Hungariæ* & *Poloniæ*, tribus sellis confederant, Rex LVDOVICVS, & soror domina ANNA, seorsum suas habuerunt sedes. Tum ingressa est domina MARIA, præcedentibus principibus, Ducibus *Bauariæ*, & aliis quotquot, hic erant cum Comitibus & Baronibus, & magistro curiæ domino suo de *Rottal*, quam multæ nobilissimæ matronæ, Comitissæ & Baronum vxores, cum multis virginibus sequebantur. Quæ postquam regiam Cæsaris, vbi eam opperiebantur, intrauit (nam extra arcem tum habitabat, in domo *Comitis Ciliæ*) decoro motu flexis genibus, vt est morigeratissima, & a cunabulis recte instituta, primum Cæsarem auum, tum ceteros Reges, ac dominam Annam salutauit. Locata illi sedes erat prope regem *Vladislaum* a dextris, ad quam accessit, sed non sedit, donec *Valthazar Mercklin*, Præpositus in *Valdkirch* nomine suo, reges & sponsum suum benignissime exciperet, pulchra ac affabili comitate. Rex *Poloniæ*, accersito suo Vicecancellario *D. Petro* Episcopo *Premisliensi*, illi mandauit, vt nomine fratris & nepotis LVDOVICI, ac ANNAE responderet, quod & factum est. Nam *Petrus* Episcopus, vir haud contemnendus, siue ex tempore oporteat loqui, siue præmeditate, bonarum litterarum optimus patronus.

Peractis ceremoniis, post mutua colloquia, chorea est incepta, clangentibus

FFFF

tibus



tibus tubis & bene sonantibus, quas Cæsaris tubicines inflabant. Primamque choream duxit LVDOVICVS, cum sorore sua ANNA, præeuntibus duobus Comitibus, *de Mansfelt & de Vesterburg*, ac duobus principibus, *Calimiro* & duce de Mechelburg, cum quatuor cereis, comitantibus duobus magistris curiæ, *Protbesilao de Schmihau & Petro Carlaczki*. Secundam choream duxit Dux Bauariæ *Wilhelmus*, cum domina MARIA Cæsaris nepte, cui duo Comites præibant, *de Hennenberg, & Hardeck*. Tertiam choream iterum rex LVDOVICVS, cum magistra curiæ dominæ reginæ MARIAE, domina *Rottalerin* vxore domini *Georgii de Rottal*. Post cæteri domini Comites & Barones choreas duxerunt. Et circiter decimam horam noctis, quisque domum suam reuersus est.

Duobus sequentibus diebus, consultatum est super negociis, pro quibus conuenerant, & semper vsque ad horam secundam post meridiem & longius protractum est consilium, vt prandium consiliariorum & principum fieret circa tertiam. Nobiliores vero in militia, interea sese exercebant in palæstra, *Marchioque Brandenburgensis Georgius*, cum hastis concurrebat, cum *Comite de Hennenberg*; in arce Viennensi cum duobus aliis militibus.

## §. XIV.

VIGESIMA secunda die, quæ erat *D. Mariae Magdalene*, institutus est dies pro contrahendis sponsalibus inter Principes & Reginulas; ideo vniuersa nobilitas simul cum Regibus, ad arcem confluxerat, in obsequium quisque, vt potuit exquisitissime ornatus, non tam vestitu, quam preciosis monilibus ac clinodiis, vt dicitur. Cæsar cum Regibus ac consiliariis secretiora quædam tractauit in priuato, que referre non est operæ pretium. Tum accersita ANNA, eam corona aurea donauit, & capiti suo imposuit: quæ res seniore regem VLADISLAVM prouocauit in lacrymas; vicissim ipsa Cæsarem preciosissimo ferto exornauit. Elegantissimo igitur ordine Cæsar cum Regibus *Poloniæ*, & LVDOVICO, in equis, seniore vehente in lectica, & reginulis in curribus, præcedente & comitante nobilium caterua insigni, post nonam horam descendit ad templum *S. Stephani*, quod erat elegantissime ornatum. Chorus aulæis aureis & sericeis contextus. In dextra stabant CAESAR, REX VLADISLAVS, REX SIGISMVNDVS, omnes aureis vestibus ornati. Cæsar maxima torqui ex margaritis, lapidibus pretiosissimis, conspicuus omnibus erat. In bireto monile ex adamantibus pretiosissimum gestabat, æstimabatur eius ornatus *vna milione auri*. Post LVDOVICVM stabat orator regis *Angliæ*, orator Archiducis *Caroli* Austriæ & Burgundiæ, Dux *Wilhelmus*; Marchio *Casimirus*, Dux de Mechelburg, Dux *Württembergensis*, orator Ducis *Ferrariæ*, & dehinc insigniores ex regnicolis *Hungariæ*, *Bohemiæ* & *Poloniæ*. In medio chori duo erant pulpita aureis pannis contexta, in quibus duæ reginæ stabant, ANNA, & MARIA, circa quas a lateribus orator regis *Aragonum*, & *Ludovicus* Dux *Bauariæ*, *Marchio Georgius*, & Comes *Petrus de Pöfing*, cum plerisque aliis nobilibus inferuebant ANNAE. Pone stabat ingens multitudo matronarum & virginum, quæ reginis subsequebatur, sedula ad obsequium. A sinistris locati erant, primum *Cardinalis Thomas Strigoniensis* Legatus Apostolicus, *Cardinalis Gurcensis Matthæus*, nuncius Apostolicus, Episcopus *Veltrensis*, Archiepiscopus *Colocensis Gregorius*, Archiepiscopus *Bremenensis Christophorus*, Episcopus *Quinqueecclesiensis Georgius*, Episcopus *Matthias Vladislauensis*, Episcopus *Olomucensis Stanislaus*, Episcopus *Ratisbonensis Iohannes*, Episcopus



scopus Vacienſis *Ladislauſ*, Episcopuſ Poſnanienſis *Iohanneſ*, Episcopuſ Patauienſis *Vigileuſ*, Episcopuſ Labacentiſ *Chriſtophoruſ*, Episcopuſ Premislienſis *Petruſ*, Episcopuſ Boſnenſis *Michael*, Episcopuſ Kiemeniſis *Bertholduſ*, cum multis Prælatiſ & Præpoſitiſ. Episcopuſ Vienneniſis celebrauit ſummum officiũ, quod cum ſumma reuerentiã, & amœniſſimiſ concentibuſ diuerſorum muſicorum peragebatur.

Quotuſque enim princepſ eſt hodie in orbe noſtro, qui ſingularia ingenia muſicorum ita veneratur & appreciat, ſicut CÆſAR? ſub eo itaque noua inſtrumenta muſice excogitata atque inuenta ſunt, quæ vetuſta non habuit, ſeculum noſtrum non vidit, ſicut in diuerſiſ generibuſ fiſtularum patet. Et in illo ipſo inſtrumento quod *regale* appellatur, ſine fiſtuliſ & chordiſ ab auri fabro inuentum: & in illo mirabiliſ, quod nuper *monachuſ* excogitauit, quod fiſtulas nullas habet, ſed quaſdam concauitateſ in latum lignum exciſaſ, in modum ſerpentum ambulanteſ, quod ſonorum admodum edit concentum: & ex *Rbeno* nuper allatum eſt inſtrumentum, quod voceſ auium repræſentat. Quæ omnia *Pauluſ* muſicorum princepſ, cum illo ſimul quod ipſe reperit ex cornibuſ, aptiſſime tangebatur, & ſimul cum cantatoribuſ diuerſiſ vocibuſ.

Finito officio *Richarduſ Peruſinuſ* (n) reuerendiſſimi Cardinaliſ Gurcenſiſ Capellanuſ, dicere incoepit, vt eſt eloquentiſſimuſ; ſed ſtrepitu nobiliũ, quia audiri non potuit, in medio deſtitit. Hic etiam tribuſ libriſ, quos *Odeporicon* vocat, conuentum hunc celebrauit. Interea Imperator quodam ſecretiori loco regalibuſ amiſtuſ & coronatuſ: vt CÆſAR introiuit chorũ, cui deſponſata (o) eſt domina ANNA, per reuerendiſſimum *Cardinalem Strigoniẽſem*, per annuli ſubarrationem. Tum *LYDOVICUſ* rex, & domina MARIA, per eundem dominũ *Cardinalem*, copulati & coniuncti ſunt.

Reſidente tunc CÆſARE in ſolio maiſtatiſ: a lateribuſ cingebatur tribuſ præfatiſ Regibuſ, quibuſ ſinguliſ nuduſ eſt datuſ enſiſ, vt militeſ inſignirent. Accurrebat vniuerſa nobilitaſ, in qua intermixti etiam fuerunt nonnulli noui homineſ & plebei. Creati ſunt tum a CÆſARE & tribuſ Regibuſ pluſ quam ducenti militeſ ſiue *equiteſ aurati*, vt vulguſ loquitur. Quo perfectõ, aſcendit *Cardinaliſ Strigoniẽſiſ* ad ſummũ altare, danſ benediſtionem, cuiuſ ſuffraganeuſ ſua & domini *Gurcenſiſ* autoritate, pronunciauit plenariam indulgentiam. Mox omneſ inflatæ ſunt tubæ, & mirabilis audituſ eſt concentuſ: ſimul cantoreſ, *Te Deũ laudamuſ*, pronunciabant. Et in organiſ magiſter *Pauluſ*, qui in vniuerſa Germania ſecunduũ non habet, reſpondit. Viſque in primam horam poſt meridiem durauit hæc feſtiuitaſ. Quiſque dehinc in ſuum hoſpitiũ diuertit ad ſumenduũ meridianũ cibũ.

## §. XV.

Poſt prandiuũ ad ſpectaculuũ haſtiludii omneſ conuenerunt, & Cæſar

Ffff 2

ſar

n) GERHARDUſ de Roo, Hiſtoriæ Auſtriacæ Lib. XII. p. 467. edit. Oenipontanæ fol. RICHARDUM hunc, BARUSINUM adpellat.

o) Nepotiſ FERDINANDI viceſ hæc cerimonia, obibat MAXIMILIANUſ. Sunt, qui VLADISLAUM, filiæ coniugiuũ, Cæſari priuſ obtuliſſe adfirmant; eumque reſpondiſſe: audituũ ſibi aliquando ex parente FRIDERICO; Principi ætate conſecto, mitiuſ non poſſe adferri mortem, quam ſi ei iuuentula coniugetur. Itaque, conſultiuſ videri, vti ANNA, nepotum alteri collocetur. Vti eſt apud GERH. de Roo, loco citato.



far & Reges, reginulæque eadem habitatione prospectabant concursum eorum, qui hastis luferunt. Erant autem primi, *Comes Iohannes de Harteck*, & *David de Kneringen*, dehinc *Casimirus Marchio*, & *Joannes Jacobus de Landau*: post *Georgius Marchio*, & *Adolphus de Bibrach*.

In principio noctis, conueniunt omnes Reges, cum Cæsare, ad cœnam; quia nuptias hac nocte celebrabant, dominus *Sigismundus de Dietterichslain*, & *Barbara* virgo, filia domini *Georgii de Rottal*. Parata erat cœna regia innumeris dapibus. Collocabatur in principio tabulæ, Rex *Hungariæ* *VLADISLAUS*, dehinc sponsa *BARBARA*, tum *CÆSAR*, post domina *ANNA*, tum Rex *Poloniæ*, tum domina *MARIA*, post Rex *LVDOVICVS*, tum eius magistra curiæ, post Archiepiscopus *Bremensis*, tum *Ratisponensis* præsul, tum ceteri duces sæpius nominati, quibus semper immiscebantur matronæ & virgines, tum vtriusque Regis consiliarii & familiares, semper immixtis puellis. Durauit hæc cœna in horam decimam noctis splendidissima & oppipara. Qua finita *Cæsar* & Reges, in aliud descendentes palatium, choreas duxerunt. Et hinc quisque diuerforium suum petiit.

*Vigesima tertia Iulii*, Cæsar virginibus, dominæ *ANNAE*, plus sexingentis vlnis de veluto, & alterius generis serici, pro vestibibus, muneri misit; Regi autem *Poloniæ*, duos equos cataphractatos. Quorum vnus armatus erat vsque ad ungulas, quod a paucis alias est visum; quos cum tanta gratitudine acceperat, vt illum totum æneum equum inspiciens, cum animi iucunditate diceret ipse sine interprete: *Accipio hunc equum gratissimo animo a Cæsarea maiestate, in quo promptus ero ad mandata illius, quando mea vñ voluerit opera, & comparebo vbi volet, donec hæc mihi vita supererit.* Cantharum deinde argenteum faberrime factum, cuius labor æquabat pretium, & in quo admirabilis erat veneranda vetustas, *VLADISLAO* regi. Regi vero *LVDOVICO*, equum cataphractatum & arma, pro corpore suo deaurata, & ingeniosissime fabre facta, a paucis hætenus similia visa.

*Vigesima quarta*, ante prandium consilium habebatur: post prandium *CÆSAR* & Reges, ad spectaculum hastiludii conuenerunt, quod horis bene quatuor durauit. Rex *Poloniæ* ad suum hospitium, *Cæsar*, cum aliis duobus Regibus & reginulis, ad arcem diuertit, & simul cœnam duxerunt lætissimam: qua finita, allata sunt numismata aurea & argentea, magna, præter solitum, cum imagine *Cæsaris*, quæ Cæsar Regibus & reginulis distribuitus est, & ad chartam ludere cœperunt. Sed rex *LVDOVICVS*, domina *ANNA*, & *MARIA* maiorem partem numismatum abstulerunt, *Cæsar* nihil, *VLADISLAUS* rex, parum lucratus est. Fuerunt multa iocosa in hac cœna prolata.

## §. XVI.

*VIGESIMA quinta Iulii*, institutus est ludus militaris, *Torneamentum* vulgo dicitur, antiquus ludus Troianus, simulacrum veri belli. Fuerunt in eo triginta duo in equis cataphractatis toti ærei, optime armati. In galeis cristati, cum suis insignibus, cuilibet lancea & ensis erat. Primum fuit concursus cum lanceis, deinde abiectis hastis & clipeis, concurrebant cum ensibus, sese mutuo verberantes, donec qui ad hoc ordinati erant sectores, bellum dirimebant. Fiebat hoc in latissimo foro, prope templum fratrum *Carmelitarum*, vbi quondam *HENRICVS*, filius *S. LEOPOLDI*, Marchionis *Austriæ*, primus dux a *FRIDERICO Eneobarba* Imperatore creatus, qui cœnobium *Scotorum Viennæ*, hic sepultus, fundauit, arcem & curiam habuit.

Vnde



Vnde & hodie adhuc, locus ille, *Curia* appellatur. Circa hoc templum, exstructum erat theatrum temporarium latissimum, ad quod ascenderant Cæsar, Reges & reginulae, duo Cardinales, Archiepiscopi, & alii Prælati, cum principibus & baronibus, cum magna & insigni nobilitate. E regione huius erat alia domus, in qua clypei & arma perduellionum pendebant, & ubi tibicen triplici concentu ter concurrentes prouocabat. *Erbaldi* quoque hic prospectabant, qui victoriam & palmam merebantur. Erat locus hic quadratus & duplicibus palis circumuallatus, in medio stabant armigeri & lanceati, ciuium Viennensium mille quingenti, qui bene ornati, vt superius scripsimus, hic excubabant. Erat & tertia domus exstructa, in qua vxores & filiae ciuium, hoc quoque spectabant spectaculum. Nam omnium domorum adiacentium fenestrae non modo repletae erant, sed tecta quoque hominibus cooperiebantur; tam ingens hominum frequentia hic aderat. Magna tamen vndique habita diligentia & custodia, ne qua seditio, neue tumultus aliquis inter tot homines, tam diuersas nationes, tam diuersas sectas, exoriretur. Prouiderant hæc multo ante, singulari prudentia, senatores Viennenses, qui custodiam in portis vrbs, nocturnas ac diurnas vigilias in singulis turribus vrbum, in monasteriis, ordinauerunt, & si forte incendium oriretur, artifices cum instrumentis sufficientissimis adhibuerunt, ac in tumultu, si forte excitaretur, præsto essent. Nihil itaque iis omnibus diebus, aut publice, aut priuatim ortum est. Timebant omnes incendium, aut seditionem aliquam inter tam diuersas gentes; quia hic *Alemanni, Itali, Hispani, Franci, Hungari, Poloni, Bobemi, Moravi, Slesitæ, Moschi, Tartari, & Armeni, & Tusci*, simul iuncti fuerunt; sed DEO optimo duce, tranquillissime omnia peracta sunt.

Durauit enim hoc spectaculum plus duabus horis. Quo finito, Cæsar in eodem theatro multos milites, in præsentia Regum & principum insigniuit, lanceati autem & armigeri ciuium Viennensium, facta pulchra ordinatione & circuitu in orbem, de more suo, abierunt.

Fuerunt autem hi in Torneamento, qui hoc pacto primum bini, & bini concurrerunt, & tandem omnes simul vno impetu:

Dux WILHELMVS Bauariæ & Marchio CASIMIRVS Brandenburgensis.

Dux de Mechelburg ALBERTVS, & GEORGIUS Marchio Brandenburg.

Comes WOLFGANG. de Montfort, & Comes BERTHOLDVS de Hennenberg.

Dominus de Verona debuit concurrere cum domino IOHANNE Comite de Hardeck; sed nescio, qua causa idem dominus fuit absens, ideo eius locus succedebat, dominus LEONARDVS de Lichtenstain, qui bis concurrebat.

Dominus de Rapoldstain, & SEBASTIANVS de Hohenfeld.

Dominus HIERONYMVS de Stauffen, dominus in Ernfels, & IOHANNES de Schwartzenberg.

VDALRICVS Marscalcus de Pappenhaim, & N. de Geroltzek.

WOLFGANGVS de Schellenberg, & SEBASTIANVS de Weittmul.

CASPAR Vintzerer, & SIGISMUNDVS de Hesperg.

ALBERTVS Pencker, & N. Bellitzki.

WILHELMVS de Greis, & GEORGIUS Kongel.

VALTHASAR Tanhauser, & N. de Emerszhofen.

N. de Losenstain, & DORLE Polonus.

N. Kielscher, & WOLFGANGVS Groswein.

LEONARDVS de Lichtenstain (bis vt dixi congressus est duello) & CHRISTOPHORVS Mindorffer.

Dominus de Dana.

Gggg

Inui-



Inuitati sunt omnes principes & barones post cœnam ad choream. Ad quam facta cœna, venerunt Reges & principes, cum vniuersa nobilitate. Erat curia arcis mundata, & auleis pulchris exornata, tot cereis illuminabatur, vt tenebræ noctis vincerentur cereis splendoribus. Sedebant longa serie nobiliores matronæ & virgines, ex vna parte. In alia Cæsar, tres Reges, duæ reginulæ, magnus principum & nobilium numerus. CAESAR, cum domina ANNA choream duxit, LVDOVICVS, cum domina MARIA, post rex item Poloniae, cum domina ANNA. Post sunt farta & munera donata principibus & nobilibus, qui illo die in torneamento duellum fecerunt. Dehinc post aliquot choreas, Cæsar ascendit cubiculum. Reges autem in quoddam palatium cum reginulis, principibus & virginibus, vbi parata erat regalis collatio, mellariis & fructibus, illic omnis generis potus & abundantia. Sic vsque in horam pene secundam post mediam noctem, deductum erat illud conuiuolum; dehinc quisque in suas ædes diuertit.

## §. XVII.

Maturabant dehinc singuli suum discessum; diu enim vterque rex aberat a regno suo: & Cæsar ab Heluetiis sollicitabatur, sed nondum conscriptæ erant litteræ contractus. Biduum igitur, hoc est, XXVII. & XXVIII. dies Iulii, consumptum est in scribendis litteris, & dandis vicissim muneribus. Sed ne Cæsar vllum humanitatis officium omitteret, nemine sperante, cum suis consiliariis & aulicis, descendit ad hospitium Regis Poloniae, & ipsum visitauit; nam Rex HUNGARIAE erat secum in arce; & tum ad ædes *Cardinalis Strigon.* quem etiam sua præsentia honorauit, vt est clementissimus & humanissimus princeps. Præterea, cursus equorum etiam factus est: habuit primus pulchrum argenteum deauratum poculum, quod faberrime factum erat.

Hinc Rex Poloniae, de nobilissimis pellibus *Zobelinis* honorauit Cæsarem, dehinc Cæsaris consiliarios, & eos præsertim, qui his negotiis inter, fuerunt. Cæsar vicissim largissima munera ordinauit vtriusque Regis consiliariis liberalissime, de auro, argento, poculis, vasis omnis generis, torquibus & sericeis vestibus. Iudico ego, & puto me non falli, Cæsarem in hac festiuitate exposuisse pro impensis (nam vtrumque regem suis alimentis liberalissime cum liberis quoque aluit) & muneribus, supra *centum quinquaginta millia nummum*, erogasse: tanta liberalitate vsus est erga Reges, & principes, & consiliarios.

*Vigesima octaua die*, de nocte post cœnam, hora pene septima conueniunt Reges Cæsarem (iam enim de singulis erat conclusum) & postquam tribus sellis locati erant, in quarum medio CAESAR, in latere LVDOVICVS, post duo *Cardinales*, dehinc ceteri principes & consilarii residebant. CAESAR, vt est humanissimus, alloquutus Reges, suauissimis sermonibus, tandem iussit *Cuspinianum* pronunciare, quod decreuisset. *Cuspinianus*, debita inclinatione flexus, ad latus Regum, stans alta voce, Latina & Germanica lingua, vt ab omnibus intelligeretur, in hanc formam proclamauit cunctis bene audientibus:

De mandato Sacratissimæ CAESAREAE Maiestatis, ex Serenissimorum VLADISLAI, & LVDOVICI Hungariæ & Bohemiæ, ac SIGISMUNDI Poloniae regum. Notum sit vniuersis, quod ad laudem omnipotentis DEI, & gloriosæ virginis MARIAE, & totius curiæ cœlestis, nec non ad incrementum & conseruationem totius Reipub. Christianæ, & præcipue regnorum, dominiorum, & subditorum suorum, inter se iniierunt, contractarunt, concluderunt, & confirmarunt, veram, synceram & inuolabilem atque firmam concordiam, amicitiam, vnionem & intelligentiam confederationis, perpetuo & indissolubiliter duraturam. Ad mutuam protectionem & defensionem contra eorum hostes quoscunque, & præsertim contra hostes infideles,



les, & ad hostium suorum futurorum perniciem. Et quo magis hæc unio inter eos stabiliatur, ultra necessitudinem, quæ alias inter hæreditates eorum intercedit, etiam nouam affinitatem (p) & connubium inter se, & nepotes, & liberos eorum contraxerunt. Quod felix faustumque maiestatibus præfatis, regnis & dominiis eorum sit, Amen!

§. XVIII.

VIGESIMA nona Iulii, horam circiter nonam: Cæsar in equo cataphractato, ornatissimis armis a capite ad pedes tectus, & pretiosissima torque, ex vnionibus & gemmis, cum LVDOVICO Rege iisdem armis & equo cataphractato ornatus, quibus a Cæsare donatus erat, cum omni exercitu principum, baronum ac nobilium, urbem Viennam egressus, ad *Nouam ciuitatem* perrexit, eodem pene ordine, qui superius scriptus est, comitantibus peditibus Viennensibus. Sed LVDOVICVS Viennam repetit: Cæsar nouam ciuitatem ingressus est.

Trigesima Iulii, Cuspinianus, munera Cæsarea, quæ pridem Cæsar ordinauerat, ex manibus Thesaurarii, domini *Iacobi Villinger* acceperat, Regis vtriusque consiliariis detulit, quæ plurima ac pretiosa erant, ac singulis, ut iussus erat, distribuit.

Vltima Iulii, tres Reges, duæ reginulæ, duo Cardinales potiores ex curia Regis *Poloniæ*, vniuersi vero *Hungari*, simul a *Vienna* ad *Nouam ciuitatem* profecti sunt, & recepti in arce, humanissime a Cæsare tractati.

Prima Augusti, mane ante prandium, LVDOVICVS, domina ANNA & MARIA, ingressi sunt viuarium prope arcem, vbi innumeri hinnuli, cerui, damæque aluntur, & sagittis iaculati damam ac ceruam, patri suo Regi VLADISLAVO obtulerunt, quali prædam a se captam. Post prandium vero, Rex *Poloniæ*, & VLADISLAVS, egressi *Nouam ciuitatem*, ad Cæsarem, qui iuxta syluam illos exspectabat, pulcherrimam venationem ceruorum illis exhibuit, ac ea finita illos ad *Nouam Ciuitatem* reduxit, ac ibi cœnauit. Post egressus est in *Egenfurt*, vbi honoris causa pernoctare solebat, ut integram arcem Regibus relinqueret.

Secunda Augusti ingressus *Nouam ciuitatem* Cæsar, facto ibi prandio, ad sese contuocauit utrosque Reges seniores, & adhibitis duobus Cardinalibus, & paucissimis consiliariis, tribus continuis horis cum iis tractauit, ac post valedixit: dehinc ad Gynæceum descendens, LVDOVICVM amplexus, optime valere iussit, MARIAM, osculo patrio more salutauit, dominam ANNAM brachiis amplexus, deseruit, multisque post se desiderium reliquit. Dehinc, conscenso equo, rediit in *Egenfurt*, & sequentibus diebus per *Austriam*, versus *Lintzium* iter arripuit.

Tertia Augusti, Rex *Poloniæ*, fratrem VIADISLAVM & nepotem LVDOVICVM, ac duas reginulas valedixit. Post subscriptas manu sua, & fratris, ac sigillatas literas, iter ad *Viennam* resumpsit. Rex autem VLADISLAVS, cum maximo gemitu ac lachrymis filiam ANNAM salutauit. Ortus est utrobique ingens eiulatus, hinc pater, hinc filius, hinc filia, etiam adstantibus lachrymas excusserunt: coacti sunt consiliarii vi patrem abducere, qui una cum filio eo die adhuc *Supronium* cum omni sua curia concessit. *Sempronium* iudico appellari debere, quod Romani illic duce *Sempronio*, præsidia habuerunt; sed omnia ea loca nominibus corrupta. Hodie enim *Posonium* appellatur, quod *Pisonium* a *Pisone* rectius vocabitur: & *Scaurinum*, hodie *laurnum*, voce nihili, dicitur: & *Srigronium*, quod etiam teste adhuc parria lingua *Istroganum* vocabitur; sed de his alias: Nos ad nostra redeamus. Rex autem *Poloniæ* *Viennam* dehinc concessit.

Gggg 2

Vole-



Volebat hinc Rex *Polonia* traicere *Danubium*; sed violentia aquæ pons ruptus, coactus est manere usque in *sextam Augusti*, qua die egressus est Rex, comitante *Cardinale Gurcense*, & ceteris ducibus, qui supererant. Sed priori die, hoc est, *quinta Augusti*, castrum & arcem *Viennensem* ingressus est ad salutandum & valedicendum *ANNAM*, & *MARIAM*, cum quibus choreas duxit, & vniuersa eius nobilitas. Mutuis dehinc amplexibus sese salutarunt, & valedixerunt. Alteraque die mane *Viennam* egressus est. Dehinc & *Cardinalis*, & duces, Cæsarem sequuti sunt.

Sic summa cum tranquillitate, solutus est celeberrimus ille Regum conuentus, sine dissidio, (q) sine rancore, sine tumultu, sine seditione: quod felix faustumque sit! *DEVS* optimus maximus, largiatur sua gratia, vt Rex *LVDOVICVS*, ac reginulæ, ætatem sortiantur debitam, qua numerosam de se prolem relinquant; & *CAESAR* hostes suos castiget, & vnionem cum omnibus Christianis principibus faciat, quo possit facilius sumi expeditio contra immanissimos *Turcos*, & fidei Christianæ perfidissimos hostes! Amen.

#### AD LECTOREM.

**H**abetis, candidi lectores! rem, vt gesta est, sincere & simpliciter scriptam, non affectate, aut tumide, nec phalerata oratione, aut verborum aliquo lenocinio; sed, vt vicinus etiam intelligat, qui & numisma noscit, cui publica forma est: atque ideo necesse est, in quotidianum & vsitatum loquendi modum, etiam usque ad barbariem quandoque descendere. Malui enim rem aperte proponere, quam propositam a multis abscondere & velare. Namque, haud video, qua ratione res illæ sint nimium exornandæ, quæ per se sunt ornatissimæ & insignes. Reuoluat aliquis multorum seculorum annales, chronica & historias, dicat, si quando viderit simul congregatos Cæsarem Romanum, tres coronatos Reges, duas reginulas, ac duos *Cardinales*, cum tot principibus, proceribus, ac nobilibus diuersarum nationum. Nunquid hoc pulchrum symposium & excellens? & apud posteros memorandum? sed quod magis laudandum est, & admirandum; quod inter tot diuersas nationes & sectas religionum, nullus est ortus tumultus, nulla seditio, nullum incendium, ex magnatibus ac proceribus nullus mortuus est. Cum omni felicitate coierunt, cum eadem separati sunt: & quod amicissimum, nullus rancor interuenit, nullum dissidium. Fuerunt ab initio nonnullæ friuolæ suspensiones, quæ sublatae sunt, visa vera integritate & amicitia: omnium rerum copia, nullus defectus, nec impensæ difficiles, licet inundatio *Danubii* obstitit, quod non omnia fuerint longe vberiora & copiosiora. Hæc enim *Austriæ* pars, quæ trans *Danubium* est, & *Marchiæ* adiacet, vnde & nomen habet, horreum nostrum est. Sed quanquam sola hæc felicitas nobis defuit, quod crebræ erant pluuiæ; sperandum est tamen *DEVM* O. M. gratiam suam pluuiæ influxisse, ne altercatio aliqua suboriretur. Omnia acta sunt feliciter ac tranquille, non sine ingenti gaudio ac tripudio. *DEVS* O. M. faxit, vt is conuentus, exemplo sit omnibus Christianis principibus, quo redeant in mutuam vnionem, ac concordiam, ad extirpandum fidei hostes, & vt religio *CHRISTI* longius, latiusque per vniuersas illas, nuper inuentas regiones, propagetur & extendatur, ac semen *Ma-humeti* excindatur radicitus & euellatur, vt vno ore omnes laudes altissimi decantemus, per vniuersum dicentes: *TV SOLVS DOMINVS, TV SOLVS ALTISSIMVS, IESV CHRISTE!* Amen.

F I N I S.

IO-


q) De Palatino R. H. vide *ISTVÁNFFIVM*, Lib. VI. p. 79. 40.





# IOHANNIS LISTHII COMMENTARIOLVS DE CORONATIONE MAXIMILIANI II.

## §. I.



**R**ebus, ad coronationem, ritu patrio obeundam, rite constitutis; debuerat enim, ad diem XXII. Augusti qui S. STEPHANO sacer est, solemniter peragi, ut nemo, grauiori, quam par esset, pretio rerum venalium, grauaretur, hæc, per Dominos, Locumtenentem, & Consiliarios suæ Maiestatis, omnium rerum ad victum pertinentium, facta fuit, uti sequitur, (a) limitatio, & constituti quoque præcipui ex Nobilitate viri, qui superintenderent, ut victualia ipsa, limitato pretio venderentur, & inter tot, & tam diuersas nationes, æqualiter distribuerentur.

|                                  |          |                                            |     |
|----------------------------------|----------|--------------------------------------------|-----|
| Tritici puri in farina cubulus   | den. 20. | Butyri libram                              | 7.  |
| Auenæ cubulus                    | 15.      | Oua quinque                                | 1.  |
| Hordei cubulus                   | 13.      | Candelarum libra                           | 4.  |
| Siliginis cubulus                | 10.      | Panem pro tribus personis sufficientem     | 1.  |
| Caponem antiquum                 | 6.       | Carponis libram                            | 4.  |
| Caponem præsentis anni           | 5.       | Vsonis, & sturnionum libram                | 6.  |
| Pullum Gallinaceum maiorem       | 3.       | Lucii libram                               | 6.  |
| Minorem                          | 2.       | Siluri, siue Bardi libram                  | 4.  |
| Galinam                          | 4.       | Plaustrum fœni sex bobus inuectum          | 60. |
| Anserem bonum & pinguem          | 6.       | Plaustrum fœni quatuor equis inuectum      | 40. |
| Porcellum bonum                  | 8.       | Stramen medio pretio fœni.                 |     |
| Lardi antiqui libram             | 4.       | Media pinta piso um                        | 1.  |
| Lardi noui libram                | 3.       | Lentium                                    | 1.  |
| Carnis bouinæ libram             | 2.       | Vini optimi pinta                          | 4.  |
| Carnis vitulinæ libram           | 2.       | Mediocris                                  | 3.  |
| Carnis ouinæ, & veruecinæ libram | 1. 1/2   | Mellis pinta                               | 5.  |
| Casci boni libram                | 3.       | Plaustrum lignorum, quatuor bobus inuectum | 25. |

Et ut victualium, vadum in *Danubio*, moram non iniiceret, tot etiam, & tantorum apparatus exercitus, & cateruæ recto itinere, *Danubium* transirent, curarunt (b) suæ Maiestates, fluuium, ponte ex nauibus compacto, & validis anchoris firmato, duplici ordine sternendum, ut currus, vel equites ab vna transeuntes ripa, ex altera occurrentes, non remorerentur.

Hhhh

## §. II.

a) Dedimus, eandem hanc, annonæ & com meatus tabellam, Notitiæ Hungariæ Nouæ, Tomo I. in Historia vrbs Posoniensis, Cap. V. Artic. I. De Inauguratione Regum Hungariæ, §. II. p. 282. Tu Lector! vilitatem mirare, & patriæ nostræ, multis nunc modis egentiori, bene precabere.

b) Ex eo tempore, dum prima hæc inauguratio Pisonii fieret, suæ id esse munificentiae, Cæsares Regesque optimi, existimauerunt, uti annis vndosissimus, nauali semper ponte, consterneretur. Vide *ISTVÁNFIUM* Lib. XXI. p. 423 25. Idem, & concelebratis anno MDCCXIV. & sequentibus postea, comitiis, factum fuisse, meminimus.

*Decad. I. Monumentum VI.*



## §. II.

Postquam vero dies Conuentui præfixus appropinquaret, Reuerendissimus Dominus Archi-Episcopus Strigoniensis Locumtenens, cum ceteris Sacrae Cæsareæ Maiestatis Consiliariis, DD. Prælati & Baronibus, aliisque ex nobilitate viris præcipuis, illum aliquot ante diebus anteuertit, & Posonii præsto fuit, consultandi gratia, de modo, & ordine excipiendæ nouæ Maiestatis Regiæ: atque interea, aduenere ceteri quoque, omnium statuum, & ordinum Regnicolæ, frequenti valde numero. Quibus, cum in Ciuitate, & suburbio locus ad hospitandum esse non posset, assignato præcipuis quibusque DD. Prælatorum, & Baronum, ac Nobilium, in vna parte ciuitatis, hospitio; reliquis datus est in campo (c) locus, qui statim prope suburbium ad ripam Danubii, late patet. In eo, & Dominorum Equites, cum suis apparatus, & reliqua Nobilitas, fixis in formam castrorum multis tentoriis, confederunt. Et vt in progressu futuræ exceptionis omnia rite, sineque tumultu, & confusione procederent, delectus est omnium Regnicolarum suffragio, supremus Capitaneus, D. Comes NICOLAUS a ZRINIO, qui Exercitum venturæ Regiæ Maiestati, obuiam progressurum, duceret, & ordinaret, ac equites DD. Prælatorum, Baronum, reliquorumque statuum, lustraret. Quorum quidem equitum lustratorum catalogus est iste:

|                                                              |   |   |       |
|--------------------------------------------------------------|---|---|-------|
| R. D. ARCHI-EPISCOPI Strigoniensis, equites                  | - | - | 150.  |
| D. Episcopi Iaurinensis, <i>Pauli Gregorianczii</i> , equit. | - | - | 54.   |
| D. Episcopi Nitriensis, <i>Pauli Absternii</i> , equit.      | - | - | 40.   |
| D. Episcopi Vesprimiensis, <i>Andrea de Keversd</i> , equit. | - | - | 26.   |
| D. Episcopi Vacienfis, <i>Ioannis ab Vylak</i> , equit.      | - | - | 28.   |
| Abbatis de <i>Borsmonosfra</i>                               | - | - | 12.   |
| Abbatis de <i>Zalavvár</i>                                   | - | - | 26.   |
| Abbatis S. <i>Martini</i> , & S. <i>Benedicti</i> .          | - | - | 19.   |
| Præpositi de <i>Lelesz</i>                                   | - | - | 10.   |
| Præpositi de <i>Saág</i> .                                   | - | - | 9.    |
| Præpositi de <i>Chorna</i> .                                 | - | - | 6.    |
| D. <i>Petri Erdödi</i> , Bani Croatiae & Sclauoniae.         | - | - | 160.  |
| DD. <i>Andrea &amp; Nicolai de Báthor</i> .                  | - | - | 209.  |
| D. Comitis de <i>Zrinio</i> .                                | - | - | 168.  |
| D. <i>Gabrielis Perény</i> .                                 | - | - | 118.  |
| D. <i>Christophori Ország</i> .                              | - | - | 75.   |
| D. <i>Francisci Nádasdi</i> .                                | - | - | 150.  |
| D. <i>Francisci Battyáni</i> .                               | - | - | 56.   |
| DD. <i>Ladislai, &amp; Stephani Bánffy</i> .                 | - | - | 72.   |
| D. <i>Stephani Dobo</i> .                                    | - | - | 132.  |
| D. <i>Francisci Zay</i> .                                    | - | - | 100.  |
| DD. <i>Ioannis &amp; Balthesaris Balassa</i> .               | - | - | 96.   |
| <i>Ioannis Gyulai</i> .                                      | - | - | 25.   |
| <i>Gasparis Seredy</i> .                                     | - | - | 26.   |
| <i>Georgii Bebeta</i> .                                      | - | - | 25.   |
| <i>Stanislai Thurzo</i> .                                    | - | - | 72.   |
|                                                              |   |   | Fran- |

c) Retulerunt, nempe, comitia hæc, campestrium illorum speciem, quæ in Pestiensium campo, Rákosch, olim cogebantur. Hodie, quia cultius est Posonium, atque ædibus exaggeratius, vtramque gentem, ciuitate, & laxis suburbis accipi, moris est.



|                                          |   |   |   |   |     |
|------------------------------------------|---|---|---|---|-----|
| Francisci & Ioannis Perény.              | - | - | - | - | 58. |
| Stephani Dersffy.                        | - | - | - | - | 26. |
| Ioannis Petheö.                          | - | - | - | - | 40. |
| Michaelis Byrödi.                        | - | - | - | - | 21. |
| Georgii Thwry.                           | - | - | - | - | 31. |
| Ladislai Gywlaffy.                       | - | - | - | - | 25. |
| Stephani Thelekeffi.                     | - | - | - | - | 12. |
| Gasparis Magochy, & Gasparis Draskovith. | - | - | - | - | 72. |
| Ioannis Alágy.                           | - | - | - | - | 28. |
| Emerici Czobor.                          | - | - | - | - | 10. |
| Nicolai Homonnay.                        | - | - | - | - | 30. |
| Michaelis, Ioannis & Francisci Réway.    | - | - | - | - | 36. |
| Nicolai Dóczy.                           | - | - | - | - | 21. |

Summa itaque (d) omnium horum equitum fuit 2331. Et maior longe numerus concurrisset, nisi iam antea, præcipui quique locorum finitimorum præfecti, & Capitanei, serio mandato fuissent prohibiti, ne quis eorum, vel vnicum equum suum, in quem stipendium accipit, secum, ad hanc solennitatem afferret. Voluit hoc suo mandato S. Cæs. Maiestas cauere, ne, si confinia, bona parte militum nudarentur, aliquid periculi a *Turcis* accideret, interea, donec Coronationis pompæ vacaretur. Si tamen qui comparere, splendide (e) admodum omnes instructi fuere, vestibus auro intertextis, & sericeis diuersis, vt plurimum ornati. Apparatus autem fuit bellicus, is qui solet esse equitum *Hungarorum* levis armaturæ, omnes enim lorica, galea, framea, ense, clypeo, fuere militariter armati, cristati non solum galeas, sed & clypeos, cristis varii generis elegantissimis, gemmis, & auro

Hhhh 2

d) Subduximus, eundem hunc militis Hungarici numerum, loco, nunc admodum citato, idque LITHIO præeunte.

e) Iuvat hic, STEPHANI VINANDI PIGHII, verba, quibus in HERCVLE PRODICIO, p. m. 119. fastosum equitatus Hungarici cultum, qualem, in inauguratione filii, MAXIMILIANI huius, RVDOLPHI nimirum II. cum CAROLO suo, Pisonii, A. MDLXIII. præfens spectauit, & scire depinxit, subtexuisse. „ATTILAE, inquit, „prouinciarum domitoris. victrices copias, repræsentare videbantur, armis atque „vestitu. Equorum nobilium colores, atque picturæ variae, gemmis auroque nitentes phaleræ. Martiorum hominum adparatus Scythicus, feri vultus, capitæ, vsque in verticem rafa; virgatæ tunicæ, thoraces & lorica billices, trilicesque, clauis aureis argenteisque distinctæ: Ithyrei arcus inaurati, & encausto picti: nec non onustæ sagittis pharetræ, cocco, purpura, pellibusque peregrinis ac raris tectæ, & ornatae: lanceæ, coloribus variis depictæ; item, ex ferro fabricatæ clauæ, mallei ponderosi, (Hungaris, *Csákány*, *Bozogány*.) atque inaurati, spectantium oculos satiare non potuerant. Atque inter cetera, generosæ nobilitatis, virtutisque insignia, præminebant expensæ aquilarum alæ ingentes, vastis clypeis, inhærentes, vel auratis galeis impositæ: vetustum decus, nobilis apud Hungaros familiæ, & precipua fortitudinis bellicæ, apud pesteros, insignia. Maxima enim his habentur victoriæ præmia, ac veluti laureæ quædam eximiae, pro singulis occisorum hostium capitibus ex acie relatis, singulas aquilarum pennas accipere, atque eas crebris victoriis multiplicare. Gloriosum, plurimas clypeis cassidibusque affixas, aut e lanceis hastilibusque dependentes, refferre in prælium: pulchrum est, easdem per castra, atque vrbes in capite gestare; immo etiam, cute perforata, temporibus, ac fronti propriæ infixas, ostendere posse. Hæc ille, de eius pompæ fastoso equitatu. Adde ISTVÁNFIVM, Lib. XX: p. 423., 47. Dubito autem, cuti perforatæ, insinuasse vnquam Hungaros, cristas istiusmodi aquilinas.



auro distinctis. Videre autem erat, præcipuos quosque, quorum plurimi erant, galeis deaurato argento obductis, calcaribus item, & balteis, nodulis, & circulis argenteis deauratis, quibus latissimis, & ponderosis, ad umbilicum balteo affixis, veteres olim *Hungari*, ornatus causa utebantur, conspicuos, generosis, & elegantissimis insidere equis. Quos & ipsos, stragulis aureis, & sericeis, ephippiis præterea, & collariis, ac frænis, catenisque aureis, & argenteis, ornarant.

## §. III.

Postquam demum unanimi voto omnium conclusum est, ut adueniens noua Maiestas Regia in campo illo, qui est ultra *Danubium*, cis castrum *Kepchén*, cum tota pompa, a Statibus & Ordinibus Regni opperiretur, ibidemque exciperetur; præmissi fuerunt Viennam, domini Episcopi *Agriensis*, & *Csanadiensis*, ex Baronibus vero *Ioannes Petbeö*, & *Franciscus Zay*, qui & Cæsarem, & Regem, de omnibus futuræ exceptionis apparatus edocerent; & quando earum Maiestates aduenire vellent, intelligerent. Per quos, ubi significatum fuit, Regiam Maiestatem velle præcedere, & *ultima* (f) mentis *Augusti*, *Posonivm* ingredi; Cæsarem vero, postero statim die secundo *Danubio* esse secuturum: summo mane eius diei, quo Rex venturus erat, datum fuit, iussu *supremi Capitanei*, tympano & tuba, signum, quo audito, sese omnes equites, in campum exceptioni destinatum, transferrent, ibique mandatum ipsius Capitanei expectarent. Quod ubi ab omnibus diligenter factum esset, *Capitaneus* ipse ex ordine locavit vniuscuiusque domini *Prælati*, vel *Baronis* turmam, proprio banderio recognoscibilem, ordine, pro vniuscuiusque dignitate & præeminentia; nisi *D. Banus Regnorum Dalmatiae, Croatiae, & Slavoniae*, cum sua turma alios omnes præcessit ex veteri privilegio, quo semper Regnorum illorum Bani, in exercitibus regis, belli, & pacis tempore, præcedere sunt soliti.

## §. IV.

His quidem turmis ita ordine collocatis, domini *Praelati & Barones*, omnisque nobilitas, secuti sunt & ipsi, sumtoque ibidem in campo militari prandio, venientem Regem, qui, præcedenti, illam diem, nocte, in *Hamburg*, pernoctarat, seorsim ab exercitu, non procul a ponte, qui ad *Kepchén* est, expectarunt, ad horam usque meridiei secundam. Postquam autem omnium nationum equites, qui pro honore Suxæ Maiestatis venerant, & in proximis passim villis confederant, iussu Suxæ Maiestatis, ad desertam (g) Ecclesiam, quæ paulo ultra *Kepchén*, in colliculo quodam visitur, in vnum conuenissent, venit ad eos quoque Maiestas Regia, quæ iam sese Hungaris excipiendam offerre volens; præmisit exercitum equitum circiter trium millium, ex Baronibus & nobilitate regni sui *Bohemiae*, & provinciarum sibi hæreditariarum conscriptum, qui omnes, atro quidem colore, pro usitato gentis more; multis tamen torquibus aureis ornati, optimisque equis instructi, transiere.

Hos secuta est ipsa Maiestas Regia, comitantibus eam multis principibus, atque inprimis duobus suis fratribus germanis, Serenissimis videlicet Archiducibus *FERDINANDO*, & *CAROLO*, duobus item Suxæ Maiestatis filiis

RVDOL-

f) Moræ huius causas; nam ad XXII. Augusti dies inaugurationi fuit præstitutus; lege apud *Istvánéyvm* Lib. XXI. p. 423. 10.

g) Vicus, ad quem templum id adinet, *Am-Berg*, nomen est, intra fines *Austriæ* reducto.



RVDOLPHO, & ERNESTO, etiam *Austria Archiducibus*; deinde Archi-Episcopo Zalczpurgensi, Episcopo Vratislaviensi, Ducibus præterea Lygnicinenſi, Münſterburgenſi, Theſſinienſi, & de Plaw. Secuta eſt illico Suam Maiestatem, Sereniſſima Regina MARIA, curru vecta, cum duabus filiabus *Anna & Elifaberha*, totoque Gynæceo.

Atque ubi Maiestas ipsa Regia, ad locum, ubi a Statibus, & Ordinibus Regni præſtolabatur, appropinquaret, Reuerendiſſimus D. Archi-Epiſcopus Strigoniensis, pallio Archi-Epiſcopali indutus, & argentea eum, tanquam Metropolitanum, cruce præcedente, Episcopis vero omnibus, in Episcopali habitu, exiſtentibus, cum vniuerſis Regni Ordinibus, Sux Maiestati obuiam progreſſus, hac illam, nomine totius Regni excepit oratione. (h)

## §. V.

Mirari fortasse quiſpiam poſſet, SERENISSIME, & EXCELLENTISSIME REX, Domine clementiſſime! quod ex inclyto hoc Regno Hungariæ, ab initio originis ſux, per totum orbem terrarum, magnis & præclaris nominibus celebrato, tam exiguo numero Sacraſſimæ Maiestati TVÆ obuiam prodierimus: mirari tamen, procul dubio, omnes deſinent, ſi cogitauerint, equitum, & militiæ Hungariæ, a tot, & tam grauib; diuturnisque bellis adhuc reliquias, maiorem partem, in ſinibus contra Turcas, hoſtes, fidei noſtræ ſacraſanctæ, crudeliſſimos, ad deſenſionem regni, & ad præſidia arcium finitimarum relictas eſſe, ac minimam ſaltem nobiſcum huc veniſſe. Vnde perſuaſum nobis habemus, Sacram Maiestatem TVAM, & omnes alios, animum potius noſtrum magna exuberantem lætitiâ, ſincerumque, & TIBI addiſtiſſimum, clementiore, & gratiore ſuſceptarum animo, quam copiâ noſtrarum miraturum paucitatem. Quem quidem hunc optimum animi noſtri affectum, haud ſatis ſcio, quomodo explicare debeam. Non eſt enim mihi tanta dicendi copia, SERENISSIME, & EXCELLENTISSIME REX! ut eam lætitiâ, gaudium, ac omnium noſtrum exultationem, quam in felici Sacraſſimæ Maiestatis TVÆ aduentu, maximam concepimus, dicere, & referre queam. Tanto autem gaudium, & lætitiâ hæc noſtra facta eſt amplior, quanto maiore Sacræ Maiestatis TVÆ, iam a multo tempore, (i) tenebamur deſiderio: cumulationem etiam reddidit hanc animi noſtri exultationem, Sereniſſimorum Principum DD. Archiducum Austriæ, fratrum TVORVM chariſſimorum, ac Sereniſſimæ Reginæ, coniugis TVÆ liberorumque veſtrorum communium, & amantiſſimorum, TECVM vna felix & fauſtus aduentus, nobis certe omnibus exoptatiſſimus, & gratiſſimus. Veſtro itaque felici aduentui, ex animo, totoque mentis noſtræ affectu, congratulamur; DEVM Opt. Max. ſummis precantes votis, ut Maiestatem TVAM, cum Sereniſſima piſſimaque Regina, & liberis veſtris communibus, chariſſimis quoque fratribus TVIS, ac Reuerendiſſimis, & Illuſtriſſimis principibus, Ducibus & Proceribus, nunc hic præſentibus, ad plurimos annos felices, & incolumes, *idem* (k) piſſimus DEVS, alere, & protegere, ac TVAM præter hæc

Iiii

Maie-

h) Dedimus eam quidem, Operis noſtri Tom I. loco citato, §. VI. p. 287. ſeq. hic tamen, eo minus omittendum patauimus; quo magis noſtra inter eſt, integrum LISTHII commentariolum, poſteritati adſerere.

i) Aliter ſenſit dum viueret, THOMAS NÁDASDI, Regni Hungariæ Palatinus; apud, ISTVÁNFFIVM, Lib. XX. p. 407. 12.

k) Deſunt hæc loco citato, p. 288. inferenda ergo illic, linea decima tertia. Ibidem, linea vigintiſima ſecunda, lege: *tam præſente, quam obſcute*, reliqua.

Decad. I. Monumentum VI.



Maieſtatem Regiam, in omnibus ſuis actionibus, ad diuini nominis ſui gloriam, & ad Eccleſiæ ſuæ ſanctæ Catholicæ, noſtramque, & totius reipublicæ Chriſtianæ deſenſionem, animæque TVÆ ſalutem, fortunatiſſimam glorioliſſimamque ſemper conſeruare dignetur. Nos vero Prælati, Comites, Barones, Proceres, Nobiles, ac omnes ſtatus Hungariæ, quos hic præſentes aſpicias, imo etiam alios omnes abſentes Hungaros fratres noſtros, TIBI, EXCELLENTISSIME, & PISSIME REX, humiliter commendamus. Et quoniam antea quoque, pro pietate, & clementia TVA in nos ſingulari, tam præſente, quam abſente, Sacra Cæſarea Maieſtate, Patre TVO chariſſimo, Domino noſtro clementiſſimo, in omnibus rebus, & negotiis, tum apud eandem Maieſtatem Cæſaream, tum alibi, ubi pro ſumma TVA prudentia, opus eſſe animaduertiſti, clementer adiuuare, fouere, & omni benignitate, nos ſemper complecti dignatus es: vnanimiter omnes ſupplicamus, vt quod antea quoque, non ſine magna vtilitate & commodo noſtro, TVA ſponte feciſti, id nunc quoque, & in reliquum tempus, benigne facere velis noſque Sacraſſimæ Cæſaræ Maieſtati, Parenti TVO chariſſimo, Domino noſtro clementiſſimo, commendare, ac iura, priuilegia, immunitates, & libertates noſtras, ac omnium ſtatuum & ordinum, noſtram item, & patriæ huius noſtræ chariſſimæ ſalutem, apud eandem Maieſtatem Cæſaream, omni loco & tempore promouere, omnique ope, & auxilio clementer ſemper proſequi digneris. Quam Sacræ Maieſtatis TVÆ Regiæ, in nos, clementiam, omni ſtudio, officio, ac obſequio noſtro, ab EADEM, emni vitæ noſtræ tempore, diligenti cura humiliter promereri curabimus. Dixi. (1)

Ad hanc, nomine omnium Statuum & Ordinum Regni, habitam orationem, ubi Sacra Maieſtas Regia, per Reuerendiſſimum D. Episcopum Vratiſlauenſem, (m) breuius reſpondiſſet, cœptum continuando iter, exercitum *Hungaricum*, qui ſecus viam, qua illius Maieſtas tranſibat, conſtiterat, prætergreſſa eſt, eundemque poſtea ſeſe mouentem, per ſingulas vniuſcuſque Dominorum turmas, ipſamet luſtrauit.

#### §. VI.

Quo peracto, verſus ciuitatem proficiſcebatur, præcedente exercitu *Hungarorum* prædicto, & poſtea DD. Prælatiſ, Baronibus, Proceribus, & nobilitate Hungarica. Sequebantur autem illius Maieſtatem a tergo, quatuor vexilla peditum Germanorum, eleganter ornatorum, quos ciuitas *Vienneſis*, pro maiori parte ex ciuibus ſuis conſcriptos, partim pro cuſtodia corporis, partim vero in honorem Sereniſſimi ipſius Regis, proprio ære miſerat.

Ciues quoque *Poſonienses*, vt Maieſtatem Regiam, maiori, quo poſſent, honore exciperent, ex ciuibus ſuis conſcripſerant, ad tria vſque vexilla peditum Germanorum, & Hungarorum, quibuſcum more Germanico, militariſter inſtructis, & decenter ornatis, ſeſe, venienti Maieſtati Regiæ, cis pontem Danubii obuios tulerunt. Maieſtas autem ipſa Regia, ducentibus eam omnibus, qui cum ipſa venerant, Principibus, Prælatiſ quoque & Baronibus, nobilitateque, tam Hungarica, quam aliarum nationum, ciuitatem

1) De hac oratione Iſtvánffyvs inibi p. 324. 6. quam, ætate ſua, adhuc ſuperaiſſe ait.

m) Fuerat iſ CASPARVS LOGVS, ſuæ a *Logaus*, filiorum autem FERDINANDI I. præceptor. De eo lege, NICOLAI HENELII Sileſiographiam Renouatam, Cap. VIII. p. 138. Iſtvánffyvs, erronee *Georgium* vocat.



tem, inter crebros & ingentes bombardarum strepitus, tubarumque continuos clangores, ingressa, hospitio est excepta, in domo Reuerendissimi D. Archi-Episcopi Strigoniensis, simul cum Seeenissima Regina & liberis. Duo autem *Archiduces*, Suae Maiestatis fratres, ad arcem Posoniensem diuertentes, ibidem mansiones habuere. Germani & Bohemi equites, in campo illo, qui vltra Danubium versus *Kepchen* tendit, fixis tentoriis suis, castrorum modo confederunt. *Archiducis* vero FERDINANDI, & Aulicorum iuorum tentoria, eodem in campo, a reliquis seorsim, ad ipsum ferre Danubii pontem erant fixa. Pro aulicis, cum Sacra Maiestate Caesarea venturis, deputata fuit insula, (n) quam Danubius recte infra (lege *supra*) arcem Posoniensem efficit. Cautum fuit hac ratione, vt Danubius, castra Hungarorum, & aliarum nationum interfecans, contentionum, rixarum, indeque omnis tumultus tolleret ansam.

## §. VII.

Sequenti postea die, quæ *prima* erat mensis *Septembris*, Maiestas Caesarea, ob imbecillitatem corporis, diuturna iam febris affl. *Vienna*, nauim cum tota sua curia conscendens, secundo Danubio, recta *Posonium* nauigauit, eoque, ad vesperum, paulo post horam sextam, feliciter appulit: expectantibus eum in ripa. Serenissimo Rege, duobus Archiducibus, ceterisque Principibus, omnibus denique Regni Hungariæ Statibus & Ordinibus, aliarumque nationum Baronibus, & nobilitate vniuersa; Maiestatem autem de naui exeuntem, Reuerendissimus D. Archi-Episcopus Strigoniensis, nomine totius Regni, hac excepit (o) oratione:

Non est tanta mihi facultas dicendi, Sacratissime Imperator, REX, & Domine clementissime! vt eam animi nostri exultationem, quam in felici, & faustissimo Maiestatis tuæ, in hanc SVAM HVNGARIAM reditu, concepimus, verbis explicare vilo modo possim. Tanto enim ea facta est amplior, quanto maiore reditus Sacratissimæ Maiestatis TVÆ, iam a longo tempore tenebamur desiderio, quæ per duos fere iam annos, rebus grauissimis totius Reipublicæ Christianæ ita exigentibus, Sua nos orbos fecerat præsentia, nobis omnibus semper iucundissima. Maxima itaque lætitia, & animi nostri exultatione, TIBI Sacratissime IMPERATOR! congratulamur. Quid enim potuisset nobis fidelibus subditis, contingere gratius, iucundius & optabilius, quam Sacratissimam Maiestatem TVAM, de nobis omnibus & tota Reipublica Christiana quoquo tempore optime meritam, iam tandem ad nos incolumem rediisse, & eius præsentia, vultuque clementissimo, coram perfui. DEVM itaque Opt. Max. summis precamur votis, vt Sacratissimam Maiestatem TVAM, vna cum Serenissimis & Excellentissimis filiis TVIS, Dominis nostris clementissimis, ac nepotibus, ad plurimos annos sanam, & incolumem seruare dignetur. Nos vero, Prælati, Comites, Barones, Nobiles, & omnes Status, ac Ordines, Regni huius TVI Hungariæ, quos hic præsentem conspicis, & etiam alios absentes *Hungaros* fratres nostros, in gratiam Sacratissimæ Maiestatis TVÆ, humiliter commendamus, supplicamusque, di-

Iiii 2

gne-

n) Hodie, a Germanis, *Die Péischen*, detorto, ex *Béise*, quod Hungarico vocabulo, *Viennensem* significat, adpellari audis. Pinximus eam, forte non ineleganter, Operis nostri Tomo I. in Historia urbis Posonienfis, Cap. VI. Artic. IV. §. VI. p. 685. Huic certe congruit, quod de ea *Istvánffyvs* fructiferarum arborum plenam esse scribit.

o) Nostram, hanc quoque oratiunculam, fecimus, eodem illo, quem iam indicauimus, loco, §. V. p. 289. seq.



gneris, pro tua solita in nos pietate, benigne habere commendatos, & defensionis nostræ, atque huius Regni tui Hungariæ, ex cuius permansione, alia tua regna & prouinciæ, non minima ex parte pendent, clementem habere curam, iuraque, priuilegia, libertates & immunitates nostras vetustissimas, veluti iustus & pius REX, & Dominus, imo Pater noster clementissimus, benigne semper obseruari facere; vt sub vmbra alarum tuarum quieti, & securi, DEVM Opt. Max. summis laudibus extollentes, tibi vero omnia prospera, & felicia comprecantes, permanere possimus: quod tuam Sacratissimam Maiestatem benigne facturam, speramus.

Ad hanc, nomine omnium Hungarorum, habitam orationem, Sacratissima Maiestas Cæsarea, per Aulæ suæ Vice-Cancellarium, D. Doctorem (p) *Georgium Seldium*, paucis benigne respondit, consensuque (q) equo, profecta est ad videndum exercitum *Hungaricum*, qui non procul ad pontem Danubii, sese Maiestati suæ Cæsareæ, ad videndum explicauerat: quo perlustrato, & collaudato, contulit se recta ad arcem Posoniensem, comitantibus illam, Rege, Archiducibus, ceterisque principibus.

## §. VIII.

Postera die, quæ secunda erat mensis *Septembris*, conuocatis summo mane, in arcem *Posoniensem*, vniuersis Regni Hungariæ Statibus, & ordinibus, illisque frequenti admodum numero comparentibus, Sacratiss. Maiestas Cæsarea, audito prius *Missæ sacro*, conscendit solium suum Imperiale, quod in aula arcis ampliore, cum alio ad dextrum latus, pro Serenissimo Romanorum Rege, erat erectum, aureoque panno stratum, Regina quidem vna cum Regia Maiestate, & duobus Archiducibus, filiis suis charissimis confidente. Præter Status vero, & Ordines Regni Hungariæ, multis aliorum quoque regnorum Principibus, Ducibus, Comitibus, Baronibus, & Nobilitate, astantibus, Vice-Cancellarius Aulæ, D. Doctor *Seldius*, iussu suæ Maiestatis Cæsareæ, verba fecit referendo: *Qualiter Maiestas ipsa Cæsarea grato, & clementi animo accipiat, quod eius fideles Hungari, tam obedienter, & tam frequentes ad mandatum suum conuenerint, & licet causam generalis ipsorum conuocationis ex litteris ad ipsos datis, iam antea cognouerint; offerre tamen eis scriptum, ex quo pleniorẽ suam mentem, atque voluntatem essent cognituri, hortando illos, vt scriptum illud perlegere, & antequam ad tractatus aliorum Regni negotiorum transeat, sese in peragendo suæ Maiestatis voto, de coronando Serenissimo Romanorum Rege, faciles, & beneuolos declarare velint.*

Hac, per Maiestatem Cæsaream propositione peracta, & omnibus domum dilabentibus, eadem adhuc die, a prandio, conuenerunt status, & ordines Regni, pro audiendo scripto, a Cæsarea Maiestate exhibito. Prælati quidem, & Barones ad hospitium Reuerendissimi D. Archi-Episcopi Strigoniensis, Nobiles autem, in Monasterio Fratrum Franciscanorum. Transactis autem, inter Prælatos & Barones, ac Nobilitatem, per varias disputationes aliquot diebus, Nobilitate videlicet ante coronationem, electione-

p) Sigismundum ISTVÁNYVS vocat. quod nihil moramur.

q) Currum fuisse, ISTVÁNYVS scribit; lustratum a Rege exercitum, filer: tamen, suam, inaugurationis huius historiam, ex LISTBII hoc commentariolo, eius simul verbis vsus, depromserit: solo eo adparatu neglecto, quem prolixè describit, sequente §. IX. LISTHIUS noster.



tionem *Palatini* postulante; quod sine illo *Coronatio*, nec peragi, (r) neque satis firma esse possit: tandem, in vigilia Festi Natiuitatis Beatissimæ Virginis *MARIAE* conclusum, & concordatum fuit; non esse eam necessitatem, vt absque *Palatini* præsentia, *Coronatio* ipsa peragi non possit; quando ex chronicis Hungaricis pateat, raro fuisse *Palatinum* tempore Coronationis superiorum Regum, eiusque præsentiam, non alio casu de necessitate requiri, quam quo Regiam stirpem deficere, & exterum aliquem Principem eligendum contingit. Atque ita decretum est, hanc ipsam *Coronationem*, sequenti die, qui Natiuitati Beatissimæ Virginis *MARIAE* sacer erat, sollemniter, & consuetis de antiquo ceremoniis, & ritibus, esse peragendam.

## §. IX.

Adornatis itaque, in templo *S. MARTINI* singulis, quæ ad solennitatem istam spectabant, atque in primis constructo iam antea, ex utroque latere, & in vltima quoque parte ipsius templi, ligneo tabulato, aulæis perelegantissimis obducto, de quo in primis gynæceum, & nobiles matronæ, deinde populus quoque, *Coronationem* ipsam, inspicerent. *Sanctuarii* quoque pauimentum, & stallum, rubeo panno fuit stratum. Thronus autem pro Maiestate Cæsarea, fuit erectus a dextra parte altaris, paullo eminentior, & infra eum locus, præparatus pro duobus quoque Austriæ Archiducibus *Ferdinando*, & *Carolo*: pro serenissima vero Regina, eiusque liberis, duobus videlicet Archiducibus, (*Rudolpho* & *Ernesto*) & duabus filiabus, in anteriori parte dextri tabulati, quod ex utroque templi latere constructum diximus, præparata erat camera, a reliquo tabulati corpore aulæis separata.

Pro Serenissimo autem Rege coronando, constructus fuit, in media parte sanctuarii, thronus, valde superbus, super impendente illi, ex aureo panno, umbella. Ex opposito huius, sub ipsis gradibus summi Altaris, paratum fuit *Reclinatorium*, ad quod eius Maiestas, initio *Sacræ Missæ*, quoadusque inthronisandus esset, permanfit.

OCTAVO itaque die mensis *Septembris*, in ipsa solennitate, festi Natiuitatis Beatissimæ Virginis *MARIAE*, mane, circa horam septimam, Reuerendissimus D. Archi-Episcopus Strigonienfis, & ceteri Hungariæ Prælati, cum numeroso Clero, templum *S. Martini* ingressi, habitibusque suis induti, venientes Cæsaream, & Regiam Maiestates, expectabant, ipso D. Archi-Episcopo ad medium altare, ceteris vero Episcopis, Agriensi, Transiluanienfi, Varadensi, Vesprimienfi, Iaurienfi, Chanadiensi, Vacienfi, & Modrusienfi, ad utrumque altaris latus, per disposita sedilia, pari numero sedentibus. Interea primum, sacra quoque Imperatoria Maiestas, cum totali sua curia, ex arce descendit, atque ingressa templum *S. Martini*, conscendit solium, pro se paratum, circumstantibus illam, cum stricto gladio, *Barone a Papenhaim*; cum sceptro Imperiali, *Comite ab Eberstain*; cum pomo vero, *Comite a Lobenstein*. Secuta est deinde Serenissima Regina, cum duobus filiis, & duabus filiabus, suoque gynæceo, & longa nobilium matronarum caterua.

Tandem, & Serenissimus Romanorum Rex, de hospitio, cum tota sua curia prodiens, a proceribus & tota nobilitate regni deductus, est in idem

Kkkk

tem-

(r) Ad hanc Statuum & Ordinum, disputationem, de *PALATINI*, ad *Coronationem*, necessitate, scire ac falsè *TIMON*: supra tamen *ISTVÁNEFYVS* scripserat; vitiosam fuisse coronationem *IOHANNIS*, quod sine *Palatino* acta fuerit.

*Decad. I. Monumentum VI.*



templum. Quo, postquam peruenit, ingressus est *Capellam S. Trinitatis* in fine templi sitam, in qua quidem, asseribus interclusa, *Sacra Regni Hungariae Corona*, cum reliquis insigniis regalibus, habebatur reposita. In hac *capella*, induit se primum Rex ipse, pallio *Diui STEPHANI* Regis, ac inde postea deducuntur cum duobus Episcopis senioribus, *Agriensi* scilicet, & *Transilvaniensi*, cum pompa, quæ sequetur, & magno tubarum clangore, processit versus summum altare. Portauere (s) autem:

D. Franciscus Battyáni, vacante Officio Palatini, cuius est hoc Officii.  
CORONAM.

D. Andreas Báthori, Iudex Curiae. SCEPTRUM.

D. C. Nicolaus Zrini, Magister Tauernic. POMVM.

D. Franciscus Forgách, Episc. Varadiensis. PACEM.

D. Petrus Erdödi, Reg. Dal. Cro. & Scl. Banus. CRUCEM.

D. Franciscus Thahy, Magister Agazonum. GLADIUM nudatum.

D. Gabriel de Perén. Reconditum in vagina.

D. Nicolaus Báthory. Ensem S. STEPHANI.

D. C. Georgius de Zrinio. Vexillum HUNGARIAE.

D. Ladislaus Bánffy, Magister Ianitorum. Vexillum DALMATIAE.

D. Stephanus Dobó. Vexillum CROATIAE.

D. Ladislaus Kerechéni. Vexillum SCLAVONIAE.

D. Comes Therfaczki. Vexillum SERVIAE.

D. Matthias Kegelueich. Vexillum BOZNAE.

N. Vexillum BVLGARIAE.

Ceterum, CORONA, SCEPTRUM, POMVM, PAX, & ENSIS Diui STEPHANI Regis, per Episcopos, de manibus Baronum accepta, deposita sunt ad altare; Magister vero Agazonum, cum stricto gladio, & Barones, cum vexillis, circumstabant Regem.

#### §. X.

Postquam autem Serenissimus Rex, super *reclinatorium* illud, quod sub ipsis summi altaris gradibus, erectum diximus, flexis genibus procubisset, coepta est cani *Latania*. Qua peracta, *Missæ* deinde *Sacrum* fuit inchoatum, & reliquæ etiam ceremoniæ, quæ in *Pontificali* continentur, decenter fuerunt peractæ. Vbi autem ad id ventum fuit, ut post *Sacram Vnctionem*, Corona, capiti Regio, esset imponenda, FRANCISCUS de *Battyáni*, cui hoc muneris, vacante Officio Regni Hungariae Palatini, communi regnicolarum consensu, delegatum fuit, circumstantes, omnium statuum & Ordinum, regnicolas, clara voce, lingua Hungarica, interrogauit: Num SERENISSIMUM PRINCIPEM DOMINUM MAXIMILIANVM, filium Regis ipsorum primogenitum, in Regem ipsorum vellent coronari? acclamarunt itaque omnes alta voce: AKARJUK! id est, volumus. Hac interrogatione iterum, & tertio repetita; singulis vicibus, ab omnibus, alte responsum est: VOLVIMVS! Quo facto, Reuerendissimus D. *Archi-Episcopus Strigoniensis*, cui hoc officii de iure, (t) veterique & approbata consuetudine, in Coronationibus diuo-

s) Aliter hæc munia dispertit ISTVÁNFYVS, loco toties citato, p. 425. Liberum ergo fuerit, Lectoribus, cuius fidem sequi velint: nobis LISTHII, coæui spectatoris, placet. quam & TOMO I. Operis nostri, p. 293. sequuti sumus. In eo concordant vterque; quod vexilliferos septem numerent; cum alias decem fuerint.

t) Audiendus est in eam rem, PETRVS PÁZMÁNY Card. Append. III. ad Synod. Tyrnau. §. II. p. 147. Priuilegium fuit: quod ipse, (ARCHIEPISCOPVS) & non alius,



diuorum olim Hungariæ Regum, semper obseruata, incumbit, eleuatam de altari Coronam, suis & assistentium sibi Episcoporum manibus, noui Regis capiti, solita cum benedictione imposuit, suamque Maiestatem Corona Regia insignitam, ab altari deducens, in Thronum collocauit. Cæpto dehinc cantari hymno: Te DEVM Laudamus: secutus est omnium applausus, & ingens tubarum, & tympanorum sonitus.

Persecuto, & peracto *Misse sacro*, quemadmodum olim *Albæ Regali* (quæ ciuitas, vti sepulturæ, ita etiam coronationi Regum Hungariæ, ex antiqua obseruatione deputata fuit) a Primario templo, ad Ecclesiam S. Petri; ita hic Posonii, a templo Cathedrali, ad Ecclesiam Fratrum Franciscanorum, indutus pallio, & præcinctus gladio Diui Stephani Regis, Coronam autem capite gestans, sceptrum vero, & pomum cum gladio, & vexillis præferebantur a Baronibus, qui supra nominati sunt: præcedente & sequente vniuersa Prælatorum, & Baronum, omniumque regnicolarum pompa. Sequebantur etiam suam Maiestatem a tergo, duo nobiles, in equis, qui copiosam in populum pecuniam spargebant. Pannus quoque, per quem Rex progrediebatur, non sine iucundo altercantium spectaculo, in prædam fuit conuersus.

In Ecclesia Monasterii, exstructus fuit altus & latus thronus, aureo panno stratus. In hoc Rex confedit, per hoc, de more ab antiquo obseruato, demonstrare volens; se paratum omnibus, omni tempore, iudicium & iustitiam administrare. Euaginato deinde S. STEPHANI gladio, & multos egregios milites, rebus contra Turcas strenue gestis, insignes, tangendo, equestri illos insigniuit dignitate. Accurrentibus autem postremo ad accipiendam hanc dignitatem, dignis pariter & indignis magno numero, cessatum est.

## §. XI.

De throno Rex consurgens, ascendit equum, quemadmodum & Prælati, Barones ac regnicolæ quique, potiores omnes, & expansis prædictorum Regnorum vexillis, egressus est ciuitate, per eam portam, (v) quæ monasterio proxima est. Erectum autem fuit in foro suburbii, tabulatum, seu locus quidam editus, aulæis exornatus, & panno rubro stratus, quem nouus ipse Rex, Regno Iuramentum præstiturus ascendit. Tanta autem ad hoc forum multitudo, cum Hungarorum, tum externorum confluxerat, vt non nisi per solos, quos a Viennensibus conscriptos supra docuimus, milites Germanos, ex vtroque latere, ordine in armis stantes, via, & hæc quidem latis angusta, pateret. Insigniores autem, & præ-

Kkkk 2

cipui

alius, possit & debeat, Reges Vngariæ coronare. Qua de re, exstat priuilegium originale, inter Archiepiscopales litteras, *Capsula K. n. 30.* Similiter, quando Regina coronanda est, Vnctionem, & reliqua omnia, ex præscripto Pontificalis, peragit Archiepiscopus Strigoniensis; & Regiam Coronam, (quæ capitibus feminarum, non imponitur) humero Reginæ applicat. Eodem vero tempore, Reuerendissimus Episcopus Vespriemensis, accedens ad Altare, imponit Reginæ Coronam, quam ipsa sibi Regina procurauit. Ita factum Sopronii, in Coronatione modernæ Maiestatis Reginalis; & Posonii, dum Regis Matthiæ II. conflux coronaretur. *Hæc ille.* De Reginis ita reor: descriptum hunc Inaugurationis ritum, tunc obtinere, cum maritus Rex, in consortium regiminis adsciscit coniugem; at, vbi Regina sola, sicuti olim MARIA, Ludovici I filia, in Reginam inauguratur, easdem esse posse, quæ sunt, in coronandis viris, ceremonias.

v) Porta fuit, S. Michaelis nomine insignis, per quam hodieque exeunt coronati.



cipui quique Hungarorum, Germanorum & Bohemorum Procerum, atque nobilium, maximo numero, equis insidentes, inter plurimos, & continuos tubarum, & tympanorum sonitus, bombardarumque strepitus, & boatus, expectabant venientem Regem. Qui ubi affuit, equo descendens, tabulatum illud, cum potioribus aliquot Prælatorum & Baronum, ascendit, ac leuatis dextræ manus duobus digitis, solitum, de seruandis libertatibus, Priuilegiis & Immunitatibus omnium Regni Statuum, & Ordinum, præcipue tamen, Decreto quondam ANDREAE Regis, Iuramentum præstitit, prælegente illud Domino Archi-Episcopo Strigoniensi.

Inde secus mœnia progressum est, cum vniuersa pompa, ad (x) planitiem illam, prope quam vadum est Danubii. In hac, depressis in humum grandibus trabibus, iisque primum asseribus, deinde superiniecta terra vndiquaque tectis, præparata fuit species quædam colliculi, qualis est ad *Albam Regalem* S. STEPHANI dictus. Huc Rex eques, citato cursu ascendit, eductoque gladio S. STEPHANI, vibrauit illum, equo eleganter in gyrum verso, contra quatuor mundi plagas, demonstraturus hoc facto, se Regnum, ex omni parte defensurum, pariter, & ampliaturum.

## §. XII.

His peractis, itum est per portam, quæ sub arce est, ad prandium, quod in hospitio suæ Maiestatis lautum, & superbum erat paratum. Abacus, in triclinio erat exstructus excelsus, ex diuersi generis vasis argenteis, antiqui, & elegantissimi operis. Quæ quidem communiter omnia, quum grandia essent, pleraque tanti erant sponderis, vt robusto cuique, ad portandum sufficerent. Hæc vasa, ex thesauro Serenissimi quondam CAROLI V. Imperatoris Romanorum, prodire, reliquæ adhuc thesauri veterum Hispaniæ Regum. Postquam ad mensam est ventum, deposita fuit in ea CORONA, cum SCEPTRO & POMO. Ipse Rex, in eodem pallio S. STEPHANI Regis accubuit, cum duobus fratribus Archiducibus, Archi-Episcopis item *Salzburgensi*, & *Strigoniensi*. Mensæ inseruiebant, *soli Hungari*, & dapes adferebant filii Baronum, & Magnates. Transactum fuit hoc prandium, cum magna lætitia & hilaritate, adhibitis varii generis musicis instrumentis. Neque defuit lætitiæ dator, *Pater Bacchus*, cui hoc die frequentibus poculis, passim ab omnibus, abunde satis libatum fuit. Sequenti die, quæ nona erat Septembris, peracta est Inunctio & Coronatio Serenissimæ quoque Reginæ, Dominæ MARIAE, conthoralis Regiæ Maiestatis, per dictum D. Archi-Episcopum Strigoniensem. Quæ, ubi ab ipsa Maiestate Regia, ad summum altare deducta esset, & ipsi *Archi-Episcopo*, pro coronatione præsentata, peractæ sunt reliquæ quoque ceremoniæ, iuxta præscriptum *Pontificalis*, in Coronatione Reginarum seruari solitæ. Non tamen, *Sacra Regni Hungariæ Corona* fuit insignita; sed alia sua propria, vt eleganti & artificiosi operis; ita etiam pretiosissima. Regni tamen *Hungariæ Corona* humero (y) illius dextro fuit imposita, tanquam in ferendo admi-

x) Ergo, nondum, ea suburbii regio, quam tunc insidebat regius monticulus, domibus inædificata; multo minus, lanionia officina, sicuti hodie est, obstructa fuit. quod dolendum omnino.

y) Contra id se habuit, in BEATRICIS, coniugis MATTHIAE Coruini, inauguratione: quippe quam, in dextro humero vinctam, in capite coronatam, meminere, eius solemnitatis ephemerides. Deinde, *inquiunt*, Comes magnus, (*Palatinus*) Regem interrogat: an diadema regium, vellet Reginæ imponi? & cum



administrationis Regni onere, Regi auxiliaturæ. Qua etiam coronatione peracta, reuersum est ab Ecclesia, recta ad hospitium. Vbi Rex, cum Regina, in eodem, quo die præcedenti, triclinio, mensæ accubuerunt, adhibitis duobus Archiducibus, duabus item Maiestatum suarum filiabus, & Archi-Episcopis *Salzburgensi, & Strigoniensi*.

cum adnuisset, ille idem magnus Comes, & reliqui magnates, in caput Regi-  
næ coronam imponunt. In Collectione Bongarsiana Script. Hung. p. 356, 40.  
Ergo, non iidem semper ritus ceremoniæ, in inaugurandis reginīs, obtine-  
bant; sed dabatur, pro re nata, regibus maritis, optio, quemadmodum so-  
lemnia istiusmodi, vellent, concelebrari. Confer TIMONEM ad annum hunc,  
MDLXIII. p. 187.

## F I N I S.

## M A N T I S S A,

De pompa Inaugurationis MATTHIÆ II. a Statibus & Ordinibus

R. H. A. MDCVIII. d. XIX. Nov. instituta, ex schedis MSCr. in Sup-  
plementum PETRI de Réva, ad centuriam VII. p. 126. KHEVENHILLERI  
Tom. VII. p. 25. sequ.

**P**RIMO omnium, qui fores seu valuas ecclesiæ custodiant; ex MAGNATIBVS :  
D. Michael Czobor, & D. Georgius Séchy, ex NOBILIBVS vero: D. Tho-  
mas Bosnyák, Petrus Koháry, & Ladislaus Barkócy, deliguntur. Illustriss.  
vero D. Cardinalis Franciscus Forgách, negotium prælatorum se curaturum recipit,  
expectabitque tempestiue aduentum Sereniss. Regiæ Maiestatis in templo D. Martini.

Egrediente ex arce sua Maiestate, D. a Kolonich, tamquam Agazonum Ma-  
gister, strictum suæ Regiæ Maiestatis gladium præferet ante suam Maiestatem. Po-  
pulus autem ciuitatis armis instructus & conspicuus, a templo D. Martini, vsque ad  
Monasterium D. Francisci, dislocatus stabit, ne euntem ex vna in aliam ecclesiam,  
suam Maiestatem, quidquam impediatur, aut pannum diripiat. Vbi autem S. M.  
ad ecclesiam D. Martini peruenerit, eius sacellum, seu sacristiam intrabit.

Antequam tamen sua R. M. ex arce descendet, Illustriss. D. Comes Trauttscho-  
nius, Spectab. ac Magnif. D. Iohannes Draskovith, tempestiue in arcem ibunt,  
leuabuntque S. Regni Hung. Coronam, curru impositam, & ad fores ecclesiæ D.  
Martini, honorifice deducunt. Quam allatam, Magnifici Domini, Stephanus Török,  
Stephanus Pálffy, Georgius Homonnay, & Emericus Czobor, ex curru de-  
ponent, reuerenterque in sacellum portabunt. Suam autem Regiam M. templum  
ingredi incipientem, tubarum clangore & sonitu excipient, personabuntque tam  
diu, donec S. M. ad sacristiam peruenerit.

Insignia regia, & vexilla portabunt: Dominus Palatinus Stephanus Illésházy,  
CORONAM; D. Comes Thomas Erdödy, SCEPTVM; D. C. Sigismundus Forgách,  
POMVM; D. C. Georgius Thurzo, GLADIUM S. STEPHANI vagina reconditum; D.  
Franciscus Battányi, CRUCEM; D. a Kolonitsch, gladium euaginatam; D. Stanis-  
laus Thurzo, Vexillum Hungaria; Stephanus Török, Dalmatia; Georgius Ho-  
monnay, Croatia; C. Christophorus Erdödy, Sclauonia; Andreas Dóczy, Rama;  
Petrus Révay, Seruia; Georgius Sétschy, Gallicia; Stephanus Pálffy, Lodomeria;  
Nicolaus Thurzo, Cumania; Thomas Nadasdy, Bulgaria.

Illustrissimi Domini Episcopi. Colocensis, & Ságrabiensis, Regiam suam Ma-  
iestatem, ex sacristia, ad summum altare deducunt, &c. Deinde, vibrato gla-  
dio, D. Palatinus, eminentiorem locum conscendet, & sublata manibus Corona,  
se ad populum vertet, & lingua vernacula, in hæc verba interrogabit: *Iubetisne  
hunc Regem vobis coronari?* Peragentur postea, more antiquo, Coronationis solem-  
nia, &c.

Ad portam Monasterii, adstabit D. Thomas Bosnyák, Petrus Révai & Kohá-  
ry.



ry. Egrediente ex templo Fratrum Sua Maiestate, non amplius pedes ibit sua M. sed equitando: ideo necesse est, ut equi Baronum & Magnatum, retro ecclesiam, in platea seruentur, quo equitantem suam Maiestatem, equestri ordine sequi possint, &c.

Ad mensam prandenti suæ Maiestati inseruiant: *Lauacrum* porriget D. Andreas Dóczy; *Mantile* subministrabit, D. Palatinus; Magisterio *Dapiferatus* fungetur C. Georgius Thurzo; *præcindes* D. Franciscus Battyáni; *Pocillatoris* munere fungetur D. Andreas Dóczy; ægrotante Ianitorum Magistro, D. Petrus Révay, id munus subibit.

Ad mensam, cum sua Maiestate accumbent: Sereniss. Princeps MAXIMILIANVS, frater suæ Maiestatis Regiæ; Illustrissimus D. Cardinalis Strigoniensis; Dominus Palatinus.

Cibos portabunt: C. Thomas Erdödy; Sigismundus Forgásh; Iohannes Drafskovith; Thomas Séchy; Seyfried a Kolonich; Nicolaus a Zrinio; Stephanus Török; Georgius Homannay; Michael Czobor; Stephanus & Iohannes Pálffy; Stanislaus, Nicolaus & Christophorus Tharzo; Stephanus Nyári; Sigismundus Balassa; Thomas Nadasdy; Georgius Séchy; Stephanus & Christophorus Erdödy; Emericus Thurzo; Sigismundus Erdödy; Christophorus Bánffy; Iohannes & Georgius Keglevith; Stephanus Lifthius; Paulus Appony; Thomas Vizkelethy.

Nomina creatorum in milites equites auratos: D. Georgius Homonnay; Thomas Nadasdy; Michael Czobor; Stephanus & Christophorus Erdödy; Iohannes & Stephanus Keglevith; Georgius Séchy; Stephanus Pálffy; Nicolaus Segney & Franciscus Rédey.

## F I N I S.





**IOANNIS BOCATII,**  
POETAE LAVREATI CAESAREI,  
CONSVLIS CASSOVIENSIS,  
**COMMENTATIO EPISTOLICA,**  
DE  
LEGATIONE SVA  
AD

**STEPHANVM BOTSKAY,**  
TRANSILVANIAE PRINCIPEM,  
Et suscepta cum eo, VI. Nou. Anno M. DC. V.  
in Campos *Rákos*, profectioe.

*Ex manuscripto nunc primum in lucem edita.*

Accessit Eiusdem

**I AVRINVM REDIVIVVM.**  
DECADIS I. MONVMENTVM VII.



EXCELLENTISSIMO ATQVE ILLUSTRISSIMO  
 DOMINO DOMINO COMITI,  
**IOSEPHO ESZTERHÁZY,**  
 De GALANTHA,  
 PERPETVO IN FRACKNO & TATA, IVDICI CV-  
 RIAE REGIAE, REGNORUM DALMATIAE, CROATIAE, & SCLAVONIAE  
 BANO, EORVNDÉMQVE REGNORUM, CONFINIORUM COLAPI-  
 NORVM, & VNANORVM, SVPREMO CAPITANEO,  
**SACRAE REGIAE MAIESTATIS**  
 ACTVALI INTIMO, & CONSILII LOCVMTENENTIALIS HVNGARICI  
 REGII CONSILIARIO, CAMERARIO, GENERALI CAMPI MARE-  
 SCHALLO, & COLONELLO,  
 TABVLAE SEPTEM-VIRALIS ASSESSORI, & ALTERIVS TABVLAE  
 BANALIS PRAESIDI, ATQVE COMITATVS COMAROMIENSIS  
**SVPREMO COMITI,**  
 NEC NON PARTIVM TRANS-DANVBIANARVM IN HVNGARIA  
 COMMENDANTI GENERALI,  
**DOMINO LONGE GRATIOSISSIMO,**  
 FELICITATEM!



Rofecto in errore est vulgus vtrumque; EXCEL-  
 LENTISSIME COMES! cum humile illud atque alie-  
 num a præclara cogitatione; tum sublimius aliud,  
 & quod extra modum iactatur fui opinione: quan-  
 do meliores litteras, cælestissimum nempe, eruditio-  
 nis ac sapientiæ munus illud, quo genus humanum, DEVS orna-  
 re voluit, indignum putant summorum virorum personis. Cla-  
 mant hi, importuneque oggerunt: ad obscuras vmbras, hæc o-  
 tiosarum mentium auocamenta, relegari oportere! aliorum voca-  
 ri



ri generosos animos ! *Martem* hos sequi debere , non *Minervam* ! quod , & ita deceat excelsas mentes ; neque aliud quiddam , æque intersit egregii publici.

Non est opus , mordaces has , atque ineptas , opiniosissimorum hominum , obiectiones ; siue scrupulosius recognoscere ; siue confutare exquisitius. Præterquam enim , quod non canæ modo antiquitati illi , perpetuæque sapientissimorum populorum , belli & pacis artes , sollicitè coadunantium , obseruantia ; sed ipsi etiam naturæ rationique humanæ , bellum propalam indicere existimandi sunt : Tuo vnus , EXCELLENTISSIME DOMINE ! celebratissimo , domi militiæque , exemplo , & refelluntur longe omnium efficacissime , & , quod caput rei est , prauæ illius , absurdæ , atque alienæ a bene constitutæ reipublicæ habitu , sententiæ , condemnantur : quippe qui , inde a primis adolescentiæ annis , sapientiæ studia , cum armorum exercitio ; *Martem* graduum , cum litterata *Pallade* , ad eum modum consociaueris , vt dubium fecisse videare , togane , an sago ? potior , commodiorque patriæ , sis habendus.

Nam , recordamur sane , ILLUSTRISSE COMES ! mente omnino grata memorique , belli , toties recrudescentis , labores eos , qui TE olim , Summi EVGENII ductu in *Hungaria* ; MERCVII in *Sicilia* ; denique alienis partim , partim Tvis ipsius auspiciis , in *Croatia* , annis superioribus , haud vulgariter exercuerunt : vt ingrata omnino futura esset gens nostra ; nisi , in ætatis , quam degimus , annalibus , sollicitè referret , quantum , per has rerum , nondum requiescentium , vicissitudines , & manu valueris , & consilio.

Iam , quod ad ciuiliū Regni munerum procurationem , adtinet ; diuino adeo , per singulos , celsissimarum dignitatum gradus , animo grassatus es ; vt , & D. Cæsari , Regi sapientissimo ; & toti vniuersim patriæ , operam TVAM , mirifica cum rerum administrandarum dexteritate coniunctam , præclare adprobaueris , dederisque documenta eximia , nihil TIBI prius , nihil fuisse antiquius ; quam , vt testarere in commune , non minorem TE , domi , ciuis integerri mi laudem , mereri voluisse , quam ea fuit , quæ TIBI , ex militiæ , sudoribus ac periculis , prouentu longe vberissimo , prognata est. BANATVM certe , quæ vicaria , pro Rege , in *Croatia* , *Dalmatia* , & *Sclauonia* , potestas est , ea prudentia , moderationeque , iis præterea optimorum consiliorum viribus , difficillima omnium tempestate , non sustentasti minus , quam ornasti , quæ , dignum TE effecerint , cui , inusitata hætenus honoris accessione , simul , SUPREMA CVRIÆ REGIÆ PRÆTVRA , tunc in primis , demandaretur ; cum post D. Cæsaris CAROLI VI. Patris Patriæ longe indulgentissimi , fata , sub

Augu-



Augustissimis *MARIÆ THERESIÆ*, auspiciis, noua *Hungariæ* periodus, feliciter iniret. Tanti est, nimirum, belli, iuxta & pacis artes, cælesti quodam nexu coniugatas, in potestate habere!

Nobis certe, qui in *TE VNO*, *COMES EXCELLENTISSIME*, vtraque hæc studia, pro eo, atque merentur, perpetuo suspiciebamus; nihil, siue iucundius euenire potuit vnquam, siue exoptatius: quam, cum animo remetiebamur; quemadmodum, pacis quidem tempora, ornandæ, ampliandæque Bibliothecæ, & euoluendis optimis auctoribus; belli contra tempestates, seueris, pro re nata, curis, solitus fueris dispungere: *MATTHIAM* Coruinum, Martis illum & Mineruæ, perpetuum alumnum, credo imitatus; cui, ne tunc quidem vacua, ab litterarum oblectamentis, tempora superabant, dum in castris, inter armorum strepitus, instructasque acies, vnus omnium sollicitissime versaretur.

Hæc, cum ita sunt, *EXCELLENTISSIME REGNI PRAETOR! COMES ILLUSTRIS*! haud grauius feres, meæ hanc, erga *TE* voluntatis, deditissimam significationem. qua, vti vides, inducor haud inuitus, vt non modo, clarissimarum virtutum *TVARVM*, viuo *TE* adhuc, imaginem hanc, adumbrem; sed monumentum simul *TIBI*, ad posteritatem, constituam, ex quo certo olim existimari possit, ne ætati quidem nostræ, multum licet, a maiorum ingenio atque laudibus, degeneri, suos *AEMILIOS*, *CAMILLOS*, *CVRIOS*, *FABIOS*, *FABRITIOS*, & *SCIPIONES*, defuisse. Quod si adsequutus fuero; sicut adsequar omnino; pretium me opellæ fecisse credam. Vale, *EXCELLENTISSIME DOMINE!* &, in tanta, dubiorum euentuum, rerumque omnium perturbatione, pro *REGINA*, proque *Patria*, & salute publica, diu ac feliciter, viue! Musasque nostras, *TIBI*, commendatas habe. Preces sunt ingenuæ

*EXCELLENTISSIME COMES*

*DOMINE ILLUSTRIS,*

*GRATIOSISSIME,*

*Clientis deditissimi*

*MATTHIAE BELII.*





## P R A E F A T I O.



**I**OHANNES BOCATIVS, cuius TIBI, Lector beneuole! Com-  
mentationem Epistolicam, de sua, ad Principem STEPHANVM BOTS-  
KAYVM, legatione, exhibemus, gente *Lusatius* (a) fuit. Elegan-  
tiores litteras, vt sunt hic ingenia, atque Poesin in primis, inde  
a puero, tenerrime adamauit, coluit solerter. Iam tum enim,  
magno, ea regione, adolescentiæ commodo, frequentabantur  
scholæ, haud vulgariter instructæ. Simul hic tirocinia posuit, *Sa-*  
*xonia* Academiis inuist, eo semper connisus, vt, & melior subinde fieret, & do-  
ctior. Atque, tulit sane, præclari eius instituti, cum ipse, fructus vberimos; tum  
propagauit etiam in hos, qui se olim eius disciplinæ, permiserunt.

II. Ita formatus noster, primo iuuenilis ætatis flore, in Hungariam venit; siue,  
*M. Nicolaum Gabelium, Schvidnicensem Silesium*, suum antea, *Iglouia Marcomanno-*  
*rum*, præceptorem, tunc ad *Cremmiciensium* ludum moderandum, excitum, (b) se-  
quutus; siue, quod sit, periculum facturus, si forte, renascentibus, per Hungariam  
litteris, suæ partim fortunæ, partim ingeniorum, quæ de meliori luto *Titan* fin-  
xerat, formator esse posset. Certe, cum anno M. D. XCIV. die XX. Ianuarii, sole-  
mni formula, (c) in scholæ magistrum ab Eperiensibus euocaretur; iam tum in *Hun-*  
*garia*, forte inter *Saxones Scepusiacos*, scholas apperuisse existimandus est. Enim  
vero, egregie adeo, & ab morum integritate, & ab insigni eruditionis laude, eius  
urbis magistratibus cognitus fuit, vt diserte illi quidem: *Etsi alii quoque, in electio-*  
*nem venire potuerunt; nos tamen illis omissis, H. V. munus id, & officium rectoris scho-*  
*læ nostræ; quod felix & faustum sit; offerimus: cum aliis de causis; tum, quod de eius*  
*pietate & eruditione, nobis omnibus, optime constet.*

III. Obsequutus inuitamento ei BOCATIVS, toto, & quod excurrit, lustro,  
*Musis Eperiensibus*, summa bonorum omnium adprobatione, moderabatur. Commu-  
nem certe *Hungariæ Superioris* præceptorem dixisset; ita in eius disciplinam, nobilis  
adolescentia certatim confluebat. quam ille, non litteris tantum, quæ sunt scholæ  
quodammodo propriæ, solerter formabat; sed iis præcipue (d) artibus subigebat, quæ,  
cum toti vniuersim vitæ; tum administrandæ olim reipublicæ, sunt necessariae. Meruit  
vero, insueta hac, laudatissimaque assiduitate, vt non vulgo modo, verum apud vi-  
ros

a) Didici id, ex litteris *Senatus Leuischouiensis*, quas leges in *Appendice Epistolica*  
*HUNGARIVM* eius, p. 446. Non ergo, noster hic, confundendus est, cum IOHANNES BO-  
CATIO, *Hetrusco* illo, qui non ætate modo; nam An. M. CCC XII. *Certaldi* apud *Floren-*  
*zinos* natus fuit; sed eruditione etiam, *Lusatium* hunc, infinitis modis antecelluit. Vide passim  
*Lexica Historica*, atque *Biographos* Eruditorum.

b) Habes eius rei idoneum ad coniectandum indicium, *HUNGARIVM* Lib. II. p. 161.

c) Legi ea potest, in laudata *HUNGARID*. Appendice, p. 468. sequ.

d) Documento eius rei sunt, plenæ, optimorum præceptorum, elegiæ; altera, de *Ori-*  
*gine vera Nobilitatis*, *HUNGARID*. Lib. II. p. 165. altera, manu quasi deducens, ad *Veram*  
*Nobilitatem*, Ibidem p. 173. sequ.

Dec. I. Monument. VII.



### Præfatio.

ros simul principes, MAXIMILIANVM Archiducem; (e) SIGISMUNDVM Bâthory; *Hardeckium*, *Teüffenbachium*, *Schwendium*, *Simonem Forgáchium*, (f) *Homonnaios*, *Károlyos*, *Soosios*, *Darboltzios*, vt nobilissima nomina alia taceamus, in præcipua fuerit existimatione. Hanc, suo merito, celebritatem adsequutus, non vnus, summorum virorum, precibus, RVDOLPHO CAESARI commendatus est, vt hominis docti, & in commune utilis, virtutem, iis præmiis remuneraretur, quæ, & splendoris haberent plurimum, & auctoramento essent, Musarum per Hungariam alumni, ad solidæ elegantisque eruditionis, acre atque indefessum studium.

IV. Atque id sane, augusto prorsus ac liberali animo, præstitit RVDOLPHVS. Abierat tunc in consuetudinem, vt nemo, nisi miles, & qui præclari quidpiam in bello facinoris ediderat, equestri prærogatiua donaretur. Vix contra, quisquam litteratæ *Palladis* satelles, emergebat, qui, præter laboriosam, sed sterilem omnino quantiuis muneris procuracionem, eximia quadam, ne dicam, equestri dignatione, cohonestaretur: siue, quod in illa temporum perturbatione, rari superabant, qui se totos *Musis* permitterent, elaborarentque aliquid, ultra vulgi modum; siue, quod ita hominum fuerunt ingenia, quemadmodum Poeta (g) queritur:

*Ipse licet venias, Musis comitatus HOMERE,  
Si nihil adtuleris, ibis HOMERE foras.  
Aurea nunc vere sunt secula, plurimus auro  
Venis bonos.*

RVDOLPHVS, certe, et suapte natura, in eruditos propensus, & suorum commendatione inuitatus, alium multo se præstitit: quando, *Johannem* hunc *Bocatium*, poetam primo laureatum crearet; tunc ordini etiam equestri, adscriberet. quam ille CAESARIS indulgentissimi benignitatem, suo more, palam, gratusque decantauit: (h)

*Aurea cum Ducibus, des laurea ferta Poetis,  
Quas bene diuitias, Maxime CAESAR habes.  
Aurea das Ducibus, mihi laurea ferta RVDOLPHE!  
Sic aurum & laurum det tibi sancta Trias!  
Aurea sic redeant Te Cæsare secula, sic Te  
Aurea, sed sero, ponat in astra DEVS!*

Gratulati BOCATIO sunt, geminos eos honores, cum multi alii, tum FRIDERICVS TAVEMANNVS, (i) fidus illud ætatis suæ Poetarum; nam sic de armis eius cecinit:

*Hæc galea, inquit, hic clypeus, gentis sunt arma Bocatæ,  
Qualia nobilium semen equestre gerit.  
CAESARIS hoc donum est: aquilæ quando arma birostræ  
Stringeret Hungarico luna bicornis agro.  
Nostrum est virtutem bene gestis quærere rebus:  
Virtuti pretium ponere, CAESARVM EST!*

V. Hæc a CAESARE profecta sunt omnino; cum interim, in ornando BOCATIO, nemo non bonus, pro eo, atque id ad se pertinere existimabat, rebatur elaborandum. Sub idem fere tempus euenit, vt *Cassouienses magistratus*, *Eperiesino*, deuocarent BOCATIVM, scholæque suæ moderatorem statuerent. Dabo epistolam; vt eius ætatis hominum ingenia, pernoscantur. *Posteaquam*, aiunt, *proxima hieme*, M. Albertus Gravverus, e schola nostra, cuius ipse rector biennio fuit, in Germaniam discessit, ea nos in primis, hos ipsos totos menses, cogitatio tenuit, equemnam dignum habere-

e) Prosequutus est eius laudes, insigni carmine, HUNGARIDVM Lib. I. p. 51. & p. 125. Reliquorum, quos memorauimus nomina, passim inibi legas.

f) Præcipue, obitum SIMONIS FORGACHI luxit, elegia lectu dignissima, HUNGARID. Lib. V. p. 412. & in *Appendice Epistolica*, p. 461. Filios autem superstites: *Franciscum*, Nitriensem Episcopum; *Sigismundum*, *Michaelem* & *Johannem*, efficaciter solatus est, Lib. eodem, p. 411. sequi. cum lugubri, ad vrbes Hungariæ celeusmate p. 423.

g) OVIDIVS, de Arte sua.

h) In ipso HUNGARIDVM aditu, sub lemmate: DIVO RVDOLPHO II. ROM. IMP. AVGVSTISS. HUNGARIÆ & BOHEMIÆ REGI, &c. *Gratias agit autor, pro laurea & nobilitari titulo.*

i) In Schediasmatibus Poeticis innouatis, An. M. DC. X. in 8. Witteb. p. 720. Adde eiusdem Anagrammaton, Lib. III. p. 787. *INSIGNE*, & in *Scuto*, & in *Galea*, Ciconiam referebat, Poetam laurea redimientem: e *Galea*, duobus laureatis vexillis, prominentibus. quorum dextrum, aquilæ bicipitis; sinistrum, lunæ ac stellæ, simulacris, conspicuum fuit.



### Præfatio.

haberemus, quem in Gravveri locum sublegeremus. Nam, ipsa iuventutis nostræ frequentia, suo certe iure poscere a nobis publice magnam curam videbatur, diligendi eius, qui ei iuventuri, recte atque utiliter præficeretur. Is, cum Tv, vnus præter ceteros, multorum prudentium virorum testimonio & prædicatione, eo dignus munere videare; Magistrum Te, & rectorem iuventutis nostræ scholasticæ, communi omnium suffragio, eligimus & vocamus, pensionesque omnes, stipendia & commoda reliquorum rectorum promittimus, & benevolentiam nostram deferimus. Qua in re, cum facile videas ipse, quanti Tuam, in instituenda iuventute, sedulitatem faciamus, erit tuæ humanitatis dare operam, ut, quam Tibi scholasticæ pubis docendæ regendæque curam atque prouinciam incun- dam deferimus, læto atque alacri animo, prima occasione, suscipias. Reliqua. Datum Cassouia, die XI. Maii, anno M. D. XCIX. Iudex & iurati ciues Cassouenses. (k)

VI. Obsecundauit Cassouiensium huic voluntati, eo promptius, noster; quo magis in lucris adhuc suis deputabat, educandæ iuventuti operam, celebri adeo loco, nauare posse. Vix autem, vnicum in schola lustrum, exegerat, bonus ille, cum ciuica multitudo omnis, ita virum doctum & recti obseruantem, adamauit, ut nihil dubitarit, communi eum suffragio in senatum adsciscere. Consensere in eam ciuium optionem, P. C. vltro ac lubentes: quando, & prudentiam hominis, & ardens egregii publici studium, quod in eo præcipue eluxit, cognitum habebant. Nouis istis honoribus, procul omni ambitu, magna populi adprobatione, auctus, adeo nihil descholasticorum laborum assiduitate remisit, ut congeminaret etiam curas, ne alterutri munerum, aut vmbratico illi, aut ciuico huic, magis se permetteret. Ergo, & senatum frequentabat continenter; neque deserebat scholas: temporis rationibus ad eum modum subductis, ut quod a munerum altero vacabat, alteri id, quam sollicitissime, impertiretur. Adeo, ne tunc quidem, sterilis eum cathedræ pœnituit, cum relicto puluere vmbrisque, in opima celebritate versaretur: magistratum certe ciuilem, scholastico alteri, posthabuit semper.

VII. Cum hæc sui documenta, aliquamdiu exhibuisset, vrbanus prætor creatur, forte, uti esset dictorio illi, apud IUVENALEM, (l) locus:

*Si fortuna volet, fies ex Rbetore Consul;*

*Si volet hæc eadem, fies ex Consule Rbetor.*

quam ille tamen conuersionem in deterius, non modo non subiit; sed gessit etiam, in adflictiissima tunc vrbe, magistratum eum, ad inuidiam vsque, feliciter, & insigni cum moderatione. Reuera enim animus ei fuit: (m)

*Rerumque prudens & secundis*

*Temporibus, dubiisque rectus.*

*Vindex auaræ fraudis & abstinens*

*Ducentis ad se cuncta pecuniæ,*

*Consulque non vnius anni.*

*Sed, quoties bonus atque fidus*

*Iudex, honestum prætulit utili, &*

*Reiecit alto dona nocentium*

*Vultu?*

Hactenus, præclare omnia, inoffense ac propemodum irreprehensibiliter; administravit BOCATIVS.

VIII. Sed, cum ille ad hunc modum, & vrbis fortunam tueretur, & suam; collectas in gremio tempestates, magno rerum omnium motu, in Hungariam effudit Transilvania. Nollem tunc, maculam nomini suo adpersisset nouus homo: quod fecit tamen, si ISTVÁNYO (n) credimus. Hic enim vero, cum nouarum rerum, quas BOTS-KAY commouerat, exordia altius repetiisset; de earum incrementis: Cassouenses, inquit, ciues, prætor vrbis, Iohanne Bocatio Silesio, rigido Lutherani dogmatis affec- ta, operam in primis nauante, statim post pugnam, a nostris, ad Adorianum male pugnatum, Stephanum Hertzegum, ad Botskayum, Debreczinii, spoliis, aliena perfidia partis, diui- dundis,

k) In Appendice Epistolica, ad Hungarid. Lib. p. 471.

l) SATYRA VII. Lib. III. 197.

m) HORATIVS, Carminum Lib. IV. Oda IX. 35.

n) Libro XXXIII. p. 815, 2.



## Præfatio.

dundis, ac muneribus ad Turcas socios mittendis, intentum, miserunt, urbemque in eius fide ac potestate futuram, nunciauerunt. Atque, stetero omnino promissis, procacis consilii homines; quando, *Blasio Lippaio*, cum mandatis *Botskaii* aduentanti, portas adaperuere. Præcipuam hic certe culpam, an crimen? *Bocatio* fuisse, iterum, *Istvánffyus* inibi auctor est: *Lippaio*, inquit, *Cassouiam* venienti, *Bocatio* prætor, reliquique ciues, nihil cunctati, portas aperuerunt, ac in fidem & clientelam *Botskaii* accepti sunt.

IX. Hic nimirum torrens ille fuit, qui in transuersum secumque rapuit *Bocatio*, profecto immemorem, quo se nuper loco *Cæsar* collocarit: cum, non laurea modo poetica; sed nobilitari simul prærogatiua, donauisset hominem alienigenam, & a iure ciuitatis Hungaricæ secretum. Tunc vero demum, *Botskaii* studiis, adeo se permisit noster, ut neque legationis partes, quam hac epistola expromit, *Cassouienſium* nomine, obire detrectaret; &, quod mirere, ad Principes Germaniæ, publica, noui Principis, auctoritate, mitti se pateretur. Atque hæc quidem ad *Botskayum* profectio, quod pro eius ingenio temporis, necessitatis potius videri poterat, quam lubricinis, habebat honestæ quidpiam excusationis: quippe quod, ad pacem conciliandam adtinuerit; sed, quod principes Imperii obire, & in partes *Botskaii* trahere, suscepit; id vero, obstinata, in rerum nouarum studio, voluntatis fuit indicium, uti ex se inglorium, ita noxium *Bocatio*. Audiamus *Istvánffyum* (o) facinus exaggerantem: *Solutis Carponensibus comitiis*, *Botskayus*, *Iohannem Bocatium*, qui summæ gratiæ locum apud illum obtinebat, ad principes Germaniæ, legationem suscipere voluit, eumque litteris & pecunia instructum, ab se dimisit. Qui, cum per *Poloniæ* fines itinere facto, ad *Henricum Iulium Brunſuicensem* & *Luneburgensem* Ducem, adpulisset; quod nullas a *Cæsare*, cuius imperio *Germania* subiacet, litteras haberet; absque quibus, homini peregrino, & aduersæ factionis, vrbes & regiones perlustrare cautum esset; pro exploratore captus fuit, & in carceres conditus. Atque hic quidem, legationis *Bocatiæ*, inuito *Mercurio* susceptæ, & exitus fuit, & fructus. Anno certe, *MDCVI.* ad diem *IX.* Septembris, adhuc in custodia detentum fuisse, preces (p) condocent, quas eius caussa, *Botskaii* legati, *Matthiæ Archiduci*, *Viennæ* admouerunt. *Ioannes Bocatius*, aiebant, qui nullo malo fine, per *D. Botskay*, & regnicolas, in Imperium expeditus fuerat, iam, uti fertur, captiuus detinetur; efficere benigne dignetur sua *Serenitas*, ut *Sacra Cæsarea Regiaque Maiestas*, eum dimitti, clementer iuberi velit. Quod & ita euenisse crediderim.

X. Nam, rediit omnino ad suos *Bocatio*; sed tunc fere, cum diem suum, aqua intercute, an veneno? *Cassouia* obiit *Botskayus*.

O curas hominum! quantum est in rebus inane! (q)

Atque poterat omnino, ad se, ex hoc ictu, rediisse *Bocatio*: secumque penitus existimasse, aulæ, temporariæ in primis, qualis *Botskaii* fuit, præcipitia. Ecquis enim prudens, non accinat *Senecæ*, (r) vitam, ab aulæ negotiis, sciunctam, suo exemplo, laudanti?

Stet, quicumque volet,  
Aulæ culmine lubrico;  
Me dulcis saturet quies,  
Obscuro positus loco,  
Leui perfruar otio.  
Nullis nota Quiritibus,  
Aetas per tacitum fluat!  
Sic, cum transferint mei  
Nullo cum strepitu dies,  
Plebeius moriar senex.

Verum

o) Libro XXXIV. p. 838, 30.

p) Inſcribuntur eæ: *Postulata Legatorum Serenissimi D. Botskay. & ei adherentium Hungarorum, exhibita Serenissimo Archiduci Mathiæ, Die IX. Sept. An. M. DC. VI. ni MSc.*

q) A. *PERSIVS FLACCUS*, *Satyrarum* initio.

r) *THYESTE*, Actu II. 391.



### Præfatio.

Verum, ea fuit mobilitate animi, grauis iam ætate, BOCATIVS, vt tribus postea lustris, nouas res molienti, GABRIELI BETHLENIO, adhæresceret iterum; siue, quod nequiuertit aliter, *Cassouienfium* fortunæ implicitus; siue, quod passus se est illici, qualicunque honoris accessione, qua eum honestarat auxeratque *Transiluanus*. Nam, ita in eius ætatis schedis legisse me, conscius mihimet sum; & in consiliariorum numero censum; & *Bethlenianæ* Bibliothecæ; si quam ei fuisse credamus; præfectura ornatum, floruisse, irrequieti Principis gratia. Adfirmat fidem, scita *Bocatii*, quam possideo, icon, senem eum, & ex ætatis eius more, habitu ad grauitatem facto, indutum, atque media in bibliotheca, mensæ adfidentem scriptoriæ, referens.

XI. Ceteroquin, nunquam *Musus* suas fastidiuit BOCATIVS: curas certe, quibus vrgebatur, publicas, litterarum subinde auocamentis, interpunxisse, idoneis auctoribus, accepimus. Sunt, qui credant, geminam Hungariæ conuersionem, *Botskayanam* (s) alteram; alteram *Bethlenianam*, quarum ille pars aliqua fuit, litteris consignauisse, BOCATIVM. quas nobis tamen lucubrationes, aut fata ipsa inuiderunt, aut genus illud hominum, quod oppressos labores alienos, ætate senescente, non vertit modo in rem suam; sed venditat etiam pro suis. Ergo, præter HUNGARIDVM (t) *Libros Quinque*, nihil, quod sciam, *Bocatianæ* industriæ, habemus residui. His iam, COMMENTATIONEM EPISTOLICAM, quam prenas, Lector beneuole! ex manuscripto *Ofztrofitbiano* codice decerptam, addimus consulto; vt *Rakosianæ* solemnitatis eius, quam ne ISTVÁNFFIVS quidem neglexit memorare, αὐτῶντι exstet historia. Nam, habent hoc sibi proprium, eorum narrationes, qui visa referunt; vt, & penitus in animum defluant; neque, si rite se habeant omnia, suspicioni locum temere faciant. In Appendixem, IAVRINVM REDIVIVVM, cum *Propemptico Varidico*, quo *Hardeckium*, infauftum nomen, auctor, sic satis pie prosequutus est, eo consilio conieci, uti habeant *Lectores*, vnde, partim *Hungaridum* eius libros, existiment; partim recognoscant, vrbis, a barbaro, haud sine numine, recuperatæ, historiam.

XII. Plura, de BOCATIO, dicere non habeo: hæc suffectura credo, ad vindicandum ab obliuione, virum doctum, & dum secum habitabat, reip. commodum. Id constat, vixisse eum in matrimonio. quod, vel solius soceri, viri eximii, causa, monendum est: quippe cui, istam, in Epitaphio, laudem, (u) circumposuit noster:

*Ore vno linguas tenuit septem: Hungarus, Auson,  
Hebræus, Græcus, Sarmata, Teuto, Getes.  
Trinus eum varias CÆSAR legauit in oras,  
Bizanti longas traxit in vrbe moras.*

Quis hæc in ciue *Eperienfi*? nam, honestissimo ei ordini adscriptus fuit. Adeo tunc, litterarum studia, linguarumque cultus, apud summos, & imos, in pretio fuere. Illud comperisse haud potui, quando, quoue rerum suarum habitu, fatis concesserit BOCATIVS. Leti memorem vixisse, ex sua, ad amicos adlocutione, condiscas. Ita vero ad hos: (v) AMICI! BOCATIANO TVMVLO, SI MERETVR, HOC SVPERADDITE!

*BOCATII recubant, heic ossa sepulta IOANNIS,  
Cui studium PIETAS, atque POESIS erant.*

Tv Lector vale! & nostra hac opera, si lubet, vtere. PISONII, A. MDCCXLII. Calendis Februarii.

s) Id sane de *Botskaiana* tempestate, liberaliter pollicitus est, BOCATIVS ipse, Commentationis huius Epistolica, Epilogo, siue s. XXIV. p. 336.

t.) Inscribuntur hi: M. IOANNIS BOCATII, Poetæ laureati Cæsarei, HUNGARIDOS LIBRI POEMATVM V. quorum I. *Martialis*, seu *Bellica*; II. *Encomiastica*; III. *Nuptialia*; IV. *Miscellanea*; V. *Sepulchralia* continet. BARTHÆ, excudebat Iacobus Klöfs, A. 1599.

u.) HUNGARIDOS, Lib. V. p. 426. IOHANNI BELSIO nomen fuit.  
v. Inibi



S P E C V L V M.  
PRISCAE HUNGARORVM MILITARIS  
DISCIPLINAE,

EX BONFINII, Dec. IV. Lib. VIII. pag. 643. sequ.

depromptum,

*Vt habeat, quod intueatur Gens nostra, iustis belli studiis, ex longa  
cessatione, postliminio initianda.*

**V**bi inter turmas REX prodiit, silentium indictum, non solum viris, verum etiam equis, religiose seruatum. Adlata, primi agminis in medium signa, e manu sua, praestantissimo veterano, non sine solempni praefatione, diligentique praeepto commissa. Calcaribus ille carere, quod non sine admiratione spectare visus sum. Id factum idcirco rebar, ne in maximo conflictu, praetimore concitato equo fugeret, suaeque fuga, reliquorum animos consterneret. Mox XII. enses, totidem secures, & clauae, bene merentibus datae. Securiferi, ensiferi, clauiferique, vexilliferum circumstare. Deinde, turmarum ordines, ante vexilla constituti, quorum singuli, ex quinque, & viginti equibus constabant, ut numerus equitum, cum turmis consentiret. Proinde, turmae circiter octoginta equitum, ante signa praecedere, subsequi totidem; reliqua denum agmina, eodem modo instituta. Ita quisque ordinem seruauit, ut, si digito plus alio processisset, imperatoris, quam maxime circumspecti scuitiam, reformidare cogeretur. Tantum ubique vigeat obsequium, tantus timor ac reuerentia, cum Imperatoris amore coniuncta, ut dicto citius, imperata quisque praestaret, vitam, dum imperio satisfaceret, pro nihilo duceret. Tantum est ubique silentium, ut non modo, praeter Imperatoriam, nulla humana vox; sed ne ullus quidem equorum hinnitus, usquam sit auditus, institutum. Deinde, quodque agmen, processerat, dato signo, ante principis ora, belli simulacrum agere, & nunc in cuneum, nunc in orbem, nunc in trigona, tetragonaue, aut in forcem, & ferram mutata acie, verti. Reliqua.

Et paullo post: Sed, cum disciplinam militarem, moresque sanctissimos, quibus MATTHIAS, Hungaros eduxit, mecum ipse considero, aliquandiu in castris diuersatus, ne minore quidem admiratione conficior. Nusquam gentium milites spectare licuit, calor & frigoris, item, laboris & inediae tolerantiores, qui studiosius imperata faciant, lubentius dato signo pugnam ineant, se mori promptius exponant. Item, qui militarem seditionem magis detestentur; in castris quietius honestiusque viuunt; sese religiosius agant; tumultus magis abominentur & rixas; colant auidius temperantiam & castitatem; & ab omni blasphemia, periurio, illegitimaque venere, sint magis alieni. Maxima pars equitum, quibus uxores sint & liberi, triennium quandoque assiduo militare coacta, nunquam coniugii fidem violasse creditur. Fortitudinis & patientiae sunt plus quam Lacedemoniae. Hieme, iuxta atque aestate, castra frequentantur. Et, quod meis hisce oculis, saepe vidi, sub niuib. ac terra, ne obsidionem deserant institutam, tolerantius hibernant. Vnde, murum saepe modo prodeunt, stationibus totam noctem, tesserariorum iussu, equites adsunt, neque loco mouentur, neque de rigenti algore queruntur. Et quamuis plerisque membra, vesaniente frigore obstupecant; inuicto tamen animo cuncta patiuntur. Liberos in castris alunt, ibique militaribus studiis informant. Ex quo fit, ut gens Hungarica, bello aspera, ita, institutis, ductu, auspiciisque CORVINI, accreuerit, ut, cetera.

Adde, TOBIAS COBERI, Hungarorum, in metandis castris, & instituenda aquatione, prudentiae encomium, OBSERVATIONVM MEDICARVM CASTRENSIVM, Decad. I. Obseru. VII. p. m. 39. Non sunt, inquit, laude sua defraudandi HUNGARI nostri: qui in metationibus castrorum, munditiam obseruant longe strictius, quam aliae nationes. In aquationibus quoque, circumspectiores sunt, non quasuis lacunas & voragines exbauientes: quod plerumque nostrates, ad potandum nati, posthabitis sordibus quibusuis, fauces, mox euamido liquore, paulum delibutas reddentes, strenue faciliant, lambendi sorbendique finem, prius non facientes, quam cum ranis, in stygia palude, circumnatent.

IOAN-





# IOANNIS BOCATII, CONSULIS CASSOUIENSIS COMMENTATIO EPISTOLICA.

## SYNOPSIS.

Legatio BOCATII ad BOTSKAYVM ius-  
su Magistratus Cassouiensis sulce-  
pta; eius profectio: - - §. 1.

Bocatii formido haud inanis, ubi affe-  
cuturus sit Botskayum: quem salu-  
tat & sequitur: - - §. 2.

Itineris ratio: iustæ Bocatii lachry-  
mæ & querelæ; - - §. 3.

Vaciæ adpropinquat exercitus, in cam-  
pum Rákosch profecturus: Cam-  
pus Rákosch, quis? - - §. 4.

Bocatii sollicitudo & tacita exposu-  
latio: erigitur a comitibus & au-  
læ familiaribus: - - §. 5.

Quomodo se metu exonerauerit: §. 6.

Quo fuerit in stativis animo: - - §. 7

Quies nocturna: profectio exerci-  
tus: aduentus in conspectum Bu-  
dæ: Castrorum ad amniculum Rá-  
kosch metatio: Bassæ Budensis a-  
micus occurfus, eiusdemque redi-  
tus Budam: - - §. 8.

Altera Castrensis pernoctatio: Bo-  
catius inter familiares Botskay cen-  
setur: Homonnay aduentus & sta-  
tio: ridicula Bocatii equitatio,  
quam is false excusat: eius, cum  
Principe Botskayo colloquium: §. 9.  
Venatio ab exercitu, ob iter insti-  
tuta: avium multitudo: iocus  
Bocatii & cogitationes feriæ: §. 10.

Quo ritu acceptus sit a Turcis Bots-  
kayus: Turcarum ad nos coho-  
nestandos facti ordines: festivus  
tormentorum Budensium fragor:  
Vezirius, in ripa Danubii nos præ-  
stolatur in tentorio: Botskay, in  
destinatum sibi tentorium diuer-  
tit. - - §. 11.

Itur in tentorium Vezirii: qua illic  
pompa & habitu sederit Vezirius:  
eius consilarii: corporis custo-  
des: intranti tentorium Bots-  
kayo occurrit Vezirius: quem ge-  
mino osculo honorat Botskay, co-  
mites item sui: - - §. 12.

Habitus corporis Vezirii: Agæ, pro-  
xime adsidentis: init per interpre-  
tes



- tes colloquium : proferuntur muna-  
nera : Vezirii monitio ad Botskay-  
um : Botskayus veste Turcica in-  
duitur : tunc & comites sui : Bo-  
catii iocus - - - §. 13.
- Itur ad prandium habitu Turcico, di-  
scumbitur : conuiuii descriptio face-  
ta : Hungari manent impransi :  
conuiuii detestatio : musica qua-  
lis ? - - - §. 14.
- Surgitur ab accubitu, postea mensis  
direptis : Botskaii, cum suis, in ten-  
torio facetiæ : - - - §. 15.
- Inuitatur denuo ad Vezirii colloqui-  
um : sermonis initium a Trans-  
silvania ductum : Vezirii quæstio-  
nes captiosæ : qui ei interfuerint :  
Agæ Janitsarorum dignitas : Eunu-  
chi solertia : interpretum adten-  
tio : - - - §. 16.
- Responsio Botskay ad quæstiones Ve-  
zirii : huius, ad Botskayum oratio,  
speciose mendax : de bello conti-  
nuando interrogatio : remotis lon-  
gius arbitris, colloquium secretius  
instituitur : - - - §. 17.
- Bocatius* Urbem Budam adire percu-  
pit, commilitonum exemplo exci-  
tatus : Botskay, a Vezirio, gladio  
præcingitur : veste preciosa indui-  
tur : redimitur corona aurea : gra-  
uis Botskaii oratio, coronam vt  
donum, haud vero vt diadema, acce-  
ptantis : quam ad Hungaros comi-  
tes repetit : valedictio, inter am-  
plexus mutuos, instituta : - - - §. 18.
- Quibus, contra, donis Botskay hono-  
rauerit Vezirium : Janitscharus cy-  
gnum in Danubio traiectum, quasi  
lætum omen, Botskayo adfert : di-  
splosiones nouæ : - - - §. 19.
- In Urbem abire statuit Bocatius :  
iter eius Budam susceptum : ad-  
uentus : Urbis descriptio : fordes  
in aditu : intus fœda omnia : mer-  
catus qualis : Christianorum Pres-  
byteri querelæ, & status comploran-  
dus : Bocatii dolor : - - - §. 20.
- Arcem exteram perlustrat Bocatius :  
ab interioris aditu arcetur : eius ha-  
bitum per portam rimatur : exit  
ex Vrbe : venit Pestinum, ruinis fœ-  
dum : - - - §. 21.
- Botskayum Vaczouia adsequitur, qui  
illic, noua a Transsiluanis corona  
donatur : - - - §. 22.
- Iter Carponam susceptum : quorsum  
Legatus Cæsaris, Sigismundus For-  
gách, aduenit : coeunt induciæ :  
mittitur Viennam, ILLÉSHÁZTVS : e-  
ius laus : - - - §. 23.
- ¶ Epilogus. - - - §. 24.

## §. I.

Legatio  
BOCATII ad  
BOTSKAYUM  
iussu Magi-  
stratus Cas-  
souiensis su-  
scepta :



Osteaquam, Amice mi! de voluntate & mandato Se-  
renissimi & benignissimi mei Principis, ciuitas no-  
stra *Cassouiensis*, vt reliquæ ciuitates & Comitatus vt-  
riusque Hungariæ, nuncios, aut legatos, ad ipsius ca-  
stra, vbi vbi illa essent constituenda, mittere coge-  
retur, mihi, aliisque duobus, prouinciam huius profectionis, irro-  
gasset; instructione certa, quidnam (a) in comitiis habendis, pro  
bono reipublicæ proponendum esset? prima Nouembris die Casso-  
uiæ mansissem, versus arcem *Fülecum*, ratus eodem Principem ad-  
pulsu-

a) De Carponensi hoc comitio, lege ISTVÁNFFIUM Lib. XXXIV. pagin. 835.  
sequ. quem consulemus sæpius.

b) Co-



pulsurum, me contuli. Comperto autem illum, ad arcem (b) eius profectio, *Novograd* iter facere, perrexi & ego, donec in oppido *Gyarmath*, plenius edocerer, Principem, *Vacini*, quatuor, a *Pesto* & *Buda*, miliaribus, velle subsistere, ibidemque conuenturos Regnicolas.

## §. II.

Hoc vero, non exiguum mihi iniiciebat formidinem; tum, Formido quod vicinitas ista Turcica, suspecta; tum quod res periculi plena, haud inanis: meo videretur iudicio. Quoniam tamen interea, secus facere non potui, necessitatem meam, ex legitima officii vocatione metiens, & euentum superis committens, subsecutus sum castra Principis, quæ, nocturnum faciens iter, in silua quadam, loco, *Diua* quon- vbi affec- cutus sit dam *Margarethæ*, dicato, fixa reperi, & orto die, medio millia- Botskayū: ri *Vacino* distare comperi, ratus, non procul ab arce *Novograd* me noctem egisse. Mane, vbi iam castra mouerentur, explorato Principis tentorio, ipsum conueni, & litteras, vt vocant, quem salu- credentiales, obtuli, humaniter exceptus, & ordine demonstrato, tat & sequi- tur. inter media agmina, subsequi sum iussus.

## §. III.

Proximo deinde superato monte, *Danubium* conspicio ad dextram, monstrantibus mihi quibusdam, montes & siluas loci, vbi Itineris ratio: arx *Vissegrad* esset. Sub descensum de eodem monte, video magnam & porrectam planiciem, segete autumnali, longe lateque lætissimam & ridentem, oculis tamen meis & pectori lachrymas sufficiens. Recordabar enim sæpius antea auditorum, amoenitatis iustæ Boca. & fertilitatis loci, mecumque tacite reputans, Ah! dicebam, nisi tui lacrymæ & querelæ, Mars impius, Hungariam, eo nunc angustiarum & infelicitatis rede- gisset, non ego cum ceteris, iam primum loca hæc peterem; sed ciuitates, *Pestum*, *Budam*, *Strigonium*, videre lustrareque possem.

## §. IV.

Hæc dum in animo voluo, propius *Vaciæ* adsumus. Inter- Vacie ad- rogo: certumne sit, Principem hic, subsequentes, & confluentes propinquat exercitus, regnicolas præstolari, conuentumque celebrari velle? Quid sit? in campum erudior, a fide dignissimo disco: Castra hodie nobis in ipsomet Rakos profecturus: campo *Rákosch* figenda esse, quo magis magisque perculsus, ego statim metu

*Obstupui, steteruntque comæ, vox faucibus hæsit.*

Lectione enim auctorum, & auditione perceperam, non procul a *Pesto*, iam a *Turcis* occupato, campi planiciem, *Rákos* nomi- campus Rá- kos, quis? nari, vbi quondam *Hungaria* adhuc florida, comitia armata, vt CAESAR, de Gallorum instituto scribit, habere solita sit; aut Regem electura, vel de bello, contra regni sui hostes gerendo, tracta- tura.

Mmm 2

## §. V.

b) Comitatus cognominis caput, de quo vide, operis nostri Tom. IV. p. 136. vbi & de *Gyarmath*, quod & *Ipoly-Gyarmath*, ac præcipue ex possessorum axiomate, *Balassa-Gyarmath*, dicitur, ibidem p. 131. de *Fileko* autem p. 74. De *Vaczonia* egimus Tom. III. p. 112. & de *Wissegrado* p. 470.

c) Fuit



## §. V.

Bocatii sollicitudo: Adlabimur *Vacia* rudibus, video præterire exercitum, & impedimenta ulterius procedere. Nec Princeps substitit. Cogor sequi. Proh dolor! cogitabam, quid hoc rei? hocne est cum Cæsa-  
reis facere compositionem, & pacis vtrunque agitare conditiones? *Posonium*, *Tyrnaviam*, aut *Galgocium* saltem nos profecturos dicebant.  
tacita ex- O vigiliam *Sancti Martini*! miser Poëta (c) BOCATIUS, hodie, vel  
postulatio: cras, victima est futurus & hostia Turcis. Socii, socii! dicebam ad  
meos, actum est de nobis! Ab intestato decedimus! en, quo per-  
ducimur? *Thamyride*! Non huius, ad regnicolas perscribens me-  
minerat Princeps; sed, ut tractationi de pace interessemus, & de no-  
stris quoque communibus suffragiis, cum *Commissariis* Cæsa-  
reis, eo nomine, ratum aliquid & firmum, statueretur.

O miseranda dies carbone notanda vel atro!

erigitur a comitibus & aulæ familiaribus: Fuimus, Amici! Troes fuimus! Hæc dum sono, exanima-  
tum, & comites, & aulæ principis familiares, erigunt, solantur.  
Metum ponam, principem nobis cauisse, nihil a Turcis timeamus.  
Iam illud esse tempus, quo oves, (d) cum lupis versaturas, præ-  
nunciatum sit. Quid facerem? neque seruitio me eximere licebat.  
*Tenemus*, inquiunt, *lupum auribus*, (e) Turcæ nulla fides! cre-  
dat ipsi Iudæus apella, non ego.

## §. VI.

Quomodo se metu ex- onerauerit: Terga damus interea *Vacia*, quibusdam promontiorum  
*Budensum* gnaris, cælo aliquantum nubilo, digito, *Pestum* & *Bu-*  
*dam*, intendentibus. Mihi autem locus monstratus, ita gratus vi-  
debatur, sicut arbores, *Marcolpho* (f) suspendendo. Mox indi-  
cio cogniturus, & ex vultu Principis argumentum spei, vel metus,  
sumpturus, penetro turbas, proximus Ephoro, rideat, vel angatur,  
obseruo. Comitas, hilaritas, iterum aliquantum animant. Con-  
siliarios, magnates, & procures, aulicos, regis ad exemplum, to-  
tos esse compositos, video. Reddor quoque certior, *Bassam Bu-*  
*densem*, in castris fuisse cum Principe cœnatum, & iam ducentorum  
equitum comitatum, ad agones ordinandos, præcessisse. Turcas  
aliquot equites, nostris mixtos, exultabundos adipicio. Salua dicunt  
omnia esse.

## §. VII.

Quo fuerit in statuiis a- nimo. Progressi, vnum a *Vacia*, milliare, vel paullo plus, in du-  
meto quodam, pabulationi & aquationi, non incommode, subli-  
stitur, papilliones eriguntur, ligna, magno strepitu ceduntur, i-  
gnes parantur. Eadem & ego facio, dubius nihilominus, morsne  
vel

c) Fuit ea ætate, BOCATIUS, Poëtarum, per Hungariam, facile princeps, quod diximus in præfatione.

d) Esaïæ c. XI. 6. 7. 8.

e) Exstat proverbum, apud TERENTIUM, in *Phormione*; apud PLUTARCHVM, in præceptis ciuilibus; et apud SVETONIUM, in *Tiberio*. Dicitur in eos, qui eiusmodi inuoluntur negotio, quod, neque relinquere sit integrum, neque, nisi cum discrimine, tolerari possit. Vide *Chiliada*.

f) Morio fuit, SALOMONI, Hungariæ regi in deliciis.

g) Si.



vel salus sit exspectanda. Quæro, curro, interrogo, quorsum, propter DEum! quorsum? perditum ne nos, volentes ibimus? Heu mihi! utinam vel sydere meliori natus, vel nunquam natus fuisset! Antea *Germanus* homo, in patria, *Turcismi* sum insimulatus; iam eodem plane condemnabor crimine. Bono me iubent animo esse, crastinum diem nobis omnia faustissima, lætissima, gratissima, adlaturum. O utinam! dicebam; sed ego valde cuti nostræ timeo. Turcas, egregiorum equorum sessores & ebriolos, hinc inde video discurre, ridere, iocari, ludere. Blanda ab illis omnia. Me genius meus alio trahebat.

## §. VIII.

Fit vespera, fit nox, eo cubitum incœnatus, mœroris & anxietatis plenus. Cælum reducitur album. Puto, legatos aduenturos, vel adesse *Turcos*. Væ mihi! mouentur iterum castra; nec adhuc in campo *Râkos* nos esse dictitatur. Consumitur eundo magna pars diei. Hem! adparet *Buda*, monstratur ad citeriorem Danubii ripam, *Sirmium*, (g) vrbs quondam celeberrima, iam desolata, vacua, rudera tantum & parietes, domosque & mœnia in bonam porrecta longitudinem, demonstrans. Paullo inferius conspicimus, *Budæ Veteris* reliquias. Iam *Budam* adspicimus totam, & quia illa, loco eminentiori, supra *Danubii* ripam sita est, iam arreptam esse credebamus, distantem adhuc medio milliari. Delabimur ad fluuiolum, purum putum alueum. Progredior cum aulicis eques. Hic, inquit, Princeps, esto meta! Nemo hodie fluuium istum transcendito, *Râkos* est; vnde loco nomen. Castra metari iubemur. Princeps, occupat tenerum tumulum, nos circumcirca sistimus. Ego porro sum animi dubius, & quid agam, in corde mecum voluto. Aduolant speculatores *Turcæ*, Budensem dicunt aduenire *Bassam*. (h) Aduenit is eques, cum equitibus aliquot, & peditibus *Janicsâris*, splendidus & mundus maxime. Conuenitur Princeps. Fit colloquium. Non diu moratur ille, honeste exceptus, deductus ad ripam vsque *Danubii*; vespera ad crepusculum vergente: credit se nauibus, quarum ipse ingreditur ornatissimam, & stragulis, & versicoloribus tapetibus. It clangor tubarum cælo. Musici, eodem nauigio suscepti, syrenas æmulantur; transuehitur, superat, & ascendit altitudinem *Budæ*, prælatas sequens faces.

## §. IX.

Nox mihi tota dura, & infelix, vltimam hanc reputo. Famam, liberos, vxorem, & amicos dulcissimos, cogito. Libitinam adoro, mortique sacrifico. Mane surgitur, currus onerantur. Ferri porro iubemur. Accersor ego. *Bocati*! inquit, consiliarius vnus Principis, *Dominus Petrus Mladosovvich*, Te hodie vult Princeps obseruari, vt personam tibi tradendam, tuearis. Vna cum Principe,

N nnn

qui

g) *Sicambriam* scribere debuerat; nam *Sirmium*, quod constat apud omnes, vrbs fuit Pannoniæ inferioris, inter *Drauam* & *Sauum*, seposita.

h) ALIM fuisse, ISTVÁNFFYVS memorat, loco citato, qui Mechmetis Vezirii nomine, salutatum venerat Principem BOTSKAIVM.



qui *Vezirium* conueniant, electi sumus ex omnibus sedecim inter illos, *Tu vnus*. Meum itaque cingas latus. En, lege chartam! videsne nomen tuum? Video, inquam, generose Domine! iussum exsequor. Sedentarius hactenus, eques fio, per obliuionem, cothurnos indutus, quibus nulla calcaria. Dum accingimur, adest, ex castris alteris Hungarorum, *Magnificus Dominus Valentinus Homonnay*. Ceduntur pauci cum Principe (i) sermones, Idem *Domminus Homonnay*, cum suis, pro custodia curruum, & impedimentorum, castrorumque nostrorum, in specula, relinquitur. Fit ordo, fit acies. Pedites, agmine bipartito, praeunt; equites, in turmas & alas, distinguuntur. Mihi, optio est, medium tenere locum; qua Princeps, qua procures eunt, & ego penetro: venio ad ordinem primum. A principe conspicio, a Principe vocor; incitato, dum ire paro, cursu, nec quidquam, & frustra pulso calcibus equum loco se mouere nolentem. Fio risus, fio spectaculum! Tandem promoueor, & equi culpam, deprecor, & quoniam Princeps, more suo, me *Germanice* suauiter ridebat, & equi mei rusticitatem; nolit, inquam, Serenitas vestra, meam admirari tarditatem, & calcarium obliuionem, sum enim *Latinus eques*. Aliis autem ioculo me vexantibus, respondeo: *Nolite, boni Domini! meorum calcarium irridere, & sic perperam interpretari inopiam: cum vobis documento sim, fugere me nolle; sed firmo pede cum sua Serenitate, & vobiscum, ad quemuis fortunae euentum subsistere, & si fuerit opus, fortiter, pro defendendo Principe, dimicare.* Deinde, videt meus equus, se ad Principem, numen aliquod, vocari; tamen restitat porro: obseruantiae est signum; alias enim non monitum, currere scio. Habet consuetudinem *Asinae Bileamiticae*. (k) Tunc, modo *Germanice*, modo me, Princeps, *Hungarice*, adloquitur: *Fuerimne Buda?* interrogat. Nunquam antea, dicebam, & videndi vota saepius, spes autem nulla, inquam, fuit. Iam trepidus adibo: confusus, iuxta virtuti Principis, non interitus, sed vitae meae, meorumque, & salutis publicae, dubio pro-

quam is sal-  
se excusat:

eius, cum  
Principe  
Botskayo,  
colloquium

i) Exhibuimus eos, ex Ephemeridibus *Homonnaianis*, Tom. III. Operis nostri, p. 84. Historiae Urbis Pestiensis Cap. II. §. XIV. hic omnino repetendos. Aiebat nimirum BOTSKAIVS, planeque inculcabat HOMONNAIO suo; *Prudentis esse principis, de futuris prospicere. Reliqua arcae mandatorum capita, hae fuere.* Elsöben: *Hogyha énnékem, kit Isten ne adjon, az Török miált, mostani közikben való menetelenben, valami nyavalyám történi, Magyar országot ne hagyad.* Másodszor: *Ha nekem szerentséltenségem esik az utamban, tehát az Magyar országi Urak közölt, Báthori Gáborn, mindenképpel fellgyeb betsülyged, és ő véle értekezze.* Harmadszor: *Rólam példát vévén, ha mi rajtam történi, jobba többé a Török nemzetségnek, kérlek, ne bídj.* Id est. Primo: *Si ex hoc meo ad Turcas abitu, aduersi quidpiam, id, quod Deus auertat, mihi euenerit, Regnum Hungariae, caue deferat.* Secundo: *Si mihi sinistri quidam acciderit, in hac mea profectioe, tunc vero, inter optimates Hungariae, Gabrielem Báthory, vnum omnium, maxime colas, cumque eo rationes consiliorum conferas.* Denique Tertio: *Meo exemplo moniti, caute, infida Turcarum genti, vos vnquam credatis amplius.* Satis hinc constat, quantum in Turcarum fide praesidii posuerit BOTSKAIVS. Nempe, palpitabat intus cor, & conscius sibi,

*Facilis, inquebat, descensus auerni;*

*Sed renouare gradum, hoc opus, hic labor est!*

k) Habes eius historiam, Numerorum XXII. 23. sequ.



procul, auidæ. Optarem, iam ibi esse corpore, vbi sim cogitatione & mente. Securus, *inquit* ille, fueris, Bono tibi, tuisque, profectio ista, ne dubites, erit. Quomodo, dic, placet militia nostra? ad quod ego: *Magis, Serenissime Princeps, ac Domine! placeret, si iustior* (kk) *esset exercitus.* Cogitabam enim, propter iactum aleæ, hodie, vel periclitandum, vel manu & ferro salutem quærendam, & referrendam. Indignor, ait Princeps, ceteros non adesse, iustos, nec aduolare. Non mirum est, reddebam, haud adhuc omnes adpulisse; dies enim & locus, quando & quo proficiscendum esset, in literis Serenitatis Vestræ, non fuit indicatus, & plerique sunt opinati, *Tyrnauiam* (l) *versus eundum esse.*

## §. X.

Hæc, & id genus alia, dum familiariter colloquimur, fiunt Venatio ab equitum ad latera, passim excursions, clamores, exercetur venatio. Leporum incredibilis copia, immittuntur, & iugo soluti insequuntur canes, leporum indagantes locum: capiuntur plurimi, capiuntur & coturnices viuæ, vel manibus. Adparet copia phasianorum, vsque adeo, vt si adfuissent, ex volatu & cantu auium, quondam auguria petere gnari, oscines, absque dubio, prodigii, & ominum rerum futurarum, loco duxissent. Mihi subibat lectio IUSTINI (m) historici scribentis, *in Persarum castris, ex equo leporem natum esse.* Tacitus quasi ariolabar, pugnae nostræ signum esse. Mox, æstro meliore percitus, interpretabar benignus; commeatu enim nostro, iam ex magna parte, absumpto, sollicitus de victu, benignitatem, & prouidentiam succurere diuinam, sum ratus: eo maxime ad hanc erectus cogitationem, quod audirem, heri quoque captas fuisse volucres, vt olim, testibus sacris literis, in deserto, quando DEVS, Israëlito suo populo, seruitutem Ægyptiacam fuga declinanti, coturnicum (n) copias, sub auspiciis viri illius DEI, Moysis, largiter suffecit. Remisi igitur aliquantum de consternatione priori, ac si me quisquam sic allocutus fuisset: *Sursum corda! & sume animos. Bocati! DEVS est, ista, qui operatur.* Secedo a Principe.

## §. XI.

Ecce nobis obuiam venit equitatus, & peditatus Turcicus! Quo ritu Nos subsistimus. Adeunt oratores Turcici. Princeps excipitur, gratiæ aguntur, vota fiunt. Turmæ Turcarum, supra modum, vestibus, phaleris, stragulis, auro argentoque, gemmis, & pretiosissimis lapidibus, cohonestamentis pulcherrimis, ornatae, comite luxu & pompa, versibus & carmine dignissima. *Janitschâri*, flos & robur militiæ turcicæ, bipartito agmine, continuo, & serie longa, vna cum peditate nostro, præcedunt. Adhæc musici, *vocales*, & *instrumentales*, melodias occinunt, morem in turcicum, quæ mox se-

Nnnn 2

qui-

kk) Fallit ISTVÁNFFIUS, quando magnas copias, in iusti exercitus formam, coegisse in hanc profectionem BOTSKAYVM, scribit loco citato, p. 836, 30.

l) Videbis, fuscè descriptam eam urbem, Tomo II. p. 6. vsque ad p. 100.

m) HERODOTVS, non IUSTINVS, eius prodigii meminit, lib. VII. c. LVII. p. m. 402.

n) Relatum id beneficium, a MOSE in litteras, lege, Numeror. XI. 31. 32.

nn) Ea



Festius  
tormento-  
rum Buden-  
sum fragor

Vezirius in  
ripa Danu-  
bii, nos præ-  
stolatur in  
tentorio:

Botskay, in-  
destinatum  
sibi tento-  
rium diuer-  
tit.

Itur in papi-  
lionem Ve-  
zirii:

qua illic  
pompa &  
habitu fede-  
rit Vezirius

eius confi-  
liarii:

corporis  
custodes:

intranti  
tentorium  
Botskayo,  
occurrit Ve-  
zirius, quem  
geminio o-  
sculo hono-  
rat Bots-  
kayus:

quitur explosio bombardarum, optimo ordine continuata; fit ini-  
tium a porta, & parte ciuitatis, quæ nobis vicinior. Perdimus  
*Budam*, crassissimis fumi nubibus & nebulis absorptam & inuolutam.  
Tandem, euacuatis, de turribus, & propugnaculis ipsius vrbs tor-  
mentis; horrenda tonitrua ex regia suboriuntur: similiter fit, in  
monte vicino, & castro *S. Gerhardi* quondam dicto. Vt nihil splen-  
dori & magnificentiae deesset, globi tormentorum, aërem verberan-  
tes, instar fistularum nobis fuerunt. Obuia sunt oculis tentoria *Ve-  
zirii*. Equitatus & peditatus, ad planitiem sinistram, facto optimo or-  
dine, consistit, aliquot, cum Principe equitantibus, & ad tento-  
rium, pro Principe exstructum, venientibus. Ad ripam *Danubii*,  
ex aduerso propemodum arcis, erat *Vezirius*, ab illius tentorio,  
ad iactum lapidis, aliud Principi destinatum. Ciues, Turcæ & Hun-  
gari, cum pueris & infantibus, egressi, rei nouitate, ad stuporem  
vsque nos expectarunt, puerulis voce, manu, digitisque, demon-  
strato Principe. Deducitur Princeps in suum tentorium; nos, quos  
supra dixi, selectos fuisse comites, traditis custodiæ seruorum equis,  
simul intramus. Interuenit mora parua, dum Princeps se adparat,  
adhæc, legati & oratores, ad *Vezirium* venire iubentur. Nos bini  
præcedimus pedites, equitat ille, per bipartitum *Janischarorum* a-  
gmen, vestibus, armis, & ætate conspicuorum, spississimum, & or-  
dine ytrinque duplicato, arētissime stantium; aliis Turcis nobilibus,  
Spahis, Agis, & similibus, ipsorum post latera, cum pileis albican-  
tibus, præminentibus, & sese ad nos spectandum, erigentibus.

## §. XII.

Tum, ad ostium antemuralis tentorii *Veziriani*, peruenitur,  
cuius custodia, erant viri senes, barbis prolixis, & eminentibus pi-  
leis, decore & magnifice vestiti, & ad grauitatem compositi. Nos  
intromittimur, sequitur Princeps, equo præ foribus relicto. In adi-  
tu penitioris tentorii, conspiciamus numen *Vezirii*, sedens in sella,  
ad altitudinem fere vnus vlnæ, indutum tunica & chlamide colo-  
rata & picta, argentum & aurum referente. Penes ipsum, ali-  
quanto demissius alter quispiam deus, quem *Agam Janischarorum*  
prætorianorumque fuisse, deinceps intelleximus. Sed, consiliiarii ad  
dextram; tandem, ad sinistram homines grandes, stratis tapetibus  
incubant, pedibus ad crucem actis. Post brachium dextrum, video  
stare iuuenem, angelo similem, persica indutum stola, lato, ad tres  
palmas, & artificiosissime fabrefacto aureo cingulo, suffultum, &  
capulum frameæ turcicæ, in vaginam absconditæ, eleuantem: & al-  
terum huic similem, brachium sinistrum composite obseruantem.  
Damus Principi locum ingredienti, quem simul, ac *Vezirii* maiestas  
conspicit, adsurgit, ad sex vel octo gressus obuiam procedit. Prin-  
ceps, inclinato capite, latus dextrum & genu, exosculatur, & simul in-  
trat *Vezirii* templum. Residet *Vezirius* vt ante: Principi, sella ru-  
bro holoserico obducta, quadrata, & absque superficie (nn) aliqua, de-  
cora, ad manum dextram, ex transuerso, vt *Vezirium* intueri pos-  
set, datur occupanda. Nos, bis octo, ad morem prædecessoris, om-  
nia

nn) En, fastus Turcici, documentum!



omnia facere iussi, ordine, manus & pedes *Vezirii* osculamur. Osculatur & tuus *Bocatus*, fere nasum humi illidens; vt & *Vezirius* quæstionem submitteret, quisnam essem? Ipse ego, cupidus, nunquam visa, cognoscere, me adglomerero, & Principi fio proximus; ceteris, sub explicata tentorii, & eiusdem ostii, ala, simul pompam & ornatum præsentem, admirantibus, & sermonibus habitis intentissimis.

comites item sui.

## §. XIII.

*Vezirii* persona perelegans, vultu composito, ad maiestatem, & humanitatem pariter: quinquagenarium esse dixerim. Color viuuus, oratio suauis, mores virginei. Similis huius alter, *Agam* putato, decennio tamen credo iunior, barba rotundula. *Magnificum* *Dominum Georgium Thurzo*, videre mihi videbar. *Aga* tamen pleniori facie, rubicundula, succi plena, membra longe omnia ornatissima. Suspexi duos hos plurimum, non arbitratus, inusitatae alias immanitatis barbaros, tam conspicuos, & animi, & corporis dotibus esse posse. Erat Principi interpres, *Gabriel Halmy*, Nobilis Hungarus; munus tamen id exsequebatur *Mebemet Tibay*; quem aliquoties antea *Cassouie*, & *Patakini* videram, Hungaricæ linguæ bene gnarus, qui, mea sententia, vel operam hanc suam, ipsemet Principi prius obtulerat; aut huius causa, ad provinciam hanc subeundam requisitus fuerat. Fit initium a Principe, salutatio præmittitur. *Vezirius* resalutat. De valetudine Potentissimi Turcarum Imperatoris quæritur, & vicissim respondetur; deque statu Regni Hungariæ, de Principis mora, interrogatur. Redditur, & cur citius aduenire non potuerit, (o) causas certas & graues esse. Transsiluaniam enim, necessario prius ad officium reducendam fuisse, quod absque persona, & præsentia Principis, peragi minime potuisset. Omnia nunc ibi tranquilla, pacata, composita & salua. Adesse & aduenisse Principem, vt scire possit, quidnam Potentissimus Turcarum Imperator, per *Magnificum Vezirium*, demandet. Elabitur, his & aliis verbis, vnus horæ quadrans, proferuntur munera. Admonet *Vezirius* (p) Principem fidei & constantiæ, deferens & pollicitus patrocinium & amicitiam, cum foedere perpetuo coniunctam, regnoque Hungariæ, ad florem suum pristinum, profuturam. Datur Principi vna, datur & altera vestis talaris manicata; induitur. Est, qui legit ordine quorundam magnatum Hungariæ nomina, præsentibus dantur tunicae, absentibus lectis, referuantur. Legitur & meum nomen. Vidi schedam turcice scriptam. Lectorem, Secretarium *Vezirii* puto fuisse: cognomen meum, turcicis scriptum literis, & sono turcico, vel ipsorum pronuntiatione, non admodum commodum. Bis, vel ter repetiit, donec me tandem *Bocati János*, pronunciaret. Extendere iubeor brachium; infero manum, & quasi *masqueradam* exercitaturus, clam ipsummet me rideo, me-

Habitus corporis *Vezirii*:

*Aga* proxime adfidentis:

init, per interpretes, colloquium

proferuntur munera: *Vezirii* monitio ad *Botskayum*:

*Botskayus*, veste Turcica induitur: tunc & comites sui:

*Bocati* iocus.

Oooo

cum-

o) Prorsus concordat ISTVÁNEFFIUS; sed luculentior etiam est, quam noster in causis moræ enarrandis.

p) Adlocutionem *Vezirii*, ad *Botskayum*, habes apud ISTVÁNEFFIUM, Libro XXXIV. p. 836, 45. & hic infra §. XVI. p. 328. sequi.

q) Op-



cumque hoc quasi loquens; DEVS bone! si te iam amici tui, & cognati, sic & hic stantem viderent, diris omnibus deuotum orco traderent, nebulonemque turcicum indigarent. Idolum me quodpiam tunc esse fingebam.

## §. XIV.

Itur ad prandium habitu

Turcico:

discumbitur

faceta conuiuii descriptio:

Hungari manent impransi:

Exinde, surgit *Vezirius*, prodit extra papilionem, & eundem in antemurale sequimur. Sic, vt eramus induti, prodimus. Turcis, & cum eisdem magno agmine, ex nostratibus proceribus, nobilibus, militibus, Comitatum & ciuitatum nunciis, nos cum admiratione spectantibus. Inter bina Principis, & *Vezirii* tentoria, tabernacula videmus adornata. Plures hic sunt mensæ pro conuiuiis. Ergo discumbitur. Princeps sinistrum *Vezirii* occupat latus, Domino *Bassæ* adfidens. Mox nos, hic octo, ex opposito octo. Series longa mensarum; præter nos, vel centum alios admittere potuisset: affedit nemo, nec vocatus. Fit initium prandii, cibos & fercula oculis perlego. Nec lex illis vlla, nec definire possum. Frigent singula, tanquam *Tantali* sedemus, & fugientia poma spectamus. Comedunt rari, mihi nausea suboritur. Iacet ante me panis oblongulus, crassitie trium digitorum. Accipio bolum, femina quædam affixa, & superspersa, video. Quæro, num illud sit, quod *Maslag* ipsi nominant, atq; furiosos, insanos, & rabidos homines reddere dicitur? Respondetur: aliud, & melius quid esse; arrodo pauxillum: non ad meum gustum; nec falsus, nec fermentatus. Oculis vltius proficiscor: video simile quid affatæ gallinæ: gallinane sit? quæso; esse, reddit: peto partem: datur vnus armus, putidus, foetidus: excorio officula, vicina gusto, carnem, nescio, quo foetido odore infectam, sentio, exspuo, valere iubeo. Stat, me obseruans, *Judex Hungarorum* Christianorum *Budensis*, hortatur; edam, bibam! proponit poculum argenteum, gusto vinum, quæro cuias? *Gyngygsinum* (q) vocatur, inquit. Vicinum saluto, bibo. Ter bibit *Vezirius*, pro sanitate & valetudine sui potentissimi Principis inchoans. Aquam roseam, potum esse, meus ille dicebat. Facta mentione Turcici Imperatoris, & audito, pro eiusdem bibi valetudine, adstantium & circumstantium oritur adgratulatio, clamor altus, & eiulatus repentinus. Nostris spectatores, re non intellecta, putant classicum intonari, remotiores, nomen *Iesv*, (r) proclamare incipiunt. Compescuntur ab aliis, mussitant, votum esse, & acclamationem propinantis *Vezirii*. Bibit Princeps, & comedit; sed ieiunus, & siccus, paullo post, nobiscum a mensa discedit. Vnius horæ, media interuenit mora, cum adhuc inhiamus, recentioribus & fumatioribus ferculis: ecce! famelici surgere iubemur. Ego, ad longitudinem vnus digiti, de pane meo abscindo, & vt saltem, quod sociis demonstrarem, & signum aliquod, conuiuii tam lauti, haberem, mecum aufero. Tacite, molem ferculorum in numerato quasi habens, puto mihi visas, vltra

trecen-

q) Oppidum est *Comitatus Hentensensis*, copiosum id sane, & vini prouentu diues. Quod tamen horum bibi oportet: nam ætatis haud est patiens.

r) Inclamatio sanctissimi nominis *Iesv*, & precum, & celestinatis loco est, prælium inicitur *Hungaris*. Hic, subiti periculi opinio, id prolicuit, & adtonitorum vox est.

s) De



trecentas patinas turcicas, ex cupro factas, stanno circumdatas. Iuscula videns hinc inde, garo & visco similia: quid esset? quæsiui: responsum: vocari *Csorba*. Passim erat videre congeriem orizæ, quasi minio coloratæ; præsto quoque erant, carnes bubulæ; sed suillum in modum præparatæ. Crediderim autem, adparatum illud *Turcis* creasse delicias; ut cuique genti suæ sunt deliciæ; nobis sordes & stultitia. Habeant, & oblectent se illis in perpetuum! Sit mihi frustum carnis bubulæ, cum incocto petroselino, vel insperso nasturcio; Turcico Ioui, lubens suam ambrosiam, & ne-ctar, in perpetuum relinquam; laturus, si illis, ad palatum ipsorum paratis, vel ipse *Ganymedes*, (s) & quicquid est, ex cælesti illa familia, cibos & pocula, administret. Cognoui præterea, tantum adparatum, alias apud *Vezirium*, quatuor, quinque ferculis, fami suæ sufficientem, insolitum; genio saltem, & voracitati nostræ, subseruire fuisse iussum. Prudentibus nobis, tubicines, tympana, & cantores, alternatim resonabant. Musicam putas me audiuisse? musicam! sed dissonam & asperam, inconditam. Decem catos maiores, decem feminas, totidem canes maiores, & minores, si noctu audias, turcicam te musicam audiuisse, cogites. Magna tamen hæc apud illos omnia!

## §. XV.

Nos adsurgimus, & ad Principis deducimur tentorium. Diripiuntur mensæ, quisque, ut est proximus, ita, quantum potest, aufert. Fit dentium & edentium pugna. Peditum autem, nostro Principi, a custodia corporis, cibi in quatuor ahenis, quorum singula quaterni portabant, phalangi illati: *Csorbas* meras fuisse crediderim. Adfertur quoque vnum vas vini, in tentorium Principis. Baiuli, ut muneris quid extorqueant, conantur ingredi, prohibentur. Princeps, in tentorio, ad nos conuersus, esurio, *inquit*, & sitio. Porrigitur poculum, bibimus omnes, dicente quodam: ista per quinque aut sex dies, Viennæ & Pragæ inotescunt. Non multum, *inquit*, Princeps, refert. Idem ad me: Ecce, *Domine Bocati!* iam tibi satis materiæ suppeditatur, ut carmina scribas. Certe, Serenissime Princeps! si temporis, loci, & ingenii, eæ mihi vires essent. Sermones, cum ceteris habiti blandiores & festiuiores, quales, scilicet, ebrios, post prandium, suboriuntur.

## §. XVI.

Mediam hæc excipiunt horam. Veniunt legati turcici, continuatio cum *Vezirio* colloqui, (t) postulatur. Procedimus, ut antea; fiunt omnia, ut antea. Salutamus, & adoramus *Vezirium*, nunc alio, & splendidiori amictum habitu, pileum alium, non adeo magnum, ut ante prandium, ostentantem, nec crista priori adæquanda; prior enim, ex munimento gemmato excrescens conspiciebatur, & dubio procul, longe maioris fuit pretii; ubi inter alia, quadratus

O o o o 2

s) De hoc, OVIDIVS, Metamorph. X. 155. & qui in hunc locum aliquid notauere.

t) ISTVÁNFFIVS, ex gemino colloquio, vnum fecit; conuiuii haud meminit.

u) Ca-



sermonis i-  
nitium a  
*Transilua-*  
*nia* ductum;  
*Vezirii* quæ-  
stiones ca-  
tioſæ:

qui sermo-  
ni ei interfu-  
rint:

*Aga Janit-*  
*scharorum*  
dignitas:

Eunuchi  
ſolertia:

interpre-  
tum adten-  
tio.

Reſponſio  
*Botskaii* ad  
quæſtiones  
*Vezirii*:

*Vezirii*, ad  
*Botskayum*  
oratio: ſpe-  
cioſe men-  
dax.

dratus & bene magnus adamas. Qui mihi ſi eſſet, centum fortaffis ruſticorum nobilis fieri potuiſſem. Repetitur anterior ſermo. Fa-  
ctum de Transſiluania initium; quanam illa ratione, ab obſequio &  
fide Turcici Imperatoris, defeciſſet? quibus de cauſſis, quibus aucto-  
ribus? Interpretem denuo agebat, *Tibay Mehemetes*, nixus genibus  
ante *Vezirium* ſedens. Locum tenebat Princeps priorem; ad latus  
alterum ſedebat *Baſſa* Budenſis. Adueniente vero *Aga Janitſcharo-*  
rum, ceſſit honorem *Baſſa* Budenſis, adſurgens; nam *Aga Janit-*  
*scharorum*, vt *Vezirius* ſecundus eſt a Turcarum Imperatore; ſic  
iſte, ſecundus a *Vezirio*, cui quoque exteriores *Baſſæ* ſe ſubmitte-  
bant. Eſt enim dux Janitſcharorum prætorianorum, penes quos  
Cæſarem Turcarum eligendi eſt facultas. Budenſis interim *Baſſa*,  
vicinum occupauit locum. Iam ad latus *Vezirii* aliis turcicis con-  
ſiliariis ſtantibus, aliis humi ſedentibus. Vacinus, Budenſi *Baſſæ* af-  
ſidebat, & ſtabat interdum: brevis ſtatura vir, ſed obefus, craſſus,  
pinguis, rugis obſitus, imberbis, deformis, anum centenariam fa-  
cie referens. Eunuchus, & cubicularius *Vezirii*, diligenter vbique  
obſeruabat, ſi bene, prudenter, congrue, dextreque quidpiam fie-  
ri animaduertetet, quod maiestate, dignitate & Imperio Ottoman-  
nico dignum poſſit obſeruare, vt de eo, Imperatorem ſuum edoceret  
& informaret. *Herelt Baſſa* (u) nuncupari dicitur. *Tibay Mehe-*  
*metum*, Principis interpres, & ſecretarius *Simon Pécſi*, vt aliarum  
linguarum gnarus, ita quoque turcicæ, multæ vir indiſtriæ & ex-  
perientiæ, obſeruare, & an recte omnia exprimeret, diligenter au-  
ſcultare ſunt viſi, ſic, vt alter *Gabriel Halmy*, interdum *Mehe-*  
*metum* interpellaret, quod minus recte ſenſa Principis interpretetur.

### §. XVII.

Princeps interim, animaduertens ex quæſtionibus *Vezirii*, for-  
taſſis ſuam inſinuari perſonam, cauſſam aperuit: quare & ipſemet, *Si-*  
*giſmundo Bâtthori*, tunc adoleſcenti, & per ætatem, ſibi ſuiſque non  
bene conſulenti, & imperio germano ſe credenti, coactus fuerit, pro  
temporis, & ſtatus ſui inferioris conditione, conſentire. Iam rebus,  
non modo in Transſiluania; ſed & in tota Hungaria, longe aliter  
ſe habentibus, ſua, & regnicolarum, promittebat obſequia. Ad  
quæ pluribus hortamentis & argumentis, *Vezirius* ipſum co-  
natus eſt incitare, ante oculos ponens ipſi: „ Collationem Prin-  
cipatus Transſiluanici; vtque, quod fuit olim *Sigismundo*, &  
Transſiluanis, ſœdus cum Turcis ſemel iſtum, ſanctius obſerua-  
ret: quippe qui, id ipſum meliori fortuna rumpentes, fide te-  
meraria, non indignas luerint pœnas. Tunc aurea & *Saturni*, vt  
ita dicam, fuiſſe tempora, inſulamque fortunatam Transſilua-  
niam; deinde, ſub iugo Germanico, miſere deuasta, & ad  
extremam miſeriam perductam. Quorum recordatione, iam *Hun-*  
*garos*, merito cautiores & ſapientiores fieri, vt qui ſatis abunde  
ſint hætenus experti, quam egregie ſint ſub rege ſuo Germanico  
deſenſi, fortuna, & ſucceſſibus, adaucti. Nationem illam,  
„ num-

u) CASTRATVM Purpuratum, vox Hungarica, notat.; hoc eſt: Spadonem.

¶) Pro-



„ numquam sinceram erga Hungaricam fuisse gentem. Sub specie  
 „ defensionis, quotannis bellum Hungariæ esse illatum; gratulari  
 „ vero iam sibi merito possunt *Hungari*, de tandem iam semel fa-  
 „ cta, cum Turcis, amicitia, & inita societate, numquam genti huic  
 „ dispendium allatura; sed patrociniū contra quosuis hostes suos,  
 „ vbicunque & quodcumque necessitas efflagitauerit, latura; be-  
 „ neuolentia, sincero animo eosdem complexura; non secus ac si  
 „ fide, gente & prosapia Turcica essent oriundi. Fugiant inanes Ger-  
 „ manorum promissiones, & neque quidquam de libertatibus anti-  
 „ quis, quocumque nomine vocitatis, sartis, tectis, inuiolabiliterque  
 „ conseruandis, remittant. Non cadere hoc crimen in domum Ot-  
 „ tomannicam, vt promissa & pacta per eandem, vicissim aliquan-  
 „ do violentur; dummodo alii fidem debitam præstent, & in offi-  
 „ cio maneant. Germanis, & ipsorum regi, plusquam vñitatum &  
 „ solenne esse, promittere & non præstare, peierare, decipere, <sup>iniuriæ, in</sup>  
 „ fallere. Ea pietate, ea iustitia, & ea virtute, *Turcas* esse, vt <sup>Germanos,</sup>  
 „ si gens Hungarica, iam semel inchoatam amicitiam continuet, <sup>criminationes:</sup>  
 „ & consolidet, breui sit expertura, quanta regnum & *Coronam*  
 „ *Hungariæ*, sit exceptura felicitas, modo pede, quo cœpit, iret  
 „ & pergeret; Germanis, aureos quantumuis montes pollicenti-  
 „ bus, diffideret, & amplius ita misere se falli non pateretur.  
 Hæc, (v) & alia, partim mihi intellecta & audita, partim vero  
 non, ad mediam durarunt horam, dum ex collatione capitum, &  
 arctiore consensu, cetera, adstantibus, tam *Turcis*, quam nobis,  
 percipere & intelligere, datum non fuit; præsertim, vbi *Vezirius*, <sup>de bello cō-</sup>  
 Principem, suam iuberet, de bello continuando, deque eius remediis, <sup>tinuando in</sup>  
 rationibus & modis, dicere sententiam. Ipse vero, per modestiam <sup>terrogatio:</sup>  
 id esse facturum, in primis cum renueret, & quod supersit, sapien-  
 tiæ, prudentiæ & industriæ Turcarum Imperatoris, *Vezirii*, & ce-  
 terorum, relicturum se diceret: intuenti *Vezirio* collaterales, & iu-  
 bente, qui a tergo ipsius stabant, paulisper longius secederent; id. <sup>remotis lon-</sup>  
 que noster nobis significaret Princeps; ipse, cum *Vezirio*, *Aga Ja-* <sup>gius arbitris</sup>  
*nitscharorum*, *Bassa Budensi*, & aliis duobus *Bassis*, reseruatis, Prin- <sup>colloquium</sup>  
 cipisque duobus interpretibus, ibidem iussis manere, collocutus <sup>secretius in-</sup>  
 est. Recessimus itaque, fere ad octo passus, & verba quædam so- <sup>stituitur.</sup>  
 numque eorum audiuius, intelligere tamen haud potuimus, spe-  
 ctatorum tantum perfuncti munere.

## §. XVIII.

Dum hæc in tentorio *Bassæ* peraguntur, gestiebat animus  
 cum ceteris interea *Danubium* transire, & urbem lustrare *Budam*. <sup>Bocatus, vr-</sup>  
 Certatim enim id fiebat, vt scaphæ, cymbæ & naues, *Charontes*, <sup>bem Budam</sup>  
 & *Palinuri*, (x) non sufficerent; per velamentum namque ten- <sup>adire percu-</sup>  
 torii, longe instar mœniorum obductum, rimula mihi fenestram <sup>pit, commi-</sup>  
 exhibente, vidi nostros *Hungaros*, hos pedites, illos equites, di- <sup>litionum e-</sup>  
 Pppp uersis <sup>xemplis ex-</sup>  
 citatus:

v) Prorsus eadem hæc sunt, quæ loco citato, apud *ISTVÁNFFIVM* leguntur; vt  
 fas sit existimare, legisse eum *Bocatii* hanc epistolam, & in rem suam vertisse.

x) Ille inferorum nauta, de quo *VIRGILIUS*, *Aeneid.* VI. 298. Hic classis  
*Aeneæ* gubernator, Idem *Aeneid.* III. 202. & 562. &c.

y) *Isr.*



*Botskay a Vezirio gladio præcinctus: veste pretiosa induitur: redimitur corona aurea:*

*gravis, Botskay oratio, coronam, ut donum, haud vero diadema accipientis:*

*quam ad Hungaros comites repetit:*

*valedictio inter amplexus mutuos instituta.*

uerfis in ripæ locis, naues infilere; quosdam, exstanti salutis, periculo, in aqua ad vmbilicum, in naues, tabulatis, difficulter & magno nisu irrepsisse, multos, quibus non integrum equis fuit naues intrare, fræno appræhenfos, & natâre penes nauigium iussos, periculose transfretasse. Continuatâ itaque Principis colloquio, cum auribus, quæ vellem inbibere, non possem, videremque vnum & alterum ex nostratibus, ad remotius *Vezirii* tentorium abduci, coronamque ibi Principi donandam monstrari, intelligerem; accessi, & ipse intuitus sum cum aliis. Regredior ad locum. Paullo post multatio colloquentium, abiuit in sermonem clariorem. Adfurgitur igitur, reditur. Adfertur corona, & gladius, in aurea vagina, gemmis & lapidibus pretiosissimis, ponderosa: qualis & corona. Verba fiunt ad Principem iam stantem. *Vezirius*, & alius quidam *Bassa*, Principem eodem accingunt, gratulantur, vouent, cuius rei sit monumentum, indicant. Amicitur alia veste, pelliceo nempe, *Zobellino* purpurato, aureis & argenteis pertexto filamentis. *Corona* quoque capiti imponitur, argumentum cuius sit, explicatur. Accipit hoc Princeps, gratias agit, deprecatur autem coronæ donatæ maiestatem, & cum protestatione (y) solemni, *Vezirio* indicata; dono, & muneris se loco a *Potentissimo Turcarum Imperatore*, non vero ad usum accipere. Constat enim, *Germanorum Casarem* adhuc viuentem, non nisi iuxta leges, libertates, & consuetudinem, rite, legitimeque, ceremoniis patriæ suæ usitatis, electum fuisse: se per conscientie integritatem, & præiudicium patriarum legum, nil facturum; Coronam simul ipse accipit, & *Magnifico D. Szétfi* tradit. *Mos*, inquit, est, ut ejusmodi diadema, apud aliquem e magnatibus *Hungaris*, cuius perspecta sit fidelitas, adseruetur. Ad nos quoque conuersus, *Hungarico* idiomate, profert eadem ipse, nihilque, contra libertates Regni *Hungariæ* antiquas, commissurum esse, cum obtestatione, & protestatione, pollicetur. Donanti rem tam pretiosam, reluctari se nullo modo, seu posse, seu debere; non tamen ideo coronam sic se usurpare velle, ut aliis sua deroget iura, libertatumque patriarum sit violator. Amplexibus denique, salutationibus, & valedictionibus mutuis, & reciprocis, cum Principe, a *Vezirio* discessimus, per medios, ut antea dixi, stationarios *Janitschâros*, ceterosque *Turcas* innumeros, exceptis præuiis musicis; vndique gratulationibus aduolitantibus: *Viuat! viuat Magyar Király!* antelata corona, (z) ad principis tentorium deposita, reposita. Aduolant *Turcarum* antesignani gratulatum, modo hi, modo alii.

## §. XIX.

y) *ISTVÁNFEIVS*, id vnicum, in omni *Botskaii* vita, modestiæ exemplum fuisse ait l. c. p. 837, 34. Sed multo plura potuisset obseruare, nisi inlenso ultra modum, in *Botskaium* animo fuisset. De ipsa Corona hæc habet: Ea esse dicitur rudioris operis, intus quidem lignea, & superne laminis aureis tecta, & lapillis, obsoletum in morem inditis, elaborata. Quæ, quamquam a *Turcis*, Imperatorum *Constantinopolitanorum*, aut *Despotarum Thraciæ* diadema fuisse fertur: incertum tamen est, quænam & vnde sumpta sit.

z) Sanctionem, de CORONA hac spuria, lege Decreto MATTHIÆ, anni M. DC. IX. Aftic. XX. ubi eius repetendæ cura, C. GEORGIO TVRZONI, iam Regni Hunga-



## §. XIV.

Expedit & Princeps antidota sua, pocula deaurata, maiora & minora: patinas, pateras, cantharos, salinaria, candelabra, lagenas, in theca repositas, aperta omnia. *Myronis* (a) opus. Accersuntur, & ordinantur, qui portent octodecim, vel plures, & vtraque manu, & seorsim, donorum magnificentiam ostentantes & eleuantes. Baiuli, vix turbam spectatorum transire & penetrare possunt. Ad *Vezirium* omnia mittuntur. Redeunt, qui gratias agant, vltimum valedicunt, se Principi commendant, monent, æternum se præstet, qui nunc est, amicum *Turcarum*. Irruit *Janitscharus* cum cygno, abs se in Danubio traiecto. Principi donat, offert. Bonæ fortunæ, & optimi successus (b) indicium esse, vates prædicat. Exit non indonatus. Tormentorum fit horrenda, sicut mane, & vehemens explosio, in lætitiæ signum; canitur tubis & tibiis. Omnia sonitu & cantu perstrepunt. Mirantur Turcæ exercitum Hungaricum, & copias tantas, aliquibus dicentibus: *Opinatos fuisse, vix in tota Hungaria tot superesse homines*. Reditur ad castra medio abhinc milliari distantia, vespere iam accelerante. *Janitscharorum* bombardæ, & pariter nostratum, cælo, & fulmini Iouis, minantur, & furdos nos reddunt. Iucundum in omnibus spectaculum: damnum illatum nulli, præterquam, quod vnum nauigium, in quo circa quinquaginta dicuntur fuisse Turcæ, globus tormentalis, demissiore aliquo propugnaculo explosus, attigit & allisit, Turcæque cuidam crus perfregit, ceteris in vicinam receptis nauem. Nos passim in viis, & campo, globos *Buda* eiaculatos, collegimus. Crepusculo iam aduentante, faces longæ, & lichni Turcici, duodecim puto, Principi sunt prælati, baiulis occinentibus, fluuiumque *Râkos*, hilariter, ac si vadum esset, calceis & vestibus non exutis, in signum obseruantiae, & promptitudinis, transeuntibus, & Principi, per totam noctem, inservientibus. Nox hæc mihi iucundior fuit, & tamen aliquantulum suspecta. Dolum enim &

Quibus contra donis, Botskayus honorauerit Vezirium:

Janitscharus, cygnum in Danubio traiectum, quasi lætum omen, Botskayus adfert: displosiones nouæ.

Pppp 2

frau.

Hungariæ Palatino demandatur. Ac fecit sane officium PALATINVS. Ita in ephe-  
meridibus suis, GEORGIUS ZAVVODSZKY, ad annum M. DC. X. *Die trigesimo Iunii*,  
*inductitia corona Turcica*, olim principi BOTSKAIO donata, in arce Sáros-Patak, ad  
manus Illustrissimi Comitum Palatini, per curatores orphani D. C. Valentini de Ho-  
monna, tradita est & resignata: tandemque per suam Celsitudinem, Viennam, ad  
suam maiestatem Regiam, præmissa solemni oratiuacula, deportata & exhibita est,  
VI. Octobris anni currentis. Hic, eius diadematis ortus, hic fuit occasus, sic iuit  
sub vmbram!

a) MYRONEM intelligit, Lycium illum, Polycleiti discipulum, insignem statua-  
rium, & omnis generis elegantium operum, magistrum, qui Olympiade LXXXVII.  
floruit. Eius opificia, lege apud PLINIVM, Lib. VII. Cap. XXI. OVIDIVS de arte  
Amandi, Lib. III. 218.

*Quæ nunc nomen habent operosi signa Myronis,*  
*Pondus iners quondam, duraque massa fuit.*

Fuit & alter MYRON, Eleutheris natus, Ageladis discipulus. Sed, an MYRON  
Ouidii, Plinii sit Myrmecides, alii viderint. Hæc tironum causa notasse iuuat.

b) Pessime! quid enim necatus cygnus aliud, quam necem poterat porten-  
dere; si quid tamen fortuitis portenti est adtribuendum. Sane, cygnus mortuus  
non canit. BOTSKAIVS omnino, celebritati huic, annum admodum, ac men-  
sem vnicum, superuixit.

c) Hic



fraudem non subesse, necdum mihi persuadere potui. Donauerant nos, qui consiliis, & colloquio Principis adhibiti fueramus, centum ouibus, quod cum ego paullo serius rescuisssem, binæ mihi tantum cesserunt, ceteris distractionem occupantibus. Nox hæc plerisque fuit ad meum votum: erat cælum album, auroramque serenam videre.

## §. XX.

Aurora adest. Relatione ac sermonibus illorum, qui *Budæ* fuerant, captus, de redeundo, deque visenda *Buda*, me incedit libido. Communico rem & propositum cum aliis, idem cogitantibus. Impetrata a Principe venia, cum *Domino Georgio Hoffmann*, consiliario Principis, & aliis, iacio aleam, & nouo me expono periculo; cum præsertim intelligerem, Principem eo die, ultra duo milliaria non perrecturum. Rationibus itaque subductis, redire me, & castra eodem die apprehendere posse; pergo *Budam*, cum sociis curru vectus. Adpello in Danubii portum. Adest naus, recipimur, transferimur. Intelligo, *Vezirium*, hesternæ die, quam primum Princeps discessit, non solum *Budam* ingressum, sed eadem vespere, iter suscepisse ad sua castra, infra *Budam* duobus milliari-  
bus distantia. Maturare iubetur iter, vt anteuertat hiemem & tempestates. Egressus naui, quod primum, quod postremum lustrandum sit, ignoro. Ad portam video, longum & testudineatum, ex quadratis lapidibus, ædificium, *MATTHIÆ* regis sumptuosum stabulum exstructum fuisse cognoui. Miratus & alterum vicinum huic, non impar mole & longitudine; sed eminentius & altius, versus vrbs moenia. Video, hinc ire & redire homines, & iumenta, & stratam saxo viam, per flexus aliquos, ad moenia ductam. Venitur ad portam, cuius nomen ignoro, quam tormenta Pestientia lædere potuerunt, cratibus & congerie terrestri implèta, vt curruum non detur ingressus, tantum equiti & pediti fauebat. Jacent hic passim intestina, cadauera, fordes, fimus, excrementa. Ingredior *Budam*. (d) Salue, dicebam, *BUDA*! Hungarorum quondam regia, nunc dolor & morbus, vt in aditu in primis videris, sordibus & luto es amica. Pergo, montem & plateam ascendendo: reflector ad dextram. Hinc & inde tabernæ, præ foribus, institoria, coqui publici, popinæ & tonstrinæ. Erigo caput, lustro domus, tectis admodum pauperibus, & non tectis, fenestras obstructas luto, lateribus, stramine. Troiana me Pergama visurum arbitrabar: video, pessimo auspicio, deformatas, conspurcatas, situ & fumo mæerieque, dehonestatas ædes. Forumne sit, interroganti? esse respondetur. Adeo mercatores, postulo hoc, postulo illud; singuli respondent, *Lok*! alii *Loktar*! non esse, quod velim, intelligo. Venduntur sericata, nil adparet, quod mens, quod postulat vsus. Pretium, pro qualicunque, etiam vilissima re, magnum. Emuntur colo-

c) Hic ille *HOFFMANN* est, cuius postea ministerio, in concilianda pace Vienne-  
nensi, *BOTSKAIVS* vsus est. Ante hos motus, *CAESARI*, a consiliis fuit *Cassouia*.

d) Nostram fecimus, squalidam hanc *BUDAE* icona, Tomo operis III. Historiæ  
vrbs, Periodo II. §. LIII. sequ. p. 351. vbi simul, nota (f) ad hunc Adparatum pro-  
uocauimus. e)



colorata cochlearia, atramentaria, & pauca alia. Conuenio Presbyterum Hungarum, Christianæ religionis. De statu, & ordine Christianorum ibidem habitantium, expiscor. Is vno verbo: *miseria & seruitus!* templum, non ita pridem Christianis ademptum, querelabatur. Ergastulum suas ædes esse dixit. Vbinam schola? ecce! inquit, ostendens quinque puerulos. Pluresne? non certe! Miser, inuitat, & professionis (e) signum edere vult. Pellit frigus & catos de foco: iubet, vxorcula cibum præparet. Superfedeat, rogo, morandum non esse. Peruoluo libellos veteres illius seculi. Album offero meum, & posco, pro memoria, nomen profiteatur suum. Facit bonus, præmittit, nescio, quod mysterium: *Nunc altum tentabo scopum, si attingere possum; quem nondum quisquam tetigit.* &c. Steph. M. Kecskemetinus, Concionator Ecclesiæ Christianæ, Buda 2. Nouemb. (f) secundum vetus Calendar. A. 1605. Valedico homini, polliceor amicitiae vicem, & ad litteras prouocatus. Urbem lustraturus pergo, colligo, fuisse Budam, qualis describitur, qualis dicitur. Nihil iam præclari, cœnum vbique. Versiculi, dicta, & sententiæ, passim in parietibus domorum. Templum diruta, iumentis hospitia. Nec scandulam, nec asserem vnicum vidisses hic recentem. Monimenta marmorea, ex cœmeteriis perlata in angulos & plateas, vel sedilia præbent, vel mensam mercatoriam. O vastitatem! o vastatores! proclamabam. Sicne homines, ab omni ornatu & mundo alienos esse, vt porci nostri præ illis, homines esse videantur? Strata passim iacent cadauera. Quo in loco, quod suffractum, eodem relictum. Obueniunt agazones, equi singuli, binos sordidos & horrendos culeos deferre visuntur. Aquam venalem circumportari, & saccum vnum, asperis septem vel octo, coemi, mihi dictum est. Vrbs enim superior, propter situs altitudinem, & loci duritiem, (saxum enim est solidum) puteis & aquis destituitur. Inferior ciuitas diruta, disiecta, incolis cassa, plus Neptuni, quam Cereris, & Vulcani, nunc habet, nullo fere ædificio adhuc stante, præter bina, vel terna turcica templa, ipsis *Meczeth* nuncupata.

## §. XXI.

Arcem indago, & reperio. Primo, occurrit statio tormentorum numerosorum, Turcica inscriptione, & Cæsarum Romanorum, ex quibus, vnum recens allatum, diligentius contemplor, annum & dominum. ANNO M. DC. II. RVDOLPHVS II. Nulla illorum cura; stant sub dio: terram axes attingunt. Globorum passim stratorum, & absque ordine iacentium, ingens copia. Mox alteram ingredior arcem, & in penitiorem arcem me intromitti peto. Denegatur, sub capitis poena sibi interdictum esse, custodes dicunt; sed olfaciebam vnde illæ lachrimæ. Per portam palatii, magni-

e) Christianæ, nimirum caritatis, vti se a barbaris discriminaret, pignus.

f) Fuit nempe, XII. eius mensis dies: nam XI. quidem, qui proxime antegressus fuerat, solemnitatis ea peracta fuit: quippe quæ, in diem *B. Martini* festum, inciderat. Alioquin, Presbyterum *Religionis Reformatæ*, fuisse, suum istud ænigma, satis indicat; vt *Kecskemetini* cognomen, taceam.

g) Ad-



eius habi-  
tum per  
portam ri-  
matur:

exit ex vrbe

venit Pesti-  
um, ruinis  
fœdum.

magnificas & egregias columnas intueri licuit. Sed, de *Monte Sancti Gerhardi*, ante triennium a Cæsarianis occupati & possessi, vi tormentorum, eadem parte, admodum apparebat arcem esse perforatam. Turres hic video albicantes, & tectas, hinc inde quoque laceras, & globis percussas. Cum nihil ad contemplandum daretur, de porta arcis me demitto: vbi *Turcica* duæ feminæ (nullam aliam (g) præterea videram in tota vrbe) obuiam veniunt, facie velata, e thermis, sub arce pullulantibus, egredientes. Præceps hic descenditur mons. Iacet hominis *Turcæ* cadaver ad semitam, esca canibus. O immanitatem! Viam & ripam *Danubii* contrecto. Rursus congeries globorum, vt aiebant, ex castris Cæsarianis, hucusque eiactorum. Egressis cum sociis, noti quondam *Hungaro-Turcæ* Christiani, panem, caseos, oryzam, fructus hortenses, offerunt, donant. Ingredior nauem, & dum per *Danubium* vehor, sociis ænigma propono. Respondeant, quid hoc esse putent, quod loco termini & notæ alicuius, *Budæ* visæ, velint obseruare: *Esse quid Budensibus in tanta copia, vt nulla in tota Hungaria ciuitas, vrbs, aut oppidum habeat, gratis cuius idem illud detur, concedatur; nihilominus tamen ipsi, nisi pecunia interueniente, consequantur.* Hæsitantibus illis, *aquam* esse respondi. Magnus enim licet, & amplius fluuius sit *Danubius*, cuius vlura, vt nemini prorsus, neque iumentis sit interdicta, in vrbe tamen ista, ematur pecunia. Hinc *Pestum* (h) ingredior; o miserum *Pestum*! pestem potius nuncupandum!

g) Adtexam, ex BVSBECKII Epistola, legationis *Turcicæ*, tercia, muliebris, apud *Turcas*, castimonie, dignissimam lectu, commemorationem. *Turcæ*, inquit, *si qua alia gens, vxorum pudicitie student; ideo conclusas, seruant domi, atque abduunt, vt vix sol adspiciat. Quod si in publicum necessitas euocet, ita tectas, ita pannis obuolutas emittunt, vt meræ larvæ & spectra, occurrentibus videantur. Ipsi quidem viros, per linteum, aut sericeum, videndi copia est; viris, nulla earum corporis pars, ad conspectum patet. Est enim apud eos recepta opinio, non posse mulierem, quam vel minimum, forma aut ætas commendet, a viro, sine potiundi libidine, ac proinde, sine mentis labe, conspici: ob, id omnes habent absconditas.* reliqua p. m. 143. sequ. Consulunt illi, his, istiusmodi inuolucris, lustrisue, quomodo-cunque virorum; non item refrenandæ lasciuie mulierum: quippe quæ, per sua illa siparia, viros contueri, & nisi vim sibi adferant, imaginaria se libidine, contaminare poterunt. Quidquid eius sit, honestius feminæ *Turcicæ* obnubuntur, quam se, ex lasciuie habitus fastu, nudant hodie mulieres nostrates; magno profecto Christiani, vel nominis, tantum, opprobrio, HENRICVS PORSIVS, legationis, quam ad *Turcas*, IOACHIMVS a SINTZENDORFF olim obiit, comes, falsæ, velamina *Turcicarum* mulierum, perstringit, Epigram. Lib. II. p. 136.

*Femina cur vultum velamina Turcica celet,  
Querenti proprior causa reperta mihi est.  
Ore pudor gaudet, sedesque pudoris amica  
Est facies: hominis noscitur ore pudor.  
Cuncta sed obducta quis fronte licentius audet?  
Et cessante, nefas omne, pudore, leue est.  
Haud secus ora tegens exterminat illa pudorem;  
Plurima sic fallax crimina larua tegit.  
Hinc mulier, quocunque lubet, velata vagatur,  
Querit & illicito, quo calet, igne frui.*

h) Retulimus hæc quoque in commentaria nostra, Tomo III. in *PESTI* descriptione, Cap. II. §. XIV. p. 85.

i) *Te-*



dum! Nulla ibi domus integra, solo fere adæquatae omnes: fex paucorum hominum, & colluies. Intus, per medium, fossam *Turca* duxerunt, & vimine, lutoque murum finxerunt. Templā, & turres, apparebant nullae. *Chremes* (i) quidam *Turcius*, nobis familiariter se insinuans, gratulabatur de praesentia nostra. Nonne, *inquit*, pulchra res est, res grata? vos *Hungaros*, in ciuitatibus nostris libere vagari, mercari, negotiari: pergite, coeptumque continuate! Deus prosperet vestros conatus. Germanis fidem adhibere, & ad contrarium vos perducere, ne patiamini, Fallaces enim illi sunt. Vale *Pestum*, vale *Buda*! satis est semel vidisse!

## §. XXII.

Currum ascendo, ab eo, castra sequor, eodem die apprehendo. Principe recepto in arce, vel specie arcis. Fuit ea *Vacia*, <sup>*Botskayum*</sup> <sup>*Vaczouia*</sup> adsequitur: quondam, locus testibus tot & tantis, frequentia hominum opulentissimorum, praesertim insigni tricesima, celeberrimus. Iam in tuguriolis rustici, ex pagis profugi, & conuenae viuunt equidem:

*Vitamque extrema per omnia ducunt,*

& agros vicinos excolunt. Huc nobis adpulsis, conueniunt nos ciuitatum Transiluanarum nuncii, vbi *Coronenses*, coronam (k) *Ra-* qui illic a *Transiluanis* corona donatur. scianorum & Valachorum olim regis & principis, cum paludamento, & aliis ornamentis decoram, Principi dono obtulerunt; antea toto tempore, coram *Sigismundo Bathorio*, & Caesaris aucupibus, plane celatam, & *Brassouiae*, seu *Coronae*, clam, a multis adseruatam annis. Qua oblata, non parum sibi Princeps gratulatus, verbis & vultu hilari, testatum id fecit. Si tamen die praecedenti, priusquam coronam alteram nactus fuisset, istam accepisset, hoc est: in tempore; magis beatum se reputasset. Rem nihilominus cum *Vezirio* communicaturus, *Dominum Imreffy*, magnatem Transilvaniae, eundem sequi, & nuncium hoc ipsi portare iubet.

## §. XXIII.

Proinde, decima quarta die Nouembris, *Vacia* mouentes, bi- <sup>*Iter Carpo-*</sup> <sup>*nam*</sup> <sup>*sufce-*</sup> <sup>*ptum:*</sup> duo post, *Carponam* appulimus: vbi magnates alii & legati Comitatum Ciuitatumque, Principem praestolantur. Post triduum, venit legatus Caesareus, *Magnificus Dominus Sigismundus Forgách*, quorum le- cuius opera, Caesar, & Archi-Dux Matthias, semel & iterum, in- <sup>*gatus Cae-*</sup> <sup>*ris, Sigismu-*</sup> <sup>*du Forgách,*</sup> legatione, propter compositionem pacisque tractationem, vti fuerunt. Per eum, ad articulos (l) Principis, iam antea Caesari aduenit: missos,

Q q q q 2

i) TERENTIANVS senex rusticus, edentulus ille quidem, sed isthic egregie, in rem suam, facundus.

k) Nihil horum alibi huc dum reperi. ISTVÁNFIVS, filet, dignam memoratu, historiam. Ergo, non est omnino oblitteranda. Sed, quis ille Rascianorum & Valachorum Rex, aut Princeps, cuius haec fuerunt exuuiae? Fallor, annon MICHAEL, filii *Draculae*, Transilpinae Prouinciarum reguli, fuerint reliquiae. Pulsus ille dominatione, WLADISLAV indulgente, *Cibinii* exulabat, isthic, Anno MDXXII. Mart. nefarie trucidatus. Vide supra, *Monument. I. §. IV. p. 24.* Et *Monum. II. p. 64.*

l) Exstant hi, relati in pacis Vienesis tabulas. Quas vide in CORPORE IYRIS HUNGARICI, Tom. III. p. III. sequi. Id doleas, pacificationis eius, historiam pleniorē desiderari adhuc: in qua tamen elaborare decuisset Hungaros, tanti memores negotii superant, in potestate nostrae, ad eam rem, tenues quaedam reliquiae.



missos, Archi-Ducis nomine, Cæsarea adlata est resolutio. XXI. Nouembris, coram selectioribus legatis *Hungaris*, prælecti sunt iidem articuli, additumque Cæsareum responsum, quod accepit Princeps, quos limitet, aut ad diætam, sub saluo conductu instituendam, ventilandos, & communibus regni suffragiis confirmandos, referuet Cæsarea Maiestas. De induciis, inter Cæsarem, & nostros faciendis est conclusum. Quamobrem, electi legati, qui una cum *Domino Sigismundo Forgách, Viennam* proficiscantur, quorum est (m) antesignanus, *Speſtabilis & Magnificus Dominus ILLÉSHÁ-  
ZY*, vir, (n) exactæ sapientiæ, & patriæ salutis amantissimus, cum *ius* vel solius arbitrio, sicut olim *Athenienses Solonis*, nostra gens *Hungarica*, se submittere, de eiusdemque ore pendere videtur; speroque futurum, ut ipsius industria & moderatio, sit euentum habitura commodum, optatum, & nobis totique Christianitati, perutilem expeditionem; ut cum fluctibus, ac tempestatibus istis quasi belli ciuilibus, iterum prudenter & æquis vtrinque conditionibus compositis, respiratio, paxque peroptatissima commutetur: eandem, Nobis, Germanis, & ipsis Turcis, belli huius diuturnitate languidis, eneruatis, & requiescere vicissim votis omnibus expetentibus.

coeunt in-  
ducia:

mittitur Vi-  
ennam Il-  
lészázus  
eius laus.

## §. XXIV.

Hæc, Amicorum optime! ut promissis meis stare, Tibi Epilogus. volui perscribere. Si quid audiueris, quod huic meæ relationi non corresponderet, fictum & falsum esse statuas. Non enim dubito, fore, quin professionem & conuentum hunc, aliter atque aliter interpretando, narratis, quidam de suo sint addituri, ut gentem *Hungaram* denigrent, & apud suos, maleuolos & aduersarios nostros, exosam reddant. Longius iam non progrediar, sed epistolæ prolixioris finem faciam; dum hoc aliquando cum aliis, quæ concipio, nactus patronum idoneum, parta vicissim pace, & securitate fundata, in lucem edere meditor; non ut me, vel efferam, vel aliis præferam; sed erga reipublicæ, & communem omnium nostrum patriam, meam obseruantiam, & denique, in seruiendo studium, pro virili, plus faciam testatum. (o) Vale! meque tuum esse ducito, vel absentem. Datæ Carponæ, in Comitibus nostris, Anno M. DC. V. die XXVI. Nouembris.

F I N I S.

I. IO.

m) Fuere eius collegæ: *Paullus Appony, & Petrus Horváth Mladefovith*, in priori hac professione: nam in altera, præter *Apponium*, Th. Vizkeleti, & Andreæ Ofztrofith, fuere.

n) Alia omnia de eo *Istvánfyvs*, Lib. XXXIV. p. §. 42, 1. Famam nihilominus *ILLÉSHÁZII*, anonymus, eximio, post fata, panegyrico, quem habemus, tuitus est.

o) Utinam prodeat aliquando, non meditatum modo, sed consummatum etiam, sicuti relatum accepimus, *BOCATII* istud, de momentosissimis euentibus his, Schediasma. *Feliciter!*

Consul-



## I.

JOHANNIS BOCATII  
PROPEMPTICON VATIDICVM,*Magnifico & Illustri Comiti*

## FERDINANDO AB HARDECK

In Hungaria superiori Generali Capitaneo Bellico,  
Cassouia discedenti, decantatum.

**C**ur has magne *Baro*! cur *Martis* nobile, terras  
 Deferis, & misero deferis hocce statu?  
 Thrax equidem gaudet, Te discedente; sed ora  
 Pannonis in lacrimas, cogitur ire suas.  
 Scisne, quod insurgat nos contra luniger hostis?  
 Arua Croatici, scisne iacere soli?  
 Scis credo! quid enim belli dux nesciat ipse,  
 Qui scit, vt vnguiculos, hostica quæque, suos.  
 Tu loca læta petes; tristi nos orbe relinques:  
 Iam primum patris, Te cor habere decet.  
 Hactenus exsanguis se Turcus acinace regno  
 Continuit, pax heic vt quoque cunque fuit.  
 Iam nova de Scythia furiis agitatur Erinnis,  
 Trux venit Hungarico bile Megæra solo.  
 Heu! si contigerit nos bestia tanta, cruore  
 Quanto, & quam late, nostra madescet humus.  
 Sicut aper cultis, misere grassatur in hortis  
 A radice sua, germina quæque ruit.  
 Non secus is castas ferro aras perdet, harasque  
 Consumet flammis, depopulabit agros.  
 Tene sequi, & patria nos vis discedere terra?  
 Ah! nos turba fugæ, non satis apta sumus.  
 Hunc pater, hunc mater, hunc nati, hunc detinet vxor,  
 Cur maneat, causas omnis habere potest.  
 Pro quibus aut caram, vellet profundere vitam,  
 Sub duce Te tantum publica salua forent.  
 Ergo mane! generose *Baro*! gere mascula contra  
 Bella Saracenos, horrida monstra, canes.  
 Te, nec adhuc præfente suas, modo vita superfit,  
 Hungariæ fructus esse fatebor opes.

R r r r

30.  
Si

Consulto, Elegiam hanc, IAVRINO REDIVIVO, præmittimus; eo quod HAR-  
 DECKII maleficio, Pergama illa Christiani orbis, perierant. BOCATIUS profecto,  
 vatem se gessit, quando tantæ, siue factorum, siue hominis, a præclara sua indole dege-  
 neris, malignitatem, ex vero præcinit. Alioquin, infelicitis, post suum, ex Hunga-  
 ria superiore, discessum, Hardeckii fortunam vtramque, fuisse descriptam exhibui-  
 mus, Tomo Operis VII. qui Lucinam expectat propitiam, in Hist. IAVRINI §.  
 XXIII. sequi. vbi, & vaticinium istud Bocatii, aduocamus.  
 Decad. I. Monument. VII.



*Si bellis aliis moderaberis arma, laboreis,  
Non ita succedent forsitan; ergo mane!  
Sape quis egregium se plus hic gessit in oris,  
Non omni quavis terra favere solet.*

35. *Ergo mane! frenare scius bene legibus orbem  
Hunc, ruit ad nutus quando ita quisque tuos  
Te moueant gemitus, lamentaque publica, votis  
Adnue totius, dux venerande gregis.*

*Eximium decus est, miserorum Heroa rogatis  
Duritiem cordis mitificare sui.*

40 *His etiam extendit tua se celeberrima virtus,  
His etiam æternum nomen habere potes.  
Ah vides! ah animose Baro! Te nemo tenebit,  
Cogeris ante tui Cæsaris ire thronum.*

45 *Iam primum disco, Te nobis inuidet alter  
Orbis, ad Istricolos hoc capietur iter.  
Non igitur frustra precibus remorabor euntem,  
Sed magis orabo numina: prosper eas!*

50. *Arcanas cali scrutari nescio vires;  
Tu tamen ad fatum, forte trahere nouum.  
Di faciant nostris longe semotus ab oris,  
Non minus Imperium; nos quoque porro iuues.  
I! Tua laurigeræ victricia gesta puellæ  
Orbe canant toto, Te super astra ferant.*





II.

IOANNIS BOCATHI,  
IAVRINVM REDIVIVVM,

*Siue,*

Vrbis eius, facta, Anno MDXCIV. Diuino munere,

a barbaris vindicatio,

SCHWARTZENBURGIO ET PÁLFFYO

Ducibus.

**Q**uis fragor iste nouus? sibi quid spectacula passim  
Tanta volunt? solito plus omnia læta triumphant.

Clangor in vrbe merus; mera gaudia; plaudit ouatque  
Quilibet, esse quid hoc dicam? res mira, nec vnquam

Visa prius; muros intra cursatur & extra:

Pfallitur, oratur, confertur, quæritur, itur.

Aera sonant, turresque boant, taratantara clangit.

It clamor cælo, vultus auresque saginant

Iubila, concentus, vox musica, tristitia damnat

Omnis, & ex alto pellit Cato quisque dolores:

Stoicus in risus cæno de paupere surgit.

O quas esse rear causas! tam læta quod hæc lux

Aureola, hos ciueis sic afficit, vrbis & orbis

Totius Hungariæ? num quod rediuuius in auras

CHRISTVS ab inferno surrexit, & omne reuixit

Cum DOMINO, pro more suo? venerabilis æuo

Festa dies agitur toto, quia *Pascha* quotannis,

Nos etiam celebrare iuuat, pro tempore, lætos,

Post tristes hiemis lacrimas, post frigora brumæ.

Hoc faciunt etiam rationis egentia passim.

Nix liquefit, glaciem consumit & imbriferum ver

Viuitificat fluuios austris, terrasque resoluit.

Aura Fauoni annum senio exsui: omnia risus

Promittunt renouata; reciprocatur omnia Phœbus,

Laxat iter larga serie, camposque rotatu

Longius hos visit meliore, & calfacit agros

Rectius *Hungaridos* terræ. Sed miror id vnde

Sit, quod nobilium flos, & gens rustica fastos

Cum celebret veteres, non nos imitata per vrbeis,

Ploret adhuc, quod Tu pro nobis, CHRISTE redemptor,

Tam graue supplicium crucifixus in orbe luiti.

Cur tamen aërias arces, cur gaudia pagos

Talia pertentant? en lætior inuolat urbem

Hanc flos nobilium, gens rustica, ciuibus addunt

Se socios? altis sonitus bombosque crepaeis

Arcibus attendo; si fors permetteret anni

Tempus, & instructus gereret *Mars* bella per agros.

R r r r 2

Dice-



- Dicerem ego certi fieri hæc ob signa triumphî.  
 Sed, neque *Mars* campis, vt qui sit inutilis armis  
 40. Nunc, vbi nulla Ceres campis, nulla arbuta pascunt.  
 De nihilo hoc non est: quid si tamen ausus in hostem  
 Cæsaris indultu quis forte iuisset & arcem,  
 Auxiliante DEO, magnam expugnasset, & ista  
 Lætitia id populus iam testaretur. O hæc est!  
 45. Hæc est caussa! licet dictis vix credere possis,  
 Eloquar? haud credas! taceam? quid publica celem?  
 Eloquar ah! sed io! sed io! qui nam eloquar ista?  
 Quæ præ lætitia vix ora resoluerè mittunt?  
 Rumpo moras: nostrum *Iaurinum* dicitur esse!  
 50. Nostrum est, est nostrum, *Iaurinum* est nobile nostrum!  
 Credere quo fas est, breuiter memorabo labores,  
 Quo duce, quantum auso, quibus artibus, & quibus armis,  
 Nostrum est, est nostrum, *Iaurinum* est nobile nostrum!  
 Magnum opus aggredior, quod vix describere possit  
 55. (Quod tamen aggredior) *Maro*, vel diuinus *Homerus*.  
 CHRISTE ades! & nostris te versibus inferè, magni  
 Hoc est oris opus. Logos, oratorque parentis  
 Tu quia es, & Te, Te! *Iaurinum* est auspice nostrum:  
 Vt canere hæc possim grauius, Tu has suffice vires.  
 60. Postquam a belligero Dux lectus CÆSARE belli  
 Rite foret præstans Baro, *Schvartzenbergius* heros,  
 Non minor antiquis heroibus, alter *Achilles*,  
 Mente *Solon*, *Brutus* iusto, virtute *Camillus*,  
 Cælitus Hungaricas bellatum accitus ad oras,  
 65. Heic, vbi stant claræ fama fortisque Viennæ  
 Mœnia, sæpe animo versat, queis finibus istis  
 Amissas arceis, & lamentabile regnum  
 Turcis eripiat, fato si vindice possit,  
 Pellat & his terris Christiani nominis hosteis.  
 70. Sed tamen ante alias solers plus cogitat vnam;  
 Quattuor ante annos amissam fraudibus, arcem:  
 Dædala *Iaurini* sunt mœnia noxque diesque.  
 Dulce nihil superest, nisi rursus pareat orbi  
 Christiadam illa *Kabæ* vaga combinatio & Istri.  
 75. Alta mente mouet, quoniam ratione vel armis  
 Iam semel atque iterum frustra tentata triumphat.  
 Sæpe repulsa subit, nece plus horrenda, pudorem  
 Aestimat, & laudem potius vult morte pacisci.  
 Annuit his DEVS omnipotens, primordia & ipse  
 80. Prospera concessit facilis prece victus & aris  
 Supplicibus, sua respexit bonus agmina tandem.  
 Tunc agimus nostris etiam feliciter armis,  
 Quum prece miscemus virtutem, & numina bello  
 Poscimus, ore Deos præsentésque vsque vocamus.



*laurinum Rediuuium.*

341

CHRISTVS & oranti huic sua suggerit ipse secundus,  
 Confilia, in bellum digitos, in praelia dextram  
 Armata, & ipse vias bonus inuenit ante labores.  
 Nec mora, nec requies secum rimatur agenda.  
 Omnes per casus, per cuncta pericula pernox  
 Atque diurnus agit; prudens explorat *Vlyffes*  
 Singula; quæ facies arcis? custodia qualis?  
 Qui numerus? gentis quis dux? quæ mœnia? quantum  
 Robur? vbi fieri prius oppugnationis felix  
 Forte queat? quando excursus, cum cetera fiant?  
 Qualis honos primis? quæ vis, quæ gratia in armis?  
 Omnia tuta tamen pauet, & nil scire secundum,  
 Quod tacitus condit, vult, nec fallacia corda,  
 Quæ secreta iuuent, noceant manifesta, reuelent.  
 Respicit omne, bifrons *Ianus* velut alter, & hostem  
 Consilio superare prius, quam viribus ardet.  
 Prudens rerum opifex, quæ seria subticet; auceps  
 Quæstorque noui: nunc hoc, nunc, aure sagaci  
 Vel prece, vel precio nunc imbibit illud: *Hyænas*  
 Ordinât, in mediis quæ captent æmula Turcis;  
 Auditum & visum referant: hæc sospes adibis,  
 Illic restat adhuc metus; heic mortalibus vllis  
 Vix aditus pateant; sed ibi prudentia vincat.

85.

90.

95.

100.

105.

Hæc vbi scita capit, iam certus abire Vienna  
 Apparât, exiguo stipatus flore iuuentæ,  
 Forte *Comarinum* petit, hucque accersit *Achatem*  
 Fidum operum & rerum, cum quo communicet vno  
 (PALFFIUS ille audit,) quid pectore verset, & arcem,  
 Quam tentare velit, duce CHRISTO, & sorte secunda:  
 LAURINVMQUE potens, quibus artibus, & quibus armis  
 Posse capi speret, quæ soli hæc abdita pandit,  
 Et bello socium comitemque laboribus orat.

110.

115.

PALFFIUS armipotens, Mauortia gloria, gentis  
 Hungaricæ decus omne, animis nil fluctuat, huic mox  
 Spondet idem, concorsque iuuat: pro laude pacifcor  
 CHRISTI non timidus vitam, & pro Cæsare dulce est,  
 Sic sic posse mori, duosue subire labores.  
 En dextramque fidemque! heros fortissime, secli  
 O noua laus nostri, nos ibimus, ibimus ambo,  
 Qua fas & nostris DEVS adspirauerit ausis.  
 Quid tum? si ob patriam patiamur vulnera? quid tum?  
 Si pessum vnus & alter eat, pro arisque focisque?  
 Nos manus exigua, esto; cadet paruo agmine magnum  
 Si cælum & fortuna volet: Tecum, inclite, pergam.

120.

125.

Hæc & plura loquens, prudenti PALFFIUS ore  
 Consulit in medium: bello conscribitur agmen,  
 Omnibus & quosdam furtim euocat arcibus illis,  
 Quæ parent Aquilis, & adorant Cæsaris enseis

130.

S s s s

Roma-



- Romani : ergo citi pariter concurrere gaudent,  
 Qua iussi ire simul prompti, sociosque laboreis  
 135. Ferre parati omneis; seu certam incurrere arcem;  
 Seu cum lunigeris certare per ardua pilis.  
 Stat delecta cohors, spes Martia, militiæ flos,  
 Omnibus est studium, mensque omnibus vna sequendi.  
 Tempus erat, quo cessat hiems, bruma aspera pulsa  
 140. *Septima* cum *Marti* lux & vigesima cælum  
 Versat, & *Andromedæ*, sua cingula torta recedunt,  
 Qua CHRISTVS graue mortis opus, graue Martis in orco  
 Sustinuit vindex, & auerni carcere fracto,  
 Et saxo occluso, & penetrato marmoris antro,  
 145. Post sua fata iterum lætus surrexit in auras,  
 Tunc vbi nos rursus solida in statione locauit,  
 Ostia clausa potens miseris reserauit Olympi,  
 Rettulit in melius patris iras, aurea pacis  
 Sæcula restituit, stygio cæso agmine claustris.  
 150. Luce etiam hac (mira certe ratione) *Comarro*  
 Noster abit victor loca fœda furentibus armis,  
 Thracia quæ attulerat messes treis ante *Sinani*  
 Auspiciis, socias qua *Rabæ* copulat vndas  
 Ister, & ambit aquis *LAVRINI* mœnia nostri,  
 155. Mœnia tunc rabidis repleta ac horrida Turcis  
 Vt CHRISTVS veluti tunc orci victor abisset,  
 Tertia quem spoliis a morte reduxit onustum  
 Lux rediuuium, ob nos miseros, nostramque salutem;  
 Sic iste a Turcis etiam æmula signa referret,  
 160. Tertia qua roseo se lumine tolleret Eos.  
 Nec (quia causâ fuit parilis) sperata fefellit  
 Spes heroa suum: quippe hac concordia Rabæ  
 Et Romana salus surrexit luce & eadem.  
 Hora, qua Dominus (dictu mirabile) *IESUS*;  
 165. Hinc nos Christigenæ celebramus septima sacra:  
 Atque diem Domini memores solemnibus vsi  
 Ritibus, in fanis per pulpita sacra ciemus  
 Ore Deo laudes. Veneris Mæuortius heros  
 Bellatum ergo die postquam exiisset, vt ipse  
 170. Filius omnipotens flagra, cædem & vulnera passus,  
 Mœnibus a Solymis stygiam digressus ad arcem,  
 Multa pati atque graueis mox exantlare laboreis,  
 Per duras, nimium heu duras, pedes ire salebras  
 Cogitur, ad femora vsque niueis iam sole solutas  
 175. Personam exsutus tantam, atque palustribus vndis  
 Primus iter carpit pedes, & sua facta secutos  
 Exemplis animat ducis ipsius, instar anhel  
 Nisus equi, neruis maioribus omnia vincens.  
 Quodque solo ingreditur, vix aut supereminet vndas,  
 180. Causam habet, vt furtim veniant hostem eminus armis  
 Sentiât haud hostis per cæca silentia noctu,



Nec late hinnitu quadrupes loca turbet acuto.

Iamque vbi Danubii per aquas toto agmine transit  
Nauigio exceptus, vel pontibus ante paratis,

Hinc præmittit equos passim, qui quattuor horis

185.

Præcedant campis omneis auertere casus,

Nemo prior veniat *Laurinum*, & talia Turcis

Indicet, ergo via cunctos intercipit illac

Qui tendant, ita dux præceperat optimus illis.

Ne Turcæ hoc scirent, vrbi improuisus adesset.

190.

Illi abeunt oculis vigiles præcepta facessunt.

O felix dux, o bellum felicius, o &

Felicissima gens, populus qua paret, & inter

Mortis onus graue, miles eo non ire recusat

Millia vbi tuti vix essent, vnus & alter

185.

Crederet se campis audet pro principe caro.

Quin etiam hic præcepta salubria scribit aperte,

Qua nunc ire velint ratione, ac ordine quali,

Atque illos vocat huc celereis, hos diuidit illuc,

200.

In partesque docet certas, & classe coronat.

Hinc *Germanus* abit, mouet hic se *Gallica* pubes,

Purpurat hic *Italus*, sequitur turma *Hungara* pilis

Expedit hæc, vastentque cauet cultoribus agros.

Sanctam ad iustitiam Themidis sacra, lege minaci

Cogit, & abstineant spoliis, iubet ore disertus.

205.

Præmonet, edicit præsesque autorque futuri

Supplicii pœnas maturus & irrogat acreis.

Præcipueque duces hortatur gentis, honorem

Præscriptis habeant, moresque manusque gubernent.

Vtque secundet iter, cælum, orent supplice voto.

210.

Ne sint indecores regno, ast sua fama feratur

Post grauis, ast totum post laudibus occupet orbem.

Vincat amor CHRISTI, patriæque immensa cupido.

Ergo iterum læti pergunt, nec secius arma

Mota loco memores faciunt, perque ardua tendunt.

215.

Nec satis est iuisse semel per flumina, restant

Hic superanda iterum: sed & hæc *Schwartzbergius* heros

Prouidus, a tergo linquit toto agmine, factis

Nauibus & celerem pertransit ponte *Socubsam*,

220.

Atque alios superat fluuios; queis nomina desunt.

Et iam noctis erant bene sera crepuscula cæcæ,  
Omneis per terras animalia fessa iacebant.

Hic sit prima quies, *Schwartzbergius* inquit, & axe

Sub gelido sistit comites, & pluribus orat,

225.

Dura ferant æqui, casu & discrimine tanto.

Fortibus hic animis opus esse, & pectore firmo.

Ecce autem insurgens ventis comitatus & imbre

Nimbofo Orion, galeisque infundit & armis

Magna mole niveis, tempestas horrida barbas



230. Congelat, & duri cæli inclementia supra  
 Perfurit, vsque minis, & crura hærentia frigus  
 Silit, Atlas cælum vix vertice fulcit, & alta  
 Nubila subsidunt, caput & latera ardua pulfant  
 Trux Boreas, imberque grauis, mixti agmine cæco.
235. Noctem illam perferre tamen studet ardua virtus,  
 Luctaturque dies donec iam surgat Eos  
 Postera, Phœbea nigras face dimouet umbras.  
 Poscit abire iterum porro dux masculus alas  
 Conficiens, de more petit qua dextra *Nemetibi*  
 240. Vallis, & hic, donec propior sit vesper Olympo,  
 Sustinet, egregiosque virum iam conuocat omneis,  
 Accersitque alios, quos currere vellet in arcem.  
 Quos sic alloquitur: *Iuuenes, fortissima bello*  
*Corda! quid ulterius vos celem? ingentibus ausis*  
 245. *Perficere est animus, IAVRINI & mœnia nostra*  
*Sint cras, aspirante DEO, forte auspice dextra.*  
*IAVRINVM petimus, IAVRINVM haud fata negabunt.*  
*Ergo agite! o Iuuenes! incepta hæc rite paremus,*  
*Præmia digna feretis; opeis, IAVRINIA & æra*  
 250. *Sancta dabo, spoliis faciam vos omnibus æquos,*  
*Vos modo nunquam animis, nunquam armis cedite Turcis,*  
*Quisque sua maneat statione fidelis & acer.*  
*Hoc vos per mortem, per nobile sanguen IESV,*  
*Saluificamque per oro crucem, perque omnia sacra.*  
 255. *Aut viuam, aut moriar, non hic ego inultus abibo.*  
 Dixerat: illi omnes respondent: maxime ductor,  
 Te duce, stat virtus nostra imperterrita, seu nos  
 Contraire velis forteis, campestribus armis,  
 Seu iubeas arces altas & scandere muros.
260. Postquam hæc effati, *Iaurinia* rura salutant,  
 Deueniuntque locos, sua qua castra inclitus ille  
 Fixerat ante annum *Austriacus*, licet irrita, Princeps.  
 Atque hic *Danubii* se fœmina tollit ab vndis,  
 Accedit propius turmas in veste niuali,
265. Cincta comas lauro, similis *Diuæ* omnia vultum  
 Astat, & in mortem pandit secreta *Sybillæ*:  
 Este salutati, iuuenes, quos ipsa secuta  
 Sors comitat, quibus omnipotens *Mars* annuit, altum  
 Quos amat, & tantis dabit omnia prospera cœptis;
270. Numen, & auxilio quos præsens adiuuat æther.  
 Non incerta cano, quæ dicere iussâ, reuelo.  
 Quod cælum & terras torquet, me misit Olympo.  
 Hostibus ille dat, ille adimit rursus hostibus arceis.  
 Vos tantum, illustres animæ, tolerate labores.
275. Certandum est! non is veniet sine Marte triumphus.  
 Sic illa: ex oculis simul evanescit in auras.  
 Hinc firmati animum magis & magis arcis ad oras



Ipsius ardescunt accedere, & omnia coram  
Ocyus inter se cognoscere. At ipse pedestreis  
Inter se turmas animat *Schvartzbergius*; alta  
PALFFIVS interea generosi terga caballi  
Pressat, equestrem animans florem, docet vsque magistra  
Germanumque ducem, re sic cogente, secutus,  
Sæpe ferocis equi luctantia colla sonosque  
Noxia sæpe prius, cohibet grauis atque seuerus,  
Accenditque animis socios; & pectora firmat.

280.

285.

Ecce autem tenebræ fugiunt, & amica viris nox  
Inuoluens piceam clauso cælo hætenus vmbram,  
Fit manifesta, suam profert *Proserpina* lucem.

290.

Apparent terræ illustres, campique iacentes.  
Hos metus acer habet rursum, & trepidatio summa  
Corda subit, ne quidquam iterum succedere furta  
Nunc posse omnis ait, manifestius agmina cernet,  
Hostis, & egressus nisu prohibebit inani.

295.

Verum vota Deo hic facere, & prece supplice cælum  
Non prius absistunt orare, & poplite flexo  
Poscere opem, lateat quam *Cynthia* pulsa vicissim,  
Nigra tegat frontem ferrugine & omnia celet.

Indulgent conuexa poli stellantia, & igneis  
Condunt cæca suos; se pallida seruat in vmbris  
Nec terras velut ante, suo splendore colorat  
Luna. Pater facit hoc, cui sidera & omnia parent.

300.

Nox fit, & eripitur rerum discrimen in oris  
Omnibus, & vix nota legunt vestigia, ductor  
Qua fidus præit & baculo compendia monstrat.  
Iamque in conspectu est mons Rascius, ipsaque longe  
Mœnia non absunt sperata, hic omnia princeps  
Militiæ apta facit pugnae, & vix passibus absunt  
A porta centum, quam fortius arietet illa  
Machina, opus Diuum & miseris fatale repertum.

305.

310.

Hoc duci ad muros hortatur, & ante locari  
Dux mandat portam, quo fractis impete claustris,  
Atque aditu facto possit se infundere miles,  
Hostis ad hostem, arcem late complere parentem.

315.

Iussa viri faciunt, furtimque adducere tentant  
Impositam curru tacito, quam voce *Petardam*  
Molem Italus dicit; quæ iuncta aperire superbos  
Sola queat postes, hosti ostia pandere fracta.  
Ergo operi accinctos plaustro admonet, ire sequenteis  
Hos iubet, hos humeris trahere & clam sistere ad arcis  
Ostia, & vt missent per amica silentia portam  
Ad fatalem: vnus hic supra mœnia custos  
Auribus hæc captat vigilantior, atque ita fatur:  
Quid petitis? cuius venistis & ergo, an amicos?

320.

T t t t

Anne



346

*Iaurinum Rediuuium.*

325.

Anne hostes rear esse? quid hi de nocte labores?

Vnus adhæc nostrum, bene callens Turcica verba:

Heus, Turcæ, heus! non nos ex hostibus: appulit ista

Huc nos nocte metus; *Germani* ac *Hungara* turba,Nos *Cererem* & victus vobis per plaustra vehentes

330.

Aggressi, hanc profugi petimus maturius arcem,

Pandite! prælidio seruare &amp; mœnibus iisdem.

Vulgus inerme sumus; ne pugnīs turba, sed apta

Soluere Pæstano reuerenter debita Bassæ,

A quo nunc iter est, aperite &amp; protinus omnes

335.

Acceptos pariter defendite, mœnibus instat

Hostis, & arua tenet *Iaurinia*; dicite regi

Hæc vestro, hoc sat erit scio gratum, &amp; præmia habebis.

Sic ille: incendit cum forte fauilla *Petarram*

Sulphure non apto, nec primum claustra resoluit.

340.

Præcipitat flammās alias *Vulcanus*, & ardet

Iam felix aries; horrenda tonitrua fiunt,

Ianua tacta labat, procumbunt cardine postes,

Rupta repente iacent per fragmina mille serarum

Vincula: fit via vi, mox se per aperta *Quirites*

345.

Ostia ponte ferunt strato, &amp; loca iussa receptant.

Hinc *Galli* fortes, & duri Marte *Palones*,

Hinc acies sequitur longis horrenda sarissis.

*Hungarus* & *Teuto*, pariter se infundit, & intra

Arcem omnes veniunt, ex somno alto ære solutam.

350.

Protinus hic etiam se *Schvartzenbergius* infert,Voce monens alta, nomen ter clamat *IESV*!

Terribiles instant lituos vtrinque, trucidant

Obuia prima tamen, qui propugnacula seruant.

Vix somno excitus, miratur *Bassa* tumultus,

355.

Profilit ex stratis suspensum a pariete ferrum

Liberat, &amp; dextra bis acutum corripit ensē.

Altera vexillum manus accipit, agmina quærit

Quæ sua? clamat opem portisque accurrere mandat.

Ipse anteit *Lybicos* animis ac bile leones.

360.

Ceū lupus haud numerum curat, nec mille bidentis

Vnius horrescit lanii semel ensis acutus.

Hic *Iauriniades* vlulant & sidera tanguntClamore immenso: fuimus *Iaurinia* turba!

Hostis habet portas murosque ascendit, &amp; omnes

365.

Occupat heu turreis, &amp; propugnacula seruat.

Heu! quis nos nimium miseros defendere, quæ nos

Accipere arx poterit? dominantur in vrbe furentes

*Germani*. O morimur! genus insuperabile belli est,

Turba canum rursus succedet sedibus istis.

370.

O *Turcæ*, haud nobis stabunt *Iaurinia* paruo

Hospitia! in patriam reditus fortuna negabit.

Ignaros fati, veritos nil tale penateis

Hostis &amp; hospes init: fugite heu! quo? more bidentum

Occidi-



Occidimus : modo per portas exire liceret.

Femina virque graues hos tollit ad æthera questus.

375.

Præcipue princeps discurrit in vrbe, lupus ceu

Raptor oueis intermedius, cæcoque resistit

Marte, petens aditus factos qua plurimus astat

Cæsarius, verbis contra iacit aspera Turcas

Ipse fues : hic hic ne, canes, pugnabimus armis?

380.

Vos mera proditio vos torpor inermis honore

Exsult, extremum iam viuitis, arma repente

Ni capitis fortes; vxoria corda, monarchæ

Perditis hæc nostro, ceu plurima & ante, nec hostis

Vinceret hanc etiam, si me custodia vestra

385.

Admonuisset heri : meretricia turba, quid ista

Segnities? mecum quin nunc expellitis hostem.

Irruat atque animis se quisque recentibus armet.

Si pereo, nunc me periisse iuuabit honestum.

Sic Mahometigenum dux perfurit ore, rotatque

390.

Feruidus hic gladios, qua portæ limina seruant

Christigenæ, in medios prorumpit, & arduus obstat.

Ira manus conferre iubet, dolor igneus vrget.

Obuius ense metit cunctos, nec inertia rursum

395.

Cogitur arma pati; furibundum sæpe coercent

Christigenæ, huic liquido iam traicit ilia plumbo,

Non procumbit humi tamen, imo effundit habenas

Longius irarum, multos dat acinace letho.

Nec socii minus adglomerant, dominumque tuentur

Expertem galeæ, & vix lino pectore tectum

400.

Suppara velabant nudos angusta lacertos,

Mars vtrinque fauet, somno tua funera, neutrum

Agmen terga fugæ dat, ferrea sæuit & instat.

Cum victore cadit victus, nec discrepat ausis.

Hic iterum *Bassæ* quis viscera perforat hasta,

405.

Pugna hians immane tamen, dum concidit ore

Pallidus; ergo iacet tellure & calcibus altam

Tundit humum exspirans animam trux accipit orcus.

Ense caput soluunt humeris, & acinace tollunt.

Sed nihil occasus reliquos ducis iste moratur.

410.

Viribus vsque suis audent maiora, nec vllum

Telorum exhorrent genus, omnia pila globosque

Perrumpunt, portasque volunt ceu cetera nusquam

Bella forent, vnus hos impetit ardua longe.

Sed facies Germana fores dura obsidet hastis,

415.

Defessosque magis denso agmine sternit & extis

Perforat, vt pronus iam concidat omnis & atro

Saguine humum signet, lapsuque ad tartara pergat.

Hic quoque *Denlopius*, quo dextra haut fortior alter

Romulidum, exarsit multasque effudit habenas

420.

Irarum, impatiensque suos animare Quiriteis,



- Stringere ferrum animis medios se ferre per hostes.  
 Et virtute sua reliquos bonus excitat heros.  
 Segnior haud stricto *Fabacurtius* ense, *Latinos*.  
 425. Arguit inculsatque moræ quid viuida virtus  
 Debeat & possit docet ipse, & multa cruentat  
 Agmina Turcarum, nec parcit inermibus, vltro  
 Hasta qui abiecta veniam orant; tartara ad ima  
 Mittit atrox omneis, vastos dat stragis acervos.  
 430. Ille *Nigri* gaudens *Montis* cognomine fidus  
 In media vrbe tenens, nunc hos, nunc erigit illos.  
 Inter opus durum feruet *Germana* iuuentus;  
 Ensis ille bonus, plumbum ille volatile torquet,  
*Hunus* in aduersos se fert, nec segnius instant  
 435. *Palffia* & chalybis multos ope sternere tentant.  
 Hic punctim, hic strictim, tereti ille reciprocatur ictus  
 Cuspide, sæpe graueis frangunt hastilia vulgo.  
 Sæpe etiam herculeæ cerebrum claua omne terebrant.  
 Vi prohibent *Turcæ* superare & scandere muros,  
 440. Siluicolæ vt Fauni nituntur, vt agmina turbent,  
 Quæ teneant supra & per propugnacula cedant  
 Seu cogant fugere ad portas, vestigia quærant.  
 Ter sese attollunt, ter reiecit hostis, at illi  
 Mox iterum superant, procul inde expellere tentant.  
 445. Expelluntque citos pedibus clamore sequuntur.  
 Hic profugis portas cursuque petentibus obstat,  
 Corripit & primum *Schwartzbergius* ore minisque,  
 Heus, heus siste gradum! quo te rapis improbe, non tu  
 Euades nostras (licet hostis ab ense recedas)  
 450. Forte manus: non ista fides promissa, age, retro  
 Te fer! & haud cœpto iam define cardine rerum  
 Durare & rebus tecet hoc seruare secundis.  
 Dixerat: ecce cohors mox tota reuersa sequenteis  
 Vertit, & opponit quisque acrius ensibus ensis,  
 Grandis vtrinque oritur cædes (miserabile visu)  
 455. Mars dubius: modo *CHISTVS* ouat, modo iubilat ille  
 Plusque agit; accurrunt nunc hi, nunc cedere cogit  
 Altera pars; raro bis barbarus occidit ictus,  
 Terque quaterque hasta vix omni sanguine misso  
 Pronus humi iacet, interdum hic renouata videtur  
 460. Ne quicquam arma mouens prostratus, & oris honestas  
 Et flos dum rubeus fugiat, vitamque sub auras  
 Linquat, eunt passim de sanguine flumina fuso.  
 Quis cladem illius noctis, quis funera fando  
 Explicet? aut possit lacrumis æquare labores.  
 465. Talis erat facies, nox talis, Pergama quando  
 Durateo caperentur equo, somnoque sepultos  
 Quando in Troianos iret nocturnus Achilles.  
 Tantus erat furor & rabies tunc Turcica tanta,  
 Quantam haud ipsa prius se fassa est tristis Erynnis



Vidisse ; imo foret victrix festina virum vis ,  
Leges ante nisi *Schvartzenbergere* , tulisses  
Tam cautas prudens pugnam ante , & fortis in ipso  
Ocyus admosses certamine robora cuncta.

470.

Hinc facta est animis melior pars altera , & ense  
Fortior , a CHRISTO , quæ dicitur ; vrget acerba  
Qua stantes rari apparent , hos protinus omneis  
Demetit , & prendit fugienteis , cedit ad vnum.

475.

Dat noua lætitiæ signum tuba ; rursus imago  
Lætior ad CHRISTI bellum ; labentia rursus  
Corda animant , certam sperare hac sorte salutem.  
Dulce canunt , & Io ! ingeminant rauca æra vicissim.

480.

Huc illuc agitatus equo sua *Palffus* acer  
Agmina perlustrat ; nunc intonat *Hungarus* Hunnis ,  
Italiæ voces *Italus* ; Germanide cretis

485.

Ora , ore est *Teuto* ; variat vox æmula Prothei.

Vt pariter superent , curas traducit in omneis.  
Dextrum spondet opus , dulcemque hæc aspera pugnae  
Finem habitura , sacer vates ceu differit ; enssem  
Felicem ipse rotat , plausu & clamore triumphat.

490.

Multa redivit virtus , crescitque in pectore flamma

Omnibus , vt simul ac animos ad verbera durent

Incensi iuvenes , tædæ instar , feruida corda

In furias & in arma ruunt atrocibus ausis.

Nec DEVS hos , Bellona soror neu deferit ipsa.

Numen vtrumque ira simul æstuat , ardet & ingens

495.

Corde dolor Marti , comitem se Cæsaris addit

Romani fociis ; trux agmina Turcica ferro

Sternit & ingenteis ( referens horresco ) per urbem

Sanguinis exundat fluuios : quæ sanguine fidunt

Corpora , vix vidisse datum est , Erythræus it vndis

500.

Gurges ; equus niueo modo pectore candidus , alte

Nunc humore rubet roseo vel ephippia ad ipsa.

Ingenteis victor tandem spectabat aceruos.

Irruit & tectum omne tenet genus acre virorum.

Et licet hic matres & inermum vulgus ab altis

505.

Præcipitent tectis flammæ , & scipio multus

Desuper eiaculatus eat , quisque intrat in ædes.

At manus interea vel adhuc se fornice cæco

Munit & e contra flammis incendia miscet.

Et ne dent Aquilis pœnas , moriuntur in ipso

510.

Pulvere disiecto vallo ( miserabile visu )

Seque hostemque suum miscent & in aëre spargunt.

Hic primum ergo duces lacrymas emittere , & ignes

Execrari istos , quod vbi nec tela nec hostes

Egregias animas vicissent , læserit ignis.

515.

Quid facerent ? nec enim sine sanguine Pergama tanta ,

Et sine casu aliquo poterant tibi Maxime reddi

U u u u

Cæsar ,



- Cæsar, & hoc etiam est plus quam satis; illa quod hosti  
 Tam vigili & forti tanta arx erepta phalanges  
 520. Per modicas, horis potuit tribus esse vicissim,  
 Atque erit æternum tua, vindice & auspice CHRISTO,  
 Cui sit prima, tibi sit palma secunda *Rodolphe!*  
 Tertia *Schwartzbergero*, & Ahati illius, & illis  
 Qui simul ense iacent, aut passi vulnera viuunt.  
 525. Salue ast o *Aries* quoque maximus ille *Petardæ*,  
 Quæ quo disiiceret fabricata est machina portas.  
 Materies latet illius, nec dicere tutum est  
 Prudenti edicto, quibus inuentoribus, aut qua  
 Arte paretur opus, ne fama vagetur in oras  
 530. Græcia sæua tuas, pellacem edoctus *Vlysses*  
 Hostibus ex ne quis præstet, conatibus iisdem  
*Laurinum*, aut alias hoc pacto quæritet arceis.  
 Hanc aperire artem totique exponere mundo  
 Certatim Historici vellent, si *Diue Rudolphe*  
 435. Tu sineres, & non metus esset: certior arte  
 Ne noceat, catus es, Thrax inuentoribus ipsis  
 Auri sacra fames bombardas cetera & arma  
 Attulit Euxino, rudibus compendia Turcis.  
 O opus illustri dignum duce, Cæsare dignum.  
 540. Salue flos regum, salve *Augustissime* CAESAR!  
 Næ te tam læta *Laurini* nobile bellum  
 Sorte beat! nunc te *septem* pars tota *Viratus*  
 Promptior auxiliis sponte ære viroque iuuabit,  
 Ut reliquas etiam possis mox eripere arces.  
 545. *Agria* quod metuit, nunc sat percussa ruina  
 Sponsæ, quam voluit sibi coniunx isse *Viennæ*,  
 Hoc anno vestræ, dulcis celebrare Hymenæos.  
 Illam fraude *Sinan* Thrax deditione *Sinanus*  
 Cœperat: ast Tibi CAESAR, aperto Marte recepta est.  
 550. Egregiam vero laudem nunc ille referret.  
 Heu! quibus heu! stygias si non cessisset ad vndas,  
 Si superaret adhuc (iam curis fractus obiret.  
 Fors præ mœstitia se vltro suspenderet, orcum  
 Infelix victor peteret modo cannabe fractus.)  
 555. Turcicus ipse *Pbaro*, suspiria ducit ab imo  
 Corde, gemens secum casum interitumque suorum,  
 Quidque time prius, vel cuius oporteat ante  
 Mirari, inscius hæret, & huc iam diuidit illuc  
 Sensus trux omneis, infrendens dentibus, iras  
 560. Concipit ingenteis, frustra exæstuat acer.  
 Nulla sed huic dabitur rursus affectare potestas  
*Laurinum*; ipse DEVS pro nobis arma Cyclopas  
 Induit hos contra, pestemque auertit ab oris  
 His talem nec enim dubitamus, *Gogque Magogque*  
 565. Occidet; illud atrox monstrum informe, horridum, & ingens,  
 Ex quo nos populat, millesima labitur æstas.



Haecenus indulfit, iam cælum irascitur ausis  
 Intrare Austriacas, tam sancti Cæsaris, oras.  
 Sed fremat vsque licet, frangat collum, ilia rumpat  
 Mœstus vterque: DEVS nos, *optime maxime* CAESAR!  
 Per te, perque tuos, post asseret vsque fideleis.  
 Et faciet clemens, cum fœnore cetera reddet,  
 Vt longe potiora illis possimus habere,  
 Quam quæ Christicolis trux haecenus hostis ademit.  
 Pollicitus nobis per reddita mœnia tale,  
 Quæ nequam accito sunt tradita sponte *Sinano*.  
 Ipse diem citius vesper componat Olympo,  
 Omnia quam recitare queam, quæ victor in arce  
 Occupet; egregias & opes, operumque labores.  
 Millia barbaricis restant nouilunia signis.  
 Mille laboratæ fulgentia dona Mineruæ,  
 Mille aulæ: graueis intertextosque tapetas,  
 Discretas auro telas, muliebria texta,  
 Et pietas tollunt vesteis, & fulgida gemmis  
 Ornamenta: auri pretiosa emblemata; nummos  
 Regiferos, auri flauentia munera, Tempe  
 Hungara, quæ mittunt, vel *Arabs* excudit *Eous*.  
 Quid loquar egregios, animis in Marte Caballos?  
 Robur & omne decus Turcarum & cætera prudens  
 Prætereo; quibus imperium stetit ordine; ceu sunt  
 Tot bombardarum species, currusque grauati  
 Tam vario ære: globos tereti quod fornice grande  
 Mille iacit ferro cufos: quid plumbea frustra  
 Persequar hoc versu, tunicas rumpentia, Brontes  
 Quas Steropesque parant, vasto Cyclopi in antro?  
 Sic pauca in campis amittere semina præstat,  
 Rustica quæ recipit cum fœnore dextera imago.  
 Sic agris etiam messeis exspectat avarus  
 CAESAR, & adiiciat *Pæstum Budamque* receptam.  
 Versat adhuc tantos animos dum *Pálffius*, horror  
 Maximus est Turcis, nulli virtute secundus.

570.

575.

580.

585.

590.

595.

600.

III.

IOANNIS BOCATII,  
 APOSTROPHE,

AD

*Magnificos & Illustres Dominos*

SCHWARTZENBURGIVM ET PÁLFFYVM

**A**lloquar hęc etiam vos, vos duo fulmina belli!  
 Magnanimi Heroes, Martis melioris & artis!  
 Quos Deus & Cæsar pugnis dedit esse magistros.  
 Quos non argenti, non auri præda, sed ingens  
 Vicit amor patriæ, Germanidos ora, salusque  
 Christiadum, veri laus Numinis, ipsaque virtus.  
 O quas vos memorem? Mortales voce, sed armis

Uuuu 2

1.

*Haud*



- Haud rear esse homines : quis vos non sanguinis alti,  
 Quis non suspiciet vos ? quis non fronte supina  
 10. Vos ut semideos , vix ducere semina terris  
 Diceret , ast cæli delapsos crederet arce ?  
 Arte magistra equidem vicistis , at arte Magistra  
 Cælitus excita : cedent miracula mundi ,  
 Cedent præteriti sæcli inuenta omnia vestris.  
 15. Debet honos vobis & haberi gratia debet  
 Laus tunc vestra mori , quam facta illustria letbo  
 Summa dies quamvis dabit , haud dabit omnia facta.  
 Credo equidem in tantum vestra excellentia surgent  
 Ausa , in quantum olim magnus surrexit Achilles.  
 20. Quin etiam Præsul Romanæ maximus urbis  
 Transferet in fastos , ut agatur festa per orbem  
 Illa dies totum , annaleisque ea facta perenneis  
 Posthabeant , vestris mansura encomia pugnis.  
 Par vobis virtus , animus par , corpora bina ,  
 25. Vna sed est mens , vnus amor pugnare duobus  
 Contra hostem , totus quem exhorruit hætenus orbis.  
 Par bellatorum felix , par dulce Monarchæ :  
 Hoc vos Christigenis duo , quod duo maxima cælo  
 Lumina : Sol & Luna Polo decus omne , solo vos  
 30. Et vestris , tu Germanis , tu fortibus Hunnis.  
 O regio felix ! taleis vix , Hungara tellus  
 Vnquam habuit , licet vsque suos ea iactet alumnos.  
 Viuite concordēs animis & viribus ambo ,  
 Ambo pares studiis iisdem , & conatibus æquis.  
 35. Si genus ingratum est hominum ; sperate laborum  
 Axe Deum Elysio memorem fore : nullus ob aras  
 Et patriam frustra bellum gerit , acer in hostem.  
 Sed vos iam Proceresque Ducesque & Numina mundi ,  
 Hic geminus virtute sua vos excitet Heros.  
 40. Ferte citi auxilium , date opes , ferte arma , virum vim.  
 Et bene apud memores tanti stet gratia facti.  
 Si bene quid gestum est , solius Numinis illud  
 Dicitur auspiciis gestum ; si mænia perdat  
 Dux , est noxa Ducis solius , & omnia clamant  
 45. Compita : dede neci , Cæsar , qui patria tradunt  
 Præsidia ære hosti ; probat exitus actu ; nec vsquam  
 Arceis perdidit , modo bellis præfice fidos.  
 Ast dolor hæc feruens , & bilis splendida distant ,  
 Seque Deosque tacent victi , accusare parati  
 50. Militiæ caput , & damnant cum principe castra.  
 Verum haud fas , blaterat quod vulgus , credere semper.  
 Fortior est victor , vel plus virtutis in illo ,  
 Quisquis ouat : licet & cælum victricibus armis  
 Sufficiat vires , & robora sæpe ministret  
 55. Angelus omnipotens : tamen & sua gratia nostris  
 Vindicibus stat lieta viris . I vulgus ! & ipso  
 Posce a belligero quoque Cæsare præmia nostris  
 Vindicibus pro Marte viris , felice , nec arcem  
 Frustra hanc restituant , tanto discrimine vitæ.  
 60. Proditor est pena dignus ; sint præmia fidis.



GEORGII ZÁVODSKY  
DIARIUM  
RERVM

*Per*

HUNGARIAM,

Ab Anno MDLXXXVI, vsque ad Annum MDCXXIV.  
gestarum,

*nunc primum ex auctoris schedis  
erutum.*

DECADIS I. MONUMENTVM VIII.



Excellentissimo atque Illustrissimo  
DOMINO DOMINO  
COMITI

FRANCISCO ESZTERHAZY  
DE GALANTHA,

Perpetuo in Frakno, Comitatus Borsodiensis  
Supremo Comiti, Generali Equitatus,

SACRAE MAIESTATIS REGIAE

Actuali Intimo, & Consilii Locumtenentialis Hungarici Regii  
Consiliario, Tabulae Septem-Viralis Assessori, & per Hungariam Aga-  
zonum Magistro, atque partium Cisdanubianarum in Hungaria

COMMENDANTI GENERALI,

*Domino longe Gratosissimo,*  
FELICITATEM!



Nemo est, EXCELLENTISSIME COMES! nisi forte omnium rerum ignarus, qui Excelsae gentis TVAE, diuinitissima, longa retro aetate, in Hungariam, & huius Reges, merita, aut possit, aut velit, ignorare. Nam, ut fileam, reclusa ab hominum memoria tempora illa, quibus, vel constituebantur adhuc, & in immensum succrescebant; vel, fatis vrgentibus, ad occasum inclinabant res Hungaricae; ad eum modum, & superiore, & hoc, quod trudemus, seculo, inter Hungariae heroas, non modo summorum magistratuum dignitatibus; sed harum praecipue administratione, prorsus inimitabili, laudatissimi maiores TVI, emicuerunt, ut iis anteferri nemo, pauci pares potuerint existimari.

Invidus sit, oportet, qui non, Aui TVI, Comes Illustrissime! PAVLI ESZTERHAZII, S. R. I. Principis, atque Regni Hungariae PALATINI; Proavi item NICOLAI, magni & incomparabilis viri, quique primus, in gente TVA, summos, qui sunt in Hungaria, magistratus, & auspicato capessuit, & gessit omnium auspiciatissime; mirificum in REGES obsequium, nudum erga patriam amorem, aduersus utrosque, constantem & frangi nesciam fidem, gratus recognoscat, miretur, suspiciat, & laudibus in caelum ferat.

Verum enim vero, quid opus est, haec istiusmodi lumina, suo quodam igne fulgentissima, ad virtutes TVAS, Comes Excellentissime! illustrandas,



das, commemorare? Tametsi enim, tantorum nominum, & quæ his continentur, virtutum, ex asse hæredem TE esse, constat apud omnes; tamen, adeo TV quidem non turgeïcis, domesticarum eiusmodi laudum adflatu; vt potius, quod perpetuum TIBI erit præconium; suapte edita virtute, REGVM, patriæ, & egregii publici, eo sis obseruantior, quo, difficilioribus, ac pene conuulsis rebus Hungariæ, aut procurandis, aut sustentandis, TE, Illustrissime COMES, TVOSque, diuinitus seruatos esse, intelligis.

Taceo, tot excelsorum munerum, quibus TE, antea quidem D. Cæsar CAROLVS VI.; nuper autem, Inuictissima Regina, MARIA THERESIA, ornandum cumulandumque voluere, fastigia. Norunt enim, qui TE penitus habent cognitum, qua prudentia, quaque animi contentione, moderationeque, cum omnia, tum singula ea, pergas administrare: hoc vno, in paucis felicissimus, quod non per TE solum, decora vtilitatesque patriæ, excelsio animo continenter procuraueris; sed filios etiam,

*Quibus integer aui  
Sanguis,*

REGINAE & Regno commodos, educaueris quam sollicitissime. NICOLAVM volo, & FRANCISCVM, illustria in primis nomina. Quorum NICOLAVS, post meliorem Europam, summa Clementissimæ REGINAE adprobatione, & cum dignitate obitam, atque nuntium desideratissimum, *Batauis, Britannis, Lusitanis, Gallisque* tunc amicis, de JOSEPHO BENEDICTO, Principe iuuentutis, recens nato, prorsus insinuatum; nunc splendidissima, apud Potentissimum Poloniarum REGEM, eundemque Saxoniae Electorem, AVGVSTVM, legatione, eximia cum laude, fungitur, atque momentosissimis negotiis, senili hac, qua est, iuuentute, adhibitus, documenta sui præbet, NICOLAI attau, æmulum fore atque imitatore, non minus strenuum, quam felicem. FRANCISCVS vero, Serenissimæ Reginae, nutu benignissimo, perpetuo propemodum palatio augusto accensus, & supremo Comitatus *Mosoniensis* honore, auctus honestatusque, id agit, vt Optimæ PRINCIPI, patriæ dulcissimæ, & genti suæ vniuersim, fidem, alacritatem, voluntatemque, in honestissima officia pronam, omni cura studioque adfirmet. BONVM FACTVM!

Desino plura. Id TE, Excellentissime DOMINE, COMES Illustrissime! quam possum, obsequentissime, oro rogoque, velis EPHEMERIDES, tennes quidem; sed vtilis tamen futuras, ad lucem historiæ patriæ adfundendam; quas iam Excellentissimo nomini TVO, sacras nuncupo; facilis bonusque accipere, & conatus hosce meos, ab innocentissima, imò necessaria destinatione profectos, vna, cum Illustrissimis FILIIS TVIS, æqui bonique consulere. Est, quod deprecatur,

EXCELLENTISSIMI ILLVSTRISSIMIque  
DOMINI COMITIS, DOMINI GRATIOSISSIMI,

*Obsequentissimus*

MATTHIAS BEL.



## Ad Lectorem Beneuolum.

**D**E GEORGIO ZAVODSKYO, cuius nunc Ephemerides, TIBI exhibemus, vix quidquam superari dicere; quam quod ipse passim in schedis suis, sed parce admodum, de se meminit. Fuit Comiti GEORGIO THVRZONI primum; deinde, huius filio, EMERICO; atque hoc, senili iuuenta, præmature Niclasburgi extincto; postea matri Elisabethæ, egregie cordatæ feminæ, & Christinæ viduæ, a secretis epistolis: dum hæc, secundis nuptiis, in manus Nicolai Eszterházy, illustris iam tum viri, concederet.

II. Et GEORGIO quidem, summo viro, inde a primis, quos ille regum indulgentia, capeffuit, honoribus, domi atque militiæ, indiuiduus comes adhæsit perpetuo, eandemque, cum hero, belli fortunam, periclitabatur, quoties THVRZO, a primis militiæ tirociniis, vel militis, vel ducis, munere, in expeditionibus aduersus Turcas, fungebatur. Postea, cum perpetuis dignitatum accessionibus, sub RVDOLPHO, ad inuidiam usque multorum, increfcere cepisset; sub MATTHIA vero II. summum honoris culmen, REGNI Palatinatum, obtinisset; plane se Zavodskius, curarum domini sui, fecit participem. Nam, nec a latere eius unquam discessit, & ubicunque demum, seria seueraque, excelsi eius muneris procuratio poscere videbatur; non tam scribæ, quam consiliarii, uti hinc inde ex ephemeridibus adparet, officio defunctus est.

III. Tandem, cum GEORGIVS pater, magno Hungariæ luctu, viuere defuisset, EMERIGO filio, operam adprobavit. Nam, & adolefcenti adhuc, prudenter moderabatur, & rebus agendis adhibito, præsto erat: dum hic quoque, factorum providentia, ante rebus humanis eximeretur, quam XXIII. ætatis annum, compleuisset. Quæ hinc, tum matri Elisabethæ, natæ Zoboriz; tum Christinæ Nyári, Emerici viduæ, officia accommodauit; neque diutina ea fuerunt, neque forte, pro eo, ac optasset, efficacia: partim, quod tempora ingruerunt, in tristes conuersiones prona; partim, quod ipse Zavodskyus, ætate iam ingrauescens, suam odisse quietem noluit.

IV. Ad hoc eius DIARIUM, quod adinet, non id quidem posteritati scripsisse putandus est; tunc enim, & adcuratorem esse oportuisset, & luculentorem; sed ea tantum; ne vulgator secreti feret; adnotauisse, quæ extra muneris sui administrationem euenerunt, neque ille, memoria sibi effluere, patiebatur. Præstitit tamen operæ pretium, in his quoque lineis, quas pressius quidem; sed ita utiliter duxit, ut sint omnino in iis non pauca, quæ, cum ad publicos ætatis suæ actus, tum ad singulares euentus familiarum, cum fructu referri possint: si quibus volupe fuerit, suo singula loco, ad historiam patriæ locupletandam, reponere: nam, de fide quidem auctoris, nullum est dubium, ita, & apertus est, & verax.

V. Atque istud me inuitauit, ut hæc eius symbola, prudens lubensque, in ADPARATV hoc meo, voluerim exstare. Enim vero, norunt docti, & qui operam aliquando in scribenda historia, cum cura nauauerunt, quid hæc istiusmodi Ephemerides sibi profuerint, in rebus etiam momentosis, seu illustrandis, seu adstruendis: ut optarim sane, plura huius argumenti, quantumuis alioquin tenuia monumenta, ex tenebrosis scriniis, propitia Minerua, in lucem protrahi. Nam, plus satis cognitum habeo, maximas ad Historiam Hungaricam mirifice ditandam, opes huiusmodi, hic atque illic, non secus detineri, quam a Gryphis aurum, quod illi quidem vehementissime vigilantissimeque, contra adtingentes, custodiunt; sed detento auare metallo, uti nesciunt. Vtinam his, aliam aliquando mentem, dexter Apollo! Tu Lector amice, Zavodskii hæc opella, commode vttere, saltem, curas nostras, quas ei edendæ impendimus, criminari abstine. Vale. PISONII, Anno clb lccc XLIII. Cal. Februarii,

GEOR-





# GEORGII ZÁVODSKY DIARIVM,

Sive,

Memorabilia quædam, quæ ab Anno MDLXXXVI, vsque  
ad An. MDCXXIV. in Regno Hungariæ contigerunt, carptim,  
sed ex vero, litteris consignata.

ANNO MDLXXXVI.



Antam æternus DEVS, in pœnam peccatorum no-  
strorum immiserat caritatem annonæ, præsertim in his parti-  
bus (a) *Hungariæ*, vt hic apud nos, *Lukna* (b) vna tritici,  
venderetur *florenis tribus*, & *LX. denariis*. Quem furorem &  
caritatem æternus DEVS, propter Filium suum, mediatorem  
nostrum IESVM CRISTVM, a nobis clementer auertere dignetur! Sed &  
subsequenter, A. MDC. *corus* vnus tritici, ista summa veniebat.

Die XII. Decembr. secundum vetus *Calendarium*, excessit, e viuis,  
Serenissimus ac Potentissimus Rex Poloniæ, STEPHANVS BATHORY. (c)

Annus ætatis, regiminis, & obitus eius.

VIX novies sex bls qVinos reX VIDERat annos,  
bls senI bls sena haVslt noX anXIa MensIs.

Huic, legitime successit, SIGISMVNDVS III. regis Sueciæ filius, A.  
MDLXXXXI. qui adhuc rerum potitur; MAXIMILIANO Archiduce Austriæ,  
per certos Polonos, pro rege, frustra electo, tandemque in captiuitatem redacto. (d)

X x x x

Anno

a.) *Trentsinensem* Comitatum, quem coluit Závodsky, & vtrunque vici-  
nos, intelligit.

b.) Mensuræ aridorum nomen est, quæ vltra duas *Kilas Posonienses*, siue  
*Coros* quatuor continet. quorum *tres*, duas *Kilas* æquant: *coro* quarto superante.

c.) Huius mortem & elogia, vide, apud WOLFGANGVM BETHLEN, Historiar.  
Lib. VI. p. 383, vsque ad p. 399. vbi & emortuale istud chronostichon legas.

d.) Habemus captiuitatis eius, & quæ eam præcessit, pugna, infelicitè,  
cum



Die XXV. *Aprilis*, spe melioris fortunæ, iueramus sub *Strigonium*, potituri illic præda *Turcarum*. At longe res diuersæ, atque opinati sumus, accidit: quippe, in *Turcas* (qui longe maiori numero, certiores alioquin antea de aduentu nostro facti, nos præstolabantur) temerarie inuecti, ab iisdem, cognita nostrorum paucitate, misere victi sumus: vbi plus minus sexaginta nostrorum interiere. Quorum præcipua pars in captiuitatem ducta, paucis, in conflictu desideratis, (e)

Die XII. *Maii*. Futurum erat monomachicum (f) certamen, *Michaëlis Bory*, Vice-Capitanei *Bakabanensis*, (g) cum *Ibrahim Aga*, sub *Baka*. quo, cum longe maiori numero *Turcæ*, comitati *Ibrahimum*, quam litteræ fidei a *Generali Capiteano* illis datæ, postulabant, aduenissent; ipseque certamen detrectaret ac subterfugeret; milites nostri, vilioris conditionis maxime, per tumultum, impressione in eos vehementi facta, plerosque passim oberrantes, crudeliter cecidere, in tantum, vt prope centum ex iis desiderati sint: ii omnes pene cæsi ac detruncati, paucis in vita seruatis, qui demum 1. *Augusti*, ad mandatum suæ Maiestatis, vna cum spoliis, in eo conflictu collectis, ad suos pacifice sunt remissi.

Hoc eodem anno, *Magnifica Domina Sophia Forgách*, consors Magnifici Domini *Georgii Thurzo* &c. in autumnno e viuis sublata est.

## Anno MDXCI.

Die XXXI. *Augusti*. Fuimus cum *Generali Capiteano* partium Cis-Danubianarum sub *Strigonio*, numero circa *his mille*, vbi cum vniuerso exercitu, pene ad ipsas portas *Turcarum* prouecti sumus, & propter hostium abacta pecora, feliciter cum iisdem confliximus: viuos quippe septem, ac aliquot hostium capita, domum adtulimus.

## Anno MDXCIII.

Diebus III. IV. V. *Iulii*. Ex assiduus quatuor dierum imbribus, tanta passim vbique exundatio (h) aquarum facta est, vt solus *Vagus* fluuius, damna intulerit infinita; subuersa enim *Arua*, segetes, iam maturescentes pessundatæ ac in nihilum redactæ, arbores radicitus euulsæ, plurima ædificia hortorumque sepimenta, funditus deleta, exterminataque, & obuia quæuis, inusitati huius eluuii portentosa voragine, prostrata, absumptaque sunt.

Die

cum SAMOISCIO confertæ, historiam, per SIGISMUNDVM a PISIVTZ, concinnatam, in M. S. edendam, cum se dabit occasio: eo quod Hungarorum quoque fuerint in prælio, partes quædam.

e.) Inferenda hæc sunt, *ISTVÁNEFII*, Lib. XXVI. extremo.

f.) De Monomachiis *Hungarorum* cum *Turcis*, duobus carminum Libris, cum laude cecinit, NICOLAUS GABELMANNVS Germanus, quem, ad CARPONAE res illustrandas, excerpimus, Tomo II. p. 478. §. VI. sequ. prodiere PATAVII, A. MDXC. forma 4. dedicatque sunt, Illustriss. D. & Magnanimo Heroi, D. FRANCISCO DE NADASD, &c.

g.) BAKABANYAM, urbem liberam ac Regiam, eamque Metallicam, sed tempestate illa, operibus, & militari præsidio munitam, descripsimus, Tomo IV. in *Hist. Comitatus Nagy-Hont*. Memb. II. Sect. I. p. 703. sequ. Adde, huius simul *Monomachiae*, mentionem, Lib. eodem *ISTVÁNEFII*.

h.) Suppar, aut atrocius, diluuium illud esse oportuit, cuius in VAGI natura expromenda, ad annum MDLVII. meminimus, Tomo II. in *Hist. Comit. Liptovienensis*, Parte Gener. Memb. I. §. VI. p. 525. sequ.

(i) Lege



Die III. *Novembr.* Dominus DEVS, ex innata bonitate & clementia sua, per indignas manus Christianorum, memorabili (i) clade adflixit exercitum *Bassæ Budensis*, circiter triginta duobus millibus *Turcarum* constantem numero, in tantum, ut solummodo occisorum in prælio, quod prope *Albam Regalem* commissum est, cadauera ultra XIV. M. numerata sint. E *Begis*, ceterisque purpuratis, plurimi illic, magnæ apud eos auctoritatis viri, interiere: ipse quoque dux & antesignanus exercitus, *Bassæ Budensis*, letali accepto vulnere, vix fuga euasit. Adeo, incruenta hæc Christianis victoria extistit, ut circiter L. solummodo nostrorum in acie desiderati sint. Tormenta minora XLVII. ac pene omnia militaria signa hostium, in potestatem nostram venire, infinitaque spolia, domum, in sempiternam memoriam, reportata.

Die XXVII. *Novembr.* Arx, natura arteque munitissima, *Füleke*, (k) posteaquam octiduo a nostris fortiter, ac sine omni intermissione, maioribus tormentis, oppugnata fuisset, in potestatem nostram deuenit, *Turcis*, fide nostrorum accepta, ultro eam tradentibus. Qui omnes, præter transfugas, tantum vita donati, incolumes ad suos dimissi sunt. Recepta hac arce, circumcirca existentia castra *Turcarum*, utpote: *Somoskő*, *Haynacs-kő*, *Hollókő*, *Kékkő*, *Divin*, *Buják*, subiequenter a nostris recuperata sunt.

Anno MDXCIV.

Die IX. *Martii* (l) Arx *Nógrád*, postquam a nostris fortiter, per aliquot dies, tormentis oppugnata fuisset, in potestatem nostram deuenit.

Die IV. *Maii*. Obsessum est *Strigonium* per nostrates.

*Eiusdem*, Maior ciuitas *Strigoniensis*, postquam per nostrates aliquot diebus fortiter oppugnata fuisset, in potestatem nostram deuenit, *Turcæque* fere omnes, in ciuitate existentes, trucidati sunt.

Die XXI. *Iulii*, Obsessa per *Színán Bassam* arx *Tata*.

Die XXIII. *eiusd.* Illico per nostrates, *Turcis* tradita eadem arx *Tata*.

Die XXXI. *Iulii*. Obsessum per *Színán Bassam*, *Laurinum*.

Die XXIX. *Septembr.* Fridericus Comes ab *Hardek*, Præfectus *Laurinensis*, per proditorem subdidit *Színán Bassa*, arcem *Laurinensem*, rebus suis illæsis exinde ablatis; *Hungarorum* autem militum reculis omnibus, per hostem, in prædam conuersis. Res acerbissima! (m)

Die XX. *Octobr.* Obsessum per *Színán Bassam*, *Komaromium*.

Die XXVIII. *eiusdem.* *Színán Bassa*, a *Komaromio*, non sine summo maximoque rerum suarum dispendio, discedit, inexpugnatamque relinquens arcem. Oppidum tamen, totaliter voragine ignis, consumi fecit. (n)

X x x x 2

Die

i.) Lege *ISTVÁNFYV*, fuscæ Historiam illam describentem, Lib. XXVII. p. 614, 20. ubi caforum VI. Millia equitum, IV. peditum, fuisse, e nostris XL. admodum desideratos, memorat. Adde ad eundem annum *ORTELIVM*, Parte I.

k.) Habet hunc victoriarum prouentum, *ISTVAN*. p. 618. 12. Et *IOHANNES CSERNOVICIUS*, de *Lybeo Moute*, inde Bello Pannon. Lib. I. D. 2. seq. quod, venusto, sex Librorum carmine, ex *RVDOLPHI II.* temporum habitu, descripsit. *PRA-GAE*, MDCXIX. for. 4.

l.) De huius anni actibus, *ISTVÁNFYVS*, Lib. XXVIII. profusa opera: & quos iam citauimus, alii.

m.) Dedimus, indignissimam hanc *LAURINI* fortunam, fuscæ depromptam, an deploratam, Tomo V. prælium expectante, in eius vrbis Historia, §. XXX. seq.

n.) Vide *ISTVÁNFYV* Lib. XXIX. p. 664.

(o) Ex-



Die V. *Novembr.* Castra Christianorum ad *Nyárasd* posita, ob *Szinan Bassa*, a *Comaromio* discessum, soluta.

## Anno MDXCV.

Die XIII. *Augusti.* DEVS, ex immensa sua bonitate, nouam ciuitatem Strigoniensem, cum arce aquatica, vulgo *Vizvár* nuncupata, in manus Christianorum dedit.

Die II. *Septembr.* *Bassa*, cum *Begho*, ex arce *Strigoniensi* exeuntes, arcem manibus Christianorum assignauerunt. (n)

## Anno MDXCVI.

Die III. *Septembr.* Sepimentum *Hatvan*, (o) a tribus hebdomadis per nostrates oppugnatum, sub vesperum, impressione nostrorum, interceptum, ubi hostes sine discrimine vtriusque sexus, sunt trucidati. Idem sepimentum, dum ad sustinendas vires hostium impar dignosceretur, die IX. *Septembr.* per nostrates exustum, & puluere pyrio euersum.

Die XX. eiusdem. *Agria*, a multis annis, rapinis & excursionibus *Turcarum* obnoxia, a tribus septimanis, tormentorum ictibus continuis opposita, *Turcarum* imperatori deditionem fecit, *Paulo Nyáry* Capitano ibidem, & *Trcbka*, aliisque præcipuis viris, captis, inferioribus vero decollatis.

## Anno MDXCVII.

Die XX. *Augusti.* Sepimentum *Papa*, vna cum arce, peruenit in manus (p) Christianorum.

Die VIII. *Octobr.* Arx *Tata*, per *Vezirium Zerbard Memhet*, obsidione cincta.

Die XIII. *Octobr.* Ob ingentes ruinas, nostris, ex arce elabentibus, in manus hostium est assignata. (q)

## Anno MDXCVIII.

Die XXIX. *Martii.* IAVRINUM, (r) in tota Christianitate celeberrimum præsidium, natura loci & munitione fortissimum, inusitato antea in Hungaria tormenti genere, quod Itali *Petardum* nuncupant, porta ciuitatis, explosione illius disiecta, a nostratibus captum.

Die XI. *Septembr.* Nascitur Comes *Emericus Thurzo*, (s) patre *Georgio Thurzo*, qui 18. *Octobr.* 1621. *Nicolspurgi* obiit.

Die

o.) Exstat expugnationis eius historia, ibidem Lib. XXX. p. 690. sequ. Haud vero deletum fuit penitus, quod hic noster vult; sed extima tantum opera: nam ipsa moenia instaurata sunt omnino, & *Michael Serini*, *Filecki* nuper præfectus, cum præsidio isthic relictus. Inibi, & *AGRIÆ*, huius anni, occasum legas.

p.) Libro eodem p. 708. seq.

q.) *NICOLAVS PALFFYVS*, cum collega *Bernsteinio*, primo vere *Tatam*, *Turcis* eripuerat, *Petardi* vsus ministerio, *ISTVÁNFFYVS* Lib. eod. p. 707, 25. quam *Mebmetes*, senescente eodem anno, recuperavit denuo, idem, p. 712. qua de re, in arcis eius designatione, Tomo V. pro eo, ac satis est egimus.

r.) De vindicato IAVRINO, plus satis in eius vrbs historia, eodem Tomo V. egimus. Reole, Monumentum Adparatus huius VII. Dec. I. & legis *Iaurinum Rediuuium*.

s.) Dedimus, gentis, pluribus dignæ seculis, ortus, accessiones, honores, propagines & occasus, diligentia haud superuacua, in Comitatu *Aruensi*, ad arcis cognominis historiam illustrandam, Tomo VI. si Deus volet, prodituro, a §. IX. vsque ad §. XXXIII.



Die VI. *Octobr.* *Buda* (t) obsidione cincta, & Cingarorum ciuitas exterior statim intercepta eodem die.

Die X. eiusdem. Inferior ciuitas, vbi *Bassa* sedem suam fixerat, valida nostrorum impressione, capta.

Die XI. *Novembr.* Discessum a *Buda*, re infecta.

Eodem anno, postquam 16. Augusti horrenda ecclipsis lunæ, ultra trium horarum spatium durans, apparuisset, tandem toto autumnno, in plurimis Hungariæ & aliarum prouinciarum locis, subsecuta est iumentorum lues, tam valida, qualem ætas nostra antehac nunquam viderat; neque, vt deinceps videamus, diuina faxit clementia!

Anno MDXCIX.

Circa Festum *B. Lucae* Euangelistæ, generis humani atrocibus delictis sic deposcentibus, ac benignissimum numen ad iram prouocantibus & concitantibus, *Tartarica*, & aliorum barbarorum rabies, vsque adeo (u) peruasit & desæuiit, vt non solum totam regionem, fluuiis *Ipol* & *Grano*, adiacentem, verum vltius etiam, vltra *Nittram* & *Vagum*, ad *Tyrnauiam* & *Uybely* vsque, misere ac crudeliter depopularetur. Præter armentorum, pecorum, aliarumque rerum & opum, hominum etiam, vtriusque sexus vim, innumerabilem, partim neci crudelissimæ dederunt, partim secum in diram captiuitatem abduxerunt. *O mucro Domini! quousque non requiesces? ingredi in vaginam tuam, refrigerare & sile! Cogita super nos cogitationes pacis, & non afflictiones, & da nobis finem & patientiam, & inuocabimus Te, & viuemus. Jerem. XLVII. 29.*

Eodem anno, die XXVIII. *Octobr.* *Michael, Vayuoda* Valachiae, (v) vir heroica virtute præditus, cum exigua suorum manu, Transiluaniam ingressus, ad ciuitatem *Szeben*, cum *Transiluanis* confligit, eosdemque acerrime fudit, ac prouinciam totam in suam potestatem redegit.

Eodem anno, tanta subsecuta est annonæ (x) caritas, vt tritici corus vltra florenum vnum; hordei corus, circiter denariis LXX. auenæ corus, circiter denariis XXXIII. & reliquorum frumentorum similiter venderetur. DEVS misereatur nostri, & concedat, Ecclesiæ suæ reliquiis, iam tandem halcyonia & annum iubilæum.

Anno MDC.

Die XXIII. *Aprilis.* Spectabilis ac *Magnificus Dominus Nicolaus Pálffy*, post longa bellorum & ancipitis Martis discrimina, a septennio fere durantia, & regnum hoc *Hungariæ* mirifice exagitantia, post partas etiam aliquot de

Y y y y

hoste

t) *ISTVÁNYFVS* Lib. XXXI. p. 733. sequ.

u) *Lege*, & ingemisce, *ISTVÁNYFVM* ibid. p. 744. sequ.

v) Præter *ISTVÁNYFVM*, Lib. XXXII. initio, consule *WOLFFGANGVM BETHLENIVM*, Lib. X. ad eundem hunc annum, p. 704. sequ.

x) Istud vero, non caritatem, sed laxitatem annonæ, calamitosa alias tempestate, posses dicere. Adfuerunt nempe ciues nostri olim fuerunt, nulli non rerum adfluentiæ, & vilitati. De qua vide, *Adparatus huius nostri*, Mon. VI. p. 303.

y) Me-



hoste *Turca* victorias, laudeque sibi & posteris immortalis relicta, tandem placide in Domino obdormiuit, atque *Posonii* sepultus est. (y)

Die XXVIII. *Julii*. Strenuus admodum ac fortunatus heros, *Adolphus Schwartzenburg*, Comes, ac Sacrae Cæsareae Regiæque Maiestatis in castris *Marschallus*, & consiliarius bellicus, qui præter alia præclara facinora, vel id primum memorabile & laudandum sane reliquit, quod *Jaurinum*, totius Austriæ propugnaculum, sic Domino DEO auxiliante, e manibus *Turcici* tyranni, vsus miro & inaudito stratagemate, machina lignea, *Petardus* vocata, copiisque *Hungaricis*, quibus *Dominus Pálffy* præerat, adiutus, expugnauerit receperitque: cuius tandem factus Capitaneus; postea, sub arce *Papa*, a perfidissimis *Gallis*, seu *Vallonibus*, globo traiectus, (z) miserabilem oppetiit mortem.

Die III. *Augusti*. Terminus (a) comparitioni ad ius, *Michaëli Telekessy*, præfixus erat. Qui, siquidem non comparuerat, propter sua multiplicia & inaudita malefacta ac scelera, vtpote furta, prædas, homicidia, de lege regni proscriptus, notam perpetuæ infidelitatis apud omnes incurrit.

Tandem die XI. *Septembr.* & aliis immediate subsequen- tibus, ex speciali suæ Maiestatis & suæ Serenitatis mandato, *Dominus Georgius Thurzo*, tanquam præcipuus commissarius, CL. equitibus, & CCCC. peditibus stipatus, adiunctoque suæ Majestatis certo equitatu & peditatu, nec non *Domino Protonotario*, ac *Capitulari*, præsentibus, in bona eiusdem *Telekessy* peruenit. Vbi primum, arcem *Lednicze*, tum oppida, possessiones & prædia totaliter (demta certa parte, quæ consorti *Tbelekessy*, pro dote ad tempus assignata & sequestrata fuit) in rationem suæ Maiest. Cæs. occupavit, complicesque *Tbelekessianos*, numero XXVIII. singulari vsus animaduersione, capi, & in vincula coniici fecit, constitutisque & adiuratis officialibus, tandem XV. Septembris in thermas abiit.

Die XXI. *Septembr.* Hora vespertina octaua, tandemque sequenti die, hora 12. diei, & rursus hora 12. noctis, terræ motus vehemens & stupendus accidit, non solum ad thermas; sed in toto fere tractu *Rayeczensi*, usque ad *Solnam*: sequentibus etiam diebus, iteratis vicibus, idem terræ motus sentiebatur.

Eodem anno, arx regia *Canisa*, præsidium totius *Croatia* (rectius, *Hungariæ Australis*,) munitissimum & fortissimum, per exercitum *Turcarum*, cui *Ibrahim Bassa* præerat, obsessa, tandem perfida deditio- ne, in manus hostium, sine longa obsidione, aut expugnatione, deuenit.

Die XXXVI. *Decembr.* *Michaël Telekessy*, posteaquam adimpleta esset eius malitia, nexu fatali tractus, ad arcem *Bitse*, sponte venit, vbi ex mandato suæ Maiestatis Cæsareæ, & suæ Serenitatis captus, & in vincula coniectus, ac tandem per certos equites suæ Maiestatis, ad id emissos, in arcem *Posoniensem* deductus est.

Eodem

y) Meminimus emortualem hunc, fortissimi viri, & annum, & epitaphium, Tomo I. p. 578. Quatuor ei superstites fuere filii: *Stephanus*, *Iohannes*, *Paulus*, *Nicolaus*. Vide *Tomum* eundem, atque illic *Tabulam*, Comitum *Pálffy*, *Genealogicam*, ad p. 65. §. XLV. lege & §. XIII. Adde *ISTVÁNNFYVM*, Lib. XXXII. initio.

z) *ISTVÁNNFYVS*, ibid. p. 753.

a) Anni MDC. Decreto, Artic. XXII.

b) Con-



Eodem anno, ante nouas fruges perceptas, vti in *Junio & Julio* mensibus, tam inaudita & horrenda annonæ caritas, in hoc *Hungariæ* regno, præsertim in hisce vicinis limitibus, inualuerat, vt plerique mortalium, auida fame tabefacti, miserabilem subiuerint mortem. Tritici enim *corus vnus*, vltra *florenos tres*, siliginis *corus vnus florenos duos*, hordei & auenæ *corus vnus florenum vnum*, si reperiri potuit, vendebatur. Aliorum leguminum nihil plane dabatur. In autumno demum, permissu Diuino, quod alias naturaliter fit, post tantam famem, pestis pleraque loca, tam superioris, quam inferioris *Hungariæ*, peruasit & perreptitauit. *Misericordia tamen Domini est, quod nos non sumus absumti. Recordare, quia puluis sumus, ventus cito abiens & nunquam rediens: Non perpetuum irasceris nobis, o Altissime!*

Anno MDCI.

Die XI. *Aprilis*. MICHAEL TELEKESY, in foro ciuitatis *Posoniensis*, propter *borologii*, quod sua Maestas *Sigismundo Bátorio*, dono miserat, e *Transilvania*, post recuperationem ab *Andrea Bátorii* eiusdem prouinciæ, per *Michaëlem Vayda* transmissi, in itinere, more prædonico, ab *Adamo Pelerdy* ablationem, supplicium (b) capitis subiuit. Item, *Gregorius Petthö*, Capitaneus, & alter *Gregorius Végh*, Vice-Capitaneus *Babolchensis*, nec non *Joannes Balogh*, *Vayuoda Kanisiensis*, propter traditionem confiniorum, *Posonii*, iure comperti sunt incurrisse notam perpetuæ infidelitatis. (qq)

Die XX. *Septembr*. Non sine magna hominum admiratione, paruo cum Christianorum exercitu, principe, *Duce de Mercurio* Generali existente, *Alba Regalis* est capta.

Die XIV. *Octobris*. Sub *Alba Regali*, toto die, (c) vsque ad crepusculum, cum *Turcis* continuatum prælium, in quo *Budensis Bassa*, & *Tibaja Vezirii*, cum aliis septem *Beghis*, cecidere. Imo, & D. Comes *Georgius Thurzo*, ibidem lapsus cum equo, inter multa millia globorum, fatis acriter veste dissecta, porro saluus euasit. Eodem die, *Matthias Ostrosith*, a *Turcis* decollatus, III. *Novembr*. *Ilania* sepultus est.

Anno MDCII.

Die XXIX. *Augusti*. *Alba Regalis* per *Turcas* recepta: *Nisi Dominus custodiuerit ciuitatem, frustra vigilat, qui custodit eam.*

Die XXX. *Septembr*. A prandio, *Buda* obsidione cincta, eaque ipsa die, ciuitas *Czigán Város* appellata, capta; noctu vero, per *haidones*, ciuitas *Pesth-Város* nuncupata, recuperata.

Die V. *Octobr*. Posteaquam per nostros, *Hungaros* in primis, quibus piæ memoriæ *Petrus Eörsly* præerat, noctu, cum *Pesthianis* *Turcis* pugnatum acriter, eaque ciuitas, paucis nostrorum desideratis, capta fuisset, tunc primum *Germani* in eandem ciuitatem, prorsus nemine resistente, audacter & viriliter impressionem fecere, eamque semel antea captam, pacifice ingredien-

Y y y 2

tes

b) Confer *ISTVÁNFFYVM*, ibid. p. 771. 46. Et *GREGORII PETTHÖ* *Chronic. Hung.* patrio sermone conscriptum, ad annum MDCI. vbi simul inuectiuam legas, in necem *TELEKESII*; ne ipsi quidem *ISTVÁNFFYÖ*, dissimulatam.

bb) Vtriusque ignobile facinus, *ISTVÁNFFYVS* meminit: ac *Petthö* quidem *Lib. XXXII. p. 763. 31. Baloghi*, autem, ibid. 770, 39. Alioquin, in eius anni comitiis *Posoniensibus*, de hac eorum poena, nihil legas, præter *Articuli XXXV.* tacitam sanctionem, *GREGORIVS* certe *PETTHÖ*, bello infelix, historiam postea scribere cocepit; suam tamen hanc culpam, ad eum annum, & postea, cautus siluit.

c) Inibi p. 778. sequ.

d) Idem



tes vicissim cepere. Res denique vniuersas Turcicas, varii generis, e manibus miserorum Hungarorum (d) extorserunt, & pro se referuarunt.

## Anno MDCIII.

Die IV. *Novembr.* Propter certos, eosque graues excessus, *Magnificus Dominus Illésbázy*, antea Comes Trentschénienfis & Liptouienfis, Curiae Regiae per Hungariam Magister ac consiliarius; nec non, Generosus *Joannes Joó*, Praesentiae Regiae in iudicis locumtenens, Viennae accusati, conuictique sunt. Quorum prior, *D. Illésbázy*, fuga clandestina in *Poloniam*, vitae suae consuluit; alter *Joó János*, die VII. *Novembr.* *Posonium deductus est.* (e)

Die XIX. *Nov.* Praesidium *Hattvan*, nostratibus per Turcas deditum.

## Anno MDCIV.

Die IV. *Januar.* Spectabilis ac *Magnificus Dominus Franciscus de Nádasd*, fidei & nominis Christiani constans, sincerus & acerrimus defensor, aetate (f) iam matura, ex hac lachrymarum valle, in caelestem migravit patriam, amicis luctum, ac perenne sui relinquens desiderium.

Die XIX. *Septembr.* Strigonium per Turcas fuerat obsidione cinctum, quae tamen, moderatore & propugnatore DEO opt. max. Dominoque *Georgio Basta*, Generali exercitus Christiani Capitaneo existente, frustra intentata, (g) tandemque soluta est.

Eodem anno, mense *Octobri.* *Magnificus Dominus STEPHANVS BOTSKAY*, pro tunc Sacrae Caesareae Regiaeque Maiestatis consiliarius, collecta *baydonum*, & ceterorum barbarorum, non exigua manu, religionis purioris asserendae, libertatisque pristinae recuperandae, praetendens negotium, bellum intestinum, contra gentes suae Maiestatis, suscitauit ac mouit: in quo breui tempore, praeter alia innumera damna & populationes, in partibus inferioribus Regni *Hungariae*, vltro citroque factas, clades etiam & strages Christianorum plurima accidit. (gg) Imposterum quid fiet? nouit secreti *DEVS arbiter aui!*

Eodem anno & mense. Factus est conflictus ad castellum (h) *Orgyán*, inter exercitum suae Maiestatis Caesareae, cui *Georgius Basta* praerat, ac inter complices *Bocskayanos*. In quo, parte ab vtraque, circiter quatuor millia Christianorum miserabiliter ceciderunt. *Blasius Németh*, cohortis *Bocskaianae* capitaneus, in eodem praelio captus: tandem iussu *Bastae*, post alia multa supplicia, quadripartito dissectus est.

## Anno MDCV.

Hoc anno, tametsi promulgata fuerit *Diata generalis*, pro Festo *Epiphaniarum Domini*, Posonii celebranda; tamen, ob motus & tumultus factiosorum, in aliud pacatius tempus est reiecta.

Die

d) Idem & ISTVÁNYVS queritur, Lib. XXXIII. p. 789, 51.

e) Habes rem fuse, ab ipso iudice, NICOLAO ISTVÁNYO, ex vero descriptam, ibidem, p. 798.

f) ISTVÁNY & PETTHÖ, anno aetatis XLIX. ergo, nondum praematura morte concessisse, meminerunt. Excessit e viuis *Sárvári*, *Leukæ* sepultus; THOMAE NÁDASDY Palatini, vnigena; PAVLLVM, itidem vnigenam, post se relinquens.

g) Irritam obsidionem eam, lege Libro XXXIII. p. 807. sequi.

gg) Huc illud VIRGILII chronostichon valet, *Georg. II*, 496.

*Infidos aglans DISCORDIA fratres.*

Nam anno demum sequente, vires sumit bellum ciuile.

h) Dedimus eius historiam, Operis nostri Tomo IV. in Kis-Hont. p. 762.

i) Irrit-



Die XVII. Martii, & sequent. D. Sigismundus Forgách, & Demetrius Napragyi, in legatione (i) ad Stephanum Bocskay, pacis tractandæ gratia missi fuerunt, die XIX. Aprilis. Crescit rebellium tumultus, & barbari Haydones, vndiquaque aduentant & confluunt.

Die XVII. Maii. Insignis & manifestus prædo, Biely Stecz appellatus, certorum baydonum Bocskaiianorum capitaneus, oblectante satis Domino C. Thurzone, Rayeczium ex Thurócz venit, catena latronum sibi similitum non exigua stipatus. Tandem XXI. Maii, idem Biely Stecz, pactatus prius cum incolis oppidi Bitche, de certa summa pecuniarum ipsi exsoluenda, cæco impetu & furore raptus, propter expectationem, ad arcem Bitche veniens, in eam fortem fecit impressionem: a qua, dum repulsam passus fuisset, & aliquot e suis complicibus amisisset, tandem ipsum oppidum Bitche succendit, ac in eo, præter alias sumtuosissimas domos, templum etiam scholamque, nec non palatium, penes arcem magnifice exstructum, ceteraque ædificia, dira ignis voragine, perpropere & miserabiliter exussit. In quorum exustione, præter alia damna, innumera sane, & id dolendum accidit, quod tali furore barbarorum, innocentes animæ Christianorum, suæ Magnificentia subditorum, circa L. partim igne suffocatæ, partim aliter extinctæ sunt. Quo infortunio & crudelitate hostili visis, arcem etiam Bitche, castellani eius, baydonibus dederunt. Ex cuius depopulatione, oppidique incineratione, ad minus, octoginta millia florenorum Hungaricalium, sua Magnificentia passa est damni; vt furorem barbarorum, quem, confractis, hemiscelus! monumentis, in eodem templo Bitchensi habitis, ossibusque mortuorum spoliatis & disiectis, impudentissime patrarunt, exaggerare prætermittam. (k)

Die XIII. Augusti, Dominus Stephanus Illésbázy, qui anno MDCIII. in Poloniam secesserat, ab hoc exilio redux, per principem Bocskayum prioribus honoribus, Comitatum videlicet Trentschiniensis, & Liptouiensis, supermi Comitatus redditus, ac pro gubernatore partium Cis-Danubianarum regni, nec non pro Thesaurario, litteris præceptoris eiusdem Principis mediantibus, eadem die, in generali Comitatus congregatione, publice declaratus est Trentschinii.

Die IV. Octobr. Strigoniense præsidium, multo sanguine & expensis Christianorum, a Turca, non multo ante recuperatum, per turpissimam militis Germani, qui iam solus, Hungaris exclusis, ibidem relictus erat, dedicationem, rursus in potestatem Turcici imperatoris deuenit. Hic vere Maroniarum (l) illud exclamandum: Heu, quo discordia ciues perduxit miseros!

Die III. Novembr. Princeps Bocskayus, passim regnicolis & comitatibus vicinis, conuentum generalem Carponæ (m) celebrandum, indixit.

Z z z z

Men-

i) Irrita fuit legatio ea, neque, seu a Cæsare, seu a Matthea Archiduce; sed priuato consiliariorum studio, qui Posonii coiuerant, procurata. Istvánffyvs, Lib. XXXIV. p. 822, 28.

k) Relemus funestam eam cladem, Tomo VI. in Hist. Comit. Trentschiniensis, Parte Spec. ad oppidi mentionem.

l) Bycolicor. Ecl. I. 72. 73.

m) Ad eius conuentus historiam illustrandam, superius Monumentum VII. adtinuit.

n) Ope-

Decad. I. Monumentum VIII.



Menſe *Decembri*. Poſtquam conuentus Carponenſis fuiſſet (n) ſolutus, haydoneſ *Bocskayani*, Aruenſem primum, tum Trentſchinienſem Comitatus ingreſſi, pro ferocia ſua, vaſtant & depopulantur omnia.

Eodem tempore, *Dominus Sigismundus Balaffa*, ex Conuentu *Carponenſi* reuerſus, fratrem ſuum carnalem & vterinum, *Emericum Balaffa*, (o) nec non *Magnificam Dominam Sophiam Merey*, relictam *Magnifici* quondam *Domini Michèlis Czobor*, materteram ſuam, indiſta cauſa, in arce *Befſtercze* captiuauit, reſque & bona illorum, partim pro ſe occupauit, partim in prædam conuertit.

LIVIUS: *Fugiendo, inquit, in media ſepe fata ruitur.*

SENECA: *Multi ad fatum venere ſuum, dum fata timent.*

LVCANVS: *Multos in ſumma pericula miſit timor ipſe mali.*

Eodem anno. Die XIII. *Auguſti*. *Biely Stecz* latro, minas adhuc in Chriſtianitatem, præfertim in ſuam *Magnificentiam Dominum Comitem Georgium Thurzo*, tunc Viennæ conſtitutam, ſpirans, & tanquam rabidus canis anhelans, *Trentſchinium*, cum ſex vexillis complicum & coniuratorum ſuorum venerat. Vbi Domino Deo diſponente, vitæ ſuæ impiſſimæ, tragicum fortitus eſt exitum. Nam, iuſſu *Domini Illéſbázy*, quem idem *Stecz* ex alto deſpiciebat, primo, globo ſclopetario traiectus, tandem exanimis, manu tortoris, capite plexus eſt. Caput haſtæ affixum & erectum; cadauer obtruncatum & nudatum, ex ponte *Trentſchinienſi* in *Vagum* fluuium proiectum & præcipitatum eſt:

*Steczius igniuomam diis infernalibus umbram*

*Tradidit, atque Vagi turpe cadauer aquis.*

*Discite latrones! numen caeſte vereri,*

*Pœna venit ſubito, qui meruere, malis.*

*Sera tamen tacitis pœna venit pedibus.*

Die XXX. *Auguſti*. STEPHANVS SOMOGYI, cauſarum ſuæ Maieſtatis director ſicilis, & *Tauernicorum Regalium* per Hungariam vice gerens, iubente (p) & aſpectante, antelato Domino *Stephano Illéſbázy*, ante portam inferiorem ciuitatis *Trentſchinienſis*, inconfeſſatus & inteſtatus, e patibulo biſulco ſuſpenſus eſt, tandemque in ſepulchro *Matthiæ Kolosváry*, contumulatus.

CLAVDIANVS. (q)

*Sæpe mihi dubiam traxit ſententia mentem.*

*Curarent ſuperi terras? an nullus ineſſet*

*Reſtor, & incerto fluerent mortalia caſu.*

*Abſtulit hunc tandem Ruſſini pœna tumultum,*

*Absoluitque Deos; iam non ad culmina rerum*

*Iniuſtos creuiſſe queror; tolluntur in altum.*

SENE-

n) Opera pretium feciſſe putandus erit, qui, illius conuentus hiftoriam, ex eius ætatis ſchedis, illuſtrauerit; eo quod, fundamenta illic iacta ſunt pacis ſequutæ.

o) Lege Pacificationem Viennenſem, ad XII. numero 16.

p) Quo quiſque eſt maior, magis eſt placabilis ira,

*Et faciles motus mens generoſa capit.*

*Corpora magnanimo, ſatis eſt proſtraſſe leoni;*

*At lupus & turpes inſtant morientibus vſi.* OVIDIUS.

Si alias nuſquam; hic profeſto, maculam nomini ſuo inuſſit, ſummus IL-  
LÉSHÁZYVS, deditque præcipitis iræ, ac turpis vindictæ, nefandum documentum.

q) In RVFINVM, Lib. I. v. 1. 3. v. 20.

r) THYE-



SENECA. (r)

Quem dies vidit veniens superbum,  
Hunc dies vidit fugiens iacentem.  
Nemo confidat nimium secundis;  
Nemo desperet meliora lapsis.  
Miscet hæc illis prohibetque Glotbo  
Stare fortunam, rotat omne fatum.  
Nemo tam diuos habuit fauentes,  
Crastinum ut possit sibi polliceri.  
Res Deus nostras cleri citatas  
Turbine versat.

Anno MDCVI.

Hoc anno, ob obseruatam in suam Maiestatem Cæsaream ac Regiam, & patriam *Hungariam*, fidem, integritatemque debitam, tum ob alia multa præclara facinora, in diplomate suæ Maiestatis specificè expressa ac declarata; titulo & honore, *Liberi perpetuique Comitis de Arva*, sua *Magnificencia*, Comes *Georgius Thurzo*, cum omnibus hæredibus suis, ornata est, bonaque & castrum *Aruense*, (s) iure perennali suæ Magnificentiae, per suam Maiestatem collatum.

Eodem: Certos & bonos ob respectus, sua Maiestas Cæsarea, Generosos, *Dominum Andream Jakusith*, & *Andream ac Stephanum Ostrosith*, e statu nobilium castrensiū, in numerum *Magnatum* adoptauit, ad singularem suæ Magnificentiae, *Comitis Georgii Thurzo*, commendationem.

Eodem anno: Mense *Augusto*. *Magnificus Dominus Emericus Balassa*, & *Domina Sophia Mérey*, e captiuitate (t) *Bezterczeni* sunt dimissi.

Die II. *Septembr.* Profecta est sua Magnificencia, *Comes Georgius Thurzo*, *Viennam*, vbi, præter alia publica negotia, induciarum & pacis cum *Turca*, tractationem, cum certis nonnullis, ad id delegatis Dominis commissariis, *Comaromii* congregatis, assumsit, eamque, diuina adspirante gratia, feliciter perfecit.

Mense *Octobri*. *Cosmas Delj*, & *Paulus Palay*, capitanei *Botskaiani*, cum numerosissimo *baydonum* exercitu, in Comitatum hunc *Trentschbinensem* irruentes, damnis infinitis eum affecerunt, ac tandem, ope & arte suæ *Magnificentiae*, *Georgii Thurzo*, moti ex eodem Comitatu, die XXVII. *Novembr.* abcefferunt.

Die XVIII. *Decembr.* Composita, tam inter *Hungaros*, cum sua Maiestate, quam cum *Turca*, desiderata pax.

Eodem anno. Manipulus *baydonum*, quibus præfuit capitaneus, *Hayda Gergel* vocatus, vice-capitaneusque, *Váczy Nagy István* dictus, in ipsa statim æstate, Comitatum *Aruensensem* ingressi, eundem miserabiliter populabantur,

Z z z z 2

r) *THYESTE*, versu 613. Lege totam, eius *Chori*, cantilenam, *Act.* III.

s) Expromissus hæc *THVRZONVM* iura, quam potuimus, dilligentissime, in arcis *ARVA* historia, Tomo VI. operis nostri proditura.

t) In quam eos *Sigismundus Balassa*, exeunte anno superiore, compegerat. quod sane, non sua sponte, sed ex præscripto sanctionis, quam exhibet *Pacificatio Viennensis*, Numero XII. §. 16. fecisse putandus est *Sigismundus*.

u) Aquam



tur; donec tandem, die XXVII. Decembr. per colonos *Arvenses*, capitanei primum, tum ceteri *baydones*, circiter 400. misere cæsi, trucidati, & in fluuium *Arva* proiecti, iustas sui latrocinii dederunt poenas.

Die XXIX. Decembr. hora quinta diei, Illustrissimus STEPHANVS BOCSEKAY, Sacri Romani Imperii & Transilvaniæ Princeps, Sicularum Comes, finem (u) vitæ suæ & regiminis fecit *Cassouia*; cuius cadauer tandem, anno mox sequenti, die II. Febr. pompose *Cassouia* eductum, ac tandem XXII. Febr. in præsentia paucissimorum suorum affeclarum; multitudo siquidem, ad ciendas nouas turbas formidabilis erat; *Alba Julia* in Transilvania, sepultum.

### Anno MDCVII.

Eodem anno die XXVII. Januar. Michaël Kátay, cancellarius Bocsekayanus, ob propinatum, vti fertur, eidem Bocsekayo, letale toxicum, (x) in foro *Cassouiensi*, ad puteos ciuitatis, ex deliberato superiorum, per *baydones* obtruncatus, & frustratim dissectus, perpetuæ infamiæ notam sibi, suisque omnibus, reliquit.

Circa diem XXVII. Febr. Malus geniùs, in arce *Eched*, suas exercuit præstigias, lapidibus homines impetendo, & fercula commutando.

Die XVII. Aprilis. Stephani Hertczek, iudicis ordinarii *Cassouiensis*, sextam consortem, e statu, vti dicebatur, virgineo, singulas ducentis, nuptiæ celebratæ. quibus, & sua *Magnificentia*, Georgius Thurzo, interfuit. *Paradoxon!*

Die XX. Maii. Ocissime vocata sua *Magnificentia*, Comes Georgius Thurzo, primum *Viennam*, mox XXIX. huius *Pragam* versus profecta est, quo, die XXX. Maii peruenit, & XXXI. audientiam habuit: vbi insignium, seu armalium suarum, optatam (y) auctiorem, & Bonorum Tokaiensium, certo iuris titulo, collationem nata, postquam de pace, atque induciis cum *Turca* fiendis, secundum conclusionem iam antea factam, diu multumque; vtinam non frustra laborasset.

Eodem anno, Mense Septembri. Conspectus est horribilis cometa, *Pogonias* dictus. quæ omnia, tanquam præternaturalia, (*negatur, vir bone!*) irati numinis iram, & mala quæque portendunt, ac minantur; nam vt dicitur:

*Grande trahit secum, quisque cometa malum.*

Item: *Nusquam fœdilibus excanduit ignibus æther.*

Nuptiæ, in arce *Bitseba*, Magnifici Domini Andreae Jakussib, nec non Illustrissimæ ac Magnificæ virginis, *Judithæ Thurzo*. C. P. D. A. celebrantur: qui tandem XXVIII. Octobr. Anno MDCXXIII. in *Oroslánkô*, placide obiit.

Die XXVII. Nouembr. Circa horam septimam noctis, clara luna, *chasma*, ignis, vsque de cælo, cum intonatione, & terræ motu labens, apparuit, tum hic *Bitseba*, tum aliis plurimis in locis.

Anno

u) Aquam intercutem, alii acculant, alii, propinatum a Michèle Kátayo, venenum, inter mortis causas, recensent.

x) Ita PETRVS de REVA, Coronæ Hung. Cent. VI. p. 115.

y) Referebant ea olim, Leonem aureum, dimidia sui parte, rubro in campo, prominentem, atque tres Rosas rubri coloris, campum aureum, ad trifolii modum, distinguentes. Iam, præter bicipitem aquilam, nouo, in meditullio, scuto insertam, unicornu, coloris argentei, quadripartitis scuti areolis, præscis lemmatibus, accesserunt. quam insignium icona, scitissime pictam, & manu G. Emerici Thurzo, decoram, possidemus.

z) Prox



Anno MDCVIII.

Hoc anno, Serenissimus MATTHIAS, Archidux Austriae, (z) conuocatis *Posonium* regnicolis Hungariae, tam de sedandis *haydonum* tumultibus in superiori *Hungaria*, post obitum *Botskay*, denuo excitatis, easdemque partes grauiter infestantibus; quam de *Turcica* pace, per muneris honorarii in portam *Ottomannicam* transmissionem, denuo confirmanda, cum regnicolis tractauit ac conclusit; atque tam cum superiori, quam inferiori *Austria*, nouam confederationem, ratione transactionum *Viennensium*, instituit. quibus ad optatum finem deductis, contra illos, qui eidem transactioni contrariabantur, eundum esse duxit. Vnde, collecta, tam *Hungarorum*, quam *Germanorum* militum, non exigua manu, fines *Morauiae* inuasit, iisque assensum praebentibus, ac denuo confederatis relictis, per totam Bohemiam, usque urbem *Pragensem*, cum toto exercitu peruenit, ibique castris fixis, a RVDOLPHO II. Romanorum Imperatore, *S. Coronam Hungariae* repetiit, eaque accepta, id quoque, ut in designatum *Regem Bohemiae* eligeretur, effecit. Habita igitur *Regni Hungariae Corona*, iterum in *Austriam* reuersus, regnicolis *Hungariae*, tanquam ipsorum gubernator, publica comitia indixit, in quibus, perpensis ac consideratis in nationem *Hungaricam*, ipsius meritis, a regnicolis, *Posonii*, in *Regem Hungariae*, electus, ac solemniter coronatus est. Anno aetatis suae 52.

Die XV. *Januar.* Serenissimus Archidux MATTHIAS, tanquam gubernator Regni Hungariae, promulgata regnicolarum congregatione, magna cum comitiua & solemnitate, *Posonium* intrauit.

Vltima *Januar.* regnicolae, conuiuio lauto, a MATTHIA excepti.

Die III. *Febr.* FRANCISCUS FORGÁCH, Cardinalis creatus, & rubra veste indutus, conuiuium lautissimum & apparatissimum, celebrauit.

Die XXIV. *Martii.* Turcae, pro noua pacis tractatione, cum CLXV equitibus *Ujvárinum* (a) ingressi sunt, cum quibus, pro legatis, a Bassa *Budensi* missi fuere: *Ambat Tibaja*, *Mustapha Effendi*, & *Hussam Begus* (b) *Simontornyensis*. Sequentibus diebus, usque ad XXVII. cum iisdem *Turcis*, tractatum ac disceptatum; tandem, Deo auxiliante, tam de semel conclusae pacis confirmatione, quam oratorum *Constantinopolin* dimissione, simul & *haydonum* condescensione, conclusum ac determinatum est.

Die XXVII. *Iunii.* (c) Dieta Bohemorum *Pragae* conclusa, ac sua Serenitas MATTHIAS, in designatum *Regem Bohemiae* promulgata.

Eodem die. Corona Regni Hungariae, oratione a *Dietricksteinio* Cardinale Olomucensi, item Episcopo *Vesprimiensi*, & etiam a Domino *Comite Georgio Thurzo*, (d) habita, cum omnibus suis clenodiis, Hungaris resignata est.

A a a a a

Eodem

z) Prolixe, hanc rerum Hungaricarum periodum, PETRVS de Réva, in *Corona Hung.* Centuria VII. initio, expromsit.

a) Fuit haec, nuperae pacis *Sitvatorokensis*, instauratio. cuius condiciones PETRVS de Réva exhibet, loco citato, p. 120.

b) Nostri contra legati fuere: *Georgius Thurzo*; *Ioannes Preüner*; *Sigefridus Kollonitsch*, & *Adamus Buchaim*.

c) Réva, diem fuisse XVII. adnotauit.

d) Totius pompae, quam dicto loco, proluxe Révayus describit, GEORGIVS THURZO, & dux fuit, & structor.

e) Dedi-



Eodem die, in ipso loco, vbi Corona resignata est, cum sua Serenitate cœnatum.

Die XXII. *Octobr.* Sua Serenitas, cum maximo applausu *Posonium* introducta est.

Die XVI. *Novembr.* Electio Regiæ Maiestatis, publice facta, & proclamata, & XIX. coronatio (e) suæ Maiestatis Regiæ, feliciter peracta.

### Anno MDCIX.

Indicta & promulgata fuit per suam Maiestatem Regiam, generalis diæta, pro *Festo* omnium *Sanctorum*, *Posonii* celebranda: in qua Illustrissimus Comes Dominus GEORGIUS THVRZO, summo cum desiderio regnicolarum & adplausu, die VII. Decembr. in *Regni Hungariæ Palatinum*, legitime electus est, tandemque, sequenti mox die, in arce *Posoniensi*, coram sua Maiestate Regia, solemne ad hoc officium præstitit iuramentum. Cum antea die V. Maii. Illustrissimus Dominus STEPHANVS ILLÉSHÁZY, *Regni Hungariæ Palatinus*, inter V. & VI. horam vespertinam, supremum clausisset diem *Viennæ Austriæ*: tandem, die V. Augusti in *Bozin* honorifice tumultus, anno ætatis 70.

### Anno MDCX.

Die XXX. *Junii*. Inductitia Corona *Turcica*, olim Principi *Botskayo* (f) donata, in arce *Sáros Patak*, ad manus Illustrissimi Domini Comitis Palatini, per curatores orphani D. *Valentini de Homonna*, tradita est & resignata. Tandemque per suam Celsitudinem, *Viennam* ad suam Maiestatem Regiam, præmissa solemni oratiuncula, deportata & exhibita est, die IV. *Octobr.* anno currenti.

Die XII. *Augusti*. Fuerunt *Transilvaniæ* legati, apud Dominum Palatinum. cum quibus tandem certis interiectis articulis & conditionibus, confederatio inter inclutum hoc *Hungariæ Regnum*, ac inter *Transilvaniam*, feliciter peracta, literisque vtrique datis, stabilita est, *Cassouiæ* XV. Augusti.

In eodem anno, (g) circa finem, cum rediret *Posonio*, ex *Octavis ludiciis*, intelligens sua Celsitudo Palatinalis, iam antea, de facta inquisitione, super horrenda, Magnificæ Domine *Elisabethæ Báthori*, relictæ viduæ Spectab. ac Magnifici olim Domini Comitis *Francisci de Nádasd*, laniena & carnificina, quam miris & diris modis, in sexum femininum, pedisequasque suas, a longo tempore exercuit, earumque ad sexcentas prope, crudeliter enecavit. Assumptis secum, Spectabilium ac Magnificorum Dominorum, *Nicolai a Zrinio*, & *Georgii Homonnay*, generorum, præfatæ relictæ viduæ, certis seruatoribus, nec non, Generoso Domino *Emerico Megyery*, eandem Dominam, in castello, in oppido

e) Dedimus inaugurationis historiam, *Notitiæ Hung.* Tomo I. p. 299. §. XI. sequ. quam illic recognoscat cupidus lector.

f) Vide, Monumentum VII. §. XVIII. p. 329. vbi, de eodem diademate, plura. Adde, tumultuantium *Haydonum*, præpostera consilia; *Turcica Corona* hac, *Botskayo* mortuo, regem sibi inaugurare volentium. *Petrus de Réva* Cent. VII. p. 118. Vt æquissima omnino fuerit sanctio illa, qua Coronam eam, comitiis, An. MDCIX. Art. XX. repetendam, decreuerunt Status & Ordines.

g) Exprimimus nefandum hoc facinus, Tomo IV. in arcis & oppidi *Csejte*, historia, p. 468. §. II. seq. additis simul *LADISLAI THÚRÓCZY* commentariis, in *Hungaria*, cum suis Regibus, Parte I. p. 189.

h) Expe-



oppido *Csejte* exstructo, in flagranti crimine deprehensam, (vnam liquidem, tum quoque puellam, miserabiliter, & flagris, & vstulationibus enectam, repererunt) sua Illustrissima *Celsitudo*, ex officio & auctoritate sua *Palatinali*, perpetuis carceribus, in arce *Cbejte*, adseruandam addixit & mancipauit. *Iobannem Ficzeko* famulum, capite plexum; *Helenamque*, & *Dorotheam*, coad- ministras tantæ lanienæ, iuris ordine, in oppido *Bitche*, conuictas & flammis adiudicatas, iuste puniri fecit. Die VII. Januar. An. MDCXII.

Anno MDCXI.

Die XIV. *Mart.* Quodam modo, præter consuetudinem, tonitrua sunt audita intempestiue.

Die XV. *Maii.* Solenni ceremoniarum ritu, in arce *Arua*, sacellum, denuo, per suam *Celsitudinem Palatinalem* exstructum & adornatum, DEI Opt. Max. honori & cultui dedicatum ac consecratum est.

Eodem mense, *Octaualia iudicia*, in partibus superioribus, *Eperiesini* celebrata.

Die XXV. *Maii.* In ipsis feriis Pentecostes, Serenissimus Hungariæ Rex, MATTHIAS *secundus*, magno cum vniuersæ gentis Bohemicæ desiderio & adplausu, solemniter admodum, in *Regem Bohemiæ*, coronatus est *Pragæ*.

*Vive secunde diu! MATTHIA! vive SECVNDE!*  
*Christicolisq; faue, sic Te DEVS inferet astris.*

Die XXIX. *Iunii.* Expeditus fuit *Sigismundus Forgách* (h) in castra, contra *Báthorem*. quæ expeditio, varia fortuna, magis tamen aduersa, permixta, tandem, mense *Decembri* soluta, ac res patriæ quodammodo pacactæ sunt.

Die XII. *Iulii.* RADVL, confligit cum exercitu *Gabrielis Báthori* ad *Brasso*, in quo conflictu plurimos seruitores amisit, solusque cum paucis quibusdam *Cibinium* sese recepit.

Mense *Octobri.* Electorum & Principum conuentus, cum magna Ducum, Comitum, Baronum, aliorumque quam plurimorum Monarcharum Christianorum legatorum frequentia, *Norimbergæ* est celebratus, quo, de imperialibus comitiis, *Ratisbonæ* celebrandis actum est.

Die IV. *Decembr.* Solemnitas nuptiarum suæ Maiestatis, cum Serenissima ANNA, Serenissimi Archiducis *Ferdinandi* filia, *Viennæ* celebratarum, peracta.

Die XXVII. *eiusdem.* Post varias, vltro citroque disputationes factas, tandem alma pax, cum *Principe Transilvaniæ*, est composita.

Anno MDCXII.

Die XX. *Januarii.* RYDOLPHVS II. Romanorum Imperator, in imperatorio & regio multorum regnorum folio, annis longa serie feliciter, ad ipsam vsque senectam deductis, multis victoriis contra Christiani nominis hostes partis, clarus, ex eoque, immortalis sibi nominis gloria acquisita, post

A a a a a 2

varios

h) Expeditionis finem occasionemque, ad hunc annum, expromunt, SZENTIVÁNY, in Synopsi Chronol. & post eum, TIMON, ad eundem annum.

i) Vide



varios casus, variaque discrimina rerum, fatis concessit, *Praga*, circa horam septimam matutinam. Cui tandem a I. *Octobr.* incipiendo ad tertiam usque eiusdem, ultimæ exsequiæ, ac sepultura, per modernam suam Maiestatem, determinatæ exstiterunt. Regnavit annis XL. obiit anno ætatis LXI.

Die XXVII. *Aprilis.* Sententia, in *Petrum Sokolyi* lata, qui *Posonii*, læsæ maiestatis criminis reus pronuntiatus fuerat, executioni demandata est. cui in publico foro, caput amputatum est.

Die XIII. *Iunii.* Sua Maiestas Regia, MATTHIAS II. Hungariæ & Bohemiæ Rex, posteaquam intra triennii spacium, *Hungaria* primum, *Bohemia* secundo, regnorum diadematibus insignita, *Francofurtum* ad Mœnum se recipisset, vnanimi Electorum ac Principum imperii voto, tertium, excelssimi fastigii gradum, conscendit, in *Romanorum Regem* electa, inaugurata, & constituta.

Die XXIV. *eiusdem.* Eadem sua Maiestas Regia, in *Romanorum Regem* & Imperatorem, solemniter, *Francofurti* ad Mœnum; sequente Reginalis quoque Maiestatis, pariformiter coronatione, (k) coronatæ sunt.

Circa finem *Augusti*, aliquot noctibus, magna *chasmata* in cælo, horrenda visu, conspiciebantur. quorum effectus in manu Dei consistit.

### Anno MDCXIII.

Die VII. *Martii.* Sua Maiestas, ad diætam *Posonium* læta adpulit, quæ tandem XII. *Aprilis.* non adeo bene contenta, discessit.

Die XXV. *Martii.* Sux Maiestatis, Cæsareæ Domina consors, in maxima procerum frequentia, sacro diademate decorata & coronata est, atque ad reginalem istius regni dignitatem euecta, tempore diætæ generalis, pro tunc ibidem *Posonii*, a Statibus & Ordinibus regni, celebratæ.

Die I. *Aprilis.* Oppidum *Varyn*, (l) miserabiliter exustum, ab hora septima diei. cui, anno MDLXXX. simile excidium acciderat.

Die XVII. *Augusti.* Publicis regni huius negotiis sic vrgentibus, signanter tamen, quia præter constitutiones regni, & assensum regnicolarum, quidam *Rudolphus a Tieffenbach*, pro supremo *Ujváriensi* capitaneo (m) electus, ac cum Germanis militibus, *Ujvárinum* immissus fuerat, conuentus Dominis consiliariis *Tyrnavia*, per suam *Celsitudinem* Palatinalem, indictus fuerat. in quo, Sua Maiestas, per *Illustrissimum Dominum a Molarad*, sub spe futuræ meliorationis, sese resolvere dignata est: literæque ad *Comitatus*, de expeditione instituenda, sunt transmissæ. Quo finito, sua *Celsitudo*, in montanas

i) Vide, Anni MDCIX. Artic. LX. vbi eius causa, precibus agunt cum MATTHIA, Status & Ordines; sed frustra elaboratum fuisse, euentus hic docuit. De *Petri Sokolyi*, irrequiete, vide Art. XLI. An. MDCXIII.

k) Ab inauguratione ea, reduci MATTHIAE, ad diem XXVI. Nouembr. *Vienæ*, Hungariæ Status & Ordines, tantæ accessionem dignitatis, prolixa oratione, quam possidemus, gratulati sunt. REVA, Cent. VII. p. 129.

l) Oppidum est *Comitatus Trentsinienfis*, supra *Solnam*, Vago, in additu vallis *Sztrecsen*, adpositum.

m) Multum, hæc *Capitaneorum* Germanorum, in arcibus Hungariæ haud tolerandorum, contentio, negotii, iam tum, Hungaris faceffuit. Vide, eorum annorum *Decreta*.

n) Quid



tanās ciuitates diuertit, ac controuersiam, inter ciues *Neosolienses*, (n) iam pridem vigentem, certis sub conditionibus tranquillauit & composuit.

Die XXIII. *Septembr.* Turca, pagorum deditiorum negotium vrgente, & contra pacis initæ formulam, excursions faciente, circa *Ujvár*, & *Léva*, ac alia vicina coadiacentia loca, ad remouenda eiusmodi facinora, sua *Celsitudo*, ipsamet bonis auspiciis descendit, ac in possessione *Soporny* constituta, qualemcunque exercitum, ex vicinis *Comitatibus* collectum, in omnem euentum, præsto habuit.

Die XXIII. *Octobr.* *Gabriel Bethlen*, Turcarum adminiculo, pulso ex Transilvania *Gabriele Báthory*, per trium nationum Transiluanicarum communem assensum, in *Vayvodam* electus, & designatus est. *Claudiopoli* XXIV. iuramentum præstitit. XXV. vexillum & cambucam, a Turcarum imperatore, ad *Tordam* ciuitatem, suscepit. Principis huius progressum & sublimationem, (o) vide vltius ab anno MDCXIX. Cor Regis in manu *Iebouæ*!

Die XVI. *Novembr.* Terræ motus in oppido *Solna*, & aliis vicinioribus locis, circa horam XII. meridianam exstitit.

*Timeat multos, quem multi timent*, dixit olim *Mimus Pub.* quod verum esse, præter alia, tum hoc subnotatum triste docet exemplum. *Gabriel Báthory*, Princeps Transilvaniæ, in ipsa florida ætate, postquam, tum perfidia suorum, tum maxima vi Turcarum & Tartarorum compulsus, Transilvania excessisset, ac *Varadini* constitutus fuisset, nil quidquam aduersi sibi euenturum metuens, insidiosè, per *Ioannem Silassy*, *Gregorium Nadány*, ac alios complices, misere confossus & trucidatus est, XXVII. *Octobr.* (p)

Eodem anno. Passim in ciuitatibus, *Posonii*, *Viennæ*, *Pragæ*, *Cracouiae*, horrenda, permissu diuino, pestis defæuit, qua, plurima hominum millia, e viuis sublata sunt.

Eodem anno, & præcedentibus aliquot, DEI benignitate, & vini generosi in regno hoc, ac partibus vicinis, & frumenti quoque, haud mediocris copia fuit; ita, vt *tritici* puri *corus* (q) vnus, XXX. circiter denariis *siliginis* XXVIII. denar. *hordei* XX. denar. *auenæ* X. denariis, venerit.

### ANNO MDCXIV.

Die IV. *Martii.* In ciuitate Transilvaniæ *Megyes* dicta, *Gregorius Nadány*, *Stephanus Zambo*, & *Ioannes Silassy*, cum aliis complicitibus, qui in miseram *Báthorii* Principis sui necem, conspirauerant, iusto DEI vindicis iudicio, ex turri templi igne succensa, deiecti, & a sectatoribus *Bathoreis* intercepti, ac frustatim dissecti, dignas sui sceleris luerunt pœnas. (r)

B b b b b

Die

n) Quid hoc fuerit controuersia, excussimus Tomo II. *In Hist. urbis Neosoliensis*, p. 422. §. X. vbi *Zádvořzkii* hanc, de Palatini in ea re sedulitate, notam, lector interferat.

o) Possideo, CASPARIS BÖJTHINI, Pannonii, de rebus gestis GABRIELIS BETHLENI, Historiarum Libros III. manu exaratos, neque excusos adhuc. Scripsit vero Lib. XII. quorum tamen IX. posteriores, nondum indipisci potui.

p) Prolixè, laudatus nunc BÖJTHINVS, coniurationis, in *Bathorium*, seriem, & indignæ cædis atrocitatem, describit, Lib. II.

q) CORVS, aridorum mensura, Hebræis, IOSEPHO auctore, vsitata: *Slavi*, inde KORETZ fecere.

r) Legi, in eandem hanc rem meretur, BÖJTHINVS noster, Libro eod. in MSc. *Decad. I. Monumentum VIII.*

s) Vide



Die VII. *Aprilis*. Spectabilis ac Magnus Dominus *Christophorus Thurzo*, longa phtysi extenuatus & contabescens, pie obiit. Sepultus Leuchouiae, XXVI. Maii.

Die XIII. *Iulii*. Conuentus *Posonii* indictus fuerat; ex quo deinde nonnulli Domini consilarii Hungari, (s) ad generalia imperialia Comitia, *Linczinum* deputati fuere in legationem, qui & subiuerunt id itineris, & negotia regni, coram sua Maestate, aliisque principibus, Archiducibus &c. proposuerunt publice.

Die XXI. *Augusti*. Elisabetha Báthory, relicta vidua *Francisci de Nádasd*, ante annos (t) aliquot, ob inaudita & crudelissima sua facinora, in perpetuos carceres detrusa, in iisdem misere, tempore nocturno, expirauit.

### Anno MDCXV.

Die V. *Ianuarii*. In ipsa aurora, *chasma*, ac si ignis caelitus delapsus fuisset, vel iridis instar, in plerisque vicinis locis visum, quod tonitrua & terrae motus statim sequebantur.

Die XX. *Februarii*. Circa horam quartam matutinam, tam in ciuitate, quam suburbio *Viennensi*, terrae motus factus est. Quod omen Dominus DEVS, in bonum vertere dignetur!

Die IV. *Maii*. Ciuitas *Fülekiensis*, vna cum parte sepimenti, conflagrauit.

Die XXVI. *Iunii*. Cum *Ambat Tebaja*, Turcarum imperatoris ablegato, *Vienna*, tractatus de pace initus, & ex parte conclusus est. A parte suae Maestatis erant: Reuerendissimus ac Illustrissimus Dominus *Franciscus Forgách*, Cardinalis Strigoniensis, *Melchior Klefelius*, *Joannes a Molard*.

Die VII. *Iulii*. Quod felix faustumque diuina reddat clementia, Illustrissimus Comes Dominus *Emericus Thurzo*, continuandorum & confirmandorum studiorum gratia, in aliam *Vittebergensium* Academiam iter suscepit. quo perueniens, per Electorem primum, tum per alterum Saxoniae Ducem, honorifice admodum exceptus, tandemque XVIII. Octobris, in *Magnificum Rectorem* (u) eiusdem Academiae, electus & inauguratus est.

Die XIX. *Septembr.* Igne, e domo Domini *Francisci Forgách* Cardinalis, Tyrnauiæ exorto, ultra XC. domus conflagrarunt, & personae aliquot flammis suffocatae, misere deperierunt ibidem.

Die

s) Vide, anni antecessii MDCXIII. Decretum Artic. ultimo. Fuere autem legati: *Demetrius Náprágy*, Archi-Ep. Colocens. *Valentinus Lépes*, Episcopus Nitriensis; *Petrus Demitrovvith*, Episcopus Zagrabienensis; *Petrus de Réva*, supr. Comes Thürocziensis, *Nicolaus Eszterházy*, de Galantha; *Vitus Melyth*; *Iohannes Sandorleuich*, & *Christophorus Lackner*, consul Sempronienensis. Quorum, PETRVS quoque de Réva, meminit, CENTVRIA VII. p. 119. Venere in comitia, d. XIX. Augusti, quamque viua voce dicere debebant orationem, iussu Caesaris, scripto exhibuerunt. Est ea in *adparatibus* nostris, suo tempore edenda.

t) Vide, ad annum MDCX. diem XX. Ianuarii.

u) Exstant, Academici huius magistratus, ab EMERICO, summa cum laude administrati, monumenta, duae nimirum orationes, quas possidemus, *Vittebergæ*, an. MDCXVI. for. quadrip. editæ. Lepidum, quem *Arucses*, honestando huic axiomati, actum edidere, *Vittebergæ* praesentes, leges olim, Tomo VI. Hung. No- uae, in Historia Comit. Aruenis, parte Gen. Memb. II. §. II.

x) Oppi-



Die X. *Octobris*. Cruculam auream, magnitudine grani auenarii & cælitus delapsam, per Vetusolienses, suæ Celsitudini, ad videndum transmissam, vidimus & contrectauimus.

Die XVI. *Octobr.* Illustrissimus ac Reuerendissimus Dominus *Franciscus Forgách Cardinalis*, nullis diutinis diuexatus morbis, verum vegetus & alacer, in oppido (x) *Szent-Kereszt*, leui correptus febricula, vltimum vitæ suæ diem clausit. *Tyrnauia* sepultus, III. Decembris. Vidi, die XIX. Sept. omen ignis, ex domo ipsius prorumpentis, voraginem!

Die II. *Novembr.* Ad *Iudicia Octaualia*, Posonium descensum fuit, quæ propter nondum confirmatam cum *Turca* pacem, iussu suæ Maiestatis, iterum dissoluta sunt.

Die Festo S. *Ioannis Euangelistæ*, tota fere nocte, fulgura corruscantia, tonitruaque horrenda fuere.

Eodem anno, annonæ, ob infœcunditatem anni præteriti, vis tanta fuit & caritas, vt tritici *corus*, floreno vno & vltra, mixti *corus* 80. denar. venderetur, & sic de aliis. Benignitate tamen diuina, annus iste MDCXV. & frugum, & generosi vini admodumque dulcis, vbertate coronatus est. Hoc ipso anno, ingens siccitas, præsertim in partibus regni inferioribus, fuerat, adeo, vt etiam sata iam semel pro autumnno insita, de nouo Tyrnauiam versus, & alibi, feri debuerint: homines, pecoraque, lue pestifera infecta, ob defectum aquæ, quam plurima enecta sunt: & quod maius, etiam ipsa gramina, in plerisque locis, ab insigni ariditate accensa, exurebantur.

### Anno MDCXVI.

Die X. *Ianuarii*. Coronatio imperatricis, in reginam Bohemiæ, peracta.

Die XI. *Ianuarii*. Ad specialem suæ Maiestatis commissionem, congregatio Dominorum Consiliariorum, & iudicum Regni ordinariorum, *Trentschinii* celebrata fuit, in negotio Magnifici Domini *Sigismundi Balassa*. qui tamen, non exspectata (y) aliqua deliberatione, aut informatione, per *Rudolphum Teuffenbachium*, Generalem partium Cis-Danubianarum capitaneum, in arce sua (z) *Kékkö*, die VII. Ianuar. captus, custodiæque, in arcem *Posoniensem*, traditus est.

Die XXX. *Ianuarii*. Impurissimus impostor, *Iohannes Moschovius*, qui libros Photinianos & Arianos, passim in regno hoc disseminabat, multosque, tam pestilenti labe inficere studuit, per Illustrissimum Dominum Comitem *Palatinum*, medio certorum *baydonum*, *Moschouia* captus, & *Bitscham* adductus fuerat. In quem, iure ecclesiastico primum, mox seculari, animaduersum,

B b b b b 2

durior-

x) Oppidum est Archi-Episcopale, cum insigni castello, in *Comitatu Barschienst,* Grano amni, ab aquilone, adpositum, cuius historiâ, inibi dedimus, Operis nost. Tom. IV. p. 227. sq. mortis simul *Forgáchianæ* mentione habita. Annus idem, Calendis Aprilis, *NICOLAO* quoque *ISTVÁNFFYO*, luculento rerum Hungaricarum scriptori, emortualis fuit: cum annis octoginta vixisset. Egregie, de eius historia iudicauit, *GREGORIUS PETHÖ*, ad initium huius anni, in *Chron. Hung.*

y) Ita, iam tum, equestris ordinis non tantum; sed magnatum etiam prærogatiua, legibus alioquin fulta, periclitari cœperat.

z) Descriptam arcem eam, vide, Tomo eodem IV. p. 126. seq. in *Historia Comitatus Neogradensis.*

a) Isthic



duriorque sententia in eum lata fuisset, nisi pro eo, certorum regni (a) Poloniae procerum, ipsiusque Palatini Cracouiensis, interuenisset intercessio. Libris nihilominus, tam virulentis, & plane Atheis, in circulo oppidi *Bitsche*, publice exultis. Dein *Moschouinus*, perpetuo a regno hoc, exilio damnatus est. Die XXVI. Febr. An. MDCXVI.

Die VI. *Maii*. Turris S. *Stephani*, Viennae Austriae, hora circiter X. pomeridiana, caelesti fulmine tacta est, succensis laquearibus, quibus campanae appensae sunt, lapidibusque aliquot decussis. Fulmen istud, ante eiusdem templi vestibulum, sat grandi vestigio post se relicto, decidit, lapidemque sepulchralem, illaesus tamen, ad vnus vlnae profunditatem, in terram detrussit.

Die XXIX. *Maii*, & sequentibus. De tumultu Domini *Sigefridi a Kolonics*, ex aresto *Viennensi* dimissi, ac circa *Teuben*, & alia loca marchionatus Moraviae, ac Hungariae, excitato, rumor increbuerat, qui non parum homines pertrefecerat. Sed vicissim, eodem Domino *Kolonicsio*, in priorem, & fortasse duriores custodiam recepto, turbo iste, cum suis procellis, conqueiuit.

Die II. *Iunii*. Illustrissimus Dominus Comes *Emericus Thurzo*, rediit *Vitteberga*.

Hoc mense *Iunio*. Illustrissimus *Raduelius*, ac *Georgius Homonnay*; ille Valachiam; hic Transiluaniam, nulla legitima exposcente vocatione, nancisci & occupare volentes, oleum & operam ambo perdididerunt.

Die XIV. *Augusti*. Celebratio sponsaliorum Domini *Stephani Vesselény*, cum generosi quondam Domini, *Ieremiae Pongrác*, filia, permissu summi Pontificis, in effectum deducta.

Die XXVIII. *Septembr*. Publicatus per suam Maiestatem *Petrus Pazmány*, Praeposituraque Thuroczienfi donatus, pro *Archi-Episcopo* Strigoniensi, *Praga*.

Die V. *Decembr*. Plurimis regni huius difficultatibus, & grauaminibus exigentibus, aduenerat huc in arcem *Bitsche*, *Petrus Pazmány*, a sua Maiestate, cum credentialibus, ad suam *Celsitudinem Palatinalem*, expeditus, cum adiuncto sibi Domino *Petro Balassa*. Eodem superuenerat, & Spectabilis ac Magnificus Dominus, Comes *Sigismundus Forgách*, ac Magnificus Dominus, *Sigismundus Rákóczy*, qui postremum vale, Domino *Comiti Palatino* dixerunt.

#### BREVIS SYNOPSIS, VITAE ILLUSTRISSIMI COMITIS, DOMINI GEORGII THVRZO. (b)

**N**ATUS est GEORGIVS THVRZO, in arce *Léthaua*, FRANCISCO THVRZO, & *Catharina Comitissa a Zrinio*, parentibus, anno Christi M. DLXVII. dia II. Septembris.

In

a) Isthic nempe, infanda *Socini* haeresis, tunc, *Rakovia* potissimum, hospitabatur: in Transiluaniam inde, Iohannis Sigismundi aetate, propagata. quam *Moschouinus* hic, in Hungaria spargere nitebatur; prouidentia C. *Thurzonis*, propulsatus.

b) Recognouimus haec singula, in eadem *Comitatus Aruensis Historia*, Parte posteriore, Memb. I. Sect. I. §. XXIII. vsque ad §. XXX.

z) Luxit



In aulam ERNESTI Archiducis Austriae traditur A. MDLXXXIV.  
 SOPHIAM FORGÁCH duxit in consortem, MDLXXXV. circa *Martini*.  
 ELISABETHAM CZOBOR, alteram consortem, MDXCII. d. II. *Febr.*  
 Confiliarius RVDOLPHI II. Imp. creatus MDXCVIII. in *Martio*.  
*Pincernarum Regalium* per Hung. *Magister*, & *Baro*, A. MDXCIX.  
*Generalis Partium Cis-Danubianarum*, & supremus Vjvariensis Ca-  
*pitaneus* factus, Anno MDCII. d. XII. *Septembr.*  
*Dapiferorum Regalium Magister*, A. MDCIV.  
 Comitis perpetui de ARVA, titulo insignitus, per RVDOLPHVM II. An-  
 no MDCVI.

Insignium, seu Armorum auctione, per eundem Imperatorem de-  
 cortatus, A. MDCVII.

Coronam Regni Hungariae, cum MATTHIA Archiduce, Praga feli-  
 citer reportauit, A. MDCVIII. *Quo Thesarii etiam Regni officium ipsi deserebatur.*

PALATINUS & Locumtenens Regius creatus, A. MDCIX. in qua digni-  
 tate, per integros annos septem, laudabiliter & vtiliter perstitit.

Tandem, Domino DEO sic moderante, vltimam vitae suae perio-  
 dum, pie admodum placideque clausit, in arce sua *Bicsensi*, die XXIV. *De-*  
*cembr.* circa horam noctis nonam, A. Domini, MDCXVI. ætatis suae XXXXIX.  
*Cui ego non vane sic parentavi.*

SOLSTITIVM brumale fuit, cum PANNONIAE SOL  
 THVRZO PALATINVS, Patriæ Pater occidit (c) Eheu!  
 Instat naufragium, serua nos CHRISTE Redemptor!

\* *Confer Annos sequentes & excute.*

Super effigiem vero intumbati sic:

THVRZO GEORGIVS ARVENSIS COMES INClytus ora  
 Atque PALATINVS Regni, PROREXque, peremtus  
 Morte immatura; tali requiescit in vrna.  
 Huic Sanctæ PIETATIS, IUSTITIAEque tuendæ  
 Ac bene CAESAREA de MAIESTATE mereri,  
 Optata & PATRIOS seruare in PACE PENATES,  
 Præsidio esse BONIS, SONTES punire seuere,  
 Maxima cura fuit. Tali labente COLVMNA,  
 Orba flet HVNGARIA, & fidi tristantur AMICI.

*Scripsi mærens in arce Lethana, Mense Nouembri,  
 quo Præsidium Varadiense, per deditionem in  
 potestatem Turcicam redactum.*

Georgius Zavodszky senior  
 A. 1620. ætatis 51.

Ccccc

Die

c) Luxit mortem hanc GREGORIUS PETHÖ, pro eo, ac meruit: *Mortuus est*  
*inquit, GEORGIUS THVRZO Palatinus, magno fatiscentis regni Hungariae damno.*  
*Fuit enim vero, insignis Hungariae libertatis defensor, cuius propterea, iustum*  
*apud Hungaros est desiderium. Is certe, si vixisset, motus, qui mox consequuti*  
*sunt, & horrendæ regionis euastationes, nunquam euenissent. Contra, quam ei*  
*laudem circumponit ISTVANFFIVS, Epitome Lib. XXXVIII. mordicans, ni fallor est,*  
*Decad. I. Monumentum VIII.* d) Oppi-



Die XVII. Octobris. Exanime corpus Spectabilis Domini Petri Bethlen vectum in Transilvaniam, copia hominum honorifice comitante; cui ego:

*Reliquias, o PETRE! tuas comitatur turba virorum,  
Copia Magnatum, tumbaue parua vehit.  
Flet Comes Illustris, Comitissa lacrima salsa  
Defluit ad terram, defluit inque Genas.*

## Anno MDCXVII.

Die X. Februarii. Soles tres sub vesperam ad occasum visi: quid significant *Parelia*, consule MEYERERII Meteorologiam.

Die XVII. Februar. Soles duo ad Orientem visi.

Die XIX. Februar. Exsequiæ Domini Comitissæ PALATINI in Ecclesia *Bicsensi*, honorifice admodum, liberaliter & ornatissime peractæ.

Die XV. Martii. Illustrissimus Comes Dominus *Emericus Tburzo*, in Generali congregatione iuravit in *Nagy salu* (d) publice ad officium Supremi & Perpetui Comitissæ in *Comitatu Aruensi*.

Die XVII. Martii. Vitulus biceps, & cum duabus caudis, in *Svvyinna* natus. Dii tale auertite monstrum!

Mense *Iulio*. *Adamus Venceslaus*, Dux *Tessinensis* mortuus.

Die XXI. Augusti, & sequentibus. In *Semphre*, (e) cum Domino *Stanislao Tburzo*, ratione possessionis (f) *Gaidl*, & oppidi *Paztób*, Illustrissimus Dominus Comes *Emericus Tburzo*, conclusit negotium, cui interfui: similiter & de decima tractus *Rayeczensis*, *florenor* LXXV.

Die XXIX. Augusti, & sequentibus. De territoriis *Porubensibus* finaliter determinatum, quibus pariter interfui.

## Anno MDCXVIII.

Die XXV. Februarii. Nuptiæ Magnifici Domini *Michaelis Vizkelety*, cum Comitissâ *Maria Tburzo*, *Bitschæ* feliciter celebratæ.

Die I. Iulii. Viuente adhuc MATTHIA Imperatore & Rege, FERDINANDVS II. primo in *Bohemia*, nunc in *Hungaria* Regem electus, & coronatus. (g)

Mense Octobri. Cometa grandis, & nostro seculo vix visus, ab oriente solstitii autumnalis procedens, ad occasum, per noctes aliquot tendebat; adeo inquam grandis, ut dum supra arcem *Bicse* appareret, cauda sua totam aream arcis superuestiret.

Die XV. Nouembris. Illustrissimus Comes, Dominus *Emericus Tburzo*, cum Illustri ac Magnifica Virgine *Cristina Nyáry*, magni illius olim *Hungariæ* *Achillis*, *Pauli Nyáry de Bedegb*, supremi præsidii *Varadiensis* Capitanei

d) Oppidum est in *Comitatu Aruensi*, *Slavis Welkáuvefs*. quod illic descriptum leges.

e) Arx est, *Comitatus Nitriensis*, occidentali Vagi ripa, sex milliaribus, *Pisonio*, in ortum æstiuum seposita, *Tomo IV.* p. 388.

f) Loca sunt *Comitatus* itidem *Nitriensis*. *Tomo I.* p. 443. num. 72.

g) Inaugurationis eius solemnia, luculenter descripsit, *Petrus de Réva*, *Centuria VII.* p. 1. 33. seq. *Kheuenhillerus*, *Annalium Ferdinandeorum* *Tomo XI.* initio. Et nos, in *notitia Hung.* *Tomo I.* pag. 302. §. XIV. seq.

h) De



pitanei &c. filia, in oppido *Helmech*, nuptias (h) feliciter celebrauit. Tandem XXVIII. *Novembris* ad *Bicse* sospes rediit.

Anno MDCXIX.

Die IX. *Februarii*. Magnifica Domina *Barbara Prinj*, primo *Emerici Czobor*, mox *Nicolai Derseffy*, tandem *Andrea Osztrosith*, Magnificorum, consors, placide animam CHRISTO redemptori suo reddidit *Cassovia*. Sepulta in *Nagyida*.

Die XX. *Martii*. Hora IX. pomeridiana, MATTHIAS Imperator, Rom. Germaniæ, Hungariæ, Bohemiæ Rex &c. &c. annis vix decem rerum potitus, vitam cum morte, & imperium terrestre, cum cælesti gloria, commutauit, (i) *Vienna Austria*. Nota hic horrendum, qui præcesserat, cometam.

Eodem *Mense*, *Ursula Derseffy*, primo, Magnifici condam Domini *Francisci Magóchy*, tandem *Nicolai Eszterházy* coniunx, moritur.

Die XXVII. *Maii*. Sua Celsitudo *Emericus Thurzo*, ad diætam *Posonium* descendit.

*Mense Septembri*. Dum prius *Bobemia*, *Moravia*, & vicinæ prouinciæ, bello intestino concuterentur, tandem, Illustrissimus Princeps *Transilvaniæ Gabriel Bethlen*, per regnicolas (k) inuocatus, in *Hungariam* venit, cuius conatus, quales successus habuerint, sequentia docent.

Magnificus Dominus *Sigismundus Balassa*, (l) ex captiuitate *Posonien*si, in qua ab anno MDCXVI. hæserat, dimissus, in arcem suam *Beszterczæ*, incolumis rediit, XIII. Sept. MDCXIX. qui tandem in *Februario* Anni MDCXVIII. moritur.

Die XIV. *Octobr.* Militum Cæsarianorum, in ciuitate *Posonien*si, per *Haydones* cæli, (m) vltra *Mille trecenti*.

Die IV. *Novembr.* FRIDERICVS, Palatinus *Rheni*, & Elector, in Regem *Bohemiæ* (n) coronatur *Pragæ*.

Ccccc 2

Circa

h) De harum celebritate, ad inuidiam vsque exaggerata, scite P. Kazy, nuperus scriptor: *Memorabiles sunt Emerici Thurzonis nuptiæ, regia prope pompa celebratæ. Quingentos armatos equites, pedites centum, ad spectaculum instruxit, totamque pene Hungariæ nobilitatem, in tres, ac sexaginta currus collegit. Cum hoc comitatu, ad magnificentiam dignitatemque adornato, Helmeccium, prouinciæ Zemplinensis oppidum, inuectus, nuptiarum solemnia inchoauit; Tokay triduo, Bitla denum, vno admodum mense celebrauit. Hist. Hung. Lib. II. p. 143. quem locum, in arcis quoque Bitschenensis historia dedimus, Tomo VI. in Comitatus Trentsinensis designatione, Partis Spec. Memb. I. sect. I. de Arcib. Processus Super. num. IV. §. VI. exhibendum. Fuimus Troes!*

i) Confer laudatum FRANCISCVM KAZY, Hist. Regni Hung. Lib. II. p. 144. vbi characterem MATTHIÆ, paucis expressum verbis leges.

k) Laudatus nunc, KAZY eius molitionis architectos, *Hieroslaum Zmeskal*, *Georgium Rákoczium*, *Franciscum Perény*, *Georgium* item *Szétsum* fuisse, ait, Lib. III. initio, quem lege.

l) Nauauit postea operæ nonnihil *Ferdinando*, aduersus *Bethlenium*. Ita KAZY: *Sigismundus Ballassa, quo faciliorem in gratiam Ferdinandi, reditum haberet, in arcem suam Vagh-Beszterczensem se recepit, & Bethlenianis hostem se præbuit. Plures nobiles viros, factioni adhuc adhærentes, sui quam maxime securos, intercepit, ac in arctam custodiam tradidit. Lib. III. p. 191.*

m) Dux horum *Tieffenbachius* fuit. Funestam cladis mentionem, videsis Tom. I. p. 171.

n) Plena, de hac tragœdia, apud scriptores sunt omnia. quæ hodie ibidem iudicatur denuo, iam iam iisdem euentibus terminanda.

o) Lau-



Circa XXV. Nouembris. Georgius Homonnay, ex Hungaria in Poloniam profugiens, cum Kosacis, partes superiores regni, circa Makowiczam, Bartpham, Cassouiam, & Nagy Idam, (o) vastat. Exitum ejus vide infra.

## Anno MDCXX.

Die XVIII. Ianuarii. Diæta Posoniensis, per Gabrielem Betblen indicta; sed factis ad diem usque S. Michaelis Archang. cum Ferdinando Imperatore induciis, soluta.

Die I. Febr. Ex improviso, Kosacones, circa Teschbinium, in Silesiam transeunt, & eam vastant.

Die I. Martii. Magnificus Dominus Stephanus Thököly, Dominus in Keszmark, feliciter celebrauit nuptias, cum Magnifica virgine, Catharina Thurzo, perpetua Comitissa de Arua, Byttschæ.

Die XXI. Iunii. Intoxicatus, uti creditur, Georgius Homonnajus, exsul in Polonia, (p) diem obiit, anno proxime elapso, superiori, Hungaria, cum Polonis, & Kosacis, grauis atque luctuosus.

Die XXV. Iunii. Phalanx Kosacorum, Ferdinando in suppetias veniens, Solmensium suburbium incendit, oppidanos circiter LXXX. misere trucidat, opes diripit. Quorum tamen plurimi in Vago submersi, alii passim, per vias cæsi, pauci ad locum destinatum, peruenerunt.

Die XX. Augusti. Post continuas pluuias, tam horrenda eluuio aquarum est secuta, qualis circa Vagum, & fluuium Zilinka, a memoria non fuit hominum.

Die VIII. Octobr. Henricus Du Val, Comes à Tampiero, partium Cæsarianarum strenuus dux, sub Posonio, sclopetario globo traiectus, tandem decollatus, tragicum vitæ suæ habuit exitum. (r)

Mense Nouembri. FRIDERICO Rege Bohemiæ, cum corona, in partes Silesiæ versus Vratislaviam descedente, Praga, per Buquoy capta est.

## Anno MDCXXI.

Die XIV. Februarii. Hora XXII. noctis antecedente, nata est Illustrissimo Domino Comiti Emerico Thurzo, filia primogenita, ex Illustrissima ac Magnificentissima Domina Christina Nyáry, in arce Létháva, quæ tandem, die XXI. eiusdem mensis, nomen Elisabethæ in S. Baptismate feliciter sortita est. Viuat DEO!

Mense Majo. arx Posoniensis (s) Cæsarianis dedita.

Breznobanyenses, (t) per Georgium Zécby cæsi.

Petrus, & Franciscus Balassa, repente mortui.

Die

o) Laudat facinus, Kazy, loco citato p. 172. tamquam, a iusto zelo profectum. quod non moramur.

p) Exstat honorarium eius monumentum, Tyrnaviæ, in æde S. Nicolai, quod P. Kazy exhibet ibidem, p. 189.

q) Historiam explicatiorem, lege apud laudatum toties KAZYVM §. I. p. 177.

r) Meminimus, hunc viri fortissimi, occasum, Operis nostri TOMO I. Hist. Urbis Posoniensis Cap. IV. §. XXVIII. p. 239. funus autem a BETHLENIO, ritu militari curatum §. seq. p. 240. iteratumque postea a Cæsare.

s) Ibid. §. XXXI. p. 244.

t) Urbicula est Libera Regiaque, in Comitatu Zolienfi, TOM. II. p. 443. designata, iam, ære alieno, propemodum ad incitas redacta.

u) Con-



Die X. Iulii. Comes a *Buquoy*, famosus dux exercitus Cæsariani, ad *Ujvárinum* (u) interfectus.

Die XXVI. Iulii. Spectabilis ac Magnificus Dominus *Sigismundus Forgách*, Regni Hungariæ Palatinus, debitum naturæ soluit *Tyrnavia*.

Mense *Augusto*. Magnificus Dominus *Moses Szunyok*, (vv) Lib. Baro Budyetini, *Bruna* Morauorum, excessit e viuis.

Die XXVI. *Augusti*. Magnificus *Christophorus Erdödy*, Viennam rediens, moritur. A. ætatis XXXVII. die 21. *Novembr.* *Tyrnavia* sepultus.

Eodem Mense. Tractatus in negotio pacis *Nicolspurgi* institutus, ad quem feliciter continuandum, Illustrissimus Comes, Dominus *Emericus Thurzo*, (x) a parte principis *Bethlen* designatus, profectus *Nicolspurgum*. Ibidem:

Die XIX. *Octobris*. Hora V. matutina, annum ætatis XXIII. ingressus, immatura morte e viuis sublatus: tandem in sacello arcis *Arua*, die XIX. *Januarii*, anni sequentis, MDCXXII. sepultus. Cui ego hoc Epit.

IN SILENTIO ET SPE.

*Exuvias EMERICE tuas hæc excipit urna.*

*Mens paradisiacis læta perennat agris.*

*Maxima THVRZONVM generis lux, gloria, mæsta*

*Solamen matris, CONIVGIS atque piæ:*

*Nutantis columen PATRIAE & velut alter Achilles,*

*Concidit beu! prope morte, dolete PII!*

*Templa, scholas, Ciues, hunc deseruisse Dynastam:*

*Lætitiæ omnis abest; luctus at omnis adest!*

Die XII. *Decembr.* Duce *Mepso Egri*, castellano *Varadiensis*, circa *Opaniam* ad 500. Cæsariani cæsi promiscue.

Hoc eodem anno, eluuiiones aquarum maximæ, septenis vicibus segetes corrumpentes, famem & summam annonæ caritatem, permissu superum induxere. Moneta *Ledenfis* passim in vsu fuit.

Anno MDCXXI.

Die XIX. *Januarii*. Post peractas, prænominati Domini Comitis *Emerici Thurzo*, funebres ceremonias (y) Illustrissima Domina Comitissa *Elisabetha Czobor*, relicta Illustrissimi Domini Comitis Palatini *Georgii Thurzo*, vidua, die XXII. huius, per Comitatum *Aruensem*, (z) nemine reluctante,

D d d d d

in

u) Consule de hac eius cæde, *Iulium Bellum*, Historiar. sui temporis Lib. V. p. 452. b.

vv) Primus hic titulum *Liberi Baronis* familiæ proprium fecit. *Brunam* is fugerat, ne parere iterum *Bethlenio* cogeretur, *Tyrnavia* in *Novembr.* sepultus.

x) Male iam tum valuisse *EMERICVM*, dum isthuc proficisceretur, hausisseque in ultimo *Bethleniano* epulo, dum *Tyrnavia* moueret, venenum, idonei auctores perhibent. Vide, Operis nostri Tom. I. Hist. Urbis *Pisoniensis* Cap. IV. §. XXXIII. p. 247. Et Hist. arcis *Aruensis*, §. XXXII.

y) In arce nimirum *Aruensi*, sicuti notauimus loco nunc citato.

z) Meminimus, inusitatam rem, in Hist. Comit. *Aruensis*, parte Generali, Membro posteriori Politico, §. IX. exemplo *MARIAE*, viduæ *Ludouici*, addito, quæ *Mosoniensis* prouinciæ, a *FERDINANDO I.* Suprema Comes, anno MDXXVIII. creata fuit, Tomo VI. Et in Hist. Comit. *Mosoniensis* suo loco.

*Decad. I. Monumentum VIII.*

a) Lau-



in *Supremam ac perpetuam Comitem* eiusdem Comitatus *Aruens*, electa & confirmata est.

Conditiones *Pacis Niklspurgensis* publicatæ; *Bethlen* regno cessit.

Die XXV. *Martii*. Enixa est Domina *Christina Nyáry*, relicta condam Domini Comitis *Emerici Thurzo*, partum posthumum, cui *Christina Thurzo*, in sacro Bap̄tismate nomen inditum est.

Die I. *Maii*. Diæta Soproniensis, per suam Maiestatem Cæsaream indicta, celebrari cœpit. Constitutiones exstant.

Die V. *Iunii*. Dominus *Petrus de Réva*, sacrae Coronæ Regni Conferuator moritur *Trentschénii*. (a)

Die XXIII. *Octobris*. Nuptiæ Magnifici Domini *Ioannis Szunyogh*, cum Illustri virgine *Anna Thurzo*, perpetua Comite de *Arua*, *Bicsæ* celebratæ & faustiter peractæ. Laus Deo!

#### Anno MDCXXIII.

Mense *Februario*. Magnificus Dominus *Sigismundus Balassa*, mortuus.

Die XXVI. *Octobris*. Magnificus Dominus *Andreas Jakvsith*, hora VI. vespertina, placide animam Domino DEO creatori suo, reddidit, die XII. *Novembris*, in *Prusko* sepultus.

*Excimâ quondam clarus VIRTUTE FIDEQVE.*

ANDREAS JAKVSITH, mole sub hacce iacet.

Nobile STEMMA suum illustrauerat INCLITA coniux.

Nata PALATINO, JVDITHA THVRZO Patre.

Quatuor hac illi NATOS & FILIOLAS sece

Produxit casti, germina chara, thori.

Liuida parca quidem corpus prostravit; at idem

In CHRISTO vitam, nam bene vixit, habet.

#### Anno MDCXXIV.

Die XIX. *Ianuarii*. Nata est Magnifico Domino *Ioanni Szunyogh*, ex Domina Comitissâ *Anna Thurzo*, consorte sua, dilectissima filia, in arce *Létbana*, cui die XXI. huius, *Anna Elisabethæ*, in sacro baptismo, nomina indita sunt.

Mense *Martio*. Dominus Comes *Thomas Erdödy*, in *Slauonia* mortuus.

Die VI. *Martii*. Tonitrua *Viennæ* turrim S. Stephani & altaria aliquot, concusserunt.

Per totam hiemem, vix vnquam memoranda niuium copia durabat. Feræ, præ nimia pabuli inopia, emoriebantur. Cerui fame pressi, in villas aduentabant. Festum *Paschator*, contra naturam; niuib; prægrandibus, non floribus vernalibus, ornatum celebrauimus. Omnia obriguerant, brumis & gelu. Quæ niues demum circa X. *Aprilis* solutæ, liquefcere cœperunt.

Die XVI. *Aprilis*. Annulorum commutatio, inter Dominum *Nicolaum Eslerbázy*, & Dominam *Christinam Nyáry*, relictam, Illustrissimi Comitis

a) Laudes eius lege apud KAZYVM, Lib. III. p. 201.

b) Op-



tis *Emerici Thurzo*, viduam. Dein XXI. *Iulii*, nuptiæ, in *Suesan* (b) celebrantur.

Die VIII. *Maii*. Generalis amnistia, per Imperatoriam Maiestatem omnibus delinquentibus facta.

Die V. *Iunii*. *Kozakones*, ex *Moravia* venientes, *Vjbelinum* (c) ad *Vagum*, misere vastant, ad minimum, utriusque sexus Christianorum D. horribiliter trucidant: *Præpositum* eius loci, in captiuitatem abducunt, ex qua, perfoluto lytro, eliberatur.

In *Februario*. *Sigefridus* a *Kolonitsch*, moritur *Lena*.

Die XII. *Martii*. *JOANNES GEORGIVS*, Dux *Carnovia*, & *Iagendorf* fi, sub præsidio *Bethlenii*, *Leutschouix* moritur.

APPENDIX AD ANNUM MDXCIII.  
EXEMPLVM LITTERARVM

SERENISSIMI ARCHIDVCIS MATTHIAE  
ad *Hassan Bassam* Budensem. (d)

**D**Vbium nobis non est, quin & antea, & iam aliquoties intellexeritis; quanta instantia, quantis postulationibus & requisitionibus, tum per litteras, tum per oratorem suum, Constantinopolim destinatum, *Cæsarea Maestas*, & frater nobis obseruantissimus, in porta summi Imperatoris vestri, sicut & apud eiusdem *Vezirios*, institerit, ut *Bassa Bosniensis*, hostilitates, direptiones, irruptiones, incendia, occupationes præsidiorum suæ Maiestatis, iam inde a tempore prærogatæ pacis, hoc est, ab anno MDXCI. sine vlla legitima causa, contra datam pacem, sanctam eam, ac a vestro Imperatore confirmatam, fidem & iusiurandum, intentatas, debito modo compellerentur; isque, tanquam auctor periurii ac perfidiæ, ab officio remoueretur, puniretur, & ablata restituerentur. Id tamen tantum abest, ut a *Sua Cæsarea Maestate*, obtentum, & iustissimis atque æquissimis eius postulatis, locus sit datus; ut etiam, dicto illi *Bassæ Bosniensi*, sicuti comperitissimum habemus, quodammodo de felicibus & auspiciis eius successibus, muneribus amplis missis, congratulatum, intentiones ac progressus eius laudatos, atque is, in proposito, missis etiam aliunde auxiliis, corroboratus fuerit; in tantum, ut antecessores etiam vestri, præsertim *Mehemet Bassa Budensis*, (e) tantam, & tam apertam perfidiam excusare, & *Cæsareæ Maestati*, si quid contrarium moliretur susciperetque, apertas minas intendere ausi fuerint. Cum vero nunc demum, post iniquissime occupatum *Vibeczium*, *Hratzoviczam*, ac reliqua multa præsidia suæ Maiestatis, & iam in suæ Maiestatis indisputabili territorio, existentia, quorum restitutio, adhuc ab Eodem iustissime vrgentur; etiam ad occupandum *Siscium*, cum IX. *Begis*, ac sex armatorum millibus, traiecto flumine *Collapi*, in ditione *Maestatis*

D d d d d 2

b) Oppidum Comitatus *Thuroczienfis*, Tomo II. p. 328. descriptum.

c) Recognouimus eandem hanc ciadem, Tomo IV. cum oppidum illud designaremus, p. 462. seq.


d) *HASSANIS* huius historiam dedimus, Tomo III. in Designatione Budæ, Periodo I. §. XLIII. p. 337.

e) *Habes*, & latronis istius mentionem, ibidem, §. XLI. p. 331.



*statis Sua*, longe lateque processisset, idque castrum & fortalitium, aliquot diebus, multis tormentis bellicis, maximaque suorum vi adhibita, oppugnasset; tandem, superueniente militum nostrorum exercitu, iustissimo DEI, (omnis perfidiæ ac periurii ultoris,) iudicio, ad internecionem usque, concisum, & profligatum esse, iam vobis sine dubio etiam innotuit. Et id vobis propterea significamus, ut rem eam gestam, Serenissimo Imperatori vestro significetis, & ipsimet etiam iudicare possitis; an non homo ille perfidus, ac publicæ pacis violator iniquissimus, neque ullam DEI ac hominum rationem habens, quasi ante ipsam portam arcis *Siscia*, in ipsa promodum expugnatione, inter *Sauum* & *Collapin*, nostros duplici ac numerolissima acie expectans, iustissimas suæ perfidiæ pœnas luerit. Quicquid igitur a nostris, pro officio suo debito, in defensionem ac propullationem tot iniuriarum ac maleficiorum, contra dictum *Bassam Bosniensem* factum exstat, & forte adhuc suscipietur, *Sua Cesarea Maiestati*, nec *Nobis*, vlllo modo, (qui toties pro publica pace, pro data fide, & iuramento obseruando, tot adiectis iustis conditionibus, ac pollicitationibus nostris, nimirum, nihil hostile attentaturos esse constituimus) culpa vlla; sed dicto *Basse Bosniensi* imputari potest ac merito debet: sicut & in posterioribus litteris Nostris, ea de re prolixam, & amplam mentionem fecimus. Nos quidem, qui munera honoraria, iam sub manibus nostris in promptu habemus, eaque intra paucos dies, hinc expedituri sumus, pacis quam maxime studiosos esse, & imposterum futuros, dummodo, ut vestri in officio ac intra limites suos sese contineant, adhuc affirmamus. Quod si vero id minime obtinere poterimus, & in contrariam partem, & a Nobis Vestratibusque vlllo modo hostile quid susceptum, & sic munera honoraria rursus impedita, hic remorata fuerint; *Sua Maiestas*, nec *Nos*, nostris rebus deesse poterimus. Atque in eum casum protestatum volumus, *Nos* semper ad salutarem pacem, & adhuc inclinatissimos, nullam; sed vos vestrosque eius rei causam & ansam dedisse. Quæ vobis, hac data occasione, perscribenda esse censuimus. Quibus alioquin benigne propensi sumus.

Data Viennæ 25. Iunii Anno MDXCIII.





DAVIDIS FRÖLICHII

Cæsarei per Hungariam Mathematici

PRODROMVS

*Maioris Chronici*

HUNGARIAE.

Ex Germanico Latine redditus, atque nunc demum  
luce donatus.

*Accessit*

APPENDIX EPISTOLICA

De

ORIGINE HUNGARORUM.

EXCERPTVM

*Item*

*De Migrationibus Hunnorum in Americam.*

DECADIS I. MONVMENTVM IX.




Excellentissimo, Reuerendissimo  
*Atque*  
Illustrissimo  
DOMINO DOMINO  
GABRIELI ANTONIO,  
*E Comitibus*  
ERDÖDY de MONYOROKEREK,  
Episcopo Agriensi,  
Montis Claudii, & Comitatum Varasdiensis Per-  
petuo, Heuesiensis vero, & Exterioris Szólnok, Supremo  
Perpetuo Comiti, Abbati S. Georgii Militis & Martyris de Ják;  
SACRAE REGIAE MAIESTATIS  
Actualis Intimi, & Regio-Locumtenentialis  
Consilii Consiliario,  
*Domino Gratosissimo,*  
DAVIDIS FRÖLICHII  
PRODROMVM HVNC,  
*Tanquam Pietatis suæ exstans*  
MONVMENTVM  
*In laudatissimum quondam*  
Præsulem Agriensem,  
*Consummatissimo iure, animo & verbis eiusdem,*  
*iterum Sacrum nuncupat*

Deditissimus

MATTHIAS BEL.





REVERENDISSIMO

Atque

ILLVSTRISSIMO

DOMINO

D. GEORGIO LIPPAI,


DE ZOMBOR,

Episcopo Agriensi, Comitatum Heves & vtriusque Szolnok,  
Perpetuo Comiti, S. C. R. M. Consiliario intimo, & per  
inclitum Regnum Cancellario, &c.

DOMINO PATRONO SVO GRATIOSISSIMO.

S. P. D.

Auctor.



Olet natura igniculos quosdam in hominum gene-  
rosos animis abscondere, quibus incensi ad antiqui-  
tatis admirationem, nescio quo impetu, feruntur.  
His stimulis & ego agitated, antiquitates Patriæ  
dulcissimæ, quoad origines & migrationes populorum vario-  
rum, in primis Germanorum, eam vel antiquitus, vel hodie  
inhabitantium, in hocce codicillo, quasi in speculo, exhibe-  
re volui. Duo autem fuere, quæ me, Historiam hanc medi-  
tantem, diuersis cogitationibus distractum, diu ancipitem de-  
tinuere. Studium primum erga patriam, natura omnibus in-  
situm: argumenti dein ad hanc dissertationem pertinentis, ino-  
pia & raritas. Vt enim illud animo, in hanc rem propenso,  
acres subiecit stimulos: ita hæc, dignum quid, & patria, & eru-  
ditorum oculis, efficiendi, omnem facultatem atque viam de-  
negare visa est. Patriæ namque, (quæ ortus nostri partem si-  
bi vendicat) posteritatisque contemplatio, inuitarunt facile,  
vt, quæ de maiorum nostrorum origine alibi exstarent, ab inte-  
ritu obliuioneque vindicarem: cetera vero, vel minus obuia,

Eeeee

vel



vel densissimis vetustatis tenebris obsita, in memoriam, lucemque, quantum meæ vires ferrent, reuocarem. Maiores enim nostri, viri boni potius esse, quam celebrari malentes, huic rei minime incubuisse, videri possunt; ut si quid cordatius verbo factoque, apud eos contigisset, id scriptis continuo in totum euulgarent orbem; quemadmodum *Græcos*, atque *Latinos*, quantum in ipsis fuit, factitasse cernimus. Hinc nostrorum pleraque virtutis ac sapientiæ exempla interciderunt; nisi paucula forte, quæ de posteritate magis solliciti homines, litteris mandarunt: quo nomine nos, aliis politioribus gentibus, *barbari*, *rudes*, *rerumque ignari*, visi sumus. Sed & multa, de exactorum seculorum rebus gestis, litteris commendata, *Turcarum*, *Tartarorum*, *Hussitarum*, & *Hussaronum*, expilationes, sustulerunt, nec non dirissimæ incendiorum voragines, absorpserunt.

II. Possem hic eorum quoque (\*) invidiam incusare, qui, si quæ a maioribus notata habent, sine omni usu, vel in archivis, vel bibliothecis delitescere, situque obduci; quam in patriæ ornamentum, multorumque utilitatem, a me publice & priuatim requisiti, proferre malunt. At, diu multumque, sub variis eiusmodi difficultatibus fluctuantem, ingenitus, atque residens in patriam affectus, me tandem impulit, ut si quid hic ingenio atque labore effici posset, id ipsi omne impenderem, nec ista, quamquam tenuia, perire sinerem. Hac autem ratione, in primis viam mihi ad *Pannoniæ Chronologiam*, a me ad umbilicum iam perductam, sternere, & virium, quorumcunque mearum (de quibus nonnulli nostrates plus æquo diffidunt) periculum facere, simulque eorum, qui candidi rerum æstimatores sunt, iudicia, & si quæ operi Chronologico locupletando opportuna, hinc inde latitarent, elicere, atque ita, *PRODROMVM* hunc præmittere volui.

III. Ceterum illum nemini convenientius dicari posse, vel debere, iudicaui, quam Rev. Illust. TVAE: quæ, ut *Liberatum*, sic & *Antiquitatum* patriæ est studiosissima, amantissimæque, diuina insuper & humana scientia excultissima, a pietate-

\*) Eadem, nostra ætate, aut certe iniquior, luditur fabula. quod equidem, in honestissimis moliminibus, patriæ causa susceptis, sexcentis documentis, magnoque studiorum meorum impedimento, condidici. Sed, *littus aramus*, cum ista querimur; alioquin, *Iliada* querelarum, in hanc hominum nostrorum inexpugnabilem duritiem, scribere, proclive foret.



tate, morum suauitate, & integritate laudatissima, omnigena experientia, iudicii dexteritate, sapientia, ceterisque virtutibus, ad stuporem usque, a DEO, singulariter dotata: hinc non immerito *Sac. Cæs. Reg. Mai.* præ cunctis Regni Hungariæ proceribus, atque consiliariis ea est charissima. Beatam igitur fore nostram Hungariam existimo, si quando quam plurimos Reuerendiss. Illustriss. T. persimiles viros sit habitura. Sed vouendum istud potius, quam sperandum! Accessit, Reuerendiss. Illust. D. TVAE patrocini hactenus pro me gratiose suscepti, beneficiorum in me collatorum, potissimum autem apud *Sacram Cæsaream Regiamque Maiestatem* commendationis & promotionis studiorum meorum, iucundissima memoria.

IV. Proinde, pauculas hæc pagellas, meæ humilimæ, gratæque erga R. I. T. obseruantia testes certissimas, ut EA sereno vultu suscipere, me, meaque pressa studia, suo & imposterum patrocinio gratiose complecti, & *Sac. Cæs. Reg. Mai.* meos qualescunque in patriam & rem litterariam conatus, commendare dignetur, infimis precibus oro, obtestorque. Faxit optimus ille maximus, malorum omnium auerruncus, ut Christiana Ecclesia, respublica, & litteraria, *Reuer. Illust. TVAE* consiliis, diu salua maneat, Ipsamet valeat, viuat, diuturnior clientulorum recreatrix, quam maturior cælitum comes, Eius insuper virtutes laudentur seculis innumerabilibus! Dabam *Cæsareopoli Gepidiæ Hungarorum*, sub ingressu solis in *Scorpionem*, Anni Christiani MDCXLI.

REUERENDISSIMAE ILLUSTRITATIS TVAE

Clientulus deuotissimus

DAVID FRÖLICHIVS,  
Cæsareus Mathematicus.





Lectori.

S. P. D.

Editor.

**D**AVIDIS FRÖLICHII Prodrumum hunc, in Adparatum nostrum adsciscere placuit: tum, quod maioris, uti nuncupatoria epistola testatur, operis Chronici, lineas quasdam exhibeat; tum, quod primus, ad eam usque, qua vixit, aetatem, inter nostros homines fuerit, qui profundius vestigatis, Germanorum, iuxta & Hungarorum, per Pannonias, originibus, lucem rebus nostris nitebatur adfundere. Tamen si enim, non defuit patriæ suæ, M. JOHANNES THVROTZIVS; & qui eius Chronica, subinde ultra omnem modum exaggerat, ANTONIVS BONFINIVS; tamen, ita in toto eo negotio versatus uterque est, ut præter manifestas fabulas, auitis plerumque, & a reliqua historia, dissonis auditionibus, vel adhæserint, vel eas quomodocunque interpolauerint.

II. Neque vero vadimonium obierim, utrum semper accurate, & ad fidem faciendam idonee, in hoc suo Prodrumo, versatus sit FRÖLICHIVS. Non potuit enim non deerrare a vero, cum Getas & Gothos suos, eosdem perpetuo populos fecit, & utrorumque actus, expeditiones, bellaque, permiscuit: id tamen præstitit, ut gentium, cum omnium, tum, quæ Pannoniam, & regiones ei connexas, primitus inhabitauerunt, emigrationes, non ex Scandinavia, cum JORNANDE, & huius sequacibus; sed ex oriente, quod & sacræ paginæ faciunt, arcessuerint. Atque, utinam eodem tramite instrisset continenter, neque, seu BEROSVM, seu audaculos coniectatores alios, suam in rem vertisset; maius profecto fecisset operæ pretium. Quidquid eius sit, sparsit omnino bonus hic noster, in toto hoc opusculo, ea, priscae historiæ vestigia, quæ non potuerunt non, reliquum laborem, saltem præcipua sui parte, scriptoribus Hungaricis, qui eum ætate antecurrunt, multis modis, & luculentiores fecisse, & adcuratiores.

III. Illud doleas, egregium, atque omni prædicatione maius ceptum, antequam Minerua propitia, in lucem emergeret; vel, in auara docti cuiusdam Euclionis scrinia, defossum; vel, quod nunquam dedolueris, ad turpia ministeria collaceratum fuisse: communi id lucubrationum eruditæ malo; ubi auctoribus, ex improviso, letalis somnus incubuit; sed nobis tamen Hungaris, quod iterum dolenter querimur, ita proprio, ut nulla id cura, studio ac providentia nulla, possit auerruncari. Funesta sunt, sed commemoranda omnino, ad retentandam, ab iniuriis istiusmodi, posteritatem, exempla: JANI PANNONII; NICOLAI OLÁHI, JOHANNIS MICHAELIS BRVTI; ANDRÆAE DVDTII; STEPHANI SZAMOSKÖZY; LEONHARDI VNZII; AMBROSII SIMIGIANI; THOMÆ BOROS; PETRI ÖRMÉNY; FRANCISCI MIKO; JOHANNIS CSINDI; FRANCISCI FORGÁCH; NICOLAI GABELMANNI, JOHANNIS BOCATII; MICHAELIS MAYTÉNY; CASPARIS BÖYTINI; SAMVELIS GRONDZKII; VOLFFGANGI BETHLEHEN; MELCHIORIS INCHOFERI; CONRADI SPEERVOGEL; DANIELIS TVRKVS; CASPARIS HEYN, KOLII item: & quis recensendo prosequatur reliquos? quorum singuli, aut iustos annales condiderunt; aut singulares bellorum obsidionumque euentus, & res patriæ, cum ciuiles, tum ecclesiasticas, retulerunt in litteras; non alio, quod sanguineis lachrymis querere, successu, quam ut fatorum, an hominum potius inuidia atque malignitate, hucdum pleraque æternis tenebris sepulta maneant.

IV. Eadem profecto, si non iniquior fortuna, perductum ad umbilicum, opus FRÖLICHII, cuius nunc Prodrumum, ex Germanico latine factum, protrudimus, viuo adhuc auctore, mansit. Quod ipse querule fatetur alicubi: fusiolem, inquit, & adcuratorem huius regni, (Hungariæ) descriptionem, mea Chronologia Pannoniæ (quæ ex defectu Patroni, hætenus cum blattis & tineis rixas mouit, nec in lucem prodire valuit) suppeditabit. Vnde colligere est, quam auctore satis concedente, laboriosissimi iuxta & utilissimi operis, fortunam fuisse oportuit: nempe, sub umbras iuit, vix unquam, nisi



nisi cum chaba redierit, in lucem reuocandum. Ego certe, omnem moui lapidem, uti tumulum saltem, Frölichianarum lucubrationum, potuissim indagare; quod sperabam, erudaturum me inde, chartarum quidpiam, quo, & me ipsum solarer, & publico, eruditorum desiderio, satisfacerem; sed, laterem laui. Proinde, sarcinda, tanti operis iactura fuerat, hisce paginis, ne & ea,

Irent obscuræ per umbram.

Inscripsit eas auctor: Der uhralte Deutsch-Vngerische Zipserische und Sibenbürgische Landsmann; das ist: Vorlauffer der neuen Ungarischen Chronic. (\*)

V. Ad ipsum FRÖLICHIVM, quod adinet, non habemus de eo plura dicere, quam, quæ congeffit DAVID CZVITTINGERV, dum eius vitam, & scripta, (\*\*) expromeret. Fuit nimirum patria Kelmarmensis-Scepusius, Mathematicis disciplinis, eo usque innutritus, ut a FERDINANDO III. Imperatore, & Rege Hungariæ, in Cæsareum per Hungariam, Mathematicum, egregio honoris vocabulo, adscisceretur. Vir omnino impiger, patriæ, quod videre est, vnice studiosus, & non vulgariter in omni scientiarum genere, versatus. Cecinit has eius laudes, ABDIAS TEÜ. (\*\*\*) quas hic recitauisse, nihil piget:

Posse Mathematicum non artibus esse peritum  
In reliquis, Momo credula, turba putat.  
Tu vero Lector, præsentem hunc adspice librum,  
Nam te longe aliud littera quæque docet.

Theologum, Historicum, Linguis catum, & arte Sophorum.  
Cernes, & Medicum, denique Iuridicum.

Mutua nempe sibi coniungunt brachia Musæ,  
Nec nisi iuncta aliis aduenit vna viro.  
At tu nunc reliquis etiam artibus esse politum,  
Posse Mathematicum, liuida turba nega.

Tu LECTOR benevole! hoc, quantillumcunque est, quod TIBI ab FRÖLICHII nostri profectum diligentia, in manus tradimus:

Accipito placide, plene & laudare memento.

Vtinam vero, integrum eius CHRONICON, TIBI offerre licuisset, fecissemus id sane, eo promptius, quo maius & obstinatius nobis, res patriæ iuuandi studium inse-  
dit. Vale, & languentibus Musis nostris, firmitudinem, ac diuturnitatem, bonus pre-  
cabere. PISONII, A. MDCXLII. VI. Cal. Septembr.

Fffff


PRO-

\*) Prodiit libellus *Leutschbonia* A. MDCXLI. forma quadrip.

\*\*) In specimine Hungariæ Litteratæ, p. 160. vbi scriptis eius adde: HEMEROLOGIVM in computum Ecclesiasticum, siue Calendarium perpetuum redactum, stylo tam nouo, quam veteri, & Cælo ac solo Pannonio accommodatum: principaliter autem, pro priuatis, cuiusuis necessitatibus, &c. destinatum. Barthæ, A. MDCXLIV. for. 4.

\*\*\*) Matheseos Professor Publ. Aldorfi. ibid. apud CZVITTINGERV, p. 161.

Decad. I. Monumentum IX.





# PRODROMVS CHRONICI HVNGARIAE.

## SYNOPSIS.

- Q**ua regione, quoue loco, primi mortali-  
um habitauerint? §. I.  
Ex quo genere veterum Pannonii Teuto-  
nes prouenerint? §. II.  
Quomodo, unde, & quando Getæ, seu  
Teutones veteres, in Europam venerint,  
quasnam prouincias primum in eadem oc-  
cuparint; & quam variis nominibus  
innotuerint? §. III.  
Numne omnes populi, qui in Pannonia o-  
lim confederunt, ex regiuncula illa se-  
ptentrionali Scandauia adpulerint? §. IV.  
Quid de peruulgata illa migratione Tuisto-  
nis, & XX. sociorum eius tenendum? §. V.  
Quomodo ex Oriente in Pannoniam, Ger-  
maniamque hodiernam, prisci Teuto-  
nes commigrarint? §. VI.  
Ex quam veterum gentium Transilvani  
Teutones, quos Saxones adpellamus,  
sint oriundi? §. VII.  
Quales populi olim Scepusium, vicinaque  
loca incoluerint, atque unde latina vox  
illa Scepusium, & Germana Zips, orta  
sit? §. VIII.  
Origo Teutonum Hungaricorum circa flu-  
men Danubii? §. IX.  
Vnde fuerint Teutones antiqui, intra mon-  
tes colentes? §. X.  
De veteri Scepusiorum migratione & bel-  
lis? §. XI.  
Quæ Dacorum sedes, antiqua illa, fue-  
rit? §. XII. ¶
- Origo Transiluanorum Valachorum. §. XIII.  
Quomodo Daci, aquilonem versus proceffe-  
rint. §. XIV.  
Discrimen Ostrogothorum, & Visigo-  
thorum, & ubinam utrique confede-  
rint. §. XV.  
Quinam populi inter Gothos antiquitus  
numerati sint, quoue modo Pannoniam  
inhabitarint? §. XVI.  
Quomodo gloriam indigenatus nonnulli sibi  
vindicerint. §. XVII.  
Quando, & a quo Hungaria, ante Scy-  
tharum aduentum, inhabitata, & unde  
sit Pannonia nominata? §. XVIII.  
Vetus Pannoniorum, & gens, & lingua  
Græcanica ex parte fuit. §. XIX.  
Qui, & quales populi peregrini, præter  
Pœones, in Pannonia confederint;  
quorum primi Judæi erant, & Israeli-  
tæ, deinde Romani, tum Vindi, &  
Slau: a quibus Slau: originem suam vo-  
lunt deducere; post Bulgari; hinc Si-  
culi, inde Hunni, a quibus ortus, &  
nomen Hungarorum; fabula item, de  
origine Hunnorum; & denique Auares,  
ficularum primi parentes. §. XX.  
Hungarici nominis etymologia. §. XXI.  
Vnde Hungari hodierni prouenerint, & u-  
binam primi Hungari interierint? §. XX.  
Quam varia, & inusitata nomina Hun-  
gari olim acceperint? §. XXIII.  
Cui bono, hæc, tam operose recognoscantur.  
§. XXIV.

*Quod numen diuinum auspicato fieri, Patriæ feliciter cedere,  
mibique omnis bonus bene, nec ullus malus male, ver-  
tere velit!*

### §. I.

*Qua regio-  
ne, quoue  
loco, primi  
mortalium  
habitauerint?*



Iuinæ tradunt litteræ, DEVM optimum maximum,  
humani generis primos propagatores, postquam  
eos creauisset, collocauisse in hortum Eden, seu  
Paradisum, quæ sane, earum orbis partium, quæ in  
orien-



(a) orientem spectat, regiuncula fuit, omnium amœnissima: completebaturque *Babyloniam*, seu *Chaldaeam*, & quæ in primis meruit nominari, *Auranitidem*, seu *Audanitim*. Postea, in vetita prolapsos, licet eiecerit DEVS ex horto *Eden*, positisque Cherubinarum excubiis, stricto ancipitique gladio, aditum, ad arborem vite, prohibuerit: tamen, in vicinia eosdem, agrum colere, atque cum sudore vultus panem quærere, herbisque vesci, permisit: circa *Damascum* (b) præsertim, quadraginta, vt quidam scribunt, miliaribus Hierosolymis distitam. Hoc itaque tractu, degebant primores nostri, horumque posterii nati, nepotes, pronepotes, qui occupatis deinde vicinis regionibus, tanta incrementa capiebant, vt non orientis modo; sed totius vniuersi, terram opplere, cuncta simul proteruia mortalium inundante. Sed quinam horum primi, regiones nostras, occidentales istas, tenuerint, nihil in literis sacris, nihil in profanis historiis, reperias. Deinde, diluuiob ob scelera, quæ nimium iam inualuerant, deletis primis mortalium, solus NOACHVS, cum filiis SEM, CHAM, & JAPHET, superuixit. Hic igitur, in *Armenia*, Hierosolymis, in septentrionem, centum quinquaginta miliaribus submotâ, defœuiente diluuiob, prope montem *Ararat*, Ptolemæo *Gordeum* dictum, in quo arca substitit, sedem fixit. Ex Noë filiis, noua iterum propago mortalium super orbem vniuersum, ex oriente progressâ, diffusa est; vti caput *Genesios* nonum, testatur. Postquam igitur *Semus*, Noë filius, in *Salem*, quod postea *Hierusalem* vocabatur, sedem posuisset, genus eius occupauit regionem versus *Mesa*, vsque ad *Sopbar*, iuxta montem orientalem. *Chami* posterii, ad quos & *Nimrod* refertur *Babylonius*, fines *Sidonis* tenuerunt, vsque ad *Sodoma*, *Gomorra* & *Lasa*. Insulas autem, terras gentium, suis singulas nationibus, linguis & nominibus distinctas, repleuit *Japheti* generatio, sicut *Genesis X.* recenset. (c) At, quum DEVS, *Babylonis*, grandem illam incolarum multitudinem, & cum nouandæ religioni, tum etiam turri, Deo inuito, exstruendæ, intentam, confusis linguis, diuisisque dialectis, dispersisset; Noë posterii, nouas iterum quærere cœperunt sedes. Et *Semita* quidem, FLAVIO, & reliqua historia teste, occuparunt ripas *Euphratis* in Asia, versus meridiem vero *Chamita* *Jordanis*, & *Nili* tractus, videlicet *Chanaan*, *Aegyptum*, *Aethiopiam*, *Libyam*, & reliquas regiones *Africanas*.

FFFFF 2

canas.

a) De PARADISI terrestris situ, eruditiora, solidioraque dabunt: STEPHANVS MORINVS, in Dissertatione de Paradiso, quæ est, cum mappa chorographica, operum T. I. SAMVELIS BOCHARTI Geographiæ sacræ, editionis recentissimæ, Lugduni Batauorum, A. MDCCXII. fol. maiori, præmissa. Ipsius præterea incomparabilis BOCHARTI, excerpta, ex Epistola, ad LVDOVICVM CAPELLVM, de eiusdem Paradisi terrestris situ, quas lector eruditus consulat.

b) Eandem Syrorum, opinionem a MORINO relatam legas, extremo loco laudatâ iam dissertationis, p. 71. vbi & de *Adami*, & *Eue*, sepulcris.

c) De Filiorum NOË posteris, nemo vnquam, siue scrupulosius, siue fufius, siue adcuratius differuit SAM. BOCHARTO, Geographiæ sacræ Lib. II. de *Semo*. Lib. III. de *Iapheto*. Lib. IV. de *Chame*.

d) A



canas. *Japbetitæ*, ad occidentem confederunt; partim in *Asia minori*; partim *Europa*: quamobrem *Japbet* complurium gentium *Europæarum* pater salutatur; *Teutonum* in primis, qui ab *Ascenate*, *Ascane*, *Tuiscone* dicto, historicis, ortum trahunt. (d)

## §. II.

Ex quo genere veterū Pannonii Teutones prouenerint?

**N**Equē uero ad hos *Teutones*, qui a *Japbeto* descendunt, referri omnino debent *Pannonii*, qui in *Hungaria*, *Dacia*, & *Scepusio*, a priscis iam temporibus ore loquuntur *Teutonico*; quin potius hi a *Semo* deriuantur, *Noæ* filio altero; *Malchisedecum* (e) adpellant sacre litteræ, qui sacerdos, & rex in *Salem*, seu *Ierusalem*, omniumque Patriarcharum, qui a diluuiō ad *Abraham* usque vixerunt, pater, ipsiusque *CHRISTI* etiam typus fuit. Ex hoc *Hebrai*, *Israelitæ*, *Iudæique*, ac ipse *SERVATOR* mundi prognatus: ab hoc & complures aliæ gentes, vt *Iudæi* tradunt, prouenerunt. Eiusmodi originem *Pannoniorum* a *Semo* deduci posse, sacra etiam pagina haud obscure innuit. Inter eos, qui nepotes erant *Semi*, recenset *Genesis* (f) *Gether*, qui militem significat. Par nomen & inter filios *Semi* commemorat liber, primus *Paralypomenon*. Ab hoc *Gether*, veniunt (g) *Gethæ*, gens bellica, fortis, & gloriosa, quæ non modo *Pannoniam*, *Italiam*, *Galliam*, *Hispaniam*, *Germaniamque* debellauit; sed erectis integris regnis, urbem *Romam* quoque, omnium gentium ferme victricem, subiugauit, vastauit, depopulauit. Quapropter magni *Gethas* Græcis fuisse habitos, *STRABO* (h) auctor est.

Quomodo, vnde, & quando *Gethæ* seu *Teutones* veteres, in *Europam* uenerint; quasnam regiones primum in eadem occuparint; & a *Getis*, *Gepidæ* quoque nonnulli, & *Thyssagethæ* (quasi *Gethæ* ad *Thysam*, siue *Tibiscum*) nomen sumserint, quodue *Gotbi*, *Gothini* innotuerint?

## §. III.

**S**Cire porro cupientibus, qua ratione a *Gothis*, *Hungarici Teutones*, *Scepusii*, & *Transilvani* ortum trahant; ante omnia scrutari par est, quomodo, vnde, & quando *Gethæ* in *Europam* irruerint, quasue regiones primum in eadem occuparint: quo facto nodus disputationis nostræ sponte soluetur. Mature autem præmonendum est, clarius intelligendi argumenti nostri causa, quod a *Getis*, *Gepidæ* quoque nonnulli, & *Thyssagethæ* (quasi *Gethæ* ad *Thysam*, siue *Tibiscum*) nomen sumserint, quodue *Gotbi*, *Gothini*

d) A quibus autem horum populorum, habitari cœpit *America*? vnus, post *GROTIUM*, & *COMTAEVM*, omnium, quemadmodum reor, accuratissime, coniecturis, rem confecit, *GEOEGIVS HORNIVS*, eo libello, quem de Originibus Americanis, erudite conscripsit. *Hagæ Comitum*, A. MD. LII. for. oct. vbi toto Libro III. laudem, excultæ *Americæ*, *Scythiis* generatim, tunc speciatim *HVMANIS* adtribuit.

e) Ita *Iudæi* potissimum, quorum tamen sententiam, confutat *BOCHARTVS*, *Geographiæ sacre* Lib. II. cap. I. p. 69.

f) Cap. X. 23.

g) Nihil horum legas apud *BOCHARTVM*, quando professa opera agit de *Gether*, eodem lib. II. cap. X. p. 82.

h) Libro VII. p. 204. seq. ex recensione *ISAACI CASAVBONI*. fol.

i) In-



*thini*, & *Gothones*, æque a (i) *Gethis* nuncupati sint. Quo referuntur, & *Daci*, interdum *Dai*, *Dani*, seu *Dani* dicti: quemadmodum vnius eiusdemque gentis nomina variari, ex antiquis, & recentioribus scriptoribus, obseruamus, præsertim ex HERODOTO, STRABONE, MELA, PLINIO, IUSTINO, DIONE, VOPISCO, EVTROPIO, POLLIONE, CLAUDIO, NAZIANZENO, RUTILIO, CLAUDIANO, HIERONYMO, OROSIO, SOCRATE, METHODIO, IORNANDE, WARNEFRIDO, NICEPHORO, AGATHIA, BONFINIO, VOLATERRANO, SABELLIO, LAZYO, AVENTINO, MELANCHTONE, PEVCERO, DRESSERO, CROMERO, ALBINO, CVRAEO, SCHIKFVSIO, &c. Nam, vbi *Gothorum* nomen, *Valentis Imperatoris* temporibus increbuit; deficiente antiqua nomenclatione *Gethe*, successit deinceps noua *Gothi*, *Gothini*, & sic porro. Vnde decepti antiqui, & recentiores historici, putauerunt, diuersis nominibus, diuersas gentes notari, *Gethasque*, a *Gothis* (k) differre. De *Gepidarum* nomine tenendum est: postquam *Gothi*, *Berigo* rege, ex mediterraneis locis, ad littora sarmatica nauigiis tribus adpulissent, tertium paullo tardius adpulsum, ob tardidatem, quæ (l) *Gepantha* ipsis dicitur, *Gepidarum* nomen accepit. Itaque, duo in vnum contracta Gothica, seu prisca Teutonica vocabula, haud quidem sonant aliter, quam hodierna Germanorum *Geb bald*, *Geb bb'end*, cum festinanter iubemus ire quempiam. De his, vt & de *Dacorum* cognatione, legi potest BONFINIVS in rebus Hungaricis. Proinde, ex facili poterimus colligere, *Gethas*, & reliquos populos in *Europam*, haud aliunde, quam ab oriente venisse, successuque temporum, in *Pannonia*, aliisque locis, confidendo, regiones excoluisse. Nemo enim existimarit, terras post diluuium tam cito, tantaque multitudine incolarum oppletas illico fuisse, quanta regnis constituendis suffecerit. Multo minus fieri potuit, vt eadem gentes, semper regiones easdem habitauerint, quas temporibus sequioribus tenuerunt, & a scriptoribus palam, diuersis vicibus, diuersimode vocatæ sunt: quin potius, lento gradu factum id est, vt populi sensim paullatimque, alter post alterum, ex oriente progressi, longius in dies, ad incultas regiones processerint; adeo, vt continua migratione districti, alter, alteri, pedetentim successerint. quod cum in *Europa* vniuersim accidit, tum in primis in *Germania*, & *Pannonia*. Cuius nomine non veniunt modo regiones *Hungariæ*, *Scepusii*, & *Transilvania*; de quibus heic speciatim acturi

Ggggg

ri

i) Inueterata hæc apud scriptores opinio est; vt *Getas*, & *Gothos*, populos vnius ciuitatis faciant. Ita IORNANDES, & dux suus ABLABIVS; IULIVS CAPITOLINVS, in Maximino cap. V. SPARTIANVS, in Anton. Caracalla, cap. X. VOPISCVS, in Probo, cap. XVI. CLAUDIANVS, de bello Getico, quod Gothicum tamen fuit. PROCOPIVS, rerum Gothicar. Lib. I. AVSONIVS, Idyll. VII. PRUDENTIVS; OROSIVS; HIERONYMVS, alii. Nos, cum CLYVERO, & PONTANO; quidquid dicant, OLAVS RYDBECKIVS in Atlantica, & GEORGIVS STIERNHJELM, in Anti-Cluuerio, facimus, in Daciæ Antiquæ designatione.

k) Atque id ita sane est.

l) Ex IORNANDE fabula hæc petita est.

m) Li-



ri sumus; sed etiam *Dalmatia*, *Illyrici*, *Mysia*, *Valachia*, *Bavaria*, *Austria*, *Styria*, reliqua, ut memorant historici. Et tamen regiones nequiverunt tam cito, ob longa, ab oriente, intervalla, occupari, repleturque; tamen, ad extremum ita oppletæ sunt, ut populi, partim remigrarint in *Asiam*, partim in *Africam* mare traiecerint. quod in primis *Pannonia*, & *Germania* evenit. Ex his enim, *Galliam*, *Hispaniam*, *Italiam*, & *Britanniam*, infestas fuisse, testes sunt: *Celtae*, *Longobardi*, *Gothi*, *Vandali*, & *Saxones*.

## §. IV.

Numne o-  
mnes populi,  
qui in Pan-  
nonia olim  
confederunt,  
ex septen-  
trionali re-  
gionem illa  
Scandavia  
adpulerint? Errant multi veteres, & recentiores historici, qui somniabundis similes, adseuerant, populos illos, qui postea *Pannonia*, *Germania*, *Italia*, *Gallia*, *Hispania*, ciues dederunt, omnes ex insula *Scandavia*, quam *PLINIVS* (m) *Scandiam*, *Codanoniæ* *MELLA* (n) a sinu *Codano*, *Germani Schonen*, seu *pulchrum tractum* vocant, quamque *Dania* (*Suecia*) sibi nunc vindicat, velut ex abstruso, & frigido maris *Baltici* & septentrionalis angulo, non secus, atque ex equo *Troiano*, prorepserint. Cuius sententiæ *IORDANES* adstipulans, *vaginam quasi multarum nationum*, eandem vocat; quum tamen verum sit, multos populos recentiores, qui ab oriente venerant, æque in eas partes, inter quas *Scandia* iacet, certis vicibus, concessisse, illicque confedisse, *Gothos* maxime, quorum nomen & posteros, adhuc ibi reperiri, in posterum recensibimus. Ex *Asia* namque in *Europam* commigrantes, non modo versus *Pannoniam* & *Germaniam*; sed partim in septentrionem, partim in occasum, & meridiem ferebantur. Multi igitur, quum ad maritima devenissent, traiectis aquis, insulas septentrionis, & vliginosas tetras, occuparunt, & iterum multi inclinarunt ad meridiem, factoque illuc itinere, & eiectis, quos offenderunt, incolis, ipsi eousque illic confederunt, dum vicissim ab aliis lacessiti, exturbarentur.

## §. V.

Quid de  
peruulgata  
illa migra-  
tione Tui-  
sconis &  
XX. sociorū  
eius tenen-  
dum? Nec magis probari potest opinio, perhibentium ex *Beroso* illo fictitio, aliisque suspectis auctoribus; quod complures, & præcipuas *Europæ* regiones possederint gubernarintque, socii viginti *Tuisconis*, quem *Moses* (o) *Ascenam*, filium *Gomeri*, & *Iapheti* nepotem, dicit. Sed, quoniam magna se specie, magnaue auctoritate, sententia hæc commendat, non modo, quod sacris litteris non contrahit, sed etiam facilius tironibus est, in addiscendis variis

m) Libro VIII. Cap. XVI.

n) Lib. III. c. VI. Alii legunt *SCANDINOVIA*, quomodo *Vossius*. in observationibus in hunc locum, p. 550. edit. *ABRAHAM GRONOVII*, Lugduni Batavor. Anno MDCCXXII. for. octava.

o) Genes. X. 2. 3. Confer huc, antiquæ Germaniæ scriptores: *CLYVERIVM*; *ALTHAMERIVM*; *BEATVM RHENANVM*; *AVENTINVM*; *SPERNERVM* filium &c.

p) Im-



variis *Europæ* nomenclaturis & dominiis, quam si ex aliis certioribus, prolixioribus tamen, captuque difficilioribus fundamentis, deducerentur: (oo) itaque operæ pretium erit, vt digressi veluti, singulas heic, ad Chorographiam D. *Iacobi Schopperi*, recenseamus. Postquam linguarum diuisio, aliquot iam annis præcessisset, & *Nimrodus* inchoato *Assyriæ* imperio, vicinos populos domans, in vnius regni formam coegisset; tunc, aiunt, *Tuisconem*, viginti stipatum fociis consanguineis, *Teutonice* secum loquentibus, ex *Armenia*, prima *Noachi*, atque filiorum eius, post diluuium, statione, in *Europam* adpulisse, occupatoque primum septentrione, & exturbatis incolis, qui ignari oris *Teutonici* essent, religionem, & formam reipublicæ, more suo, instituisse, atque singulorum sociorum nomina, singulis familiis, a quibus quæ progeneratæ essent, imposuisse. Fuisse autem nomina sociorum hæc, vt tradunt: *Primum* dictum fuisse *SCYTHAM*, cognomento *Priscum*, Principem, *Tuisconi* haud dissimilem. Quare *Tvisco*, in *Tartaria*, *Moscouiæ* finitima, ad flumen *Tanaim*, *Don* vocant accolæ, primum confedit, deinde transtulit sedem versus *Carpathum*, aliter *Sueuum*, *Germanorum* olim, & *Dacorum*, nunc *Hungarorum* & *Polonorum*, *Germanorumque*, determinatorem. Hic *SCYTHA*, traiecto *Tanai*, totam illam regionem, quæ trans flumen in orientem prospicit, occupauit, legibusque obstringens gentem, & *Scythiam* nominans, vna cum *Magogo*, gubernauit. Ab hoc, & socio *Magog*, seu *Mosok*, filio *Iapheti*, nomen *Moscouitæ* acceperunt. *Moscouita* enim perinde est, ac *Magog*, seu *Mosoch*, *Scytha*. Alterum socium aiunt fuisse *SARMATAM*, qui *Danubium* inter, & *Niperum*, *Russiæ* fluium, sedem habuit. *Tertium* *DACVM*, aliter *DANVM*, qui *Daniam* primum fundarit, deinde in meridiem versus, partim *Valachiam* magnam, partim *Transiluaniam* inhabitavit. Hinc *Daniam*, ad aquilonem, *Valachiam*, & *Transiluaniam*, *Daciam*, ad orientem dictam fuisse. *Quartum* socium vocant *TIBISCVM*, præfectum illius regionis, quæ flumen eiusdem nominis circumiacet, quæue postea *Hungaria* appellata sit, qui quidem *Tibiscus*, seu *Tissa* amnis, hodieque ista regione, labitur, a piscium multitudine, & soli, quod rigat, fertilitate, memorabilis. *Quintum* socium *GETHAM*, aliter *GOTHVM*, vocarunt, qui conscio *Tuiscone*, *Noruegiæ* viciniam occupavit colueritque, quæ ideo, ab eodem nomen *Gothiæ* mutuauerit. *Sextus*, *septimus*, *octauus*, dicti fuere *MOESVS*, *BRIGO*, *THYNO*: quorum duo posteriores, *Moesi* filii fuerunt, patrem in *Europam* sequuti, quique eam regionem, quæ a *Danubio* & *Sauo*, vsque ad *Euxinum* mare procurrat, sorte sint indepti. Itaque, *Moesiam* a patre nominarunt; quæ postea in *Moesiam* superiorem, & inferiorem diuisa fuit. Incolæ eius vocabantur *Bosniæ*, *Servi*, & *Bulgari*, superiori ætate, iugo Turcico subiecti. *Nonum* socium dicunt *DALMATAM*, regionis dominum, quæ *Moesiam*, & *Liburniam* contingens, *Dalmatia* dicta sit. *Decimum* & *undecimum* aiunt fuisse, *IA-*

Ggggg 2

DERVM,

(oo) Damnosissimum tironibus compendium, vbi pro *Iunone*, *nubem* coguntur amplecti, errores postea erroribus cumulaturi.



DERVM, & ALBANVM, indeque ortam *Albaniam*, quæ *Dalmatiam*, & *Epirum* interiacet. *Duodecimum* inquiunt *SAVVM*, cui *Tuisco*, regionem *Pannonia* interamnanæ, *Pannonia* Bubaliæ, *Rascia* item, & *Bosnia* interitam, hæreditario iure contulerit. Ab hoc, *Sauo* fluuio nomen inditum est. *Decimum tertium*, *decimum quartum*, & *decimum quintum*, *PANNONEM* fuisse tradunt, cum fratribus *SALONE*, & *AZALO*, qui *Austriam*, & *Hungariam*, indepti sint, ideoque, ambabus nomen *Pannonia* impositum. *Decimum sextum* nominant *HISTRVM*, qui ad lacum *Botnicum*, *Algauiam*, *Sueuiam*, *Bauariam* item superiorem, atque *Danubii* partes anteriores confederit, indeque *Istri* nomen *Danubio* impositum. Misit hic & partem aliquam gentis suæ, in illos tractus, quos *Italia* sibi obiectos habet, a quibus vsque huc, nomen *Histræ* increbuit. *Decimum septimum*, *decimum octauum*, *decimum nonum*, *vigesimum*, memorant fuisse *ADVLAM*, *DICLAM*, *OBALVM*, & *EPVRVM*, quos rex *Tuisco*, ob eorum præclaras dotes, compluribus prouinciis dedit præfectos & duces. Et *Adulas* quidem imperitauit inter *Oenum*, & *Rbenum*, quæ ditio adhuc *Adula* vocatur. Græciæ autem prouinciam consequutus est *Epirus*. Reliqui duo, tenuerunt prouincias in *Germania*. Itaque ad hunc modum *Tuisco*, illas *Europa* regiones, quæ inter *Rbenum*, *Danubium*, *Sauum*, *Tibiscum*, *Tanaim*, & *Euxinum* mare, iacent, *Teutonica* gente impleuisse, occupasseque perhibetur. Verum, parentibus horum, fato functis, posterorum pars haud exigua, a Germanis defecisse creditur, quæ nationibus exteris permixta, nomen & linguam *Germanicam* commutauit. Sed hanc nos *Europa* diuisionem, suo loco relinquimus, neque, seu cuiquam ad credendum obtrudimus, seu ipsi propugnemus, cum res ea, sicuti diximus, veritatis sit dubia. (p)

## §. VI.

Quomodo  
ex Oriente  
in Pannoniam  
Germaniamque  
hodie  
nam præci  
Teutones  
emigrarunt?

**P**Ar, contra fuerit, vt fufius paullo demonstremus, quomodo ex oriente in *Europa* regiones, præsertim in nostram *Pannoniam*, *Germaniam*que vicinam, præci illi *Germanorum* populi, migrationes suas instituerint. Caput omnis mutationis in populis *Germanicis* erat, copia populorum in oriente, queis in dies inualescentibus, ob defectum sedium, coacti *Gothi* & *Cimbri* cum vicinis *Tuisconibus*, & *Caicis*, vt ne suis molesti amplius essent, recesserunt ab eis paullum in *Asiam*. Sed lacesiti postea, a bellicosa gente *Asiatica*, quum alios quoque quærendarum sedium causa, pone sequi aduertissent, promouerunt pedem vltius, dum in *Europam* ingressi, *Pannoniam*, *Germaniam*que adtingerent. Itaque vti cognatæ hæ gentes, initio simul inuicem cohabitabant; ita, diuersimode, ex sedibus suis prioribus, se proripiebant. Et si vero tempus primi ipsorum exitus, annis certis distingui nequit: tamen

lucu-

p). Immo vero, nullius: quin potius, tam manifeste falsa, vt nihil vnquam historiæ infarciri potuerit absurdius. Nobis certe Poetarum fabulæ, loco sunt potiore, quam putida hæc figmenta. Nempe:

*Spektatum admissi, risum teneatis amici.*



luculenter satis videre ex historiis est, alios mox finito bello *Traiano*; alios, paullo ante *Cyri* imperium; alios, eosque plurimos, ineunte prima *Persarum* monarchia, post captum *Croesum*, annis *DXLIII.* ante *CHRISTI* natiuitatem, ex *Asia* emigrasse; nempe, quod a *Cyri* latrapis, & militiæ ducibus laceffiti, tyrannidem eorum diutius ferre non possent. Adeo namque afflictas tum bellis eas gentes fuisse, scribunt historici, vt promiscue, viri, feminæ, & liberi, immensa multitudine, naues ingressi, hauriri aquis, præ onere, perireque cateruatim maluerint, quam bellorum istas calamitates tolerare. Notum est, in primis *Gothos*, post *Troianum* bellum, haud longe ante *Cyri* imperium, *Asia* egressos, nouas sedium mutationes instituisse; quemadmodum & *Dio* (q) tradit, *Gethas*, *Mysis* finitimos, inter *Istrum*, & montem *Hemum*, aliquantisper sedisse. Iam *Darii* temporibus, *DIX.* annis ante *CHRISTVM*, *Danubium* *Gethæ* accolebant, si *HERODOTO* (r) qui eosdem laudat, habenda fides est. Meminit eorum *Strabo* (s) etiam. Immo, non ante *Darii* tantum, sed etiam *ALEXANDRI M.* tempora, qui annis ducentis prius vixit, in *Pannonia* regnum constituerant. Nam, cum dominari cœpit *ALEXANDER M.* ait *MELANCHTON*, (t) tum in primis, ad petendam pacem coegit regem *Getharum*, cognomento *Sirmum*, a quo *Sirmium* ciuitas *Pannoniæ*, Comitatusque *Sirmiensis*, inter *Sauum* & *Danubium*, vino eius nominis, Malaatice nobiliore, memorabilis. Factum autem id est, anno *CCCXIII.* ante *CHRISTVM*. Ex *STRABONE* refert *SCHIKFVSIVS*; *Henedos*, seu *Vendos*, duabus diuersis vicibus, sedes sibi quæsiuisse. *Primum*, duce *Antenore*, traiecisse eos mare *Adriaticum*, quod *MCLXXIX.* annis, ante *CHRISTVM*, factum fuisse oportet; deinde, intrasse in *Europam*, instigantibus eosdem comitantibusque *Cimbris*. quorum nomen *Hunni* etiam, *PROCOPIO* teste, tulerunt. Accidit hoc ante *Christum*, anno *MCLXVI.* Istis enim temporibus, vt *LAZIVS* ex *BEROSO* coniicit, *Cimmerii*, ex *Cimmerio Bosphoro*, seu *Taurica Chersoneso*, primis suis sedibus, pulsi a *Gothis*, vna cum duce *Helono*, ad *Pæones*, in *Macedoniam* transuerunt; qui post inter *Sauum*, & *Danubium* confidentes, toti illi regioni *Pannoniæ* nomen adtulerunt: quamuis *LAZIVS*, (u) *Pannoniam* ipsa iam voce *Pæoniæ* intelligat. Atque ista quidem relatio, vero quam simillima est. *Cimbris* enim, ex eadem ripa pernoscentæ plagæ septentrionalis, ius & occasionem terra marique, habentibus, dubium non est, quin eadem lingua & moribus cognatæ inuicem gentes, vbi tot bellorum sæuitia, & tyrannide afflictæ fuissent, experien-

Hhhhh

perien-

q) Lib. XV.

r) *MELPOMENE*, cap. *LXIII.* & totis postea tribus capitibus, p. 261. seqq. Edit. *IACOBI GRONOVII* Græco-Lat. A. *MDCCXV.* Lugduni Batav. fol. vbi eximias gentis laudes legas.

s) Lib. VII. quem locum, supra dedimus.

t) Chron. Car. Lib. II. III. IV.

u) Perperam! tametsi Græcos, in eo errore habeat præambulones; qui *Pannones*, vulgo *Pæones* adpellant, quod iam animaduertimus, ex *DIONE* Lib. *XLIX.* p. 413.

Decad. I. Monumentum IX.



perientia didicisse, vastas adhuc, & amplissimas solitudines in septentrionem restare, in quibus Scythæ vagantes, nusquam diu substituerunt. Par huic & DIODORI SICULI testimonium est, quum adferit, ex *Paphlagonia*, *Mediaque*, nonnullas gentes, pulsas *Scythias*, desertas terras septentrionales occupasse, *Scythasque* eiectiones, rursus fines *Persiae*, quos prædictæ gentes dereliquerant, adgressos, victoresque *Cyrum* interemisse. Refertur id ad annum DXXXVII. ante partum Virginis. Iisdem quoque temporibus, incitati *Heneti*, *Ascanii*, & *Lugii*, missa *Asia* minore, *Cimbros* pone sequebantur. Accesserunt his alii, moribus & lingua similes, circa mare *Caspium*, quales erant *Teutones*, *Arii*, *Daci*, seu *Dacii*, *Getae*, *Alani*, *Sassones*, *Vandali*, *Burgundiones*, qui cum *Rugis* & *Gepidis*, a *Ptolemaeo* in *Gothis* censentur. Enim vero, copiosos fuisse populos liquet, non modo ex frequentia incolarum, quibus vastas, & ingentes terras oppleuerunt; sed etiam, quod expulerunt *Scythas*, quorum tunc robur, & multitudo propemodum immensa fuit. Nec dubium est, quin hos plures sequuti sint, quum cognoscerent, quam bene, qui præcesserunt, profecerint, quodque regiones adhuc superessent, nemini inhabitatae. Non secus, quam insulae, quæ maiorum nostrorum temporibus detectæ sunt, sensim, paullatimque habitatoribus sunt excultæ. Et quoniam migratio populorum, quos adtigimus, in longinquis provinciis, haud celeriter, sed gradatim tantum processit: itaque confederunt ante omnia ad *Tauricam Chersonesum*, penes lacum *Maotidem*, in confluente maris *Euxini*. Vnde nomen *Bosphori*, *Cimerii*, adhuc dum ibi obuium; certumque est, diu illic *Gothos* incoluisse, postquam expulerunt *Cimbros*; vt alias ostendimus. Erat in *Taurica Chersoneso* vrbs celebris, quam *Theodosiam* falso scriptores dixerunt. *Demosthenes* enim vocat *Teudosiam*, hoc est, *Teutschhausen*, quam adhuc auiorum nostrorum ætate, vrbs *Genua* possedit, antequam execrabilis ille tyrannus *Muhamedus*, occupato *Bisantio*, hos etiam populos conuulisset. Sunt, qui constanter adfirmant, (v) dari illic adhuc dum *Gothos*, qui Germanica loquantur. Inter alios, meminit SCHIKFVSIVS in Chronico Silesiæ, audiuisse MELANCHTONEM, a BIRKHEINERO Noribergensi, quemadmodum mercatores Noribergenses, dum cum *Venetis*, in *Cretam*, & *Cyprum* nauigassent, infaultis ventis abrepti, & ad maris *Aegæi* vsque litus adpulsi, haud procul a *Bosphoro Thracico* emerferint. Illic, nec hominum, nec terræ gnaros, quum hinc inde errabundi, puerum, currum ducentem, cantantemque eminus obseruassent, accedentes ei propius, didicisse, Germanicum eum hymnum modulari: adtonitis similes, & nescio, quod spectrum metuentibus, quum postea, vndenam esset, vernacula eundem lingua interrogassent, respondisse adolescentem *Teutonice*, monstrato colle proximo, haud procul ab eo sibi patriam esse, ibidemque *Gothos*, gentem suam incolere, & nullius rei magis in

ea

v) Adi BVSBECKIVM, Epistolam Turc. IV.

x) Hun-



ca valle, quam salis egere, ideoque defectum aliunde pensaturos, & per inclinantem auctumnum, antequam itinera gelu hiemis obduruerunt, adportare sibi debere.

§. VII.

**Q**uin & veteres *Teutones*, in *Transilvania*, *Gothorum*, *Getharum*que sunt reliquæ, quos *THVCYDIDES*, ante, & sub imperio *Macedonico*, in iisdem prouinciis longe lateque fuisse dominatos, commemorat, qui nominis *Saxonici* gloriam, haud immerito ambiunt. Nam refert lingua ipsorum, priscum illud dicendi genus *Saxonicum*, tametsi ab illo, quod hodie floret in *Saxonia* inferiori, in multis discrepet. Quod enim vel a *CAROLO* M. imperatore, qui terras has numquam viderat, ex *Saxonia* deducti; vel ex *Hameliticis* pueris, quos, seu murium aliquis venator, seu malus quiscunque genius, in montem A. MCCLXXXII. seduxerit, occulto meatu isthuc venerint, demonstrari potest (x) numquam. Ceterum *Gothi*, *Transilvaniam* gloriose adeo obtinebant, vt a finibus eiusdem *DARIUM Histaspem*, *Perfarum* regem, integro cum exercitu, propulsarint. Immo annis ducentis, postea, *Lysimachum*, *ALEXANDRI* M. ducem, & successorem in *Thracia*, & *Dacia*, non ceciderunt modo sæpius, sed captiuum etiam duxerunt, posteaque ornatum muneribus, liberum dimiserunt. Refertur id ad annum CCCXX. ante *CHRISTVM* natum. Inde fit, vt in agro *Devenfi*, & *Várbelyensi*, numi subinde reperiantur, cum iconibus *LYSIMACHI*, *ALEXANDRI* M. *DARII*, *PERGAMI*, *MILONIS*, *CROTONIATÆ*, *HERCVLIS*, *SEMIRAMIDIS*, *COTISONIS*, aliorumque, id genus, priscorum heroum, quorum ne nomina quidem reperias in historiis. *Gothinorum* præterea, ad *Carpathum* orientalem, septentrionalemque, *TACITVS* (y) & *PTOLOMAEVS*, meminere, quorum nomine, partim *Transiluanos* intelligas, partim *Scepusios*, aliosque *Hungaros*, qui *Carpathum* accolunt. Itaque ad metallicos refert eos *TACITVS*, (z) vt hodiedum in montibus *Transilvaniæ*, quæ *Carpathi* iuga sunt, & *Marmatiæ* accedunt, metalli fodinas reperias. Idem & de *Scepusii* locis adfirmarim, quos propius ad *Carpathum* occupant *Neudorffenses*, *Vagendrissenses*, *Dobsanienses*, *Smolnicenses*, *Gólnicenses*, *Suedlenses*: vltcrius item *Schemnicenses*, *Cremnicenses*, *Neosolienses*, reliqui. Immo vero, propius olim ad prærupta montium *Carpathiorum*, qua ferri fodinas

Ex quam  
veteru gen-  
tiu Transil-  
vani Teuto-  
nes, quos  
Saxones  
adpellamus,  
sint oriun-  
di?

Hhhhh 2

x) *Hungaros* profecto, rerum in *Transilvania* dominos, inusitatum hoc, & inexpectatum immigrationis genus, latere nequiuisset, qui ad omnem populorum, circumquoque habitantium, finesque suos contemnerantium, motum fuerunt adtentissimi. Legess, de genainis *Saxonum*, seu *Germanorum* in *Transilvania*, originibus; *TOPPELTIVM*, & eo recentiore, *FRANCK* a *Franckenstein*. quorum, egregiam habet mentionem, *LEIBNITZIVS* in *Otio Hannoverano*, p. 84. seqq. Conferatur item, *MARTINI SCHOOCKII* *Fabula Hamelenfis*, *Gröningæ*. A. 1662. form. 12.

y) *Germ. c. XLIII*, 3.

z) *Gothini*, inquit, quo magis pudeat, ferrum effodiunt. l. c.



dinas fuisse cultas, arguunt, cum nomina, tum vestigia operarum, cuniculorumque, in *Schlakendorffianis*, *Kasmarcensibus*, & *Leibicianis* montibus, passim occurrentium. Præterea, vltcrius quoque progressæ gentes *Gothica* & *Henetica*, occuparunt *Pannoniam* occidentalem, cum haud exigua parte *Germaniæ*. Oppresserunt hos postea, deleruntque propemodum *Hunni*, duce *ATTILA*; quum tamen *Gothi*, easdem *Pannonias*, aliquot centenis annis, contra vim tuiti *Romanorum*, vitam, atque facultates opposuerint, multotiesque domati a *Romanis*, seruitutem haud prius exuerint, quam ad annum CCCLXXXII. ante Seruatorem natum: vbi, fugato, & in tugurio rusticano, combusto *VALENTE* imperatore, exercitum eius prostrauerunt. Tertio, post demortuum *ATTILAM*, anno, *Hunnorum* denuo potiti, *Pannoniam* postliminio occuparunt *Gothi*. Deficientibus enim ab *Hunnis*, *Velamir*, & *Theodomir*, ducibus *Ostrogothicis*, vt & *Gepidarum* rege *Ardericio*; tametsi magna vi, *Hunni*, *Ostrogothos* & *Gepidas*, reducere ad obsequia adlaborarint; tamen ab eis superati, & partim cæsi, partim in *Scythiam* versus *Pontum*, in pristinam patriam suam, repulsi sunt. Soli enim *Gepidæ*, cæsis triginta millibus *Hunnorum*, *ELLACVM*, *Attilæ* filium, simul occiderunt. Parta victoria, *Ostrogothi*, *Pannoniam*, *Daciam* ripensem *Gepidæ*, occuparunt, retinueruntque annis plus minus centum; vsque ad *IUSTINIANI* imperium, quo ineunte, *Ostrogothi* rursus ab *Hunnis*, a *Longobardis* *Gepidæ*, partim cæsi, partim subiugati sunt.

## §. VIII.

Quales olim Populi Scepsum vicinaque loca incoluerint, atque unde latina vox illa, Scepsum, & Germanis Zips, orta sit? **O** *Strogothorum* reliquias, *Cumanos* putat *LAZIVS*, & *Bosnios*; qui tamen *Germani* non sunt. *Gepidarum* autem reliqui, tenebant valles *Carpathi*, a quibus teste *Lazio*, *Procopio*, & aliis, *Gepidia* vocabatur ille tractus, (a) qui hodie *Scepusiensi*, *Sarosiensi*, *Liptouiensi*, *Aruensi*, *Thurocensi*, *Trencsinensi*, *Nitriensi*, *Abauuariensi*, *Tornensi*, & *Posoniensi* Comitatibus, distinguitur. Immutato postea nomine *Gepidia*, in *Gepusiam*, *Chepusiam*, sequioribus temporibus *Sepusium* dictum fuit. Pro eo nonnulli scribunt *Zepusium*, *Cepusium*, *Scepusium*, vel *Szepusium*. Incolæ autem *Zepusii*, pro *Gepidis* adpellabantur, mutatis aliquando litteris per *Antithesin*, aut prauam pronunciationem, peregrinæ alicuius gentis, in hisce, & vicinis partibus olim commorantis: in primis vero *Italica*, a qua & oppidum *Wallendorff*, hoc est, *Italarum* vicus, suum nomen sibi acquisiuit. *Itali* enim, dum mollius loqui student, sæpe s pro g proferunt. Immo in lingua etiam *Hungarica* metaplasmī in litterarum & syllabarum transformatione, receptissimi sunt. Nonnulli nostratium peregrini in antiquitatibus, *Sepusium* deriuare volunt, a *sepibus*, quod tractus hic sepiis instar, monte *Carpatho* circumdatus esse videtur. Germanicam autem voculam

a) Audacius ista, quam verosimilius, *Gepidarum* suorum amore, auctor adfirmat. Nos, quid de *Scepusorum* originibus sentiamus, in *Historia* eius Comitatus, *Operis* nostri Tomo VI. expromemus.



culam *Zips*, deducunt a *Zippel*, seu fimbria, siquidem terminum tenet *Hungaria*. Et si, logica docente, vnius nominis diuersæ dari possunt notationes, veroque est simile, ex argumento comparatorum etymologias has desumi: tamen *allusivæ* mihi, iocosæque & ridiculæ esse videntur; quæ tametsi veræ non sunt, sed tantum adparentes; tamen suam habent, in declaranda re, siue utilitatem, siue iucunditatem. Nobis itaque placet notio, quæ a *Gepidis* deducitur; tum quod antiquissima ea est, verissimaque; tum, quod ab omnibus fide dignis scriptoribus adprobatur; licet vulgo absurda, inconueniens, & præpostera videatur. At voces, semper varias pati mutationes, quis eruditorum ignorat?

§. IX.

**I**lli autem *Germani*, qui infra *Posonium*, trans *Danubium*, circa *Sempronium*, *Jaurinum* & *Comaromium* sedent, originem a *Romanorum* Leg. X. Germanica, ducunt, (b) quæ in regionem istam, in primis insulam *Schütt*, seu *Scythicam*, collocata, tuendæ a *Quadis*, *Pannoniæ* inuigilabat. Post hanc, & *Heruli*, Germanicæ nationes isthuc accesserunt. Inde, *Austriaci* quoque *Transdanubiana* hæc loca, & quæ *Austria* fines contingunt, ciuibus adauerunt. Legio XIV. Romanorum, statuis intra *Budam* & *Vesprimium* habitis, procul dubio, ciuitatibus nonnullis adiacentibus, nomen dedit. *Buda* enim, a vocula Germanorum *Baden*, (c) dicitur: quippe, baiis, quas *Bad* Germani vocant, exundans. *Vesprimium* vero, a *Weisbrun*, eo quod hodieque, sub veteri arce *Episcopali*, fontem ostendat, qui Germanis *Weisbrunn* vocatur.

Origo Teutonum, quæ *Danubium* adco.unt.

§. X.

**G**ermanorum vero, qui *Cremnitium*, *Schemnicium*, *Neosolium*, & reliquas montanas vrbes incolunt, primores erant *Misnici*, metallorum colendorum causa eo delati. Hodie tamen, reperias *Styrios* quoque, *Carinthios*, *Tyrolios*, & *Austriacos*, quorum & linguam adfectant indigenæ: quippe, præcipuis *Camæræ Regiæ* præfectis, ex *Austria*, inter ipsos degentibus. Illi etiam, qui montanas *Scepusienses* incolunt, vti *Svedlerienses*, *Schmolnicenses*, *Gölnicenses*, *Wagendrüsselenses*, *Einsidelenses*, *Stossenses*, *Topsauenses*, imitantur *Austriaca*; sed corrupte nimis, & præpostere. Cuiusmodi dicendi genus induxerunt, partim præci præci montanarum rerum præfecti, qui ex *Austria* venerant; partim incolæ, vbi rei metal-

Vnde fuerint Teutonnes antiqui intra montes colentes

Iiiii

licæ

b) Quia hæc regio, veteribus, *Deserta Boiorum*, dicitur; sæpius venit in mentem, de *Boicis*, Germanorum huiusmodi originibus, suspicari. Neque tamen vero similibus coniecturis aliis velim contraire.

c) At vero Germani, non *Budam*, sed *Ofen* adpelant, a furnis calcis exurendæ factos, arcessito vocabulo. Quid autem cum *BONFINIO* egeris, a *Budin* populis; quid? cum *THYROCIO*, a fratre *Attilæ Buda*, idem deriuantis. Vide, *LAZYVM* de Rep. Romana Lib. XII. Se. II. cap. XIII. initio, & Operis nostri Tom. III. De *Buda* noua.

Decad. I. Monumentum IX.



licæ gratia, in vicinas montanas vrbes, commigrantes, & sermone *Austriaco* illic consueto, imbuti, domum vicissim ad suos redierunt. Nihilominus tamen minus, horum quoque, ut & reliquorum *Scepusiorum*, maiores *Gepidæ* erant.

## §. XI.

De veteri  
Scepusiorū  
migratione  
& bellis.

**S**eparati vero a *Gothis*, *Gepidæ*, ubi longe lateque *Europam*, vicibus diuersis, peragrarunt, gesto, cum exteris populis, bello grauissimo, substituerunt aliquantisper in *Transilvania*, in utraque ripa *Danubii*, in *Pomerania*, *Lituania*, *Prussia*, maxime circa *Gedanum*, & *Elbingam*; in *Polonia* item, atque circa *Vistulam* passim, dum integros *Carpathi* montes, vallesque, inde a *Vistule* primordiis, hodie ducatu *Teschinensi* in *Silesia*, usque in *Hungariam*, ut dictum est, coloniis oppleuissent. de quibus fuisse scriptores historici. *Gothos*, *Vandalos*, *Francos*, & *Longobardos*, Germaniam intus & extus inhabitasse, testatur ante alios *Iornandes* *Gotus*, qui ad annum Christi DL. vitam duxit. *Daci* vero, alias *Dai*, & *Dani*, auctore *Iustino*, pars *Gothorum*, ideoque antecessores *Transiluanorum*, Germaniam, *Taciti* ætate, nondum incoluerunt, quemadmodum ex libro eius, initio statim, liquet; quum a *Germania* ipsos, veluti finitimas gentes separaret, his verbis: *Germania omnis &c. a Sarmatis Dacisque mutuo metu, aut moribus separatur*. Quod & de *Gethis* tenendum, qui etsi tempestiue ad *Danubium*, extra *Germania* tamen fines, adpulerint; tamen nondum *Germanis* noti fuerunt: quemadmodum & *Danorum*, seu *Daorum* nomina, ad mare *Balticum*, ubi nunc *Dania*, & *Suedia* est, habitantium, ante *Antonii* Imper. tempora, ut ex *Ptolemaeo*, scriptore ætatis eius, colligi potest, obscura fuerunt, mox postea illustranda.

## §. XII.

Quæ Daco-  
rum se-  
des, anti-  
qua illa fue-  
rit?

**D**egebant autem intra *Pannoniam*, & *Danubium*, *Cornelii Taciti* temporibus, qui prætoris dignitate, imperante *Domitiano*, perfungebatur, ut ex *Dione* discimus. Ait enim hic, *Decebalum* regem, *Dacia*, seu *Valachia*, & *Transilvania* dominum, *Romanos*, annis sedecim, bello multum adflixisse, idque anno quartodecimo post *Coss. & Imp. Domitianum*, nempe *LXXXVIII.* virginis partus, primum accidisse. *Traianus* Imp. cum *Dacis*, ad *Danubium*, annis quinque dimicabat, (d) atque, ut regem ipsorum, *Decebalum*, eo premeret grauius, *Danubium* ponte iunxit, e quadrato lapide, arte summa, immenso labore, sumtuque infano. Erat enim innixus (e) pillis viginti, altus pedes quin-

d) Consule omnino, *Analecta Lapidum Vetusorum* *Stephani Zamosii* cap. II. & III. item, *Lavrentii Toppeltini*, *Origines & Occasus Transilvania*, passim: ut *Tröstervm* taceam.

e) Hausta hæc sunt ex *Dionis* Lib. LXVIII. p. 776. sed, quam præter omnem fidem sint scripta, ex *Marsiglii Danubiali Opere* constat. Tomo II. p. 25. seqq. quod sapius monemus.



quinguagenos, latus sexagenos, singulis pilis passibus centenis septuagenisque a se inuicem distantibus, quarum singulas alti for- nices committebant: opus iure merito, septem mundi miraculis adnumerandum. Nam, neque flumen deriuari aliorum poterat, & ob ripas vtrunque vliginosas & lacustres, cum imbribus in- tumuit, maris potius, quam fluuii dedit speciem: quodque inter montes præruptos clausum impeditur, furit prorumpitque tanto impetu, tantaque aquarum vi, vt nulli facile pontes his in angu- stiis queant superinstrui. Ex his facile est ad colligendum, præco- rum virtuti Romanorum fortissima quæque cedere debuisse. Eodem ponte, biennio vix celerius exstructo, transduxit TRAIANVS exer- citum, profligatoque *Decebal*o, regiam eius diripuit, grandi the- fauro, quem *Decebalus* in fluuio *Sergetia* occultauerat, potitus. Eapropter, perturbatus *Decebalus*, toxico sibi mortem consciiuit. *Traianus* autem peracta tam insigni *Dacorum* clade, pontem vicis- sim (f) disiecit, vti *Xiphilinus* tradit. Alii ab HADRIANO, sucef- fore Traiani, disiectum scribunt, vel quod honorem tantum Tra- iano inuiderit, (erat enim homo inuidus) vel ideo, vt ne *Serua*, hodie *Bulgaria*, seu *Mysia* superior, aliæque trans Danubium, a Romanis occupatæ prouinciæ, a *Dacis* opprimerentur, Romanæ- que legiones deturbarentur. Sed restauratum vicissim a IUSTINO imperatore, quadringentis annis postea, vult PROCOPIVS. BON- FINIVS & LAZIVS, sua ætate adhuc aliquas pontis reliquias existisse scribunt: quemadmodum & in mappis Pannoniæ hodiernis, *Da- nubio* ad *Seuerinum*, aliis *Seuerianum*, seu *Sebastum*, aut *Sebacium*, urbem, a Geographis verba hæc, cum signis nonnullis adponun- tur: *Pontis Traiani vestigia*. Vtrum vero rudera hæc hodieque illic visantur, nec ex historicis recentioribus, nec ex peregrinato- ribus hucdum discere potui. (g) TRAIANVS postea victoria potitus, in Daciam Romanas deduxit colonias; quarum reliquiæ in *Vala- chis* Transiluanis, adhuc supersunt: quippe, qui *Romani* oris qua- lem cunque speciem adhuc (h) referunt, licet corruptam.

§. XIII.

D Vcunt autem *Valachi* ortum a FLACCO, Romano præside, a quo tota post regio *Valachia* dicta fuit. Ex eo enim tem- pore, quo prouinciæ *Flaccus* præsedet, quæ a *Danubio*, vsque in *Scythiam* extensa erat, nouimus indubitato, *Flacciam* vocatam fuis- se, neque aliunde, quam a linguæ corruptione, *Valachia* postea no- men accepisse. Nam non mores tantum, & statuta Romanorum

Iiiii 2

Va-

f) Minime! sub HADRIANO disturbatas pontis partes superiores, idem XI- PHILINVS scribit. quod monendum erat, ne silentium nostrum, errori *Fröli- chiano* videretur patrocinari, quem ipse recantauit.

g) Nostra ætate, demonstrauit ea MARSIGLIUS, in Oper. Danubiali, loco nunc citato. Vide præterea, quæ de ponte hoc erudite disquirat, IUSTVS LIPSIVS Lib. III. de Magnitudine Romana, Cap. XIII.

h) Meminit Linguæ *Valachicæ* TOPPELTINVS, Originum Transilvan. Cap. IX. p. 71. Et TRÖSTERVS passim.



*Valacbi*, sed, ut dictum est, voces etiam retinent, quæ latini sermonis sunt vernaculæ. Proinde sunt, qui *Valochos*, & *Valachos* eosdem esse putant, cum *Volsis*, Latii olim incolis. Sed non est, cur tam sollicitè in notione originem inquiramus, quum vel a *Wablen*, vel *Welschen* (g) Germanorum, opportune possit deriuari. Alioquin ex historicis constat, ANTONIVM PIVM Imp. rebelles *Dacos*, anno CLIV. post natum servatorem, feliciter repressisse.

## §. XIV.

Quomodo  
Daci Aquilone  
versus  
processerint?

Lapsu temporum, *Dacorum* nomen, in Germaniam quoque pertigit. Enim vero, occupatis insulis septentrionalibus, diu de possessione, cum indigenis, decertarunt, cum Suevis in primis, quorum pars haud postrema *Iulii*, & *Augusti* temporibus, partim in maritima loca, ubi iam *Pomerania* est; partim ad *Rhenum*, concessit. Immo, & inter se diuisi eousque dissidebant, dum *Daci* & *Dani*, occupata priscorum *Cimbrorum Chersoneso*, cui hodie *Dania* & *Iutlandia*, nomen, famam incolarum veterum deleuissent, *Gothis* interim, adiacentes insulas, magnamque partem *Suedia* intercipientibus. Manserunt tamen *Sueuorum* antiquiorum nonnulli, iisdem istis regionibus, a quibus nomen *Suecicum* manauit.

## §. XV.

Discrimen  
Ostrogothorum,  
& Visigothorum,  
& ubinam  
utrique con-  
sederint?

ERant hi septentrionales *Gothi*, uti antea dictum est, *Dacorum* ad Pontum in Asia, accolæ, qui apud *Danos*, & *Suedos* postea in *Ostrogothos*, & *Visigothos*, distinguebantur. Eodem hoc nomine & illi *Gothi*, qui in patria manserunt, distincti, ingentem famam, rebus præclare gestis, meruerunt, *Ostrogothis* nempe in *Pannonia*, in *Hispania Visigothis*, constituto imperio, immo & in *Aquitania*, & *Gallia Narbonensi*, aliquantisper dominantibus.

## §. XVI.

Quinam populi  
inter Gothos an-  
tiquitus nu-  
merati sint,  
quove modo  
Pannoniam  
inhabita-  
rint?

Alioquin *Gothis*, vulgo *Burgundiones* quoque & *Vandali*, *Alani* item, & *Rugi*, *Osii*, atque *Heruli*, *Mysique*, accensentur. Germanico hi ore loquebantur, & *Pannoniam* diuersimode inhabitabant. Habebant res suas, in *Pannonia* multoties, & *Galli*, cum *Boiis*, *Senonibus*, *Cimbris*, *Brennis*, & *Longobardis*, item, *Franci Saxones*, *Germanica* ciuitatis omnes; donec, partim ab hostibus vi expulsi, partim sponte egressi, primum finitimas regiones *Germania*, & *Italiam*, deinde remotiores, *Galliam* puta, *Hispaniam*, & *Africam*, infestis armis adorti, illic sedes posuerunt. Quomodo id factum sit, breuitatis causa præterimus, instituti nostri memores, cuius non est, talibus hic immorari. Sunt, qui præcipua quævis, luculenter adsignarunt, in primis *PEVCERVS*, ubi non

i) Omnium optime a Slauico *Wlach*, quod *Italum* notat, hoc, quidquid est nominis, deriuaueris; siue gentem existimes, siue regionem. Ita vero, sequiore tempore, a *Iazygibus Metanastis* cis Tibiscum colentibus, adpellatos fuisse credo.



non plane nil reperias. Plura occurrunt in MÜNSTERI Cosmographia, editionis recentioris, quæ correctior est, & auctior. Hactenus itaque ostendere, *Lectori Beneuolo*, connitebamur, tum ex veris quibusdam præsumptionibus, e diuinioribus litteris depromptis, tum ex solidis historicorum, fide dignissimorum, testimoniis, quinam primi, iidemque antiquissimi *Germani* in *Pannonia*, eorumque maxime, qui in *Transilvania*, *Hungaria*, *Scepusio*, Germanica loquuntur, maiores fuerint, & propagatores: vnde item, & quibus temporibus, ad has oras peruenerint? Nunc porro, indicandum fuerit; qui regionis huius primi, ante memoratos *Getas*, seu *Germanos* præcos, incolæ? qualesue populi, sub, & post *Gotthorum* æuum, heic imperarint? vnde item *Pannonia*, & deinceps *Hungaria*, adpellata; & quam variis nominibus *Hungarica* gens fuerit insignita?

## §. XVII.

COMMUNI more receptum est, vt, qui vel prædicare suos, <sup>Quomodo gloriam aboriginum nō nulli sibi vnde dicent?</sup> vel commentari de eis, quod memoria posteritatis dignum est, constituunt, hi pene omnes, etiam doctissimi quiuus, gentem suam *autochtonem*, nullaque ex externa natione, sed ex eo, quem incolit, loco, & patria, inde a primis, qui reuolui memoria possunt, temporibus, prognatam aiant. quod in *Græcis* factitarunt *Athenienses*, & *Thebani*; aborigines in *Italia*. Qui autem altius sapuerunt, nescio, qua ridicula antiquitatis affectione, aliquot millenis annis prius, quam mundus cœpisset, fuisse suos finxerunt. Eodem crimine *Arcadii*, *πρωτογενῆς* semet adpellabant; de quibus nec tempus dicendi est, nec locus. Atque superba æque, litium ferace antiquitatis æstimatione, posset etiam prima *Pannoniorum* origo, non secus ac aliorum, idque fundamento forsitan solidiori, auspiciaciorique opera, inde a retrusissimis temporibus accessi: tametsi haud negauerimus, subinde extitisse, qui se iis, ritu inquilinorum, admiscuerint. Sed mittam nunc ista, vt ne veteri illi, de prærogatiua antiquitatis populorum disceptationi, locum facere videar. Nam vt alios præteream, *Ægyptiis* certe, vitio olim vertebatur, quod in negotio consimili, contra *Iudeos*, *Phryges*, & *Scythas*, disputantes, nouam procuderint *Chronologiam*, id quod ex *IUSTINO*, & *HERODOTO* (k) condiscas. Quin & *Scythas*, a reliquis populis, censoria virgula notatos fuisse legas, quod se omnium terrarum orbis populorum, & antiquissimos profiterentur & optimos; id simul comminiscens, sese, cum primum mundus ex chao digesto, aut igne, aut aqua, conderetur, procreatos fuisse. Græci certe, peculiari erant superbia erga alias gentes exterarum. Quare, ipsis primam humani generis *LAERTIVS* adscribit origi-

Kkkkk

rigi-

k) *EVTERPE*, cap. II. p. 89. vbi tamen *Ægyptii*, antiquitatis palmam, ridiculo adducti experimento, *Phrygiis* concedunt. Sed apud *IUSTINVM*, ex ea con-  
certatione, *Scythæ* superiores fere abeunt.



riginem. Itaque, gentes reliquas, contemtim, *barbaros* adpellabant, hoc est, feros & intractabiles, iuxta sermonem *Ebraum*, (1) bestiisque haud absimiles; tametsi aliam STRABO (\*) voci illi originem, a dura, & inculta lingua, conciliet. Ex iisdem Græcis, *Athenienses*, pari in vicinas gentes contemtu, multa *Arcadios*, *Argiuos*, atque *Thebanos* contumelia adficiebant; ipsi, ab his, æqua vicissim, ut fieri solet, despiciunt talione, repetiti. Enim vero, cum *Athenienses* se nullo ex alio loco, quam in quo degerent, ortos, adeoque *autochthones* esse gloriarentur, eo moti *Arcades*, natales suos ipso cælo, lunaque antiquiores referebant. Quapropter, hos cognati ipsorum, ut aiunt, *Cetei*, siue *Latini*, in *Italia* imitantes, *Aborigines* adfectant nominari. Nam quod ad ipsorum spectat cognationem, *Latini*, auctore *Suida*, a *Ceteis* orti, aliud nomen, a *Latio* regione, acceperunt; *Ceteis* interim & *Arcadibus*, utrisque a *Cetibim*, natales suos deriuantibus. Sed abrumpamus heic filum, ut ineptæ opiniones, eo præpediantur facilius, in primis veterum *Philosophorum*, qui *Aubano* teste, homines & bestias, in meridionalibus prouinciis, in *Ægypto*, & *Æthiopia*, primo omnium ortos fabulantur. Qua opinione, ductus forte *Diodorus* quoque, *Æthiopes*, antiquitate aliis omnibus populis anteposit. Cauendum etiam ne recoctis rursus *BEROSI*, supposititii illius, aliorumque id genus fabulis, alia vetustiora certioraque fundamenta sacrarum litterarum postponantur. At iusto forte plus, narrationi huic indulgimus.

## §. XVIII.

Quando & a quo Hungaria ante Scytharum aduentum inhabitata, & unde sit Pannonia nominata? **Q**uidquid horum sit, quæ de veterum disceptationibus adtulimus, vero tamen simile est, suntque plures, qui adferant, ex scriptoribus, in primis *LAZIUS*, & *BERTIUS*, *Pannoniam*, post diluuium mox inhabitatam, primos omnium incolas *Pænos*, siue *Pannonios* habuisse. *BOISSARDVS* (m) *Pannonem*, filium *Iapheti*, annis *CLV.* post diluuium, primum ante alios, heic confidentem, *Pannoniam* nomen dedisse arbitratur. Alii, pro filio *Moesti*, *Semique* pro nepote habent *Pannonem*. Primum etiam regem prouinciæ *Pannonem* vocatum volunt, *BEROSVS*, *PTOLEMAEVS*, *DION*, & *METHODIUS*, *BONFINIUS*, & *HIERON*, *ORTELIUS*, alique *Pannoniam*, non tam a primo domino, quam a monte *Pannonio* dictam putant; qui inter *Dotim*, seu *Tatam*, & inter *Iaurinum* situs, *D. Martini* Episcopi, natione *Pannonii*, templo, quod in vertice ostendit, nobilitatus est. A *Pæone*, filio *Endimionis*, qui Græcorum ducem agebat in Macedonia, partum id nominis, tradit *Herodotus*, & *Pausanias*. Cui

1) Ita *CHRISTIANVS BECMANVS*, in *Originibus Linguae Latinae*, in voce *Barbarus*, p. 287. sequen.

\*) *Lib. I. 14.*

m) In *Historia Chronologica Pannoniæ*, p. 1. quam *THEODORVS de BRY*, *Tabula Chorographica*, & iconibus, illustratam euulgauit, *Francofurti*, Anno *MDXCVI.* for. quadrip. Iterabatur editio inibi, A. *MDCVIII.*

n) Alii



Cui ultimæ opinioni; quippe, nec LAZIO, nec BERTIO contrariæ, adstipulor & ipse ego. (n)

§ XIX.

**N**omen *Pæon*, uti ex HOMERO, EURIPIDE, THUCYDIDEQUE discimus, antiquissimum; Græcis luctatorem strenuum, & qui pugnas ardeat, significat. Quodsi vocabulum id Græcum est, haud difficile erit ad colligendum, linguam *Pannoniorum Græcanicam* (o) quadantenus fuisse, ipsosque a Græcis propagatos, ripas primum *Strymonis*, Macedoniæ finitimas, insedisse; quippe quas, iam THUCYDIDIS ætate incoluerunt. Postea, ubi a *Strimone* sensim paullatimque recedentes: *Pœonii*, *Danubio* adpropinquarunt, vocata est regio, quem occuparunt, *Pannonia*, nomine priori paullum immutato. A Græcis his populis, & *Belgradum* nomen indeptum, dum *Alba-Græca* nominatur. *Albam-Iuliam* vero, Transiluanorum metropolim, & *Albam-Regalem* BONFINIVS (p) a *Leucis*, seu *Albanis*, Græcis nempe, qui a *Scythis* orti, *Asiam* incoluerunt, deriuat. Quemadmodum alii etiam *Græci*, *Pannoniæ* ciues dederunt; uti *AGRIANI*, qui *Agriam* reliquerunt, & *Bastarnæ* Macedones, temporibus ALEXANDRI M. & hoc mortuo, *Gallo-Græci*, qui ex *Gallis* (seu *Gallatis*, aliter *Celtis*, quorum nomine omnes illæ nationes veniebant, quæ ea loca, ubi nunc *Galli*, & *Germani* degunt, incolebant) & ex *Græcis*, mixtum quoddam populi genus, exstiterunt. Nimirum, postquam eiectis ex Italia *Brenno*, & *Camillo*, horum populares *Galatæ*, templum *Delphicum Apollinis* expilassent, idoli, quod spoliauerant, furore, in varias regiones dispersi, pars cum *Brenno* in *Asiam* transiit, pars in *Pannoniam*, versus *Istrum* cum tribuno *Bathanacio*, uti LIVIVS & ATHENAEVS memorant. Inde nomen *Bathienfis* Comitatus fortitus est. Mistis ita, ex *Græco-Gallis*, seu *Gallatis*, lingua quoque mista fuit, aliis *Græce*, aliis *Germanice* loquen-

*Vetus Pannoniorum, & gens, & lingua Græcanica ex parte fuit.*

Kkkkk 2

n) Alii *Pannoniam*, dictam a pannis volunt; quod Pannonες vestes gererent ex variis pannis confutas ac variegatas. Vid. CASABONVM, ad *Suetonii Augustum* Cap. XXI. quod ille ex DIONIS CASSII Lib. Hist. XLVX. hausit: cuius locum suum fecit LAZIVS, de *Migrat. Gentium*, ad Lib. IV. p. 12. Neque silenti sunt, qui a *pane* repetunt *Pannoniorum* vocabulum; quod *panosa* eorum regio fuerit. Sed aliter DIO: *hordeum*, inquit, *solum & milium edunt, similiter & bibunt*. loco citato; ergo, panis inops fuit regio. quod hodie aliter se habet.

o) Aliter VELLEIVS PATERCVLVVS, Hist. Rom. Lib. II. Cap. CX. §. p. 530. sequen. *In omnibus Pannoniis, non disciplinæ tantum; sed linguæ quoque notitia Romanæ, plerisque etiam litterarum usus.* Quod LAZIVS, dicto loco, de vniuersæ gentis sermone interpretatur; & cum eo SCHÖNLEBEN, *Annalium Carniolæ Antiquæ* Parte III. p. 135. ad An. CHRISTI VII. Ego crediderim, in *prouinciales* cum primum subacti fuissent *Pannonii*, lingua uti eos coepisse *Romana*; siue commerciorum necessitudine; siue dominorum imperio. Nam, uti obseruat CVRTIVS, Lib. VI. Cap. X. 23. *Solet natiuus ille sermo commercio aliarum gentium exolescere; & tam victoribus, quam victis, peregrina lingua discenda est.* Quid si coniectationem nonnullorum sequamur, & *Illyricum*, quod postea *Slavicum* dictum est, idioma *Pannoniis* fuisse, pronunciauerimus? *PANNON* enim, ea lingua, idem est, quam *Pan on*, hoc est: *Dominus ipse*, seu *autocrator*: & *Pannonii*: forte *Pani oni*, quasi: *rerum domini*.

p) Nugatur hic, sicuti sexcenties alibi, audax coniectator BONFINIVS.



loquentibus. Sic & Gallatæ, ad quos epistolam dedit PAVLVS, Germanica dialecto utebantur post tempora Apostolorum. Inde est, quod in lingua Germanorum Græcas quoque nonnullas voces obferues, vti sunt: θύρα, thier; κυσσέω, küssen; μετὰ, mit; ἰμάτιον, bembd; γῆ, gaw; ἑχθρὸς, ächter; μύλη, mühl; χέλιος, schädlich, λυχνος, licht; ἀργός, arg; φαῦλος, faul. Ex Græco sermone promanarunt etiam: Burg, Bach, Magd, Schaff, Spade, Plette, Kopff, Leiter, Maus, Carn. Item: lallen, fallen, liegen, sitzen, lindern, siedern, brennen, reißen, ratzen, irren, wollen, schleppen, Kirschen anlegen, & his similia plura.

## §. XX.

Qui & quales populi peregrini, præter Pæones in Pannonia conuenerint, quorum primi Iudæi erant, & Israelitæ; deinde Romani; tum Vindi & Slauæ, qui. bus Slauorum riginem suam velint deducere; post Bulgari; hinc Siculi; inde Hunni a quibus ortus & nomen Hungarorum; fabula item de origine Hungarorum; denique Auares. Siculorum primi parentis.

PRÆTER Pæones, (q) seu Pannonios, ex Græcia profectos, nullus dubito, quin alii quoque populi, regionem hanc infederint: quemadmodum ex nonnullis in Hungaria repertis, & litteris Ebraicis inscriptis monumentis, forte non ab re, coniectat LAZIVS; (r) terras has Ebraicis, ante (s) & post diluuium, haud caruisse. Placet & PHILIPPO MELANCHTONI, Gothos, & alios populos, cum in Pannoniam, & Germaniam migrassent, Israelitis permistos, aduenisse. Dissipatis namque tribubus decem, multi Israelitarum in Asiam (t) minorem ingressi, Gothicis se nationibus adiunxerunt. Atque ita numinis prouidentia factum est, vt diuinæ lucis notitia, gentibus quoque nonnullis illuxerit. Quare scribit HERODOTVS, se in Colchide, quam Cimbri olim incoluerant, circumcisionis morem reperisse. Ceterum, Iudæi, iam ante natum CHRISTVM, Germaniam, Pannoniamque inhabitabant. Constat etiam Venetias, & Italiam peragrantibus, Iudæos ex Media, Turcia, & Constantinopoli eo delatos, Germanica callere, & sermocinari. Quod ad Romanos adtinet, hi consule Lentulo, primum regione hac, bello potiti sunt. Inter Romanas prouincias, adseruit eam AVGVSTVS Imperator. TIBERIVS autem Austriam, Styriam, lacum Peisonem, & Bægarorum; latonem, nec non Schimeg, Romanæ subiecit ditioni. CLAVDIVS Cæsar, superiorem Hungariam, vltra Posonium, vsque ad Colofos, Colocsam vocant, perdomuit. Daciam subiecit TRAIANVS, quam hodie Transiluaniam, & Valachiam vocamus. Reliquas par-

deper-

q) Non sunt Pæones, & Pannonii iidem. Aduertit errorem Dio, loco laudato: Quidam Græcorum errore, & ignorantia ducti, inquit, Pannonios, Pæonas adpellabant. Vetus quidem hæc nominatio est: attamen non ibi, sed in Rhodone & Macedonia tum habitauerunt, quæ protenditur nostris temporibus ad mare vsque. Quapropter, ego hos quidem Pæonas, illos vero Pannonios, adpellarim. quod discrimen tenendum est.

r) Fecit id omnino fine Libri I. de M. G. sed successu plane nullo: recentiora enim sunt ea monumenta, quam quæ possint canam illam antiquitatem euincere.

s) Infeliciter hæc dicuntur; Hebræorum enim gens & vocabulum, ignorabatur ante diluuium, ex patre demum EBERO profecta. Videatur BOCHARDVS Geographia Sacra, Lib. IV. Cap. XXXVIII. p. 318. lin. 26.

t) Malim dicere: in Asiam septentrionalem sparfos, & Scythias commixtos fuisse, actos in captiuitatem Israelitas. Certe in Lingua Hungarica, quam a Hunno Scythias accepimus, insunt locupletes vocabulorum Hebraicorum reliquæ, quod alibi docebimus, peculiari schediasmate: De Lingua Hungaricæ Indole Orientali; Miscellaneis Berolinensibus, quæ Soc. Scientiar. Regia edit, inferendo.



tes, ab ANTONIO, & aliis Imperatoribus Romanis occupatas, & deperditas, recensēbimus iusto ordine, in *Chronologia* nostra. *Sarmata*, alias *Heneti*, mox *Slavi*, *Slauini*, mox *Vendi*, & *Vindi* dicti, *Pannoniam*, imperante ANTONIO CARACALLA, primum adorti, ac CL. annis postea, anno nempe XI. imperii VALENTINIANI, indepti sunt. qui, licet sæpe eiekti a *Romanis*, tamen iterum reduces, *Illyricum*, *Dalmatiam*que, & ex his enatam *Slauoniam*, post tempora IUSTINIANI; imperante vero LEONE, & MAVRITIO Rasciam, Bosniam, Seruiam, Carniam, Croatiam, & alias *Pannonia* prouincias, occuparunt. HERACLII autem temporibus, complures ipsorum in occidentem, & septentrionem ducti, obsederunt ima *Carpathi*, mixtique, partim *Germanis*, hinc & illinc in oppidis metallicis, vicisque *Scepusiensibus*, nec non in Comitatibus, *Sarossiensis*, *Gömör*iensis, *Liptou*iensis, *Aruensis*, *Tburocz*iensis, & *Tbrensfiniensis*, reliquerunt posteritatem; partim progressi vltius, *Poloniam*, *Morauiam*, *Silesiam*, *Bohemiam*, aliosque finitimos tractus *Germania*, ad mare vsque *Balticum*, interceperunt; dum ab HENRICO LEONE, & huius successoribus, ex iisdem locis maritimis, vicissim eiicerentur. In eo quidem sunt, *Slavi*, *Vindi*, *Morau*i, & *Bohemi*, vt ortus sui antiquitatem demonstrent, ex diplomate, quod ab ALEXANDRO M. vna cum regionibus, inter *Aquilonem* & *Austrum*, ad *Italiam* vsque protensis, ob nauatam sibi præclare operam, acceperunt; sed, commentitium esse diploma illud, ex eo patet, quod nomen *Slauorum*, Græcis & Latinis ignotum adhuc, IUSTINIANI primum temporibus, annis plus quam mille post *Alexandrum* increbuerit; vti CROMERVS (u) ostendit, refutata contraria falsa opinione. *Bulgari* venerunt in *Pannoniam*, imperante ferme IUSTINO, confidentesque ad *Sauum*, & *Danubium*, vsque huc *Turcis* subiecti, illic degunt. Hi, & inter *Slauos* erant, & *Sarmatas*: quippe, quorum ore loquuntur. Multum cum his certaminum Romanis Imperatoribus intercessit. *Siculi*, (x) Hunnorum reliquæ, a Scythis orti, postquam annis ter centenis *Pannoniam*, auctore IOANNE PISTORIO, incoluissent, translatis in *Transiluaniam* sedibus, vsque huc degunt ibidem, nobilium priuilegiis gaudentes. RANZANVS CICVLVS, deriuare eos vult ex *Sicilia*, quasi vero *Siculorum* legio, sub ATTILA militans, electis in *Pannonia* sedibus, mores, & sermonem prouinciæ receperit. Vereor tamen, ne *Ranzanus*, affectu abreptus, maiores suos a *Siculis*, gente *Italia* humaniore, moratioreque, quam a *Scythis* barbaris, deducere maluerit. HUNNI, a quibus *Hungari*, & *Pannonia* inferior, *Hungaria* dicta est, habitarunt olim in *Scythia Asiatica*,  
LIII ad

u) De Rebus Polon. Lib. I. cap. XV. p. 16. initio.

x) De Siculis legi meretur STEPHANVS ZAMOSIUS, in *Analectis Daciae lapideibus* Cap. III. p. 12. auersa, sequi. Errat FRÖLICHVS nimium, quando RANZANVM, Ciculum facit *Transilvania*. Siculus namque fuit, ad MATTHIAM CORVINUM legatus. Crimen itaque non aliud commisit RANZANVS, quam quod *Ciculus*, siue *Székelios* ciues suos fecerit.



ad paludem Mæoticam, trans *Tanaïm*, quem *Don* vocant hodie. Postquam autem, ex tergorum, & pellium venundatione, vicinas adamauissent regiones, perosi patriæ sterilitatem, & copiam populi, collectisque *decies centenis millibus* virum, vna cum vxoribus, & liberis, pecoribusque, & tota supellectile, trans paludem *Mæoticam*, in *Scythiam Europæam*, sub VALENTE Imperatore, transuerunt. Illinc exturbatis *Gothis*, duce *Bela*, haud longe post maioribus cum copiis, *Pannoniam* ingressi sunt. Fabula est, quod narratur a IORNANDE, THYROZIO, BONFINIO, aliisque priscis scriptoribus, *Hunnos*, ex *Alraunis*, seu sagis, quas ob artem veneficam, castris expulerit *Filimerus*, Gothorum rex, ortos propagatosque esse: & cum temporis lapsu inualuissent, ductu ceruæ, trans *Mæotim* lacum, in *Scythiam Europæam*, commigrasse, *Pannoniamque* pro equo, capistro, & ephippio, quæ nomine ducis *Arpad*, pro vna lagena aquæ danubialis, vola terræ, & graminis manipulo, SVATOPLVGGO duci obtulerant, intercipisse. (y) LAZIVS ait, eos duce *Balambero* in *Daciam* transiisse, qui imperante MARTIANO, primum in *Pannoniam*, trajecto *Tibisco* perueniens, præeunte ATTILA, Romana præsidia, castris eiecerit profligaritque. Undenam *Anares* accesserint in *Pannoniam*, in scriptoribus nil reperias. Sunt, qui *Hunnos* eos fuisse tradant, qui MAVRITIO imperante, cum *Scythico* illò *Balocalabra*, fraudulenter *Hunnis*, in *Pannonia* immisto, & iterum in priscam patriam ipsorum profugo, altera vice in *Pannoniam* sint ingressi, *Siculis* deinceps propagandis dedisse originem.

## §. XXI.

Hungarici  
nominis et  
ætiologia.

Non plane nulli, *Anares* Hunnorum vicinos fuisse tradunt, qui, ex regione ultra *Moscouiam*, *Iubra*, seu *Iugoria* ei nomen est, imperante IUSTINO, primum egressi & innotescetes, *Hunnis*, post ATTILAE mortem centum annis, vicissim *Gothos* adortis, & regionem ipsorum occupantibus, se adiunxerint, *Thraciamque* vniuersam, cum finitimis prouinciis, non secus, ac *Hungariam*, insederint: atque eo tempore primum, nomen *Hungarorum*, quasi ex nomine *Hunni* & *Iubra* concretum, innotuisse. PETRVS PETRAEVUS: (z) *Russie* ducatus *Iugorscbis*, inquit, *diffidet ab urbe Moscouia, milliaria tercentum, & quinquaginta, versus septentrionem, & orientem. Heic castrum occurrit, cum ciuitate nomine Iugra. Ex hac regione putant Russi, ortos, & egressos Hungaros, primum accoluisse lacum Mæotidem, deinde Danubium, circa quem nunc Hungarorum sedes est. Hinc gloriabundi* (a) *Russi, talibus se dicunt populis fuisse dominatos, a quibus tota Italia, Gallia, & Germania, vastata sit. Hæc ille. Quidquid huius sit, certum tamen est,*

y) Professa opera, fabulas, a veritate historica discriminavit FRANCISCVS FORIS OTROKOSI, in Originibus Hungaricis, Parte I. qui vel hoc nomine, lectione dignissimus est.

z) In Historia Moscouitica.

a) Idem PETRVM I. CSARVM sæpe iactitasse, ex ciuibz nostris didici, quibus id exprobat identidem, cum in suo comitatu versarentur.



est, Hunnorum nomen non venire a patria: quippe nusquam regionem, seu in Russia, seu in Scythia, seu in quibusvis Asiae, & Europae locis repereris, quae *Hunnia* nominetur. Etsi est in Transilvania geminus locus, alter in Hungariae, in Valachiae finibus alter, quem Hungari *Hunyad* adpellant: tamen a neutro potest nomen eorum deduci. Quare, malunt historici, vel vocari eos ab *Hunn*, duce ipsorum, & principe haud postremo, vel ab *Hunna*, Croatiae fluuius, ad quem primum, quum venissent, confederant. Neutrum tamen horum probari indubitato potest.

§. XXII.

**A** Priscis Hunnis lingua discrepant Hungari (b) hodierni, acceduntque magis Auaris, a quibus & mores acceperunt. <sup>Vnde Hungari hodierni prouenerint, & vbinam primi Hungari interierint?</sup> *Lazius* Hungaros hodiernos, posteros esse autumat *Magyarorum*: quippe ad quos proximi, teste etiam *Iornande*, habitarint trans *Tanaim*. Accedit, quod ab *Ottone I.* prostrati sint, deletique prisci Hungari, qui *Arnolphi*, *Ludovici IV.* *Henrici* & *Otonis I.* temporibus, laceffuerant *Germaniam*, *Galliam* & *Burgundiam*. Tenebant autem *Hungari*, & *Auares*, *Pannoniam*, vsque ad *Caroli M.* imperium, quo *Austria* primum, diremta ab *Hungaria* est.

§. XXIII.

**N**omina (c) priscorum *Hungarorum*, multa nimium sunt, & <sup>Quae varia & inusitata nomina Ungari olim acceperint?</sup> perplexa. A *Zosimo* vocantur, *Hunno-Vngari*, *Scythae regii*, & *Az regi Magyarok*. *Nomades*, *Cimbri*, & *Cimmerii* a *Procopio*. A *Nicephoro*, *Nebri*. *Aviri* a *Iornande*. A *Calliste*, *Vdir*, *Var*, *Saberi*, *Cunni*, *Sogor*, *Sorosgi*. *Attacori*, & *Thyri* a *Plinio*. Ab *Ortello*, & *Iornande*, *Acatziri*, *Hunni*, *Magores*, *Acatiri*, *Agaziri*. *Thynni* ab *Hermolao Barbaro*. *Thunni* a *Vadiano*. A *Ptolomaeo* *Cbuni*. *Turci*, non quidem hodierni a *Plinio*, *Herm. Barbaro*, & *Ortello*. *Cotriguri*, *Procopio* *Contrognori*, *Vvitiguri*, *Cattiguri*, *Eutaseli*, *Hugorva*, *Hungari*, *Hunnigari*, *Vltizuri*, *Aulziagri*, *Alziagri*, *Vlziagri*, *Burgundi* ab *Agathia*, *Procopio*, *Lazio*, & *Iornande*. *Vgri* a *Pomponio Laeto*, & *Aventino*. *Saraguri*, *Vrogi*, *Hunogari* ab *Aventino*. *Vlzinguri*, *Argisciri*, *Bitugores*, *Bitugores*, *Bardores*, *Sacromantisii*, *Fosatisii*, *Lumbardi* a *Iornande*. *Abiri*, *Auares*, *Adueni* a *Romanis*. *Orarchonitae* a *Turcis*. *Magyari* a *Thyrozio*. Haec nomina, *Hungaris*, non *Hunni* vernaculi; sed exteri populi, & scriptores adtribuerunt. Quae variatio, & nominum diuersitas, ita perplexos reddit saepius scriptores, vt quo se inter *Hungaros* vertere debeant, non dispiciant, neque possint sese, nisi multum operae, studiique adhibeant, extricare.

L1111 2

§. XXIV.

b) Non est ita, *Vir bone!* quod ad *Prisci Rhetoris*, *Attilam*, non vno argumento doceamus.

c) Non sunt haec vniuersae gentis; sed tribuum nomina. Ergo, neque, seu possunt, seu debent singula toti nationi adtribui. Nam, *Aviri*, *Attacori*, *Acatziri*, *Acatiri*, iidem sane existimandi sunt, seipsos ita adpellantes; a suis praefectis, quasi hodie diceret: *Acat-Uré*, *Cotrig-Uré* &c. quemadmodum nostri solent respondere, si interrogentur: *Ki katonája vagy? Csák-Uré, Forgách-Uré.*



Emolumentum, ex perpetua illa gentium migratione, & remigratione in Pannoniam.

EX his omnibus, quæ narrauimus, vbertim potest colligi, quàm variis mutationibus obnoxia fuerit *Pannonia*. Scilicet, volubili fortunæ lusui, & versatili globo similis fuit: quippe quæ, aliis alios semper exturbantibus, mox huic, mox alteri turbæ exhibuit diuersorium. quod dubio procul primum contigit *Ebrais*, *Israelitis*, & *Iudæis*; deinde *Græcis*, & in his *Pæonibus*, *Albanis*, *Agrianis*, *Bastarnis*, & *Galatis*. Ex Germanis erant *Getae*, *Gothi*, *Gepidae*, *Thyssagetæ*, *Gothini*, *Gothones*, *Ostrogothi*, siue *Ostgothi*, *Vestrogothi*, siue *Vest-* & *Visigothi*, *Daci*, seu *Dai*, *Dani*, *Dau*, *Alani*, *Arii*, *Vandali*, *Butgundiones*, *Cimbri*, vel *Cimmerii*, *Longobardi*, *Rugi*, *Osi*, *Heruli*, *Myfi*, *Galli*, *Celtæ*, *Boii*, *Senones*, *Franci*, *Sassones*. Sequebantur *Itali*, in primis *Romani*, & *Valachi*. Ex Sarmatis erant: *Heneti*, *Vendi*, *Vindi*, *Slau*, *Illyrici*, *Dalmata*, *Bulgari*, *Rascii*, *Bosnici*, *Croata*. Denique ex Scythis, *Ciculi*, Germanis *Zekler*, *Hunni*, *Auares*, *Hungari*. Hi, præter alios, regionem hanc, & occuparunt, & tenent quadam parte adhuc. Proinde, æquum est, vt egressus, ingressusque populorum in *Pannoniam*, migrationesque, & peregrinationes earum, seria penititatione metientes, inconstantiam rerum humanarum, vanitatemque, nobis exinde cordi sumamus, paremusque omnes animi ingeniique vires nostras, ad quasuis conuersiones, eo fortius excipiendas, constantiusque & patientius tolerandas; præcipue, cum nonnisi peregrinatio sit vita humana, in qua non ciuitas, non locus vllus stabilis sit. quin potius, ciuitas nostra, in cælis est, quorsum, vt connitamur, par est, habitaturi apud DEVM, & omnes Sanctos in perpetuum.

### Appendix Epistolica,

De

## ORIGINIBVS HVNGARORVM,

Ob materiæ similitudinem, isthic adtexta.

I.

V. CL. MATTHIAE BELIO

S. P. D

THEOPHILVS SIGEFRIIDVS BAYER.

CVM primum cognoui, qua in re Tibi mea studia accomodari velles, scripsi *Gedanum*, ad *Kleinium*, Secretarium Senatus, rerum talium perquam curiosissimum virum, & amantissimum mei, misique ad eum Epistolam tuam, vt ex ea confirmaretur, publico vsui fore, si operam in negotium hoc contulisset. Responsum tuli, plenum amicitiae, sed rei inane. Quantumcunque enim, & ipse, & per amicos, de *Dacia Opitii* quaesivit, nihil indagari potuit. Fortassis autem, quod nunc nusquam inuenitur, alicubi in *Prussia* latet. In quam rem, non desinam admonere populares meos. Hæc dudum ad te perscripsissem, nisi interea, maxima rerum mearum mutatio, intercessisset. *Petropolin* enim vocatus sum, vt in ea Societate, professione antiquitatum perfungerer. Stipendium, ceteraque omnia, amplissima



suma destinata sunt. quæ equidem minimi, (homo, nullius rei minus, quam pecuniæ appetens) facio, præ ea felicitate, qua summorum virorum, qui eodem, fere ex tota Europa vocati sunt, collegio allectus sum. Summum autem momentum, in eo negotio, consiliis meis adtulit ea cogitatio, quod ex insperato diuinaque prouidentia, mihi conditio talis obuenit, de qua nunquam cogitaueram. Ita, cælestis numinis imperium, mihi omnem reliquam deliberationem tollebat. Eo igitur, paucos post dies proficiscar, cum coniuge, tribusque liberis. Horret animus, itineris molestias, & improuisa in futurum contemplans. Sed, fiducia mihi omnis in DEO est posita, cuius in manu, quid aliud est genus humanum, quam pila, illic quietura, in quem missa locum fuerit; aut, si ei sit visum, perpetua agitatione, hac illac proturbanda? Hæc tamen res, & continuit me adhuc ab officio, quod Tibi debeo, & adhuc retinet, quin Tecum, quod cupio, super quibusdam, conferam per litteras. Longe enim alia sententia mihi in quibusdam est, quam tibi esse intelligo, possetque fieri, vt nostra dissensio, comparatis inter se argumentorum momentis, aliquid constitueret, quod in ea parte historiæ, adhuc incertum est habitum. Vnum tantum adtingam, quod, vt opinor, in ea caussa est præcipuum. Quæritur inter nos: *quænam gentes stirpem suam ad Scythas referant?* Inuenio igitur, *Alanos, Lithuanos, Verulos, seu Herulos, Fennos, Lapponas, Aestios, Liciones, Prussos*, Scythici corporis, a maiorum stirpe esse: at *Sarmatas, Slavicas* gentes omnes; *Hungaros* nostros, (nam & ipse patrem, auum, atauum *Hungaros* habui) aliarum originum populos fuisse. Et *Scythas* quidem, antiquitus intra *Vistulam* & *Volgam*, coluisse doceo; vltra eos autem fluuios, nihil fere *Scythica* stirpis fuisse, nisi *Massagetas* ad *Orxantum*. Itaque, ad *Valentem* vsque, teste *Ammiano Marcellino*, diligentissimo eorum temporum & motuum scriptore, quidquid trans *Volgam*, *Hunni* obtinere, id ne commercii quidem cum *Alanico*, seu *Scythico* populo, miscebatur. Fuere a *Volga* vsque ad *Sinas*, ab antiquissimis temporibus magna imperia, vt *Hunorum*, sub *Chaganis*; *Christianorum*, sub *Vngchano*, a quo *Ioannis Presbyteri* fama ad nos peruenit, *Gingiscanidum*, (notior ceteris) & *Tamerlanis* postea. Si *Bagaduri Chani* historia Tartarica, quam manuscriptam habeo, ederetur a *Stralebergio*, tribuno militum inter *Suecos*, vt se facturum recepit in litteris, quas ab eo accipi multa pars eius, immo & nostræ historiæ in summa luce poneretur. Magna, inquam, ea imperia fuisse, e quibus *Hunni* profecti sunt; Sed *Scythica* originis non fuisse, compertum habeo. Quin immo, vehementer abhorreo, ab ea sententia, quæ est communis omnium, *Hungaros* nostros, ab *Hunnis*, aut, vt *Græci* scriptores illorum temporum eos vocant, *Turcis* esse oriundos. *LEIBNITIVS*, in miscellaneis *Berolinensibus*, ab *Hungaris*, iuxta *Fennos* colentibus, *Hungaros* deduxit, ex quo factum sit, vt multum *Fennici* sermonis *Hungari* adhuc retineant. quod *Olaus*, *OLAI* filius *RVDBEQVIIVS*, non ita pridem, diligenter ostendit. *Hunnigaros*, *LEIBNITIVS* e *Iornande*, & *Gulielmo de Rubruquis* cognouerat. Sed *Agathias*, eosdem *Hunnis* accenset, *Priscus* quoque *Rhetor*, & *Menander Protector* commemorant. A quibuscunque deriuem maiores nostros, *Scythæ* nunquam fuerunt. *Scythas*, a *Magogo* prognatos dici patior, & pæne inuicto ratiocinio, ostendere possum: *Hungaros*, ab eodem prognatos dici, non patiar. *Amazones*, *Sarmaticæ* fuerunt mulieres, non

M m m m m

Scythi-



*Scythica*; testis est luculentissimus HERODOTVS. *Parthi*, *Bactriani*, *Americanae* gentes, nihil commune cum *Scythis* habent. *Scythismus*, de quo & *Fassii Siculi*, nihil ad *Hunnos*, aut *Hungaros*; vt neque dii, quos HERODOTVS recenset. Res a *Scythis* gestæ, nihil ad *Hungaros*, nihil ad *Sarmatas*. Equidem scio, post *Herodotum* extitisse, qui *Scythicum* nomen latius extendere. quibus EPHORVS prælusit, cuius fragmentum *Cosmas Aegyptius* nobis seruauit. Sed hi, per compendium, totas regiones, vno vocabulo comprehendebant, vt nos *Asiam*, *Europam*, *Africam*; illi *Scythas*, *Aethyopias*, *Celtas*. Nec nos tamen ideo omnes in *Asia*, aut *Africa*, gentes cognatas putamus: nec, qui ab EPHORO, *Scythæ* vocantur, idcirco vnus populus fuerunt. Ex eo tamen errore manauit, vt in *Eddicis* fabulis, etiam *Sueci*, *Scythis* accenserentur. De his luculentius, sententiam meam, si Tibi videbitur, explicabo. Nunc, inter publicam rerum mearum auctorem, quam facio, vix satis compos sum animi, ita in multas partes & curas distrahor. Nisi scirem, quæ Tua esset humanitas, quantaque ex omnibus paginis eluceat, quantumque alios Tecum conferre cogitationes suas super iis, concupiueris, longa vsus fuisset excusationis præfatione. Quam nunc, tanto magis præmittendam duxi, quanto maioris apud me Tua admirabilis virtus, cum summa doctrina coniuncta, æstimatur. Lædere mihi videor, Tuum illum sanctum & lenissimum animum, si quid secus suspicari me, deprecando ostendam. Ita faciam potius, vt, si commercia hæc inter nos frequentabuntur, integritatem, Tuæ æmulam, in me reperias. Scribes autem per *Martbium*, optimum virum, quem multum saluere meo nomine iubebis, dum constitutis *Petropoli* rebus meis, significabo, ad quem alium redire debeant litteræ. Vale *Prid. Iduum Ianu.* clō lccc xxvi. Et Tu quoque *Martbi* optime, suauissime, vale, meique memor esto, hominis tui obseruantissimi.

## II.

CLARISSIMO VIRO

THEOPHILO SIGEFRIDO BAYERO,

S. P. D.

MATTHIAS BELIVS,

Ecclesiastes Pisoniensis, &amp; Regiæ Societatis Scientiarum Berolinnenfis Collega.

**V**Ehementer lætatus sum litteris TVIS, quas mihi Clarissimus *Martbius*, vir TVI amantissimus, reddidit: tum, quia habebant significationem, amicitiae, simplicis illius, & alienæ a fuco; tum, quia petitione mea honesta, & relata ad egregium publicum, prouocata; abs TE vero, ea tempestate profectæ erant, qua quidem de dandis litteris cogitare, difficile fuit, ac fere impeditum. Et primo quidem omnium, TIBI gratulor, mihi gaudeo, optime Bayere! quod non modo studia TVA, eum locum nacta sint, vbi commode se queant explicare; sed repererint etiam, ea præsidia, quæ TVA virtus ex se pridem meruit, boni autem omnes, TIBI, toto animo, destinabant. Faxit Deus, vt hæc TIBI honorum & fortunarum accessio, fausta sit, felix ac fortunata! Postea, illud summi beneficii loco habeo, quod in *Daciam* OPITH antiquam, voluisti inquirere. Facile est ad coniicendum manibus eam teneri audis, ac forte inexorabilibus: facies tamen pretium operæ, si in eam, apud *Prussos* TVOS, porro indagaueris; ne, aut peni-



penitus dispereat, aut in tenebris detineatur diutius: tametsi non credam, latere eam posse, in ista contentione popularium TVORVM, circa erudenda, cum prisca, tum recentia litterarum monumenta. In primis autem probavit se mihi, apertus ille animus TVVS, quem mihi, antiquitates civium meorum vestiganti, prolixè testatus es. Præterquam enim, quod libere promissis, quid de *Hungaricis Originibus*, dubiis illis, & abstrusis ab hominum memoria, sentias; non poterat profecto miaor esse bonitas TVA, quam quod in partem difficillimæ indagationis, ultro ac lubens venias. Ita est, multa in ista historiæ parte, dubia sunt; plura incerta; omnium autem plurima, fabulis contaminata: ut non omnino lusè operam, si elaboraverimus quidpiam, ab istis, quod dixi, neuis, secretum, & in luce collatum haud dubia. Vnicum est, quod me a spe melioris successus propemodum deturbat, nimirum, sententiarum, quibus uterque fauemus, nimia, ac fere non concilianda diuersitas. Nam, si, quod sentio, dicere liceat, videris mihi omnino, arctius *Scythiam* antiquam compingere, quam ea olim diffundebatur. Vnde istud consequitur, ut & in admetiendis ei populis, iusto videare parcius, & ab recepta historicorum sententia, alienior. *Scythiam* ego semper geminam credidi, *Asiaticam* & *Europæam*, idque, antiquiorum scriptorum auctoritate adductus. Sui utrique populi fuerant, ab HERODOTO, STRABONE, PTOLOMAEO, MELA, & PLINIO descripti, & varie ii quidem permixti: neque enim easdem constanter sedes tenuerunt; sed plerumque tamen, referentes priscae originis indicia. Profecto, *Alani*, *Heruli*, *Aesti*, *Linones* atque *Prussi*, quos TV audacter *Scythici* corporis facis, omnium confessione, *Germanica* ciuitatis fuerunt, tametsi extra Germaniæ fines, cum in *Sarmathis*, tum in *Scythia*, habitarent. Quis vero non videt; male ex sedibus populorum, de eorum originibus duci argumenta? Igitur concesserim id equidem, habitasse gentes eas, *Sarmatiam* & *Scythiam Europæam*, quin & *Asiaticam*; sed ut credam, *Scythica* fuisse propaginis, in tanta historiarum luce, nequeo a me impetrare. Porro, latissime *Sarmatarum*, gentem nomenque, tum per Europam, tum per Asiam, propagatum fuisse reperio. Certe, *Slauica* gentes omnes, late longeque postea sparsæ, natales *Sarmatis* debent. At vero, *Hungarorum* maiores, iis accensere nequeo, cum & lingua ab eis discrepasse, & sedibus primitus fuisse discriminatos, certum sit: quæ sunt omnino, diuersarum gentium exstantissima indicia. Quæ LEIBNITIVS, e Iornande, ac Gulielmo de Rubruquis, in miscellaneis Berolinensibus coniecit, ea, pace tanti viri dixerim, titubare mihi videntur, atque non tam docere, quod *Hungari* *Sarmaticæ* sint originis; quam quod gente omnino *Hunniaca* prognati. *Hunnigari* enim, Bizantinorum auctorum sententia, populus omnino fuit, ciuitatis *Hunniacæ*, qui suis aliquando sedibus excitus, quod infra docebimus, potuit, vicinus *Fennis*, latissime tunc per septentrionem habitantibus, adfuisse. Quæ hinc, linguarum *Hungaricæ* & *Finnicæ*, secuta cognatio est, nihil aliud mihi persuadet, quam quod, seu ex vicinitate, seu ex iisdem sedibus procliue erat, utramque gentem, mutua contagione, si non penitus misceri, saltem quomodocunque temerari. Quid? quod sint, qui *Finnos*, in *Hunnis*, nihil dubitent censere. Proinde, siquidem nequeunt *Hungaris*, apud *Sarmatas*, incunabula adsignari; consentaneum est, ut ea in *Scythia Asiatica*, inter *Hunnos* quæramus, qui erant omnino, omnium priscae ætatis scriptorum consensione, gens, e *Scy-*



*this* profecta, & sub VALENTE, Europæ primum illapsa. Ab *Hunnis* autem, *Hungaros* arcessere, adeo nihil habet opprobrii, vt multum etiam laudis, cum in aliis rebus, tum in eo in primis posita, quod ex *Hunniaca* originis communione, in gloriam veniant rerum, a *Scythis*, in Asia & Europa, fortiter gestarum. Præterea, *Hunnos*, *Turcas* passim adpellari, non me fugit: verum, fuit hoc conuitii nomen, quod *Persæ*, *Hunnis*, genti sibi infestissimæ, adperserunt, vti SIMOCATTA, apud EVSTACHIUM testis est. quam demum adpellationem, scriptores Bizantini, suam passim fecerunt, quemadmodum obuium est, *Nicephorum*, *Cedrenum*, *Ioannem Curopalatem*, & *Zonatham*, legenti. Atque, si maxime cum *Turcis*, consobrini sint *Hunni*; non id ego, ad infamiam *Hungarorum* quemquam interpretari posse, crediderim: nisi hos forte, qui, cum sint impotentis animi, in calumniam vertunt, quicquid a suis originibus, vel moribus alienum est: quales, obscuros illos Chronicorum molitores, esse video. Hæc, cum ita sint, CL. BAYERE? non equidem imprudens in eam concessi sententiam, quæ *Hungaros* ab *Hunnis*, istos vero ab *Scythis* deducit: sicuti neque id præter rem facio, cum *Scytharum* actus, *Hunniacis* præmitto; quippe, ab auita *Hunnorum* virtute profectos. Sunt autem, non *Hunni* tantum, sed *Bactriani* etiam, atque *Parthi*, *Scytharum* soboles, multo ante propagatæ, quam eadem istæ gentes, quin & *Hunni*, in *Americam* demigrauerunt. Constans veterum traditio est: *Scythas*, superiori Asia potitos, *Bactrianum* & *Parthicum* imperium condidisse. Sane de *Parthis*, IUSTINVS: *Parthi*, inquit, *Scytharum* exsules fuere: hoc enim ipsorum vocabulo manifestatur: nam *Scythico* sermone, *Parthi*, exsules dicuntur. Omnino, hodieque *Pártos*, *Hungarica* lingua, seditionis significat, & a reliquo cœtu secessionem facientem, ideoque, sua culpa exsulem. Porro, deorum *Scythicorum*, quæ sunt apud HERODOTVM nomina, nullius linguæ adminiculo facilius explicaueris, quam *Hungarica*. cuius rei documentum, suo loco dabimus. De *Amazonibus*, *Scythica* sint an *Sarmaticæ* mulieres, non equidem laborarem, nisi & hic veterum auctoritate niterer. Quis vero nescit? misceri subinde ab Historicis, gentium vicinarum res gestas, & actus eosdem in laudibus poni, gentium diuersissimarum. Vt taceam, pluribus, iisque multum disiunctis regionibus, suas fuisse *Amazones*. De *Liburnia* certe, nuper me docuit, celeberrimus IACOBUS FACCIO LATVS, decus illud Italiæ, & vtriusque nostrum, communis amicus. Ista, de *Hunno-Scythica Hungarorum origine*. Iam, quod *Hunnorum* nomen, immensos aliquando populos complexum est, nemo ignorat. HORNIVS alicubi: *Alanos*, *Auares*, *Fennos*, *Lapones*, *Lucumores*, *Tartaros*, *Tingcsios*, *Molg-Zomios*, *Saberios*, *Vngros*, & *Barbaros* omnes, qui glaciale oceanum accolunt, *Hunniacæ* ciuitatis populos facit. Sic & *Nicephorus*, *Abares*, *Barsilt*, *Cunos*, *Mogores*, qui nunc *Magyari* dicuntur, *Mucritos*, *Vniguros*, *Taberos*, & *Veros*, ad fines & contiguas gentes fuisse, scribit. Nempe, vaga *Hunnorum* gens fuerat, & nouandis sedibus, ritu *Nomadum*, dedita; vt potuerit omnino; vel ante, per littora oceani glacialis diffundi, quam traiecta palude *Meotide*, in Germaniam venerunt *Hungarorum* maiores; vel sub idem tempus, diuerso profectionis tramite, ad eum modum demigrationis societatem partiri, vt pars in occidentem, pars in septentrionem, diffunderentur. Et tunc, aut condiderunt gentes illas, aut certe ciuitate accepti, in eorum nomina moresque transiuerunt. Eadem

hac



hac ratione, *Hunnos*, in *Americam* penetrasse, constituisseque illic vastissima regna populosque, constat inter eruditos, & nos eo capite antiqua *Hungaria*, quod de colonis *Scytharum* aget, prolixè docebimus. Atque hinc patefcit iam, si vel maxime ex *Iubria*, *Saberis* vicina, vltima *Hungarorum* emigratio, suscepta sit; *Hungaros* nihilominus originis *Hunniacæ* esse: quippe, cum gentes istæ, multis ante seculis isthuc fuerint propagatæ, atque nouis forte coloniis, tunc auctæ, cum pulsi ex *Pannonia Hunni*, auitas sedes cogerentur repetere. Immo pronum hinc est causas reddere, cur eadem gens, nunc *Hunorum*, nunc *Auarum*, nunc *Hungarorum*, nomine insigniatur. Nimirum, prima in *Pannonias* impressione, penes *Hunnos*, generatim ita dictos, rerum summa fuit; quibus depulsis, altero demum aduentu, *Auares* vocabantur, quod ea natio tunc reliquum agmen *Hunorum* ducebat; sicuti denique tertio, *Hunnigari*, siue *Hungari* vocitati sunt; tametsi gentes omnino, vel consobrinæ, vel certe eadem fuerint. quod cum alia multa, tum lingua in primis docet, *Hungaris* cum *Hunnis*, & *Auaris*, communis; in cuius rationes, quia non satis inquisiuit *Leibnitzius*, *Hunnos*, & *Auares*, *Sarmatis* seu *Slauis*; *Hungaros* vero *Finnis* accensuit: quod equidem, ob eas, quas adtuli, causas, nihil morarer, dummodo ad eandem *Hunnos*, & *Auares*, cognationem admisisset. Ne dicam, minus sibi constare, saltem memoria labi, summum virum, cum in eadem illa designatione meditationum suarum, p. 8. fine. *Hungaros* e regionibus *Siberiæ*, *Iornande* teste, aduenisse scribit; postea vero, paucis interiectis, p. 9. media, ex *Scythia Asiatica*, in *Pannoniam* irrupisse ait. Præterquam enim, quod de tertio *Hungarorum* aduentu, nihil apud *Iornandem* legas: quippe qui, primum tantum descripserit; loca profecto, vnde sint egressi *Hungari*, non satis caute definiuit summus *Leibnitzius*. Quæ enim *Siberiæ*, cum, *Scythia Asiatica*, adfinitas? Cuicunque demum regioni adsignes vltimos *Hungaros*, facilem me habebis; modo id mihi concesseris; *Hunno-Scythas* fuisse. Sunt, qui audiuerunt *Petrvm*, *Rufforum Imperatorem*, *Francisco Rákotzio* principi, in *Polonia* tunc exsuli, iocabundum adfirmasse; *Hungaros suæ ditioris homines esse, eosque ex Iubria profugos*. Non refugit hoc, quidquid est criminis, gens *Hungarica*; si tamen crimen sit, pro eorum temporum ingenio, armis, nouas sedes quærere; modo ei farta relinquatur origo, *Hunniaca*. Nunquam *Hungarum* offenderis magis, quam si *Slauonica* natum gente dixeris; ita illi, non respuunt tantum *Slauum* nomen, sed oderunt etiam. Hinc illud apud *Hungaros* prouerbium: *Tót nem ember; Szál-fa nem erdő; Taliga nem szekér*. *Slauum* æque hominem dici haud posse, sicuti arborem vnā solamque, siluam haud constitutere. Sed modum epistolæ supergressus sum, cui *TV*, pro singulari *TVA* humanitate, si minus *TIBI* satisfecerim, ignoscas, atque ita de me statuas, velim, in nulla re magis elaboraturum, quam vt meam *TIBI* voluntatem officiaque probare possim. Etenim, tanti *TE*, doctrinamque *TVAM*, cum summa animi coniunctam moderatione, facio, vt optarim omnino, posse veterem maiorum nostrorum patriam, de qua disputamus, repetere; modo *TVA* mihi familiaritate inibi perfrui, & cæli illius asperitatem, doctissimis *TVIS* sermonibus, liceret mitigare. Hic enim, reuera in barbariæ finibus degimus, & *Vestri* orbis felicitatem miramur adtoniti. Ego interea, vt

Nnnnn

loco-



locorum & temporum, quæ degimus, calamitatem leniam, pergo in elaborando opere meo; lentis quidem passibus, sed eo tamen comparatis, ut propositi rationes, exsequi aliquando liceat. Nunc in *Hungariam Nouam* in primis incumbo, antiquitatibus, in aliud tempus, reiectis: ut suadeo bene omnino feceris, Celeberrime BAYERE, si perexeris, frequentare inchoatum iam litterarum commercium. Non is sum, qui abs re eruditis alterius coniectationibus bellum indicat; aut ita sibi placeat, ut veritati, idoneis explicatae rationibus, herbam porrigere nolit: quin immo, nihil æque gratum acceptumque mihi est, quam si liceat, alieno eruderatam labore, veritatem, meam facere. Atque id est, cur abs TE peto, quam possum vehementissime, ne me TVARVM fructu litterarum, diu carere sinas. Vellem enim, ut, quod nobis sumsimus disputandum, quam primum expeditum reddamus. Ad quam rem multum profeceris, si promiseris vberius, quæ nupera epistola, paucis complexus es. Præterea, cum ignotæ mihi sint rationes, *Linguae Finniacæ*, præclare de instituto nostro mereberis, si *Grammaticas*, eius idiomatis, præceptiones; quas exstare nullus ambigo, mittere ad me, per amicos *Regiomontanos*, volueris. Nam, RVDBEQVII commentatio, qua is *Finnici*, & *Hungarici* sermonis cognationem, explicuit, ad nos delata est nondum. Anne etiam in *Georgii Hikesii* thesauro, linguarum septentrionalium, *Finnica* reperiatur? mihi enim liber ille non est visus. Quid vero *Bagaduri Chani Historia* illa *Tartarica*? licetne eam sperem? Nuper apud Batauos prodiit: *Histoire Genealogique de Tartares, traduite du Manuscrit Tartare d'Abulgas Baiados, Chan &c.* Nonne hinc aliquid, ad institutum nostrum præsidii? fac me quæso certior. Sed finem scribendi tandem faciam, si TE rogauero, ut *Illustrem GOLDBACHVM*, meis verbis amicissime salutes, eique memoriam nostri, commendes. Cl. *Marthius*, multam TIBI salutem. Est is TVI omnino studiosissimus, quique non minus, quam qui sunt TIBI deditissimi, gaudet fortunarum TVARVM accessione. Vale & feliciter age. Pisonii, in Quadorum finibus, A. Cl. Idcc XXVI. VIII. Calend. Octobris.

## III.

MATTHIAE BELIO.

S. P. D.

THEOPHILVS SIGEFRIIDVS BAYER.

CVM superiores litteras iam obsignassem, venit ad me GMELINVS, meus collega, (c) TVAEque amicitiae cupiditate accensus, me orauit, ut bonam causam pro se apud TE agendam, susciperem. Quod facio equidem, tanto alacrius, quanto magis huic eximio viro, cui secundum Deum, vitam e grauiissima, ab hypochondrio malo, valetudine, restitutam, debeo; quanto deinde magis, eius, in naturæ contemplatione, studiis, quanto denique incrementis Academiae nostræ, omnibusque bonis artibus faueo. Cepi experimentum, commendationis bene collocatae, quando illum amici, quibus eum conciliaui, plus amant, nunc, quam memetipsum. De Gram-

mati-

c) Fuit is in Acad. Petropolitana, Medicinæ D. Chymiae & Historiæ Naturalis Professor, qui suis me litteris, ad mutuam, in hoc studii genere, operam, inuitabat. nunc, per interiorem Moscouiam, Hist. natulis causa, sumptu Casareo, peregrinatur *Feliciter!*



matica TVA, amo TE, amicissime BELI. De Fennicis (d) haud equidem meam operam polliceri possum: attamen illam ipsam Grammaticam, in Sueciam missurus sum, ad amicos, qui hoc genere litterarum delectantur. Credo enim TE vidisse, quæ OLAVS RYDBEQVIVS, Olai istius Atlantici filius, de Hungarica, & Fennica linguæ convenientia edidit. Sunt mihi isthic amicissimi, ETICVS BENZELIVS, antea Episcopus Gothoburgensis, nunc Lencopensis, & ejus frater, Nobil. Benzelsstierna, Secretarius Regius; tum Henlinus in Archiuo Regio Peringsiuoldorum successor; Henricus Brenner, Secretarius Regius, alii, quos nominaui, si qua in re iis vti velis, possis. Magis tamen exquirendum ducō, quantum Hungarica lingua concordet cum Morduana. Morduanos audio, a Fennis intelligi: esset sane operæ pretium, omni studio hoc totum indagare. His Hungari nostri (vtar enim peruulgata voce, quamquam mea sententia, Hungari non sunt Hungari) aut potius Magyari atque Vzi, finitimi fuere, Constantini Porphyrogenetæ, Imperatoris temporibus, quod ostendam in Tabula Geographica Russia, vicinarumque regionum, vt fuit circiter A. C. DCCCXCIII. tum, cum Turcæ, reuera inquam Turcæ, Pannoniam tenerent, Chazarorum necessarii. Et paullo ante isthoc tempus, maxima pars regionum, inde vsque a Volga, ad Oceanum septentrionalem, & Balthicum mare, nationibus inculta fuit, quæ Fennica locutæ sunt. Inde opinor, Magyaros (Mazari, Constantino) commercio cum his populis permixtos, contagionem sermonis peregrini traxisse. Nam, quantum iudicare possum, ex Molnari dictionario, maior & potior pars Linguae Hungarica, a Fennica, abhorret. Tibi videtur, Hungarica Lingua aliquid orientalis naturæ habere. Huic opinioni, tantum abest, vt repugnem, vt ei vehementer cupiam bene. Ad radices fere Caucasi, septentrionem versus, non ita longe a Tanai, rudera ingentis vrbs lapideæ reperta sunt. Hanc urbem & sedem Mazarorum, finitimi omnes Generales Chiliarchæ, Garbero ediderunt, qui aliquod annos litibus dirimendis, & definiendis limitibus, iudex datus fuit ab nostra aula. Ita ex eius relationibus cognoui, quas haud ita pridem ad aulam misit. Si mihi tantillum otii superesset, & chartam istam meam, a Delisiana, in Banduriano imperio orientali, multis in locis discrepantem, auctam deinde superioribus regionibus versus boream, vt tum maxime fuerunt, ad TE mitterem. Nam quod ad naturalem Geographiam, tractus inquam marium, fluuiorum, montium adtinet, æri iam incisa est: nomina vrbiū, regionum, populorum, adscribendi otium non est. De hac re videbimus alias, quando video per Frankium, omnia ad TE commutare posse, sine TVA molestia. Inter alias litteras quas ad TE misi, credo, neque enim satis recordor, fuisse etiam eas, quas Nobilissimo Hahnio, Vindobonam misi, Tibi vt rederet. Nunc, ne ille quidem quidquam mihi respondet, nec FACCIOLATVS. Vtrumque, quia Tibi bene cupere scio, velim, meo nomine salutes, deque meis querelis certiores facias ambos. Nihil illis, aut Tibi periit, cum meæ litteræ interciderunt; mihi vero multum: videri enim vobis possim, officio deesse. Vale. PETROPOLI, prid. Non. Septemb. Clō MCC XXXII.

d) FENNICAM linguam, cum HUNGARICA nostra, conuenire, superioribus litteris ad me scripserat BAYERVS. Cuius rei, vt experimentum illic caperent docti, Grammatices Hungaricæ exemplar, a me editum, ad eum mittendum volui.



## EXCERPTVM,

## De Hunnorum Originibus &amp; Cognatione.

EX GEORGII HORNII Originibus Americanis. Lib. III. Cap. IV. p. 144

**H**VNNI, magna gens, complexa nomine suo Alanos, Auares, Saberos, Vngros, Turcas, Tataros, Fennos, Lucumores, Tingoesios, Molg-Zomios, & quotquot glaciale Oceanum accolunt, barbaros. quos magnam partem NICEPHORVS complectitur, Lib. XVIII. cap. XXX. cum inquit: *Turcas, Abares, Mucrios, Sogores* (legendum Mogores) *Veros, Cunos, Barsilt, Vniguros, Saberos, contiguas & potentissimas gentes fuisse.* Quos omnes, HVNNORVM nomine insignimus: partim, quod Imperium Hunnorum, per illas gentes amplissimum; partim quia antiqui scriptores, eos ita adpellant. De Turcis CEDRENVS (e) *τῶν ἑθνῶν γένος μὲν ἐστὶν ὀυννικόν, πολυάνδρῳ πῶν τε καὶ αὐτόνομον.* Idem JOHANNES CYRAPHOLATES, & ZONARAS, qui bis dicit: *Turci Istrum accolentes*, qui & Vngri. SIMOCATHVS apud Eustathium in *περὶ ἡντιῶν* testatur, *Hunnos a Persis Turcas adpellatos.* Idem cum Tataris, & nomine & gentium numero conueniunt. Quemadmodum enim Tatari in septem Hordas diuisi, atque Mogores dicti: sic Hunni quoque sua lingua *Magyari* sunt; & ipsorum septem gentes, quod ex Nicephoro adparet; vbi se Chaganus, Abdelarum Imperator, in oratione ad Mauritium Imperatorem, *Septem gentium, & septem orbis Terræ climatum, regem se adpellat.* Apud CEDRENVM, *Moageras* nomen Hunnici regis. Et A. C. DCCCXLIV. septem exercitibus, septem diuersis itineribus, ac ducibus, in Pannoniam redierunt. Sic nomina, Hunnorum & Tatarorum, conueniunt. *Tudun*, Hunnorum dux, a Carolo Magno victus, vt annales Francorum Fuldenses, a Marquardo Frehero editi, testantur. *Taudun* Vlahku kain filius, apud Texeiram. *Toxa*, Geyzæ pater. *Taxy*, filius Chinguis. *Buda*, frater Attilæ. Tataris *Baido*, *Bathi*, *Peta*. Alani, plerumque Hunnis apud Historicos coniunguntur. De quibus ita Marcellinus: *Alani, ex montium adpellatione cognominati, paulatimque nationes conterminas crebritate victoriarum attritas, ad gentilitatem sui vocabuli traxerunt, vt Persæ. Hunnis per omnia suppare, verum victu, mitiores & cultu.* Nec *Euthalite*, Hunni apud Procopium, alia ab Alanis gens, qui & Albanos fuisse putat. Cedreno *Nephtalite*. Quod corruptum nomen: nec quidquam pro Iudaica origine. (f) Sicut & Euthalitarum nomen, a Græculis ita detortum. Quod ex Nicephoro discimus; vbi de Cagano loquens: *Abdelarum* inquit: (alius dixerit Euthalitarum) *rex.* Emirkhondo Abdela, regni Metropolis: vnde *Abdelani*, & breuius *Alani*. Qui non in occidentem tantum, verum & orientem vsque ad Gangem extensi. Sed quod CEDRENVS inquit, *Hunni qui & Slauini*: verum non est. Nam diuersa gens, Slauum & Hunni, sicut ex lingua patet. Slauum in Europæa Sarmatia, egressi ex Asia & profundo Bersilia, vt Solinus, Græcus scriptor, apud Byrkhaymerum testatur. Quod si verum, crediderim Bersiliam esse illam, quam Nicephorus *Barsilt*, Venetus *Barscol* nominat. *Auares*, Hunnica gens, quia ipsorum reges Cagani. Elmacino *Hazari*. Sedes circa Turquestanam, apud Nicephorum. Nam pars Verorum & Cunorum, ex oriente in Pannoniam pulsi, metu Auarum, in idem nomen concesserunt. Illi *Veri* Cunorum vicini, Parthis, originem & nomen dedisse videntur. Parthos, Scytharum sobolem esse, antiqui vno ore testantur. De quorum in Persiam aduentu, mirum est viros doctos nihil hactenus certi eruisse. Constat Scythas, Cimmericis fugatis, Duce Madya, cum ingenti multitudine in Mediam irrupisse, & totos viginti octo annos, Imperium Asiæ Superioris tenuisse, de quo legendi Herodotus & Strabo. Factum hoc tempore Cyaxaris Mediæ, Iosæ Iudææ, Psammethici Aegypti Regum, A. Mundi millesimo trecentesimo decimo sexto. Madyas, Indathyrus ille Scythæ est, quem ex Scythia erumpentem, Asiam, ad Aegyptum vsque peruasisse, ex Megasthene, Strabo, sub initium libri XV. & Arrianus in rerum Indicarum libro, referunt. Atque hoc est, quod veteres tradunt, *Scythas Superiori Asia potitos, Bactrianum & Parthicum imperium condidisse.* Quanquam enim illorum Imperium

e) Latine sic reddimus: *Turcarum natio, Hunnicum est genus, copiosum sane & suorum institutorum, iurisque.*

f) Nam, ex tribu *Nephtali*, creduntur propagati.



perium breue ac fere ambulatorium fuerit, passim tamen suæ gentis colonias reliquerunt; in Syria *Scythopolin*, quam & *Magog* dictam PLINIVS refert; in Media Parthos, qui & Persæ. Non enim maior differentia inter Parthos & Persas, quam inter Cattos & Hassos; Assyrios & Athyrios. quod iam dudum viri docti monuerunt. Ac mirifice hanc sententiam confirmat, & illustrat, quod paulo post, & nomen & Imperium Persarum ac Parthorum innotuerit. TROGVs, apud Iustinum: *Parti Scytharum exsules fuere. Hoc etiam ipsorum vocabulo manifestatur: nam Scythico sermone exsules dicuntur.* Si proprius nosse cupias, a qua Scytharum gente orti, Massagetæ eorum conditores putarim: qui vtrique, & Massagetæ & Persæ, soli equos immolarunt; hac ratione, quod celeri Deo, celer hostia conueniat. Hunni, *Saberi* apud CEDRENVm & PROCOPIVM, vel cum Auaribus, vel Siberiis Russiæ, vel cum vtrisque iidem. Ab ipsis *Sabaria* Hungariæ dicta. De Vngris, & Vniguris, certa res: qui *Iubri*, hodie, Siberis vicini. Vnde Hugari a Slauis dicuntur, quos Hungaros vocamus. *Fenni*, magna gens, olim Hunnis vicini. MELAE, PLINIO & aliis, Fancesii, Eorum lingua tam peculiaris, vt a Scaligero, inter vndecim matrices Europæarum ponatur. Finnum propago *Lappones*; vtrique Hunni. ex quo nomine, si durius aspires: Funni, & Fenni proueniunt. *Lappones* orientales circa Kolam, Suedis *Frinnes*, Russis *Terschanowoloch*; sibi ipsis *Pybenieni*. Quod perinde est, ac si Hunnos dicas: vnde fit, *Pybunen*, & *Pybenen*: sicut Funnos, Finnos, Fennos dicimus. Idem de Molg-Zomiis, Lucumoriis, Fingoesiis, putandum est. De quibus in genere antiqui, cum dicunt, *Hunnos Glacialem Oceanum accoluisse*, quæ verba MARCELLINI sunt. Et clarius adhuc incomparabilis seculi sui RVBRVQVIS, tradit: *trans Wolgam ad septentrionem esse regionem Pascatir, ex qua orti Hunni & Hungari. Vnam Hungarorum & Pascatirarum linguam esse. Iuguros a Pascatiris distingui. Nam illos peculiare litteras habere, (g) & scribere deorsum progrediendo, a sinistra versus dextram, ita vt lineæ pendeant. Hunc scribendi morem, Tataros a Iuguris accepisse, & tales litteras, Mangum Canem, ad Ludouicum Regem Franciæ, misisse.* Iuguros autem, facit vicinos Moalis & Tartaris.

Caput V. ibidem, p. 149.

*De migratione Hunnorum in Americam.*

**N**Ec diu quærendum est, quid hos Scythas mouerit ex nostro in alium orbem migrare: quippe, duas causas fuisse reperimus: bellum, & abundantiam hominum. Bella inter ipsos æterna: *aut cædunt, aut cæduntur*, inquit LVCIANVS. Igitur, infirmiores & victi, sedes mutare cogebantur. Quo & illud eos mouebat, ne hostium cibus fierent. Hostes enim comedere, Scythicum. Ipsa gens in primis fecunda. *Hunnorum*, in antiqua patria, centum & octo tribus. Turcarum fere totidem, vt ex *Aitono* patet. Quare, multitudinis domi minuendæ causa, migrandum plurimis & velut sacrum ver, in alias emittendum terras. Feras quoque, perpetuis & vagis venationibus sectabantur. Vt quemadmodum illæ ex Asia, in Americam, ea occasione deuenerunt; probabile sit etiam, venatores eo delatos. Et hoc modo *Hunnos*, ex interiori Asia, in Europam venisse, BONFINIVS testatur. Ipsa etiam Scytharum vita, instabilis semper & vaga, sine sedibus fixis, vt campus, vt fons, vt nemus, inuitabat; ita aliquandiu commorabantur: tum denuo, fugientium similes, alias terras, & sibi adhuc incognitas, petebant. Via, vel mari, vel si nulla continens, per glaciem, qua totus *Septentrio* connectitur: vt non anxie quærendum ibi, vel fretum, vel alius transitus. Nam, *Oceanus* glacialis, hyeme continentis vicem obtinet, & cum hostes inuadere, ac vltro citroque commeare, *Tartaris* receptum. Quod expertissimus RVBRVQVIS testatur, qui tradit: *Supra Tartariam in glaciali Oceano, Tautas & Mansas, insularum habitatores: hyeme per glaciem a Tartaris inuadi.* Quemadmodum in Suecia quoque fieri, *Olaus*, & *Magnus Vpsalensis* scribunt.

De tempore, quo hæc transmigratio *Scytharum* primum cœpit, cuncta nobis, vt in tanta antiquitate & tenebris, incognita sunt. Id certum, longe recen-

O o o o o

tio-

g) Commentati aliquando fuimus: DE VETERE LITTERATVRA hac HVNNO-SCYTHICA, forte, studio, quam satis fuerat, scrupulose. Prodiit Dissertatio, Norimbergæ, An. c10 lccc xviii. forma quadripartita.

Decad. I. Monumentum IX.



tiolem *Phenicum*, in *Americam* aduentu, quia septentrio, immensis terrarum spatiis, usque in nouum orbem, fere sub ipsum siderum cardinem, qua via transiuerunt, extensus, non ante multa secula, cultoribus impleri potuit. Nam, quis terras adspectu foedas, & æternis niuibus ac glacie horrentes, nisi pulsus ab aliis, adire velit? Rari hodieque in *Lappia*, *Gronlandia*, *Samoieda*, & omni ad glaciale Oceanum, tractu, habitatores. Rari quoque in septentrionali *America*. *Omnis Virginia*, inquit *PURCHASIVS*: *Noua Anglia*, *Terra Noua*, & ceteræ ad polum, ac centum interiorum miliaria, regiones, non tantum hominum habent, quantum *Londonium*. Regio, *Angliam* magnitudine superans, vix millia quinque in aciem producet. Quod argumento, tardius ad septentrionem habitari coeptam, & si coniecturæ locus, non ante annum *CHRISTI* quadringentesimum. Quippe, tum temporis horridus *Septentrio*, commoueri præ multitudine hominum, & agmina sua, in omnes orbis partes, effundere coepit. Impulsi a vicinis, alios impellebant, & exundabant in omnes mundi plagas. *HVNNI*, tum ab ipso fere glaciale Oceano, progressi in austrum sunt. Nec dubium, alios vel venandi studio, vel prementibus vicinis, qua data via, siue per occidentem, siue per orientem, in *Americam* penetrasse. Quippe, *Chichimecæ*, circa An. Ch. *IOCC.* in *Mexitanam* venerunt. Porro, illa perpetuo vaga & venationibus dedita gens, sua barbarie, quicquid est miserabilium *Finnorum*, *Samoiedarum*, *Tatarorum*, non æquat tantum, sed superat. Trecenti, vel quadringenti anni, spatium satis amplum sunt, quo per septentrionalem *Americam* spargi, & sobolem suam, magno incremento, augere potuerunt. Vt hæc secunda transmigrationis *Americanæ* periodus, *Hunnica* in tempora, post natum *CHRISTVM*, probabili coniectura, incidat.

Ita *HVNNI*, ex interiore *Asia* in *Septentrionem*, & horridas frigoribus plagas, delati sunt. Vbi postea diuisi, parte in orientem, in occidentem alia migrante, vtraque via, tandem in *Americam* venerunt. Quæ hinc *Asia*, inde *Europæ*, maximis, & magnam adhuc partem incognitis plagis interiacentibus; siue illæ insulæ sint, quod ignoratur, vel alicubi vna continens proximat. Nam freta si intercedunt, non admodum magna esse oportet. quod nos animalia docent; quæ eadem via, in *Americam* delata sunt; natandi non adeo perita, vt magno mari transmittendo sufficiant.





HUNGARIAE  
PERICLITANTIS  
IMAGO,  
*Gemina Legatione,*  
FERDINANDI PRIMI  
*altera; altera*  
RVDOLPHI SECVNDI,  
*Regum Hungariæ,*  
*A D*  
SIGISMVNDVM AVGVSTVM,  
*prior; posterior*  
*A D*  
SIGISMVNDVM III.  
*Serenissimos Poloniae Reges,*  
*expressa,*  
Nunc, ne obsolescat apud posteros, in lucem  
*edita.*

DECADIS I. ADPARATVS AD HISTORIAM HUNGARIAE  
MONVMENTVM X.



Excellentissimo Illustrissimoque  
DOMINO DOMINO COMITI

IOSEPHO ILLÉSHÁZY ,

De Eadem,

Hæreditario in Trentsin, Eiusdemque & Lipto-  
uiensis Comitatum Perpetuo Supremo  
Comiti,

SACRAE REGIAE MAIESTATIS

Confiliario Actuali Intimo, atque Dapiferorum Regalium  
per Hungariam Magistro,

FELICITATEM!



Voties, COMES EXCELLENTISSIME! diuinos illos gen-  
tis TVAE Duumuiros, STEPHANVM & NICOLAVM ILLÉS-  
HÁZIOS, memoria recolo; quod & sapius, & cum singulari  
quadam iucunditate facio; simul animum subit, de mirifica ea  
fatorum benignitate cogitare, quæ in rebus vtriusque, ad pro-  
digium vsque emicuit. Nam STEPHANVS quidem, post lon-  
gam, priscae nobilitatis auorum seriem, alter quasi familiae suæ  
conditor statorque, id, diuino munere consequutus est, vt quam  
ex se nequiuisset relinquere posteritati; sterili enim matrimonio CATHARINAE  
PÁLFFIAE vsus est; in suis eam, ex FRANCISCO fratre, nepotibus, parco quidem,  
sed felici tamen traduce, hucusque propagauerit, non auitis magis laudibus, quam  
domesticis virtutibus inclutam.

Longum foret, atque ab nuncupatoriæ huius epistolæ, quam breuem esse o-  
portet, ingenio, perquam alienum, prona in vtramque fortunam, summi viri fata;  
dura nempe iuuentutis exordia; progressus deinde felices; & sequutam hos tristem  
conuersionem; iterumque læta, non honorum minus, quam opum incrementa, ora-  
tione prosequi: feci id alibi\*, pressius licet strictiusque, quam pro euentuum singula-  
ritate: hic profecto nequeo a me impetrare, vt honorum illam arcem, in Hungaria,  
culmem PALATINALE volo, silentio præteream, quo ille, tum ob nauatam ante, in  
placandis pacandisque patriæ ciuibus, insignem operam, tum postea, ob concordiam,  
inter RVDOLPHVM, & MATTHIAM, fratres, egregie confocillatam, nemine non  
bono certatim suffragante, cohonestatus est. Tametsi enim ob eas res, quas dixi,  
cum cura administratas, accidit STEPHANO, quod in commune queritur HORA-  
TIVS:

*Virtutem incolumem odimus,*

*Sublatam ex oculis quærimus inuidi;*

tamen, ita erant tempora, vt nequiuissent aliter reparari in melius, quam ista viro-  
rum, Regis & Patriæ, ex æquo studioforum, irrequieta ac laudabili quadam con-  
tentione. Quid? quod ita est vita hominum, vt cum Comico loquar, quasi cum lu-  
das tesseris: si illud, quod maxime opus est, iactu non cadit; illud quod cecidit for-  
te, id arte vt corrigas. istud vero, & caute agebat STEPHANVS, & cogitate.

Iam



Iam ad NICOLAVM, TVVM, Illustrissime COMES! GENITOREM optimum, quod adtinet, fatear, necesse est, meam me tenuitatem retentare, ne virtutes EIVS; quæ & plures sunt, & excellentiores multo, quam vt exili hoc dictionis genere, digne queant prædicari; audacius contemerem: quippe, materiam alio loco daturas opportunam, in qua, pedestris etiam oratio possit exsultare. Seculum intercessit integrum, cum NICOLAVM, simillimo, in quem STEPHANVS incidrat, rerum habitu, & IOSEPHO, Regi indulgentissimo, & laceratæ seditionibus patriæ, inusitato hætenus exemplo, CANCELLARIVM, fata donauere. Hanc ille prouinciam, nescio, an sollicitius adcuratiusque administrauerit; vel ornauerit exquisitius? toto eo tempore, cum, partim male quieti ciues, extra modum dissiderent studiis; partim IOSEPHO, rebus humanis regnisque, inopina morte subrepto, sidus illud Regum Hungariæ, CAROLVS III. ex vltima Iberia, ad capeffenda Hungariæ sceptræ, auspicato reuocaretur.

Difficile, atque impeditum existimauerim, susceptos exantlatosque, in eo munere, pro Rege & Patria, labores, pro eo, ac merentur, verbis explicare. Mihi profecto, ne ingrato silentio beneficium inuoluam, cum ad innoxium, ac forte non illaudabile, patriæ illustrandæ institutum hoc, in quo adhuc elaboro, animum inducerem; eamque ob causam, apud Cæsarem Regemque CAROLVM, criminum insimularer, vel memoratu nefandorum; id operæ, bonus præstitit NICOLAVS, vt, non ante cessarit, quam CAESARVM optimo, iniectam de me suspicionem, animo eximeret; destinationis contra ea, innocentiam, decus, atque utilitatem penitus insinuaret; atque, ita iubente Patre Patriæ, de fama, forte & salute, periclitanti, auctor existeret grauissimus, vt cœptis, animo imperterritis, insisterem strenue, & si quid forte intercederet, quod remoræ esse possit honestissimo instituto, ad Se id, sanctioremque, cui præsidebat, senatum, sine cunctatione referrem: vt sane, quod hucusque in vasto eo scribendi genere, quantumcunque profecerim, post DEVM, & D. Cæsarem, NICOLAO ILLESHÁZIO, in acceptis referre necessum habeam.

Aduertis proinde, Excellentissime COMES, DOMINE Illustrissime! quæ ea fuerint auctoramenta, quæ me permouerunt, vt TIBI in primis HUNGARIÆ PERICLITANTIS IMAGINEM hanc, duabus, ad *Polonos*, legationibus, viuis, quod dicunt, coloribus expressam, dicandam sacrandamque voluerim. Nimirum, quod & Pater TVVS, NICOLAVS, & adoptione Abauus, STEPHANVS, Duumviri illi fuerint, quorum pro se quisque, non periclitantem modo; sed labascentem iam, & pronam ad interitum, Hungariam, humeris, quantum in se fuit, subiuerunt; quodque alii foris, prudenter administrarunt pro patria; id hi domi, magna egregii publici accessione, adfirmationeque, maturo consilio, sollicita cura, atque præsentanea ope, effecerunt. Quorum, vt gratam TIBI, Excellentissime DOMINE! acceptamque recordationem futuram confido; ita, in spem venio certissimam, fore, vt, pro TVAbonitate, atque singu ari in meliores litteras propensione, ausus hos benigne accipias, Musasque meas, quarum destinatio omnis, huc adtinet, vt dignos laude viros mori vetent, TIBI habeas quam commendatissimas. Vale diu ac feliciter!

EXCELLENTISSIMI ILLUSTRISSIMIque  
DOMINI, DOMINI COMITIS,

*Obsequentiissimus*

MATTHIAS BEL.

\* Eginus, de Illustrissima ILLESHÁZIORVM gente, NOTITIÆ HUNGARIÆ NOVAE, Tomo I. Historiæ Comitatus Pofoniensis, Parte Gener. Memb. II. p. 67. §. XVII seqq. Et agemus porro, Tomo VI. in Historia Comitatus Trentsinensis, Parte Generali Memb. II. §. IX. atque alibi passim.



## AD LECTOREM AMICVM.

**V**ltimo hoc, quod vides, COLLECTIONIS nostræ MISCELLAE, Tomi I. Monumento, geminam Cæsarum Regumque laudatissimorum, Legationem ad Polonos, exstare volumus; ut constet apud posteros, qua cura, quaque sollicitudine, cælestissimæ illi Principes, Hungariam iuerint defensum. Prior, quam FERDINANDVS, ad SIGISMVNDVM II. misit, nullum præfert annum, scribæ, credo, qui eam in aduersaria retulit, incuria; quem tamen prouum fuerit definire, si orationis, non inelegantis, argumentum, cum temporum habitu, libuerit contendere. Obibat nimirum, dum quinquennales induciæ illæ, cum Turca quomodocunque confocillatæ, quarum ISTVÁNFYVS, (a) passim meminit, fide utrinque dubia, traherentur; cumque ISABELLA Regina, artibus Georgii Monachi adducta, Transiluaniam, cum vicinis in Hungaria prouinciis, FERDINANDO (b) cesseret. Id enim, grauitè adeo SOLYMANNVS tulit, ut non Maluetium modo, Constanti-nopoli rerum Ferdinandi procuratorem, in vincula (c) compingendum; sed bellum quoque in Hungariam, magnis adparatibus fieri curauerit.

II. Hoc ergo, trepidarum rerum habitu, post cædem Monachi iam patratam, A. CLO IOLII, Legationem hanc FERDINANDVS, ad SIGISMVNDVM AVGVSTVM, Fratrem ISABELLAE, misisse censendus est. Sed, qui Legationem eam administrauerint, non æque facile possis designare. Illud certum est, haud quidem ex comitio; sed senatus admodum consulto, adornatam fuisse; tunc forte, cum in itinere, ex Transilvania in Poloniam suscepto, moras suspectas, Cassouia neceret Isabella. Hic vero, in eam trabor coniectarum, eosdem illos viros, munere isto perfunctos, qui ISABELLAE dotem, & debitas ex pacto pecunias, FERDINANDI iussu, persoluerunt. Fuere vero, Georgius Vernherus, Scapusiensis æuarii præfectus, & Georgius alter Rakouitzky Thurocziensis, I. C. de quibus adeundus omnino ISTVÁNFYVS. (d) Hæc mea, de priori legatione, sententia est, dum certiora docuerint alii.

III. De posteriori, non est opus disquirere; luculenter eius ISTVÁNFYVS (e) meminit, Legatorum simul nominibus, in litteras relatis. Publicis, inquit, votis mittuntur Demetrius Náprádus, Aradiensis Collegii Præpositus, ac Nicolaus Socolius, & Michael Kellemesius. Sed, irritus (f) legationis conatus fuit; quando Zamoscius, regni Cancellarius, & regi, & ordinibus, facile persuasit, ne dubiam Martis aleam, quantumvis paci non satis tutæ, præferrent, seque & rempublicam, nouis fluctibus committerent. Ceterum, oratio hæc legatorum Hungariæ, cum alia, quam habuerit Cæsariani Oratores, anno sequenti CLO IOLIO XCVI. Cracouia, ex officina LAZARI, in lucem prodit: nescio, an etiam in REVSNERI Syntagmate? neque enim ad manus est auctor. Nobis exemplar manu exaratum, STEPHANI OSTROSITH de Gilletincz, Sacræ R. H. Coronæ dumuiri, collectio suffecit.

IV. Atque hæc sunt DECADIS PRIMAE, quæ congeessimus, MONVMENTA. Magnus eorum adhuc ADPARATVS superat, TOMOS plures facile expleturus. quorum tamen, edendorum, spem, neque temere abiicere volumus, neque facere: quandoquidem & ipse ego,

fessa carina vehor;

& in importuoso, quod nauigamus, mari,

Dextrum Scylla latus, læuum implacta Charybdis

Obsidet. (g)

Vale, amice Lector, atque fluctuantibus Musis nostris, animo faue & lingua. PISONII,  
Anno CLO IOLIO CC XLIII. die XXIV. Februar.

I. LE-

a) Libro XVI. p. 267, 46. pag. 277, 20. Adde, WOLFGANGVM BETHLENIVM, Lib. Histor. III. p. 144. initio.

b) Honestissima, ad eam rem FERDINANDI auctoramenta, vide apud BETHLENIVM, ibidem p. 146. medio, & rem omnem, fide varia administratam, habes apud eundem, toto Libro IV. quam aperte, & ex vero descripsit. c) ISTVÁNFYVS Libro XVII. initio.

d) Libro eodem, pag. 315. 14.

e) Libro XIX. pag. 649. 30.

f) Ideoque, frustraneum fuit PAVLLI FORRÓ, quod adiunximus, augustum illud augurium.

g) VIRGILIUS, Aen. III. v. 410.





I.  
LEGATIO  
*Serenissimi Romanorum Regis*  
FERDINANDI I.

AD  
SERENISSIMUM REGEM

ET  
SENATVM POLONIAE,  
Cracouiæ habita.

I.



E re magna & graui, Serenissime REX! Reuerendissimi in Christo Patres, Illustres, Spectabiles, & Magnifici Proceres! ad Regiam Maiestatem & Dominationes Vestras, a Sacratissimo Romanorum Rege FERDINANDO &c. legati venimus. Quæ res, quia non minus ad Maiestatem Vestram, inclytumque hoc Poloniæ Regnum, atque alias Maiestatis Vestræ ditiones, quam ad Romanorum Regem, eiusdemque regna & prouincias, ipsamque adeo Rempublicam Christianam omnem pertinet; eo benignius atque libentius, nos, a Regia Maiestate, & Reuerendissimis, Illustribus, Spectabilibus & Magnificis Dominationibus Vestris, audiri par est.

II. Venimus autem Regis nostri nomine, cum Maiestate, & Dominationibus Vestris, de incolumitate & conseruatione, vicinorum vtriusque *Maiestatum Vestrarum*, regnorum, aduersus certos, perpetuos, & communes vniuersi Christiani nominis & sanguinis hostes *Turcas*, acturi: quos bellum ingens & atrox nobis inferre velle, & reliquiis celeberrimi *Hungariæ regni*, finitimisque prouinciis, extrema quæque minari, exploratum est.

III. Porro, vt actionem talem, per legationem præsentem, Serenissimus Romanorum Rex, apud Maiestatem, & Dominationes Vestras, proponere non dubitet, plures causæ sunt. Intima videlicet sanguinis, affinitatis, beneuolentiæ, & amoris sinceri, quæ Maiestatibus Vestris intercedit, necessitudo; summa vtriusque populorum cognationis coniunctio, ac sanctissima, bonæ fidelisque vicinitatis, iura; præcipue vero, sacrosancta Christianæ professionis & pietatis, qua sub cælo, nihil est inter homines, ad animorum

Ppppp



morum conciliationem, & charitatem veram, firmitus, aut efficacius, communio; mutua item, tum secundarum, tum aduersarum rerum, participatio; tum autem, ab vtriusque Maiestatum Vestrarum maioribus, laudatissimis principibus, pie, sancteque inita fœdera, quæ ab illis, quasi per manus recepta, Maiestates Vestræ, quarto ab hinc anno, magna religione inter se renouarunt, confirmarunt, auxerunt; vt quibus, ad arctissimam Maiestatum Vestrarum amicitiam, mutuatque inter se officiorum & beneficentiæ obligationem, requiri nil possit amplius.

IV. Sed, tum ita res & tempora tulere, vt princeps *Turcarum*, ab vtroque Vestrum exceptus sit & reseruatus, propter inducias, quæ vtrique Maiestati Vestræ, cum eo, tum temporis, pactæ fuere, vt alter alteri, contra illum, auxilium & opem ferre, non deberet. Ceterum, cum induciæ tales, a *Turcis* ipsis, vtrinque sint violatæ, alia iam res esse cœpit, & exceptio, siue reseruatio huiusmodi, non Maiestatum Vestrarum vitio, sed ipsorum *Turcarum* culpa, obtinere amplius, aut valere desiit. Venio enim ad eum locum, vt Serenissimi Romanorum Regis nomine recenseam, non esse nobis seruatas a *Turcis* inducias eas, & simul commemorem, quas illi, belli nobis inferendi, assimulent atque prætexant causas, vt Regia Maiestas, atque Dominationes Vestræ, tantam rei indignitatem, barbarorumque perfidiam apertam, certius cognoscant.

V. Serenissimus Romanorum REX, inducias cum *Turcarum* principe, ad quinquennium pactas, a suis inuiolabiliter semper seruari curauit: eas autem contra, *Bassæ*, & milites limitanei *Turcici*, variis modis fregerunt. Et *Bassa* quidem Budensis, cum Romanorum Regi scripsisset, se a principe *Turcarum*, domino suo, in mandatis habere, vt inducias firmiter seruaret, & fumum nobis quietis vendidisset: triduo post, ex omnibus partibus, in ditionem Maiestatis Sux, ex improviso, maximo impetu, hominibus nostris, propter inducias securis, & nihil minus, quam quicquid eiusmodi expectantibus, excurrit; & cum pleraque loca, ferro & igne vastitati dedit, tum tres arces nostras, subito oppressit, & potestati suæ subegit. Qua fraude, quid potest excogitari immanius, aut scelestius?

VI. In earum induciarum tractatu, disertis verbis conuentum & cautum fuit, vt ea, quæ in manibus Christianorum essent loca, tempore, quo pax illa quinquennalis pacta fuit, de cetero etiam, durante pace quinquennali, in potestate eorum permanerent; & itidem, quæ tum in ditione *Turcarum* erant, & a copiis militibusque eorum tenebantur, in manibus istorum permitterentur.

VII. Sed enim, pacto eiusmodi & conuentioni, *Turcæ*, per multas sinistras machinationes, fraudem fecerunt; quippe qui, diuersas practicas (vt vocant) instituerunt, & perniciofa consilia cœperunt, de *Transiluanis* Regni Hungariæ partibus, quo iure, quauē iniuria, occupandis. Et res eo iam deducta fuerat, vt Serenissimo Regi FERDINANDO; vel rationes omnino aliquæ ineundæ essent, quibus eas ipsas *Transiluanas* partes, ad Regnum suum Hungariæ, cuius quasi corporis præcipuum membrum sunt, reduceret, ac in fidem protectionemque reciperet; vel videns, prudens ac sciens, ipse eas in potestatem *Turcarum* redigi pateretur. Posterior vero illa conditio, dura omnino & illiberalis est visa, indignaque prorsus, quæ a pio, Christiano, & Catholico Rege, probari posset. Itaque, re tanta, mature pro-

beque



beque deliberata, Serenissimus Romanorum REX, pro pietate & prudentia sua, facile animaduertit, si manifestus & communis vniuersæ Christianitatis hostis, *Transiluaniam*, tanquam reliquiarum Regni Hungariæ, Regnique huius Poloniæ, & aliarum vicinarum regionum, natura simul & opere, munitissimam arcem & propugnaculum firmissimum, inuasisset, occupasset, atque ditioni suæ subiugasset: cum, modo dictis regnis atque prouinciis, exitium præfens; tum etiam omni Reipublicæ Christianæ, certum inde ac irreuerabile prouenturum esse detrimentum.

VIII. Vidit illud quoque Maiestas sua, quod *Transiluania*, & in inferiores Regni *Hungariæ* partes, ex singulari gratia DEI, in Christianorum, non in *Turcarum* manibus essent, nec a copiis & præfidiis eorum tenerentur; Maiestatem Suam, eas recte, sine aliqua induciarum violatione, ad subiectionem & ditionem suam reducere posse. Proinde, a Maiestate Sua est factum, ut cum eis, in quorum potestate erant, Christianis, de illis, honestis & æquis conditionibus transigeret, concordiam iniret, & regni sui Hungarici reliquias, quantum in Maiestate eius situm fuit, sine cuiusquam iniuria, iniret atque redintegraret. Qua in re, sacratissimus Romanorum REX, non tam suam ipsius reputationem, dignitatem & commodum; quam DEI optimi maximi honorem, & totius Reipublicæ, & Ecclesiæ Christianæ, utilitatem, maxime vero, vicinorum Christianorum regnorum & populorum salutem, extremamque necessitatem, in consilium adhibuit.

IX. Acta & transacta hæc res est, per præcipuos quosdam Maiestatis suæ Consiliarios & Commissarios, cum Serenissima Principe, Domina ISABELLA, Regina Hungariæ &c. vidua, tam Sua, quam Maiestatis Vestræ Sorore, & consanguinea charissima, eiusdemque Illustrissimo Filio, Domino Duce IOANNE SIGISMUNDO, nec non quondam, Cardinale & Episcopo Varadiensi, Fratre GEORGIO, ac *Petro Petrovich*: atque ita per amicabilem compositionem & concordiam, *Transilvania* tota, simul cum inferioribus Regni Hungariæ partibus, sicuti ab eis, eo usque possessa fuerat, omnium incolarum accedente consensu, sine bello & sanguine, in manus Maiestatis Suæ, tradita est, & consignata.

X. Quo sane in tractatu & negotio omni, Serenissima Regina ISABELLA, sese erga Maiestatem Suam, singulari affectione, beneuolam prorsus, & propensam exhibuit; perlibenter namque id Maiestas Sua agnoscit & fatetur. Id ipsum vero, cum Maiestas Sua, prudenti & fraterno Maiestatis Vestræ consilio & suasu, factum esse credat; non potest Maiestati Suæ, Maiestatis Vestræ officium & pietas tanta, non esse, quam gratissima. Cuius rei, & Sacratissimus REX Romanorum, ut aliquam de se, insignem præberet significationem, ad alia compensationis, & concordie capita, amici, beneuolentis, & fraterni erga Serenitatem eius animi, omni propensione amplius declaraturus; illud insuper adiecit, ut Serenissimam charissimamque filiam suam, natu minimam, Dominam IOANNAM, Serenitatis eius Regalis Filio, Illustrissimo Domino Duci IOANNI, desponderet, eundemque Ducem, in dilectissimorum pignorum, & filiorum suorum numerum, benignamque & paternam tutelam, atque defensionem suam, cooptaret atque susciperet; pro eo, atque Maiestas Sua, de rebus hisce omnibus, Maiestatem Vestram, ab ipsa regina ISABELLA, certiore esse factam, opinatur.

XI. Verum enim vero, ut certius, tutiusque possessio vacua *Trans-*  
*silua-*



*silvania*, & inferioris regni *Hungariae* partis, reciperetur, atque etiam, si quid præter spem accideret, defenderetur, militares quasdam copias, Rex Romanorum eo misit; & non solum actiones huiusmodi suas omnes, in nullum detrimentum *Turcicae* ditionis, saluis omnino induciis, institutas, ad principem *Turcarum* perscripsit; verum etiam eidem, quietis & tranquillitatis obseruationem, vt Maiestatem Suam pacis obseruantissimam esse cerneret, obtulit.

XII. At ille, *Beglerbegum* Græciæ, cum ingenti exercitu, ad eas, quas diximus, *Hungariæ* partes, Maiestati suæ eripiendas, misit. Hic *Danubio*, & *Tibisco*, amnibus transmissis, in inferiora regni loca, magna vi, hostiliter irruit, arces, oppida, & vicos plures, occupauit, (tam breui enim tempore, loca ea communiri non poterant) & *Themesiensem* arcem & oppidum obsedit. Rex Romanorum contra, copiis ibidem suis auctis, fidelibusque suis in *Hungaria* subditis, ad arma concitatis, ea barbaris virtute, per milites suos, restitit, vt ille rebus infectis, ac detrimento etiam non leui accepto, obsidionem *Themesiensem* soluere, ac pedem inde referre, opus habuerit. Imposuerat, idem *Beglerbegus*, præsidium, prope quinque millium *Turcarum*, oppido & arci *Lippenst*, eique *Vliman Begh* præfecerat; verum & hic, præfente ope DEI, adiutæ copiae nostræ, rem præclare & fortiter gesserunt. Nam oppidum ipsum, cum ingenti *Turcorum* strage, expugnarunt; idem quoque, eiusdem DEI subsidio, de arce, in quam *Turcae* reliqui profugerant, facturi, nisi certorum hominum, (a) in partibus nostris, sinistra consilia obstitissent. Quam tamen etiam arcem, per deditionem receperunt; *Transsiluaniam* ipsam, & in inferioribus regni *Hungariæ* partibus, castella, arces, & oppida pleraque, ex *Turcarum* manibus recuperarunt; duabus tamen arcibus, quæ in infima ea regione sunt sitæ, exceptis. Tantum certe hoc anno est in *Hungaria*, auxiliante DEO, certaminibus pluribus, per milites nostros, peractum, vt *Turcae*, in consilio cœptoque suo elusi, cum clade, & ignominia sua magna, recipere se in sua, sint compulsi.

XIII. Hæc eo, Serenissime Rex! ac Patres, & Proceres lectissimi, paucis sunt commemorata, vt Maiestas, & Dominationes Vestræ, vna cum Romanorum Rege, misericordiam & bonitatem Dei, cui prosperum hunc successum rei omnem, Maiestas sua acceptum refert, grate recognoscant, atque interim etiam obseruent, quam inique & cupide, *Turcae*, nulla iusta de causa, induciis violatis, belli contra nos gerendi occasionem arripuerint.

XIV. Et, cum Serenissimus Romanorum Rex, omnium fere exploratorum, multis ex locis renunciatione, pro comperto habeat; principem ipsum *Turcarum*, hoc anno, personaliter, cum numerosissimo exercitu, contra Maiestatem Suam, eiusdemque regna & dominia, in expeditionem bellicam exiturum; periculi id magnitudo efflagitat, vt ad bellum tam sæuum, a ceruicibus Christianis propulsandum, secundum præsentem DEI opem, quam sibi adfuturam esse sperat, se, quam maximis queat, viribus & copiis, instruat, muniat & armet. Egit iam Maiestas Sua, cum quibusdam regnis & prouinciis suis, de subsidio bellico præstando. quæ sane, ad stipendium & auxilium Maiestati suæ conferendum, se tam officiosas & promptas exhibuerunt, vt post initam regnorum & ditionum Maiestatis Suæ, diuina fauente clementia, administrationem, nunquam maiorem illæ contulerint contributionem. Idem quoque, cum reliquis regnis & populis, nulla interposi-

ta

a) Georgius Monachus, *ISTVÁNFEVVS* Lib. XVII. p. 307.



ta mora, Maiestas Sua est actura, cum certa spe atque opinione, summa itidem ab eisdem auxilia obtinendi.

XV. Ceterum, quia vnus Regis & Principis Christiani opes & copiae, ad obuiandum, atque resistendum, tam valido, vniuersæ Christianitatis hosti, impares sunt; & ob eam causam, Rex Romanorum, Maiestatis Vestræ, vt filii, & vicini sui charissimi, atque inclyti huius Poloniæ regni, regnis & prouinciis suis contermini & affinis, aliorumque item Christianorum principum & potentatum, opem & auxilium pium, implorare opus haberet, sicuti Maiestas Sua, iam a Sacri Romani Imperii principibus, Electoribus & ordinibus Germanicæ nationis aliis, ad necessarium hoc bellum, satis magnum subsidium, communis videlicet denarii, quem vocant, collationem, in proximo Imperiali Conuentu Augustano, impetrauit; Maiestas Sua, a Maiestate & Dominationibus Vestris, paterne & amice, & benigne petit, vt Maiestas & Dominationes Vestræ, ad communem hostem, a *Transsilvania*, & regni *Hungariæ* reliquiis, nec minus, ab hoc regno, ac Christianitatis ipsius visceribus, Deo bene adiuuante, reiiciendum, & Regnum *Hungariæ* defendendum, consilia, opes & vires suas, cum ceptis armis & copiis Maiestatis Suae, coniungere & consociare velint. Id quod Maiestas Sua, eo facilius se a Maiestate, & Dominationibus Vestris obtenturum arbitratur, quo plures exstant Maiestati, & Dominationibus Vestris, quam aliis populis, communis nobiscum periculi amoliendi, causæ & rationes. quas Maiestas, & Dominationes Vestræ, nobiscum considerare, & expendere fideliter dignentur.

XVI. Antiquitus, & patrum nostrorum memoria, duo hæc regna, *Hungariæ* & *Poloniæ*, plerumque semper, cum communibus hostibus *Turcis*, communiter, vel bellum gesserunt, vel pacem, induciis factis, seruauerunt. eaque communio & societas vtrisque populis, commoda & salutaris fuit: floruerunt enim Reges ipsi, & Regna eorum, & extra periculi metum vixerunt. At, postquam eo res, temporum aduersorum iniuria, redacta est, vt alterum regnum, inducias cum *Turcis* pacisceretur, alterum autem, bello cum eisdem implicaretur; alteris quidem populis improspere & aduersè; alteris autem, incertæ & ambiguae res fuere: illos enim, bello labefactari, atque accidi necesse fuit. Cum interim, his quoque finitimis auxiliis decedentibus, periculum crearetur, & hostis communis, alterius Regis opportunitate excidendi sibi præbita, in dies cresceret, ditionemque suam, & imperium, cum maxima reipublicæ Christianæ iactura, & detrimento, proferret atque dilataret. Fuerunt aliquando *Turcis*, Hungari, Poloni, Croatæ, & qui eiusdem linguae & gentis sunt, populi, alias formidabiles; neque per Europam omnem, nationes alias esse puto, quæ meliorem, bello, terra patrando, operam, aduersus hostes eos, nauare queant: ita illæ, a leuiore equitatu, & expeditiori armatura, qua *Turcæ* etiam fidunt plurimum, sunt paratissimæ. Eas illi, hodie quoque metuerent cunctas, quas aliquando disiunctas, contempnere & obtriuere. Dubitari profecto non potest, si res, inter prædicta regna, ad pristinum vnanimis & societatis consensum, contra communem hostem, communibus consiliis & viribus, aut bellum sumendi, aut pacem agitando, reduceretur; quin pristina quoque, ad vtrosque populos, commoditas & securitas reuerteretur. At, si ad eum, sicut cœpere modum, res ire pergat, & periculi necessitatisque tempore in subsidio

Qqqq

feren-



ferendo, alterum regnum, ab altero desertum atque derelictum fuerit; quis non videt; mox alterum quoque, non diuturna interposita mora, ab hostibus callidis, & ad omnem occasionem, rei, ex sententia tuto gerendæ, intentis, oppressum iri? Quippe qui, per simulationem amicitiae & societatis, maxime fallunt, & per inducias, praelia magis differunt, quam quietem permittunt. Et altero regno periclitante, si alterum ad discrimen illius conuiueat; non illud se, ad resistendum communi hosti, firmiter; sed ad cladem excipiendam, magis obnoxium, aut saltem vel initium victoriæ, vel finem belli fore putet. Nisi forte illud magni aestimet, quod vsura quadam temporis medii, non ita longi, & pacis brevis ac incertæ, qua exitium differatur, tamen non auferatur, perfrui liceat. Vnum enim hoc insigne beneficium, Cyclopicum videlicet præmium, in eos conferri ab hoste solet, qui se fidei suæ commiserunt; ut cum statim forte, sine periculo suo, perdere non possit, postremos eos, proximis extinctis, conficiat.

XVII. Hæc porro, quæ dicuntur, certius quoque euentura essent, si *Turcæ* (quod magno conantur opere, & Deus auertere dignetur) *Transsilvania* potirentur. qua non alia est, in regionibus hisce nostris, ad arma inde ab hostibus, in quasuis circumquaque partes, longe lateque inferendi, grassandi, vastandi, a sociis autem & amicis, vicina & circumiacentia loca, omnia contra hostiles excursionses & expeditiones, defendendi, tuendi, & amissa vindicandi, prouincia opportunior. *Transsilvaniam*, inquam, si *Turcæ* sibi subiicerent, tam illi in Maiestatis Vestræ regnum, & dominia, impressionem faciendi, expeditionesque suscipiendi; quam reliquias *Hungariæ* regni excidendi atque debellandi commoditatem magnam consequerentur. Id sane idipsum, per *Valachiam* quoque & *Moldaulam* facere, communes hostes possent; si præfectos siue *Vaiuodas* earum, qui *Transsilvania* amissa, tueri se contra vim eorum nequirent, vel tollerent, vel subigerent. Salutem quidem certe earum prouinciarum, ex incolumitate *Transsilvaniæ* constare, certum est.

XVIII. Manifestum igitur est, ex quo & Maiestatis Vestræ, ac Regni Poloniæ eiusdemque adnexarum prouinciarum, & Regis Romanorum, atque eiusdem regnorum dominiorumque; & proinde; reliquæ Christianitatis totius, *Transsilvaniam*, tanquam commune propugnaculum, & arcem, finitimorum horum populorum, defendi, plurimum referre; eamque regionem, ad communem, vel salutem, si conseruetur, vel perniciem, si amittatur, multum habere momenti. Quo modo enim nunc, ab ea parte, *Hungariam* versus, regnum Poloniæ, & prouincia Russiæ, & loca alia, vel natura, fluminibus, saltibus, iugisque montium; vel opere, propugnaculis, castellis, & arcibus munita sint & firmata, Maiestas, & Dominationes Vestræ, optime norunt. Iam, quæ stabilitas sit *Turcicarum* induciarum, & pacationum, cum sæpe antea Maiestatis Vestræ antecessores, magno fidelium subditorum suorum malo didicerunt; tum Maiestas quoque Vestra, ætate proxima est experta. Animaduertit certo Maiestas Vestra, qua fide & constantia, principis *Turcarum*, præfecti & milites, pacem seruare soleant. Est quidem vis omnis & impressio hostilis, grauis & ærumnosa, magis tamen illa solet esse, cui fraus vulpeculæ est adiuncta, odiosa & exitiosa; ab illa enim tibi, aperte illata, consilio aut viribus oppositis, cauere poteris;

hæc



hæc autem, secure agentem nihilque metuentem, subito opprimit, atque pessundat.

XIX. Luctuosissima vero, & miserrima est rerum facies, barbaris hostibus, præter ipem & expectationem omnium, contra fidem datam, in regionem aliquam irrumpentibus; non dico, pecora ab eis abigi, bona civium diripi, incendiis, publica & priuata ædificia absumi; quæ omnia, perse sunt acerbissima; sed vtriusque sexus homines, vel ferro crudeliter concidi, vel horrendis aliis suppliciis affici; puellas & matronas, ad stuprum rapi; paruos pueros a complexu parentum auelli, elidi, excarnificari, plurimum mortalium numerum, a sacrosanctis numinis delubris, a pænatibus dilectis, ex dulci patria, in Scythiam, & perpetuam seruitutem, & actionem vilissimam trahi; DEI, atque hominum fidem implorantium, & vicem suam miserabili comploratione detestantium. quibus, ita derepente, vi fraudulenta oppressis, cum nemo hominum opem ferre possit, eorum certe sanguis, strages & calamitas, in ratione DEO reddenda, ab eorum requiretur manibus, quorum illi mandati sunt fidei.

XX. Spectaculum hoc, tam deforme & miserandum, si quis animo tantum & cogitatione consideret, aut verbis recenseretur audiat, nemo est ita durus aut ferus, quin collachrimet, & dolorem suum, commiseratione simul, & indignatione, aperte testetur; quid vero facturi essemus, si oculis ipsi nostris, ærumnam tantam, auribus intollerabilem, conspiceremus? adhiberemus, me hercle! ad oculos, mentis aciem & iudicium, neque vnquam pactionibus & induciis talibus, fidem habere in animum induceremus.

XXI. Dulce est nomen pacis, M. T. CICERO inquit, res vero ipsa, tum iucunda, tum salutaris, qua testata quoque letari videntur. Nihil hac in terris hominibus contingere potest, prestabilius & optatius; eique, citra controuersiam, si nihil haberet insidiarum, periculi & damni, vel præsentis, vel futuri, semper est consulendum, nunquam ea non complectenda & colenda: at enim, si sub eius nomine, bellum latitet; atque ea sub specioso tranquillitatis titulo, paulo post erupturum alat exitium, repudianda illa venit, & non modo bello, sed morte etiam repellenda.

XXII. Maiestati Vestræ, Rex optime! magnæ sunt virorum, armorum, equorum, opes, & regnum est florentissimum, magnum hoc, Maiestas Vestra, a DEO, & diuo parente suo accepit, donum: num vero, Maiestas Vestra id, in gratia aliqua & DEO, & Regi SIGISMUNDO, patri beatæ memoriæ, referenda, melius gratiusue collocare queat; quam ad Ecclesiæ & reipublicæ christianæ, sanguine filii DEI redemptæ, atque coniunctissimi regis, prouinciarumque eius, & proprii regni, populorumque Maiestati Vestræ subditorum protectionem & tutelam? Neque aliam magis ob causam, Maiestas Vestra, gladium sibi a diuina Maiestate commissum gestat, quam vt eo, contra regnorum, ditionumque suarum, ac Christianitatis vniuersæ, communes & maleficos hostes, vtatur.

XXIII. Non ad præsentem modo rerum statum, qui fortasse hominibus quibusdam, ad tempus vtcunque tollerabilis esse videatur, magnos Reges spectare, pro animi magnitudine & pietate sua, decet; sed futuri etiam temporis, & posteritatis habenda est ratio: eo quod bono principi, non minori curæ est, qualis respublica regni sui, post mortem eius futura sit, quam qualis hodie sit. Et profecto, vere regium est, consiliis cœptisque



fortibus, quoad eius fieri potest, non praesenti tantum; sed subsecuturae etiam aetati, pacem certam atque stabilem, conciliare & relinquere.

XXIV. Christiani vero maxime regis est, non solum de sui ipsius, sed de finitimis quoque atque longinquis populis, & de vniuersa Christiana reipublica, bene mereri, eaque re diuini numinis benignitatem, ad plurimos sese effundentem, æmulari. cuius rei praestandae, magna Maiestati Vestrae datur occasio, quam Maiestas Vestra, nescio, an salua pietate, quae Christianum & Catholicum Regem decet, praetermittere, aut negligere possit. Parum certe tutum fuerit, bellum Turcicum, quod Regnum hoc Poloniae effugere nequit, vicino rege, & vicinis populis in periculo suo desertis, ita differre, ut postea id, illis (quod Deus benignus prohibeat) deuietis, per se solum sustinere cogatur.

XXV. Falluntur vero, Rex Excellentissime! & patres ac proceres clarissimi, falluntur inquam, qui aliena calamitate, suam protelando, satis sibi in se ipsis virium esse, opinantur, ad hostem submouendum, aut se ipsos defendendos, cum finitimis subactis bellum ad ipsos peruenerit. Nam, qui hodie hostibus pares, vicinis suis coniuncti esse possent; multo, tunc eos inferiores fieri oportet: propterea, quod quicquid ipsis, & rei Christianae illorum clade adimitur, id hostium opibus accedit. quo loco illud etiam est considerandum, facilius esse, stantes socios, ne cadant, retinere, quam graui ruina lapsos, erigere.

XXVI. Haec non ita a me dicuntur, quasi dubitandum sit, ut certe dubitandum non est, an Rex & regnum, bellum in Turcas suscipere debeat; sed, ut de tempore belli talis gerendi, deliberatio suscipi possit. Quod vero, opportunius & commodius, magisque adeo necessarium esse tempus *Polonis* potest, cum istis hostibus belligerandi; quam cum illi, propugnaculum harum regionum petunt, & arcem summam, *Transsiluaniam* dico, inuadunt; cum socium se belli simul, & pacis, Rex Romanorum, cum regnis & prouinciis suis omnibus aduersus eos hostes offert; cum adhuc in vicinia, longe lateque grassans, & iam parieti proprio imminens incendium, maiore commoditate, aut certe minore discrimine, restinguere, & alios item principes & populos Christianos, exemplo suo, ad societatem, tam salutaris, & necessarii belli, adducere liceat. Iam *proximus ardet Vcalegon*, apud quem, Viri *Poloni*, mature flamma exstinguenda est. Vicinae in primis habenda cura, ut ea conseruata, minus vobis sit ab incendio periculi. Nam ea, si negligentia nostra conflagrarit, qua spe & fiducia, a longinquis opem, aedibus nostris, petemus, quam ipsi proximis nostris denegauerimus? quod vero potissimum, salus nobis vicinorum, in casibus huiusmodi, est tuenda, vnde salus quoque nostra dependet; priuatae nos & domesticæ res, harumque securitas, satis docent, quae nobis neutiquam constare queunt, si familia vicini laboret atque periclitetur. Porro, ut res nunc sunt, expeditionem talem, & tam necessariam, in tempus, communis, & publici, Christianorum principum & populorum omnium, consensus, proferre, perniciosum esse videtur; cum regibus & nationibus quibusdam expectationem eam, exitio fuisse, non ignoremus: quorum exemplis permotos, dare nos inuicem nobis operam, ut vires finitimas, aduersus ingruentem communem hostem, coniungere decet.

XXVII. Itaque, non solum illud dico, bellum istud, a Maiestate Vestra,



fra, & Regno Poloniæ in aliud tempus differri, haud debere; sed necessario id nunc nobiscum, contra communes & perpetuos hostes, suscipiendum esse: quibuscum, non de laude, gloria, aut imperio; sed de vita, salute, ipsisque adeo aris & focis, capitale certamen est; siquidem Maiestati & Dominationibus Vestris, reipublicæ Christianæ, innumerabiliumque animarum periclitantium, & vicini Regis, cunctorumque nobis populorum, ac propria denique, & vestra ipsorum dignitas & salus, est curæ, ut certe curæ est, quam maxime.

XXVIII. Turcis ipsis, excidio orbis Christiani natis, cum nationibus, prouinciis, regibus & principibus cunctis, vna causa bellandi est, insatiabilis imperii & diuitiarum cupiditas: ideo illi bella bellis continuando, & finitima quæque loca & dominia carpendo, in partes orbis arma intulere, regnaque sibi plurima subdidere. Verum, ut nos ita oppressum, excisum atque extinctum eant, religionis insuper Christianæ odium accedit, quam illi præ impia superstitione sua, rident, despuunt atque despiciunt; in nulum certe genus hominum crudelius, quam in Christianos, sæuiunt. Proinde, non est, quod *Poloni*, Turcas sibi paruos esse sperent; quin potius, sibi, ad quamuis occasionem, ne ab eis opprimantur, metuere debent; tum quod Christiani sunt; tum quod opibus florent, quibus illi, spe prædæ maxime inhiant, atque insidiantur. Fuit autem aliquando, quorundam hominum opinio, inuictam esse armis *Turcarum* gentem, propterea, quod plures & graues sæpe Christianæ reipublicæ intulerint clades; sed documentis certis, hac æstate, ostendit Deus optimus maximus, inhiberi posse a nobis bellicum *Turcarum* cursum & furorem, atque vinci etiam eos posse, pro palam declarauit.

XXIX. Ex quo tempore Rex Romanorum, regnorum suorum sceptrum tenuit, vnus ipse maximam turcici belli molem, terra, humeris suis sustinuit. Et princeps ipse *Turcarum*, personaliter, cum omnibus copiis & viribus suis, quatuor, aduersus Maiestatem Suam, expeditiones suscepit; in quibus ille, tametsi propositum (Deo consilia eius nefaria inhibente) non tenuit, neque tantum armis suis effecit, quantum effecturum esse, et ipse sperauerat, & homines nostri metuerant. Est itaque, quod hoc nomine, maximas diuinæ Maiestati agamus gratias. Nuper vero, etiam sub ipsissima *Transsilvania*, atque in aliis etiam *Hungariæ* partibus, non contemnendis, diuina benignitate annuente, *Turcæ*, a nostris sunt affecti cladibus, ut in dubia iam spes sit, prosperiores Christianis hominibus, aduersus Mahometicos hostes, non virtute sua, sed vitiis alienis magnos, quorum iam, ut *Amorheorum* olim impleta est iniquitas, & impietas, deinceps DEI ope fore successus, præcipue, si ita, ut dictum est, Maiestates Vestræ, & vicina coniunctaque hæc regna, communibus consiliis & opibus, cum illis, vel pacem simul fecerint, vel bellum gesserint.

XXX. Itaque, ut tandem orationis huius vela contraham, cum tam multa sint, non tantum inter Maiestates Vestras, charitatis intimæ; verum etiam inter regna & populos vtriusque, coniunctionis summæ vincula, sanctaque, & vetera, & noua fœdera; commune denique, vtrorumque Regum, & regnorum, a communi hoste, bello impendente, periculum: cuius repellendi, nulla diuturnior reliqua est mora. Et, cum ex breuib; quidem illis, & sim-


Rrrrr

simpli-



plicibus, liquidis tamen & certis, quæ adduximus, argumentis, satis constat, & totius Christianitatis, & vicinorum horum, Hungariæ & Poloniæ regnorum, aliarumque contiguarum terrarum, maximopere interesse, ut *Transsilvania* conseruetur; Serenissimus Rom. Rex, a Maiestate Regia, & Reuerendissimis, Illustrissimis & Magnificis Dominationibus Vestræ, paterne, amice, & benigne iterum atque iterum petit, rogat, & postulat; ut Maiestas, & Dominationes Vestræ, aduersus huiusmodi communem hostem, communi belli & pacis societate inita, Maiestati Suæ, eiusdemque regnis & populis, & Christianæ ipsi reipublicæ, ad *Transsilvaniam*, & Regni *Hungariæ* reliquias defendendas, auxilium terre, & ad initium proximi veris, firmum validumque subsidium decernere, præstare, instruere, atque ita ordinare velint, ut ex eo, Deo opitulante, Maiestas Sua, cum suis & Sacri Romani Imperii, regnorumque & prouinciarum suarum, copiis, feliciter optatum fructum percipere, & rempublicam bene administrare, & bellum prospere gerere, possit. Id quod Regnum quoque *Poloniæ*, & Maiestatis Vestræ dominia alia, *Turcarum* iniuriis & contumeliis exposita, opportuna, tametsi non clara voce, & quiritatione publica, flagitare videtur. Inuitant huc certe, Maiestatis Vestræ maiorum exempla illustrissima, qui barbaris hostibus, a Christiana reipublica propulsandis, immortalem apud Deum & homines, gloriam sunt adepti. Sic Maiestas, & Dominationes Vestræ, cum ingenti sua laude & gloria, Deo omnipotenti, maxime gratum & acceptum, reipublicæ & Ecclesiæ Christianæ cunctæ, commodum & salutare, Regi Romanorum, eiusdemque Regnis & populis, sibi item ipsis, & Regno huic *Poloniæ*, aliisque cunctis prouinciis, pium & necessarium officium præstabunt, Maiestati & Dominationibus Vestræ a Diuina Maiestate æternis atque cælestibus præmiis remunerandum, atque a Rege Romanorum, quouis tempore, pari gratia, atque omni paternæ & sinceræ amicitiae ac beneuolentiæ, Regiæque benig-  
nitate genere, compensandum.

D I X I.







II.

# LEGATIO

Augustissimi Romanorum Imperatoris  
HUNGARIAE REGIS

## RVDOLPHI II.


Ad

Serenissimum Regem & Senatum  
POLONIAE.

Seu

HUNGARIAE PERICLITANTIS  
ORATIO.

I.



Acratissimus Romanorum Imperator RVDOLPHVS Secundus &c. Dominus & Rex noster clementissimus, Comitia, ad decimam præteriti mensis Februarii diem, omnibus Hungariæ Statibus & Ordinibus, *Posonii* celebranda indixit. Quo, dum vniuersi Proceres confluxissent, antequam felicia auspicia Comitiorum Regni nostri posuissent, & antequam ad aliorum Regni negotiorum tractatum venissent: primo omnium, Nos, ad Vestram Serenitatem, atque ad omnes huius inclyti Regni ordines, tanquam Dominos amicos & vicinos, propriæ salutis atque incolumitatis, & communis Reipublicæ Christianæ per mansionis amatores, mittendos decreuerunt, & quædam per nos, communi omnium voto & suffragio, huic amplissimo ordini dicenda, in mandatis dederunt. Atque in primis, *Sacratissimæ Regiæ Maiestati*, demissa obsequia & obseruantiam, tum omnibus huius potentissimi Ordinis proceribus, prompta & parata officia, omneque bonæ vicinitatis studium deferentes, in rebus agendis prosperitatem ac felicitatem, regno isti florentissimo, pacem & tranquillitatem, fortunæ constantiam, denique omnibus & singulis, vitam diurnam, salutemque precantur. Nosque, de rebus, periculis, extremoque fere excidio, afflictissimi Regni Hungariæ, in hoc pulcherrimo ornatissimoque Vestro confessu, breuiter dicturos, vt attentis & benignis auribus exaudiatis, officiose petunt.

II. HUNGARIAE quondam Regnum, magnitudine, elegantia, vbertate florentissimum, camporum, omnia pecorum genera sponte producentium, spatio latissimum; fruges omnigenas, quas ad vsum humani generis prouidentissimus Deus, ex terræ visceribus, modicis saltem laboribus, educit, vnico aut altero aratro, tam colentibus copiosissime producit, & sæpe, dum siliginem recipit, selectissimum triticum effundit, & quidem tanta in

Rrrrr 2

abun-



a bundantia, vt cumulis & aceruis, non horti, non horrea, non pagus integer; sed vix campi ipsi sufficiant. Eadem terra, eodem anno, in iisdem pascuis, greges pecorum pascit, fœnum copiosissime largitur, tandem aratro fulcata, diues fructibus, messorum lætos excipit. Accedit, tanta ouium, bo-um, omnisque generis pecorum multitudo, vt vnus tantummodo oppidi, non dico sigillatim, sed greges numerandi, frustra laborem suscipias. Et quamuis vicinas prouincias & regna, singulis annis aliquot armentorum mil-libus reficiat, suisque incolis etiam sufficientem carniū copiam præbeat; integros tamen campi, & pastores habent greges, non descrescit eorum nu-merus, nihil accolis deficit, non conqueruntur lanii. Ac veluti silua feris plena, nec externis venatoribus edicto proprii possessoris publico prohibita; apris, ceruis, damis, leporibus, & aliis quam plurimis feris, cum ad necessi-tatem, tum ad voluptatem hominum procreatis, refertissima est; sic per totum fere Regnum Hungariæ, pecorum innumerabilis copia diffunditur.

III. Quid commemorem sinuosos, profundos, latos, rapidosque flu- uios, quorum, vt plerique fide digni Historici tradunt, tertia pars, variis piscium generibus, decurrit. *Tibiscum* intelligo, *Danubium*, *Sauum*, *Dra-uum*, quibus Hungaria, veluti platea quædam, contra irruentes hostes, fer-reis cathenis cincta, hostem, tutior & securior speculabatur. Taceo mon-tium altissimorum admirabilem fertilitatem, qui, quam præstantia claritate, odore, suauitate & fragrantia progenerent vina, testes sunt, cum aliæ vici-næ nationes, tum *Poloni* ipsi, qui singulis annis, horum beneficio, recreantur, ornantur, exhilarantur. Sileo præterea, cum feris varii generis, tum ære, cu-pro, stanno, argento, auro, denique aliis pretiosissimis metallis, superbos mon-tes. Quod enim aurum, huic nostro, vel puritate, vel splendore, vel pondere comparandum? REGNUM ipsum, circumiacentibus vndique prouinciis, vt-pote: *Transilvania*, *Moldavia*, *Valachia*, *Bulgaria*, *Rascia*, *Slauonia*, *Croa-tia*, *Dalmatia*, quasi fortissimis quibusdam propugnaculis, munitum, arcibus, magnifice exstructis, ciuitatibus, oppidis, frequentibusque villis, & maxi-mis, & populosis, pulcherrimum. Cardinalibus, Archi-Episcopis, Episco-pis, Ecclesiasticorum denique omnium, frequentibus ordinibus, honoribus, titulis atque dignitatibus, templis, aris, sacerdotum collegiis, amplissimis-que redditibus, ditissimum: religionis integritate, pietate, diuino cultu, ce-remoniis, atque omnium virtutum cumulis, ita splendidum, ita ornatum, vt totum fere orbem Christianum, ad naturalem sui reuerentiam & admira-tionem, rapuerit, ad pietatis, fortitudinis, hospitalitatis, liberalitatis, pudici-tæque exemplum, incitarit. Quæ enim gens vnquam in sua patria, tam diues, tam opulenta, generis splendore, tam præclara exstitit, quæ aliquando ad honores titulosque Hungaricos, non adspirauerit? Exstant apud nos vsque ad hodiernum diem, multorum illustrium virorum nomina, qui relictis pa-ternis laribus, solo Hungarico contenti, eiusque opibus ac diuitiis illecti, vi-tam potius, quam vt ad propria redirent, amiserunt.

IV. Sed, quomodo, Proceres amplissimi! mutatum est aurum? quo-modo obscuratus color noster? quomodo deiecta, pulcherrima capitis no-stri corona? Eheu! in miserabilem luctum versa est cythara nostra! prostra-ta, conculcata, ac pene deformata pulchritudo nostra! Eheu! quomodo pudicissima lectissimaque virgo, inauribus, monilibus, corona speciosa, gem-mis & vestibus pretiosissimis olim exornata, iam penitus denudata? Nostra-



ne, obsecro, socordia, vel Christianorum dissidiis, discordibusque animis, vel certe Hungarorum peccatis, id ita commerentibus, fœdæ, barbaræque Turcorum & Scytharum genti, violanda relinquitur? O tempora, nunquam exspectata! o fortunæ inconstantiam! o miserandam felicitatis nostræ mutationem, nunquam antea præuisam, sed ne cogitatam quidem! o nostram simplicitatem, qui hosti, multis cladibus, virtute maiorum nostrorum fracto, credidimus. Audite quæso, *Nobilissimi Ordines*, in quantam, quamue miserabilem calamitatem & angustiam, leuitas, inconstancia, perfidiaque Turcica, nos præcipitauerit? *Nobilissimæ* Hungariæ regiones, vasta solitudine & situ fœde horrent: vbi, quot agros, quot vrbes, quot templa, quot aras, pietatis loca, profane & sacrilege, teterrimi hostis manus, his tantum elapsis temporibus, euerterunt: nec euerterunt solum; sed in abominandum *Mabumedis* superstitionem mutauerunt. Nulla domus in Hungaria, luctu & mœrore vacat. Liberi ante parentum ora, parentes in conspectu liberorum, honestissimæ matronæ, & pudicissimæ virgines, pars, dictu miserabile, atrocissime ceduntur, pars, ad explendam turpissimam, insolentissimi hostis, libidinem, in miserandam funestamque seruitutem rapiuntur. Domini Sacerdotes, in ipsis diuinis sacrisque operibus, cæduntur, & impie immanissimeque trucidantur, eorumque innocentis sanguine, & cerebris, gladio hostili dispersis, templa, aræ, & sacræ vestes, quibus in tremendo sacrosancti sacrificii opere, vestiuntur, inaudita atrocitate, commaculantur. Quot incendia, quot calamitates, quanta mala, superiore quoque anno acceperimus? utinam nobis audisse potius, quam spectasse, & proh dolor! pertulisse, licuisset. Nunc etiam, vniuersam *Hungariam*, miserrima seruitus opprimit, neque focos, aut aras habere, neque patriis bonis frui, neque fungi honoribus, in posterum fas erit; nisi benignissimum, *Seruatoris Optimi Maximi* numen, & externa, gentium vicinorumque regnorum, indomita virtus, præsto illi fuerit.

V. Circumuallatum, *Regnum Hungaricum*, munitissimis propugnaculis, nimirum vtrique *Misia*, *Dardania*, *Dalmatia*, *Illyria*, *Rascia*, *Bulgaria*, fuerat, quibus omnibus, per fraudem hostilem amissis, nunc iam squalida & mœsta *Hungaria*, se ipsam luget. Cum ipse mecum reputo, prouincias, quibus spoliati sumus, vix tempero profecto a lachrimis, tum recordatione malorum, quæ patimur, tum vero vltimi exterminii, quod *Iaurino*, natura & arte munitissimo, tum aliis vicinioribus præsidiis occupatis, haud dubie ceruicibus nostris imminebit. Ceteræ prouinciæ nobis ademptæ, vtrigalia & fines nostros minuerant, sedesque Regias occupauerant: at capto *Iaurino*, hostis immanissimus, non *Pannoniæ* tantum reliquias; sed, proh dolor! omnium regnorum vicinorum & prouinciarum fines, audacissime penetrauit, atque *Sacri Romani Imperii* clauis, manibus fere conclusit. Duo tantum restant anguli in Hungaria, non ita ab hoste tuti, quam integri: alter *Meridiem* versus, alter *Septentrionem* versus, quos hostis truculentissimus dilatandarum suæ tyrannidis finium audissimus, armis, opibus & numerofo milite, afflictissimis Hungarorum rebus longe superior, vnica ex Thracia, copiarum suarum expeditione, suo imperio & nefandæ crudelitati mancipabit.

VI. Sed, quiescet tandem hostis dirissimus? & Hungaria potitus, solaque illa contentus, in Thraciam, victor ad ocium redibit? neque regnis &



prouinciis conterminis, in amicitiam suam semel receptis, bellum mouebit? Non quiescet, mihi credite, non, cruenta bellua. Tanta enim ipsius est rabies, tanta impudens arrogantia, tanta auaritia, tantaque temeritas, ut exiguae felicitatis successu elatus, victoriae terminum, orbis terrarum finem statuatur; & maiorem in sanguine Christianorum profundendo, quam in finibus amplificandis, voluptatem ponat. Speculabitur statim, impasta, rabidaque fera, tanquam ex vicina specula, proximam & per primam occasionem oblatam prædam: illinc, *Austriam, Carinthiam, Stryiam, Sclauoniam*; hinc *Morauiam, Silesiam, Poloniam*, & vicinas prouincias.

VII. Ac proinde, REX Serenissime, Illustrissimique Principes, ceteraque clarissima Poloniæ lumina! tria a vobis, uti sociis, amicis, & vicinis, omnes omnino *Hungariæ Ordines*, Vestra pietate, amicitia & vicinitate freti, amice & officiose petunt. PRIMVM: *Velitis aliquot auxiliares copias, Vestris propriis sumptibus conscriptas, in subsidium periclitantis Hungariæ, statim primo vere expedire.* ALTERVM: *Non tantum, propriis sumptibus conscripto milite, nobis auxilio vos esse: sed &, si quos milites, ex amplissimo Regno hoc, ac vicinis eius prouinciis, aut nostris, aut aliorum Christianorum Principum expensis, educere coacti fuerimus, eis, liberam in Hungariam, proficiscendi facultatem, concedere.* DENIQUE, *nouo perpetuoque fœdere, nobiscum sancte pacto, Vestram in armis, in copiis, aliisque, contra manifestum Christiani nominis aduersarium, belligerandi facultatibus societatem, virtutemque heroicam, qua, apud omnes gentes mirifice excellitis, cum nostra, quamuis parua & exigua manu, coniungere.*

VIII. Consideranda enim in primis Vobis est, nostra, & patriæ nostræ conditio; extremum, quod ex interitu nostro, Vobis immineat periculum; tum huius sanctæ societatis, nouique fœderis, summa necessitas; tum etiam hostis importunitas; tum denique expeditæ eius copiarum, perfidia, & inconstantia, atque in augustissimum IESU CHRISTI nomen & gloriam, insitum illi a natura odium. Nos Christiani sumus, focii, vicini, & amici Vestri. Perpendite, obsecro, & reuocate in memoriam, inter Hungaros, & Polonos, mutua ac alterna, ex confœderatione antiqua, auxilia & pacta sanctissima, & pro florentissimi quondam Regni Hungariæ libertate, & defensione maiores Vestros, Regesque huius inclyti Regni potentissimos, sanguinem & vitam, ultro, patrum memoria profudisse. Moueat Vos, Serenissime REX, saltem sancta, pia, & pene diuinitus nuper instituta, inter Vestram Maiestatem, & Principes nostros, affinitatis coniunctio, ex qua non tantum capitum, seu Principum, sed & regnorum, & membrorum accessit compaginatio. Ponat ob oculos *Maiestas Vestra*, curas, vigilias, expensas infinitas, quas in gratiam Reipublicæ Christianæ, Imperator Christianissimus, Vestræ Maiestatis affinis, amicus & vicinus, dies & noctes facit. Nihil enim ipse, quod ad conseruationem & incolumitatem nostram pertinet, prætermittit. Nihil est, quod nostra causa strenue & inuicto animo non subeat. Non parcit laboribus, non thesauro, non denique sanguini & vitæ. Neque Vos, SENATORES amplissimi, cæterique ordines inclyti huius Regni! paucitas nostra, vires adtritæ, exiguae Regni nostri, iam iam labascentis reliquiae, ab hac sanctissima confœderatione, mutuaque belli ineundi societate, deterreat.

IX. Pauci sunt Hungari, verum est; sed, non deest illis præpotentissimus DEVS, cui tantum est in paucis, quibus benedixit, vincere, quam multos,



multos, quibus maledixit, profligare. Non deest nobis, vſitata, & quaſi innata, in campeſtribus præliis, exercitatio. Non defuerunt quoque annis ſuperioribus, de atrociffimis hoſtibus, viribus & numero armisque potentiffimis, glorioſiffime partæ victoriæ. Non inquam defuerunt! quam feliciter enim in *Sclanonia*, apud *Zifzek*, cum *Haſon Baſſa* pugnatum ſit: quam turpiter, *Baſſa Budenſis*, apud *Albam-Regalem*, cum ſelectiffimis prætorianorum militum cohortibus, fuſus, fugatusque ſit, nonne audiſtis? quid commemorem, memorabilem illam ac pulcherrimam victoriam, apud arcem *Hatvan*, in campo *Turano*, ex *Beglerbego Graciæ*, *Baſſis*, *Budenſi* & *Temervárienſi*, exigua manu reportatam? Nonne etiam apud arces, *Filek*, & *Szécsén*, eiſdem *Beglerbegi*, *Baſſæ* vtriusque, *Budenſis*, & *Temervárienſis*, auxiliares copias, noſtra caſtra, eadem, vel ſequenti nocte, per ipſos inuadenda, primo ſtatim impetu, ad internecionem propemodum omnes deleuimus, extinximus. En! maiorum noſtrorum exempla, in poſteris quoque ſuis, luce meridiana clariora. HUNGARI, diu ab annis circiter ſeptingentis, pro ſua, & communi Chriſtianitatis quiete, excubias continenter agunt, fines Chriſtianorum, non ſine cruentiffimo certamine, tutantur: ſæua tamen proſecto mercede, quoniam in alendis copiis diuerſis, & per tot hoſtium frequentes eruptiones, ſpolia & cædes, tot iam annis labentibus, omnes *Hungarici* regni Ordines, defecerunt.

X. Iam, deuicta tota *Hungaria*, quæ gens, tot annorum ſpatio depreſſa? quæ natio, tot cladibus vexata? quod regnum, tot incendiis, calamitatibus, ferro, carceribusque afflicatum, tam potentem & inquietum hoſtem, infracto conſtantique animo, tam diu ſuſtinebit? In hoc nobiliſſimo *Poloniæ* regno, virtutem in armis, magnanimitatem & tollerantiam in aduerſis, patientiam in laboribus, belli facultates, opes ingentes, arma victoricia, innumeram variarum gentium multitudinem, omnemque belli apparatus, quis vel mediocri iudicio præditus, non videt? Sed regnum hoc, non ita a natura, vt *Hungaria*, montibus vndique, fluminibus profundis, ciuitatibus & arcibus præſidiisque, contra hoſtem, arte, multisque laboribus munitum eſſe, quis non modice *Polonicarum*, & regionum, & rerum peritus, non animaduertit? Quare, ſi ex *Hungaria*, in *Poloniam*, acceſſum ſibi naſtus fuerit, non ſecus, atque accipitres, aues rapaciſſimæ, caueis incluſæ, & poſtmodum dimiſſæ, in ſpacioſo hoc aëre, libero volatu, prædam exercent; per totam *Poloniam*, impune, per tot campos effuſus, vagabitur, per tot ciuitates & oppida, ex materie lignea fere conſtructa, incendio & depopulatione, graſſabitur. Ex his autem arcibus, non tam munitis, quam elegantibus, quas terras, quosque *Poloniæ* fines, inter exiguum temporis interualum, non peruadet?

XI. Conſiderate itaque PROCERES inclyti! qualis clypeus, qualisque murus fuerit hætenus *Hungaria*, *Poloniæ*, & quanta præſtiterint arma Hungarorum, cum orthodoxæ fidei, tum maxime tranquillitati Veſtræ, & quantum deinceps ſalua præſtitura ſit. Nolite floccifacere, & quietem Veſtram, & fortunam, quæ totæ ex ſalute *Hungariæ* pendent! Nolite repellere, ſacroſanctam perpetui fœderis ſocietatem, nunc vobis amanter oblatam. Et nos aliquando hac gloria, hac pulchritudine, hac admirabili conſenſus Veſtri elegantia, his templis, his palatiis, hiſque ſuperbis turribus, fulſimus. Eadem Vos fata, eadem fortunæ conditio & caſus, niſi tantis, in tempore,



occuratis malis, manebunt. *Hungaria* igitur Vobis, in primis curæ esse debet; *Hungaria* Vobis, copiis quam maximis; *Hungaria* inquam, quam primum iuuanda est. Ibi obstruendum hosti iter, si Vos, & Vestra omnia salua esse vultis: ita regiones Vestras integras, facilius ex longinquo tutari poteritis, quam postea ex propinquo, laceras reficere, tueri, defendere. Nunc iuuate focii, nunc arma capite, dum hostis potentia minor, dum longinquior, fines Vestros non pertingat! Nunc, nunc! Vestra virtute bellica, truculentissimo orbis Christiani inimico, nobiscum occurrite, cum *Hungarorum* vires, minus attritæ, nosque superstites, socia arma Vobiscum capessere possumus. Nonne gloriosus & laudabilius erit, si lætior, simul ac certior, nobis firmissimo societatis ac vicinitatis vinculo confœderatis, ex hoste triumphus, & vberiora spolia contigerint; quam vt afflictis nobis, & perdita *Hungaria*, inopinata Vos sollicitudo, de salute regionum fortunarumque Vestrarum, incautos corripiat. Cauete, prudentissimi, fortissimi que Heroes! ne idem & Vobis eueniat, quod olim *Græcis*, primo, exiguam opem recusantibus, tandem, non suppellectilem modo, sed & vitam offerentibus, amissa Constantinopoli, accidit. Quid enim turpius, quid fœdus, quam non præiis calamitatibus, quæ certissimæ sunt, excœcata mente, pertinaciter, in manifestissimum periculum, seipsum præcipitem agere? Quid rursus pulchrius, quid prouidentius, quid felicius, quam in alieno periculo doctum, & cautum se exhibere?

XII. Videtis! Christianum, amicum & vicinum Regnum, concepto igni, flagrare: videtis, flammam longe funestissimam, penatibus Vestris, iam iam, nisi occurratis, imminere! Ab aliisne igitur, vt restinguatur, expectabitis? Utinam, Scythicum quoque illud incendium, in finibus *Hungariæ* nuper exortum, per nostros, comprimi & restingui potuisset. Non fines *Austriaci*, ingenti terrore perculsi, acceptas iniurias, inflictaque lamentarentur vulnera; non iam in *Hungaria*, tanta solitudo, vastitas, cædes tot infantulorum interitus tot lachrimæ, tantique parentum pro liberis, partim dire cæsis, partim in fœdissimam seruitutem abreptis, fusi eiulatus forent. Non tot oppida, & curiæ nobilium pulcherrimæ, ab incolis desertæ, palatiaque illustrium magnifica, suppetias alienas expeterent; neque Turca, viætoriam ex Christianis, qui ante *Tartarorum*, in fines nostros excursionem, copiis *Sinan Bassæ*, vel pares, vel superiores fuerunt, vllam, superbus in *Thraciam* reportasset. Quid? imo nec *Iaurinum* cepisset. At postea tanti hostis pernecitate, qua in depopulationibus, tanquam volatu quodam celerissimo vtitur, distracti & perturbati, minus sufficientes existimus. Quas & nunc, in Regno strages *Tartarus* faciat, quam miseranda, & a Christiano homine merito deploranda suæ crudelitatis vestigia relinquat, quotidie cum suspiriis & lachrymis, o afflictis! cernimus.

XIII. Verum, refarcire istud malum, fortissimi HEROES! poteritis, & hanc pestem, inter omnes gentes abominandam & execrandam, tollere facile, innocentemque sanguinem, quo impius hic hostis, sacrilegas suas manus, commaculauit, vindicare, si volueritis, valebitis; nisi placuerit fortasse, hostium perfidis blandimentis, adulationibus, fraudulentis induciis, & iniquissimo ipsorum fœderi, fidem habere, dum, florentissimo huic *Polo-niæ* Regno, sub specie amicitiae, & pacis inconstantissimæ simulatione, perpetuam pacem & tranquillitatem promittunt. Nolite, Ordines inclyti! nolite

lite



lite! hosti nefario & perfido, qui dum Christianos, fide & amicitia sua decipit, iam certissimam sibi salutem, eamque interminabilem concessam esse credit, aures animosque, tam facile præbere. Parcit lupus oui, & nonnunquam etiam simulata amicitia blanditur, adulatur, quia prædæ abripiendæ oportunitatem nondum habet; verum, vbi occasionem vel exiguam nanciscitur, illico rabidam voracitatem, in miseram ouiculam exercet. Ita nos maiorem Regni nostri partem amisimus: amicitia namque, & fucatis pollicitationibus, fideique *Turcarum* nimium credentes, tuti, securi, sub induciis in pace viximus; illi autem, nulla a nostris iniuria laceffiti, quibusuis iniuriis leuiusculis, falso prætenfis, opportunitateque ea, ex nostrorum otio capta, contra omnem amicitia legem, & sacrosanctam iæti fœderis pacem, contra omne ius gentium, in vindictam, vt hostes turbidi, inquieti, immanesque, exarserunt. Regiones nostras, incendio & ferro vastarunt, arces, ad motis tormentis bellicis, expugnarunt, fines suos, quam latissime potuere, cum maximo Regni nostri detrimento, dilatarunt; vel certe, vbi aperto Marte inuadendi modus ipsis defuit, technis, machinis, arte denique, plus quam Pelasga, nostris, ad vnum trucidatis, præsidia nostra, munitiones nostras, in suam potestatem redegerunt.

XIV. Deplorant, hanc ipsorum perfidiam, multa Hungariæ castra: *Simon-Tornya, Dombó, Dobreköz, Ozora, Kaposujvár, Baboltfa, Korotbna, Buyak, Zanda, Dregely, Filek, Szécsén, Zolnok, Hatvan, Divin, Kékkő!* Deplorat Croatia vniuersa! deplorat *Sclauonia* pars maior! deplorant denique, quam plurima huiusmodi loca munitissima, quæ sub induciis istorum infidelibus, astu & fraudulentia occupata sunt. Hos ipsos eorum callidos astus & fraudes, iam tota pridem luget Europa. Neque *Polonia*, omni ex parte, istius calamitatis immunis est: nonne, tam vetera, quam noua fœdera, sancte Vobiscum pacta, non superiore saltem anno, per transitum & depopulationem Tartarorum immanissimam, verum etiam, tertio ab hinc anno, egressu & potentia *Beglerbegby*, impius & perfidus Turca rupit, violauit, confregit? Tanta est, hostis istius nefarii, leuitas & perfidia. Vindicate igitur hanc atrocitatem, & cum CHRISTI JESU, DOMINI NOSTRI hoste, manus conferite! Doleat vobis iactura, & perniciēs Christianitatis, occurrant arma Vestra tot malis & periculis. Vestram opem implorant, pueri, in campis vagantes! Vestra auxilia expetunt, cadauera Christianorum, per agros crudelissime passim iacentia! Vestras suppetias, viduæ lectissimæ, & virgines pudicissimæ implorant! Vos socios & vicinos, *Hungarorum* Regio & terra afflictissima, sociorum & vicinorum Vestrorum sanguine inebriata, vindices, & iustissimos ultores, exposcit! Vos denique, ad perpetuum fœdus, ad armorum victoriarumque, ac omnis fortunæ, tam aduersæ, quam prosperæ, societatem inuitat. A vobis præsidium *Hungaria*, extensis brachiis, quæ *Poloniam* tot annis, quasi clypeus, & murus aheneus, animose defendit, flagitat, orat, deposcit. Vobis, ipsa, & posteris Vestris, constans immobilisque fœderis, vicinitatis, bellicosæque, contra communem hostem, societatis vinculum, vltro amanterque defert.

XV Quod si, non pietatis studium, non zelus fidei, non amicitia, & vicinitatis antiqua iura, neque hæc nostra iusta, amica, legitima, mutuaque consuetudo, in hanc summe necessariam sanctissimamque expeditionem

Ttttt

Vos



Vos mouent, & armant; moneat saltem TE, Serenissime REX! Vosque ornatissimique PROCERES! gloria, sacrosancta belli societas, necessitas, denique, cui omnes sapientes parent. Regum namque, & Principum sceptræ & diademata, gloria, bellicis virtutibus parta, exornantur. Quid enim, vt *Iulius Cæsar*, toto terrarum orbe, ob res præclare a se gestas, celeberrimus, gloria suspiciendus esset, effecit? virtus bellica! Quid *Pompeium*, *Scipionem*, *Hannibalem*, *Alexandrum Magnum*, ad imperium totius orbis aspirantes, incitauit? virtus bellica! Quid *Carolus Magnum*, *Carolus Quintus*, *Ioannem Coruinum*, Regni Hungariæ quondam Gubernatorem fidelissimum, *Matthiam*, Regem inuictissimum, & alios complures præstantissimos Regni nostri heroes, ad bella, infracto inconsternatoque animo, suscipienda, pro Christianæ Reipublicæ salute, & conseruatione, ad quæuis pericula subeunda tantopere incendit? virtus bellica! Quid *Casimirus*, *Vladislaus*, huius florentissimi Regni, gloriosa diu germina, per totum huius vastissimi orbis spatium, inter tot gentes, celeberrimos laudatissimosque effecit? virtus eadem bellica! Quis vnquam magnanima illa heroicaque natura exornatus, pro gloria conditionis suæ, proque nominis CHRISTI celebritate, vitæ, necisque periculum aliquando exhorruit? quid rursus hæc laudabili societate, in qua religio, fides, æternaque DEI Optimi Maximi symbola defenduntur, pulchrius? quid amabilius? quid suauius? CHRISTVS, pientissimus Pelicanus, sanguinem pro nobis nudus fudit, nudus pro communi salute, erecto crucis trophæo, cum hoste truculentissimo, congressus est, sanguinem suum vitamque, pro Vestra pace & tranquillitate, profudit; Vos vero eam, eiusque gloriam defendentibus & honorem, hostibusque illius, bellum mouentibus, auxilio & societate Vestra, adesse non vultis? Ille inimicis, & humani generis hostibus, ultro bellum indixit; Vos autem perfidis & teterrimis eius aduersariis, sanctissimumque nomen & Diuitiam eius, continue blasphemantibus, armis occurrere recusatis?

XVI. Sed, quid hæc amplifico, dum pretiosissima pulcherrimaque hæc munera, cælitus Vobis data, quibus exornati estis, sponte Vós, contra tam immanem truculentumque CHRISTI Domini hostem, impellant & excitent, atque adeo necessitas ipsa, etiam nolentes, trahat. Malo enim Vos considerare, quam fando ominari, qualis *Poloniam*, perichitante *Hungaria*, fortuna maneat. Horret animus, admonitione eorum, quæ ventura sunt; nisi huic incendio, mature eatur obuiam. Omnia mala, quæ nos passi sumus, & etiam nunc patimur, Vestris capitibus & fortunis, imminet. A *Turcis*, dirissimæ seruituti, viri mancipabuntur; pueri, feminae, puellæque promiscue ad stupra rapiuntur; ac cum parum proderunt lachrimæ, tum dolebitis, dum non licuit iuissse huic incendio obuiam. Non crediderunt hæc olim futura Græci, non Macedones, non Dalmatæ, non denique reliquæ nationes, quæ nunc omnes, miseram seruiunt seruitutem.

XVII. Rumpite igitur moras, Serenissime REX! & Vos ornatissimi PROCERES! & cum iam Vos necessitas ipsa cogat, arma, contra infestissimum hunc hostem, Vestrumque sanguinem sitientem, capeffite, nostrumque fœdus, oblatamque amicitiam, quam hodierno die Vobis nostri offerunt, sincero libentique animo acceptate, admittite, confirmate, & cum summa nominis Vestri gloria, annalibus Vestris inserite! Quod si feceritis, *Hungariam*, longo iam situ squalidam, pristino decori restituetis, ac immanissima serui-



feruitute, tot annis oppressam, in libertatem vindicabitis; immaculatam CHRISTI præpotentis fidem, pro execranda Mahumedis tabe, plantabitis; pacem, pro bello; cultum diuinum, pro armorum cura; iustitiam, pro iniuria; & cum diuini nominis certissimo auxilio, diu ex hostibus desideratam victoriam, nobiscum reportabitis; *Hungaricam* gentem, perpetuo vobis deuinctam, confœderatam, & in omnibus Vestris, fortunæ & vitæ periculis, auxiliarem habebitis. Vestræ denique genti, tot illustrium historicorum commendationibus & scriptis celebratæ, decus, gloriam, nomenque immortale, nulla vnquam posteritatis memoria, aut temporis iniuria, delendum, inter omnes orbis Christiani populos & nationes, comparabitis. *DIXI.*

\*\*\*\*\*

*Ad Serenissimum*

**SIGISMVNDVM TERTIVM,**

Poloniæ & Sueciæ Regem &c.

**NICOLAVS SZOKOLY**

De Kis-Varda.

**H**Æc sunt Pannonidos patriæ tristissima nostræ  
Iam iam labentis vota precesque TIBI!  
REX vicine? malis fer opem: nam flamma propinquat  
Sarmatiæ; nostris REX pie disce malis.  
Flammas vicino conceptas igne moratur  
Intacta arsurus, qui sua tecta cupit.  
Perfurit Odrysius gladiis immanibus hostis,  
Et quatit Hungarici mœnia pulchra soli.  
Barbaricis aras manibus funestat, honores  
Diuorum sacros, impietate premit.  
Omnia succendit, vastat, debellat, inundat,  
Vulcano, telis, Marte, cruore, Geta.  
Tolle decus Regni, Regum fortissime sceptrum!  
Et prosterne hostis colla superba trucidis.

*PAVLLI FORRO TRANSSILVANI,*

Illustrissimi D. D. Andreæ S. R. E. Tit. S. Ang. Card. Bathorei,  
Episcopi Varmienfis &c. clientis humillimi

*διωποσχοπία.*

**V**ix ardentis adhuc rutilantia lumina Phœbi  
Portitor ad veris festinans senserat HELLES  
Tempora, cum virtute potens & Marte superba,  
Diues agri, diues pecoris fuluique Metalli,  
Piscosis ornata vadis, & flore virorum,  
Pannonis ad fortes Legatos ora *Polonos*,  
Paciferæ nimis ornatos submisit olyuæ.  
Fœdere, qui inter se sociant duo regna perenni;  
Et renouent sanctum cognati numen amoris.  
Iusta parent armis Rodopeio bella Tyranno,  
Publica frangenti iura & sacra fœdera pacis.

Ttttt 2

Turri



Turrigeras populanti arces monumentaque Regum  
 Priscorum, & pia templa DEVM, sacrosanctaque sacra,  
 Vastantique feris Hunnorum insultibus agros.  
 Qui putat omne nefas sibi fas, atque omne nefandum  
 Illicitum, licitum esse; pios dum cæde madenti  
 Chistiadum cœtus, prô! detestabile monstrum  
 Prosternit, perimit. Mæotide sæuius ara,  
 Sæuius & Procruste truci vel Bustride sæuo,  
 Sæuius & Bessô, & Phalari, diroque Nerone.  
 Vester honos igitur viget, æternumque vigebit  
 Legati Vngarici! afflictis succurrere rebus.  
 Queis patriæ mens tanta fuit: quæ præmia lingua  
 DEMETRI auriflua! capies Antistes honores.  
 Vngariæ CICERO, qui prouida pectora Regis  
 Sarmatici, & magnum flexisti voce Senatum.  
 Quæ vobis vnquam defensi munera ciues,  
 Eximii illustresque viri dare digna valebunt,  
 Quæ merces poterit vestro æquiuale labori?  
 Sarmatas Heroas claros præstantibus armis,  
 Maiorumque bonis & nobilitate potentes.  
 Ad patriæ auxilium, post fœdera pacta vocatis.  
 Vt consanguineos nutantes vulnere ciues,  
 Atque iugum Turci pridem crudele ferentes,  
 Reddatis libertati decorique vetusto.  
 Vicit iter durum pietas & patrius ardor,  
 Vicit Carpathias facies tristissima rupes,  
 Pannonidos matris, lachrymæque per ora volutæ,  
 Nec Vestra in ventos abierunt irrita vota.  
 Ecce gradu rapido gelidi sarraca Bootis  
 Sarmaticique Duces, animisque ingentibus, & vi  
 Indomita, & nunquam fracti virtute tyranni  
 Ismarii, atque iugum nunquam execrabile passi.  
 Ad Nothon Auroramque parant Mauortia signa,  
 Ducere quadrupedes - - - in bella feroces.  
 Arma æuo fessi, viridis fremit arma iuuentus,  
 Ardescunt animi, languentque cupidine belli.  
 Sanguineas acuunt iras, & brachia iactant,  
 Tympana, scuta, tubæ, gladii, galleæque comantes,  
 Spicula, trophea, phaleræ, vexilla, secures,  
 Conflantur magna cum sedulitate virorum  
 Quocunque aspicias, lethali incude *Polona*  
 Mulciber ignipotens gestit producere ferrum  
 In gladios, & rastra truces & sarcula vertit,  
 Bellua crudelis nondumne cruore furorem  
 Effusa satias? rabies nondumne quiescis?  
 Tot raptis spoliis, variis ex partibus orbis?  
 Non satur Aegypto es, claraque Semiramis vrbe,  
 Illiricisque agris & maiestate Pelasga?




Perges sacrilegis vltra fœdere lacertis :  
 Hungarici florem imperii terramque beatam  
 Scilicet id facies : Bacchaberis orbe Mægera ,  
 Et populos vrbesque dein ceu tabificus ceps ,  
 Bellua gorgoneis implebis sæua venenis ,  
 Orbem terribili domitabis Turca flagello ,  
 Phana prophanabis Diuis sacrata benignis ,  
 Euertes aras , ritus abolebis auitos.  
 Scilicet id facies : potuit quoque plurima virtus  
 Esse, fuit; nunc versa ruit; retroque fluit fors.  
 Iam tibi belli potens imponet *Sarmata* frænum.  
 Sarmata magnanimus sceptro tibi cornua franget.  
 Sarmata iam totis in prælia viribus exit.  
 Sanguinea dare signa tuba iam præcipit, ardens.  
 Iam conscendit equos, hastas vibratque tremendas.  
 Infert arma tibi; surgunt bella horrida bella  
 Perfide iam disces iussis parere sacratæ  
 Christiados, pones rabiem, dirosque furores,  
 Sceptigera, SIGISMVNDE potens, REX maxime Regum  
 Frange manu, hostilis colla hostica frange tyranni.  
 Pannoniis fer opem sociis, miserere ruinæ  
 Pannonicæ; præsto sis auxiliariis armis  
 Hungaricæ, REX magne! rei, nunc porrige dextram  
 Labenti populo, qui tot labentibus annis  
 Bella gerit cum gente truci, patiturque procellas.  
 Vndique mundantes, sexcentaque tela malorum.  
 Sarmatiæ hic scutum fuit, & Germanidos oræ :  
 Sarmatiæ ergo illi scutum & Germanidos ora  
 Nunc sit, & afflictis nimium succurrat amicis.  
 Si vobis nobisque trucidis ceruicibus Hydræ  
 Et ferro & flamma exustis, penitusque peremptis,  
 Non peritura domi pax & victoria circum.  
 Semper erunt & sancta quies, sic aurea Regis  
 Secula falcigeri redeunt, astreaque Virgo  
 Sic illustre decus nostrum celebrabitur omni  
 Tempore, laurigerique canent facta inclyta Vates.

A M E N.







## INSTRVCTIO

Domino Præposito Agriensi DEMETRIO NAPRAGY,  
& Domino Nicolao Zokoly, atque Michaeli Kellemesy, Vice-  
Comiti Comitatus Sárosiensis, data ad Serenissimum Regem Poloniae SIGIS-  
MVNDVM, Serenissimam Reginam & Status ac Ordines REGNI POLONIAE, per Status  
& Ordines REGNI HUNGARIAE ex publicis eorum comitiis, nunciis destinatis.

Pozonii Anno cdo 1o xcv. die ix. Mensis Februarii.

### I.

**D**omini nuncii Nostri mutuam intelligentiam, cum oratore Suae Maiestatis apud Serenissimum Regem & Reginam, ac vniuersos Status, existentem, habebunt, ac omnium rerum tractandarum, cum ipso, non solum communicato consilio; sed & pro maiori auctoritate, ipsis etiam praesentibus in communi audientia inibunt, in omnibusque illud, quod Suae Maiestatis auctoritati, ac publico commodo, & permanfioni patriae nostrae, ac vniuersae reipublicae Christianae consonum videbitur, facient & adgredientur.

II. In primis Serenissimo Regi Poloniae, & Reginae, ac vniuersis Statibus, demissa nostra obsequia atque in Suas Maiestates obseruantiam; deinde Statibus ac Ordinibus nostra paratissima & perpetua officia, omneque bonae vicinitatis studium, deferrent ac dicent, Nos hodierna die felicia auspicia, publicae Regni nostri dietae posuisse iecisseque: ac, antequam ad nostrorum negotiorum alium tractatum deuenissemus, primo omnium nos nuncios nostros, ad ipsos, tanquam bonos Dominos amicos & vicinos, propriae salutis, ac communis reipublicae Christianae permanfionis amatores, mittendos decreuisse.

III. Deplorandum & calamitosum patriae huius nostrae statum praesentem, imminetia pericula, periculorum magnitudinem, constantissimos hostium ad euertendas & exterminandas adflictissimi huius regni reliquias, conatus, & propositum, quo sibi non saltem Hungariae, & vicinarum prouinciarum dominium, verum etiam totius orbis imperium vindicare moliuntur, declarabunt.

IV. Declarabunt porro, quam florentissimum hoc Regnum Hungariae fuerit, & nunc in quam deploratum & extremum perditionis statum, ob hostis sauitiam intollerabilem, deiectum ac redactum sit: pro quo nempe muro atque propugnaculo ceterorum adiacentium Regnorum; pro Christianae Reipublicae salute, fide & religione, tot reges, etiam ex Augustissima Serenissimorum Regum Poloniae prosapia, sanguinem suum effuderint; tot viri fortes ac praestantissimi mortem oppetierint, ac infinita hominum millia, partim caesa, partim vero in durissimam sunt abducta captiuitatem, & ad Mahometicam sectam, repudiata fide Christi, amplectendam sunt impulsae.

V. Referent, & validis argumentis Regi & Reginae, ac Ordinibus Regni Poloniae, inculcabunt, Hungaricam hanc nationem, ad extremum vsque interritum, officio ipsorum, ac maiorum virtutibus, & gloriae satisfacere; & non modo fortunis, quas iam accisas & adtenuatas habent; sed nec vitae quidem parcere, paratos esse. Verum, in tantum & extremum periculum excidii & imminentis perditionis deuolutos esse; ut nisi impendenti huic malo remedia circa dilationem adhibuerint, atque a vicinioribus principiis Christianis, quibus haec defensio curae & cordi esse deberet, manus auxiliares petierint, & eorum opem implorauerint; & ipsos Hungaros certe perituros, & alia regna vicina, & contermina eidem sunt periculum incurfura.

VI. Do-



VI. Doceant eosdem, diligenter considerari debere, quod, si quid aduersi nobis (quod tamen Deus Optimus Maximus auertat) acciderit: ille sane inter cetera haud facilius loca alia, quam Poloniam, Turcam petiturum. Si enim hostis tam praepotentis, impetu, cuius furori, vires nostrae resistere minime iam valent, aut sufficiunt; nobis vel patria cedere, vel alia in regna fugere, vel vero (absit omen dicto) misere occumbere, contingat: utroque certe modo, excidium ipsis imminere, dubium non est. Nam, & morte, & fuga nostra, liber hosti inuadenti confinia Poloniae, & deuastandi, patebit transitus. Cuius terminos, si ingressus fuerit, vix confidere possumus; solum hoc regnum Poloniae; aut tanta fluuiorum rapacitate, aut iis viarum angustis, aut ea castrorum fortitudine, aut vero aliis ad resistendum tam truculento hosti, commoditatibus ita instructum esse & munitum, ut eius conatus, vel facile reprimere, vel certe diu sufferre possit; ac tanto magis periculum ipsis immineat, quod duobus potentissimis tyrannis; ac proximis vicinis, *Turcae & Tartaro*, difficillimum erit, soli isti Poloniae regno, resistere.

VII. His & aliis similibus rationibus, quas ad mouendos praesertim *Domino- rum Polonorum* animos accomodatas, pro ipsorum industria Domini nuntii videbunt, sedulam dabunt operam, ut ipsos ad suppetias interritui & excidio nostro, ferendas, accendant; facilius a propria domo flammam arcere posse, si vicini ardentes aedes extinguantur; & quantum ipsis nostrorum caput periculum, periculi secum attrahat, exaggerabunt. Id quoque Domini Nuntii nostri *Proceribus Polonis* in memoriam recentem reuocabunt, hostes ipsos, tam vetera, quam noua foedera, cum ipsis sancte pacta, non saltem praeterito pertransitu, & depopulatione immanissima Tartarorum; sed etiam, tertio ab hinc anno, egressu & potentia *Begler-Begi*, impie & perfide rupisse; nec eius vnquam fuisse constantiae, quin, quauis prima occasione nacta, crudelissime & facillime, de veteribus etiam iniuriis, falso praetensis, vindictam summat. Quod nos maximo nostro malo expertos demonstrabunt; ex plurimorum castrorum Regni, & pene totius Hungariae interceptione, utpote castrorum: *Simon-Tornya, Dombó, Döbreköz, Ozora, Kaposujvár, Baboltfa, Korotbna, Buyak, Zonda, Dregely, Filek, Szécsén, Szolnok, &c.* & alia complurima. Croatia tota & Sclauonia, & maioris partis Hungariae, locis munitissimis, sub induciis, & perfidissime, & crudelissime occupatis. Ac hos ipsos eius astus & fraudes, tota Europa iam pridem luget; nec Domini Poloni eius rei immunes penitus fuerunt, qui etiam non leues occasiones per Cozacos praebuerint hostibus.

*Ultimo*: Sacratissimo Regi ac Reginae supplicabunt, ac ipsos vniuersos *Domino- rum Polonos* suis precibus orabunt atque exorabunt, ut habito respectu Christianae Reipublicae, communis permanfionis, considerato extremo tam nostro, quam ipsorum, quod ex perditione nostra ipsis imminet, periculo propensis inter Hungaros & Domino- rum Polonos, mutuis ac alternis, ex consideratione antiqua, auxiliis, & pactis sanctissimis, moti in Deum & Christianam religionem, pietate & propriae salutis amore, quo maioribus auxiliariis militum copiis, nobis in extremo versantibus adesse poterint, adsint; Illudque & mature faciant hostem cum validissimo exercitu, iam in procinctu esse, certo sibi persuasum habentes Domini Nuntii sedulo instabunt, qui si conuentus nostros praueuerit, metuendum sane, ne idem nobis, quod olim Graecis, primo exiguum opem recusantibus, tandem non saltem supellectilem, sed & vitam offerentibus amissa Constantinopoli accidit, eueniat. Rogabunt denique eosdem, ut non saltem propriis sumptibus, conducto milite nobis auxilio sint, sed & si quos milites ex eorum regno, aut vicinis prouinciis eius, aut nostris, aut aliorum Christianorum principum expensis educere conati fuerimus, eis liberum ad nos veniendi concedant exitum.

Cetera, quae de obtinendis contra Turcam auxiliis, & patriae nostrae afflictissimae saluti, apud Sacratissimum Regem & Reginam, & Ordines Regni Poloniae, inter conuersandum ac colloquendum proponenda & inculcanda erunt, prudentiae & industriae Dominorum Nunciorum relicta sunt; auctoritate tamen & consilio, *Sacrae Caesaris Maiestatis*, Oratorum semper accedente, ea spe, quod nil eorum, quae ad defensionem, salutem & permanfionem Regni huius, & opem ipsi ferendi, & auxilium im-



plorandi, perficua fore videbuntur, intermittent. Eius quoque memores sint, quod si in vno aut altero harum rationum puncto, *Sacra Caesareæ & Regiæ Maiestatis* Oratores aliquid mutare, demere, aut addere volent, pro commodiori auxiliorum impetrandorum persuasione, *Sue Maiestatis*, ac Regni huius bono, ipsis aliquid in mandatis dederit, ei se commode accommodare tenebuntur. Sicque demum nostra humillima obsequia Serenissimo Regi & Reginæ, ac Venerandis Statibus & Ordinibus studia & auxilia, vbi post DEVM, ipsorum etiam Dominiorum subsidio, victoriam de hostibus reportauerimus, cum nostrorum officiorum, & beneuolæ propensionis commodo, pollicebuntur.

\*\*\*\*\*

## MANTISSA,

### Quomodo oporteat Legatos admittere, aut Legatos mittere.

Ex Codice manuscripto Augustano,  
CAROLO CANTOCLARO

Interprete,

EXCERPTIS DE LEGATIONIBVS, quæ prodire PARISIIS, A. clb Io Ix.  
præmissa.

**L**EGATI, aut a nobis, aut ad nos mittuntur. Quando igitur ad nos mittuntur, oportet ipsos humaniter excipere: Omnes enim ipsos honorant: cum eorum ministris, caute & secure agere, ne quid ab vilo interrogantes discant, & si gentium longo a nobis interuallo distantium legati sint; ne forte inter nos & ipsos, sint aliquæ gentes, quibus, quæ qualia nobis sint consilia, indicent. Idem quoque de his, qui nobis vicini sunt, licet viribus & potentia sint inferiores, obseruandum. qui, etiam si nobis concedant, siue multitudine hominum, siue virtute; non oportet illis ostentare, neque opes, neque nostram mulierum pulchritudinem; sed hominum abundantiam, & armorum pulchre constitutum adparatum, & murorum propugnacula.

Si a nobis Legati mittuntur, oportet viros esse probos, pietate insignes, neque publicorum iudiciorum crimine damnatos, qui caram rempublicam habeant, vt pro ea, capitis fortunarumque suarum periculum adire non reculent, sicut *Regulus*; qui prompto animo legationem obeant, non inuiti, sicut *Aegyptius medicus*. Horum primus apud *Carthaginenses* captiuus, & ad *Romanos* legatus pro pace missus, iurauit se reuersurum, si *Romani* pacem nollent. Vbi ad *Romanos* venit, a pace eos dehortatur, tanquam eorum rebus infructuosa, & minime id, quod iuramento promiserat, omnino exequens suadet, vt se ad *Carthaginenses* remittant. Alter vero, cum *Perfarum* Regem in Aegypti Regem concitaret, res *Aegyptiorum* pessumdedit.

Oportet autem Legatos, vbi ad eos, ad quos mittuntur, venerint, sese humanos & benignos exhibere, magnanimos, liberales, quantum eorum facultates ferre possunt, æque sua & hostium laudare, neque eorum, apud quos Legati sunt, res parui pendere. Decet etiam Legatos res cum summa moderatiooe administrare, & temporibus seruire. Nec enim illis necessitas incumbit, quibusuis modis sibi imperata facere. Vt videlicet, est aliquis missus ad dona ferenda vicinis, tanquam amicis, & eos deprehendit hostilia facientes: munera, cum litteris retinuit, sermones beneuolos, pro donis, protulit. Dicet aliquis, neque id immerito, oportuisse Legatum dona potius tradere, quibus inimicorum hostilem animum placaret & leniret; vel pretiosiora quidem retinere, alia vero dare; sed non omnia in sua potestate penes se retinere debuisse; cum hoc temperamento: vt velit quidem hostium malevolentiam compescere & rescare; sed non eos auctiores & validiores opibus, reddere. Pro-

batur vero Legatus, antequam mittatur, si illi proponantur capita legationis, & interrogetur, quomodo singula est administraturus; an ita, an aliter, prout res ceciderint.

FINIS DECADIS PRIMAE.

INDEX





I N D E X  
*Rerum Memorabilium.*

| A.                                                                     | Pag.          |                                                                         |            |
|------------------------------------------------------------------------|---------------|-------------------------------------------------------------------------|------------|
| Academici Viennenses Regibus occurrunt,                                | 292           | Arces circum Cassouiam                                                  | 21         |
| Accessus, occupata Hungaria, Turcis in Poloniarum expeditus,           | 433           | Archi-Diaconus, Episcopi Vicarius, habet suam Iurisdictionem,           | 256<br>271 |
| Acies, ordinata in praelium Catalaunicum,                              | 109           | Argentum, primum cuditur in monetam,                                    | 50         |
| Actor, in iure Hungarico, quid?                                        | 267           | Arma Gentilitia Hungariae,                                              | 8          |
| Adrianus Imper. rescidit Pontem Traiani,                               | 32            | Arpad, ex posteris Attilae, primus Ducum sub ultimo Hungarorum egressu, | 46         |
| Aduentus Boccatii Budam, Hunnorum in Europam, In Pannoniam triplex,    | 332<br>4<br>5 | Aruensis Comitatus, datur Georgio Thurzoni,                             | 363        |
| Adfinitas Ferdinandi I. cum Rege Poloniae,                             | 419           | Atuspices, quid de praelio Catalaunico praedixerint?                    | 109        |
| Agazones, serui ad iumenta,                                            | 198           | Arx Vissegradensis monti inaedificata,                                  | 13         |
| Agria, Turcis traditur a <i>Paullo Nyario</i> ,                        | 356           | Asia Fluminis tributaria,                                               | 3          |
| Agriensis Episcopatus,                                                 | 22            | Asiatica Scythia,                                                       | 1          |
| Alba Iulia, sedes Episcopi Transilvaniae,                              | 27            | Attila, quo patre satus?                                                | 4          |
| Regalis,                                                               | 10            | Potestatem primum obtinet,                                              | 43         |
| Per Ducem de Mercurio recepta, iterum amittitur                        | 359           | Pugnat cum Romanis ad Tolosam,                                          | 44         |
| Altenburgum arx, seu Óvár                                              | 15            | Madluchi filius dicitur,                                                | 92         |
| Amazones, mulieres Scythicae,                                          | 3             | Europam depopulatur,                                                    | 93         |
| Amicitia, simulatur per Turcas, Blandiuntur,                           | 424<br>435    | Adoptatur per Subtharum,                                                | 96         |
| Amnistia, generalis per Caesarem male quietis offertur,                | 379           | Regno potitur,                                                          | 97         |
| Amoenitas situs Budensis,                                              | 10            | Coacto exercitu,                                                        | 98         |
| Andreas secundus Hierosolymitanus regnat,                              | 52            | Germaniam & Galliam evastat,                                            | 101        |
| A iustitia celebratur,                                                 | 53            | Parcit Aureliano,                                                       | 102        |
| Anguli Hungariae a Turcis cladidis reliqui,                            | 431           | Pugnat in Campis Catalaunicis,                                          | 106        |
| Anna, Vladislai Filia, desponsatur Ferdinando Archi-Duci,              | 297           | Hortatur militem,                                                       | 111        |
| Annonae caritas, 353. 357. 359.                                        | 371.          | Cremari se iubet,                                                       | 112        |
| Antacæi, pisces Danubii,                                               | 7             | Redit ad sua,                                                           | 113        |
| Apostrophe Boccatii ad Schwarzenburgium, & Pálffium, vindices Iaurini, | 351           | <i>Bledam</i> fratrem interimit,                                        | 113        |
| Aquae Cypriae in Hungaria,                                             | 36            | Auxiliis gentium se instruit,                                           | 116        |
| Aquileia, obsidione cingitur per Attilam,                              | 122           | Italiam intrat,                                                         | 117        |
| Expugnatur,                                                            | 127           | Quibus moribus fuerit, qua forma?                                       | 118.. 119  |
| Aranyas, fluvius Transilvaniae,                                        | 27            | Scythiae Regem tributarium reddit,                                      | 120        |
| Aratrum, terrae mensura,                                               | 216           | Aquileiam, obsidione cingit,                                            | 121. 222   |
| Arbiter, Iudicis partes sustinet, 203.                                 | 261           | Animato milite, expugnat,                                               | 226. 127   |
|                                                                        |               | Vrbes Italiae praecipuas subigit,                                       | 128        |
|                                                                        |               | Deterritus, recedit <i>Roma</i> ,                                       | 129        |
|                                                                        |               | <i>Leonem</i> Papam, blande suscipit,                                   | 130        |
|                                                                        |               |                                                                         | 131        |
|                                                                        |               | Ostento terretur,                                                       | 132        |
|                                                                        |               | Redit in Pannoniam,                                                     | 143        |
|                                                                        |               | Impugnatur a <i>Theodomiro</i> ,                                        | 134        |
|                                                                        |               | Deficit, luxuria dissolutus,                                            | 135. 136   |
|                                                                        |               |                                                                         | San-       |

X x x x x



# Index

|                                                                                |            |                                                                                      |          |
|--------------------------------------------------------------------------------|------------|--------------------------------------------------------------------------------------|----------|
| Sanguinis profluuium suffocatur,                                               | 137        | Bendegutz, Attilæ pater,                                                             | 4        |
| Victor gentium,                                                                | 138        | Benedictio Episcopalis ferri candentis, pro iudicio, &c.                             | 274      |
| Mortuus reperitur,                                                             | 139        | Beneuolentia mutua inter Ferdinandum I. & Poloniae Regem,                            | 419      |
| Cadaver,                                                                       | 141        | Bethlenius, <i>Gabriel</i> , Bâthorium depellit Transilvania,                        | 369      |
| Effertur,                                                                      | 142        | Inuadit Hungariam,                                                                   | 375      |
| Et sepelitur,                                                                  | 146        | <i>Petrus</i> , vita functus defertur in Transiluaniam                               | 374      |
| Loculo sumptuoso,                                                              | 147        | Bibliotheca Budensis <i>Matthiæ Coruini</i> ,                                        | 9        |
| Qua ætate?                                                                     | 153        | Biceps vitulus in lucem editus,                                                      | 374      |
| Per C. Calanum Dalmatam vita eius scripta,                                     | 89         | Bieli Stecz latro, prosternitur,                                                     | 362      |
| Eius Imperium,                                                                 | 144        | Bilótus, Iudex Nobilium, 210. 228. 232                                               | 273      |
| Auares, cum Hunnis gens eadem,                                                 | 89         | Iudicat fures,                                                                       | 207      |
| A Rege sic dicti,                                                              | 91         | Bistriczia arx,                                                                      | 20       |
| Siculorum in Pannonia parentes primi,                                          | 404        | Bitcsa Oppidum, per Bocskaianos exurit,                                              | 361      |
| Aues Hungaricæ,                                                                | 34         | Morte Georgii nuptiis Emerici Thurzonum, celebre.                                    |          |
| Aula Regia Vissegrádi,                                                         | II. 12. 13 | Bleda, Frater <i>Attilæ</i> natu maior,                                              | 92       |
| Aurum Hungaricum, 35. triplex,                                                 | 36         | Thraciam vastandam accipit,                                                          | 99       |
| Auxilia implorat Ferdinandus,                                                  | 423        | Bocatius, <i>Ioannes</i> , Auctor Commemorationis de Legatione ad <i>Bocskaium</i> , | 317      |
| Auxiliares Etii aduersus Attilam copiar,                                       | 105        | <i>Iaurini</i> rediitui                                                              | 339      |
| B.                                                                             |            | Cassouienfium legatus,                                                               | 319      |
| Batfia, sedes Archi-Episcopi Colocensis,                                       | 22         | Eius sollicitudo,                                                                    | 320      |
| Baimócz arx,                                                                   | 20         | <i>Budam</i> conspicit,                                                              | 321      |
| Bakocz <i>Thomas</i> , Archi-Episcopus, conditor sacelli in arce Strigoniensi, | 14         | Adloquitur <i>Bocskaium</i> ,                                                        | 322      |
| Balassii, Comites in Comit. Neogradensi,                                       | 236        | <i>Budam</i> adire cupit,                                                            | 329. 332 |
| <i>Emericus</i> , Fratris captiuus,                                            | 462        | Subit & dolet,                                                                       | 333      |
| Liberatur,                                                                     | 363        | Relinquit,                                                                           | 334      |
| <i>Sigismundus</i> Frat. <i>Emericum</i> capit                                 | 362        | Adsequitur <i>Bocskaium</i> ,                                                        | 335      |
| Ipsæ fit captiuus <i>Posonii</i> ,                                             | 371        | Bogdan terra, nunc <i>Maramarusium</i> ,                                             | 192      |
| Moritur,                                                                       | 373. 478   | Bona hæreditaria, & emptitia,                                                        | 265      |
| Balathon lacus,                                                                | 15         | <i>Botskaius Srephanus</i> , ad amniculum <i>Râkos</i> castra metatur.               | 321      |
| Balbus <i>Hieronymus</i> , Regum ad Cæsarem Orator,                            | 287        | Colloquitur cum <i>Bocatio</i>                                                       | 322      |
| Banatus, plures per Regnum Hung. Seueriensis,                                  | 245. 31    | Cum pompa per Turcas accipitur,                                                      | 323      |
| Barones, de acquisitis libere testantur,                                       | 228        | Adit <i>Vezirium</i> ,                                                               | 324      |
| Bâthori <i>Elisabethæ</i> , inaudita in pedisequas crudelitas,                 | 366        | Induitur vestem Turcicam,                                                            | 325      |
| In carcere exstinguitur                                                        | 370        | Concedit ad prandium,                                                                | 326      |
| <i>Gabriel</i> , depellitur Principatu,                                        | 269        | Inuitatur ad <i>Vezirium</i> ,                                                       | 327      |
| <i>Stephanus</i> , Rex Poloniae moritur,                                       | 353        | Responsum eius <i>Vezirio</i> datum,                                                 | 328      |
| Beatrix, <i>Matthiæ Coruini</i> Sponsa, adducitur in Hungariam,                | 62         | Gladium ab eo & Coronam accipit,                                                     | 330      |
| Beglerbegus, cinctum obsidione Temesvarinum cogitur deferere,                  | 422        | Rependit dona,                                                                       | 331      |
| Belgrádum, per Huniadem ab obsidione Turcica liberatur,                        | 59         | Pangit inducias cum Cæsare,                                                          | 336      |
| Belii <i>Matthiæ</i> litteræ ad Bayerum.                                       |            | Eius asseclæ ad <i>Osgyânium</i> cæduntur,                                           | 360      |
| Bella, Scepusiorum,                                                            | 398        | Conuentum indicit,                                                                   | 361      |
| Scytharum,                                                                     | 3          | Moritur.                                                                             | 364      |
|                                                                                |            | Boues Hungarici,                                                                     | 34       |
|                                                                                |            | Boza, liquor <i>Cumanorum</i> ,                                                      | 33       |
|                                                                                |            | Bozin arx,                                                                           | 20       |
|                                                                                |            | Bozok                                                                                |          |



# Rerum Memorabilium.

|                                           |          |                                           |          |
|-------------------------------------------|----------|-------------------------------------------|----------|
| Bozok Præpositura,                        | 20       | Canisa, perfide Turcis traditur,          | 358      |
| Brassouia, seu Corona-Transilvaniae       |          | Proditores eius notam infidelitatis       |          |
| ciuitas,                                  | 27       | incurrunt                                 | 359      |
| Brauium Ludi equestris,                   | 285      | Cantus in Attilæ funere,                  | 144      |
| Bregatium hodiernum <i>Iaurinum</i> ,     | 7        | Gesta eius prædicantur,                   | 145      |
| Buda, Hungariæ Regia,                     | 8        | Capetiæ, quid Hungaris significant?       | 214      |
| Adsidet Danubio,                          | 9        | Capistranus <i>Ioannes</i> , moritur      | 60       |
| Eius celebritas,                          | 10       | Cardinales duo Posonii                    | 284      |
| Capitur a Solymanno,                      | 67       | Caritas annonæ, 69. 353. 357. 359.        | 371      |
| Iterum,                                   | 20       | Carmen Nicolai Szokoly, & Pauli           |          |
| Per Bocatium aditur, lustratur, 332. 333  |          | Forró                                     | 437      |
| Per nostros in cassum oppugnatur, 357.    |          | Carnificina puellarum ab Elisabetha       |          |
|                                           | 359      | Báthori,                                  | 366      |
| Verus, Oppidum,                           | 10       | Cassouia ciuitas;                         | 21       |
| Purpuratus occurrit <i>Botskaio</i> ,     | 321      | Castra, plura a Turcis recuperantur,      | 355      |
| Bulgari olim in Pannonia,                 | 404      | Olim oppida, a quibus Comita-             |          |
| Sub Iustino,                              | 305      | tuum adpellationes,                       | 195      |
| Buquouis Pragæ Vindex,                    | 376      | Castrenses, eorum ministri,               | 196      |
| Perimitur ad Ujvarinum,                   | 377      | A <i>Iobagyonibus</i> Castri distin-      |          |
| Burgundiones, Christo adseruntur,         | 97       | guendi, 200. 204. 205.                    | 242      |
| Horum reliquæ subiiciuntur Hunnis,        | 98       | Catalaunicum prælium,                     | 106      |
| Buttiniferi, pincernæ Regii,              | 212      | Catalogus equitum honorariorum,           |          |
|                                           |          | sub <i>Maxim. II.</i> Coronatione,        | 304      |
| C.                                        |          | Causa, Congressus Cæsaris, & Re-          |          |
| Cadauer Attilæ, 141. effertur,            | 142      | gum Hung. & Poloniæ,                      | 280      |
| Caduceatores Cæsaris pacis causa,         | 370      | Metallis reambulationis vnde?             | 191      |
| Cædes puellarum, ab <i>Elisabetha Bá-</i> |          | Nobilium, quomodo iudicatæ,               | 240      |
| <i>thori.</i>                             | 366      | Celebritas Budæ,                          | 10       |
| Cœna, in Nuptiis Dietrichsteinii,         | 298      | Cereuisia Hungariæ,                       | 33       |
| Regum Viennæ,                             | 300      | Cerui frequentissimi in Hungaria,         | 31       |
| Cæsar <i>Maximilianus</i> , sine pompa    |          | Villas intrant ob famem,                  | 378      |
| Viennam ingreditur,                       | 287      | Chepel insula Danubii,                    | 7        |
| Excipit Regum Oratores,                   | 288      | Choreæ, Miskoltziensium,                  | 22       |
| Prodit illis obuiam,                      | 289      | In arce Viennensi,                        | 295. 296 |
| Fertur Lectica,                           | 291      | In nuptiis Dietrichsteinii,               | 298      |
| Cum Regibus Viennam, & tem-               |          | Post Torneamentum,                        | 300      |
| plum ingreditur,                          | 294      | Chronicon ætatis <i>Nicolai Olábi</i> ,   | 38       |
| In Sponsalibus gerit vicem <i>Ferdi-</i>  |          | Chronologia <i>Michaëlis Sigleri</i> ,    | 43       |
| <i>nandi</i> Archi-Ducis,                 | 297      | Chybriones, amphoræ sunt cereui-          |          |
| Vienna digreditur,                        | 301      | sia,                                      | 262      |
| Cæsar Posonium secundo Danubio            |          | Cibinium minus, in Hungaria,              | 28       |
| descendit                                 | 309      | In Transilvania fundatur,                 | 49       |
| Eius exercitus per Varadienses Tur-       |          | Ciconia præfagit Hunnis Aquileiæ          |          |
| cas cæditur                               | 377      | expugnationem,                            | 185      |
| Calamitates a Turcis                      | 425. 431 | Cimmerii, a Bosphoro in Macedoniam        |          |
| Victæ Hungariæ                            | 433. 435 | transeunt,                                | 393      |
| Calanus Dalmata,                          | 59       | Ciues castri qui?                         | 223      |
| Callimachus, Valamerem vocat patrem       |          | Clades Hunnorum a Burgundionibus,         | 97       |
| Attilæ,                                   | 4        | Turcarum ad Albam Regiam,                 | 355      |
| Camerarius, iam olim in palatio re-       |          | Clerus regibus Hungariæ & Poloniæ         |          |
| gio,                                      | 237      | Viennæ pro porta occurrit,                | 292      |
| Montanarum, <i>Georgius Thurzo</i> ,      | 282      | Clypeus Polonorum, Hungaria,              | 433      |
| Campana vnde dicta?                       | 226      | Cocus Regis, inter Aulæ ministros,        | 231      |
| Campi, Catalaunici in Gallia,             | 106      | Cœci & claudi <i>Simandienfes</i> , pecu- |          |
| Cumani,                                   | 22       | liari vtuntur lingua,                     | 37       |
|                                           |          | X x x x x 2                               | Col.     |



# Index

|                                                                 |               |                                                                   |          |
|-----------------------------------------------------------------|---------------|-------------------------------------------------------------------|----------|
| Colloquium Cæsaris & Regum Hung.<br>& Poloniæ,                  | 291           | Coniugium, sextum <i>Stephani Her-</i><br><i>czek</i> , Cassoviæ, | 364      |
| Soluitur,                                                       | 292. 294. 295 | <i>Georgii Thurzo</i> Palatini,                                   | 373      |
| <i>Botskaii</i> cum Bocatio,                                    | 322           | Coniuratio <i>Siculorum</i> in Transilvania                       | 85       |
| Cum <i>Vezirio</i> per interpretem,                             | 325. 328      | Connubia præbent congressui Re-                                   |          |
| Arcanum cum Homonnaio,                                          | 329           | gum causam,                                                       | 280      |
| <i>Lafzky</i> Legati Iohannis, cum Pur-                         |               | Inter liberum & seruum raptus,                                    | 229      |
| puratis, cum <i>Ayas</i> ,                                      | 164           | Consilium <i>Etii</i> ad Gothos,                                  | 113      |
| Cum <i>Ibrahim</i> , 159. 160. 161. 166. 167.                   |               | Contribules, iidem confocii                                       | 200      |
| 168. 169. 170. 171. 172. 174. 175.                              |               | Controuersia de nomine patris Attilæ,                             | 4        |
| 176. 177. 181. 182. 183. 185. 186                               |               | Conuentus Consiliariorum <i>Tyrnauia</i> ,                        | 358      |
| Cum <i>Mustapha</i> , 161. 162. 163. 164.                       |               | <i>Pofonii</i> , & <i>Linczii</i> ,                               | 370      |
| 178. 179. 180                                                   |               | <i>Trencsinii</i> ,                                               | 371      |
| Colocia, sedes Archi-Episcopi,                                  | 18. 22        | <i>Carponensis</i> a <i>Botskaio</i> indictus,                    | 361      |
| Coloniæ <i>Eburorum</i> in Hungaria,                            | 37            | Soluitur,                                                         | 362      |
| <i>Traiani</i> in Dacia                                         | 499           | Cruciferorum S. Ioannis,                                          | 212      |
| Comarom arx & oppidum in insula                                 |               | Imperii Norimbergæ,                                               | 367      |
| <i>Csallókőzia</i> ,                                            | 7             | <i>Transiluanorum</i> ,                                           | 77       |
| in cassum oppugnatur a Szina-                                   |               | Conuiuium Regis Hungariæ <i>Pofonii</i> ,                         | 286      |
| ne,                                                             | 355           | <i>Botskaio</i> per Turcas adparatum,                             | 326      |
| Comentariolus de Coronatione <i>Ma-</i><br><i>ximiliani</i> II. | 403           | Ridicula eius descriptio.                                         |          |
| Comentatio de Legatione ad Steph.                               |               | Copia Vini, & Frumenti,                                           | 369      |
| <i>Botskay</i> , <i>Ioannis Bocatii</i> ,                       | 317           | Corona <i>Botskaiana</i> redditur Palatino,                       | 366      |
| Comes, Castri Præfectus,                                        | 227           | Qui occiderit?                                                    | 331      |
| Curialis Comitatus,                                             | 270. 272      | <i>Botskaio</i> per Coronenses offertur,                          | 335      |
| Venatorum Bubalinorum,                                          | 230. 252      | Ciuitas Transilvaniæ                                              | 27       |
| Præcipua dignitas in regia Aula,                                | 247           | <i>Sacra</i> , Reg. Hung. olim in arce                            |          |
| Vicarius Palatini, nunc Vice-Pa-                                |               | <i>Vissegrádi</i> seruata,                                        | 13       |
| latinus,                                                        | 197           | Hungaris a <i>Rudolpho</i> resignatur,                            | 365      |
| Cometes, super arcem Bitcse,                                    | 374           | Coronatio Mathiæ II.                                              | 315      |
| Apud Transiluanos,                                              | 74. 81        | Maximiliani,                                                      | 303. 311 |
| Pogonias dictus                                                 | 364           | Corpona, aditur a <i>Botskaio</i> ,                               | 335      |
| Comitatus Regis Sigismundi,                                     | 284           | Locus Comitiorum eiusdem,                                         | 336.     |
| Comites, Aulæ Romanæ,                                           | 195           | quæ solvuntur,                                                    | 361. 362 |
| <i>Botskaii</i> , Turcicas vestes indu-                         |               | Coruinus <i>Ioannes</i> , gubernator fidelif-                     |          |
| untur,                                                          | 325           | simus,                                                            | 436      |
| Curiales, nunc Aulæ præfecti,                                   | 193           | <i>Matbias</i> Rex instruit Bibliothe-                            |          |
| Comitia, <i>Thordæ</i> celebrantur a Tran-                      |               | cam Budæ,                                                         | 9        |
| siluanis                                                        | 87            | Cofaci vastant Silesiam,                                          | 376      |
| In Campo <i>Rákos</i> ,                                         | 281           | Criminationes <i>Vezirii</i> aduersus Ger-                        |          |
| <i>Pofonii</i> , per <i>Matbiam</i> Archi-Du-                   |               | manos,                                                            | 329      |
| cem,                                                            | 365           | Croatia deplorat perfidiam Turcicam                               | 435      |
| A <i>Rudolpho</i> indicta,                                      | 429           | Cruciata militia, suasu <i>Thomæ Bakocz</i>                       |          |
| Commoditas Turcarum excepta Tran-                               |               | Cardinalis instituitur, funesto                                   |          |
| siluania,                                                       | 424           | exitu,                                                            | 65. 281  |
| Communes Christianorum hostes Tur-                              |               | Cruciferi S. Ioannis Hierosolymitani,                             | 212. 222 |
| cæ,                                                             | 419           | Crucula aurea celo delabitur,                                     | 371      |
| Conditiones pacis <i>Nicolspurgensis</i> ,                      | 378           | <i>Csallóköz</i> , Insula Danubii,                                | 7        |
| publicantur,                                                    |               | alias Cituorum,                                                   | 239      |
| Confœderatio, Hungariam inter &                                 |               | <i>Csanadinum</i> Opp. & Episcopatus,                             | 31       |
| Transiluaniam,                                                  | 366           | Cubulus Vini, Hungaris <i>Vödör</i> ,                             | 198      |
| Congressus Regum Viennensis,                                    | 65            | Cumanus Campus,                                                   | 22       |
| Cum Cæsare <i>Maximiliano</i> ,                                 | 280.          | Cunigundæ, Henrici II. Vxoris inno-                               |          |
| 294. 295                                                        |               | centia candenti ferro probatur,                                   | 202      |
|                                                                 |               | Curia                                                             |          |



# Rerum Memorabilium.

|                                                              |     |                                                                                 |               |
|--------------------------------------------------------------|-----|---------------------------------------------------------------------------------|---------------|
| Curia Regis, quid?                                           | 260 | Christianitatis,                                                                | 435           |
| Curialis Comes, Reginae Iudex Aulicus,                       | 260 | Ostrogothorum a Visigothis,                                                     | 400           |
| Cuspinianus Ioannes, Auctor Diarii de Regum Congressu,       | 280 | Displosiones tormentorum Budensium,                                             | 331           |
| Senatus Viennensis Praefectus,                               | 281 | Diffidia Lutheranorum in Transilvania,                                          | 83            |
| Orator Caesaris,                                             | 282 | Diuortium thori apud euntes in Pa-læstinam,                                     | 242           |
| Accedit ad Regem Vladislaum,                                 | 288 | Dobó Stephanus, astu elabitur custo-diam Perénii,                               | 78            |
| Fœdus Caesaris Regumque palam pronunciat,                    | 300 | Dogma Berengarii &c. Spargitur in Transilvania,                                 | 79            |
| Donaria exhibet Regum Consilia-riis,                         | 301 | Dolor Bocatii, Buda considerata,                                                | 333           |
| Czobor Elisabetha, fit suprema Co-mes Aruensis,              | 378 | Donaria Caesaris ad Reges Hung. & Poloniae,                                     | 294. 298      |
| D.                                                           |     | Sigismundi Vicissim, 800. Cæ-saris pro Regum Consiliaris,                       | 301           |
| Daci, vbi olim confederint?                                  | 398 | Botskaii ad Vezirium,                                                           | 331           |
| quomodo Aquilonem versus processerint?                       | 400 | Dotalitium definitur,                                                           | 251           |
| Dæmon, in Ecsediensi arce grassa-tur,                        | 364 | Dragula Vayuoda crudelis,                                                       | 23            |
| Dani, e Dacia egressi,                                       | 6   | Drausus fluuius Danubium inuehitur,                                             | 7. 8          |
| Danubius, Hungariae fluuius,                                 | 6   | Duces bello clari,                                                              | 436           |
| Quæ flumina recipiat?                                        | 7   | Hunnorum primo egressu, qui?                                                    | 4. 43         |
| Debreczinum oppidum,                                         | 30  | Egressu postremo,                                                               | 46            |
| Decursio, circum Attilæ cadauer,                             | 142 | Duo soles adparent,                                                             | 374           |
| Defensio regnorum mutua, petitur a Polonis,                  | 419 | Duffinicus, seruus Ecclesiae,                                                   | 223           |
| Transilvania, Hungaris Polonis-que utilis,                   | 424 | Vnde dictus?                                                                    | 240. 243      |
| Dersffia Ursula moritur,                                     | 375 | Exequialis,                                                                     | 265           |
| Deputati Regni Viennam,                                      | 306 | Dux, quis olim dictus?                                                          | 227           |
| Descriptio aulae regiae Vissegrádi, 11.                      | 12  | E.                                                                              |               |
| Budæ, per Bocatium,                                          | 332 | Eburi, colonias figunt in Hungaria,                                             | 37            |
| Desiderius, Episcopus Csanadiensis,                          | 245 | Ecsedia, inquietatur per Lemures,                                               | 364           |
| Despota, turbat rem religionis in Moldauia,                  | 87  | Egressus Hunnorum primus e Scythia,                                             | 5             |
| Trucidatur,                                                  | 88  | Electio Mathiae Coruini, super gla-ciali ponte,                                 | 18            |
| Detestatio epuli Turcici,                                    | 327 | Emericus S. moritur                                                             | 49            |
| Déva, arx Transilvaniae                                      | 27  | Emolumentum ex gentium migra-tione descripta, quodnam?                          | 408           |
| Dévén, arx Hung.                                             | 19  | Epilogus Commentationis Bocatii                                                 | 336           |
| Diæta, Bohemorum terminatur,                                 | 365 | Epistola Bayeri, ad M. Belium, de Originibus Hungarorum,                        | 408. 414      |
| Generalis, iam indicta, differtur,                           | 360 | Epulae Hunnorum funebres,                                                       | 147           |
| Celebratur,                                                  | 368 | earum instrumenta,                                                              | 149. 150. 151 |
| Soproniensis incipit,                                        | 378 | Equatia, quid significant?                                                      | 251           |
| Diako oppidum, sedes Episcopi Bos-nensis                     | 17  | Equi Hungarici,                                                                 | 34            |
| Diarium Ioannis Cuspiniani super Con-gressu Caesaris & Regum | 280 | Moldauæ præstantes,                                                             | 25            |
| Georgii Závodsky                                             | 353 | Equitatus honorarius sub inaugura-tione Maximiliani,                            | 304. 305.     |
| Dignitates Agæ Ianicserorum,                                 | 328 | Aciem instruit,                                                                 | 306           |
| Georgii Thurzonis,                                           | 373 | Equites aurati a Caesare, ac Regibus Hung. & Polon. creantur, du-centis plures, | 297           |
| Diós-Györ arx Hung.                                          | 21  | Erdöd arx,                                                                      | 17            |
| Diserimen Hungariae Polonis propo-nitur,                     | 434 | Erdödi, Christophorus,                                                          | 377           |
|                                                              |     | Thomas, obit,                                                                   | 378           |
|                                                              |     | Etius, Attila se obijcit,                                                       | 103           |
|                                                              |     | Y y y y                                                                         | Vires         |



# Index

|                                              |       |                                      |     |
|----------------------------------------------|-------|--------------------------------------|-----|
| Vires adparat ,                              | 105   | Anonymus ,                           | 194 |
| Certat marte ancipiti ,                      | 106   | Aber , & Benedictus ,                | 197 |
| Pugnat acerrime ,                            | 110   | Kezed ,                              | 198 |
| Canit receptui ,                             | 113   | Daba , Camb ,                        | 200 |
| Etymologia nominis Hungarici ,               | 406   | Mociu , Teluk , Checa , Tuca , Ma-   |     |
| Eudoxia , coniux <i>Valentiniani</i> Impe-   |       | carius , Ebbær , Gnynter ,           | 203 |
| ratoris ,                                    | 104   | Nogud , Egud , Benedictus , Pous ,   | 204 |
| Europæa Scythia ,                            | 1     | Rolanda , Laurentius , Voca ,        | 205 |
| Excerptum de Hunnorum Originibus ,           |       | Crisius , Anonymi , Andreas , Leo-   |     |
| & Cognatione ,                               | 416   | poldus ,                             | 207 |
| eorundem migratione in Ame-                  |       | Senk , Stephanus , Vanna , Burz ,    | 208 |
| ricam ,                                      | ibid. | Anonymus , Nemel , Miklousch ,       |     |
| Excubiæ , pro Republica Christiana ,         |       | Eguch , Bibies , Rubiczo , Tekam ,   |     |
| septem seculis aguntur per <i>Hun-</i>       |       | Forcasius , Otoqur ,                 | 209 |
| <i>garos</i> ,                               | 433   | Paulus ,                             | 211 |
| Excursio Hungarorum , per Turcas             |       | Anonymus ,                           | 212 |
| retunditur ,                                 | 354   | Ilmerum , Elustsimon , Mathias ,     | 213 |
| Exempla ducum illustrium in memo-            |       | Queren                               | 214 |
| riam reuocantur Polonis ,                    | 436   | Scyrin , Vid ,                       | 215 |
| Exequiæ Thurzonum , <i>Emerici</i> ,         | 377   | Anonymus , Munkach ,                 | 219 |
| <i>Georgii</i> Palatini ;                    | 374   | Lodut , Simon , Bota , Dionysius ,   |     |
| Exploratores , aduentum <i>Sultani</i> de-   |       | Anonymus ,                           | 220 |
| tegunt <i>Ferdinando</i> ,                   | 422   | Leca , Ifou ,                        | 228 |
| Expostulatio tacita <i>Ioannis Bocatii</i> , | 320   | Zoloc , Stephanus , Ægydius , Ano-   |     |
| Exteri , soli Hungarici præstantia huc       |       | nymus , Keva ,                       | 229 |
| illecti ,                                    | 430   | Salomon , Keka , Potur , Ifou , Ten- |     |
| Extorres apud Cyprianum , qui ?              | 194   | gurd ,                               | 230 |
| Exundatio Vagi , segetibus exitiosa ,        | 354   | Iacus , Modan ,                      | 231 |
|                                              | 376.  | Mert , Anonymus , Gens , Thomas ,    | 232 |
| Aliorum annium ,                             | 377   | Anonymæ duæ , Tiburtius , For-       |     |
| F.                                           |       | cos , Iba ,                          | 233 |
| Fabula Herculis ,                            | 1     | Petrus , Matthias ,                  | 235 |
| Faceta conuiuii <i>Turcici</i> descriptio ,  | 326   | Forcos ,                             | 236 |
| Facies regionis miseranda Turcis ir-         |       | Detreh ,                             | 237 |
| ruentibus ,                                  | 425   | Helg , Homodeus ,                    | 238 |
| Hungariæ mutata in deterius ,                | 430   | Shama , Michael , Anonymus , Za-     |     |
| Factiones in Transalpina ,                   | 23    | keus ,                               | 239 |
| Fama aduentus in Hungariam Impe-             |       | Rochus , Chegyun ,                   | 240 |
| ratoris <i>Turcici</i> ,                     | 422   | Anonymus , Vida , Munc ,             | 241 |
| Felhéviz , oppidum ad <i>Budam</i> ,         | 10    | Paul ,                               | 343 |
| Feræ Hungariæ ,                              | 34    | Anonymi duo ,                        | 244 |
| Ferdinandus I. Regnum Hung. niti-            |       | Kelemen ,                            | 245 |
| tur occupare ,                               | 67    | Dedus ,                              | 246 |
| Venit Posonium ,                             | 309   | Fehera , Meca ,                      | 247 |
| Quædam Hungaris proponi cu-                  |       | Sedun , Anonymi ,                    | 248 |
| rat ,                                        | 310   | Valentinus , Anonymus , Georgius ,   |     |
| Transiluaniam aduersus Turcas                |       | Petrus , Tumpa , Deduba , Pena ,     |     |
| tueri statuit ,                              | 422   | Poufa ,                              | 249 |
| Ferdinandus subsidia petit a Prouin-         |       | Suka , Scemus , Vora ,               | 250 |
| ciis ,                                       | 422   | Kana ,                               | 252 |
| Ferdinandus II. fit Rex Hungariæ             | 374   | Poufa , Chedur                       | 254 |
| Ferrum nouum ab Episcopo consecra-           |       | Miros , Boz ,                        | 255 |
| batur pro Iudicio ,                          | 274   | Sela , Posu , Vulcanus , Vilman ,    |     |
| Quod candens <i>Innoxii</i> porta-           |       | Detreh , Laurentius , Maza , Tho-    |     |
| runt : Modam ,                               | 192   | mas ,                                | 256 |
| Ioannes , &c.                                | 193   | Boquir ,                             |     |



# *Rerum Memorabilium.*

|                                      |     |                                      |          |
|--------------------------------------|-----|--------------------------------------|----------|
| Boquir, Puda, Bznale,                | 285 | Fides Turcarum in seruanda pace      |          |
| Anonymus,                            | 259 | sublesta,                            | 424      |
| Anonymus,                            | 261 | Filii Noë, sub quo Diluuium,         | 2        |
| Anonymus;                            | 162 | Fluuii Hungariæ maiores,             | 6        |
| Monos,                               | 264 | Transiluania,                        | 26       |
| Petrus,                              | 265 | Fœdus; inter Iohannem de Zápolya,    |          |
| Anonymus,                            | 266 | & Turcas,                            | 187      |
| Anonymus, Stephanus, Laurent-        |     | Cæsaris Maxim. & Regum Hung.         |          |
| tius,                                | 270 | & Polon. palam a Cuspiniano          |          |
| Cheha, Modu,                         | 271 | pronunciatur,                        | 300      |
| Crachinus, Geus, Solomun, De-        |     | Perpetuum petitur a Polonis          | 432      |
| demér,                               | 272 | Fœnum Hungariæ,                      | 34       |
| Combusti: Fugod, Ægid,               | 192 | Fogaras, Arx Nadasdiorum,            | 29       |
| Vokar                                | 193 | Fons, S. Crucis ad Seuerinum,        | 31       |
| Zemer,                               | 196 | Körös nigri fluuii Transiluania,     | 26       |
| Moynolth,                            | 200 | Musarum, in Aula Regia Vissegrádi,   | 11       |
| Anonymus,                            | 203 | Forgách, Franciscus Cardinalis epu-  |          |
| Henricus, Gregorius,                 | 204 | lum præbet,                          | 365      |
| Anonymus, Cugt, Sirund, Trimar,      | 207 | Cæsaris pro pace caduceator,         | 370      |
| Ugud, Bunczii, Obud, Secca, Ano-     |     | Moritur,                             | 371      |
| nyma,                                | 208 | Sigismundus, Cæsaris ad Botska-      |          |
| Paulus,                              | 209 | ium legatus,                         | 335. 361 |
| Zub, Bechleem, Scegen                | 211 | Ducit copias in Báthorium,           | 367      |
| Anonymus, Etulius, Bedeg,            | 212 | Obit,                                | 377      |
| Vodad,                               | 213 | Sophia moritur,                      | 354      |
| Petrus, Joannes, Voda, Petrus alius, | 214 | Formido Bocatii haud inanis,         | 319      |
| Andreas, Fata, Mogd,                 | 215 | Forró Pauli, Carmen de Legatione     |          |
| Stephanus, Elias,                    | 220 | in Poloniam,                         | 437      |
| Mizla,                               | 224 | Fragor Budensium Tormentorum,        |          |
| Liter,                               | 226 | adueniente Botskaio,                 | 324      |
| Briçtius,                            | 228 | Fridericus Palatinus, coronatur Rex  |          |
| Mauricius,                           | 229 | Bohemiæ,                             | 375      |
| Zotmoz,                              | 230 | Fructus varii per Hungariam,         | 33       |
| Gyure, Cata,                         | 231 | Fruentum in Hungaria,                | 33       |
| Paulus, Guda,                        | 232 | Copiosum                             | 369      |
| Cherpha,                             | 233 | Füiekinum a Turcis recipitur,        | 355      |
| Simon,                               | 234 | Exuritur oppidum,                    | 370      |
| Zada, Anonymus,                      | 235 | Fulgura extremo Decembre,            | 371      |
| Baka,                                | 238 | Fulmen, Turim Stephani Vienna tan-   |          |
| Anonymi,                             | 239 | git,                                 | 372. 378 |
| Bosur,                               | 247 | Funus Attilæ magnificentissimum,     | 141      |
| Vrbanus, Masa,                       | 248 | Fures, canum opera peruestigati,     | 201      |
| Andreas, Tumen,                      | 249 | Furtum grauissime apud Hungaros,     |          |
| Egiud, Tecus, Saul,                  | 250 | & cur punitum? 196. 197. puni-       |          |
| Vrcund,                              | 254 | endi ratio,                          | 199      |
| Petrus, Bosu,                        | 255 | G.                                   |          |
| Gyuna, Poufa, Both,                  | 256 | Galgócz, arx supra Vagum,            | 20       |
| Vofos, Janus, Albeus, Scevezeli,     | 257 | Gara Nicolaus, fide in Reginam clar. | 55       |
| Anonymus,                            | 260 | Garellii Pii Nicolai, ad Belium, in- |          |
| Iuan,                                | 267 | signis epistola, ad Monum. III.      |          |
| Anonyma,                             | 270 | Genealogia Ducis Arpádi,             | 47       |
| Anonymus,                            | 271 | Redeiorum Nobilium,                  | 243      |
| Mox, Benedicta, Sumpou,              | 272 | Gentes, cum Regibus Hung. & Po-      |          |
| Fertilitas Insulæ Chepel,            | 7   | loniæ Viennam ingressæ,              | 299      |
|                                      |     | Genus Nicolai Olábi,                 | 23       |
|                                      |     | Y y y y y 2                          | Georg    |



# Index

|                                               |          |                                           |          |
|-----------------------------------------------|----------|-------------------------------------------|----------|
| Georgius, <i>Monachus</i> , interficitur, 72. | 421      | Homines Ecclesiæ, vasalli, & clien-       |          |
| Sanctus, arx sic dicta,                       | 20       | tes,                                      | 210      |
| Gepidæ in Pannonia,                           | 388      | Qui?                                      | 235      |
| Hunos cædunt,                                 | 396      | Homonnaius <i>Georgius</i> , Transilvaniæ |          |
| Germani, Strigonium dedunt Turcis,            | 361      | frustra inhiat,                           | 372      |
| Antiquissimi in Pannonia,                     | 401      | Cum Cosacis vastat Hungariam,             | 376      |
| Germania, crudelissime ab <i>Hunnis</i>       |          | Honorio, filia Valentiniani, vel soror,   | 104      |
| vastatur,                                     | 101      | Horti regii ad Budam,                     | 9        |
| Gætæ, seu Teutones veteres, vnde              |          | Hospitalarii S. Ioannis Hierosolymitani,  | 212. 222 |
| in Europa?                                    | 388      | Hospites apud Hungaros, qui?              | 193. 262 |
| Danubii accolæ,                               | 393      | Hungari, vnde dicti?                      | 2        |
| In Transilvania,                              | 395      | Excutiunt iugum servitutis,               | 47       |
| Ginsium, frustra oppugnatur a <i>Soly-</i>    |          | Cæduntur per Othonem,                     | 48       |
| <i>manno</i> ,                                | 69       | Ex Hunnis & Auaribus coaliti,             | 89       |
| Gladius Martis, obtingit <i>Attilæ</i> ,      | 120      | Orientem depopulantur,                    | 91       |
| Sanguine tinctus, tessera expedi-             |          | Impransi in conuiuio Turcico in           |          |
| tionis apud <i>Hunos</i> ,                    | 5        | campo <i>Râkos</i> , surgunt,             | 326      |
| Gloria Aboriginum, inepte a non-              |          | Cæsi ad Strigonium, vincunt de-           |          |
| nullis sibi vendicatur,                       | 401      | munum,                                    | 354      |
| Gothi, sedibus per <i>Hunos</i> expel-        |          | Hodierni vnde, ac vbi plurimi in-         |          |
| luntur,                                       | 2. 91    | terierint?                                | 407      |
| Eorum migrationes,                            | 3        | Pauci esse existimantur,                  | 432      |
| Exuuntur regno,                               | 5        | Celebrantur eorum victoriæ,               | 433      |
| Romanis locant operam in Hun-                 |          | Hungaria describitur ab <i>Olábo</i>      | 1        |
| nos,                                          | 105      | Nomen, situs, fluiui maiores,             | 6        |
| Quibus olim populis constabant,               | 400      | Occidentalis,                             | 8        |
| Gran, fluuius Danubium auget,                 | 7        | Ulterior,                                 | 13. 15   |
| Gritus <i>Ludouicus</i> , conuenitur Byzan-   |          | Citra, & vltra Sauum,                     | 17       |
| tii a <i>Lafzkio</i> ,                        | 165      | Inter Danubium & Tibiscum,                | 18       |
| Eius, sententia de tributo,                   | 172      | Trans-Tibiscana,                          | 23       |
| Gurcensis Cardinalis, Cæsaris ad Re-          |          | Eius oportunitates,                       | 33       |
| ges Hungar. & Polon. Orator,                  | 280      | Sub <i>Bela IV.</i> vastatur a Tartaris,  | 53       |
| Venit Viennam,                                | 283      | Sub <i>Ladislao Cumano</i> , itidem       | 54       |
| Posonium,                                     | 284      | Est in Comitatus diuisa,                  | 246      |
| Producit Literas fidei,                       | 285      | Ante Scytharum aduentum, a quo            |          |
| Discedit Posonio                              | 286      | habitata, vnde Pannoniæ no-               |          |
| Vienna, pergit ad Cæsarem,                    | 287      | men?                                      | 202      |
| Gyula, arx Hungariæ,                          | 30       | Nominis Etymologia,                       | 406      |
|                                               |          | Multis laudata,                           | 429. 430 |
| H.                                            |          | Meta Turcici desiderii,                   | 431      |
| Habitus gentis Transilvaniæ,                  | 26       | Hunni Scythæ vnde orti?                   | 1        |
| Corporis <i>Vezirii</i> , Botskaium ad-       |          | Signo gladii cruenti conuocati,           | 5        |
| mittentis, & <i>Agæ</i> ,                     | 325      | Gothos sede pellunt,                      | 2        |
| Hardecus laurinum dedit Turcis,               | 355      | Asiam sub tributariam faciunt,            | 3        |
| Hastiludium instituitur,                      | 297. 298 | Penetrant in Europam,                     | 4        |
| Hatvanum, per nostros expugnatur,             | 356      | Pannoniam primum ingrediuntur,            | 43       |
| Turcis deditur,                               | 360      | Depelluntur ab Ostrogothis,               | 45       |
| Haydones grassantur per <i>Hungariam</i> ,    | 363      | A <i>Longobardis</i> Pannoniam recipi-    |          |
| Henedi, sub <i>Antenore</i> Adriaticum        |          | unt, iterumque amittunt, ac               |          |
| traiciunt,                                    | 393      | recipiunt denuo,                          | 46       |
| Herculis fabula, circa <i>Hunorum</i> ori-    |          | Vna gens cum Auaribus,                    | 89       |
| ginem,                                        | 1        | E Scythis prognata,                       | 91       |
| Herczek <i>Stephanus</i> , sextum maritus,    | 364      | Illorum gesta,                            | 95       |
| Hieronymus S. vnde oriundus?                  | 14       | Ceduntur a Burgundionibus,                | 97       |
| Homicidium, varias habebat pœnas,             | 202      | Gal.                                      |          |



# Rerum Memorabilium.

|                                                                                           |     |
|-------------------------------------------------------------------------------------------|-----|
| Maximilianus I. Cæsar, singulari<br>præditus ingenio,                                     | 280 |
| Descendit in Austriam,                                                                    | 281 |
| Conuentum cum regibus Hunga-<br>riæ & Poloniæ celebrat Viennæ,                            | 294 |
| Maxons campus,                                                                            | 31  |
| Mechouita <i>Matbias</i> , Medicus Polonus<br>arte diuinandi celebrer,                    | 282 |
| Mediator, præ, & sponfor coniugii,                                                        | 248 |
| Mensæ post conuiuium <i>Botskaio</i> , &<br>suis, adparatum, diripiuntur<br>per Turcas,   | 327 |
| Mérey <i>Sophia</i> , capitur a <i>Sigismundo</i><br><i>Balassa</i> ,                     | 362 |
| Liberatur,                                                                                | 363 |
| Metæ territoriorum primum institu-<br>untur,                                              | 191 |
| Metalla soli Hungarici,                                                                   | 35  |
| Metus incendiorum, & seditionum<br>Viennæ, sub conuentu <i>Maxi-<br/>miliani</i> & Regum, | 299 |
| Michaël <i>Valachus</i> , Transiluaniam su-<br>bigit,                                     | 357 |
| Migratio gentium in Pannoniam,                                                            | 408 |
| Scepufiorum                                                                               | 398 |
| Tuifconis, & sociorum,                                                                    | 390 |
| Ministeria cuiuslibet castris,                                                            | 193 |
| Regis, & Reginae,                                                                         | 268 |
| Ministeriales regis, qui? 211. 214.                                                       | 230 |
| Miskóltz oppidum,                                                                         | 22  |
| Missa <i>Iudicii ferri candentis</i> ,                                                    | 275 |
| Mohács oppidum,                                                                           | 16  |
| Ibidem <i>Ludouici</i> II. atrox clades, 66. 67                                           | 66  |
| Moldauia regio,                                                                           | 25  |
| Recipitur per <i>Matbiam Coruinum</i> ,                                                   | 60  |
| Prouinciales, Despotam <i>Soczouia</i><br>obsident,                                       | 87  |
| Monomachia <i>Borii</i> , & Ibraimi, diffi-<br>patur,                                     | 354 |
| Montanæ septem ciuitates,                                                                 | 20  |
| Montes salis in Hungaria,                                                                 | 36  |
| Vitiferi, ad Budam,                                                                       | 10  |
| MONUMENTA, quæ prima hac Decade<br>continentur:                                           |     |
| I. NICOLAI OLÁHI Hungaria,                                                                | 1   |
| II. MICHAELIS SIGLERI Chronologia,                                                        | 43  |
| III. I. C. CALANI DALMATIÆ Attila,                                                        | 89  |
| IV. ACTIO <i>Hieronyni Lafzkii</i> , no-<br>mine Iohannis Regis apud Tur-<br>cam,         | 159 |
| V. RITVS <i>Explorandæ</i> veritatis per<br>Iudicium ferri candentis,                     | 191 |
| VI. IOHANNIS CVSPINIANI Diarium,                                                          | 280 |
| & IOHANNIS LISTHII Commenta-<br>riolus de <i>Maximiliani</i> Corona-<br>tione,            | 303 |

|                                                                                                                                                                        |          |
|------------------------------------------------------------------------------------------------------------------------------------------------------------------------|----------|
| VII. IOHANNIS BROCATII Commen-<br>tatio de sua ad <i>Stephan. Botskay</i><br>Legatione,                                                                                | 317      |
| Et <i>Iaurinum Rediuuium</i> ,                                                                                                                                         | 339      |
| VIII. GEORGII ZÁUODSKII Diarium,                                                                                                                                       | 353      |
| IX. DAVIDIS FRÖLICHII Prodrömus<br>Chronici Hungariæ,                                                                                                                  | 386      |
| Cum Appendice Epistolica <i>Bayeri</i> ,<br>& <i>Belii</i> , de Originibus Hunno-<br>rum. Excerptum eiusdem argu-<br>menti, & de migratione Hun-<br>norum in Americam. |          |
| X. PERICLITANTIS HVNGARIÆ Ima-<br>go, seu Legationes ad Polonos,<br><i>Ferdinandi</i> I.                                                                               | 419      |
| <i>Rudolphi</i> II.                                                                                                                                                    | 429      |
| Moraua Danubio sorbetur, & vbi?                                                                                                                                        | 7        |
| Morbus <i>Attilæ</i> , ac huius occasio,                                                                                                                               | 135      |
| Mores Hunnorum,                                                                                                                                                        | 118      |
| Mos funerum,                                                                                                                                                           | 141      |
| Lugendi mortuos,                                                                                                                                                       | 139. 140 |
| Oculis priuandi,                                                                                                                                                       | 202      |
| Dimittendi seruitia post triennium,                                                                                                                                    | 197      |
| Moschouius <i>Ioannes</i> , impostor Arianus,<br>capitur a Palatino <i>Thurzone</i> ,                                                                                  | 371      |
| Pellitur in exilium,                                                                                                                                                   | 372      |
| Multitudo auium ad Pestum,                                                                                                                                             | 323      |
| Ceruorum,                                                                                                                                                              | 31       |
| Munera Vezirii <i>Botskaio</i> ,                                                                                                                                       | 325      |
| Et huius, Vezirio oblata.                                                                                                                                              |          |
| Munia seruorum Ecclesiæ,                                                                                                                                               | 237      |
| Munkács arx,                                                                                                                                                           | 21       |
| Münsterbergius, <i>Christophorus</i> , in<br>Danubio submergitur,                                                                                                      | 285      |
| Murus Poloniæ, Hungaria,                                                                                                                                               | 433      |
| Musica Turcarum absurda,                                                                                                                                               | 325      |
| Mutua defensio Poloniæ Hungariæ-<br>que necessaria,                                                                                                                    | 423      |
| Myhne Vayuoda Transalpinus, inte-<br>rit,                                                                                                                              | 24       |
| Trucidatur <i>Cibinii</i> ,                                                                                                                                            | 64       |
| Mysia vetus, iam <i>Serua</i> , & <i>Bulgaria</i> ,                                                                                                                    | 399      |
| N.                                                                                                                                                                     |          |
| Nádásdi, <i>Franciscus</i> , moritur,                                                                                                                                  | 360      |
| Nándor Alba, seu Belgradum, arx,                                                                                                                                       | 17       |
| Narabo fluuius,                                                                                                                                                        | 15       |
| Elabatur in Danubium,                                                                                                                                                  | 7        |
| Narratio lepida de Turcarum legato<br>quodam,                                                                                                                          | 11       |
| Nationum ac linguarum diuersitas per<br>Hungariam,                                                                                                                     | 37       |
| Quatuor in Transilvania,                                                                                                                                               | 26       |
| Neogrādum recuperatur,                                                                                                                                                 | 355      |
| Nicolai Episcopi Quinqueecclesiensis<br>sanctimonia,                                                                                                                   | 16       |
| Z z z z z 2                                                                                                                                                            | Nitria   |



# Index

|                                               |          |                                              |               |
|-----------------------------------------------|----------|----------------------------------------------|---------------|
| Nitria Episcopatus,                           | 20       | Botskaii, coronam & insignia re-             |               |
| Fluuius in Danubium incurrit,                 | 7        | liqua fuscipientis a Vezirio,                | 330           |
| Nobiles, equestri genere,                     | 210      | Oratores, Gurcensis Pofonii,                 | 283           |
| De adquisitis libere testantur,               | 228      | Regum ad Cæsarem,                            | 287           |
| Poloni, regem <i>Sigismundum</i> se-          |          | Excipiuntur,                                 | 288           |
| quuti,                                        | 284      | Ordo, <i>Cæsar</i> is Vienna prodeuntis,     | 289           |
| Nocturna in funere comestatio, ab-            |          | Regum Hungariæ & Poloniæ ac-                 |               |
| rogatur per Hungaros,                         | 151      | cedentium,                                   | 290. 291      |
| Nomen Hungariæ,                               | 6        | Viennensis introitus,                        | 292. 293. 294 |
| Scytharum,                                    | 2        | Turcarum, ad honestandos Bots-               |               |
| Inusitata olim Hungarorum no-                 |          | kaianos,                                     | 323           |
| mina,                                         | 497      | Origo Hungarorum,                            | 408           |
| Numerus cæsum pugna Catalau-                  |          | Hunorum, Scytharumque,                       | 1. 2. 91      |
| nica incertus,                                | 108      | Saxonum Transiluanorum,                      | 26            |
| Equitum, Viennam cum Cæsare <i>Ma-</i>        |          | Teutonium, accolarum Danubii,                | 397           |
| <i>ximiliano</i> , ac regibus Hungariæ        |          | Transiluanorum Valachorum,                   | 399           |
| ac Polon. intransitum,                        | 294      | Orodienfis <i>Præpositura</i> S. Martini,    | 205. 235      |
| Interemtorum tumultu rusticano,               | 281      | Országh <i>Michaël</i> , fit Palatinus,      | 60            |
| Nuptiæ, Sigis. Dietrichsteinii, & Bar-        |          | Ostrogothi qui?                              | 3             |
| baræ Rottaliæ                                 | 298      | Hunos expellunt Pannonia                     | 45            |
| Inter Nicolaum Esterházi, & Chri-             |          | A Visigothis distincti,                      | 400           |
| stinam Nyári, <i>Emerici Thurzo</i>           |          | Ostrosith <i>Matbias</i> , a Turcis cæditur, | 359           |
| vdum,                                         | 378      | <i>Stephanus</i> , inter procures refertur,  | 363           |
| Andream Iakusith, & <i>Iuditham</i>           |          | Otrokocfi <i>Franciscus</i> , triplicem Hun- |               |
| <i>Thurzo</i> ,                               | 364      | norum in Pannoniam aduent.                   |               |
| Mathiam regem & Annam,                        | 367      | adstruit,                                    | 5             |
| Ioannem Szunyogh, & <i>Annam</i>              |          | Ovár arx, Germanis <i>Altenburgum</i> ,      | 15            |
| <i>Thurzo</i> ,                               | 378      | Oues Hungariæ,                               | 34            |
| Stephanum Thököli, & <i>Cathari-</i>          |          | P.                                           |               |
| <i>nam Thurzo</i> ,                           | 376      | Paiazethes Turca, per <i>Tamerlanem</i>      |               |
| <i>Emericum Thurzo</i> , & <i>Christinam</i>  |          | capitur,                                     | 4             |
| <i>Nyári</i> ,                                | 375      | Palatinus, exercitum in Turcas cogit,        | 369           |
| <i>Michaëlem Vizkelethi</i> & <i>Mariam</i>   |          | <i>Pálfi Nicolaus</i> , heros insignis,      | 357           |
| <i>Thurzo</i> ,                               | 374      | Moritur,                                     | 358           |
| Hungaro-Austriacæ <i>Ludouici</i> , &         |          | Pannonia concedit Hunnis,                    | 43            |
| <i>Ferdinandi</i> ,                           | 66       | Ostrogothi, Longobardis, Hunnis              |               |
| Nyári <i>Paullus</i> , Agriam Turcis dedit,   | 356      | iterum,                                      | 45            |
| Nyé, Regis Viuarium,                          | 9        | Imperio Orientali,                           | 46            |
| O.                                            |          | Num populis Scandauia habitetur?             | 390           |
| Occasio belli per Turcas vndecunque           |          | Olim a Gothis culta?                         | 400           |
| arripitur,                                    | 422      | Vnde dicta,                                  | 402           |
| Octaualia Iudicia celebrantur,                | 367. 371 | Gentis lingua putatur fuisse Greca,          | 403           |
| Oeconomia regū Hung. e re pecuaria,           | 247      | Pæones, & alii in eadem populi,              | 404           |
| Oláhus <i>Nicolaus</i> , Hungariam describit, | 1        | Teutones Pannoniæ, quo genere                |               |
| Item, ætatis suæ Chronicon,                   | 38       | fati?                                        | 388           |
| Genus ipsius,                                 | 23       | Papa, a Turcis recipitur,                    | 356           |
| Omen, ex cygno, per <i>Ianicferum</i>         |          | Paradisus terrestris,                        | 386           |
| traiecto, & <i>Botskai</i> o oblato,          | 331      | Parentes, & vita <i>Georgii Thurzo</i> ,     | 372           |
| Opinio, Turcas vinci non posse, re-           |          | Parochiæ, dicuntur etiam Comitatus,          | 263           |
| fellitur,                                     | 427      | Districtus alicui Iudici obnoxius,           | 270           |
| Oportunitates Hungariæ,                       | 33       | Parricidæ, cui pœnæ obnoxii?                 | 260           |
| Oratio, Legatorum <i>Ferdinandi</i> I. ad     |          | Pascua Hungariæ,                             | 34            |
| Polonos                                       | 419      | Patronus Ecclesiæ, quid muneris?             | 194           |
| <i>Rudolphi II.</i>                           | 429      | Pax, Vrbi & Italiæ, per <i>Leonem</i> P. M.  |               |
| Vezirii ad Botskaium,                         | 328      | ab <i>Attila</i> impetratur,                 | 131           |
|                                               |          | Cum                                          |               |



*Rerum Memorabilium.*

|     |                                              |          |                                              |                   |     |
|-----|----------------------------------------------|----------|----------------------------------------------|-------------------|-----|
|     | Cum Turcis coalescit,                        | 363      | Pretium annonæ sub <i>Maximiliani</i> in-    |                   |     |
| 330 | Firmatur,                                    | 365      | auguratione vilissimum,                      | 303               |     |
| 283 | Cum Principe Transilvaniæ,                   | 367      | Primi homines, vbi habitarint?               | 386               |     |
| 287 | Laudatur, ab eius commodis,                  | 425      | Princeps exercitus,                          | 257. 266. 270     |     |
| 288 | Pázmánus <i>Petrus</i> , fit Archi-Episcopus |          | Qui dicebatur?                               | 223               |     |
| 289 | Strigonienſis,                               | 372      | Prioratus Cruciferorum S. Iohannis,          | 212               |     |
|     | Pécsváradya Abbatia,                         | 16       | Pristaldus, arbiter litigantium,             | 191               |     |
| 291 | Pelliparii, qui pelles parant, & subi-       |          | Palatini,                                    | 201               |     |
| 294 | gunt,                                        | 252      | Regis,                                       | 237               |     |
|     | Pernicitas Turcarum Hungaris exitiosa,       | 434      | Proclamatio, quid significet?                | 232               |     |
| 323 | Pestum ciuitas, 18. vi recipitur,            | 359      | Trina,                                       | 241               |     |
| 408 | Pestis, grassatur per Transilvaniam,         | 74       | Procurator, qui vices alterius gerit,        | 198               |     |
| 291 | Per vrbes nonnullas,                         | 469      | Aduocatus, seu Patronus,                     | 243               |     |
| 26  | Petrouich <i>Petrus</i> ,                    | 321      | Villæ,                                       | 261               |     |
| 397 | Locumtenens Transilvaniæ,                    | 75       | Propempticon vatidicum <i>Bocatii</i> ad     |                   |     |
| 399 | Moritur,                                     | 79       | <i>Hardekum</i> Cassouia abeuntem,           | 337               |     |
| 235 | Philistæi apud Hungaros qui?                 | 203. 204 | Prouincia, quid significet?                  | 206               |     |
| 60  | Piscatio Antacæorum in Danubio,              | 35       | Per Turcas in prædam destinatae,             | 432               |     |
| 3   | Pisces varii per fluuios Hungariæ,           | 34       | Hungariam ambientes,                         | 430. 431          |     |
| 45  | Placidia, filia <i>Valentiniani</i> ,        | 104      |                                              |                   |     |
| 400 | Pœones olim, qui dein Pannonnes,             |          |                                              |                   |     |
| 359 | an recte?                                    | 404      | Quæstiones Vezirii ad <i>Botskaium</i>       |                   |     |
| 363 | Poloni, ad opem ferendam incitan-            |          | captiosæ,                                    | 328               |     |
|     | tur a <i>Ferdinando</i> ,                    | 423      | Quinque-Ecclesiæ, arx & Episcopatus,         | 16                |     |
|     | A <i>Rudolpho</i> , ad defensionem cum       |          | Episcopus Casarem in Turcas in-              |                   |     |
| 5   | Hungaria mutuam, 425. 426. 427.              | 428      | citatur,                                     | 288               |     |
| 15  | Pompa, Maximiliani I. Cæsaris Hung.          |          | Quinquennales induciæ obseruantur            |                   |     |
| 34  | & Polon. Regibus obuiantis,                  | 289      | a <i>Ferdinando I.</i>                       | 420               |     |
|     | Horum vicissim,                              | 290. 291 |                                              |                   |     |
|     | Sponsalium inter Principes,                  | 296      | R.                                           |                   |     |
| 4   | Equitatus, inaugurato <i>Rudolpho</i> ,      | 305      | Rabies Tartarorum in Hungaria,               | 357               |     |
| 369 | Inaugurationis <i>Matthie</i> II.            | 315      | Rábnicza fluuius,                            | 15                |     |
| 357 | Vezirii, <i>Botskaium</i> excipientis,       | 324      | Rákos, campus ad Pestum,                     | 9. 18. 319        |     |
| 358 | Pondus, abusiue pro libra,                   | 207      | Raptores qui?                                | 202. Raptus quid? | 211 |
| 43  | Pons Traiani Imperatoris,                    | 32       | Rector Academiae Vittebergenſis              |                   |     |
|     | Eius vestigia,                               | 399      | <i>Emericus Thurzo</i> ,                     | 370               |     |
| 45  | Populi, Turcis formidabiles,                 | 423      | Rede de, stirps de genere <i>Aba</i> ,       | 243               |     |
| 46  | Porta ferrea, aditus Transilvaniæ,           | 25       | Reges, a Scythis deuicti,                    | 3                 |     |
| 390 | Posonium vrbs, & arx,                        | 19       | Hungariæ, vbi inaugurari soliti?             | 10                |     |
| 400 | Potentia Valachi Vayuodæ,                    | 23       | Cardinales Hungariæ & Poloniae               |                   |     |
| 402 | Præcones Regii,                              | 260      | reges in templo conueniunt Po-               |                   |     |
| 403 | Prædium, idem cum Allodio,                   | 215      | sonii,                                       | 284               |     |
| 404 | Prælium, Albenſe die integra,                | 359      | Tractatum inchoant,                          | 285               |     |
|     | Catalaunicum,                                | 106      | Pergunt in Austriam,                         | 288               |     |
| 388 | Præpositura Orodienſis S. Martini,           | 205      | Cæsari Maximiliano obuiant,                  | 290               |     |
| 356 | Saágenſis,                                   | 20       | Viennam statuunt intrare,                    | 291               |     |
| 386 | Titulienſis,                                 | 22       | Subeunt,                                     | 292               |     |
| 372 | Bozokiensſis,                                | 20       | Egrediuntur,                                 | 301               |     |
| 263 | Præſagia, mortis <i>Attila</i> ,             | 152      | Regio, seu tractus Bacſienſis,               | 22                |     |
| 270 | Mechouitæ,                                   | 282      | Responsum <i>Belii</i> , ad <i>Bayerum</i> , | 410               |     |
| 260 | Præſidia Hungariæ a Turcis perfide           |          | Réva <i>Petrus</i> de, moritur,              | 378               |     |
| 34  | erepta,                                      | 435      | Rex, summus Iustitiarius,                    | 267               |     |
| 194 | Praga Bohemiæ metropolis, per Bu-            | 376      | Rhoxolani olim, qui modo <i>Rutheni</i> ,    | 6                 |     |
|     | quoium recipitur,                            |          | Ritus coronandi Reginas,                     | 313               |     |
| 131 | Prandium <i>Botskaio</i> , & sociis adpara-  | 362      | Explorandæ veritatis per Iudicium            |                   |     |
| Cum | tum a <i>Turcis</i> ,                        |          | ferri candentis,                             | 191               |     |
|     |                                              |          | A a a a a                                    | Fune-             |     |



# Index

|                                             |           |                                            |          |
|---------------------------------------------|-----------|--------------------------------------------|----------|
| Funeris <i>Attilæ</i> ,                     | 142. 143  | Valachi Vayuodæ,                           | 23       |
| Varii in Iureiurando,                       | 217. 218. | Seditio Siculorum in Transilvania,         | 85       |
| Sepeliendi Hunnicus, 146. vsque             | 151       | Sellæ equestris gestatio, pœna olim        |          |
| Turcarum in excipiendo <i>Botskaio</i> ,    | 323       | Nobilium Hungarorum,                       | 211      |
| Riuulus <i>Dominarum</i> , vrbs,            | 29        | Semthe, arx munita,                        | 19       |
| Rogus, quem sibi exurendo, <i>Attila</i>    |           | Sententiales litteræ,                      | 253      |
| instruxerat,                                | 111       | Sepulchrales Hunnorum epulæ,               | 147      |
| Romani, olim in Pannonia,                   | 404       | Qualibus adpositæ instrumentis,            | 149.     |
| Eorum ritus in <i>Attilæ</i> funere,        | 142       |                                            | 150. 151 |
| Rudolphus, comitla Hungaris indi-           |           | Sepultura <i>Attilæ</i> ,                  | 146      |
| cit,                                        | 429       | Sermo Strigonienfis Archiepiscopi ad       |          |
| Fit Cæsar,                                  | 367       | <i>Maximilianum</i> , ad inauguratio-      |          |
| Moritur,                                    | 368       | nem venientem,                             | 307      |
| Rupes <i>Gerhardi</i> , ad Budam,           | 9         | Ad Cæsarem <i>Ferdinandum</i> ,            | 309      |
| Rutheni, quibus olim nominibus              |           | Serui, a seruientibus distincti,           | 200      |
| insigniti?                                  | 6         | Quemadmodum liberabantur,                  | 221      |
| Quando deducti in Hungariam?                | 254       | Dei, clerici, & monachi habentur,          | 226      |
| Saagh Præpositura,                          | 20        | Sessio, pars prædii rustici,               | 271      |
| Sabacs arx,                                 | 17        | Seuerinum arx, & Banatus,                  | 31       |
| Sabaria, patria Diui <i>Martini</i> ,       | 14        | Sexárd Abbatis,                            | 16       |
| Sacellum <i>Aruense</i> , ritu Euangelico   |           | Siculi, coniurant in Transilvania,         | 85       |
| inauguratur,                                | 367       | Vincuntur a <i>Gabriele Mailáth</i> ,      | 86       |
| Thomæ Bakocz, in arce Strigonienfi,         | 14        | Olim & in Pannonia,                        | 404. 405 |
| Sacer Mons Pannoniæ, habet <i>Abba-</i>     |           | <i>Georgius</i> Dux cruciatæ militiæ,      | 281      |
| <i>tiam S. Martini</i> ,                    | 14        | Sigillum Communitatis alicuius, cur        |          |
| Sajó fluuius,                               | 26        | frangi consueuerit,                        | 213      |
| Sal fossilis in Hungaria, & vbi?            | 36        | Sigismundus Rex Hungariæ, pugna            |          |
| Samos fluuius Transilvaniæ,                 | 26        | <i>Nicopolitana</i> , a Turcis profliga-   |          |
| Samoskelüz regio,                           | 29        | tur,                                       | 56       |
| Sarmatæ, Pannonia per Romanos               |           | Moritur,                                   | 57       |
| eiciuntur,                                  | 405       | Sigismundus I. Poloniæ Rex, mouet          |          |
| Sasvár arx & opp. Com. <i>Nitriensis</i> ,  | 220       | <i>Cracouia</i> in Hungariam,              | 282      |
| Sauaros } fluuii Danubio se intimant,       | 7. 8      | Emensus Tyrnauiam, Polonium                |          |
| Sauus }                                     |           | magna pompa intrat,                        | 283      |
| Saxones Transilvani, vnde oriundi?          | 26        | Conuiuatur cum Regib. Hungariæ,            | 286      |
| Qua sint indole?                            | 29        | Eques occurrit Cæsari <i>Maximilia-</i>    |          |
| Scandauia, num omnium Pannoniæ              |           | <i>no</i> ,                                | 291      |
| veteris incolarum patria?                   | 390       | <i>Vladislao</i> , & reliquis vale dicit,  | 301      |
| Scepusi, migrant, & militant,               | 398       | Vienna discedit,                           | 302      |
| Plaga, a quibus culta?                      | 396       | Sigismundus II.                            | 425      |
| <i>Georgius Scepusius</i> victor equestri   |           | Siglerus <i>Michael</i> , Chronologiæ Hun- |          |
| curfu,                                      | 285       | gariæ & Transilvaniæ auctor,               | 43       |
| Schidloviczki <i>Christophorus</i> , orator |           | Signum conuocandorum Huunorum              |          |
| Regis Poloniæ ad congressum,                | 282       | ad bellum, vel reipub. causa,              | 5        |
| Schwarzenburgius <i>Adolphus</i> , ad Pa-   |           | Silux Hungariæ,                            | 34       |
| pam glande traicitur,                       | 358       | Vissegradenses,                            | 13       |
| Sclauonia Hungarica,                        | 17        | Siluestre vinum in Hungaria,               | 33       |
| Auget perfidiam hostium,                    | 435       | Simándienfes cæci & claudi, sua qua-       |          |
| Scriptores Rerum Gethicarum,                | 389       | dam loquuntur lingua,                      | 37       |
| Scythæ, vnde oriundi?                       | 1         | Simulacrum veri belli, <i>Ludus Troia-</i> |          |
| Nomen,                                      | 2         | <i>nus</i> ,                               | 298      |
| Bella & propagines,                         | 3         | Sirmium prouinciola, & Episcopatus         |          |
| Turcarum progenitores,                      | 4         | sedes,                                     | 17       |
| Sedes Dacorum vetus,                        | 398       | Situs Budæ peramœnus,                      | 10       |
| Ostro- & Visigothorum,                      | 400       | Hungariæ,                                  | 6        |
|                                             |           | Quia-                                      |          |



# Rerum Memorabilium.

|                                      |          |                                     |          |
|--------------------------------------|----------|-------------------------------------|----------|
| Quinqueecclesiarum,                  | 16       | Abit Claudiopoli,                   | 80       |
| Strigonii,                           | 13       | Synopsis vitæ Georgii Thurzo Pala-  |          |
| Slaui, seu Vindi, olim in Pannonia,  | 404      | tini,                               | 372. 373 |
| Sociosum arx,                        | 16       | Százváros, vrbs Transilvania,       | 28       |
| Solertia Eunuchi Turcæ,              | 328      | Szegedinum vrbs,                    | 22. 27   |
| Soles, Bini, & Terni,                | 374      | Szigethum, frustra per Turcas obfi- |          |
| Quinque, Cibinii apud Transiluanos,  | 71       | detur,                              | 76. 77   |
| Solimannus, respondet Laszkio le-    |          | Szikszó oppidum,                    | 21       |
| gato Iohannis                        | 185. 187 | Szinan Purpuratus, capto Iaurino,   |          |
| Solna, pet Casacos succenditur,      | 376      | frustra Comaromium tentat,          | 355      |
| Solymós arx,                         | 30       | Szokoly Nicolai, carmen ad Sigis-   |          |
| Somogyi Stephanus, ab Illésházio fu- |          | mundum II. Regem Polonia,           | 437      |
| spendio mulctatur,                   | 362      | Szunyogh Iohannes, fuscipit filiam, | 378      |
| Sopronium, ciuitas libera,           | 15       | T.                                  |          |
| Spectaculum miserandum regio a       |          | Tamerlanes, capit Paiazethem,       | 4        |
| Turcis vastata,                      | 425. 431 | Tampierus, traicitur glante in opu- |          |
| Speculum militaris Hungarorum di-    |          | gnatione arcis Pofoniensis,         | 376      |
| sciplinæ sub Matthiæ Coruino.        |          | Tartari vastant Hungariam,          | 53. 54.  |
| Sponsalia inter Principes Ferdinan-  |          | Grassantur,                         | 357      |
| dum Austriam, & Ludouicum re-        |          | Tata arx regia,                     | 15       |
| gem Hungariæ,                        | 296. 297 | Turcis deditur,                     | 355      |
| Nicolai Esterházi & Christinæ        |          | Recepta, iterum amittitur,          | 356      |
| Nyári,                               | 378      | Tauernicus, promptuarium seu æra-   |          |
| Stephani Vesselényi, cum filia Iere- |          | rium regis curat,                   | 199      |
| miæ Pongrácz,                        | 372      | Taurunum arx, quæ & Belgrádum,      | 17       |
| Stancarus, ob hæresim eiicitur Cibi- |          | Telekessy Emericus, superat Turcas, | 82       |
| nio,                                 | 78       | Michael, proscriptus & captus,      | 358      |
| Discedit Claudiopoli,                | 80       | Supplicio afficitur Pofonii,        | 359      |
| Cogitur eius causa synodus,          | 87       | Temes amnis, oritur ad Karansebes,  | 30       |
| Stephanus S. nascitur,               | 48       | Temeskeliz regio Temesum amnen      |          |
| Moritur,                             | 49       | interiacens,                        | 31       |
| Stompha arx,                         | 20       | Temesvár, arx munitissima,          | 30       |
| Strido, Hieronymi patria,            | 14       | Obsessa, deseritur a Beglerbego,    | 422      |
| Strigonienfis Cardinalis Thomas,     |          | Capitur,                            | 73       |
| Pofonium venit                       | 284      | Temetvén arx,                       | 20       |
| Regum Hungariæ & Polonia no-         |          | Terebes arx,                        | 21       |
| mine, cæsari Maximiliano re-         |          | Terræ motus, Bitcsæ,                | 364      |
| spondet,                             | 295      | Solnæ,                              | 369      |
| Matrimonii tunc sancitis ritu Ec-    |          | In Transilvania,                    | 70       |
| clesiæ benedicit,                    | 297      | Vehemens ora Trencsinienfi,         | 358      |
| Salutat Maximilianum,                | 307      | Alibi,                              | 370      |
| Ferdinandum,                         | 309      | Teutones prisca, quomodo ex orien-  |          |
| Strigonium, arx, eius situs,         | 13       | te in Pannoniam Germaniamque        |          |
| Ciuitas expugnatur,                  | 355. 356 | commigrarint?                       | 392      |
| Obsideretur a Turcis,                | 360      | Origo accolarum Danubii,            | 397      |
| Deditur, per militem Germanum,       | 361      | Pannonii ex quo genere?             | 388      |
| Subtharus Rex, Attilæ patruus, &     |          | Transilvani?                        | 395      |
| Tutor,                               | 94       | Intra montes vnde?                  | 397      |
| Adoptat Attilam,                     | 95       | Theodoricus, Gothorum Rex, cæ-      |          |
| A Burgundionibus cæditur,            | 96. 97   | ditur ab Hunnis,                    | 108      |
| Supplicium complicitum Elisabethæ    |          | Thermæ, Regiæ ad Budam,             | 9        |
| Báthori,                             | 367      | Arcem Strigoniensem,                | 14       |
| Synodus Euangelicorum Thordæ         |          | Per Hungariam plurimæ,              | 35       |
| contra Stancarum,                    | 81       | Thertz, arx munitissima,            | 27       |
| Pellitur Cibinio idem,               | 78       | Thesaurus inuentus, cui cedat?      | 263      |
|                                      |          | A a a a a a                         | Tho-     |



# Index

|                                               |        |                                                    |               |
|-----------------------------------------------|--------|----------------------------------------------------|---------------|
| Thomas Strigoniensis Cardinalis,              | 284    | Turcarum scopus,                                   | 420           |
| Auctor militiae cruciatæ,                     |        | Poloniae fortissimum munimen-                      |               |
| Thorda oppidum,                               | 27     | tum,                                               | 421           |
| Thracia vastatur ab Hunnis,                   | 99     | Recuperatur,                                       | 422           |
| Thrasimundus <i>Vandalus</i> , gener Va-      |        | Turcis commoda,                                    | 424           |
| lentiniani Imperatoris,                       | 104    | Sarmatarum præsidium,                              | 426           |
| Thür oppidum,                                 | 30     | Trentsinium arx,                                   | 20            |
| Thurzo <i>Christophorus</i> , obit,           | 370    | Donatur Stephano de Zápolya,                       | 61            |
| <i>Emericus</i> , patre <i>Georgio</i> natus, | 356    | Tributum per Hunnos Asiae imperatur,               | 3             |
| Rector Academicæ Vittebergensis,              | 370    | Item Gothis,                                       | 5             |
| Vitteberga reuertitur,                        | 372    | Animose negat Turcis <i>Laszkius</i> ,             | 165           |
| Inauguratur in supremum Comi-                 |        | 167. 169. 171. 172                                 |               |
| tem Aruensem,                                 | 374    | Tumultus <i>Sigefridi Kolonitsch</i> ,             | 372           |
| Venit ad comitia,                             | 375    | Rusticorum cruciatæ militiae,                      | 281           |
| Suscipit filiam,                              | 376    | Turcæ, a Scythis oriundi,                          | 4             |
| Moritur,                                      | 377    | In Campo Kényér, a Báthorio,                       |               |
| Altera eius filia posthuma,                   | 378    | Kinifioque victi,                                  | 28            |
| <i>Georgius</i> , fit viduus                  | 354    | Cæsi ad <i>Albam Regiam</i> ,                      | 355           |
| Bona Telekessii occupat,                      | 358    | Strigonium frustra obsident,                       | 360           |
| Donatur Aruensi Comitatu,                     | 363    | Communes & perpetui Christia-                      |               |
| Arma eius locupletat <i>Rudolphus</i> ,       | 364    | norum hostes,                                      | 419           |
| Sacram Coronam Pragæ a <i>Rudol-</i>          |        | Repente violant inducias,                          | 420           |
| <i>pho</i> recipit,                           | 365    | Transilvania, & parte Hungariæ                     |               |
| Eligitur <i>Palatinus</i> ,                   | 366    | depelluntur,                                       | 422           |
| Moritur,                                      | 373    | Christianorum excidio nati,                        | 427           |
| Sepelitur                                     | 374    | Tuisco, migrat in Europam,                         | 390           |
| <i>Georgius</i> senior, Montarum vr-          |        | Tyrannis Draculæ, Vayuodæ Tran-                    |               |
| bium præfectus,                               | 282    | salpini,                                           | 23            |
| Tibiscus fluuius Danubium subit,              | 7      | Tyrnavia cuitas,                                   | 20            |
| Tieffenbach <i>Rudolphus</i> , Ujvarino       |        | Incendiis foedatur,                                | 370           |
| præficitur,                                   | 368    |                                                    |               |
| Titulium Præpositura,                         | 22     | U.                                                 |               |
| Titulus ab Attila vsurpatus,                  | 44     | Ubertas Hungariæ,                                  | 33            |
| Tokay arx,                                    | 21     | Celebratur,                                        | 429           |
| Adtribuitur <i>Georgio Thurzoni</i> ,         |        | Uduornici, sunt idem, qui aulici,                  | 205           |
| Tolna, oppidum,                               | 201    | Regis Nobiles Prædiales,                           | 215. 216      |
| Tonitrua in Ianuario,                         | 370    | Ujhelium ad Vagum, per <i>Cosacos</i>              |               |
| Martio,                                       | 367    | adfligitur,                                        | 379           |
| Extremo Decembre,                             | 371    | Urbes Liberae, Regiæque circum                     |               |
| Torneamentum Viennæ instituitur,              | 298    | Cassouiam,                                         | 21            |
|                                               | 299    | Uxores <i>Attilæ</i> plures,                       | 135           |
| Tractatus Regum Hungariæ & Polo-              |        | Uzones, seu <i>Hufones</i> , vide <i>Antacai</i> , | 7             |
| niæ cum Maximiliano Cæsare,                   |        |                                                    |               |
| inchoatur Pofonii,                            | 285    | V.                                                 |               |
| Pacis, Viennæ concluditur,                    | 370    | Vacia ciuitas Episcopalis,                         | 19            |
| Cum <i>Bethlenio</i> ,                        | 377    | Vadimonium, & Vadium, pignus,                      |               |
| Publicatur,                                   | 378    | vel fideiussio,                                    | 194. 226. 234 |
| Traianus Imperator, conditor admi-            |        | Vagus, Danubium influit,                           | 7             |
| randi in Danubio pontis,                      | 32     | Exundat, grauii aruorum damno,                     | 354.          |
| Dacorum domitor,                              | 399    |                                                    | 376           |
| Transalpina, eadem quæ <i>Valachia</i> ,      | 23     | Valachi Transilvani, qua origine?                  | 399           |
| Transilvani Teutones, vnde?                   | 395    | Valamir, Hunnorum Rex, Gothos                      |               |
| Transilvania regio,                           | 25     | sedibus depellit,                                  | 2             |
| Gentis habitus, terræ ingenium,               | 26. 27 | Valedictio mutua, <i>Borskaii</i> & <i>Ve-</i>     |               |
| Subigitur a Michaelo Valacho,                 | 357    | <i>xirii</i> ,                                     | 330           |
|                                               |        | Valen-                                             |               |



# Rerum Memorabilium.

|                                                 |                                                                           |
|-------------------------------------------------|---------------------------------------------------------------------------|
| Valentinianus, Etium opponit Attilæ, 102        | Vindi, olim in Pannonia, 404                                              |
| Filius Constantii, 103.                         | Vinum Hungariæ, 33.                                                       |
| Varadinum ciuitas Episcopalis, 104              | Copiosum, 369                                                             |
| Turcis deditur, 373                             | Virtus bellica dilaudatur, 436                                            |
| Varadinum Petri arx, & oppidum, 17              | Visigothi, 3                                                              |
| Fuit locus Iudicii Ferri candentis, 191         | Distincti ab Ostrogothis, 400                                             |
| Varia scriptorum sententiæ de Scythis, 1        | Vissegrád arx & ciuitas, aula regia insignis, 11                          |
| Varnensis Vladislai Poloni clades, 58. 59       | Sacræ Coronæ conditorium, 13                                              |
| Vasalli triplici conditione, 233                | Vitulus biceps in lucem editur, 374                                       |
| Venatores Bubalini, 252. 259                    | Viuarium regium ad Budam, 9                                               |
| Veneficium quid significet, 208                 | Vladislaus II. occurrit venienti Sigismundo Poloniae regi & fratri, 283   |
| Species Magiæ, 270                              | Dolet Münsterbergii interitum, 285                                        |
| Venetum bellum, Cæsarem inter & Rempubicam, 281 | Conuiuium instruit, 286                                                   |
| Vereskő arx, 20                                 | Lectica fertur, 291                                                       |
| Vérthes, silua vastissima, 14                   | Vylak arx, 17                                                             |
| Vesprimiensis Episcopatus, 15                   | Z.                                                                        |
| Vetus Buda oppidum, 10                          | Zagràbia vrbs, Episcopatus, 17                                            |
| Vetusolium arx, 20                              | Zathmárii Georgius Episcopus, Quinque-Ecclesias ædificiis percolit, 16    |
| Via ex Hungaria in Transiluaniam, 25            | Zavodskii Georgius, Auctor Diarii, 353                                    |
| Vialka Dionysius Palatinus de Heder-vára, 224   | Zázváros Ciuitas Transilvana, 28                                          |
| Vice-Comes, 230                                 | Zékel Georgius, dux crucigeræ col- luvionis, 65                           |
| Vice-Palatinus, aliter vocatus olim, 197        | Vide Siculi.                                                              |
| Victoriæ Hungarorum de Turcis, 433              | Zriny Catharina, mater Georgii Thurzo Palatini, 372                       |
| Viennensis Regum Hung. congres- sus, 65         | Nicolaus, dux equitatus honora- rii, sub Maximiliani inaugura- tione, 304 |
| Villa, & villani quid? 192                      |                                                                           |
| Villicus pro villæ gubernatore, 219             |                                                                           |

F I N I S.









**A T T I L A,**  
MISSIS, ACCEPTISQVE LEGATIONIBVS, ILLVSTRIS.  
*EX*  
**PRISCO RHETORE SOPHISTA,**

*POST*  
DAVIDIS HOESCHELII, CAROLI CANTOCLARI, HENRICI VALESII,  
& PHILIPPI LABBEI, CVRAS,

*Edidit, atque Notas adiecit,*

**M A T T H I A S B E L.**  
ADPARATVS AD HISTORIAM HVNGARICAM,  
DECADIS II. MONVMENTVM I.

---

POSONII, apud Hæredes Royerianos, Anno MDCCXLV.



CELSISSIMO PRINCIPI,  
DOMINO BENIGNISSIMO,  
D.<sup>N.</sup> PAVLO ANTONIO

SACRI ROM. IMP. PRINCIPI  
ESZTERHÁZY DE GALANTHA,  
AVREI VELLERIS EQVITI, PERPETVO COMITI IN  
FRAKNO, COMITATVS SEMPRONIENSIS SVPREMO AC PERPETVO  
ITIDEM COMITI, SACRAE REGIAE MAIESTATIS CONSILIARIO  
ACTVALI INTIMO,  
GENERALI CAMPI VIGILIARVM PRAEFECTO, ET VNIVS LEGIONIS  
EQVESTRIS ORDINIS HVNGARICI COLONELLO,

*Nec non.*  
CVBICVLARIORVM REGALIVM MAGISTRO,  
PRINCIPI AC DOMINO BENIGNISSIMO,

D. D. D.

*Obsequentiſſimus*  
MATTHIAS BEL.



CELSISSIME PRINCEPS,  
DOMINE BENIGNISSIME!



ATTILAE res gestas, & ingentia illa facinora, quæ mirifica quadam fortunæ indulgentia, & belli edit, & domi adfirmavit, varie sunt, a variis, prodita. Nempe, euenit hoc ATTILAE, quod alicubi in annalibus, de Nerone, Iosephus refert: *Multi de Nerone historiam composuerunt: quorum aliqui, in gratiam eius, ut bene de se meriti, veritatem neglexerunt; alii, suis indulgentes odiis, tam impudentibus mendaciis, in famam suam debacchati sunt, ut merito sint damnandi.* Enim vero, eadem scribendi malignitate, factum est, ut apud mortalium plerosque, inueterauerit opinio de ATTILA: quod tyrannus in omnes; quod orbis terrarum populator; quod subfessor, publicæ, per Asiam, Europamque, securitatis fuerit. Atque, id quidem, haud moraremur fateri, ubi opus fuerit; si, non id egissent, agerentque adhuc, boni illi; ut, quem viuum non poterant armis, umbras eius, stilo confoderent, obruerent calumniis. Hoc liuoris fuit institutum, vetus illud, & extra omnem modum, inuidorum mentibus inolitum. At enim vero, quibus mens contigit æquior, excelsiora pleraque omnia, de ATTILA, litteris mandauerunt: id quod doleant perpetuo maleuoli.


Pronum foret, in vtramque partem, tum *Græcos*, tum *Latinos* scriptores, turmatim aduocare, CELSISSIME PRINCEPS! id, si congrueret cum instituti rationibus. PRISCVM ego hunc RHETOREM, in TVVM conspectum, CLEMENTISSIME DOMINE! ex multis adducere, satis existimauerim: qui ATTILAM, incomparabilem heroa, & vnus omnium, coram optime cognitum habuit, & in historia, quam de eo condidit, ex vero, atque ita descripsit, ut, nisi fata nobis, eius commentarios, inuidissent, superarent adhuc, augusta virtutum ATTILAE exempla, nullis facile



Regum, qui bello, ac pace, priscis illis temporibus, emicuerunt, æquiparanda. Quod vnum mihi auctoramentum, fatis est, vt TIBI, PRINCEPS CELSISSIME! scriptorem, fatis malignioribus, ex magno, paruum redditum, in submississimi cultus testificationem, cernuus adferam: quippe, quemadmodum non satis cognitum ciuibus nostris; ita decorum, vtilem atque necessarium vni- ce historiae patriæ. Habet enim, ist hic exhibitus ATTILA, quidquid oggerant hostes sui, non tantum, quæ illi infectentur, vitia; sed habet profecto, quod in homine barbaro, immo, fulmine belli, admirere, ea simul virtutum documenta, quæ, si imitatione vellent exprimere, qui passim in orbe rerum iam potiuntur, tota vni- uersim *Europa*, mitiore, in præsens, vteretur fortuna.

Quæ cum ita sint omnino, PRINCEPS CELSISSIME! ma- iorem in modum abs TE peto, velis, pro TVA benignitate, de- stinationem hanc meam, eum in modum accipere, sicuti id, & magnitudo animi, quam a diuinissimis maioribus indeptus es; & TVA ipsius virtus, bello & pace exercita, suadent, poscunt, iu- bent. Nolo, plura cumulare. Erit, in laudes TVAS, excur- rendi campus, in felicissima, Comitatus Sempronienſis, prouin- cia, cui optimorum Regum indulgentia, sapienti consilio modera- ris, atque palam testaris, quam TIBI, Indulgentissimæ REGINAE salus; securitas patriæ; ciuium gloria ac felicitas; & horum, qui TVI sunt, fausta vbique requies, cordi sint curæque. TV porro, numine propitio, per auorum TVORVM vestigia, ad solidam, summamque gloriam, grassabere. Atque id quidem, & domi, & militiæ, mascule ac constanter facere TE, ne ipsa quidem inuidia ausit inficiari. Quin immo, excelsi hanc animi TVI indolem, sicuti vniuersa *Hungaria*, suspicit, miratur, & laudibus ad cælum vehit; ita, *Serenissima Regina*, MARIA THERESIA, augustali qua- dam munificentia, vt palam est, & benignissima eius diplomata, liberaliter testificantur, non cessat fouere, cumulare, accendere. Certe, quod de NICOLAO, viro, in gente TVA, prorsus di- uino; & PAVLLO principe; hoc auo, illo abauo TVO; apud omnes publice constat; id nunc de TE, PRINCEPS CELSISSI- ME! totius *Hungariæ* sermonibus prædicatur: *Nouum TE Fun- datorem, locupletatoremque gentis Eszterhazyanae, si non lau- tiorem; certe illis supparem, iam nunc, euasisse. Feliciter! Vale!* HUNGARIAE DECUS incomparabile, & ATTILAM hunc meum, in cuius comitatu confisus, ad TE venio, facilis admitte, bonus accipe, & benignitate TVA confoue. PISONII, An. MDCCXLV. *Calendis Iunii.* PRAE-





## PRAEFATIO AD HVNGARVM LECTOREM.



RISCI RHETORIS Fragmenta de Legationibus, post graues, summorum virorum, curas, edimus: non, quod qualicunque hac opella, orbi erudito profuturos nos confidamus; sed, vt Historiæ *Hungarica*, quam semel iuuare cœpimus, lucis quidpiam, e tantillis, nobilissimi scriptoris, reliquiis, fœneremur. Neque enim, rerum *Hungaricarum* auctoribus, qui, & tenues sunt, & passim fidei non exploratæ, PRISCVS, saltem fando cognitus, nedum in rem patriæ, ab vlllo eorum versus fuit: si COELIVM CALANVM DAIMATAM, excipias, qui in ATTILIA suo, (a) mentionem eius aliquam iniicit, ex *Iornande*, vt adparet, acceptam. Qua re factum est, vt bella quidem ATTILAE, sed luxatis plerumque Chronologiæ rationibus, vndecunque poterant, in commentaria sua conferrent, atque exaggerarent etiam vltra veri modum; sed internam eius vitam, & administrandæ reipublicæ artem, oppido exquisitam, silentio præterirent: magno, sicuti palam est, famæ ATTILAE dispendio. Quia enim nequiuisset fieri aliter, quam, vt eadem illa referrent in litteras, quæ, odio, inuidiaque inflammati, Latini, eius ætatis, Chronicorum architecti, de summo hoc principe, commenti sunt; historiæ patriæ exordia, quæ illi ab ATTILA ducunt, fœdarent, atque ex heroe, & bello, & pace, incomparabili, tyrannum facerent, nulli vsquam secundum, quod tamen aliter fuerat casurum; si, cum *Latinis* scriptoribus, *Græcos* potuissent contendere; &, nisi id fata, laudibus ATTILAE inuidissent, PRISCVM, cum integer esset adhuc, in areolas suas deriuare. At enim, fatorum hæc forte dicenda iniuria est, non conditorum Historiæ *Hungaricae*. In eo peccauere omnino, quod, quidquid in regis vituperium, immo infamiam, memoriæ proditum vspiciam reperere, faciles nimium, & inconsulta opera, annalibus suis intulerunt. Hinc, illis ATTILIA: superbus, cupidus vindictæ, sanguinolentus, mulierosus, cibi immodicus, vinosus, atque, in omni vitæ genere, sibi minus constans\*: & quod non portentum aliud!

II. Aduerterunt, hunc Scriptorum *Hungaricorum*, siue næuum, siue culpam, oculatiores patriæ filii; sed, quomodo malo, in tanta rerum ignoratione, medelam adferrent, redderentque integritati, historiæ domesticæ primordia, non facile reperiabant. Si de me ipso dicendum, quod res est; fastidiebam profecto, res ATTILAE, semel lectas, iterum, ac, quod in historia necesse est, tertio ac sæpius, recognoscere: tum, quod nihil nisi atrox, truculentum, dirum, & multo fœdatum sanguine, in iis se oggerabat; tum, quod suspecta mihi auctorum fides esse incipiebat, simul discriminare cœpi, quid in historia, nuda ea, si sit, atque ingenua, *distent æra lupinis*. Ergo, non potui me retentare, quin subinde, iniquius, gesta ATTILAE, & ipse exagitarem, & exagitanda obiicerem aliis. Accidit vero fato meliore, vt nec opinanti, in

)(

manus

a) Cap. XII. p. 115. \* Defendit ATTILAM a tyrannidis crimine, CHRISTIANVS ADAMVS RYPERTVS, in Observationib. in Synopsin BELSODI Minorem. Cap. XV. p. 472. seq. quam eius *Apologiam*, alii loco seruamus.



manus venirent, FRANCISCI FORIS OTROKOSI, Origines (b) *Hungarica*. Adieci animum ad legendum librum, quantacunque diligentia concinnatum: maximopere, quod in rebus ATTILAE expromendis, PRISCO RHETORE duce usus, mitiora omnia, fideique exploratoris, adferre videretur. Quam ob rem, subiit animum cupiditas, cognoscendarum penitus *Eclogarum* PRISCI, ex quibus sua hauserat *Otrokocsius*. Vt libellum, ex CAROLI CANTOCLARI, anni MDCIX. editione *Parisiensi*, auidius legere cœpi, fructum inde retuli non vulgarem. Præterquam enim, quod nihil, in tenuibus his fragmentis inerat, quod populorum cædes, clades regnorum, urbium funera, & quæ alioquin, in actibus ATTILAE, eius farinæ, censerī solebant, reliqua; certe, ad ciuilis vitæ habitum, belli ac pacis, adeoque iura naturæ & gentium, omni adcuratōne percolenda, relata omnia. vt vitam, formidolōssimī alioquin regis, internam, & a publicis rationibus secretam, tacitus præteream: in qua ita singula facta reperi; vt, & principem magnificum, popularemque; & patremfamilias, adtente ac desenter rem priuatam procurantem, in eo mihi visus simprehendere.

III. His proinde rebus adlectus, cum, nondum vltimæ adolescentiæ annos fuisset egressus, optare cœpi, vt plurimum, ex *Hungaris*, manibus, & PRISCVS hic noster tereretur, & laudati OTROKOSII Origines. In spem enim vocabar, fore, vt, qui ex ciuibz nostris, sola, rerum bello gestarum, immani plerumque, ac sanguinolenta ATTILAE gloria, ducebantur; quinimmo, quæ sunt in actibus eius maxime reiectanea, laudibus ad cælum tollebant: ad ea, imposterum pernoscentia, animos adplicent, quæ, & vituperationis minimum, & laudis, solidæ, illius ac perennaturæ, habent plurimum. At enim, res ea, diu, ac longius, quam voluissimus, inter vota adhæsit: quod minutiores quidem PRISCI *Excerptorum* editiones, prorsus non haberentur; Regia autem illa *Pariensis*, quam PHILIPPVS LABBEVS adcurauit, vix vni alteriue, qui se doctos in patria gerunt, vel visa, ne dicam, lecta vnquam fuisset, penitusque cognita. Trahebar interea, fato quodam meo, ad res *Hungariæ*, cum cura, scrutandas, scribendasque; & iam, præter quatuor grandia illa, NOTITIÆ HUNGARIÆ NOVAE, volumina, APPARATVM, ad *Historiam Patriæ* locupletandam, ederam: cum rogare, immo flagitare amici: vti PRISCVM RHETOREM, de quo in sermonibus familiaribus, non raro, liberaliter, ac fere vltra modum profuse, edisseruissimè, luce publica donarem; inque COLLECTIONEM illam *miscellam* inferrem; sed iis simul notis, obseruationibusque illustrarem, quæ FRAGMENTA PRISCI, popularibus nostris, supellectile libraria non satis instructis, & lectu iucundiora, & faciliora intellectu, redderent. Tametsi vero sensi, præter ceteras curas, non plane nihil negotii, me, ea re mihi consciuisse; tamen, tentare malui, quid possent, lassæ, diuturno labore, Musæ meæ; quam, pertinaces illas preces amicorum, repellere: de qua nunc opella nostra, lector condocendus fuerit; vbi, quæ sunt popularibus nostris, de PRISCO RHETORE, cognitu necessaria, primum expediuerimus.

IV. Fuit PRISCVS (c) gente *Thrax*. (d) Ita THEOPHANES, & auctor *Chronici Alexandrini*, oppido *Panio* (e) oriundus: *Panites* ideo SVIDAE appellatus.

b) Prodierunt *Franequera*, anno MDCXCIII. for. 8.

c) Erronee, pro PRISCO, Παρίσκος legitur, apud EVAGRIVM, Lib. II. Cap. I. vt obseruauit diligentissimus H. VALESIVS. Et Πέριος, apud THEOPHANEM, p. 100.

d) AVCTOR *Chronici Alexandrini*, p. 318. & THEOPHANES, l. c.

e) De Patria PRISCI, PHILIPPVS LABBEVS. Quo fit, verba *Chronici Alexandrini* recitauerat, quæ Thracem dixerant, vt censeam, errasse eos, qui *Panopliten* atque *Ægy-*



pellatus. EVAGRIUS (f) & NICEPHORUS CALLISTES (g) *Rhetorem*; lemma, *Excerptis de Legationibus* præmissum, simul *Sophistam* vocat. quod utrumque vocabulum, vitæ genus, cui se tradiderat noster, indicat, laboriosum ac sterile illud quidem; sed honestum tamen, atque in commune utile. Est autem *Rhetor*, ne id quoque, nostrorum causa, fileamus, qui docet litteras, atque traditor est eloquentiæ: *Sophista*, apud quem dicendi exercitium discitur: utriusque *Orator*, in eo cognatus est, quod in causis, priuatis ac publicis, perfecta vititur eloquentia. (h) Sed PRISCUM, præter hæc vocabula, in primis *Historicum*, IORNANDES dicit, quoties eum in rem suam aduocat. De eo SVIDAS, (i) ut locum integrum exhibeamus: PRISCUS, *Panites, Sophista, qui vixit temporibus Theodosii iunioris. Scripsit historiam Byzantinam, & Attalicam Libris VIII. Item Declamationes Rhetoricas, & Epistolas.* Vbi HENRICUS VALESIVS, ad finem notarum, in excerpta ex historia PRISCI RHETORIS, bene monuit, scribendum esse: *πὶ κατὰ Ἀπὸλαν.* quam viri doctissimi obseruationem, MARTINVS HANKIVS, (k) LVDOLPHVS KVSTERVS, (l) & IOHANNES ALBERTVS FABRICIVS, (m) celebria, in orbe litterato, nomina, suam fecere. Neque dubitare nos finit, auctor *Chronici Alexandrini*, res ATTILAE, multa adcuratatione scripsisse PRISCUM. Enim vero, cum de bellicosissimi principis, & Alarici motibus, atque huius exitio, retulisset, subiungit: *περὶ ἑὲ πλεμῶ συνεγέγραπτο ὁ σφόδρα πρὸς πρὸς οὐ θεῶν.* de quo bello, scripsit sapientissimus PRISCUS Thrax. Quomodo & EVAGRIUS: *ὁν περὶ ἐργῶν ἡ ἐς τὰ μάλιστα λογίως γέγραπτο ὁ ῥήτωρ γεγράφει.* quem diligenter ac diserte in primis PRISCUS RHETOR describit. Atque, potuit omnino, ea diligentia, vnus omnium, cum laude, ac fide, ad posteros defungi PRISCUS: quippe qui, non coæuus modo ATTILAE fuerit; sed in aula etiam eius versatus, legationis illius occasione, quam *Maximinus*, cum infelici *Bigila*, iussu Theodosii iunioris, apud ATTILAM, obibat. quamque, hæc eius fragmenta, fuisse descriptam, ad nos transmiserunt: qua in re expromenda, quam aperte versatus sit noster, inde capias argumentum, quod nihil dissimulauerit, comparatas, abs Theodosio, in ATTILAM, insidias, & harum administratos. In *Latinis* scriptoribus, IORNANDIS meminisse sufficiat, qui, cum de rebus ATTILAE scribit, sæpius PRISCI fidem adpellat: ut satis adpareat, integro eum auctore vsum fuisse, cum *Getica* sua conscriberet. Id doleas, odio subinde stimulatam, a fide PRISCI descuiisse, quæque ille ex vero scripserat, fabulis anilibus contaminauisset.

V. Aetatem PRISCI, nunc ex SVIDA cognouimus. Et sane, res ipsa loquitur, sub Theodosio eum iuniore, & qui hunc exceperunt, vixisse, quod non est opus inculcare. MARTINVS HANKIVS, qui de scriptoribus Byzantinis, vnus omnium, diligentissime commentatus est, ultra annum XV. LEONIS THRACIS,

( 2

qui

*Ægyptium vocauerunt; cum πανίτης, a Panio promontorio, haud longe a Cyaneis insulis, aut castro, secus litus maris, teste SVIDA, in finibus Heracleæ posito, denominari potuerit.* Tom. I. edit. regiae p. 50. initio.

f) Lib. I. Cap. XVII. Lib. II. Cap. I. V. XVI. & Lib. V. Cap. XXIV.

g) In præfat. p. 35.

h) Vide MARII VICTORINI Proœmium exposit. in L. Rhetor. CICERONIS.

i) In rebus Geticis, Cap. XXIV. XXV. XLII. XLIX.

k) De scriptoribus Byzantinis, Cap. II. vbi, de bono hoc, & utili scriptore, uti vocatur VALESIO, adcurate differit.

l) In nota ad SVIDAE Lexicon, voce PRISCUS, Tom. III. p. 174. B. b) edit. Cantab. fol.

m) Bibliothecæ Gr. Lib. V. Cap. V. quod est, de Byzant. Hist. script. num 4. p. 235.



qui fuit A. C. CCCCLXXI. nostrum superasse, idoneis rationibus condocet. Cui eo procliuius adsentimur, quod habent omnino eius rei indicia, hæ suæ *Eclogæ* haud facile repudianda. Illud silendum haud est: nequaquam PRISCVM, a THEODOSIO in legationem fuisse missum: quod tamen adfirmat IORNANDES: Ad ATTILAM, inquit, in legationem remissus a THEODOSIO iuniore, PRISCVS: quem errorem suum postea fecerunt eruditissimi quique viri, quos iam non commemoro. Non est vero ita. MAXIMINVS enim, cum in eam legationem obeundam, precibus euietus, ire constituisset, ex *Martialis*, Officiorum Magistri, & *Cbrisapbii Eunuchi*, Imperatoris consilia moderantium, voluntate, *Bigilam*, interpretem & collegam eius muneris, accepit: suo sibi demum arbitrato, PRISCVM delegit; non vt socium, sed vt comitem partim, partim consiliarium, in eo haberet, doctum, & si vsus ferret, rebus agendis idoneum. quod & ita euenit. Hæc ita sunt omnino: nisi credas, alia legatione ad ATTILAM, PRISCVM, iussu THEODOSII, fuisse defunctum. Nam id quoque, de eo relatum (n) reperio, PRISCVM, *Panitem* nostrum, THEODOSII epistolarum fuisse magistrum. quod munus, legationum capax tunc fuit omnino. Id, nunquam dedoluerit orbis eruditus, *Historiarum* PRISCI libros, dispersisse: quod, quemadmodum acciderit, facile fuerit conicere. Nimirum, ea tempora iam tum ætate PRISCI *Rhetoris*, & postea, reipublicæ litterariæ, incubuere; vt homines, male seduli, iidem vero scioli plerumque, optimos quosque scriptores, & vasta horum volumina, in compendium mitterent, & vel in suos vsus exciperent, vel aliorum, infelici hac sua opera, desidiæ velificarentur. Factum iis rebus est, vt, cum hæc istiusmodi compendia quærent, superficialii illi homines, optimi quique auctores, sensim fugerent, euanescerent, interirent, (o) damno, nunquam reparabili. quod malum, PRISCVM nobis nostrum, ante præripuit, quam eius historia in plurium manibus esse inciperet. Facinus id, eo indignius iudicaueris, quod excerptor PRISCO obtigerit, tardioris multo ingenii, quam res poscebat, & in nullam fere partem curiosi. Nam, & Chronologiæ, & Geographiæ rationes, neglectui plerumque habuit: ea sola re commendandus, quod cum PRISCO vitam inuiderit, suo quodam beneficio, nisi maleficium dicere mauis, vmbram eius ad nos transmiserit, pridem exolituram, nisi superioris ætatis, docti, & de egregio publico bene meriti viri, eidem fuissent obstetricati: quos iam iam, cum laude nominabimus. Vtinam autem, vera sint, quæ de PRISCO adhuc superstitæ, habet VOSSIVS: (p) *Viderur*, inquit, *ille, bodieque exstare. Sane, citat PRISCVM, Baptista Fulgosus, in Memorabilium libris: inque Bibliotheca Vaticana esse, auctor est Raphaël Volaterranus, Lib. XIII.*

*Antbro-*

n) Apud ROB. CONSTANTINVM, in Nomenclatore.

o) Grauitè in eam rem, ANDREAS SCHOTTVS: *Vetus ea, doctissimorum hominum, querela est, historicorum veterum, & quidem maiorum gentium, cladem, calamitatemque, non aliunde inuectam, quam ab epitomarum scriptoribus: qui, dum se compendio, & temporis, & rei familiaris, studere, lectori credulo, pollicentur, nã illi maius se dispendium facere non vident. Hinc enim factum, vt Græcis POLYBI, prudentissimi scriptoris; DIODORI atque DIONIS; de Latinis vero, F. LIVII, multo maxima pars intercurrerit: idque XIPHILINIS & FLORIS, aliisque ἀπορροισ, acceptum esse referendum: adeoque IUSTINI opera, TROGVm integrum amissum, frustra habemus expectari; cum sex M. TVLLII, de Republ. libris: nescio, in quo infelici terrarum angulo, delitescantibus. In Epist. nuncup. AVRELII VICTORIS, ad AVGERIVM BVSBEQVIVM, exlegatum Byzantinum, &c. Eadem ergo strages hæc, & PRISCVM nobis abstulit. Quid? si forte, odio ATTILAE, sicuti factum in eius laudes, MARVLI Poetæ carmen, a Latinis; ita a Græcis, PRISCI hæc commentaria exusta sunt?*

p) De historicis Græcis, p. 488.



*Anthropologiae*. Superesse etiamnum ait, in *Nomenclatore suo*, Robertus Constantinus. (q) Sed, addit, vbi hæc retulisset, ὁ πάλιν FABRICIUS: (r) Nemo fuit badænus, qui eum in lucem protulerit, vel in bibliotheca hodie supersite, legisse se, sit testatus. Nisi me fallunt omnia, imposuerunt, Fulgoso, Volaterrano, & Constantino, Fragmenta hæc PRISCI: quippe, ætate illa, nondum satis cognita. Nos certe, adeo non inuideremus, optimæ notæ scriptorem, reipublicæ litterariæ; vt festum etiam eum diem haberemus, quo ex diutinis illis tenebris, in luce publica collocaretur. Tum enim vero adpareret, quid liuor, quid odium, potuerit, in rebus ATTILAE contaminandis. Ceterum, ne id quidem silendum est; scriptoribus Christianis, recte PRISCVM, BARTHIO præeunte, a FABRICIO accenferi. de quo, iam non laboramus: quippe quod, in eadem sumus sententia.

VI. Primus omnium, PRISCVM, DAVID HOESCHELIUS, Augustanus, insignis, sua ætate, *Argentoratensis* Academiae decus, edidit, in *Eclogis, de Legationibus*, Augustæ Vindelicorum, anno MDCIII. vti legas, in Præfatione, Græcæ suæ editioni, præmissa. Quam vero id propitia factum fuerit Minerua, inde possis colligere, quod, cum Græca essent, quæ adcurauerat HOESCHELIUS, neque legi ab omnibus possent; CAROLVS CANTOCLARVS, libellorum supplicum, in aula regis Christianissimi, tunc magister, curam, studiumque suum, etiam intra confertissimas, laboriosissimi muneris, occupationes, isthuc conferre, nihil dubitauerit: vt primo quidem, sola hæc PRISCI *Fragmenta*; tum & reliqua, quæ HOESCHELIUS, luce publica donauerat, latina faceret. Quomodo in eam destinationem inductus fuerit, ipse ille, in primæ editionis præfatione, ingenue fatetur: quando, ad obiectionunculas irrequietorum hominum, respondet: *Tantumne tibi, dices! a re, & priuata, & publica, otii est, ista vt cures? ego vero ista: priuata enim non moror, publica qui possum? quis, & per quos aditus? multi quidem litterarum studiis clari, patrum nostrorum memoria, magistratum, quem gerimus, adepti, in reipublicæ administratione, floruerunt; quia reges, & qui sub regibus summæ rei præerant, virorum, doctrina præstantium, opera, in rebus, domi forisue gerendis, vti patriæ honorificum, ita sibi gloriosum esse ducebant. Sed, tota iam ista mutata ratio est. Ergo, ad se, edendi PRISCI, curam, iure optimo pertinuisse, existimabat, illustri loco positus CANTOCLARVS; maxime, cum fastidium quasi quoddam, sine litterarum consuetudine, in procurandis, publici muneris rationibus, sibi obrepere sentiret. Istius, inquit, generis negotiorum, in quibus hodie nostrum munus versari volunt, iam dudum me satietas tenet. Itaque, nuntium illis remittere cogito, & ad veteres me amicos refero. Nisi forte hi quoque nolunt, me in pristinam consuetudinem reuocare; propterea, quod eos, tamdiu deserui. Sed tamen opinor, reuocant, & quodammodo cum illis in gratiam rediisse mihi videor. Etenim, cum anno superiore, in manus meas incidissent: Εὐλογαὶ περὶ πρεσβυτέρων, eas, suasu viri ornatissimi, & mihi amantissimi, PASCALIS, regii apud Rhatos legati, percurri. In primis ex PRISCO *Excerpta*, mihi multa cogitatione digna, & quod proxime ad nostram rerum gerendarum rationem accedunt, præcipue, quantum ad legationes obeundas adtinet, continere, visa sunt. Itaque, ea latina feci. Nimirum, ita sunt comparatæ, magnæ illæ, ac liberales animæ, vt munerum publicorum, & quæ coniunctæ cum iis sunt, splendidissimarum dignitatum administrationem, vsuramque, acerbam putent ac tristem, quam non litterarum*

suau-

q) Prodiit *Parisis*, A. MDCV. 8.

r) In Bibliotheca Græca, loco cit.



suauitas permulceat: quod contra est, apud angustas, & deditas sordibus mentes. Est enim genus illud hominum, ita intempestium, durum atque ingratum; ut, cum per litteras se, ad honores, & opportunitates alias, emerfisse, intime sibi sit conscium; tamen, suæ illa felicitatis instrumenta, vel odit clam in aliis, vel qua potest, propalam insectatur. Habeant sibi, quam, ex cacoëthe eo, coeperunt, capiuntque iucunditatem: *Musis* profecto nunquam videntur propitiis: quia iratum habent *Apollinem*. Ceteroquin, intelligas ex his CANTOCLARI verbis, quid eum, ad PRISCVM, ante omnes alios, in HOESCHELII illo volumine, editos, latine interpretandum permouerit. Iam, quomodo in suo hoc labore versatus sit, audiamus: *Quod dum facerem, multo plures locos corruptos & deprauatos, quam in tam breui opusculo existimassem, offendi. quos, partim coniectura, partim diuinatione; nec enim aliud exemplar, quam excusum habebam; qua potui, restitui. Hæc me causa impulit, notas, & eas quidem perbreues, huic meæ interpretationi adicere: ut, si forte una lectio; aut interpretatio, displicuisset, pluribus propositis, minus fallerem. Quod non eo pertinet, ut quidquam de laude, quam meretur, DAVID HOESCHELIUS, cuius beneficio, hæc ad nos peruenerunt, detractum velim: immo, ego illi magnas gratias, ut debeo, habeo, & ab omnibus studiosis haberi debere, iudico. reliqua.* Hæc primæ CANTOCLARI editionis, quæ Parisiis, apud Abel L' Angelier, in prima columna Aula Palatii, A. MDCVI. ideoque triennio post, quam HOESCHELIUS sua vulgauerat, lucem adspexit, & occasio fuere, & auctoramenta. Fidem postea, quam publice fecerat, anno MDCIX. soluit CANTOCLARVS, dum iteratam editionem PRISCI, auctam eam, & *Dexippi Atheniensis; Eunapii Sardiani; Petri Patricii, Malcibi Philadelphensis, atque Menandri Protectoris, Eclogis locupletatam, procurauit, apud Petrum Cheualierium, in monte Diui Hilarii, excusam.* Totam illam opellam, RENATO & PETRO, filiis, nuncupauit: grauiter de patris, suæque honorum accessione, præfatus. FRANCISCVS, inquit, *Rex, qui Gallia barbariem profligauit, & inde MAGNI cognomen reportauit, patrem meum, auum vestrum, non pretio, non ambitu, non scorti, non alicuius nebulonis aulici, commendatione; sed, ob excimiam, tum probitatem, tum doctrinam, primum, Turonibus iuri dicundo præfecit, deinde etiam in senatum Parisiensem adlegit. Digna sunt, quæ legantur, cetera.*

VII. His, ergo, tribus editionibus, sub initium seculi decimi septimi, PRISCVS, litterato orbi cognitus, immo familiaris factus est; dum augustior eum, adolescente postea seculo, fortuna, multis modis faceret illustriorem. Neque enim, vna ei contigit accessio. Nam, HENRICVS quidem VALESIVS, vir doctissimus, post CANTOCLARI emendationes atque notas, partim in ordinem redegit, nulla temporis habita ratione, consarcinatas *Eclogas*; partim, id dedit operam, ut, quæ infelicius lecta sunt a CANTOCLARO, & in Græco textu restitueret, & correctius redderet latine, illustraretque ex historia: quæ, vtriusque summi viri diligentia, notas nobis peperit, circumtonsas eas quidem, breuesque; sed auro tamen, cedroque cariores. Hoc habitu, fuerunt PRISCI *Fragmenta*, dum benignioribus fatis, CORPVS HISTORIAE BYZANTINAE, augustali Regis Galliae impensa, adcurante PHILIPPO LABBEO, S. I. condi inciperet. Tunc enim, non in *Catalogo tantum Scriptorum Byzantinorum*, (s) ac paullo post, in *Adhæratu Historiæ Byzantinæ*, (t) cum laude PRISCVS relatus est; sed in primis dignus habitus, qui post HOESCHELII, CANTOCLARI, & VALESII castigatio-

nes,

s) Tomo I. p. 7. 8. i. n. 4.

t) Part. III. Alphabeticæ seriei script. Hist. Byzant. inibi p. 49. seq.



nes, *Primo*, tantarum molitionum, *Tomo*, *Grace & Latine*, inter *Eclogas de Legationibus*, loco quarto, quam nitidissime, excuderetur: (u) eo forte infelix, quod, ob immane, editionis eius regiae, pretium, non æque, in omnium manibus esse potuerit hucusque. Atque, hac nos quidem vñ editione, nostram istam adornauimus: quam, benignitate *Comitis IOSEPHI ESZTERHÁZII*, *Iudicis Curiae Regiae* grauissimi, ex instructissima sua bibliotheca, quod mirere, sub idem tempus accepimus communicatam, dum, *Hungaricum* exercitum, in expeditionem *Silesiacam*, A. MDCCXLIV. mensē Octobri, duceret. quod, eo exquisitoribus gratiis prosequimur; quo magis, de incomparabilis herois, erga studia nostra, voluntate, certi sumus. Nunc, paucis indicabimus, quo consilio, quaque adtentione, in tantillo hoc negotio, a nobis sit elaboratum.

VIII. FRAGMENTA nempe, PRISCI RHETORIS SOPHISTAE, nobis proposuimus, in manus ciuium nostrorum tradere, eo adparatu instructa, qui nec ieiuus sit, neque vltra modum quæsitus; sed qui tamen quomodocunque sufficiat, ad eas res ATTILAE collustrandas, quas PRISCI hæ, male truncatæ *Eclogæ*, complectuntur. Pleraque enim ea omnia, isthuc adtinent, vt *Legationes*, quas seu milit, seu accepit, ATTILA, expromantur. Hinc nobis inscriptio, editionis huius nostræ, subnata, vt, ATTILAM, MISSIS ACCEPTISQUE LEGATIONIBVS, ILLVSTREM, diceremus. Enim vero, ita existimo, id vnum sibi habuisse propositum, quisquis, funestus ille ἀμνηστὴς PRISCI fuerit, vt, siue sibi, siue aliis, ea, ex luculentissimo auctore, colligeret, quæ putabat vsui fore, legationibus, apud gentes potissimum barbaras, bono cum fructu, defuncturis. Quidquid vero hoc sit EXCERPTORVM, dedimus operam, vt notis id instrueremus, pro rerum habitu, necessariis. Fuerunt autem nobis curæ, quæ ad *Geographiam*, *Historiam*, *Chronologiam*, pertinere in primis videbantur. De textus *Græci* lectione, tunc admodum fuimus solliciti; cum nos ad eam curam, CANTOCLARVS, VALESIVS, & OTROKOCIVS, forte inuitabant, cumque spem concipiebamus, ad veritatem historicam, vel illustrandam, vel adserendam, commodi aliquid, inde demanaturum, quod ea simul fide egimus, vt non sileremus auctores, notarum, quas aliunde mutuati sumus, quantumuis tenuium. Quia porro, id nobis sumsimus elaborandum, vt vitæ priuatæ, rei familiaris, aulæ, & reipublicæ administrandæ, rationes, quas sequebatur ATTILA, propalam faceremus; ad eius ingenium, mores, instituta, & quæ huc adtinent, reliqua, animum, etiam atque etiam, aduertimus; gratiam odiumue, eo diligentius deuitantes, quo magis, vtrisque, res ATTILAE, nunc depressas nimio opere, nunc in cælum, laudibus sublata, ab auctoribus, meminimus. Neque tamen nobis temperare potuimus, quin, quæ erant in ATTILA, vel laudanda, vel vituperanda, pro eo, ac merebantur, haberemus: fore tamen confidimus, vt, siue ciues nostri, siue exteri, mitius impofterum de ATTILA iudicent, & obtritas eius, odio & inuidia, laudes, ex æquo recolant impofterum, suspiciant, prædicent. Indolis atque morum, & quæ hinc manauit, institutorum, inter *Hunnos*, & *Hungaros*, similitudinem, tunc notauimus, cum, & occasio, & res ipsa, id vt faceremus, persuadebant. Fuit porro animus, de *Regia ATTILAE*, quam describit PRISCVS, professæ opera edisserendi: maxime, quod male eam, in *Iász-Biriny*, collocat, sedulus alioquin coniectator, OTROKOCIVS; sed, quod, quantulacunque diligentia hæc, propter operarum typographicarum festinationem, præcipitanda fuisset; alii

)( ( 2

enim

u) Tomo I. p. 33. ad p. 76. *Parisis* An. MDCXLVIII. charta augusta. *Venera* certe, superiorum annorum, *Corporis Byzantini* editio, cum regia illa comparari haud meretur; siue adcuratorem, nitoremque typorum; siue adparatum reliquum, spectes: vt taceamus cetera, & quæ secum coniiciet lector.



enim tempori, adseruauimus consulto. Quia præpterea, hæ eædem ex PRISCO *Eclogæ*, scopæ dissolutæ, & nullo spariæ ordine, doctis semper sunt habitæ; id dedimus operam, vt *Hodegum* præmitteremus, ad ductum notatum HENRICI VALESII, legendis, ex ordine, rebus vtilem; subiungeremus præterea *Chronotaxin*, quo singula, quæ hic continentur, in suos, haud difficulter annos, reponi possint. Quam vtramque operam eruditam, lubens ac promptus, CL. noster IOH. TOMKA SZASZKY, nobis, immo publico, accommodauit: eidem propterea in acceptis ferendam. Vale, *Studiosè rerum Hungaricarum* LECTOR, & nostris conatibus, bene precatus, his, quæ nunc in manus TIBI traduntur, in rem TVAM vtere, fruiere, feliciter. PISONII, ex Museo suburbano. Anno MDCCXLV. D. XII. Maii.



## H O D E G U S, AD PRISCI RHETORIS ECLOGAS, Ordine, quo se res inuicem excipiunt, legendas.

- C**VM ROVA, Hunnorum rex, statuisset, cum *Amalsfris*, bello decertare, cer. Cap. II. §. I. p. 24. .  
 contra *Sorofgos*, bellum communibus opibus & viribus mouerunt. §. II. p. 26.  
 II. SCYTHAR, quo tempore, mercatus *Scytharum* & *Romanorum*, frequenti multitudo celebrabatur. cer. Cap. I. §. I. p. 1. . . . . ATILAS, cer. in *Razariam*, urbem magnam, & populi multitudine abundantem, irruptionem fecit. §. II. p. 2.  
 III. THEODOSIVS misit *Senatorem*, virum consularem, ad ATTILAM, cer. Cap. II. §. III. p. 26.  
 . . . in qua, *Theodulus dux*, commorabatur. l. c. p. 27.  
 IV. Post *Cherfonsensem* pugnam, *Romani*, cum *Hunnis*, pacem, per *Anatolium* legatum, fecerunt, cer. Cap. I. §. II. med. p. 3. . . . . Imperatore autem, & *Martialio*, de tota re consultantibus, placuit, non solum *Bigilam*; sed & *Maximinum*, legatos mittere ad ATTILAM. §. III. fin. p. 10.  
 V. *Chrysaphius* Eunuchus suasisit *Edeconi*, ATTILAM de medio tollere. cer. Cap. II. §. IV. p. 27.  
 . . . Misit etiam ATTILAS, *Orestem* & *Eslam*, *Constantinopolim*. Cap. II. §. XXIII. fin. p. 74.  
 VI. *Bigila*, insidiarum, in ATTILAM, manifeste conuicto, extemplo *Orestem* & *Eslam* *Constantinopolim* misit. cer. Cap. I. §. IV. p. 11. . . . . Sed THEODOSIVS, iracundiam suam palam fecit, cum bona puellæ, in publicum redegit. §. IV. fin. p. 12.  
 VII. Hinc ATTILAS, illinc *Zeno*, *Chrysaphium*, ad pœnam deposcebant. cer. Cap. II. §. XXIV. p. 74. THEODOSIVM, nouus timor occupauit, ne *Zeno*, tyrannidem invaderet. §. XXV. fin. p. 77.  
 VIII. Cum primum ATTILAE nuntiatum est, *Martianum*, post *Theodosii* mortem, ad imperium peruenisse. cer. Cap. I. §. V. p. 12. . . . . At, *Romani Hesperii*, in prima sententia perstiterunt, & ATTILAE mandata reiecerunt. §. V. med. p. 13.  
 IX. Cum ATTILAS, tributum, cum THEODOSIO conuentum, peteret. cer. Cap. II. §. XXVI. initio. p. 77. sin minus, quæ eriperent, spolia potius, quam munera, censi debere. §. eod. fin. p. 78.  
 X. ATTILAS, vastata *Italia*, ad sua se retulit. cer. Cap. I. §. V. fin. §. VI. p. 13. . . . . postquam vero, de eius obitu, barbaris nuntiatum est: vi obfides eripuerunt, & regionem excursionibus vastarunt. §. VI. p. 15.  
 XI. MARTIANVS, *Romanorum* orientalium imperator, ad *Genferichum* legatos misit. cer. Cap. II. §. XXVII. init. p. 78. & *Parthorum* quidem monarcha, quia bellum illi erat cum *Hunnis*, quos *Gidaritas* vocabant, *Lazos*, ad se confugientes, reiecit. §. eod. fin. p. 79.  
 XII. GORAZES, legatos misit ad *Romanos*. cer. Cap. I. §. VII. p. 15. . . . . quod vbi obtinere non potuit, *Maurusiorum* terram, igni ferroque vastauit, &, quacunque ratione potuit, adflixit, & aquas infecit. §. VIII. med. p. 16.  
 XIII. GENSERICHVS, cum non amplius fœderibus, cum *Maioriano* pactis, stare constituisset. cer. Cap. II. §. XXXVIII. p. 79. *Olibrium*, ad imperium occidentis prouehere, propter adfinitatem ex nuptiis, cogitaret. §. eod. fin. p. 80.  
 XIV. *Romanis* occidentalibus, in suspicionem venit *Marcellinus*. cer. Cap. I. §. VIII. med. p. 16. . . . . Ad *Persas* vero, *Constantius*, tertium Consul, & ad consulatus, patriciatus quoque honorem sortitus. §. X. init. p. 19.  
 XV. Sub LEONE, *Romanorum* Imperatore, legatus pro *Italis*, ad *Vandalos* profectus est, *Tarianus*. cer. Cap. II. §. XXIX. p. 80. quod iuuenes *Romani* fœdera transgressi essent. §. eod. fin. p. 83.  
 XVI. Post incendium ciuitatis, quod accidit sub LEONE. cer. Cap. I. §. X. sub init. p. 19. . . . . nam illi, res *Siculæ* longe maiori curæ erant. §. XIV. fin. p. 24.





EX HISTORIA  
PRISCI RHETORIS  
EXCERPTA.  
CAPVT I.



CYTHAE, (a) quo tempore mercatus (b) *Scytharum*, & *Romanorum*, frequenti multitudine, celebrabatur, *Romanos* cum exercitu sunt adorti, & multos occiderunt. *Romani* ad *Scythas* miserunt, qui de praesidii expugnatione (c) & foederum contemptu, cum eis postularent. Hi vero, se non ultro bellum inferentes; sed factas iniurias vlciſcentes, hæc feciſſe, responderunt. *Margi* (d) enim *Episcopum*, in suos fines transgreſſum, Regum suorum loculos, & reconditos thesauros indagatum, expilaſſe. Hunc, niſi dederent, vna cum transfugis, vt foederibus conuenerat, (eſſe enim apud eos plures) bellum illaturos. Quæ, cum *Romani* vera eſſe negarent; barbari vero, in eorum, quæ dicebant, fide perſtarent, iudicium quidem de his, quæ in contentione poſita erant, ſubire, minime voluerunt; ſed ad bellum conuerſi ſunt. Itaque, tranſmiſſo *Iſtro*, oppidis, & caſtellis ad ripam ſitis, plurima damna intule-

A

a) *Hvnnos* intelligit, & qui in horum erant obſequio, *Scythas Minores*, vltra *Iſtrum*, & circa *Pontum* colentes. Illud doleas, ſiue *PRISCVM*, ſcriptorem alioquin non negligentem, ſiue huius expilatorem, neglexiſſe chronologiæ rationes. Quare factum eſt, vt circa iſtiusmodi ἀποσπομαρία, ignaros relinqueret lectores, in quos ſingula annos ſint reponenda. Ad ordinem historiæ ſeruandum, præmittenda eſt ante omnia, legatio illa *Rvæ*, quæ infra habetur, initio Excerptorum, ex *PRISCI RHETORIS Gothica Historia*, ſeu Cap. II. §. I. & II. Nam, *Margus*, & *Viminacium*, poſt obitum *Rvæ*, ab *Attila* capta ſunt, vt docet Cap. II. §. XIV. *HENRICVS VALESIVS*.

b) Antiquo foedere, inter *Romanos* & *Scythas* cautum erat, vt *Romani* certo tempore, ad ripam *Iſtri*, mercatus haberent, vnde *Scythis* deſumendi ea, quibus ſibi opus eſſet, facultas foret. *CANTOCLARVS*. Atque, hoc quidem ius nundinarum, fruſtra a *Romanis*, poſt fata patris, requirebant filii *ATTILAE*, *Dengiſach*, & *Imach*: vnde, diſſidii inter eos initia. Vide infra §. XI.

c) Quod illud fuerit præſidium, tacet *PRISCVS*: neque nos diuinare poterimus.

d) *MARGVS*, vrbs ad *Danubium* ſita, in *Illyrico Myſorum*, inquit *PRISCVS*. *EV-TROPIVS* & *EVSEBIVS*, *Murgum* vocant: & *Iulianus*, in encomio *Constantii*; ſi tamen *Iuliano* illud adſcribi debet. *Cantoclarus*. Vide infra, Cap. II. §. I. not. g. Et *CHRIST, CELLARIVM*, *Notit. Orb. Antiq. Lib. III. Cap. VI. p. 574.*

*Decadis II. Monumentum I.*



tulerunt, & inter cetera, *Viminacium*, (e) quæ Myſorum vrbs eſt in Illyrico, (f) ceperunt. His geſtis, cum multi in ſermonibus dictarent: *Episcopum dedi oportere, ne vnius hominis cauſſa, vniuerſa Romanorum reſpublica, belli periculum ſuſtineret*; ille, ſe deditum iri ſuſpicatus, clam omnibus, ciuitatem incolentibus, ad hoſtes effugit, & urbem traditurum, ſi ſibi *Scytharum* Reges, liberalitate ſua conſulerent, pollicitus eſt. Ad ea, cum beneficium, omni ratione repenſuros, promitterent, ſi rem ad exitum perduceret, datis dextris, & dictis, iureiurando vtrinque præſtito, firmatis, *Episcopus*, cum magna barbarorum multitudine, in fines *Romanorum* eſt reuerſus. Eam multitudinem, cum ex aduerſo ripæ, in inſidiis collocaret, nocte, dato ſigno, exſiliit, & urbem, (g) inimicorum ditionis, poteſtatisque fecit. Et ab eo tempore, barbarorum res, in diem auctiores, melioresque (h) fuerunt.

§. II.

Sub THEODOSIO iuniore Imperatore, ATTILAS, (i) Hunnorum Rex, delectum ex ſuis habuit, & litteras ad Imperatorem ſcripſit, de exſulibus, & de tributis; exſules, vt quicumque occasione huius belli, redditus non eſſent, quam citiſſime ad ſe remitterentur. Quantum ad tributa, vt eorum proximæ deſcriptionis gratia, legati, de his ſecum acturi, ad ſe venirent, ne, ſi cunctarentur, *Scythæ* in bellum prorumperent. Nec enim iam, etiamſi velit, in ſua poteſtate eſſe, *Scytharum* multitudinem diutius continere. His litteris lectis, Imperator, nequaquam eos ex *Scythis*, qui ad ſe confugiſſent, traditurum dixit. Sed vna cum illis, in animo ſibi eſſe, belli euentum exſpectare; ceterum, ſe legatos miſſurum, controuerſias dirempturos. Ea, ſicuti *Romani* decreuerant, vbi *Attilas* reſciuit, ira commotus, *Romanorum* fines vaſtauit, & caſtellis quibusdam dirutis, in *Ratiariam*, (k) urbem magnam, & populi multitudine abund-

e) VIMINACIUM, oppidum, ad Danubium, in Myſia inferiore poſitum. In eo oppido SEVERVS, filium maiorem, adpoſito *Aurelii Antonii* nomine, Cæſarem adpellauit, inquit SPARTIANVS. Multa exſtant Imperatorum reſcripta, *Viminacii* data, l. 16. de furtis & ſer. c. l. 24. c. ſid. c. l. ad leg. Fal. *Cantoclarus*.

f) Latius hic ſumitur *Illyrici* vocabulum, complectiturque omnes eas regiones, quæ ſunt longe lateque, inter *Adriaticum*, & *Danubium*, diſfuſæ.

g) MARGVM fuiſſe palam eſt, ſedem Episcopi tranſfugæ: quippe, aduerſa ripa *Iſtri*, intra confluentem *Margi*, amnis cognominis, *Hunnis* obiacentem.

h) Gentium puta, *Scythicarum*, cum veris *Hunnis* permixtarum: hi enim rerum ſoli iam potiebantur.

i) In Græco ſcribitur: ΑΤΤΗΛΑΣ. *Hungari* ſcribimus, *Atilla*, vno t. eliſo. OTROKOSIVS, loco eius, adſpirationem b. adlūmit. Vide Originum *Hungar.* Partem I. Cap. IV. p. 103. Qua de re, egimus profeſſa opera, DECADE I. Mon. III. in Calani ATTILA, Cap. IV. p. 94. not. f.

k) RATIARIA, vrbs ad *Danubium* ſita, non longe a montibus *Thraciæ* diſtans. PTOLEMAEVS, Παριαρία Μοσών. Vide Itinerarium *Anton.* & Not. Imp. Exſtant edita hic reſcripta, l. 8. C. *Communia de Succell.* & pleraque alia. Hinc, nexu continuo, lege, infra, Cap. II. §. III. *Theodoſius miſit Senatorem*, reliqua. Ceterum, ſitum peninſulæ, habitumque, dabit, inter ceteros, AGATHIAS, lib. V. vbi bellum poſterior Hunniacum deſcribit. Pugna (\*) vero, ad *Cherſoneſum Thracicam*, ductu *Bledæ*, contraeunte *Iohanne*, duce *Romanorum*, commiſſa eſt: ſicuti, eodem fere tempore, *Attila*, ad *Martianopolim* *Mœſiæ*, acri prælio, cum *Arnegiſla*, decertauit. Bello, vtrobique inferiores *Romani*, pacem hanc, cuius meminit PRISCVS, cum *Hunnis*, pepigerunt; legibus, vti palam eſt, haud pro dignitate *Conſtantinopolitanorum*, ſacra-



abundantem, irruptionem fecit. Post Cberfonensem (\*) pugnam, Romani, cum Hunnis, pacem per Anatolium, (l) legatum, fecerunt, & in has condiciones conuenerunt. Profugos Hunnis reddi; sex mille auri libras, pro prateritis stipendiis, solui; duo mille & centum, in posterum singulis annis, tributi nomine, pendi; pro vno quoque captiuo Romano, qui in Romanorum fines, non soluto redemptionis pretio, euasisset, duodecim aureorum multam inferri; qua si non solueretur, qui captiuum recepisset, restituere teneri; Romanos, neminem ex barbaris ad se confugientem, admittere. In has quidem foederum leges, Romani sponte consentisse, videri volebant: sed certe, necessitate coacti. Superante enim metu, qui Romanorum ducum mentes occupauerat, quantumuis duras, & iniquas condiciones sibi impositas, (quo pacis consequendae (m) studio tenebantur) lubentibus animis susceperunt. Immo, & tributi collationi cesserunt, quod illis fuit grauissimum, & maxime molestum. Regii enim thesauri, & priuatorum facultata-

A 2

tam. Consule, CAROLI SIGONII, Tom. I. edit. Mediol. de Occident. Imper. Lib. XIII. p. 466. not. 3.) Bellum istud, anno CCCCXLI. sequenti, ab Attila & Bleda fratribus, gestum, apud eundem obserues.

l) ANATOLIUM hunc, saepius memorabit noster. In huius comitatu, Bigilas, nequam ille, insidiarum in Attilam postea structor, siue interpres, siue legationis socius, versabatur: Attilae ipsi, ea occasione, cognitus.

m) Longi subfellii iudicatio est; ferrone, an auro, pax concilietur honestius? IVLIANVS Imperator, forti animo dicere solebat: *Bellicosum & vigilantem Imperatorem, ferrum habere, non aurum*; teste AMMIANO Marcellino, Lib. XXV. Cap. VI. p. 333. qua eadem animositate fretus, tributum Saracenis negauit: vti IUSTINVS Iunior, *Auaribus & Persis*, in Historia Miscell. Lib. XVI. IUSTINVS, *pacem dissoluit, adserens, opprobrium esse, Persis soluere tributa Romanos*. De Auaribus CORIPPVS, Lib. III.

*Lituosque mihi campumque minatur  
Gens Auarum, ni pacta damus? Terrore putatis  
Id nostrum fecisse patrem? miseratus, egenis  
Et profugis, quod dona dedit? Pietate regendi  
Hoc facimus! gratisque dari prouisa iubemus.*

Aliter, Imperatorum alii fecere. HADRIANVS, a multis Regibus pacem redemit: inquit SPARTIANVS. GALLVS Imper. Scythas, post Philippolim captam, stragesque innumeras, e finibus, hoc pacto potius, quam armis, expellere maluit, ZOSIMVS Lib. I. Et vt domestica recentiaque exempla recolamus: FERDINANDVS I. Hung. Rex, cum arma non sufficerent, auro & donis, aduersus Turcas, rem gessit, primusque tributum pependit, genti iniquissimae. Quod nescio, dolentiusne queratur, an excuset aequius ISTVÁNY, Lib. XXI. p. 422., 44. Desinant ergo sugillare IOHANNEM R. quasi primum eius rei auctorem, scriptores exteri. Animose Hieronymus Lasky, IOHANNIS, apud Solymannum legatus, tributum poscentibus Turcis, negauit. Vide Arcanam Legationis Histor. in Adparatus huius nostri, Decade I. Monum. IV. p. 165. seqq. Grauiissimae eius, apud Solymanni administratos, testificationes fuisse: De tributo, inquit, p. 169. iam saepius esse silendum dixi; nam Serenissimus Dominus meus Rex, non solum, nunc inimico suo; sed agazoni suo, citius regno cederet, quam illud, vobis redderet tributarium. Iterum p. 171. Dixi multoties, vos nullum a nobis tributum habituros. Denique, pag. sequenti: De tributo non cogitetis: quia frustra ex lana securim cuditis. Quidquid eius sit, scitum atque prudens, Regis THODERICI, dictum est: Quid interest, auro, an ferro, aduersariorum animos inclinemus? obtulisse, quod mentes capiat hosti, vicisse est: occuluisse, superari. Apud ENNODIVM Episc. Ticinus in vita Epiphanii, p. 399. Conf. notas, ad AMMIANI MARCELLINI, Lib. XXV. Cap. VI. p. 333.



cultates, in absurda (n) spectacula, in varios honorum ambitus, & titulos, in delicias, & voluptates, consumptæ fuerant, tam profusis sumptibus, ut eos nemo sanæ mentis, vel in maxime affluentibus diuitiarum copiis, sustineret, aut toleraret. Præterea, (o) armorum, & rei militaris studium neglexerant, ut non solum *Scythis*; sed & reliquis barbaris, qui proximas imperii Romani regiones incolebant, quoad tributorum pensitationem, parerent. Itaque, tributa & pecunias, quas ad *Hunnos* deferri oportebat, quibus exactio mandata erat, omnes conferre coegerunt: nulla etiam eorum immunitatis habita ratione, qui terræ onere, (p) tanquam nimis graui, ad tempus, seu Imperatorum benignitate, seu iudicum sententia, leuati erant. Conferebant etiam aurum indictum, qui altius repetita temporum memoria, in senatum adscripti fuerant, (q) ultra quam facultates ferre poterant, & multis, (r) splendida, & illustris fortuna, vitæ commutationem adtulit. Conficiebantur (s) enim illæ pecuniæ, cum acerbitate, & contumelia, pro arbitrio, & ut scripto vnumquemque adnotauerant, quibus huius rei cura, ab Imperatore erat demandata. Ex quo, qui antiquas, & a maioribus acceptas diuitias possidebant, mundum vxorum, & pretiosam suam supellectilem, in foro, palam, & publice, venum exponebant. Ab hoc bello, tam atrox, & acerba calamitas Romanos excepit, ut multi sibi violentas manus adtulerint, aut aptato collo laqueo, vitam finierint. Tunc igitur, paruo temporis momento, reclusis & effusis

n) Hi morbi, hæc *συμπύματα*, imperiorum, regnorum, & rerum publicarum, ruinam atque interitum, passim præcessere. Recordabere, Lector *Hungare*! quæ præluserint, LUDOVICI II. & cum eo, occasui vniuersæ *Hungariæ*, & fatebere, quod res est. Lege, ISTVÁNFII querelas, Lib. VI. p. 85. 25. & præfationem, quam M. THYRÓTZII Chron. Hung. præmisit, IACOBVS BONGARSIVS, Regis Christianissimi, ad Remp. *Argentinensem*, sua ætate, legatus: in hac vero, *Herbersteinii* querelam, haud vniquam satis dedolendam.

o) Nempe, sic itur *ab equis ad asinos*. Enim vero, imperia, armis quæsitæ constitutaque, male defensantur desidia, & molli orio.

p) Hunc locum, inquit in notis *Valesius*, fusius explicauit, in Adnotationibus, ad Lib. XIX. AMMIANI Marcellini, p. 167. Vbi de census *Relevatione* assatim dixi. Græci *Κάσιον* vocant. Sic *Theodoretus*, in epist. 43. & 47. Et vetus inscriptio apud *Gruterum*, p. 116. Ceterum, hæc *Releuatio*, aut Principum beneficio concedebatur, aut iudicum sententia, ut ait *Priscus*. Iudices autem intelligo, *peræquatores*, aut *censores*, qui ad inspiciendos, ac releuandos prouincialium census, a principe mittebantur. Hæc ille. Tu vero, mirere lector! hanc tantam, siue *Hunorum* potentiam; siue desidiæ *Romanorum*, atque angustos animos.

q) Emendat *Cantoclarum* versionem *Valesius*, & loco: *Ultra quam facultates ferre poterant*; reponit: *Conferre autem cogebantur Senatores certum auri pondus, in præmium suæ dignitatis*: non vero, in modum facultatum. Tributi hoc genus, AMMIANVS MARCELLINVS, *Coronarium indultum*, vocat, Lib. XXV. Cap. IV. p. 328. ad quem locum LINDENBROGIVS: *Aurum Coronarium est, quod a victis gentibus datur, propter concessam vitam &c.* Lege & *Valesii* prolixam notam ibid. Ergo, eodem iure, cum *Constantinopolitanis* egere *Hunni*, tanquam victis donassent vitam, quando tributum ab iis recipiebant, auro coronario simile. Ceterum, de *Auro Coronario*, confer, si lubet, CICERONEM, oratione in Pison. Cap. XXV. & notam num. 45. edit. *Verburgii*. SERVIVM, *Aeneid.* Lib. VIII. Lib. IV. Cod. THEOD. de *Auro Coron.* & XII. Tit. XIII. quem lege.

r) Possunt etiam Græca sic reddi: *Multi splendidam & illustrem fortunam, misera commutarunt.* Quemadmodum emendauit ipse *Cantoclarus*. Retinet, priorem lectionem, *Valesius*.

s) Mutatis passim personis, eadem luditur, & hac tempestate, fabula.



effusis thesauris, aurum, & exsules (nam *Scotta*, (t) qui susciperet, aduenerat) ad *Scythas* (u) missi sunt; Romani vero, multos ex profugis, qui de di reluctabantur, trucidarunt, inter quos & præfectum *Scytharum*, regii generis, qui militare sub *Attila* renuerant, & Romanis se adiunxerant. His quoque pacis conditionibus exsequendis, *Attilas* operam nauauit, & *Acinbuntios* (x) interpellauit, ut captiuos, quos penes se habebant, siue Romanos, siue barbaros, redderent. Est autem *Acinthus* oppidum validum, non multum ab *Illyrico* (y) distans, quod parti *Thraciæ* adiacet, cuius incolæ, grauius damnis inimicos adfecerunt. Non illi quidem se murorum ambitu tuebantur, sed extra propugnacula, manus conferebant, contra infinitam *Scytharum* multitudinem, & duces magni apud eos nominis, & existimationis. Itaque, *Hunni* dilabi, & ab oppido quam longissime recedere. Palantibus enim *Scythis*, & a suis longius aberrantibus, si quando eos exisse, & prædas ex *Romanis* egisse, exploratores denuntiabant, inopinantibus aderant, & parata ab eis spolia, sibi vindicabant. Et illi quidem ab hostibus, multitudine vincebantur; sed robore & virtute præstantiores erant. Itaque, *Acinbuntii*, plurimos ex *Scythis* in hoc bello, (z) necauerunt, & multos Romanorum in libertatem adseruerunt, nec ideo minus transfugas recipere destiterunt. Quamobrem *Attilas*, se exercitum non ante deportaturum, aut fœderis conditiones ratas habiturum, professus est, quam captiui *Romani*, qui ad *Acinbuntios* peruenissent, redderentur, aut pro his multa conuenta solueretur, & liberarentur abducti in seruitutem barbari. Quæ contra ea differeret, non habebat *Anatolius* legatus, (a) neque *Theodullus*, præfidiariorum *Thraciæ* militum, dux & præfectus. Nec enim *Acinbuntii*, illorum mandatis obsequebantur, quan-

B

quan-

t) *SCOTTA*, in Græco *Σκόττα*, quis fuerit, quoque loco ab *Attila* habitus, vide infra, Cap. II. §. V. not. f) & §. VII. not. d)

u) *Scytharum* nomine, *Hunos* vocat auctor, atque id frequenter facit postea, ac fere semper. quod monendum fuit.

x) Locus est corruptus. Duo oppida, a *Ptolemæo*, *Antonino*, *Ammiano*, & auctore *Not. Provinc. Imperii Rom.* recensentur, in *Pannonia inferiore*, ad *Danubium*. Prius est, *Acumincuna*, quod & *Acumincum*. De eo *AMMIANVS* Lib. XIX. Secundum, *Acinthus*, de quo *AMMIANVS*, Lib. XXX. & *SIDONIUS*, in *Panegyrico* ad *Maiores*.

*Qua Martia pollet Acinthus.*

Itaque, cum nullum oppidum sit in *Pannoniis*, quod *Assenus* vocetur, hic legendum videtur, *Αἰνθός* & *Αἰνθῆσις*; aut *Αἰνθύνες* & *Αἰνθύνσις*: prius tamen malim. Cum enim *SIDONIUS*, *Mariam Acinthus* vocet, qui erat horum temporum æqualis, adductor, ut si existimem, alludere ad ea, quæ hic narrantur. *CANTOCLARVS*. Vide *IO. SAVARONIS* notas, ad *SIDONII* Car. V. p. 42, 127.

y) Istud vero est, quod me adducit, ut *Acinthus*, non in *Pannoniis*, quærendum existimem; sed in *Illyrici* & *Thraciæ* confinio.

z) Satis adparet, bellum hoc auspiciis *ATTILAE*, gestum ante esse, quam, *Germaniam*, *Italiam*, *Galliamque*, infestis armis inuasisset. Hæc enim consilia, posteaquam pacem cum *Romanis*, quomodocunque confocillasset, tunc cepit, cum in biuio destinationum esset, orientine, an occidenti bellum inferendum esset, fructu maiore? Vide Capite hoc I. §. V.

a) Ad hunc *Anatolium*, missus ab *ATTILA* fuerat *Bigilas*, ut coniuncta opera, per-mouerent *Acinbuntios*, captiuos Romanos, ad se transfugientes, uti redderent. Quam suam operam, extollit *Bigilas*, ac fere exprobrat *Attila*, Cap. II. §. VII. nota b.)



quantumvis rationi consentanea ob oculos ponerent. *Barbarus* (b) autem recenti victoria elatus, & ferus, prompte ad arma ferebatur. Romani contra, propter recens acceptam cladem, animis ceciderant. Nihilominus tamen *Acinbuntiis* per litteras significarunt, ut *Romanos* captiuos, quoscumque nacti essent, restituerent, aut, pro vnoquoque captiuo, duodecim (c) aureos penderent, & *Hunnos* captiuos liberarent. Quibus litteris lectis, Romanos, qui ad se confugissent, liberos abire fuisse; Scythas vero, quotquot in eorum manus venissent, trucidasse, responderunt. Duos tantum captiuos habere, propterea, quod hostes, dum in obsidione fuerunt, in insidiis collocati, nonnullos ex iuuenibus, qui ante munitiones greges pascebant, rapuerunt, quos nisi reciperent, captiuos, iure belli, sibi acquisitos, minime restitutos. Hæc renuntiarunt, qui ab *Acinbuntiis* venerunt. Quibus auditis, *Scytharum* Regi, (d) & *Romanis* principibus, placuit exquiri iuuenes, quos *Acinbuntii* raptos esse, querebantur. Sed nemine reperto, *Barbari*, ab *Acinbuntiis* capti, sunt dimissi: prius tamen fide a *Scythis* accepta; nullos *Acinbuntios* captiuitati mancipatos, penes se habere. Iurauerunt etiam *Acinbuntii*, Romanos, qui ad se effugissent, libertate donasse, quamuis adhuc multos in sua potestate haberent. Nec enim sibi perierasse (e) videbantur, modo suos a barbarorum seruitute saluos, & incolumes præstarent.

## §. III.

Pace facta, *Attilas*, rursus legatos ad *Romanos* orientales mittit, qui trans fugas repeterent. At illi, legatos perquam humaniter exceperunt, & plurimis donis ornatos, cum nullos perfugas apud se esse asseuerassent, dimiserunt. Misi & iterum *Attilas* alios legatos, quibus quoque amplis muneribus ditatis; tertia ab eo, post illam; itidem quarta legatio, aduenit. Ille enim *Romanorum* liberalitatem, qua utebantur, veriti, ut a foederibus barbari discederent, ludibrio habens, (a) nouas subinde causas fingebat, & vanas occasiones, legatorum mittendorum, excogitabat, & ad suos necessarios, quos liberalitate complecti volebat, eas legationes deferabat. *Romani* vero, in omnibus *Attila* dicto audientes erant, & quæ præcipiebat, DOMINI iussa, ducebant. Non solum enim a bello, contra eum suscipiendo, eorum rationes abhorrebant; sed & *Parthos*, (b) qui bellum apparabant; & *Vandalos*, (c) qui maritimas

oras

b) ATTILAM, more loquendi *Romano*, intelligit; sicuti frequenter, barbarorum vocabulo, *Hunnos*.

c) Ita, pacis legibus, quas nunc recitauit *Priscus*, definitum fuerat.

d) Attilæ nimirum, quem ei titulum *Romani*, dubium volunt facere C. II. §. XVIII.

e) Satis, ad dolum fuit, religionem contemnerauisse, ut suis consulerent.

a) Hos videlicet fructus, foecordiae suæ, mesuere *Romani* orientales. At, pessime egit ATTILA, quod sancto legationis obtentu usus, exinaniebat *Constantinopolitanorum* thesauros. Visus id tamen est fecisse, ex prouerbi illius *Hungarici*, quod iam tum fortasse usu terebatur, præscripto: *A' ki bol bizik, ott bizik*. Ac si dicas: *Vbi quis reperit saginam, isthic eam quaeritat sepius*. Vel, ut cum Cicerone loquar: *Bestiæ, fame domitæ, ad eum locum, vbi pastæ aliquando sunt, reuertuntur*. In *Cluentiana*. Scite, eum locum, in rem suam vertit, *AMMIANVS*, Lib. XIV. Cap. II. p. 7. Vbi tamen, paullo aliter verba eadem legas.

b) Nota gens *Parthi*, veterum *Scytharum* propago, uti est apud *Iustinum*.

c) Irrequieti populi, & qui, iam tum, quaquaversum per regiones sparsi, sedes ponebant violentas: imperiis regnisque, non modo terribiles facti, sed & perniciosi. *Procopius*, de bello *Vandalico*.



oras vexabant; & *Isauros*, (d) qui prædis, & rapinis grassabantur; & *Saracenos*, (e) qui regiones ad orientem, excursionibus vastabant, metuebant. Præterea, gentes *Æthiopum* (f) in armis erant, & defectionis consilia agitant. Itaque, *Romani* animis fracti, *Attilam* colebant, tantisper, dum exercitus comparabant, & duces fortiebantur. *Edecon* (g) vir Scythæ, qui maximas res in bello gesserat, venit iterum legatus, cum *Oreste*. (h) Hic, genere Romanus, *Paoniam* (i) regionem, ad *Saum* sitam, incolebat, quæ ex fœdere inito cum *Ætio*, Romanorum occidentalium duce, barbaro (k) parebat. Itaque *Edecon* in palatium admissus, Imperatori litteras *Attilæ* reddidit; in quibus, de transfugis non redditis, querebatur, qui, nisi redderentur, & *Romani*, a colenda terra abstinere; quam bello captam, suæ ditioni adiecerat, ad arma iturum minabatur. Ea vero, secundum  *Istrum*, (l) a *Paonibus*, ad *Novas* usque *Thraciæ*, (m) in longitudinem extendebatur. Latitudo (n) autem erat quindecim dierum itinere. Neque vero forum celebrari, ut olim, ad ri-

B 2

pam

d) *Isauri*, gens fuit *Asiæ* minoris: regio, ad *Taurum*, montem *Ciliciæ*, proxima. Olim, a *SERVILIO* Isaurico, qui inde nomen tulit, sub *Romanorum* potestate missi: postea, labascente imperio Romano subinde hostes. De iis *AMMIANVS* passim, Lib. XIV. Cap. II. seq. Lib. XXVII. Cap. IX.

e) *SARACENI*, latrocinans & vaga natio, ex *Arabia* progressa. Quæ diu, sine certo lare, prædas sectata, multum, *Romanorum* orientalium res, adflixit, ac semel iterumque in fœdus admissa, resiliabat subinde, latrocinatura, quasi postimino, multo, quam ante, licentiosius. Hinc *AMMIANI*, de iis, sententia: *SARACENI, nec amici nobis unquam, nec hostes optandi, ultro citroque discursantes, quidquid inueniri poterat, momento temporis parui vastabant, miluorum rapacium similes: qui, si prædam dispexerint celsius, volatu rapiunt celeri, aut, nisi impetrauerint, non immorantur.* Lib. XIV. Cap. V. p. 11. 12. De eorum origine, idem Lib. XXIII. Cap. VI. p. 284. & passim. Postea, in *Turcarum* nomen transierunt; ac denique, *Constantinopolitanorum* imperatorum desidia, imperio orientali potiti sunt.

f) De his, vide infra §. VI. & quas illic adpersimus, notas, curate relege.

g) Illustre hoc nomen, sæpius recognoscemus Capite II.

h) *ORESTES*, quam tota hac legatione nauarit operam, Capite II. adparebit. Illic, *Tmemate* VIII. eius *χαράτρηα*, & §. XII. parentes legas, & matrimonium.

i) Ita Græcis, *Pannoniam*, dici monuimus, *DECADE* priori, *Monumento* IX. §. XX. p. 404. nota q.) Vbi & disputauimus, an recte?

k) Iam tum ergo *ATTILA*, *Pannoniis* dominabatur, atque id quidem ex pacis potius, quam belli legibus.

l) Quadrant hi situs, in *Mæsiæ* vtramque: quippe quæ, ea ætate, uti constat eruditis, ab inferioris *Pannoniæ* limitibus, usque ad *Thraciam*, decurrebat. Posterioribus temporibus, mutarunt *Mæsiæ* vocabulum: ut superior hæc, *Sirbia*, vel vulgatus *Seruiæ*; inferior illa, *Bulgaria*, dicatur. quæ vocabula, hodieque obtinent.

m) *NOVÆ*, *Mæsiæ* inferioris vrbs, apud *Ptolemæum* & *Antoninum*: quomodo & liber *Notit.* vbi vrbs *secundæ Mæsiæ* dicitur. Nam, & sic discriminabantur *Mæsiæ*, ut prima nuncuparetur superior; inferior *secunda*. *Novensis* ciuitas vocatur *MARCELLINO Comiti*. Ceterum, *Novas*, sub dispositione ducis *Mæsiæ*, non *Thraciæ*, esse ait *Notit. Prouinc.* Neque *Novas*, in *Thracia* legere memini. Non longe tamen *Novas* abesse, ab *Aemoniæ* parte, *Iornandes* tradit. Quid? si *ὁρὴν τῶν θεγαῖων* legas, usque ad fines, aut ad montes *Thraciæ*, *ATTILÆ* ditionem, porrectam fuisse? *Cantoclarus*. Sed, *Novas* duas, docet fuisse, *CHRISTOPH. CELLARIUS*, *Not. Orbis Ant. Lib. II. Cap. VIII.* alteras quidem p. 575.; alteras, p. 584.

n) Mirari oportet, adeo in numerato habuisse *ATTILAM*, prouinciarum, quas suas fecerat, limites. Si vero *Mæsiarum* latitudo tanta fuit, quantam dimetitur *ATTILA*; necesse fuerit, superiori, *Bosniam*; regiones vicinas versus *Adriaticum*, inferiori *Mæsiæ*, admensas fuisse.



pam *Istri*; sed in *Naïssō*, (o) quam urbem a se captam, & dirutam, quinque dierum itinere, expedito homini, ab *Istro* distantem, *Scytharum*, & ditionis limitem constituēbat. Legatos quoque ad se venire iussit, controuersa discēptaturos, non ex quolibet hominum genere, & ordine; sed ex consularibus illustriores, quos mittere libuerit, quorum excipiendorum gratia, in *Sardicam* (p) descenderet. His litteris lectis, digressō ab Imperatore *Edecone*, cum *Bigila*, qui ea, quæ *Attilas* verbis, Imperatori denuntiari voluit, interpretaturus venerat, cum reliquis quoque domos obiret, in conspectum, *Chrysaphii* (q) Imperatoris *Hypaspidis*, venit: is plurimum auctoritate, & gratia, apud Imperatorem valebat. Admiratus erat barbarus, regiarum domuum magnificentiam. *Bigilas* autem, simulatque barbarus in colloquium venit cum *Chrysaphio*, interpretans retulit; ut laudasset Imperatorias aedes, (r) & *Romanos* beatos duceret, propter affluentes diuitiarum copias: *Edeconi*, *Chrysaphius* dixit: *Fore eum huiusmodi domuum, quæ aureis tectis præfulgebant, compotem, & opibus abundaturum, si relicta Scythia, ad Romanos se conferret.* Sed alterius domini seruum, *Edecon*, ait, nefas est eo inuito, tantum facinus in se admittere.

o) NAESSVM, urbem eam, semper adpellat AMMIANVS: *Imperator reuertitur, Naësum, copiosum oppidum.* Lib. XXI. Cap. X. Confer. ZOSIMVS Lib. III. Contra, scriptores ceteri, Græci & Latini, *Naïsum*, vel *Naissum*, oppidum *Daciæ mediterraneæ*, ut est in *Itinerario Burdegalensi*, CONSTANTINI M. ortu nobilitatum. Atque, consentiunt sane, quantum ad natum hic CONSTANTINVM adinet, scriptores grauissimi. STEPMANVS *Byzantius*: *Constantinus Porphyrogen.* Lib. II. περί θεράτων: FIRMICVS in Lib. I. *Matheos* initio: in EXCERPTIS, de gestis *Constantini*: denique CEDRENVS. Offensæ caput, quod adlegabat *Attila*, id fuit, quod ex legibus fœderum, non ad *Danubium*; sed in mediterranea hac urbe, magno *Hunorum* incommodo, mercatus fuerint instituti. Ceterum, hæc illa est urbs, quam nouissimo bello Turcico, sub CAROLO VI. Imperatore, turpius multo amisimus, quam gloriosius occupauimus. De nundinis, ad *Istrum* celebrandis, vide Capite hoc I. §. I. not. b.)

p) Plures, apud rerum auctores, occurrunt *Sardica*, siue *Serdica*, quas non vestigamus. PTOLEMAEO urbs est *Thraciæ mediterraneæ*. Est & ad *Istri* ripam *Sardica*, apud *Nicetum*. EUTROPIVS, ciuitatem eiusdem nominis, *Daciæ ripensē* tribuit. Quam primariam huius urbem vocat THEODORITVS. Videtur, iuxta *Naissum* posita, ex CEDRENO & CYROPALATE; immo, ex his vetustiori, PROCOPIO, Lib. IV. de *Ædif.* SIGONIVS, Lib. V. occident. imperii, *Sardicam*, seu potius *Serdicam*, inter duas *Mæstias* statuit, ubi habitum, sub CONSTANTINO M. concilium. Postea *Triadicam* dictam, scribit GLYCAS. De qua hic sermo sit, disquire. Alioquin, *Serdicæ* huius situm, optime, ex ipso PRISCO, discas, infra Cap. II. §. IV.

q) *Chrysaphius*, Imperatoris fuit *Spatharius*, uti eum adpellat auctor *Alexandri Chronici*. In sequentibus, *Eunuchus* sapius dicitur.

r) Stolidi hæc auidaue opulentia Romanorum contemplatio, egregius fuit *Chrysaphio*, ad inescandum *Edeconem*, accessus. *Edecon* profecto, venalem tunc fidem habuit. Scilicet:

*Persuasio, magnum ad malum ducit cita;  
Siquidem aditum nocendi perfido præstat fides.*

iuxta illud *Sophocleum*, apud PLVTARCHVM in *Artaxerxe*. Ac, fuissent omnino perniciosi *Edeconis* hæc insidiæ, nisi propitia tunc *Attilæ* fata, homini, in palatio, idque in ardua custodia corporis procuratione, circa Regem, versanti, aliam mentem suggessissent. Nullæ sunt enim, ait CICERO, occultiores, addo & nocentiores, insidiæ, quam eæ, quæ latent in simulatione officii, aut in aliquo necessitudinis nomine. Nam eum, qui palam est aduersarius, facile cauendo vitare possit: hoc vero occultum, intestinum, ac domesticum malum, non modo non existit, verum etiam opprimit, antequam perspicere, atque explorare potueris.



tere. Quæsiuit ex eo Eunuchus, an facilis illi, ad Attilam pateret aditus, &, qua potestate præditus apud Scythas esset? Ille, sibi necessitudinem intercedere cum Attila respondit, & decretam sibi, cum nonnullis aliis Scythiæ primoribus, eius custodiam. Nam, per vices vnumquemque eorum, præscriptis diebus, cum armis, circa ATTILAM (s) excubias agere. Tum Eunuchus: Si qua fides, inquit, se maximorum bonorum illi auctorem futurum. Cui rei tractandæ, otio opus esse. Hoc vero sibi fore, si post cœnam rediret, sine Oreste, & reliquis legationis comitibus. Facturum pollicitus barbarus, cibo sumpto, ad Eunuchum pergit. Tum per Bigilam interpretem, datis dextris, & iureiurando vtrinque præstito; ab Eunuchus, de rebus, quæ Edeconi minime damno, sed fructui & commodo essent, verba facturum; ab Edecone se, quæ sibi crederentur, non enunciaturum, etiamsi exsequi nolle. Tunc Eunuchus Edeconi dixit: Si in Scythiam rediens, Attilam sustulerit, & Romanorum partibus accesserit, vitam in magnis opibus, (t) beate traducturum. Eunuchus, Edecon assensus adiecit: Ad hanc rem peragendam, opus esse pecuniis, non quidem multis; sed quinquaginta auri libris, quas militibus, quibus præesset, qui sibi ad rem impigre exsequendam, adiumento essent, diuideret. Cum Eunuchus, nulla mora interposita, dare vellet, dixit barbarus: se prius ad renuntiandam legationem dimitti oportere, & vna secum Bigilam, ATTILAE, de transfugis reipsum accepturum, cum quo de ordine componendæ rei ageret, qui quoque, quando factum opus esset, viam auri deferendi iniret. Etenim, Attilam (u) se, simul atque redierit, per-

C

s) Habebat iam tum ATTILA, corporis custodes, atque aulam, ad imitationem Constantinopolitanorum, haud negligenter instructam: ut proinde, isthic sint Baronatuum Regni Hungariæ origines, quærendæ. Credo ego; EDECONEM hunc, partibus, vel laminarum, vel Cubiculariorum MAGISTRI, quod nomen vñtissimum Constantinopoli fuit, functum fuisse. De Magistro Officiorum, quæ dignatio apud Romanos maximopere tunc floruit, iamiam dicemus. Neque secus fecisse ATTILA potuit, quam, ut in tanta, & multitudine, & varietate, maleficientiaque, cum hostium, tum foederatorum Græcæ fidei, corporis custodibus se circumuallaret. Enimvero, Maiestatem, nunquam sine viribus tutam, recte, & ex vero scribit LIVIUS Lib. II. Proinde, stipatores Princeps habeat oportet: Qui somnum eius, nocturnis excubiis, muniant, latera, obiecti circumfusaque, defendant, incurrentibus periculis se opponant. Quæ quidem ministeria, barbarie posita, constitutaque republica, pulchre, apud sequutos Hungariæ Reges, inualuerunt. Quid? quod ex bello captis populis, ut essent perpetuum triumphum monumentum, custodes corporis deligere, nihil dubitarint. De COLOMANNO res certa est: quippe qui, Russos, cum quibus bellum sibi intercesserat, in Hungariam deportatos, isthoc ministeriorum genere, honestavit. ISTVANFEYVS Lib. XVI. initio; nos autem, TOMO Operis IV. in Hist. Comit. Neogradiens. Parte Spec. Memb. IV. Sect. II. §. III. p. 144.

t) Ab his Syrenum cantibus, caueat sibi, quam sollicitissime,

Quisquis stare volet,  
Aulæ culmine lubrico.

Profecto enim, numquam euenire potest aliter, quam, ut esca, quæ obicitur, ad hunc modum, percussoribus; qui eam plerumque spe tantum deuorauere; ante omnia, letalis sit, & exitiosa. Nam, si alias,

Non nisi morte

Satiatur amor dirus habendi,

vti SOPHOCLES habet in Oedipo: quid futurum putes, his? qui, cum vita principis, nihil dubitant quæstum facere, omnium iniquissimum, & toti noxium reipublicæ.

u) Consentaneus hic mos Attilæ, illi fuit, cuius supra meminit PRISCUS §. III. p. 6. quando legationes ad Romanos, aliis super aliis, cumulabat, ut familiares suos, donis.



rit, percunctaturum, ut reliquos omnes, quis munera sibi sit largitus, & quantæ pecuniæ sint illi a *Romanis* dono datæ. Neque id celare, per collegas, & comites licitum fore. Visus est *Eunuebo* barbarus recta sentire, & eius est amplexus sententiam. Itaque a cœna dimisso, ad Imperatorem, consilium initum, detulit, qui *Martialium*, magistri officiorum (x) munere fungentem, ad se venire iussu, docuit, conuentionem cum barbaro factam: id enim illi credi, & committi iure magistratus, quem gerebat, necesse fuit. Nam, omnium Imperatoris consiliorum, *Magister* est particeps, sub cuius cura sunt: *Tabellarii*, *interpretes*, & *milites*, qui palatii custodiæ deputati sunt. Imperatore (y) autem, & *Martialio*, de tota re consultantibus, placuit, non solum *Bigilam*, sed & *Maximinum*, legatum mittere ad ATTILAM.

## §. IV.

donis, quæ legatis largiri debebant *Constantinopolitani*, locupletaret. Ergo, quid? quantum? accepisset quisque, in numerato habere volebat: tum, ut cognosceret, qua grati animi significatione, erga suos fuerint *Romani*; tum, ut addisceret, quæ inde legatis facta sit opum accessio.

x) Hunc locum, vberius explicauit *Valesius*, ad AMMIANI Lib. XXVI. p. 353. ubi de MAGISTRI OFFICIORVM dignitate, abunde dixit, ex qua eius commentatiuncula, pauca quædam delibauimus, eo fine, ut *Origines BARONATVM Regni Hungariæ*, scrupulosius vestigaturis, accendamus faculam. MAGISTER *Officiorum*, legationes tractabat, unde & sub dispositione sua habebat scrinia sacra, ut legationibus, non ciuitatum solum, sed etiam exterarum gentium, responderet. *Scrinium* etiam *Admissionum*, sub eius erat administratione, quo legatos nationum introduceret. Quocirca, a CASSIODORO, Lib. VI. Epist. VI. *Adspectus regii, haud irritus promissor*, dicitur, *collocationis regie, gloriosus donator; aulici consistorii, quasi quidam lucifer*. Et paullo post: *Per eum, exteris gentibus, ad laudem reipublicæ nostræ, ordinatur humanitas, & volentes redeunt, quos querentes acceperat: per eum quippe, legatorum, quamuis festinantium, prænunciatur aduentus*. Quod vltimum, sic intelligo: sub MAGISTRO *Officiorum*, erat Schola *Agentum* in rebus, ex qua Schola *Curiosi*, per omnes prouincias, & ad limites, mittebantur: per hos *Curiosos*, in limite constitutos, nuntiabatur MAGISTRO *Officiorum*, si qua legatio a barbaris gentibus, ad Imperatorem mittebatur. Nam, ut ait PRISCUS RHETOR: *Omnium consiliorum Imperatoris MAGISTER Officiorum, particeps est*. reliqua. Introduxisse in Consistorium MAGISTRYM *Officiorum*, legatos, testis est CORIPPVS, Lib. III.

*Legatos Auarum iussos intrare MAGISTER,  
Ante fores sacras diuinæ nuntiat aulæ:  
Orantes sese vestigia sacra videre  
Clementis Domini: quos voce & mente benigna,  
Imperat admitti.*

Cum vero ad audientiam admittebantur legati, ante velum stabat *Magister*, poteratque percipere auribus, quæ intro dicebantur, omnia. Moris præterea fuit, uti exterorum legati; *Magistro*, legationis summam detegerent ante, quam ad Imperatorem intrarent. Igitur, sub eius dispositione fuerant officia *Palatina*, & *Scholæ*. quod RUTILIUS, in Lib. I. Itinerarii, declarat:

*Officiis regerem cum regia tecta MAGISTER,  
Armigerasque pii principis excubias.*

Per *Scholas*, classes eas intellige, in quas dispertita fuere *Palatii officia*. Confer, *Notitiam Imperii*: CASSIDOR. Lib. VI. de *Formula Magisteriæ Dignitatis*: Codicem IUSTIN. de *Officio Mag. Offic.* Cogitet nunc Lector *Hungarus*, annon BARONATVS HUNGARIAE, plerique omnes, & horum functiones, vno MAGISTRI OFFICIORVM vocabulo, contineantur? Ita reor! Nam, sub S. STEPHANO, solus fere *Palatinus* erat, qui *Palatii* ministeriis, & iuri dicendo, moderabatur: dum lapsu temporis, singulares magistratus, hactenus in vnum aliquem collati, muniis singulis præficerentur.

y) Hic vero, admissis scedis adeo consiliis, & causa cecidit, aduersus ATTILAM, Impe-



## §. IV.

*Bigila*, (a) infidiarum in *ATTILAM* manifeste conuicto, *Attilas*, ablatis ab eo, centum auri libris, quas a *Chrysaphio* acceperat, extemplo (b) *Orestem* & *Eslam*, Constantinopolim misit, iussitque *Orestem*, crumena (c) in quam *Bigilas* aurum, quod *Edeconi* daretur, coniecerat, collo imposita, in conspectum Imperatoris venire, atque *Eunuchum* interrogare: Num hanc crumenam nosset? Deinde *Eslam*, hæc verba ore proferre: *THEODOSIVM* quidem, clari patris, & nobilis esse filium; *ATTILAM* quoque nobilis parentis esse stirpem, & patrem eius *Mundiochum* (d) acceptam a patre nobilitatem, integram conseruasse; sed *THEODOSIVM* (e) tradita a patre nobilitate, excidisse; quod tributum sibi pendendo, suus seruus esset effectus. Non igitur iustam rem facit, qui præstantiori, & ei, quem fortuna Dominum demonstravit, tanquam seruus scelestus, & improbus, clandestinas insidias paret. Neque se prius criminari illum, eo nomine, destitutum, quam *Eunuchus* ad supplicium (f) sit traditus. Atque hi quidem, cum his mandatis, Constantinopolim peruenerunt. Eodem quoque tempore accidit, *Chrysaphium*, a *Zenone* (g) ad poenam deposci. *Maximinus* enim renuntiauerat, *Attilam* dicere: Decere Imperatorem promissa adimplere, & *Constantio* (h) uxorem, quam promiserat, dare. Hanc enim, inuito Imperatore, nemini fas fuisse ducere; aut, qui contra ausus fuisset, poenas lueret; aut si eo Imperatoris res deductæ essent, ut eorum, qui sibi subditi erant, minime compos esset; se auxilium ferre paratum, quo eos suæ voluntati obsequentes redderet.

C 2

Imperator *Theodosius*, & perpetuam nomini suo iussit notam. Quod iuste ei postea obieciatur ab *ATTILA*; ut patet ex sequentibus. O rem, Imperatore Romano, parum dignam! exclamat *CANTOCLARVS*, & minime miror, sub tali Imperatore, concidisse imperium Romanum. Ceterum, legas hic oportet, ob rerum nexum, infra Cap. II. §. IV. seq. suadet *VALESIVS*.

a) Proditionis seriem causasque, habes Cap. II. §. VI. ac postea, quæ hanc sunt consequuta.

b) In horum comitatu, & *Bigilas* fuit; *Maximino* & *Prisco*, apud *ATTILAM*, manere iussis, dum rediret, ab expeditione Scythica, *Onesegius*. Cap. II. §. IX.

c) Singularis hæc animi moderatio in *ATTILA* fuit, quod insidias vitæ suæ, doloso hoc legationis, a *Theodosio*, & suis, prætextu instructas; non bello, sed sola hac exprobratione, vltus fuerit. Lege, illustratam hanc conspiracyonem, in *Originibus Hungar. OTROKOSII*, Parte I. Cap. IV. §. VIII. seq.

d) Mirum in modum variant, exteri, & domestici scriptores, in patris *ATTILAE* nomine scribendo; quod notauimus, *ADPARATVS* huius, *Decade I. Monum. III. Cap. III. not. d. p. 94.* quorsum lectores dimittimus.

e) Iustissima hæc *ATTILAE*, in *Theodosium*, fuit inuestiua: quippe qui, tributarius *Hunorum* cum esset, humilis cruentique animi prodidit indicia, quando per insidias, e medio tollere constituit *Attilam*. Ita tunc barbarus, *Augustum*, augustinæ quodam animi magnitudine, vicit. quod in rebus *Hungaricis* euenisse frequentius, norunt historiarum periti.

f) Nihil habet *PRISCVS*, de poena, *Chrysaphio* inflicta. Id vnum memorat: *Misit & Eunuchus aurum ad barbarum, quo mollitus, ab ira deduceretur.* Cap. II. §. XXIV. extremo.

g) De eadem hac *Chrysaphii*, qui & *Eunuchus* dicitur, *ATTILAE* partim, partim *Zenonis*, postulatione ad supplicium, lege Cap. II. §. XXIV. initio. Sed, de *Zenone*, dicemus professa opera, §. XXI. not. e.

h) *CONSTANTIVS* hic, idem est, quem infra Cap. II. §. XII. a secretis epistolis *ATTILAE* fuisse, *PRISCVS* scribit: ubi & fraudes viri, atque funestum exitum, legas.



deret. Sed *Theodosius* (i) iracundiam suam palam fecit, cum bona puellæ in publicum redegit.

## §. V.

Cum primum *ATTILAE* nuntiatus est, *Martianum*, post *Theodosii* mortem, ad imperium peruenisse, & quæ *Honoriam* acciderant, ad eum, qui in Occidente rerum potiebatur, misit, qui contenderent, *Honoriam*, nihil se indignum admisisse, quæ matrimonium secum contracturam spondisset. Misit & ad *Romanos* in Oriente, tributorum constitutorum gratia. Sed re infecta legati, vtrique sunt reuersi. Etenim, qui Occidentis imperio præerat, (a) respondit: *Honoriam ipsi nubere non posse, quod iam alii nupsisset. Neque imperium Honoriam deberi. Virorum enim, non mulierum, Romanum Imperium esse. Qui in Oriente imperabat; (b) se minime ratam habere tributum illationem, quam Theodosius consensisset. Quiescenti, munera largiturum; bellum minanti, viros, & arma obiecturum. Nec enim vires & copias sibi deesse.* Itaque *ATTILAS*, in varias distrahebatur sententias, & illi in dubio hærebat animus, quos primum adgrederetur. Tandem, melius rem se habituram visum est, ad periculosius bellum sese conuertere, & in occidentem exercitum educere. Illic enim sibi rem fore, non solum cum *Italis*; sed etiam cum *Gothis*, & *Francis*. Cum (c) his, ut *Honoriam*, cum ingentibus diuitiis, in uxorem acciperet: cum illis, ut *Genferichi* gratiam promereretur. At *Francos* bello laceßendi, illi causa fuit, Regum ipsorum obitus, & de regno inter liberos controuersia. Seniori *Attilas* studebat; iuniorem *Aetius* (d) tuebatur. Quem *Roma* vidimus, legationem obeuntem, nondum lanugine efflorescere incipiente, flaua coma, & capillis, propter densitatem, & magnitudinem, super humeros effusis. Hunc etiam *Aetius*, in filium adoptauerat, & plurimis donis ornatum, ad Imperatorem, ut amicitiam, & societatem cum eo faceret, miserat. Sed *ATTILAS*, antequam in eam expeditionem ingrederetur, rursus (e) legatos in *Italiam* misit, qui *Honoriam* poscerent. Etenim, secum matrimonium pepigisse: cuius rei,

i) Nouum, impotentis animi, apud *Theodosium*, documentum. Neque enim culpam admisit puella; sed *Theodosius*, quod eam, homini ingenuo, in matrimonium promissam, postulante serio *Attila*, quouis obtentu, negauerit. De promissa vero *Constantio* uxore, & eius rei causis, lege Cap. II. §. XXI. Ceteroquin, actus *Theodosii*, qui ei cum *Attila* intercessere, reliqui, & legationum, vltro citroque missarum, res, infra Cap. II. §. IV. vsque ad §. XXVII. fuscè narrantur. Quæ omnia, ante hæc, legi volumus.

a) Is, *VALENTINIANVS III.* fuit. Prima hæc *ATTILAE*, missa ad Imperatorem, causa *HONORIAE*, legatio erat: nam, & alterius, paullo post, meminit *PRISCVS*. De nuptiis *ATTILAE*, ab *Honoriam* promissis, egimus *DECADE I. Monum. III. Cap. VI.* nota d.

b) *MARTIANVS* videlicet, qui fatis functo *Theodosio iun.* surrogatus fuerat. Virile Imperatoris vtriusque, & plenum fortis animi, responsum; sed, quod apud *Valentinianum*, aliter postea cecidit: lege, hoc ipso paragrapho, notam f.

c) Legi mallet, cum *illis*, *Italis*, cum *istis*, *Gothis* &c.

d) *AETIVS*, de quo *DECADE I. loc. cit. Cap. VIII.* initio nota a. diximus, *Galliis* ea tempestate præfuit, ut, ex *IORNANDIS* quidem sententia, ei inniteretur *respubl. Hesperiae plagæ*, hoc est, imperium occidentale.

e) En! alteram *Honoriam* gratia, ad fratrem eius *Valentinianum*, legationem: quam, quod in irritum cecidit, calamitosissima in *Italiam*, sequuta impressio est. Obseruet Lector! qua hic æquitate, aduersus *Valentinianum*, usus fuerit *ATTILA*. Maluit, gemina legatione, cum *Valentiniano*, experiri prius, quam bellum commoueret. Quod hodiernis principum nonnullorum institutis, aliter fieri videmus. O tempora! o mores!



rei, vt fidem faceret, annulum ab ea ad se missum, per legatos, quibus traderat, exhiberi mandauit. Itaque, imperii parte sibi *Valentinianum* cedere, æquum censebat, quam pater *Honorie* reliquisset; sed hac illam frater, quæ eius erat auaritia, & cupiditas, priuarat. At *Romani* *Hesperii*, in prima sententia perstiterunt, & *Attila* mandata reiecerunt. *ATTILAS*, vastata *Italia*, (f) ad sua se retulit, & Romanorum Imperatoribus in oriente bellum, & vastitatem denuntiauit, (g) propterea quod tributum sibi a *Theodosio* constitutum non soluebatur.

§. VI.

*Ardaburius*, (a) *Asparis* filius, ad *Damascum* *Saracenos* debellauit. *EO*,  
D *Massi-*

f) Vastitatem, quam ea expeditione, *Italia* intulit *ATTILA*, scite *BOXHORNIVS* descripsit: Funditus, inquit, delere *Romam*, & *Romani* tollere imperii nomen, decreuerat, atque huc, per strages & ruinas ibat. Prima crudelitate *Aquileia* periit, & tamquam vna flamma, mox, *Concordia*, *Optergium*, *Altinum*, *Patauinum*, *Ateste*, ac deinde tota illa maritima regio, conflagrauit. Adhuc in *Transpadanis* luserat *Hunnorum* barbaries, nisi eadem calamitate, *Insubres*, *Liguresque*, obrueret. Ergo, aliarum urbium fatum, etiam *Mediolanum* exceperit, & cum auaritiæ hostium sufficeret, crudelitatem minime satiauit. In homines & tecta sæuitum, igni, ferro, manu: pulcherrimam urbem, brevis furor excidit. Nescio, quo sidere; sed vestigia quondam *Hannibalis*, & vota, *ATTILA* sequitur. Quid tamen? cum leuior non esset, nec felicior fuit. *Padum* transit, omnia cædibus, incendiisque implet, vltimam sæuitiæ procellam, indominæ urbis mœnia, ac templa, effusus. Sed, quo ruis, immanissima bellua? Ad crudelitatis famam, hæc iam satis! Cohibe impetum, & fumantem a tergo, recenti incendio, regionem, respice: cladi si credis, vix quidquam votis, tam truculentis, scelus adiiciet. *Romam* petis? *Mediolanum* *Roma* fuit, & cum *Insubrum* vrbe, *Italia* reliqua concidit. Mirari iuuat: metus, an aliud consilium, mentem tyranni impulit? an occulta vis fati? Intercedente velut *Leone Pontifice*, interruptus sæuitiæ cursus est: & quia iterum non spernendis copiis occurreret *Actius*, immensus ille, iamque grauis præda exercitus, relegit vestigia: prorsus, postquam diuitias rapuit, timuit vinci. Annuo tamen tributo, pro pudor! pacem ab *ATTILA*, *Valentinianus* emit. *Augustus*, a *Barbaro*, & clade, quam dedecore, carere imperium maluit. Hæc ille: in *Histor. Vniuersali*, ad initia *Martiani* Imperatoris, seu ad annum CCCCLX. seq. *Satis ad gustum!* Atque his, quia breuia sunt, lacunam, in *PRISCO* factam, explere volumus. Plura, & ordine digesta habes, *DECADE I. Monum. III. Cap. XIV. XIX. p. 122.* Ceterum, impressione hac in *Italiam*, nullum operæ pretium fecit, si fecit, *ATTILA*, quam, quod *Venetæ*, intra insulas maris *Adriatici* fugere, & illic urbem condere coegit, futuram, ad posteros, suarum expeditionum monumentum, nunquam intermoriturum. *Italia* Poetarum venustissimus, *STANAZARIUS*, *Romæ* anteferre natam tunc urbem, nihil dubitat:

*Adriacis videat VENETAM Neptunus in vndis*  
*Stare urbem, & toto ponere iura mari.*  
*Nil mihi Tarpeias quantumuis, Iupiter! arces*  
*Obiice, & illa tui mania Martis, ait.*  
*Si Pelago Tiberim præfers, urbem aspice vtramque:*  
*Illam homines dicas; hanc posuisse Deos.*

Profecto ita est, aliud cum ageret, bello sanguinolentissimo, *ATTILA*; monumentum memoriæ suæ statuit, *Babylone* *Nimrodi*, perennius.

g) De hac belli in *Romanos* Orientales interminatione, nihil amplius apud *PRISCO* reperies: multo minus, bellum ipsum. Quocirca, consule *CALANI Attilam*, *DECADE I. Cap. V. p. 97.* vbi res gestas *ATTILAE*, ordine, quo licuit, recolimus.

a) Quæ hinc ad paragraphum vsque X. sequuntur, nihil cum *ATTILA* habent com-



*Maximino* duce, & *PRISCO*, huius historiæ scriptore, aduenientibus, offenderunt *Ardaburium*, cum *Saracenorum* legatis, de pace tractantem. *Blemmyes*, & *Nubades*, (b) a Romanis victi, legatos ex vtraque gente, ad *Maximinum*, pacis exorandæ gratia, miserunt, quam se seruaturus spondebant, quoad vsque *Maximinus*, in *Thebanorum* (c) regione commoraretur. Illo vero, ad id tempus abnuente, foedus icere, subiecerunt se, quamdiu *Maximino* vita suppeteret, in officio futuros, nec moturos arma. Hac quoque conditione, quam legati offerebant, reiecta, *centum annorum* inducias indulgit. His foederibus, placuit, captiuos *Romanos*, qui & hoc, & superiore prælio, capti erant, sine ullo redemptionis pretio, liberos dimitti: pecora tunc abacta reddi, & sumptuum æstimationem restitui: in eas condiciones, obsides ex nobilioribus dari. Liberam esse, secundum antiquam legem, e templo, ad se, *Isidis* (d) traiectionem, neque per eos, qui in *Aegypto* fossis fluuii sunt præpositi, impediri. Certo enim tempore barbari, statuas deæ, e templo, in quo est collocata, domum traiciunt, & oraculis ab ea sumptis, rursus in insulam, saluam & incolumem, reducant. Conuentiones cannis exaratas, clauis ferreis reuinctas, in fano affigi, *Maximino* visum est, & ad eam rem, missi ex eius necessariis nonnulli. Adfuerunt etiam ex *Blemmyis*, & *Nubadibus* aliqui, cum foedera in insula (e) deponerentur. Sic igitur, pactis in scriptis redactis, & obsidibus traditis,

commune; sed, ad *Romanorum* res separatas, adtinent. Fuerat vero *Ardaburius*, vnus ex *Romanis* ducibus, natione *Gothus*. Ceterum, *Ardaburi* huius, iniqua, cum filiis, *Aspare*, & *Patriciolo*, fata, passim legas. *MARCELLINVS* Illyricanus, in Chron. Ind. IX. *Leone* Augusto IV. & *Probiano* Coss. hoc est, anno CHRISTI CCCCLXXI. *Aspar*, primus patriciorum, cum *Ardaburo*, & *Patriciolo* filiis, illo quidem olim *Patricio*, hoc autem *Cesare*, generoque *Leonis*, adpellato, *Arianus*, cum *Ariana* prole, spadonum ensibus, in palatio vulneratus, interiit. Notauit *Phil. Labbe*, ad *CANDIDVM* ISAVRVM, Tom. I. Scrip. Byz. edit. regiæ. De *Saracenis*, supra diximus.

b) *BLEMMYES*, *Aethiopia* sub *Aegypto*, populi, *Ptolemæo*, *Straboni*, & *Heliod.* *NUBADES*, *Nubas*, & *Nubæos*, *STEPHANVS* vocat, & *Numidas*, circa Nilum. De *Nubis* & *Blemmyis* sub *MARTIANO* deuidis, testatur *IORNANDES*, in Lib. de Successione Regnorum. Cum *Parthis* & *Vandalis*, omnia infestantibus, pacem instituit: *ATTILAE* minas compescuit: *Nubades*, *Blemmyasque*, *Aethiopia* prolapsos, per *FLORVM*, *Alexandriæ* vrbs procuratorem, sedauit, ac pepulit a sedibus *Romanis*. Erat hic *FLORVS*, non solum *Procurator*, seu *Augustalis*; sed etiam *Comes* rei militaris, per *Aegyptum*, vt ex *PRISCO*, docet *Euagrius*, Lib. II. Cap. V. Alioquin, noti sunt *Blemmyæ*, siue *Blemmyes*, priscis scriptoribus. *Theocrito*, *Idyllio* VII. *Dionysio* *Characeno*; *Straboni*; *Mela*; *Plinio*; *Ptolemæo*; aliisque passim. *Claudianus*, regionis, quam colebant, habitum, ita canit, *Nilique* simul opportunitates, quas istis populis præstat, celebrat:

*Et loca continuo solis damnata vapore*

*Irrorat, populisque salus sitientibus errat.*

*Per Meræ, Blemmyasque feros, atramque Syenem.*

*Meræ* nimirum, insula *Nili* est; *Syene*, vrbs *Aegypti*, ab atris culta ciuibus.

c) Regio est *Aegypti*, a *Thebis*, vrbe *Aegyptiaca*, nomen sortita, vrbs frequens ab auctoribus fit mentio. *PLINIVS*, Lib. XXXVI. Cap. XII. *TACITVS*, *Anal.* Lib. II. C. LX. *DIODORVS* *SICVLVS*, apud quem, admiranda vrbs descriptio. *Hecatonpylos*, *Stephano*; *Diospolis*, *Straboni*; *Busyris*, *Diodoro* *Siculo*, vocatur. De regione, *PLINIVS*, Lib. V. C. IX. *Summa pars Aegypti, contermina Aethiopiæ, Thebais vocatur.*

d) *Aegyptiorum* Dea, quæ & *Io*, *Inachi* filia. De hac, præter *DIODORVM* *SICVLVM*; peculiari libro, egit *PLVTARCHVS*, quem de *Osiride* inscripsit.

e) Insula nimirum, *Isidi* Deæ sacra, quæ illic colebatur, & templum habuit.



ditis, ex his, qui dominatum exercuerant, aut ex filiis eorum; quod in hoc bello minime adhuc contigerat, neque inquam antea, ad hoc usque tempus, *Nubadorum*, aut *Blemmyorum* filii, obsides apud *Romanos*, fuerant, accidit *Maximinum*, in morbum incidere, & mori. Postquam vero de eius obitu, barbaris nuntiatum est, vi obsides eripuerunt, (f) & regionem excursionibus vastarunt.

## §. VII.

*Gobazes* legatos misit ad *Romanos*, quibus *Romani* responderunt, se a bello cessaturos, si regnum, aut ipse deponeret, aut a filio reciperet. Nec enim fas esse, secundum antiquam regionis legem, duos simul dominari. Itaque oportere, aut ipsum *Gobazem*, aut eius filium, regnare in *Colchide*, (a) atque ita bellum solueretur. Legatos *Euphemius* introduxit. Is, *MAGISTRI* (b) *Officiorum* dignitatem adeptus, prudentia, & eloquentia clarus, sub *Martiano* Imperatore in Reipub. administratione floruit, multosque præclaros viros, Imperatori consiliis adhibuit: hic quoque *PRISCUM*, scriptorem huius historiæ, in partem curarum imperii (c) vocavit. *Gobazes* igitur, sibi delata optione,

D 2

regni

De hac *PLINIVS*, Lib. X. C. XLIX. *Philis* alioquin dicitur, cum oppido, in ora *Aegypti*, circa *Elephantinem*. Maximum illic erat *Osiridis* templum, per quod *Aegyptii* iurare consueverant, *ματὶ τῷ ἐν Φίλαις Οσίρει*, teste *Scholias*te *LYCOPHRONIS* p. 43. in quo male *Φήλαις* legitur. De *ISIDE*, *Philis* culta, loquitur etiam *MARTINVS*, de vita *Procli*. *PROCOPIVS*, in Lib. II. Pers. p. 33. ait, *Nubas*, & *Blemmyas*, *Isim*, atque *Osirim* colere. Adde *SERVIVM*, Lib. VI. *Aeneidos*, & *SENECAM*, in libro de *Sacris* & *Ritibus Aegyptiorum*. Sed notandum est, quod ait *PROCOPIVS*, loco iam citato, *Diocletianum*, cum iuxta *Elephantinem*, insulam in *Nilo* reperisset, castro ibi exstructo, aras, *Romanis*, ac *Barbaris*, communes statuisse, ac sacerdotes, ex utraque gente, ordinasse, ut sacrorum communione, amicitia coalesceret: unde & locum *Philas* vocavit. In quo fallitur *PROCOPIVS*. *Phila* enim, longe ante *Diocletianum* Imperatorem, dicebantur, ut constat ex *Strabone* & *Ptolemæo*. Notavit, ad hunc *PRISCI* locum, *Henr. Valesius*.

f) Ita, *centum annorum*, induciæ, tametsi earum leges, in *Isidis* templo, ferreis clavis suffixæ fuerunt, momento temporis, expirauere: quod, quam sit frequens hodie, etiam, ubi diuiniore multo perlatæ sunt pacis leges, in singula fere lustra, per vniuersam passim rempublicam *Christianam*, experiundo tenemus. Pax nimirum, quam ex sanctissima iurisjurandi formula, æternam esse oportuit, dum se occasio dat, parti alterutri paciscentium, rerum habitum in rem suam vertendi, conuelli- tur subito, & bellum, nouis exasperatum iniuriis, instauratur denuo. De induciis *centum annorum*, sanctius habitis, leges, lactæ vbertatis *LIVIVM*, Lib. I. Cap. XV. XX. Et Lib. VII.

a) *Colchis*, quod constat apud eruditos, *Asia* regio est. Incolas *Lazos* dicunt, *Agathias*, *Suidas*, *Procopius*, *Gregoras*, *Isaaci*us *Tzerza*. *Colchidem*, *Ligysticum*, alio nomine *LYCOPHRON*, quod illic *Libystene* legit *Stephanus*, vocat.

b) Altera hæc est *MAGISTRI Officiorum* mentio, post eam, quam supra §. III. nota v. habuimus, adnotata a doctissimo *Valesio*, eo fini, ut doceret, introducendorum legatorum munus, ad eum adinuissse.

c) Quod ita interpretor, ut inter clarissimos eos viros cooptatum credam, qui *Martiano*, ab intimis consiliis, prudentia *Ephemii*, *Magistri Officiorum*, delecti fue- re: quippe quod, & rerum usu subactus esset, & eloquentia polleret *PRISCVS*. Ut proinde, eo maiorem iacturam fecerit orbis eruditus, quod historiarum libri, quos conscripsit, interciderunt: neque enim, nisi hæc fragmenta, ad nos sunt delata. Blandiatur sibi *Vossius*, dum: *Videtur autem*, inquit, de *Historic. Græc.* p. 488. *hodieque exstare*, *Priscus* nempe *Rhetor*. Sane, citat *Priscum* *BAPTISTA FVLGOSVS*, *Me-*

mora-



regni insignia deposuit, & elegit cedere filio regnum. Et ad Imperatorem misit, quandoquidem vni solum iam pateret *Colchidis* regio, non illi amplius vsque eo succenseret, vt etiam arma inferret. Imperator vero iussit *Gobazem*, in Romanorum regionem transgredi, vt eorum, quæ sibi facienda statuisset, rationem redderet. Ille autem, profectionem minime abnuit. At *Dionysius*, fide prius accepta ab eo, qui pridem in *Colchidem*, dirimendarum cum *Gobaze* controuerfiarum gratia, missus erat, se nihil, quod perfici non posset, promississe, legatione functus est, & de rebus, quæ in contentione erant, conuenerunt.

## §. VIII.

*Maioriano* Romanorum occidentalium Imperatori, *Gothi*, qui in *Gallia* erant, focii, confœderatique facti sunt, & gentes ditionis Romanorum accolas, partim armis, partim verbis, ad deditionem compulsi. Hic etiam in *Lybiam* (a) trecentis fere nauibus sibi coactis, cum magno exercitu penetrare tentauit. Sed *Vandalorum* dux, prius legatos misit, qui illum, si quæ essent inter eos controuersa, amice transigere, paratum esse dicerent. Quod, vbi obtinere non potuit, *Maurusiorum* (b) terram, in quam, ex *Iberia* (c), *Maiores* nauales copię, adpulsuræ erant, omnem igni, ferroque vastauit, & quacumque ratione potuit, adflixit, & aquas infecit. Romanis occidentalibus in suspicionem venit *Marcellinus*, ne si copiis augetur, in eos bellum transferret. Erant enim tunc temporis *Romanorum* res, variis modis afflictæ, & perturbatæ; hinc *Vandalis*; illinc *Nigidio* (d) imminente. Hic vir, magnum exercitum habebat ex *Gallis*, qui in *Hispaniam* mouentes, sub *Maioriano* militauerant, & ob cædem Imperatoris erat illis infensus. Sed a bello, adpetendis *Ital*is, auocauit, ortum illi, cum *Gothis*, in *Gallia* dissidium. De contermina enim regione cum illis certans, fortiter bellum gerebat, in quo multa viri strenui, & magnanimi opera, edidit. Hæc in causa fuerunt, vt *Romani Hesperii*, legatos ad orientales mitterent, vt se, a *Marcellino* & *Vandalis*, liberarent. Et ad *Marcellinum* quidem, *Philarchus* missus, ei persuasit, ne in Romanos moueret arma. Hinc ad *Vandalos* deflectens, nihil quicquam profecit, & rediit.

*Genferi-*

*morabilium* libris; inque *Bibliotheca Vaticana* esse, auctor est, *RAPHAEL VOLATERRANVS*, Lib. XIII. *Anthropologia*. Superesse etiam ait, in *Nomenclatore* suo, *ROBERTVS CONSTANTINVS*. Phosphore redde diem!

a) *Libya*, & *Lybia*, nam utroque modo scribunt auctores, vna, ex vndecim *Africa* regionibus. Hanc, *Libyam propriam*, nominat *PTOLEMAEVS*, Lib. IV. initio. Apud quem, & *Libyam interiorem*, atque *Libyæ deserta*, reperias. *PLINIVS*, latius, & vniuersim, pro tota *Africa*, Græcos sequutus, vocabulum accipit. Lib. V. initio. Adde *MELAM*, Lib. I. Cap. IV. 15. reliquos.

b) *Maurusii*, gens *Africa*, circa *Tripolim*, & *Syrtim* magnam. Regio ipsa, *Maurusia* & *Mauritania* dicitur, ab incolarum nigredine, sicuti habet *MANLIUS*:

*Et Mauritania nomen*

*Oris habet, titulumque suo fert ipsa colore:*

nam, *μαυρὸν*, nigrum omnino significat. *LIVIUS* Lib. XXIV. Cap. XLIX. ait: *Maurusios*, extremos prope *Oceanum*, aduersus *Gades* colere. Hinc, *STRABONI*, regio est, fortunatis insulis aduersa. At enim, populi ipsi, a *Græcis* *Maurusii*; *Mauri* a *Romanis* vocati. *STRABO* Lib. XVIII.

c) *Hispania* est, ab *Ibero* amne, qui inter *Pyrenæos*, & *Idubedam*, montes, pari ab utroque discretus spatio, demanat, veteribus sic adpellata: *Pania*, postea; inde *Spania*; *Espania* demum; *Hispania* denique dicta.

d) Scribendum est loco *Negidii*, *Aegidii*, quod iam dudum alii monuerunt. de quo vide, *Libros Rerum Francicarum*, *HADRIANI VALESII*: notat frater *Henricus*.



*Genferiebus* enim, non alias bellum positurum minatus est, nisi sibi *Valentiniani* & *Aetii* bona traderentur. Etenim, ab orientalibus partem bonorum *Valentiniani* obtinuerat, *Honorie* (e) nomine, quæ *Honoricho*, eius filio, nupserat. Atque hanc belli renouandi occasionem, singulis annis viurpabat. Itaque, simulatque ver appetiit, infesto exercitu, *Siciliam*, & *Italiam* inuasit, & vrbes quidem, *Italorum* præfidiis firmatas, non facile oppugnauit; sed oppida militibus, qui resisterent, destituta circumueniens euertit, & diripuit. Nec enim ad omnia, quæ *Vandalorum* inuasioni patebant, tuenda sufficere poterant, propterea, quod hostium multitudine opprimebantur. Denique, copiis naualibus carebant, quas, cum a *Romanis* orientalibus petiissent, non impetrarunt, quia fœdus cum *Genfericho* fecerant. Ea res, diuisa scilicet imperii administrandi ratio, magno detrimento *Romanorum* occidentalium rebus fuit. Circa id tempus, legatos ad orientales Romanos miserunt, *Saraguri*, (f) *Vrogi*, (g) & *Hunogari*. (h) Hæ gentes propriis sedibus eiectæ, commissa pugna cum *Sabiris*, (i) quos expulerant *Abari*, & ipsi quoque extorres facti, a populis citiorem oram maris Oceani habitantibus, quemadmodum & *Saraguri*, ad nouarum sedium comparisonem erumpentes: Hunnos *Acatziros* (k) adorti erant, & coniunctis viribus, multis præliis initis, gentem deuicerant, & demum ad Romanos, nanciscendæ eorum societatis cupidi, se contulerant. Itaque, Imperator legatos benigne excepit, & muneribus affectos remisit.

## §. IX.

Dum gentes patria profugæ, cum Romanis in oriente dissident, legatio ab *Italiam* aduenit, quæ doceret, res *italas* stare non posse, nisi sibi *Vandalos* (a)

E

recon-

e) Auidissime huius nuptias, ab *ATTILA*, suo quidam iure, concupitas, supra vidimus §. V. quibus tamen, *Honorichus* hic, *Genferici* filius, potitus est. Ac fuerunt eæ sane bellorum, inter *Vandalos*, & *Romanos* occidentales, fomes perennis.

f) *Saragurorum*, *SVIDAS* meminit, & ait gentem esse *Asiaticam*: addo, haud longe a mari, ex hoc loco. *CANTOCLARVS*.

g) *Vrogi*, nescio an *Vgori*. qui & *Vgri*, & *Vngarii*: nec enim alibi, *Vrogorum* mentio; sed *Onogurorum*, & *Hunogorum*, quos eosdem esse puto, quorum *Menander* & *Agathias*, meminerunt; & ille, tribum *Hunniacam*, aut potius *Turcicam*, esse dicit. *Idem*.

h) *Hunugaros* adpellat *IORNANDES*. *Hunugari*, inquit, hinc sunt noti, quia ab ipsis venit pellium murinarum commercium, quos tantorum virorum formidauit audacia. Quorum maxima finem, primum esse in *Scythiæ* solo, iuxta paludem *Mæotidem*; secundo in *Mœsia*, *Thraciæque*, & *Dacia*; tertio supra mare *Ponticum*; rursus in *Scythia*, legimus habitasse. Adde, *OTROKOCIVM*, *Orig.* Parte I. Cap. V. §. XI. seq.

i) *Saberos*, *Sabiros*, *Sapiros*: his enim nominibus vocantur. *Stephanus*, & *Orphæus*, gentem *Ponticam* esse aiunt. Immo, *Scythiæ Asiaticæ* est, si *Agathia* & *Menandro* credimus. *Sabinoros* vocat *Suidas*, in dictione *Abaros*, & eos dicit ab *Abaribus* expulsos. *CANTOCLARVS*.

k) Lege *Acatziros*. Infra *Catziri* scribitur, truncate. Sed & *IORNANDES*, in *Hist. Gotthica*, *Acatziros* nominat. Sic enim habent *MSS. Palatini*, quæ *GRVTIVS* inspexit. Gens est *Scythica*, teste *PRISCO*, *Valesius*.

a) Late hi, ea tempestate in *Africa* dominabantur, magno occidentalis imperii malo; maximo præterea, *Orthodoxorum* intertrimento, & exitiali propemodum calamitate; ob *Arianam*, gentis *Vandalicæ*, longe omnium sæuissimæ, iniquitatem: donec, sub *Iustiniano* Imp. ad an. *lxxxiv*. *Belisarius*, capta *Carthagine*, & *Gilimero* ad deditionem adacto, *Africanam*, iterum in formam prouinciæ redigeret, regnique

Vanda-



reconciliarent. Venit & legatio a Persarum Rege, quæ multos e Perfide ad Romanos Eoos confugere querebatur, & *Magos*, (b) atque alios, qui iam inde a prisca temporibus, Romanorum, finium sunt incolæ, a patriis moribus, legibus, & institutis, & antiquo religionis cultu, abduci. Qua de causâ demigrant, maxime, quia *Ignem*, (c) qui apud eos vocatur inextinguibilis, in perpetuum ardere, secundum legem, non sinunt. Addebant, æquum videri, Romanos arcis *Ierouach*, ad *Portas Caspias* (d) sitæ, curam habere, & pecunias, ad eius

*Vandalorum*, finem illic faceret. quod obuium est, apud rerum auctores. Consule PROCOPII Libros, de Bello Vandalico.

b) Scribe absque coniunctiua particula: τῶν Μάγων τῶν ἐν τῇ. Intelligit *Magos*, qui in *Cappadocia* degebant, per totam prouinciâ sparsi. Erant autem, *Magorum Persicorum* coloni, de quibus multa scribit BASILIUS MAGNVS, in epistola 325. ad EPIPHANIVM, a quo consultus de illis fuerat. *Valesius*. Quod viri doctissimi indicium, in rem lectoris eruditi, hic loci vertisse iuvat: epistolæ igitur citatæ ἀποστολῆς, quia ad manus est BASILIUS, huc adscribo: Gens illa *Magusæorum*, id quod alteris mihi litteris insinuabas; frequens est in his locis, apud nos, per cunctas fere ciuitates dispersata, coloniis, iam dudum *Babylone* deductis. Moribus viuunt & vtuntur isti peculiaribus, cum ceteris mortalibus impermisti. Sermones cum illis instituere aliquos, prorsus impossibile quid videtur esse; quandoquidem captiuati sunt a diabolo, & ad eius voluntatem, seruituti sunt mancipati. Libris non vtuntur ullis, non disciplinarum informatoribus; sed sine ratione moribus innutriti sunt, quos filius a patre, peritur immolationem pecudum, tanquam pollutionem; quapropter, quibus opus habent cæsis animalibus, illa manibus mactant alienis. Nuptiis illegitimis, ad insaniam dant operam. Ignem esse Deum arbitrantur, & si quid aliud iam affine reperitur. Genealogicas autem ab Abrahamo lineas, nemo nobis hactenus *Magorum* commentus reperitur. Zarnuam, nescio quem, auctorem deprædicant generis sui esse. Neque quidquam præterea possum dignitati tuæ, de hisce hominibus repræsentare. In hunc modum ipsos pinxit S. BASILIUS, Opp. Tomo III. p. 320 edit. Parisiens. anni MDCXXXVIII. Ut proinde, non iniuria, initio epistolæ, tantillos, & nullius pretii homunciones, beatus vir, adpellarit. Certe, nodum in scyrpo quæsiuisse, censendi sunt legati Persarum, quod ignobile hoc, atque obscenum hominum genus, caput esse voluerunt legationis.

c) SACRVM IGNEM, summa veneratione, colebant Persæ. De hoc STRABO, Lib. XV. p. 504. Præcipue igni sacrificant Persæ. Dicata ei sacraria habebant, quorum custodia, *Magorum* curæ, fidei, ac vigilantia, credebatur. Vid. BRISSONIVS de Regno Persar. p. 164. 165. Hunc æternum esse volebant: ἀσβεστον, vocat STRABO. In sacrariis nempe, aræ fuerunt, in quibus *Magi*, multum cinerem, & ignem perennem, seruabant. SOCRATES Hist. Eccl. VII. 8. Persæ ignem, inquit, pro Deo colunt: & Rex quidem ipse, ignem perpetuo ardentem, in domo quadam venerari solet. Hunc illi, Sacrum Ignem, non nisi in regum obitu, extinguunt, vt sit luctus in vniuersa gente, testificatio. DIODORVS, XVII. 114. Mandatum, ad omnes Asiæ gentes dedit, vt Ignem, qui sacra a Persis vocatur, quousque exsequias peregisset, extinguerent. id quod, in regum obitu a Persis, factitari solet. Cerimoniam, circumgestati ignis huius, lege apud CURTIUM, Lib. III. Cap. III. Lib. IV. Cap. XIV. MAGI, de quibus hic PRISCVS, adhuc Ignem Deum credebant, teste BASILIO; sed in eo, pro παρὰ-βάρως, a Persis habiti; quod sacrum illum æternumque ignem, noluerint, saltem neglexerint, perpetuo alere.

d) Alterum isthoc Persicæ legationis caput fuit. De *Portis Caspiis* PLINIUS, Lib. VI. Cap. XV. vbi errorem eorum emendat, qui *portas Iberiæ*, quæ & *Caucasiæ* dicuntur, cum *Caspiis* confundunt. Adde Lib. eodem Cap. XII. *Portæ Caspiæ*, magno errore, multis *Caspiæ dictæ*, ingens naturæ opus, montibus interruptis repente: ubi fores



ad eius tuitionem, conferre; neque se solos sumtibus, & arcis custodia, grauari. Si enim cesserint, non solum ad *Persarum*, sed etiam ad *Romanorum* ditioris terras, & gentes, quæ proxime habitant, damna facile peruentura. Oportere etiam, se iuuari pecuniis, ad bellum, contra *Hunnos Cidaritas* (e) gerendum; ex quo *Romani* eam essent vtilitatem reportaturi; quod ea gens arcebitur, neque longius in eorum fines progredietur. *Romani* responderunt; se quamprimum legatos missuros, hæc omnia cum *Partorum* (f) rege disceptaturos. Neque enim vlllos apud se esse fugitiuos, neque *Magos*, in suæ religionis cultu turbari, (g) aut impediri. Pecunias autem ad custodiam arcis *Ierouach*, & bellum contra *Hunnos Citaritas*, quandoquidem eorum sunt istæ partes, & id sibi desumserunt, minime iuste petere.

## §. X.

Legationem ad *Vandalos* (a) suscepit *Tatianus*, (b) in patriciatus dignitatem cooptatus. Ad *Persas* vero, *Constantius* (c) tertium Consul, & ad Consulatus, patriciatus quoque honorem sortitus. Post incendium ciuitatis, quod accidit sub (d) *Leone*. *Gobazes* (e) venit Constantinopolim, cum *Dionysio*,

E 2

Aola

fores obditæ ferratis trabibus; subter medias, amne, diui odoris, fluente, citraque in rupe castello, quod vocatur *CUMANIA*, communito, ad arcendas transitu, gentes innumeras. Ibi loci, terrarum orbe, discusso, ex aduerso, maxime *HARMASTIS* oppidi *Iberum*. Et hæc quidem, *Albanæ Portæ*, *PTOLEMAEO* dicuntur, Lib. IV. Cap. XII. Sed, de *Caspiis Portis*, Lib. V. Cap. XXVII. *PLINIUS*. *Taurus mons*, inquit, ubi debiscit, & se populis aperit; portarum tamen nomine sibi unitatem vindicans, quæ alibi *Armenia*, alibi *Caspiæ*, alibi *Ciliciæ* vocantur. Fallor? annon in eodem errore fuerit *PRISCUS*, vt, pro *Caucasii Portis*, nominauerit *Caspas*. In illis certe *Cumania* arx, ad reprimendas gentes, inædificata, ac *Ierouach* forte, posteriori ætate, adpelata, iam olim exstitit.

e) *Hunnos* illos, non dubito esse *Turcas*, qui vocantur apud *PRISCUM*, *Hunni Cidaritæ*, seu *Kidaritæ*. ait *OTROKOSI*, Orig. Hung. Parte I. Cap. VII. p. 152. quam eius sententiam, eo minus improbarem, quod *Hunnos*, *Turcas* sæpius fuisse dictos, probe scio: sed, an in eo censu habiti *Cidaritæ*? ambigo. Vnum e multis auctoribus dabo, qui *Hunnos* ait *Turcas* adpellatos, *THEOPHYLACTUM*, Histor. Lib. I. Cap. VIII. regis edit. p. 18. C. Sunt autem *Hunni*, habitantes in oriente, *Persarum* vicini, quos multi, vsitatiore vocabulo, *Turcas* nuncupant. Neque tamen contraibo, si quis, a *Cidari*, *Persici* pilei ornamento, quod forte imitatione *Persarum* adfectabant gestare, *Cidaritas* vocitatos fuisse, voluerit existimare. Confer infra, Cap. II. §. XXVIII. nota c. ubi, aliorum nos coniectura ducit.

f) Lege mea pace: *Persarum* Rege: nam ab hoc missi sunt legati.

g) Ea fuerunt æquitate *Constantinopolitani*, vt hospitium, in suis terris, *Magorum*, vel, quemadmodum eos *S. BASILIUS* vocat, *Magusæorum*, religionem; si quæ tamen ipsis fuit; non modo non inturbant; sed ne ipsi quoque *Episcopi*, quod ex literis *Basilii M.* adparet, vim eis vllam, pietatis obtentu, adtulerint: quomodo & *Epiphanium*, erga eos animatum fuisse, ex iisdem *B. Basilii* litteris, intelligas.

a) Rogatu nempe, occidentalium *Romanorum*, vti est §. IX. initio: quippe quibus, graues fuere *Vandali*, bella ex bellis ferentes.

b) *TATIANUS*, Patricius occidentalis imperii, paullo post Consul fuit. *Valesius*. De eo, *CANDIDVS ISAVRVS* p. 18. edit. regis.

c) *CONSTANTIUS*, Præfectus prætorio. Exstant ad eum epistolæ, *THEODORETI* Episcopi, a *IACOBO SIRMONDO* editæ. Idem.

d) Incendium hoc contigit sub *Basilisco*, & *Hermenerico* Cofs. anno CCCCLXIV. natalis Dominici, vt scribit *MARCELLINVS* in Chronico. Meminit eiusdem, *CANDIDVS ISAVRVS*, Libro I. Hist. qui in incendio eo, multa ab *Aspare*, vtiliter esse ordinata, memorat.



stola Persica indutus, & *Medorum* in morem, satellitibus stipatus. Hunc Imperator excepit, & primum quidem rei nouitate commotus, auersatus est. Deinde, ad æquitatem delapsus, & eum comiter amplexus, dimisit. *Christianorum* enim symbola, (f) ostentans, blanda oratione eum demulsit, & sermonum illecebris cepit. *Scirri* (g) & *Gothi*, acie decertantes, & a pugna utriusque recedentes, ad arcessenda auxilia animum adiecerunt. Qua de re, Romanos Eoos adierunt. *Aspar* quidem censuit, neutris opitulandum esse. Sed Imperator *Leo* statuit, *Sciris* opem ferre. Itaque litteras ad præfectum *Illyrii* misit, iussitque, quoad necesse esset, auxiliares copias *Sciris*, aduersus *Gothos* præbere.

## §. XI.

Eodem tempore, venit & ad *Leonem* Imperatorem legatio, a filiis *ATTILAE*, (a) ut omnibus omnino præteritorum dissidiorum causis refecatis, pacem inirent. Itaque, *Romani*, ut olim erat in more positum, ad *Istrum* usque procedentes, mercatum celebrarent, ex quo inuicem, ea, quæ sibi opus essent, desumerent. Et ea quidem legatio, quæ circa hæc versabatur, re infecta rediit. Nec enim Imperator rationibus suis conducere arbitratus est, commoditates, quæ propriæ *Romanorum* essent, *Hunnis*, (b) qui eos tot damnis, & cladibus affecerant, communicare. At vero, *ATTILAE* filii, renuntiata legatione, inter se dissenserunt. Etenim, *Dengisch*, legatis, nulla re impetrata, reuer-

morat, p. 18. editionis Parisiens. Regiæ. Lege *Philippi Labbei* S. I. notam, ad eundem hunc *ISAVRI* locum, p. 104. initio. in qua, incendii huius historiam, egregie illustratam reperies.

e) Mentionem *Gobazis*, iuxta & *Dionysii*, habes supra §. VII. Hic eius *Constantinopolim* aduentus, priuatus fuit, non regis: iam enim regnum cesserat filio. Vnde *Persicus* hominis, in vestibus, & reliquo comitatu, luxus, non poterat non inuisus esse Imperatori.

f) *CRVCIS* *Dominicæ* simulacra, quæ præferebat *Gobazes*, ac forte martyrum quasdam icones fuisse, ex temporum habitu, facile est ad colligendum. Captare, nimirum, tesseris istiusmodi, volebat, *Romanorum* beneuolentiam, quasi, qui *Christianorum* sacra profiteretur. Enim vero: *Parata, humanis ingeniis, simulatio est.*

g) Populi fuerunt, *Hunnis* permixti, & in eandem plerumque societatem adsciti: quandoque, & seorsim bella gerentes. Est eorum mentio, apud *ZOSIMVM*, Lib. IV. p. 74. Eodem tempore, inquit, *Theodosio*, quidam alii quoque prosperi casus accidere. nam *Scyros*, *Carpodacos*, permixtos *Hunnis*, ultus est, & prælio superatos, *Istrum* transiicere, suasque sedes repetere, compulit. Noti sunt præterea, *Diacono*, *Suidæ*, & *Procopio*, qui eos, cum *Gothis* & *Alanis*, gentem aquilonarem, censet. *Sozomenus* quoque, *Scyrrorum* meminit, sed geminato canino elemento; *IORNANDES* *Sciros*, simplici utrobique littera, adpellat, idque sæpius. De Reb. Get. p. 628. seq.

a) Angustæ iam tum res, filiorum *ATTILAE*, esse incipiebant: quando, quod pater, armatus a *Romanis* postulasset; ipsi, pro pudor! cernui rogant, orantque: tametsi, adiectis, ex pelui, fulminibus.

b) *HVNORVM* nomen, quod tremendum fuit sub *Attila*, sensim contempui haberi cœpit, potentia vero redigi ad incitas, & transferri in alios. Scilicet:

Valet ima summis

Mutare, & insigne adtenuat Deus,

Obscura promens: hinc apice rapax

Fortuna, cum stridore acuto

Sustulit: hic posuisse gaudet.

HORATIVS Lib. I. Carm. Oda XXXIV. 12.



reuerſis, bellum Romanis indici volebat. Cui quidem adparatui, *Irnach* (c) repugnabat. Nec enim bellum, longius a patria geri, expedire exiſtimabat: quod *Saraguri*, *Acatbiris*, (d) aliisque gentibus adgregati, in *Perſas* exercitum duxerunt.

## §. XII.

Primum quidem ad portas *Caspas* (a) adpulerunt, vbi cum præſidium *Perſicum* offendiſſent, ad aliam viam deflexerunt. Qua ad *Iberos* accedentes, regionem vaſtarunt, & excuſiones in oppida *Armeniorum* fecerunt. At *Perſæ*, qui iam dudum bello cum *Cidaritis* occupabantur, hac occasione arrepta, legatos ad *Romanos* miſerunt, qui ab illis pecunias, aut milites, ad cuſtodiam arcis *Ierouach* peterent. Qua de re, ſæpius iam cum illis, per legatos egiſſent, docuiſſentque, ſe pugnam detrectantibus, & cedentibus; liberum futurum, ad inuaſionem barbaris gentibus, acceſſum, atque ita minime inuaſtata *Romanorum* regio permaneret. His vero reſpondentibus; rationi conſentaneum eſſe, vnumquemque ſua tueri & defendere, & de ſuis arcibus ſollicitum eſſe; rursus re non obtenta, legati ad ſuos reuereſcere. *Dengisich* bellum Romanis intulit, & *Iſtro* potiri inſtitit. Quod vbi *Orniſiglus* (b) didicit, (is, in ea parte *Thraciæ*, quæ ad *Iſtrum* eſt, cuſtodix ripæ fluminis, præfectus erat) per ſuos ex eo quæſiuit: an ea mente eſſet, vt acie decertare vellet? Sed, *Dengisich*, *Anagaſtum* contemnens, ab eo miſſos, re infecta, dimiſit, & per legatos, Imperatori denuntiauit: Se bellum illaturum, niſi ſibi, ſuisque terram, quam incolerent, & pecunias, alendo exercitui, qui ipſum ſequebatur, ſubminiſtraret. Legatis in regiam introductis, & mandata exponentibus, Imperator reſpondit; ſe omnia paratum facere, quo eos, ſuo imperio obſequentes redderet. Sibi enim per-

F

gratum,

c) *Irnach*, minor natu, filius *Attilæ*, eique, dum viueret, multo, quam maior, ille, carior. Venit ſæpius in mentem cogitare, annon vocabulum *Irnach*, idem ſit, cum hodierno Hungarorum, *Irnaſch*, & canina elifa, *Inaſch*. Notat vero *Inaſch*, adoleſcentem alacrem, atque in agendo expeditum: ac forte κατ' ἐξοχήν, Principem *Iuuentutis*, hoc loco. Ita, inſtituto *AVGVSTI*, in *Caio* & *Lucio* Cæſaribus, Imperatorum liberi, cum imperii omine, vocabantur. *TACITVS*, *Annal.* I. 3.

d) Egimus de *Saraguris*, & *Acatziris* ſuo loco; §. VIII. not. f. k.

a) De Portis *Caspis*, cum *Caucaſis*, non confundendis, nunc diximus. Iam ita reor, tentauiſſe *Saraguros*, & *Acatziros*, per *Caucaſias* iſtas perrumpere. quarum, quod inexsuperabilis eſſet tranſitus, ad *Albanas* illas, *Armeniæ*ue, deflexiſſe: eo, quod ad *Iberos* recta deuenerint, atque *Armeniorum* oppida vaſtarint.

b) Emendat lectionem *Henricus Valeſius*: Scribendum, inquit, puto, *Ανάγαστος ὁ Αργυρίσκλης*. *Anagaſtos Arnigiſcli*, ſcil. filius. Hic enim *Anagaſtus*, ripam *Iſtri* tuebatur de quo plura mox *PRISCVS* memorat. Hic etiam *DENGISICH*, regem *Hunnorum* deuicit, caputque eius *Byzantium* miſit, *Zenone*, & *Martialio* Coſ. vt eſt in *Chron. Alexand.* & *Marcellini Chron.* De hoc *Anagaſto*, *Suidas* in ὑπογράſ. Iam enim, hac tempeſtate, militari morte functus fuerat *Arnigiſclus*. quod ex *IORNANDIS* de Regnor. ac Tempor. Succellione, diſcas, in actibus *Theodoſii iun.* Contra *Attilam* egreſſus, inquit, *Arnigiſclus*, Magiſter militum *Mœſiæ*, apud *Martianopolin*, fortiter dimicauit; eo quoque ſub ſe, (*Attila*) decedente, præuentus eſt: & ne ſic quieſcens bellare, occiſus. Ergo, nequiuit, his rebus interfuiſſe *Arnigiſclus*: quippe, in prima *Mæſiarum*, per *Attilam* euallatione, occiſus. *Anagaſti* ergo, eius filii, laus caſi *Dengisichi*, fuit omnino. Mentionem *Anagaſti*, apud *SVIDAM* habes ſane, *Tom. III.* p. 559. edit. *Londin.* *KVSTERI*; ſed deſultoriam eam, & ex qua, præter nudum viri nomen, nihil addiſcas.

*Decadis II. Monumentum I.*



gratum, & iucundum esse, si quando inimici in fœdus, (c) societatemque transirent.

## §. XIII.

*Anagastus, Basiliscus, (a) & Ostrouius, & alii quidam duces Romani, in locum abruptum, & concauum, Gothos inclusos obsederunt. Ibi Scythæ (b) victuum inopia laborantes, Romanos, missis legatis, certiores fecerunt, se omnibus, quæ statuerint, parituros; modo sibi terram ad inhabitandum concedant. Romani responderunt: se ad Imperatorem eorum postulata delaturos. At Scythæ, de fame, quæ eos premebat, transigere velle dixerunt, neque longiores inducias ferre posse. Romanis ordinibus præpositi, habito consilio, tantisper dum Imperator illis prospiceret, alimenta præbituros polliciti sunt, si Scythæ Romanorum multitudini, proxime ad eorum morem ordinati, accederent. Facilem enim fore singulis ordinum ductoribus, eorum, qui sibi sorte obuenerint, tuitionem, & administrationem potius, quam ducibus, qui vniuersos exercitus, regunt: quippe qui, in illis cura sua, & diligentia completendis, inter se sint æmulatione certaturi. Itaque, Scythæ his, quæ legati renuntiarunt, paruerunt, seque in tot, & eosdem ordines distribuerunt, in quos Romani erant distributi. Quo facto, *Caleal, (c) vir genere Hunnus, qui secundum ab Aspare, imperii gradum in eos, qui sub eo ordines ducebant, tenebat, barbarorum, quæ suis ordinibus accefferat, cohortem obiens, in qua erant plures**

c) Haud societatis has leges, acceptauisse *Dengischum*, funestus eius, eodem illo bello, quod commouerat, occasus docuit. Cautius, cæde fratris, mercari doctus *Irnach*, qui in bellum aduersus Romanos, non consenserat, in tutas sedes, cum suis euasit. IORNANDES: *Hernach*, (Prisco, *Irnach*, quandoque *Irnas*, dictus) iunior *Attilæ filius*, cum suis, in extremo minoris *Scythiæ*, sedes delegit. *Emendzur, & Vzindur*, consanguinei eius, in *Dacia* ripensi. Obseruet lector, *Hungarica* nomina: *Emend-Ur, & Vzind-Ur*. quod est, *Emend Dominus, Vzind Dominus*. Est hoc omnino, *Hungariæ* linguæ, apud *Hunnos* proprios, exstans vestigium. quod & integrarum gentium nominibus hæsit: vt, *Hunoguri, Onoguri, Vroguri, Atziguri*, reliqua. Hæc vero, si *Hungariæ* legas, habebis: *Hunn-Uré; Onog-Uré; Vrog-Uré; Atzig-Uré*: vt sint quasi tribus quædam, a suis, siue præfectis, siue rerum apud se dominis, sic denominatæ. nempe tribus, *domini Hun; domini Onog; domini Vrog; domini Atzig*. Quæ iterato adnotauisse, haud sane piguit, vt fidem faceremus iis, quæ de linguarum, *Hunniacæ, & Hungariæ*, cognatione, semel atque iterum, cogitate diximus.

a) FL. BASILISCVS, hic idem est, cuius Cap. II. §. XXVII. not. d. in expeditione Africana aduersus *Gensericum*, mentionem habebimus. homo iam tum, non vsquequaque integræ fidei. Postea, anno vrbs MCCXXVIII. imperio priuauit *Zenonem*, & ab eo rursus priuatus est FL. BASILISCVS. Res eius, in compendium missas, C. SIGONIVS dabit, Opp. Tom. I. Parte altera, p. 551. seq. Vide & MALCHVM, apud Photium, Cod. LXXVIII.

b) Quos Gothos adpellauerat, iam Scythas vocat; iterumque Hunnos. quod indicio est, quam late *Constantinopolitani*, nomen *Scytharum* sparserint: *Hunnorum*, vti credere par est, odio, id vt facerent, adducti. Enim vero, ATTILAE, & quæ hanc præcessit, ætate, *Hunnum* nominauisse, conuitii dirarumque genus omne, coniecisse fuerat in hostem.

c) Insigne sanguinolentæ fraudis exemplum, & quod nollem, ab *Hunno* fuisse editum: qui tamen, vehementer sibi placuit, quod *Hunnus* genere fuerit. Eo enim superbiæ, ex felici rerum, viuo ATTILA, successu, processere *Hunni*, vt gentes propemodum omnes, præ se, pumiliones, & si quid dici potest ignobilius, despicatiusque, existimarent.



plures numero Gothi, quam reliqui, accitis primoribus, huiusmodi orationem habere cœpit: Terram quidem Imperatorem ad inhabitandum daturum, quæ non illis fructui, & commodo futura esset; sed cuius utilitas ad solos Hunnos redundaret. Nec enim Hunnos ignorare, Gothos terræ cultum negligere. Ex quo fore, ut luporum more Hunni, arua, quæ Gothis sortito obtigissent, ad se perirabentes, raperent, & eos seruorum loco habentes, cibis destitutos vexarent, & opprimerent. Quamobrem, semper maluisse, ut nullum esset Gothico generi, cum Hunnis, commercium, & maiores iureiurando eos obstrinxerunt, eorum societatem fugere. Sed rerum necessariorum penuria victi, sacramenta patria, pro nihilo habebunt, & transgredientur. Se quidem genere Hunnum, quo maxime gloriatur; sed aequitate motum, hæc illis dicere, & monere eorum, quæ facienda sunt. His dictis, Gothi commoti, & hæc Caleal, pro beneuolentia, qua ipsos prosequeretur, suggessisse rati, Hunnos sibi immixtos, tanquam seditiosos, trucidarunt. Deinde, quasi ex compacto ceteri conuenientes, ingens pugna, inter vtramque gentem, est commissa. Quos, cum in armis, reliqui castrorum duces viderunt, acies suorum instruxerunt, & obuium quemque barbarorum occiderunt. Scythæ, cognito dolo, & fraude perspecta, sese collegerunt, & manus cum Romanis conseruerunt. Sed illi, qui sub Appare stipendia faciebant, omnem barbarorum cohortem, quæ illis ordinibus obuenerat, comprehensam, ad internecionem usque cæciderunt. Aduersus reliquos, ducibus, non incruenta pugna fuit, barbaris strenue & fortiter pugnam capeffentibus. Ex qua pugna, qui superstites ex Scythis fuerunt, eos Romanæ legiones deleuerunt: ad hunc modum soluta est obsidio.

## §. XIV.

Maxima intercedente Romanis, & Lazis, cum Suanorum (a) gente, controuersia: cum Suani prompte ad pugnam ineundam, ad primum signum concurrerent, Persas quoque cupido belligerandi incessit, propter oppida, quæ Lazis, Suanis eripuerant. Itaque, Laxus ad Romanum Imperatorem, legationem misit, sibi auxilia mitti postulans, ex militibus, qui Armenia oram, Romanis subiectam, tuebantur, ut, quia proximi erant, præsto essent, ne dum longinqua auxilia expectant, periculum incurrant, aut frustra sumptibus atterantur; si forte accidat, dimicationis tempus produci, sicut iam antea euenerat. Missa enim cum Heraclio (b) valida auxiliorum manu, Persis, & Iberis, quibuscum in bellum, alio bello aduersus alias gentes, occupatis, cum grauis illi, & molesta esset commeatum præstatio, auxilia remisit. Sed rursus in eum Partbis redeuntibus, Romanos reuocauit. Legati vero retulerunt, Ro-

F 2

manos

a) De Lazis, Colchidis gente, diximus supra: nunc de Suanis nonnihil. Meminit Suanorum, PLINIUS, Lib. VI. Cap. IV. p. 309. PTOLEMAEVS item, Lib. V. Cap. IX. STRABONI Soanes dicuntur, Phthiophagorum similes, & ultra barbariei modum, telorum mucrones, veneno tingentes, Lib. XI. p. 343. Colchidis fuisse gentem, auri & argenti in primis diuitem, cum terram adhuc coleret virginem, ex PLINIO addiscas, Lib. XXXIII. Cap. XV. Tom. II. edit. Parisiens. p. 614. AGATHIAS, Ibericam gentem vocat, Lib. IV. Lazica dicitur in Authenticis.

b) HERACLIVS, belli dux, seu Magister militum, sub Zenone, audax magis fuit, quam prouidus. quod eum multis iactatum malis, pessundedit. Suidas, Tomo II. p. 71. Ad vltimum, a Gothis captus, cum elaborante Imperatore Zenone, & centum talentis, in libertatem vindicatus, domum, cum comitibus, rediret, ab subsefforibus Gothis, occisus est: haud sine vindice numine. MALCHVS Rhetor, in Hist. Byzant. edit. Regiæ Parisiens. p. 87. D. 88. A. 13.



manos missuros ad eos auxilia, & ducem. Quo tempore aduenit etiam legatio a *Perſis*, nuntians: *Hunnos Cedaritas*, ab ipsis deuictos, ad *Balaam*, Hunnorum urbem, expugnatam. Nuntiauerunt igitur legati victoriam, quam *Perſæ* obtinuerant, & barbarorum in morem, magnificis verbis extulerunt, maximas, quæ illis adessent copias videri affectantes. Sed legatos, statim a legatione dicta, Imperator dimisit. Nam illi res *Sicula*, longe maiori curæ erant.



EX  
PRISCI RHETORIS  
GOTHICA HISTORIA,  
EXCERPTA  
DE ATTILA.

CAPVT II.

§. I.

Cum (a) *ROVA*, (b) Hunnorum Rex, statuiſſet, cum *Amaldſuris*. *Itbamaris*, *Tancaſſis*, *Boiſciis*, (c) ceterisque gentibus, quæ *Iſtrum* accolunt; quod, ad armorum ſocietatem cum *Romanis* iungendam, conſuſſent, bello decertare; *ESLAM*, (d) componendis *Romanorum*, & *Hunnorum* controuerſiis, adhiberi ſolitus, miſit, qui *Romanis* denuntiaret; ſe, a ſœdere, quod ſibi cum illis eſſet, reſeſſurum, niſi omnes *Scythas*, qui ad eos ſe contuliſſent, redderent. *Romanos* vero, conſilium, de mittendis ad *Hunnos* legatis, capientibus, *Plinthas*, & *Dionyſius*; hic ex *Thracia*, ille ex *Scythia*, oriundus, ambo exercituum duces, & qui Conſulatus dignitatem, apud *Romanos* geſſerant, hanc legationem obire voluerunt. Vt vero viſum eſt, non ante legatos proficiſci, quam *Eſlas*, ad *ROVAM* rediiſſet; *Plinthas*, (e) vna cum *Eſla*, miſit

a) Legationem hanc, tamquam tempore, locoque, priorem, ab initio PRISCI Excerptorum, poni, legique oportere, in aditu, monente HENRICO VALESIO, notauimus, Cap. I. §. I. nota a.

b) Intricata nimis eſt, cum cognatio, tum ſucceſſio regum *Hunniacorum*. qua de re, egimus DECADE I. Monum. III. Cap. II. & reliquis p. 92. ſeq. De vocabulo *ROVA*, monemus iterum; propius ad indolem linguæ *Hunniacæ* accedere, IORNANDIS ſcriptionem: *ROAS*, inquit, Cap. XXXV. ante Attilam, regnum *Hunnorum* tenuiſſe narratur; quamuis non omnino cunctorum. *ROAS* autem, ſeu *Rubás*, Hungarica dialecto, tantundem eſt, ac ſi, decenter, commode, & pro dignitate amictum, diceret: forte, quod ſplendidius veſtiri voluit, quam ſui, in regno præambulones. Cetera, vide loco citato.

c) Has gentes, paullo aliter nominat IORNANDES, in Gotthicis: *Alipſuros*, *Itimaros*, *Tuncarſos*, & *Boiſcos*, *Hunni* rapuere. HENR. VALESIVS. Fuerunt vero gentes, a *Hunnis* deuictæ, iterumque rebellantes.

d) *ESLAE* mentio, recurret ſæpius: quippe qui, adminiſtratis legationibus, & poſtea ſub ATTILA, illuſtrem ſe fecit.

e) Quis *PLINTHAS* hic fuerit, & qua apud *Romanos* emicuerit dignitate, infra expromit PRISCVS, §. XXV. fine.



misit *Singulacbum*, vnum ex suis necessariis, qui ROVAE in animum induceret, (f) cum nullo alio *Romanorum*, quam cum ipso, colloquium inire. Cum autem ROVA mortuo, *Hunnorum* regnum ad ATTILAM peruenisset; (g) Senatus decreuit, *Plintbam* legationem ad ATTILAM exsequi. Quo S. C. Imperatoris suffragio comprobato, *Plintbam* cupido incessit, *Epigenem*, qui sapientiae laude celebris erat, & quaesturae dignitatem obtinebat, socium legationis sibi adsciscere. Qua de re, lato quoque suffragio, ambo, in eam legationem profecti sunt, & *Margum* peruenerunt. Est autem *Margus* (h) vrbs, in *Illyrico Mysorum* ad *Istrum* sita, ex aduerso *Constantiae* arcis, ad alteram fluminis ripam collocatae. In hanc urbem, a Rege, ex *Scythis* delecti, extra ciuitatem equis (i) insidentes, (nec enim barbaris de plano verba facere placuit) conuenerunt. Neque vero non, suae dignitatis rationem, legati *Romani* habuerunt, & ab hac usurpatione, eodem quoque adparatu, in *Scytharum* conspectum venerunt, ne sibi peditibus, cum equitibus, differendum foret. Itaque, placuit, profugos omnes, etiam qui multo ante profugerant, vna cum captiuis *Romanis*, qui non soluto redemptionis pretio, ad sua redierant, dedi: aut pro vno quoque captiuo *Romano*, his, qui eum bello ceperant, octo aureos dari; *Romanos*, belli societatem cum barbara gente, quae bellum cum *Hunnis* gerat, non facere; conuentus ad mercatus paribus legibus celebrari; & in tuto *Romanos*, & *Hunnos*, esse; vt foedera rata maneant, & obseruentur, vno quoque anno, septingentas auri libras, tributum nomine, *Scytharum* regibus, a *Romanis* pendi; cum antea tributum annuum non fuisset, nisi (k) trecentarum quinquaginta librarum.

G

S. II.

f) Suberat omnino huic destinationi *Plintbae*, dolus aliquis malus; siue eum in *Romanos* moliebatur, siue in *Ruam*; quod totam eam legationem, suo vnus arbitrato, administrari concupierit. De hoc molimine, non vsquequaque integro, exclamat CANTOCLARVS: *O rem periculofam, & animaduersione dignam!*

g) Accessit ad regnum paternum ATTILA, non adoptionis lege, qua successor, cum BLEDA fratre, adsciuisset, SVBTAR, seu Ostar; sed consummatissimo eo iure, quod ex regia natalium lege, habebat. id quod, contra CALANVM, suo loco, DECADE I. p. 95. nota k. obseruauimus.

h) De MARGO, diximus Cap. I. §. I. nota d. Hic, *Constantiae* arcis obiectu, situs vrbs designatur. Sed quae illa? non habeo dicere: nisi sit, cuius *Historia Miscella*, XVII. THEOPHYLACTVS praeterea, *Histor. Lib. VII. Cap. VIII. p. 175.* meminerunt. Sed illic vtrobique dicitur, *Constantiola*. MARGVS certe, in *Hunnorum* tunc fuit potestate. quod ex sollemnibus, acceptae hic *Romanorum* legationis, satis adparet.

i) Non est ritus hic, legatos accipiendi, ab arrogantia, aut *Romanorum* contemptu, profectus. Ingenium *Hunni* suum, sequuti videntur. quod, quale fuerit, ex AMMIANO condiscas, qui *Lib. XXXI. Cap. II. p. 474.* *Equis*, ait, *prope affixi, duris quidem, sed deformibus, & muliebriter iisdem nonnunquam insidentes, funguntur muneribus consuetis. Ex ipsis equis, quibus, quemadmodum legit VALESIVS, in hac natione, pernox & perdius, emit, & vendit, cibumque sumit & potum, & inclinatus cervici angustae iumentis, in altum soporem, adusque varietatem affunditur somniorum. Et deliberatione super rebus proposita, hoc habitu omnes, in commune consultant.* Haec auita fuit *Hunnorum* consuetudo; vt adeo, nequiverit esse *Romanis* opprobrio. De ATTILAE ritu, *Maximino*, ad audientiam admissio, infra, ad §. VIII. erit dicendi locus. Ceterum, consule ad hunc MARCELLINI locum, adnotationes, HENR. VALESII.

k) Aliter, in iis pacis legibus perfertur, quas Cap. I. §. II. PRISCVS retulit. Sex mille, nimirum, libras pro praeteritis stipendiis solui; duo mille, & centum, in posterum, singulis annis, tributum nomine pendi, &c. debere. Obseruet lector! stipendii, atque



## §. II.

His conditionibus, pacem, Romani & Hunni pepigerunt, qua iureiurando patrio ritu (a) vtrique præstito, firmata, vtrique, ad sua redierunt. Itaque, qui ex barbaris ad Romanos transierant, redditi sunt: de quorum numero erant, filii Mama, & Altacam, (b) ex regio genere, quos Scythæ suscipientes, in Carso (c) Thraciæ castello, crucis supplicio adfecerunt, & hanc ab his fugæ pœnam, exegerunt. Pace, cum Romanis facta, ATTILAS, & BLEDA (d) ad subigendas gentes Scythicas, profecti sunt, & contra Sorsosgos bellum, communibus opibus & viribus, mouerunt.

## §. III.

Theodosius misit senatorem (a) virum consularem, ad ATTILAM legationem

atque tributi, discrimen. Debebant Romani stipendia ATTILAE: quippe quem, DVCEM suum esse voluerant. Tributis autem pendendis, ex pacis conditionibus, victori tenebantur.

a) Iurisiurandi formulam Huno-Abaricam, habes apud Menandrum in Ecclōgis, e Libro Historiar. eius II. decerptis, Tomo I. Script. Byzantinor. edit. regiæ p. 128. b) Romani, inquit, qui Singidone erant, (controuersia his cum Baiano Abarorum, de Sauo ponte iungendo fuerat) CHAGANVM, ad iusiurandum prouocarunt; nempe, nihil doli mali, operi illi inesse. Itaque, confestim, Abarico ritu, iusiurandum ad hunc modum præstitit. ENSE educto, & in altum sublato, sibi, & Abarorum genti, dira est imprecatus; si quid mali comminiscerentur Romanis, in eo, quod super suo flumine, pontem facere susceperat: ut ipse, & vniuersa gens Abarorum, gladio consumeretur; cælum ex alto ipsis, & DEVS IGNIS, qui in cælo est, irrueret; siluæ & montes, casu, & ruina eos obtererent; Sauus fluuius superscaturiens, eos submergeret. Hæc, ubi barbarico ritu, iurasset CHAGANVS: nunc ego, inquit, iusiurandum Romanorum volo iurare. Tum quæsiuit ex ipsis; quid esset, quod religiosum & sanctum ducerent? quod iurantes, si fallerent, DEI iram minime euitaturos crederent. Statim igitur, is, qui Singidone vrbe, summam sacrorum potestatem habebat, SANCTA BIBLIA per hos, qui in promptu mandata perferebant, protulit. Et ille quidem, occultans ea, quæ mente voluebat, multo cum tremore, & magna cum reuerentia, præ se ferens, ea suscipere, procedit ex cathedra: tum alacri & prompto animo, in genua prouolutus: Iuro, inquit, secundum loquentem, in verba, quæ habentur, in sacris DEI Chartis, me in nullo eorum, quæ prolata sunt, mentiri & fallere. En barbarici ritus iurisiurandi formulam! An iisdem Hunnorum iusiurandum, verbis fuerit conceptum, non habeo dicere: de eo non ambigo; adhibitum fuisse GLADIUM, MARTIS apud eos simulacrum. Leges, quæ hic commentatur OTROKOCIVS, Origin. Hung. Part. I. Cap. V. §. 36. p. 198.

b) Horum genus eruderent, si potuerint alii; nobis enim, id vt faceremus, hætenus minime licuit.

c) CARSVN, PTOLEMAEVVS, & ANTONINVS, Mysiæ inferioris oppidum, dicunt. quod non videtur contraire PRISCO; quandoquidem, non satis adcurate Mæsiæ inferioris, & Thraciæ adfinis, limites, definiunt scriptores. Crucis interim supplicium hætenus nondum vsitatum Hunnis, Romanorum imitatione, adhibitum fuisse, satis apparet: nisi vulgatum apud gentes fere omnes, patibuli fuerit genus.

d) Semel, atque iterum, Scythiæ minoris populos, fræna mordentes, nunc ductu suo, nunc auspiciis, ATTILA perdomuit. Expeditionem hanc, eo oportuit esse adparatiorem, quod rex vterque, in eam ire non dubitauit. Sed, qui, quæso, populi Sorsosgi? Ceteroquin, expeditio hæc, de concordia inter Attilam, Bledamque, regni confortes, idoneum est testimonium.

a) Hæc legatio collocanda, legendaque est post verba, Cap. I. §. III. p. 7. lin. 5. Dum exercitus compararent, & duces sortiebantur: nisi forte ante Chersonense prælium locanda sit, quod verum puto. VALESIVS. Prælium vero Chersonense habes Cap. I. §. II. p. 3.



nem obiturum. Et ille quidem, quamvis legati nomen adeptus esset, minime tamen est ausus, terrestri itinere *Hunnos* adire; sed iter mari instituit, & in *Odyssenorum* (b) ciuitatem nauigauit, in qua, Theodotulus dux, commorabatur.

## §. IV.

*Chrysapbius* Eunuchus suauis *Edeconi*, *ATTILAM* de medio tollere. (a) Super ea re, habito ab Imperatore *Theodosio*, cum *Martialio* magistro, consilio, decreuerunt non solum *Bigilam*; sed & *Maximinum*, legatum, ad *ATTILAM* ire. Et *Bigilam* quidem, specie (b) interpretis, quo munere fungebatur, quæ *Edeconi* viderentur, exsecuturum; *Maximinum* vero, qui minime eorum, quæ in consilio Imperatoris agitata erant, conscius, litteras ab eo, *ATTILAE* redderet. Scripserat enim Imperator, legatorum causa, quemadmodum *Bigilas* interpretis munus obiturus, & *Maximinus* legatus, mitteretur. qui quidem *Bigilam* (c) dignitate superabat, & genere illustris, & ad multa sibi aptus & utilis erat. Adhæc, minime decere *ATTILAM*, fœdera transgredientem, Romanorum regionem inuadere. Et antea quidem, ad eum plures, nunc vero, decem & septem transfugas, mittere. nec enim plures apud se esse. Et hæc quidem litteris continebantur. Ore autem *Maximinum*, ex se iusserat *ATTILAE* dicere: Ne postularet maioris dignitatis viros, (d) ad se legatos transire; nec enim a maioribus suis aliter usurpatum, quam obuium quemque ex suis militibus, aut alium quemlibet nuntium, qui mandata exponeret, ad eos, qui antea in *Scythia* regnabant, legare. Ceterum, ad ea, quæ inter ipsos in dubietate versabantur, diiudicanda sibi videri, *Onesegium* mitti debere. Qui enim fieri posset, ut in *Serdicam*, (e) quæ diruta esset, *ATTILAS*, cum viro consulari, conueniret? Hanc sibi legationem delatam, ubi *Maximinus*, precibus (f) victus,

G 2

b) *ODYSSA*, vrbs Pontica est *STEPHANO*, ubi eam describit: *PTOLEMAEO*, & *DIO-DORO*, inferioris *Mæsiæ* ciuitas. quam recentiores, *Varnam* dicunt, clade *WLADIS-LAI* I. Hungariæ regis notatam. *CEDREVS* *Barnam* vocat, ore scilicet Græco. *Odes-sus* scribitur *STRABONI*, commutato elemento. qui & *Milefiorum* coloniam, sicuti vrbes huius oræ plerasque, facit. Lib. VII. p. 220. extr.

a) Reponenda praua hæc *Theodosii* consilia sunt, supra, Cap. I. §. III. p. 8. & perpetuo deinde nexu, legationis eius res, legendæ.

b) Tota hæc legatio, contra fas & æquum, dolis malis instructa fuit. quod, cum ex epistola, quam *Theodosius* scripsit ad *ATTILAM*; tum ex oratione, quæ *Maximino* præscripta fuit ad dicendum, liquido adparet.

c) Vlcus legationis *Bigilam* hunc possis dicere: ita totus, ex dolis & fraudibus fuit confusus. quod est propalam. Habuit eius mentionem *PRISCVS*, Cap. I. §. III. p. 8.

d) Fuit profecto postulatum hoc, ab imprudentibus *Romanis*, eo comparatum, ut iram *ATTILAE*, priorum regum, humili hac commemoratione, accenderent, sufflarentque: quippe qui, suos in regno anteambulones, sicuti potentia, sic bellorum, & varietate, & successu, multis modis antecessit. Proinde, non ei vitio fuit vertendum, quod maiorem sui, in legationibus obseruantiam, iure quodam maiestatico, deposceret. Sed, aberant ea tempestate a *Romanis*, sana consilia. Voluntatem hanc *ATTILAE*, recognosce, Cap. I. §. III. p. 8.

e) Coniicias hinc, postulauisse id a *Romanis* *ATTILAM*, ut *Serdicæ*, atque id quidem pro sua dignitate, disputarentur inuicem mutux controuersix. Quam *ATTILAE* voluntatem, auersati *Romani*, ne validissimum hostem, prope ad fines suos adlicerent: caussati sunt; desolatam *Serdicam*, tantis hospitibus accipiendis, minus fore idoneam. De *Serdica*, diximus capite superiore, §. II. nota p.

f) Non credo, vllis precibus locum daturum fuisse *Maximinum*, si de nefariis

*Chry.*



Atus, suscepit, mihi (g) persuasit, ut illi comes essem. Atque ita, cum barbaris (h) iter facere coepimus, & in *Serdicam* (i) peruenimus, trium & decem dierum itinere expedito homini, a *Constantinopoli*, distantem. Ad eam, postquam adpulimus, ad cibum nobiscum sumendum, *EDECONA*, ut ceteros barbaros, inuitandos duximus. Bobus igitur & ouibus, quas locorum incolæ (k) nobis suppeditauerant, iugulatis, instructo conuiuio, epulati sumus. Inter epulas barbari *ATTILAM*; nos Imperatorem admirari, & extollere. Ad quæ *Bigilas* (l) dixit: *Minime iustum esse, Deum, cum homine comparare; hominem Attilam; DEVM Theodosium (m) vocans.* Id ægre tulerunt *Hunni*, & sensim ira accensi,

*Chrysapbii, Martialii*, atque Imperatoris consiliis, quæ ad tollendum, per insidias, *ATTILAM*, comparata erant, vel per nebulam quidpiam habuisset cognitum. In tota certe hac legatione, ingenue se gessit *Maximinus*, & tum, quando fraude ac dolo *Bigilæ*, res, in summum discrimen erant adductæ.

g) Non ergo, Imperatoris arbitrato, tamquam legationis collega; sed, rogatu admodum *Maximini*, *PRISCVS* adscitus est, in societatem itineris: ut virum in eo haberet, vsui sibi futurum. quod & ita euenit.

h) Cum *EDECONA* nimirum, & suis comitibus, quorum non paucos, pro *ATTILAE* maiestate, atque magnificentia, secum habebat. At, bene iis sane conuenisset mutuo; nisi *Bigilæ*, proiectæ temeritatis hominis, iniuria in *ATTILAM* procacitas, animos itinerantium, dissociauisset ante, quam ad profectiois metam ventum fuisset. qua de re paullo post dicetur.

i) En! *SERDICA*, a *Constantinopoli* distantiam, atque situm in occidentem æstiuum. Itaque, non illam ad *Istrum*, flumentaneam, cuius *NICETVS* meminit; sed mediterraneam, iuxta *Naissum* positam, de qua apud *CYROPALATEM*, & *CEDRENUM*, aliosque, legitur, hic loci intelligendam, fidenter existimo; quod, itineris rationes, a legatis suscepti, infra condocebit. Conf. notam *CANTOCLARI*, ad hunc locum; & *C. CELLARIVM*, ad *Eutropii* Lib. IX. Cap. XIV.

k) Juris proinde tunc *Romani*, & *Serdicam*, & circumscita loca, fuisse oportuit: alioquin, si post regionem euastatam, adhuc in potestate *Hunorum* persistissent; horum, minime autem *Romanorum* fuisset; cum pecora macello idonea, imperare accolis; tum instruere conuiuium, & comites legatos inuitare. quod aliter habuit.

l) *BIGILAS*, homo utique, quemadmodum adparet, ad obeunda, quæ ad legationem pertinere, ministeria, non modo inhabilis, verum etiam noxius maximo-pere fuit. Qui enim, a nobis in legationem mittuntur, aut saltem ad huius ministeria, sicuti *Bigilas*, adhibentur, oportet esse viros probos, pietate insignes, neque publicorum iudiciorum crimine damnatos, prudentes indole, qui *charam* remp. habeant, ut pro ea, capitis fortunarumque suarum periculum adire non recusent: quemadmodum habet, præmissa, *Ecclogis de legationibus*, monitio, *Tomo I. Byzantin. Hist. edit. reg. p. 4. b.* quam nos exhibuimus, *ADPARATVS* nostri, *DEC. I. Mon. X. in Mantissa p. 442.* Sed eorum sane, nihil adparuit in *Bigilæ* interprete; quinimmo, contraria omnia. Enim vero, hæc eius, odiosa, *THEODOSII* cum *ATTILA*, comparatio, tota huc comparata fuit, ut *Hunnos* exacerbaret, inque furorem ageret. Cum decuisset tamen, nondum emollitam satis gentem, officiis, mansuetudine, & quibusuis honestissimis artibus aliis, demeruisse potius, quam offendisse. At enim, *piscis a capite fatet.* Talem, legationis interpretem esse voluit *Theodosius*. Quid? quod coquebat iniquo pectore, destinatam *ATTILAE* necem!

m) Norunt antiquitatis periti, regum *Asiæ*, atque *Aegypti*, quin & *Romanorum* Imperatorem, velanam arrogantiam, Dei nomen, in titulis suis vsurpantium. Qua de re, cum multi alii, tum in primis, *Illustris EZECHIEL SPANHEIMVS*; egit, *Dissert. V. de Præstantia & Vsu numismatum antiq.* quem, consuluisse, haud omnino poenitebit eruditum lectorem. Quid vero *Bigilas* sibi voluit? cum *THEODOSIVM* suum, fastose, & cum *Hunorum* conuicio, ethnicorum ritu, Deum, hominem *ATTILAM* adpellauit. Mihi quidem non obscure, gentiliū illam impietatem, visus est æmulari,



accensi, exasperabantur. Nos vero, alio sermonem detorquere, & eorum iram, blandis verbis lenire. A cœna, ut turreximus, *Maximinus*, *Edeconem*, & *Orestem*, donis demereri studens, sericis vestibus, & gemmis indicis, donauit. *Orestes* deinde, præstolatus *Edeconis* discessum, verba faciens cum *Maximino*: sibi quidem, ait, illum probum & prudentem videri, qui non itidem, ut alii, quod reges offenderet, commisisset. Etenim nonnulli, spreto *Oreste*, *Edeconem*, quem ad cœnam inuitauerant, donis coluerant. Nos autem, harum omnium rerum ignari, quo pertinerent, *Orestis* verba, non satis percipientes, cum ex eo sciscitaremur: quomodo, & qua in re despectui esset habitus? (n) & *Edecon* honore affectus, nihil respondit, & discessit. Postridie, cum iter faceremus, in *Bigilam* incidimus, cui, quæ *Orestes* dixerat, retulimus. Ille vero ait: *ORESTEM*, non debere iniquo animo ferre, si eadem, quæ *EDECON*, minime esset consequutus. *Orestem* enim adsecram, & scribam *ATTILAE*; *Edeconem* vero, bello clarum, & genere *Hunnum*, longe illum dignitate antecellere. Quæ cum loqueretur, patrio sermone *Edeconem* adfatus, non multo post nobis confirmauit, seu vera proferret, seu fingeret; se *Edeconi* ea, quæ prius illi dixeramus, exposuisse. Deinde, ob ea, quæ retuleramus in iram versus, vix ipsum ad ullam animi æquitatem, reuocare potuimus. Venimus *Naissum*, (o) quæ ab hostibus fuerat euersa, & solo æquata: itaque eam desertam hominibus of-

H

fendi-

lari, quam suo exemplo, vnus, loco omnium, expressit *CHOSROES*, Persarum rex, apud *THEOPHYLACTVM SIMOCATTAM*, Lib. V. Cap. VIII. edit. Byzant. Hist. Tomo I. p. 101. c. *CHOSROES*, inquit, inter Deos quidem, homo bonus & æternus, inter homines autem Deus illustrissimus. Nescio, an fastoso hoc titulo, θεῶν θεῶν καὶ ζωῆς πατρις, nostrum, exæquare, in animo habuerit *Chosroës*? quorsum fere inclinat laudatus *Spanhemius*, dum ad *OCTAVIVM* suum: Agnoscis, inquit, ad vnici Seruatoris θεανθρώπου, & sacra Christianorum mysteria adulationem! nam paullo ante, hominibus se salutarem dixerat. Id certum est, modestius de se *ATTILAM*, quam seu *Chosroëm*, seu *Bigilam*, de *Theodosio* sensisse; quum, non *Deus*, sed *FLAGELLVM DEI*, adpellari voluit: si tamen, qui circumfertur titulus *ATTILAE*, ab ipso rege *Hunno* profectus est. Nam, credunt docti, vel adsentationem, vel odium metumque, id axioma *ATTILAE* adfricuisse. Quidquid eius sit: valuit profecto, impia hæc *Bigilæ* dicacitas, ad percellendos ira, *Hunorum* animos; ut habuerint omnino *Romani*, cur in ea sedanda elaborarent.

n) *ORESTIS*, querela omnis, ex eo fonte manauit, quod, cum esset superbe avarus, haud par sit *Edeconi* habitus, neque, ut ille, donis percultus; tametsi ipse non minus, quam *Edecon*, conuicio *Bigilæ*, quod in *ATTILAM* procaciter, & cum contemptu iecit, offensus sit, idemque, suo loco, & cum esset opportunum, potuerit reficere. Est nempe, hominum genus, qui

ad contumeliam omnia accipiunt magis:

propter suam impotentiam, se semper credunt negligi.

TERENT. Adolph.

Simultas certe, quæ hic animos, vtriusque, *EDECONIS*, & *ORESTIS*, insedit, ad eum modum, successu temporis, inueterauit, ut imperio ipsi occidentali, fuerit perniciosus. Propagata est enim in filios, *AVGVSTVLVM*, & *ODOACRVM*. Ille namque, a patre *Oreste*, mortuo iam *ATTILA*, patriciatum *Romæ* adeptus, cum *CAESAR AVGVSTVS*, inauspicato fuisset creatus; ab *ODOACRO*, *Edeconis* filio, *Oreste* primum cum exercitu deuicto, atque occisione occiso; *AVGVSTVLVM* *CAESAREM* interceptis, atque data vitæ venia, augustali dignitate, exiit. En! ex *HVNNIS*, & *Augustum* *Caesarem* vltimum, & *REGEM ITALIAE* primum. Profecto, si est, fuitque vnquam in historia παράδοξον; istud, in eo censu habendum, fateamur oportet. de quo alias, professa opera: hæc interea, ad gustum propinamus *Lectoribus*, doctis, & veritatis historice amantibus.

o) De *NAISSO*, diximus, quantum satis est, Cap. I. §. III. nota o. p. 8.

Decadis II. Monumentum I.



fendimus, præterquam, quod in ruinis sacrarum ædium erant quidam ægroti. Paulo longius a flumine, ad vacua loca, diuertentes; omnia enim circa ripam, erant plena ossibus eorum, qui bello occiderant. Postridie, ad *Agintheum*, (p) ordinum, in *Illyrico* ductorem, qui non longe a *Naiſſo* habitabat, accessimus. Imperatoris enim mandata ferebant, ut reciperemus ab eo, quinque transfugas, qui septemdecim numerum, de quibus ad ATTILAM scripserat, explerent. Hominem igitur conuenimus, & quinque profugos *Hunnos* tradere præcepimus. quos verbis consolatus, nobiscum dimisit.

## §. V.

Nocte transacta, a montibus *Naiſſi*, *Iſtrum* versus iter pergentes, in vicum quendam opacum, per obliquos flexus & gyros, & circuitus multos, deferimur. Hic, cum in ea opinione essemus, ut in occasum iter tendere existimarem, simulac illuxit sol, exorients sese oculis nostris obiecit. Itaque, loci situm ignorantes, exclamare, tanquam sol, qui in opposita parte conspiciebatur, contrarium solito cursum, conficeret, & abhorrentia a constituto rerum ordine, designaret; sed, propter loci inæqualitatem, via, ea parte ad orientem spectat. Ex illo difficili & arduo loco, ad plana & vliginosa, deuenimus. Hic nos barbari portitores, in scaphis, vnico ligno constantibus, (a) quas arboribus sectis & cauatis adornant, exceperunt, & flumen transmiserunt. Et lembi quidem minime ad nos traducendos; sed ad multitudinem barbarorum traiciendam, erant præparati, quæ nobis in via occurrerat, quasi vellet ATTILAS, tanquam ad venationem, ad inuadendos *Romanorum* fines progredi. Huiusmodi erat ATTILAE, ad bellum contra *Romanos*, adparatus, cuius gerendi occasionem sumebat, quod transfugæ non redderentur. Transmisso *Istro*, (b) quindecim fere stadiorum itinere, cum barbaris emenso, in campo quodam subsistere coacti sumus tantisper, dum *Edecon*, ATTILAM, nostri aduentus certiorum faceret: manentibus interea nobiscum ex barbaris, qui nos externos erant deducturi. Circa vespæram, (c) nobis cœnantibus, auditus est strepitus equo-

p) Et hinc conicias, redactam ad solitudinem *Mæſiam* hanc, in *Romanorum* ditionem, postliminio recidiſſe: neque enim, *Agintheus*, militum in *Illyrico* ductor, habitare, cum præsidio militari, istis locis potuiſſet, si euastata regio, *Hunnis* adhuc fuiſſet obnoxia.

a) MONOXILA, in Græco vocantur. Vſitatum hodieque *Hungaris* nauiculæ genus, in minoribus potissimum amnibus. Quales quidem lembi, si plures, tabulatis compaginentur, pontium naualium modum, atque vſum præſtant, &, pro fluuiorum altitudine, contis hic, alibi remis, propelluntur, ab vna ripa, in aliam. quod in *Vago*, *Grano*, *Ipola*, *Saione*, quin & in *Tibiſco*, obſeruauimus. Agrestes, quibus nauicularum, ex artis factarum præſcripto, non est copia, ſufficiunt contra ſyluæ validarum arborum, *Monoxilorum* vſum, & in *Danubio* adhuc retinent.

b) Vbi, quoue loco, *Iſtri* hic traiectus, fuerit institutus, difficile est certo ſtatuerè. Meminit eiusdem OTROKOCſI, Orig. Parte I. Cap. I. IV. §. III. p. 105. Certe, designato adcurate traiectus loco, facilius, ac pene expeditum foret, ſtationem ATTILAE, in qua eum adſequuti erant legati, definire. Si æſtimauerimus, quod eluctatis, ex arduis ac confragoſis montibus, *Romanis*, in orientem ſolem erat proficiſcendum; procliuè fuerit colligere, in vicinia *Orſouæ*, ſupra, vel ad *Vidinum*, eos *Iſtrum*, traieciſſe. Hinc, quindecim stadiorum diuortio, campi illi aberant, in quibus tunc ATTILA diuerſabatur. quos proinde in *Valachia*, quæras oportet, *Iſtro* confini.

c) Vix mediæ diei ſpatio ab *Iſtro* iter, legatos hucusque confeſciſſe, crederem: si de



tus equorum, ad nos venientium. Nec mora, duo viri *Scythæ* (d) aduenerunt, qui nos ad ATTILAM venire præceperunt. Nobis vero, prius eos ad cœnam accedere rogantibus, de equis descendentes, vna conuiuium inierunt, & postridie viam, præeuntes, demonstrarunt: Qua die, hora fere octaua, ad ATTILAE tentoria (e) peruenimus. nam erant & aliorum plurima, & cum in tumulto & colle quodam, tentoria figere vellemus, obuui barbari, prohibuerunt; quoniam ATTILAE tentorium erat in proxima valle positum. Quamobrem, ad barbarorum arbitrium, locum tentorii collocandi, cepimus. Huc *Edecon*, *Orestes*, *Scotta*, (f) & reliqui ex *Scythis* primores, mox aduenerunt, & ex nobis quæsiuerunt: quarum rerum consequendarum gratia, hanc legationem susceperamus? Nos vero inuicem intueri, & tam ineptam percunctationem admirari. Illi nihilominus perseuerare, & quo a nobis responsum elicerent, in turbas coire. At, soli ATTILAE, non aliis, Imperatorem mandata expone-re iussisse, respondimus. Quo dicto, *Scotta* offensus; *Hoc sibi a suo duce præceptum esse: vestra enim nobis, in rebus gerendis astutia & versutia, non est inco-gnita.* Nos vero obtestari; nusquam hanc legem legatis impositam, (g) vt mandata edant, & palam faciant, antequam eos, ad quos missi sunt, adierint, & in conspectum eorum venerint. Neque hoc *Scythas* nescire, qui sæpenu-mero,

H 2

si de stadiorum mensura constaret. quorum, inter amnem, & statua ATTILAE, quindecim intercessisse, PRISCUS scribit.

d) Existimo, *adparitores* regios; haud vero, præcipuæ alicuius dignitatis fuisse viros. ATTILA enim, neque prodigus officiorum esse voluit, neque parcus.

e) Vitam nempe militarem, & cum pacem haberet cum vicinis, agere solebat ATTILA: quippe qui, maluerit sub tentoriis diuersari, quam sub tectis. non, quod non habuerit, seu ciuitates, seu augustas in his ædes; quod infra docebit PRISCUS; sed quod noluerit, auitum, eumque communem gentis morem, migrare. De hoc AMMIANVS MARCELLINVS, Lib. XXXI. p. 473. *Aedificiis nullis unquam tecti: sed hæc, velut ab usu communi discreta sepulcra, declinant. Nec enim apud eos, vel arundine fastigatum reperiri potest tugurium; sed vagi, montes peragrantes, & siluas, pruinas, famem, sitimque perferre, ab incunabulis adfuescunt.* Quæ degendæ vitæ ratio, tametsi tunc in primis apud Hunnos obtinuit, cum intra proprias sedes agerent adhuc: tamen, cauere, nunc quoque ATTILA, tot regionum, atque vrbium domitor, voluit; ne gens sua, a maiorum desciscat instituto, intra vrbium, atque tectorum opportunitates, in Græcam, Italamque molliem diffuens, remittat, a bellica virtute, cuius mater est durities.

f) SCOTTAE huius, frequens recurret mentio. Fuit is frater *Onesegii*, inter belli, pacisque administratos ATTILAE, principis. quod infra §. VIII. legemus. Dixit de eo PRISCUS, Cap. I. §. II. p. 5. initio: adde ibidem not. 2.

g) Nescio, quid in mentem venerit legatis, cum ista arbitris ATTILAE oggerent. Forte dememinerant, aut meminisse noluerunt, *Magistri Officiorum*, in aula Constantinopolitana, auctoritatem illam, qua ius eidem tribuebatur, legatorum aduenientium, negotia cognoscendi prius, quam ad *Augustum* introducerentur. quod supra, Cap. I. §. III. p. 10. not. x. adnotauimus, atque præeunte iterum VALESIO, hic, pro occasionis ratione, adnotamus denuo. Eidem *Officiorum Magistro*, legati referebant ea, de quibus cum Imperatore acturi venerant. Hinc apud MENANDRVM *Protectorem*, Lib. VIII. cum is, qui a secretis erat HORMISDAE regis Persarum, legatos *Romanorum* interrogasset: ecquid acturi venerint? nequaquam ipsi; sed illi, qui a Latinis *Magister Officiorum* dicitur, id enunciandum esse dixerunt. Ergo, non solum, *Officiorum Magistri* prærogatiuam hanc plane agnouerunt; sed, cum de *Romanis*, tum de *Persis*, id palam professi sunt: insolens haud esse, vt legati, res eas, de quibus pertractandis missi sunt, apud intimos regum arbitros, ante solemnem audientiam, expromerent. Consule *Valesium*, ad AMMIANVM, loco cit.



mero, legatos, ad Imperatorem miserint. Oportere autem idem quoque iuris in aliis, ratum & firmatum esse; alioquin legatorum iura minime colere. Hinc ad ATTILAM perrexerunt; unde, non multo post, sine Edecone reuerſi, omnia, quæ cum illis agere in mandatis habebamus, palam euulgarunt, (h) confestimque, nisi quid aliud nobis cum illis rei eſſet, diſcedere nos iuſſerunt. Quæ, ubi audiuiſimus, animis dubii ſuſpenſique, hæſimus. Nec enim ſatis intelligere poteramus, qua ratione Imperatoris conſilia, ad quorum cognitionem, ne dii quidem peruenire poſſent, patefacta, (i) & detecta forent. Quamobrem, potius eſſe duximus, nihil quidquam, de mandatis noſtris, efferre, priuſquam nobis ATTILAM adeundi poteſtas fieret. Itaque, reſpondimus: (k) *Sine ea, quæ Scythæ modo aperte, propalamque protulerunt; ſine alia, legatione tractare, venimus: ea res ſolius veſtri ducis, iuris arbitriique eſt: neque de his, cum aliis, vſlo pacto diſſerere conſtituimus.* Illi vero nos, quamprimum abire, præceperunt.

## §. VI.

Dum in adparatu profeſſionis eſſemus, *Bigilas* nos, reſponſionis *Scythis* factæ, nomine increpauit. Longe enim potius fuiſſe; (a) *in mendacio deprehendi*, quam re infecta, domum reuerti. Si enim, inquit, cum ATTILA collocutus fuiſſem, facile illi a contentione cum Romanis diſcedere perſuaſiſſem: quippe qui, ei antea ſtudiuiſſem, & plurimum eius rebus, in legatione (b) ad *Anatolium*, vtilis fuiſſem. Atque *Edeconem*, eadem quoque cum ipſo ſentire. Ea, ſiue commentus, ſiue ex veritate diceret; eo pertinebant, vt ſpecie legationis, occaſionem nanciſceretur, rationem ineundi, in ATTILAM compoſitas inſidias, exſequi. Tum etiam, quomodo aurum, quo *Edecon*, ſibi ad eam rem opus eſſe, *Eunucho* dixerat, adferretur, quod certis hominibus diuideretur.

Sed Bi-

h) Ita reor: vt ATTILAE voluntati, quomodocunque obſequi viderentur, edixiſſe legatos, vulgatiſſima miſſionis ſuæ capita; reticuiſſe arcana. Id, cum in ſui ludificationem fieri crederet ATTILA, nec indulta audientia, ad ſuos abire iuſſit. *Difficile eſt enim, Iouem deludere!*

i) Genius hic proditor, *Edecon* fuit: ſiue, ſaluti ATTILAE regis; ſiue, ſuæ ipſius vitæ ac fortunis, conſulturus.

k) Egregia, *Maximini*, qui legationis princeps fuit, conſtantia: quippe, Imperatoris, & qui cum eo faciebant, conſiliorum, de tollendo e viuſſi ATTILA, inconſcii. Alia mens *Bigilæ*, futuri, ſi fata ſuiſſent, facinoris adminiſtri, mens fuit.

a) Maluiſſet nimirum *Bigilas*, totius legationis fidem, ſceleſtum in modum mendaciis contaminare; quam non perpetrariſſe maleſcentiſſimum facinus. Aliter SOPHOCLES in *Trach*:

Veritatem cole:

*Mendacem enim vocari, ingenuo homini**Turpis nota eſt.*

b) Pace, magno Romanorum opprobrio, facta; cuius conditiones, ſupra recitauit PRISCUS, Cap. I. §. II. cum eam, pro legum, quibus coaluerat, ratione, intemeratam obſeruari cuperet ATTILA; audito, multos transfugarum apud ſe detinere *Acinthus*, neque ex pacis fœdere, velle reſtituere; interpellauit eos ATTILA, per internuncios, id, vt ne tardarent, facere. Erat tunc, qualicunque cum poteſtate, ſiue apud *Acinthus*, ſiue apud horum viciniſſimos, *Anatolius* legatus, cum *Theodullo*, Thraciæ militum præfecto. *Anatolium* ergo, eius rei cauſa, in primis monendum ſibi duxit. In hanc itaque miſſionem; neque enim legationem dicere poſſis; *Bigilas*, tunc forte, in aula ATTILAE obuius, ire iuſſus, operam aliquam, credo, interpretis munere functus, *Hunorum* regi nauauit. Proinde, hac fretus opella *Bigilas*, adductis, in eam difficultatem, rebus, ferociebat.



Sed *Bigilam* latebat, se proditum: *Edecon* enim, siue simulate cum *Eunucho* (c) pactus; siue, ut ab *Oreste* sibi caueret, (d) ne *ATTILAE* promeret, ea, quæ in *Serdica* inter cœnandum dicta erant; aut illum accusaret, quod sine se, secretos sermones, cum Imperatore, & *Eunucho* (e) habuisset: indicauerat *ATTILAE*, comparatam in ipsum coniurationem, & quantitatem auri, quam in eam rem mitti conuenerat, simul & ea, quæ per nos in ista legatione tractanda erant, enunciauerat. Iumentis adornatis, & necessitate, ad iter, tempore noctis, carpendum, adacti; occurrere ex barbaris, qui dicerent: *ATTILAM* iubere (f) nos, propter tempus noctis intempestiuum, remanere. In eundem igitur locum, vnde proficiscebamur, præsto fuere, qui bouem agebant, & pisces fluuiatiles, nobis ab *ATTILA* missos, adferebant. Cœnati, nos dormitum contulimus.

§. VII.

Luce orta, in spem (a) adducebamur, *ATTILAM* se ad lenitatem datum, & aliquod mite responsum ad nos, ab ipso, emanaturum. Ille vero, denuo eisdem misit, iussitque abire, si nihil aliud negotii, nisi quod iam omnibus cognitum erat, nobis cum illo intercederet. Nullo dato responso, ad iter nos accinximus; etsi *Bigilas* omni ope contenderet, (b) ut responderemus; nos aliud habere, quod *ATTILAM* scire, eius magnopere interesset. Ego vero, cum *Maximinum* mœrore confici viderem; adsumpto *Rusticio*, qui barbarorum linguæ peritus erat, & nobiscum in *Cyrbiam* venerat, non legationis, sed priuatæ rei causa, ad *Constantium*, (c) ex *Italia* oriundum, quem ad *ATTILAM*, *Aetius*, occidentalium Romanorum dux, ut illi ab *Epistolis* esset, miserat; *Scottam* (d) adii, (nec enim aderat *Onesegius*) & cum illo, per *Rusticium*

c) Habes, nefarium illud pactum, Cap. I. §. III. p. 8. seq. & proxime isto Capite §. IV.

d) Nempe, grauiter tulit *Orestes*, ob *Bigilæ* contumeliosam, in *ATTILAM* procacitatem, conspiciendam, *Edeconem*, se neglecto, donis cultum fuisse a *Romanis*, supra §. IV. Serpit iam simulas, penitusque occupat *Edeconis* animum.

e) Relege, hos *Edeconis*, cum *Chrysaphio*, sermones, Cap. I. §. IV. &, quod hinc manauit, *Theodosii* decretum, paullo ante, §. IV. p. 27.

f) Documentum hic edidit *ATTILA*, facile placabilis animi: quippe qui, noctem intercalarit, inter primum impetum illum, & rei euentum: prorsus, ac si *STATII* illud habuisset ob oculos:

*Da spatium, tenuemque moram, mala cuncta ministrat  
Imperus.*

a) Et vocari sane poterant, in spem meliorem, hesternæ lenitatis *ATTILAE*, quam legatis testificatus est, auctoramentis. Certe enim, verum est illud *OVIDII*:

*Quo quisque est maior, magis est placabilis ira,  
Et faciles motus mens generosa capit.*

b) Valet hic dictum *SOPHOCLIS*: *Improbam in mentem, bona consilia non cadunt.* Quid ergo mirum, nihil sani, quodque rebus, adeo perturbatis, amplecti posset *Maximinus*, suadere potuisse *Bigilam*? quippe cui, antea, in necem *ATTILAE*, inflammato, in mendacio, præsidium omne positum fuit. Tantum est, mentem bonam seruasse intemeratam, ubi consulere volueris in commune.

c) De *Constantio* hoc, relege Cap. I. §. IV. p. 11. not. b. & inferius Cap. II §. XII.

d) Neque enim *Scotta*, ignotus esse poterat *Romanis*: quippe qui, tributa *Constantinopoli* absportare sit solitus. Supra, Cap. I. §. II. p. 5. *PRISCI* interim, hæc apud *Scottam* oratio, satis conducet, eum, optimo suo iure, & *Rhetorem*, & *Sophistam*,



*slicium* interpretem collocutus, eum, pretiosa & plurima dona, a *Maximino* laturum, dixi; si illi aditum ad ATTILAM patefaceret, & muniret. Legatum enim venire, de rebus, quæ non solum *Romanis*; sed etiam *Hunnis*, maximam essent vtilitatem adlaturæ: quin & ipsi *Onesegio* legationem hanc, magno emolumento futuram. Imperatorem enim, poscere illum, ad se legatum ab ATTILA mitti, qui diiudicaret controuersa, inter vtramque gentem: unde, non nisi ingentibus donis cumulatus, (e) esset rediturus. Oportere igitur, cum minime *Onesegius* adsit, illum, maxime in tam præclara actione, cum fratre certare. Et ipsi quoque ATTILAM plurimum fidere dixi, me accepisse. Sed, nihil firmæ spei reponendum, in eo, quod auditu percipitur, restare, ut re ipsa notum & perspectum faceret, quantum illi ATTILA tribueret. Atque ille hunc sermonem suscipiens: *Ne amplius*, inquit, *dubii sitis. Aequæ, ac frater, apud ATTILAM, valeo auctoritate, & gratia; seu verbis, seu facto, opus est.* Et ascenso equo, ad ATTILAE tentorium contendit. Ego vero ad *Maximinum* rediens, qui vna cum *Bigila*,angebatur animo, & incertus (f) erat, quid constituendum esset, narraui sermones, quos habueram cum *Scotta*, & quæ ab ipso audieram. Atque, adeo illum excitaui (g) ad præparanda munera, quibus *Scottam* remuneraretur, & præmeditandum, quibus verbis ATTILAM affaretur. Surrexerunt igitur (offenderam enim illos in solo herbido iacentes) & operam, a me egregie nauatam, laudarunt, & eos, qui se iam cum iumentis itineri accinxerant, reuocarunt. Tum etiam, qua oratione ATTILAM adgrederentur, & quo modo dona, quæ ad ipsum, *Maximinus* ab Imperatore adferebat, traderent, inter se agitarunt.

## §. VIII.

Nobis, in harum rerum cura, cogitationeque versantibus, ecce! nos ATTILA

*phistam*, hoc est, *Sapientem*, adpellatum: eo quod, perditas, *Bigila* procacitate, res legationis, sapienti hac facundia, restituerit. Rarum, in puris putis, seu *Rhetoribus*, seu *Sophistis*, exemplum; ut certe, cum *Anaxippo*, apud *ATHENAEVM*, Lib. XIII. hominum hoc genus indignari possis, quod, cum *scholæ* studet, *vitæ* sit inutile:

*Vah! nunc quid fingi potest portentosius illo?*

*Qui Sophos in truiis, inflato mugit ab ore;*

*Rebus at in mediis, stupet, ac velut inscius hæret.*

e) Aduertat Lector, quanta vis, atque efficacitas, sit donorum, saltem ostentatorum eminus: quid? si ex oculis se præsentent, & præsentur manibus? Nam, ut habet *OVIDIVS*:

*Munera, crede mihi, placant hominesque, deosque,*

*Placatur donis Iupiter ipse datis.*

Enim vero, uti *Græcus* ille ait:

*Auro loquente, ratio quævis irrita est;*

*Suadere quoniam nouit, & ratio nihil.*

Plus, vel nuda donorum mentio, quam prudenter iniecit *Priscus*, *Scottæ* animum percelluit, quam si confertis vsquequaque rationibus, egisset cum homine. quod malum, fugiant aulici, & quibus, rerum administrandarum, credita procuratio est.

f) Recte *SOPHOCLES Philoct.*

*Rebus in arduis sapienti,*

*Quid consilii capiat, sepe est*

*Difficile.*

g) Ex vero *MENANDER*, *Epist. III.* *Δυπλὲν ὁρῶσιν οἱ μαθόντες γεγµµαται.* *Viri literis subacti, acutius vident.* Haud ergo frustra, *Priscum*, legationis sibi socium, *Maximinus* adsciuerat: quippe, virum doctum, & consilii plenum.



ATILA per Scottam (a) accersiu. Itaque, ad eius tentorium iter direximus, quod barbarorum multitudine, qui in orbem excubias (b) agebant, erat circumdatum. Vt accessum nacti sumus, & introducti, inuenimus ATTILAM, sedentem in cathedra lignea, (c) stetimus paullo remotius ab eius throno, mox processit Maximinus, & salutauit barbarum. Et Imperatoris litteras tradens, dixit: *Saluum & incolumem illum, suosque precari Imperatorem.* Et barbarus: *Sit, & Romanis, quemadmodum & mihi cupiunt,* inquit. Statimque ad Bigilam conuertit orationem: *feram impudentem* vocans; quærebat, qua re impulsus ad ipsum venisset, cum sibi eorum, quæ & ipse, & Anatolius (d) de pace sensissent,

I 2

a) Vides! donorum, ostentatorum duntaxat, mirificam efficacitatem.

b) Pertinebat hoc, non ad securitatem modo, sed ad maiestatem simul regiam, qua nihil Romanis concedebat ATTILA: tametsi ab eorum luxu fuerit alienissimus. Nunc profecto geminari custodiendi regis solertiam oportuit, quando prauæ Theodosii, administro Bigila, molitiones, volentibus fatis, propalatae fuere. Ceterum, excubiarum hoc, circa ATTILAM, robur, non ex vulgo militum fuisse delectum, sed e nobilissimis quibusque euocatum, qui & generis nobilitate præstabant aliis, & belli laboribus, existimo: idque Romanorum imitatione, quibus id facere, solemne fuit. De GALBA, Suetonius, Cap. IV. 4. *Delegit & equestris ordinis iuuenes, qui manente annulorum aureorum usu, Euocati adpellarentur, excubiasque circa cubiculum, vice militum agerent.* Peculiare custodum corporis genus, eo quod ex his, qui militia soluti iam fuerant, ad excubitorum hæc ministeria, euocabantur; Græcis ideo ἀνακλῆτοι adpellati: dignioresque habiti, quam miles ordinarius. Ad dignationem eandem indicandam, pertinet inscriptio: ARAM EVOCATVS POSVIT, QVAM CALIGATVS VOVIT. An vero, Scrutarius AVGVSTI, qui & euocatus, de quo Suetonius, Augusto, Cap. LVI. eiusdem sint ordinis, quem Galba instituit; non ausim dicere; atque dubius est omnino CASABONVS. Id in confesso est, AVGVSTI euocatos, apertis bellis, non æque principum custodiæ, adhibitos fuisse. Vide commentatores SVETONII, atque in his PITISCVM. Non est silendum, euocatos Galbæ, equites iuuenes fuisse, quod eo propius accedit ad institutum ATTILAE: nam certior his fides est, in primis, si in bello, experimenta sui dederunt. Hinc MATTHIAE Coruini confidentia manauit, vt negligentius custodiretur licet, secure tamen, vbi vbi esset, ageret: *Domi, militiæque, negligenti corporis custodia usus: fides tamen omnium, & quam maxime militaris, id effecerat, vt publica ipsa cura, & sollicitudine, muniretur. Pro stipatoribus, omnes certatim, corpus eius, peruigili quisque custodia adseruabant.* BONFINIVS, Dec. IV. Lib. VII. p. 630., 48. Eadem fides hodieque Hungaris est. hac in primis tempestate, qua, hostium multitudine, vrgebamur vniuersim omnes. Tunc enim, Hungaria iuuentus, sueta armis, & more militiæ exercita, Tacitus Hist. Lib. I. Cap. LXVIII. & VIENNÆ, reginam diuinissimam, MARIAM THERESIAM, excubatoribus circumuallabat; & defensabat foris limites, virtute tanta, vt in admirationem rapuerit Europam. Nempe, vetus hoc gentis ingenium est, vt extra bellum, sibi viuat, SALVSTII verbis vtor, per artes, vitasque varias dispalata: ad bellum cum euocatur, mascule, res suas agit, & eandem, aut similem operam regi, quam mercenarii, præstat: hanc etiam multis modis potiore; quod nobiles Hungari, regi sane militant, non seruiunt. S. Stephani Decret. Lib. I. Cap. IV.

c) Non ergo ATTILA, eburnea sella, seu folio, auro illuso, utebatur: forte, regum Gothicorum æmulatione ductus. qui cathedris, sellisue residebant, vsque ad Leuigildi ætatem. ISIDORVS in Chronica Eræ DCVIII. Leuigildus, primus inter suos regali veste opertus, folio resedit: nam, ante eum, & habitus, & confessus communis, uti genti, ita regibus erat. Ceterum, diuersæ fuerunt cathedræ: Rhetorum; atque Episcoporum; diuersa regum hæc subsellia. De illis, vide SAVARONEM, passim in notis ad Sidonium: de his PRISCVS hoc loco: quando, cathedram ligneam, paullo post, thronum vocat, qui, quomodocunque materiatus, regum est proprius.

d) Hæc, illa ad Anatolium missione, quam Bigilas, hunc ad modum prædicabat, quam



sent, conscius esset. Neque prius ad se legatos, accedere debuisse, quam omnes profugi, qui apud Romanos exstarent, redditi essent. *Bigila* vero respondente, nullum amplius apud Romanos reperiri transfugam *Scythici* generis; omnes enim redditos esse: magis exasperatus ATTILAS, in eum multa probra, & conuitia, ingessit. Et cum clamore ac vociferatione (e) magna, dixit: se illum in crucem acturum, & prædam vulturibus præbiturum fuisse: nisi iræ (f) suæ acerbitas, legationis reuerentia leniretur, & inflecteretur; & hanc ei pœnam impudentis eius orationis, & temeritatis impositurum fuisse. Etenim, restare adhuc apud Romanos plures transfugas, quorum nomina, vt erant in charta descri-

quamque expromissimus supra, ad §. VI. dicta, agitataque fuisse, oportuit. quæ ideo nequam *Bigila*, in memoriam reprimat ATTILA: quippe, & foederum gnaro, & internuncio.

e) Ad primum *Bigila* conspectum, ira excanduit ATTILA: vsque adeo, vt præter, quam id decuisset regem, suæ alioquin maiestatis vnice obseruantem, incondito clamore, ac vociferatione, tentorium impleret. Quod fuit sane, ne quid diffiteamur, vehementis animi, apud ATTILAM, illaudatum documentum. Etenim:

*Ora tument ira, nigrescunt sanguine venæ,  
Lumina Gorgoneo seuius igne micant.*

Præcipitis huiusmodi iræ exemplum, THEOPHYLACTVS *Simocatta*, de CHAGANO II. Auarorum principe, idque in suppari prorsus negotio, commemorat, Lib. I. Cap. VI. p. 16. edit. regia. Orationem, ad *Chaganum*, dixerat, Romanorum legatus *Comentiolus*, barbaro, liberio rem visam, minacioremque, quam legis inibi, Cap. V. De hac, SIMOCATTA: *Vt primum finita est ista verborum acerbior castigatio, Chagano, sanguis effervesce, & magnos irarum fluctus in pectore excitare, vultus totus rubescere, oculisque præ furore scintillantibus, & immodice arrectis, ac prope modum supra frontem sublatis superciliis, toto denique habitu subindicare, non sic abiturum, (inultum fore) legatis, & Comentiolo, propter orationem pronunciatam, periculum grauissimum denunciare.* Hæc ille. Egregia, hominis insane irascentis, descriptio. quomodo etiam VIRGILIUS, Lib. XII. Aen. ver. 101, in Turno:

*His agitur furis, totoque ardentis ab ore  
Scintillula absistunt: oculis micat acribus ignis.*

Huc & locus M. TVLLII, perturbationes animi enormes describentis, facit, Offic. Lib. I. *Licet ora ipsa cernere iratorum, aut eorum, qui aut libidine aliqua, aut metu, commoti sunt, aut voluptate nimia gestiunt. quorum omnium vultus, voces, motus, statusque, mutantur.* Adde in primis SENECAM, de *Ira*, Lib. I. initio: vbi iram, & qui possideri se ab ea patiuntur, scite adeo pingit, vt nemo viuidius magis.

f) Ergo, iram ATTILAE, quam neque ratio alia, neque iusta æstimatio maiestatis, domare potuit; legationis reuerentia, in ordinem redegit. Tanto tunc ATTILA, irato *Chagano*, melior æquiorque; quod cum hic furori suo, fræna laxarit in legatum; ille, sacrosancta habuerit iura legationis. De *Chagano* THEOPHYLACTVS, loco citato: *Spreta & abiecta legatorum reuerentia, barbarus, Comentiolum in carcerem abduci, pedes eius cippo constringi; tabernaculumque discindi iussit: quo iudicio cuiuspiam, pœna mortis, lege prouinciali, expectanda intelligebatur.* Melius ATTILA: quippe qui, communium gentium iure, vel nomen legationis sanctum, & legationes maximæ dignitatis, atque inuiolabiles, habuit: prorsus ex CICERONIS præscripto, qui oratione de Harusp. responsis: *Ius legationum, humano diuinoque vallatum præsidio*, dicit. Et Verrina III. *Nomen legati eiusmodi esse debere, quod non modo inter sociorum iura; sed etiam inter hostium tela, incolume versetur.* Constat sibi, quod EVSTATHIUS in VII. Illiad. scribit: *Caduceatores, medium quoddam genus, inter deos & homines: id est, pene diuinos, & hominibus augustiores existimatos; neque, nisi a Lestrygonibus, Cyclopibus, aliisque, qui fas non norunt, de iisdem aliter cogitatum.* Hactenus recte ATTILA.



descripta, iussit scribas (g) recitare. Hi vbi percurrerunt, qui desiderabantur, ATTILAS, *Bigilam* vna cum *Esla*, sine mora proficisci iussit; *Romanis* denunciatum, vt omnes transfugas *Scythicae* nationis, quotquot in eorum potestate essent, redderent, a tempore *Carpilionis* (h) filii *Aetii*, Romanorum occidentaliū ducis, qui obses apud eum fuerat. Nec enim, vtut ferat, suos seruos secum manus conferere; quidquam opis, aut praesidii adferre poterunt his, qui suae ditionis custodiam, illis commiserint. Quae enim vrbs, quae arx, qua late patet *Romanorum* imperium, (i) salua & incolumis euadere poterit, quam euertere, aut diruere, apud se constitutum habuerit? Postquam exposuerint, a se, de transfugis decreta, redire quamprimum renuntiatum, vtrum transfugas reddere, an bellum eo nomine malint (k) suscipere. Non multo ante iusserat, vt *Maximinus*, paullum (l) expectaret, dum ad ea, quae Imperator scripserat, per se responsum daret: sed munera (m) petiit. Quae postquam dedimus, in tentorium nostrum nos recepimus, & de singulis, quae dicta fuerant, patrio sermone, inter nos, differuimus.

## §. IX.

Cum autem *Bigilas* admiraretur, qui fieret, vt ATTILAS, qui sibi iam pridem, cum legatus ad illum veniret, comis & perhumanus visus est; tunc

K

se acer-

g) Argumentum hinc capi potest, iam tum rite instructum ATTILAE fuisse, scribarum illud collegium, quod hodie *Cancellariam* vocamus, quodque actus principum publicos ac solemnes, in fastis, tabulariisque referre, & hinc depromere solet, cum ita fert occasio, atque vsus. Immo, tanta in ea re procuranda, ATTILAE fuit adcuratio, vt peregre, ac lautis praemiis adscitos scribas, in aula sua alere, & pulchrum, & vtile, necessariumque existimaret: quod exemplo *Constantii*, ab *Aetio* missi, cuius meminimus saepius, satis, opinor, liquet.

h) CARPILIO, filius *Aetii*, ex patre materno, sic adpellatus, cui itidem *Carpilioni* nomen fuit, teste GREGORIO *Turonensi*, Lib. II. Cap. VIII. Huius legationem ad ATTILAM, memorat Theodoricus apud CASSIODORVM, Lib. I. Cap. IV. Ad ATTILAM igitur, armorum potentem, cum supra dicti (Aetii) filio Carpilione, legationis est officio non irritè destinatus. PRISCVS ex ore ATTILAE, obsidem apud Hunnum fuisse dicit. quod, quemadmodum euenerit, vt ex legato obses fieret, non habeo dicere.

i) Haec vero iactantius, quam pro hominis sorte, ab ATTILA dicta fuisse, nemo non videt. Profecto enim:

*Errat longe, mea quidem sententia,*

*Qui imperium credat grauius esse, aut stabilius*

*Vi quod fit, quam illud, quod amicitia adiungitur.* TERENT. Adelph.

k) Non fuit huc impetu opus, cum superfuerunt viae, quibus moti fluctus, componi potuissent; si potior ATTILAE moderatio, quam violentia animi, in re quantius momenti, fuisset. Sane enim:

*Peragit tranquilla potestas,*

*Quod violenta nequit.*

CLAVDIANVS in Paneg. Theod.

l) Factum id fuit, ob absentiam *Onesegii*; quippe qui, ad *Acatziros*, in ordinem redigendos, cum maiore natu ATTILAE filio, *Dengisich*, in expeditionem fuerat profectus. Is vero, legatos exterorum, & audire, & expedire solitus fuit: sicuti apud Romanos, *Magister Officiorum*. Vid. infra §. X.

m) Fateamur oportet, indignam hanc donorum auaritatem, fastigio, atque potentia ATTILAE fuisse; sed, quod nulla re magis, quam donis mitigari fuerit solitus, dandum id est ingenio hominis, alioquin perniciosi futuro. Vide eodem hoc Cap. §. XXV. Hanc tamen, qualemcunque laudem, eadem munerum cupiditate, ex interuallo quasi redeunte, obtruiit subinde.

*Decadis II. Monumentum I.*



se acerbis contumeliis adfecisset. Dixi, vereri me, ut aliquis ex barbaris, qui *Serdica* nobiscum epulati erant, *ATTILAM* abalienasset, & *Bigilam*, Romanorum Imperatorem *Deum*; *ATTILAM* vero, *hominem* adpellasse, retulisset. Quam orationem *Maximinus*, ut verisimilem, est amplexus: nec enim coniurationis in *ATTILAM* initæ, particeps fuerat. Sed *Bigilas*, ambiguus animi (a) erat; neque causam, ut mihi videtur, satis suspicari poterat, quare *ATTILAS* eum, tam acerbis conuitiis, infectatus esset. Nec enim in animum suum inducere poterat, ut nobis postea retulit, enuntiata fuisse, quæ in conuiuio apud *Serdicam* dicta fuerant, aut coniurationem in *ATTILAM* detectam. Cum enim nemo, ex omni multitudine, quæ *ATTILAM* circumstabat, excepto *Edecone*, auderet, præ metu, qui omnium mentes peruaferat, cum *ATTILA* sermonem instituere; credebatur *Edeconem*, eo studiosius daturum operam, omnia silentio transigere; tum propter iusiurandum, tum propter negotii grauitatem: ne, quia clandestinis in *ATTILAM* consiliis interfuerat, reus iudicatus, poena mortis adficeretur. Hæc, cum ambigua mente volueremus, *Edecon* (b) superuenit, & abducto a nostro cœtu, *Bigila*, (fingebat enim velle vere & serio, de præmeditatis inter eos insidiis, agere) ubi aurum adferri præcepit, quod his daretur, qui exsequendo facinori, operam nauaturi erant, discessit. Ego vero, cum *Bigilam* curiosius inquirerem, quos sermones secum *Edecon* habuisset, decipere (c) perstitit, deceptus & ipse, & veram, secreti cum *Edecone* colloquii, causam occultans, commentus est, sibi *Edeconem* dixisse; *Attilam* illi, propter transfugas succensuisse. Oportuerat enim, aut omnes restituere, aut legatos, ex eorum numero ad illum venire, qui potentia, & opibus excelebant.

## §. X.

Hæc, dum loquebamur, aduenere ab *ATTILA*, qui *Bigilam*, & nos prohiberent, captiuum *Romanum*, aut barbarum mancipium, aut equos, aut quidquam aliud, emere, præter quam, quæ ad victum necessaria erant, donec inter *Romanos*, & *Hunnos*, de rebus controuersis, conuenisset. Hæc astu, & præmeditato consilio, barbarus faciebat, quo facilius *Bigilam*, in ipso facto, deprehenderet; cum nullam satis idoneam causam comminisci posset, in quam aurum adferret. Nos quoque iussit, *Onesegium* opperiri; ut responsum ad no-

a) Aduertat in *Bigila* Lector, quæ sit vis malæ conscientia, cui ille frustra haftenus, a simulatione, mendaciis, & prauis artibus aliis, quæsiuit præsidia. Recte *SENECA*, Epist. CV. *Tutum, aliqua res, in mala conscientia, præstet: nulla securum: putat enim se, etiam non deprehenditur, posse deprehendi: & inter somnos mouetur, & quoties alicuius scelus loquitur, de suo cogitat. Non satis illi oblitteratum videtur, non satis tectum. Nocens, habuit aliquando latendi fortunam, nunquam fiduciam.* *Tutum Bigilam*, sacrosancta legationis iura, fecerunt: haud tamen securum. Representabat ei peruiquil conscientia; cum insidiarum, in *ATTILAM*, maleficium; tum vesanam illam linguæ procacitatem. vtrumque, tametsi nondum deprehensum putarit, posse tamen deprehendi, metuit. Adde *SENECÆ* Epist. XCVII.

b) Nempe, non ut tutum præstaret *Bigilam*; sed ut auro emungeret, in insidias destinato, posteaque, maiorem eius extorquendi vim, occasionem, *ATTILÆ* pronam faceret.

c) Ita est: *Seipsos decipiunt, qui volunt alios*; sicuti videre est in *Bigila*. de cuius fraudibus, redeuntibus toties, occinas licet illud *HORATII*, Lib. I. Epist. X. 24.

*Naturam expelles furca, tamen usque recurret.*

Rediit nimirum, *Bigilæ* ingenium suum, tum quoque, cum minime debuisset.



ad nostram legationem (a) daret, simul & munera, quæ ad eum Imperator miserat, & tradere volebamus, acciperet. Etenim, tum forte *Onesegius*, vna cum seniore, ex ATTILAE liberis, ad *Acatziros* missus fuerat. Ea gens est Scythica, quæ in potestatem ATTILAE, hac de causa venit. In eam gentem, plures, per tribus & generationes, imperium exercebant, quos Imperator *Theodosius*, firmata inter eos concordia, ab ATTILAE societate, ad colendam cum Romanis pacem, & societatem, muneribus traduxerat. Qui ea munera adtulerat, pro cuiusque gentis regis merito, & gradu, minime distribuerat. *Caridachus* enim, secundo loco acceperat, qui regum antiquior, primus accipere debuerat. Ille, tanquam contemptus, & sibi debitis præmiis frustratus, ATTILAM, ad correges, in iudicium vocauerat. Is, nihil cunctatus, magno exercitu emisso, regum alios sustulit, alios ad deditionem compulit. Deinde, *Caridachum* ad se vocat, tanquam illi victoriam, & quæ ex victoria consequutus fuerat, communicaturus. Sed dolum, & insidias suspicatus; *Difficile & graue esse homini*, respondit; in DEI (b) conspectum venire. Si enim immortis oculis, solis orbem intueri, nemo potest; quomodo quis sine sensu doloris, cum Deorum maximo, congregiatur? Atque ita *Caridachus*, regnum, suæque omnia, salua sibi, & integra conseruauit, & reliqua omnis Catiscorum regio, in ius, ditio-nemque ATTILAE, concessit. Ei genti, cum seniore ex filiis regem, ATTILAS constituere decreuisset, ad hanc rem conficiendam, *Onesegium* miserat. Itaque nos exspectare, vt dictum est, iubens; *Bigilam*, cum *Esla*, ad Romanos amandauit, specie quidem transfugarum repetendorum; sed reuera, vt aurum, *Edeconi* promissum, adferret.

## §. XI.

A *Bigila* discessu, vno tantum die in his locis commorati, postridie cum ATTILA, ad loca magis ad arctum vergentia (a) profecti sumus. Haud longo viæ spatio, cum barbaris progressi, alio iter vertimus, *Scythis*, exterorum (b) deductoribus, nos id facere iubentibus. ATTILAS interea, in quodam vico substitit, in quo filiam *Escam* (c) in vxorem, etsi plures alias haberet,

K 2

Scytha-

a) Nunc dixi, eundem ONESEGIVM, in aula ATTILAE, locum tenuisse, quem apud Romanos *Officiorum Magistrum*. de quibus recale, quæ ad Cap. I. §. III. nota u. adnotauimus: & Cap. II. §. V. nota p.

b) Adeo iam tum *Bigila* illa adsentatio, qua *Theodosium* Deum; ATTILAM hominem, vocauerat, barbaros ipsos, corruperat. ATTILA profecto, hac adpellatione, retentari se passus est, ne *Caridachi* aduentum vrgeret, pro more suo, acius. *Sic ars deluditur arte.*

a) Doleas, quod non accuratius ATTILAE huius itineris tramitem, PRISCVS definiuerit. quem nos ideo vestigabimus, quantum eius dabitur.

b) Viarum hi *Ductores*, a principibus, ad conducendum aliquem per alterius regionem, cum ad iterum errores, tum ad subseffores viarum deuitandos, ordinabantur. LVITPRAND. de Legat. Græcis quidem *Διαώσαι*; nostris vero *Hungaris*, genuino credo *Hunorum* vocabulo, *Kalaufz* hodieque adpellati. Quod sane, inter bene commodeque ordinatæ reipublicæ *Hunorum*, indicia retuleris. Conf. du FRESNE Gloss. edit. nuperæ Parisiens.

c) Doctissimus BARTHIVS, in *Aduersariis* suis, Lib. LVI. Cap. XV. p. 2662. ex hoc PRISCI loco, *Thygaterogamiam*, seu impiam, suas ipsorum filias ducendi, licentiam, *Hunnis* imputat. quem ducem, non doctum minus, quam præcipuè inter eruditos auctoritatis, sequuntur multi, atque ATTILAM, iuxta & *Hunnos*, vniuersim omnes, foedissimi, eiusdem flagitii insimulare non dubitant. Subolsfecit, siue crim.



*Scytharum* legibus id permittentibus, ducere voluit. Illinc facili, & æquali via, per planitiem patentem, iter fecimus, & in multos fluuios nauigabiles impegi-  
mus. Quorum post *Isirum* maximi sunt: *Drecon* dictus, (d) & *Tigas* (e) & *Ti-  
phis*. (f) Maiores, nauculis, vnico ligno, confectis, quas in quotidiano vsu  
habent, qui ad flumina habitant; reliquos lembis, ex propinquo desumtis,  
quos barbari curribus imponunt, & in loca restagnantia important, traieci-  
mus.

criminationem eam, siue sensum verborum PRISCI detortum, FR. OTROKOSI, in  
Origin. Hung. P. I. Cap. IV. §. XV. p. 126. Sed, neque crimen illud, ab ATTILA,  
& huius gente, valide repulit; neque idonee satis vindicauit PRISCI sententiam.  
Posteaquam enim locum, de nuptiis ATTILAE recitasset, paucula subiicit: *Videtur  
hic aliquid deesse; forte, cuius herois Escam filia fuerit. Nam, non dicit aperte  
Priscus, eam Attilæ propriam fuisse; nec ratio id adiecta docet; sed potius, plurali-  
tatem vxorum licitam, apud veteres Scythas fuisse*, indicat. recte quidem. Felicius  
tamen, & iudicio longe limatissimo, partim, flagitium omnium turpissimum, ab  
ATTILA, & *Hunnis*, amolitus est, partim sensum verborum PRISCI restituit, PIVS  
NICOLAUS GARELLI, dum viueret, CAROLI VI. Imperatoris archiater, atque amicus no-  
ster, & post fata, desideratissimus. Mitto, sobriam, viri summi, criticen: rem ipsam,  
& quemadmodum PRISCI verba, in luce collocauit, atque ATTILAM crimine exem-  
rit, recolam. *Ad omnem, inquit, tollendam, in verbis Prisci æquiuocationem, sola  
vocula τῆ, deficit. qua adposita, clarus sensus emergit, nempe: θυγάτηρ τῆ Εσκᾶμ  
γαμεῖν ἐβόλετο*, quod est: *Filiam Escami ducere voluit*. Hæc ille, breuiter, ac so-  
lide: vt satis adpareat, *Escami*, vnus ex optimatibus *Hunnis*; haud vero suam  
ipsius filiam, ducere constituisse ATTILAM. Hæc, & reliqua, quæ in eandem rem  
adfert, & cum de phrasi PRISCI, tum de voce θυγάτηρ, erudite disputat, vide in  
*Appendice epistolæ*, quam ad me, de IUVENCI COELII CALANI DALMATÆ, ATTILA,  
prolixam dedit, quamque *Decadis I. Mon. III.* præmissam, reperies. Cessent pro-  
inde *Barthii* sequaces, ATTILAE mastiges, belluinam hanc voluptatem, eidem adfri-  
care, atque porro infamare, his tam fœdis criminibus, regem, pro ethnicae hone-  
statis modulo, incomparabilem. Adde, commentiuunculam nostram, eadem hac de  
re, ad CALANI Cap. XXII. not. e. adscriptam, *DECADE I. Mon. III. p. 135.* Alioquin,  
πολυγαμίαν simultaneam, *Hunnorum* legibus permissam fuisse, haud grauate largi-  
mur: minime vero, parentum, cum filiabus, nuptias: quippe quos, non ita feri-  
nis fuisse moribus, credimus, vt flagitio se contaminarent, iuri naturæ, omnium  
mentibus, diuinitus insito, contraeunte. Reuera autem, pugnare scelestum hoc  
nuptiarum genus, cum naturæ humanæ indole, grauiter docuere *Iuris Naturæ* con-  
sulti. HVGONEM GROTIUM nominauisse, satis habebimus, *de Iure Belli & Pacis*, Lib.  
II. Cap. V. §. XII. n. seq. p. m. 249. Bene, quem illic citatum legas, SENECA Hip-  
polyto Act. III. versu 913. 914.

*Feræ quoque ipsæ Veneris euitant nefas,  
Generisque leges inscius seruat pudor.*

Neque minus isthuc facient, nobiles, de *Camelo*, & de equo *Scythico*, quæ eo loco  
sunt, narrationes. De *Camelo* inquam, qui curatorem, a quò, cum matre operta,  
commisus erat, delapso operimento, & matre agnita, interfecit, teste AELIANO III.  
de Anim. 47. & ARISTOTELE, Περὶ θαιμασίων ἀνσώματων, p. 89. Atque, de Equo  
*Scythico*, auctore PLINIO H. N., Lib. VIII. Cap. XLII. Tomo I. p. 466. edit. Paris.  
HARDVINI. *Detracto oculorum operimento, & cognito, cum matre coitus, petiisse præ-  
rupta, atque exanimatum*. Equæ, eadem ex causa, in agro *Reatino*, prorigam;  
(equarum admissorem) laceratum inuenimus. Adde VARRONEM, Lib. II. Cap. VII.  
de Re Rust. p. 286. edit. Gesneri. Quis nunc *Scythæ* nostro, ATTILAE, inquam,  
crimen intentabit, quod ne *Scythicus* quidem equus, pro generosa indole sua, im-  
pune, ac sine pudore ferre potuit? De *Persis*, *Parthisque*, turpitudini huic, bel-  
luino more deditis, nihil laboro. cui adsentiente HVG. GROTIUS, causam, prauam  
educationem, prudenter adsignat, DION Prusæensis.



mus. Congerebantur vero nobis, ex vicis commeatus; pro frumento *Cenchrum*, (g) pro vino, *Medum*, (h) sic enim locorum incolæ vocant. Qui nos comitabantur, ut nobis ministrarent, *Cenchrum* aduehebant, potionem ex hordeo præbentes, quam *Camum* barbari (i) adpellant. Longa via confecta, die, ad noctem inclinante, ad paludem quandam, ad quam aquatum (erat enim eius aqua potui apta) proximi vici ibant, tentoria fiximus. Ingens ventus, & procella de repente exorta, cum tonitru, & crebris fulguribus, & multo imbre, tentorium nostrum disiecit, & omnia nostra vtenfilia, in proximam paludem voluit. Turbinibus in aere excitatis, & casu, qui contigerat, perterrefacti, locum illum deseruimus, & ab inuicem dissociati, huc illuc palantes, viam unusquisque nostrum, quam sibi commodam duxit, sub tenebris, & imbribus, est persequutus. Tandem, tuguria, & tecta vici subeuntes, (illuc enim, diuisis itineribus, diuerteramus) omnes in vnum conuenimus, & ea, quæ nobis deerant, cum clamore perquisimus. Ad quem strepitum, *Scythæ* exsistentes, calamos, quibus ad ignem vtuntur, vsserunt, & accenso lumine, interrogarunt, quid nobis vellemus, qui tantos clamores ede-remus? *Barbari*, qui nos comitabantur, (k) responderunt, nos tempestate percussos, turbari. Itaque, nos liberaliter inuitatos (l) hospitio exceperunt, & calamis ficcis, ignem accenderunt. Vici domina, quondam vna ex BLEDAE (m) vxoribus fuerat. Hæc nobis cibaria, & mulieres formosas, cum quibus,

L

g) CENCHRUM, milium est Græcis. quod gluma, in pisone, seu mortario ligneo detusa, farris loco habent hodieque *Hungari*; &, vel in pultes incoquant, lacte superfuso, & tunc quidem *Tejes-Kása*, dicunt; vel admixto melle, ad modum tortarum, in tripodibus frixant, atque *Mézes-Málé* vocant. quod genus ciborum, in deliciis habent adhuc, plebei homines. Pronum ergo fuerit existimare, his cupediis, vulgus *Hunniacum* victitasse, easque, simul *Romanis*, hac iter facientibus, obtulisse.

h) MEDVS, potionis genus, quod coquendo fit ex melle. ISIDORVS ideo, XX. 3. ex Latino *mell*, quasi *melus*, deducit. Sed perperam: nam vox, tota quanta quanta, *Sarmatica* est, tametsi omnino æque a melle deriuanda. quod *Slauonicæ* lingue populi omnes, *Med* vocant, & potum ex melle excoctum, *Medovvecz*. Potus genus, hodiedum *Moscovitis*, *Polonis*, atque vtrorumque vicinis, familiarissimum.

i) Est, cur mirere, CAMVM, barbarum PRISCO, vocabulum dici; cum tamen haud ignotum fuerit *Constantinopolitanis*, potus genus: quippe, ipsis legibus, Romanorum, sacratum. VLPIANVS, Lib. IX. ff. de trit. vin. ol. Si quis vinum legauerit, nec Camum, nec cereuisia continebitur, nec hydromeli. CUIACIUS Obseru. Lib. XXIV. Cap. XXXIX. adducit Simeonem Ianuensem, qui doceat: CAMVM fieri, ex hordeo, & aliis frugibus, & *Fucam* Arabice vocari, vulgo in Græcia, *Phocadium*, & esse cereuisiæ speciem. Verba hæc adlegat: *Cereuisia*, Camum, *Foca*. Item: Camum, *Sicera*, potus factus ex hordeo, & aliis rebus calidis, uti sunt *Zingiber*, & alia, quæ ponuntur in testaceis paruis, bene obturatis, & cum aperiuntur, salit in altum, & vocatur cereuisia. Du FRESNE. Colligas ex hoc PRISCI loco, familiarem, ATTILAE temporibus, *Hunnis*, sub nomine *cami*, fuisse cereuisiam, cuius postea nomen *Ser* fecerunt *Hungari*; siue id a *Latinis* acceperunt; voce, uti adparet, detruncata; siue a *Turcarum*, *Serbéth*. quod tamen potionis genus, feruens bibitur, & tardius *Hungaris* innotuit.

k) Idem fuere, quos nunc *Ductores*, PRISCVS dixerat, de quibus eadem hac §. nota b.

l) Tu, quisquis es! qui gentem *Hunniacam* accusas barbariei, huc aduerte animum! Credo equidem, ne a populis, qui se hodie putant cultissimos, istam humanitatis significationem, in homines peregrinos, eosque calamitosos, editum iri.

m) Ergo, iam tum, siue sua ipsius morte, siue violentis fatis, BLEDA perfun-  
Decadis II. Monumentum I. etum



quibus, iocis, & amoris indulgeremus, (hoc enim apud *Scythas* honori ducitur) suppeditauit. Mulieribus, pro cibis præbitis, gratias egimus, & sub tentis nostris somnum capientes, ab earum consuetudine (n) abstinuimus. Simul, atque illuxit, ad ea, quæ ex nostra minuta suppellectile desiderabantur, perquirenda, curam conuertimus. Hæc, partim in eo loco, ubi pridie confederamus, partim in ripa paludis, partim in ipsa palude, reperta, recepimus. In his deficcandis, totum diem, in illo vico, (tempestas enim desierat, & clarus sol adparebat) contriuimus. Deinde, curatis equis, & reliquis animalibus, vecturæ inferuentibus, reginam salutatum iuimus. Hanc vicissim donis remunerati (o) sumus, pateris argenteis, velleribus rubris, pipere indico, & palmulis, & aliis aridis fructibus; ne barbaris, qui tantum honoris nobis habuerant, concederemus. Nec multo post, omnia fausta, feliciaque illis, hospitalitatis ergo precati, discessimus. Sex dierum itinere emenso, *Scythæ*, exterorum deductores, (p) in quodam vico nos consistere præceperunt, ut pone ATTILAM, qui hac se in viam daturus erat, deinceps iter continuaremus.

## §. XII.

Hic obuios habuimus legatos, à *Romanis Hesperis*, (a) etiam ad ATTILAM missos. Frant autem præcipui: *Romulus*, Comitatus dignitate decoratus, & *Primitus*, Noricæ regionis præfectus, & *Romanus*, militaris ordinis ductor. His aderat *Constantius*, (b) quem *Aetius*, ad ATTILAM, ut illi in conscribendis epistolis deferuaret, miserat, & *Tatullus*, *Orestis* (c) eius, qui cum

*Edecone*

etum fuisse oportuit: eo quod hic viduæ suæ sit mentio. Mirifica, & huius in legatos, fuit hospitalitas; sed, quam barbara illa humanitas, si PRISCO credimus, contaminabat, quod lenocinio eos, & illecebris muliebribus voluit inescatos. De BLEDAE anno emortuali, vide, quæ ad CALANI Cap. XI. nota a. congesimus, DECADE I. Mon. III. p. 114.

n) Digna, *Christianis* viris, continentia. Neque hic mos solis *Hunnis* fuit peculiaris, ut hospites, quos comiter & laute accipere volebant, formosarum mulierum amoribus exfatiarent; apud plures gentes, impia hæc, fœdaque hospitalitas inoleuerat: quippe quæ, semel iusto DEI iudicio, in transuersum acta, neque modum ponebant, nefariis turpitudinibus, neque finem.

o) Fuit hoc elegantia *Romanorum*. Dona profecto, quam, quæ regina miserat, multis modis pretiosiora rependerunt. *Palmulæ*, fructus sunt palmarum, qui, & *Dactyli*. Reliqua, belaria fuisse, interpretabere, quæ secundis mensis, & plerumque cruda, solebant inferri.

p) Confer supra, hac paragrapho, notas b. & e. Vbi nempe, ministerio eorum sunt *Romani*, toto eo itinere, quod in *Hunnorum* regione sunt emensi, usque ad regiam ATTILAE.

a) Magnum, potentia ATTILAE, documentum; quod ab vtriusque, orientis, & occidentis, Imperatoribus, legationibus, eodem tempore, honoratus fuerit. Fere de eo dixeris, quod ille, de ALEXANDRO M.

*Ortus & occasus, aquilo mihi seruit, & auster.*

b) *Constantii* huius, sæpius PRISCUS meminit, Cap. I. §. IV. iterum Cap. II. §. VII. hic vero, omnium fusissime; nusquam vero infelicius.

c) Obserues hic, ORESTIS, patrem, iuxta & matrimonium. Fuit is, EDECONIS, in Constantinopolitana, qua proxime defunctus est, legatione, assiduus collega. Muneris, quas apud ATTILAM administrabat partes, *Bigilas*, in aula regis semel iterumque versatus, supra, paragrapho VIII. ita expromsit; ut ATTILAE *asseclam & scribam diceret*. In Græco: *ὄπισθ' αὐτοῦ καὶ ὑπογραφεύς*, vocat. Primam ORESTIS mentionem, legis, Cap. I. §. III. not. b. p. 7. De hoc eodem ORESTE, quæ mortuo

ATTILA,



Edecone erat, pater : non legationis causa ; sed priuati officii, & familiaritatis ergo. *Constantio* enim in Italiis agenti, magnus cum illis usus intercesserat : *Tatullum* affinitas mouebat. *Orestes* enim eius filius, *Romuli* filiam, e *Petouione*, *Norici* ciuitate, uxorem duxerat. Legati autem veniebant, vt *ATTILAM* lenirent, qui sibi *Sylvanum*, (d) *Armii mensæ Romæ præfectum*, tradi postulabat, propterea, quod pateras aureas, a *Constantio* quodam acceperat. Hic *Constantius*, ex Galliis occidentalibus ortus, ad *ATTILAM*, & *BLEDAM*, vt illis in conscribendis epistolis operam daret, quemadmodum, & post illum alter *Constantius*, missus fuerat. Ille (e) vero, quo tempore *Sirmium* oppidum, in *Peonia* situm, *Scythæ* obsidebant, aurea vasa, a ciuitatis Episcopo, acceperat, vt ex eorum pretio, si se superstiti, urbem capi contigisset, quoad satis esset, pro sua libertate, solueretur ; (f) si periisset, ciues, in seruitutem abducti, redimerentur. Sed *Constantius*, post urbis excidium, (g) de euentu *Scythicæ* obsidionis parum sollicitus, *Romam*, cuiusdam negotii causa profectus, vasa, ad *Sylvanum* detulit, & aurum ab eo accepit, conuenitque, vt, si intra tempus præfinitum, aurum, cum usuris redderet, vasa reciperet : ni fecisset, *Sylvanus*, vasa sibi haberet, & his, pro arbitrio, tanquam, quæ sua facta essent, vteretur. Hunc *Constantium*, *ATTILAS*, & *BLEDA*, cum illis prodicionis nomine suspectus esset, in crucem (h) egerunt. Ex quo, vt de poculis aureis, indicium ad *ATTILAM* (i) est delatum, sibi tradi *Sylvanum*, tanquam furem eorum, quæ sua facta essent, flagitauit. Legati igitur, ab *Aetio*, & *Romanorum* occidentalium Imperatore, venerant, qui dicerent, *Sylvanum*, *Constantii* creditorem,

*ATTILA*, fata habuerit, quamque inuitam fortunam, sibi obnoxiam facere sit admissus, tum demum, professa opera, animus est agere, cum curæ nostræ maturuerint.

d) Placet, *VALESII*, verba : *Armii mensæ Romæ præfectum* : ex Græco, restituentis, coniectura. Videtur, inquit, scribendum esse : ἀργύρας ἀργυρίου προεστῶτα. Sic mensam argentariam vocat : erat enim hic *Siluanus*, argentarius. Ita *EVAGRIVS*, Lib. V. Cap. X. de *Magno* quodam : πρῶτον μὲν ἀργύρας ἀργυρίου προϊστάμενος. Hæc *Valesius*. Neque ergo, deprauata vox *Armii*, nomen fuerit proprium ; neque mensæ præfectum, seu *Dapiferorum*, nostro vocabulo, *Magistrum* ; sed rei argentariæ, quæ mensis adhiberi solet, administrum, notauerit.

e) *Constantium* priorem intelligit, postea, ob prodicionis suspicionem, in crucem actum. qua de re, iamiam dicet noster.

f) Laudabilis hæc *Episcopi* prouidentia fuit ; sed, quam irritam fecit *Constantii* turpis avaritia : tametsi hominis *Christiani* : quæ tamen sibi longe exstitit perniciosissima.

g) Utinam hoc sibi dedisset negotii, somnolentus historiarum *PRISCI* expilator, vt urbium, patrata ab *ATTILA*, excidia, & horum causas, ac πειράσεις, cum cura adnotasset : æquius iacturam scriptoris optimi ferremus ; nunc, gratiam ei referimus eo iniquiorem, quo in excerptando, & animo fuit tardior, & manu.

h) Dignum, me iudice, sacrilegio, quo se, *Christianus* cum esset, turpiter contaminauit, supplicium ; etsi minime omnium in prodicionis crimen incurrisset. Nam, præterquam cum *Episcopo* conuenerat, in eliberandos captiuos, vasa aurea, non impendit ; sed abusus etiam iis est, si non ad intemperantiam, certe ad sordes. Aliud ergo in *Constantio*, reges vlciscebantur ; aliud diuina nemesis.

i) Adeo ad rem adtentum *ATTILAM* ; vt ne prædæ quidem partem, elabi e manibus, pateretur ; siue iustitiæ laude cumulare velis ; siue notare avaritiæ crimine, mihi quidem perinde feceris, Lector æquanime ! Saltem fatebere, facinus *Constantii*, hominis infidi, priuatum, male Imperatori, & vniuersim toti reipublicæ, impactum ab *ATTILA* fuisse. Sed, nodum in *Scyrpo* quærebat perspicax ille, suapte, ad omnes belli faciundi occasiones, nimium quantum peruigil.



ditorem, vasa aurea, pro credito oppignerata, non furto ablata, penes se habuisse. Quæ sacerdotibus, qui primi se obtulissent, numis argenteis permittasset. Nec enim fas esse hominibus, pocula Deo consecrata, (k) propriis vsum, adplicare. Itaque, nisi eum tam iusta causa, aut diuini numinis reuerentia, a petendis poculis, dimoueat, si *Sylvanus* instantius vrgeatur, aurum pro pateris, præbiturum. Hominem enim, qui in nullo deliquit, (l) minime dederis. Hæc erat igitur horum virorum, legationis causa, qui barbarum sequebantur, ut responsum ferrent, & dimitterentur.

## §. XIII.

Cum vero nobis eadem via eundum foret, qua ATTILAS, parumper morati, dum præcederet, non multo post sequuti, cum reliqua multitudo, traiectis quibusdam amnibus, (a) ad quendam magnum peruenimus. Hic erant ATTILAE ædes, (b) quæ reliquis omnibus, ubicumque locorum, eminentiores, & præstantiores esse, ferebantur. Erant hæ, ex lignis, (c) & tabulis, eximie politis, exstructæ, & ambitu ligneo, circumdatæ: non ad munimentum; sed ad ornatum comparato. Proxima regiæ erat, *Onesegii* domus, & ipsa quoque ambitu ligneo constans, non tamen æque, ac ATTILAE, turri-

---

k) Male ista, ex his istiusmodi, *Christianorum* ritus adtinentibus capitibus, ATTILAE persuadebantur: quippe cui,

*Auri sacra fames,*

intimis medullis infederat.

l) Iuris hoc, *naturæ ac gentium* axioma, poterat, ab ista, dedendi *Sylvani* postulatione, retentare ATTILAM, multo sane efficacius, quam sacrati illius, atque inuiolabilis auri, commemoratio.

a) An supra nominati flumini, *Drecon*, *Tigas*, & *Tiphis* fuerint? non facile reperio, quod vel negem, vel adfirmem. coniectationes nostras, promemus alibi.

b) Vbi vicus hic, & in hoc regia ATTILAE, sit quærenda; postea, cum cura indagabimus. OTROKOSI, Orig. Hungar. Parte I. Cap. IV. p. 108. apud *Iazyges* hodiernos, in oppido *lász-Berény*, & vicum collocat, & ædes regias. Sententia, quod sciam, adprobata est nemini: nisi forte, qui non existimatis, itineris ATTILAE rationibus, & inconsulta *Geographia Antiqua*, opinioniones sequi malit, ratione minus subactas; quam veritatis *reptile*. quod suo loco disputabimus.

c) Ligneæ hæc, regiarum ATTILAE ædium substructio, satis, opinor, condocet, temporariam hic sedem habuisse, ORBIS FLAGELLVM. Neque aliter suadebant, de opprimendo, utroque, orientis, & occidentis, imperio, vasta illa hominis consilia. Nondum enim, subacta licet, a tergo *Scythia*; euastatis, *Thraciis*, *Mæsis*que; & *Pannonia*, partim armis, partim pacis legibus, sub iugum missa; quin & *Dacia Traiani*, suæ adiectæ dominationi, occidentem euerruerat. Ergo, nihil opus erat, ut, qui orbem *Europæum*, mente complexus, spe improba deuorasse visus est penitus, in vnus quodam regionis angulo, perpetuam, ac pro animi magnitudine, regio fastu perculsam, & tot deuictarum gentium spoliis ornatam sedem, poneret. Sufficiebant ligneæ ædes, bene materiatae, neque fabrefactæ negligenter. quæ speculæ loco essent, homini, toti orbi, adtentissime insidianti. Quod, qui secum existimauerit, fatebitur, credo, non tam lapidum, hac regione defectui, quam destinationi ATTILAE, molem hanc ligneam, adtribui oportere. Quid? quod *Hunnicum* illud ingenium, nondum plane exuerit NOSTER, de quo AMMIANVS, Lib. XXXI. Cap. II. p. 473. *Aedificiis nullis unquam tecti; sed hæc, velut ab usu communi discretæ sepulchra, deuitant.* Fas est igitur credere; dedisse hoc, cultiorum gentium moribus, ut & ipse ædes habitare inciperet; & gentis suæ primores, vulgusque, id ut imitarentur, sensim adsuesceret. Recole, Cap. hoc II. §. II. not. e. Sed, de regia ATTILAE, erit alibi dicendi locus.



turribus insignis, & conspicua. Longo satis interuallo, a circuitu domus, distabat balneum, (d) quod *Onesegius*, qui secundum *ATTILAM*, plurimum apud *Scythas*, opibus, & auctoritate, valebat, lapidibus, ex *Peonia* (e) aduectis, ædificauerat. Nec enim apud eos, qui in ea parte *Scythiæ* habitant, vllus est, aut lapis, aut arbor, sed materia, aliunde aduecta, vtuntur. Huius autem balnei architectus, e *Sirmio*, captiuus abductus, mercedem operis sui, libertatem consequuturum sperans, falsus sua spe, cum nihil minus cogitaret, in longe duriores, apud *Scythas*, incidit seruitutem. *Balneatorem* enim eum *Onesegius* instituit, vt sibi, totique suæ familiæ, cum lauarentur, operas præstaret. In hunc vicum aduentanti *ATTILAE*, puellæ obuiam (f) prodierunt,

M

quæ per

d) Præferebat hoc, *Romanæ*, siue elegantiae, siue opportunitatis, imitamentum. quis enim doctus nescit? balnearum commoditates, infano sumtu instruere solitos *Romanos*. Consule *Iulium Lipsium*, de *Magnitudine Romana*, & *AMMIANVM*, loco nunc citato, Cap. I. p. 472. ibique lege, *VALESII* notam g. Proinde, tota iam tum *Onesegii* familia, corporis munditiei cœpit insuescere, vt male illud *CLAUDIANI*, Lib. I. in *Rufinum*, hic iteraueris de *Hunnis*,

*Tristes habitus, obscænaque visu corpora.*

Sed reuera, extraneus fuit *Onesegius*, haud vero *Hunni*. quod dicemus paullo post.

e) Vtitur argumento hoc *OTROKOSIVS*, dicto loco, vt euincat, non alibi, quam apud *lazyges* hodiernos, sedem hanc *ATTILAE* fuisse positam. Nam, & arboribus nuda omnino, neque impedita lapidibus, campestris ea regio est. quod, quantum momenti habeat, ad rem illam conficiendam, videbimus, cum erit opportunum.

f) Antiquissimus populorum orientalium mos fuit; festiuis istiusmodi virginum processionibus, lätos expectatosque euentus celebrare. Primum, huius instituti, exemplum, apud *MOSEN*, veterrimum, eumque diuinissimum scriptorem, *Exod. XV.* reperio: cum gens *Israëliitarum*, superato, haud sine prodigio, mari rubro, atque *Pharaone*, & huius exercitu, fluctibusmerso, mirificam Dei potentiam, concelebrabat. Præcipuas, ea celebritate, partes, *Miriam*, cum numerofo mulierum, inter cantica, & tympanorum sonitus, suas fecit, chorosque alternatim duxit. Conf. *IOH. CONR. DIETERICI*, *Antiq. Biblic.* Parte I. p. 350. Adde, nisi sacra historia fordeat, *I. Sam. XVII, 6. 7.* pæana, quem *DAVID*, a cæde *Philisteorum* reducti, fæminæ occinebant; &, quod res est, existima. Manauit ritus ab *Hebræis*, quaquauersum, & hic ad religionis ceremonias translatus est; ad ciuilis testificationes officii, alibi. Et ad *Scythas* quidem, tunc, festiuum hoc institutum pertigisse, existimo, cum, abductis in captiuitatem, decem *Israeliticis* tribubus, late, *Hebræus* populus, per septentrionem, & vsque in *Scythas*, fuerat sparsus. Eum postea morem, *Hunni* suum fecere, tamquam a maioribus acceptum. Quid? quod idem iste *Iudæorum* mos, apud *Romanos* quoque, rerum, per orbem terrarum dominos, in vsu fuerit? De *AVGVSTO*, inter ceteras honoris significationes, *TRANQVILLVS*, Cap. *LVII.* *Reuertentem ex prouincia, non solum faustis ominibus, sed modulatis carminibus prosequabantur.* Quod quidem officium, nobiles pueros, ac puellas, fecisse, inuenias apud eundem, in *CALIGVLA*, Cap. *XVI.* *Nobilibus, inquit, pueris, ac puellis, carmine modulato, laudes virtutum eius canentibus.* *ρῶμῳ* scilicet, ad mensuram pronuntiationis. Nescio, annon æmulari voluerint, testiuum hunc, siue *Romanorum*. siue *Hunorum*, ritum, *Argentoratenses*: quando, hac iter, ad *Friburgi* obsidionem, militare magis! an medicum? instituentem, Regem Galliæ, *LYDOVICVM XV.* eadem hac, sed longe fastosissima pompa, concursante ad spectaculum multitudine, acceperunt. Triumphum duci credidisses, ita vrbs opulentissima, in lætitiæ testificationes, vel nondum editas adhuc, vel longa temporum intercapedine obsoletas, plurium dierum interuallo, atque id rege, magna animi delectatione adspectante, effundebatur. Interferebantur, augustali ei sollemnitati, virgi-

num,

*Decadis II. Monumentum I.*



quæ per series ante gradientes, sub linteis tenuibus & candidis, quam maxime in longitudinem extensis, ita, vt sub vnoquoque linteo, manibus mulierum, ab vtraque parte in altum sublato, (erant enim multi huiusmodi mulierum, sub illis linteis, ordines) sex puellæ, aut etiam plures, dum iter pergerent, odas, & cantilenas (g) *Scythicas*, canerent. Iam proxime *Onesegii* domum accesseramus, (per ipsum enim via (h) ducebat ad regiam) cum foras profiliit *Onesegii* vxor, magna ancillarum comitata multitudo, quæ opsonia, & vinum ferebant, (i) qui maximus est apud *Scythas* honos. Hæc ATTILAM salutauit, rogauitque, vt ex cibis defumeret, quos, cum summa testificatione, suæ erga illum voluntatis, adtulerat. Itaque, vxori, hominis sibi necessarii, gratificaturus, commessatus est, equo insidens, (k) barbaris, qui in eius comitatu erant, suspensam tabulam, (erat autem argentea) sursum capiti eius adtolentibus. Deinde, degustato calice, qui illi fuerat oblatus, in regiam se recepit. Erat autem illa reliquis conspectior, & in altiori loco sita. Nos vero, in ædibus *Onesegii*, (sic ille præceperat, redierat enim cum ATTILAE filio) remansimus. Illic cœnam sumpsimus, excipiente (l) nos eius vxore, comitata illustrioribus, qui eum gerere contingebant. Illi enim, animum nobiscum conuiuio exhilarare, per otium, minime licuit; quia, quæ gesserat in negotio, ad quod missus fuerat, & aduersam, quæ filio (m) ATTILAE contigerat, valetudinem (dextram enim, osse loco moto, fregerat) renuntiaturus, tum primum a reditu, in ATTILAE conspectum venerat.

## §. XIV.

A cœna, ædibus *Onesegii* relictis, propius ATTILAE ædes, tentoria (a) posui-

num in primis, vestales quasi quidam chori, quæ, non percultæ modo ad omnem splendorem, oculos, cum omnium, tum principis potissimum, aduertebant; sed laudes etiam regis, modulatis itidem carminibus, celebrabant. Anno hæc superiore MDCCXLIV. adolescente iam auctumno, euenere; ideo hic non silenda, quod habent quoddam, moris *Hunniaci*, imitamentum.

g) Iucundum sane, & dignum ATTILAE magnitudine, spectaculum. Odarum, quas occinebat virginum ea processio, materies, vti ex moribus gentis, infra docerimus, bella, victoriæ, ceteraque ATTILAE gesta, fuere: quod vnum, sicuti *Germanis*, ætate TACITI, ita tunc *Hunnis*, annalium genus fuit.

h) Igitur, domus *Onesegii*, propylæum quasi quoddam fuit regiæ ATTILAE, quam ædificiorum molem consulto, ita fuisse instructam credo; partim, vti regis securitati prouideretur; partim, vti venerabilior fieret, ad regiam aditus. quid? quod, & gratia, & auctoritas, qua, apud ATTILAM valebat *Onesegius*, istum ædium suarum habitum, situmque, videbatur poscere.

i) Est hoc quoque, vestigium moris orientalium; principes, a victrici expeditione reduces, ad eum modum accipiendi. quod obuium fit, *Melchisedeci* oblationem, *Abrahamo*, a pugna reuertenti, factam, atque pane & vino constantem, recognoscentibus, Genes. XIV, 18.

k) Hoc genus commessationis, sicuti PRISCUS vocat, *Statarium* prandium, Latini dixere; eo quod stando capitur. apud MAMERTIN. in *Panegyri. Iuliani*, Cap. XI. Aduertat Lector! officiosam in ATTILA, erga faminam illustrem, facilitatem, humanitatemque.

l) Adeo, apud aulam ATTILAE, eleganter omnia fiebant, atque comiter, vt *Versaliam* te Gallorum, non vicum *Hunniacum*, subiisse crederes.

m) Fuit is *Dengisich*, vterinus *Irnaschi* frater, isto tamen infelicio. Ille, *Dinzio*, iste, *Hernach*, vterque mendose, IORNANDI dicitur, in *Geticis* p. m. 628. 629.

a) Coniicias hinc, cum de ædium ATTILAE situ, tum de habitu vici totius. Aedes,



posuimus, vt *Maximinus*, quem scilicet *ATTILAM* conuenire, & cum hīs, qui ei a consiliis erant, colloquia facere oportebat, minime longo, ab *ATTILA*, distaret interuallo. Illic igitur, quo migrauimus, noctem transegimus. Luce orta, misit me *Maximinus*, ad *Onesegium*, vt illi, tum quæ ipse dabat, (b) tum ab Imperatore missa munera traderem; atque etiam statueret, vbi, & quando luberet, vt cum eo colloquium iniret. Perexi igitur ad *Onesegium*, cum famulis, qui dona portabant: ianuæ erant clausæ: ego exspectare, donec aperirentur, & aliquis exiret, qui eum, mei aduentus, certiore faceret. Itaque, tempus mihi terenti, & circa murorum ambitum domus *Onesegii*, ambulanti, progressus, nescio quis, quem barbarum, & vnum aliquem ex *Scythico* exercitu, esse rebar, *Græca* voce me salutauit, dicens: *χαῖρε*. (c) Mirari ego, qui fieret, vt *Græce* loqueretur, vir *Scythæ*. Etenim, intra sua conclusi, barbaricam linguam (d) colunt, & adfectant, neque tam *Hunnorum*, quam *Gothorum*,

M 2

thorum,

des, sic positas fuisse oportuit, vt laxiore, eoque inani, & a priuatorum casis nudo, circumquaque interuallo ambirentur: quod ad regis pertinebat opportunitatem. Vicus vero, diffitis inuicem ædiculis instructus, spatia relinquebat tentoriis, si vsus ferret, tendendis, necessaria.

b) Prudens factum! quod legationis, sufflaminata hucusque negotia, a donis representandis, exordiantur, idque, apud hominem, quasi *πανκράτωρα*, apud *ATTILAM*. *Aurum* nempe, Iani templo, cum claudendo, tum referando, æque idoneum est, atque efficax.

c) *Χαῖρε*, *Græcam* salutandi formulam esse, in gratiam linguæ eius ignarorum moneo: nam norunt docti, ab *χαίρω*, gaudeo; Imperatium eum fieri, vt sit, *χαῖρε*, gaude, lætare, salue! Sic apud *XENOPHONTEM*, *Pæd. VII.* *Cræso* salutanti *Cyrum*: *Χαῖρε ὦ δεσπότη*, salue domine! respondet *Cyrus*: *καὶ σὺ γὰρ ὦ κροῖσε*, tu quoque salue *Cræse*.

d) Discas hinc, *πλὴν γλωττον*, seu, plurium fuisse linguarum, aulam *ATTILAE*. *Barbaricam* ei tribuit, inter primas, noster, hoc est, *Hunniacam*. quæ, quod *Hungarica* fuerit, licet rudior hodierna, suo loco, & tempore, demonstrabimus. Frustra sunt profecto, *Hunno- & Hungaro-Mastyges* illi, qui id magna virium contentione, elaborant demonstrare; *Linguam Hungaricam*, qualis hodie in vsu est, centonem esse, *Cardinalium Europæ linguarum*. Non est enim ita, quemadmodum cogitate omnino, neque sine adparatu, id euicimus, in *Meletemate, de Peregrinitate Linguae Hungaricæ in Europa*, quod exstat, in *Miscellaneorum Berolinensium Tomo IV. Parte II. Litteraria* p. 198. & recognoscemus, si Deus voluerit, in *GENESI*, & *Exodo*, *Linguae Hungaricæ*, curis repetitis. Post *Hunniacam* linguam, *Gothicæ* meminit *PRISCUS*, quæ secundas, post priorem illam, obtinebat in palatio *ATTILAE*, quin & apud gentem vniuersam. Neque potuit euenisse aliter: quando, & bellis frequentibus, gens vtrique collisa inuicem; & coadunata iterum fuit in societatem, foederibus quomodocunque confocillatis: ne quid, de captiuis, vtrinque in seruitutem abductis, deque commerciis, mutuo frequentatis, dicam. Fuit autem *Gothicus* sermo, *Germanicus*. Vltimo, *Ausoniorum* linguam memorat, quæ *Romana est*, seu *Latina*. quam non potuerunt non addidicisse *Hunni*, cum bello in Italia administrato, tum requietis occasionibus aliis. *Cancellaria* certe *ATTILAE*, & præfectum *Orestem*, & scribas, *Constantinum* vtrumque, vide §. XI. ex *Romanis* habuit. Nescio, quomodo *PRISCO*, de *Sarmatica* lingua, silentium potuerit obrepere. Palam est enim, & hos in obsequio habuisse *ATTILAM*, infedisque *Sarmaticæ* partes, quæ *Ponto* erant proximiores, atque *Daciæ*. Quid ergo mirum? adhæsisse veteri adhuc *Hunnorum* sermoni, ex tot victarum gentium linguis, contagii quidpiam. quod inualuit demum, rerum potitis *Abaribus*, atque *Hungaris*, vltimum, in *Daciam*, *Pannoniamque* erumpentibus. Ergo, largiamur oportet, multum adsciuisse *Linguam Hungaricam*, sicuti hodie in vsu est; ex *Latina*; plus ex *Germanica*;



*thorum*, aut etiam *Aufoniorum*, hi scilicet, quibus cum *Romanis* frequentius est commercium. Neque quisquam eorum facile loquitur *Græce*; nisi, si qui sint captiui e *Thracia*, aut *Illyrico* maritimo. Sed illi ab obuiio quoque dignosci possunt, quando occurrunt, & a vestibis laceris, (e) & capitis squalore, tanquam, qui in miseram inciderint fortunam. Hic vero, præ se ferebat *Scytham*, qui opibus circumfluebat. Erat enim capite *in rotundum* (f) *raso*. Hunc relalutans, interrogavi, quis esset, & vnde in terram barbaram veniens, vitæ *Scythicæ* institutum sequi delegisset? Ille vero, lubenter, ait, ista cognoscere studui. Mihi vero, inquam, hæc a te ut sciscitarer, causa fuit, quod *Græce* locutus es. Tum ridens, ait, se *Græcum* esse genere, ad mercaturam faciendam, *Viminacium*, *Myssorum* ad *Istrum* urbem, accessisse, in ea domicilium, longo tempore habuisse, uxorem quoque diuitem duxisse; parta illic felicitate, capta vrbe exutum fuisse, & propterea, quod diues erat, se, suæque omnia, in prædæ diuisione, *Onesegio* cessisse. Etenim, esse apud eos in more positum, ut præcipui ab *ATTIA*, *Scythiæ* principes, captiuos ditiores, sibi seponant, quos deinde in plures diuidunt, & partiuntur. Postea, ubi aduersus *Romanos* fortissime dimicasset, (g) & *Acatzirorum* gentem domino barbaro iubdidisset, omnia,

*nica*; plurimum ex *Morauica*, siue *Slauica*. quod linguarum gnaris, si vel leuem quandam criticen adhibuerint, plane sit obuium. Sed a *Græcis*, acceperunt omnino paucissima, & si vocem *Paripa*, quod est, *παριπῶ*, excipias, fortasse aliud nihil. Confer OTROKOCII Orig. Hung. P. I. Cap. IV. §. XVI. p. 126. de *Lingua Hunnica*, ad hunc PRISCI locum, commentantis.

e) Miserandus captiuorum habitus. quem apud *Hunnos*, eius ætatis, eo oportuit esse squalidiorum, quod & ipsum vulgus *Hunniacum*, sordidatis vestibus, & quomodocunque, nunc ex pellibus, nunc ex vili quodam linteorum genere factis, indecore amiciebatur. Quid ergo, de captiuis, pannosis iis, exsuctis inedia, mento, ad barbarorum morem, hirtis ac intonso, luridata facie, oculis dehiscens, &c. statuas?

f) Duplex genus, circumtondendæ comæ, antiquitus fuisse videtur; vnum *barbaricum*, *græcanicum* alterum: vtrumque inter delicias habitum. Hinc *circumtonsi* mangonum pueri, puellæ, atque ipsæ etiam meretrices. Sed, horum tonsura, ad libidinis illecebras pertinuit. Vbi sunt autem ea, honesti quoque, sed elegantia studiosi, *Græci veteres*, ephebi, viri, & apud *Romanos*, etiam ministri lautiores. Crines, in eo genere, æqualiter vndique descendentes, decenter, & in orbem radebantur; ut formam alueoli referent, seu *σφαῖρα*. Vide, in voce eadem *HE-SYCHIVM*: *σφαῖρονέροι*, sic tonsi, adpellati. Inferne scilicet, ad cutem rasi, vertice intonsi fuere. Decore minus fecisse existimatur, *Aristodemus*, *Cumanorum* tyrannus, qui pueros, puellarum habitu, & muliebribus comis comptos; puellas, contra ea, epheborum ritu circumtonsas, atque ephebicis amictas chlamydis, ire iussit, apud *PLUTARCHVM*, de Mulier Virtut. p. 261. F. Genus tonsuræ, *βαρβαρικῶν* fuit, quod *Phænices*, *Arabes*, *Thracæ*, *Sarmatæ*, *Franci*, atque nostri hic *Hunni*, frequentarunt; & *Poloni* hodieque retinent. Ab *Hunnorum* hoc radendi capillum more, *Hungarorum* tendendi capitis, consuetudinem eam arceffi oportere, existimarem, quando, totum circumquaque cranium, detondent, solo vertice, comam alentes, quam possunt, promississimam: nisi, e proximiorum *Cumanorum* ætate, contagiosi oppido moris, ritum eum velis deriuare. Tunc enim, antiqui, ac feueri moris gens *Hungara*, corrupta est maximopere, cum non vulgus modo promiscuum; sed reges etiam, *LADISLAVS* in primis, *Cumanus* ideo dictus, barbarici populi institutis viuere, nihil dubitabant. Huc, & pilei genus, quod martia hac tempestate inualefcit iterum, & *Csákó* in commune dicitur, retuleris.

g) De *Onesegio* loquitur vir *Græcus*: cuius ductu in *Romanos*, & nuper admodum



omnia, quæ bello acquisierat, vna cum libertate, vt *Seytharum* legibus (h) cauetur, propria sibi vindicasse. Mulieri quoque barbaræ nupsisse, & ex ea liberos sustulisse, & *Onesegii* mensæ participem, hoc vitæ genus, longe potius priore, ducere. Qui enim apud *Scythas* degunt, tolerato bellorum labore, sine vlla sollicitudine, vitam peragunt: tum vnusquisque bonis, quæ sibi fortuna indulsit, fruitur, neque quisquam illi, vlla in re, ne minima quidem, negotium exhibet, aut molestus est. Qui vero sub *Romanis* ætatem agunt, facile in bello capiuntur. Hos enim, in aliis, sui conseruandi spem collocare, necesse est, quandoquidem per tyrannos, minime licet, arma, quibus vnusquisque se tutatur, & a se vim propulset, gestare. Atque adeo his, quibus id iure licet, valde est exitiosa, & perniciosa ducum ignauia, qui bellum minime gnauiter gerunt. At, in pace longe acerbiora sunt, quæ accidunt, quam calamitates, quæ ex bello proueniunt. Hinc grauitas tributorum, illinc detrimenta, quæ ex malis legibus oriuntur, quæ non sunt in omnes positæ. Si quis diues, aut potens, eas sit transgressus, ille quidem iniquitatis suæ pœnas non luet; sin aliquis inops, parum cautus, qui negotia gerere & administrare nesciat, hunc pœna, a legibus statuta, manet. Nisi forte eum, priusquam sententia feratur, (i) longo in litibus continuato tempore, multis præter ea exhaustis opibus, vita defecerit: at, nisi mercede & pretio, quod legum, & iuris est, obtinere, id vero est maxime execrandum, & detestandum. Nec enim iniuria adiecto, quisquam fori iudicialis potestatem faciet, priusquam argentum, iudicis, & eius ministrorum commodo cessurum, deponat.

§. XV.

Hæc, atque huiusmodi multa, cum in medium proferret, præfatus sum, vt, quod sentirem, patienter & benigne audiret, & dixi: O quam prudentes, (a) & probi fuerunt, constitutionis reipublicæ *Romanæ* auctores. Hi, cum negotia alia, alio ferrent; hos legum custodes fecerunt; illis armorum curam delegarunt, vt ad nullam aliam rem intenti, quam se ad pugnam præparare, militaria opera exercerent, & propulsata, per assiduam ad bellum meditationem, omni formidine, consueta militiæ exercitatione, animis firmati, in aciem descenderent. Qui autem agris colendis, & culturæ terræ operam

N

dabant,

dum aduersus *Acatziros* militavit. quo belli labore, fortiter tolerato, ex legum *Hunniacarum* præscripto, in libertatem se vindicatum, gloriatur.

h) Aequissimæ profecto leges, quod ipsi captiui, si militiam sponte sequuti sunt ibique præclari aliquid facinoris edidere, sine *λύπη*, in pristinam se ipsos libertatem eamque priore vitæ genere, multo potiore, adserere potuerint. Alia longe, atque multis modis, iniquior eorum fors fuerat; qui, siue belli, siue pacis temporibus, sub *Romanorum* dominatione, vitam degebant. quæ, quomodo acciderint, vsu edoctus, vir hic *Græcus*, vsque ad finem huius paragraphi, non sine bile, edisserit; captiuitatemque *Hunniacam*, *Romanorum*, aduersus suos ipsorum homines, bello & pace, æquitati, multis modis præfert: vt legi hæc omnino mereantur, ad iustitiæ studium, quod vixit inter *Hunos*, cognoscendum.

i) Hanc eandem querelam, lege, apud *Zosimum*, *Histor. Lib. V. initio*: vbi *Ruffini*, & *Steliconis*, temporum iniurias deplorat.

a) Scita hæc est, ac prudens, *Prisci*, de reipublicæ *Romanæ* constitutione, oratio; ad quam, commentari superuacuum fuerit. Lege eam, quisquis es, & relege, iterumque recognosce. Ita fit, vt optime constituta regna, atque imperia, in respublicas *Cyclopum* degenerent, regnantium desidia.

*Decadis II. Monumentum I.*



dabant, & his annonam militarem exigentes, statuerunt, ut eos alerent, qui pro sua salute dimicabant. Constituerunt quoque, qui iniuria adfectis prospicerent. Itaque, quoniam fere ita natura comparatum est, quæ est humani ingenii imbecillitas, ut plerique sua iura explicare, & firmare minime possint, alios aliorum iura tueri, & defensitare, alios ius dicentes, ea, quæ leges perscribunt, iudicare, & decernere voluerint. Neque vero sua providentia destitutos reliquerunt eos, qui iudicibus adsunt; sed horum esse partes prospicere, qua ratione ius adsequatur, qui sententia iudicum obtinuit, & iniurius iudicatus, id solum, quod iudicii calculus fert, & nihil præterea, facere cogatur. Si enim non essent huic rei præpositi, aut victore insolentius insurgente, aut eo, qui aduersam sententiam reportauit, in obstinata & peruersa mente permanente, ex vna lite, alterius litis nasceretur exordium. Est autem his constitutum argentum, ab illis, qui litibus certant, ut militibus ab agricolis. Quid enim magis pium, quam eum, qui opituletur, & auxilium ferat, alere? & officium, mutuo officio rependere? Quemadmodum equiti emolumento est, *equi*; emolumento est pastori, *bouum*; & venatori, *canum*, tuitio, & curatio, & reliquorum huiusmodi, quorum homines curam & custodiam agunt, & utilitatem quoque ex his percipiunt. Cum autem sumptus in litem factos, qui causa cadunt, refundunt; damnum nulli alii rei, quam suæ iniquitati, adscribant, & imputent, oportet. Quod ad longum tempus adinet, quod in litibus consumitur; (b) si quando id euenit, id iuris, providentius & consultius, dicendi gratia sit; ne iudices properantes, ab accurata iudicandi ratione, aberrant. Sic enim iudicant; melius esse, tardius finem litibus imponere, quam festinantes non solum, iniquum ius in hominem statuere; verum etiam, in DEVM, iustitiæ inuentorem, peierare. Leges autem, in omnes positæ sunt, ut & illis etiam ipse Imperator pareat, & obsequatur. Neque ille, quod illis non pareatur, ulli reprehensioni subest, aut potentiores, si tenuioribus vim inferant, id illis est impune; nisi ignoratus quis, poenam effugerit. quod non solum diuitibus, sed etiam inopibus plerumque, vltimo venit. Facinorosi enim, si nemo reperiatur, qui eos accuset, & iudicio persequatur, minime puniuntur. Quod non solum apud Romanos, sed etiam ubique gentium, accidit. Gratiam vero plurimam, ipsum pro recepta libertate, fortunæ debere, neque eam domino acceptam reddere. Cum enim eum in bellum eduxerit, potuisse ab hostibus, propter rei militaris imperitiam, occidi; aut, si fugisset, ab eo, in cuius dominio erat, puniri. Longe autem *Romani*, benignius seruis consuluerunt. Patrum enim, aut præceptorum adfectum erga eos exhibent, & ut a malis abstineant, curant, & eorum, quæ honesta ducunt, participes efficiunt. Denique, corrigunt, & emendant in his, quæ delinquant: sicut & suos liberos. Nec enim seruos (c) morte adficere, sicut apud

*Scythas,*

b) Hæc, & eorum, quæ sequuntur, quædam, fere persuaferint lectori; PRISCVM, simul patronum causarum fuisse, atque, hac cogitata vsum excusatione, cauere voluisse, ne sua ipsius vineta cogeretur cadere.

c) Duram apud *Hunos*, seruorum priuatorum fuisse conditionem, ex gentis indole, dura ea atque immiti, coniectatu facile est: occidendi tamen ius, omnibus fere barbaris fuit commune; nisi id quoque, a *Romanis*, dum in republica viverent, nondum adulta, ad ceteras nationes dimanarit. Illud difficile est animo adsequi, quomodo in mentem venerit, LVDVICO COELIO RODIGINO, *Lectio. Antiq. Lib. XXV. Cap. XIX. p. m. 970. b.* eadem, de hodiernis Hungaris, scribere: *Præuulga-*



*Scythas*, fas est. Libertatis vero adipiscendæ plures sunt modi. Non enim solum, qui vita fruuntur, sed etiam, qui e viuis excedunt, libertatem tribuere possunt, & de suis facultatibus, pro arbitrio, vt fert animus, disponunt, & quodcumque quis moriens statuerit, lex est. Tum ille plorans, (d) inquit: *Leges apud Romanos bonas, & rempublicam præclare constitutam esse; sed magistratus, qui non aequè ac prisci, probi, & prudentes sunt, eam labefaciunt, & peruertunt.*

## §. XVI.

Hæc inter nos differentibus, aliquis ex domesticis *Onesegii*, septorum domus fores aperuit. Ego statim adcurrere, & quærere, quas res ageret *Onesegius*? Me enim habere a *Maximino*, qui legatus a Romanis venerat, quod illi dicerem. Ille vero, *Onesegium*, mihi sui facturum copiam, respondit: si modicum opperirer, exiturum enim esse. Nec multo temporis spatio interiecto, vt ipsum exeuntem vidi, progressus dixi: *Te Romanorum legatus salutat, & dona tibi ab ipso, vna cum auro, ab Imperatore misso, adfero.* Et mihi conanti in eum sermonem deuenire, vbi, & quando vellet colloqui, ille suos, qui aderant, iussit aurum, & munera recipere, & me *Maximino* renuntiare, se

N 2

proti-

*vulgatum & illud scio*, inquit, *Spartæ liberum, maxime liberum esse; seruum etiam, seruum in primis. Quod in Pannonia, siue Hungaria, obseruari in primis accipio; vulgato inter eos adagio: non recte dici seruitutem, nisi in Pannonia: adeo, vt adstruant id quoque, posse, vbiq; gentium commode seruire, qui alicui hominum in illis locis famulatus sit.* τὸ ἐλεύθερον μάλα καὶ ἐλεύθερον εἶναι, καὶ τὸ ἐσλόν μάλα καὶ δέσλόν. Si enim vero, sermo ei est, de hominibus propriis, quomodo leges plebem vocant, glebæ, in fundo heri, adscriptam, ipsique adeo obnoxiam; ignorare oportuit, *Rodiginum*, quam benigne ac clementer, cum a priscis, tum abs recentioribus regibus Hungariæ, habita sit plebs rustica. Non est opus, e veteribus, *CAROLVM I.*, *LYDOVICVM* Magnum, *MATTHIAM* Coruinum, commemorare: loquuntur, publica, ac fere singula *Decreta*, quæ rerum potiente *FERDINANDO I.* frequentibus comitiis perlata sunt; quam indulgenter habiti sint agricolæ. Annus *MDXIV.* regnante *WLADISLAO* Polono fuit, cum grandi se crimine ex *cruciatorum bello*, tota propemodum rusticorum, per *Hungariam*, natio, obstrinxerat: quippe, in Deum, regem, & vniuersam rempublicam heros præcipue, nefandis facinoribus, fœda. Quamobrem, ad sortem erat redacta, duram eam, ac pene intolerabilem. Vide, huius regis decreta. Ea miserabili conditione, breui post *LYDOVICI* occasum, non liberauit modo eam *FERDINANDVS I.* sed effecit etiam, vt pristinae felicitati, quasi postliminio, restitueretur. Itaque, non est, cur tam acerbe, de hoc *Seruitutis Hungaricæ* genere, loquatur, bonus ille *Rodiginus*. Sin vero, vti fere palam fit, de seruis priuatis, sermo ipsi est, toto errat calo, quando sibi persuaderi patitur, duram horum conditionem esse, adeo, vt nulli vsquam seruituti comparari queat. Hoc enim, prorsus contra se habet: quoniam, qui semel, seruorum hanc, apud priuatos, sortem, sponte subiere, nonnisi coacti eam deserunt. Hinc est, vt certatim, *Seruitutem* hanc in *Hungaria*, ambiant exteri, rarosque, in coquos, rhedarios, agazones, & qui sunt admissionis familiarioris, alios, inter nobiliorum famulitia, censeris videas: perique omnes, non *Hungari*; sed *Silesi*, *Bohemi*, *Germani*, *Itali*, & *Galli* sunt: quod & lautius hic viuatur, & salaria soluantur paratius. Et ab hac quidem iniuria, vindicta di erant *Hungari*. Quæ vero de libertate *Hungarica*, scribit *COELIVS*, hic vtique habet nos facies & consentientes: in *Hungaria liberum, maxime liberum esse.*

d) Ad eum modum, quin & acerbius, pluribus regnis, & rebus publicis, merito ilachrymari possis; quod cum leges habeant, ad salutem populi egregie comparatas: eadem, vel imperantium, vel iniquiorum iudicum, licentia, non conuellantur modo; sed vertantur etiam, in totius corporis ciuilis, perniciem. Nempe:

*Aurum, lex sequitur, mox sine lege, pudor.*



protinus (a) ad eum accedere. Reuerti igitur ad *Maximinum*, & renuntiaui: *Onesegium* ad se venire. Nec mora, in tentorium nostrum aduenit, & *Maximinum* adfatus, dixit: se *Imperatori*, & illi, pro muneribus gratias agere; & percunctatus est, quandoquidem se accersisset, quid esset, quod illum vellet? tum *Maximinus*: instare tempus, ait, quo posset maiorem gloriam, quam quisquam hominum, adipisci, si ad Imperatorem accedens, quæ sunt inter *Romanos* & *Hunnos*, controuersa, sua prudentia componeret, & inter vtramque gentem, concordiam (b) stabiliret: quæ res, non solum commodo, & vtilitati vtriusque gentis esset cessura; sed etiam eius domui, tanta bona præbitura, ut ipse, vna cum suis liberis, in posterum Imperatori, totique imperatorio generi, in perpetuum deuinctus foret. Tum *Onesegius* dixit: qua in re gratificaretur Imperatori, & per se contentiones dirimeret? Respondenti *Maximino*, si in rem præsentem descendens, Imperatori gratiam referret, & dissidiorum causas, sedulo perscrutans, de rebus controuersis, secundum conditiones fœderibus adscriptas, iudicium suum interponeret. Tum *Onesegius* respondit: se, iam dudum Imperatorem, & eos, qui ei a consiliis erant, admonuisse; quæ esset *ATTILAE*, de hac tota re, sententia. An *Romani* existimant, inquit, se vllis precibus exorari posse, ut prodant dominum suum, & nihili faciat educationem apud *Scythas*, (c) vxorum & liberorum suorum? Non quoque potiorum ducere apud *ATTILAM* seruitutem, (d) quam apud *Romanos* ingentes opes? Ceterum, se domi remanentem, maiori eorum rebus adiumento futurum: quippe qui, iracundum domini animum placaret, (e) & ad lenitatem

a) Singularis hæc, summi, in aula *ATTILAE*, viri facilitas, humanitasque fuit, quam vix imitati fuissent, siue *Magister Officiorum*, siue alii quique, palatii *Constantinopolitani* administri.

b) Iudicet, Lector eruditus, annon hæc preces, infra dignitatem Imperatoris *Constantinopolitani* fuerint; quod, in vnus hominis clientelam, idque precario, se conferre nihil dubitarit?

c) Liquido hinc constat, *Onesegium* non fuisse gente *Hunnum*, sed educatum apud *ATTILAM*, & vxores isthic duxisse, & sustulisse liberos. Si res dubia, coniectando disputari, conficique posset; equidem vel *Gothum* origine crederem; quod illi quidem, inter primos fuerint populos, quos partim sedibus depulere *Hunni*, partim in seruitutem duxere; vel *Sarmatam*, eo quod, & vocabulum *ONESEGIUS*, *Sarmaticam* linguam redolet, si terminationem *Græcam*, *Latinamque* demas; & fratrem habuerit, *Slauico*, seu *Sarmatico* vocabulo, *Skoda*, quod damnum notat, adpellatum.

d) Confirmat inexpectatum hoc *Onesegii* dictum, viri illius *Græci*, qui ante §. XIV. *Seruitutem Hunniacam* libertati, sub *Romanis* præferebat, sententiam. Eo nimirum, res Romana præcipitauerat, ut ab omni hominum genere, fastidiretur.

e) Expressit his, boni consilarii *χαρκτηρες*, *Onesegius*, tametsi gente peregrinus. Nam, & domino suo, *ATTILAE*, & huius temporariis amicis, *Romanis*, egregie consultum volebat. Proinde, neque semper, sed nec vbique, & ad omnem reipublicæ habitum, adplicari potest, *THUCYDIDIS* illud scitum: *Consilarii gente dispares, nihil in communem reipublicæ salutem consulunt.* Sed neque verum semper, quod *LAMPRIIVS*, Lib. I in *COMMODO*, ait: *Vel suo quemque commodo vacare; vel, quod agendum pro communi salute est, absque matura deliberatione discernere.* Aliter res in aula *ATTILAE* constitutæ fuere: quippe qui, exteris, quam popularibus consiliariis, & rerum administris, multo vsus commodius est efficaciusque, quam domesticis. Non solum enim *Onesegius*, & frater huius *Scotta*, fidissimi, & bello, & pace consultores; sed & secretorum, scriniorumque arbitri, omnes, utpote: *Orestes*, duo *Constantii*, atque *Ruficius*, ἀποφύλας existere. Vide mihi *TIBERIVM*, princi-



nitatem flecteret, si quibus in rebus quid durius, illum in *Romanos* consulere contingeret; quam, si ad eos accedens, criminationi se obiceret, si forte quid, contra, quam *ATTILAE* rationibus commodum videretur, faceret. Quæ cum dixisset, & me colloquium cum eo facturum, de his, quæ ex ipso intelligere cupiebamus, existimaret, (a *Maximino* enim, in dignitate constituto, alienus, & parum decorus erat continuus congressus) abiit.

## §. XVII.

Postridie, ad domus *ATTILAE* interiora septa me contuli, dona ferens eius vxori, quæ *CERCA* (a) vocabatur. Ex ea tres illi liberi: senior iam, tum *Acatirorum*, & reliquarum gentium, qua *Scythia* ad Pontum patet, regno potiebatur. Intra illa septa (b) erant multa ædificia, partim ex tabulis scul-

O

ptis,

pem prudentissimum, circumspectissimumque, sicuti eum vocat *Svetonius*, Cap. XXI. qui subinde res suas, etiam ignotis commendabat. *Tacitus* Annal. Lib. IV. Haud tamen diffitemur, circumspectu adcuratiore, in re ancipiti, principem opus habere. Nota sunt in historia, principum exempla, qui se inuisos fecerunt suis, quod peregrinorum, quam indigenarum consiliis, uti maluerunt, perturbaruntque ea re, vetera, & sacrata legibus reipublicæ instituta. quæ iam non commemoramus.

a) In Græco dicitur *Κεῖρα*. quomodo & *Hunnos* pronunciaſſe credimus, scripſiſſeque *Kréka*: quippe, a quorum *Alphabeto* exulat elementum *c*. Vide *Alphabetum Hunno-Scythicum*, in *DISSERTATIONE* nostra, de *Litteratura Hunno-Scyth.* p. 25. Quod si, cum ratione existimes, largiaris oportet, nomen hoc proprium reginæ, *Hunniacum* esse; haud vero *Slauicum*, uti ex soni quadam similitudine, viri docti, neque rerum *Hunniacarum*, *Hungaricarum*que rudes, operose coniciunt. At infeliciter profecto! Tamenſi enim non ſumus neſcii, vocabulum *Cerca*, ſic enim reddidit, ſed perperam, *Cantoclarus*, latino pronunciatum ore, filiolam ſignificare *Slauis*; tamen, neque ignoramus, *Bobemos*, qui inter gentes *Slauicas* omnes, puriſſima vtuntur dialecto, idem vocabulum, *Dcerka* ſcribere, & illiſo primæ ſyllabæ, elemento *d*. venuſte enunciare. Sed, de voce ipſa: quippe, in textum, reclamante Græca lectione, minus cogitate illata, non eſſemus magnopere ſolliciti; niſi iidem hi coniectatores eruditi, aliud inde portentum in hiftoriam conarentur inuehere. quod iſtud eſt; *Hunnos*, oris fuiſſe *Slauici*. Præterquam enim, quod *Hunnorum* lingua, & materia, ſeu vocabulis: & forma, ſiue compositionis indole, toto cælo, a *Slauica* diſcrepat; quod ex *Hungariæ* linguæ ingenio, vltra vero ſimilitudinem coniciamus; male profecto, ab vnius vocabuli ſignificatu, ad totius linguæ habitum, boni illi viri ducunt argumenta. Sciunt autem, orientalium linguarum periti, *Hungari*, & qui *Idioma Hungaricum* poterunt, cum *Hebræo*, *Chaldaico*, *Syriaco*, atque *Arabico*, adtentius comparare: quod eius ſit ingenium, quæ indoles. Neque adhuc, philologorum quiſquam, diuerſam ab *Hungarica* fuiſſe linguam *Hunniacam*, cum ratione docuit; ſed neque vnquam id, cuiquam in mentem venit. Hæc, ad elidendum errorem, ex mendosa vnius vocis lectione, ſubnatum, monitu erant neceſſaria. Confer ſupra, Cap. II. §. XIV. not. d.

b) *Iornandes*, ex integro adhuc *PRISCO*, de vico & regia *ATTILAE*, Cap. XXIV. hæc habet: Inde, ad vicum, in quo rex *Attila* morabatur, acceſſimus: vicum inquam, ad inſtar ciuitatis ampliſſimæ, in quo lignea mœnia, ex tabulis nitentibus fabricata, reperimus, quarum compago, ita ſolidum mentiebatur, ut vix ab intento poſſet iunctura tabularum comprehendere. Videres triclinia ambitu prolixiore diſtenta, porticusque in omni decore diſpoſitas. Area vero, curtis, ingenti ambitu cingebatur, ut amplitudo ipſa, regiam oſtenderet. Hæ ſedes erant *Attilæ* regis, barbariam totam tenentis; hæc, captis ciuitatibus, habitacula, præponebat. Confer ſupra, §. XIII. not. c. & §. XIV. not. a. Ex hac regis deſcriptione, facile coniectatu eſt; Romanorum captiuorum opus fuiſſe, (uti §. XIV. thermas *Onesegii*, not. d. ad tempora-

riam



ptis, & eleganter compactis; partim ex trabibus, opere puro, & in rectitudinem affabre dolatis, & politis, quæ erant interiectæ, lignis ad tornaturam elaboratis, exstructa, & composita. Circuli, autem a solo incipientes, in altum adsurgebant, certa proportionem, & mensura. Hic habitabat (c) ATTILAE VXOR, ad quam a barbaris, qui circa ianuas erant, nactus aditum, ipsam deprehendi in molli stragula iacentem. Erat autem pauimentum tapetibus stratum, & super ipsis gradiebamur. quam, famulorum multitudo in orbem circumstabat, & ancillæ ex aduerso humi sedentes, telas coloribus variegabant, quæ vestibibus barbarorum ad ornatum inferuntur. CERCA salutata, & muneribus traditis, egressus, exspectans, dum *Onesegius* regia exiret, (iam enim e domo sua illuc venerat) reliqua ædificia, ubi ATTILAS commorabatur, perlustraui. Hic, dum ego stare, cum reliqua multitudo, (nec enim accessu vilius loci prohibebat: quippe qui, ATTILAE custodibus, & barbaris, (d) qui eum adsestabantur, eram notus) vidi magnam turbam, qua prodibat, currentem, tumultum, & strepitum, excitantem. ATTILAS, egressus habitatione, (e) grauis vultu, omnium oculis, quaquaversus, in se conuersis, incedens cum *Onesegio*, sedit pro ædibus. Hic eum multi, quibus erant lites, adierunt, & eius iudicium exceperunt. Deinde domum repetiit, & barbararum gentium legatos, qui ad se venerant, admisit. Mihi vero, *Onesegium* exspectanti, *Romulus*, *Primus*, & *Romanus* (f) legati pro vasis aureis, ab Italia, ad ATTILAM, una cum

---

riam diuersationem ATTILAE, dum in his regionibus erat, sic satis eleganter factum. Quid, per curtes, quarum meminit IORNANDES, intelligendum, ex *Barthii* aduersariis discas, Lib. XLVI. Cap. VIII. p. 2135.

c) Interior hæc ædium pars fuerat, quæ *Gynæconitis* CORN. NEPOTI, adpellatur, græco vocabulo. Græci namque, peculiaria in domibus loca sic dicunt: quorum imitatione, ad eundem modum, instructa fuit regia ATTILAE: quippe, operarum *Græcarum* opus. Alioquin, vulgatius *Gynæcea* vocantur. De qua ædium parte, VITRUVIUS, Lib. VI. Cap. X. Sed erant & *Andronites*, siue virorum, secreta ab *Gynæceis*, habitacula, apud VITRUVIUM loco eodem. Certe, vxoris ATTILAE, hoc *Gynæceum*, eo est memorabilius, quo honestioribus ancillarum operis, frequentatum. quem morem, adhuc nobilissimæ quæque sæminæ *Hungaræ*, tamquam institutum patrium, sollicitè retinent. An vero famulorum, qui reginam circumstabat, ordo, spadones fuerint, non habeo dicere.

d) Obserua, custodum corporis ATTILAE, excubias, quam eæ fuerint, interdum etiam peruigiles, ut neminem, intra regis septa, admitterent, nisi probe cognitum, & exploratum. Idonea, & nostræ huic ætati, adcuratio.

e) Notet hic Lector, insignem ATTILAE, in faciendâ palam audientia, popularitatem, & facilitatem, coniunctam cum maiestate. Neque metuendum illi erat, CLAUDIANI illud: *Minuit præsentia famam.*

quinimmo, augescebat inde regis auctoritas; quod, & grauis vultu, prodibat in publicum, & eo animo, ut suis prodesset. utrumque, quantum valeat, ad amorem & obseruantiam, principi conciliandam, norunt, qui non sunt tardi. Putasses, ATTILAM, Cæsarum vitas, a C. SVETONIO TRANQVILLO, luculente descriptas, in rem suam vertere; hic vero AVGVSTI morem voluisse exprimere, qui promiscuis salutationibus, admittebat & plebem: tanta comitate aduenientium desideria excipiens, ut quendam ioco corripuerit, quod sic sibi libellum porrigere dubitaret, quasi *Elephanto stipem*. SVETONIUS, in *Augusto*, Cap. LIII. Quo in studio admittendæ plebis, habuit ATTILA imitatores, præcos reges Hungariæ, ANDREAM II., CAROLVM I. LVDOVICVM M. atque in primis MATTHIAM Coruinum. de quibus legis scriptores domesticos.

f) De his recole, supra §. XII. initio, una, & legationis causas. Hic, legati quidem



cum Rusticio, qui in comitatu Constantii erat, & Constantiolo, ex Paonum regione, quæ ATTILAE parebat, me sunt sermone adorti; & interrogauerunt: *utrum dimissi essemus?* Id ipsum, inquam, ut sciam ex Onesegio, intra ista septa, opperior. Tum ego illos vicissim percunctari? *An aliquod mite responsum, ad ea, de quibus legati venerant, ab Attila tulissent?* Nequaquam, aiunt, illum deduci a sententia; sed bellum minari, & denunciare, ni Sylvanus, aut pocula, dedantur. Nos vero, cum barbari miraremur animi impotentiam, Romulus, vir multis honorificentissimis legationibus functus, & multo rerum usu præditus, ait: (g) secundam fortunam, quæ ipsum in altissimo gradu collocavit, spiritus facere, & ex fortuna potestatem adeptum, efferri, neque iustis sermonibus, ullum apud se locum relinquere; neque quidquam, nisi quod sibi venerit in mentem, æquum putare. Nemo unquam eorum, qui in Scythia, vel alibi regnarunt, tantas res, tam breui tempore, gessit. Totius Scythiæ dominatum sibi comparavit; & ad Oceani insulas usque, imperium suum extendit; ut etiam Romanos, tributorum præstationi, obnoxios habeat. Nec his contentus, ad longe maiora animum adiecit, & latius imperii sui fines protendere, & Persas bello adgredi, cogitat. Vno, ex nobis quærente: quæ via, e Scythia, in Persas duceret? Romulus dixit: (h) non longo locorum intervallo, Medos diffitos esse a Scythiis, neque non Hunnos hanc viam nescire; sed olim, fame per eorum regionem grassante, cum Romani, propter bellum, quod tunc temporis gerebant, minime cum illis prælio decertarent, hac irrupisse, & ad Medorum oppida, Bazic & Coursic, (i) usque penetrasse. Nec multo

O 2

post

quidem occidentales, ferox & immite ATTILAE responsum, atque pertinaciam; orientales, dimissionis tarditatem, mutuo queruntur: sed, utrumque Barbari cœptum, ad frangendos Romanos adtinuit, neque tam ab inusitata quadam duritie, quam artibus dominationis aliis, profluxit. quas non vestigamus: quippe, facile cuius obuias.

g) Quæ hic Romulus de ATTILA disserit, tyranni omnino imaginem, referunt, quæ ita in eo elluxit, ut nihil viuidius clariusue. Sed, si dicendum, quod res est, Romanorum, seu timiditas, seu desidia, tyrannum ex ATTILA, fecit: quippe, cuius iussa, nihil dubitabant, tamquam DOMINI, accipere. Cap. I. §. III. p. 6. *Hinc illæ lacrymæ!* Perexissent modo, uti cœperant, bellicosissimi hominis, moliminibus, contraire; impressiones fortiter retundere; dolis malis, contraire consilio; indomitam vagamque multitudinem, virtute domare; neque unquam propudiosam gentis paupertatem, auro occeperant exsatiare; mitem profecto ATTILAM, benignumque vicinum habuissent. Quod, quia neglexerunt facere; suo ipsorum iumento, tantum sibi malorum, cladium, calamitatumque arcessuerunt. Valuit hic quoque, tritum illud:

*Principiis obsta, sero medicina paratur.*

Nam, sensim crevit ATTILAE potentia, dum in tyrannidem desineret.

*Fluctus uti primo cæpit cum albescere vento,*

*Paullatim sese tollit mare, & altius undas*

*Erigit: inde imo consurgit ad æthera fundo.* VIRGIL. Aen. VIII. 528.

Ergo, tarde hæc omnia, de ATTILA, fabulantur Romani. Namque, arbor,

*Quo posita est primum, tempore virga fuit.*

*Tunc poterat manibus summa tellure reuelli:*

*Nunc stat in immensum viribus aucta suis.* OVID. Lib. I. de Rem.

h) Consule huc, ad cognoscendam, memoratarum regionum, vicinitatem mutuum, & quemadmodum inuicem Caspiorum, Caucasiorumque montium interiectu, discriminantur, CHRISTOPHORI CELLARII, veteris Geographiæ consultissimi, *Notit. Orb. Antiq.* Lib. III. Capitibus diuersis.

i) Barbara hæc sunt oppidorum nomina; neque memorata veteribus Geographis.



post principes, ex *Scytharum* regibus (k) ortos, magnæ hominum multitudini imperantes, qui ad hanc expeditionem egressi fuerant, *Romam*, ad contrahendam armorum societatem, venisse. Hos narraſſe, per quandam desertam regionem illis iter fuiſſe, & paludem traieciſſe, quam *Romulus* exiſtimabat eſſe *Maotidem*: deinde, quindecim diebus elapſis, a quibusdam montibus, (l) quos ſuperaiſſent, in *Mediam* deſcendiſſe. Ibi prædas agentibus, & excuſſionibus agros vaſtantibus, *Perſicum* agmen ſuperueniens, telis, ſuperpoſitum æra, repleuiſſe. Itaque, imminentis periculi metu, retro abceſſiſſe, & montes regreſſos, pauxillum prædæ abegiſſe. Magnam enim partem *Medos* extorſiſſe, & vt hoſtium impetum euitarent, ad aliam viam deſlexiſſe. Et per loca, vbi ex petra maritima flamma ardet, illinc proſectos, neſcio, quot dierum itinere ad propria remeaſſe. Atque, ex eo ſatis proſpexiſſe, non magno interuallo, (m) *Scythiam*, a *Medis*, diſtare. Quamobrem, ſi *ATTILAM* impetus ceperit, *Medos* inuadendi, non multum operæ, & laboris, in eam inuaſionem conſumpturum, neque magnis itineribus deſatigatum iri, vt *Medos*, *Parthos*, & *Perſas*, adoriatur, & cogat tributi illationi ſe ſubmittere. Adeſſe enim illi magnas copias, quas nulla gens ſuſtinere poſſit. Nobis vero optantibus, vt *Perſis* arma inferret, & a nobis, in illos, belli molem auerteret: verendum eſt, inquit, *Conſtantiolus*, ne *Perſis* facile deuictis, non iam amplius amicus, ſed dominus (n) inſultet. Nunc enim aurum ad ipſum deſertur, pro dignitate, qua ipſum ornauiſſus. Quod ſi *Medos*, *Parthos*, & *Perſas* domuerit, minime a *Romanis*, qui eius imperio limitem conſtituunt, temperabit; ſed ſuos famulos, arroganter reputans, grauiæ & intolerabilia mandata ſua facere coget. Dignitas autem, cuius mentionem *Conſtantiolus* fecit, erat *Romanorum* exercituum *Ducis*, (o) cuius decus *ATTILAS* ab Imperatore ſuſceperat, ad hoc, vel ad eum ſtipendia eius, qui exercitus regebat, mitterentur. Innuebat igitur *ATTILAM*, hoc nomen, aut aliud, quo *Romanis* illum vocare lubet, aut dignitatem, quam illi ornamenti loco eſſe exiſtimant, transgreſſurum, & perrupturum, & pro *Duce*, coacturum, eos ſe *Regem* adpellare. Iam tum enim, cum irascebatur, dicebat,

exerci-

k) *HYMNOS Cidaritas* fuiſſe exiſtimarim, qui hanc legationem *Romam* obierant; his namque grauiæ, & inſtaurata, ſemel iterumque bella, cum *Perſis*, & qui hos contingunt, populis, interceſſere: vt ſupra *PRISCVS* meminit.

l) Coniectura eſt vero ſimillima, montes fuiſſe *Caucaſios*, & horum portas, per quas ſe, in has regiones infuderunt. Vide, quæ commentati ſumus, ad Cap. I. §. IX. p. 18. not. d.

m) Immo, ingens intercedebat interuallum, aditus præterea longe difficillimi; tum ob paludes, atque flumina, minime vadofa; tum ob montes, hinc *Caucaſios*, *Caspios* illinc, & horum præmunitas portas: de quibus ſuperius. Vt proinde, bellum, *Medis*, *Perſisue*, illaturus *ATTILA*, negotium ſibi conſciuiſſet, vt ex ſe durum, ac refractarium; ita, ob bellicoſiſſimos regionum illarum populos, facile pernicioſe *Hunnis* futurum.

n) Nunc diximus, pro *DOMINO* veneratos fuiſſe *ATTILAM* *Romanos*: imprudenter id quidem, & magno imperii orientalis detrimento. Recole, hoc loco, notam f. & ſupra, Cap. I. §. III. p. 6.

o) Hinc illa ſtipendiorum pendendorum neceſſitas, qua tenebantur *Romani*. Namque, *ATTILA*, vbi ſemel *Dux* *Romanorum* exercituum fuerat ſalutatus, adeo nihil, de pactis ſibi ſemel ſtipendiis remiſit, vt bello ea ſubinde requireret, pacisque demum legibus, quodammodo, quaſi perpetua ſibi faceret: vt videre eſt, Cap. I. §. II. p. 3. vbi, pro præteritis ſtipendiis, ſex mille auri libras, *Romanos* ſibi ſoluere, coegit.



exercituum *Duces*, (p) suos esse seruos: qui quidem ATTILAE, non tamen Imperatoribus Romanis, erant honore, & dignitate pares. Neque vero, illi parua potentiae accessio contigerat ex eo, quod *Martis* ensis (q) erat detectus. Hic tanquam sacer, & Deo bellorum praesidi dedicatus, a *Scytharum* Regibus olim colebatur. Et multis ante saeculis non visus, bouis ministerio, fuerat tunc temporis erutus.

§. XVIII.

Et vnoquoque de his, quae proposita erant, dicere gestiente, *Onesegius* foras profiliit. Ad quem, ut ex eo disceremus, quae nostrae curae commissa fuerant, accessimus. Ille vero prius, cum nescio quibus barbaris collocutus, scire me ex *Maximino* iussit, quem *Romani* ex consularibus, legatum ad ATTILAM essent missuri. Ut in tentorium veni, & *Maximino*, quae mihi *Onesegius* dixerat, recitavi; habita de eo, quod barbaris respondendum esset, deliberatione, redii, dixique *Onesegio*: Romanos magnopere desiderare, illum, (a) suarum cum ATTILA controuersiarum disceptatorem, ad se accedere. Quae spe, si exciderint, Imperatorem, quem sibi libuerit, legatum missurum. Ex templo, me *Maximinum* accersere iussit, quem ut venit, ad ATTILAM deduxit. Vnde, non multo post *Maximinus* reuersus, narrauit barbarum velle; Imperatorem ad se mittere legatos, aut *Nomium*, aut *Anatolium*, aut senatorem; neque ullos alios, praeter hos, admissurum. Et cum *Maximinus* (b) subderet; minime conuenire, legatos, qui ad se mittantur, designando, suspectos Imperatori reddere; ATTILAM respondisse: si haec abnuerint, armis se controuersias disceptaturum.

§. XIX.

Reuersis nobis in tentorium, ecce! ad nos *Orestis* (a) pater: *Vos am-*  
P
bos, in-

p) Opprobrio, nimirum sibi ducebat *Ducis*, qua eum *Romani* honestarant, dignitatem, lautissimis locupletatam redditibus. Quod illi quidem eo consilio fecisse existimandi sunt, ut & avaritiam ATTILAE, quomodocunque explerent, & indecorum tributi nomen, stipendiorum vocabulo tegerent. quorum tamen ATTILA, vtraque, iniecto subinde belli metu, per legatos extorquebat; tametsi, *Ducis Romanorum* dignitatem, aspernaretur.

q) BARTHIVS, ad veterum regum religionem id refert: quod paternas hastas, & gladios, velut sanctorum vice, adseruabant. Tum vero, MARTIS hunc gladium meminit. Sic, inquit, MARTIS, bellicosissimi quondam *Thracum* regis, gladius seruatus legitur, usque ad Attilae tempora, *Hunorum* tyranni. Aduersarior. Lib. XIX. Cap. XII. p. 954. Plura, de hoc gladio, dedimus, DECADE I. ad *Calani* ATTILAM, Cap. XIII. p. 120. not. d. vbi, cum adlegauimus BARTHIVM, loco Lib. LXIX. lege, ut hic est XIX. Iam nescio, quid in mentem veniat cogitare, quando, gladium eum, in suspicionem vocare audeo: latronis cuiusdam e gente *Thracica*, fuisse; sed, quia nulla res efficacius multitudinem regit, quam superstitio. CVRTIVS, Lib. IV. Cap. X. 7. sit, bona nostra venia, MARTIS GLADIVS.

a) ONESEGIUM scilicet. quod tamen a se amolitus est, grauissimis usus argumentis, supra §. XVI. fine.

b) Mirere, praecipue hoc, & incogitatum, *Maximini*, viri alioquin prudentis, ac compositi animi, responsum; cum ipse tamen, *Onesegium* nominarit paullo ante, quem THEODOSIVS legatum, immo arbitrum, posceret.

a) Fuit is TATVLLVS, quem *Priscus* supra, §. XII. post initium, memorat: quomodo vero, haec ei, inuitandorum legatorum prouincia, seu delata sit, seu obre-

pserit,



bos, inquit, ad conuiuium inuitat (b) ATTILAS: Fiet vero illud ad nonam (c) diei. Tempore condito obseruato, vt venimus, & vna quoque Romanorum occidentalium legati, stetimus in limine cœnaculi (d) coram ATTILA. Hic pincer-næ, (e) vt mos est, in illis regionibus, calicem tradiderunt, vt ante accubi-tum, vota faceremus. Quo facto, & calice degustato, ipsa folia, (f) in qui-bus nos sedentes cœnare oportebat, ingressi sumus. Hic præparata erant o-mnia sedilia, circa parietes cubiculi, ab vtraque parte disposita: in medio (g) sedebat

pserit, facile est, ex filii, in aula ATTILAE, dignitate, colligere. Consule, ad citatam §. not. c.

b) Laudat conuiuii eius habitum, & instituta, BARTHIVS, Aduersarior. LVI. Cap. XV. p. 2662. quem eius locum, antequam ad reliqua accedamus, adscripsisse iuuat. PRISCVM, inquit, scriptorem, quantillus etiam, & quam ignobilis, de magno, atque celebri superest, legat, qui Attilæ mores, nosse vult. In primis vero, memorabile eius conuiuium inibi describitur, cui Priscus ipsemet interfuit: ex quo clarum insuper, plerosque magnatum ritus, bodie, usu per Europam in conuiuiis frequentes, barbarorum illis, non valde absimiles esse; forte & abinde oriundos. Collocatio mensæ, ordo conuiuarum, poculorum præbitiones, salutationes, surrectiones bibentium, salus re-gia præbита, ferculorum illationes, & positiones, acroamata, & reliqua, cum tem-poris huius moribus, consonant in plerisque. Hæc BARTHIVS, alioquin, ATTILAE, & Hunnis, non semper æquus.

c) Hoc est, circa tertiam nostram pomeridianam: erat enim cœna potius, quam prandium, vt patet ex Prisco. OTROKOCIVS. Id, si credamus, orientalium, in nu-merandis horis, morem tenuisse ATTILAM, oportuit. Ex iisdem PRICI verbis discas, non ignotum fuisse Barbaro, horologiorum, qualiacunque fuerint, vsum, dispensasse-que eum negotia sua, ad definita horarum tempora.

d) Colligas inde, ante subiisse cœnaculum ATTILAM, quam conuiuæ aderant, putoque, fecisse id regem; vel, vt conuiuii adparatus, an sint idonei, perlustra-ret, eaque re boni patrisfamilias officio fungeretur; vel, vt cœnaculo, præsentia hac sua, dignitatem, splendoremque ante conciliaret, quam turba conuiuarum ad-uentaret. Accedebat, maiestatis, & quæ hanc decet, venerationis captatio. quam, deliberatio, in limine cœnaculi, qui singulis conuiuarum præbitus est, calice, pro se quisque, cum præfatione salutis ATTILAE, testificari debuit. Quid hoc instituto elegantius? Nimirum:

*Illos porticibus rex accipiebat in amplis.  
Aulæ in medio libabunt pocula Bacchi,  
Impositis auro dapibus, paterasque tenebant.*

VIRGILIUS, Aeneid. Lib. III. p. 353.

e) Ministri fuerunt, qui vel iurata fide, prægustabant pocula, vel implebant, deferebantque pateras; vt, ne hac quidem commoditate, caruerint, siue priuatæ, siue publicæ, regis epulæ.

f) Verte: ad folia ingressi sumus; nam ita legitur in Græco: ἐπὶ τῶν θρόνων ἤλθομεν. Enim vero, ipsa folia, sediliaue, seu θρόνοι καὶ δίφροι ingredi haud pote-rant; sed cœnaculum, in quo dispositi fuere θρόνοι καὶ δίφροι. Sedendo nimirum, cibum capiebant Hunni, non accubando. Hinc, & equestria, apud ipsos prandia, ac commissationes.

g) Medius locus honoratior vbique habebatur, in exercitu, & conuictibus.

VIRGILIUS: Ipse agmine Pallas in medio.

Adde hic SERVIVM: Honoris est, in exercitu medium locum tenere. Præterea:

*Sedet in mediis & maximus æuo,  
Et primus sceptris.*

Vbi DONATVS: Potestas maior in medio esse solet. Ergo, habes causam, mensæ AT-TILAE, in medio cœnaculi collocatæ.



sedebat ATTILAS, in (h) lecto, e regione cuius erat & alter ATTILAE lectus, pone quem erant quidam gradus, qui ad eius cubile ferebant, linteis candidis, & variis tapetibus, venustatis & ornatus gratia, contextum, simile cubilibus, quæ Romani, & Græci, nubentibus adornare, pro more habent. Tum conuiuarum primum ordinem, ad ATTILAE dextram sedere constituerunt; secundum ad læuam: (i) in quo nos, sed Berichus (k) superiore loco. Nam Onesegius, in cathedra, ad dextram regii thori, & e regione Onesegii, duo ex ATTILAE filii sedebant. Senior enim in eodem, quo pater, throno, non prope, sed multum infra, adcumbebat, oculis præ pudore, (l) propter patris præsentiam, semper in terram coniectis. Omnibus ordine sedentibus, qui ATTILAE erat a poculis, (m) ingrediens, pateram vini tradit. Hanc, ubi suscepit, priorem

P 2

h) TORI geniales, cum apud Græcos, tum apud Latinos, velis, ac pretiosis vestibus, ornabantur. Erant quoque gradus eburnei, quibus ascendebatur in torum. LVCANVS, Lib. I. de lecto geniali:

*Gradibusque accliuis eburnis*

*Torus, & picto vestes discriminat auro.*

CLAUDIANS quoque, Lib. II. de Raptu.

*Alii prætexere ramis*

*Limina, & in thalamis cultas extollere vestes.*

Vide THEOPHYLACTVM, in Libro I. ubi thalamum, Mauriti Augusti, describit. Græci *πασίδας* vocant, huiusmodi geniales lectos. *θάλαμος* vero apud eos sunt, cubacula, in quibus collocati sunt hi lecti. VALESIVS ad hunc locum. Adscribam THEOPHYLACTI, quem citat, verba, & thalamum, & torum, ad hunc modum pingentis, Libro I. Cap. X. p. 20. edit. reg. Parisiens. *Iam vero thalamus Imperatoris magnifice excultus visebatur. In circuitu siquidem primorum, & magnorum illorum Imperatorum simulacra, auro & lapillis conspiciua, adparebant, parietesque velamina e purpura Tyria, tincturae optimæ & pretiosissimæ, vestiebant. Hæc ad thalamum pertinuerunt. Iam lectus genialis laudatur. Tiberii autem filia, virgo & sponsa, in solium nuptiale, subtilibus textis, varie picturatis, de industria exornatum, ut in abdito, mox conspicienda a populo, præcedebat. reliqua. Sic & BASILIUS, in Lib. II. de Thecla, Cap. V. & in Lib. I. Cap. XII. Hinc, de splendore ATTILAE, deque conuiuii adparatu, conicias, velim.*

i) En, nouum elegantia, atque decori Hunniaci argumentum. Habuere nempe, dextræ læuæque, illud idem discrimen, quod hodieque obtinet, apud gentes Europæas: nescio, adicitumne a Græcis, an a deuictis gentibus aliis? vel adlatum ex Scythia.

k) BERICHVS hic, durus & agrestis homo, ab ATTILA, legatus missus Constanti-nopolim, incommodus, Maximini reducis, comes postea fuit, infra §. XXII.

l) Singulare modestiæ ac venerationis erga patrem, in principe iuuentutis, exemplum, atque bene educati adolescentis *τακμήσιον*. ut habeant, cur id intueantur, magnatum filii, de quibus percrebuit vetus illud:

*Heroum fili noxæ.*

Consimilem obserues modestiam, in nobilissimis quibusque Hungarorum familiis, quibus patria instituta, nondum fordere cœperunt. Nam filii, aut ministrant conuiuiis, patriue; aut, si accumbant vna, decoros se præstant, atque ad nutum parentum intentos. Filiarum vero, plane eximia est, moris, in conuiuiis, elegantia; ut non tam epulo adhibitas crederes, quam ad edendam, culti, pudicique moris testificationem: ita sunt modestæ, taciturnæ, & cum a gestuum, atque in primis oculorum procacitate; tum a cibi ac potus, auida illa adpetentia, alienæ. quod tamen apud alios fit aliter, quos mores Gallici adfluuerunt.

m) Bibendi hic ATTILAE ritus, tam est suavis, & comis; interbibendi item conuiuarum mos, tam humanus, decorusque; ut possit omnino, & hodiernis principum



priorem ordine salutauit; (n) salutatione honoratus surrexit, neque prius, eum sedere fas erat, quam merum degustans, aut etiam ebibens, poculum pocillatori (o) redderet. Sedit autem ATTILAE, ex more, (p) qui conuiuio intererant, pocula fuscipientes, & post salutationem degustantes, honorem exhibebant. Vnicuique vero vnus pocillator aderat, quem pincerna ATTILAE exeunte, introire, suo ordine, oportuit. Secundo sedente, & reliquis deinceps, ad hunc modum, honore adfectis, ATTILAS, *nos ex Thracum* (q) *instituto, ad parium poculorum* (r) *certamen prouocauit*. Tum omnibus salutationis

cupum mensis adhiberi. Istud, credo, nostrae aetatis homines offenderit, quod ieiuno, saltem impasto adhuc stomacho, officiosissimas libationes eas; nam iustos haustus, dicere vniuersim, nequeo; facere conuiuas oportuit. Verum, dandum hoc est institutis *Hunno-Scythicis*, quae nunc, scythissandi libidine, sensim abrogari coepta, formabantur ad legem sobrietatis, atque elegantiae.

n) Hodiernus utique mos, si BARTHIO credimus, ab *Hunnis* acceptus, ut nemo, ad mensas principum, poculum, vel adtemerare audeat, dum herus biberit. In primis, sollemne id est, in iis *Hungarorum* conuiujs, quae inaugurati reges, magnificentissimis adparatibus, populo dare solent.

o) Plane, ea consuetudo nostrae aetatis est; ut poculum reddatur, ei, qui administrauerat, cum, siue gustui suffecit, siue exinanitum est penitus. Quod aliter fiebat aetate superiori, in Hungaria: cum non poculis, sed amphoris bibebatur in conuiujs. Iam, mos ille sensim exoleuit: nemo enim, ad mensas, decori obseruantes, ad bibendum meracius adigitur facile; nisi se ipsum inuitet, & traditum pocillatori craterem, spumantem, plenumque, saepius repetat. Immo, & vitrum aquaticum additur, uti, si cui lubitum fuerit, non desit fontana, qua merum perluat.

p) *Ex more*. quae CANTOCLARI interpretatio, emendari, vertique ex Graeco potest: eodem modo: τῷ πρόπῳ. VALESIVS. *In eundem modum*, scilicet, *praesentibus honoratis*. &c. Quod eo fine monemus, ne quis putet, veteri id *Hunorum* ritu, moreue, ATTILAM fecisse: nunc enim *Romanorum*, cum vicinus, tum aemulus, *ciuiles* has conuiuiorum, uti equidem reor, *leges*, actu ipso rogabat, sacrabatque.

q) Castigat hic Graecam lectionem VALESIVS. Lege inquit, meo periculo: κατὰ τὸν τῷ βασιλῶν πίνειν, non θεῶν. Fateor, scite! Tunc vero latine reddemus: *iuxta subfelliorum ordinem*. quod aliud sonat, quam versio CANTOCLARI. Hunc enim, vulgatam Graeci textus editionem, fefellisse putat laudatus *Valesius*. Ac profecto non est, cur eam tueamur; quando in confesso est, apud priscos rerum auctores, *Thraces*, in omni vitae, morumque genere, intemperantissimos semper fuisse. Vini certe, usque ad vitium amantes erant, cuius gratia, *Bacchum*, deum sibi delegerunt; *Maronei* cum primis. De vino huiate, lege PLINIVM, Lib. XIV. Cap. IV. de Bacchi autem cultu, numos consule, inscriptionem referentes: ΔΙΟΥΣΟΣ ΣΩΤΗΡ ΜΑΡΟΝΙΤΩΝ. BACCHVS SERVATOR MARONITARVM. Ergo, non erat, ut morem *Thracum* sectaretur ATTILA, temperantiae, quod videre est, studiosissimus. Aio itaque: lege, & meo periculo: θεῶν, non θεῶν: θεῶν vero, sedile Graecis significare, inculcare nolo. Confer huc, CAROLI ANDREAE BELII, filii nostri, Dissertationem, de *Diis Thracum*, Lipsiae A. MDCCXLIII. Vinolentiam *Thracum*, accusat HORATIVS, & meliora sodales suos docet, Carm. I, 27, 1.

*Natis in usum laetitiae scyphis*

*Pugnare, Thracum est. Tollite barbarum*

*Morem, verecundumque Bacchum*

*Sanguineis prohibete rixis. &c.*

Hac forte, in mente habebat CANTOCLARVS, cum, PRISCI hunc locum, interpretabatur.

r) Verba haec: Attila *nos ad parium poculorum certamen prouocauit*, in Latina *Cantoclari* versione, respuit OTROKOCIVS, loco citato, p. 119. tamquam, quae nequeant ex Graeco erui. quae ita reddiderim: *Secundo autem sedente, ordine, perpetua*



tionis honore delato, pincernæ recefferunt. Mensæ vero, iuxta ATTILAE mensam erant erectæ, (s) excipiendis, tribus & quatuor, aut etiam pluribus, conuiuiis idoneæ; quorum vnusquisque poterat, minime transgressis sedium ordinibus, cultello, (t) ex ferculis, quod sibi libitum erat, desumere. Deinde, primus in medium accessit ATTILAE minister, *discum carnibus plenum* (u) ferens.

Q

Post

*tua serie*, scilicet conuiuias reliquos, & nos Attilas paribus, poculis dextræ gestu inuitauit, iuxta subselliorum ordinem. Iam nempe, τὴν πρῶτον ἡσπάζετο, ordine primum, libando poculum, salutauerat ATTILA. Cum autem post aliquod temporis interuallum, eandem, erga conuiuias suos, honoris testificationem, secundo exhibuit: tum vero, ita ferente accumbentium serie, neque nos neglexit; sed, dextra, ori quasi admota, iterumque comiter remissa; qui propinantium mos, iam tum inter Hunnos fuit; ad paria pocula inuitauit. Nihil hic, de certamine poculorum legas; temperantiæ autem indicia, plurima. Alioquin, non defecissent verba PRISCVM, quibus rem potuisset exprimere; vt: κισσοβιομαχίην, δινονικίην, pro Græcæ linguæ copia, dixisset. Ceterum, vis omnis, in voce, δεξιόμοι, ad rite interpretandum, sita est. quæ non tantum, dextram porrigere; sed etiam, festiue aliquem suscipere, benigne adloqui, comiter adpellare, significat. Si addatur casus, verbo familiaris, late vsus eius patet. Sic: τετραπίζη, λόγοις χρηστῶσι, καὶ ἐργοῖς δεξιῶσιν, mensa, verbis, & operibus commodis, amicisque, accipi. Ita hoc loco: ἴσσις κισσοβίοις ἐδεξιώσαν, paribus poculis accepit, inuitauit, comiter & benigne adfatus est. Quod, cum cura monendum erat; ne intemperantiæ, aut ebriositatis, ATTILAM, errore interpretationis ductus, adculare quisquam sustineat.

s) Coniicere hinc est, de adparatu, quo instructum fuit cœnaculum, decenti eo, atque ad pompam facto. Mensa, torique ATTILAE, medio collocata, quæ vti ex gradibus, ad toros ducentibus, possis existimare, celsius eminebat reliquis. quo fiebat, vt, & aperte, in omnium obtutu cœnaret ATTILA; & conuiuias suos, horumque conuictum, quidque ad omnes mensas fieret, libere potuerit prospicere. Adeo ille, tuendæ maiestatis, & in festiuis conuictibus, studiosus fuit, atque obseruans. Implebat enim vero, non palatium modo, augustali præsentia sua; sed animos etiam conuiuantium.

t) Vocabulum, quod in Græco est, non *cultellum*; sed *lancem*, aut *orbem*, quorum in mensis vsus, significat: τὴν μάχην, lance, seu orbe, tantum ex patinis poterat depromere, quantum sibi collibuit. Quod eo fine monemus, vt constet, haud quidem ferino ritu, versatos, in accubitis fuisse, Hunnos; sed ea iam tempestate, in more apud eos fuisse: vt esculentorum partem aliquam, & quam sibi suffecturam putabant conuiuæ, ex patinis caperent orbiculis, lancibusue: prorsus, vti id hodie fit, ad mensas instructiores.

u) CARNIBVS vesci, neque cibos alios, multa factos arte, miscere epulis, heroum fuit, quos imitabatur ATTILA: nam, in quadra lignea, nihil præter CARNES, adponi sibi quidquam passus est. Sed, quales quæso carnes? Doleas, non habuisse in comitatu suo PRISCVM, seu MILONEM, carniuoram illum; seu APICIVM, rei coquinariæ magistrum, qui id obseruare, & nos docere potuissent. Si ex antiquorum hominum more, capiendum sit argumentum, *bubula* fuit. Enim vero, cum HOMERVS, veterum heroum epulas describit; *bubula* eos carne, perpetuo fuisse vsos, memorat. Quin *Alcinoum* ipsum, delicatiori vitæ generi adfuetum, & in voluptates pronum, *bubula* vesci, consuesse narrat. Quod illi quidem, non sine ratione faciebant. *Alimentum etenim caro bubula, corpori suggerit, non mediocriter, neque dissipatu facile.* LVD. NONNVS, de Re Cibaria, Lib. I. Cap. V. p. 173. Igitur, idem de ATTILAE, quæ ei adponebantur, *carnibus*, existimarim: *bubulas* fuisse, rudi arte lixas, assasue. Neque enim agricolationi studebant tunc Hunni, vt boves, instituto priscorum hominum, sacros haberent, inuiolabilesque. VARRO, Lib. II. Rei Rust. de Boue loquens: *Hic socius hominum in rustico opere, & Cereris ministerio.*



Post ipsum, qui reliquis ministrabant, panem, & obsonia mensis adposuerunt. Sed, ceteris quidem barbaris, & nobis, cœna, (v) omni eduliorum genere referta & instructa, præparata erat, & in discis argenteis seposita; ATTILAE, in qua-

nisterio. Ab hoc antiqui manus ita abstinere voluerunt, ut capite sanxerint, si quis occidisset. COLVMELLA præterea, Lib. VI. in procœmio: BOVIS, tanta fuit apud antiquos veneratio, ut tam capitale esset bouem necasse, quam ciuem. Suppar, VALERIANI lex fuit, quam orienti dixerat, iuuandæ agricolationis causa: Ne quis vitulinam esitasse carnem sustineret. quæ nihil ad Hunnos. De eo dispiciendum: quemadmodum adparatæ carnes, mensis ATTILAE inferebantur? AMMIANVS, vniuersim de Hunnis, Lib. XXXI. Cap. XI. p. 473. In hominum, inquit, figura, licet insuavi, ita visi sunt asperi, ut neque igni, neque saporatis indigeant cibis; sed radicibus herbarum agrestium, & semicruda cuiusvis pecoris carne vescantur. quam inter femora sua, & equorum terga subsertam, foru calefaciunt breui. Sed, hic eorum mos, castrensis, & tunc ab Hunnis frequentatus forte fuit, cum Europæ adhuc incogniti, saltem ab omni humanitatis cultu erant alieni. Nunc, cum sensim mansuescerent, victorum populorum, victus simul rationem, pulchre cœperunt æmulari. Itaque, in eam venio sententiam, igne præparatis ad escam carnibus, vesci solitum ATTILAM. Assisne vero, an elixis? Si ex heroum HOMERI consuetudine, capiendum argumentum est, & fides SERVIO habenda; HOMERI quidem conuiuæ illi, aspernabantur carnes elixas: tamen utrisque, elixis & assis, pastos fuisse tradat EVSTACHIUS. Heroas, inquit, inducit Homerus, elixis videntes carnibus, præcipue tamen assis. PLATO, tertio de Repub. solas eis assas, præeunte iterum HOMERO, adtribuit, quando, heroum mensis parari, ait, ab Homero, non pisces, non elixas carnes; sed assas, quæ concinnarentur facilius. Idem adfirmat ATHENAEVS. Causam eius rei, ex physicis adfert COELIVS RODIGINVS: Elixæ intus fieri sicciora, & inde nutrimenti minoris, quam sint assa. in quibus humidum genuinum, intus obseptum contineatur, quod in illis euaporet; quoniam meatus laxet elixans calor. quo augmento inualecit ius. Ita proinde existimanti, longe videtur verosimillimum, in eam consuetudinem abiisse ATTILAM, ut assis potius, quam elixis carnibus, vesceretur. non quod ratiocinationibus, quarum nobis fuit mentio, persuaderetur; sed quod experiundo didicerat; militarem vitam, & expeditius, paratiusque, & fructu insigniore, assis sustentari, quam elixis carnibus. Sin vero quis opinatus fuerit, suillam, per intervalla, esitasse ATTILAM, nolim quidem contraire; sed nec temere adfirmarim, vtut:

Sicci terga suis, rara pendentia crate  
Moris erat quondam, festis seruare diebus,  
Et natalitium, cognatis ponere lardum;  
Accedente noua, si quam dabat hostia, carne. IUVENAL. Sat. XI.

Quod si admiseris, aprugnam dicas potius, quam domesticis stabulationibus educatam, saginatamque. Vniuersim, venatibus lubenter victitauere Hunni. quod docere non elaboramus.

v) Quando PRISCVS fatetur, præter ATTILAM, conuiuas reliquos, & opipare, & adparete cœnauisse, atque vsos argentea, aureaque supellectile, id argumento fuerit; rite, atque ex Constantinopolitanorum more, fuisse in hoc conuiuio, instructa omnia: quippe quibus, sollemne fuit, cœnas dare, cum ex se vndissimas, tum lautissimas, omni supellectile alia. Ut idcirco audeam, de ATTILAE hoc conuiuio adfirmare, quod C. SOLLIUS SIDONIUS APOLLINARIS, Epistolar. Lib. I. Ep. II. de Theodorico rege scribit: Quid multis? Videas ibi elegantiam Græcam, abundantiam Gallicanam, celeritatem Italiam, publicam pompam, priuatam diligentiam, regiam disciplinam. Confer ad eundem hunc locum, erudita SAVARONIS commentaria.

x) Quod, quidquid erat carniū, disco, seu quadra id ferebatur lignea; quam Hungari Négy szegletű-fa-tányér, diceremus hodie; frugalitatis in ATTILA fuit documentum, non sorditiei. Sic & AGATHOCLEM Siciliæ regem, animatum legas:

Fama est fictilibus cœnasse Agathoclea regem.

quod ille quidem, ea de causa faciebat, ut in regiæ dignitatis culmine positus, figuli se filium esse, recordaretur: Quæ-



in quadra (x) lignea, & nihil præter carnes. Moderatum pariter, (y) in reliquis omnibus, sese præbebat. Conuiuis, aurea & argentea pocula, quibus bibebant, (z) suppeditabantur. ATTILAE poculum erat ligneum. (aa) Frugalis admodum illius vestis (bb) nihil, quo ab aliorum vestibus dignosci posset, habebat.

Q 2

*Querenti causam, respondit: Rex ego qui sum,*

*Sicania figulo sum genitore satus.*

*Fortunam reuerenter habe, quicumque repente,*

*Dives ab exili progrediendi loco.*

AVSONIVS, Epigr. IX.

Auro contra carius, monitum, atque penitissime in animo defigendum, ab his, qui consimili fortunæ indulgentia, fruuntur.

y) In iis nimirum rebus, quæ ad conuiuales adparatus adtinebant; vt AVGVSTVM superarit omnino. Ille enim, vt SVETONIUS litteris mandauit, Cap. LXXIV. *Cænam, tribus ferculis, aut cum abundantissime, senis præbebat, vt non nimio sumtu, ita summa comitate.* Ille noster, vnico, atque eo, nudis constante carnibus, in quadra lignea sibi sufficebat.

z) Hoc eo comparatum erat, vti existimationem sui, eo redderet maiorem; forte etiam, vt fucum faceret vulgo; auro argentoque, belli & pacis artibus, studere se quidem: verum non, vti id in luxum profunderet; sed adhiberet ad magnificentiam, dum tempus, locusque poscerent.

aa) In Græco *κισσόβιον* legitur, quod, poculum, ex ligno hederæ factum, notat; ligno scilicet, cuius fronde veteres, *Bacchi* caput solebant redimire. Eius, credo moris obseruantia, ductum ATTILAM, *κισσόβοιο* poculis utebatur. Repudiabat contra, aureos crateres, vt exemplo suo frugalitatem *Hunnis*, tunc, auro tributario adfluentibus, persuaderet. Solent enim principum istiusmodi exempla, id habere in populo utilitatis: vt hinc certatim in omnes, luxuriæ pudor, parsimoniæ cultus, inoleseat, & quiescentibus legum minis, subeat quandoque priuatim, sui poenitentia. *Sic est enim, sic est! exasperat homines imperata correctio. blandissime iubetur exemplo.* Panegy. THEODOSII.

bb) Dignum principis maiestate institutum, non tam vestium luxu anteire suos, quam parsimoniæ cultu: præsertim, vbi, vel imitatio optimatum, mox & populi, metuitur; vel auerruncanda est, morum, vestiumque peregrinitas, sæpe conuersionis reipublicæ, prænuncia. Neque enim facile crediderim, ignorauisse ATTILAM axioma illud: hinc ei vestis patria. Generatim, de re vestiaria *Hunnorum*, MARCELLIVS, Lib. XXXI. Cap. II. p. m. 474. *Indumentis vtuntur linteis, vel ex pellibus fœuestrium murium consarcinatis; nec alia illis domestica vestis est, alia forensis; sed semel obsoleti coloris tunica, collo inserta, non ante deponitur, aut mutatur, quam diuturna carie, in panniculos deflexerit defructata.* Sed, hic habitus, eorum *Hunnorum* fuit, qui primum innotuere *Europæ*: profecto enim, ætate ATTILAE, & vestitu cultiores erant *Hunni*, & toto vitæ genere. Proinde, ceperis hinc indicium, vestem ATTILAE Hunniacam omnino fuisse; haud tamen, cum primæua illa, conferendam; sed, vt popularis esset, amictui gentis vniuersæ, consimilem. At enim, quæ vestis materies? adstrictane artubus, vel laxa & fluitans? Neutrum facile definiueris. Certe, si ex veterum *Scytharum* moribus æstimare *Hunnos* velis, *lanæ vsus illis nullus*, IUSTINVS ex Trogo, Lib. II. *Et quamquam continuis frigoribus vrantur, pellibus tamen ferinis ac murinis vtuntur.* Adde SENECAM, Epist. CX. quem morem, non vulgus solum, sed reges etiam retinuisse, PRISCVS auctor est. At, pellium nullus in conuiuio vsus, ætate cum primis. Satis esto, ita vestitum fuisse ATTILAM, vt, neque gentilitium decorem migrauerit; neque admiserit quidquam, quod *Græci* ipsi, omnis subinde luxuriæ administri, cum ratione, in toto eius amictu, potuissent adspernari. *puram* certe, & *impermixtam* vestem, quomodo ATTILAE hanc adpellat *Priscus*, qui virilis, constantisque animi faciunt indicem, non male mihi videntur philosophari; vt hinc quoque, laus in ATTILAM redundet, quam cum fortissimis quibusque viris, communem habuit. Subit animum cogitare, annon vestes ATTILAE, opus fuerint vxorum suarum. Vetus, enim vero, atque heroicum fuit,



habebat, nisi quod erat pura & impermixta. Neque eius ensis (cc) erat aliqua illustri elegantia conspicuus, neque calceorum (dd) barbarorum ligamina, neque eius equi fræna, (ee) ut reliquorum Scytharum, auro, aut lapidibus, &

fuit, ut vestibus, muliebri ac domestico opere factis, summi viri amicirentur. De AVGVSTO, disserte SVETONIUS, Cap. LXXIII. *Veste, non temere alia, quam domestica, usus est, ab uxore, & sorore, & filia, neptibusque confecta.* Sic & ALEXANDER M. de seipso, apud CVRTIVM: *Hanc vestem, quam indutus sum, sororum, non modo donum, sed etiam opus vides.* Lib. V. Cap. II, 20. vide utrobique PRISCI commentaria, & aliorum. Istiusmodi vero, apud aulam ATTILAE, operas, in gynæceo Grecae reginae, exercitas fuisse, PRISCVS, supra §. XVII. meminit, & nos, nota c. recognouimus.

cc) Nonne vero, pro gestamine, saltem diebus faustis festisque, ENSEM MARTIS, habuit ATTILA? Dicam, quod sentio: Barbarica superstitione ductos Hunnos, sacrum coluisse *Gladium Martis*, qui post initia ATTILAE, fortuito, magna rerum eius accessione, detectus fuerat; neque publice adhibitum fuisse vnuquam, nisi id religio poscere videbatur: ut, cum vel rex inaugurandus erat; vel lustrandus exercitus, atque auspicato in hostem ducendus fuit; & quæ poterant esse cerimoniarum, reliquæ. Reuera ergo, ferrum gestavit ATTILA, quo terreret; minime vero, aurum, gemmasque, quibus hostem adliceret.

dd) De Hunorum calceis AMMIANVS, loco nunc citato: *Hirsuta crura coriis munientes hædinis: eorumque calcei, formulis nullis aptati, vetant incedere gressibus liberis. qua causa ad pedestres, parum accommodati sunt pugnas.* Etiamne ATTILAE calceus, non ad formulam factus? nolim adfirmare! Enim vero, quod ligaminum calceorum, mentionem habet PRISCVS, id mihi ad coniectandum fuerit occasio; calceorum eo genere usum fuisse, quod hodieque *Telekes-Botskor*, adpellant Hungari. *Pero* nimirum erat, ex subacto corio, ita factus, ut cum tota planta probe fuisset munitus, superiore pedis parte, coreaciis ligaminibus, simplici quadam, neque tamen inconcinna arte, sibi ipsis implexis, tam arcte comitteretur, ut quasuis possent aeris iniurias reuerberare. *Peroni*, tibia cohærebat, crus vestiens, ex corio itidem facta, & fibulis, vel coriacis ligulis, ei parti pedis, decore adstricta, quod genus peronis, adhuc obtinet apud agrestes, rusticæ studiosos elegantiarum. Neque abhorrebant ea atate peronem, regum aulae. SIDONIUS, Lib. IV. Epist. XX. p. 226. *Regulorum, inquit, sociorumque comitantum forma, & in pace terribilis: quorum pedes primi, perone setoso, talos adusque vincebantur.* Namque *Gothi*, peronibus erant calceati. qua de re iterum SIDONIUS, Carm. VII.

*Nec tangere possunt  
Altata suram pelles, ac poplite nudo  
Peronem pauper nodus suspendit equinum.*

In calceo ATTILAE, id obseruat PRISCVS, non eum, sicuti apud nobiliores Hunnos, ad luxum fuisse instructum, sed ut tegumento esset pedi.

ee) In deliciis, fræna, auro & gemmis onustata, habuere veteres, præsertim principes. CLAVDIANVS IV. consulatu Honorii:

*Turbantur phaleræ, spumosis morsibus aurum  
Fumant, anhelantes exundant sanguine gemmæ.*

Et, in epigrammate, de phaleris equi regii:

*Dumque auro phaleræ, gen: mis dum fræna venident.*

Itemque, de equo Honorii:

*Et crine superbus  
Erecto, virides spumis profunde smaragdos,  
Luxurient tumido gemmata monilia collo:  
Nobilis armatos iam purpura vestiatur armos.*

Et huic luxui, parsum ab ATTILA est; tamen si optimates, ducesque sui, Romanorum eum fastum, bona regis pace, egregie iam tum fuerint æmulati. Enim vero, valuit illud VIRGILII, Aeneid. VII.

Aurea



bus, & aliis huiusmodi pretiosis gemmis, erant ornata. Vt obsonia primorum ferculorum fuere consumpta, surreximus, neque prius quisquam nostrum ad sedem suam est reuersus, quam sibi traditam pateram, vini plenam, seruato, quem supra diximus, ritu, (ff) ATTILAM saluum & incolumem precatus, ebibisset. Eo, ad hunc modum, honore culto, sedimus. Tum noua fercula cuique mensæ sunt illata, quæ alia continebant esculenta, ex quibus, vbi omnes, quoad satis esset, comedisent, modo quo supra, in pedes erecti, ebibito calice, sedes nostras repetiuimus. Adueniente vespere, sublati epulis, duo viri Scythæ, coram ATTILA prodierunt, & versus (gg) a se factos, quibus eius vi-

R

ctorias,

*Aurea pectoribus demissa monilia pendunt.*

Atque GÜNTHERI, Ligur. IV.

*Gemmatosque lupos, & fuluum masticat aurum.*

ff) Quo cœpit ritu, producebatur conuiuium. Nam, & cum salutis ATTILAE præfatione bibebatur, iterum ac tertio; & nouæ dapes, forte etiam lautiores prioribus, mensis conuiuarum inferebantur: soli ATTILAE, quadra illa sua, *assis*, vti opinamur, *carnibus*, onusta, sufficiebat. Et istud quidem frugalitatis fuit; illud laudatissimæ abstinentiæ, quod toto eo conuiuium, *tres* admodum *Scyphos*, cum officii in ATTILAM significatione, exinaniuerint, qui accumbebant. Institutum, dignum oppido, quod amplecterentur, in aulis principum, & alibi passim, conuiuatores. Idem in AVGVSTO laudat SVETONIUS, Cap. LX. XVII. In IVSTINO Imp. CORIPPVS, Lib. III. Neque, *ultra ternarium Scyphorum numerum, in symposiis, progrediendum esse*, lex conuiualis edicit. AVSONIUS, Edyllio XIII.

*Ter bibe!*

PETRONIUS in satyra: *Excusare cepit moram, quod se amica non dimisisset, tribus nisi portionibus, ex lege, siccatis.* Idemque numerus, Synodo Nannetensi definitus, Can. IV. Haud vero quaternos potandos esse cyathos, DEMOCRITVS *Physicus*, volumen condidit. Erant porro antiquitus magistratus, qui conuiuias, ne se nimio vino proluerent, legis symposiacæ admonerent, quos PLATO de Rep. *μνήμονας* vocat: quodque bibendi modum illi lege definitum, imperarent, *inoduperatores*; quin & *ὀφθαλμοί*, id est, *oculi*, dicebantur, quod toti *Argi* essent, in conuiuarum obseruandis computationibus. Notat SAVARO, ad SIDONII APOLL. Lib. I. Epist. II p. 16. OTROKOSII, in mores hodiernorum *Hungarorum*, inuectiuam, lege ad hunc locum, Orig. Part. I. Cap. IV. §. XIII. p. 123. quam non repetimus, quia littus araremus.

gg) Laudaueris, tempestiue sublatis, neque productas in profundam noctem, epulas; sed magis fere, morem ATTILAE, quod audiendis, post cœnam, poematibus, delectari solebat. Expressit ea re, summorum regum ingenium, testatusque est, animum multo, quam pro barbaro, excelsiorem. Tametsi enim non sum ignarus, *barbaris*, iuxta & *Romanis*, fuisse morem eum familiarem; in ATTILA tamen, huius ea res præcipuam admirationem, quod, cum homo crederetur ferus, his cantibus; qui res suas celebrabant, & agresti licet carmine, videbantur eas tamen posteritati commendare, cicurari pateretur indolem suam, forte, non vsquequaque adhuc mansuetam. Nam, fuere omnino apud *Hunnos*, sicuti apud veteres *Germanos*, hæc istiusmodi carmina, *unum memoriae, & annalium genus*, TACITVS, de *Morib. Germanor.* Cap. II. vbi consule, I. LIPSII commentaria. Idem, & de *Gothis* suis tradit IORNANDES: *Id, inquit, priscis eorum carminibus, pene historico ritu recolitur.* Qui mos ad *Hungaros* quoque penetrauit. THYRÓCZIVS, Chron. Hung. Part. II. Cap. IX. p. 33. *Isti CAPITANEI septem, de se ipsis cantilenas fecerunt, inter se decantari, ob plausum secularem, & diuulgationem sui nominis: ut quasi eorum posteritas, his auditis, inter vicinos & amicos, iactare se arrogantia valeret.* Immo, superioribus seculis, & cum pertinacia genti nostræ, cum *Turcis* bella, fuissent, patrio carmine, secundos, funestosque præliorum euentus, ad posteritatem trans mittebant, eius ætatis homines; vt operæ pretium facturum crediderim, si quis huius generis cantilenas,

*Decadis II. Monumentum I.*



storias, & bellicas virtutes canebant, recitarunt. In quos conuiuæ oculos, (hh) vultusque defixerunt. Et alii quidem versibus delectabantur; aliis bellorum recordatio animos exfuscitabat; aliis manabant lachrymæ, quorum ætas adfecta, reddiderat corpus effœtum, & imbecillum: ex quo, eorum pugnandi ardor, & cupiditas, quiescere cogeatur. Post cantus, & carmina, Scythæ, (ii) nescio quis, mente captus, absurda, & prodigiosa, nec sani sensus quicquam habentia, resonans, & deblatterans, risum omnibus commouit. Postremo, Zerkon (kk) Maurusius introiuit. Edecon enim illi persuaferat, vt

ad ATTIL-

nas, in volumen collectas, luce publica, donaret: quod sperarim, præter linguæ Hungaricæ habitum, multas simul, rerum gestarum *memorias*, ea solertia, detectum iri. Quid? quod, nostra adhuc ætate, in more positum fuisse, probe recordamur; vt in magnatum aulis, *Cantores*, seu *Phonasci*, quos Hungarice, *Enekes* adpellabant, inter ministeria, alerentur. Horum fuit, actus maiorum bellicos, si heri militares fuere, patrio carmine, inter conuiuandum, modulari; sin abdomini nati, non laudi ac gloriæ, ioculares nugas, amores spurios, & turpes euentus alios, demulcendis conuiuarum auribus, occinere. Verum, ritus hic, ita sensim exoleuit, vt iam pauciores sint, qui eum saltem meminisse possint. quæ quidem posterioris ritus antiquatio, in lucris censenda est potius, quam referenda in dispendiis.

hh) Produnt se hic *Humorum* ingenia. Qui in conuiujs placidæ indolis fuerunt, qualiumcunque cantu versiculorum, demulciebantur; quibus contra natura obtigit militaris, exultabant, rerum gestarum, quarum fortasse pars fuere, recordatione; sed, quos diuturni belli labores, & ingrauescens ætas, inutiles fecerat; neque tamen martialis ille, & cogenitus bellandi animus, deseruerat; lacrymis ii, conceptum dolorem, testificabantur. Supparem *Hungarorum* indolem, quæ se in militariibus ingenijs, hac in primis tempestate, maximopere prodit, alio loco, memorauimus.

ii) MIMVS fuit, haud quidem mente captus; sed qui id tamen præ se ferebat, vt eo sibi impunius liceret, quorum vellet, sermones, mores, actusque, mordaci sale, perfricare. Nam est hic sane obtentus, quum mimos improbamus: *Sale eos satyrico, mordaci eo, sed salutari, ad frugem reuocare, exagitatōs auditores.* quam quidem controuersiam, nolim meam facere. Neque tamen vanitatem hanc, ATTILAE possis exprobrare: *ethnicum fuisse*, si dixeris, satisfuerit ad excusatiunculam; illic valitutam, vbi vera, veri Dei, agnitio exsulat. Probo interim, immo vehementer adprobo, EVSEBII PAPAE sententiam, in Decret. Cap. X. quam ex eo repetit BYRCHARDVS, Lib. XIV. Cap. VII. *Remoueantur ab Episcopis, (quidni & a principum viro- rum?) conuiuio, cuncta turpitudinis argumenta: non ludicra spectacula, non acroamatum vaniloquia, non fatuorum stultiloquia, non scurrilium admittantur præstigia.* Grauitè & Christiane!

kk) De ZERCHONE, vel Zerkone, nemo nos, quomodo ad *Hunnos* delatus fuerit, SVIDA, docuerit melius. Ita vero habet: ZERKON Scythæ, sic vocatus, genere Marusius: Is, propter corporis deformitatem, & quod vocis balbutie, & ipso adspectu, risum moueret, (erat enim brevis, gibbosus, & mirum in modum simus, ita, vt nasum, ex naribus tantum cognosceres) Aspari Ardaburio, in Lybia commoranti, donatus est. Captus autem est, cum barbari in Thraciam irrupissent, & ad Scytharum reges est adductus. Ac ATTILA quidem, nec ipsius adspectum tulit. BLEDA vero, supra modum ipso delectatus est: quod non solum ridicule loqueretur; sed etiam, in incedendo, corpus, præter aliorum hominum morem, moueret. Aderat autem ipsi, & epulanti, & ad bellum proficiscenti, armis ridiculis in expeditionibus instructus. Quamobrem, etiam BLEDA ipsum plurimi faciens, cum fugisset cum Romanis captiuis, ceteros quidem neglexit, ipsum vero, summa cura inquiri iussit: & captum ad se adductum, in vinculis conspicatum, risit, & remissa ira, causam fugæ quæsiuit, & cuius rei gratia, res Romanorum, suis, meliores reputaret. Ille vero respondit: se quidem peccasse, quod fugisset, sed se peccati causam habere; quod nulla vxor sibi



ad ATTILAM veniret, omnem operam & studium pollicitus, quo vxorem recuperaret. Hanc enim, cum illi BLEDA studeret, in barbarorum regione acceperat, quam in Scythia ab ATTILA ad Aetium dono missus, reliquerat. Sed, hac spe frustratus est, quia ATTILAS illi succensuit, quod ad sua remigrasset. Itaque, tunc arrepta festiuitatis occasione progressus, & forma, & habitu, & pronuntiatione, & verbis, confuse ab eo prolatis, modo *Ausoniorum*, modo *Hunnorum*, modo *Gothorum* linguam (ll) intermiscens, omnes lætitia & hilaritate diffudit, & effecit, vt in risum, (mm) qui sedari & extinguere non poterat, prorumperent. Sed ATTILAS (nn) semper eodem vultu, omnis mutationis expers, & immotus, permanfit; neque quicquam facere, aut dicere, quod iocum, aut hilaritatem præ se ferret, conspectus est. Præterquam quod iuniorem ex filiis introeuntem, & aduentantem, nomine *Irnach* (oo) placidis & lætis oculis est

R 2

lis est

*sibi data fuisset.* BLEDA vero, in maiorem risum prorumpens, ipsi dat uxorem vnā, de nobilibus, & quæ fuerat vna, de reginæ ministris: sed ob quoddam insolens facinus, ad ipsam amplius non accedebat. Sic autem perpetuo cum BLEDA vixit. Post ipsius vero mortem, ATTILA, Aetio, Romanorum occidentalium duci, Zerconem dono mittit, qui ipsum ad Asparem remisit. Hæc de eo, laudatus SVIDA, editionis Cantabrigiensis A. MDCCV. fol. curante LVDOLPHO KVSTRO, Tom. II. p. 3. qui & adnotat: Hunc, inquit, locum, ex Prisci Rhetoris historia, sumptum esse putat VALESIVS, in notis, ad Excerpta de Legationibus, p. 207. In Excerptis, quæ hodie ex illa historia adhuc supersunt, Zerconis huius Marusii mentio fit. Marusius vero, pro Mauro hic scribitur. Vide Cap. I. §. VIII. p. 16. not. a. Ad eundem, hunc SVIDAE locum, duo nobis obseruantur, quæ fileri noluimus. Primum est: satis adparere, humilioris, multo atque angustioris animi, BLEDA fuisse, quam ATTILAM, fratrem suum: quod inde coniicias, quando monstrosum Zerconem, præterquam decussit regem, in oculis tulit, quem ne adspicere quidem ATTILA potuit: id quod heroici animi, & seuerioribus curis aduerti, indicium est; ludicræ contra, & remissæ nimium quantum, si non plane *Elagabali* supparis est indolis, monstrosum, ridiculorumque hominum iocis, perpetuo oblectari. Ergo, AVGVSTI Cæsaris ingenium, ea re, expressit ATTILA. De illo SVETONIUS, Cap. LXXXIII. *Pumilos atque distortos, & omnis generis eiusdem, vt ludibria naturæ, malique ominis, abhorrebat.* Nam, quod adolescentulum *Lucium*, honeste natum, populo spectandum dedit; quod erat bipedali minor, librarum sedecim, voce immensa; id non sui, sed populi causa, tantum vt ostenderet, fecit. ibid. Cap. XLIII. Alterum est: BLEDA, quem perperam, *Budam*, saltem sine auctoritate veterum, *Hungarici* vocant scriptores, sua, sicca morte decessisse. Neque enim, siue SVIDAS, siue PRISCVS, ex quo decerpfit sua lexicographus, violenta morte; multo minus, scelere fratris accelerata, interisse memorant. quod filere omnino nequiuisset PRISCVS: quippe, paucis post vel mensibus, vel annis, apud aulam ATTILAE, in legationis huius comitatu, versatus.

ll) Tres has linguas, frequentatas fuisse, in aula ATTILAE, reiecta fere *Græca*, cum cura adnotauimus, eodem hoc Capite. §. XIV. p. 47. not. d.

mm) Ista enim vero, ex barbarico *Hunnorum* ingenio, nondum ad modestiæ, comitatis, atque decori, legem prorsus reuocato, fluxisse, nemo est, qui non aduertat. Quis enim, præsentem rege, nisi forte bacchanalia agantur, effuse cachinnabitur, sine maiestatis opprobrio?

nn) Ex *Stoicorum* disciplina, nuper egressum fuisse ATTILAM, crederes; ita, intra se collectus fuit; neque passus est dissipari sensus, indecenti hoc conuiuiarum risu. quod maiestatis proprium est. Mirati fuimus, eandem, in CAROLO XII. rege *Suediæ*, continentiam, cum in æstiuis *Altranstadiensibus*, anno MDCCVI. castrense prandium eius, adtonitis similes, spectauissemus.

oo) Diximus de eo, supra Cap. I. §. XII. p. 21. not. c. & Cap. II. §. XIV. p. 46. not. m. Hic *Ipvas*, in *Græco* legitur, propius ad coniectationem nostram.



lis est intuitus, & eum gena (pp) traxit. Ego vero cum admirarer ATTILAM, reliquos suos liberos parui facere, ad hunc solum advertere, & animum adii- cere; vnus ex barbaris, qui prope me sedebat, & Latinæ linguæ vsum habe- bat, fide prius accepta, me nihil eorum, quæ dicerentur, euulgaturum, dixit: vates ATTILAE vaticinatos esse, eius genus, quod alioquin interitum erat, ab hoc puero restauratum iri. (qq)

## §. XX.

Vt vero conuiuium (a) ad multam noctem pertraxerunt, minime diu- tius nobis computationi indulgendum esse duximus; sed frequentes exiui- mus. Die exorto, *Onesegium* adiuimus, dicentes: nos dimitti oportere, neque no- bis diutius in vanum tempus terendum esse. Ille, ATTILAM quoque in ea esse voluntate, & nos dimittere constituisse, respondit. Itaque, non multo post, consilium procerum (b) de his, quæ ATTILAS statuerat, habuit, & litteras, quæ

pp) ἔλακε τῆς παρῆας, mos est blandientum hodieque, apud parentes potissi- mum, cum teneri erga liberos, haud tamen immodici amoris, præbent *παιήσια*. Sed, non est recens ea consuetudo, qua blandientes, solebant puerorum maxillas ad- prehendere, deinde manum ad os referre. APVLEIVS Metamorph. VI. p. 181. *Tunc Iupiter, pressa cupidinis bucula, manuque ad os suum relata, consauit.* Neque enim semper summa figebant oscula, isto ea ritu delibasse, satis plerumque fuit. VIRGILIUS, Aen. I. ver. 260.

*Oscula libauit nata.*

Quod, ad eundem hunc modum, interpretatur SERVIVS: *Vt nos solemus, cum blan- dientis quibusdam, sinistram maxillam contingere liberorum, ac deinde ad os no- strum, dextram deferre.* Atque, hoc tunc egit ATTILA, quando gena filium traxit, more omnino augustali, & digno maiestate sua. SVETONIUS, de AVGVSTO, in rebus Galbæ, Cap. IV. *Constat, Augustum, puero adhuc, Galbæ, salutanti se inter æqua- les, adprebensa bucula, dixisse: καὶ σὺ πᾶν τοῦ τῆς ἀρχῆς ἡμῶν πατρὸς.* quod red- do: *Et tu, fili, principatum nostrum degustaueris.* Quod tamen vaticinium, Ti- berio adscribit TACITVS, Annal. VI. 20. 3. Quomodocunque statuas, *Augustorum* tamen fuit actus. quem blandiendi ritum, quando suum fecit ATTILA, simul, ad ea haruspicum vaticinia respexisse arbitror, quæ hi, de filio suo *Irnascho*, ediderant.

qq) An responderit vaticinio euentus, non habeo dicere; quam quod, victo a Romanis *Dengischio*, in tuta se IRNASCH receperit: quippe, ei bello haud implicitus.

a) Post ATTILAE, ex conuiuium decessum, scytissare cœpisse *Hunnos*, existimo: vt qui, vini fuerunt adpetentiores, patientioresque, certarent poculis. reliqui, sobrietatis, quam gulæ, studiosiores, cum *Romanis* cœnaculum reliquerunt.

b) Quod *Romanis* Imperatoribus domi, *Senatus*, & patres conscripti; in castris, *duces*, atque *tribuni* militum: id ATTILAE, in capiundis, expediundisque consiliis, ac destinationibus, sui fuere *optimates*: ii videlicet, quorum, in pace spectata in- tegritas fuit, in bello virtus inconcussa. Consilia certe præcipitia, & immatura, nunquam inibat; sed meliora se doceri passus est, ab his, quorum fidelitatem, lon- go vñu, intemeratam cognouit. *Quidquid enim erat incoctum, non expromsit, bene coctum dabat.* PLAVTVS, Milit. II. 2. 53. Neque ei vnquam viri defuere, & consilio acres, & manu fortes. quorum nomina, vno hic fasce complectemur: ONESIGIVS, consiliariorum princeps, vir, si quis alius, consummata prudentiæ, & rerum domi, ac militiæ, tametsi ex captiuo, in hanc dignitatem euectus, longo vñu subactus. Suc- centuriabatur huic, frater suus, SCOTTA, seu *Skoda*, qui, qua apud ATTILAM, & gratia valuerit, & auctoritate, supra, commemorante PRISCO, vidimus. Adhibebatur, cum aliis ministeriis, tum legationibus ad *Constantinopolitanos*, obeundis; quæ semel iterumque, eo comparatæ fuerunt, vt constituta legibus pacis stipendia, tributa- que, exigeret, adque regem suum deportaret. Neque minoris existimationis fuisse credi-



quæ ab eo, Imperatori redderentur, digessit. Aderant enim, quorum curæ epistolas scribere incumbibat, inter quos erat *Rusticius*, vir, e superiore *Mysia* ortus, qui ab hostibus captus, cum dicendi facultate valeret, barbaro, laborem & operam, in conscribendis epistolis, nauabat. Dimisso consilio, ab *Onesio*, precibus contendimus, ut *Syllæ* vxori, & eius liberis, qui in expugnatione vrbs *Ratiaria*, vna cum matre, seruituti mancipati fuerant, libertatem restitueret. Et vero, ab his liberandis minime abhorrebat; sed eorum liberationem, magna pecuniæ summa (c) emptam volebat. Itaque, nos eum supplices orare, & obtestari, ut habita eorum pristinae fortunæ ratione, præsentis calamitatis commiseratione, moueretur. Ille, ut *ATTILAM* adiit, mulierem, pro quinquaginta aureis, liberam abire fuit, & eius filios, dono, ad Imperatorem misit. Interea, *RECCAM*, *ATTILAE* vxor, quæ eius res domesticas curabat, (d)

S

nos

crediderim, *EDECONEM*, ex *Chrysaphii* illa, aduersus *ATTILAM*, administro *Bigila*, conspiratione, infamem & cruce dignum. Ex qua tamen, atrocissima sceleris societate, tam se prudenter expediuit, ut, & *ATTILAM*, incolumem seruarit, & gentem *Hunnorum* vniuersam; seipsum vero, ne suspitione quidem maleficii, in aula, contaminauerit. Præfuit, corporis custodibus, functusque est legationibus ad *Romanos* orientales. Vltimus est, *Berich*, vel *Berek*, austeræ vir indolis, idemque *Maximino* legato reduci, comes itineris datus, uti ad *Theodosium*, qui se tunc, instructa in *ATTILAM* conspiratione, barbaro quouis atrocior fecerat, in legationem proficisceretur. de quo paullo post. Parum aberat, quin *ESLAE* dememinerimus, qui tamen inter primos fuerat nominandus: quippe qui, iam tum imperanti *RVAE*, componendis *Hunnorum* & *Romanorum* controuersis, & postea legationibus obeundis, ab *ATTILA*, adhiberi solitus fuit. Hi, apud *ATTILAM*, *Mœcenatis*, & si qui erant circa *AVGVSTVM* Imp. alii, sed pro gentis indole, suppare sunt censendi. Plures vero fuisse, qui eodem, apud regem, loco fuerunt, non est, cur ambigas; quorum tamen nomina, in his *PRISCI* fragmentis, haud reperiatis. Post hos, *Collegium scribarum*, *Notariorum*ue, *Cancellariam* hodie dicimus, erat ad latus, qui decreta quæuis, & litteras, *Hunniaco*, *Latino*, atque *Gothico* sermone, partim ad exercituum duces, & per regna passim; partim ad principes externos, perscribebant, referebantque in libros memoriales, quos iam *Protocolla* vocamus. In his nominauimus frequenter: *ORESTEM*, *CONSTANTIUM* vtrumque, & *RUSTICIUM*. Hæc ideo placuit adtexere, ut cognoscat Lector, quis fuerit aulae habitus apud *ATTILAM*, in domesticarum, iuxta & exterarum rerum, procuratione: nam, altum, de re vtraque, apud *Script. Hung.* silentium est.

c) Quod magna pecuniæ summa, redimendam volebat *Syllæ*, cuiusdam *Romani* vxorem, liberosque *ONESEGIVS*, auri, id apud eum famem, loquitur: sicuti contra ea, augustalem *ATTILAE* indolem, quod non modo λύτρον mitigauit; sed filios etiam *Syllæ*, offenso sibi *Theodosio*, dono misit.

d) Notat ad hunc locum *Valesius*: Παρὰ ἀδάμαν. Leue mendum, totam sententiam corripit, quod facillimum erat, sola distinctione litterarum, emendare. Scribe igitur: Παρὰ Ἀδάμα, ἢ αὐτῆς πραγμάτων τὴν ἐπιτροπὴν ἔχοντι. Interim, *RECCAM*, vxor *ATTILAE*, nos ad cœnam inuitauit, apud *Adamum*, Procuratorem ipsius. Docte hæc coniecit *Valesius*. quem si sequaris, non erit *RECCAM*, vxor *ATTILAE*, ad rei familiaris procurationem condemnanda; sed tota sententia, ad reginæ procuratorem, *Adamum*, referenda. At vero, cur Παρὰ Ἀδάμα; apud *Adamum*? cœnam exhibuit *RECCAM*? cur non in reginæ cœnaculorum aliquo? Istud vero est, quod suspectam viris doctis, emendationem eam *Valesii* facit. Malunt ergo, *CANTOCLARI* interpretationem sequi, quam vxoris *ATTILAE*, res domesticas procurantis, dememinisse. Nam, potest sane, cum *Hunnorum* moribus, res ea conciliari. Nos certe, antequam cognitam habuimus *Valesii* hanc critice, ita in hunc locum commentabamur. Permissam, *Scytharum* legibus fuisse, πολυγαμίαν, obseruauimus,

Cap.



nos etiam ad cœnam (e) inuitauit. Ad eam, ut erat multis Scythiæ principibus conuitata, accedentes, contigit nobis, eius humanitate frui. Illa vero, nos excepit, mellitis, & iucundis confabulationibus, (f) & magnifico epularum adparatu. Tum unusquisque eorum, qui aderant, surgens, *Scythica* comitate, poculum plenum nobis porrexit, & eum, qui biberat, amplexus, & exosculatus, (g) illud excepit. A cœna, nos in tentorium nostrum recipientes, somnum cepimus.

## §. XXI.

Postridie, iterum nos ATTILAS ad cœnam inuitauit, & eodem, quo prius ritu, ad eum accessimus, & ad hilaritatem nos conuertimus. Accidit autem, seniore ex filiis ATTILAE, minime in hoc conuiuio, in eius thoro, una cum ipso accumbere; sed OERBARSIVM (a) patrum, quem patris loco ducebat. Per totum conuiuii tempus, nos blandis sermonibus appellans, (b) *Maximinum*,

Cap. II. §. XI. not. c. p. 39. quod tamen, cum insigni discrimine factitasse *Hunnos*, exemplo ATTILAE, satis adparet. Supra GREKAM, uxorem eius, meminit noster, quæ particeps fere maiestatis, in interiore ædium regiarum parte, prope ad ATTILAM, cum gynæceo, colebat, magna ministrorum turba circumdata. Et hac quidem, præcipue quærendorum liberorum causa, tamquam unica esset, utebatur: prorsus, ex *Romanorum* legibus, atque matrimoniorum tabulis, in quibus sollemnem hanc formulam, designare moris fuit: *Liberorum quærendorum causa conuenisse*. Ita est enim, ob eam in primis rem, feminam nubere, ut mater fiat. Inde *matrimonii* nomen. Sed uxor etiam erat ATTILAE, quæ præcipue matremfamilias ageret, qualis RECCAM hæc fuit: tunc forte ei admota procurationi, cum matrimonio inutilis esset, saltem effœta; ceteroquin, curandæ œconomiae, in primis idonea. Quæ has sequebatur, vxorum turba reliqua, non tam pellices fuerunt, quam vxores secundariæ, quas, gentili suo ritu, prouti quasque in deliciis habebat, adire solitus est. Enim vero, quos ex iis suscipiebat liberos; neque tam grati erant parenti, tametsi filii essent; neque adeundæ hæreditatis, cum reliquis, qui ex regina sunt nati, æqualiter capaces. Hinc est, quod ATTILA *Dengeſchirzum*, atque in primis *Irnâsum*, in oculis tulerit, paragrapho superiore; contentim habuit contra, reliquam liberorum multitudinem. id quod mirabatur PRISCVS. Illos nempe, ex principe vxore susceptos credo; hos, ex secundariis. Ceteroquin sua, & RECCAE fuit magnificentia, sua ministeria aulica. quod cœna hæc condocet. Sequere Lector, quam lubet sententiam.

e) Nouum isthoc, comitatis genus fuit, & dignum, quod adnotaret noster: ut constet, apud posteros, feminas, cum viris, certasse apud *Hunnos*, officii testificationibus.

f) LIVIAM, Imperatoris AVGVSTI, dixisses, ea fuit, in media hac barbarie, comitate non minus, quam sermonis blanditie. quod illustrium, nobiliumque feminarum ingenium, adhuc in *Hungaria* superat; nisi forte natura factæ sint austeræ: tum enim, insigniter sunt graues, & quasi in antro *Caci* educatæ.

g) Orientalis symposiorum ritus, qui, cum ad gentes alias, tum ad *Hunnos* nostros, pertigit.

a) OERBARS, vel, si hodierno more scribas: *Orbars*; nam terminationem Græci adiecerunt; interpretes vero *Cantoclarus*, Latinam fecit. Apud PRISCVM lego: *Ωηβάρετον*; exulante canina priore. Vox pure pute *Hunniaca*, formæ *Hungariacæ*. quam non interpretor: ne linguarum cognationis ignaris, molestus sim. Pietatem ATTILAE, in patrum, prorsus eximiam; quod & patris loco eum habuerit; & conuiuio adhibuerit, eodem secum toro sedentem, laudauisse, operæ fuerit pretium.

b) Liberius nunc, quam nuper, ATTILA, cœnabat, ac prorsus more Augustali. Nam, & a silentio se abstinuit, blandosque sermones, cum legatis miscere; & vniuersim hilarius agere, nihil dubitauit. Ceteroquin, *Augusti*, cuius meminimus, in cœnis



proximum, Imperatori dicere præcepit: ut Constantio, quem ad eum Aetius, ut ab epistolis esset, miserat, uxorem daret eam, quæ illi promissa fuerat. Etenim Constantius, una cum ATTILAE legatis, ad Theodosium venerat, & se operam daturum, ut pax longo tempore, inter Romanos, & Hunnos seruaretur, dixerat; modo sibi uxorem locupletem (c) matrimonio copularet. Huic petitioni Imperator annuerat, & Saturnilli filiam, viri, & opibus, & genere clari & ornati, se illi nuptui daturum promiserat. Saturnillum autem occidit Athenas, (d) seu Eudocia, (utroque enim nomine vocabatur) neque Imperatori, ad exitum perducere, quod promiserat, per Zenonem, (e) virum consularem, licuit. Is enim tunc temporis, magna Isaurorum multitudine stipatus, vrbi Constantinopoli, quæ bello premebatur, præsidio erat, & Eoos exercitus regebat. Itaque, puellam custodia eduxit, & Ruffo cuidam, vni ex suis necessariis, despondit. Hac puella sibi subtrahita, Constantius, barbarum, (ATTILAM) orabat, ne sibi factam contumeliam negligeret; sed perficeret, ut

S 2

illi

cœnis ritum, discas ex SVETONIO, Cap. LXXIV. 4. Conuiuia nonnunquam & seri-  
us inibat, & maturius relinquebat, cum conuiuæ & cenare inciperent, priusquam  
ille discumberet, & permanerent digresso eo. Cenam trinis ferculis, aut, cum abun-  
dantissime senis præbebat; ut non nimio sumtu, ita summa comitate. Nam, & ad  
communione sermonis tacentes, vel submissim fabulantes, prouocabat, & aut acroa-  
mata & histriones; aut etiam triuales, ex circo, ludios, interponebat: ac frequen-  
tissime aretalogos. Nunc tamen, aberant ab ATTILAE hac cœna, acroamata, histrio-  
nes, & nani. Consule, TRANQVILLI commentatores, PITISCV in primis.

c) Habes hic, & occasionem, & causas, promissæ Constantio vxoris. qua de-  
mum indigne fraudatus fuerat. quod hic excusat PRISCVS.

d) Scribe: Αθηνάϊς, seu Athinæis; sic enim vocata est Eudocia, Athanasii iunio-  
ris vxor, teste CEDRENO, & ZONORA. Pro Saturnillo quoque, Saturninum scribi  
mallem. Fuit enim Saturninus, Comes Domesticorum, qui Seuerum Presbyterum,  
& Iohannem Diaconum, quos Eudocia Augusta, vrbe Constantinopoli, Hierosoly-  
mam secum abduxerat, missus ab Imperatore Theodosio, occidit. Quod indigne  
ferens Eudocia, muliebri furore percita, Saturninum, prorsus obtruncari iussit, an-  
no Natalis Dominici CCCCXLIV. Theodosio XVIII. & Albino Coss. ut scribit MAR-  
CELLINVS, in Chronico. CEDRENV, supra dictos clericos, adulterii suspitione con-  
tactus fuisse, prodit. VALESIVS.

e) FLAVIVS ZENO: sic enim vocatur in Actis Concilii Chalcedonensis, Consul  
fuit, anno natalis Dominici CCCCXLVIII. Huius viri potentiam, satis declarant  
ea, quæ subiicit PRISCVS: eum scilicet, vnum, Imperatoris voluntati restitisse, cum  
magnas Isaurorum copias, circa se haberet, ad vrbs Constantinopolitanæ custodiam:  
& quæ PRISCVS Cap. II. §. XXV. commemorat: Sopitis omnibus cum Attila dissen-  
sionibus, vnicum Theodosio Imp. metum superfuisse, ne forte Zeno, tyrannidem in-  
uaderet. Hic postea, MARCIANI temporibus, interiit, suspectus rerum nouarum.  
Sic enim IORNANDES, de successione regnorum scribit de MARCIANO: Obitum Attilæ,  
& Zenonis Isauri interitum, antequam moueretur, felix comperit. DAMACIVS, in  
Isidori vita scribit: hunc ZENONEM, idolorum cultum restituere, & Christianorum re-  
ligionem abolere voluisse; sed violenta morte fuisse præpeditum. Nam, ex equo la-  
psus, crure fracto, non multo post, exspirauit. Et DAMACIVS quidem illum, Magnum  
orientalis militiæ Magistrum, adpellat: ὁ μέγας τῆς ἐν ὑστερηλάτης. Sunt ad hunc  
ZENONEM, Magistrum militum, & Consulem, duæ THEODORETI epistolæ, quibus  
necdum illum sacro Baptismate initiatum fuisse, testatur. Ceterum, ex hoc PRISCI  
loco, manifeste sequitur, hanc Maximini legationem ad ATTILAM, quæ hic lucu-  
lenter describitur, Zenone, & Posthumio Coss. sub exitum anni; quod confirmare  
etiam videtur MARCELLINVS, in Chronico; administratam fuisse. Certe PRISCVS,  
paullo post, §. XXII. fine, de Areomindo, tamquam superstitite adhuc, loquitur. qui  
sequenti demum consulatu obiit, teste eodem MARCELLINO. Idem.



illi vxor daretur, aut ea, quæ erepta fuerat, aut etiam alia, quæ dotem adferret. Quamobrem, per cœnæ tempus, *Barbarus* (f) iussit *Maximino*, vt Imperatori diceret: *Non oportere Constantium, sua spe falli; & ab Imperatoris dignitate alienum videri, mendacem esse.* Hæc *ATTILAS*, *Maximino* in mandatis dabat propterea, quod *Constantius* illi, ingentem pecuniæ summam daturum pollicitus erat, si eius studio, & opera, vxorem, e *Romanis* puellis, locupletem (g) duceret. Adueniente nocte, a cœna discessimus.

## §. XXII.

Tribus deinde diebus elapsis, muneribus (a) donati, dimissi sumus. *ATTILAS* quoque, *Berichum*, (b) virum e Scythiæ primoribus, multorum vicorum in Scythia dominum, & qui in conuiuio, eodem, quo nos, ordine, sed superiore loco, federat, nobiscum, legatum ad Imperatorem, misit. Hunc enim, & alias, *Romani* pro legato admiserant. Nobis autem iter conficientibus, & ad quendam vicum adpellentibus, captus est vir Scythia, qui a *Romanis* explorandi (c) gratia, in barbaram regionem descenderat, quem crucis supplicio affici *ATTILAS* præcepit. Postridie etiam, dum per alios vicos progredere-mur, duo, qui apud Scythas seruitutem seruiebant, manibus vincti post terga, trahebantur, quod his, quos belli casus, suæ vitæ, necisque dominos fecisset, vitam eripuissent. Hos, immixtis, inter duo cornua lignea, (d) capitibus, in cruce necarunt. *Berichus* (e) vero, vsque dum Scythia exiuius, communi, eademque via, nobiscum iuerat, & placidus, & amicus visus erat. Vt *Istrum* (f) traieimus, propter quasdam vanas causas, a seruis profectas, nos inimi-

f) Laudanda hæc *ATTILAE* cura est, atque contentio: quod *Constantii*, familiaris sui, rem, apud *Theodosium*, acriter adeo vrsit; nisi hoc, quidquid erat studii, iterum iterumque, *auri sacra fames*, exacuisset. Enim vero, si *PRISCO* credimus, partem dotis, quam *Constantius* vnice, atque cupidius multo, quam vxorem aucupabatur, capturum se, *ATTILA* sperabat. Nimirum: *Lucri sua vis odor ex re qualibet.* *Dicerii* originem, lege apud *SVETONIUM*, in T. FL. *VESPASIANO*, Cap. XXIII. 7. Huc respexit haud dubie *IUVENALIS*, Satyr. XIII. vers. 204.

g) Adeo, in aula *ATTILAE*, difficile fuit, quantævis dignitatis reperire hominem, qui non auro, argentoque, ad insaniam vsque, studuisset:

*Regis ad exemplum.*

a) Quod silet munera *PRISCVS*, parca esse oportuit, & pro ingenio *ATTILAE*, demensa. Sicuti adparet infra, equis constiterunt, atque pretiosis ferarum pellibus, quibus *Hunorum* reges, ad ornatum utebantur. Videtis, §. XXV. dona *Anatolio*, & *Nomio* data.

b) *Hunnis*, *Berek* dictum fuisse credo. quod *Hungaris*, dumum significat. Iterata is nunc legatione, ad *Romanos*, defungitur, homo Scythicæ reuera indolis.

c) Hæc istiusmodi offensæ, quales hic recenset *PRISCVS*, locum faciebant querelis, quibus se mutuo *Hunni*, & *Romani*, insectabantur: vt mirum haud sit, excanduisse frequentius, in tam irrequietos vicinos, *ATTILAM*.

d) Factum hoc ab *Hunnis* est; partim ad ignominiam; partim ad cruciatus supplicii augendos, vt inter lignea cornua, capita suffigendorum cruci, immitterent.

e) Quæ sequuntur, illiberalem, immo agrestem prorsus *Berichii*, seu *Bereky*, indolem testificantur. Mansuetiora omnia, magisque decora, tanti regis, quantus reuera fuit *ATTILA*, legatum decuissent. Scilicet:

*Quo semel est imbuta recens, seruabit odorem  
Testa diu.*

*HORATIUS*, Lib. I. Epist. II. vers. 69. 70.

f) *ISTER* proinde tunc, ex *Romanorum* sententia, determinator fuit, *Hunniaci*, & *Constantinopolitani*, imperii; sed reuera, & vltra *Istrum*, suæ *ATTILAE* fuere ditio-  
nes.



inimicorum loco habuit. Et primum quidem, equum, quem *Maximino* dono dederat, ad se reuocauit. Etenim, *ATTILAS*, omnes *Scythiæ* principes, qui in eius comitatu erant, donis *Maximinum* ornare iusserat, & vnusquisque certatim illi equum (g) contulerat, inter quos & *Berichus*. At ille, cum frugis se probare, & moderationis gloriam reportare studeret, ex equis oblatis, paucos acceperat, reliquos reiecerat. *Berichus* igitur, equum, quem *Maximino* dederat, ademit, neque deinceps eadem via ire, aut conuersari nobiscum instituit. Itaque, hospitalitatis tessera, in barbara regione contracta, eo usque progressa est. Hinc per *Philippopolim*, ad *Adrianopolim*, nobis iter fuit. In hac ciuitate, paulum moræ trahentes, & quiescentes, *Berichum* sumus sermone adgressi, & cum eo, quod tamdiu erga nos silentium tenuisset, exposulauimus. Itaque, eo placato, & ad cœnam inuitato, ab *Adrianopoli* mouimus. In itinere, *Bigilam*, qui in *Scythiam* reuertebatur, (h) obuium habuimus; quo edocto, quæ *ATTILAS* ad legationem nostram responderat, cœptum iter continuauimus. Vt *Constantinopolim* venimus, *Berichum* existimabamus, iram abieciisse; sed agrestis, & feræ suæ naturæ, minime est oblitus. Nam, *Maximinum* insimulauit, dixisse, *Areomindi* (i) & *Asparis*, exercituum ducum, auctoritatem, apud Imperatorem nullius esse ponderis, & cum barbarorum leuitatem & inconstantiam notasset, eorum gesta, in nullo pretio habenda.

## §. XXIII.

Reuersum *Bigilam*, (tum forte contigerat *ATTILAM*, in his locis esse, vnde profectus fuerat) circumstantes barbari, ad id præparati, comprehenderunt, & manus in pecunias, quas *Edeconi* adferebat, iniecerunt, & eum ad *ATTILAM* adduxerunt. Is, ex eo quæsiuit: (a) cuius rei gratia tantum auri adportasset? Ad subsidia rei familiaris, respondit, & vt eorum, qui mecum sunt, necessitatibus prouiderem, ne rerum necessariarum inopia, aut equorum, aut aliorum animalium, vecturæ aptorum, penuria, quæ per longa itinera deperierant, a studio obeundarum legationum, auocarer. Præterea, in redemptionem captiuorum. Multos enim ex *Romanis* a se magnopere petiisse, vt proximos suos redimeret. Cui *ATTILAS*: sed neque iam, *O dira bestia!* *Bigilam* adpellans; vllum tibi, tuis cauillationibus, iudicii subeundi, patebit effugium: neque vlla satis iusta, & idonea causa erit, qua meritum supplicium

T

euita-

nes. quod supra vidimus. Ergo, *Scythiam* terminabat, eâ tempestate *Ister*, non imperium *Hunniacum*: nam, huius termini, *Anatolio* demum, & *Nomio* legatis, infra §. XXV. definiti sunt ab *ATTILA*.

g) Donum videlicet militare, quo, nullum a se proficisci putabant, pretiosius: cum contra ea, *Hunni*, nihil, nisi aurum, qua se dabat occasio, venarentur.

h) Istiuc erat damnatus *Bigilas*, supra §. X. fine. proditarum insidiarum ignarus adhuc, vt *Constantinopolim*, cum *Esla*, rediret, transfugarum repetendorum causa, vt obtendebat *ATTILA*; reuera autem, vt pactum *Edeconi*, atque inter conspirationis socios, disperriendum aurum, adportaret. quod & secum habebat infelix homo.

i) De *Areomindo* nunc dixi. ad §. XXI. not. d.

a) Prudenter sane, pedetentim & gradatim, criminis, omnium maxime capitalis, inquisitionem, exorsus est *ATTILA*; vt quæstionibus irretitus *Bigilas*, non repererit, quo se verteret. Nempe:

*Sæpe in magistrum scelera redierunt sua.*

SENECA Thyeste, Actu II. vers. 311.

Decadis II. Monumentum I.



euitare possis. Longe enim maior summa est, quam, qua tibi sit opus ad sustentandam familiam; vel etiam, quam impendas in emptionem equorum, vel animalium, vecturæ aptorum; vel liberationem captiuorum: quorum tamen omnium, iam dudum *Maximino*, & his, qui cum eo erant, interdixi commercium. Hæc dicens, filium *Bigilæ* (is tum primum patrem sequutus, in barbaram regionem venerat) ense traici (b) iubet, nisi pater palam faceret, quem in vñum, & quam ob causam, tantum auri aduexisset. Ille, vt vidit filium morti addictum, ad lachrymas conuersus, ius implorare & ensen in se mitti debere, non in filium, qui nihil commeruisset. Nec cunctatus, omnia clandestina consilia, quæ a se, ab *Edecone*, & *Eunucho*, & Imperatore, in *ATTILAM* composita fuerant, aperuit, & ad preces prolapsus, orare & obtestari, vt se occideret, & filium, nihil promeritum, liberaret. Cum autem *ATTILAS*, ex his, quæ *Edecon* sibi detexerat, *Bigilam*, nihil mentitum, perspiceret, in vincula duci præcepit: a quibus non prius eum exsoluturum minatus est, quam eius filius, in eam rem dimissus, alias centum auri libras, (c) pro vtriusque liberatione, exsoluisset. Et *Bigilas* quidem, in vincula est coniectus; filius autem, ad *Romanos* rediit. Misit etiam *ATTILAS Orestem* (d) & *Eslam*, *Constantinopolim*.

## §. XXIV.

Hinc *ATTILAS*, illinc *Zeno*, *Chrysaphium* (a) ad pœnam deposcebant. Omnium autem in eum animis, & studiis inclinatis, (b) visum est, ad *ATTILAM* le-

b) Nequeo a me impetrare, vt credam, reuera hoc inusitato supplicii genere, scelus patris, in filio vlcisci voluisse *ATTILAM*: non est ita! confessionem, hoc iniecto metu, vaferrimo, sanguinolentissimoque homini, de instructis vitæ suæ insidiis, & harum administris, extorquere statuit. Fit interim toto die, vt:

*Crimina saepe luant nati scelerata parentum.* *EURIPIDES* apud *Plutarch.* Ergo, durities *ATTILAE* tota; si cura ac studium vitæ, regnique seruandi, tutandi aduersus sanguinolentas insidias, durities dicenda est; huc pertinebat, vt procliuem, facilemque sceleris cognitionem, faceret,

*Multa nam trepidus solet*

*Detegere vultus: magna, nolentem quoque,*  
*Consilia produnt.*

*SENECA Thyeste, Act. II. vers. 330.*

Neque enim ea feritate fuit *ATTILA*, quam in *Caligula*, Cæsare crudelissimo, notat *SVETONIUS*, Cap. XXVII. *Parentes*, inquit, *supplicio filiorum interesse cogebant. Quorum vni, valetudinem excusanti, lecticam misit; alium, e spectaculo pœnæ, epulis statim adbibuit, atque omni comitate, ad hilaritatem, & iocos, prouocauit.* Adde, *DIONEM*, LIX. p. 660. Et *SENECAM*, de *Ira*, II, XXXIII. p. 37. edit. *Lipsii* fol.

c) Tantillo auri pondere, bellum omnium futurum atrocissimum, suppressum, mirere Lector! Certe enim, haud crimini dari potuisset *ATTILAE*, si conflatas aduersum se, ab Imperatore, insidias, emptos item percussores, bello finibus *Romanorum* illato, vitus fuisset,

*Fremere iam totus suis*

*Debebat armis orbis:*

*Iam flammis agros*

*Lucere ac vrbes decuit; ac strictum undique*

*Micare ferrum.*

*SENECA Thyeste, Actu II. vers. 130.*

d) Vtrumque, legatione *Constantinopolitana*, iam ante perfunctum. Caput legationis fuisse credo, vt *Theodosio*, conflatum in *ATTILAM* scelus, exprobrarent, & metum, sequuturæ hinc calamitatis, iniicerent.

a) Hæc, ad Cap. I. §. IV. referenda esse, rerum nexus admonet.

b) Mos iste aulicorum est, vt, si quem valere apud principem, gratia cognouerunt;



LAM legatos mittere, *Anatolium*, & *Nomium*: *Anatolium* quidem, regionum tributorum præfectum, (c) & qui pacis, cum barbaro initæ, conditiones proposuerat; *Nomium* (d) vero, Magistri dignitatem gerentem, & in numerum patriciorum, vna cum *Anatolio*, adlectum. Eo illi, per omnes honorum gradus ascenderant. Missus vero est, cum *Anatolio*, *Nomius*: (e) non solum, propter dignitatis amplitudinem; sed etiam, quia erat beneuolus, in *Chrysaphium*, animo, & apud barbarum gratia, & auctoritate, plurimum valebat. Propterea, quod ad eius se rationes adiunxerat, cum ei, qui res, quæ tunc erant, componere cuperet, minime pecuniis parcendum esse, censuerat. Et illi quidem mittebantur, quo ATTILAM, ab ira dimouerent, (f) & pacis conditiones obseruare persuaderent. Qui dicerent quoque: *Constantio*, nuptum datum iri puellam, minime *Saturnilli* (g) filia, genere, & opibus inferiorem. Illam enim, minime gratum (h) huiusmodi matrimonium habuisse: itaque, secundum legem, alteri nupsisse. Nec enim apud *Romanos* fas esse, mulierem inuitam, viro collocare. Misit & *Eunuchus* aurum ad barbarum, quo mollius ab ira, deduceretur.

## §. XXV.

*Anatolius*, & *Nomius*, Istro transmissi, ad *Drenconem* (a) fluuium vsque, (sic enim adpellant) penetrarunt. Illic ATTILAS, pudore & reuerentia

T 2

tanto-

runt; quod de *Chrysaphio*, PRISCUS, supra Cap. I. §. III. p. 8. adseruit: hunc, etsi homo sit perditissimus; omni officiorum genere, prosequantur. qua hic felicitate usus est *Chrysaphius*.

c) Male CANTOCLARVS vertit: regionum tributorum præfectum. Ego, *Magistrum Militum Præsentalem*, interpretor. Fuerat hic *Anatolius*, antea, *Magister Militum Orientis*, vt testatur THEODORETUS, in epistola XLV. & MARCELLINUS, in Chronico. quo reuocato, vt *Præsentale Magisterium* adiret, Zeno Isaurus, in eius locum subrogatus est. PRISCUS, Cap. II. §. XXI. not. e. p. 71. *Valesius*.

d) Hæc verba perperam vertit interpretes; quia notionem verbi ἀναβαίνων, minime intellexit. Verte igitur: *Nomium* vero, ex *Magistro Officiorum* utrumque *Patricium*, quæ dignitas ceteris omnibus antecellit. Idem.

e) Totum hunc locum, qui ab interprete male acceptus est, ita verte: *Missus* vero est, cum *Anatolio*, *Nomius*, non solum, ob dignitatis amplitudinem; sed etiam, quia amicus erat *Chrysaphio*, & *Barbarum* muneribus capturus, sperabatur. Erat enim oppido liberalis, nec pecuniæ parcebat, vt negotium, quod semel susceperat, ad effectum perduceret. Idem. In aliam hæc interpretatio sententiam abit, & vti Græco textui prorsus respondentem, ita luculentam omnino. Ceteroquin, laus legati, si consentiant reliqua, non postrema est, si sit, cum ratione, liberalis.

f) Durum necessitatis telum! eadem hac tempestate, legatos ad ATTILAM, mittere, qua eum, paullo ante, in perniciosas insidias, *Romani* conabantur præcipitare. Præficta huc sane fronte opus fuit: præsertim, quod THEODOSIUS ipse, fax & tuba fuit maleficii. Sed, confidebant, auro placatum iri ATTILAM. quod & ita euenit.

g) Lege, *Saturnini*, iuxta §. XXI. notam d. p. 71.

h) Aut hæc falsa sunt, quæ in mandatis habebant legati, vt referrent ad ATTILAM; aut *Zenonis*, ob impeditum matrimonium istud, accusatio, quam habes, ante §. XXI. Ita tunc, cum se nefariis consiliis permiscere *Romani*, inter verum & falsum, irrequieti fluctuabant. Ecce enim *Theodosius*, bona puellæ, ira percitus, in fiscum redegit. Cap. I. §. IV. *fine*; si *Zenonis* intercessione, perturbatum fuit *Constantini* matrimonium? non video.

a) Habuimus fluuii mentionem supra, Cap. II. §. XI. vbi *Drecon* PRISCO dicebatur: hic *Drenconem*, nisi scribæ sit error, vocat. At IORNANDES, *Driccam* adpellat. de quo alibi plura coniectabimus.



tantorum virorum motus, (b) ne longioribus itineribus defatigarentur, cum illis collocutus est. Initio quidem, multa superbe, & insolenter differens, (c) tandem magnitudine munerum, (d) æquior factus est, & blanda legatorum oratione delinitus, se pacem seruaturum, secundum (e) conuentiones, iurauit. Se quoque omni regione (f) trans *Istrum*, tanquam *Romanorum* iuris, ditio- nisque, cedere, neque porro Imperatori, de profugis reddendis molestum fu- turum; modo *Romani* in posterum, a transfugis admittendis, temperarent. Liberauit & *Bigilam*, numeratis centum auri libris, quas *Bigilæ* filius, cum le- gatis in *Scythiam* veniens, adtulerat. Tum & *Anatolio*, & *Nomio* gratificans, quamplurimos captiuos, illis, sine vlllo pretio, concessit. Postremo, donatos equis, & ferarum pellibus, quibus *Scytharum* reges, ad ornatum vtuntur, (g) dimisit.

b) Adeone vero rusticus fuit ATTILA, vt *Anatolium*, *Nomium*que, insignes qui- dem dignitate, sed nouos tamen homines, pudore contactus, reuereretur? Aberat, & procul quidem aberat, ab ATTILA, infans hic pudor! Certe, istud idem posce- bat a Romanis, vt viros ad se, gratia dirimendarum controuersiarum, mitterent; non ex quolibet hominum genere; sed ex consularibus, quos liberet. Cap. I. §. III. p. 8. Pudor, enim, reuerentia est, inferioris erga superiorem; non contra. LIVIUS, V, 46. Ita reor; dedisse id magnanimitati ATTILAM, vt, cum iussis suis satisfactum sit à Romanis, missique sint ad se viri præcipuæ dignitatis, eodem eos loco, quo depre- hensus fuit, audiret, neque longis itinerum ambagibus, quod fecit alias, circum- duceret.

c) Dic, sodes, PRISCE! tecum enim res mihi nunc est: quid THEODOSIUS tuus facturus fuisset? si maleficii hoc genus, ATTILA in eum consciuisset; subornauisset, emtos, multo auro, percussores; atque sceleratissimum facinus, necessariæ obtentu legationis, tamdiu occuluisset? dum commode perpetraretur. Credo equi- dem, tametsi princeps fuerit moderatus, *Herculem* tamen *furentem* æmulaturum, eiusque cantilenam, suam facturum fuisse:

*Cur diem questu tero?*

*Maçtetur hostis!*

Nempe, in ATTILAM, ille, tanti architectum maleficii, omni furoris genere, tum demum sæuire desiisset, cum inuisum sibi caput, misisset ad tartara. Tu vero, mi PRISCE! *superbiam* dicis, atque *insolentiam*, quod concitatore forte oratione, de perfidia, de iuris naturæ ac gentium, neglectu, serio exposulauit, cum legatis. Quapro- pter, neque *superbe*, neque *insolenter*, actum ab ATTILA quidquam esse, fateare oportet. Immo, deses fere, ac lentus, in vlciscenda ea iniuria, existimandus est.

d) Id vero est, quod præfidentes, ac feroces subinde *Romanos*, aduersus ATTILAM, faciebat: quod experiundo didicerunt; auro, offensas omnes, apud placabilis animi principem, nullo negotio posse obliterari. Hoc ni fuisset, *Constantinopolis* profecto, & *Roma*, vel ruderibus nunc iacerent sepulta, vel iugum ferrent ATTILAE, ac barbarorum. At vero, *sic erat in fatis!*

e) Conuentiones has, recale Cap. I. §. II. p. 3. De formula iurisiurandi, vide Cap. II. §. III. p. 26.

f) MOESIAM vtramque, inde a *Singidone*, vtramque item THRACIAM, ad *Chersonesum* vsque cognominem, intellige. quas ille regiones, suo, & BLEDAE fratris ductu, bellis superioribus, euastatas, sui iuris fecerat. Vide, Cap. I. §. III. p. 7. not. 1. sequ.

g) Legant hæc, & apud animum, præiudicatis opinionibus vacuum, procul odio gratiaue, rite expendant, quibus, iniqua hætenus, de ATTILA fuit opinio: plane confido fore, vt fateantur, nihil hic residui fecisse, principem incomparabilem, quo non *Alexandro M. Iulio Cæsari*, *Augusto*, vel summis quibusque viris aliis, si non anteferri, saltem æquiparari, possit. Nam, insidias quidem, a *Theodosio* sibi structas, obliuione deleuit; pacem, dolis malis *Romanorum* conuulsam, instaurauit; bello partis regionibus, vltro, lubensque cessit; *Istrum*, disternitorem imperiorum,

nec re-



dimisit. Comitem illis addidit *Constantium*, vt Imperator re confirmaret, quæ verbis promiserat. Vt legati redierunt, & cum *ATTILA*, vltro citroque acta, transactaque percurrerunt, *Constantio* nuptui datur, quondam vxor *Armatii*, filii *Plinthæ*, (h) qui apud *Romanos* exercituum dux fuerat, & *Consulatum* inierat. Ille, in *Lybiam* profectus, acie cum *Ausorianis* (i) decertauerat, & prospere pugnarat: mox morbo correptus, vitam finierat. Eius vxori, forma, genere, & diuitiis conspicuæ, post mariti obitum Imperator, nubere *Constantio* (k) persuaferat. Sed, sopitis omnibus, ad hunc modum, cum *ATTILA*, controuersis, *Theodosium* (l) nouus timor occupauit, ne *Zeno* tyrannidem inuaderet.

§. XXVI.

Cum *ATTILAS* tributum, cum *Theodosio* conuentum, peteret, (a) aut bellum minaretur, & *Romani* se illi, per legatos satisfacturos, respondissent; missus est *Apollonius*. (b) Hic erat frater eius, qui *Saturnilli* filiam duxerat in vxorem, quam *Theodosius* *Constantio* promiserat, *Zeno* vero *Ruffo* collocarat, qui tunc in viuis esse desierat. Itaque, *Apollonius*, *Zenonem* cognatione contingebat, & ducis dignitate auctus, legatione functurus, ad *ATTILAM* missus erat. Sed, transmissis *Istro*, minime aditum ad *ATTILAM* nactus est. Etenim, *ATTILAS*, ira æstuans, (c) quod sibi tributum, & stipendium, a *Theodosio*, & optimis quibusque, rerum Imperatoris studiosis, & cupidis, constitutum, non solueretur, legatum minime admisit, eum, a quo missus erat, ludibrio habens.

U

Quo

nec rogatus, constituit; transfugarum, litigiosum illud negotium, sustulit; captiuos, sine lytro, restituit; legatos denique, & benigne habuit, & dimisit clementer.

h) De *Plinthæ* dixi, Cap. II. §. I. not. f. p. 25. qui, quod legationis, ad *RvAM*, *Hunnorum* regem, prouinciam, cupidius, quam pro rei dignitate, ambiebat; suspicionem sibi, apud æquos actionum existimatores, collegit, fidei, non vsquequaque integræ.

i) *AVSTORIANI*, seu *Austuriani*, gentes *Africae* propriæ, circa *Leptim*, & *Tripolim*. Memorantur *AMMIANO MARCELLINO*, Lib. XXVIII. Cap. VI. p. m. 417. vbi, trinam eorum, in *Romanorum* ditionem, crudelemque impressionem, fuscè memoratam leges.

k) Habet tandem *Constantius*, os, quod rodatur, vxorem, scilicet, diuitem.

l) *ZENONEM* hunc *FLAVIVM*, supra descripsit noster, §. XXI. sed & nos, præeunte *Henr. Valesio*, ibid. not. d.

a) Cape hinc argumentum *Lector*! qua fide, quaque constantia, pacis, toties cum *Hunnis* coalitæ, leges obseruarint *Romani*. Quanta moderatione, quanta item, augustalis animi significatione, priorem legationem, *ATTILA* acceperit, dimiseritque, nunc admirati sumus: at vero, quam se ingratum, durum, immo iniquum in *ATTILAM*, iterum iterumque præstiterit *Theodosius*, tardus sit oportet, qui non aduertat. Neque tamen erubescant *Romani*, si quid aduersi eis ab *Hunnis* euenisset, tyrannidis accusare *ATTILAM*; cum tamen fabri essent suæ ipsorum fortunæ. Nimirum, mercabantur illi quidem pacem; sed græca fide.

b) Fuit *APOLLONIVS* hic *Rufi*, eius, cui *Zeno* filiam *Saturnini*, præreptam *Constantio*, tradiderat, frater, vide §. XXI. *VALESIVS* existimat, eundem hunc *Apollonium*, qui nunc *Magister militum*, ob augendam legationis dignitatem, *Consulatum*, cum *Magno*, iniisse. Sunt, ad eum, aliquot *THEODORETI* epistolæ, qui etiam *Rufi* Comititis, meminit, Epist. LXXIX.

c) Habuit omnino, cur ira æstualet, aduersus *Theodosium*, cum quo nuper, pacem instaurauit, omnium æquissimam. Is iam, & tributa negat, stipendiaque, & bellum meditatur importune. quod, ex *Apollonii* oratione, hoc loco, adparet.

Decadis II. Monumentum I.



Quo tempore, *Apollonius*, magnanimi viri facinus ausus esse dicitur. Etenim, quamvis *ATTILAS*, minime ratam haberet eius legationem, neque sui conueniendi potestatem facere vellet; nihilo secius, dona, quæ ad eum ab Imperatore *Apollonius* adtulerat, sibi tradi (d) postulabat; ni daret, mortem illatorum minabatur. *Apollonius* autem respondit: (e) non decere, *Scythas*, in aliqua dubitatione versari: vtrum dona, an exuias accipiant, cum ea res esset in eorum arbitrio posita; indicans, dona quidem a lubentibus & volentibus, accepturos, si se tanquam legatum admitterent; sin minus, quæ eriperent, spolia potius, quam munera, censerī debere.

## §. XXVII.

MARTIANVS, (a) Romanorum orientalium Imperator, ad *Genferichum*, post *Romam* ab eo, *Auito* imperante, dirutam, legatos misit, qui iuberent: ab *Italia* vastitate abstinere, & vxorem *Valentiniani*, (b) & eius filias, in captiuitatem abductas, libertati restituere. Sed legati, re infecta, in orientem reuersi sunt, neque quicquam eorum, quæ a *Martiano* imperata fuerant, facere, aut liberare mulieres voluit. Quamobrem, *Martianus*, iterum litteras ad *Genferichum* scripsit, per *Bledam* legatum. Erat autem *Bleda* (c) Episcopus, hæreseos

d) Gratam, acceptamque *ATTILAE* hanc voluntatem habere debuerat, *Apollonius*, quod dona, quæ ex legationis more secum tulerat, in tributorum rationes imputare victor censuerit. Prædamnavit, hoc legati facinus, quisquis est eius fragmenti auctor, quod ex codice manuscripto, *Prisci* Eccløgis præmittitur: *Quomodo oporteat Legatos accipere, aut Legatos mittere*, quod consule circa finem. Non ergo mea quidem sententia, magnanimi viri facinus, hac sua obstinatione, edidisse censendus est.

e) Responsum hoc, quorsum valuerit, nescio; neque video aliud quidquam, eo patrauisse *Apollonium*, quam quod tributa, quibus pendendis obstricti erant *Romani*, fastoso *donorum* vocabulo, vt ægre faceret *ATTILAE*, adpellauerit, irritaueritque, præter rationem, crabrones. Egregium scilicet, magnanimi viri, facinus!

a) Quæ sequuntur, ad finem vsque fragmentorum *PRISCI*, non amplius, ad *ATTILAM* pertinent; recognoscenda erunt tamen, ne non intellecta, offensum dimittant Lectorem.

b) Quomodo in potestatem *Genferici*, *Valentiniani*, vidua, & duæ huius filia, *Eudoxia*, atque *Placidia*, venerint, discas ex *PROCOPIO*, de *Bello Vandalico*, Lib. I. p. m. 187. *EUDOXIA*, *Valentiniani*, quem *Maximus*, tyrannus, e medio sustulerat, vidua, tametsi in matrimonium *Maximi* consensisset; necem tamen prioris mariti, quam ei imprudens tyrannus, inter mutuos in toro amplexus, confessus fuerat, vltura, *Genfericum*, ex *Africa* aduocat, vtque eadem *VALENTINIANI* ferro persequeretur, ritu femineo, quam cupidissime rogat. *Genfericus* igitur, auaritia in primis permotus, speque opum maxime consequendarum, ingenti classe in *Italiam* adnauigans, *Romam*, nullo aduersante, facile ingreditur. Maximum, e vestigio *Romani* fugientem insectati, lapidibus obruunt, membratimque discerpunt. *Genfericus* vero, *Eudoxiam*, simul cum *Eudocia* & *Placidia*, eius ex *Valentiniano* filiabus, capit, gazamque omnem imperatoriam, in nauibus positam, secum in *Africam* tulit: ac, si quæ erant *Romæ* decora, inter quæ *Iouis Capitolini* regularum, ex ære auratarum, partem dimidiam, abripuit. Vnam vero, ex his nauibus, ubi statuæ fuerunt, tempestate periisse dicunt, ceteras incolumes in *Africam* delatas. E captiuis mulieribus *Eudoxiam*, *Honoricho* filio, *Placidiam* vero, *Olybrio*, nobili Senatori *Romano*, locauit: quam *Placidiam*, simul cum *Eudoxia* matre, rogante Imperatore Leone, *Constantinopolim* misit, qui post *Martianum*, *Asparis* opera, imperio successerat. Hæc *PROCOPIVS*; sed, de legatione *Martiani*, silet.

c) Fuit ea ætate, vulgatum *BLEDÆ* nomen, originis, vtī quidem reor, *Gorbicæ*, *Van-*



seos *Genferichi*. *Vandali* enim, *Christianorum* cultum, & religionem amplexi fuerant. Hic, ubi ad *Genferichum* accessit, atque alienum a sua legatione perspexit, in verba superbiora erupit. Non bene cessurum, licet illi secundæ res animos facerent, si bellum cum *Romanorum* Imperatore contraheret. Sed, neque vlla verborum lenitas, quantumvis a legato usurpata, neque incussus timor, illum ad vllam animi æquitatem, aut moderationem, vt mulieres redderet, pertrahere potuerunt. *Bledam* enim, irrita legatione, dimisit, & rursus in *Siciliam*, & proxima *Italiae* loca, exercitum immittens, omnem regionem vastauit. *Auitus* (d) quoque, *Romanorum* occidentalium Imperator, ad eum legatos misit, qui monerent, vt foederum, pridem cum illo initorum, meminisset, & vt ea sibi obseruanda statueret; sin minus, se, & domestico exercitu, & auxiliariis copiis fretum, bellum adparaturum. *Romani*, (e) in *Colchidem* profecti, bello aduersus *Lazos* decertant, nec multo post *Romanorum* exercitus, ad sua rediit. Cum autem Imperator denuo bellum repetere præpararet, consilium habuit; an eadem via insistens, an per *Armeniam*, *Persarum* ditioni confinem, fide prius a *Parthorum* Monarcha accepta, bellum inferret. Etenim, cum *Colchidis* ora esset importuosa, neque loca vadosa præternavigare posset, mare sibi vndequaue infestum existimabat. *Gobases* quoque, legatos misit ad *Parthos*, & ad Imperatorem *Romanorum*. Et *Parthorum* quidem monarcha, quia bellum illi erat cum *Hunnis*, quos *Cidaritas* vocabant, *Lazos*, ad se confugientes, reiecit.

## §. XXVIII.

Cum *Balamerus* (a) *Seytha*, foedera violaret, & *Romanorum* regiones depopularetur, & multas vrbes euerteret; *Romani* ad eum legatos miserunt, qui de pace violata quererentur, & vt deinceps, a vexanda incurfionibus *Romanorum* regione abstineret, decem & nouem auri libras illi quotannis solui constituerunt. Dicebat enim, suæ gentis multitudinem, rerum necessariarum inopia, ad bellum insurrexisse. *Genferichus*, (b) cum non amplius foederibus,

U 2

cum

cæ, *Vandalicæ*. quod, si ex *Germanicæ* linguæ, qualis fuit *Gotthorum*, & consobrinatorum populorum, significatione, interpreteris, *Blode*, infirmum, habetem, mollemque animo virum, notat. *Sarmatæ*, idem, vocabulo *Blady*, significabant.

d) FL. MAECILIUS AVITVS; nam ita referunt numi. Hunc *Maximus*, tyrannus, quem superiore nota b. *Genferico*, Romam, maleficio *Eudoxiæ*, occupante, occisum diximus, *Præfectum* prætorio, creauit; posteaque sublato *Maximino*, à S. P. Q. R. Imperator occidentis inauguratus, cum Imperatore orientali *Marciano*, & *Theoderico*, *Gotthorum* rege, foedus iniit: quorum societate fretus, hanc, ad *Genfericum*, legationem misit. IDATIUS. Fuit domi, militiæque spectatus, nobilissimo ortus genere; sicuti eum ad cælum tollit C. SOLL. SIDONIUS APOLL. in Panegyr. Lib. VII. Carm. VI. & VII. p. m. 74. seq. qui tamen, se ab assentatione abstinere non potuit: quippe, *socerum* dilaudans; *Papinnellam* enim, AVITI filiam, habuit in matrimonio. Senatum Romanum, Consulatu eum, vna cum imperio, quadrimestri post, abdicauisse, SAVARO, commentator *Sidonii*, adfirmat.

e) Geminata hæc, in *Colchidem*, aduersus *Lazos*, expeditio *Romanorum* orientalium fuit. De *Colchide*, & *Lazis*, vide Cap. I. §. VII. not. a. p. 15.

a) CAUE BALAMBERVM hunc, regem illum *Hunnorum* fuisse putes, qui toti *Hunniaco* imperio dedit exordia, atque regnandi ordine, *Mundzaccum*, ATTILAE patrem, anteiuit. Non est ita! Quis vero tandem? Discas id, ex Historia MALCHI, de rebus Byzantinis, in cuius fragmentis, multa, de eius actibus, scitu dignissima, legas. *Valamir* dicitur IORNANDO, in Geticis. Filiorum ATTILAE debellator.

b) De his *Genferici* expeditionibus, lege PROCOPIVM, de *Bello Vandalico*, Lib. I. p. m. 188. seq.



cum *Maioriano* (c) pactis, stare constituisset, *Vandalorum*, & *Maurusiorum* multitudinem, ad vastationem *Italiae* & *Siciliae*, immisit. *Marcellinus* (d) enim, iam ante insula cesserat, propterea quod maiorem exercitus sui partem ei *Richimerus* (e) abduxerat, & militibus eius pecunias largiri, (erant autem fere omnes *Scythae*) quo illis persuaderet, a *Marcellino* deficere, in animo habebat. Itaque, *Marcellinus* *Sicilia* excefferat, veritus tum insidias, tum ne, si cum *Richimiro* certandum illi foret, saluis sibi insulae opibus, minime se recipere posset. Missa est igitur ad *Genferichum* legatio: tum a *Richimero*, ne foedera violaret: tum ab eo, qui apud Romanos in oriente rerum potiebatur, (f) vt ab *Italia*, & *Sicilia* abstineret, & regias mulieres redderet. *Genferichus* vero, multis ad eum, ex diuersis partibus, legatis missis, non ante mulieres liberauit, quam maiorem natu sororem *Valentiniani*, *Eudoxiam* nomine, *Honorico* filio desponderet. Tunc enim *Eudoxiam*, *Theodosii* sororem, remisit cum *Placidia*, altera eius sorore, quam duxit *Olybrius*. Neque eo secius *Italiam*, & *Siciliam* *Genferichus* vastare destitit; sed multo magis post mortem *Maioriani*, cum *Olybrium* ad imperium occidentis prouehere, propter (g) adfinitatem ex nuptiis, cogitaret.

## §. XXIX.

Sub *Leone*, Romanorum Imperatore, legatus pro *Italibus*, ad *Vandalos* profectus est *Tatianus*, in patriciorum numerum conscriptus. Ad *Persas* vero, *Constan-*

c) FL. IULIUS MAIORIANVS, apud *Rauennam*, post *Auitum*; occidentis Imperator iussus a militibus, *Marciano*, *Constantio*, & *Rufo* Cos. teste *Marcellino*, in *Chronico*. Non diu produxit imperium: nam anno quidem quarto, *Dagalaifo*, & *Seuerino*, Consulib. apud *Detronem* fluuium interemtus est. *Idem*. Vide plura, apud *BARONIUM*, in A. C. CCCCLVIII. n. 2. 3. Apud C. SIGONIUM, de Occidentali Imp. Lib. XIV. Tom. Opp. I. p. 519. seq. Apud nostrum denique, Cap. I. §. VIII.

d) MARCELLINVS magnarum opum, quas in *Dalmatia* parauerat, possessor. Hunc *Leo III.* ad vindicandam ab direptionibus *Vandalorum* *Sardiniam*, miserat. Sed, cum isthic, ob segnitiam, an perfidiam *Basilisci*, qui bellum in *Africa*, aduersus *Genfericum*, administrabat, nec quidquam profecisset, e *Sardinia*, in *Siciliam* transgressus, ibi a *Vandalis* oppressus est. *Idem* l. c. 535.

e) RICHIMERVS, qui & *Ricimerus*, vir fuit illustris, Comes, Magister vtriusque militiae, & Patricius. Eius facinora, in rebus *Maioriani*, & *Seueri*, Augustorum: quos utrosque, illum vi, hunc veneno, sustulit, scriptores meminerunt. Cetera, quae aduersus *Genferici* impressiones in *Italiam*, sublato *Seuero*, gessit, satis testantur; non prudentiam viro defuisse, neque fortitudinem; sed moderationem, & ex æquo administrandi omnia, consilium. Leges *Sigonium*, l. c. *Anthemi* demum Augusti gener factus: foedum dictu, quam diris modis afflictarit Imperatorem, mittem eum, ac forte etiam, in propulsandis iniuriis, lentum. Enim vero, obsessum in vrbe, augustalem socerum, atque post longam obsidionem, captum, nulla sanguinis, nulla diadematis ductus ratione, maleficientissime interemit.

f) LEO is fuerat, cui *Genfericum*, *Eudoxiam*, & *Placidiam*, ad has eius preces misisse, periodo superiori, nota h. ex *PROCOPIO*, memorauimus.

g) Constabat nimirum, adfinitatis hoc vinculum, geminis, *VALENTINIANI* filiarum, *Eudoxiae*, & *Placidiae* nuptiis. quarum illam, *Honorico* filio suo, collocauerat *Genfericus*; hanc *Olybrio*, Senatori potentissimo: quo eum auctoramento, in suas partes studebat illicere; mox & Imperatorem occidentis facere. *PROCOPIVS* ibidem, p. 189. Atque, creatus fuit omnino *Olybrius*, in locum *Anthemii*, occidentalium *Romanorum* Imperator; sed qui mense, post inaugurationem, septimo, sua morte functus est. quemadmodum in litteras retulerunt, *MARCELLINVS* Comes, *IDATIUS*, *CASSIODORVS*, *PAVLLVS Diaconus*. C. SIGONIUS, de occidentali Imp. Lib. XXIV. Tom. Opp. II. p. 543.



*Constantius*, (a) tertium Consul, & vna cum Consulatu, patriciatus dignitatem sortitus. Et *Tatianus* quidem, a *Vandalis*, intra breue tempus, re infecta, reuersus est. *Constantius* vero *Edeſſæ*, (b) quæ vrbs est in *Romanorum* ditione posita, & *Persis* contermina, substitit, in qua longo tempore commoratus est, cum eum admittere *Parthorum* rex differret. Tandem *Parthorum* rex, *Constantium* legatum, qui longo tempore *Edeſſæ* substiterat, in suam regionem admisit, & ad se venire iussit. Et rex quidem tunc temporis minime in vrbibus, sed in confiniis regionis suæ, & *Hunnorum Cidaritarum*, (c) moram trahens, cum *Hunnorum* rege bellum gerebat, propterea, quod *Hunni* minime tributum

X

infere-

a) Habet PROCOPIVS, Lib. I. initio de *Bello Persico*, alterius mentionem legationis, quam *Zeno* Imperator, ad *Perosem* miserit. Eius caput *Eusebius* quidam fuit, qui, quod regem *Persarum* bello itidem *Hunniaco* implicitum apprehendit, cum *Constantio* isthoc, permiscendus haud est.

b) EDESSA, an Mesopotamiæ sit oppidum, in leua *Euphratis* situm, vti est apud PTOLEMAEVM; vel *Cælosyriæ* vrbs, quod habet PLINIVS: non disputo; quamvis pronum fortassis fuerit adfirmare; ab vtraque regione potuisse nomen hærescere, vrbi eidem: quippe quæ, in confiniis, non longe a *Tauri M.* radicibus sederit. Lege CHRISTOPH. CELLARIJ *Geographiæ Antiq.* Lib. III. Cap. XV. p. 723. seq. Enim vero, *Edeſſa* Macedoniæ, nihil iststhuic adtinet.

c) Meminimus *Hunnorum Cidaritarum*, Cap. I. §. IX. not e. PROCOPIVS, auctores item alii, *Euthalitas* Hunnos adpellant, & abs reliquorum *Hunnorum* tribubus, peculiari cum laude, discriminat. Nec, vt reliqui *Hunni*, Nomades sunt, vitam ager-tes pastoralis; sed optimam iam pridem incolunt regionem. Hi, nunquam in *Romæorum* terram, nisi cum *Persarum* exercitu, sunt ingressi, solique *Hunnorum albi* sunt; neque item sædi adpectu, neque ferarum modo, vt illi, viſitantes; sed sub vno degentes principe, politicam agunt vitam inter se, & cum vicinis suis, ius, sas-que colunt, æque ac *Romani*, & alii omnes. Fortunatiores inter eos, vsque viginti amicos habent, seu plus, si contingat. qui consuetudine continuo sunt; quibusque communis pecunia, & potestas simul est. Decedentem ex iis aliquem, ad sepulchrum ef-ferri mos est. Ita de his PROCOPIVS, loco, quem nunc laudauimus. THEOPHYLACTVS SYMOCATTA, non *Euthalitas* solum, sed cum *Ἐμφάσι*, *Nephtalitas* etiam adpellat, Lib. VII. Cap. VII. p. 174. B. edit regia. Quod ei fini commemoro, vt OTROKOCSII sententiam, Orig. Hung. Parte I. Cap. XIII. quam ibidem in nota expromit, locus sit recognoscendi. Subiit, inquit, ex hoc, animum meum eiusmodi cogitatio: annon hæc pars *Hunnorum*, ad septentrionalem orientem *Persicæ*, originem suam debeant, parti cuidam *Israëliitarum*; in primis tribui *Nephtalim*; a *Salmanassare*, an-nis circiter DCCXXXVIII. ante CHRISTVM natum, in *Assyriam*, & subiectas ei tunc regiones; *Mediam*, *Scythiæ* conterminam, aliasque. 2. Reg. XVIII, 11. abductorum, ac successu temporis, cum *Scythiæ* quibusdam populis mixtorum. Verum, cum non habeam aliunde huius coniecturæ argumenta euidentia; sufficiat nunc, obiter hic in margine adnotasse, vt viris eruditis, occasionem vltius de hac re discurrendi, præbeam. Fateor, inesse coniectationi huic, non plane nihil verosimilitudinis: in primis, si non sola etymologia, sed reliquo simul rerum habitu, quæ fuerunt cum deporta-tione *Israëliitarum* coniunctæ, quæque eam consequutæ sunt postea, nitatur, firmeturque. Huc ego retulerim: religionis *Iudaicæ* ritus, ad has gentes propagatos; sicut *Circumcisionis* ad *Colchos*: linguæ *Hebraicæ* cognationem, ad populos septen-trionales prolatam; quod adparet, in *Lingua Hungarica*, quæ *Hunniacæ* ingenua suboles est: atque cum primis, quod ad Hunnos *Nephtalitas* adtinet: corporis ha-bitudinem; quod *albi* erant: morum integritatem, ethnica maiorem: ac forte *Cidarim* ipsam, sacerdotibus, quin & genti *Hebrææ*, vſitatam; a qua *Hunnos Cidari-tas* dictos, PRISCO præeunte, supra coniectando monuimus; nunc vero, parum ab-est, quin etiam atque etiam adfirmemus.

Decadis II. Monumentum I.



inferebant, quod illis olim *Persarum*, & *Parthorum* reges, impostuerant. Et regis *Hunorum* pater, tributum illationem renuens, bellum exceperat, quod quidem una cum regno, ad filium transmiserat: donec *Persis*, longiori bello defatigatis, venit in mentem, bellum cum *Hunnis* fraude finire. Itaque, *Peroses* (sic enim *Persarum* rex vocabatur) ad *CONCHAM*, (d) *Hunorum* regem, misit, tanquam vellet cum illis pacem firmare, & armorum societatem iungere, & illi, suam sororem dare in uxorem. Illa enim erat tum forte adhuc iunior, neque dum, hic liberos ullos sustulerat. Quibus sermonibus, cum *Conchas* esset adensus, non illi quidem nuptui tradita est *Perosis* soror; sed alia mulier, (e) regio cultu adornata. Hanc autem *Persarum* rex misit, tanquam, si nihil eorum, quæ fingeantur, enuntiaret, regiae felicitatis participem futuram; si minus, & simulata detegeret, mortis supplicium subituram. Non enim licere *Cidaritis* imperanti, uxorem habere servilis conditionis, pro ingenua, & nobili. Cum igitur, his conditionibus, *Peroses*, pacem cum *Hunorum* rege sanxisset, non illi diu sua fraus utilitati & fructui fuit. Mulier enim timens, ne, si forte per alios de sua conditione certior fieret, pessima se morte mulctaret, commentum indicavit. *Conchas* vero, mulierem ob veritatem detectam laudans, eam in uxorem habere perstitit; sed dolum sibi factum, vicilici conari, in animo habens, contra finitimos bellum gerere simulavit. In quo sibi viris opus esset, non quidem ad militiam aptis; (infinitam enim sibi horum adesse multitudinem;) sed his, qui eos in aciem educerent, & bellum administrarent. *Peroses* vero, principes, & ex suis illustriores, ad eum misit, quorum alios, *Cidaritarum* Imperator, trucidavit; alios, truncatos ad *Perossem* remisit, qui renunciarent, has illos, commissæ ab eo fraudis ergo, poenas luisset. Itaque, inter ipsos, multo acrius, quam antea, bellum est excitatum, & omnibus viribus depugnarunt. In *Gorga* (f) igitur, (hoc enim erat loco nomen, in quo tunc forte *Persæ* castra metabantur) *Constantium*, *Peroses* excepit. Quem, postquam per quosdam dies laute, festiuique tractasset, nullo grato, & consentaneo ad legationem dato responso, dimisit. *Leo* Imperator, *Genferichum*, barbararum gentium ducem, per nuntium (g) de de *Anthemiis*

d) Nomen hoc regis, in casu recto paullo post, *CONCHAS* sonat. quod vere *Hunniacum* esse, nemo, nisi nostri sermonis ignarus, negaverit. Atque idem istud vocabulum, pure pute *Hungaricum* est, a primitivo obsoleto, *Tsonk*, seu *Csonk*, quod truncatum quid notat; & ab hoc ortum, *Tsonka*, mutilatus, truncatus: ut adeo *Hungaris* vocabulum *Csonkás*, mutilum significet. qualis forte rex iste *Cidaritarum* fuit.

e) Dirum oppido facinus, atque illi simile, quod apud *HERODOTVM* legas, Lib. III, 1. 2. 3. edit. *IACOBI GRONOVII*, p. 159. seq. Quod *Labanus*, eadem hac fraude *Iacobum* circumvenit, facinus omnino patrauit, indignum viri integritate; idem tamen, & intra familiam substitit, neque in offensam tunc dimanavit aliorum; & quodammodo, per decori leges extortum *Labanus*, causari poterat; excusatus omnino, quam *Peroses*, peccasse censendus est: cum ille quidem generum tantum offenderit, mox iterum reconciliandum; iste, gentem colliserit cum gente, bellumque, turpi hac fraude consopitum tantisper, ad eum modum inflammaverit, ut, cum sibi, tum toti exercitui suo, exitium nihil dubitavit accelerare. Non meminit, turpissimæ fraudis, *PROCOPIVS*; sed miserabilem tamen *Perosis*, una cum exercitu, ac XXX. filiis, occasum, prolixè describit. Lib. I. p. 121. de *Bello Persico*, ab *Hunnis Cidaritis*, procuratum. quem illic cognoscat *Lector*.

f) *GORGA*, *Hunorum Eutbalitarum* vrbs, in *Persis* finibus, uti est apud *PROCOPIVM*, Lib. I. de *Bello Persico*, p. m. 118. seq.

g) Nun-



themii imperio, certiore fecit, (h) eique bellum indixit, nisi *Italiam*, & reginas liberas dimitteret. Rediit autem nuntius, & retulit, nolle ipsum denuntiationi parere; immo, eo magis bellum adparare, quod iuvenes (i) *Romani* fœdera transgressi essent.

g) Nuntium, eam legationem præcessisse, cuius ad §. XXVII. not. b. p. 78. meminimus, & quo inductus *Genfericus*, liberas, *Eudoxiam* matrem, & *Placidiam*, Constantinopolim, ut auctor est *PROCOPIVS*, dimisit.

h) Huc ventum fuit, ut terrarum domina, *ROMA*, ne principem quidem, qui rebus conuulsis moderaretur, sibi posset sufficere; sed necessum habuerit, eum a *Leone* Augusto, Constantinopoli mitti. Is erat *FL. ANTHEMIVS*, gener *Marciani*, *NICEPHORVS CALLISTVS*, Lib. XV. Cap. XI. IDATIUS in Chron. opibus & genere magnus, *PROCOPIVS*, Lib. I. de *Bello Vandal.* quæ eius, ad capeffendum diadema, missio, incidit, *Cusæo*, & *Iobanne* Cofs. A. V. MCCXIX. obiectus, captus, atque indigna nece, a *Fl. Richimero*, genero suo, vide §. XXVII not. e. *Marciano* & *Tessio* Cofs. A. V. MCCXXIV. occisus est. Hac interim, ad breue imperium admoti *Anthemii*, vsurus occasione, *Leo*, ad *Genfericum*, misit nuntium, sicuti meminit *PRISCVS*. Sed, furdo iterum iterumque, cecinit fabulam.

i) IUVENES ROMANOS, contemtum *Constantinopolitanos*, adpellat: quippe qui, epocham suam, a *Constantino* M. sint exorfi: id quod, non ignorabat barbarus.

F I N I S.







CHRONOTAXIS  
IN  
PRISCI RHETORIS  
EXCERPTA DE LEGATIONIBVS.

1. **R**OVAS, Hunnorum rex, cum *Amaldsuros, Irhamaros, Teneassios, Boiscos*, ceterosque Istri accolas, propter initam cum *Romanis* societatem, bello adgredi contendit: *Eslam*, qui Scythas profugos repeteret, *Constantinopolim* misit. *Cap. II. §. I. p. 24.* A. C. N. 429.
2. *Plintbas*, & *Dionysius*, exercituum duces, & viri consulares, legati ad ROVAM, Hunnorum regem, nominantur. *l. c.* 430.
3. ROVA mortuo, Hunnorum regnum, ad ATTILAM peruenit. ad quem, *Plintbas*, ex Scythia oriundus, legatus mittitur, eique, *Epigenes*, sapientiæ laude celebris, socius legationis adsciscitur. *§. I. p. 25.* 434.
4. Legati Romanorum, apud MARGVM Mœsiæ, foedus cum *Hunnis* reparant, & pro trecentis quinquaginta; septingentas auri libras, quouis anno, tributî nomine, *Scytharum* regibus promittunt. *l. c.*
5. HVNNI, foedus initum, præstito ritu patrio, iureiurando confirmant, redditosque sibi, *Mamam*, & *Aracam*, ex regio genere Scythas, profugos, in *Carso*, Thraciæ castello, crucis supplicio adficiunt. *§. II. p. 26.*
6. Pace cum *Romanis* facta, ATTILA & BLEDA, ad subigendas gentes Scythicas profecti sunt, & contra *Sorosgos*, bellum, communibus opibus, viribusque, mouerunt. *l. c.*
7. *Scythæ*, mercatus tempore, *Romanos* adorti, in *Illyricum* irruperunt, & *Viminacium* Mysorum ceperunt; propterea, quod *Margi* Episcopus, in fines suos transgressus, thesauros regum expilasset. *Cap. I. §. I. p. 1.*
8. MARGI Episcopus, veritus, ne Scythis dedatur, in Scythiam confugit, & urbem, *Scytharum* multitudini prodidit. Ab eo tempore, barbarorum res, in diem auctiores fuerunt. *l. c.*
9. ATTILA, Hunnorum rex, propter negatum, a THEODOSIO iuniore, tributum exulesque, Romanorum fines vastauit, & in *Ratiariam* urbem, irruptionem fecit. *§. II. p. 2.*
10. THEODOSIVS, Senatorem, virum consularem, legatum ad ATTILAM mittit, qui, itinere maritimo, per *Odyssenorum* ciuitatem, *Hunnos* adiit. *Cap. II. §. III. p. 26.*
11. Post *Chersonensem* pugnam, *Romani*, cum *Hunnis*, pacem, per *Anatolium* legatum, his conditionibus fecerunt: *Profugi* *Hunnis* reddantur: sex mille auri libræ, pro præteritis stipendiis, soluantur; duo mille & centum, in posterum, singulis annis, tributî nomine pendantur: pro uno quoque captiuo Romano, qui in Romanorum fines, non soluto redemptionis pretio, euasisset, duodecim aureorum multa inferatur. *§. II. p. 3. 4.* 438.
12. Post pugnam *Chersonensem*, tam atrox, & acerba calamitas, Romanos excepit: ut, propter tributa & paupertatem, multi sibi violentas manus intulerint; aut aptato collo laqueo, vitam finierint. *l. c.*
13. *Romani*, missis per *Scottam*, ad Scythas, thesauris, multos ex profugis, qui dedi reluctabantur, trucidarunt, inter quos, & præfectum *Scytharum*, regii generis. *§. II. p. 5.*
14. *Acintbuntii* Thraciæ, qui parca a *Scythis* spolia, sibi vindicabant, multosque ex *Hunnis*, in seruitutem abduxerant, barbaros captos, accepta a Scythis fide, dimiserant. *l. c.*
15. Pace facta, ATTILA rursus, legatos ad *Romanos* orientales mittit, & transfugas repetit. *§. III. p. 6.*



16. ATTILA, vanis legatorum mittendorum occasionibus excogitatis, iterum, tertium, & quartum, legatos ad Romanos exmittit: vt, necessarios suos, Romanorum liberalitate, ditaret. *l. c.* 440.
17. Romani, animis fracti, ATTILAM, propter Parthorum, Vandalorum, Isaurorum, Saracenorum, ac Aethiopum metum, colebant, eique, in omnibus, dicto audientes erant. *§. III. p. 6. 7.* 445.
18. EDECON Scythia, cum Oreste Romano, qui, Pœoniam ad Sauum incolebat, legatus ab ATTILA, ad Imperatorem missus, transfugas repetit, & prouinciam Masæ, bello captam, Hunnis vindicat. *§. III. p. 7.* 447.
19. Chrysaphius Eunuchs, EDECONEM legatum, per Bigilam interpretem, auro corrumpere, & vti ATTILAM, e medio tollat, ad perpetrandum facinus, inducere studet, ac fere inducit. *§. III. p. 7. 8. 9.*
20. EDECONI, aurum, ad perpetrandum facinus, promittitur, & Maximinus, legatus ad ATTILAM, cum Bigila interprete, decernitur. *Cap. I. §. III. p. 10. II. §. IV. p. 27.*
21. Maximinus, PRISCVM RHETOREM, socium itineris eligit, & viam, in Scythiam, Serdicam versus, cum EDECON, atque ORESTE, barbarorum legatis, domum redeuntibus, init. *Cap. II. §. IV. p. 27. 28.* 448.
22. Inter Romanos, atque Hunnos, simulas quædam, apud Serdicam suborta est, propterea, quod THEODOSIVS, cum Deo: ATTILAS, cum homine, a Bigila comparatus, & neque Orestes eodem, quo EDECON, honore, donisque adiectus fuerit. *§. IV. p. 28. 29.*
23. MAXIMINVS, Naissum accedens, Istrum versus contendit, superatoque lembis Istro, & iter quindecim stadiorum emensus, in campum, saltibus interiectis, diuisum, ad tentoria ATTILAE peruenit. *§. IV. V. p. 29. 30.*
24. Hunni, ad inuadendos Romanorum fines, tanquam ad venationem, progressi sunt. *§. V. p. 30.*
25. MAXIMINVS, quoniam Scytharum primoribus, causam susceptæ legationis adperire nolebat: Constantinopolim reuerti iussus est, cum comitibus suis. *§. V. p. 31. 32.*
26. EDECON, comparatam ab Imperatore, & Eunuchis, in ATTILAM coniurationem, detegit, indicataque auri quantitate, quæ eam in rem destinata est: Romanæ legationis causam enuntiat. *§. VI. p. 32. 33.*
27. SCOTTA, Onesegii frater, PRISCI RHETORIS persuasione, & spe accipiendorum a Romanis donorum, permotus, Maximino legato, accessum ad ATTILAM procurauit. *§. VII. p. 33. 34.*
28. ATTILA, admissum in conspectum sui, Maximinum legatum, sedens in cathedra lignea, audiuit, coniectisque in Bigilam probris & conuitiis, omnes Scythicæ nationis transfugas, reddi sibi imperauit. *§. VIII. p. 34. 35. 36.*
29. Bigilas, cum Esia, qui transfugas Scythas reduceret, simul & destinatam EDECONI pecuniam adferret, Constantinopolim mittitur. Maximinus legatus, Onesegii reditum ex Acatziris, exspectare iubetur. *§. VIII. IX. X. p. 37. 39.*
30. ONESEGIUS, cum seniore, ex ATTILAE filiis, ad Acatziros mittitur. apud quos, Caridachus, vnus ex regulis, ad ATTILAM confugit, sublatisque, Hunnorum auxilio, correptis, imperium obtinuit. Quo tempore, ATTILA Catiscorum regionem, in potestatem suam redegit, eique seniore ex filiis Dengischitium, præfecit. *§. X. p. 39.*
31. ATTILA, ducta in uxorem Esæ filia, ad loca, magis ad arctum vergentia, profectus est. quem, Maximinus legatus sequutus, per planitiem patentem iter fecit, superatisque, Drecone, Tiga, & Tiphisa, fluminibus, ad vicum, in quo vna ex Bledæ vxoribus habitabat, peruenit. *§. XI. p. 39. 42.*
32. Romulus comes, & Prinutus, Norici præfectus, legati ad ATTILAM, a Valentiniano III. occidentis Imperatore, causa vasorum aureorum, mittuntur. quibus, Tatullus, ORESTIS pater, priuati officii causa, semet adiunxerat. *§. XII. p. 42. 44.*
33. ATTILAE regia, in magno quodam vico, ex tabulis, eximie politis, structa fuerat. in quam, aduentanti regi, puellæ, odas Scythicas cantantes, obuiam



obuiam prodibant; vxor autem ONESEGI, magna ancillarum multitudine comitata, opsonia & vinum offerebat ATTILAE aduentanti. *f. XIII. p. 44. 46.*

34. PRISCUS RHETOR, exmissa ab Imperatore dona, ad ONESEGIUM defert, & interea, dum in conspectum herois barbari admittitur, cum *Mysio* quodam *Viminacensi*, & ONESEGI domestico, ante ædes, prope ad regiam constructas, de *Scytharum*, atque *Romanorum* institutis, colloquitur. *f. XIV. XV. p. 46. 51.*

35. ONESEGIUS, acceptis ex *Prisci* manibus donis, ad *Maximum* accessit, eique roganti, ut ad dirimendas controuersias, quæ inter *Hunos*, atque *Romanos* subortæ fuerant, æquum arbitrum se præberet, respondit: maiore adiumento se *Romanis* futurum; si domi remanens, iracundum domini animum placaret; quam si, ad eos accedens, criminationi se obiceret. *f. XVI. p. 51. 53.*

36. PRISCUS, dona fert ad CRECAM, *Attilæ* vxorem, & trium filiorum matrem. quæ, in interioribus regiæ, in molli stragula iacens, ancillas, telas coloribus, ex aduerso, variegantes, famulorum multitudine circumsepta, obseruabat. *f. XVII. p. 53. 54.*

37. ATTILA grauis vultu, incedens cum *Onesegio*, sedit pro ædibus, & lites multorum, qui eum adierant, diremit; deinde domum reuersus, barbararum gentium legatos ad se admisit. *f. XVII. p. 54.*

38. PRISCO RHETORE, cum *Valentiniani* III. legatis, de potentatu ATTILAE differentibus, *Romulus* adfirmavit; ATTILAM, totius *Scythiæ* dominatum sibi comparasse, &, ad Oceani insulas vsque, imperium suum extendisse; iamque in eo victorem *Hunnum* esse; ut, & *Romanos*, præstatione tributorum obnoxios habeat; & *Medos*, *Parthos*, atque *Persas*, dominatui suo subiiciat. *f. XVII. p. 54. 57.*

39. ATTILAE, tantæ erant copiæ, quas, nulla gens sustinere potuit. cui, non parua potentæ accessio contigerat, ex eo: quod *Martis* ensis, a *Scytharum* regibus olim cultus, bouis ministerio detectus fuerit. *f. XVII. p. 56. 47.*

40. ONESEGIUS, cum *Prisco Rhetore*, de legato, ad *Hunos* exmittendo, colloquitur, & *Maximum*, ad ATTILAM deducit. qui, non alium, quam, aut *Nomium*, aut *Anatolium*, aut *Senatorem*, legatum ad se admissurum, adfirmavit. *f. XVIII. p. 57.*

41. Legati *Romanorum*, cum orientalium, tum occidentalium, ad conuiuium ab ATTILA inuitantur. in quo, delibato ante cœnam calice, hospites, qui accubuerant, lautius, argentea & aurea vsi supellectile, epulabantur; ATTILA contra, in quadra lignea, carnes edens, bibensque ex poculo ligneo, moderatum se in omnibus præbebat. *Cap. II. f. XIX. p. 57. 68.*

42. In conuiuio ATTILAE, quoties illata mensæ fercula consumta fuerant: toties, conuiuatores, in pedes erecti, adfurrexerunt, ebibitoque, cum præstatione salutis ATTILAE, calice, sedes suas repetierunt. *f. XIX. p. 60.*

43. Sublatis dapibus, primum, duo viri *Scythæ*, virtutes bellicas, & victorias ATTILAE, carmine *Scythico*, recitabant; postea, *Mimi*, mores, actusque hominum, mordaci sale perfricabant; postremo; *Zerchon Maurusius*, non solum forma & habitu corporis, verum verbis etiam, confuse prolatis, conuiuatores in risum concitabat ATTILA, inter accumbentium hilaritates, semper eodem vultu permanente; præterquam, quod *Innachum* filium iuniorem, placidis & lætis oculis fuerit intuitus. *f. XIX. p. 65. 68.*

44. Die sequente, *Maximinus*, ONESEGI interuentu, reditum ab ATTILA impetrat, a RECCAM, ATTILAE vxore, ad cœnam inuitatus. *f. XX. p. 68. 69.*

45. Postridie, *Maximinus*, ab ATTILA, eodem, quo prius ritu, in cœna, ad hilaritatem excitatur, adpellaturque: *Vti Imperatorem moneret; quo promissam Constantio Scribæ, vxorem locupletem, mitteret.* *f. XXI. p. 70. 71.*

46. *Maximinus*, muneribus donatus, dimittitur, eique *Berichus* *Scythæ*, ATTILAE, ad *Theodosium*, legatus, adiungitur: qui tamen, superato *Istro*, neque eadem cum *Romanis* via ire; neque cum iis conuersari, voluit. *Cap. II. f. XX. p. 72. 73.*

47. *Bigilas*, reuersus *Constantinopoli* in *Scythiam*, a barbaris comprehenditur, conuictusque coniurationis in caput ATTILAE, conicitur in vincula, non alias



non alias in libertatem adferendus, quam, si centum auri libræ, pro eius, filii- A. C. N.  
que liberatione, exsolutæ fuerint. §. XXIII. p. 73.

43. *Bigila*, insidiarum in *ATTILAM* manifeste conuicto, *ATTILA*, ablati ab  
eo centum auri libris, *Orestem*, & *Eslam*, legatos, ad Imperatorem misit, &  
*Corysaphium Eunuchum*, qui aurum ad perpetrandum facinus miserat, ad sup-  
plicium dedi poposcit. Cap. I. §. IV. p. 27. II. §. XXIII. p. 74.

49. *Anatolius*, & *Nomius*, viri summo loco positi, legati ad *ATTILAM* 449.  
mittuntur. qui, partim muneribus, partim legatorum oratione placatus, &  
pacem, secundum conventiones confirmavit, & *Bigilam*, numeratis centum  
auri libris, liberavit, & *Constantio*, dimissis legatis, uxorem locupletem, apud  
*Romanos* collocari præcepit. §. XXIV. XXV. p. 74. 76.

50. *ATTILA*, cum, & *Martianus*, qui *Theodosio*, in oriente successerat, 450.  
tributum; & *VALENTINIANVS*, qui in occidente imperabat, *Honoriam* sororem,  
sibi negauerat: bellum, aduersus vtrumque *Romanorum* imperium, decreuit,  
primo tamen exercitum, in occidentem duxit. Cap. I. §. V. p. 12.

51. *ATTILA*, opem, seniori *Franciæ* hæredi, aduersus iuniorem, post obi- 451.  
tum patris laturus, in occidentem irrupit: ante vero, quam eam expeditio-  
nem ingrederetur, denuo *Honoriam*, cum parte imperii, in matrimonium sibi  
dari, per legatos imperavit. Cap. I. §. V. p. 12.

52. *Romani* orientales, *Apollonium* legatum, cum muneribus ad *Hunnos*  
mittunt. qui aditum ad *ATTILAM* minime nactus, dum exmissa a *Martiano*  
dona, tradi nihilominus postulabantur, respondit: si, tanquam legatus admit-  
teretur, ea se adlaturum; sin minus, ea, quæ sibi eripientur, spoliolum po-  
tius, quam munerum loco habiturum. Cap. II. §. XXVI. p. 77.

53. *ATTILA*, vastata *Italia*, *Romanorum* Imperatori in oriente, bellum de- 454.  
nuntiavit. *Ardaburius*, *Asparis* filius, cum *Saracenis* in *Asia*, de pace tracta-  
uit. Cap. I. §. V. p. 13.

54. *Blemyes*, & *Nubades*, in *Africa* a *Romanis* victi, pacem a *Maximino*  
exorant, eoque paullo post mortuo, rursus prouincias *Romanas* excursioni-  
bus vastant. Cap. I. §. VI. p. 13. 14.

55. *MARTIANVS*, orientalium Imperator, missis ad *Vandalos* legatis, 456.  
*Genferichum*, vt ab *Italia* vastatione abstineret, & uxorem *Valentiniani*, eius-  
que filias, libertati restitueret, vrsit. ad quem, dum litteras, eius rei causa,  
per *Bledam* episcopum, iterum scripsisset: *AVIRVS*, *Romanorum* occidentalium  
Imperator, eundem quoque per legatos monuit, vt initorum secum foederum  
meminisset. Cap. II. §. XXVII. p. 78. 79.

56. *Romani*, in *Colchidem* profecti, bello aduersus *Lazos* decertabant, 457.  
quod illi, suscepto per *Armeniam* itinere, repetebant iterum. Cap. II. §.  
XXVII. p. 79.

57. *Gobazes*, *Lazorum* in *Colchide* rex, ad monarcham *Parthorum*, au-  
xiliorum causa confugit. quem tamen ille reiecit, propterea, quod sibi bel-  
lum cum *Hunnis* *Cidaritis* fuerat. Cap. II. §. XXVII. p. 79.

58. *Gobazes*, *Colchidis* rex, missis ad *Romanos* orientales legatis, re-  
gnum filio cessit, ipse in *Romanorum* regionem transgressus. Cap. I. §. VII.  
p. 15. 16.

59. *MAIORIANVS*, *Romanorum* occidentalium Imperator, deuinctis sibi 458.  
foedere *Gothis*, in *Lybiam*, cum magno exercitu penetrare tentavit, transacta-  
que cum *Vandalis* controuersia, per legatos, terram *Maurusiorum*, igni ferro-  
que vastauit. Cap. I. §. VIII. p. 16. 17.

60. *Genferichus* rex, coactam *Vandalorum*, & *Maurusiorum* multitudi- 461.  
nem, in *Italiam* ac *Siciliam* immisit. Orientalium *Romanorum* legatione pla-  
catus, *Eudociam*, *Valentiniani* sororem, *Honoricho* filio desponsauit; *Olibrium*,  
post mortem *Maoriani*, ad imperium occidentis euehere studuit. Cap. II. §.  
XVIII. p. 79. 80.

61. *Marcellinus*, qui bellum aduersus *Gothos*, in *Gallia*, fortiter gesserat,  
*Romanis* occidentalibus in suspicionem venit. *Genferichus*, *Vandalorum* rex,  
*Italiam* pressit. Vtriusque rei causa, legati a *Romanis* *Hesperius*, ad orientales,  
missi sunt. Cap. II. §. VIII. p. 16. Y 2 62. Gen-



62. *Genferiebus*, Valentiniani, & Aetii bona, *Honorie* petens nomine, A. C. N. Siciliam ac Italiam, infesto exercitu inuasit, Romanis orientalibus, auxilia aduersus *Vandalos*, eo quod, foedus cum eisdem fecerant, negantibus. *Cap. I. §. VIII. p. 17.*
63. *Saraguri*, *Vrogi*, *Hunoguri*, propriis sedibus eiekti, & *Sabios*, atque *Hunos Acatburos* adorti, post reportatam de vtraque gente victoriam, legatos, nanciscendae societatis causa, ad Romanos miserunt. *Cap. I. §. VIII. p. 17.*
64. Legati, ex Italia, & Perside adueniunt, quorum illi, Italiam, a *Vandalis* premi; isti, complures Persarum, in Romanorum ditionem confugere, *Magos*, Romanorum incolas, in religionis suae cultu, impediri; pecunias ad custodiam arcis *Ierouach*, & bellum, contra *Hunos Cidaritas* gerendum, a Romanis, haud conferri oportere nunciabant. *Cap. I. §. IX. p. 17. 19.*
65. Sub LEONE Imperatore, *Tatianus*, pro Italis, ad *Vandalos*; *Constantinus*, tertium consul, ad Persas, legati mittuntur. *Cap. I. §. X. p. 19. II. §. XXIX. p. 80. 81.*
66. *Peroses*, rex Persarum, bellum aduersus *Hunos Cidaritas* gessit. quo finito, ambientem sororem regiam, *Conchae*, Hunnorum regi, mulierem aliam, regio cultu ornatam, misit. quam *Hunus*, ob fraudem detectam, uxorem quidem retinuit: euocatos tamen ad militiam Persarum illustriores; ut fraudis commissae poenas luerent; partim trucidauit, partim truncatos domum remisit. *Cap. II. §. XXIX. p. 81. 82.*
67. Inter Persas, & *Hunos Cidaritas*, bellum ad *Gorga* geritur. Vbi, *Constantinus*, Romanorum legatus, a *Perose*, Persarum rege, excipitur. *Cap. II. §. XXIX. p. 82.*
68. Post incendium Constantinopolis, *Gobazes*, stola Persica indutus, cum *Dionysio*, Constantinopolim venit. quem Imperator comiter amplexus, dimisit. *Cap. I. §. X. p. 19. 20.*
69. *Sciris*, & *Gothis*, acie decertantibus, LEO Imperator, iussit praefectum *Illyrii*, copias auxiliares, *Sciris*, aduersus *Gothos* praebere. *Cap. I. §. X. p. 20.*
70. DENGISICH, & IRNACH, *Attilae* filii, legatos ad Leonem Imperatorem mittunt. quibus, re infecta, in *Scythiam* reuertentibus, Hunni, bellum Romanis indicere volebant, *Irnacho* prudenter idem auersante. *Cap. I. §. XI. p. 20. 21.*
71. *Saraguri*, *Acatbiris*, aliisque gentibus adgregati, per *Portas Caspiae*, in Iberiam, & Armeniam, irruerunt, obiectamque regionem vastarunt. *Cap. I. §. XII. p. 21.*
72. Persae, bello, aduersus *Hunos Cidaritas* gesto, & *Saragurorum* excursionem permoti, Romanos denuo sollicitant: ut sibi, vel pecuniae, vel milites, ad custodiam arcis *Ierouach* mitterentur: quorum tamen neutrum, a Romanis fuerat promissum. *Cap. I. §. XII. p. 21.*
73. DENGISICHIVM, *Attilae* filium, bellum aduersus Romanos, in regione cis *Istrum*, molientem, LEO Imperator, per legatos placauit, eumque, in foedus & societatem, adsciuit. *Cap. I. §. XII. p. 21. 22.*
74. LEO Imperator, *Genferichum*, Vandalorum regem, de ANTHEMI imperio, certiores fecit, eique, nisi Italiam, & reginas dimiserit, bellum denuntiat. *Cap. II. §. XXIX. p. 82. 83.*
75. *Gothi*, in locum abruptum & concauum, a ducibus Romanis conclusi, & *Calealis Hunni*, oratione subdola, in caedes mutuas conuersi, ab exercitu Romano delentur. *Cap. I. §. XIII. p. 22. 23.*
76. *Lazi*, in *Colchide*, bello aduersus *Suanos*, & Persas, impliciti, auxilia ex militibus, qui *Armeniae* oram tuebantur, mitti sibi, a Romanis petierunt. *Cap. I. §. XIV. p. 23. 24.*
77. Persae, *Balaam*, vrbe *Scytharum* expugnata, *Hunos Cidaritas* vicerunt: id quod illi, Imperatori, verbis magnificis, per legatos nunciabant. *Cap. I. §. XIV. p. 23. 24.*

F I N I S.



PAVLLI GREGORIANCZII  
ZAGRABIENSIS ET IAVRINENSIS EPISCOPI  
BREVIARIUM RERVM HVNGARICARVM  
HISTORICO GEOGRAPHICVM.

*NUNC PRIMUM*

Ex obsoletis authoris schedis eruit, & notis passim illustratum,  
in Adparatum Historiæ Hungariæ retulit,

MATTHIAS BELIVS.

*ACCESSIT*

TRIPLEX APPENDIX,

Atque harum præcipua,

DE IAVRINO RECUPERATO

CARMEN & ORATIO luculenta, in sollemnibus Argentoratensis  
Academiæ ἐὺχαριστῶς, A. M. DXC. VIII. ab Illustribus Adoleſcen-  
tibus, dicta.

DECADIS II. MONVMENTVM II.

---

POSONII, apud Heredes Royerianos, Anno MDCCXLVI.



EXCELLENTISSIMO  
REVERENDISSIMO ILLVSTRISSIMO  
DOMINO,  
**DOMINO FRANCISCO**  
E COMITIBVS  
**ZICHY DE VASONYKÖ,**  
PERPETVO IN HOMONNA,  
**EPISCOPO IAVRINENSI,**  
ET COMITATVS COGNOMINIS,  
PERPETVO SVPREMO COMITI,  
SACRAE CAESARAE REGIAEQVE MAIESTATIS  
ACTVALI INTIMO CONSILIARIO,  
**DOMINO LONGE GRATIOSISSIMO,**  
Felicitatem, perpetuitatem, ex animo precatus:

ISTVD  
PAVLLI GREGORIANCZII,  
PRAESVLIS QVONDAM IAVRINENSIS,  
**BREVIARIVM RERVM HVNGARICARVM,**  
CVM  
IAVRINO RECUPERATO,  
*Demississime dedicat, Musasque suas insinuat,*  
MATTHIAS BELIVS,  
REGIARVM SOCIETATVM SCIENTIARVM, LONDINENSIS,  
ET BEROLINENSIS, COLLEGA.



P R A E F A T I O  
A D A M I C V M L E C T O R E M.

**P**AVLLVS GREGORIANCZIVS, cuius BREVIARIUM RERVM HVNGARICARVM, nunc primum, ex schedis suis, eruderamus, Zagrabiensis, atque inde, Iaurinenſis, Eccleſiae fuit Episcopus: sed qua gente editus, ignoramus; nisi forte Slauum, aut Croatam, cognominis vocabulo adductus, velis credere. quod & istud suadet, quod, primos sacerdotiorum gradus, hic, alibiue supergresso, via, ad sedem Zagrabiensem, adaperſa est. Nobili loco natus, certo persuasi sumus: eo, quod in diplomatibus, quae in tabulariis transdanubianae regionis, passim occurrunt, subinde PAVLLVS de GREGORIANCZ, dicitur. quod nobilis praerogativae ortusque fuerit indicium. Atque, hunc ego gentis suae decorem, auctoramento fuisse, adolescenti adhuc, existimo, ut, bellicosissima illa, qua adolevit, aetate, elegantiora litterarum studia, sacra praesertim, cum domi, tum peregre, omni studio curaue, animo complecteretur, fieretque capeſſendis sacris honoribus idoneus.

II. Et in Episcopo quidem Zagrabiensi, NICOLAO OLÁHO, ad metropolitanam sedem Strigoniensem, inde, anno MDLIII. translato; post intercalatum aliquantisper Wolfgangum Gyulas; uti non obscuris indiciis conicimus; anno demum MDLIV. successor datus est. Sed, ita tunc fuerunt ecclesiarum fata, ut nequiverint, eosdem praesules, quos regum indulgentia, nactae sunt, retinere diutius. Ergo, neque GREGORIANCZIO, diuturna esse potuit sedes haec Zagrabiensis: quippe, qui FERDINANDI I. providentia, tunc ad Iaurinensem concessit; cum Franciscus Ujlaky, eiusdem regis voluntate, Agriam transferretur. Ea, enimvero, tempestate Iaurinensi tiara, honestatus est GREGORIANCZIVS. SZENTIVANIVS certe auctor est, ad diem XV. Maii anno MDLIV. ab urbe confirmatum fuisse; sed de his, viderint alii.

III. Hic, cum, & Ecclesiae rebus, & provincia, universim toti, cum laude, & summa omnium adprobatione, moderaretur, BREVIARIUM isthoc RERVM HVNGARICARVM concinnavit. Nempe, juere iam tum, Nicolai Oláhi Commentarii de Hungaria, in doctorum manibus: quibus GREGORIANCZIVS, diligentissime, quin ita usus est, ut raro, ea aetate, exemplo, in succum eos & sanguinem, quod dicitur, verteret, atque penitus suos faceret. Ita enim ingenuus est noster, ut aperte id, neque a quoquam adpellatus, confiteatur: praeter morem aetatis, quam vivimus, eruditorum quorundam, qui lucubrationes alienas, tanta adcuracione, atque silentii fide, sciunt in rem suam vertere; ut deſerare malint; quam, unde, cuiusue beneficio, ac curis, in suis molitionibus profecerint, grato animo, & procul plagii suspicione, ex vero confiteri. Neque captum id, GREGORIANCZIO: quippe, rerum patriarum studiosissimo; indecorum esse potuit, quasi, qui alienis pennis voluerit turgescere. Praeterquam enim, quod, sicuti Breviarium istud, intra museum sollicitissime continebat, ut secum perpetuo habitaret; ita, prorsus crediderim, pro eius aetatis indole, noluisse, virum summum, laureolam in mustaceo quaerere.

1 PERSII, (a) in nostro mens fuit, canentis:

Non equidem hoc studeo, bullatis ut mihi nugis,  
Pagina turgescat, dare pondus idonea fumo.

Hinc ista, & moles opusculi, & compendiosa rerum, sed curate digesta, breuitas.


IV. Atque hic ille est commentariolus, quem inuito forte, si superaret in rebus humanis, GREGORIANCZIO, ederemus, qui iam in lucem publicam, neminis iniuria, protruditur. Duplex eius fuerit utilitas: quarum, in hos redundabit altera, qui filiam



Rerum Hungaricarum, opacam eam adhuc, neque satis studiose sublucata, ingressuri, plenius earum habitum volent pernoscere: his enim, cum fructu præibit, præferetque faculam. Ad eos pertinebit altera, qui, seu Hungariam ipsam, seu res in ea gestas, seu utraque simul, animo complexi, memoria, non raro, vacillant: nam, & his ex facili suggeret, in quam, hæc illaue, rerum periodum, reponi, vel, apud scriptores luculentiores, si opus sit, fufius recoli, cognoscique possint exaggeratius. Hinc est, partiendi ea diligentia, quam schedis his, quantulacunque sint, inducendam putauimus. Nam, cum GREGORIANCZIVS, satis habuit, ordinem, quem animo conceperat, exprimere; nos, quæ ille, perpetua serie, haud confuse tamen, in litteras retulerat; ut, & legerentur expeditius, & quæsitæ occurrerent facilius: in suas singula partes, periodos, atque incisa, eum in modum dispesceremus, ut auctori quidem ipsi, vis nulla fieret, lucis contra adfunderetur plurimum. Notulas, adpersimus paucas, atque id locis admodum iis, ubi, vel a vero aberratum fuisse, aduertimus, vel id rationes poscere videbantur aliæ.

V. Denique, libellum, quantus quantus est, BREVIARIUM RERUM HUNGARICARUM, HISTORICO GEOGRAPHICVM, visum est inscribere: non tam, ut imitaremur veteres, EVTROIPIVM nempe, & SEXTVM RVFFVM; quorum uterque, Historiæ Romanæ Breuiarium nobis reliquere: quam, ut ex ipso titulo, Lectores, de tota opella possent existimare. Quam, quod re vera Breuiarium refert, atque mole est exilior, quæ monumentis, a nobis iam editis, respondeat, appendicibus augendam duximus. quarum duæ quidem priores, ex iisdem schedis Gregorianczii, nunc primum prodeunt, & tametsi argumenti sint insoliti, dignæ tamen, quæ legantur: tertia, LAVRINVM RECUPERATVM, & carmine memorat, & oratione soluta. Prodierunt in orationibus MELCHIORIS IVNII, Professoris Eloqu. Argentoratensis: unde, totam accessionem hanc, mutuati sumus. Argentoratensi enim in Academia sollemnia illa, anno maxime memorabili, M. D. XC. VIII. magna obibantur celebritate; ut æquum duxerimus, ea recognoscere iterum, & res laurini, quas fusc recolimus suo loco, (b) tanto reddere exaggeratiores, quo magis momenti historiæ accedit, si alienigenarum simul confessione, adfirmetur. Vale, amice Lector! & nisi fastidis hæc nostra, iis utere, frueri. PISONII, anno M. DCC. XLVI. Calendis Martii.

b) Hungariæ Nouæ, Tomo V. in Hist. Comit. Laurinens. quæ pridem propitiâ Lucinam expectat.







# PAVLLI GREGORIANZII,

IAVRINENSIS, ET ZAGRABIENSIS EPISCOPI,

BREVIARIUM  
RERVM HUNGARICARVM  
HISTORICO-GEOGRAPHICVM.

PARS PRIOR,  
HISTORICA,

Periodus I.

ETHNICA.

Synopsis.

**H**unorum genus, a Noacho ductum: & primus eorum, in Europam, aduentus. Pannonias bello occupant. Primus Hungarorum rex ATTILA: eius insolens titulus; expeditiones in orientem: in Italiam: denique mors inopinata. Filii ATTILAE.

|      |                                                                                                                                                                                   |     |
|------|-----------------------------------------------------------------------------------------------------------------------------------------------------------------------------------|-----|
| I.   | Aditit prioribus Hunnis, denuo e Scythia erumpunt: ductu septem Capitaneorum: eorum nomina: coadunantur Hunnorum priorum reliquiis: Hungarorum familiae, a Capitaneis propagatae. | V.  |
| II.  | Arpad, quos genuerit duces: Zoltan, Toxon, Geyza, S. Stephanum.                                                                                                                   | VI. |
| III. |                                                                                                                                                                                   |     |
| IV.  |                                                                                                                                                                                   |     |

§. I.



OE, cuius tempore fuit Diluvium generale, tres Hunnorum habuit filios: Sem, Cham, & Iaphet. Cham ha-genus, a Noacho ductum: huit filium, Chus vocatum. Iste genuit Nemroth, robustum illum venatorem. Ex Nemroth geniti sunt: Hunor & Magog: ex Magog vero (a) Magyari, quod Scythica lingua, Hungarum sonat. qui, in Scythia, regione septentrionali, per

a) Peruulgata hæc, scriptorum Hungaricorum, opinio est. Conferantur, FRANCISCI



Primus eorū  
in Europam  
aduentus:

per multa tempora, latissime regnauerunt, multiplicati, in *centum*, & *octuaginta partes*, siue *tribus*. Quorum multitudinem, dum regio illa non caperet, elegerunt ex omnibus tribubus, sex viros insignes: *Belam*, *Keme*, & *Kaydicha*, filios cuiusdam *Cbele*; ac *ATTILAM*, *Keme*, & *Budam*, filios *Bendegurz*, quibus ex qualibet tribu, decem millia armatorum, adtribuerunt, sicque, collecto exercitu, *decies centum*, & *octuaginta millium*, emisertunt ex Scythia, nouas quærere regiones. Qui duces, anno \* Domini CCCLXXIII. VALENTINO Imperatore occidentis; VALENTE vero, orientis, DAMASO Papa sedente, egressi ex Scythia, per multas gentes, & per *Comaniam Nigram*, quæ nunc *Moldauia* dicitur, vsque ad ripam Tybisci amnis, peruenerunt, fixis, in eo loco, tentoriis.

Pannonias  
bello occu-  
pant.

§. II. PANNONIAS tunc diuersæ gentes incolebant. quarum præfectus, *Matrinus* quidam erat, vir longe potens, qui audito aduentu Scytharum, implorauit auxilium *Detrici*, qui in Germania regnabat: & sic ambo confederunt in loco *Zázabalom*, prope *The-ten*; vbi primo, per *Hunnos* fugati, in valle, deinde *Thárnok* dicta, eosdem *Hunnos*, in fugam verterunt, quo loco, vnus ex ducibus, *Keme* est occisus. Deinde, ad oppidum *Tbolna*, facto prælio, *Matrinus* occisus est; *Detricus* vero, sagitta ictus, profugit *Veronam*. Tres enim duces, *Bela*, *Keme*, & *Kaydicha*, mortem oppetierunt. Post hanc victoriam, *Hunni* vniuersæ Pannoniæ imperare cœperunt, & anno Domini CCCCI. \* *ATTILAM*, in regem elegerunt.

Primus Hun-  
garorum Rex  
ATTILA:

Eius inso-  
lens titulus:

Expeditio-  
nes in orientem:

Occidentem:

§. III. *ATTILA* (b) igitur, primus Hunnorum rex, posuit sedem suam in *Sicambria* ciuitate, & profecturus ad bellum, reliquit in Pannoniis loco sui, *Budam* fratrem, sumto sibi tali titulo: *ATTILA*, filius *Bendegurz*, *Nepos magni Nemroth*, in *Engaddi nutritus*, *DEI Gratia Hunnorum, Medorum, Gothorum, Dacorum Rex, metus orbis, flagellum DEI*. Inuadit primo, ferroque & igni vastat nobilissimas regiones, ac clarissimos populos, prout quique, vicini erant, *Illyricos*, *Myfos*, *Achiuos*, *Macedones*, & *Thraces*. Reuertitur postea in *Sicambriam*. Deinde, quietis impatiens, progressus, vastat *Austriam*, *Bauariam*, *Sueuiam*, & vniuersas, quæ inter *Rhenum*, & *Danubium* sunt, proterit ciuitates, & inter *Constantiam*, & *Basileam*, *Sigismundum* principem profligat; *Argentynam* diripit & diruit. Postea, traiecto *Rheno*, Gallias vastat, & in Hispanias, vsque *Bethicam* & *Hispalim*, penetrat armatus, & in campis *Catbalaunicis*, cum re-ge po-

CISCI FORIS OTROKOCZII Orig. Hungaricarum, Parte I. Cap. IX. p. 325. Sed, de vera posterorum Noë successionē, consule omnino, eruditissimi SAMVELIS BOCHAR-TI, Opp. Tom. I. siue PHALEG & CANAAN.

b) Res ATTILAE excussimus, Decade I. Monumento III. p. 59. seq. cum in COELII CALANI DALMATÆ ATTILAM commentaremur: & in DECAD. huius II. Monumento I. proxime antegresso, in ATTILA, *Missis*, acceptisque *Legationibus Illustri*. quorum lectores, non iniuria, dimittimus. Ceteroquin, in errore sunt Scriptores Re-rum Hungar. quando, primum Hunnorum Regem, ATTILAM constituunt. Nam, præcessere omnino ATTILAM: *Balamber*, qui primus ex Scythia Asiatica, *Hunnos*, in Europam transduxit; *Bendegurz*, siue *Mundzuccus*, Attilæ & Bledæ pater; *Vlden*, seu *Huldin*; qui *Honorio* Imperatori, aduersus *Radagaisum* auxiliabatur; *Suphtar*, quem alii, *Ostar* vocant; denique, *Ruas*, siue *Roua*, seu *Rugila*. Tum demum, rebus potitus est ATTILA. Igitur, quinque Reges, prælusere ATTILAE.



ge potentissimo, Theodorico, & Aetio, crudelissimo & sæuissimo omnium prælio, configit, ac expugnatis multis vrbibus, regreditur Sicambriam; vbi fratrem Budam, eo quod ciuitatem, & arcem Budensem, de suo nomine adpellauerit, occidit; & in Danubium proiicit. Et dum aliquantulum quieuiſſet, poſt annos quinque, quietis impatiens, Italiam inuadit, & deuastat. Reuerſus poſtea Sicambriam, Regis Baſtrianorum filiam, Mykolam, ducit vxorem, in cuius amplexibus dum dormit, vino ingurgitatus, naris profluuiſſo, ſuffocatur, anno Domini CCCCXLV. anno ætatis ſuæ, centeſimo vigesimo quarto, alii dicunt, anno ſeptuageſimo quarto.

§. IV. Poſt mortem ATTILAE, imperium remanſit penes filios eius, quorum vnus vocabatur, Aladar; alter vero Chaba; ſed, dum Aladar præualuiſſet, & electus fuiſſet in regem, tunc Chaba alter filius, cum magna parte Hunnorum, rediit in Scythiam.

§. V. Hoc itaque modo, dum Pannonia, ſiue Hungaria, per multos annos, ſub diuerſis principibus, multiplicem fuiſſet experta fortunam, Hunnique ipſi admodum fuiſſent extenuati; accidit poſtea, alter (c) egreſſus ipſorum ex Scythia. Hunni enim Pannonici, miſſis oratoribus in Scythiam, effecerunt, vt longe plures, ex Scythia ſecundario egreſſi fuerint, ſub Septem Capitaneis. quod accidit, anno Domini, ſeptingenteſimo ſexageſimo ſeptimo. Capitaneorum autem hæc fuerunt nomina: Primus Capitaneus fuit ARPAD, filius Almi, filii Elend, filii Vgegh, ſiue Ew, filii Edemen, filii Chaba, filii ATTILAE. Secundus Capitaneus fuit ZABOLCH. Tertius Capitaneus fuit GYULA. Quartus Capitaneus fuit KEVVD. Quintus Capitaneus fuit LÉL. Sextus Capitaneus fuit VERBVLCHO. Septimus dicitur fuiſſe nomine VRSS. Iſti ſeptem Capitanei, adiunxerunt ſe Hunnis Pannonicis, & conſederunt proprie in Dacia, quæ Tranſilvania dicitur, poſitis ibidem ſeptem caſtris; vnde etiam nunc ipſa Tranſilvania, ſeptem caſtrorum nomen habet. Et ab iſtis ſeptem Capitaneis, inſignes quædam familiæ per Hungariam propagatæ & denominatæ ſunt, quarum nonnullæ etiam nunc durant, prout eſt familia Edemffy, quæ a Capitaneo Edemen præfato, duxit originem. Item familia Gyulay, quæ proceſſit a Capitaneo Gyula. Item familia Kendy, dicta ab illo Capitaneo, qui Keund adpellatus eſt: & ſimiles quædam familiæ & loca, prout eſt Comitatus de Zabolch. (d)

§. VI. In hoc igitur ſecundo egreſſu Hunnorum ex Scythia, primus ille Capitaneus ARPAD, quaſi princeps aliorum fuiſſe dicitur, & ex

c) Tres Hunnorum fuiſſe, ex ſedibus ſuis, egreſſus, paſſim docuimus: atque ante nos, NADANYVS, & laudatus OTROKOSI, Orig. Hung. Part. I. Cap. III. V. VI. Hunnorum, ſcilicet; Hunno-Abarum; & denique Hungarorum. Et integro ſeculo ante, LEONHARDVS VNCZVS, in libris Poëmatum, de rebus Hungaricis, qui carmine elegiaco prodiere Cracouia, anno MDCXXXVIII. fol. duod.

d) Confer de Septem his Ducibus, Chronica M. IOHANNIS THVRÓCZII, Parte II. Capitibus prioribus IX. pag. 30. ſeqq. atque Editionis nouæ Lipſienſis, p. 4. ſeq. vbi, de Septem Ducibus, Hiſtoriam Anonymi, BELAE regis notarii, reperias; ſed multum, a THVRÓCZIO, OLÁHO, & GREGORIANZIO, diſcrepantem, lectu tamen digniſſimam. Prodiit, cum Præfatione noſtra, hoc eodem anno MDCCXLV. fol.



Arpad, quos & ex ipsius generatione, profluxerunt complures principes eiusdem gentis, qui Pannoniam, usque ad tempora D. Regis STEPHANI, gubernauerunt, hoc videlicet ordine: Nam, ARPAD iste genuit filium, qui dictus fuit Zoltan; dux Zoltan genuit Toxon ducem; dux Toxon genuit, Geyzam & Michaëlem; is Michaël genuit, Ladislaum Caluum, & Varsil; Ladislaus Caluus, genuit Andream, Belam, & Leuenthe. Geyza supra dictus, filius primogenitus ducis Toxon, genuit S. regem STEPHANVM. Hic Geyza, pater B. Regis Stephani, primus inter Hungaros, fidem Christianam amplexus est, & baptizatus fuisse dicitur a B. ADALBERTO Episcopo, cuius inter Hungaros clara est memoria.

Periodus II.  
CHRISTIANA.

Synopsis.

|                            |        |                            |          |
|----------------------------|--------|----------------------------|----------|
| S. STEPHANVS:              | I.     | Ladislaus IV. seu Cumanus. | XXII.    |
| Petrus Alemannus.          | II.    | Andreas III. seu Venetus.  | XXIII.   |
| Aba, siue Abanus, vel Ouo. | III.   | Ladislaus, seu Venceslaus. | XXIV.    |
| Andreas Albus.             | IV.    | Otto Bauarus.              | XXV.     |
| Bela I.                    | V.     | CAROLVS I.                 | XXVI.    |
| Salomon.                   | VI.    | LVDOVICVS I.               | XXVII.   |
| Geyza I.                   | VII.   | Maria Regina.              | XXVIII.  |
| S. LADISLAUS.              | VIII.  | Carolus Paruus.            | XXIX.    |
| Colomannus.                | IX.    | Sigismundus.               | XXX.     |
| Stephanus II.              | X.     | Albertus.                  | XXXI.    |
| Bela II.                   | XI.    | Vladislaus Polonus I.      | XXXII.   |
| Geyza II.                  | XII.   | Ioannes Hunyadi.           | XXXIII.  |
| Stephanus III.             | XIII.  | Ladislaus Posthumus.       | XXXIV.   |
| Ladislaus II.              | XIV.   | MATTHIAS I. Coruinus.      | XXXV.    |
| Stephanus IV.              | XV.    | Vladislaus Polonus II.     | XXXVI.   |
| Bela III.                  | XVI.   | Ludouicus II.              | XXXVII.  |
| Emericus.                  | XVII.  | Ioannes de Zápolya.        | XXXVIII. |
| Ladislaus III.             | XVIII. | Ferdinandus I.             | XXXIX.   |
| Andreas II.                | XIX.   | Maximilianus.              | XL.      |
| Bela IV.                   | XX.    | Epilogus.                  | XLI.     |
| Stephanus V.               | XXI.   |                            |          |

§. I.

S. STEPHANVS, filius Geyza ducis, primus Hungarorum Rex, coronatus est anno Domini, millesimo primo, & magnam, ac fere totam Hungariæ partem, & regionem, ad fidem CHRISTI conuertit; propterea Hungarorum Rex & Apostolus est cognominatus, & regnauit in Hungaria annis quadraginta sex. Mortuus (a) enim est, anno Domini, millesimo quadregesimo septimo: sepultus in Alba Regali. Hic habuit filium vnicum, Sanctum Emericum, qui decessit in virginitate, ante patrem, & adscriptus est catalogo Sanctorum.

§. II. PETRVS Alemannus, filius Vilhelmi, ex sorore S. Stephani proge-

a) Erronee! vt videre est apud TIMONEM, p. 4. qui subductis rite rationibus, annum MXXXVIII. ei fuisse emortualem, adserit.



progenitus. Electus fuit in regem post ipsum B. Stephanum. Homo fuit crudelissimus, & propterea ex regno expulsus; licet postea fuerit reductus per Henricum Imperatorem; regnavitque vniuersim, annis sex. Iste fuit occisus, propter dictam crudelitatem, & sepultus in Ecclesia Quinque-Ecclesiensi.

§. III. ABA, siue Abanus, sororius S. Stephani, tempore Petri Alemanni, siue Teutonici expulsi, & adhuc viuentis, fuit electus in Regem, & coronatus, regnavitque tribus annis; & postea propter crudelitatem fuit occisus, sepultusque est in monasterio Saár, anno (b) millesimo quinquagesimo tertio. Post cuius mortem, vt dictum est, Petrus Alemannus fuit reductus in regnum, & de nouo coronatus, ac occisus.

Aba, siue Abanus, vel Quo:

§. IV. ANDREAS Albus, primogenitus Ladislai Calui, post Petrum Teutonicum, electus fuit in regem Hungariæ, & regnavit annis quindecim, felicius, quam priores duo. Hic genuit duos filios, Salomonem, & David. Occisus est autem anno Domini, millesimo sexagesimo nono, sepultus in Tibonio, peninsula lacus Balaton.

Andreas Albus.

§. V. BELA I. frater Andreæ Albi, post Andream regnavit tribus annis, qui genuit tres filios; duos in Polonia, videlicet Geysam, & Ladislaum; tertium vero reuersus in Hungariam, videlicet Lampertum. Obiit autem anno Domini, millesimo septuagesimo primo; sepultus in monasterio Abbatiae Saxárd, quod ipse fundarat, atque construxerat.

Bela I.

§. VI. SALOMON, filius Andreæ Albi, post obitum Belæ I. in magnis tribulationibus & persecutionibus, regnavit tamen annis undecim. quamvis de anno sui obitus ignoretur: expulsus enim fuit, & mortuus dicitur esse in Austria, vel Styria. nam intrauerat religionem tempore Sancti Regis Ladislai, sui consanguinei, qui illum persecutus est.

Salomon.

§. VII. GEYSA, primogenitus regis Belæ I. viuentis adhuc Salomone expulso, regnavit tribus annis, & genuit duos filios, Colomanum, & Almun. Obiit anno Domini (c) millesimo octuagesimo, & sepultus est in Ecclesia Vaciensi.

Geysa.

§. VIII. LADISLAUS Rex, filius eiusdem Belæ I. successit Geysæ, & regnavit feliciter annis decem & nouem, gessitque multa bella cum Tartaris, & aliis aduersariis & æmulis regni. Iste gladio suo, Belgradum, siue Nándor-Albam, imperio Hungarico acquisiuit. Decessit sine prole, anno Domini, millesimo nonagesimo sexto; sepultus est in Ecclesia Varadiensi, vbi dies & noctes apud sepulchrum eius decantantur Psalmi Dauidici.

S. Ladislaus

#### §. IX.

b) Decennio aberrat a vero auctor. Nam ABA quidem anno MXLV. interiit, qui demum error, propagatur in reges sequentes: quod hoc loco monuisse sufficiat.

c) Anno MCXXVII. tribus annis, ætatem GEYSÆ, præter rationem, producit auctor. Venit hic in mentem cogitare; annon nomen GEYSA, ex Hungarico vocabulo, Gyözö, victor, sit deriuandum? Nam id quidem cum actibus eius conuenit; & præterea nomen illud, nihil significabit: nisi, quod aliquos scriptorum ex-

tero-



Coloman-  
nus.

§. IX. COLOMANNVS, filius *Geyse*, filii *Bela I.* successit *Sancto* Regi *Ladislao*, & regnavit annis *decem* & *octo*, mensibus *sex*, diebus *quinque*. Hic prius dicitur fuisse Episcopus *Varadiensis*; sed per dispensationem Apostolicam, propter defectum seminis regii, fuit ex Episcopatu electus in regem Hungariæ, & propterea vocatur apud Hungaros, *Könves Kálmán Király*. Iste excœcavit *Almum* ducem, & filium eius *Belam*, genuitque duos filios: *Ladislauum*, & *Stephanum*. Obiit anno Domini (d) *millesimo centesimo decimo quarto*, sepultus est in *Alba Regali*.

Stephanus  
II.

§. X. STEPHANVS II. filius ipsius *Colomanni*, successit patri, & regnavit annis *decem*, & *octo*, decessitque sine hærede, anno Domini: *millesimo centesimo tricesimo primo*. Sepultus est *Varadini*.

Bela II.

§. XI. BELA II. cœcus, filius ducis *Almi*, & *Lamperti*, qui fuit filius *Bela* primi, adeptus est regnum post *Stephanum*, & regnavit annis *novem*, mensibus *undecim*, diebus *duodecim*. Et genuit quatuor filios: *Geysam*, *Ladislauum*, *Stephanum*, & *Almum*. Obiit autem anno Domini: *millesimo centesimo quadragesimo primo*, & sepultus est in *Alba-Regali*.

Geysa II.

§. XII. GEYSA II. filius ipsius *Bela* cœci, successit patri, & regnavit annis *viginti*, mensibus *tribus*, & diebus *quindecim*, genuitque filios quatuor: *Stephanum*, *Belam*, *Arpad*, & *Geysam*. Obiit anno Domini, *millesimo centesimo sexagesimo primo*, in *Alba-Regali* sepultus.

Stephanus  
III.

§. XIII. STEPHANVS III. filius ipsius *Geyse*, post patrem regnavit annis *undecim*, mensibus *novem*, diebus *tribus*. Decessit sine hærede, anno Domini: *millesimo centesimo septuagesimo tertio*, & in Ecclesia *Strigoniensi* sepultus est.

Ladislauus  
II.

§. XIV. LADISLAUS, filius cœci *Bela*, vivente adhuc *Stephano*, filio *Geyse*, vsurpavit sibi coronam & regnum, sicque regnavit mensibus *sex*. Obiit anno Domini: *millesimo centesimo septuagesimo tertio*, sepultus in *Alba Regali*.

Stephanus  
IV.

§. XV. STEPHANVS IV. frater ipsius *Ladislai*, filius *Bela* cœci, mortuo ipso *Ladislao*, sed adhuc etiam ipso *Stephano* rege vivente, modo simili, vsurpavit sibi coronam, & regnavit mensibus *quinque*. Isti ambo fratres, per *Lucam*, *Archi-Episcopum Strigoniensem*, fuerunt excommunicati, qui *Archi-Episcopus* etiam prædixerat ipsis, ambobus periculum citissime futurum: eo, quod se illegitime fecerant coronari. Obiit & iste eodem anno Domini: *millesimo centesimo septuagesimo tertio*. *Alba* quiescit.

Bela III.

§. XVI. BELA III. filius videlicet *Geyse II.* successit *Stephano*, & regnavit annis *viginti tribus*, mense *vno*, diebus *novem*. Genuit duos filios, *Emericum*, & *Andream*. Obiit anno Domini: *millesimo centesimo nonagesimo sexto*. Sepultus in *Alba Regali*.

§. XVII.

terorum, in *Iosiam*, aut *Iosiam*, detorquere videam: sed præter rem; neque enim ethnicis Hungaris, siue *Iosua*, siue *Iosias*, cognitus esse potuit. a quibus tamen manavit vocabulum.

d) Rectius MCXV. qui erat regni eius annus vndeagesimus; non, uti BONFINIUS & THYRÓCZIUS decurrant, viceagesimus quintus.



§. XVII. EMERICVS, filius *Bela III.* deinde regnavit annis octo, Emericus.  
mensibus septem, & diebus sex, genuitque filium *Ladislauum*. Obiit  
anno Domini: *millesimo ducentesimo quarto*. Sepultus in Ecclesia  
*Agriensi*.

§. XVIII. LADISLAUS, filius eiusdem *Emerici*, successit in re- Ladislaus  
gnum, & regnavit mensibus sex, & diebus duobus. Decessit sine III.  
hærede, in fine eiusdem anni, quo pater eiusdem mortuus fuerat.  
Sepultus in *Alba Regali*.

§. XIX. ANDREAS II. filius *Bela III.* successit in regnum, & re- Andreas II.  
gnavit feliciter annis *triginta*. Hic est ille gloriosus Rex, ANDREAS  
*Hierosolymitanus* adpellatus, qui privilegia libertatis maximæ, con-  
cessit nobilitati Hungariæ, ad cuius decreti observationem, vniuersi  
Hungariæ Reges, tempore coronationis ipsorum, solent iurare. (e)  
Genuit filios, *Belam*, *Colomannum*, & *Andream*, ac filiam *S. Elisabeth*,  
& hos de prima vxore. De secunda vero vxore, filia videlicet *Mar-*  
*chionis Hestensis*, genuit *Stephanum*, patrem ANDREAE III. de quo  
infra dicetur.

§. XX. BELA IV. post obitum *Andree II.* patris sui, regnavit Bela IV.  
annis *triginta tribus*, & mensibus septem, genuitque duos filios, *Ste-*  
*phanum* & *Belam*. Huius tempore, deuastauerant *Tartari* totam  
Hungariam; & per eos fuit expulsus ad insulas maris *Adriatici*: vn-  
de postea fuit reductus, auxilio potissimum duorum Comitum de *Fran-*  
*gepanibus*, quibus propterea amplissimam dedit ditionem, castro-  
rum & castellorum, ab ipso mari *Adriatico*, vsque ad flumen *Savi*.  
Obiit anno *millesimo ducentesimo septuagesimo*. (f) Sepultus *Strigonii*,  
apud *Fratres Minores*.

§. XXI. STEPHANVS V. filius *Bela IV.* successit patri in regnum, Stephanus  
& regnavit annis *duobus*, genuitque filium *Ladislauum*, & filiam *Ma-*  
*riam*, quæ fuit data in matrimonium *Carolo Claudio*, regi *Siciliæ*,  
filio videlicet *Caroli Magni*, ex qua genuit *Carolum Marcellum*, qui  
quidem *Carolus Marcellus* genuit postea *Carolum Paruum*, quem po-  
stea, *Hungari* vocauerunt similiter *Carolum*. Obiit autem ipso an-  
no Domini, *millesimo ducentesimo septuagesimo tertio*, (g) & sepultus  
est in insula *Budensi*, quam apud *Budam* *Danubius* effecit.

§. XXII. LADISLAUS, filius *Stephani V.* regnavit annos *decem* & Ladislaus  
*septem*, & occisus est per quosdam famulos suos *Cumanos*, & de- IV. seu Cu-  
cessit sine hærede, in quo defecit semen masculinum sanctorum Re- manus.  
gum. Obiit anno Domini, *millesimo ducentesimo nonagesimo*, sepul-  
tus *Chanadii*.

§. XXIII. ANDREAS III. Venetus, post superscriptos reges, pri- Andreas  
mus rex ex patre alienigena, quem *Hungari* quidam de *Venetis* vo- III. Vene-  
cauerunt, qui scilicet fuit nepos *Andree* secundi, & filius *Stephani*, tus.  
filii eiusdem. Idem enim *Stephanus* ipsum *Andream* genuerat, ex  
filia

e) Abrogatum id esse, publico comitio, sub LEOPOLDO I. decreto anni  
MDCLXXXVII. Articulo IV. in vulgus notum est.

f) Variantes, de anno BELAE emortuali, sententias, vide apud TIMONEM.

g) Repone annum MCCLXXII.



filia cuiusdam ciuis *Venetiarum*. Regnavit annis *decem*, decessit sine hærede, anno Domini, *millesimo trecentesimo primo*. Sepultus *Bude*, in claustro *S. Ioannis*, apud *Fratres Minores*.

Ladislavus,  
seu Vences-  
laus.

§. XXIV. LADISLAUS, (h) aliter *Venceslaus*, filius Regis Bohe-  
miæ, inductus fuit per quosdam Hungaros, contra *Carolus*, pro-  
nepotem *Stephani V.* filium scilicet *Caroli Martelli*, pro quo, mor-  
tuo ipso *Andrea*, missus fuit; sed *Carolus* in tenera erat ætate, &  
*Ladislavus* regnavit *tribus* annis; sed propter dissensiones, reliquit re-  
gnum, & reductus fuit per patrem in *Bobemiam*, cum magno da-  
mno *Hungarorum*.

Otto.

§. XXV. OTTO, Dux *Bavariæ*, post reductionem *Venceslai* in  
Bohemiam, inductus fuit, contra *Carolus* præfatum, per quosdam  
Prælatos & Barones, coronatusque, regnavit annis *tribus*; sed po-  
stea fuit captus, spoliatus & expulsus, & regnum fuit deolutum  
omnino in *Carolus* præfatum.

Carolus.

§. XXVI. CAROLVS, regnavit annis *quadraginta duobus* (i) fau-  
ste & feliciter, inter optimos Reges connumerandus. qui genuit  
plures filios, ante eum mortuos. Postremo autem genuit *Ludo-  
vicum*, *Andream* & *Stephanum*. Obiit anno Domini, *millesimo ter-  
centesimo quadragesimo secundo*. Sepultus in *Alba Regali*.

Ludovicus  
I.

§. XXVII. LVDOVICVS, filius *Caroli*, successit patri in regnum,  
& regnum sibi a patre relictum, potentia, & bono consilio, rexit,  
defendit, & ampliavit, (k) & ad veras metas reduxit. Rex omnium  
gloriosissimus, qui ante eum regnauerunt. *Quadraginta & unum*  
annum regnavit; *Dalmatiam* viriliter defendit. Nullum habuit  
hæredem masculinum, sed filias genuit: *Mariam*, *Hedvigam*, & *Ca-  
tharinam*. Obiit *Tyrnavia*, anno Domini, *millesimo trecentesimo octua-  
gesimo secundo*, *Alba* sepultus.

Maria Re-  
gina.

§. XXVIII. MARIA, filia *Ludovici*, propter ingentem amo-  
rem, quem Hungari, erga *Ludovicum* regem gesserant, fuit electa,  
& coronata in Regem (l) *Hungariæ*. Hæc fuit desponsata *Sigis-  
mundo*, filio *Caroli* Imperatoris, & regis *Bohemie*. quæ quidem *Ma-  
ria* regnavit annis *quatuor*, & postea tradidit ius suum regium *Si-  
gismundo*, marito suo. Hæc dum esset mortua, sepulta est *Varadi-  
ni*, in qua deficit semen, sexus utriusque, *Sanctorum Regum*.

Carolus  
Parvus.

§. XXIX. CAROLVS *Parvus* interim, per quosdam Magnates &  
Præla-

h) VENCESLAVM, ex patris nomine, Bohemi dixerunt; Hungari, vñtato ma-  
gis, in regibus suis, vocabulo, LADISLAVM adpellauere. quod ille nomen, in di-  
plomatibus etiam prætulit.

i) Annorum hæc supputatio ab an. MCCC. fere incipit, quo CAROLVS, a Strigo-  
nienſi, iussu Papæ, peregrina corona, redimitus est; nam inauguratio legitima, anno  
demum MCCCX. ritu patrio, a *Thoma I.* Archi-Episcopo Strigonienſi. peracta fuit,  
quam in rem, diploma, in descriptione vrbis *Comaromienſis*, Tomo V. dabimus.

k) MAGNI inde nomen adeptus.

l) REX, an REGINA, sit adpellanda? sunt omnino, sententiarum quædam di-  
uortia. Vulgus scriptorum Hungaricorum, REGEM dicit: aliter non pauci. In  
his, CAROLVS ANDREAS BELIVS, iam in celeberrima Lipsienſium Academia Professor  
Pub. filius MATTHIÆ, qui peculiari dissertatione, non REGEM, sed REGINAM, vo-  
catam fuisse, docuit, argumentis utique prægnantibus. Lipsiæ MDCCXLII.



Prælatos, ex Italia, atque ex regno Neapolitano, fuit adductus in regnum Hungariæ, contra Mariam reginam, & eius matrem Elisabeth. Qui tamen Carolus, ex voluntate earundem reginarum, procurante Nicolao de Gára, regni Palatino, fuit in arce Budensi, per quendam nobilem Blasium Forgách, occisus, & sic imperium iterum rediit in reginam Mariam, & deinde ad eius sponsum Sigismundum.

§. XXX. SIGISMUNDVS, Rex & Imperator, fuit coronatus anno ætatis suæ vigesimo, & regnavit in toto annis quinquaginta, & mensibus novem. Gloriosus rex, qui viriliter, licet infelicitè, conflixit cum Turcorum Imperatore Baiazete, apud Nicopolim. Hic, post obitum Mariæ Reginæ, accepit in uxorem Barbaram, filiam Hermannii Comitis Ciliæ, ex qua genuit unicam filiam, Elisabeth, quam postea tradidit in uxorem Alberto, Archi-Duci Austriæ. Obiit anno Domini: millesimo quadringentesimo tricesimo septimo, ætatis vero suæ circiter septuagesimo. Sepultus est in Ecclesia Varadiensi.

§. XXXI. ALBERTVS, Archi-Dux Austriæ, gener ipsius Sigismundi, post Sigismundum electus fuit in regem, in fauorem Elisabeth uxoris, & coronatus in die Circumcisionis Domini, anno: millesimo quadringentesimo tricesimo octavo, & regnavit vno anno, & mensibus decem, natusque est ei filius posthumus, nomine Ladislaus. Obiit autem anno Domini: millesimo quadringentesimo tricesimo nono, sepultus in Alba Regali. Mortuo Alberto rege, Elisabeth consors eiusdem remansit grauida, & dum nesciretur, an filium, vel filiam esset paritura; interim Prælati & Barones, miserunt oratores pro Wladislao, filio regis Poloniæ, qui, antequam induceretur, regina peperit filium Ladislaum, quem mox paruulum trimestrem, fecit coronari, & coronam regni secum in Austriam, ad Fridericum Imperatorem absportauit. Nihilominus, Wladislaus ex Polonia introducitur.

§. XXXII. WLADISLAUS Polonus, postquam introductus fuit, & corona regni non haberetur; fuit nihilominus coronatus, quadam corona, de capite reliquiarum Sancti Regis Stephani desumpta, qui Wladislaus Polonus, regnavit prope annos quatuor, in defensione regni, & magna virtute conflixit cum Amuratbe, Imperatore Turcarum, apud oppidum Varna, vbi & ipse periit, anno: millesimo quadringentesimo quadragesimo quarto, in profesto sollemnitatis D. Martini Episcopi.

§. XXXIII. IOANNES de Hunnyad, Comes Byztriciensis, tempore eodem, post mortem Wladislai Poloni, puero Ladislao, in matribus Friderici existente, fuit electus in Gubernatorem regni Hungariæ. Magnus, & ad arma tractanda natus Princeps, qui Mahometum, Turcarum Imperatorem, capta iam Constantinopoli superbum, & Nándor Albam obsidentem, fugauit, ademptis illi bellicis ingeniis magni valoris. quod nulli regum in Europa contigit. Obiit in Nándor Alba, anno Domini: millesimo quadringentesimo quinquagesimo sexto, sepultus in Ecclesia Albenfi Transilvaniæ.

§. XXXIV. LADISLAUS puer, filius Alberti regis, circa duodecim annis regnavit.



*mum* ætatis suæ annum, fuit ereptus de manibus *Friderici* Imperatoris; corona tamen regni Hungariæ, per ipsum *Fridericum* retenta fuit. Hic fuit iuuenis probus, bonis moribus, pudicus, & pro ætate, prudens; cœpit regnare adhuc viuento *Iohanne* Gubernatore, & cum esset *Praga*, appararenturque ipsi nuptiæ cum filia regis *Francia*, obiit ibidem, anno ætatis & coronationis suæ *decimo octavo*; anno vero Domini: *millesimo quadringentesimo quinquagesimo septimo*. Sepultus *Praga* in Ecclesia Cathedrali.

Matthias I.  
Coruinus.

§. XXXV. MATTHIAS Rex, filius eiusdem *Ioannis* Gubernatoris fuit, postea electus in Regem, & coronatus anno Domini: *millesimo quadringentesimo sexagesimo quarto*, in die Cœnæ Domini. Qui regnavit feliciter, & in repetenda corona de manibus *Friderici*, non destitit, donec illam non rehabuerit. Eidem *Friderico*, vi & armis, ademittit *Viennam* ciuitatem, in qua etiam mortuus est, feria tertia maioris hebdomadæ, anno Domini: *millesimo quadringentesimo nonagesimo*. Sepultus in *Alba Regali*, ex *Vienna* translatus.

Wladislaus  
II. Polonus.

§. XXXVI. WLADISLAUS II. Polonus, de gente *Casimira*, electus fuit postea in Regem, & coronatus anno Domini eodem: *millesimo quadringentesimo nonagesimo*, in festo *Exaltationis S. Crucis*, & regnavit in summa pace, & otio, ac desidia, usque ad annum Domini: *millesimum quingentesimum decimum sextum*. quo anno est mortuus & sepultus in *Alba Regali*.

Ludovicus  
II.

XXXVII. LUDOVICVS, filius eiusdem *Wladislai*, natus est *Buda*, anno Domini: *millesimo quingentesimo sexto*, & in ipsa ætate puerili coronatus. Duxit uxorem *Mariam*, sororem carnalem Imperatoris *Caroli V. & Ferdinandi*, Archi-Ducis *Austriæ*. Regnavit & ille in summo otio, ac amisit *Belgradum*, quod fuit expugnatum per *Solymanum*, Turcarum Imperatorem, anno Domini: *millesimo quingentesimo vigesimo primo*. Tandem conflixit cum eodem *Solymano*, in campo oppidi *Mobács*, in festo *Decollationis B. Ioannis Baptiste*, ubi profligatus periit, anno Domini: *millesimo quingentesimo vigesimo sexto*. Corpus eius in luto inuentum est, & sepultum in *Alba Regali*.

Ioannes de  
Zápolya.

§. XXXVIII. IOANNES de Zápolya, Comes Scepusiensis, per magnam partem Dominorum Prælatorum & Baronum, ei, tanquam potentiori adhærentium, fuit electus in Regem, & coronatus eodem anno: *millesimo quingentesimo vigesimo sexto*, in festo *B. Martini*; sed quia illius electio, facta fuit per factiones, ac non consentiente *Palatino regni*, *Stephano de Báthor*, ideo sequenti anno fuit expulsus in *Poloniam*; sed postea reductus armis *Turcicis Solymanni*. In perpetuis guerris regnavit, & *Budam* possedit usque ad mortem. (m) Obiit anno Domini: *millesimo quingentesimo quadragesimo*, in mense *Iulio*. Sepultus in *Alba Regali*, relicto vno filio, & uxore, quæ fuit filia regis *Poloniæ*.

§. XXXIX.

m) Res IOHANNIS, fide optima, expromsit perquam luculenter, WOLFFGANGVS BETHLENIUS, in Libris Historiarum. quem consulat, qui potest; rarus enim est liber, quique in Lib. XI. ad annum MDCI. deficit. Adde, FRANCISCI C. NADASDII, IOHANNIS elogium, in Mausoleo Regum Hungariæ: IOHANNIS item ZERMEG, Historiam Rerum, inter *Iohannem*, & *Ferdinandum* gestarum, infra exhibendam.



§. XXXIX. FERDINANDVS, Archi-Dux Austriae, per fanio<sup>Ferdinan-</sup>rem  
Dominorum Prælatorum & Baronum, ac regnicolarum partem, <sup>dus I.</sup>  
fuit electus in Regem, anno millesimo quingentesimo vigesimo (n) sex-  
to, & coronatus anno millesimo quingentesimo vigesimo septimo, in fe-  
sto Emerici Ducis. Mortuus est anno Domini: millesimo quingente-  
simo sexagesimo sexto, in festo S. Iacobi, & sepultus Praga, cuius  
filius

§. XL. MAXIMILIANVS, adhuc viuit, ac in Regem Hungariae est Maximilia-  
electus, ac coronatus, Posonii, anno Domini: millesimo quingentesi-  
mo sexagesimo tertio. <sup>nus.</sup>

§. XLI. Præscripti itaque Reges ac Principes, Hungariae posse-Epilogus.  
derunt regnum ipsum, in diuersis casibus fortunæ, usque ad hæc  
tempora, (o) quum interim potentia Turcica, usque adeo inualue-  
rit contra Hungariam, & post amissum Belgradum, magna etiam  
Regni pars ditioni Turcicae sit iam subdita; tam videlicet Buda, Sri-  
gonium, Alba Regalis, Quinque Ecclesia, Vesprium; quam etiam  
alia insignia regni loca: adeo, vt saltem paruula ipsius regni pars  
sit relicta.



## PARS POSTERIOR GEOGRAPHICA.

### I.

#### Generalis

#### HUNGARIAE DELINEATIO.

#### Synopsis.

**H**ungariae ambitus: Posonium,  
& Nándor Alba. eius clauis:  
reliqui circum limites.

Præcipui Hungariae flumini: Danubius,  
eiusque fontes, ac decursus: loca  
celebriora, quæ adluit: in Pontum  
Euxinum exitus: piscis Huzo, qui  
est PLINII Mario.

Flumina in Danubium incurrentia:  
Moraua: Tyrnauia: Vagus: Nitria:  
Granus: Ipola: Tibiscus: Leita:  
Rábcza: Rába: Sárviz: Drauus:  
Sauus.

I.

II.

III.

Insulae, quas efficit Danubius: Csalló-  
köz superior, eiusque magnitudo:

fertilitas: oppida præcipua, virique

insignes: Interior, seu Comárom

Szigethe: Metropolis Comaro-

mum, a FERDINANDO I. communi-

rum: Chepel, altera Danubii in-

sula; eius fecunditas & ameni-

tas: latitudo & longitudo.

Tibiscus: unde oriatur: & ubi in

Danubium exeat: quæ loca sub-

luat: familiae Serediorum incre-

menta.

IV.

V.

Drauus,

n) Sed, anno vigesimo septimo demum; adulto iam, inauguratus.

o) Sequuti inde sunt reges: Rudolphus, Matthias II. Ferdinandus II. Ferdi-  
nandus III. Ferdinandus IV. Leopoldus M. Iosephus I. Carolus VI. Caesarum, e  
domo Austriaca, hætenus ultimus. Hunc MARIA THERESIA, filia, eademque ex  
asse hæres; inaugurata ritu patrio, anno MDCCXLI. die XXV. Iunii; REGINA, vl-  
tra viri modum, propositi, inter confertissima bella, feliciter tenax, excepit.  
quam porro, felicitet numen, pacis desideratissimæ prouentu, vberè ac perpetuo!



Drausus, e *Carintia* delapsus: Mu-  
ram accipit, & peninsulam Drava-  
Muraköz molitur: est Sclauoniae,  
ab Hungaria, determinator.

Sauus, in *Carniolia* ortus: & varie  
auctus: insulam Segeticam efficit:  
posteaque Sabacs præteruectus, ad  
Belgradum, Danubio hauritur.

VI.

VII.

## §. I.

**V**T autem omnibus pateat, quam amplam, & qua fortuna,  
priors *Reges Hungariae*, possederunt eam regionem, libet  
Hungariae ambitus: paucis adtingere, ipsius *Hungariae* situm, atque terminos.  
Ipsa enim vetus, & olim, per *Hungariae Reges* possessa *Hungaria*,  
quasi media diuiditur *Danubio*, fluuio ingenti, cuius pars superior,  
incipit a terminis *Austriæ*, vbi prima eius ciuitas est *Posonium*, &  
deinde descendit perpetuo flumine, vsque ad *Nándor-Albam*, quæ  
est eius terminus; ita, quod ista duo munitissima loca, *Posonium*  
videlicet, & *Nándor-Alba*, sint quasi duæ clauæ *Hungariæ*, vna ex  
parte *Germaniæ*, alia vero ex parte *Graciæ*, siue *Turciæ*: circulari-  
ter vero metiri potest eius ambitus, procedendo semper penes ter-  
minos *Austriæ*, quasi versus *Septentrionem*, & *Orientem*, ad terminos  
*Moraniæ*, deinde *Silesiæ*, ac per consequens, *Poloniæ*, per montem  
*Carpatum*, vsque ad flexionem *Tyræ*, continuo procedendo vsque  
ad *Euxinum Pelagus*, vbi *Danubius*, Ponto miscetur. Deinde, re-  
cta flectendo *Samandriam* & *Belgradum*, per limites *Epiri*, vsque ad  
sinum *Adriaticum*; sicque iterum reflectendo ad terminos *Histriæ*,  
ac deinde *Carniolæ* progrediendo. Exinde penes terminos *Styriæ*,  
& *Austriæ*, vsque ad *Posonium*: vbi prima origo huius consideratio-  
nis incipit.

§. II. Habet autem hæc ipsa *Hungaria*, sicut dictum est, cir-  
cumscripta, infinitos etiam alios, memorabilesque fluuios; inter  
omnes tamen, quatuor sunt insigniores, videlicet: *Danubius*, *Ti-  
biscus*, *Drausus*, & *Sauus*. *DANUBIUS* oritur in *Germania*, circa (a)  
*Silvam Nigram*, siue *Herciniam*, non procul a pago *Donaschingen*,  
in *Rhætia*, e monte *Abnoba*, habetque fontem in planitie, non pro-  
cul a ripa *Rhemi* distantem, duobus forte milliaribus, qui deinde  
per latos *Germaniæ* fines, *Vindeliciam*, *Bauariam*, ac *Austriam*, de-  
currit. Deinde, prope *Posonium*, *Hungariam* ingreditur, ad arcem,  
quæ *Deuinia* vocatur. Hinc, longo & sinuoso alueo, lapsus, pe-  
nes *Laurinum*, *Comáromium*, *Strigonium*, *Vissegrádum*, *Vaciam*, *Bu-  
dam*, *Pestum*, *Vylak*, aliaque celeberrima *Hungariæ* loca, percur-  
rit, ad *Nándor-Albam*, deinde *Daciam*, a *Mysia* superiore determi-  
nans, infra *Mysiæ* inferioris, quæ nunc *Bulgaria* dicitur, terminos,  
sexaginta annibus in se receptis, ingenti lapsu, septem vastis ostiis,  
in *Pontum Euxinum* exoneratur. Quibus in locis, apud ostia ipsa  
termini *Hungariæ*, videlicet *Cbylia*, *Nester*, *Orsova*, (b) & alia non-  
nulla

a) Genuinos *DANUBII* fontes, peculiari tractatu expromsit, *FRIDERICVS WILHELMVS BREVNINGER*, *Nürtinga Württembergicus*, ad *D. CAROLVM VI. Imperatorem*. qui consulendus est omnino, Cap. in primis IV. V. & VI. Excusus est libellus *Tübingæ*, a *MDCCXIX.* for. oct. idiomate Germanico.

b) *ORSOVA*, non est ad ostia *Danubii*; sed altius, & supra *Pontis Traiani*, eius alueum,



nulla olim pertingebant; sed iam nunc propter temporum infelicitatem, præfati termini, nempe *Chylia* & *Nester*, tempore adhuc Regis MATTHIAE, in *Turcicam* potestatem deuenerunt. Alia vero altius loca, ut sunt: *Orsona*, *Pécb*, (c) & *Seuerinum*, tempore LVDOVICI II. amissa sunt. Ex istis ostiis Danubii, ex Ponto ipso pisces illi excellentes, *Antacæi*, quos PLINIUS *Mariones*, (d) nunc vero *piscis Huzo*, vulgus *Vzones* adpellat, aduerso flumine ascendunt, per vniuersam fere Hungariam, & quasi usque *Posonium*; supra eum tamen locum non inueniuntur.

§. III. Flumina, in Danubium, ista specialiora influunt. Nam, supra *Posonium*, sub arce *Devén*, influit *Marosia*, siue *Morana* fluuius; tum prope *Vyzkeleth*, *Tyrnauia* (e) riuulus; supra *Comárom* arcem, ad oppidum *Guta*, influit *Vagus*; paullo inferius, sub pago *Nyarschida*, influit *Nitria*, amnis non ignobilis; deinde fluuius *Granus*, siue *Granua*, qui oritur circa arcem *Murán*, sub *Novo* quoque ac *Veteri Zolio*, *Sandloque* *Benedicto* decurrens, simul cum alio fluuiio, *Ipola* (f) dicto, ingreditur *Danubium*, ex opposito *Szigonii*. Deinde, non procul a *Titulio*, ex ripa opposita oppido *Zalonkemen*, *Tybiscus*, amnis nobilis, influit: & hic quidem fluuius, multa secum minora deuehit flumina. Ab altera, videlicet meridionali parte, *Danubius* hæc flumina recipit. Primo circa oppidum, quod *Altenburgh* vocatur, *Leitam*, qui in certa sui parte, *Hungariam* ab *Austria* diuidit. Deinde circa *Iaurinum*, quod olim *Brigantium* dictum est, (g) *Rabniczam*, qui nunc *Rábca*, & *Kába*, olim *Arrabo* nominatus est. Postea circa oppidum *Bátha* recipit amnem *Sáaros* dictum; deinde ad *Drazad*, quod olim *Tentoburgum* fuisse creditur, *Sáarvin*: *Drauo* amne augetur. Postremo, circa *Taurunum*, seu *Nándor-Albam*, *Sauus*, nobilis fluuius, ingreditur *Danubium*, efficiens suo ingressu quasi peninsulam. Et in hoc loco, ex parte *Turciæ*, in colle quodam, est constitutum nobile illud fortalitium, quod *Belgradum* dicimus, propugnaculum fortissimum totius *Hungariæ*.

§. IV. Is fluuius DANUBIUS, quas per tractum *Hungariæ* plurimas facit, duas habet, & magnitudine, & fertilitate, maxime præstantes insulas. Altera earum, initium sumit apud *Pisonium* urbem,

alueum, quærenda; quippe nupero demum bello *Turcico*, iterum amissa: gemina ea est; altera in *Danubii* ripa; altera in insula.

c) *Pécb*, siue *Pérs*, Latinis *Quinque Ecclesiæ*; vrbs olim copiosa, amœnaque, mediterranea est. Forte *Petervaradinum*, auctor voluit scribere, quod *Danubio* adhæsit, estque, hac tempestate, munimentum, aduersus *Turcas*, limitaneum.

d) Non *Marionum*, sed *MARMYRONES* meminit PLINIUS, Lib. XXXII. Cap. LIV. sed an isthuc quadraturos, nescio. *Pictæ* enim sunt *Marmyrones*: quod de nostris *Huzonibus*, minime possis dicere. Sed, parvam etiam *Marmyronem* aiunt; contra, *Huzo* noster grandi quandoque mole est, & quæ centenarios, VI. VII. subinde etiam X. pondere exæquet.

e) *Dudvágum* mallet, loco *Tyrnauiæ* ignobilis amniculi, nominasset.

f) *Ipola*, e gremio montium *Kis-Hont* interiorum, deiecta, posteaquam *Neogradensem* agrum interluisset, apud *Vagy-Hontenses*, longe infra *Granum*, *Danubio* miscetur.

g) *Arrabo*, veteribus dicebatur *Iaurinum*; *Brigantium* certe, alibi quærendum. quod & faciemus suo loco. Conf. infra p. 104. §. VI. not. n.

Decadis II. Monumentum II.

C c



Csallóköz  
superior,  
cuiusque ma-  
gnitudo:  
fertilitas:

oppida præ-  
cipua, viri-  
que insignes:

inferior, seu  
Comárom-  
Szigethe:

metropolis  
Comáro-  
mum, a  
Ferdinan-  
do I. com-  
munitum:  
Chepel, al-  
tera Danubii  
insula.

Tibiscus,  
unde oria-  
tur: & ubi  
in Danubium  
exeat:

quæ loca sub-  
luat:

familia Se-  
rediorum  
incrementa.

bem, porrigiturque longo tractu, tredecim milliarium, usque ad arcem *Comárom*; lata interim nunc ad tria, nunc etiam ad quatuor milliaria. Frumenti, hordei, auenæ, filiginis, leguminumque aliorum, fertilissima. Huius insulæ pars superior, qua *Posonio* propinquior est, lingua patria, *Csallóköz* nuncupatur. In ea parte sunt loca nobilia, signanter arx *Eberhard*, viri clarissimi *Michaëlis Mercy*, incolatu nobilitata; est enim illius virtute acquisita. Item oppida hæc: *Samaria*, *Chótörtök*, *Zerdabel*, *Beös*, *Vasarúth*, *Paka*, ac viri aliquot satis nobiles, de quibus taceo. Alia, eiusdem insulæ pars inferior, seu *ferior*, versus orientem, & meridiem, quæ arcis *Comárom* propinquat, ab ipsa arce vocatur, *Comárom-Szigethe*, in qua parte sunt: primo, arx ipsa *Comárom*, in eo confluente sita, ubi iterum *Danubius* miscetur. Arx eadem sumtuoso admodum opere, per Serenissimum Regem *FERDINANDVM*, nostro hoc tempore, contra impetus *Turcos*, est munita, & fortificata. Sunt ibi & alia nonnulla oppida, & viri, de quibus taceo. Alterius insulæ, paullo infra *Budam* incipientis, nomen est *Chepel*. Hic est; *Kevi*, quod *Rasciani* incolunt; *Sanctus Martinus*; *Tbököly*, (h) Solet esse cum aliis nonnullis pagis, *Reginæ Hungariæ*, iure donationis propter nuptias. Hæc insula, (i) nobilissima est, ac diues perdicibus, phasianis, turdis, gallinis siluestribus; item ceruis, damis, apris, leporibus, abundantissima, adhæc siluis, nemoribus, vineis, pascuis, frumento, & aliis, ad usum mortalium necessariis, adeo insignis, ut nihil, siue quod ad necessitatem victus, siue ad voluptatem pertineat, hic deesse videatur: & propterea Regibus Hungariæ secessum præbere solita fuit, solatiumque & oblectamentum amœnissimum. Hæc longa est in meridiem novem milliariibus, lata vero, duobus, aut tribus, iuxta locorum diuersitatem.

§. V. *TIBISCVS* (k) fluuius, vnus ex quatuor principalioribus, aliis tamen tribus longe piscosior. Ortum habet in *Marmarufio*, humili ex fonte, sed prope eadem loca, quinque riuulis ortis, augeatur, ac multis postea *Hungariæ* superioris, & *Daciæ* nauigabilibus auctus fluminibus, sub oppido *Szalankamen*, in *Danubium* influit. Habet & iste nobilissima loca, quæ adluit, aut circumfluit, signanter autem, *Husáth*, & *Tokay*, quæ hæreditaria olim *IOANNIS* Regis fuerant; nunc vero munificentia regia possidetur per familiam *Serediorum*, quæ licet nobilis; fortunæ tamen fuerat tenuioris; sed proximis his disturbiorum temporibus, in amplas creuit facultates, possessiones ac diuitias, virtute potissimum *Casparis Seredi*, qui primus eam familiam, in hoc dignitatis culmen, sua virtute & prudentia, euexit, & ampliores, quam accederat, opes reliquit.

§. VI.

h) Hinc prodire, sed profecto inauspicato, *TÖKÖLY*, vetustæ alioquin nobilitatis homines, quod opportune diximus, in insulæ huius Designatione, *Hungariæ Nouæ*, Tomo III. Parte Speciali, Memb. III. Sect. V. Art. III. p. 532. seq.

i) Descripsit eam *NICOLAUS OLÁHVS*, in *Hungaria* sua, Decadis huius I. Monum. I. p. 7. vnde pleraque hæc mutuatus est noster. Nos eam dedimus, Operis Tom. III. p. 515. idque professa proluxaque opera.

k) Ortus & decursus *TIBISCI*, peculiari libello dedit, *SAMUEL TIMON*, S. I. guo. Ipsi autem nos, indagauimus in eosdem, adcuratore, quam fieri potuit, maxima, in *Historia Comitatus Maramarosensis*.



§. VI. DRAVVS, tertius Hungariæ nobilior fluuius, oritur in *Drauu*, & *Carinthia* *delapsus*: *Carinthia*, ex monte *Cæcio*, fonte non ita magno, fluitque per *ty* *riam*, adluens nobilissima loca, signanter *Pethouiam*, *Ormosd*, quæ sedes est & habitaculum nobilissimæ familiæ *Zékel*. Idem accipit in se fluuium *Muram*, qui suo confluenti efficiunt insulam quasi quam. *Muram accipit, & peninsulam* *Drau-Muraköz* nominatur. In ea *Drau-Muraköz moli-* *tur*: *est Sc'auonia ab Hungaria determinator.* península est arx *Cháktornya*, amplissimos habens prouentus, nunc in manibus clarissimi viri. *Nicolai Comitis a Zrinio*, Bani, habita. Decurrens postea ipse fluuius *Hungariam*, a *Sclauonia* Hungarica, diuidit, & adluit oppidum *Eszek*, clade exercitus nostri, quem dux *Kaczianer* illic amisit, nobilitatum. Deinde, vt dictum est, penes oppidum *Drazad*, Danubio miscetur.

§. VII. SAVVS fluuius, vnus similiter ex quatuor nobilioribus. *Sauus, in Carniolia ortus*: Oritur, in radice eiusdem montis *Cæcii*, in *Carmolia*, non procul ab *Arnoldstein Carnia*, non multis supra *Villacum* milliaribus. Is, multis admissis, *Sclauoniæ*, *Hungariæ*, *Croatiaque*, nec non *Bosniæ* & *Seruiæ*, fluminibus, labitur. In confluenti illo, vbi fluuium *olapim* in se recipit, est insula *Segestica*, olim *Voruca*, vbi colonia nobilissima Romanorum *Siscia*, nunc vulgari nomine *Zúsek*, adpellata: vbi est insignis arx Collegii, siue Capituli, Ecclesiæ *Zagrabien-* *insulam Se-* *gestic m-* *efficit.* sis, per Dominos illos *Canonicos*, denuo, contra vim hostilem, exædificata. Descendit deinde *Sauus*, per fines *Sirmienfes*, & mœnia arcis *Sabács* adluens, sub *Tauruni*, siue *Belgradi* mœnibus, quæ occidentem respiciunt, in *Danubium* se exonerat. Hæc quatuor flumina, cum duplicata cruce alba, insignia sunt regni Hungariæ, iam inde ab initio regni vsurpata.

## II.

## Specialis

## HVNGARIAE DESCRIPTIO.

## Synopsis.

**H**VNGARIAE Pars prima: Comitatus ad eam pertinentes: lacus *Ferthö* & *Balaton*: Archiepiscopus *Strigoniensis*: Episcopus *Quin-* *queecclesiensis*: *Iauriensis*: & *Vesprimiensis*.

*Vrbes Hungariæ Trans-Danubianæ*: *Buda*: urbis & arcis situs & elegantia: *Bibliotheca Coruiniana*: *Thermæ Budenses*.

*Alba-Regalis*, cum vicinis arcibus: *Vissegrad* oppidum, & huius opportunitates: arx monti altissimo imposita, *Coronæ* sedes.

*Strigonium*, *S. STEPHANI* patria: *Thermæ*: *silua Vértes*: *Abbatia S. Martini montis Pannonii*: *Papa* oppidum.

*Sabaria*, *D. Martini* patria: *Kör-* *mönd*: *Sárvár*: *Thomæ Nadafdy* *sedes*: *Monyorókerék*: *Német-Vj-* *vár*: *Felső* & *Alsó Lindva*: *Can-* *sa*, cum vicinis arcibus.

I. *Lövöld*, *FF. Carthusianorum ceno-* *bium*: *Váson arx*: *Abbatia Ti-* *hon*, *Zegligeth*: *Abbatia Zala-* *vár*: *Kapornak*: *Vesprimium*: *re-* *liqua*: *Sopronium*: *Ovár*: *Iauri-* *num*.

II. *Tata*, arx Regia: oppida, quæ sunt ultra *Budam*: *Quinque Ecclesiæ*: *arx Soklós*: *Mohács*, clade *Ludo-* *uici*, infame oppidum.

III. *Secunda Hungariæ Pars*, intra *Sauum* & *Drauum*, & quæ ultra sunt: *Dalmatia*, *Croatia*, *Bosnia*:

IV. C c 2

Diacono,



Diacono, *sedes Episcopi Bosnensis*: Zabadacz: *arces reliquæ*: Iadera: *Episcopatus* Tininienfis: Modrusienfis: *Ditio Frangepanum*, Zriniorum, Blagayorum. VIII.

Regio inter Sauum & Drauum, *diuisa bifariam*: in Sclauoniam Hungaricam, cum suis Comitatus: Mons Græciæ, & reliqua oppida: & in Sirmium, ubi est Vjlak: Banmonostia, *sedes Episcopi Sirmienfis*: Petrouaradinum: Zalonkemen, & reliqua. IX.

Tertia Hungariæ Pars, inter Danubium & Tibiscum: *Archiepiscopatus* Colocsa: *Episcopatus* Agrienfis, Nitrienfis, Vacienfis: Pesth ciuitas: campus Râkos: Vacia, *sedes Episcopalis*: Maros oppidum. X.

Gutha: Sempthe: Pofonium: Stompha: Thall: S. Georgius: Bozin: Vöröskö: Tyrnauia: Nitria: *sedes Episcopi*: Oláh-Vjvár: Trenclinium: Galgócz, Temethvén, Léua, Bistriczia, Baynócz, Vgrouecz, reliqua. XI.

Septem montanæ vrbes: *arces interse-*

*tæ & circumiectæ*: Cassouia: Eperies: Leutschouia: Bartfa: *ceteræ*: Tokay: Munkács: Diós Györ: Miskölcz. XII.

Agria, *Episcopi sedes*: Szólnok: Szegedinum: Colocsa, *sedes Archiepiscopalis*: Bácsia: *Titulium Præpositura*: campus Cumanorum: Bachiensis regio. XIII.

Quarta Hungariæ Pars, ultra Tibiscum, olim Dacia: bodie Valachia: Moldauia: Transiluania: Maramarusia, &c. Valachiæ descriptio: Moldauia situs. XIV.

Transiluania, *montibus incincta*: eius *magnitudo*: *fertilitas*: *incolæ*: *flumines*: septem vrbes: Cibinium metropolis: Vizakna: Alba Iulia: Hunyad arx: Colosvár: Thorda: reliqua: Megyes: Corona. XV.

Riuulus Dominarum: Zathmar: Némethy: Varadinum, *sedes Episcopi*: Debreczen: Gyula: Lippa: Chongrád: Temesvár: Chanadinum, *Episcopi sedes*: Samandria: Seuerinum: Pons Traiani. XVI.

Epilogus. XVII.

## §. I.

Hungariæ pars prima: **D**iuidentur autem Pannonia, siue Hungaria (a) ipsa, in quatuor potissimum partes; quarum prima, quæ trans Danubium est, a flante Fauonio, initium habet ab Austria, olim, Pannonia Superior dicta; ab Euro, Drauum adtingit; Subsolanum vero, qua adtingit, porrigitur verius & ad ostia eiusdem Draui; a Borea vndique vicina est Danubio. In hac parte sunt Comitatus: Sopronienfis, Mossonienfis, lauriniensis, Strigoniensis. Item. Castriferrei, Zaladiensis, Simigiensis, Veszprimiensis, Albenfis, Tolnensis, & Baranya. Sunt item duæ paludes, siue stagna perpetua, magna & piscosissima: quorum vnum vocatur Fertheö, ad cuius latus sunt oppida Neysidel, & Rusztb. (b) Alterum vero stagnum vocatur Balathon, longitudine fere milliarium quatuordecim, latitudine duorum, & quandoque trium, ac amplius. Ille lacus Balaton, disiungit Veszprimium, a Simigio.

a) Vulgato, scriptoribus Rerum Hungaricarum, more, Pannoniæ, & Hungariæ, vocabula permiscet: cum tamen, Pannoniarum nomen, soli Hungariæ Transdanubianæ sit proprium; Hungaria contra, Cisdanubiana, regiones, Quadorum, Iazygum Sarmatarum, & Metanastarum, Daciæ item eius partem describat, quæ ultra Tibiscum, vsque ad Carpathi orientalis, radices & iuga, procurrit. quod monuimus sæpius; neque hic silendum putauimus; vt adsuecant ciues nostri, veteres regiones, ac harum situs, discriminare ab hodiernis: & cum loquuntur cum vulgo, cum doctis sentire; hoc est: cum rerum antiquarum scriptoribus.

b) Adde his: Széles-Kút, siue Breiten-Brunn; Fekete-Város, di Germanis, Purbach est; denique, Rakos, seu Kroysbach. quod iam in ditione censetur Episcopatus laurienfis.



migio. Hæc Hungaria pars, continet primum Archiepiscopatum Strigoniensem, cuius Antistes, Primas, Legatusque natus, & supremus regni Hungariæ, ex regum veterum instituto, est semper Cancellarius. (c) Huic, nostro hoc tempore, præest clarissimus vir, NICOLAUS OIÁHVS, Græcæ & Latinæ linguæ peritissimus, & multis præclaris virtutibus insignis: dignus, qui meliore tempore, in locum hunc sublimatus fuisset. Etenim, Strigonium ipsum, sedes Archiepiscopalis, vna cum alia arce eiusdem, Drégel dicta, in manibus iam Turcorum, antequam ipse in hunc locum venisset, habebatur. Sunt item in hac Hungariæ parte Episcopatus: Quinque-Ecclesiensis; Episcopus Quinque-Ecclesiensis; Iaurinensis, quem diuino munere, & piissimi regis liberalitate, ego possideo: & Vespriensis. Est etiam Præpositura Albæ-Regalis; Iaurinensis; & Vespriensis; item Abbatia S. Martini, prope Iaurinum; Sexcardiensis; Somogyvár; Zalavár; Péch-Varadiensis; Tyboniensis, & Bâtba.

§. II. Habet hæc pars ciuitates munitas, & signanter Budam, (d) quæ sedes est regni, cum arce nobilissima, opere, in tota Europa, nobilissimo, constructa; tamen, hæc quoque, nostro hoc tempore, circa annum Domini MDXLII in manus Turcorum deuenit. Tota hæc vrbs, cum arce, in colle saxeo sita est, & a septentrione in meridiem protensa. Arx, in fronte meridionali constructa, ædificiis, fornicibus, tabulatisque, auro, & coloribus depictis, vsque ad admirationem est exornata. cui, propter operis excellentiam, ipse quoque hostis, dum urbem exurreret, pepercit. Fuit in hac arce Bibliotheca, Græcis, Latinisque voluminibus, per regem MATTHIAM Coruinum, non minori cura, quam labore, e medio etiam Græciæ, eo congestis, referta; quæ tamen ita diuisa erat, vt merito duæ Bibliothecæ dici possint. Nam altera, Græcos, altera vero interior, Latinos continebat codices; a primis rudimentis, ad arcem vsque, omnium scientiarum, per capsulas, & loculos, ordine quæque suo, distinctos. quæ omnia fuerunt rabie Turcica, post occisum in Mohács regem LVDOVICVM, dilaniata. Ex opposito Budæ, in vltiori Danubii ripa, est oppidum Pesth. A meridie Budæ, obliquitur altissima rupes, Diuo Gerbaro sacra: ex qua rupe miles quidam Turcicus eques, se se sponte cum equo dicitur præcipitasse, in signum lætitiæ, dum Solymannus ea vrbe fuisset potitus. Sunt circum Budam, thermæ nobilissimæ, supra & infra urbem. A septentrione viuarium regis est, Nyék dictum, cum aula amplissima. Non procul est Eremitarum monasterium, Diui Pauli primi Eremitæ, corpore eiusdem olim venerabile. De aliis Budæ excellentissimis circumstantiis, dicere, (e) foret opus immensum.

## §. III.

c) Has ARCHI-EPISCOPI Strigoniensis Prærogatiuas, cum cura, & ex Diplomatum fide, in Historia cognominis Comitatus, expromemus.

d) Confer, NICOLAI OLÁHI, Hungariam, quam habes, in ADPARATVS nostri Decade I. Monumento I. Cap. V. p. 8. seqq. Atque, de Bibliotheca Budensi, NALDI NALDI Florentini, Epistolam &c. TOMO III. Hung. Nouæ, p. 559. seq.

e) Nos certe, haud poenituit, Operis nostri, TOMO III. proluxa opera, Budam, celebrauisse. cuius illic expressam imaginem, fortunæ vtriusque vicissitudines, & habi-



Alba-Regalis, cum vicinis arcibus:

§. III. *Alba-Regalis*, ciuitas, a *Buda*, meridiem & occidentem versus, tendens. Abest octo milliaribus; inclyta, & coronationibus ac sepulturis Regum Hungariæ. quæ & ipsa, *Turcico* iam paret imperio. Circa hanc urbem, ad radices cuiusdam silvæ, *Vértes* vocatæ, sunt arces *Csokakö*, *Palotba*, *Oroszlánkő*, infra quas oritur fluuiolus *Sáaros*, molis frumentariis circiter sexaginta percelebris.

Vissegrád oppidum, & huius oppidititates:

Item, oppidum *Vissegrád* (f) abest a *Buda*, occidentem & septentrionem versus, quinque milliaribus, conditum ad ripam *Danubii*, in radicibus silvæ vastissimæ, *Pardorum*, (g) aliarumque ferarum altricis. In fronte oppidi, ad partem orientalem, aula exstructa est, plus, quam dici potest, situ decora; & impensis, ædificiisque præstantissima; utpote, quæ vnica quatuor regibus, cum suis ordinariis officiariis, eodem tempore, commodissimum præbere potuisset hospitium. (h) Dicitur enim, continuasse plus, quam tre-

arce monti altissimo imposita:

centas & quinquaginta ædes. Supra hanc aulam, in monte altissimo, & cacumine eiusdem, conspicitur, veluti quispiam nidus, arx fortissima, in qua veteri more regni, custodiri solita erat, *Sacra Regni Hungariæ Corona*. quæ nunquam aliter exportari erat solita; nisi, dum nouus, in *Hungaria Rex*, legitime debebat coronari.

Strigonium S. STEPHANI patria:

§. IV. In ripa eiusdem *Danubii*, ciuitas est STRIGONIUM, (i) de qua diximus, cum arce nobilissima, in loco excelsso ædificata. Hæc, natiuitate atque baptismo D. STEPHANI, primi regis Hungariæ, est memorabilis. In arcis radice, in ipsa *Danubii* ripa, est turris fortissima, quæ aquatica dicitur, in qua thermæ, (k) tanto impetu erumpunt, ut molam circumagant. Auditu res miranda, eodem tractu fere contiguo, iisdemque venis, aquam gelidam *Danubii* decurrere, & thermas erumpere. In fine silvæ, quæ ciuitati immi-

therma:

silua Vértes:

net, initium habet alia silua vastissima, *Vértes* nominata, versus meridiem, usque ad terminos alterius silvæ, quæ *Bacon* vocatur, protensa, ad terminos usque lacus *Balaton*. Ad latus huius silvæ *Vértes*, *Abbatia S. Martini*, de qua dictum est, adiacet in monte, qui adpellatur *Sacer Mons Pannoniæ*, sitaque est in amœnissimo loco, ad omnes plagas, oppida & latos campos, prospiciente. Hinc ad meridiem versus, oppidum *Pápa*, situm in fertilissima omnium rerum tellure, cum lacu amplissimo, qui mœnia oppidi adluit.

Abbatia S. Martini Montis Pannonii: Pápa oppidum.

§. V.

habitu, quo est hodie, haud sine voluptate leges, Parte Spec. Memb. III. Sect. I. Cap. II. a p. 185. usque ad pag. 467.

f) Fuscæ *Vissegrádum* designauit OLÁHVS, in Decadis I. Monum. I. p. 111. seq. & nos, loco nunc citato, p. 468. seq. rudum icone simul exhibita. GREGORIANCZIVS, epitomator hic est OLÁHI, & per totum commentariolum, passim.

g) Ambigo, an *Pardi*, familiares vnquam siluis Hungaricis fuerint.

h) BONFINIVS, Dec II. Lib. IX. p. 233, 23. Adde Commentaria nostra, l. c.

i) Nos eam curate exhibebimus descriptam, sequuturo Operis nostri Tomo V. quem hucusque, partim difficultas temporum, partim hominum quorundam iniquitas, a luce publica retentaui: quando, destinatos, ad consummandum opus vniuersum, augustali D. Cæsaris CAROLI VI. & postea Serenissimæ Reginae MARIAE THERESIAE, munificentia, reditus, præter, quam decet, auaris scriniis, mordicus detineat. *Vtinam, ad se tandem redeant!*

k) Vide, GEORGIUM WERNHERVM, de Aquis Hung. Admir. p. 597. collectio- nis *Bongarsiana*.



§. V. Deinde, magis meridiem versus, quasi ad occidentem, *Sabaria*, (1) arx, cum oppido adiacente. quæ quidem *Sabaria*, patria fuit *D. Martini* Episcopi *Turonensis*, ubi, in loco natiuitatis eius, ædificata est *Capella*, in honorem, & sub nomine eiusdem *S. Præfulis*. Hic locus in pertinentiis est Episcopatus *Lauriensis*, quem per multos annos, in alienis manibus existentem, diuina ope, ego ad iurisdictionem Ecclesiæ reduxi. Non longe illinc est oppidum *Körmend*, *Anzbergh*. Tum non procul conspicitur castrum *Sárvár*, locus videlicet habitationis viri incomparabilis, *Thomæ Nadasdy*, regni Hungariæ *Palatini*, qui suam nobilem progeniem, virtute atque industria, nobilissimam effecit, & per omnes dignitatis gradus, ad culmen supremi honoris *Palatinatus*, meruit exaltari. Duxit hic uxorem, *Vrsulam*, ex domo *Kanisay*, vnicam hæredem: cum qua, dum annos viginti, nullam habuisset prolem, hoc demum anno, sexta die Octobris, filium suscepit, nomine *Franciscum*, MDLV. cuius vita sit perpes, longæua atque diuturna. In iisdem locis sunt arces, *Kapu*, *Monyorókerék*, quam Teutones, *Eberau* dicunt. Item, in rupe ardua exstructa est arx *Német-Vjvár*, siue *Novum Castrum*, habitatio & hæreditas viri amplissimi, *Francisci Battyáni*. Cum altera arce, ibidem non procul, *Zolnoko* dicta. Non longe est arx inter filuas, *Felső-Lyndva*, & alia, *Alsó-Lyndva*, Comitum *Zaladienstissimæ* familiæ, *Baronum de Canisa* sedes. Sunt illinc arces: *Berfencze*, *Chorgó*, *Babocha*, *Zigeth*, *Kapos*. Item, pertransito fluuio *Mura*, est arx nobilissima, *Cháktornya*, & *Sztrido*, *D. Hieronymi* (m) patria. Non ita multum a *Felső-Lyndva* distat, *S. Gotthardus*, *Németbi*, *Kalmanchéch*.

§. VI. Ad *Vértes*, non longe a *Veszprimio*, est cœnobium *Lövéld*, FF. *Carthusianorum*, multis oppidis & redivis opulentum, quo nullum in *Hungaria*, vel ædificiis excellentius, vel prouentibus clarius, inter monasteria Fratrum, poterat inueniri. Citra *Balathon* lacum, ad radices siluæ, est arx *Váson*, ab hac non multum abest *Abbatia Tibonium*, in amœno loco, quasi in peninsula *Balathonensi* sita. Arx *Zegligeth*, *Abbatia Zalavár* munitissima, & prouentibus ampla. Alius item Conuentus Religiosorum in *Kapornak*, supra *Váson*. Ad Boream est *Veszprimium* Episcopatus, & *Berenhyda*. Hinc non longe a plaga meridionali: *Sárosladan*, *Vrbyda*, *Le-psin*,

*Sabaria, D. Martini patria.*

*Körmend: Sárvár, Thomæ Nadasdy sedes:*

*Monyorókerék: Német-Vjvár:*

*Felső - & Alsó-Lyndva: Canisa, cum vicinis arcibus.*

*Lövéld, FF. Carthusianorum cœnobium.*

*Váson arx: Abbatia Tibonium: Zegligeth arx: Abbatia Zalavár: Kapornak:*

1) CAROLVS VI. Imperator, & Rex Hungariæ, nouum isthic Episcopatum erigere constituerat, designato in Præfulem, Comite PAVLO FORGÁCH, iunior, Præposito Posoniensi; sed, res ea, ob temporum difficultatem, videtur adhæsisse, ac per intempestiuam, Cæsaris & Regis optimi, mortem, intercidisse prorsus.

m) Non est tam facile, quam eruditi quidam existimant, patriam *D. Hieronymi* designare. Neque enim, eadem in regione, ab omnibus, *Sztridon* quaritur. Qui in *Istriam* urbem reponunt, *Italum* hi faciunt beatum virum; *Dalmatam* contra, qui fatentem sequuntur ipsum *Hieronymum*; *Pannonium* nostri, qui hoc loco statuunt *Sztridona*. quam nos controuersiam, attingemus, Operis Tomo V. in Peninsulæ *Muraköz*, descriptione. Lege interim, IOHANNEM LVCIVM, ad *Marci Maruli* carmen, in eos, qui *B. Hieronymum*, *Italum* esse contendunt, p. 457. seqq.



Vespri-  
mum :  
reliqua :  
Soproniū :

Ovár :

Laurinum.

Tata, arx  
regia :

oppida, quæ  
sunt ultra  
Budam :

Quinque-  
Ecclesiæ :

Arx Soklós:  
Mohács,  
clade LVDO-  
VICI infame  
oppidum.

Secunda  
HVNGA-  
RIÆ pars,  
intra Savi  
& Drauum,  
& quæ ultra  
sunt :  
Dalmatia,  
Croatia,  
Bosna :  
Diaci, sedes  
Episcopi  
Bosnensis :  
Zabacs :

*psin, Ozoró, Simon-Tornya.* Oppida: *Bykad, Zerdabely, Zántó, Keresbelgy, Tard, Somogyvár,* Abbatia opulenta, *Oztopan, Korpád.* Ad occidentem vero *Sopronium* est, vrbs, a Vienna decem circiter miliaribus distans. Ager eius, vini & frumenti ferax. Hæc est vna ex octo liberis Hungariæ ciuitatibus. Distat hinc arx *Ovár*, ad octo fere millaria, quam Germani *Altenburg* vocant, apud quam a meridie influit flumen *Leyta*; a septentrione pars *Danubii* est, qui illic tres mediocres facit insulas. Deinde est *Laurinum*, Episcopatus meus, arx cum oppido amplissimo, quod olim *Bregetium* (n) dictum fuit, in ripa *Danubii*, qui hic quoque loci insulam facit: infra quam arcem, occidentem versus, flumen *Rábcza* in Danubium exoneratur. Sub ipsa vero moenia arcis *Iaurini*, aliud flumen, olim *Arrabo*, nunc *Rába* dictum, in eundem Danubium voluitur.

§. VII. Hinc *Tata*, arx regia, inter *Strigonium*, & *Comaromium*, ad latus meridionale sita, occurrit, medio milliari a ripa *Danubii* distans, insignis MATTHIÆ regis ædificiis. Adluit huius muros orientales, latissimum viuarium, piscibus multigenis memorabile. Ultra *Budam*, meridiem versus, *Tbétén, Erd, Adony, Pálsium, Tbolna, Sexárd, & Bátha*, Abbatia oppulenta, & Sacramento miraculoso olim celebris, quam flumen *Sáros* præterfluit. Ultra eandem est Abbatia *Pécb Varadina*. Hinc occurrunt *Quinque-Ecclesiæ*, ciuitas, cum arce nobilissima, in radice montis ardui, *Mechek*, sita. qua ciuitate, vix vlla alia in Hungaria fuit celebrior, (o) vberimis campis & promontoriis, omnia, quæ ad vsum humanum necessaria sunt, largissime præbens; & propterea tanta in ea vrbe scholasticorum, bonas litteras discantium, confluere solita erat multitudo, vt exercitum vnum æquare potuisset; incolarum præterea tanta fuit comitas & ciuitas, vt *Athenas* dicere potuisses. Habet ad latus septentrionale, erumpentem quandam aquæ scaturiginem, tanta copia, vt aqua ea statim, circiter quadraginta molas circumagat. Huic vicina est, ad tria millaria, arx *Soklósum*, munitione, & natura, fortissima. A *Quinque-Ecclesiis*, ad quatuor millaria abest ad ripam *Danubii* situm oppidum *Mohács*, clade LVDOVICI regis, ac totius nobilitatis Hungariæ, funestum & memorabile.

§. VIII. *Secunda HVNGARIÆ Pars*, partim *Drauo*, & *Sauo*, fluminibus, includitur; partim vero ultra *Sauum*, ad Alpes vsque, & mare quoque *Adriaticum*, porrigitur. Trans *Sauum* enim sunt regna: *Dalmatia*, & *Croatia*, ac *Bosnia*, ad coronam Hungariæ pertinentia; & omnis ille tractus, vsque ad *Taurunum*, siue *Belgradum*. Illic est Episcopatus *Bosnensis*, cuius sedes nunc fuerat oppidum *Diaci*. Est in eo tractu *Nándor-Alba* ipsa, cuius muros adluit *Sauus*, & ibidem *Danubio* miscetur. Est illic etiam arx *Zabacs*, ad ripam eiusdem *Savi*. Sunt præterea multæ arces, iam pridem per *Turcos*

n) Examinauimus eam sententiam alibi: dubiam fecimus, DECADE I. Monum. I. Cap. VIII. §. II. nota f.) p. 15. nunc, plane inficiamur: causas, ad Strigonium exprompturi: licet satis sit dixisse; contraire ei sententiæ, ANTONINI Itinerarium,

o) Hinc celebratum Hungaris prouerbium: *Németnek Béts, Magyarak Péts*; quod



Turcos interceptæ, vti est: *Barka, Vjvár, Dobor, Michálocz, Dobocziez, Zlaboczina, Moglay, Grayacz, Zrebernik*, & aliæ multæ. <sup>arces reli-  
quæ:</sup> Est etiam *Dalmatia*, fere vniuersa, per *Venetos* occupata, cum sua metropoli *Iadera*. Est & Episcopus *Tinniniensis*, cuius etiam vni- <sup>Iadera:  
Episcopus  
Tinninien-  
sis:</sup> ca arx *Czazyn*, in manibus Episcopi, *Ioannis Vylaki*, viri excellen- <sup>Modrusien-  
sis:</sup> tissimi, nostro hoc tempore, habetur. Est etiam Episcopus *Modrusiensis*, qui & ipse paucos adhuc ad mare *Adriaticum* habet pro- uentus, quem Episcopatum *Serenissimus* rex *FERDINANDVS*, non ita diu contulit Theologo cuidam, *Fratri Dominicano Dionysio*, proprio nomine. Vniuersa præterea dominia *Comitum de Frangepanis*, *Zrinii de Zrinio*, nec non *Blagay*, sunt in hoc tractu, arces vi- <sup>ditio Fran-  
gepanum,  
Zriniorum,  
& Blagayo-  
rum.</sup> delictæ: *Modrusium, Ozal, Dobovecz, Bruman, Czetin, Zibenychnak*, & aliæ. Multa castra inferiora: *Lipovecz, Zelim, Iaztrabarcza, Okich*, in altissimo monte situm.

§. IX. Quæ vero regio, *Sauo, & Drauo*, fluminibus, inclusa <sup>Regio inter  
Sauum &  
Drauum,  
diuisa bifa-  
riam:</sup> est, ea, nostra hac ætate, bifariam nominatur. Illa enim pars, quæ ad occidentem hibernum, vsque ad fines *Carniolæ, & Carinthiæ*, quæ antea *Carnia* nominabatur, & *Comitatus Ciliæ* vergit, adpellatur *Sclauonia Hungarica*. In hac sunt: *Comitatus Zagrabiensis, Varasdiensis, Crisensis, Veröcze, Posséga, Válpó, & Valco*. Est & Episcopus *Zagrabiensis*, dignitate & redditibus, olim insignis. cuius <sup>in Sclauo-  
niam Hun-  
garicam,  
cum suis Co-  
mitatibus:</sup> titulum benignitate regia, ego gero. Est illic etiam ciuitas regia, *Mons Græciæ* vocata, ipsi arci *Zagrabiensi* vicina, in colle quodam <sup>Mons Græ-  
ciæ, & re-  
liqua oppida:</sup> exstructa. Sunt ibidem insignia loca etiam alia, vt *Varasdinum, Csaproncza, Chasma, Ivanch, Dombro, Crisum, Rokonok, Zentbberg, Monofzló, Lyzek, Gereben, Rahócza, Ezek*, & alia infinita. Ea vero pars, quæ inter ostia *Sauæ & Draui*, orientem versus porrigitur, vocatur *Sirmium*. In ea sunt arces: *Vjlak*, initium & caput *Sirmii*, <sup>Et in Sir-  
mii, ubi  
est Vjlak:</sup> quæ in monte, *Danubio* imminente, non absimili situ, quam *Buda*, iacet, regalibus instructa ædificiis, tum sepultura fratris *Iohannis Capistrani* inclyta. Item, *Bánomonostra*, sedes Episcopi *Sirmiensis*, <sup>Bánomo-  
nostra, sedes  
Episcopi Sir-  
miensis: Pe-  
tro-Varadi-  
num: Za-  
lonkemen,  
& reliqua.</sup> *Kamancz, Váradinum Petri, Karan, Zalonkemen*, in ripa *Danubii* omnes sitæ. Circa septentrionalem autem ipsam ripam *Sauæ*, a meridie, orientem versus, sunt ex ordine arces: *Diacon, sedes Episcopi Bosniensis; Sanctus Laurentius, Maróth, Racza, Zemblinum, S. Demetrius, Bancz*, & pleræque aliæ. Hic tractus, olim *Sauia*, siue *Sauiensis* regio adpellabatur. Hæc itaque *Secunda Hungariæ Pars*, vt supra docuimus, *Sauo* intercisa, ab ortu *Myfos, Triballos*, qui nunc *Rasciani* vocantur, contingit; ab occidente, *Austriis* prouinciis; ab austro, monti *Scardo* est contermina; ad septentrionem vero, *Draui* ripis finitur.

§. X. *Tertia HUNGARIÆ Pars*, inter *Tibiscum & Danubium*, <sup>Tertia  
Hungariæ  
Pars, inter  
Danubium  
& Tibi-  
scum:</sup> fluuios, Boream versus, ad *Carpatum* vsque montem protenditur, ac inter septentrionem & orientem, *Moravia* fines; ad orientem vero, *Tibisci fluminis*, in *Danubium* incurrentis, ostia attingit, quam olim

quod est: *Suam sibi Germanos habere posse Viennam; dummodo Hungari retineant Quinqueecclesias.* quæ nostra lingua *Pérs* dicuntur.

Decadis II. Monumentum II.

E e



*Archiepiscopus* olim Iaziges Metanastæ incolebant. In ea est Archiepiscopatus *Colocsa*, qui & *Bachiam* vnitam habet. Sunt etiam Episcopatus: *Agriensis*, *Nitriensis*, & *Váciensis*. Multa adhæc monachorum, prælatorum, diuersi ordinis, monasteria. Comitatus: (p) *Scepustum*, *Sáros*, *Ujvár*, *Trentsinium*, *Nitria*, *Gömör*, *Túróc*, *Lyptó*, *Bacia*, *Pesth* ciuitas multique alii. Ciuitas *Pesth*, ad orientalem Danubii ripam, e regione *Budæ* conspicitur, incolis frequens, vinis exoticis, & *Sirmicis* optimis, nec non *Somogyinis*, *Baroniacis*, ac alterius ordinis, celebris. Ager arenosus, sterilisque, sed amplissimus, cuius latus septentrionale adpellatur *Rákos*, (q) vbi comitia publica, & electiones *Regum*, atque *Palatinorum*, Hungari, felicioribus temporibus, facere consueuerunt. *Vácia* ciuitas, sedes *Episcopi*, ad ripam pariter *Danubii*, qui insulam illic mediocrem circumluit. Sita est a *Pestho*, Boream versus, quatuor milliaribus recedens, locus, propter montem, arboribus plenum, & propter viridaria, amœnissimus. Huius titulum nunc gerit, optimus vir, *Blasius de Varadino Petri*, regius, & *Camerarius*, & *Consiliarius*. Est in eodem tractu *Maros* oppidum, *Vissegrádo* obiectum.

§. XI. Tum traiectis per ordinem, *Ipola*, *Grano*, & *Nitria*, fluminibus, est *Gutha* oppidum, quod ad ostia *Vagi* fluminis, circa quæ loca piscatio fit *Antacæorum* piscium, situm est. Hinc magis ad aquilonem, ad ripam eiusdem *Vagi*, est arx *Sempthe*. Ex eo loco, relictis ad dextram aliquot pagis, a *Tyrnauia*, tenditur *Posonium*. Hæc vrbs regia, adiacet ripæ Danubii, habens in colle eminenti, arcem fortissimam. Ultra *Posonium*, intra viscera montis, ad orientem æstiuum, est arx *Stompha*, & monasterium *Eremitarum*, *Thal*. In radicibus vero, insistent arces: *Sanctus Georgius*, *Bozin*, *Vöröskő*, præterea aliquot oppida. Hinc, ad orientem visitur *Tyrnauia*, ciuitas, & arte & natura minus munita, fluuiolum habens eiusdem nominis. *Nitria*, sedes *Episcopi* dehinc, sedes *Episcopi* ad septentrionem, orientem versus vergens, cum arce munitissima, quam modernus loci *Episcopus*, insignis vir, *Franciscus Thurzo*, (r) *Cameræ* regię præfectus, munitiorem longe fecit, quam ante fuerat. A qua, non longe versus *Danubium*, constructa est nouiter, contra *Turcorum* impetum, *Oláh-Vjvár* munitio *Archi-Episcopatus Strigoniensis*, *Oláh-Vjvár*, (s) a cognomine

p) Plenius ad hunc modum connumeraueris: *Posoniensis*, *Nitriensis*, *Trentsinensis*, *Aruens*, *Thuroczensis*, *Lyptouiens*, *Scepusiensis*, *Sárosiens*, *Aba-Ujváriensis*, *Sempliniensis*, *Borsodiensis*, *Tornensis*, *Gömöriensis*, *Zoliensis*, *Barsiens*, *Hontensis*, *Neogradiens*, *Heuesiens*, *Pesthiensis*, & *Soldensis*, *Szolnok* exterior, *Bácsiens* cum *Bodroghiens*.

q) Si lubet, comitiorum, isthic actorum, historiam, & ritus, recognoscere, adeundus erit, Operis nostri Tom. III. p. 42. seqq.

r) Postea maritus, atque *Georgii Thurzonis*, regni Hung. *Palatini* pater, *Emerici* auus, vide Hist. *Aruens*.

s) At vero, non *OLÁHVS*, *Archiepiscopus*; sed *PAVLLVS de VARDA*, primus arcis conditor fuit; ergo, non ab illius, sed ab huius nomine fuisset nuncupanda. Fufe, de arce ipsa, commentati sumus, Tomo IV. a p. 330. ad p. 383. posito simul arci, iam solo æquatæ, monumento emortuali. quæ singula illic lege,



mine moderni Archi-Episcopi dicta. A *Nitria*, distat *Trensinium*, *Trensinid*: nouem miliaribus, & loci amœnitate, propter adluentem *Vagum*, & munitione memorabilis. Inter quam, & *Nitriam*, sunt arces: *Golgócz*; *Galgócz*, *Temetbén*, *Vág-Vjbely*, & nonnulla oppida. Est in eodem tractu etiam *Ilaua*, & castrum fortissimum *Bisatriczia*. Item versus orientem, *Vgrouecz*, *Ghymes*, & deinde *Léua*, *Baynócz*, ad fluuiolum *Nitra* sita. Ultra montem, arx *Letbana*, & circa *Vagum*, magis ad septentrionem, *Ztrecesen*, *Orana*, *Lykaua*. Ultra *Vagum*, *Sueban*, *Blattnicz*, *Sklabina*, arces.

§. XII. His, ad orientem brumalem, vicinæ sunt septem (t) ciuitates montanæ, siluis & locis asperis interseptæ: *Cremniczia*, *Schemniczia*, *Bisatriczia*, *Bukanum*, *Mons Regius*, *Dilinum*, & *Libetha*. Arces: *Sáskő*, *Dobransyiva*, *Vygles*, *Lypcse*, supra quam *Granus* (u) oritur. Loca hæc sunt auri & argenti fodinis, atque aliis metallis, memorabilia. Inter eosdem montes, circa *Ipolam* fluuium, sunt oppida plurima: *Rimaszombatb*, *Ozdin*. Arces: *Füleke*, *Loffsoncz*, *Salgó*, *Tarian*, *Kalonda*. Præpositura *Bozok*. Item oppida: *Carpóna*, *Lythva*, *Hydvég*. Præpositura *Saag*, arx *Drégel*. Oppidum *Oroz-y*, perpetui, ac semper fideles *lanitores* regum *Hungariæ*. Ab his itur *Cassouiam*, quæ ipsis montanis ciuitatibus est septentrionalis; ciuitas pulchra & fortis, iuxta quam labitur *Hernadus* amnis, qui postea inuehitur *Saioni* fluuiio: is, non procul ab oppido *Moby*, exoneratur in *Tibiscum*. *Cassouia* vicinæ sunt ciuitates liberæ: *Eperies*, *Leutschouia*, *Bartfa*, *Sibinium*. Hinc ad septentrionem, *Scepisium*, *Tarkő*, *Késmark*, *Rosnauia*, *Smolniczia*. Inter montes, arx *Murán*, vsque ad admirationem, fortissima. Item, versus occidentem, inter *Saionem* & *Hernadum* fluuios, sunt oppida: *Vámos*, *Zykezo*, tum versus *Cassouiam*: *Haradna*, *Syna*. Arces: *Thorna*, *Nagybida*. Item, meridiem versus, arces: *Sóvár*, *Chiczua*, *Vngvár*, *Vjbely*, *Therebes*, *Fizeer*, *Vib*, *Sarospatak*, *Boldogkő*, *Thálya*, *Tharczal*. Item oppida: *Zánto*, *Lisza*, vini optimi feracia. Arx deinde *Tokay* in occidentali *Bodrog* fluuium accipientis ripa est condita, qua traiectus est ad reliquam *Hungariæ* partem, locus amœnus & munitus. Orientem autem versus, in radicibus montis siluosi, ex quo *Latorcza*, *Zaza* flumen oritur, sita est arx *Munkáts*, redditibus vini & pecorum insignis, a qua non longe abest *Beregh-Szaáz*, Parochiali Ecclesia memorabile. Infra *Saionem* fluuium, meridiem versus, *Dyósgyőr*, arx cum oppido eiusdem nominis, magis amœna, quam munita, occurrit. Infra arcem fluit ex monte riuus, truttis, & aliis piscibus delicatioribus scatens. Ad medium hinc miliarium, est oppidum *Miskócz*, subditum arci, vinis, & omni com-  
meatum genere, abundans.

## §. XIII.

t) Expromissus eas, Tomo II. & IV. adcuratione maxima: quas illic excutiat Lector, historiæ naturalis studiosus.

u) Fontes *Grani*, veteribus *Granaua* dicti, non in *Comitatu Zoliensi*, in quo arx *Lypcse* sita est; sed in *Gömöriensi*, quærendi sunt, altius in orientem brumalem, ubi eos designauimus.



§. XIII. Ab hoc, meridiem versus, ad quatuor milliaria, posita est *Agria*, sedes Episcopi, olim magnorum redituum, quæ hoc tempore, ante paucos annos, oppugnationem Turcicam, viriliter & constanter sustinuit, nunc Episcopo carens, demortuo nuper optimo viro, *Francisco* ab *Vjlak*, illius Episcopo. Hinc etiam, in ripa *Tibisci*, orientem versus labentis, sunt inter alia plurima oppida: *Zolnok*, *Varkon*, *Körtvéles*, *Szegedinum*, insigne oppidum. In ripa vero *Danubii*, e regione meridionali defluentis, sunt, prætermissis aliis, *Coloczia*, sedes Archi-Episcopi *Coloczensis*, Ecclesia Cathedrali olim inclyta: *Zerenliem*, *Bakmonostra*, *Bodrogh*, *Patba*, *Apáthi*. Hinc *Bácsia*, alia Archiepiscopi *Coloczensis* sedes, ad vnum milliare a ripa *Danubii* sita, omnibus commeatibus, maxime piscibus, abundans, usque adeo, ut quandoque mille pisces, carpii, siue lucii, mixti carpionibus, longitudinis dimidiæ vlnæ, vno ducato emi soleant. Tum, ad ostia fere *Tibisci*, in *Danubium* se exonerantis, est *Titulium*, olim nobilis Præpositura, redituum quatuor millium ducatorum. Deinde *Kisdý*, *Kabol*, & aliæ plurimæ arces. In hoc, inter *Danubium*, & *Tibiscum*, tractu, ad septentrionem, campus est *Cumanorum*, cum multis vicis, regio *Fisco* addictis. Alunt isti pecora & greges equorum, ex quibus opes non paruas sibi comparant. Aquæ & lignorum sunt inopes. Ager, non vllius leguminis commodius ferax, quam peponis. Ad ignis usum, utuntur arundinibus, fimo animalium, & modicis lignis, procul aduectis. Supra quos, in orientem dissitus est alius tractus campestris amplissimus, qui *Bácsiensis* Comitatus adpellatur, multis oppidis refertus, tritici, frumenti, leguminisque ferax. Vino utuntur *Sirmico*, a quo *Danubius* interfluens, eos dirimit. Nascuntur hic optimi equi.

§. XIV. Quarta illa HUNGARIÆ Pars, quæ ultra *Tibiscum* est fluuium, olim DACIA adpellabatur. Hæc ad septentrionem, *Sarmatiæ* partem attingit, & a *Carpatho* monte, usque ad flexum *Tyræ* fluuii, porrigitur. Ab austro autem *Danubio*, ubi *Ister* vocari incipit; ab occidente vero *Tibisco*, & *Iazigibus Metanastis*, terminatur. Pars regni omnium amplissima; continet enim prouincias: *Valachiam* (v) magnam, quæ *Transalpina* vocatur; item *Moldauiam*, *Transsiluaniam*, *Maramarusum*, *Samosköz*, *Keresköz*, *Nyir*, & *Temesköz*. *Transalpina* olim a *Flacco*, qui coloniam Romanorum eo deduxerat, *Flaccia* vocata fuisse dicitur. Ab alpibus, quibus a *Transsiluanis* distincta est, incipiens, ad *Euxinum Pelagus* extenditur, terra plana, aquarumque indiga. A septentrione *Roxolanos*, qui nunc *Rutbeni* vocantur; a meridie eam *Hungariæ* partem, quæ arces *Temesuár*, & campum *Moxons* respicit; ad orientem vero, *Danubii* flumen, *Myfiam* inferiorem ab ea diuidens, contingit. Huius Principes, *Waywoda* adpellantur, regibus quidem *Hungariæ* ab antiquo subditi; verum nunc, crescente potentia *Tureica*, dubiæ semper

v) *Valachia*, a Sarmatis dicta, ob *Italicam* coloniam, isthuc deductam: *WLACH* enim eo idiomate, *Italus* vocatur, & regio ipsa *Wlachia*; hodie *Wlaská Zem*. Luculentius, tamen ob iter, *Valachiam* descripsit, *PAVLVS IOVIYS*, Historiar. Lib. XL. Tomi II. Parte altera p. m. 311. seq.



per fidei existunt; nisi, quantum armis coguntur. Nostra hac ætate, *Petrasco* quidem obtinet eam regionem, pulso *Radulo*. Dum exigit necessitas, ad quadraginta millia hominum armatorum, in aciem educere, intra suos fines posse dicitur. Principes huius regionis, non modo aduersæ factionis; sed etiam ex sua familia hominem, de imperio ambiendo suspectum, vel interficiunt, vel naribus, aut aliis membris, truncant. Græcam sequuntur fidem. *Moldavia* regio, ab oriente coniungitur *Transalpina*, ad septentrionem, *Moldavia* versus occidentem *Polonis*; ad boream vero, interposita *Podolia*, non longe absunt a *Tartaris*, qui vicini sunt paludi *Mæotidi*. Eius etiam regionis principes vocantur *Vaywoda*, (x) haud aliter, ac *Transalpini*. Isti quoque, subsunt ab antiquo regi *Hungariæ*, cui iuramentum fidelitatis semper præstiterunt, sæpe tamen a regibus *Hungariæ* defecerunt. Ultra quadraginta hominum millia in armis alere possunt. Sermo eorum olim fuit *Romanus*, ut qui sunt colonia Romanorum. Equis generosis abundant. Nostra hac ætate, *Alexander* quidam, eam regionem possidet, nunc *Turcis*, nunc *Polonis*, adhærens.

§. XV. *TRANSILVANIA*, undique cincta est altissimis montibus, *Transilvania* ex ea potissimum parte, qua a *Transalpinis* secernitur, vno saltem ex latere, quo septentrionem & *Moldauos* respicit, patentiore habet aditum. Ex *Hungaria*, tres ad eam patent viæ, hæque difficiles, videlicet: *Mezes*, *Kéres*, & *Porta Ferrea*. Ex *Transalpina*, angustus est ingressus. Facilius ex *Transilvania*, quæ triginta, vel circiter, milliaria longa est, & lata fere totidem, totam *Hungariam* subigere possis, quam ex *Hungaria* *Transilvaniam*; nam itinere eius roboribus succisis, facile coarctari possunt. Gens bellicosa, & equis abundans, agri fertilis regio, vini ferax, auri, argenti, ferri, aliorumque metallorum, præterea salis plena, bouum, ferarum, vrsorum, piscium, abundantissima; ut naturam accusare non possis, quin omnia vitæ commoda in eam contulerit regionem. In hac sunt quatuor diuersi generis nationes: *Hungari*, *Siculi*, *Saxones*, & *Valachi*; inter quos *Valachi* (y) *Romanorum* colonia esse dicuntur. In hac regione sunt flumina: *Saros*, *Bistricia*, *Samos*, *Kéres*, *Maros*, qui *Marusius* olim vocabatur, *Aranyas*, *Kykelló*, & *Ompay*, quæ postea diuersis aucta fluuiolis, pro maiori parte fiunt nauigabilia, & demum influunt in *Tibiscum*. Loca complura sunt notabilia, signanter septem (z) ciuitates, quas sedes vocant Saxonicas, nempe:

*Cibi-*

x) *Slauicum* itidem, seu *Sarmaticum* dignitatis vocabulum. *Wywodym* certe, educere, reliquis præire, significat. Ergo, *Wywoda* est ductor, siue *Dux*; unde factum, *Waywoda*; quod *Hungari*, *Vajda* pronunciant.

y) *Valachi*, seruum sunt genus, ignobilibus ministeriis adhiberi soliti; siue ii ex *Romanis* coloniis superstites; siue proxime e *Valachia* huc illati. Iam, immane, quam adtollant capita.

z) Rectius vrbes *Saxonum* recensueris: *Cibinium*, Germanice *Hermanstadt*; *Brassouia*, siue *Corona*, vel *Cronstadt*; *Bistricia*, *Nöfenstadt*; *Szegesvária*, *Scheszburg*; *Megyes*; *Szászbebes*, seu *Sabessus*, *Millenbach*; *Colosuarua*, seu *Clausenburg*;

vide



- Cibinium, Sásfebes*, olim *Sabessus*, *Segesvár*, *Sasváros*, siue *Brošvincz*, & *Bertalom*, ac *Holozonya*. Harum, quamlibet Præfecturam, siue magistratum, qui *Iudiciatus regius* vocatur, Rex confert. Subsunt his singulis multa oppida & vici. *Cibinium*, caput est, nobilis ciuitas & magna, negotiatoribusque referta, adhæc munitissima, vt vix alia ratione expugnari possit, quam inedia, vel intestina discordia.
- Vizakna*: Non longe hinc dissitum est oppidum *Vizakna*, prope quod sal effoditur. Ciuitati *Sasváros*, subest ad vnum milliare locus quidam, cui nomen est *Kenyér Mező*, latine *Panis Campus*, memorabilis est conflictu Hungarorum & Turcorum, tempore regis
- Alba Iulia*: MATTHIAE. Est & *Alba Iulia*, (a) tribus circiter milliariis ab eo campo distans, sedes Episcopi Transiluanienfis, cui hoc tempore præfidet *Paullus Abslemius*, (b) Episcopus, doctus & probus vir. In ea ciuitate est sepulchrum excellentissimi ducis, *Iohannis Hunnyadis*, patris *Matthiae* regis. Sunt in *Transilvania*, alia etiam insignia loca, vt arx *Hunyard*, dicti *Iohannis* propria, sub radice montis *Haczok* sita, haud procul a *Déva* arce, in altissimo monte condita.
- Colosvár*: Item, ciuitas *Colosvár*, quæ nunc *Claudiopolis* nuncupatur, situ, & opibus inclyta. Abbatia *Kolosmonostor*. *Thorda* oppidum, penes quod sal scinditur. Item, vltra alpes, versus orientem, sunt oppida: *Begen*, *Vásárbely*, *Zakad*, *Terem*, *Sáros*, *Nagylak*, *Udvarbely*, *Megyes*: *Köbalom*. Item, arx *Kykellő*, ciuitas *Megyes*, nece *Ludovici* Gritti, insignita. Altera ciuitas *Brassouia*, siue *Corona*, mercatu celebris. Item, arx *Torc*, fortissima, veluti porta *Transiluanie*, qua ex *Transalpina* venit.
- §. XVI. Supra *Sámos* fluuium, in occidentem, est oppidum, *Riuulus Dominarum*, & *Felsőbánya*, auri & argenti fodina vberissima. Ea vero regio (c), quæ vltra fluuium *Sámos* est, vocatur *Zilágyásgh*, vbi inter alia oppida ad ripam *Sámosii* orientalem, est *Zathmár*, ad occidentalem (d) vero *Némethy*. Et sic procedendo in eis locis, extra *Transiluaniam*, peruenitur ad oppidum *Debreczen*. Postea est ciuitas *Varadinum*, sedes Episcopi, qui hoc tempore est excellens vir, militia & religione æque honoratus, *Matthias Zaberminus*. In Ecclesia *Varadiensi*, clara est sepultura D. *LADISLAI* regis, & *SIGISMUNDI* (e) Imperatoris. Præterfuit illam ciuitatem, & diuidit fluuius *Körös*. Hinc non procul sunt oppida: *Püspöky*, *Byhor*, *Kerefsztúr*. Occidentem versus, latissimi sunt campi, alendis pecoribus commo-
- diffi-

vide REICHERSDORFF: Chorogr. Transil. in collectione IACOBI BONGARSII, Scriptor. Hungar. p. 568.

a) Hodie CAROLINA, ab augusto instauratore suo, CAROLO VI. sic dicta, qui eam operibus militaribus ad regulam factis, munitissimam reliquit.

b) Characterem eius, *Franciscus Forgách*, Episcopus *Varadiensis*: in Hist. sui temporis, manu scripta, egregie depinxit. quem, si datur, lege.

c) Regionis hæc ora, *Hungariæ* hodie accensetur, posteaquam desierunt esse Principes *Transiluanie electiui*, Partium *Hungariæ* Domini.

d) Hodie, in vnam sunt urbem liberam regiamque, coadunata, quæ iunctim, *Szatbmár-Némethy*, dicitur.

e) Ne vola, ne vestigium ex his monumentis superat, ita ea, ingrata posteritas, detriuit, saltem neglectui habuit: postea vero obliterauerunt urbis obsidiones,



diffimi, in quibus est oppidum *Debreczen*, pecorum mercatura infima *Debreczen*:  
 gne. Inferius sunt: *Angyalbáza*, *Nádudvar*, *Ozthupan*, aquarum &  
 lignorum indiga. Horum locorum incolæ, multa alunt armenta,  
 adeo, ut inuenti sint, qui decem circiter millia boum (f) aluerint.  
 Hinc versus meridiem, in ripa orientali Tibisci: *Balászentb. Miklós*,  
*Varsán*; in aduersa vero ripa, *Sanctus Andreas*, *Alba Ecclesia*, *Bokyn*,  
 inter vtrumque, *Thur* oppidum, qui tractus *Körösköz* vocatur. Ver-  
 sus radices montis, est *Fekete-Báthor*, *Ireg*, *Cheffa*, *Zadan*, *Kerekfel*,  
*Sarkád*. Hinc magis ad orientem, arx munita, *Gyula*, *Bezely*, *Te- Gyula*:  
*leký*, *Miske*, *Talpas*, *Féltbót*, oppida. Quæ autem inter *Album Kö-*  
*rös* & *Maros* fluuios, in meridiem porrigitur regio, *Marosköz* vo-  
 catur. In ea *Makra* promontorium est, in quo optima vina na-  
 scuntur. Item sunt arces: *Solymos*, *Lippa*, *Vilagosvár*, *Pangorba*, *Lippa*:  
*Zarad*, *Kerek*. Dehinc magis ad meridiem oppida: *Simánd*, *Paly*,  
 Præpositura *Orodiensis*, arx *Nagylak*, oppida: *Bozás*, *Kávárháza*,  
*Krothas*, *Pereg*, *Hettbes*, *Chongrád*, & alia plurima. Ex ea rupe, *Chongrád*:  
 quæ oppido *Karanszebes* imminet, oritur amnis *Themes*, qui castel-  
 lum & oppidum *Lugos* adluit, ubi equites, militiæ dediti sunt opti-  
 mi. Deinde est *Temesvár*, ab eo flumine cognominatum castrum *Temesvár*:  
 fortissimum, quod superioribus annis in manus *Turcorum* deuenit.  
 Hic amnis *Themes* præterfluit, & deinde, per latissimos campos in  
 Danubium se euomit, medio inter *Samandriam*, & *Belgrádum*, in-  
 terstitio. Inter hunc *Themesium*, & *Maros* fluuium, regio sita, *Te-*  
*mesköz* vocatur, regio fortissima, multis oppidis referta. Vbi est  
 etiam *Chanadinum*, Episcopatus sedes, quæ hoc tempore, propter *Chanadi-*  
 rabiem *Turcicam*, pastore vacat. Magna est in hoc tractu piscium *nunc, Epi-*  
 copia. Inter eundem *Themesium* fluuium, & *Danubium*, campus est, *scopi sedes*:  
*Maxons* dictus, in cuius medio siluoso, arx est *Ersomlyó*, item alia  
 campestris *Somlyó*. Hic e regione, ad aliam Danubii ripam, sita est  
*Samandria*, olim sedes *Despotæ*, siue Domini *Rascianorum*, iam diu *Samandria*:  
*Turcico* subiecta imperio. In his locis sæpe visus esse dicitur grex  
 ceruorum, & damarum, usque ad tria & amplius (g) millia. E  
 regione *Samandriæ*, in ripa Danubii, est arx *Seuerinum*, a *Seuero* olim *Seuerinum*:  
 imperatore, ædificata. Infra *Traiani* pontem, cum tribus aliis, *Or-*  
*soua*, *Pécb*, & *Micháld*, illi subditis. Harum præfectus vocabatur  
*Banus*, Magistratus magni nominis. Pons *Traiani*, (h) magnificis Pons Tra-  
 fuit iani.

f) Verosimilius ista dicuntur, quam quæ alibi legas. Ciues, inquit, quantum  
 fortunis, & specialiter re pecuaria valuerint, quantumque quondam potuerint, con-  
 iice ex munice quodam, cui nomen erat Caspar Biró, quem Nicolaus Oláh, Ar-  
 chiepiscopus Strigoniensis, familiariter cognouerat. Is sæpe, centum millia boum,  
 ad pascua agebat. Celebr. Hung. Urb. & oppid. Topogr. P. II. p. 14. ad Debre-  
 czén. Conf. Decadis I. Monumentum I. Cap. XVI. §. III. & nota x.) p. 30. ubi,  
 OLÁHVS, non centum, sed decem admodum millium boum, meminit. quod sane  
 mendum est, nigro calculo notandum.

g) Ita OLÁHVS, loco nunc laudato, Cap. XVII. §. III. p. 31. Et facile omni-  
 no est, idem opinari: quando in vastis adeo solitudinibus, nostri, iuxta & Tur-  
 cæ, a venatu ferarum, mutuo metu, retentabantur.

h) Vulgaris, de Ponte *Traiani*, error, ex DIONE haustus; quem Magnitudinis  
 Roma-



fuit exstructus operibus, quem *Traianus* imperator lapideum in Istro fecit: opus mirandum & memorabile, cui cetera eius opera, vix adæquare possis. Viginti stant etiam nunc, ex quadrato lapide, pilæ, quarum altitudo centum & quinquaginta pedum, præter fundamenta, habetur; latitudo sexaginta pedes continet. Distant inter se centum & quinquaginta pedibus, fornicibusque olim coniungebantur.

Epilogus:

§. XVII. HUNGARIAM itaque, hoc modo brevissime circumscriptam, veteres olim *Reges Hungaria*, feliciter possidebant; sed iam deducta est in altissimum, adeo, ut vix fimbriæ quædam, veteris *Hungariæ*, in manibus Christianorum remaneant. Hæc autem summaria descriptio eiusdem *Hungariæ*, desumpta est ex commentariis (i) siue scholiis, magni viri, Domini NICOLAI OTÁHI, in eo loco, ubi ipse Scythiam, libello ornatissimo, descripsit. Et in hac quidem *Hungaria*, quam supra nominati Hungariæ reges, feliciter possederunt, diuersis temporibus multa addiderunt statuta & decreta, quæ exstant, & habentur in usu, magna ex parte.

\*\*\*\*\*

#### APPENDIX PRIOR.

*De Serenissimo Rege Matthia, & Nicolao Bánffy; ex Schedis Paulli Gregoriantzii, Episcopi Iaurinensis, desumpta.*

##### §. I.

**I**Nter memorabilia ea negotia, quæ de temporibus Nobilissimi Regis Vngarorum MATTHIAE, commemorantur, talis quæpiam habetur veridica historia. (a) Adamauerat rex iste, prout fuit natura pronus in Venerem, amplissimi viri, NICOLAI BÁNFFY de *Alsó Lyndva*, intimi consilarii sui, uxorem. Quæ femina, genere *Siesita*, prout clarissima stirpe orta erat; ita etiam probitate & honestate morum, corporisque pulchritudine, alias sui temporis matronas, longe præcellebat. Fungebatur tunc ipse *Nicolaus*, honore *Comitatus Posoniensis*, ubi vna cum uxore habebat residentiam. Rex igitur, ut suo potiretur desiderio, simulatis aliis consiliorum causis, *Posonium* ire constituit. qua re cognita, *Nicolaus*, cui mores principis optime cogniti erant, pudicitiae uxoris timens, aduocato quodam ex primoribus suis seruitori-

*Romanæ* admiratores, subinde auxere in maius: nuper autem, profligauit MARSIGLIUS, in *Opere Danub.* Tom. II. p. 52. seqq. & peculiari epistola, ad CL. V. BERNHARDVM MONTFAUCON, quæ exstat, apud SALLENGRE, *Thesauro Antiq. Rom.* Tom. II. Num. IX. p. 989.

i) Edidimus ea, in ADPARATV hoc nostro, DECADE I. *Monument I.* Hoc vero est, ingenue confiteri, vnde profeceris. quod aliter fit hodie, ab eruditorum eo genere, qui aucupandæ famæ causa, multa passim, ex elaboratissimis aliorum schedis, in rem suam clam sciunt referre, locupletareque, quæ parturiunt, commentaria; grata mente, atque palam, recognoscere nesciunt, saltem nolunt; ne sibi umbras inducant, cimmeriis tenebris obscuriores.

a) Retulimus eandem, ex hoc ipso Monumento, in historia *arcis Posoniensis*, Tomo Operis II. p. 148. sed verbis nostris: nunc edendam putauimus denuo, quemadmodum in litteras relata a GREGORIANZIO est, ut fidem narrationi illi præstruamus.



toribus, cui nomen fuit *Benedictus Cbenebázy*, quem ipse arci *Posoniensi* præfecerat; ei imperat, ut uxorem in *Lyndvam* deducat, exprimendo eidem, cur id consilii ceperit.

§. II. Tunc *Benedictus*, multis adductis rationibus, dissuadere cœpit, ne id fieret; regem enim iniquissimo, hanc rem animo laturum. qui, etsi lasciuioris sit naturæ, nunquam tamen cuiquam matronæ vim inferre solitum, nisi illa sponte consentiret: nullum fore pudicitiae vxoris periculum, se fore sponso rem, viamque inuenturum, ut omnia probe & honeste succedant. Sed, *Nicolao* aliud nolente, deducta fuit vxor in *Alsó-Lyndvam*. *Posonium* igitur veniens Rex, dum rem, ut acta fuerat, cognouit, ingentes animo, & dignas Ioue, concipit iras, adiuuentisque aliis atque aliis, contra *Nicolaum*, criminationibus, dum vxoris quoque ablegationem, in sui contumeliam factam, exprobrasset, statuit animo, in *Nicolaum* animaduertere.

§. III. Aduocato igitur arcis præfecto, eo nempe, quem diximus, *Benedicto*, iussit *Nicolaum*, tunc adstantem, duci in carcerem. At præfectus, rei nouitate adtonitus, cœpit admodum esse anxius, quid contra *Dominum* suum, ad præceptum regis, facere deberet. Regi identidem iubenti, & iussum repetenti, ne verbum quidem respondit; sed facta aliquoties genuflexione repetebat, quid Maiestas illius iuberet; & dum itidem repeteretur, facta iterum repente reuerentia, cum se rediturum dixisset, abiit, existimante rege, quia pro adducendis lictoribus, qui *Nicolaum* captiuum ducerent, fuisset egressus. Interim *Benedictus*, conuocatis mox omnibus arcis militibus, quibus ipse præerat, vniuersum persoluit stipendium, adiurans eos ad fidelitatem, ut se, qui illos conduxerat, sequerentur, & apud portam arcis, expectarent. Quo facto, clauis arcis habens in manu, ad regem reuertitur, illumque sic adlocutus est: *En*, inquit, *O Rex! Dominus meus, tali pacto mihi has clauis arcis tradidit, ut, si ipse vel moreretur, vel in captiuitatem deueniret, Tibi illas assignarem. Video autem illum captum: en tibi clauis! mihi, in Dominum meum, manus iniicere non licet; habeto igitur, & recipe clauis, ac vale.* Quo dicto, cum omni arcis præsidio, egressus, omnium oculos, quin & regis, in sui admirationem conuertit. Rex autem nihilominus, *Nicolaum* captiuum, & catena ferrea oneratum, iussit se sequi, adligatum cuidam machinæ bellicæ, quæ curru vehebatur. Hic quoque *Benedictus*, nactus in itinere occasionem alloquendi regis: *Dum*, inquit, *O Rex! malefactor qui, piam ad patibulum ducitur, utique imponitur curru, & non pedes vadit; cur igitur tantum hunc virum, necdum morti addictum, non iubes, saltem in currum aliquem onerarium imponi?* quod & factum fuit.

§. IV. Deinde *Benedictus*, *Lyndvam* se conferens, dominæ consorti *Nicolai*, nil eorum, quæ acta erant, sed omnia læta nuntiauit, & tanta prouidentia, rem egit, & textit, ut toto eo biennio, quo *Nicolaus* in carcere mansit, eam captiuitatem vxor ignorauerit; subordinatis frequenter aliis atque aliis, nomine illius, ad uxorem, litteris. Postmodum, dum *Nicolaus*, exacto biennio, liber domum rediisset, vxor prolixitatem barbæ illius admirans, rogare cœpit, curnam barbam sibi aluisset, quod apud *Hungaros* mœroris est signum, qui alioquin barbam semper radere solitus fuisset, & nunc quoque, gratia Dei, omnia illi prospera succederent. Hic vero *Nicolaus*, rem admirans, an illa ita supina, & sui oblita esset, inquisiuit, ut captiuitatem biennii,

iam



iam in animo non habeat. Tunc vxor, ad nomen captiuitatis expauescens: *Quid*, inquit, *dilectissime marite!* quam mihi captiuitatem commemoras? *capti-  
uusne fuisti?* *heu heu me miseram!* sicque in lamenta prorupit, tanquam tunc  
primum maritus duceretur in carceres, compleuitque clamoribus & fletibus  
vniuersam domum, adeo, vt & ipse maritus, & vniuersa familia, in planctum  
& lacrymas flecteretur.

§. V. Et sic, sicut exspectatus, ita etiam summo opere admirandus fuit  
hic *Nicolai* reditus, qui *Benedicto* collaudato gratias egit immensas, de facto  
tali prudentissimo, habuitque illum, toto vitæ suæ tempore, inter amicos,  
præcipuum. Casus iste prout mirabilis, ita etiam *Nicolao*, & illius hæredi-  
bus, vsque in hodiernum diem, fuit valde damnosus. Nam rex, non aliter  
illum fecerat liberum, nisi adempta illi hæreditaria arce sua *Lippa*, & *Solyms*.  
Quas arces, filius exinde *Nicolai*, *Iohannes* videlicet *Bánffy*, constantissimus  
ille vir, quem a regis *Iohannis* fidelitate, quam illi iurauerat, nulla rerum  
tempestas, dimouere potuit, & qui sub eo rege, *Palatinatus* honorem gessit,  
licet multum laborauerit, reobtinere tamen non potuit; prout & filius *Iohannis*,  
*Stephanus* videlicet *Bánffy*, nunc sub serenissimo Rege *Ferdinando*,  
Dapiferorum Regalium Magister, licet multum, frustra tamen, pro arcibus  
illis rehabendis contenderit, donec illæ ambæ, vna cum *Temesvár*, proximis  
illis annis, nempe MDLII. in *Turcicam* potestatem deuenerunt.

## APPENDIX POSTERIOR.

*De Oratore Turcarum, a Mathia Rege deluso.*

**D**E clarissimo Hungarorum Rege *MATTHIA*, talis habetur historia. Ob-  
federat ille Nouam Ciuitatem Austriæ, eratque in castris, non longe  
ab ipsa ciuitate firmatis. Eo tempore, missus fuerat ad illum orator qui-  
dam, a *Baiazethe*, principe Turcorum, vir magni apud illum nominis, qui  
alias apud *Sultbanum*, Ægypti regem, & alios Orientis principes, magnis  
fuerat functus legationibus, principesque illos, ad quos mittebatur, sua elo-  
quentia & authoritate, flectere posse dicebat ad omne, quod principi suo  
collibuisse: id quod etiam apud *MATTHIAM* se effecturum fuerat gloriatus.  
Renuntiatum hoc, ante illius aduentum fuerat, Regi *MATTHIAE*, qui suæ ma-  
gnanimitatis memor, statuit omnino, oratoris procacis factum, pari arte  
obruere. (a) Præstituta igitur oratori audientiæ hora, progressus est, vna  
cum illo, sub mœnia obsessæ vrbs, vbi acerrimum tunc insultum, sub mœ-  
nia fieri iusserat. vbi dum versarentur inter tela missilia, & pixidum hinc  
inde volitantes globos, iussit exponi legationem; qua vtrinque exposita,  
mox ad omnia respondit, dimisitque oratorem. At ille omnis responsi, in-  
ter tela & arma dati, oblitus, discedere & redire ad suum principem non au-  
dens, orabat & obsecrabat sibi repeti responsum: quod nullo vnquam mo-  
do obtinere potuit. Quo facto, *MATTHIAS* dicere solitus fuerat *Baiazethi*,  
etiam intimando, vt ad se sagaciores mittat oratores, qui responsa referre no-  
uerint.

III. OB

\* \* \*

a) Consimilem lusum, cum *Turcico* legato, a *MATTHIA* institutum, vide De-  
cade I. Monum. I. Cap. VI. §. III. p. II.



III.  
OB IAVRINVM RECVPERATVM.  
RECTOR ACADEMIAE ARGENTINENSIS,  
PHILIPPVS MARBACHIVS,  
S. Th. D. & P. Ord.  
CANDIDO LECTORI, S. P. D.

**C**um plurima, eaque non adumbrata, sed solida & expressa, præpotentis in nos DEI bonitatis ac clementiæ vestigia exstant: tum nullum eo eminentius atque illustrius esse videtur? quod non ita pridem, IAVRINO, castro, & natura, & arte, opereque munitissimo, recuperato, victoria idem longe pulcherrima, lætissima, nobilissima, nos donare dignatus est. Etenim, ne a linea, quod aiunt, hic excidamus, eaque afferamus, quæ de ipsius victoriæ afferri conditione possent: quid est, quod Iauriniana hac, esse nobilius, cedroque dignius, queat? Vt singulare quid ac eximium istud olim, C. Iulio Casare commendatum fuit, quod Africam consilio superarit: deuicerit celeritate Asiam: Europam cæde domuerit: Quid in Iaurino occupando, nonne prudens, sed tæta interim, occultaque adhibita deliberatio: idque obseruatum est, quod, qui de re scribunt militari, obseruandum esse monent: ut quæ est belli Dux facturus, nec vultu, nec voce detegat: etiam cum Metello illo Pio, tunicam suam comburendam esse statuatur, si, quid postera die sit acturus, eloqui posset. Nonne sic res gesta administrataque ibidem est celeriter: ut ante captum esse Iaurinum, fuerit auditum: quam quisquam, vel secundum quietem ac somnum, sibi hoc polliceri potuerit? istud *Veni, Vidi, Vici*, recte vereque sit a nostris viurpatum. Nonne cædes tum sunt maximæ factæ: cum immanissimorum Christiani nominis hostium Turcarum, ultra 1300. perierunt: pauci vitam suam redemerunt deditio: qui non in Viennensium modo ac vicinorum, verum etiam aliorum possessiones & fortunas, impudentissimos suos oculos, spe menteque defixerant: non nisi incendia, rapinas, sanguinem spirarant. Iam, si quæ sunt inusitata atque mira, animos nostros mouent: quot hac ipsa Iaurini recuperatione talia deprehenduntur? Miraculosa illa sunt habita, & reuera exstiterunt: cum ad Gabaonem urbem, Reges quinque fugatos, Iosua superauit: ita quidem, ut ad persequendos hostes, sol integri diei spatio, medio in cælo staret, cum a trecentis solum viris, Duce Gedeone, ingentes Madianitarum & Amalecitarum, sunt copiæ fractæ; cum Zaræ, Aethiopum Regis, exercitus, decies centenis militum millibus constans, est ad internecionem deletus: cum Constantinus Magnus, bis bello contra Byzantios victus, crucis in cælo effigiem, tali inscriptione vidit: *In hoc signo vinces*: idque euentus comprobauit. In Iaurino recipiendo, nihilne animaduersum est simile? Lunam, quæ sereno paulo ante cælo fulserat, nube obducta, subito obscuram factam, lumen pressisse, atque ita, nostrorum institutum texisse, an non miraculosum fuit? Canum latratibus claris, non procul a castro exauditis, ad auertendum periculum, excitatos Turcas minime esse, an non miraculosum fuit? Tormentorum maiorum, quorum bene multa Iaurini inuenta, nullum contra nostros exstitisse usum, an non miraculosum fuit? Silentio lubens, portæ validissimæ deiectionem, inuoluo; cataractarum molitionem, tacite factam, prætere-



reo : latere alia patior, quæ præsens DEI Opt. Max. auxilium declararunt : omnes CHRISTI, Christianorumque amantes, patriæ studiosos, Imperii Romani cupidos, mouerunt : vt, quæ ad publicum gaudium indicandum, esse accommoda viderentur, adhiberent ; & inter hos, urbem quoque hanc nostram impulerunt, vt, nuncio adlato, confirmatoque, de *Iaurino* recepto, lætitia exultaret : voluptate incredibili inclytus Senatus perfunderetur : de suggestu, ad populum gratulationes atque gratiarum actiones in Ecclesia instituerentur : idem Academia facere conaretur ; & quidem prouinciam hanc, duobus *Illustribus & Generosis D.D. Domino Zdenkonio Brtniczensi, Baroni a Waldstein, Domino in Vngersperg & Budowitz, Brtnitzii hæredi, &c. &c. & Domino Andrea Ungnadio, L. Baroni in Sonnegg &c.* daret : quorum vterque, suo præclare functus est munere : & ille quidem in carmine & oratione ligata : hic soluta. Itaque, ad hos audiendos, solita, etiam maiori frequentia, cras, Deo volente, hora octaua conuenietis. Est muneris atque officii vestri, quæ in nos, Imperium Romanum, orbem Christianum totum, a bonorum omnium largitore, conferuntur beneficia, & animo grato agnoscere, & ore pio celebrare, & faustis secundisque omnibus, quæ instant, prosequi : Deum quoque rogare, vt hæc esse nobis bona diuturna : Sacram Cæs. Maiestatem eiusmodi crebro victoriis, contra immanissimum Christianorum hostem, donare atque efficere dignetur : vt iis, qui eiusdem nunc in castris merent, nec pugnandi ardor, nec vis vincendi, nec felicitas perficiendi, desit. Sed & ambo Illustres atque Generosi Domini Barones, ita studia, res, rationes suas cunctas, summa omnium cum adprobatione instituant, vt non solum ob familiæ vetustatem, splendorem, promerita plurima atque maxima ; verum etiam pietatem, morum amabilitatem, ingenii præstantiam, discendi cupiditatem, progressus in studiis insignes, virtutes egregias, singulari Academicæ decori ac ornamento sint : magnum in his, *Illustres & Generosi Domini Domini Parentes & Cognati*, gaudium, magnum commodum amici, magnum patria ac paratum præsidium habeat. Valete. Argentinæ, XVIII. Cal. Iulii, cl. Is. IIC.

## C A R M E N

## IAVRINO RECUPERATO,

Illustris ac Generosi Domini Zdenkonii Brtnicensis,  
Baronis a Waldstein, Domini in Vngersperg & Bodowiz,  
Brtnitzii Hæredis. Informante ac præeunte

M. IOSEPHO LANGIO, POETA LAVREATO.

Sæpe ego Magnanimi laudes & facta RVDOLPHI  
Cæsaris, ac Getico partos ex hoste triumphos,  
Dicere perpetuis numeris, Latiaque Camena,  
Aggressus, frustra Musarum in vota vocaui  
Numina, sæpe meum sensi, velut ales in vndis  
RVDOLPHI Icarus, ardenti solis percussus ab igne,  
II. Imp. res Ingenium fluere, & pennas trepidare caducas.  
bellica, con- Nam neque tantarum Maiestas cognita rerum,  
tra Turcam Cæsaris & Magni virtus tam tenua polcunt,  
gesta.

Carmina



Carmina ferre sibi, nostræ nec ad alta Camenæ,  
Sufficiunt dicenda. Quis, o, quis bella cruenta  
Cælaris auspiciis, sunt gesta, hostesque fugatos,  
Deiunctasque acies, digno cantauerit ore?  
Quis fraudes *Mahomete* tuas? Quis carmine iusto  
Scripserit, aut captas vrbes, aut fracta tyranni  
Threici imperia, & defensos fortiter *Hunnos*?  
Me virides ripæ potius, Faunique recessus,  
Et Dryadum sylvæ cupiunt, & amœna vireta,  
Naiadumque chorus: tenuis mihi carmen auena,  
Permixtureque Lyræ sonitu fert tibia cantum.

Fama, de  
Iaurino re-  
cuperato.

At nunc fama recens celeres allapsa per auras  
*Iaurini* referens victrici mœnia dextra  
Reddita Christigenis, deiectis agmine Turcis:  
Sic mentem subito sic impulit, vt mea cogar,  
Castalia quamuis procul & Cyrrheide limpha  
Dislitis, audaci testari gaudia versu.

Quarto Cal.  
lend. Aprilis.

O niueum festumque diem! semperque canendum,  
Quo fera barbaries, stygiis emissâ cauernis,  
Fracta iacet: proprioque luit mala damna cruore  
Hactenus *Vngaricis* dederat quæ plurima terris,  
Et porro, lætæ fortis successibus amens  
Cæcæque non solum vicinæ dira *Viennæ*,  
Verum ipsi Oceano, patuloque parauerat orbi.

Vos, o *Calliope*, precor aspirate canenti!  
Quas ibi tum ferro strages, quæ funera miles  
Ediderit CHRISTI sacro nomine gaudens,  
Et mecum ingentes oras euoluite belli,  
Et meministis enim Diuæ, & memorare potestis.

Iaurinum,  
deditione ca-  
ptum a Sy-  
nan Bassa  
A. 1594.

Iam ter complerat cursus Hyperione natus,  
Et quartum æquoreis repararat piscibus annum,  
Ex quo Turca ferox numerofo milite cinctus,  
Mœnia *Iaurini* longa obsidione petita,  
Militis obsessi tandem arte & fraudibus emtis  
Capta tenet, circumque furens loca marte nefando  
Vastat, & abductos in tristia vincula ciues  
Coniicit, ac miseros indigne tractat agrestes;  
Quin etiam raptas quascunque libidine fœda  
Matronasque nurusque illibatasque puellas  
Ante maritorum vultus, ante ora parentum,  
Proh scelus! ante aras, per vim nudo ense coactas,  
Constuprat, & mentes scelerosis actibus explet.  
Senserat has clades amissô milite *Clissa*,  
Et bona defleuit captiuos *Agria* colles.

Clissa Tur-  
cis tradita,  
An. 1596.  
Agria ex-  
pugnata An.  
eodem, mense  
Octobr.

Turca mina-  
tur obsidio-  
nem *Viennæ*.

Nec satis innumeris ductoribus atque manipulis  
Iam præfinierat cunctis ad bella vocatis,  
Vicinam vesano ausu expugnare *Viennam*,

Panno-



Pannoniamque omnem, ac mox cultam Teutonis oram  
Nec quicquam sibi conferto certamine palmam  
Pollicitus, turpique iugo constringere colla  
Christiadum: quos hostis atrox cane peius & angue,  
Odit, acerba tuens, & verba minantia fundens.

*Consultatio  
Turcarum  
de bello in-  
flaurando.*

Ergo ubi iam stimulis furiarum ardentibus actus  
Vngarici vastantur agri, procerum agmine lecto  
Concilium horrendum mediis in sedibus aulae  
Egit, & armatae quæ sit sententia turbæ,  
Edixit, belli & iussit tractare laborem,  
Et maturando feruenti incumbere Marti,  
Demandata sibi quosuis ad mœnia cogens:

*Turcici mi-  
lites conuo-  
lantes.*

Protinus exciti variis e partibus oræ  
Threiciæ coeunt fures, vis asperat iram,  
Quales per deserta iacens ad putre cadauer  
Sic ubi vergit odor caulas ad naris apertas  
Accipitres, Coruique, & edaci gutture vultur,  
Muscarumque genus leue, vesparumque cohortes,  
Agmine conferto, & tabanorum stridula turma  
Conuolitant, prædæque inhiant sub sidere cancri;  
Tales Threicii collectis vndique neruis  
Agglomerant populi, aspectuque armisque verendi,  
Gorgonei vultus hominum: caua lumina torua,  
Fronte micant; tristem Aethiopum referuntque colorem,  
Empusis similes, insolatisue trabales  
Furibus ad furcas, aut quos infame rotarum  
Supplicium erectis sub dio (turpe) latrones  
Sustinet in radiis: quos hispida filua comarum  
Insperfit labris, \* rosa propendula mento,  
Ut si quis mullos videat, discrimine secto  
Barbarum, aut fetis deformibus ora catorum.  
Mens eadem, feruorque idem omnibus, omnes  
Christicolas vna belli delere ruina,  
Et ferro Vngaricos atque igni euertere fines.

*Prouidentia  
Diuina.*

At Superum mens, & nunquam non prouida cura  
Numinis ætherei res immortalis iniquas,  
Consilii in cæci labyrinthis fraude repertis,  
Et quasi perplexis in syrtibus indupeditos  
Implicat auctores, arctaque indagine cingit.  
Non secus ac vulpes in retia tenta plagasque  
Venatoris agit sonus, & festina canum vis:

*Fama de  
Turcarum  
expeditione.*

Nam cum fama volans tanti prænuncia belli  
Christiadum impleffet, mœstis rumoribus vrbes,  
A mari innumero Turcarum milite turmas  
Ingruere infestos reparatis viribus hostes,  
Perniciem ferroque simul, flammaque daturus  
Finibus Vngaricis, vicinæ & Pannonis oræ:  
Hinc etiam excidium tempestatisque tremendæ

Tristia



Imperator  
Germanus  
ad bellum se  
parat.

Copia auxi-  
liares e Ger-  
mania.

Itali & Lo-  
tharingii  
milites.

Maximilia-  
nus Archi-  
dux.

Ecclesia Chri-  
stiana preci-  
bus pugnat.

Tristia germanis instare pericula terris,  
Qua se Danubius iactat, Rhenusque remotus:  
Extemplo saevire animi simul omnis in arma  
Coniurat regio, pariter iuvenesque senesque;  
Austriaco in primis prognatus sanguine Caesar,  
Festinus properat saevis occurrere coeptis  
Hostium, & insani vires inhibere furoris:  
Quippe salus populi sic exigit; ipse verendi  
Poscit honos sceptri, & gentis tutela paternæ,  
Et sanctæ pietatis amor, pacisque cupido.  
Armatas igitur cogit toto orbe cohortes  
Intrepidus, variasque ciet magno agmine gentes,  
Auxilia accersens. Coniungunt signa propinqui  
Marcomanes, Bauarique truces, cum Saxone duro,  
Et Suevus potor, fortesque ad bella Silesi.  
Additur inuictum Rheni quoque robur, & omnis  
Francorum virtus: nec desit Sueua iuventus.  
Et qui Neccario potant de fonte liquorem.  
Quique Lyci ripas habitant: Istrique per oras:  
Auloni accedunt his, intrepidique Walones.  
Quotquot & e vastis misit Lotharingia sylvis,  
Infractos ad bella viros, semperque recentes,  
Quos ductare iuuat prædas, & viuere rapto,  
Acer & egregiis Maximilianus in armis,  
Felici auspicio frater, cui credere turmas  
Audet, & ingentis belli committere summam:  
Plurima Pannoniis doctor collegerat aruis  
Arma virosque: Ducesque suis sociauerat Hunnis.  
Omnibus idem animus Mahometæ obsistere genti,  
Fortibus & patrios fines tutarier armis.  
Pars pedes ire parat campis: pars arduus altis  
Puluerulentus equis furit: omnes arma requirunt:  
Tunc litui, & crepero reboantia tympana bombo  
Classica dira sonant: vt bello tessera signum.

Atque ea diuersa penitus dum parte geruntur,  
Mœra sedens, tristi turbata Ecclesia vultu:  
Qualis erat quondam saevis quando acer in armis  
Assur, Ogusque ferox, aut dira propago Philistim,  
Iudæa horrendo quassabant oppida bello:  
Multa gemens, largoque humectans flumine vultum.  
Vota precesque Deo, rerum turbante tumultu,  
Ferre parat, ciuesque simul puerosque senesque  
Matronasque metu pauidas, trepidasque puellas  
Conuocat, & pacem placata Numinis ira  
Cælestem, hortatur miseris exposcere rebus,  
Nec tantum humanis spem cunctam ponere in armis,  
Ipsa etiam ante aras mediæ in penetralibus ædis  
Ad cælum palmas, & candida lumina tendens,



*Preces Chri-  
stianorum  
supplices ad  
DEVM au-  
xiliatorem.*

*Turcarum  
tyrannis.*

*Conatus  
Turcici.*

*Peccatorum  
confessio.*

*DEVS, vin-  
dex scelerum,  
& miserea-  
tor peniten-  
tium.*

*Belli exitus  
in manibus  
DEI.*

Ingemit, & lachrymis tandem sic fatur obortis:

O! qui res hominum Diuumque æterna potestas  
Aeternis regis Imperiis & Numine torques!  
(Namque aliud quid sit, quod iam implorare queamus?)

Cernis, vt immanes scelerato fœdere Turcæ  
Coniurent, trepidoque fremat gens dira tumultu,  
Te contra, natumque Tuum: sæuique ferantur  
Hostes per medias vrbes: tumidique secundo  
Marte ruant: non clausa tegunt iam mœnia ciues,  
Quin intra portas, atque ipsis prælia miscent  
Vrbibus, & fuso nunc vndant sanguine fossæ.

Pars hominum vinctis post tergum capta lacertis  
Seruitium rapitur: misere pars fixa sagittis  
Occidit, & tristi patriæ sola cæde cruentat.  
Diffugiunt alii: nullisque tuentibus agros,  
Vngariæ vastantur opes, Turcique nefandi  
Quæ nequeunt secum ferre, aut abducere, perdunt.

Nec prius abissent, quin omnia Pannonis arua,  
Teutoniæque oras, vrbesque binominis Istri,  
Sub Mahometæum redigant ferro igne capistrum;  
Nec solum imperium nostro illi sanguine quærunt  
Proferre, & regni latos extendere fines:

Verum etiam tua sacra volunt, ritusque peremtæ  
Gentis, & insano Christi monumenta tumultu  
Perdere: sæuificique extincto lumine verbi,  
Tartareis animas tenebris inuoluere tentant.

Et nos ista quidem, nec non grauiora, fatemur,  
Pœnarum meruisse mala, stygiamque paludem,  
Tot peccatorum, scelerum tot turpibus ausis,  
Te quibus ad iustam, temere instigauimus iram:  
Sed tu Sancte Parens! hominum, qui sæuus es, idem  
Et vindex scelerum, & veniæ mitissimus auctor,  
Cuius habet nullas larga indulgentia metas:  
Ne tu, ne pœnas scelerosis actibus æquans,  
Suppliciis miseros fontes tam grandibus vrge:

Quin potius trepidos gelidæ formidine mortis,  
Afflictosque malis, humiles fractosque iacentes  
Respice: quodque negas nostris dare moribus, illud  
Da, pater alme, tuæ bonitati: hostisque superbi  
Nunc ausus inhihe. Da sæuum occumbere letho  
Inuisa cum gente, Ducem: frange impia tela,  
Et iace in aduersas vltricia fulmina dextras,  
Vt trepident animi fracta virtute minaces,  
Affusique cadant pedibus, ne surgere possint  
Rursum, & antiquas armis reparare ruinas.

Namque potes solus! Viuum per membra vigorem  
Tu das, & validos distendis robore neruos,  
Tu bellare doces, tu armatas ære phalanges

Sternis



Sternis humi, trepidosque fuga cito disiicis hostes.  
Sic Pharios olim currus, regemque superbum  
Cum tulit abscissas vestigia sacra per vndas  
Gens tua, & attoniti maris obstupere liquores,  
Obruis omnipotens fluctu coeunte refuso;  
Assuetasque mari volucres, pecudesque natantes,  
Corporibus, turpesque alis, ipso in littore, Phocas.  
Et iam surge, tuamque bonus, Pater, asserere causam,  
Quod te per natum casta de Virgine CHRISTVM,  
Per miseræ, vastæque exhausta pericula vitæ,  
Perque fidem non vanam oro, miserere laborum  
Tantum, miserere hominum non digna ferentum.

*Oratio arbe-  
ra penetrans.*

Talibus orabat dictis, ceu pinea flamma,  
Sponte sua liquidas super aeris emicat oras:  
Sæpius ac veluti cita corpora pennipotentum  
Supra Euros nubesque volant: sic illa precantis  
Verba petunt celeri fulgentia templa volatu,  
Et gremio sedere Dei, votumque tulere.  
Annuit his genitor, rerum inviolata potestas,  
Progeniemque diam manifesto numine iuuit.

*Verni rem-  
poris descri-  
prio:  
Mense Mart.  
Anno 1598.*

*Turca Vien-  
na obsidio-  
nem præpa-  
rat.*

Tempus erat gelidam quo grata tepentibus auris  
Lux terris hiemem, contractaque frigora pellit  
Vere nouo, piscique aries succedit aquoso:  
Quando dispositis deuicta per oppida turmis,  
Hostis atrox, auida spe, iam præsumpserat vrbes  
Pannonias, certus magnam obsidione Viennam  
Cingere: & infestus circum loca Marte nefando  
Perdere: iamque noui, quæ belli postulat vsus,  
Conuectabat ouans, Iaurini ad mœnia, quicquid  
Fertilibus Budæ ferus incola demetit aruis,  
Et quæ maturis Regalis messibus Albæ  
Colligit: aut late vicina per oppida sæuo  
Quæcunque imperio furor exigit impius: aut quæ  
Huc procul Iismariis effert Thrax horridus oris.

*Deus conatus  
impios Tur-  
carum intue-  
tur: Ps. 2.*

Tunc Pater æthereus summo stetit altus olympo,  
Impia perspiciens diræ conamina gentis,  
Iamque sui cœtus sortem miseratus acerbam,  
Et veniæ memor, & posita placabilis ira,  
Consilium in melius subito suæque ora reflectit:  
Hinc captæ torquens oculos ad mœnia Rabæ;  
Tempus adest, inquit, reuolutis ordine fatis,  
Ista meæ reddam, quo propugnacula plebi,  
Et meritas pœnas scelerata a gente reposcam,  
Quæ me non nouit, quæ nati membra trucidat  
Regna inhians aliena, suis grauis, omnibus ægra,  
Tantum ait, & tacito sub pectore cetera voluit.

*Nemesis, siue  
vindicta di-  
uina.*

Est Dea supremi numen famulare tonantis,  
Quæ vel ad vltrices vigil ipso in limine pœnas

Ex-



*Nemesis, ad  
Turcarum  
conatum tur-  
bandum mis-  
titur.*

*Turcarum  
sollertia &  
vigilantia.*

*Bellicæ ad-  
paratus.*

*Nemesis in-  
crepatio.*

Excubat, aut vacuo sublimis in aere pendens  
Nube volat, succincta latus: sed candida pallam  
Sed radiata comam, ac stridentibus insonat alis:  
Hanc veteres, Nemefin, genitam de nocte silenti,  
Oceano dixere patri: stant sidera fronti  
Frena manu, pharetramque gerit, gladiumque trementem;  
Quo populos, mandante Deo, Regesque potentes  
Disiicit imperiis, & magnas proterit vrbes.  
Hæc spes immodicas premit, hæc infesta superbis  
Imminet, huic celsas hominum contundere mentes  
Successusque datum, & nimios turbare paratus.  
Hæc eadem fortes heroes: semperque verendum  
Ridet, & insanis obstat contraria cœptis,  
Improba vota domans: ac summis ima remiscens  
Voluit, & alterna nostros vice temperat actus.  
Hanc Pater æthereus rerum cui summa potestas  
Euocat, & celeri properare ad mœnia cursu  
Iaurini, & cœptos nota ratione labores  
Turcarum, immanesque iubet turbare paratus  
Bellorum, tantisque moras innectere rebus.  
Absque mora ætherei patris sacra iussu capeffens,  
Ventorum rapidis & fulminis ocyor alis  
Nulli visa, cito decurrit tramite virgo,  
Iaurinæque levis tantum, superadstitit aræ:  
Hinc loca prospectans subiecta, hominumque labores,  
Et studium insanæ gentis, bellicue furorem,  
Omnia curarum videt, omnia plena tumultus.  
Bassa, vigil, primique Duces, & lecta iuuentus,  
Stant validis innixi hastis, & scuta tenentes,  
Consilium belli capiunt, de rebus agendis.  
Tela nouant alii positis incudibus: illi  
Flammiumis curuos recoquunt fornacibus enses,  
Christigenum crebris hebetatos cædibus: illi  
Tegmina tuta cauant capitum: hi thoracas ahenos  
Et confecta nouo reparant hostilia ferro:  
Pars læues clypeos & spicula lucida tergunt  
Aruina pingui, subiguntque in cote secures  
Hic galeam tectis alius rapit: ille frementes  
Ad iuga cogit equos, clypeumque auroque trilicem  
Loricam induitur, fidoque accingitur ense.  
Castra alii, & tutos defendunt aggere muros,  
Armatique cauis obseruant turribus hostem.  
Pars etiam vana trepidi formidine portas  
Explorant, pontesque & propugnacula iungunt,  
Exercentque vices pariter, quod cuique tuendum est.  
Hæc oculis Virgo lustrauit, vt omnia certis,  
Flammentem torquens aciem, totamque pererrans  
Vrbem luminibus: subitas exarsit in iras,

O! cæ-



*Imminens  
periculi pra-  
dictio.*

*Bassæ viræ  
periculum  
imminens.*

*Torpor diui-  
nizus Turcis  
immissus.*

*Studium bel-  
licum, remis-  
sum socordia.*

O cæcæ mentes! sublataque corda secundis  
Rebus: & horrendis gens dudum debita pœnis!  
Tantane te sceleris tenuit fiducia cœpti?  
Tu iam Pannonias Mahomete freta per vrbes,  
Sperare inuictis victricia signa manipulis,  
Bellorum & tantas audes dare perfida turbas:  
Falleris impia gens: de te nunc illicet actum est.  
Stultitiam Ismarum Regis: conamina Bassæ,  
Iupiter in cælis ridet, ridetque profundi,  
Iam spolia exspectans amplissima, rector Auerni.  
Iam conclamatum est. Quid, Bassa, quid angere curis?  
Præuideo, exitiumque tuum, clademque tuorum:  
Christigenis video iam reddita mœnia: iamque  
Fortia cerno capi magno discrimine ferri  
Corpora Turcarum: cerno de gente nefanda,  
Sulphureis flammis, solidoque cadauera plumbo  
Perdita: seminecesque viros, tepidumque recenti  
Cæde locum, & plenos spumanti sanguine riuos.  
Tu quoque Bassa ferox, tu non euadere possis.  
Quin vel Pragensem videas nouus incola turrim,  
Lætaque des vinctus cupido spectacula vulgo:  
Vel iaceas ingens Rabinzi littore truncus,  
Auulsumque humeris caput, & sine nomine corpus.  
Quippe tibi parat has vltix Rhamnusia pœnas,  
Quas vitare nefas. Quis enim, quis talia vitet,  
Quem Deus, & fatum periturum destinat orco?  
Sic ait, horribilique ensem fulgore coruscum  
Expedit, atque moras malesanis ausibus infert,  
Spem certam refecans, atque impia vota coërcens.  
Mox quoque tabifico plenum cratera liquore  
Corripit, & totum vacuas effundit in auras.  
Tecta super mediasque domos, sedesque Deorum:  
Torpor iners animos & fortia corda Getarum,  
Inuadit subito: validosque effeminat artus  
Molities insueta, & inertia parca laboris,  
Et vultu torpens ignauia dormitanti;  
Quin & femineo mollis lasciuiæ luxu  
Corpora non solita sternit secunda quiete.  
Friget amor belli: cessant studia aspera Martis,  
Et subito rerum facies mutata refulget.  
Sic cum turbatis placidum caput extulit vndis  
Neptunus, totumque videt, totoque videtur  
Rector aquæ Ponto: sæui fera murmura venti  
Submittunt, nullasque mouent in fluctibus alas:  
Tunc sensim infusa tranquilla per æquora pace  
Languentes tacito lucent in littore fluctus.  
Haud secus infans furor & rapida arma quiescunt  
Turcarum, superante Dea. Secura per urbem



*Securitas  
Turcarum,  
ex hostium  
despectu.*

*Adolphus a  
Schwarzen-  
berg L. Ba-  
ro, copiis  
præficitur.*

*Ducis belli  
prouidentia  
& industria.*

*Deus, cor  
Schwarzen-  
bergici, consti-  
tuit instruit.*

Agmina iam positis agitant conuiuia mensis:  
Bassa ferus, cunctique simul proceresque Ducesque  
Indulgent epulis, & grandia pocula siccant.  
Nec iam per muros legio sortita periculum  
Excubat, aut vllis obseruat turribus hostem;  
Lumina rara micant, per opacæ tempora noctis,  
Nullaque desertus seruat custodia portas.  
Sed luxus populator opum, atque ignauia, fractas  
Mulcebat mentes, & corda oblita laborum.

Interea Austriacus magno molimine Cæsar,  
Fortiter Ismariis occurrere cogitat armis,  
Vndique collectas armans in prælia turmas:  
Ductoremque legit generoso a sanguinis ortu,  
*Schwartzenbergiaden*, animi præstantis *Adolphum*  
Virtutisque virum: quem Dux Mansfeldius olim  
Carolus, a primis iuuenem formauerat annis,  
Militiam, Martisque docens tolerare labores,  
Et dubii fortem tentare pericula belli,  
Hinc primum Hesperias per Belgica cura Phalangas  
Duxit ouans, terror Belgarum: & Marte secundo  
Infractis vicit trepidantem viribus hostem.  
Huic, sed enim Austriaca Romanus origine Cæsar,  
Vngaricas nunc credit opes, fidumque manipulis  
Præficit auctorem pugnae, bellicque ciendi.  
Muneris ille memor, demandatque laboris,  
Prouidus ingenti curarum fluctuat æstu,  
Atque animum celerem, nunc huc, nunc diuidit illuc,  
In partesque rapit varias, perque omnia versat;  
Iamque locum castris legit: aut tentoria vallo  
Circumdat: lectosue armatque locatue maniplos  
Diuisos acie: casus nunc mente futuras  
Prospiciens cauta, tanto capit utile bello  
Consilium: ac tacite vires explorat, & hostis  
Militiam, ac Getico venientes orbe cateruas.

Ergo, vbi iam dudum segni secunda sopore  
Agmina fracta iacent Turcarum, & mœnia nudam  
Iaurini ostentant, motis custodibus, urbem:  
Ecce ad *Schwartzenbergiaden* iam multa parantem,  
Cunctipotens genitor, rerum inuiolata potestas,  
De celsa charam Theobulen mittit olympo,  
Nympham cælestem, cui sat arcana tonantis  
Et scire, & mandante Deo deferre per auras,  
Si qua velit miseris largiri munera terris,  
Forte sedens solus tum *Schwarzenbergicus* heros,  
Sollicitus vigili iactabat pectora curas  
Intentus, partes animum versabat in omnes,  
Si quo Iaurini possit stratagemate portas  
Diruere, & victor plenas immittere turmas,

Et M-



Oratio Theobule.

Securitas Turcarum.

Responsio Schwartzbergiaci.

Militum collectio ex vicinis praesidiis.

Martij 27. hora 1. pomerid.

Dux Lorbaringiorum militum, Oberbruk.

Hungari pedes.

Don Lopez.

Et Mahometicolæ vires infringere Bassæ,  
Ad quem tum roseo Theobule est ore locuta :  
Schwartzbergiade, magni pia cura Tonantis,  
Ecce quod optanti dudum, promittere nemo,  
Auderet, voluenda dies nuncadtulit ultro.  
Magna tenet segnes rerum fiducia Turcas,  
Nunc quibus antiquæ famulantur mœnia Rabæ:  
Nulli iam vigilum excubiis obsidere portas  
Cura datur: nullus venientes turribus hostes  
Prouidus obseruat: stant propugnacula nuda  
Milite: rara micant per opacam lumina noctem  
Læta Petæ positis celebrant conuiuia mensis,  
Et genio indulgent: potu hinc somnoque sepulti  
Procumbunt, circumque silent loca vasta quiete.  
Quid dubitas? nunc tempus equos, nunc poscere currus;  
Rumpe moras omnes, & securâ arripe castra.  
Dixit, & in cælum paribus se sustulit alis,  
Et claro fugiens signauit limite nubes.

Agnouit iuuenis, duplicesque ad sidera palmas  
Sustulit, ac tali fugientem est voce secutus:  
Numinis alterni, Theobule, sancta propago,  
An Pater æthereus nunc te mihi nubibus actam,  
Detulit in terras? vnde hæc tam clara repente  
Tempestas? video medium discedere cælum  
Palantesque polo stellas: sequar omnia tanta,  
Quisquis in arma vocas! Et sic effatus, ad aras  
Processit, puroque preces de pectore fudit,  
Multa Deum venerans, oneravitque æthera votis.  
Hinc equitum peditumque citus sub celsa Comorræ  
Mœnia, dispositas vicinæ per oppida turmas,  
Conuocat, & validis nudas catus instruit armis:  
Mox vbi Danubii ratibus vada cærulea iunctis  
Transit, officii partitur rite laborem  
Cunctis, fortiturque vices, operasque sagaci  
Diuidit ingenio, & curas ductoribus æquat.  
Munus habet primum, fortis Vaubcourtius Heros,  
Agminis Austrasii ductor: quem pone Walonum  
Dux sequitur, summi clarus de nomine Pontis.  
Signifero lectas agitans cum fratre cohortes,  
Ambo animis, ambo insignes præstantibus armis.  
Hos sequitur Nimbus peditum, tunicataque turba  
Pudis Pannonicæ, Martis certissima proles.  
Non hi sarmaticas poscebant Pesa sagittas:  
Sed quæ flammiumos edunt cum puluere bombos,  
Tormenta, & rabidum sclopetâ rotantia plumbum.  
Excipit hos præstans Lopeus, ordine quarto,  
Militis egregii Ductor catus: Inde secutus  
Strazoldus, rutilis Dux aspiciendus in armis,

Decadis II. Monumentum II.

Kk

Ag



Strazold,  
e qui cum  
dux.

Wallones.  
Galli.  
Germani.

Mons. de  
Hayn.  
Mons. de  
Werlin.  
Pálfius II.  
Iustr. Hung.

Martii 28.  
hora 6. ma-  
turina, Né-  
metum ve-  
niunt, & ho-  
ram 4. pome-  
rid. expe-  
rant.

Consilium de  
Iaurino in-  
nadendo.

Rabæ fons.

Prodigium  
Luna, subito  
nubibus ob-  
ducta, & res  
fulgentis.

Agmen agens equitum, & florentes ære cateruas:  
Iple sed in medio præstanti corpore *Adolpus*  
*Schwartzembergiades*, operis prosperrimus auctor,  
Vertitur arma tenens, & toto vertice supra est:  
Ductorem hunc, sequitur reliquorum turba *Walonum*,  
Quotquot & e vastis transmisit *SE*quana campis,  
Teutonis aut aluit tellus. Pars maxima glandes  
Liuenti plumbo spargit: Pars spicula gestat,  
Ancipitesque enses, latoque hastilia ferro.  
Septimus insequitur præstans *H*Agnius Heros,  
Werlinusque audax, feruent ubi prælia marte  
Accenso, ruit & medios eques acer in hostes;  
At postrema tibi statio, fortissime *PALFI*,  
Pannonia de gente Duci, datur ordine nono.  
Sic ubi dispositas ad bella futura cohortes  
Produxit, cunctis edicit, signa sequantur,  
Atque animos aptent armis, pugnaeque parent se.  
Illi erecti animis, *CHRISTO* Duce, & Auspice *CHRISTO*,  
Procedunt, variisque acuunt sermonibus iras,  
Spe prædæ accensi, pulchræque cupidine laudis.

Iamque dies alterque dies processerat, ex quo

Danubii ripas ac mœnia celsa *COMORRAE*  
A tergo spectant fulgentes ære cateruæ;  
Iam madidos pluuiis campos, crebrasque paludes  
Ac geminos passu totum superauerat amnes  
Agmen, & a dextris *NE*meti propiore legebat  
Mœnia contuitu: cum *Schwartzenbergius* Heros,  
Impiger ex turba ductores conuocat omni,  
Selectosque viros: hinc, quæ sententia menti  
Iam dudum sedeat? qua vi, quibus artibus hostem  
Cogitet oppressum, castris spoliare superbis,  
Edocet? ac mentes trahit in sua vota sequaces.  
Quin etiam radio descriptæ mœnia *RABAE*  
Fluminaque ignotæque situm regionis & vrbs  
Spectandum artifici in charta proponit, & omnes  
Facundo ambages spectantibus explicat ore.  
Tum quas quisque vias, quæ propugnacula portis  
Occupet effractis, exactum monstrat ad vnguem;  
Hortaturque datas partes, & credita sorte,  
Munera constanti quemuis statione tueri.

Inde, ubi iam Titan spatium decliuis *Olimpi*  
Flammiferis pulsabat equis, tempusque subibat,  
Quo nox atra diem bigis subuecta recondit:  
Mota acies, tacito *Iaurini* ad mœnia passu  
Tendit, freta dolo, noctisque silentibus umbris.  
Tunc pater æthereus manifesto numine, ab alto  
Dat signum cælo, quo non præsentius vllum,  
*Christigenum* valido firmavit robore mentes:

Nam.



Canes Tur-  
carum, Chri-  
stianis me-  
sum iniici-  
ant.

Schwar-  
tzenbergi-  
cus, milites  
meticulosos  
oratione con-  
firmat.

Christo  
Duce, non de-  
sperandum.

Schwar-  
tzenbergia-  
ci pietas &  
preces.

Isf. 10.

Namque, vbi per tenebras & grata silentia noctis,  
Obiectos propter fluuios crebrasque paludes,  
Tardius hærenti facerent iter agmina gressu :  
Ecce resurgentis splendentia cornua lunæ  
Se cælo adtollunt, ac pura luce refulgent,  
Et late circum per apertos agmine campos  
Aeratasque acies manifesto in lumine monstrant;  
Continuo exciti per compita proxima castris  
Threicii latrant, aura reboante Molossi,  
Et late horrendis campos vlulatibus implent;  
Tum vero tremefacti nouus per pectora cunctis  
Insinuat pavor, & subita formidine sanguis  
Dirigit, cedere animi : & sua cœpta feroci  
Iam Bassæ prodenda timent : nec iam amplius armis  
Nocturnoue dolo *Iaurini* inuadere castra,  
Sed retro ire parant, tantisque absistere cœptis.  
Ast Heros inuictus, vti prope cuncta suorum  
Corda metu perculsa videt, animosque labantes :  
Aggreditur dictis trepidos, atque increpat vltro.  
Quis metus o focii ! qui vos pavor improbus urget ?  
Quo ruitis ? facia vos oro per nomina CHRISTI  
Spemque meam, magni per sceptrâ verenda *Rudolphi*,  
State ! nec incassum finite hætenus ire labores  
Exhaustos, ne noster honos infractaque cedat  
Fama loco : reuocate animos, mœstumque timorem  
Mittite, & euentus rerum expectare cupitos.  
Nil desperandum *Christo* Duce, & auspice *Christo*  
Deficiat si nostra manus, non deficit olympo  
Præsidium, nostrosque iuuat *Deus* ipse labores.  
Durate & vosmet rebus seruate secundis.  
Sic ait, & delapsus equo, similisque ruenti,  
*Schwartzbergiades*, vt erat circumdatus armis  
Ad cælum duplices palmas cum voce tetendit.  
Per sanctam pie CHRISTE crucem, per vulnera quinque,  
Vnde cruor fluxit, quo gens humana resurgit,  
Per data discipulis optatæ munera pacis,  
Te precor, hac memores recolunt quæ luce nepotes,  
Adsis o ! placidus, cœptis ingentibus adsis.  
Causa tua est, quam nos iustis defendimus armis,  
Auspiciisque tuis : nec enim sine numine certo hæc  
Aggredior, sed iussa sequor, pia Cæsaris almi.  
Cur tamen ingrata nocturno lumine Phœbes,  
Prodimur, ac Turcis venimus noua præda nefandi ?  
Quod prohibe, & casus clemens auerte sinistros ;  
Namque potes, certas, nec habet tua dextera metas :  
Tu solis currus potuisti inhibere volantes,  
Et duplicare diem, clarus cum victor ouabat  
Dux *Iosue*, missis olim tot regibus orco.



Luna iterum  
diuinitus nu-  
bibus obdu-  
ta.

Ventus ca-  
num vlulatus  
a Iaurino a-  
uerrens.

Christiano-  
rum votiva  
preces.

Adpropin-  
quatio circa  
horam 11.  
noctis.

Providenti a  
Ducis.

Repagulum  
ferreum pon-  
tis conuelli-  
tur.

Petardi in-  
strumenti  
pyroholici  
descriptio.

Iam quoque CHRISTE tuis, tua bella gerentibus adsis,  
Atque polum tenebris, inimicaque lumina conde.  
Vix hæc ediderat: subito (mirabile dictu)  
Cum surgunt nebulae, atque in nubem cogitur aer,  
Tum caput obscura nitidum ferrugine tecta  
Luna abit, & grata densantur nocte tenebrae.  
Quin etiam Arctoo consurgens ventus ab orbe  
Clamores strepitusque canum, infaustosque vlulatus  
Ingenti sonitu per inanes dissipat auras,  
Et procul auersos Iaurini a mœnibus arcet.  
Tum vero rediere animi: manifesta que cernunt  
Numinis auxilia, & diuini signa fauoris.  
Augurium ergo piis precibus, votisque salutant  
Cuncti. *Christe* potens, precibus si flecteris ullis:  
Aspice nos, hoc tantum, & si pia causa meretur  
Da deinde auxilium bonus atque hæc omnia firma,  
Tu nobis pugnae princeps, tu rite propingues  
Auspicium, nobisque adsis pede, *Christe*, secundo.  
Hinc iter inceptum per amica silentia noctis  
Tuti ac fidentes peragunt, portisque propinquant.  
Ergo, vbi Iaurinis acies iam constitit aruis  
Militis Vngarici, & spacio tamen vrbe remota,  
Aërio quantum balearis verberare funda  
Traiceret forti acta manu: tum prouidus Heros  
*Schwartzembergiacus* positus ex ordine turmis,  
Quamuis tuta videt blandumque trahentia somnum  
Mœnia Turcarum: partes tamen ille per omnes  
Circumfert oculos, equitumque ex ordine lectos  
Emittit, lustrent campos vicinaque rura:  
Ne qua scire dolos mediæue occurrere possint  
Turcarum exitæ sparso rumore phalanges.  
Interea artifices primi munimina pontis  
Obicibus ruptis, & firma repagula pandunt.  
Fit via. Per pontem mox instrumenta patentem  
Cætera frangendis voluuntur idonea portis.  
Machina conspicitur, sibi quam fecere periti  
Militiæ bellicæ duces, si quando latenter  
Hostiles motis referandæ postibus vrbes.  
Hanc neque nomine fas Latio neque dicere versu:  
Sed nostri appellant peregrina voce *PEtardum*.  
Haud operosa adeo moles, fastigia coni  
Cælsa imitans: intus ferro fabricata cauato,  
Vulcani labor, antiquo non cognitus æuo,  
Portarum sed enim ferrato vimine claustris  
Sulphuris adstruitur nitrati puluere foeta:  
Hinc, vbi subiectas per nota foramina flammæ  
Concipit, horrendi velut ictu fulminis, ipsas  
Per medium ingenti portas discindit hiatu.

Obi.



Vaubcour-  
tius cum su-  
is primus in-  
rumpit.

Hoch-  
bruck se-  
cundo in-  
trans.

Fugari.

Lopesius  
& Strazol-  
dus, equitum  
ductores.

Turcae som-  
no excitati,  
& conster-  
nati.

Turci, Chri-  
stianis acri-  
ter resistunt.

Obicibus validis, valuisque serisque reuulsis.  
Hanc ergo artifices, vbi magnæ ad limina portæ,  
*Schwartzenbergiaci* iussu auspiciisque volutam  
Aptarunt valuis sensim, & duce fomite flamma  
Subiecere leuem intrepidi: mora nulla fit ingens  
Cum sonitu tremor, & sublatus ad æthera flammæ.  
Spiritus erumpit vehemens, valuasque serasque  
Rumpit, & obiectos cita vis rapit impete vectes.  
Fit via vi subito: porta mox limen & vrbis  
Effractum patulo latam dedit ore fenestram.  
Continuo cinctus sociis *Vaucourtius* armis  
Improuisus adest vrbi, & citus agmine facto  
Qua data porta ruit: sequitur non segnior illum  
Inclyta de summo qui gestat nomina ponto,  
Agmen agens peditum: hinc qua semita diuidit urbem  
Dextera, per tenebras celerant iter, atque viarum  
Defendunt aditus, & strictis ensibus adstant.  
Hos super, effractas penetrent vasto impete portas  
Agmina Pannonicæ gentis, dextramque sinistramque  
Inuadunt vrbis partem, & qua proxima vallo  
Fert aditum via, iussa ad propugnacula tendunt.  
Nec minus accelerant equitum *Lopesius* vna  
*Strazoldusque* Duces, creperi duo fulmina belli,  
Per mediamque urbem, per omnia meta viarum  
Armati properant: it clamor & agmine facto  
Quadrupedante grauis sonitu quatit ungula terram.  
Clarescunt sonitus, armorumque ingruit horror  
Iam magis ac prope cuncta tenent per compita læti,  
Mœnia capta: fauet primo fortuna labori.  
At subito excitati somno per mœnia Turcæ  
Vt videre viros, fulgentiaque arma per vmbras  
Hostilesque acies mediam volitare per urbem:  
Continuo exortus ferit aurea sidera clamor  
Increpitantem vltro socios, & arma vocantum:  
Arma viri, fert' arma, vocat nox vltima victos,  
Hostis agit victor per apertas agmina portas:  
Nec plura. Agglomerare manum & concurrere turmis  
Aduersis ardenti animi: furor iraque mentem  
Præcipitant, pulchrumque mori succurrit in armis.  
Ergo oritur clamorque, virum, clangorque tubarum,  
Et pugnæ rabies parte exardescit vtraque  
Vtraque iam ad portas acies contendit, & omnes  
Effundunt vires: hi quo perhiantia rumpant  
Mœnia & internis potiantur sedibus: illi  
Eripiant aditum, vel vi venientibus obstant.  
Et iam collecti Turcæ glomerantur eodem,  
Et conferre manum, ac procurrere longius audent.  
Cum subito reliquis cinctus superaduenit Heros



Schwar-  
tzenbergi-  
cus, cum Ita-  
lis, Germanis  
& Gal-  
lis, urbem ir-  
ruit.

Exhortatio.

Schwar-  
tzenbergi  
animositas,  
& fortitu-  
do.

Fuga Tur-  
carum.

Bassa, exci-  
tatus, ad pu-  
gnam festi-  
nat.

Bassa, suos &  
fuga reuo-  
cat, & ani-  
mum addit.

Bassa, arma-  
tura & vir-  
tus.

Schwartzenbergiades turmis, quas Gallia diues  
Teutoniæque vrbes mittunt, fortesque Walones.  
Ut magis atque magis glomerare incendia pugnae  
Iam vidit, ac totos efferuere milite muros,  
Ipse suos praesens verbis in bella cohortans  
Acribus exagitat stimulis, hos laudis amore  
Incitat, hos poenis. Nunc, nunc effundite vires,  
O! socii, nunc tempus ait, sibi quaerere laudem,  
Et fortem ostentare animum, quem consecrat ætas  
Postera, perpetuis factorum haud immemor annis,  
Vestra venturi mirentur ut acta nepotes.  
Hæc ubi: se medios fidens coniecit in hostes  
Exemplum reliquis præbens, præstantibus ausis,  
Impellens vrgetque obnixius agmina cædens,  
Nunc celer hac se parte rotat, nunc flectit ab illa  
Feruidus in gyrum: quem circum mille secuti  
Et pedites equitesque simul comitantur & vna,  
Qua ferro via facta patet, denso agmine rumpunt,  
Ingeminantque ictus, ipsoque in limine portæ,  
Perque vias passim, mediisque in mœnibus vrbis  
Obuia Turcarum dant plurima corpora morti,  
Defendentum aditum armis, inque arma ruentum,  
Cedit Turca phalanx, retroque impulsæ relabi  
Cogitur: & quamuis tentat, non sustinet hostem:  
Christiadumque nouis semper cadit obruta telis.  
Iamque forum medium, iam propugnacula victor  
Christigenum tutis exercitus occupat armis:  
Cum Bassa interea sonitu, & clamore suorum  
Excitus tristem ad pugnam volat ocyor Euro,  
Qua mage crudescit sæuo certamine Mauors,  
Christigenæque magis discit violentia turmæ,  
Hac sibi sumit iter, rapidumque per agmina cursum  
Arripit, ac se se medio in discrimine sistens  
Aggrediturque suos dictis, atque increpat vltro  
Quo properatis, ait, quoue hæc fuga? quis timor vrget,  
Degeneres animæ? Mahumetem cedere Christo,  
Aut fractum inuisæ dabitur succumbere genti  
Me duce? state viri, capite arma, incumbite in hostem  
Nam quis in hoste vigor virtusue? audacia fortem  
Efficit: hanc armis hanc stricto frangite ferro  
Si quis in ore pudor, virtusue in corde resedit:  
Si qua pios magni Mahumetæ gloria tangit.  
Dixit, & ante volans denso se immiscuit hosti  
Signa ferens, geminoque armatus acinace palmas  
Fulmineam torquens aciem, cædensque fugansque  
Limitem agit, quamcumque tulit fors obuia turmam.  
Ac veluti messor flauentes inter aristas  
Christigenum vndantem, suaque infera fata ruentum

Pro.



Basse præ-  
sentia, Tur-  
cas confir-  
mat.

Serages u-  
triusque mi-  
litis.

Schwar-  
tzenbergi-  
cu, Christia-  
nis laboran-  
tibus succur-  
rit.

Anceps pu-  
gna.

Simile.

Proxima quæque metit: rarefcunt milite muri,  
Iam victi vincunt, incertaque ludit ouantes  
Nunc hos, nunc illos, vano victoria plausu.  
Iam trepidare fuga nostri, iam vertere terga  
Incipiunt, & Threiciis noua pectora turmis  
Surgunt, adque sui conspectum principis ardent.  
Tunc noua fit cædes repetito Marte, resurgit  
Telorum nubes, & ferreus ingruit imber,  
Armorumque ingens fragor, atque hinnitus equorum  
Fræna recusantum, & validis seges horruit hastis,  
Corpora per varios sternuntur inertia casus.  
Ense cadit curuo hic, plumbum iacit ille cauato  
Extrusum ferro, & miserum transuerberat hostem.  
Hic animam moriens vomit ore ille ictus acuta  
Cuspide dat gemitus: vlciscitur alter amicum:  
Quadrupedans equitem hic super, vt super arma volutus  
Turbidus: & dominum pedibus proculcat & hostem.  
Exoritur miseranda equitum mors, hastaque feruet  
Vulneribus, cordisque alte bibit acta cruorem.  
Nec quid agant nostri, ne qua se Turca receptet  
Scire licet, totumque atro stat puluere cælum.  
Et mors tecta caput nigris circumuolat alis.  
Nec vires quisquam pugnando animumque remittit;  
Sed magis atque magis mentem exagitante furore,  
Sæuit amor cædis, crudique insignia belli.

At iam Schwartzbergiades qua parte labare  
Inclinata suæ spectabat robora gentis,  
Ne penitus collapsa ruant, penitusque fatiscant:  
Selectam ex omni numero instructamque phalangem  
Mittit in auxilium, ac fessis succurrere rebus  
Imperat: illa viam accelerans micat ignea plantis,  
Concussisque ferox ymbonibus intonat, & qua  
Thrax ferus Vngaricas iam turmas victor agebat  
Constitit, annoso velut ardua robore quercus,  
Illuditque minas inimicaque tela repellit.  
Bis Turci nostros egere ad mœnia versos,  
Bis reiecti armis respectant terga tegentes.  
At noua iam postquam congressi in prælia, totas  
Implicuere inter se acies, legitque virum vir:  
Quisque nouas vires, animum sibi quisque resumit  
Christiadum nouaque arma parat, tum Martius ardor  
Mentibus incaluit rursus, vincuntque caduntque  
Victores victique simul miserandaque belli  
Exoritur facies, & imago simillima morti  
Tum vero & gemitus morientum, & sanguine in alto  
Armaque corporaque & permisti cæde virorum  
Semianimes voluuntur equi, pugna aspera surgit.  
Prælia seu tollunt animis & viribus æquis



Mars dubi-  
us.

Bellona, de-  
sperationem  
Turcis incu-  
tit.

Bassa occubi-  
tus.

Christiani  
potiuntur  
victoria &  
urbe.

Turci in fu-  
gam vertun-  
tur.

Turci, ex de-  
speratione  
pulveris tor-  
mentarii vi,  
seipsos ne-  
cantes.

Discordes venti per inanes ætheris oras,  
Non ipsi inter se, non nubila, non mare cedit.  
Anceps pugna diu: stant obnixa omnia contra.  
Christigenum haud acies aliter, Turcique cruenti  
Concurrunt, hæret pede pes, densusque viro vir,  
Iam grauis æquabat luctus, & mutua Mauors  
Funera, cædebant pariter, pariterque ruebant.  
Victores victique: neque his fuga nota nec illis,  
Cum subito insano Bellona incincta furore,  
Sanguineasque manus diris armata flagellis,  
Ingruit, & toto visa est discurrere castro,  
Rixarum morbos agitans & nubila mortis:  
Quam metus & pallor, gemitusque horrorque secuti  
Turcarum inuadunt aciem non omine fausto,  
Incutiuntque acuuntque metum (sic facta iubebant)  
Illis membra nouus soluit formidine torpor,  
Arrectæque horrore comæ, & vox faucibus hæsit.  
Christigenæ sed contra instant ac tela coruscant,  
Indecoresque animas & inertia corpora perdunt.  
Iamque ferus toto dum sæuit in agmine Bassa  
Perturbans sternensque viros, bis glande petitus  
Sulphurea, roseum præceps vomit ore cruorem  
Procumbens, illi soluuntur frigore membra,  
Vitaque cum gemitu fugit indignaque sub orcum,  
Sicque diu ancipiti postquam victoria penna  
Lusit, amica modo his, modo stans a partibus illis,  
Turcarumque satis fouit, iuuatque caducas  
Subdola spes animi: consedit vertice tandem  
Schwartzenbergiada & fausto dedit omine plausum.  
Tum Thraces turbati animis, versique sine villo  
Ordine, corripuere fugam: pars agmine facto  
Munitam rapido cursu contendit ad arcem,  
Et renouare parat bellum pugnamque cruentam:  
Pars alia obruitur fugiens fluitatque tumultu  
Incerto: ast alios, Martis, quibus ira pepercit  
Insani, crepitans duro terit vngula pressum  
Quaprupedantis equi: madet atro sanguine tellus,  
Et conspersa tremunt roranti membra cerebro.  
Vasta erat: & noto Turcis spelunca recessu  
Urbe sub extrema, qua propugnacula vallum  
Gramineo aggestæ coniungunt aggere terræ.  
Fugerat huc ingens victorum turba Getarum  
Exanimi perculsa metu & turbata suorum  
Cladibus: at supra nostri longo agmine vallum  
Seruabant vigiles, atque ordine signa tenebant.  
Pulveris hic cumulum secreta in parte latebat  
Sulphureo admixti nitro, quem perfida turba  
Corripit, incerto dum mens fera fluctuat æstu,

Heu!



Propugnaculum, & pars  
valli, dirum-  
pitur.

Turci fuga  
elapsi, demum  
repugnant,  
& arcem oc-  
cupant.

Arcis oppug-  
natio.

Deditio ar-  
is.

Christiani  
plena victo-  
ria potius-  
rur.

Gratulario  
ad Illustr.  
Schvvar-  
tzenbergi-  
um.

Heu ! quid agat ? tentetne nouis conatibus hostem  
Pellere ? Victori an se se vitamque ruenti  
Dedat, & irato sibi quid promittat ab hoste ?  
Sed præstat data fata sequi : moritura resurgens  
In flammæ & in arma ruit, positoque timore,  
Sic moriamur, ait, sic non moriemur inulti,  
Et simul accensos in puluere condidit ignes.  
Ignea vis subito, ceu fulminet ærea centum  
Machina verberibus, vacuumque prorumpit in auram,  
Saxa hominesque cito sub nubila celsa rotatu  
Eiicit eructans : Cadere æthere sidera credas,  
Miscerique polum terris, cælumque Barathro  
Vertier, & fracti ruere vndique mœnia mundi.  
Stat confusa acies, trepidantque in imagine mortis  
Victores : totusque extinctis ignibus æther  
Pallet, & obscuris nox circumfusa tenebris,  
Horrendam cæca inducit caligine nubem.

Interea parte ex alia discesserat hostis,  
Iamque locum adglomerata cohors arcemque tenebat :  
Vnde immane fremens nostra in noua bella vocabat  
Agmina, telorum volitat genus omne per auras.  
At Schwartzbergiades haud segnis ahenea in hostem  
Instrumenta iubet produci imitantia fulmen :  
Nec mora, nec requies, iteratis ictibus instat  
Excelsas turres & propugnacula firma  
Diruere : illa graui nutant labefacta ruina.  
Fit via vi tandem : muri dant ecce fenestram  
Verberibus crebris, alieno fulmine pulsi.  
At Turcæ ante oculos vt fata nouissima cernunt.  
Deditione necem redimunt, armisque repente  
Abiectis, humiles victori (quando necesse est)  
Prædunt victi palmas, veniamque precantur  
Poplitibus flexi, atque hostem reuerenter adorant.

Ergo volans pleno victoria libera plausu  
Christiadas nitidis tandem complectitur alis.  
Iam spolia & totam Mahometica Gaza per urbem  
Diripitur ; diues iam pictæ vestis & auri  
Arca patet : miles spoliis abit auctus opimis.  
Mox omnes pariter Ductores atque manipuli  
Compositi in numerum faciem explicuere triumphi :  
Schwartzenbergiaden concordio voce canentes,  
Excepere hilari vultu, plausumque dedere,  
Et vox ad sensum geminata remugit Echo.

Fortunate Heros ! nunquam tua fama fatiscet  
Nunquam honor arefcet, laurus ceu Delia nunquam  
Frondibus absistet proprium seruare vigorem.  
Cedant Druse ! tui, cedant Traiane ! labores,  
Cedant Scipiadae veteres ! Victoria nulla

Decadis II. Monumentum II.

M m

Cla-



Clarius aut hominum votis optatior vnquam  
 Contigit : Antiochi stragem Romana iuuentus,  
 Hannibalisque feri, cædem, captique Iugurthæ.  
 Vincula non olim maiori excepit ouatu.  
 Plausibus o quales iactari ad sidera voces!  
 O quales resonare tubas ! o quanta per vrbes  
 Audiet Austriacas veniens noua gaudia fama !  
 Scribite in annali tantarum insignia rerum  
 Argumenta, Ducisque cati celeberrima facta,  
 Successusque bonos, culti, mea cura, Poëtæ.  
 Fac numeris celebrare viros, quorum inclita virtus  
 Ante oculos minime obscuris innotuit armis.  
 Et tu quæ leuibus præcurris littora pennis  
 Fama mali, rectique tenax, & nuncia rerum  
 Immensæque volans loca perlegis auia terræ :  
 Hunc tu alto præstantem animo, & florentibus ausis  
 Egregium Heroem, meritisque ingentibus auctum,  
 Defer ad extremas, alis plaudentibus, oras  
 Qua Liger & Thamesis, qua currit in æquora Tybris,  
 Vt modo quem Rhenus, quem suspicit algidus Ister ;  
 Cum Rhodano, Tagus, & Nilus veneretur, & Indus.

Ad eos, qui  
 fortiter pu-  
 gnando occu-  
 buerunt.

Vos quoque felices animæ nimiumque beatæ,  
 Queis pro religione pia, pro nomine CHRISTI  
 Pro patria petere egregiam per vulnera mortem  
 Dulce fuit : vos haud moriens super æthera fama  
 Laude feret merita & iusto decorabit honore,  
 Dum domus Austriadum sanctis moderabitur orbem  
 Legibus, imperiumque pater Romanus habebit.  
 Vobis parta quies, vobis pia præmia restant,  
 Felices animæ ! si quid mea carmina possunt ;  
 Nulla dies vnquam memori vos eximet æuo.

Gratulario  
 ad inuictissi-  
 mum Cæsa-  
 rem Rudol-  
 phum II.  
 Imp.

At Tibi iam partum, diuine RVDOLPHE, triumphum  
 Perpetuum esse velit sublimis rector Olympi :  
 Cui grato ore litas, grato cui munere laudum  
 Fert accepta bonæ victricia præmia caussæ.  
 Ecquid enim potius precer, inuictissime Cæsar ?  
 Qui veteres Atauos claris virtutibus æquas,  
 Successu rerum superas, facta alta premendo.  
 Ah ! tibi ne posthac deuicta Othomannica turba  
 Impune audaci se se ferat obuia bello,  
 Supplicia infestis quin debita sentiat astris.  
 Sed Tu perge piis patriam tutarier armis :  
 Per Te seruitii quondam squalore remoto,  
 Pristina Germanis consurgat finibus ætas :  
 Per Te fracta diu translataque pene potestas  
 Hungaricæ collum Mahumeti subtrahat ensi.  
 Cæde acies sæuas, scelerataque contere ferro  
 Pectora : & ætherei quo iussa ingentia regis

Inui.



Precatio ad  
Deum ma-  
xim. optim.

Inuiolanda vocant, gentem conuerte rebellem.  
Iam fortuna fauet: iam territus auffugit hostis:  
Eque Tua felix plaudit victoria parte.  
Sic olim illa dies aderit, qua Tygris & Indus,  
Te thalamum auroræ solisque cubilia contra  
Tendentem, & fractis referentem e cornibus aurum,  
Aspicient propius, cum tu victricibus armis  
Austriacum imperium, Nili profectus ad ad ortum  
Vltra anni cursum extends, vltraque Rhiphanten  
Algentem, & victo dominabitur orbe RVDOLPHVS.  
At Tu, Sancte PARENS! belli pacisque sequester  
Regnorumque dator, regnorum euerfor & vltor,  
Munera cui se homines tanta hæc debere fatentur:  
Tu sæuos sic vsque velis punire Tyrannos,  
Et gentem seruare Tuam: quique vnus in omni  
Præsidium orbe, tuo miseris stat numine *Cæsar*,  
Magnanimum huic robur, firmas huic suffice vires:  
Fortis, vt Ismarios armis victricibus hostes  
Frangat, & imperio faciat parere volentes.  
Vt quassata diu, bello atque hostilibus armis,  
Iam pacem, & tutos tandem gens Pannonia nidos  
Seruet, & eiectis secunda sit Austria Turcis.  
Exere Tu placidos in tristia tempora vultus,  
Et Sathanæ technas inter bellacis & æue  
Tutare abiectam vada per stagnantia cimbam,  
Cyaneasque vndas: & furuis orta tenebris,  
Disiice saluifici pretioso lumine verbi  
Nubila, quæ intentant casus & flebile fatum.  
Namque potes! parumque Tibi est succurrere votis  
Orantum, atque humile *Patrem* te voce vocantum.  
Vtque *Tuas* laudes, dum cælo & dulcibus auris  
Vescitur hæc anima, euectet, clarosque triumphos  
Suspiciat, Tecumque polo subuecta perennet.







O R A T I O,  
 DE IAVRINO RECUPERATO,  
*Ill. & Generosi*  
 D. ANDREAE VNGNADI,  
*L. Baronis in Sonneg. &c.*  
 Primas ducente lineas,  
 MELCHIORE  
 IUVNIO.

*Poëzices com-  
 mendario.*

*Simile.*

**Q**Uæ Illustrem ac Generosum DOMINUM BARONEM a *Waldstein*,  
 amicum & commilitonem meum, causæ impulerunt : ut  
 de IAVRINO occupato, & gratulationem, & actionem gra-  
 tiarum, longe pulcherrimam, eruditissimamque, apud Vos, *Ill. Prin-*  
*cipes, Domini Clementissimi, Illustres ac Generosi Domini Comites &*  
*Barones, Magnifici, Reuerendi, Clarissimi, Doctissimi, Humanissimi*  
*Auditores!* institueret : eæ me quoque mouerunt, ut idem, hoc ip-  
 so in loco, facere, licet impari ratione, conarer. Ecce enim Poë-  
 tices est ignota maiestas, amplitudo, dignitas? quodnam in recitato  
 modo carmine, inuentionis acumen? quæ sententiarum grauitas?  
 Cuiusmodi compositionis harmonia? qui verborum splendor &  
 ornatus? quæ locutionis suauitas ac concinnitas, deprehensa? quam  
 hæc omnia egregie plena venustatis, plena animi, plena spiritus,  
 plena dignitatis, adiuta conformataque fuerunt? Ecque vero tanta  
 potest ingenii vbertas existere, aut dicendi reperiri vis accopia, quæ  
 vel defatigatis iam aliqua ex parte, auditoribus satisfaciat : vel digne  
 augere, atque ornare oratione victoriam illam queat, quæ nuper a  
 nostris *Iaurini* parta est? Equidem, idem hic mihi accidere video,  
 quod iis euenire solet, qui cum anni hoc tempore, in hortos ele-  
 ganter descriptos, structosque, veniunt : flosculos alios croco ruti-  
 lantes : alios, niueo blandientes colore : alios vermiculato ac vario  
 adspectu arridentes vident : quo sese potissimum vertant, quidque  
 in vbertate summa, decerpant, non inueniunt. Ideoque veniam,  
 uti spero, & qua par est peto, obseruantia, mihi dabit, Audito-  
 res! si de re magna, ampla, omnium litteris monumentisque con-  
 decoranda atque ornanda, tenuiter dixerò : non in medium adtule-  
 ro omnia, quæ afferri posse videntur : sicque persuasum habebitis  
 longe meliorem eorum conditionem esse, qui sterili aliquo ac iei-  
 uno, quam qui in argumento tractando occupati sunt, vbere ac  
 copioso. Simul & illud cogitabitis : ante in carmine allata, repe-  
 tere, non nisi eius esse, qui vestra, in audiendo patientia, abuti, fa-  
 stidium non tollere, sed excitare velit.

Est



Est res, *Auditores!* præclara, victoria: nil maiori esse voluptati mortalibus potest, quam hostem armis superare. Græcos, adversus Persas excitaturus, Xenophon, qui res suas, inquit, videre cupit, virum se se strenuum prabeat: qui videndi cupiditate tenetur, vincere contendat: quod victori, hostium cades; victo, mors proposita: qui opum ac diuitiarum adpetens, in victoria studium incumbat: quandoquidem, si vicerit, & sua tueri, & quæ in hostium sunt potestate, sibi vindicare, facile potest. Neque malum, illud dictum a Poëta, videtur:

Τὶ τὸ σφόν, ἢ τὶ τὸ κάλλιον  
 ὡς δὲ θεῶν γέρας εὐβροταῖς.  
 ἢ χεῖρ' ὑπὲρ κορυφᾶς  
 ἢ ἐχθρῶν κρείσσον κατέχειν.

Quid sapientius, aut quod pulchrius a DEO munus hominibus datum? quam victtricem, hostium supra verticem manum, habere. Et, in consuetudine moreque fuisse illud Græcis positum legimus: ut, si de victoria ab hostibus reportata, nuncii commodi optatique venissent, coronati omnes, atque ouantes incederent. Cum ad Metaurum, Hasdrubal victus esset, re, Romam adlata, totus Reipublicæ status est mutatus: emendo, vendendo, mutuum dando, soluendo creditum: ita inter se agere ciues cœperunt, ac si invado, quod aiunt, res constituta, parta quies, omnisque in limine portus esset. Carthagine euerfa, summa urbem lætitia extulit: mutux gratulationes factæ, communia ciuium instaurata conuiuia fuerunt: quod Romanum in nomen odia exercenda, velut nata vrbs, deleta funditus esset. Secunda fausta que ob prælia, Iulii Caesaris in Gallia, XV. dierum Romæ decretæ supplicationes fuerunt: quinquaginta ibidem Augustus obtinuit. Holopherno cæso, holocausta sunt, & vota a Iudæis, Domino oblata. Ad aras atque templa festinasse alios accepimus: quoties deuicti hostes, loca occupata, aut recuperata, munita essent. Quin & eo peruentum esse, vetustatis monumenta testantur: ut in minoribus quoque, gaudio, e victoria exorto, mortui quidam fuerint. Loquitur Chilo Lacedæmonius, septem sapientum vnus, qui ob filium in Olimpia victorem, subito hanc cum morte vitam commutauit. Loquitur Sophocles Tragicus Poëta, qui annos nonaginta natus, in Tragœdia quadam victor, repente, amicorum inter gratulationes, ex hominibus abiit. Loquitur Dyonisius Tyrannus, qui cum regno exutus, ludum Corinthi apperuiisset, deque Tragœdiæ cuiusdam nuntium victoria accepisset, præ lætitia repente exspirauit.

Quid ergo de laurino, recepto a Nostreis, dicemus? Ecquæ vox tam fortis, tam secunda oratio, tam fœcundum ingenium, inuenietur: quod publicum inde ortum gaudium, addo etiam felicitatem digne exprimere queat? Vere ineunte, quanta, obsecro, cura, quanta sollicitudo esse solet: ne lactescentes & molles germinum oculi, aut gelicidiis premantur, aut lædantur carbunculis; vrede ne arbores; sideratione plantæ; pruinis ac rubigine segetes, infestentur: At, cum hac conferre comparareque illam, qui vellet, quæ Anni Millesimi quingentesimi, nonagesimi quarti, mense Iulio, Decadis II. Monumentum II.

N A

magna

*Victoria claritas.*

*Xenophontis sententia.*

*Græcorum mos in victoriis.*

*Reipubl. Roman. status ob victoriam mutatus.*

*Lætitiam ob Carthagine euerfam.*

*Cesaris victoria.*

*Iudith. 16.*

*Exempla, quæ ob gaudia e victoria exspirarunt.*

*Horulano- rum sollicitudo tempore veris.*

*Laurini expugnatio A. 594.*



magna vi oppugnato & quassato *Iaurino*, exorta est, næ! idem noctuis aquilas, testudines Pegasis, similes facere conaretur. Post vero eodem, Septembri mense tradito, DEum immortalem! quanta hinc tristitia, qui sudor ac squalor, quam gelidus, atque horridus vbique exortus tremor fuit? Cum apud Poëtam, claudit sua tecta Pyreneus:

*Vimque parat, hanc, Musæ sumptis effugiunt alis.*

Num. 13.

Terror, ob  
deditionem  
Iauri ni.  
Rumor peri-  
culi bellici  
negotiatione  
rum & agri-  
cultura pes-  
fundat.

Exempla  
merore ex-  
tinctorum.

Terentii  
mors.

Cratini Co-  
mici interi-  
tus.

Imperato-  
res, ægritu-  
dine conse-  
cti.

Corcyrensi-  
um prapo-  
stera pru-  
dentia.

Platonis opi-  
nio, de pro-  
pugnaculis  
extruendis.

Vltius progredi populus *Israëliticus* recusat, quando ab exploratoribus Chananæ terræ audit: Enaci ibi stirpem: Hethæos, Iebusæos, Amorhæos habitare. Quid in Austria, in Vngaria, in locis vicinis aliis? nonne *Iaurini* deditione audita, retrocedere non pauci, rerum suarum sedes alibi quærere, multi constituerunt? Quod fieri eiusmodi temporibus solet: conquiescere negotiationes: agrorum & vinearum remissiores esse cœperunt culturæ: fundorum, ædium, aliarum rerum sunt viles atque iniquæ æstimationes factæ. Neque id quidem iniuria. Quis enim, vel pedem in suo collocare, vel etiam quid suum, aut alienum sit, exploratum habere potest: vbi extra telorum, quod dicitur, iactum illud non est, saluginosa, vereque mala vicinia reformidanda? Quid prodest prædia opima, ædes magnificas, hortos amœnos, plenas villas, arces prælustres, amplas opes, atque diuitias possidere: si dubium incertumque sit, quam eas ipsas sis diu retenturus? Longe profecto facilius, bonorum vacuitas & egestas, quam amissio ac iactura, fertur: satius ducitur, nihil possidere, quam, quod est semel possessum, perdere. Testatur hoc Pub. Terentius, qui, cum centum tantum & octo fabulas, e Menandro conuersas, in mari amisisset, merore extinctus est. Testatur Cratinus Atheniensis Comicus, qui nulla alia periisse de causa dicitur; quam, quod pleno vase vinum effundi vidisset. Testantur, Constantinus, Iustinus Minor, Henricus IV. Imp. plurrimi alii Imperatores, Reges, Principes, qui, quia suis exuti, animi dolore ægritudineque confecti, e vita excefferunt.

Verum, quid? dicat quis, *Iaurinum*, tantopere occupatum iuuat, vt cedro, quod aiunt, dignum videatur? sunt vtique, qui procul a se se mala remota, susque deque ferunt: vtramuvis in aurem, ac porrectis pedibus, manibusque consertis, dormiunt: etiam si de clade a Turcis, Nostris illata, tristes acerbique nuncii adferantur. Corcyrenses, apud Thucydidem imitati, singularis esse prudentiæ opinantur, alienis periculis non implicari; tam sedere ac quiescere diu, donec proximus ardere Vcalegon cœpit. Sed, & non pauci reperiuntur, qui, siue arte, siue natura loca munita, nihili faciunt. Neque adeo nuper illa opinio, leuibus ac dubiis auctoribus exorta est: verum iisdem veteribus, luculentis, locupletibusque auctoribus nititur. Plato, qui Philosophorum semper est princeps a doctis habitus, cum in suis de *Legibus*, libris, in ædificiorum, tum priuatorum, tum publicorum, occupatus ratione est, Poëtæ illud laudat, quo ænea ac ferrea magis, quam terrea condere mœnia, iubemur: murorum illam circumductionem, incolarum



rum, & valetudini obesse, & nocere animis scribit. quos ita molles, languidos, effeminatos reddat, ut de hoste propulsando, curam cogitationemque nullam suscipiant. De Iudæis istud historici referunt, quod cladem suam ipsi excitarint, inque sese Romanos conuerterint: cum horum peterent amicitiam, fidem minime seruaturi, violarent pacem, virtute impares, inferrent bellum, spe omni, non in viribus & viris, sed mœnibus collocata. Græci salutem ac libertatem, gloriam *Atheniensibus*, immortalem illud peperit, quod *Xerxe*, contra Græcos exercitum ducente, nauibus ni potius, quam muris ciuitatis, se suaque commiserunt. Sunt laudati *Spartani*, non solum, quod murorum oppugnationes declinarunt: utpote, in quibus contigeret, ut vel fortissimus vir, ab abiecto, vel etiam puero ac fœmina, vulneratus caderet: verum etiam urbem suam perituram arbitrati, si mœnibus cincta esset. Quin & persuasum nonnulli habuerunt; fieri nullo modo posse: ut & vrbes bene munitæ, & fortes in his simul ciues reperiantur: cumque murorum præsidia quærunt, strenui videri nequeunt. Quibus omnibus, & hoc accedit, quod experientia testatur, vix vllas, vel arces, vel vrbes, tam hodie opere moleque septas, inueniri, quæ diuturnam obsidionem ferant, non vel fame, vel deditioe, vel proditioe, vel ratione aliqua alia, in hostium tandem potestatem perueniant. Verum, ut hæc non infirmari prorsus possunt: ita neque illud, ut prudens quisquam inficiabitur: singulari muros, & ornamento ciuitatibus, & urbibus præsidio, & hostibus terrori esse. Et quam quæso, aliam ob causam, nisi ignominiam atque maculam perpetuam inurendam, *Ioas*, Israëlitarum Rex, *Amasia* capto, *Hierosolymam* ingressurus, sic muri partem diruit, ut curru victor inueheretur? Quid *Lysandrum*, Athenis captis mouit; ut muros illorum ad tantum demoliretur? ut seruitutis Atheniensium documentum aliquod, & quidem insignis ac luculentum, daret. Cur, urbis huius inclytæ, *Argentina*, ab *ATTILA*, Hunnorum Rege, in potestatem redactæ, mœnia ita deiecta fuerunt: ut cunctis ad hanc aditus libere pateret: *via illa arx*, & *Strasburgum* vulgo adpellaretur? Nonne, ut subiectionis perpetuo monumentum exstaret? Quamobrem, *Polybio* teste, cis Boëtim fluuium, oppidorum mœnia cuncta, vno deiecta die, *M. Catonis* imperio fuerunt? Idem in Africa, *Genfericus*, *Totilas* in Italia, alibi alii, fecerunt; ne locus scilicet vllus munitus, belli hostibus sedes fieret: haberent illi, quo se ac sua, contra vim atque incursiones, tuerentur: licentiæ & furori horum freni iniicerentur. Et, si expediendæ salutis, propulsandarum iniuriarum, munitionum ratio, minus commoda honestaque iudicatur; cur non illud turpe habetur, manibus se se defendere? Quidni, in vomeres & falces, gladii; in capreolos, pugiones; in mergas, bipennes atque hastæ, conuertuntur; comitatus omnis remouetur? Habent spelæa in siluis feræ; bicameratas etiam plures casas, fiber, ex arboribus deiectis, construit. Hinnulos suos, tenellos adhuc, ceruus in stabulis abscondit, quo, periculi euitandi gratia, fugere debent,

Iudæi infideles, mœnibus fidentes.

Græci nauibus muniti.

Spartani, muros negligunt.

Munitæ vrbes, incolis inermibus.

Munitissima expugnantur.

Muri ornamenta urbis.

Athenarum muri deiecti.

Strasburgum, unde dictum.

Mœniorum deiectionum exempla.

Animalium latebræ, & propugnacula.



Leo.

Alcyones.

Hominis  
caussa vrbes  
exstructa.Tria, in pro-  
pugnaculi  
exstructione  
obseruanda.Situs regio-  
nis.Aggeres.  
Iaurini deli-  
neario.Iaurinum,  
quibus præ-  
feratur.Sinanius Bas-  
sa Iaurinum  
oppugnat A.  
1594.

ant, docet : vestigia sua leo iubatus, callide obliterat, quo venato-  
res fallat, ne in cubili catuli deprehendantur : ad victum paran-  
dum, vnam alteramue sui defensionem elephanti barrientes refer-  
uant : speluncas suas conseruant vncantes vrsi : celsis in arboribus  
præsidia petentes pardi quærunt, cum a canibus agitantur : ita  
alcyones in mari sollicitæ atque anxie nidos in scopulos contexunt :  
vt nec fluctibus, nec saxis, nec vlla re alia, lædi dissoluique possint :  
artificiose nidos suos hirundines fritinientes firmant, vt contra ce-  
terarum auicularum tutæ munitæque insidias sint : eosdem etiam  
aliæ, tutis ac securis in locis construunt. Et nimirum homo, ani-  
mal illud prouidum, sagax, plenum rationis & consilii, iis nudaretur :  
quæ vel maxime ad defensionem faciunt : neque illud cogi-  
taretur, hanc cum primis ob causam arces atque ciuitates, pri-  
mum exstructas fuisse ; vt contra hostium incursiones, tutæ for-  
tunæ, salua bona, libera omnisque periculi expertia, reliqua ef-  
fent ?

*Iaurino* vero eo, quo de nunc agimus, ecquem non in *Vn-*  
*garia* modo tota, verum etiam alibi, munitiorem locum reperi-  
mus ? Qui de Architectura scribunt, murorum, turrium, por-  
tarumque rationem, ad hostium impetus repellendos excogita-  
tam, tribus potissimum æstimandam esse statuunt : firmitate, uti-  
litate, venustate. Ipsis in mœnibus hoc videre iubent, vt loci  
primum saluberrimi electio instituatur : euitetur deinde palustris  
vicinitas, tum, nec meridiem, nec occidentem illa spectent. Sed  
& istud requirunt, vt iis in regionibus munitiones firmæ consti-  
tuantur, quæ fructibus, ad alendos homines, & iumenta, copiosæ, op-  
portunæ fluminibus : ad has oppugnandas aditus, aut nulli  
prorsus, aut per admodum difficiles sint : non anguli in iisdem pro-  
currant, qui hostes magis, quam ciues tueantur : nec denique ag-  
geres alti desint, aut fossæ latæ atque amplæ, desiderentur. Quid  
horum omnium, non in *Iaurino* nostro, iam Dei Opt. Max. boni-  
tate ac clementia, virtute ducum, militum fortitudine facta, est re-  
pertum ? Non natura illud tantum, sed & arte industriaque mu-  
nitum singulari : fossis latis instructum, altis circumdatum vallis,  
propugnaculis, Turcicæ oppositis tyrannidi, tutissimis atque fir-  
missimis septum : tribus fluminibus nobile : paratum probe ab  
alliis est : quæ ad tutos, periculique omnis expertes, tum vicinos,  
tum ceteros reddendos, hostium propulsandos aditus : excursi-  
ones impediendas : commeatus intercipiendos, belli vim totam  
auertendam : reliqua, totius imperii salutem concernentia, accom-  
modata, summeque necessaria sunt : ita quidem, vt longo post se  
interuallo *Albam*, tam *Gracam*, quam *Regalem* relinquat ; superet  
*Budam* ; aliis antecellat, quæ inter insigniter munita recenserit ca-  
stra solent. Neque anno, *millesimo quingentesimo nonagesimo quarto*,  
a Sinane Bassa, vt licet maxime oppugnatum ac quassatum, nisi  
certis traditum conditionibus, occupari potuerit. Cum hoc ip-  
so vero, quot quantaque obsecro, simul nobis contigerunt ? *Fer-*  
*ro*, inquit ille, *non auro, viris, non urbium tectis bella geruntur.*

At



*Recuperatum.*

141

At non minus vere istud dictum, rerum vires ac nervos pecunias esse: & hoc primum, qui affirmavit, ad bellum cum primis respexisse videtur: si quidem, non nisi numis vtilia esse arma consueverunt: neque male *Philopæmenem*, *Achaorum* ducem, magnis quidem a copiis, at non oculis, bene instructum, *Flaminius*, manibus & cruribus sane præditum, sed ventre carere, dixit. Est *Laurino* occupato, auri, argenti, gemmarum, stragularum, vestium, pellium, aliarumque rerum pretiosarum, vis atque copia magna, inuenta: ut, quod olim *Alexander Severus*, a *Persis* reportata victoria, in Senatu protulit: etiam de hac nobilissima victoria usurpari possit: *Eloquentia opus non est: milites diuites redeunt.* Maximum in bello momentum, commeatus habent, sine ferro vincitur exercitus, his, qui destituitur. Neque famem satis cum virtute nosse cohabitare, tum aliorum plurimorum, tum *Rheginorum*, *Atheniensium*, *Numantinorum*, exempla, docent: ideoque dicere solitum fuisse *C. Iulium Cæsarem* legimus: idem sibi consilium aduersus hostes, quod plerisque medicis contra morbos, atque corporum vitia esse; fame scilicet potius, quam ferro superandi. Ita *Laurini*, omnis generis commeatibus, cellæ repertæ plenæ fuerunt: ut non de *Vienna* solum, obsidione graui cingenda; verum etiam aliis, Christianorum in perniciem atque interitum instituentis, *Turcicus* cogitasse *Tyrannus* videatur. De puluere vero fulminali, & machinis ac tormentis militaribus, ibidem inuentis atque recuperatis, quid, ut dicam, expectatis Auditores? Solent, sicut scio, hæc quoque non magni quidam hodie facere; qui scilicet in eo multi, imò toti sunt, ut ne singulare quid ac præcipuum habere putentur: etiam ab iis videantur recedere: quæ diuturnus usus comprobauit: sapiens vetustas, & inuenit, & ut vtilia cum primis, atque necessaria, nullo non tempore adhibuit. Trecentis plaustris machinas, ad urbium oppugnationes, *Parthico* in bello fuisse vectas, in *Antonio*, *Plutarchus* refert: *Vespasianum*, tormentis in *Iudæorum* ciuitatibus expugnandis esse vium, *Iosephus* scribit: vndique hæc ipsa, *Alexandrino* in bello, *Cæsarem* conquiesuisse, ex ipsius historia constat: sunt balistæ, catapultæ, onagri, scorpiones, arietes, helepoles, alia, ad periculi præsidia & salutis inuenta necessitatem, iis nota, quibus cum antiquitate negotium est.

*Laurino* recepto, quot partim recuperata, partim noua adquiesita fuerint, vel fama notum est. Ultra ducenta maiora tormenta, inuenta ibi esse militaria, tum litteræ fide dignæ, tum illi testantur, qui *αὐτίκ* exstiterunt: inter alia haud postremo istud loco celebrant. Quamquam si quid hac mihi iudicare in ætate licet, sunt & alia, quæ gratulationis atque lætitiæ materiam his nequaquam inferiorem suppeditant. *Vngarici* regni quæ sit conditio, haud ita pridem, hoc ipso ostensum de loco: illud, opinor, demonstratum fuit omnibus iis idem adfluere. quibus regionis alicuius æstimari felicitas solet. Eadem & *Laurini* ratio

*Decadis II. Monumentum II.*

O O

est;

*Χρηματα  
τῶν πρᾶγ-  
μάτων  
Philopame-  
nes.*

*Manubia &  
præda, ex  
capto Lauri-  
no.*

*Commeatus  
necessitas.  
Fames in  
bello.*

*Commeatus  
Laurinum &  
Turcis com-  
portatus.*

*Anthonii  
Machina.  
Vespasiani  
tormenta  
bellica.  
Cæsaris bel-  
lica instru-  
menta.*

*Laurino re-  
cepto, quos  
bellicæ ma-  
chinas, ut &  
alia inuen-  
ta.*



Iaurinifusus.

Sinanis Bassæ Tyrannis.

M. Attili  
mors miser-  
rima.Captiuorum  
Christianorum  
misera  
conditio.Solidorum  
votum Tur-  
ci imperium  
optantium.  
Exactiones  
Turcicae.Filiorum de-  
prauatio &  
perditio.

Libidines.

Studiorum  
neglectio.Caroli M.  
bellum Saxo-  
nicum.

est ; magna soli hic fertilitas : fructuum atque frugum vbertas eximia : nihil in pastione, nihil iis in rebus, quæ exportantur, desideratur : vicis abundat. Iam quot gemitus, quot suspiria, quot lachrymas, incolarum miserorum auditas conspectasque fuisse putamus *Auditores* ! cum in Sinanis Bassæ, *Iaurinum*, aliquot ante annos, est potestatem redactum ? Neque enim hostis hic venit, ut imperet tantum, longe lateque tyrannidis suæ terminos proferat : sed ut obuios quosque, interficiat ac iugulet ; non pueris innocentibus, non senibus annosis & anhelis, non mulieribus fragilibus, atque miserandis parcit : etiam sæpium palis, infantum corpora suffigere : fœtus e prægnantium matrum excindere vteris consuevit. Eorum vero, in seruitutem qui abiguntur, ecquæ fortuna ? Talis, mi *CHRISTE* ! ut ad hanc descendam, nulli sufficere lachrymæ videantur. Cum *Xantippi*, Lacædemonii ducis arte, captus a Carthaginensibus, *M. Attilius Regulus*, eo affectus pœne genere esset : ut ligneæ arcæ inclusus, clavis introrsum adactis, vigiliis oculos versaret : exquisitum hoc atque atrox est supplicium habitum : & fuit reuera ; verum, non diuturnum existit. In Turciam autem, qui abducuntur, nonne ita viuunt, ut vel centies mori satius his sit ducendum ? Catenis vincti, retortis post tergum manibus, pecudum instar, hinc inde tracti, durissimos ad labores venduntur : flagris cæduntur quotidie : tranquillum liberumque nunquam spiritum ducunt.

Iam illorum, quibus manere patriis in sedibus contigit ; meliorne fors esse solet ? Equidem, esse quosdam noui, qui Turcam sibi dominum exoptant : qui huius sub imperio, æquius atque melius, quam multis, *CHRISTO* nomen qui dederunt, regibus ac principibus, viuere quemque posse clamitant. Sed, non hi Turcicum adhuc experti iugum videntur. Quid enim ? An non exactionibus acerbissimis familias expliari videmus ? de hominibus vita functis, de masculis, de ædium hortorumque portis, aliis, quotannis vectigalia soluere durissima : patrefamilias e viuis abrepto, tantum, quantum placet, hæredibus, relinquere, reliqua sibi referuare ; tibi bene est viuere ? An filios quoslibet, veneris turpem ad vsum abripi, aut cogi, ut vel Christianorum in viscera arma conuertant, vel abnegata fide, in impias Mahometis leges iurent, circumcisi cælum versus directis oculis, dextræque manus indice, Deum vnum, & Mahometem eius Prophetam, profiteantur ; tibi bene est viuere ? An ad libidines, filias, vxores ad stupra, etiam præsentibus parentibus ac maritis, adhiberi, his ipsis silentium imperari ; tibi bene est viuere ? An nobiles atque illustres tolli familias : optimum quemque, ac sapientissimum, ita premi, ut erigere sese nequeat ; tibi bene est viuere ? An sine sedibus pietatis, domiciliis virtutum, artium atque disciplinarum officinis, Academiis ac Scholis, degenerare ; tibi bene est viuere ? Pudet me Tui, *CAROLE MAGNE*, qui annos triginta, cum Saxonibus nullam aliam ob causam, nisi ut abiecta superstitione, Deum verum colerent, bella gessisti. Expugna-  
ta



ta in Vngaria Buda, vt Christiana religio propagaretur, id, a deuictis vnicum postulasti, vt idolis abiectis, CHRISTVM agnoscerent & co-lerent. Miseret me vestri, *Romani*, qui vnus ob *Lucretia* pudici-  
tiam, a *Tarquinio* sexto, expugnatam, non *Tarquini*orum modo  
exsilio, iniuriam hanc vindicasti; sed etiam regium dominatum  
totum sustulisti. Stulti exististis *Demetrii*, *Timoleon*, *Arate*,  
*Thrasibule*, *Dion*; qui etiam summo vitæ cum periculo, tyranno-  
rum iugum excussisti. Non magni, quin potius nullius consilii  
maiorum & parentum, & nostro tempore, vos *Heroes* fuistis:  
*Huniades*, *MATTHIA*, *Scanderbege*, *Schwendi*, *Zerini*, *Battiani*, *Rube-*  
*re*, *MATTHIA*, *Maximiliane*, *Mannsfeldi*, *Nadaſti*, *Bathoree*, *Pálfi*,  
*Auerspergi*, *Teuffenbachi*, ceteri *Duces*: miserorum Vngarorum,  
*Turcicis* ab acinacibus vitam, incendiis ædes, dereptionibus for-  
tunas, libidinibus corpora, Alcorano impio, animas, partim libe-  
raſti, partim adhuc liberare satagitis. Verum, aliter & hi, *Audi-*  
*tores*! senserunt, & vere, qui sunt prudentes ac cordati alii, sentiunt.  
Vniuersæ nostræ vitæ finem principem, & metam, ad quam colli-  
mandum, *DEI* agnitionem & cultum, *Reipublicæ* fundamentum,  
fontem felicitatis omnis, religionem veram esse statuunt: nihil  
ducunt calamitosius, quam ex beato, miserum, diuitem, paupe-  
rem fieri: summam miseriam, summa coniunctam cum turpitudi-  
ne iudicant, seruire, & improbis, impuris, impiis tyrannis;  
ideoque victoriam hanc insignem, a *laurino* reportatam, lau-  
dibus amplissimis maximisque, ornant.

Nam de modo, quo est hæc parta, quid dicam? Sunt vtique  
in hac ipsa singularia atque eiusmodi pleraque omnia, vt nemo  
tanta eloquentia: neque tam diuino atque incredibili genere di-  
cendi esse videatur, qui hæc non modo augere, aut illustrare ora-  
tione, sed consequi possit. Ac licet de his dicere quædam, pro mea  
tenuitate constitueram: tamen actum ne agam, antequam adlata re-  
petendo, *Illustris ac Nobilis huius Auditorii*, in auscultando, pati-  
entia abutar, oratione illa tota, quam domo mecum adtuleram,  
relicta; iis solummodo respondere conabor: qui, quod consi-  
lio, prudentia, arte, solertia singulari, non corporis viribus con-  
stat, haud magnam laudem atque celebrationem, mereri opinan-  
tur: errant interim turpissime. Quæ enim militiæ pars reperitur,  
quæ non stratagematibus, & olim fuerit confecta, & adhuc hodie  
conficiatur. Nonne crebris istud sermonibus *Lysander* viurpare  
est solitus? vbi *Leonina* nihil pellis efficit: vulpina ingrediatur.  
Nonne *Carbo*, de *Carolo Marco*, hoste suo, dicere consuevit, sete,  
quamdiu cum leone ac vulpe, quæ simul nidum eius in pectore fe-  
cerant, negotium habuerit, semper vulpem magis, quam leonem  
reformidasse. Et multis magnisque in victorijs *Hannibalis*, nulla  
est vnquam inuenta, in qua non corporis robur, ingenii arma iuue-  
rint. Sed ad recentia, eaue accedamus, quæ nostris esse tempo-  
ribus facta nouimus. Quomodo anno millesimo quingentesimo no-  
nagesimo, a *Comite Nassouio Mauritio*, est *Breda* capta? stratagemate

Buda expu-  
gnata.

Reges Roma  
eiekti.

Tyranni ex-  
puls.

Heroes in  
Vngaria di-  
micantes.

Vita Chri-  
stiana finis  
& scopus.

Stratagema-  
tum vsus in  
bellis.

Lysandri  
vulpina pel-  
lis.

Vulpes for-  
midabilior  
leone.

Mauritii Co-  
mitis Nassou-  
ui stratage-  
ma.



Zutphanien-  
se propugna-  
culum cap-  
rum.

Ambianum  
stratagemate  
occupatum.

Simile.

Laurinentis  
victoria dif-  
ficultas.

Turcarum  
animositas.

Victoria hu-  
ius laus sem-  
piterna.

Rudolphus  
II. Imp.

Archi-Duces  
Austriae.

Adolphi  
Schwartzzen-  
bergii pru-  
dentia mili-  
taris.

Fortitudo  
animi.

scilicet, & militibus sub cespitibus latitantibus, quibus pro regio-  
nis illius more, ignes nutriri solent. Qua ratione *Zutphanien-  
se* propugnaculum munitissimum, *millesimo, quingentesimo nonagesi-  
mo primo* occupatum? stratagemate nimirum, & simulatis rusticis  
butyrum, caseos, ova, quasi venalia Zutphanium deferentibus,  
aut alii ut volunt, falces, velut fœnum secturi, gerentibus. *Ambi-  
anum*, Picardiae vrbs longe nobilissima, ut Hispanorum in potesta-  
tem, anno *millesimo, quingentesimo nonagesimo septimo venit*? stra-  
tagemate profecto, ac nucibus in porta sparsis: quas dum praesidia-  
rii ac stationarii collegerunt, & se, & urbem perdiderunt. Hostem  
vero, quem interimere mos ac fas est, quonam modo ex hominibus  
abire cogamus, quid refert? An feras, qui captat, venator, vitupe-  
ratur, si non vi manuque omnes, sed laqueis, ac retibus occultis,  
quasdam ceperit: tendiculis, indaginibus, fossis, palis, vncis fer-  
reis, aliis fuerit usus? An non prima hæc ducum atque Imperato-  
rum belli sapientia censetur, sine periculo hostes vincere: hoc ipso  
summa illis & laus & benevolentia paratur? Quanquam in hac,  
qua de nunc agitur, victoria *Laurinenti*, simul stratagemata, ac vi-  
res, Artem atque Martem valuisse, constet; neque illud: *veni, vidi,  
vici*, sine cruore, & sanguine, vsurpari, aut lectissimi quique Tur-  
carum, vna cum *Bassa*, viro fortissimo, superari potuerint: verum  
ultra tres horas dimicare, & Marte dimicare dubio, necesse fuerit:  
ita quidem; ut plurimi Christi adum vulnerati: non pauci interfe-  
cti: nonnulli ex hostibus reperti sint, qui superati iam, ac humi  
supini iacentes, eorum a quibus deiecti, ceruices & inguina, vel  
pedes saltem peterent ac prosternerent. Illud de his *Homericum*  
vsurpari posse videretur: & *ὁ δὲ οὐ γὰρ ἀνεμῶν γ' ἰμάχοντο*: neque  
hi sine sanguine pugnam miscebant.

Quamobrem, dum solita se se cælum conuersione torquebit:  
sol ille temporum dux ac moderator, luce sua complebit terram:  
in freta dum fluvii current: dum montibus umbræ instabunt:  
felicissimus, inuictissimus prædicabitur Diuus RUDOLPHUS II. Cæ-  
sar: cuius sub imperio victoria hæc, longe augustissima nobilissi-  
maque, reportata est. Semper honos, nomen laudesque mane-  
bunt, Serenissimorum Austriae Ducum, *Maximiliani & Matthiae*,  
quorum sub auspiciis, hæc ipsa parta. Nouis atque inusitatis præ-  
miis & honoribus, *Illustris D. ADOLPHUS, Baro SCHWARTZENBERGI-*  
cus, ob noua inusitataque dignus promerita erit: neque vlla tam  
ingrata vnquam posteritas reperietur, quæ huius de instituto fa-  
cinoreque præclaro, conticescet. Nunquam *Laurinum*, Illustris hic  
Baro ingressus fuerat: ita tamen diligenter acuteque omnia indaga-  
uit: disposuit prudenter, ut aræ, plateæ, valla in hoc iam occu-  
pato, ante nostro a milite occuparentur: quam arma hostes in-  
duerent: qua tandemcunque post se verterent, paratos qui resiste-  
rent, tam equites, quam pedites, nostros inuenirent. Neque ad  
pugnam alios probe instruxit: ipse sibi post principia cauit: ve-  
rum, primus pugnavit strenue: illud de se vere vsurpare vetus po-  
tuit:



# *Recuperatum.*

tuit : non dicta mea modo milites : sed & facta sequi debetis : nec disciplinam modo, sed exemplum etiam a me petere. Cui & præpotentis illius, ac virtute præcingentis DEI, præsto fuisse auxilium, cum alia aperte tentantur, tum luna ostendit, nubecula, ad insidias occultandas obducta, post cælo sereno, ad arma capeffenda fulgens. Summis deinde laudibus nomen, *Illustris D. NICOLAI PAÏ FII*, tolletur, qui, alter velut Theseus, ad *Illustrem D. Schwartzenbergium*, copias instruitas cum primis atque exercitatas, adduxit : has, ad strenue fortiterque pugnandum animavit : id perugili & fraterna cura ac sollicitudine cauit : ne, quod noctu *Iaurinum* nostris occupantibus, periculum a Turcis immineret. Nunquam digne deprædicari laudes clarissimorum nobilissimorumque virorum, *Vaubecourtii*, *Oberbruckii*, *Lopæi*, *Petri Oerssi*, *Siratzoldi*, poterunt : quorum virtute, non modo *PETARDO*, *Iaurini* orclusæ portæ, disiectæ ; verum etiam cum immanissimis atque ferocissimis hostibus pugnatum acerrime, fortissime, felicissimeque fuit. Neque militum illorum *Germanorum*, *Vugarorum*, *Wallonum*, *Lotharingiorum*, nostris ex animis, vlllo vnquam tempore, memoria effluet. qui animi sui magnitudine, Turcarum furorem, audaciam, virtute, superaerunt : Christianorum a vita, ferrum, tectis flammam, fortunis rapinas, corporibus libidines, repulerunt : sarissis, sclopetis, spiculis, mucronibus suis effecerunt ; vt peradmodum pauci hostium, deditione vitam redimerent : perirent vltra mille trecentos. Illi vero beati in primis, ac felices iudicandi, qui naturæ debitam mortem, pro religione, pro libertate, pro patria, maxime reddiderunt : suoque exemplō confirmarunt, id, quod sapientes statuunt, omnibus mortalibus, atque æque ignavis ac strenuis fatalem mortem esse : solis fortibus, præclaram & gloriosam, contingere.

Et, vt debita his laus atque prædicatio manere perpetuo debet : ita DEO OPT. MAX. gratiæ, quantas animi nostri concipere, linguæ proferre possunt, agendæ maximæ erunt. Is enim exaltatio & vexillum nostrum ; Is potentiam in brachio suo facit : Is populorum tumultum compescit : Is arma & scuta confringit : Is DOMINVS fortis ac potens, DOMINVS potens in prælio : Is, qui *Gedeonem* spiritu induit suo, vt de manu Madian, Israëliticum populum liberaret : excitauit *Samsonem* ; vt Philistæos interficeret : *Davidi* vires atque robur suppeditauit ; vt cornu horum confringeret : *Cyri* dexteram adprehendit ; vt ante faciem eius gentes subiiceret, regum verteret dorsa. Idem, in nobilissima hac *Iaurini* expugnatione, *Illustris Baronis Schwartzenbergii*, & consilia & manum direxit ; animum addidit : *Pálffio*, *Vaubecourtio*, *Oberbruckio*, *Lopæo*, *Stratzoldo*, *Petro Oersio*, aliis viris fortissimis : vt, quæ essent tecte quidem & occulte, sed optime deliberata, fortiter feliciterque perficerent. Sed, & idem coniunctis rogandus votis atque precibus, DEVS PATER, Domini ac Seruatoris nostri IESV CHRISTI erit, vt quandoquidem non minor est virtus, quam quærere, parta tueri :  
*Decadis II. Monumentum II.* P p hæc

145

*Diuini auxilii signa.*

*Nicolaus Païff Dynast. Vugar.*

*Duces militum celeberrimos.*

*Milites fortiter pugnantes.*

*Mors honesta & pia.*

*DEus, omnis militiæ summus Imperator.*

*Iud. 7. & 15.*

*1. Chron. 19.*

*DEI opera in expugnando Iaurino.*


*Votum, pro partis seruandis.*




hæc nobis esse bona diuturna, aliis quoque cumulare dignetur, diutissime, & hos & ceteros conseruet, qui Turcici Tyranni sese furoribus opponunt: victoriis plurimis, *Sacram Casaream Maiestatem, Serenissimos Austriae Archi-Duces: Imperium Romanum totum, donet*: pugnandi ardorem, militibus nostris inspiret: vincendi vim largiatur: faciat, ut sanctissimi huius in belli societatem, plurimi alii Reges atque Principes pii, deueniant, parcat populo, a CHRISTO nomen qui habet: neque in opprobrium hæreditatem suam, immanissimis nostris hostibus tradat, ut a victoriis elatis illud:

*Vbi nunc est Deus. Vester?* magno nostro cum cruciatu; non minori dedecore, audire necesse habeamus. *Dixi.*


F I N I S.













Biblioteka Jagiellońska



stdr0025828



